

# ১৩৩৪ চিকিৎসা প্রকাশ

## ১৩৩৪ সালের বার্ষিক সূচীপত্র ।

[ ১ম সংখ্যা ( বৈশাখ ) হইতে ১২শ সংখ্যা ( চৈত্র ) ]  
( বাঙ্গলা বর্ণানুক্রমিক )

বিষয় ।	পত্রাঙ্ক ।	বিষয় ।	পত্রাঙ্ক
অমলীর্ণ ...	৮, ৬৭, ১২২, ১৩৬, ১৭২, ৩২৬	এজাইনা পেক্টোরিস ...	৫
অণুকোষের একত্রিতা ...	২ ৭	এণ্ডোক্রিনোলজি ...	১২, ৬২, ১১৩, ৩৩৩, ৩৭২, ৪২২, ৪৬৫, ৫২৩
অস্থলে এপোষক হীন ...	৪২২, ৪৬১	এপিডিডাইমাইটিস ...	১৫২
অস্বাবরোধ ...	২৩২	এপেণ্ডিসাইটিস ...	১৩৪
অর্শ ...	৫২	শুভারাইটিস ...	২০৭
অর্শ হইতে রক্তস্রাব ...	২১২	কর্ষিত কৃত ...	৩৩৮
অসাড়ে মৃত্যাপ ...	৫২	কলেরা ( নূতন চিকিৎসা ) ...	৭৩, ১৬২, ২৩৬
অহি ও শৈশিক বেঘনা ...	৪৬৪	কলেরার এসেসিবিয়াল অয়েল ...	৩২
অর্শাচিন ...	৫, ৩৩৮, ৩৭৭	" লাইকর এন্ড্রিনালিন কোরাইড ...	১৪৬
অর্ন্তব্রাহ্মের ব্যতিক্রম ...	৭৮	কলেরা, না ম্যালেরিয়া ? ...	৩০২
আধুনিক কলেরা চিকিৎসা ৭৩, ১৬২, ২৩৬, ২৬০		কলেরার প্রতিবেদক ...	৪৭৩
আত্মিক ক্রিমা ...	৭	কটরজঃ ...	৬০
আহারকালীন অলপান ...	১১২	কাকবক্ষ্য ( হিবর্গা ) ...	৩৩
আইরিরিয়া টিবারাইনে উপসর্গ ...	৩০১	কাকড়া বিহার দুগ্ধন ...	৫১৮
ইন্দুর দংশনজনিত অর ...	১৫৭	" দংশনে কালকাসিকা ...	৪৩২
ইন্দুর বেড়া ...	১৪১, ২৫৮	কার্কডল ( বিনা অয়ে চিকিৎসা ) ...	৩১২
ইরিসিপেলাস ...	৫, ২০২, ৫২২	কালানয়ে উৎকট বিলা ...	৪৩৭
উদরাদর ...	২২	" এন্ড্রিনিন দ্বারা অর্ন্তব্রাহ্ম ...	২৩৩
উপদংশ ২২৭, ৩৪১, ৩৮৬, ৩৯৩, ৪৭৮, ৪৮২, ৫৩৪		" সুইনাইটিস ...	৫৩৫
একত্রিতা ( অণুকোষের ) ...	২০৭	" নূতন নিরীক্ষণ ...	৩৩৮
( শৈশবীর ) ...	১১৮	কালি ( কালকাসিকা ) ...	৩৩৮
এক্স্যান্থেমা ...	৩, ৫২০		
এক্সাণ্ডা ...	৫৩৩, ২৩২, ৩৭৮		

বিষয় ।	পত্রিক ।	বিষয় ।	পত্রিক ।
ক্যান্সার	... ১৫২,২১০	<b>চিকিৎসিত রোগীকর বিষয়করণ -</b>	
ক্রিমি	... ৫, ৭,	কৈচো কৃষি কর্তৃক কলেরা	৫০১
কুষ্ঠরোগে রে-ভ্যাক্সিন	... ৪৬১	কোলাইটিস	... ৩০৮
কৈচোকৃষি কর্তৃক কলেরা	... ৫০১	গলগণ্ড	... ৩৬
কোমা	... ৩৩৭	গ্রন্থিরোগ	... ২২৮
কোরিয়া	... ২৫৮	চর্মরোগ (নভমাসে নোবিলনে)	২২৫
কোলাইটিস	... ৩০৮	চিকিৎসা বিভাগ	... ৪৮৫
কোল্যাপ্স	... ১৫৮, ২৫৬	চিত্তাকর্ষক ম্যালেরিয়া	... ২২১
গণোরিয়্যাল এপিডিডাইটিস	... ১৫২	.. রোগী	... ৫৪৬
গর্ভকালীন ফলভক্ষণ	... ১৫৮	জ্বর	... ৩৪৮, ৫৫৭
.. বমন	... ৫৭, ৭১,	জ্বর ( অজ্ঞাত কারণজনিত )	৫৫২
.. বিষমবৃত্তা	... ৩৩৭	টিউবার্কিউলোসিস	... ২৫
.. শাকসক্তি	... ১৫৮	ডিফথেরিয়া	... ১২০
.. শিরঃস্রাব	... ৪	নাশিকা হইতে রক্তস্রাব	২১২
গ্রন্থিরোগ	... ২২৮	নিউমোনিয়া	... ২৬, ৩২২
গলগণ্ডে সোডি অক্সিডাইড	... ৩৬	নিঃস্রাবন সহ প্লুরিসি	... ৩৫০
গাউট	... ২০২	প্ৰচলনশীল কৃত	... ২৪
গ্যাস্ট্রিক ক্যান্সার	... ১৫২	পাকৃত্য উদরাময়	... ২২
চক্ষুরোগে ফলপ্রসূ ব্যবস্থা	... ১৮৭	পুরাতন রক্তাশায়	... ৫৪৮
চক্ষের ছানি	... ১০৭	বমন	... ৩৭, ৪৪৮
চিকিৎসা বিভাগ	... ৪৮৫	বক্যাব	... ৩২
<b>চিকিৎসিত রোগীকর বিষয়করণ -</b>		বাকরোধ	... ১২৩
অর্শ	... ১৩৬, ২২৬	ব্রাকওয়ারটার ফিভার	... ৪৪২
অজ্ঞানরোধ	... ২৩২	অক্ষিয়া প্ররোগে বমন	... ৩৭
অর্শ হইতে রক্তস্রাব	... ২১২	মাতৃকৈর উপসর্গবৃত্ত জ্বর	... ১৪৭
অর্শচিল	... ৫০০	ম্যালেরিয়া জ্বর	... ৩০২, ৪২৩
ইন্ডুরেঞ্জা	... ১৪১	.. .. চিত্তাকর্ষক	২২১
উদরাময়	... ২২	ম্যালেরিয়া জ্বরে বাকরোধ	১২৩
উপদংশ	... ২২৭, ৪৮৩	মেনিঞ্জাইটিস, না ম্যালেরিয়া	৫৫৪
অকলেরা	... ১৪৬, ৩০২, ৫০১	অক্ষিয়া	... ৪৪৪
কাকবক্যা	... ৩৩	অক্ষিয়া	... ৩৪
কাকড়া বিহার দংশন	... ২১৮, ৪২২	রক্তস্রাব ( নাশিকা হইতে )	২১২
কাল্যাপ্স	... ১৪০, ২৭৩, ৪২৭, ৫৪২	রক্তাশায়	... ২১২, ২১৭, ৪২০, ৫৪৮



বিষয় ।	পত্রিক ।	বিষয় ।	পত্রিক ।
<b>চিকিৎসায় রোগীর বিবরণ —</b>		<b>দেশীয় ভৈষজ্য তত্ত্ব —</b>	
রক্তোৎকাশ ...	২১১	আঙ্গুর ও চূর্ণ—অঁচিলে ...	৫০০
শিরঃশীতা, না ম্যালেরিয়া ?	৪২৩	কাটিকারী ও আমকুল—বসন্তে	৩৫
স্নায়ুতিকা	২২৩	কালকামিকা, কাকড়াবিছার দংশনে	৪২২
স্নায়বীর অজীর্ণ	১৩৬	ভোকমারী—কোটকে ...	৪৪৫
সাংঘাতিক নিউমোনিয়া ...	৫৫০	ত্রিবর্ণী—স্ট্রোরোগে ...	৩২, ৫০৪
ফোটকে—ভোকমারী ...	৪৪৫	নিমছাল—পাঁচড়া ও কতে ...	৫৬০
হাঁপনি রোগে পেপ্টোন ...	২২২	.. জুগোসে ...	৫৫৭
হিমোগ্লোবিনউরিয়া সহ কালাজ্বর	১৪০	পলাশবীজ—ক্রিমিরোগে...	৫
চিত্তাকর্ষ ম্যালেরিয়া ...	৩২১	মন্দিরা ...	৬৫১
.. রোগী ...	৫৫৬	রসুণ—চুপিংকফে: ...	৭
চুলকনা ...	৪২২	লঙ্কার পাতা—বেলুতা দংশনে	৪৬১
জুগোসে ...	৩৪৮, ৫৫৭	দৈহিক আকৃতি ও হৃদস্পন্দন	১১১
<b>জ্বর —</b>		দোকলা—জুপিণ্ডের ...	৪৬২
ইন্দুর দংশন অনিত জ্বর ...	১৫৭	নাশিকা হইতে রক্তস্রাব ...	২১২
কালাজ্বর ১৪০; ২৭৩, ৩০১, ৩৪৫, ৪২৭, ৫৪২		নিউমোনিয়া ...	২৬, ৩২২, ৫৫০,
টাইফয়েড জ্বর ...	৫৮	নির্কিয়ে প্রসব ...	৫০৩
ব্রাকওয়ার্টার ফিভার ...	৪৪২, ৫২০	নিম্পীড়িত অঙ্গুলী ...	১৫৭
ম্যালেরিয়া জ্বর ৫৮, ১৪৭, ১২৩, ২৩৪, ২৫৪		নিঃস্রাব সহ পুরিসি ...	৩৫০
২৫৭, ২৫৮, ৩০২, ৪২৩, ৫৫২		প্ৰচলনশীল কত ...	২৪
হে-ফিভার ...	৪৪২	পথ্য ( শৈশবীয় ) ...	১১০
টাইফয়েড ফিভার ...	৫৮	প্রসব ( নির্কিয়ে ) ...	৫০৩
টিউবার্কিউলোসিস ...	৩৩৭	প্রসবাস্তিক রক্তস্রাব ...	৫২
টিউবার্কিউলার কত ...	২৫	পাঁচড়া ...	৫৬০
টিকা দেওয়ার নিবিচ্ছিন্ন লক্ষণ ...	১১২	পার্কত্য উদরাময় ...	২২
ত্রিকধেরিয়া ...	১২০	প্যারাকাইমোসিস ...	৫৮
ডিসেন্টেরী ...	২১২, ২১৩, ২৫৫, ২৭৭,	পুরাতন রক্তাশায় ...	৪২০, ৫৪৮
	৩৭২, ৪২০, ৫৪৮	পুরুষের গর্ভ ...	৪২১
শুকণ কুসুমসীর সংক্রমণ ...	২৬৭	পুরিসি ...	৫৫০
স্বস্তপূলে এড্রিনালিন ...	৪	পৃষ্ঠ বেদনা ...	১১২
দস্তোৎপাটনের ব্যপার ডেপ্টোসিন	৩৩৬	শৈশিক বেদনা ...	৪৬৪
দীর্ঘজীবী হইবার উপায় ...	১১১	ফল ভক্ষণের উপকারিতা ( গর্ভকালে )	১৫৮
দীর্ঘবনীর পুরাতন রক্তাশায় ...	৫৪৮	কার্যকিউলোসিস ...	৫২০
.. বননে এডিটিন ...	৪৪৮		

বিষয় ।	পত্রাঙ্ক ।
কুস্কুসীয় সংক্রমণ ...	২৬৭
ফেরিটাইটাস ...	১৫৮
অম্বন ( গর্ভকালীন ) ...	৫৭, ৭১
বমনে এমিটিন ...	৪৪৮
„ সাধারণ লবণ ...	৫
বক্ষাঘ ( ত্রিবর্ণ ) ...	৫২
বসন্তে—কটিকারী ও আমকল ...	৩৫
„ জাইলোল ...	১৬০
বহুব্র ...	৪৬৩
বাকরোধ ...	১২৩
বাত ...	৩২, ২০২
ব্যানিলারী ডিসেণ্টেরী ...	২৭৭
ব্র্যাক ওয়াটার ফিভার ...	৪৪২
বিনা অস্ত্রে কার্ভিকল চিকিৎসা ...	৩১২
বিবিধ পীড়ায় এমিটিন ...	২১১
বিসর্ষোন্মাদ ...	২০৮
বিশেষ প্রকৃতির বেদনা ...	১৩৮
বেদনা—গৃষ্টদেশের ...	১১২
„ বিশেষ প্রকৃতির ...	১৩৮
ভগ্নকর ও টিউবাকি উলোসিস ...	৩৭৭

**ভৈষজ্য প্রয়োগ-তত্ত্ব**

আইরোডিন—রিনাইটাস ও	
ফেরিটাইটিসে	১৫৮
„ মান্ডিকের উপসর্গযুক্ত করে	১৪৭
„ বম্বায়	৪৪৪
„ রক্তমাশয়ে	৩৭২
ইউকোডাল—বিসর্ষোন্মাদে	২০৮
ইউরিয়াম ট্রিহাইড্রেট (অস্বাভাবিক	
উপসর্গ )	৩০১
ইউরোট্রিন—টাইফয়েড করে	৫২০
ইথার—হুপিংকফে:	১৬০
ইথার—এক্স্যান্সিয়াম	৩

বিষয় ।	পত্রাঙ্ক ।
---------	------------

**ভৈষজ্য প্রয়োগ-তত্ত্ব**

ইয়াটেন—রক্তমাশয়ে	২১৩, ৪২০, ৫৪৮
এক্টেবিন ( ভৈষজ্য-তত্ত্ব ...	১৬১
এটিকলেরা ড্যান্সিন ...	৪৭৬
এটিমনি—কালাজরে	২৭৩
এপিনেফ্রিন—মূত্রাবরোধে	৩৩৬
এপোমফাইন—অল্পশূলে ...	৪২১, ৪৬১
এফিড্রিন—চাপানি রোগে	২৫৩, ৩৭৮
„ হে-ফিভারে	৩৭৮
এমিটিন—অশ্রুর রক্তস্রাবে	২১২
„ —নাশিকা হইতে রক্তস্রাবে	২১১
„ —বম্বনে	৪৪৮
„ —বিবিধ পীড়ায়	২১১
„ —রক্তমাশয়ে	২১২
„ —রক্তোৎকাশে	২১১
এমিটিন বিসমাথ আইয়োডাইড	২৫৫
এসিটারসেন—ম্যালেরিয়ার	২৫৪
এসিটীলসেন—উপসর্গে	৪৮২
এসেন্সিয়াল অয়েল—কলেরায়	৩২
কডলিন্ডার অয়েল—রিকেট পীড়ায়	২২৩
কার্বলিক এসিড—হিকায়	২০৮
ক্যান্ফর—শিরামধ্যে ইঞ্জেকসন	৬০
ক্যান্ফর অিলেটিন—কদরোগে	২৫৫
ক্যালসিয়াম ক্লোরাইড—গণোরিয়ার	১৫২
ক্যালসিয়াম ক্লোরাইড—বম্বায়	১৬৬
ক্যালসিয়াম গ্যোয়েকল সালফোনেট—	
বম্বায় ..	২১০
কুইনাইন—ইন্ট্রামাস্কিউলার—	
ইঞ্জেকসন ...	২৩৪
কুইনাইন—কালাজরে	৫৪২
„ বাকরোধে	১২৩
„ ব্র্যাক ওয়াটার ফিভারে	৪৪২
„ মান্ডিকের উপসর্গযুক্ত করে	১৪৭

বিষয় ।	পত্রিক ।
<b>ভৈষজ্য প্রয়োগ-তত্ত্ব</b>	
কুইনাইন এণ্ড ইউরিয়া হাইড্রোক্লোরাইড	
—অর্শে ...	৫২
.. " ফেরোসায়েনাইড—	
নিউমোনিয়ায়	২৬
ক্লোরিটোন—কষ্টরজঃ পীড়ায়	... ৬০
কোলো-ক্যালসিয়াম—গ্রন্থিরোগে	২৯৮
কোলরড্যাল গোল্ড—ক্যালারে	২১০
মুকোজ—এক্সাম্পসিয়া রোগে	৩
চর্বি—বন্দারোগে	... ৫২১
চালম্বুগরা অয়েল—বন্দায়	... ৪২০
চিনাপোডিয়ায়—ক্রিমিরোগে	... ৭
জাইলোল—বসন্তে	... ১৬০
টেটিকিউলার একট্রাট—বহুমূত্রে	৪৬৩
ডেন্টোলিন—দন্তোৎপাতনে	... ৩৩৬
থিয়ামিন—( ভৈষজ্য তত্ত্ব )	... ২২৬
থুলা—ক্যালার রোগে	... ১৫২
নভআসে নোবিলনে চর্বিরোগ	২৯৫
নিউক্লিন	... ৪২০
নিওআসে ফেনামিন—আঁচিলে	৫,৩৭৭
পটাশ আইয়োডাইড—বেদনায়	১৩৮
পটাশ এটিবনি টাট—রক্তোৎকাশে	৪১২
.. " বাই টাটেট	... ৫২২
পডোকাইলিন—নূতন গবেষণা	৫২১
পাইরাবিডন—হিকার	... ২০৮
পাইরোগ্যালিক এসিড—উপদংশজ-	
কতে	৫২২
প্যারাকোডিন—হপিংককে:	... ৪৬৩
প্লাসেন্টা অর্পটন—সর্দিরোগে	৪৬২
পেন্টোন—ইপানি রোগে	... ২৯১
পিটুইট্রিন—অসাড়ো বৃদ্ধত্যাগে	৫২
এসবাস্তিক রক্তমায়ে	৫৯
মুখপথে প্রয়োগ	২৫৩

বিষয় ।	পত্রিক ।
<b>ভৈষজ্য প্রয়োগ-তত্ত্ব</b>	
কফরাস	... ৬১
.. " অহি ও পৈশিক বেদনায়	৪৬৪
বিলিভ্যামিন—কলেরায়	... ৪৭৫
ব্রোমোকরম কোঃ—বন্দায়	... ২৫৪
মাইটোস্তালভারসন—উপদংশে	৩৯৩
মার্কিউরোকোম—ইরিসিপেলাসে	৫
মার্কিউরোসাল—উপদংশে	... ২২৭
ম্যাগঃ সালফ—অজীর্ণ পীড়ায়	... ২২৬
.. " এক্সাম্পসিয়ার	... ৫২০
.. " কোরিয়া রোগে	... ২৫৮
.. " গর্ভিণীর বিষমস্বভায়	৩৩৭
মেথিলিন ব্লু—ম্যালেরিয়ায়	... ৫৮
মো-ভ্যামিন কুষ্ঠরোগে	... ৪৬১
লাইঃ অনন্তমূল এট সারসা কোঃ	৫৩৮
লাইঃ এড্রিনালিন—কলেরায়	... ১৪৬
ল্যাক্টিক এসিড—শৈশবীয় পথ্যে	১১০
ল্টোভারসল—ম্যালেরিয়ায়	... ২৫৪
ল্টোকাসাস—কোল্যাপ্সে	... ২৫৬
সালফার—বিষাক্ততা	... ১০৮
সালফাস'নাল—ইন্দুর দংশন-জরে	১৫৭
সানোক্রাইসিন—বন্দারোগে	১৬,২১
সালাইন ইলেকসন—সারেটিকায়	২২০
সোডি আইয়োডাইড—গলগণ্ডে	৩৬
.. " বাডরোগে	৩৯
.. " কান্ডোডাইলেট—ম্যালেরিয়ায়	২৫৭
.. " ক্যালসাই ল্যাটাস—রিকেটে	৪২০
সোডি ক্লোরাইড—কর্ণশুলে	৩৪৪
.. " কপালের শুলনী	৩৪৪
.. " দন্তশুলে	... ৩৪৪
.. " বদনে	... ৫
.. " মস্তিষ্কের শুলনী	৩৪৪

# চিকিৎসা-প্রকাশের বার্ষিক সূচীপত্র ।

বিষয় ।	পত্রাঙ্ক ।	বিষয় ।	পত্রাঙ্ক
<b>ভৈষজ্য প্রয়োগ-তত্ত্ব</b>		রক্তস্রাব—প্রসবাস্থিক	৫০
সোডি ক্লোরাইড—শিরোর্কশুলে	৩৪৪	" ফুসফুস হইতে	২১১, ৪১২
" যর্ষয়েট—কতে	২৫	রক্তাশায়ণে আইয়োডিন	৩৭২
" সাইট্রাস—রক্তস্রাবে	১০৮, ৫১২	" ইয়াট্টেন	২১৭, ৪২০, ৫৪৮
" স্যালিসিলাস—বাতরোগে	৩২	" এমিটিন	২১২
" " বিশেষ বেদনা	১৩৮	" এমিটিন বিসম্মাথ আয়োডাইড	২৫৫
স্পিরিট এথন এরোমেটে—কোল্যাপ্সে	১৫৮	রক্তাশায়ণ—পুরাতন	৪২০, ৫৪৮
হর্ষ সিরাম—ব্র্যাকওয়াটার ক্ষিতারে	৪৪২	" ব্যাসিলারি	২৭৭
হাইরোসিন হাইড্রোঃ—হিকায়	২০৮	রক্তোৎকাশ	২১১, ৪১২
হেমাথিলিনেমাথাইন—টাইকয়েড অরে	৫৮	রিকেটস্	১০৮, ২২৩, ২৫২, ৪২০
হেন্নোটোন ( ভৈষজ্য তত্ত্ব )	২১	রিলাইটাস	১৫৮
হোলোপোন—বেদনাজনক রোগে	৩৭২	রোগজীবাণুর যম	১৬০
অফিয়া প্রয়োগে বমন	৩৭	ভ্রমণ—বমনে	৫
মশক দংশন	৩৩৮	লোবার নিউমোনিয়া	৩৩২
মাথায় খুঁকি ও মরাযাস	৩৩৮	স্মিরাপথে ক্যান্ফর ইঞ্জেকসন	৬০
মাতিকের উপসর্গবৃক্ক অর	১৪৭	শিরঃপীড়া	৪
ম্যালিগ্‌ন্যান্ট ম্যালেরিয়া	১২৩, ৫৫৭	শিরঃপীড়া না ম্যালেরিয়া ?	৪২৩
ম্যালেরিয়া অর	৫৮, ১৪৭, ১২৩, ২১১, ২৩৪, ২৫৪, ২৫৭, ৩০২, ৪২৩, ৫৫৪	শৈশবীয় একজিমা	১১৮
মুখপথে পিটুইট্রিন	২৫৬	" দুর্জলতা	৪২০
মুখপথের ইরিসিপেলাস	২০২	" পদা	১১০
মূত্রাঘরোধ	৩৩৬	" তিকা	৪
মূত্রাশয়ের উত্তেজনা	৪৬২	সর্দি	৪৬২
মেনিঞ্জাইটিস, না ম্যালেরিয়া ?	৫৫৪	সালফার দ্বারা বিষাক্ততা	১০৮
মুগী	১৭৪	সায়োটিকা	২২০
মৃতবৎ শিশুর পুনর্জীবন	৫২	স্বায়বীয় অজীর্ণ	১৩৬
অব্রুতে বেদনা	১২১	স্ত্রীরোগে ত্রিষণা	৩২, ৫০৪
বস্মা	১৬, ২১, ২০৯, ২১০, ২৫৪, ৪২০, ৪৪৪, ৫২১	ফোটক	৩৩৬
ব্রুসেলসিক	৩৪	" তোকবারী	৪৪৫
রক্তস্রাব	১০৮, ৫১২	ইঁপানি	২৫৩, ২৯৩, ৩৭৮
অর্ষ হইতে	২১২	হিকা	৪, ২০৮
মাসিকা হইতে	২১২	হিমোগ্লোবিনিউরিয়া	১৬০


## চিকিৎসা-প্রকাশ্যে বার্ষিক সূচীপত্র ।

৭

ছপিংকফঃ	...	৭, ১৬০, ৪৬৩	ছদ্‌রোগ	...	...	২৫৫
ছে-ফিভার	...	...	ছদ্‌স্পন্দন	...	...	১১১, ৩৩৭
ছদ্‌দৌর্ভাগ্য	...	...	ক্ষত	...	২৪, ২৫, ১৫১, ৪৪৫, ৫৬০	

## বাইওকেমিক অংশের সূচীপত্র ।


বিষয় ।	পত্রাঙ্ক ।	বিষয় ।	পত্রাঙ্ক ।
অম্লীর্ণ	...	মিঙ্‌লস	...
ঔষধের সাধারণ শক্তি নির্ধাচন	৪১, ২৪	মেনিঞ্জাইটিস	...
কলেজা চিকিৎসা	...	স্ক্রুস্রাব	...
অঙ্গের টাইকয়েড	...	রক্তাশায়	...
,, ম্যাগ্নেয়িয়া	...	রিকটস	...
টেবিজ	...	শক্তি নির্ধাচন	...
আসিকা হইতে রক্তস্রাব	...	খাসকষ্ট	...
নির্ধিয়ে প্রসব	...	শূলার স্তোত্র	...
শৈথিক বাত	...	সন্দেহজনক টেবিজ	...
ব্রুকাইটিস	...	ছাব	...
অ্যাগ্নেয়িয়া অঙ্গ	...	ছাপানি	...




হোমিওপ্যাথিক অংশের সূচীপত্র ।

বিষয় ।	পত্রিক ।	বিষয় ।	পত্রিক ।
অম্লিদ্রব্য ...	২৪৮	বাধক ...	২৪৬
অর্জুন ...	২৪৫	ব্রাইয়োনিয়া ...	৪১০
অনাবশ্যকীয় অঙ্গোপচার ...	৩২৮	বিবিধ রোগের প্রত্যেক ফলপ্রদ ঔষধ ৪৮,১০০,	
আত্যন্তিক পদার্থ বাইকরণে সাইলিসিয়া ৫৬৭		১৫৪,২০০,৩৫৫,৪২২,৫১০,	
আশাশুভ রোগী ...	৩২৩	বিষয় প্রমাণ ...	২০৫
অগ্নি ...	৪১০	বেদনা ( আন্তঃপ্রাণের ব্যতিক্রম জনিত ) ৫৬৭	
কোষ্ঠবদ্ধ ...	২৪৮	অম্মা ...	২৪৬
ভুলসী ...	৪৫,১৫২	স্ক্রোকোলোপ ...	২৪৭
খোঁলে যাওয়া ...	২৪৭	রক্তহীনতা ...	২৪৭
খোপাউটিক নোটস ...	২৪২	শ্বাসকোষ ...	২৪৬
শেটাম বিউর ...	৪৫৫	শূলবেদনা ...	২৪৬,২৪৮
প্রতিবাদ ...	৫১২	শোধ ...	২৪৬,৪৪৫
„ ইলেকসন সন্ধকে ...	৫১৩	স্ববিরাম স্বরে—চরনা ...	১৫১
„ পর্যায়ক্রমে ব্যবহার সন্ধকে ...	৫১২	সংশ্লিষ্ট শক্তি ...	৫১,২৮,১২২
„ মিশ্রিত শক্তি সন্ধকে ...	৫১২	„ „ সন্ধকে প্রতিবাদ ...	৫১২
প্রস্রাবরোধ ...	২৪৭	ফোটক ...	৩৪৫
পান বসন্ত ...	২৪৬	হোমিও ঔষধের সহিত ইলেকসন ...	৩৭০,
শিলাথিক্য ...	২৪৭	৪০৭,৪৪২	
স্ক্রিউকাস ভেসিকিউলোসাস ...	৩২২	„ „ আশ্চর্য শক্তি ...	৩২০
কুম্ভসীর পৌড়ায় ব্যবহারী ঔষধ ৩৩৩,৪০২,৫৬৫		„ টেলেকসন চিকিৎসা ...	৫০৭
ক্রাইটস ...	২৪৭	সুখামাক্য ...	২৪৭

সূচীপত্র সমাপ্ত ।







এলোপ্যাথিক ও হোমিওপ্যাথিক চিকিৎসা সম্বন্ধীয়  
মাসিক পত্র ও সমালোচক ।

২০শ বর্ষ ।

১৯০৪ সাল—বৈশাখ ।

১ম সংখ্যা ।

নমঃ নারায়ণায়ঃ—

ঈশ্বরের মহানুভবী উদ্দেশ্য ও আশীর্বাদে আর সহস্রদ্বয় গ্রাহক ও লেখকবৃন্দের আন্তরিক  
আনুকূল্যে চিকিৎসা প্রকাশ আজ বিশেষ বর্ষ পূর্ণাপন্ন করিল, এই নব বর্ষারম্ভে সেই  
সর্ব মহানুভব ঐশ্বরবানের চরণাধুজে কোটী প্রগতি পুরস্কার, পৃষ্ঠপোষক গ্রাহক, অনুগ্রাহক,  
পাঠক ও লেখক মহোদয়গণের নিকট বন্দনোৎসর্গ প্রণাম, নমস্কার প্রীতি ও আন্তরিক  
কৃতজ্ঞতা জ্ঞাপন করিতেছি। ঈশ্বরের কৃপানুকূল্য—বর্ধোচিত সাহায্য-সহানুভূতি;  
চিকিৎসা-প্রকাশের দীর্ঘজীবন লাভের একমাত্র সহায়ীভূত হইয়াছে—ঈশ্বরের কৃপা-সাপেক্ষ  
হইয়া আমি চিকিৎসা-প্রকাশের সম্যক উন্নতি সাধনে আত্মনিয়োগ করিয়াছি; বর্তমান  
বর্ষেও যেন ঈশ্বরের পূর্ণ সহানুভূতি লাভে আমার ক্ষুদ্র শক্তি—চিকিৎসা-প্রকাশের সেবায়  
সাফল্য লাভ করিতে পারে, ভগবচ্চরণে ইহাই এই দিনের একমাত্র প্রার্থনা ।

বিবিধ ।

এক্স্যাম্পসিয়ার—গ্লুকোজ ও ইনসুলিন—Dr. C. Joff Miller.  
লিখিয়াছেন—“গর্ভকালীন আবেগে (এক্স্যাম্পসিয়ার), গ্লুকোজ (Dextrose—ডেক্সট্রোস)  
ও ইনসুলিন ব্যবহারে সন্তোষজনক উপকার পাওয়া যায়। এতদর্থে ৫% পাসেন্ট গ্লুকোজ

সলিউসন ইন্ট্রাভেনাস ইন্জেকসনরূপে প্রয়োজ্য। ইহা রেট্রোল বা হাইপোডার্মিক ইন্জেকসনও করা যাউতে পারে। প্রতি ৩ গ্রাম মূকোল সহ, ১ ইউনিট ইনসুলিন বিশাইয়া সামান্য়িক উটেনিয়াস ইন্জেকসন দিলে অধিকতর উপকার হইয়া থাকে। গ্রন্থে ১০—১৫ ইউনিট ইনসুলিন প্রয়োজ্য। Clinical Medicine. Jan. 1927 P. 75.

শিশুদের হিকা। শিশুদের হিকা সামান্যতঃ আহারের কিছু পরেই হয়। উহা দমন করিবার উৎকৃষ্ট উপায়—হিকা উপস্থিত হইবা মাত্রই শিশুর চর্মে চিম্টি কাটিয়া বা দেহে মৃদু মৃদু চপোটাঘাত করিয়া ক্রমশঃ করান। শিশুর নাক বন্ধ করিলেও অনেক সময়ে হিকা দমিত হয়। দুগ্ধ হিকায় এপিগ্যাস্ট্রিয়াম প্রদেশে মাষ্টার্ডের একটা ছোট পুস্তী দিলেও হিকা নিবারিত হয়।

দন্তশূলে এড্রিনালিন ক্লোরাইড্। জনৈক চিকিৎসক দন্তশূল (Toothache) পীড়ায় এত কষ্ট পাউতেছিলেন যে, তাঁহার আহারাদি করা হ্রহ ব্যাপার হইয়া পাড়াইয়াছিল। ইহার ক্ষয়প্রাপ্ত দন্তের গোড়াটা ফুলিয়া অত্যন্ত ব্যথা হইতেছিল। উত্তমরূপে মুখ প্রক্ষালন করিয়া এড্রিনালিন ক্লোরাইড্ সলিউসন দ্বারা ইহার দন্তটা উত্তমরূপে পেণ্ট করিয়া দেওয়ার, তৎক্ষণাৎ ব্যথার নিবৃত্তি হয়। অতঃপর ইনি বেশ আনন্দের সঙ্গেই আহারাদি করিতে সক্ষম হইলেন। দন্তরোগে এড্রিনালিনের এবিধ আশ্চর্যজনক ক্রিয়া ইতিপূর্বে শোনা যায় নাই।

প্রত্যেক চিকিৎসকেই ইহা পরীক্ষা করিয়া ফলাফল প্রকাশ করিলে বাঞ্ছিত হইব। Dr. N. Dass M. B.

গর্ভাবস্থায় রক্তাধিক্য জনিত শিরঃপীড়া। গর্ভাবস্থায় মস্তিষ্কে রক্তাধিক্য বশতঃ শিরঃপীড়ায় নিম্নলিখিত ব্যবস্থাটি বিশেষ উপকারী বলিয়া কথিত হইয়াছে।

Re.

মাগ সালফ	...	১ আউন্স।
সোডি সাল্ফ	...	১ আউন্স।
এসিড সাল্ফ ডিল্	...	২ ড্রাম।
টীং কার্ড কোঃ	...	১৫ আউন্স।
একোয়া সিনামম্	...	১ আউন্স।

একত্র মিশ্রিত করিয়া ২ ড্রাম মাত্রায় দিবসে দুইবার দেবা।

( Hand dook )

**ইরিসিপেলাস পীড়ার 'মার্কিউরোকোম ইঞ্জেকসন' :-**  
ইরিসিপেলাস (Erysipelas) বা বিদূর্ণ পীড়ার চিকিৎসার—ডাঃ জ্যাকসন এবং ডাঃ জনস্টন ১৭টি রোগীকে কেবলমাত্র “মার্কিউরোকোম—২২০” (Mercuriochaome—220)—১% সলিউশন, ২০—৪০ সি, সি, মাত্রায় (রোগীর দৈনিক ওজন অনুযায়ী) শিরাস্থে ইঞ্জেকসন দিয়া, বিশেষ উপকার পাইয়াছেন, বলিয়া যত প্রকাশ করিয়াছেন। স্বরণ রাখা কর্তব্য—এই ঔষধটি নিয়মিতভাবে ইঞ্জেকসন দেওয়া উচিত নহে। পরন্তু, রোগীর শরীরের সহ শক্তি অনুসারে প্রয়োগ করা বিধেয় এবং “কিউনী-অনাক্রান্ত ও স্ক্রু থাকিলেই ইহা উপযোগী।”

( Medical Annual. 1926. )

**এজাইমা পেকটোরিস্- সুপ্রসিদ্ধ ডাঃ এন্স, এক. বিশপ্ বলেন—**  
“এজাইমা পেকটোরিস বা হৃৎশুলের অসহ্য যন্ত্রণা দমনার্থ এবং পুনরাক্রমণ নিবারণ জন্য”  
কিটের সময়ে অবিলম্বে নিম্নলিখিত ঔষধটি খাওয়াইলে বিশেষ উপকার পাওয়া যায়।  
ইহা পুনরায় তৃতীয় ও পঞ্চম রাত্রিতে প্রয়োগ করা কর্তব্য।

Re.

ক্যাটর অয়েল	...	১ আউন্স।
মেফল	...	২ গ্রেণ।
টিংচার আইওডিন (B. P.)	...	১০ মিনিষ।

একত্র মিশ্রিত করিয়া এক মাত্রা।

**ক্রিমি ও পলাশের বীজ—**অধুনা সর্ববিধ কৃষিরোগেই “পলাশের বীজ” বিশেষ উপযোগিতার সহিত ব্যবহৃত হইতেছে। বিশেষতঃ, ইহা “কেঁচো-কৃষিকর” (Round worms) অর্থাৎ ঔষধ বলিয়া বিবেচিত হইয়াছে। কেঁচো কৃষিতে ইহা স্কাটোনাইন্ অপেক্ষা শ্রেষ্ঠ না হইলেও, কোনও অংশে হীন নহে। পরন্তু, ইহা সহজপ্রাপ্য ও সুলভ। আয়ুর্বেদেও ইহার উল্লেখ দেখা যায়। কলিকাতা স্কুল অব ট্রপিক্যাল মেডিসিন নামক চিকিৎসা বিভাগে ইহা বিশেষভাবে পরীক্ষিত হইয়া অনুমোদিত হইয়াছে।

ডেয়াইএর বিখ্যাত ও লক্ষপ্রতিষ্ঠ চিকিৎসক ও পানীঘাটা চা বাগানের ডাক্তার শ্রীযুক্ত জিতেন্দ্র নাথ সরকার মহাশয় এই ঔষধটি তাঁহার হাসপাতালের শত শত রোগীকে প্রত্যহ ব্যবহার করিয়া বিশেষ উপকার পাইয়াছেন বলিয়া যত প্রকাশ করিয়াছেন। তিনি ইহা স্কাটোনাইন্ অপেক্ষাও অধিকতর উপকারী বলিয়া স্বীকার করেন। তিনি বলেন—“তাঁহার উনবিংশ বৎসরের অভিজ্ঞতার তিনি ইহা অপেক্ষা শ্রেষ্ঠতম,

“রাউও ওয়ামের” ঔষধ দেখেন নাই। ইহাকে ডাক্তারী শাস্ত্রে “বুটা সেমিনা” ( Butece Semina ) বলে। বোটাশি শাস্ত্রে “বুটা সিড্‌স্” ( Butea Seeds ) বলা হয়। ইহা পলাশ গুল্মের বীজ হইতে প্রস্তুত করা হয়। ইহার সামান্ত গন্ধ আছে এবং আত্মাদ সামান্ত কটু। পলাশের বীজ চূর্ণ “পালম্ভিস বুটি সেমিনাম্” নামে ঔষধালয়ে পাওয়া যায়। ইহার মাত্রা ১০—২০ গ্রেণ। এই ঔষধটি ব্রিটিশ ফার্মাকোপিয়াতে গৃহীত হইয়াছে। ইহা রাত্রে ১ মাত্রা দিয়া, পরদিন প্রত্যবে ১ মাত্রা বিরেচক ঔষধ সেবন করান কর্তব্য।

অধুনা পলাশ বৃক্ষের বহুল দ্রব্য করতঃ কাঠাঙ্গার ( Charcol ) প্রস্তুত করিয়া, উদ্ভাঙ্গা গাজিপুর ক্যাম্পেব্রীতে ‘মর্কিয়া’ পরিষ্কার করা হইয়া থাকে।

**বমন-ফলপ্রদ চিকিৎসা**—ডাক্তার রবার্ট হাচিশন, M. D., F. R. C. P. মহোদয় N. Y. Medical Journal পত্রে লিখিয়াছেন—“বমন নিবারণার্থ সাধারণ লবণ” ( Common Salt ) বিশেষ ফলপ্রদ। নিম্নলিখিতরূপে ইহা ব্যবহার্য।

“সাধারণ লবণের ( Common Salt ) ২% পাসেন্টে দ্রব ( সলিউশন ) ২—৮ আউন্স পরিমাণে প্রয়োজ্য। শীতল দ্রব সেবন করান কর্তব্য। ইহা অতিরিক্ত মাত্রায় প্রয়োগ নিষিদ্ধ। কারণ, অতিরিক্ত লবণ প্রয়োগ হেতু উদরাময় হইতে পারে। শোধ সহ “নেফ্রাইটিস্” ( Nephritis-Brights disease ) প্রভৃতি পীড়ায় এই লাবণিক চিকিৎসা নিষিদ্ধ—ইহাতে লবণ বিষের জ্বায় কাটা করিয়া থাকে। Dr. Robert Hatchison বলেন যে, তিনি নানা কারণোৎপন্ন বমন উপসর্গে, সাধারণ লবণের ২% পাসেন্টে দ্রব ২—৮ আউন্স পরিমাণ সেবন করাইয়া অত্যন্ত ফল পাইয়াছেন। ইহার চিকিৎসিত একটা রোগীতেও এই চিকিৎসা বিফল হয় নাই।

এই চিকিৎসা প্রণালী এত সহজ ও নিরাপদ যে, ইহার পরীক্ষা বিশেষ বাঞ্ছনীয়।

**আঁচিল রোগের আধুনিক চিকিৎসা**—( modern Treatment of worts ) :—অধুনা অনেক বিজ্ঞ চিকিৎসক এই রোগে হানিক ও আত্যন্তিকরূপে “মার্কারি ( mercury ) ব্যবহার করিতে উপদেশ দিয়া থাকেন।

বর্তমানে অনেকে এই রোগে “নিওআসফেনামিন” ( Neoarsphenamin ) শিরাস্রোতে ( Intravenous ) ইন্জেকশন দিয়া উপকার পাইয়াছেন বলিয়া বহু প্রকাশ করিয়াছেন। ৬ গ্রামের মাত্র ২টা এম্পুল ইন্জেকশনেই আঁচিল অদৃশ্য হয়।

( Clinical Medicine )

**ছপিং কফ্ ( Whoopig Cough )** :—ডাক্তার এলগড্ বলেন—“এই পীড়ায় সরলান্ত্র পথে ইথার ইন্জেকশন ( Rectal Injection of Ether ) করিলে, বিশেষ উপকার পাওয়া যায়। ইহা নিম্নলিখিতরূপে প্রয়োগ্য। ধীনা—

পূর্ণবয়স্ক পুরুষদের উপযোগী ১টা রবারের ক্যাথিটার, একটা ছোট কাঁচের নলের ( Tube ) এক প্রান্তে সংযোজিত করিয়া, উক্ত কাঁচের নলটির অপর প্রান্তের সহিত একটা অপেকাকৃত বৃহৎ পরিসরের ( Larger Bored ) রবারের নল যোগ করিয়া, সেই সংযোজিত রবারের নলটির শেষ প্রান্তে ১টা কাঁচের ফানেল্ ( Funnel ) যুক্ত করিয়া দিবে। এক্ষণে ক্যাথিটারটি সরলান্ত্র মধ্যে ( Rectum ) ধীরে ধীরে প্রবেশ করাইয়া দিবে। অতঃপর সমভাগ ইথার ও অলিভ্ অয়েল্ ( Olive oil ) একত্রে মিশ্রিত করিয়া উল্লিখিত রবার টিউব সংযুক্ত ফানেলে ঢালিয়া দিবে।

এক বৎসর বয়সের রোগীর জন্ত ১ ড্রাম, ৫ বৎসর বয়স্ক রোগীর জন্ত ৫ ড্রাম, ৮ বৎসর বয়স্ক রোগীর জন্ত ১ আউন্স মাত্রায় উক্ত ইথার মিশ্র ব্যবহার্য।

**ডাক্তার ল্যাথ—এই পীড়ায় রসুন ( Garlic )** ব্যবহারের বিশেষ পক্ষপাতী। ইনি এতদর্থে টিং এলাই ( Tr Allii ) ব্যবহার করিতে উপদেশ দেন। ইহা একায়েক অথবা সাধারণ কফঃনিঃসারক মিশ্রের সহিত মিশ্রিত করিয়াও ব্যবহার করা যায়। কিন্তু পাকস্থলী ও অস্ত্রের উত্তেজনা বশতঃ রসুনের আভ্যন্তরিক ব্যবহার সহ্য না হইলে, ইহার মলম প্রস্তুত করিয়া, উদর প্রাচীরে উত্তমরূপে মালিশ করতঃ ব্যাওজ করিয়া দিলেও, বেশ উপকার পাওয়া যায়।


এখনও অনেক পল্লীগ্রামে, শিশুদের সর্দি কাশিতে গলায় রসুনের কোয়ার হার প্রস্তুত করিয়া পরাইয়া দেওয়া হয়। ইহাতেও বেশ উপকার পাওয়া যায়।

**আন্ত্রিক কৃমি—( Intestinal worms )** :—Dr Goldschmidt বলেন যে, “অধুনা বহু রকম কেঁচো কৃমিনাশক ঔষধ আছে, উন্মধ্যে চিনোপোডিয়াসের তৈলই ( oil of chenopodium ) শ্রেষ্ঠ ঔষধ। নিম্নলিখিতরূপে ইহা প্রয়োগ করা কর্তব্য।

পূর্ণ বয়স্কের পক্ষে ১৬ ফেঁটা এবং বালক বালিকাদের জন্ত ৬ ফেঁটা মাত্রায় ক্যাপসুল মধ্যে পুরিয়া ব্যবহার্য। সকালে ৮ ঘটিকা, বেলা ১০টা ও বিপ্রহরে ১২টার একটা করিয়া, সর্বসমেত ৩টা ক্যাপসুল সেবন করিতে দিবে। অতঃপর ইহার ছই ঘণ্টা পরে রোগীকে ১ আউন্স ক্যাষ্টর অয়েল সেবন করাইয়া তারপর ৩ ঘণ্টা পরে একবার লাবণিক বিরেচকের এনিয়া দিবে। এইরূপে “চিনোপোডিয়াস” ব্যবহার করিলে, ইহা নিয়মিত সফল ক্রিয়া প্রকাশ করে।

সূতাক্রিমির ( Thread worms ) চিকিৎসার্থে ডাঃ লোরেন্স বলেন যে, সূতাক্রিমির ডিম কেবল মাত্র গুহ্বারের অন্তঃস্থরেই ( anal ring ) বৃদ্ধি প্রাপ্ত হয়। সূতরাং প্রত্যেকবার মলত্যাগের পরেই যদি গুহ্বারের অন্তঃস্থর উত্তমরূপে ধোত করিয়া ফেলা যায়, তাহা হইলেই এই সূতাক্রিমির বংশ সমূলে বিনষ্ট হইতে পারে। এতদর্থে লাবণিক দ্রব ( Saline Solution ) দ্বারা গুহ্বার ধোত করা উচিত।

A. M Journal.



## অজীর্ণ—Dyspepsia

লেখক—ডাঃ শ্রীমহেশ্বর কুমার দাশ M. B. M. C. P. & S.  
M. K. I. P. H ( Eng ) ভিষ্ণু রায়।

( পূর্বে প্রকাশিত ১৯শ বর্ষের ১২ সংখ্যার ১৫২ ) ৪৮৯ পৃষ্ঠার পর হইতে )

—:—

যদি বেতসার আহার্য জীর্ণ অবস্থায় থাকে, তাহা হইলে বৃদ্ধিতে হইবে যে—মুখমধো ক্লান্ত দ্রবা, লালার সহিত সমাক্ মিশ্রিত হয় নাই এবং পাইলোরাস্ রক্ত, নিরস্ রস সকলের ক্রিয়া যথোচিতরূপে সাদিত হইতেছে না।

যদি মল, পরীক্ষায় চর্নি বর্তমান দেখিতে পাওয়া যায়, তাহা হইলে বৃদ্ধিতে হইবে যে—বক্‌তের ও ক্রোমগ্রাহির ক্রিয়াবিকার উপস্থিত হইয়াছে। বক্‌তের ক্রিয়া-বিকৃতি উপস্থিত হইলে, কোষ্ঠকাঠিন্য দৃষ্ট হয় এবং মল বর্ণহীন ও চূর্ণকম্পক হইয়া থাকে।

বিবিধ কারণ বশতঃ এই সকল ভিন্ন ভিন্ন পাচকরসের ধর্মের বা পরিমানের কিম্বা এতদ্ব্যতিরিক্ত হীনাবস্থা বা বিকৃতাবস্থা উৎপন্ন হইয়া থাকে। যথা;—

( ১ ) আশ্রয়ীয়া ক্রিয়াক্রম, বৈসঙ্গ্‌কণ্য।—এতদ্বশতঃ বিবিধ পাচকরস নানা প্রকার দৃষ্টাবস্থা প্রাপ্ত হয়।

প্রধানতঃ সোলার পেন্সাস্ হইতে উৎপন্ন সিম্‌ল্যাণেটীক দ্বারা পরিপাক বস্তু পরিপোষিত হয়। এই দ্বারা পরিপাক মান্ডিকের-কশেরকা মজ্জার দ্বারা পরিপাক সংযুক্ত এবং ইহা হইতে পাকাশয়ের দক্ষিণ ও বাম নিউমোগ্যাস্ট্রীক দ্বারা, নানা শাখার পাকাশয়ে পরিব্যাপ্ত হইয়াছে। এই হেতু পাচকরস সমূহের অবস্থা বিভিন্ন অবস্থায় অবস্থান



এবং ইহা যান্ত্রিকের কশেককা মজা ও সিম্প্যাথেটিক স্নায়ুবিধানের বলের উপর নির্ভর করে। পরীক্ষা করিয়া দেখা গিয়াছে যে, উত্তেজ, মানসিক শ্রান্তি, ভয় ইত্যাদির জন্তও পরিপাক ক্রিয়া স্থগিত হয়। সর্জন্য কার্যাদির জন্ত বাহ্যদের মানসিক অবস্থা অবদয় হয়, তাহাদের একাকী ভোজন না করিয়া, সঙ্গদলবর্গের সহিত একত্রে ভোজন করা উচিত। অঙ্গীর্ণ হেতু স্নায়ুদৌর্বল্যা (Neurasthenia) পীড়া হইতে পারে। আবার মানসিক অবস্থার অবসাদ জন্ত এবং সার্বজনিক স্নায়বীয় বিকার হেতুও, অঙ্গীর্ণ পীড়া জন্মিয়া থাকে।

**পাচক রসস্রাবী শত্রু সমূহে রক্তসঞ্চালনের বৈলক্ষণ্য।**  
ইহাতে পাচক রসের অভাব বিকৃত হইতে পারে। এই কারণে, রক্ত-সঞ্চালক যন্ত্রের পীড়ার পরিপাক শক্তির বিকার জন্মিয়া থাকে। রক্তপত্রের ভ্যালভিউলার পীড়ার প্যাসিভ্ কলেস্ট্রস উপস্থিত হয়, এই হেতু যে সকল আটারির সাহায্যে রস নিঃসৃত হইয়া থাকে, সেই সকল আটারীতে যথোচিত পরিমাণে সংশোধিত ধার্মনিক রক্তের অভাব হওয়ার, রস নিঃসরণেরও ব্যাঘাত জন্মে। কখন কখন এই অল্প রক্তসংগ্রহ এত অধিক হয় যে, রক্তস্রাব পর্যন্ত উৎপাদিত হইতে পারে।

যন্ত্রের সিরোসিস রোগে বা অন্যান্য যে সকল পীড়ার পোটাল বিধান বিকারগ্রস্ত হয়, সেট সকল পীড়ায় এই প্রকার রক্তসঞ্চালনের বৈলক্ষণ্য উৎপন্ন হইতে পারে।

আহারের পর মানসিক বা কাহিক পরিশ্রমের হেতু, পরিপাক যন্ত্র হইতে রক্ত অন্তরীত হইয়া, পরিপাক যন্ত্রে রক্তাক্রান্ত উপস্থিত হইয়াও, পরিপাকের ব্যাঘাত জন্মিয়া থাকে।

(৩) পরিপাক যন্ত্রের ত্রীশু সমূহের বিকার।—এতদ্ব্যতঃ অঙ্গীর্ণরোগ উৎপন্ন হইতে পারে। ইহানের বিষয় বর্ণনা করা এ প্রবন্ধের উদ্দেশ্য নহে, বারাম্বরে তাহা বর্ণিত হইবে।

**অঙ্গীর্ণ পীড়ার লক্ষণ।**—অঙ্গীর্ণ পীড়ার নিম্নলিখিত সাধারণ লক্ষণগুলি প্রকাশ পায়। যথা—কুখাবান্য, উদরাঙ্গান, বমনোবেগ, অন্ন বা তিক্তরস কিবা গ্যাস উদগার, জিহ্বা শিথিল ও দন্তের দাগ বিশিষ্ট। মুখে মল আস্থাদ ও বিস্বাদ গন্ধ, বুকজালা, আহারের পর উদরে বেদনা ও ভয় এবং পূর্ণতা বোধ। কখন কোষ্ঠবদ্ধ, কখন উদরাঙ্গর, দান্ত অপরিহার্য, বাধাধরা, অবসাদ, খিটখিটে যতাব, হৃদস্পন্দন, অনিদ্রা, তরলক বস্তু, নিত্রাকালীন বুক চাপবোধ, ইত্যাদি।

**লক্ষণেবল শ্রেণী বিভাগ।** অঙ্গীর্ণ পীড়ার লক্ষণগুলিকে দুই শ্রেণীতে বিভক্ত করা যায়। যথা,—

- (অ.) স্থানিক অর্থাৎ সাক্ষাৎ যন্ত্রে পরিপাক যন্ত্র সম্বন্ধীয় লক্ষণ।
- (আ.) সিম্প্যাথেটিক লক্ষণ বা পরিপাক যন্ত্র ভিন্ন অঙ্গের প্রকাশ্যমান লক্ষণ।

(অ) **স্থানিক লক্ষণ**—এই রোগে পরিপাক ময় সংক্রান্ত নানাবিধ লক্ষণ প্রকাশ পায়। যথা—

(১) জিহ্বার বিশেষ পরিবর্তন লক্ষিত হয়। অধিকাংশ স্থলে জিহ্বা মলাবৃত্ত হয়। অল্পই অন্তঃ বর্তমান না থাকিলে, অথবা যদি নিরুত্ত চক্ষু, তালুগ্রাফি নিবন্ধন, অত্যধিক ভাষাক সেবন ও নানাবিধ স্থানিক, কারণ বর্তমান না থাকে, তাহা হইলে সাধারণতঃ পাকশয়, অন্ন বা বহুতের বিকার বশতঃ জিহ্বা মলাবৃত্ত ও ইহার আবরণ পুরু হয় এবং পীত হইতে কৃষ্ণ বর্ণ পর্গাশ্চ বিভিন্ন বর্ণ ধারণ করিতে পারে। সুরা পানকারীদের অঙ্গীর্ণ রোগে, জিহ্বা অস্বাভাবিক পরিষ্কার ও অত্যন্ত আরক্তিম এবং জিহ্বার অগ্রভাগে লোহিত বর্ণের বিবর্জিত প্যাপিলি সকল দৃষ্ট হয়। পাকস্থলীঃ টীউবার্কিউলাস পীড়াতেও এই প্রকার জিহ্বা পরিবর্তিত হইতে পারে।

(২) সচরাচর মলাবৃত্ত জিহ্বার সঙ্গে নিঃশ্বাসে তর্গন্ধ বর্তমান থাকে। রোগী কিন্তু এই তর্গন্ধ অনুভব করিতে পারে না। কিন্তু অপরে ইহা বিশেষরূপে অনুভব করিয়া থাকে। রোগী মুখমধ্যে কর্ণা আশ্রয় বোধ করে এবং বাস্প বা তরল পদার্থ প্রভৃতির উদ্গার উঠিলে তর্গন্ধ অনুভব করে। দুক্ক ত্রবা বিলিষ্ট হইয়া সাল্ফিউরেটেড্ হাইড্রোজেন বা অন্যান্য বাস্প উত্থিত হইয়া, এইরূপ কর্ণা গন্ধ উৎপাদিত হয়। সুস্থাবস্থায় পাচক-রস সকল পচন নিবারণক। কিন্তু আয়তনিক অবস্থায় ইহাদের এই ক্রিয়ার হ্রাস বা লোপ হয়। সুতরাং দুক্ক বায়বিক পদার্থ সকল পচন ক্রিয়া সম্বিত হইয়া থাকে।

(৩) কৃশা, বিভিন্ন প্রকার বৈলক্ষণ্যের বশবর্তী হয়। অঙ্গীর্ণ পীড়ায় সচরাচর কৃশার হ্রাস হয়। পীড়া প্রবল হইলে কৃশা একেবারেই লুপ্ত হইয়া যায়। কখন কখনও অস্বাভাবিক কৃশার আশ্রয় হইতে দেখা যায়। আবার কোপাও বা কৃশার কিবা আহারে রুচির স্থিরতা থাকে না। কোন দিন রোগী বেশ আনন্দের সঙ্গে পর্গাপ্ত পরিমাণেই আহার করে, আবার কোন দিন তদ্ব্যত কিছুই খাইতে পারে না। হিষ্টিরিয়া রোগে ও গর্ভাবস্থায় অখাদ্য ভোজনে বিশেষ লালসা দেখা যায়; রোগিনী পাতখোলা, পোড়া মাটী প্রভৃতি খাইয়া থাকে।

(৪) আহারের পর মুখমধ্যে জ্বলন্ত আশ্রয় অনুভূত হইয়া থাকে। সঙ্গে সঙ্গে কখনও বা বিবম্বিবা বর্তমান থাকে। উদ্গার (টেঁকুর) বর্তমান থাকিলে, অনেক ক্ষেত্রে উদ্গারিত পদার্থ এত অন্ন হয় যে, দন্ত সকল টক হইয়া যায়। আবার কোনও কোনও স্থলে ইহা বাস্পাদির বা পচা ডিষের গন্ধযুক্ত হয়। ইহাকে সাধারণ কথায় “চোয়া টেঁকুর” বলা হয়।

(৫) অঙ্গীর্ণ রোগে পাকশয় ও তদ্বির প্রদেশে সাতিশর অল্প জন্মিয়া থাকে। সচরাচর পাকশয় প্রদেশে তার ও ব্যথা বোধ হয়।

(৬) অঙ্গীর্ণ রোগে কখন কখন পাকশয় মূল (Gastralgia) উপস্থিত হইতে পারে। আবার কখনও বা ইহা স্বতন্ত্র পীড়ারূপেও প্রকাশ পাইয়া থাকে। বেদনা অত্যন্ত প্রবল, সবিয়ান এবং ইহা যে কেবল দুক্ক ত্রব্য পরিপাক কালেই প্রকাশ পায়, এরূপ নহে; যৌগ

অত্যন্ত প্রবল হইলে বেদনা সহসা আক্রমণ করে; চর্ম, শীতল ও নাড়ী ক্ষীণ হয়; বিষমিধা ও বমন এবং “শকের” অন্তান্ত লক্ষণ বর্তমান থাকিতে পারে। কখন কখনও বমনের পর হঠাৎ বেদনার অবসান হয়। রোগ পুরাতন হইলে বেদনা বিশেষ প্রবল হয় না, কিন্তু ঘন ঘন উপস্থিত হইয়া থাকে। অজীর্ণ ঘটিলে শূল বেদনার, সর্বদাই অজীর্ণের বিবিধ লক্ষণ সহবর্তী দৃষ্ট হয়। কিন্তু প্রকৃত শূল বেদনা, বেদনার বিরাম অবস্থায় পরিণাক বহুর কোন ক্রিয়ার বিকৃতি দেখা যায় না। পুরাতন শূল পীড়ার বেদনা পুনঃ পুনঃ ও দীর্ঘকাল স্থায়ী হইলে, বেদনার স্বভাব অপেক্ষাকৃত মৃদু হয়। অনেক ক্ষেত্রে গ্যাস্ট্রিক ক্যাটার পীড়া হইতে, এই পীড়ার প্রভেদ নির্ণয় বিশেষ দুষ্কর হইয়া পড়ে। শূল পীড়ার (Gastralgia) পূর্ববর্তী কারণ সকলের মধ্যে, রোগীর মায়বিক দেহ-স্বভাব প্রধান। সচরাচর রোগীর অন্তান্ত স্থানেও মায়শূল উপস্থিত হইতে দেখা যায়। কখন বা ইহার সঙ্গে পর্যায়ক্রমে শ্বাসকাশ প্রকাশ পাইয়া থাকে; কখন জরায়ু (Uterus) বা ডিম্বাশয়ের (Ovary) উগ্রতা সহবর্তী হিষ্টিরিয়া এবং কখন বা অন্তান্ত প্রকার মায়বিকার দেখা যায়। রক্তহীনতা—শূল রোগের একটা অন্ততম কারণ। আবার ম্যালেরিয়ার জন্ম ও পাকশয়ের শূল বেদনা প্রকাশ পাইয়া থাকে এবং এরূপ হলে বেদনা বা রোগের আক্রমণ সাময়িক স্বভাব ধারণ করে।

চা, কফি, তামাক প্রভৃতি মায়বীয় উগ্রতাজনক পদার্থ সেবনেও, শূল বেদনা উৎপন্ন হইতে পারে। ইহা বাতীত গাউট রোগও ইহার উদ্দীপক কারণ মধ্যে গণ্য হয়। অনেক সময়ে পাকশয়ের শূল বেদনারূপে গাউট প্রকাশ পাইয়া থাকে।

শূল বেদনার উদ্দীপক বা অব্যবহিত কারণ মধ্যে—গাত্রে ঠাণ্ডা লাগা বা অত্যধিক শীতল পদার্থ আহার করা, উদরস্থান, অত্যন্ত মানসিক উত্তেজনা এবং ব্যক্তি বিশেষের বিশেষ প্রকার খাদ্য ভোজন, সর্ব প্রধান। পাকশয়ের শূলরোগ (Gastralgia) সাধারণতঃ যুবক ও মধ্যবয়স্ক ব্যক্তিকে অধিক আক্রমণ করে। সাধারণতঃ আহার গ্রহণের সহিত শূল বেদনার আক্রমণের বিশেষ কোনও সম্বন্ধ দেখা যায় না। বেদনা উপস্থিত হইলে, পাকশয় প্রদেশেই উহা সর্বাপেক্ষা অধিকতর হয় এবং তথা হইতে উর্ধ্বে—বকঃ প্রদেশে, মিয়ে—উদর প্রদেশে বিকিষ্ট হয়। কখন কখনও পৃষ্ঠে ও হৃদয়ে বিক্লমবৎ বেদনা উপস্থিত হইয়া থাকে। এই বেদনার স্বভাবের বিশেষ অবস্থা দেখা যায়—বেদনার তীব্রতা বৃদ্ধি পায় না এবং বেদনা স্থানের উপর চাপ প্রয়োগ করিলে, বেদনার উপশম হয়। অনেক স্থলে এরূপ দেখা যায় যে, আহার করিলে বেদনা হ্রাস হয়। কিন্তু পাকশয়ের বিকারজনিত শূল রোগে এরূপ হয় না।

**পাকশয়কেন্দ্র শূল রোগ হইতে প্রাদাহিক পীড়ার প্রভেদ—**  
পাকশয়ের শূল বেদনার অর বর্তমান থাকে না। হৃদয়ের শূলরোগে (Hepatalgia) সচরাচর দক্ষিণ হাইপোকন্ড্রিয়াম প্রদেশে বেদনার আবেগ অস্বস্ত হইয়া থাকে। ইন্টারকন্ড্রিয়াম (উদর পত্রের মধ্যবর্তী স্থান) মায়শূলে সচরাচর তস্যাম তাড়িত। সন্নিধানে এবং পার্শ্ববর্তী ইন্টারকন্ড্রিয়াম

হানে, এই ২টা ভিন্ন ভিন্ন বেদনাবৃত্ত স্থল লক্ষিত হয়। অজীর্ণ রোগ হইতে ইহার প্রভেদ এই যে, অজীর্ণজনিত শূল রোগের বেদনার বিরাম অবস্থায়, অজীর্ণের কোন লক্ষণ বর্তমান থাকে না।

ক্যান্সার রোগের বেদনা প্রায় সর্বদাই বর্তমান থাকে ; আহারের পর বা বাহু সঞ্চাপে উহার বৃদ্ধি, বাস্ত পদার্থের স্তম্ভ, বিশেষ ক্যান্সারকেশিরা, এপিগ্যাস্ট্রিয়াম্ প্রদেশে অর্কুদ অম্লত্ব এবং রোগীর বয়স প্রভৃতি দ্বারা রোগ নির্ণয় করা যায়। আহারের সহিত বেদনার সম্বন্ধ, চাপিলে বেদনার বৃদ্ধি, রক্তবমন ও বেদনার সাময়িকতা দ্বারা পাকায়ের ক্ষত হইতে, শূলরোগ প্রভেদ করা যায়। ইহা ব্যতীত পিত্তশিলা নির্গমন, কৃৎপিণ্ডের পীড়া জনিত শূল প্রভৃতি রোগ হইতে, ইহাকে ঐ সকল রোগের বিশেষ বিশেষ লক্ষণ দ্বারা নির্ণয় করা যায়।

(৭) **বুকজ্বালা**—অজীর্ণ রোগের ইহা আর একটা যন্ত্রণাদায়ক লক্ষণ। অন্নতা বশত: পাকায়ের কর্ণডিয়াক রক্তে ও ইসোফেগাসে বিশেষ উষ্ণতা, অন্নতা এবং উগ্রতাজনক যন্ত্রণা অম্লত্ব হয়। এই অন্নতা অম্লত্ব, পাকায়ের স্তম্ভ পাচকরসের আধিক্যজনিত নহে—পরন্তু, পাকায় মধ্যে উৎসেচন ক্রিয়া-উদ্বৃত্ত (Fermentation) দ্বারিক বায়ুর জন্ম ইহা উৎপাদিত হয়। অত্যধিক মিষ্ট দ্রব্য বা চর্কি সংযুক্ত আহার্য দ্বারা সাধারণত: বুকজ্বালা (Cardialgia) উপস্থিত হইয়া থাকে। বাইকার্বনেট অব্ সোডা (Sodi Bicarb) প্রভৃতি দ্রব্য ঔষধ অন্ন পরিমাণে সেবন করিলে, উহা পাকায়ের অন্নকে সহকারায় করিয়া, এই লক্ষণ কণিকের নিমিত্ত নিবারণ করে।

(ক্রমঃ)

## এন্ডোক্রিনোলজি Endocrinology.

### দেহের ভিতর ঔষধ-ভাণ্ডার।

লেখক—ডাঃ শ্রীলক্ষ্মীশঙ্কর কুমার মুখোপাধ্যায় M. B.

ইণ্ডিয়ান মেডিক্যাল রেকর্ডের সম্পাদক।

অংশের কার্যের মধ্যে যে স্বাতন্ত্রিক সম্বন্ধ (reciprocity) আছে, তাহার মূলে এই ঔষধিক এবং অণুকোষের রস, রক্তের মধ্যে বিস্তারিত দেহের সর্বত্র কার্য করে। বার্বেন্ডের এই মত কিন্তু সেকালের চিকিৎসকগণের দৃষ্টি আকর্ষণ করিতে পারে নাই।

স্বায়ংপর ১৮৫৬ খৃষ্টাব্দে এডিসন (Addison) এক প্রকার রোগে

সুপ্রারেন্যাল গ্রন্থির পরিবর্তন-হইতে দেখিয়া, উক্ত গ্রন্থি নষ্ট হওয়ার ফলেই এ রোগ হইয়াছে বলিয়া স্থির করেন। এডিসনের নাম হইতে ঐ রোগের নাম “এডিসন ডিজিজ” (Addison’s disease) বা “এডিসনের পীড়া” হইয়াছে।

ইহার এক বৎসর পরে ব্রাউন সেকাড (Brown Sequard) সুপ্রারেন্যাল গ্রন্থি কি প্রয়োজনে আসে, তাহা প্রদর্শন করান। কোন জন্তুর দেহ হইতে এই গ্রন্থি বাদ দিলে এডিসনের রোগ হয় এবং রোগী অল্প দিনের মধ্যেই মৃত্যুস্থখে পতিত হইয়া থাকে।

ঐ বৎসরেই জেনিভা বিশ্ববিদ্যালয়ের অধ্যাপক ডাঃ সিক্ (Schiff) প্রমাণ করেন যে, “থাইরয়েড্ গ্যাণ্ড্” দেহের একটা মহা প্রয়োজনীয় গ্রন্থি। তিনি দেখাইলেন যে, কোন কুকুরের থাইরয়েড্ গ্রন্থি বাদ দিলে, উহার “মিক্সিডিমা” (myxœdema) নামক রোগ হয়। পরে ইনি ইহাও দেখাইয়াছিলেন যে, থাইরয়েড বাদ দিলুর পর, যদি ঐ গ্রন্থি জন্তুর উদর গহ্বরের ভিতর কলম করিয়া দেওয়া যায় বা তাহাকে থাইরয়েড খাটেতে দেওয়া হয়, তাহা হইলে মিক্সিডিমা হয় না।

ব্রাউন সেকাডের বয়স যখন ৭০ বৎসর, তখন তিনি অগুকোহের দার নিজ দেহে ইন্ডেকসন লইয়াছিলেন। ১৮৮৯ খৃষ্টাব্দে প্যারী নগরীর (Paris) প্রাণীবিদ্যা বিষয়ক সভার একটা অধিবেশনে, তিনি নিজের দেহে অগুকোহের দার ইন্ডেকসন করিয়া কি ফল পাইয়াছিলেন, তাহা বর্ণনা করেন। উক্ত ইন্ডেকসনে তাহার শারীরিক ও মানসিক শক্তি বৃদ্ধিত হইয়াছিল।

ডাঃ মেরিং (Mering) ও মিনকোভি (Minkowski) ১৮৮৯ খৃষ্টাব্দে দেখাইলেন যে, শরীর হইতে ক্রোম বা প্যানক্রিয়াস্ (Pancreas) কাটিয়া বাদ দিলে, প্রস্রাবে চিনি দেখা দেয়। ইহার পর এ সম্বন্ধে অনেক গবেষণা হইয়াছে এবং কয়েক বৎসর পূর্বে ডাঃ ব্যাণ্টিং (Banting) প্যানক্রিয়াসের অন্তর্স্থিত রস—“ইনসুলিন” আবিষ্কার করিয়া, চিকিৎসা-জগতে যুগান্তর উপস্থিত করিয়াছেন।

আইসেলবার্গ (Eiselberg) নামক একজন চিকিৎসক, ১৮৯২ খৃষ্টাব্দে প্রাণীর উপর পরীক্ষা করিয়া দেখান যে, প্যারাথাইরয়েড্ (Parathyroid) কাটিয়া বাদ দিলে, টেটানি (Tetany) রোগ উপস্থিত হয়। কিন্তু যদি অন্য জন্তুর প্যারাথাইরয়েড্ পরীক্ষাধীন জন্তুর উদর গহ্বরের মধ্যে কলম করিয়া বসাইয়া দেওয়া হয়, তাহা হইলে আর এই পীড়া (Tetany, হয় না।

ডাঃ হেবনার (Heubner) সাড়ে চারি বৎসর বয়সের একটা শিশুর শব ব্যবচ্ছেদকালে দেখিতে পান যে, তাহার পিন্ডিয়াল গ্রন্থিতে (Pineal) একটা টীউবার (খুব) হইয়াছে। এই শিশুর বয়সের সুলনার, দেহের সাধারণ গঠন—বিশেষতঃ, জননেত্রির খুব পরিপুষ্ট হইয়াছিল। ইহা হইতে তিনি প্রমাণ করিলেন যে, দেহের বৃদ্ধির সহিত পিন্ডিয়াল গ্রন্থির একটা বিশেষ সন্ধ আছে।

পিটুইটারি গ্যাণ্ড (Pituitary) কিন্তু এতদিন কাহারও দৃষ্টি আকর্ষণ করে নাই। এই গ্রন্থি কয়েকটা ভিতরে—যত্নের তলদেশে অবস্থিত। সুতরাং ইহা লইয়া প্রাণীর উপর

কোনরূপ পরীক্ষা করা তেমন সহজসাধ্য নয়। কয়েক বৎসর যাত্র পূর্বে (১৯০৮ খৃষ্টাব্দে) বুখারেস্টের (Bucharest) ডাক্তার নিকোলাস পাউলেস্কো (Nicholas Paulasco) অল্প করিয়া পিটুইটারি গ্রন্থি বাহির করিবার এক নূতন উপায় আবিষ্কার করেন। তিনি দেখে হইতে পিটুইটারি গ্রন্থি বাহির দিয়া দেখাইলেন যে, ইহার কল-মৃত্যু। এই পিটুইটারি গ্রন্থির রস (Pituitrin) আজ চিকিৎসকগণের একটা প্রধান অবলম্বন।

এইরূপে অন্তর্মুখী রসগুলির সম্বন্ধে আমাদের জ্ঞান ক্রমশঃ বৃদ্ধি প্রাপ্ত হইতেছে। কিন্তু এখনও কয়েকটা গ্রন্থি আমাদের নিকট চর্কোধ্য হইয়া আছে।

### অন্তর্মুখী রসের অস্তিত্বের প্রমাণ।

প্রশ্ন হইতে পারে—উল্লিখিত গ্রন্থি সমূহ হইতে যে অন্তর্মুখী রস নিঃসৃত হয়, তাহা কি উপায়ে জানা যায়? বৈজ্ঞানিকগণ যে সকল উপায়ে অন্তর্মুখী রসের অস্তিত্ব প্রমাণ করিয়াছেন, নিয়ে তাহা যথাক্রমে কথিত হইতেছে।

(১) গ্রন্থির আকৃতিগত প্রমাণ (Histological Proof)।  
যে সকল গ্রন্থি হইতে অন্তর্মুখী রস নিঃসৃত হয়, তাহাদের আকৃতির মধ্যে কতকগুলি বিশেষত্ব থাকে। যথা;—

(ক) এই গ্রন্থিগুলি বহু সংখ্যক কোষ (Cell) সমষ্টি বলিলেও অত্যাঙ্গুষ্ঠিত হয় না।

(খ) গ্রন্থির ভিতর অন্তর্স্থিত উচ্চ কোষগুলির মধ্যে অনেক দানা দানা পদার্থ (Granules) দেখা যায়। উচ্চ হইতে বৃদ্ধি যায় যে, এই সকল কোষ হইতে রসস্রাব হইয়া থাকে।

(গ) কোষগুলির মূখ, রক্ত প্রণালীগুলির (Blood vessels) অতিমুখে থাকে। ইহার কারণ—উচ্চ কোষ মধ্যে অন্তর্মুখী রস প্রসৃত হইয়াই, উচ্চ একেবারে রক্তের সহিত মিশিয়া যায়।

যে সকল গ্রন্থি হইতে অন্তর্মুখী ও বাহ্যর্মুখী উভয় প্রকার রসই নিঃসৃত হয়, তাহাদের কোষগুলির মূখ হইলিকে পার্শ্বিক দেখা যায়—কতকগুলি গ্রন্থির মূখ উচ্চ নলের (Duct) অতিমুখে, আর বাকিগুলির মূখ রক্তবাহী শিরার অতিমুখে।

এই তিনটি বিশেষত্ব যে গ্রন্থিতে থাকে, তাহাকে আমরা অন্তর্মুখী রসস্রাবী গ্রন্থি বলিয়া অনুমান করিতে পারি।

(২) জীবদেহে পরীক্ষার ফল (Physiological proof)।—কোন গ্রন্থির আকৃতি অনুসন্ধান যত্নের সাহায্যে পরীক্ষা করিয়া দেখিরাই, উচ্চ হইতে অন্তর্মুখী রস নিঃসৃত হয়, বলিলেই হইবে না; ইচ্ছা প্রমাণ করিয়া দেখাইতে হইবে। এই প্রমাণ দুই প্রকার উপায়ে করা যাইতে পারে। যথা;—



(ক) **প্রত্যক্ষ প্রমাণ**।—আমরা বলিতেছি যে, এইরূপ গ্রন্থিনিঃসৃত রস একেবারে রক্তের সহিত মিশিয়া যায়। একথা যদি সত্য হয়, তাহা হইলে গ্রন্থির রস শুধু যে, গ্রন্থিমধ্যেই পাওয়া যাইবে, তাহা নয়—উহা হইতে যে সকল রক্তের নল (blood vessels) বাহির হইয়াছে, তাহাদের মধ্যেও থাকিবে। সুতরাং উক্ত গ্রন্থির রস কোন প্রাণীদেহে উল্লেখকমন করিলে যে কল হইবে, ঐ গ্রন্থি হইতে নির্গত ধমনী মধ্যস্থ রক্ত লইয়া উল্লেখকমন করিলেও, ঠিক সেইরূপ কল পাওয়া যাইবে। বলা বাত্য়, কার্যকরিত্বে এ রূপই প্রমাণিত হইয়াছে। এতরূপে সুপ্রাক্ষেপণ গ্রন্থি হইতে যে রক্তের নলগুলি বাহির হইয়াছে, তন্মধ্যস্থ রক্তেও যে এড্রিনালিন থাকে, তাহা প্রমাণিত হইয়াছে।

(খ) **পরোক্ষ প্রমাণ**।—অধিকাংশ ক্ষেত্রে প্রত্যক্ষভাবে অন্তর্ভুক্ত রসের অস্তিত্ব প্রমাণ করা কঠিন। কারণ, একেত এই প্রকার রস অত্যন্ত বহু পরিমাণে নিঃসৃত হয়, তাহার উপর আবার রক্তে মিশিবার পর আরও বহুতর হইয়া যায়।

### জীবেদেহে পরীক্ষা-প্রণালী।

(ক) গ্রন্থি হইতে যে ধমনীগুলি বাহির হইয়াছে, সেগুলিকে বাধিয়া রক্ত বহির্গমনের পথ বন্ধ করিলে, বিবিধ লক্ষণ প্রকাশ পায়। প্যানক্রিয়াসের রস—“ইনসুলিন”, এইরূপে আবিষ্কৃত হইয়াছে। প্যানক্রিয়াসের ধমনী বাধিলে, প্রস্রাবে চিনি দেখা দেয় (বহুমূত্রের লক্ষণ উপস্থিত হয়)। ইহা হইতে বুঝা যায় যে, প্যানক্রিয়াস হইতে এমন একটা জিনিষ বাহির হইয়া রক্তের সহিত মিশিতেছে—যাহার অভাবে বহুমূত্র পীড়া উপস্থিত হয়।

(খ) **গ্রন্থি উচ্ছেদ**।—শেহ হইতে কোন গ্রন্থি কাটিয়া বাহ দিলে, কি কল হয়; দেখা যাউক।—

কোন জন্তুর প্যানক্রিয়াস যদি কাটিয়া বাহ দেওয়া যায়, তাহা হইলে ঐ জন্তুর প্রস্রাবের সহিত চিনি বাহির হইতে থাকিবে এবং তাহার মৃত্যু অবশ্যস্বাবী। কিন্তু যদি এইরূপে প্যানক্রিয়াস বাহ দিবার পর, অল্প প্রাণীর প্যানক্রিয়াস তাহার উদর গহ্বরের ভিতর কলম করিয়া দেওয়া যায়, তাহা হইলে বহুমূত্রের লক্ষণ বিলুপ্ত হইবে। ইহা হইতে প্রমাণ হয় যে, প্যানক্রিয়াসের মধ্যে এমন একটা জিনিষ তৈয়ারী হয়—যাহার অভাবে দেহমধ্যে শর্করা পরিপাক হয় না।

**ঔষধরূপে গ্রন্থি প্রয়োগের ফল** —ঔষধরূপে গ্রন্থি প্রয়োগের ফল, চিকিৎসাক্ষেত্রে অধুনা বিশেষরূপেই পরিলক্ষিত হইতেছে।

**উদাহরণ**—থাইরয়েড গ্রন্থির দোষ হইলে রোগীর দেহ কুলিয়া উঠে (myxoedema)। এই রোগে থাইরয়েড গ্রন্থি খাওয়াইলে আশ্চর্যজনক ফল পাওয়া যায়।

(৩) **রাসায়নিক পরীক্ষার ফল (Chemical proof)**।—অন্তর্ভুক্ত রসের অস্তিত্ব পূর্বে প্রমাণ করা গিয়াছে; কিন্তু বস্তুকণ না গ্রন্থি হইতে রসটি পৃথক না করা যাইতেছে, ততকণ উহা সম্পূর্ণ প্রমাণ বলিয়া গণ্য হইতে পারে না। এতদ্ব্যতীত—

(ক) প্রথমতঃ গ্রন্থির অন্তর্ভুক্তি রসটিকে পৃথক করিতে হইবে।

(খ) ঐ রসের প্রধান উপাদান ( active principle ) বাহির করিতে হইবে।

(গ) গ্রন্থিনিঃসৃত রসের ভিত্তর যে মূল উপাদান ( active principle ) আছে, তাহা গ্রন্থি হইতে যে সকল ধমনী বাহির হইয়াছে, তাহার মনোও থাকি চাই। উল্লিখিত কয়েকটি নিয়ম নিষ্কর ও প্রমাণিত হইলেই বলা যাইবে যে, গ্রন্থি হইতে একটা রস নিঃসৃত হইতেছে এবং সেই রস রক্তের সহিত মিশিতেছে।

সুপ্রারেনাল গ্রন্থি হইতে “এড্রিনালিন”, পিটুইটারি হইতে “টেপেলিন” ( Teshelin ), পাইরয়েড্ হইতে “পাইরক্সিন” প্রভৃতি আবিষ্কৃত হইয়াছে। রাসায়নিক প্রক্রিয়া দ্বারা বৈজ্ঞানিকগণ সম্প্রতি কৃত্রিম উপায়ে এই সকল অন্তর্ভুক্তি রসের সার ( active principle ) অধিক প্রস্তুত করিতে সমর্থ হইয়াছেন। কিন্তু অধিকাংশ ক্ষেত্রেই, এই রসের পরিমাণ এত কম যে, এরূপ রাসায়নিক পরীক্ষার উপর ভিত্তি নির্ভর করা যায় না।

যাহা হউক, এতদ্বারা দেখা যাইতেছে যে, মানব দেহের ভিত্তর প্রথম ভাগের, কবির কল্পনা নহে—ইহা বাস্তব সত্য এবং বৈজ্ঞানিকের কঠোর পরীক্ষার ফল।

( ক্রমশঃ )



যক্ষ্মা-চিকিৎসায়—স্যানোক্রাইসিন্

**The Sanocrysin Treatment of Tuberculosis.**

Dr. N. K. Dass M. B. M. C. P. & S. M. D. (M. H. M. C.)

সম্প্রতি “স্যানোক্রাইসিন্” ( Sanocrysin ) নামক একটা খাডব গোল্ড্ সাল্ফেট্ ( Gold Sodium Theosulphate ) ঔষধ—যক্ষ্মা পীড়ার চিকিৎসার্থে আবিষ্কৃত হইয়াছে। ইহার আবিষ্কর্তা—প্রফেসর মোল্গার্ড। ইনি কয়েক প্রকার যক্ষ্মা ( Tuberculosis ) রোগে এই ঔষধ ইন্জেকশন করিয়া বিশেষ উপকার লাভ করিয়াছেন।

এই নবাবিহিত ঔষধটির সম্বন্ধে বিভিন্ন ইংরাজী সাময়িক পত্রে বহু বিশেষজ্ঞ চিকিৎসকের আলোচনা ও অভিমতাদি প্রকাশিত হইয়াছে। বর্তমান প্রবন্ধে এই সকল আলোচনা এবং সুপ্রসিদ্ধ বন্যা-চিকিৎসক কর্ণেল স্পেন C. I. E. M. D. I. M. S. মহাশয়ের অভিমতাদি আমরা ধারাবাহিকরূপে পাঠকগণের গোচরীকৃত করিব।

কোপেহেগ্‌ নিবাসী প্রোফেসর মোল্‌গার্ডের এই অভিনব আবিষ্কার,—বর্তমানে সমগ্র পৃথিবীর চিকিৎসকগণেরই দৃষ্টি আকর্ষণ করিয়াছে।

গ্রেট ব্রিটেনে মেডিক্যাল রিসার্চ কাউন্সিলের অমুগ্ৰহে এই ঔষধটি বিশেষরূপে পরীক্ষিত হইয়াছে।

প্রো: মোল্‌গার্ডের মতে—স্যানোক্রাইসিনের কীণ দ্রব ব্যবহারে, টাউবার্কল জীবাণু-সমূহের বৃদ্ধি সংবৃত হয়। গৃহপালিত পশু, গো-বৎস, এবং ছাগাদির দেহ বধ্যস্থিত টাউবার্কল জীবাণু সমূহের উপর, এই ঔষধ বহুহানে ও বহুদিন ধরিয়া, পরীক্ষা করিয়া ইহার এই বিশেষ ক্রিয়া লক্ষিত হইয়াছে যে, গৃহপালিত যে সমস্ত পশুর দেহে টাউবার্কল জীবাণু পাওয়া গিয়াছিল, তাহাদিগকে এই ঔষধ ইত্যেকসন করতঃ, কিছুদিন পরে উক্ত চিকিৎসিত পশুগুলিকে হত্যা করিয়া পরীক্ষা করায় দেখা গিয়াছে যে, তাহাদের দেহ একেবারে টাউবার্কল জীবাণু মুক্ত হইয়াছে। প্রো: মোল্‌গার্ড এই পশুগুলিকে ০.০২—০.০৩ গ্রাম মাত্রায় ৪—১০ দিন অন্তর এই ঔষধ প্রয়োগ করিয়াছিলেন।

**সতর্কতা।**—অত্যন্ত সতর্কতা সহকারে এই ঔষধ ব্যবহার করা উচিত। কারণ, এই ঔষধটির ব্যবহার এখনও সম্পূর্ণ নিরাপদ বলিয়া বিবেচিত হয় নাই। বন্যা রোগাক্রান্ত রোগীকে এই ঔষধ দ্বারা চিকিৎসা করিবার কালীন, প্রায়ই কতকগুলি অসুস্থ লক্ষণ বা প্রতিক্রিয়া উপস্থিত হইতে দেখা যায়। বন্যা:—অর, এল্‌বুমিনিউরিয়া, দৈহিক ওজনের হ্রাস, উদরাধর ইত্যাদি। ঔষধের মাত্রাধিকা হইলেই, সাধারণতঃ এই সমস্ত অসুস্থ প্রতিক্রিয়া দেখা যায়। রোগীর সহশক্তি অনুযায়ী অতি সাবধানতার সহিত, অল্প মাত্রায় ঔষধ প্রয়োগ করিলে, প্রায়ই এই সকল অসুস্থ প্রতিক্রিয়াকে অতিক্রম করা যায়।

সম্প্রতি নামাধিহ পরীক্ষা ও গবেষণার পর প্রমাণিত হইয়াছে যে, “স্যানোক্রাইসিন” অধিক মাত্রায় ব্যবহার একেবারেই নিশ্চরোজন এবং তাহা অহুমোদিতও নহে। উহাতে বিপন্ন উপস্থিত হওয়াও অসম্ভব নহে। বিলাতের “মেডিক্যাল রিসার্চ কাউন্সিল” লিখিয়াছেন যে,—“স্যানোক্রাইসিন” অতি অল্প মাত্রায়, অধিক দিন অন্তর ব্যবহার করাই উচিত ও এইরূপ প্রয়োগই কলপ্রদ এবং নিরাপদ। ইহাতে রোগীর দারিদ্রিক প্রতিক্রিয়া কিবা বিশেষ অসুস্থলক্ষণ কোনও লক্ষণ প্রকাশ পায় না।

**চিকিৎসার্থ উপযুক্ত রোগী।** এই ঔষধে আশারূপ ফল পাইবার আশা করিলে, ইহা পীড়ার প্রাথমিক অবস্থায় অথবা অপেক্ষাকৃত স্থল বন্ধিত অবস্থায়, প্রয়োগ করা উচিত। পীড়ার চরম অবস্থায় স্থানোক্রাইসিন ব্যবহার করা উচিত নহে, তাহাতে উপকার তো হয়ই না; পরন্তু অপকার হইয়া থাকে। টিউবাকিউলোসিস পুরিসি রোগে এই ঔষধ ব্যবহার করিয়াও উপকার পাওয়া গিয়াছে। চর্ম ও লোসিকা গ্রন্থির টিউবাকিউলোসিস পীড়ায় এই ঔষধ ব্যবহার করিয়া কোনও কোনও স্থলে উপকার পাওয়া গিয়াছে। কিন্তু অস্থি, মস্ত, কিডনী এবং মেনিঞ্জিসের টিউবাকিউলোসিস রোগে এই ঔষধের কোনও ক্রিয়া আছে কি না, সে সম্বন্ধে এ পর্যন্তও কোন প্রমাণ পাওয়া যায় নাই। আশা করা যায় যে, বিশেষজ্ঞ চিকিৎসকগণ অত্র ভবিষ্যতে পরীক্ষা ও গবেষণা দ্বারা সর্ববিধ টিউবাকিউলোসিস পীড়াতেই, এই ঔষধের বিশেষ ক্রিয়া সম্বন্ধে তাহাদের পরীক্ষার ফল প্রকাশ করিয়া, জগতে এক অভিনব ঔষধের আবিষ্কার করিবেন এবং এই চিকিৎসক বাহির চিকিৎসা-সমস্তুার সমাধান করিতে সক্ষম হইবেন।

উল্লিখিত যে সকল অবস্থায় এই ঔষধ ব্যবহার করিয়া, চিকিৎসকগণ পীড়া আরোগ্য করিতে সক্ষম হইয়াছেন, এক্ষণে কেবলমাত্র সেই সমস্ত অবস্থার রোগীতেই এই ঔষধ ব্যবহার করিয়া, ইহার উপকারিতা ও ফল লক্ষ্য করা উচিত অর্থাৎ ইহা যন্ত্রা পীড়ার প্রাথমিক অবস্থায় কিংবা অপেক্ষাকৃত স্থল বন্ধিত অবস্থাতেই ইহার প্রয়োগ উপযোগী।

**মাত্রাদি** ডাঃ ফেবারের মতে—প্রথম ইঞ্জেকশনে ০.৫ গ্রাম এবং অন্তঃপূর্ণ পীড়ায় অস্থির ১ গ্রাম মাত্রায়, সর্বশুদ্ধ ৫—৭টা ইঞ্জেকশন দেওয়া উচিত। এইরূপ মাত্রাটি যক্ষ্মা রোগের প্রাথমিক অবস্থায় ও পীড়া অধিক বন্ধিত হয় নাই, এইরূপ পুরাতন রোগীর পক্ষে যথেষ্ট।

ডাঃ ক্রাঙ্কের মতে—০.৭৫ গ্রামই নী রোগীর পক্ষে উচ্চতম মাত্রা। স্ত্রীলোকগণকে ইহাপেক্ষা অধিক মাত্রায় কোনও মতেই ঔষধ প্রয়োগ করা উচিত নহে। এই পীড়াক্রান্ত রোগীর চরম অবস্থায়, যখন এই রোগের বিভিন্ন লক্ষণাবলী প্রবল রূপে প্রকাশ পায়, তখন এই ঔষধ পূর্ণ মাত্রায় প্রয়োগ করা একেবারেই নিষিদ্ধ।

ডাঃ ক্লার্ক বলেন—প্রথমতঃ ০.১ গ্রাম মাত্রায় ইঞ্জেকশন আরম্ভ করিয়া, অতি ধীরে ধীরে মাত্রা বৃদ্ধি করিলে, অন্তত প্রতিক্রিয়াকে বাধা করা বাইতে পারে। ইহার মতে—মাত্রা বৃদ্ধি করিয়া পুরুষের পক্ষে ১ গ্রাম এবং স্ত্রীলোকের পক্ষে ০.৭৫ গ্রাম পর্যন্ত, পূর্ণ মাত্রা করা যায়—ইহার অধিক করা উচিত নহে। এইরূপে মাত্রা বৃদ্ধি করিয়া পূর্ণ মাত্রা পর্যন্ত উঠিলে, রোগী এই ঔষধ সহ্য করিতে সক্ষম হয় এবং সাধারণতঃ প্রতিক্রিয়াও অতিক্রম করা যায়। কোন রোগীকেই মোটের উপর ৭ গ্রামের বেশী ঔষধ প্রয়োগ করা উচিত নহে। ১টা ইঞ্জেকশন দিবার পর—যদি কোনরূপ প্রতিক্রিয়ার লক্ষণ প্রকাশ পায়, তাহা হইলে সমুদয় লক্ষণ তিরোহিত না হইয়া পর্যন্ত, কোনও মতেই দ্বিতীয় ইঞ্জেকশন দেওয়া উচিত নহে।

ডাঃ পারমিন্ বলেন যে, “রোগীর অরীর উত্তাপ, সাধারণ অবস্থা এবং নাড়ীর গতি বিশেষ ভাবে পর্যালোচনা করিয়া—তবে এই ঔষধের মাত্রা বৃদ্ধি করিবে। কয়েকটী ইঞ্জেকশন দিবার পর, কিছুকাল ইঞ্জেকশন বন্ধ রাখিয়া, আবার ইঞ্জেকশন দিতে আরম্ভ করা কর্তব্য এবং এই মতন পর্যালোচনা ইঞ্জেকশনে ঔষধের মাত্রা অপেক্ষাকৃত অল্প অল্প পরিমাণে বৃদ্ধি করিবে” ।

ভারতের বিখ্যাত যন্ত্র চিকিৎসক এবং লন্ডন মেডিক্যাল কলেজের প্রিন্সিপাল ও অধ্যাপক লেঃ কর্ণেল্ স্পল্ন্ মহোদয় ০.২৫ গ্রাম ( ৩ঃ গ্রেন ) মাত্রায় ব্যবহার করিয়া আশাতীত উপকার পাইয়াছেন বলিয়া যত প্রকাশ করিয়াছেন। ইনি বলেন যে, ইহা অল্প মাত্রায় ব্যবহারেই অধিক উপকার পাওয়া যায়। রোগী বিশেষে ইনি ইহা অপেক্ষাও কম মাত্রায়, এই ঔষধ ব্যবহার করিতে উপদেশ দেন।

**প্রয়োগ-প্রণালী।** স্যানোক্রাইসিন বিশোধিত পরিষ্কৃত জলে ( Sterile Distilled water ) দ্রব করিয়া শিরামদো (ইন্ট্রাভেনাস) ইঞ্জেকশন দিবে।

**প্রয়োগ নিষি।** ইহা সোভাসুজি টাউবার্কল জীবাণুর উপর ক্রিয়া প্রকাশ করে এবং জীবাণুগুলিকে সহর ধ্বংস করিয়া দেয়। কিন্তু জীবাণুগুলি যদি নিকটবর্তী কাইত্রাস্ টীসু হারা আক্রান্ত থাকে, তাহা হইলে এই ঔষধের ক্রিয়া প্রকাশ হইতে কিছু বিলম্ব হয়। এই জন্যই পীড়া মিথি করিবার পর যত সহর সম্ভব ইহা ইঞ্জেকশন করা কর্তব্য।

**প্রতিক্রিয়া।** সাধারণ প্রতিক্রিয়ার উত্তাপ বৃদ্ধিত এবং চর্মোপরি ইরাপশন নির্গত হয় ইহা বাতীত আর অন্য কোনও প্রকার কঠিন প্রতিক্রিয়া সাধারণতঃ দেখা যায় না। ঔষধের বা ইঞ্জেকশনের মাত্রাসিকা হইলে, কঠিন ও সাংঘাতিক প্রতিক্রিয়া প্রকাশ পাইয়া থাকে। কখনও কখনও সাধারণ বা কঠিন প্রতিক্রিয়ার সহিত বিষ ক্রিয়া ও বমনের লক্ষণাদিও দেখিতে পাওয়া যায়। অল্প ও উপযুক্ত মাত্রায় ঔষধ প্রয়োগ করিলে, এন্টুমিনিউরিয়া প্রকৃতি লক্ষণ প্রায়ই দেখা যায় না। সাধারণ মাত্রায় প্রয়োগ করিলে যখন চিকিৎসার শেষে ঔষধ কম মাত্রায় প্রয়োগ করা যায়, তখন সাধারণতঃ রোগীর বৈহিক ওজন হ্রাস প্রাপ্ত হয়। কিন্তু চিকিৎসা পূর্ণ হইবার পর, কিছু দিনের মধ্যেই এই হ্রাসপ্রাপ্ত ওজন তা পুনঃ পূরণ হয়ই, পরন্তু রোগীর স্বাস্থ্যোন্নতি হইয়া, বৈহিক ওজন আরও অধিকতর বৃদ্ধি হইতে দেখা যায়। ইঞ্জেকশন দিবার পূর্বেই এ সমস্ত বিষয় রোগীকে বিশদরূপে বুঝাইয়া দেওয়া উচিত। নতুবা সহসা এই পরিবর্তন দেখিয়া রোগী ভীত হইতে পারে। তবে এই ওজন হ্রাসের প্রতিক্রিয়া খুব কম রোগীতেই দৃষ্ট হয়। অল্প মাত্রা হইতে ঔষধ প্রয়োগ আরম্ভ করিয়া, মাত্রা বৃদ্ধি করিলে, এই প্রতিক্রিয়া প্রায়ই দেখা যায় না। কখনও কখনও ইহা এক সাধারণ প্রকাশ পায় যে, তাহা বুঝাই যায় না। একটী ইঞ্জেকশনের প্রতিক্রিয়া সম্পূর্ণরূপে অকর্ষিত না হওয়া পর্যন্ত, কিছুতেই পরবর্তী ইঞ্জেকশন দিবে না।

**অম্লপুষ্ক রোগী।** টাউবার্কিউলোসিস পীড়াক্রান্ত রোগীর চরম অবস্থার ও বে সমস্ত রোগীর অরীয় 'উন্নাপ অত্যধিক বা বে সমস্ত রোগী রক্তহীন এবং অত্যন্ত ক্ষীণ, তাহাদিগকে এই ঔষধ ইন্ডেকসন করিয়া কোনও ফল হয় না। বে সমস্ত রোগীর হৃৎপিণ্ডের বা কিড্‌নীর পীড়া বর্ধমান থাকে, তাহাদিগকেও এই ঔষধ প্রয়োগ নিষিদ্ধ। এইরূপ রোগীকে এই ঔষধ ইন্ডেকসন করিলে বিপদ হইবার সম্ভাবনা।


ডাঃ ক্লার্ক বলেন যে, অত্যন্ত বর্ধিত অবস্থার অর্থাৎ চরম অবস্থার কুস্কুমীয় বন্নারোগে এই ঔষধ বিশেষ বিপজ্জনক।

ডাঃ ক্লার্কের মতে, যদি পীড়ার সহিত যুদ্ধ করিবার মত রোগীর প্রাকৃতিক কোনও সামর্থ্য থাকে অর্থাৎ জীবনী শক্তি যদি একেবারেই নষ্ট হইয়া না গিয়া থাকে, তাহা হইলেই কেবল মাত্র স্ত্রানোক্রাইসিন প্রয়োগ করিয়া উপকার পাওয়া যায়। নতুবা জীবনী শক্তি হীন ও হ্রাস রোগীকে এই ঔষধ ব্যবহার করিয়া কোন ফলই পাওয়া যায় না। পক্ষান্তরে, কুস্কুমীয় বন্না পীড়ার স্ত্রানোক্রাইসিনের উপকারিতা সম্বন্ধে এখনও নিশ্চয় করিয়া কিছুই বলা যায় না।

ডাঃ ক্লার্কের সহিত প্রোঃ মোলগার্ডের মতের ঐক্য হয় না। কিন্তু এই সম্বন্ধে অত্যন্ত বিচক্ষণ চিকিৎসকগণের পরীক্ষা ও গবেষণার ফলাদি যাহা পাওয়া যাইতেছে, তাহাতে মনে হয়—ডাঃ ক্লার্কের মত নিতান্ত ভিত্তিহীন না হইলেও, সব কথা অত্রান্ত বলিয়াও বীকার করা যায় না।

স্ত্রানোক্রাইসিন ব্যবহার সম্বন্ধে বিশেষ অতিজ্ঞতা লাভ না করা পর্যন্ত, ইহা নিরাপদে ব্যবহার করা কোন চিকিৎসকেরই উচিত নহে। বিশেষভাবে এসম্বন্ধে আলোচনা ও প্রবন্ধাদি পাঠ করিয়া, তাহার পর ইহা ব্যবহার করা উচিত। এ সম্বন্ধে বিশেষ বিশেষ আলোচনা এবং ভারতের অধিতীয় বন্না চিকিৎসক কর্ণেল প্রশন্ সাহেবের অতিমত ও অতিজ্ঞতা এবং তাহার চিকিৎসিত রোগীর আমূল বিবরণ আগামী 'সংখ্যার প্রকাশিত হইবে।

( ক্রমশঃ )





## হেক্সেটোন—Hexeton

লেখক—ডাঃ খুজেন্দ্রনাথ পাল ।

(Late) Doctor, Khujna District Board, M. V. Central  
Co-operative Anti-malarial Society & Bengal  
Health Association-

—:—

হেক্সেটোনের আনুমানিক নাম—মিথিল-আইসো-প্রপিল-সাইক্লো-  
হেকচেনন-কম্পোজিট। ইহা সহজেই জলে দ্রবীভূত হয় ।

ক্রিয়া । সুপ্রসিদ্ধ ডাঃ ই, লেসকি, ডাঃ এ, গার্ব, ডাঃ ই, ডব্লিউ টাসেনবার্গ,  
ডাঃ এ, ফিউ প্রভৃতি বিজ্ঞ চিকিৎসকগণ অভিন্ন প্রকাশ করিয়াছেন যে—হেক্সেটোনের  
ক্রিয়া সর্বাংশে ক্যান্ডরের স্থায়—পরন্তু তদপেক্ষা অধিকতর নিরাপদ । ক্যান্ডর ইঞ্জেকসনে,  
তনেক সময় বেয়োগ প্রয়োগ স্থান ক্ষীণ ও বেদনাদায়ক হয়, ইহাতে তাহা হয় না ।

হেক্সেটোন জ্বপিও ও বাসপ্রবাস বহুর উপর বিশেষ উত্তেজক ক্রিয়া প্রকাশ করে ;  
এই হেতু ইহা ইঞ্জেকসন করিলে, অবসন্ন জ্বপিও উত্তেজিত এবং বাসপ্রবাসের গতি  
ক্ষত হইয়া থাকে । ক্যান্ডর অপেক্ষা ইহার ক্রিয়া সত্ত্বর প্রকাশিত হয় । এতদপ্রয়োগে  
জ্বপিও ও বাসপ্রবাস বহুর ক্রিয়া বিকার সত্ত্বর স্থানান্তরিত হইতে দেখা যায় ।

প্রয়োগ বিধি ।—হেক্সেটোন, ইন্ট্রাভেনাস ( শিরামধ্যে ) এবং ইন্ট্রামাস্কিউলার  
(পেশীমধ্যে) ইঞ্জেকসনরূপে প্রয়োগ্য । যদি একেবারে ইন্ট্রাভেনাস ইঞ্জেকসন দিয়া ঔষধের  
ক্রিয়া কণহারা হইতে দেখা যায়, তাহা হইলে পুনরায় আর একবার ইন্ট্রামাস্কিউলার  
ইঞ্জেকসন দেওয়া বিধেয় । ইহাতে ঔষধের ক্রিয়া স্থায়ী হইয়া থাকে । ডাঃ বাটেঞ্জিয়ার  
বলেন—“ইহা শিরামধ্যে প্রয়োগ করা অপেক্ষা, মাংসপেশী মধ্যে প্রয়োগ করাই শ্রেয়ঃ, ।  
কারণ, ইহাতে কোন ছর্ষটনা ঘটবার আশঙ্কা থাকে না ।

মাত্রা । ইন্ট্রাভেনাস ইঞ্জেকসনে ০.০১ গ্রাম এবং ইন্ট্রামাস্কিউলার ইঞ্জেকসনে  
০.০১ গ্রাম মাত্রা নির্দিষ্ট হইয়াছে ।


আনুমানিক প্রয়োগ । নিম্নলিখিত কয়েকটা পীড়ার হেক্সেটোন সন্মুখোদ্ভিত  
হইয়াছে এবং অনেকেই ইহা উপযোগিতার সহিত ব্যবহার করিতেছেন ।

ঔষধ-বিষাক্ততা :—ডাঃ জিন্সোনার আফি, লাইফল-এ এবং বিবাক  
গ্যাস দ্বারা বিবাকতার ইহা ব্যবহার করাইয়া সুফল পাইয়াছেন । গ্যাস বিবাকতার,  
কোন দাঙ্গা নিঃসরণ বর্জিত করাইবার হেতুই এই ঔষধ ব্যবহৃত হয় ।

**পুন্যাতন ব্রঙ্কাইটিসঃ**—ডাঃ সুইনহার ইহার ১০% সলিউশন ৪ সি সি, মাত্রায় পুরাতন বায়ুনালী প্রদাহে (Chronic Bronchitis) ইন্ট্রাভেনাস ইন্জেকশন দিয়া সফল পাইয়াছেন। ইন বলেন যে, আমি এইরূপ চিকিৎসা কয়েক সপ্তাহ ধরিয়। চালাইয়াও, কোনই কুফল দেখিতে পাই নাই।

**ব্রঙ্কিয়াল স্যাডমা (ইঁপানী)** :—ব্রঙ্কিয়াল ইঁপানীতে ইহা খুব কম মাত্রায় উপকারী। কিন্তু অধিক মাত্রায় ব্যবহারে কুফল ফলে। কারণ, অতিরিক্ত মাত্রায় এতদ্বারা বায়ুনালী সমূহ বেশী পরিমাণে উত্তেজিত হইয়া অপকার সাধন করিতে পারে।

সাধারণতঃ ইহা যে মাত্রায় ব্যবহৃত হইয়া থাকে, ডাঃ উইচ সেট মাত্রা অপেক্ষা অল্প মাত্রায় বালক এবং বৃদ্ধদের ইন্ট্রাভেনাস ইন্জেকশন দিয়া আশাতীত সফল প্রাপ্তির বিষয় প্রকাশ করিয়াছেন। তিনি বলিষ্ঠ স্ত্রী এবং পুরুষকে ০.০২ গ্রাম ইন্জেকশন দিয়া কোনরূপ মন্দ ফল পান নাই, বরং সফল প্রাপ্ত হইয়াছেন। তিনি আরও দেখাইয়াছেন যে, ইহা স্নায়ুশুল্কের উপরেও ক্রিয়া প্রকাশ করিয়া থাকে। অস্বোপচার কালীন “স্কে” হেপেটোন মলমলান ঔষধ, যে কোনও প্রকার ঔষধের বিমাতৃভায় হেপেটোন ব্যবহার করিলে সফল পাইয়া যান।



## পার্বত্য-উদরাময় — Hill Diarrhoea

লেখক—ডাঃ শ্রীমন্মোহনকুমার দাশ—M. B. M. C. P. & S. (C. P. S.)  
M. R. I. P. H. (Eng.)

**রোগী**—হিন্দু বাঙ্গালী, বয়স ২৫:২৬ বৎসর। অল্প দিন হইল কার্শিয়াং এ চাকুরী করিবার ঈচ্ছা আসিয়াছেন। কার্শিয়াং পর্কতোপরি অগিষ্ঠিত একটা ছোট নহর। এখানকার উচ্চতা, সমতল ভূমি হইতে ৪৮৬০ ফিট। রোগীর নিবাস করিমপুর জেলায়। কার্শিয়াং আসিবার ২৩ সপ্তাহ পরেই, ইহার সামান্য অর হইয়া এবং উদরাময় উপস্থিত হয়।

**সমস্যা**—চিকিৎসার্থ আমি আহুত হইয়া গনিলাম যে, রোগীর পেটে অত্যন্ত মোচড় দিয়া এবং বয়না (Gripping pain), হইতেছে। এতাহ ৫৭ বার বেঁকবর্ণ

জলবৎ মলতাগ হয় । সাধারণতঃ কোনও কিছু আহ্বারের পরেই দাণ্ড হইয়া থাকে । রোগী অত্যন্ত রক্তহীন ও দুর্বল এবং উচ্চর শরীর ক্রমশঃ শীর্ণ হইয়া পড়িয়াছে । ভিষ্মা শ্বেতবর্ণ মলান্বিত । শব্দা হইতে উঠিতেও রোগীর কষ্ট হয় । অর নাই । নাড়ী দুর্বল । হৃৎপিণ্ড, কুসকৃস, প্লীহা ও যকৃৎ স্বাভাবিক । রোগী যে, অত্রতা বিশেষ প্রকৃতির পার্কতা উদরাময়ে আক্রান্ত হইয়াছেন, তাহাতে সন্দেহ নাই । রোগীকে নিম্নলিখিত ব্যবস্থা করিলাম ।

Re.

অয়েল রিসিনি	...	৪ ড্রাম ।
টাং ওপিয়াই	...	১০ মিনিম ।
মিউসিলেজ্ একেশিয়া	...	আবশ্যক মত ।
হাইকো-পাইমোলিন্	...	৮০ মিনিম
একোয়া মেম্বপিণ্	...	গ্রোড্ ৪ আউন্স ।

একত্রে মিশ্রিত করিয়া ৮ মাত্রা । প্রত্যহ ৩ মাত্রা সেবা ।

পথ্যাদি ৪—তথ্যে ঘালে চড়াইয়া উহাতে লেবুর রস দিয়া ছানা কাটিয়া, সেই ছানার জল বা লেবু ও মিশ্রিত সরবৎ সহ টাটকা দধির ঘোল কিম্বা লেবু ও লবণ সহ পাংলা বালী ওয়াটার পথ্যার্থ ব্যবস্থা করিলাম ।

এইরূপ ভাবে ৩ দিন চিকিৎসার পর, রোগীর বদেহে হিতপরিবর্তন হইতে দেখা গেল । অতঃপর নিম্নলিখিত ব্যবস্থা করিলাম । যথা :—

Re.

টাংকা ডায়েষ্টাস	...	২ গ্রোণ ।
লাকটো-পেপেইন্	...	৪ গ্রোণ ।
ডোভাস পাউডার	...	৩ গ্রোণ ।
সোর্ডি বাইকার্ক	...	৫ গ্রোণ ।

একত্রে ১ পুরিয়া । এইরূপ ৮ পুরিয়া প্রস্তুত করতা, আত্মারাশ্তে ১ পুরিয়া করিয়া দিবসে ২ বার সেবা ।


পথ্যাদি:—দিবসে পাংলা মসুরের রস ও লেবুর রস এবং ঘোল সহ পুরাতন তুলের অন্ন । রাতে ছানার জল বা পাংলা বালী ওয়াটার ।

এই চিকিৎসার রোগী অত্যন্ত সময় মধ্যেই আরোগ্য লাভ করিয়াছিল । অতঃপর তাহাকে কিছু দিনের জন্য, সমতল ভূমিতে হান পরিবর্তনে বাইবার উপদেশ দেওয়া হইয়াছিল ।

সাংঘাতিক পচনশীল ক্ষত ও বহুমূত্র।

A case of Severe Sepsis  
accompanying Diabetes.

\* By Dr. J. Venkitachetam Iyer, L. C. P. & S



গত নভেম্বর মাসে ( ১৯২৬ ), আমি একজন পূর্ণবয়স্ক হিন্দু রোগীকে দেখিবার জ্ঞান আহুত হই। এই রোগীটি বহুমূত্র পীড়াক্রান্ত হইয়া, গত তিনমাস হইতে স্থানীয় আয়ুর্বেদীয় চিকিৎসকের চিকিৎসাধীন আছেন।

বর্তমান অবস্থা। রোগীর নিকট উপস্থিত হইয়া দেখিলাম, রোগীর বাম পায়ের উরুসন্ধি হইতে হাঁটু পর্যন্ত বিস্তৃত, একটা অধঃস্থাতিক ফোটক হইয়াছে এবং এই ফোটকের উন্মুক্ত নালীমুখ দিয়া পুয়ঃ নির্গত হইতেছে। শুনিলাম—এই ক্ষতদ্বার দিয়া প্রত্যহ ১৬—২০ আউন্স পরিমাণ পুয়ঃ নির্গত হয়। উক্ত ক্ষত ব্যতীত উরুসন্ধির উপরে—কুঁচকীর নিকটে, আরও একটা শোষ ( নালী ক্ষত ) বর্তমান দেখিলাম এবং ইহার গভীরতা প্রায় ৪" ইঞ্চি হইবে। উক্ত পশ্চাত্তাগে আরও একটা নালীক্ষত দৃষ্ট হইল, ইহার ব্যাস প্রায় দুই ইঞ্চি হইবে। এই শোষের নিম্নস্তরে 'ফেমার' অস্থি উন্মুক্ত অবস্থায় অনুভূত হইল।

রোগীর সাধারণ অবস্থা অত্যন্ত খারাপ। রোগী অত্যন্ত সাহায্য লইয়া অতিকষ্টে শয্যার পার্শ্ব পরিবর্তন করিতে পারেন। রোগীকে ১ম দিন দেখিবার সময়ে তাহার জরীয় উত্তাপ ১০১° ডিগ্রী ছিল। নাড়ীর স্পন্দন প্রতি মিনিটে ১০০, শ্বাসপ্রশ্বাস প্রতি মিনিটে ৩২ ছিল।

চিকিৎসাঃ—অল্প রোগীকে, ৫ মিনিম টিং আইওডিন ( Ractified ) —পরিষ্কৃত জলে তরলীকৃত ( Diluted ) করিয়া, শিরামধ্যে ( Intravenous ) ইন্জেকশন দিলাম এবং সেবনার্থ ৬কোডিন্ লৌহ, এবং 'নল্লভমিকা' ব্যবস্থা করিলাম।

প্রত্যহ একবার করিয়া এইরূপ টিং আইওডিন শিরাপথে ইন্জেকশন চলিতে লাগিল। দ্বিতীয় সপ্তাহে ইহার মাত্রা ৮ মিনিম এবং শেষ পর্যন্ত ২০ মিনিম পর্যন্ত বৃদ্ধি করা হইয়াছিল।

পথ্য।—রোগীকে কেবল মাত্র বালী ওয়াটার, তানাটোজেন ও অল্পাধ লবু ও বলকারক পথ্যের উপর রাখা হইয়াছিল।

**চিকিৎসা ফল।** এই রোগীকে সর্বসমেত ১০টা ইন্ট্রাভিনাস্ আইওডিন ইঞ্জেকশন দেওয়া হইয়াছিল। এই চিকিৎসায় ক্রমশঃ সমস্ত নালী ক্ষতগুলিই (Sinuses) আরোগ্য হইয়াছিল। এই সকল ক্ষতে কোনও প্রকার স্থানিক ঔষধ (Local application) দেওয়া হয় নাই—কেবল মাত্র ক্ষতগুলি আবৃত রাখার অল্প বিশোধিত “ড্রেসিং” ব্যবহার করা হইয়াছিল। প্রায় ৪ মাস পূর্বে রোগী আমার চিকিৎসাধীনে আসিয়াছিল, এক্ষণে রোগী হাঁটিয়া চলিয়া বেড়াইতে এবং কার্যাদিও করিতে সক্ষম হইয়াছে। চিকিৎসান্তে নালীগুলির মুখ বন্ধ হইয়া গিয়াছিল ও রোগী সম্পূর্ণরূপে আরোগ্য লাভ করিয়াছিল।

**মন্তব্য।**—এই রোগীর নালী ক্ষতগুলি যে, স্থানিক চিকিৎসা ব্যতীত, নিয়মিত ভাবে একমাত্র আইওডিনের ইন্ট্রাভিনাস্ ইঞ্জেকশন দেওয়াতেই আরোগ্য হইয়াছিল, তাহাতে কোন সন্দেহ নাই।

## টীউবার্কিউলার ক্ষতে সোডিয়াম মল্‌য়েটের উপকারিতা।

• By Dr. Zahid Hussan Khan, L. M. P.

**রোগিণী**—জনৈক মুসলমান মহিলা, বয়স ৩০ বৎসর। এই রোগিণী ক্রিকিউলা পীড়া দ্বারা আক্রান্ত হইয়া, আমার চিকিৎসাধীনে আসেন।

**পূর্ব ইতিহাস।** ওনিলাম—ইনি গত ২ বৎসর হইতে এই পীড়ায় ভুগিতেছেন।

**বর্তমান অবস্থা।**—ইহার গ্রীবা ও বক্ষঃস্থলে অনেকগুলি ক্ষত চিহ্ন বর্তমান ছিল। গ্রীবদেশের কোন গ্রন্থি রক্তাধিক্য গ্রস্ত বা প্রদাহাঘ্রিত এবং কোন কোন গ্রন্থিতে পুরোৎপন্ন হইয়াছে, দৃষ্ট হইল। এতদ্ব্যতীত ইহার দক্ষিণ স্তন-গ্রন্থির নিম্নে—প্রায় অর্ধ ইঞ্চি গভীর একটা শোথ (Sinus) এবং এই শোথটির ১—২ ইঞ্চি পর্য্যন্ত লম্বা ৩টা শাখা বর্তমান আছে।

উল্লিখিত গ্রন্থি ও শোথ হইতে দধির মত গাঢ় হরিদ্রাভ পুঁজ নির্গত হইত। সাধারণ দৈহিক দৌর্বল্য ও ক্ষুধামান্য ব্যতীত রোগীর কুস্কুস পরীক্ষায় কোনও ক্ষত (Lesion) বুঝা যায় নাই। রোগিণী কিছুতেই শোথ অস্ত্রোপচার করিতে দিবেন না এবং এতদিনও দেন নাই। অনেক কষ্টে শোথের মুখ কিকিৎ বৃদ্ধি করিয়া দিতে সক্ষম হইসেন মাত্র।

**চিকিৎসা।**—ইহাকে আমি প্রথমতঃ আভ্যন্তরিক অয়েল মর্হয়েট ও সিরাপ কেরি আইয়োডাইড এবং ক্ষতে প্রয়োগার্থ আইওডোকর্ম ও টিং আইওডিনের ব্যবস্থা করিয়াছিলাম। কিন্তু কোনই ফল হয় নাই। অতঃপর আমি ইহাকে সোডিয়াম মর্হটের ২% পাসেন্ট সলিউশন ইঞ্জেকশন দিবার ব্যবস্থা করি। ঔষধের মাত্রা ৪ মিনিম হইতে আরম্ভ করিয়া, ক্রমশঃ বর্দ্ধিত করিয়া ১৫ সি, সি, পর্যন্ত করা হইয়াছিল। সর্বসমেত ইহাকে ৩০টা ইঞ্জেকশন দেওয়া হইয়াছিল। ৪টা ইঞ্জেকশনের পর হইতেই, ক্ষতের হিতপরিবর্তন বুঝা গিয়াছিল—পুয়ঃশ্রাবের হ্রাস হইয়া ক্ষত ক্রমশঃ পূর্ণ হইতে আরম্ভ হইয়াছিল। এইরূপ চিকিৎসায় ইনি সম্পূর্ণরূপে আরোগ্য লাভ করিয়াছিলেন। ( Antiseptic )

**নিউমোনিয়া পীড়ায়  
কুইনাইন হাইড্রো-ফেরোসায়েনাইড।  
Quinine Hydro-ferrocyanide  
in the treatment of Pneumonia.**

লেখক—ডাঃ শ্রীক্ষিতীশ চন্দ্র সরকার S. A. S.

—:—

**রোগী :—**একজন হিন্দু। বয়স ২৮/২৯ বৎসর।

গত ৪ঠা আশ্বিন বেলা ১১ টার সময়, আমি এই রোগীকে দেখিবার জন্ত প্রথম আহুত হই।

**পূর্বে ইতিহাস—**রোগীর পিতার নিকট শুনিলাম যে, অত্রত্য জনৈক কবিরাজ উক্ত রোগীকে প্রায় ১৮ দিন চিকিৎসা করিতেছেন, কিন্তু তাহার চিকিৎসায় বিন্দুমাত্র ফল না হইয়া, ক্রমে জ্বর, কাশি বৃদ্ধি হইতেছে।

**বর্তমান অবস্থা—**উত্তাপ ১০৪. ডিগ্রী, নাড়ী দ্রুত ও অনিয়মিত, জিহ্বা, শুষ্ক ও খেতবর্ণ ময়লাবৃত। চক্ষু রক্তবর্ণ, শুষ্ক কাশি, পেটের ফাঁপ, হাত পায়ের কম্পন, সম্পূর্ণ অজ্ঞানতা এবং মাঝে মাঝে রোগী বিড় বিড় করিয়া প্রলাপ বকিতেছে। কোষ্ঠ প্রায়ই পরিষ্কার হয় না। অতাবধি অর্থাৎ ১৮ দিন অসুখ অবস্থায় থাকার মধ্যে, প্রথম ৩ দিন সাবাল দান্ত হইয়াছিল, তারপর আর হয় নাই। বহু পরীক্ষার ব্রংকোকোনি ও সাবক্রিপিট্যান্ট রালস পাওয়া গেল। শ্বাসপ্রশ্বাস প্রতি মিনিটে ৪৪ বার, নাড়ী ১৪৫ বার। নিশ্বাস গ্রহণের শেষ সময়েই সাবক্রিপিট্যান্ট রালস পাওয়া বাইতে



ছিল। রোগী যে, নিউমোনিয়া পীড়ায় আক্রান্ত হইয়াছে, তাহাতে আর কোন সন্দেহ  
রহিল না।

**চিকিৎসা।**—রোগীর এবিধ অবস্থা দর্শনে, নিম্নলিখিত চিকিৎসার ব্যবস্থা  
করিলাম। যথা;—

(১) Re.

ক্যালোমেল	...	২ গ্রেণ।
সোডি বাইকার্ব	...	১০ গ্রেণ।

একত্র মিশ্রিত করিয়া ৬টা পুরিয়ায় বিভক্ত করতঃ, প্রতি পুরিয়া ১ ঘণ্টাস্তর সেব্য।

(২) Re.

স্পিরিট এমন এরোমেটিক	...	১৫ মিনিম।
স্পিরিট ক্লোরোফরম	...	১৫ মিনিম।
লাইকর ট্রীকনিয়া	...	৩ মিনিম।
সোডি আইওডাইড	...	৪ গ্রেণ।
সোডি বেঞ্জোয়াস	...	১০ গ্রেণ।
সোডি ব্রোমাইড	...	৫ গ্রেণ।
টিং হাইয়োসায়েনাস	...	১৫ মিনিম।
পটাশ ক্লোরাস	...	৫ গ্রেণ।
সিরাপ প্রুণাই ভার্জিঃ	...	১ ড্রাম।
একোয়া	...	এড ১ আউন্স।

একত্র একমাত্র। এইরূপ ৮ মাত্র। প্রতি মাত্রা ৩ ঘণ্টা অন্তর সেব্য।

(৩) Re

স্পিরিট টারপেন্টাইন	...	৪ ড্রাম।
লিনিমেন্ট ক্যান্ফর কোঃ	...	২ ড্রাম।
ওয়েল ক্যাজিপুটী	...	৪ ড্রাম।
খাঁটি সরিষার তৈল	...	৪ ড্রাম।

একত্রে মিশ্রিত করিয়া বৃকে পিঠে বেশ করিয়া মালিশ করতঃ, ফোমেন্ট করণান্তর তুলা  
ধারা বাধিয়া রাখিতে বলিলাম।

**পথ্যার্থ**—কাগজী লেবুর রস সহ জলবাণি ব্যবস্থা করিলাম।

রোগীর অবস্থা ভাল নয় মনে করিয়া, রোগীর পিতা আমাকে সেই দিন তাহার বাড়ীতে  
ধাকিবার জন্য অহুরোধ করায়, আমাকে বাধ্য হইয়া থাকিতে হইল।

ঐ দিন রাত্রি প্রায় ৮ টার সময় দেখা গেল যে, রোগীর গাত্ৰোত্তাপ ১০৫° ডিগ্রী  
উঠিয়াছে এবং পেটের কাঁপ বেশী হইয়া রোগী হাঁপাইতেছে। একবারও দাঁত হঠ  
মাই, কেবল মাঝে মাঝে তন্দ্রানক হর্গন্ধযুক্ত বায়ু নিঃসরণ হইতেছে। রোগীর এইরূপ

অবস্থা দৃষ্টে, তখনই মিসিরিন এনিমা দিয়া একবার বাহ্য করাইয়া দিলাম। বাহ্য হইবার পর রোগী অনেকটা সুস্থ বোধ করিল। ঔষধের কোন পরিবর্তন করিলাম না।

**৩ই আশ্বিন**—প্রাতে: ৬টার সময় দেখা গেল যে, উত্তাপ ১০৩°১ ডিগ্রী। অত্যন্ত লক্ষণ সমূহ পূর্ববৎ আছে—কোন পরিবর্তন হয় নাই। অল্প মাশিশ, সেক্ ও পথা, পূর্বের ন্যায় রহিল এবং সেবনার্থ নিম্নলিখিত ঔষধ ব্যবস্থা করিলাম। যথা—

(৪)। Re

কুইনাইন হাইড্রো-ফেরোসায়েনাইড ... ১/৩ গ্রেণের ৩টা গ্রানুস।

জল ... ১ আউন্স।

এক মাত্রা। এইরূপ দুই মাত্রা। প্রতি মাত্রা ১ ঘণ্টা অন্তর সেব্য অর্থাৎ প্রাতে: ৬টা টার সময় একমাত্রা ও ৭টা টার সময় একমাত্রা সেবন করিবে। অতঃপর বেলা ১০টা হইতে নিম্নলিখিত মিশ্র খাওয়াইতে বলিলাম।

(৫)। Re.

স্পিরিট এমন এরোমেটিক ... ১৫ মিনিম।

স্পিরিট ক্লোরোফরম ... ১৫ মিনিম।

পটাশ ক্লোরাস ... ৫ গ্রেণ।

টিং হাইয়োসায়েনাস ... ১৫ মিনিম।

সোডি বেঞ্জোয়াস ... ১০ গ্রেণ।

সোডি আইওডাইড ... ৫ গ্রেণ।

একোয়া ... এড ১ আউন্স।

একত্র মিশ্রিত করিয়া একমাত্রা। এইরূপ ৮ মাত্রা। প্রতি মাত্রা তিন ঘণ্টা অন্তর সেব্য।

**৬ই আশ্বিন** অল্প বেলা ৯টার সময়, রোগীর বাড়ীর লোক আসিয়া সংবাদ দিল যে, রোগীর অবস্থা একভাবেই আছে। জ্ঞান হয় নাই, রোগী খুব জোরে জোরে প্রলাপ বকিতেছে, কিন্তু কথা বুঝিতে পারা যায় না। দাস্ত আর হয় নাই; কাশিলে সামান্য পরিমাণ কফ উঠিতেছে।

অল্প নিম্নলিখিত ব্যবস্থা করা হইল।

(৬)। Re.

এমন কার্ব ... ৫ গ্রেণ।

পটাশ বাইকার্ব ... ৫ গ্রেণ।

থিয়োকোল ... ৫ গ্রেণ।

টিং ডিজিটেলিস ... ৮ মিনিম।

পটাশ ক্লোরাস ... ৫ গ্রেণ।

টিং গালিক ... ২ ড্রাম।

টিং কার্ভেমম কোং ... ২০ মিনিম।

একোয়া ... এড ১ আউন্স।

একত্র একমাত্রা। এইরূপ ৬ মাত্রা। প্রতি মাত্রা নিম্নলিখিত মিশ্রের (৭নং) সহিত পর্যায়ক্রমে ৩ ঘণ্টা অন্তর সেব্য।

(৭)। Re.

সোডি ব্রোমাইড	...	৫ গ্রেণ।
এমন ব্রোমাইড	...	৫ গ্রেণ।
পটাশ ব্রোমাইড	...	৫ গ্রেণ।
স্পিরিট ইথার সাল্ফ	...	৫ মিনিম।
সিরাপ লেমন	...	১/২ ড্রাম।
একোয়া	...	এড ১ আউন্স।

একত্র একমাত্রা। এইরূপ ৪০মাত্রা। পূর্বোক্ত ৬ নং মিশ্রের সহিত পর্যায়ক্রমে ৩ ঘণ্টা অন্তর সেব্য।

মস্তক মুগুন করিয়া শীতল জলের পটি দিবার বন্দোবস্ত করিয়া দিলাম। বৃকে পিঠে মালিশ, সেক ও পথ্যাদি পূর্ববৎ।

এই আশ্বিন-অশ্ব প্রাতে: ৭টার সময় রোগীকে দেখিলাম। গাত্রোত্তাপ ১০২.১ ডিগ্রী। জিহ্বা সরস। অনেকটা জ্ঞানও হইয়াছে। শুনিলাম—গত রাত্রে ৪।৫ বার ছুর্গন্ধুক্ত পাতলা দান্ত হইয়াছে এবং প্রাতঃকালেও একবার হইয়াছে। বক্ষ পরীক্ষায় ফুসফুস অনেকটা পরিষ্কার হইয়াছে বলিয়া মনে হইল। মাঝে মাঝে রোগী দাঁত খুঁটিতেছে ও নাক চুলকাইতেছে। পেটের ফাঁপ আছে। রোগীর পেটে পূর্ব হইতে ক্রিমি আছে জ্ঞাত হইলাম। অশ্ব নিম্নলিখিত ব্যবস্থা করিলাম।

(৮)। Re.

কুইনাইন হাইড্রো-ফেরোসায়েনাইড	১/৩ গ্রেণের ৩টা গ্রানুল।
জল	... ১ আউন্স।

একত্র একমাত্রা। এইরূপ তিনমাত্রা। প্রতি মাত্রা ৩ ঘণ্টা অন্তর সেব্য। তারপর বেলা ১২টা হইতে নিম্নলিখিত মিশ্র ৩ ঘণ্টা অন্তর সেবন করিতে দেওয়া হইল।

(৯)। Re.

থিয়োকোল	...	৫ গ্রেণ।
সোডি ব্রোমাইড	...	৫ গ্রেণ।
টিং গালিক	...	১৫ মিনিম।
সোডি আইওডাইড	...	৪ গ্রেণ।
টিং ক্যান্ফার কোং	...	১৫ মিনিম।
একোয়া	...	১ আউন্স।

একত্র একমাত্রা। এইরূপ ৮ মাত্রা। প্রতি মাত্রা তিন ঘণ্টা অন্তর সেব্য। এবং—

১০। Re.

স্ট্রাণ্টোনাইন	...	৩ গ্রেণ।
সোডি বাইকার্ব	...	১০ গ্রেণ।
ক্যালোমেল	...	৩ গ্রেণ।

একত্রে এক পুরিয়া। রাত্রি ৮টার সময় মুখে জল দিয়া একবারে সেব্য।

**৮ই আশ্বিন।**—প্রাতঃকালে রোগীর বাড়ীর লোক ঔষধ লইতে আসিয়া সংবাদ দিল যে, রাত্রি আন্দাজ ৩টার সময় একবার, ৪টার সময় একবার ও ৬টার সময় একবার, এই তিনবার দুর্গন্ধযুক্ত পাতলা দান্ত হইয়াছে ও তাহার সহিত ৬টা কেঁচো কৃমি নির্গত হইয়াছে। এক্ষণে রোগীর পেটের ফাঁপ ও জ্বর নাই এবং প্রলাপ ইত্যাদি খুব কম। রোগীর জ্ঞান হইয়াছে। অণু নিম্নলিখিত ব্যবস্থা করা হইল।

**পথ্যার্থ।**—বালি ওয়াটার ও এলাম হোয়ে, বেদানার রস।

অণু সেক দেওয়া বন্ধ করিয়া, কেবল মালিশের ঔষধ বুকে পিঠে মালিশ করিতে বলিলাম। সেবনার্থ নিম্নলিখিত ঔষধটি ব্যবস্থা করা হইল।

১১। Re.

কুইনাইন হাইড্রো-ফেরোসায়োনাইড—১/৩ গ্রেণের ৩টা গ্র্যানুল।

জল ... ১ আউন্স।

একত্র এক মাত্রা। এইরূপ ৩ মাত্রা। প্রতি মাত্রা ১ ঘণ্টা অন্তর সেব্য এবং বেলা ১২টা হইতে নিম্নলিখিত মিশ্রটি সেক করা হইতে বলিলাম।

১২। Re.

স্পিরিট এমন এরোমেটিক ... ১৫ মিনিম।

গ্লাইকো-থাইমোলিন ... ২ ড্রাম।

টিং গার্লিক ... ২ ড্রাম।

ভাইনাম গ্যালিসাই ... ২০ মিনিম।

টিং ডিজিটেলিস ... ১০ মিনিম।

টিং কার্ডেমম কোং ... ১৫ মিনিম।

একোয়া ... এড ১ আউন্স।

একত্র এক মাত্রা। এইরূপ ৬ মাত্রা। প্রতি মাত্রা ৪ ঘণ্টা অন্তর সেব্য।

**৯ই আশ্বিন।**—অণু বেলা ১০টার সময় রোগী দেখিবার জন্ত গিয়াছিলাম। দেখিলাম—উত্তাপ ১০১ ডিগ্রী। বন্ধ পরীক্ষায় এখনও স্থানে স্থানে ২।১টা ব্রংকোফোনী ও সাবক্রিপিট্যান্ট রালস শব্দ পাওয়া গেল, তবে তাহা খুব কম। জিহ্বা পরিষ্কৃত হইয়াছে। কল্যাণ হইবার দুর্গন্ধবিহীন হলুদে রং এর দান্ত হইয়াছিল। অণু নিম্নলিখিত ব্যবস্থা করিলাম।—

১৩। Re.

কুইনাইন হাইড্রো-ফেরোসায়োনাইড—১/৩ গ্রেণের ৩টা গ্র্যানুল।

জল ... ১ আউন্স।

একত্র এক মাত্রা। এইরূপ তিন মাত্রা। প্রতি মাত্রা ১।১ ঘণ্টা অন্তর সেবন করিতে বলা হইল। অণু পূর্বোক্ত মালিশের পরিবর্তে, নিম্নলিখিত মালিশের ব্যবস্থা করিলাম এবং বেলা ১টা হইতে ১২নং মিশ্র ৪ ঘণ্টা অন্তর সেবন করিতে বলিলাম।

**পথ্যার্থ**—মুহুরের ঘূষ, হরলিক্‌স, মলটেড মিক, কমলা লেবু ইত্যাদি বাঁধনা করা হইল ।

১৪ । Re

লিনিমেট ক্লোভিনিয়েল কোং	...	২ ড্রাম ।
ওয়েল ক্যাজিপুটী	...	২ ড্রাম ।
ওয়েল ইউকেলিফটাস	...	২ ড্রাম ।
খাঁটি সরিষার তৈল		৪ ড্রাম ।

একত্রে মিশ্রিত করিয়া বৃকে পিঠে মালিশ করিয়া, তুলা দ্বারা বাঁধিয়া রাখিতে বলিলাম । এই ভাবে ৩:৪ বার করিয়া প্রত্যহ মালিশ করিতে বলা হইল ।

**১০ই আশ্বিন** ।—অণু রোগীর বাড়ী লোক আসিয়া সংবাদ দিল যে, গত কল্যা রাত্রে রোগীর বেশ সুনিদ্রা হইয়াছে । দাস্ত হয় নাই । অণু রোগী ক্ষুধায় বড় অস্থির হইতেছে । কল্যা জ্বর খুব সামান্য হইয়াছিল, এখনও ভাল আছে ।

অণু ১৩নং কুইনাইন হাইড্রো ফেরোসায়েনাইড মিশ্র দুই ঘণ্টাস্তর, তিন বার সেবন করিতে দিলাম ।

**পথ্যার্থ**—ব্রাণ্ডি সহ পায়রার ব্রথ এবং কমলা লেবু, বেদানার রস ও পাণিকলের পালো ব্যবস্থা করিলাম ।

**১১ই আশ্বিন** ।—অণু রোগীকে দেখিলাম । রোগীর আর কোন উপসর্গ নাই, রোগী সম্পূর্ণরূপে আরোগ্য লাভ করিয়াছে । অণুও কেবল মাত্র উক্ত ১৩নং কুইনাইন মিশ্র প্রত্যহ ৩ বার করিয়া, ৩:৪ দিন সেবনের ব্যবস্থা দিলাম । তারপর উহা প্রত্যহ একবার সেবন করিতে বলিলাম । ২ দিন পরে রোগীকে অন্ত পথ্য দেওয়া হইয়াছিল ।

রোগান্তদৌর্বল্য দূরীকরণার্থ নিম্নলিখিত মিশ্রটি কিছুদিন সেবন করিবার ব্যবস্থা করিলাম ।


১৫ । Re.

কুইনাইন হাইড্রোক্লোর	..	৩ গ্রেণ ।
এসিড, এন, এম, ডিল	...	৫ মিনিম ।
টিং নক্সভমিক	...	৫ মিনিম ।
টিং সিকোনা কোং	...	১০ মিনিম ।
লাইকর ট্যারাক্সিকাম	...	১৫ মিনিম ।
একোয়া	...	এড ১ আউন্স ।

একত্র এক মাত্রা । এইরূপ ১২ মাত্রা । প্রত্যহ দুইবার করিয়া সেব্য ।

**সম্ভব্য** । চিকিৎসা-প্রকাশে উল্লিখিত চিকিৎসা-প্রণালীর অনুসরণ করিয়া বর্তমান রোগীর চিকিৎসা করার, রোগী শীঘ্রই রোগমুক্ত হইয়াছিল । পরন্তু এই রোগীকে

কুইনাইন হাইড্রো-ফেরোসায়েনাইড প্রয়োগে যে, সস্তোষজনক উপকার পাওয়া গিয়াছে, সহজেই তাহা অনুমেয়। ভগবানের নিকট প্রার্থনা করি, চিকিৎসা-প্রকাশ ও ইহার সুযোগ্য সম্পাদক মহাশয় দীর্ঘজীবী হইয়া, পল্লী চিকিৎসকগণের উপকার সাধন করুন। চিকিৎসা-প্রকাশ মফঃস্বলস্থ চিকিৎসকগণের দর্পন স্বরূপ হইয়াছে, বলিলেও অত্যাক্তি হয় না।



## বিবিধ স্ত্রীরোগে—ত্রিবর্ণা (Tribarna)

লেখক—ডাঃ শ্রীমুণীন্দ্র নাথ কবিরাজ L. C. P. S.

—\*:—

সাধারণ নাম :—রামদস্তী, রামদাতন বা কেঁচকেটী।

পরিচয়। ইহা এক প্রকার বনজ লতা। জগৎ পিতা জগদীশ্বরের কি আশ্চর্য্য বিধান,—এই লতার মূল হইতে তিন প্রকার রংএর শিকড় নির্গত হয় এবং প্রত্যেক শিকড়, ভিন্ন ভিন্ন রোগে প্রযুক্ত হইয়া থাকে। একই মূলে এইরূপ তিন প্রকার শিকড় জন্মে বলিয়া, ইহার নাম “ত্রিবর্ণা” হইয়াছে। রামদস্তী ও ত্রিবর্ণা আয়ুর্বেদীয় নাম।

বর্ষাকালে বনে—বিশেষতঃ শালবনে এই লতা প্রচুর পরিমাণে জন্মে। ইহার ডাঁটা গোল ও কিঞ্চিৎ অন্তর উহাতে গ্রন্থি ও প্রত্যেক গ্রন্থিতে পাতা দেখা যায় এবং এই সকল গ্রন্থিতে গ্রন্থিতে আঙ্গুরের মত কান্দি কান্দি ফল হয়, তবে ফলগুলি আঙ্গুরের মত বড় হয় না। প্রত্যেক ফলের নীচে সরু ছুঁচের মত লাগিয়া থাকে। ইহার পাতা পানের পাতার ন্যায়, তবে তদপেক্ষা বড় এবং পানের বোঁটা লম্বা ও গোল, কিন্তু ইহার বোঁটা ছোট ও চোপলা। ইহার পাতা পরিপুষ্ট হইলেই কোঁকড়াইয়া চোঙ্গার মত দেখায়। লতার ডাঁটা, দাতনের উপযোগী এবং ছেঁচিলে নরম তুলি হয় বলিয়াই, ইহার নাম “রামদস্তী” বা “রামদাতন” হইয়াছে।

আমার স্বর্গীয় পিতা ৮ সাধু সরণ কবিরাজ, তাঁহার মৃত্যুর কয়েক বৎসর পূর্বে, নিজ বাটী হইতে প্রায় চারি ক্রোশ দূরে, শাল জঙ্গলে গিয়া আমাকে এই গাছ দেখাইয়া দিয়া যান। অতঃপর ইহা আমি বহুস্থলে ব্যবহার করাইয়া, ইহার অবর্থ্য ফল প্রত্যক্ষ করিয়াছি। সাধারণের অবগতির জন্য ইহার বিষয় চিকিৎসা-প্রকাশে আলোচনা করিতেছি। আজকাল দেশে অনেক ল্যাডবোরেটরী হইয়াছে। যদি কেহ ইহার তরল সার প্রস্তুত করিয়া এবং ইহার ঔষধীয় ক্রিয়া



নির্ধারিত করতঃ প্রচার করেন, তাহা হইলে চিকিৎসা জগতে একটা প্রত্যক্ষ ফলপ্রদ ঔষধের সংখ্যা বৃদ্ধি হইবে। শীতের শেষে গাছটা জীবিত থাকিলেও, ইহার পাতা খরিয়া পড়ে এবং গাছ খুঁজিয়া পাওয়া কঠিন হয়। এই গাছ পল্লীগ্রামে পড়ে বাড়ীতে রোপণ করিয়া দেখা গিয়াছে যে, উহা ভালরূপ জন্মায় না। ইহার শিকড়ের রং—শ্বেত, রক্ত ও পীত। কিন্তু কোন কোন গাছের শিকড় মিশ্র বর্ণ বিশিষ্ট। কিন্তু এরূপ গাছ খুব কম দেখা যায়।

**আমলিক প্রয়োগ।**—ত্রিবর্ণার ঔষধীয় ক্রিয়া বলিবার পূর্বে বলিয়া রাখি যে, আয়ুর্বেদে ‘প্রদর’ শব্দে, অনেকগুলি স্ত্রীরোগ (Diseases of women) বুঝায়। বাধক পীড়াও এই অধিকারের অন্তর্গত। আয়ুর্বেদে ত্রিবর্ণা, প্রদর পীড়ায় মহোপকারক বলিয়া উল্লিখিত হইয়াছে। সুতরাং ইহা ডাক্তারি শাস্ত্রোক্ত জরায়ুর প্রদাহ (Metritis), জরায়ুর অন্তর্বির্লী প্রদাহ (Endometritis), শ্বেত প্রদর (Leucorrhœa), কষ্টরজ বা বাধক (Dysmenorrhœa), রজোধিক (Menorrhagia) এবং রজোহ্রমতা (Amenorrhœa) পীড়ার ব্যবস্থা করা যাইতে পারে এবং তাহাতে উপকার পাওয়া যায়। বাধক পীড়ায় শ্রাবের রং অনুযায়ী তদনুরূপ রংএর শিকড়, মরীচ সহ উত্তমরূপে খলে বাঁটিয়া, একবর্ণা গোছের সহিত (অর্থাৎ গাভী ও বৎস এক রংএর) এতদ্ব্যতীত প্রাতে সেবন করিলে, অতি কঠিন বাধক, বক্ষ্যা ও কাকবক্ষ্যা এবং উল্লিখিত পীড়া সমূহে সকল রংএর মিশ্রিত মূল, উক্ত প্রকারে বটিকা প্রস্তুত করিয়া সেবন করিলে, রোগী নিশ্চয় আরোগ্য হয়। নিম্নে কয়েকটা রোগীর বিবরণ উদ্ধৃত হইতেছে, এতদ্ব্যতীত ইহার উপকারিতা প্রতিপন্ন হইবে।

### চিকিৎসিত রোগীর বিবরণ।

**বক্ষ্যাস্ত্র**। ১৯০৭ সালে আমার এক বন্ধুর সহিত পিতৃদেবের সাম্রাৎ হইলে, তাহার পুত্রাদির সংবাদ জিজ্ঞাসা করায়, তিনি ছুঃখের সহিত প্রকাশ করেন যে, তাহার স্ত্রীর বয়স ২৬ বৎসর; কিন্তু বক্ষ্যা দোষ বশতঃ, এখনও কোন সন্তান হয় নাই। সুতরাং আমাকে পুনরায় বিবাহ করিতে হইবে। পিতৃদেব তাহাকে সঙ্গে লইয়া আমাদের বাগীতে আনেন। আমাদের বাগীতে ত্রিবর্ণার বটিকা প্রস্তুত ছিল, তাহা একবর্ণা গাভী ছুঃখের সহিত মাড়িয়া, তাহার ত্রীকে খাওয়ানোর ব্যবস্থা দিয়া, এক বৎসর অপেক্ষা করিয়া বিবাহ করিতে উপদেশ দিলেন। আশ্চর্যের বিষয়, তাহার ত্রী চারি মাস উক্ত ঔষধ সেবনের পর, যে মাসেই গর্ভবতী হইয়াছিলেন।

**২য় রোগিনী**।—১৯২১ সালে বাহুলী গ্রামস্থ অনেক প্রৌঢ়া রমণীর পুত্রবধুর সন্তান না হওয়ার, বধুটিকে বহু হানের কবচ, বাহুলী ধারণ ও বহুবিধ ঔষধ সেবন করান হয়। কিন্তু তাহাতে কোন ফল না হওয়ার, তিনি পুনরায় পুত্রের বিবাহ দিতে প্রস্তুত হন। বধুটির বয়স ১৮ বৎসর, বেশ স্বাঃ পুঃ। আমি উক্ত বিষয় জ্ঞাত হইয়া, বধুটিকে আমার নিকট আনিতে উপদেশ দিলাম।

পর দিবস প্রাতেই উক্ত রমণী, তাহার পুত্রবধু সহ আমাদের বাড়ীতে উপস্থিত হন। বধুটি উপস্থিত হইলে প্রশ্নাদি করিয়া বুঝিলাম যে, তাহার কষ্টরজঃ পীড়া বর্তমান আছে। প্রত্যেক মাসে ঋতুকালীন অত্যন্ত যন্ত্রণা হয়। শ্রাব অত্যন্ত ও কৃষ্ণবর্ণ। অতঃপর উহার শ্রাবের রং অম্লমায়ী ত্রিবর্ণার শিকড়, মরিচ সহ বটীকা প্রস্তুত করিয়া, প্রত্যহ দুই বার করিয়া, এক একটা সেবনের উপদেশ দিয়া, চারিমাস সেবনের উপযোগী বটীকা এবং স্ত্রী পুরুষ সম্যক সংযমে থাকিবার উপদেশ দেওয়া হইল।

৫ম মাসে সংবাদ পাইলাম যে, মাত্র দুই মাস তাহারা সংযমে ছিল। বর্তমানে ঋতুকালীন যন্ত্রণা আর মোটেই হয় না। ৮ম মাসে রোগিণীর ঋতুভীমাতা আনন্দের সহিত বধুর সন্তান সন্তাননা জ্ঞাত করাইয়া, কোন দেব দেবীর পূজা করাইতে হইবে কি না, জিজ্ঞাসা করিতে আসিলেন। সুখের বিষয়, নির্দিষ্ট সময়ে বধুটির একটি সুস্থ সবল পুত্র সন্তান ভূমিষ্ট হইয়াছিল।

(৩) কাকবক্ষ্যা। উক্ত গ্রামস্থ আর একটি প্রোঢ়া রমণীর কণ্ঠার ১ম গর্ভে ৯ বৎসর পূর্বে একটি কণ্ঠা সন্তান জন্মগ্রহণ করার পর, আর কোন সন্তান না হওয়ায়, তাহাকে অনেক মাতুলী ধারণ ও ঔষধ সেবন করান হয়। কিন্তু তাহাতে কোন ফল হয় নাই। অতঃপর আমার পরামর্শ জিজ্ঞাসা করায়, আমি উক্ত কণ্ঠাটিকে আমার নিকট আনিতে বলিলাম। ৩৪ দিন পরে কণ্ঠাটি উপস্থিত হইলে দেখিলাম—রোগিণী অত্যন্ত শীর্ণা ও রক্তহীনা। শুনিলাম—সর্বদা তাহার মাথা জালা করে। পরিশ্রমে কাতর নহে। প্রশ্নাদি করিয়া বুঝিলাম—তাহারও কষ্টরজঃ পীড়া আছে। তাহাকে ত্রিবর্ণার সমুদয় রংএর শিকড় মিলাইয়া বটীকা প্রস্তুত করিয়া, পূর্কোক্তরূপে সেবন করিতে বলিয়া, চারিমাসের মত ১২১টা বটীকা দিলাম। এই ঔষধ সেবনের পরই রোগিণীর দিন দিন স্বাস্থ্যের উন্নতি এবং ৯ম মাসে তাহার গর্ভাধান হইয়া, নির্দিষ্ট সময়ে স্ত্রীলোকটি পুত্র সন্তান প্রসব করিয়াছিল।

(৪) কৃষ্ণোহ্মিক।—রোগিণী ৭টা সন্তানের মাতা। শেষ সন্তানটির বয়স ৭ বৎসর। স্ত্রীলোকটির বয়স প্রায় ৩৭।৩৮ বৎসর। ইহার শেষ সন্তান হওয়ার পর আর গর্ভাধান না হওয়ায়, তিনি বেশ সুখী ছিলেন। ঋতুরও কোন গোলমাল ছিল না। একবার দুই মাস ঋতু বন্ধ হওয়ায়, জনৈক বিজ্ঞ কবিরাজকে জিজ্ঞাসা করেন। তিনি অত্যন্ত দেন যে, ইহাতে কোন ভয়ের কারণ নাই। কিন্তু হঠাৎ ৩৪ মাস পরে একদিন অপরিমিত রক্তশ্রাব হইয়া, পরে উহা ক্রমশঃ কমে এবং ১৬।১৭ দিন পরে আবার ২।১ ফোঁটা রক্তশ্রাব দেখিতে পাওয়া যায়। প্রায় ৪।৫ মাস এইরূপ ঋতু হইতেছে। তাহার স্বামী কন্দহান হইতে আসিয়া আমাকে ডাকাইয়া, উল্লিখিত বিষয় জ্ঞাত করাইবেন। আমি একমাস পূর্কোল্লিখিত প্রণালীতে প্রস্তুত ত্রিবর্ণার বটীকা সেবনের ব্যবস্থা দিলাম। সুখের বিষয়, ১ মাস উক্ত বটীকা সেবনে রোগিণীর ঋতুশ্রাব

স্বাভাবিক এবং ৮ মাস পরে তিনি গর্ভবতী হইয়া, যথাসময়ে ১টা পুত্র সন্তান প্রসব করিয়াছিলেন ।

**অমৃত্যু :**—এতদূশ বছ রোগিণী ত্রিবর্ণা সেবনে আরোগ্য লাভ করিয়াছেন । সমব্যবসায়ীগণকে ইহার ফলাফল পরীক্ষা করিতে অনুরোধ করি । কেহ এই গাছ দেখিতে ইচ্ছা করিলে, তাহাও দেখাইয়া দিতে পারি ।\*

## বসন্তে কণ্টিকারী ও আমরুল ।

ডাঃ শ্রীমুখাংশু মোহন দেব ।

—:—

**কণ্টিকারী** ।—আয়ুর্বেদীয় গ্রন্থে ইহার জ্বর, খাসকাস, প্রতিশ্যায় ও পীনময় ক্রিয়া দৃষ্ট হয় ।

**আমরুল** ।—আয়ুর্বেদীয় গ্রন্থে ইহা কফ, বাতনাশক, অগ্ন্যুদ্দীপক ও গ্রহণী রোগনাশক বলিয়া উল্লিখিত হইয়াছে ।

**কণ্টিকারীর শাস্ত্রীয় নাম**—কণ্টিকারী । চলিত গ্রাম্য ভাষায় ইহা কণ্টিকারী নামে অভিহিত হয় ।

**আমরুলের শাস্ত্রীয় নাম**—অম্লগোলী । ইহা এক প্রকার অম্লতা বিশেষ । (অনেকে টক্ রাস্কিয়া ইহার ব্যবহার করেন) । চলিত গ্রাম্য ভাষায় ইহাকে আমরুল বলে । হিন্দী ভাষায় আব্বালি ও আততা বলিয়া থাকে ।

বহুদিন পূর্বে বসন্ত পীড়ায় এই গাছড়া ঔষধ দুইটির অর্থ উপকারিতার বিষয় জানিতে পারি এবং অনেককে ইহা ব্যবহার করিতে উপদেশ দিয়া ক্রমে ক্রমে ইহার আশ্চর্য গুণের বিষয় পরিজ্ঞাত হই । বর্তমানে নানা স্থানে বসন্ত রোগের প্রাদুর্ভাব দৃষ্ট হইতেছে, এ সময় এই প্রতিষেধক ঔষধটির বিষয় সাধারণে জ্ঞাত হইলে উপকার

\* মাননীয় শ্রীযুক্ত মুনীন্দ্রমোহন কবিরাজ মহাশয় “ত্রিবর্ণা” সম্বন্ধে যে সকল বিষয় উল্লেখ করিয়াছেন, তাহা বাস্তবিকই অত্যন্ত প্রয়োজনীয় । ইহাতে কথিতানুরূপ উপকার হইলে, অনেকেই উপকৃত হইবেন সন্দেহ নাই । কিন্তু এই তৈলব্রহ্মটি সম্বন্ধে কয়েকটা বিষয় স্পষ্টরূপে উল্লেখ না করার উহার ব্যবহারে প্রতিবন্ধকতা ঘটবে বলিয়া মনে হয় । সেজন্য আমাদের বিশেষ অনুরোধ—লেখক মহোদয় অনুগ্রহ পূর্বক নিম্নলিখিত কয়েকটা বিষয় জানাইয়া বাধিত করিবেন । যথা,—

(১) ত্রিবর্ণার শিকড় কতকটা পরিমাণে লইয়া, উহার সহিত কতটা মরিচ মিশাইয়া, কি পরিমাণ বটিকা প্রস্তুত করিতে হইবে ?

(২) এই ঔষধ সেবনকালে পথ্যাদি সম্বন্ধে কোন নিয়ম প্রতিপালন করিতে হইবে কি না ?

দেশীয় তৈলব্রহ্ম সম্বন্ধীয় প্রবন্ধাদি পাঠে, অনেক অসুসঙ্গিত্য পাঠক, তৎসম্বন্ধে অনেক বিবরণ জিজ্ঞাসা করিয়াপত্র লেখেন । ত্রিবর্ণা সম্বন্ধে তাহারও কোন জিজ্ঞাস্ত থাকিলে এই প্রবন্ধের লেখক ডাঃ শ্রীমুনীন্দ্রমোহন কবিরাজ, অম্লগোলী কার্ণেলী অণ্ডাল, ই, আই, আর (Opical) M. I. R. এই ঠিকানায় লিখিবেন ।

হইতে পারে মনে করিগা, সাধারণের বিদিতার্থ দর্শজন পরিচিত চিকিৎসা-প্রকাশে ইহাদের বিষয় প্রকাশ করিলাম।

**কষ্টিফলী**।—বসন্ত রোগে ইহা অব্যর্থ প্রতিষেধক এবং ইহা সংক্রামক নাশক। কয়েকটি গোল মরিচ সহ ইহার শিকড় বাটিয়া লইয়া, চারি আনা হইতে অর্ধ তোলা পরিমাণ একটা বড়ী করিবে। এই কাঁচা বড়ী প্রাতে: ও সন্ধ্যায় সেব্য। সাত দিবস এইরূপ ভাবে সেবন করিতে হইবে। শিশুদের বয়স হিসাবে কম মাত্রায় প্রয়োজ্য। যে স্থানে বসন্তের প্রাদুর্ভাব দেখা যাইবে, সেই স্থানের সুস্থ লোককে ইহা প্রয়োগ করিলে বসন্তের আক্রমণ প্রতিরুদ্ধ হয়।

**আমরুল**—ইহাও বসন্ত ও হাম পীড়ার অমৌষ প্রতিষেধক। হাম হইলে ইহার রস ২।১ দিন স্থানিক প্রয়োগ করিলেই আরোগ্য হইয়া যায়। বসন্তের (যে কোন প্রকার) প্রথম অবস্থায় এই গাছের রস গায়ে মাখাইয়া দিলে, কয়েক ঘণ্টার মধ্যে বেদনা হ্রাস হয় এবং ইহা বাটিয়া সিকি তোলা মাত্রায় প্রত্যহ তিনবার খাইতে দিলে, ৪।৫ দিনে বসন্ত রোগ আরোগ্য হইতে দেখা যায়। (গাছ ও পত্র বাটিয়া বটিকা প্রস্তুত করিতে হয়)।



ডাঃ জীনির্দলকান্ত চট্টোপাধ্যায় M' B.

## (১) গলগণ্ড ( goitre )—সোডি আইয়োডাইড

টিউম (বরমা) সিভিল ও মিলিটারি হস্পিট্যালের সাব-এসিষ্ট্যান্ট সার্জন Dr. A. V. J. Reddi ইণ্ডিয়ান মেডিক্যাল গেজেটের মার্চ সংখ্যায় (১৯২৭) গলগণ্ড পীড়ায় সোডিয়াম আইয়োডাইড ইন্ট্রাভেনাস ইন্জেক্সন করিয়া, সস্তোষজনক উপকার প্রাপ্তির বিষয় প্রকাশ করিয়াছেন। তাঁহার চিকিৎসিত কয়েকটি রোগীর বিবরণ এখানে উদ্ধৃত হইল।

**১মং রোগী**। বয়স: ক্রম ১২ বৎসর, ত্রীলোক, ১ বৎসর হইতে ইহার গলগণ্ড পীড়া উপস্থিত হইয়াছে। গলগণ্ডের আকৃতি ১টা ছোট আবেল ভায় হইয়াছিল।

\* বর্তমান সংখ্যা হইতে চিকিৎসা-প্রকাশে, চিকিৎসা বিষয়ক বিবিধ ইংরেজী সাময়িক পত্রোক্ত বিশেষ জাতীয় তথ্যপূর্ণ প্রবন্ধাবির সারসংগ্রহ প্রকাশিত হইবে। সুবিখ্যাত চিকিৎসক ডাঃ জীনির্দলকান্ত চট্টোপাধ্যায় এম. বি. মহাপুত্র এই সংগ্রহের ভার গ্রহণ করিয়াছেন।

ইহাকে ৬ গ্রেণ মাত্রায় সোডিয়াম আয়োডাইড, ৫ সি, সি, পরিশোধিত বৃষ্টির জলে দ্রব করিয়া, ১দিন অন্তর ইন্ট্রাভেনাস ইঞ্জেকসন দেওয়ার ব্যবস্থা করা হয়। এইরূপ ৬টা ইঞ্জেকসনেই ইহার গলগণ্ডা অন্তর্হিত হইয়াছিল।

২নং রোগী। ১৫ বৎসর বয়স্কা চিনা স্ত্রীলোক। প্রায় ১০ মাস হইতে গলগণ্ডা পীড়াগ্রস্ত হইয়াছে। প্রথমোক্ত রোগিনীর ঞায় ইহাতে উল্লিখিতরূপে সোডি আয়োডাইড ৬টা ইন্ট্রাভেনাস ইঞ্জেকসন দেওয়ার, ইহার গলগণ্ডা সম্পূর্ণরূপে অন্তর্হিত হইয়াছিল। উক্তস্থানে চাপ দিলে সামান্য ক্ষীণ অনুভূত হইত মাত্র।

৩নং রোগী। ১০ বৎসর বয়স্কা স্ত্রীলোক। এই স্ত্রীলোকটি ৬ মাস হইতে কোমল গলগণ্ডা (Soft goitre) পীড়াগ্রস্ত হইয়া, ১৬/১১/২৫ তারিখে চিকিৎসাধীন হয়। ইহাকেও পূর্বে ১নং রোগিনীর ঞায় সোডিয়াম আয়োডাইড ৬টা ইন্ট্রাভেনাস ইঞ্জেকসন দেওয়া হইয়াছিল। ইহাতে রোগিনী সম্পূর্ণরূপে আরোগ্য লাভ করতঃ, ২৯/১১/২৫ তারিখে বিদায় গ্রহণ করে। ৫/৫/২৬ তারিখে পুনরায় ইহাকে পরীক্ষা করিয়া, কিছু মাত্রও গ্রন্থি ক্ষীণ অনুভূত হয় নাই।

৪নং রোগী। ১৮ বসসর বয়স্কা স্ত্রীলোক। মোস হইতে এই স্ত্রীলোকটি গলগণ্ডা পীড়াগ্রস্ত হইয়া ১৬/১১/২৫ তারিখে চিকিৎসাধীন হয়। ইহাকেও পূর্বে ১নং রোগিনীর ঞায় সোডি আয়োডাইড ৬টা ইন্ট্রাভেনাস ইঞ্জেকসন দেওয়া হইয়াছিল। এই চিকিৎসায় রোগিনীর গলগণ্ডা সম্পূর্ণরূপে অন্তর্হিত হইয়া, রোগিনী ১০/৫/২৫ তারিখে বিদায় গ্রহণ করে।

৫নং রোগী। ১৫ বৎসর বয়স্কা স্ত্রীলোক। ২ বৎসর হইল ইহার গলগণ্ডা হইয়াছে। বর্ধিত গ্রন্থির আকার প্রায় ১টা বড় লেবুর ঞায় হইয়াছিল। ইহাকেও পূর্বে ১নং রোগিনীর ঞায় সোডি আয়োডাইড ইন্ট্রাভেনাস ইঞ্জেকসন দেওয়া হয়। ইহাতে রোগিনী সম্পূর্ণরূপে আরোগ্য লাভ করায় ৩০/৪/২৫ তারিখে হস্পিট্যাল হইতে ইহাকে বিদায় দেওয়া হয়। ৩০/৩/২৬ তারিখে পুনরায় ইহাকে পরীক্ষা করায়, আর গ্রন্থিক্ষীণ অনুভূত হয় নাই।

Dr. Reddi বলেন যে, স্বল্প মাত্রায় আয়োডিন শারীর-বিধানে প্রবিষ্ট হইলে, উহা থাইরয়েড গ্রন্থির আকার হ্রাস করিতে সক্ষম হয় এবং এইরূপেই ইহা স্বল্প দিনের গলগণ্ডা পীড়া শীঘ্র আরোগ্য করিয়া থাকে।

## (২) মর্ফিয়া প্রয়োগে— বমন ও বমনোদ্বেগ।

কুরুল গভর্ণমেন্ট হেড কোয়ার্টার হস্পিট্যালের Dr. Y. S. Row L. M. P. মহোদয়, “মর্ফিয়া” প্রয়োগের পর বমন ও বমনোদ্বেগ উপস্থিত সবধে ইন্ডিয়ান মেডিক্যাল গেজেটে একটি জ্ঞাতব্য তথ্যপূর্ণ প্রবন্ধ প্রকাশ করিয়াছেন। এহলে উহার সারসংক্ষেপ উক্ত হইল।



Dr. Y. S. Row লিখিয়াছেন—“ওপিয়ম ও মর্ফিয়া সেবন বা হাইপোডার্মিক ইঞ্জেকসন করার পর, পাকস্থলী ও অন্ত্রের উত্তেজনা উপস্থিত হইতে পারে। অনেক গ্রন্থকারেই অভিযত এই যে,—“বেশী মাত্রাতেই ইহাদের দ্বারা পাকস্থলী ও অন্ত্রের স্নায়বীয় উত্তেজনা উপস্থিত হইয়া, বমন বা বমনোদ্বেষ্ট উপস্থিত হয়”। কিন্তু আমি দেখিয়াছি যে, অল্প মাত্রায় (১/৬—১/৪ গ্রেণ) মর্ফিয়া প্রয়োগেও এইরূপ উপসর্গ উপস্থিত হইয়া থাকে। আরও ১টা ঘটনা দেখা গিয়াছে—সাধারণতঃ কথিত হইয়া থাকে যে, এট্রোপিন সহযোগে মর্ফিয়া প্রয়োগ করিলে, মর্ফিয়ার মন্দফল অতিক্রম করা যায়। কিন্তু এইরূপ এট্রোপিন সহ মর্ফিয়া প্রয়োগেও, বমন বা বমনোদ্বেষ্টের প্রতিরোধ হইতে দেখা যায় নাই। নিম্নলিখিত ২টা রোগীর চিকিৎসার আমার এই উক্তি প্রতিপন্ন হইবে।

**১নং রোগী।** জনৈক রোগী তাহার চক্ষের ছানি (Cataract) কাটাইবার জন্ত জেলা হস্পিটালে ভর্তী হয়। এই সময় (১৯২০ খৃঃ অব্দে) আমিও উক্ত হস্পিটালের কার্যে নিযুক্ত ছিলাম। তত্রত্য সিভিল সার্জন কর্তৃক সফলতার সহিত নিরাপদে অস্ত্রোপচার সম্পাদিত হয়। কিন্তু অস্ত্রোপচারের অর্ধ ঘণ্টা পরে, রোগীর যে চক্ষে অস্ত্র করা হইয়াছিল, ঐ চক্ষে অত্যন্ত যন্ত্রণা উপস্থিত হয়। রোগী অত্যন্ত স্নায়ুপ্রধান। যন্ত্রণা নিবারণার্থ উহাকে ১/২০০ গ্রেণ এট্রোপিন সহ ১/৬ গ্রেণ মর্ফিয়া হাইপোডার্মিক ইঞ্জেকসন দেওয়া হয়। ইঞ্জেকসনের আধ ঘণ্টা পরেই, রোগীর বমনোদ্বেষ্ট ও কয়েকবার বমন এবং এই সঙ্গে চোখে সাংঘাতিক রক্তস্রাব হইয়া উহা রক্তপূর্ণ হইয়াছিল।

**২নং রোগী।** জনৈক স্ত্রীলোক, ৬ মাস গর্ভবতী। উরুদেশের পশ্চাত্তানে, সায়োটিক নার্ভের অনুসরণে অত্যন্ত বেদনা উপস্থিত হইয়া, রোগিনী অত্যন্ত যন্ত্রণা ভোগ করিতেছিলেন। যন্ত্রণা বাম উরুদেশেই বিশেষ ভাবে প্রবল হইয়াছিল। একদিন রাত্রে এই বেদনা এরূপ প্রবল হয় যে, পরামর্শ জন্ত অপর একজন ডাক্তারকে আহ্বান করিতে হইয়াছিল। মধ্যাহ্ন ২টার সময় ইহাকে ১/২০০ গ্রেণ এট্রোপিন সহ, ১/৬ গ্রেণ মর্ফিয়া হাইপোডার্মিক ইঞ্জেকসন দেওয়া হয়। ইঞ্জেকসনের ১৫ মিনিট পরেই বেদনা উপশমিত হইয়া, রোগী নিদ্রাভিভূতা হইয়াছিলেন। নিদ্রা স্বাভাবিক এবং উহা প্রায় ২ঘণ্টা স্থায়ী হইয়াছিল। কিন্তু বেলা ৪টার সময় রোগীর সাংঘাতিকরূপে বমন ও বমনোদ্বেষ্ট উপস্থিত হয় এবং উহা সমস্ত দিন বর্তমান থাকে। ইহাতে মনে হইয়াছিল যে, হয়ত রোগিনীর গর্ভস্রাব হইবে এবং এজন্ত আমরা প্রস্তুতও হইয়াছিলাম। কিন্তু সৌভাগ্যের বিষয় তৎপর দিন মধ্যাহ্ন কালের পূর্বেই উক্ত উপসর্গ উপশমিত হইয়াছিল।

এস্থলে ২টা রোগীর বিবরণ উল্লিখিত হইলেও, অনেক স্থলে আমি আরও অনেক রোগীতে দেখিয়াছি যে, এট্রোপিন সহ খুব অল্প মাত্রায় মর্ফিয়া হাইপোডার্মিক ইঞ্জেকসন দেওয়ার পর, বমন ও বমনোদ্বেষ্ট উপস্থিত হইয়াছে।



## (৩) বাতরোগে—সোডি আইয়োডাইড ও সোডি স্যালিসিলাস ইন্ট্রাভেনাস ইঞ্জেকসন ।

— :: —

Dr. F. J. W. Porter ল্যান্সেট পত্রে ( Dec. 1925 ), বাত রোগে সোডিয়াম আইয়োডাইড এবং সোডি স্যালিসিলাস একত্রে ইন্ট্রাভেনাস ইঞ্জেকসনরূপে প্রয়োগ করিয়া, সস্তোষজনক উপকার প্রাপ্তির বিষয় প্রকাশ করিয়াছেন । নিম্নে ইহার অভিমতের সারমর্ম উদ্ধৃত হইতেছে ।

Dr. Porter বলেন—“আমি বহু সংখ্যক বাতরোগাক্রান্ত রোগীকে, সোডি স্যালিসিলেট একত্র ইন্ট্রাভেনাস ইঞ্জেকসন দিয়া বিশেষ উপকার পাইয়াছি । ইহা মুখপথে সেবন করান অপেক্ষা, শিরামধ্যে প্রয়োগই অধিকতর ও নিশ্চিত উপকারক । ইহার প্রয়োগও সহজ এবং নিরাপদ । নিম্নলিখিতরূপে ইহাদিগকে প্রয়োগ করা কর্তব্য ।  
যথা—

Re.

সোডি স্যালিসিলাস ... ১৫ গ্রেণ ।

একটি টেবু টিউবে ২০ সি, সি, পরিষ্কৃত জল লইয়া, উহাতে সোডি স্যালিসিলাস দ্রব করিবে । অতঃপর উহাতে ১৫ গ্রেণ সোডি আইয়োডাইড যোগ করতঃ, একবারে ইন্ট্রাভেনাস ইঞ্জেকসন দিবে ।

ইঞ্জেকসনের ব্যবধান কাল । প্রতি ২য় বা তৃতীয় দিনে পুনঃ ইঞ্জেকসন বিধেয় । ইঞ্জেকসনের পরই আশ্চর্যজনক উপকার উপলব্ধি হইতে দেখা যায় ।

## (৪) কলেরা পীড়ায়—এসেন্সিয়াল অয়েল ।

কলেরা পীড়ায় এসেন্সিয়াল অয়েলের উপকারিতা সম্বন্ধে চিকিৎসা-প্রকাশে অনেকবার আলোচনা হইয়াছে । ইহার স্বপক্ষে এবং বিপক্ষে অনেকেই অনেক প্রকার অভিমত প্রকাশ করিয়াছেন । সম্প্রতি ব্রিটিশ মেডিক্যাল জর্নালে ( Jun 15, 1927 ), স্বপ্রসিদ্ধ D. Alexander Cannon মহোদয় এতদসম্বন্ধে তাহার অভিজ্ঞতার ফল প্রকাশ করিয়াছেন । নিম্নে ইহার সারমর্ম উদ্ধৃত হইল ।

Dr. Cannon বলেন—“কলেরা রোগে ডাঃ টম্বের উদ্ভাবিত এসেন্সিয়াল মিশ্র সেবনে কলেরা পীড়ার প্রাথমিক অবস্থায় সস্তোষজনক উপকার পাওয়া যায় । পীড়া প্রকাশের পর, অন্ততঃ ৭ ঘণ্টার মধ্যে ইহা প্রয়োগ করিলে, শতকরা ৯৫জন রোগী এই সাংঘাতিক পীড়ার কবল হইতে মুক্তি লাভ করিতে সক্ষম হয় ।

নিম্নলিখিত ঔষধ কয়েকটির যোগে ডাঃ টম্বের এসেন্সিয়াল মিশ্র প্রস্তুত হয়।

Re.

স্পিরিট ইথার	...	৩০ মিনিম।
অয়েল ক্যারিয়োকাইলাই	...	৫ মিনিম।
অয়েল ক্যাজুপুটা	...	৫ মিনিম।
অয়েল জুনিপার	...	৫ মিনিম।
এসিড সালফ এরোমেট	...	১৫ মিনিম।

ইহাদিগকে ১ আউন্স জলের সহিত মিশ্রিত করিয়া ৮ মাত্রায় বিভক্ত করতঃ, প্রতিমাত্রা ১/২ আউন্স জলের সহিত প্রত্যহ অর্ধ ঘণ্টান্তর সেব্য। কলেরার প্রতিষেধকার্থ ইহা অতীব ফলপ্রদ।


কলেরা পীড়ার প্রারম্ভে বমন, তরলভেদ এবং অস্থির বেদনা ( Intestinal pain ) উপস্থিত হইবামাত্র, উক্ত মিশ্র প্রয়োগ মাত্র এই সকল উপসর্গ নিবারিত হইয়া, পীড়া অল্পেই বিনষ্ট হইতে দেখা গিয়াছে।

সাধারণতঃ কলেরাক্রান্ত রোগীর আরোগ্যের পরও—রোগীর দৌর্য্যাবস্থায় প্রায় ৪৪ দিন পর্যন্ত মলে কলেরা-জীবাণু ( Cholera Vibrio ) বিদ্যমান থাকিতে দেখা যায়। কিন্তু দেখা গিয়াছে—ডাঃ টম্বের এসেন্সিয়াল মিশ্র প্রয়োগের পর ৬—১২ ঘণ্টার মধ্যে, মলে কলেরা-জীবাণুর সংখ্যা হ্রাস প্রাপ্ত হইয়াছে। এতদ্বারা প্রতিপন্ন হয় যে, রোগী আরোগ্যলাভ করিলেও, যে স্থলে ৪৪ দিন পর্যন্ত তাহার মলে কলেরা-জীবাণু বর্তমান থাকে এবং তাহা রোগ বিস্তারের সহায়ীভূত হইতে পারে, সেই স্থলে এসেন্সিয়াল মিশ্র দ্বারা চিকিৎসা করিলে, ১২ ঘণ্টা মধ্যেই রোগীর মল কলেরা-জীবাণু শূন্য এবং তদ্বারা রোগ বিস্তারের আশঙ্কা তিরোহিত হয়”। সুতরাং এই চিকিৎসার প্রাধান্য নিতান্ত উপেক্ষার বিষয় নহে।”

“উল্লিখিত প্রকারে ৮ মাত্রা এসেন্সিয়াল অয়েল অর্ধ ঘণ্টান্তর সেবনেই, এই পীড়ার পূর্ণ আক্রমণ প্রতিরুদ্ধ হইয়া, প্রারম্ভেই রোগী আরোগ্য লাভ করে। স্মরণ রাখা কর্তব্য—কলেরার প্রাথমিক লক্ষণ উপস্থিত হইবামাত্র ইহা প্রয়োগ করিলেই, শতকরা ৯৫জন, —অনেক স্থলে সমুদয় রোগীই আরোগ্য লাভে সমর্থ হয়।”

জীবাণুতত্ত্ব সম্বন্ধীয় পরীক্ষায় Dr. Cannon প্রমাণিত করিয়াছেন যে, টাইফয়েড ফিভারে পীড়ারস্তের ২৪ ঘণ্টার মধ্যে এসেন্সিয়াল মিশ্র প্রয়োগ করিলে সমূহ উপকার পাওয়া যায়। Dr. Cannon কলেরার লক্ষণযুক্ত ( চাউল খোয়া জলের জ্বায় ভেদ সহ ) টাইফয়েড অরাক্রান্ত অনেকগুলি রোগীর মলে, বহু সংখ্যক কলেরা-জীবাণু দৃষ্ট করিয়াছেন এবং ইহাই যে এইরূপ লক্ষণ উৎপাদনের মূলীভূত কারণ, তাহাতে কোন সন্দেহ নাই, বলেন। এইরূপ লক্ষণাক্রান্ত টাইফয়েড ফিভারে এসেন্সিয়াল মিশ্র প্রয়োগে, ২৪ ঘণ্টার মধ্যেই ১টা ব্যতীত এপর্যন্ত সমুদয় রোগীরই উক্ত উপসর্গ অন্তর্হিত হইয়াছিল।

যে রোগীদের এই চিকিৎসার উপকার হয় নাই, সেই রোগিণী সম্পূর্ণ কোম্যাঙ্গ অবস্থা প্রাপ্ত হইয়াছিল এবং শালাইন ইঞ্জেকশন দেওয়ার পূর্বেই মৃত্যুমুখে পতিত হয়।



## বাইওকেমিক ঔষধের সাধারণ শক্তি নির্বাচন।

( পূর্বে প্রকাশিত ১৩৩৩ সালের ১১শ সংখ্যার ( ফাল্গুন ) ৪৬০ পৃষ্ঠার পর হইতে )

লেখিকা—**শ্রী মতী ললিতিকা দাশ L. M. P.**

বাইওকেমিক ও হোমিওপ্যাথিক মেডি ডাক্তার



৬। কেলি ফসফরিকাস ( Kali phos )।—কেহ কেহ বলেন যে, ইহার নিয়ন্ত্রণ ব্যবহারে অধিক উপকার পাওয়া যায়।

খাসকাশে—৩x

ওলাউঠা—৩x বা ৬x

গর্ভাবস্থায় প্রসবকালীন—৪x

অপ্রকৃত প্রসব বেদনায়—২x

হিষ্টিরিয়ায়—১২x ও ৩০x

টাইফস্ ও টাইফয়েড্ জরে—৬x

স্বপ্ন-রজা—৬x

এ্যাঞ্জাইনা পেট্টোরিস্—৬x

কার্বিকল—৬x

ছর্কলতা—৬x

জরে—৬x

পাকস্থলীর ক্ষতে,—১২x

পচা মাংসের জ্বায় ছর্গক বলভ্যাগ,—৩০x

এপিলেপ্‌সী—১২x

এলোপ্যাথিক চিকিৎসার পর—৩০x

পেশীর ওকতায়—৬০x, ২০০x

যখনই নাড়ীলোপ ও জ্বর কম হয়, তখনই উত্তেজনার্থ—২x

নার্ভাসনেস্—১২x

বৈশাখ—৬

ইহার ৬x বা তদনুক্রম উপর্যুপরি বেশী দিন ব্যবহার করা উচিত নহে। ইহার সকল ক্রম ব্যবহারেই সাধারণতঃ ফল পাওয়া যায়। ৩x হইতে ২০০x পর্যন্তই আবশ্যিক হয়।

প্লেগ এবং সবিরাম বা অন্য প্রকার জ্বরে, যখন উত্তাপ অত্যন্ত অধিক হয়—এমন কি, ১০৬ বা ১০৭ ডিগ্রী পর্যন্ত হয়, তখন ৬x চুই এক মাত্রা ব্যবহারে তৎক্ষণাৎ উত্তাপের হ্রাস হইয়া স্বাভাবিক উত্তাপে পরিণত হইতে দেখা যায়। জননেদ্রিয়ের অতিরিক্ত পরিচালন বা একেবারে অপরিচালন জন্ত স্নায়বিক দৌর্বল্য এবং ধ্বজভঙ্গ বা ধ্বজভঙ্গ হইবার উপক্রমে ২০০x বিশেষ উপযোগী।

রতিশক্তি বৃদ্ধির জন্ত কেলিঃ ফস্ ২০০x ও ক্যালকেরিয়া ফস্ ২০০x একত্র শয়নের পূর্বে ১ মাত্রা ব্যবহার্য। এইরূপ কিছুদিন নিয়মিত ব্যবহারে, তরল শুক্র গাঢ় হয় ও পুরুষের ব্যক্ত্য স্ব আরোগ্য হইয়া থাকে।

অর্শের আবির্ভাব রক্ত ক্রমশঃ কৃষ্ণবর্ণ ধারণ করিলে—৩০x উপযোগী

নিদ্রাকরণ জন্ত ইহার নিম্নক্রমই উপযোগী—কখন কখনও ৩০x ও ৬০x দ্বারা উপকার পাওয়া যায়। দস্তশূলে - ৩x বা ২০০x স্নানঃ ফস সহ ব্যবহার্য।

৭। কেলিঃ সল্ফিউরিকাম্—( Kali Sulph )।—সাধারণতঃ ইহার— ৬x ব্যবহার করা হয়।

পুরাতন জ্বরে—১২x বা উচ্চক্রমও উপযোগী।

কাশি—১২x

এক্জিমা—১২x পরে ২৪x

বৈকালে চোখ মুখ জ্বালা করিয়া সামান্ত জ্বর হইলে—১২x

( নেট্রায় সাল্ফ—১২x বা ৩০x সহ । )

হাম বা বসন্তের গুটীকা ভাঙ্গরূপ বাহির না হইলে বা কোনও কারণে বসিয়া গেলে ৬x সেবনে গুটীকা বাহির ও পীড়া সহজে আরোগ্য হয়।

শ্বাসকাশ পীড়ায় তরল হরিদ্রাবর্ণ প্লেমা নির্গত হইলে—৩x।

দক্ষিণ পদের সোরেইসিস্ নামক চর্মপীড়ায়—৩x

৮। ম্যাগ্‌নেশিয়া ফস্ফরিকাম্—(Mag Phos)।—ডাক্তার সুশনার ইহা ৬x চূর্ণের ব্যবহার করিতে বলেন। যদিও নিম্নক্রমে অনেক সময়ে ফল পাওয়া যায়, কিন্তু অধিকাংশ স্থলেই উচ্চক্রমের বিশেষ আবশ্যিক হয়। কারণ, প্রায়ই দেখা যায় যে, ৬x ক্রমে উপকার না হইলে, ১২x, ২৪x, ৩০x, চূর্ণের এক মাত্রাতেই উপকার প্রাপ্ত হওয়া যায়। উচ্চক্রমেই ইহাতে বিশেষ উপকার হইয়া থাকে। আমরা সচরাচর ইহার ১x, ২x, ৩x, ৬x, ১২x, ২৪x, ৩০x ও ৬০x কখনও কখনও ২০০x ব্যবহার করি।

নিয়মিত পীড়া সমূহে ইহা বিভিন্নক্রমে প্রযুক্ত হয়। যথা,—

এ্যালাইনা পেক্টোরিস—৩x, ৬x ।

শূলবেদনায়—৩x কখনও ২x বা ১x ব্যবহার হয় ।

কাশি—১২x ।

বালক বালিকার জন্মদনে—৩০x ।

পাকাশয়ের কষ্টকর শূল—২x

আক্কেপিক প্রসব বেদনা ২x ( পুনঃ পুনঃ প্রয়োজ্য )

কম্প—১x ।

গলগণ্ড—২০০x এক মাত্রা ।

ঋতুশূল, কটা ও হাত পায়ে আক্কেপ, ক্যান্সার এবং স্ত্রী জননেঞ্জিয়ের আক্কেপে, উচ্চক্রম ব্যবহার্য্য। ছানি অস্ত্র করিবার পর চোখের অত্যধিক যন্ত্রণার উপশমার্থ ম্যাগ ফস্—৩x ও ফেরাম্ ফস্ ১২x সেবন করিতে দিলে ১ দিনেই বোনার উপশম হয় ।

৯। নেট্রাম-মিউরিনোজেনিকাম—( Natram Mur. )—ইহার ৩x—২০০x ক্রম চূর্ণ পর্য্যন্ত সকল ক্রমই উপযোগিতার সহিত ব্যবহৃত হয়। সবিরাম জরে কেহ কেহ ৩x বা ৬x ব্যবহারে ফল পাইয়া থাকেন। আমরা সচরাচর ৩০x, ১x ও ২০০x ক্রম চূর্ণ ব্যবহার করিয়া থাকি ।

চিকিৎসা-প্রকাশের সুযোগ্য লেখক—ডাক্তার শ্রীযুক্ত নরেন্দ্রকুমার দাশ এম্, ডি, ( বাইওকেমিষ্ট ) মহাশয় বলেন—“সবিরাম জরে, জরের প্রকোপ হ্রাস হইবামাত্র বা জর বিচ্ছেদ হইলে, নেট্রাম মিউর ১x ও ২০০x একত্রে মিশ্রিত করিয়া, জরের পুনরাক্রমণের সময় মধ্যে ৪।৫ বার প্রয়োগ করিলে জরের পর্য্যায় বন্ধ হইয়া যায়” । এতদর্থে তিনি নিম্নলিখিত ব্যবস্থাখানি বিশেষ উপযোগিতার সহিত ব্যবহার করিয়া থাকেন। যথা :—

Re.

নেট্রাম মিউর—১x বা ২০০x ... ২ গ্রেণ ।

নেট্রাম সাল্ফ—১x বা ২০০x ... ২ গ্রেণ ।

ফেরাম্ ফস্—৬x ... ২ গ্রেণ ।

কেলি ফস্—৬x ... ২ গ্রেণ ।

একত্র মিশ্রিত করিয়া ১ মাত্রা । জর বিচ্ছেদকালীন ১ ঘণ্টান্তর ৪।৫ বার সেব্য ।

১০। তরুণ বা পুরাতন পীড়ার ইহার ২৪x, ৬০x, ১০০x, ২০০x ক্রমও ব্যবহৃত হইয়া থাকে । বকঃশূল বা একদিকের শায়শূল রোগে ১২x চূর্ণ দ্বারা উপকার না হইলে, ৩০x চূর্ণে বেশ ভাল ফল হয় ।

নাসিকা দিরা জল পড়ায়—৩০x

একনি পীড়ায়—১২x

যক্ষ্মঃ পীড়ায়—১২x ও ৩০x

- রক্তহীনতা—১২x  
 দুর্বলতা—১২x ২৪  
 চক্ষু পীড়া—১২x  
 ঐ পুরাতন হইলে—২৪x  
 সবিরাম জ্বর—১x, ৩x, ১২x, ৩০x, ৫০x, ১০০x, ২০০x  
 কোষ্ঠবদ্ধ পীড়ায়—৩০x, ৩০x, ২০০x  
 চক্ষুর এ্যান্থ্রানোপিয়া—৬x  
 নাড়ী দ্রুত ও সবিরাম—৬x  
 ব্রংকাইটিস—৩০x  
 চুল উঠিলে—১x লোশন ( ধাত করিতে হয় ) ।  
 আঘাত জনিত বেদনায়—২০০x (ফেরাষকসের পর ।)  
 কামোদ্গাদ—২০০x হইতে উচ্চ ক্রম ।  
 প্রাতঃকালীন পুরাতন শিরঃপীড়া—২০০x  
 মুখে জল উঠা, এবং কোষ্ঠবদ্ধতায় জিহ্বা পরিষ্কার থাকিলে—২০০x  
 গর্ভাবস্থায় অতিরিক্ত স্তন বিবৃদ্ধি—২০০x  
 শ্বাসকাস, এপিলেপ্সী—২০০x ও তদপেক্ষা উচ্চক্রম ।  
 ঋতুর পূর্বে মানসিক বিলম্ব—৩০x  
 কষ্টসাধ্য হিকা পীড়ায় ম্যাগ্ ফস্, নেট্রাম ফস্, ক্যাল্ ফস্, ইত্যাদি ব্যবহারে উহা  
 উপশমিত হইয়া পুনরাক্রমণ বন্ধ না হইলে এবং একই সময়ে আক্রমণ করিলে—নেট্রাম  
 মিউর ২০০x, ১ মাত্রা ব্যবহারেই পুনরাক্রমণ বন্ধ হয় ।  
 কন্স্ট্রিক্ট প্রকারের বসন্ত পীড়ায়—৩x, ভেসিলিন সহ বাহু প্রয়োগ ।

(ক্রমশঃ)





## হোমিওপ্যাথিক অংশ।

২০শ বর্ষ।

১৩০৪ সাল—বৈশাখ।

১ম সংখ্যা।

### হোমিওপ্যাথিক মতে—তুলসী।

(পূর্বপ্রকাশিত ১৯শ বর্ষের ১২শ সংখ্যার (চৈত্র) ৫১৪ পৃষ্ঠার পর হইতে)

লেখক—ডাঃ শ্রীপ্রমদা প্রসন্ন বিশ্বাস।

পাবনা।

∴∴

(৩) রোগী।—১৯২২ সালের ডিসেম্বর মাসে, ৪ বৎসর বয়স্কা একটি হিন্দু বালিকাকে দেখি। মেয়েটির শরীরের গঠন পাতলা। ওনিলাম—৩।৪ দিন হইতে একজরী অবস্থায় আছে, কোন সময়েই জ্বর ছাড়ে না। সন্ধ্যার সময় উত্তাপ বাড়িতে থাকে। রাত্রিতে গায়ের উত্তাপ খুব বেশী হয়। সেই সময় মধ্যে মধ্যে মেয়েটি চম্কাইয়া উঠে, কাপড় ধরিয়া টানে, হাত খোঁটে ও মধ্যে মধ্যে জল খায়। অল্প সময় প্রায় চুপ করিয়া থাকে। প্রথমতঃ সর্দির সঙ্গে জ্বর আরম্ভ হয়, এখনও সর্দি আছে। জিহ্বা সরস ও অপেক্ষাকৃত লাল, কিন্তু তত ময়লাযুক্ত নয়।

জিহ্বার এবিধ অবস্থা, সর্দির সঙ্গে জ্বর আরম্ভ হওয়া এবং এখনও সর্দির বিস্তারিততা দৃষ্টে প্রথমেই মেয়েটিকে ক্যালসিয়ার্ম, ৩০ শক্তির ১টি পীল, জলের সঙ্গে মিশাইয়া ৪ মাত্রা করতঃ সেবন করিতে দেওয়া হয়। ইহাতেই জ্বর ছাড়িয়া যায় এবং জ্বর আরম্ভ হয় না। পরে কয়েক দিন মোসিবো দেওয়া হইয়াছিল।

(৪) রোগী।—৩।৭ বৎসরের একটি ছেলে। ২।৩ বৎসর বয়সের সময় এই ছেলেটি তিউবারকুলোসিসের মেম্ব্রাইটিস্ রোগে ভুগিয়াছিল। উহার পরিণাম

স্বরূপ ছেলেটির মাথা এখনও বেশ বড় আছে। বর্তমানে ছেলেটি প্রায় একমাস পূর্বে ম্যালেরিয়া জরে আক্রান্ত হইয়াছে। জর প্রত্যহ রাত্রি ১২টা হইতে ২টার মধ্যে হয়। জরের বৃদ্ধির সময় উত্তাপ ১০২° ১০৩ ডিগ্রী পরিমাণ হইয়া থাকে। জরের সময়ে জল পিপাসা হয়। প্রত্যহ রাত্রিতে ও দিনে কয়েকবার পাতলা বাহে হইতেছে। প্রত্যহ সকালে ৭।৮ টার জর ছাড়িয়া যায়। শেষ রাত্রির দিকে জর কমার সময় একটু অস্থিরতা ও গা জালা বোধ করিত। গায়ে কাপড় রাখিতে চাহে না এবং ঠাণ্ডায় থাকিতে ভাল বাতে।

ছেলেটির এইরূপ অবস্থা দৃষ্টে প্রথমে উহাকে দুই মাত্র আন্সেন্নিক ২০০ দিয়া কয়েক দিন অপেক্ষা করা হয়। ইহাতে জর সামান্য একটু কম হইলেও, উহা বন্ধ হইল না। এক দিন ঠোঁট ও জিহ্বা লাল দেখিয়া ও ঠাণ্ডায় থাকিতে ভালবাসে শুনিয়া, সাল্পেস্যান ২০০ একমাত্রা দিবার ব্যস্থা করা হয়। কিন্তু কয়েক দিন অপেক্ষা করার পরও, কোন পরিবর্তন বুঝা গেল না। অবশ্য এখানে বলা আবশ্যিক যে, ছেলেটির বাড়ীতে গিয়া আমি কোন দিন তাহাকে দেখি নাই। আমার ডিসপেন্সারীতে ২।১ দিন আনিয়া দেখাইয়া লইয়া যাইত।

কয়েক দিনের চিকিৎসায় জর বন্ধ না হওয়ায় এবং ছেলেটিও ক্রমে দুর্বল হইয়া পড়ায় অগ্রের কথা মতই হউক অথবা পিতা মাতার ব্যস্ততার জন্তই হউক, এলোপ্যাথিক চিকিৎসা করান হয়। তাহাতেও কয়েক দিনের মধ্যে কোন পরিবর্তন না হওয়ায়, ছেলেটির পিতা পুনরায় আমার নিকট আসিয়া, তাহাজের বাটীতে গিয়া ছেলেটিকে দেখিবার জন্ত অনুরোধ করে। গিয়া দেখিলাম—ছেলেটি এই কয়দিনে—আরও দুর্বল হইয়া পড়িয়াছে। জর পূর্বের মত সেইরূপ রাত্রিতে ১২টা হইতে ২টার মধ্যে হইতেছে।

দিবা তবে জরের তাপ পূর্বাপেক্ষা কিছু কম। প্রত্যহ রাত্রিতে ৬।৭ বার পাতলা দান্ত হইতেছে। সকালে ৭।৮টার মধ্যেই জর ছাড়িয়া যায়। এবার জরের সঙ্গে ছেলেটির সর্দি ও কাশি প্রবল দেখিলাম। কিন্তু বুক দেখিয়া বৃকের বিশেষ কোন দোষ পাইলাম না। কেবল স্থানে স্থানে ২।১টা রংকাই মাত্র শুনা গেল। জিহ্বা ও ঠোঁট দুইখানি বেশ লাল। এবার প্রথমেই আমি গ্লিসিমাঙ্ক ৩০ শক্তি ১টা বটীকা জলের সঙ্গে ৪ মাত্রা করিয়া বিজর অবস্থায় প্রত্যহ ৩বার সেবনের ব্যবস্থা করিলাম।

তৎপর দিন প্রাতে: শুনিলাম—কল্যা রাত্রিতে, নির্দিষ্ট সময়ে জর না হইয়া, অনেকটা দেরীতে হইয়াছিল এবং অস্ত সকালেই ছাড়িয়া গিয়াছে। পেটের অস্থখ এবং সর্দি কাশিও অনেকটা কম হইয়াছে। অস্ত আর কোন ঔষধ না দিয়া, কেবল গ্লিসিবো ব্যবস্থা করা হইল। তৃতীয় দিন হইতেই জর বন্ধ হইয়া গেল। পেটের অস্থখ ও সর্দি কাশি, ক্রমে কম হইয়া আরোগ্য হইল। বলা বাহুল্য, এই রোগী আরও কয়েক দিন আমার চিকিৎসাধীনে ছিল; কিন্তু আর কোন ঔষধ দিতে হয় নাই। কেবল কয়েক দিনের মধ্যে পেটের অস্থখটা সম্পূর্ণ না হওয়ায়, একদিন একমাত্রা সাল্পেস্যান ২০০ দিতে হইয়াছিল।

৫ম রোগী।—উক্ত ছেলেটির বাড়ীর নিকটেই ৮৯ বৎসরের আর একটি ছেলে প্রায় দুই মাস যাবৎ জ্বর, পেটের অসুখ ও সর্দি কাশিতে ভুগিতেছিল। প্রথম হইতেই একজন হোমিওপ্যাথিক চিকিৎসক ইহাকে দেখিতেছিলেন। কিন্তু দীর্ঘ দিনের চিকিৎসায় কেবল জ্বর সামান্য একটু কম হইয়াছিল মাত্র—অগ্না অসুখ সমানভাবেই ছিল। দুই মাস পরে ছেলেটিকে আমার ডিসপেন্সারীতে আনিয়া দেখান হয়। দেখিলাম, ক্রমাগত দুই মাস রোগ ভোগ করিয়া ছেলেটি অনেকটা রোগা হইয়া পড়িয়াছে, চোক মুখ একটু ভার, পা দুখানি অল্প ফোলা পেটটি বেশ বড় এবং বায়ুপূর্ণ। শ্রীহা ও লিভার কিছু বড় হইয়াছে এবং টিপিলে বেদনা অনুভব করে। শুনিলাম—প্রত্যহ দিবা রাত্রিতে ৭৮ বার পাতলা বাহে হয়। উহার সঙ্গে প্রত্যেক বার কিছু আমও (প্লেগ্মা) দেখা যায়। দাস্ত হওয়া স্বৰ্বেও পেট ফাঁপা লাগিয়াই আছে। জ্বর প্রত্যহ সন্ধ্যার পূর্বেই হয়। রাত্রিতে জ্বর বৃদ্ধি হইয়া সকালের দিকে প্রবল কমিয়া আইসে এবং প্রায় ছাড়িয়া যায়। জ্বরের সময় পিপাসা হয়, কিন্তু খুব বেশী নহে। সর্দি কাশি আছে। নাক দিয়া ক্রমাগত জল পড়িতেছে। জ্বরের সময় কাশি কিছু বাড়ে। জিহ্বা অপেক্ষাকৃত কিছু লাল। জ্বর ছাড়িলেই ছেলেটি ক্ষুধায় অস্থির হয় এবং ভাত না দিলে কিছুতেই নিরস্ত হয় না। প্রত্যহ একবার করিয়া ভাত খাইতেছে।

ছেলেটিকে পূর্ব চিকিৎসক কি কি ঔষধ দিয়াছিলেন—অন্ততঃ শেষ ঔষধটি কি দেওয়া হইয়াছে, তাহা জানিবার চেষ্টা করায়, চিকিৎসক মহাশয় তাহা জানাইতে অসম্মত হইলেন। অগত্যা নিজের বিবেচনা মতই ঔষধ দিতে হইল।

সর্দি কাশির আধিক্য, জ্বরের সঙ্গে পেটের অসুখ, উদরাময় স্বৰ্বেও পেটফাঁপা, জিহ্বার বর্ণ লাল ইত্যাদি দেখিয়া—বিশেষতঃ, এই সময়ে অনেক রোগীতেই **ওসিমা** আশ্চর্য কার্যকারিতা প্রত্যক্ষ করিয়া, প্রথমেই আমি এই ছেলেটিকেও ৪ মাত্রা **ওসিমা** ৩০ শক্তির ২০নং বটিকা ৪টা, জ্বলের সঙ্গে বিজর অবস্থায় প্রথম দিন ৩বার সেবনের ব্যবস্থা করিলাম। আশ্চর্যের বিষয়, প্রথম দিনেই ছেলেটির জ্বর বন্ধ এবং ৩৪ দিনের মধ্যেই সর্দি কাশি কমিয়া গেল। পেটের অবস্থা বিশেষ ধারাপ ছিল বলিয়া আমি প্রথম কয়েক দিন ভাত বন্ধ রাখিয়াছিলাম। ৪ মাত্রা **ওসিমা** দেওয়ার পর, কয়েক দিন আর কোন ঔষধ দেওয়া হয় নাই। ইহাতে পেটের অসুখটা অনেকটা কম হইল বটে, কিন্তু একবারে আরোগ্য হইল না। উপরন্ত, মলে আঘের পরিমাণ কিছু বেশী দেখা গেল। এক্ষণে ছেলেটিকে ০ তখন অল্প ঔষধ দিয়া চিকিৎসা করি।

পূর্বে ছেলেবেলা হইতে আমি অনেকবার ইহার চিকিৎসা করিয়াছি। ছেলেটি স্বভাবতঃ একটু পেট রোগী। বাহা হউক, এ ক্ষেত্রেও ওসিমার আশ্চর্য কার্যকারিতা শক্তির যথেষ্ট পরিচয় পাওয়া গেল। একজন চিকিৎসক ২মাস ধরিয়া ক্রমাগত চিকিৎসা করিয়াও, যে জ্বর ও সর্দি কাশি আরোগ্য করিতে

পারেন নাই, তাহা ওসিমামের আশ্চর্য্য শক্তিতে অতি অল্প সময়ের মধ্যে আরোগ্য হইল। অবশ্য এখানে একটা কথা হইতে পারে যে, হয়ত পূর্ব চিকিৎসকের বিবেচনার ক্রটিতেই এতদিন রোগ আরোগ্য হয় নাই। এক্ষেত্রে আমার ইহাই বলিবার উদ্দেশ্য এই যে, বিদেশীয় ঔষধ দিয়া আমরা এইরূপ রোগীর চিকিৎসা করিয়াও, অনেক স্থলেই এরূপ আশ্চর্য্য ফল দেখিতে পাই নাই। দেশীয় ঔষধের সহিত আমাদের যে একটা নিত্য সাক্ষাৎ আছে, তাহা আমাদের পরীক্ষিত ঔষধগুলি যতই অধিক ব্যবহৃত হইতেছে, ততই তাহার স্পষ্ট প্রমাণ আমরা পাইতেছি।

(৬) **রোগী।** কয়েক দিন পূর্বে আমার একটা পশ্চিমা চাকরের সর্দি কাশির সহিত জ্বর হয়। প্রত্যহ বৈকাকে জ্বর হইত, জ্বর বৃদ্ধির সঙ্গে কাশিও বাড়িত। নাক দিয়া সর্বদা জল পড়া ছিল। জিহ্বার বর্ণ অপেক্ষাকৃত লাল। সন্ধ্যাসেতে জায়গায় শুইয়া থাকি এবং ঠাণ্ডা লাগান জ্বরের কারণ জানিতে পারায় এবং উপরিউক্ত লক্ষণের বিচ্যুততায় প্রথম দুইদিন **বাস্টিল** ৩০ দেওয়া হয়। তাহাতে জ্বর বন্ধ হয় না। সর্দি কাশিও সমান ভাবে বর্তমানে থাকে। এখানে বলা আবশ্যিক যে, জ্বর প্রত্যহ ছাড়িয়া যাইত এবং বৈকালে নির্দিষ্ট সময়ে আসিত। বাস্টিলে কোন উপকার না হওয়ায় **প্রসিলাম** ৩০ বিজর অবস্থায় দেওয়া হয়। ইহাতে প্রথম দিনেই জ্বর বন্ধ হয়। আর ১ মাত্রা **প্রসিলাম** ৩০ দেওয়া হয়। ইহার পর আর অল্প কোন ঔষধ দিতে হয় নাই। ২৩ দিনের মধ্যেই ইহাতে সর্দি কাশি হ্রাস এবং জ্বরও বন্ধ হইয়াছিল।

(ক্রমশঃ)

## বিবিধ রোগের প্রত্যক্ষ ফলপ্রদ ঔষধ

( পূর্ব প্রকাশিত ১৯শ বর্ষের ১১শ সংখ্যার ( ফাল্গুন ) ৪৬৬ পৃষ্ঠার পর হইতে )

লেখক—**শ্রীপ্রভাসচন্দ্র বন্দ্যোপাধ্যায়**

হোমিওপ্যাথিক চিকিৎসক।

মহানাদ—হুগলী।

(২৪) **হৃদ্বিবর্গের সর্দি—পালসেটিলা।**

একই রোগ নানা আকারে প্রকাশিত হইতে দেখা যায়। তাহাদের কারণ অনুসন্ধান করিয়া চিকিৎসা করিতে গেলে, অনেক সময় কারণ খুঁজিয়া পাওয়া যায় না। এখানে সর্দির কথাটাই বলিব।

সাধারণতঃ ঠাণ্ডা বা বৃষ্টির জলে ভিজা, স্নান করা, অধিকক্ষণ জলে থাকা, কর্দমযুক্ত রাস্তায় গমনাগমন, ঘর্ম বসিয়া যাওয়া, কিম্বা শারীরিক অথবা কোন শ্রাব হঠাৎ বন্ধ হওয়া, কোন কোন ফল অথবা বরফ ও টুকু ড্রব্য ভক্ষণ প্রভৃতি কারণে সর্দি জন্মিয়া থাকে । কোন কোন লোকের নাক দিয়া সর্দি নির্গত হয় না—অথচ সর্দি হয় । আবার হয়ত দীর্ঘকাল পরে সেই লোকের নাক দিয়া সর্দি নির্গত হইতে থাকে । সর্দি কাহারও অত্যন্ত পাতলা জলবৎ, কাহারও অত্যন্ত ঘন, কাহারও দুর্গন্ধযুক্ত, কাহারও ক্ষতোৎপাদক । আবার কখন অনবরত নাক দিয়া সর্দি নির্গত হয়, কখন বা নাসারন্ধ্র বন্ধ হওয়াতে মুখ দিয়া নিশ্বাস প্রশ্বাস গত্যায়ত করে । দিবসে নাক বন্ধ হয় না—রাত্রিতে নাক বুজিয়া যায় । কখন সর্দি সহ রক্ত মিশ্রিত থাকে, কখন সবুজ অথবা হরিদ্রাবর্ণের সর্দি দেখা যায় । পোষ্ট্রিয়র নেরিস্ হইতে পুরু হরিদ্রা বর্ণের পুঁজ পড়ে, শক্ত চটা বা বড় মাম্ড়ি বাহির হয় । আবার কোন কোন লোকের এক নাক দিয়া সাদা সর্দি ও অথবা নাক দিয়া হরিদ্রাবর্ণের সর্দি নির্গত হয় । এই এক নাকের সর্দিকে, কে পৃথক করিয়া হরিদ্রাবর্ণে রঞ্জিত করিয়া দেয়? কেন এরূপ হয়, তাহা জানিবার জন্ত বিজ্ঞানের তমসাবৃত পথে বিচরণ না করিয়া, মহাত্মা হ্যানিম্যানের প্রদর্শিত পদ্ধতি অনুসরণ করতঃ, কয়েক মাত্রা পাল্‌সেটিল ৩০শ, খাইতে দিলে, এইরূপ হরিদ্রাবর্ণের শ্লেষ্মাস্রাবী সর্দি অল্প সময়ের মধ্যে আরাম হইয়া যায় । হরিদ্রাবর্ণ সর্দিই, পথ প্রদর্শকরূপে পাল্‌সেটিল নির্দেশ করিয়া দেয় ।

### (২৩) হেমোরজিক কলেরায়—এলোজ ।

হেমোরজিক কলেরায় রক্তভেদ হয় । সন ১৩২৪ সালে পেকেড়া গ্রামে অনেক কলেরাগ্রস্ত রোগীর চিকিৎসার্থ আমি আহুত হই । অতি প্রত্যুষেই আমার ডাক হইয়াছিল । যাইয়া দেখি—রোগীর নাড়ী অতি ক্ষীণ,—কষ্টে অল্পভূত হয় । চক্ষু বসিয়া গিয়াছে, হাত পা শীতল, গত রাত্রি ১০টার সময় রোগী কলেরা রোগে আক্রান্ত হইয়াছে এবং বহুবার রক্তময় ভেদ হইয়াছে, প্রস্রাব হয় নাই । রোগী বলিল—“প্রস্রাবের বেগ হয়, কিন্তু প্রস্রাব করিতে বসিয়া প্রস্রাব হয় না—বাছে হয় । একবার কয়েক কোঁটা প্রস্রাব হইয়াছিল তাহাও রক্তময় ।”

রোগীকে দেখিতেছি, এমন সময় রোগী তাড়াতাড়ি উঠিয়া, টলিতে টলিতে গৃহ হইতে বাহিরে যাইয়া, ছয়বারের এক পাশে বাছে বসিল ও বহু পরিমাণ রক্ত ভেদ হইল । রক্ত দেখিয়া রোগী ও বাড়ীর সকলেই ভাবিয়া আকুল । স্থানীয় হোমিওপ্যাথিক চিকিৎসক গোকুল বাবু চিকিৎসা করিতেছিলেন । তিনি প্রথমে একোশাইট, পরে আর্কিকল দিয়াছিলেন । আমার ইচ্ছা ছিল, রোগী তিনিই দেখিবেন, আমি ঔষধ বসিয়া দিয়া যাইব । কিন্তু গোকুল বাবু বলিলেন—“আপনি আসিয়াছেন, আপনিই বাহা হয় করুন ।” হুচতুর গোকুল বাবু এক টিলে দুই পাখী বারিলেন—আমাকেও সন্মান করা হইল এবং রোগীর যে প্রকার অবস্থা, যদি ভাল মন্দ হয়, তবে তিনি দোষের ভাগী হইতেও প্রকারান্তরে এড়াইলেন । বাহা হউক, আমি তাহাকে ৪ মাত্রা এলোজ ২০৩,



প্রদান করিয়া, উহা ৩ ঘণ্টাস্তর সেবন করিতে বলিলাম। সোভাগ্যের বিষয়, ঐ ঔষধেই রোগী আরোগ্য লাভ করিয়াছিল।

ইহার কিছুদিন পরে খরেন গ্রামে, একটী লোকের ঠিক ঐ প্রকার হেমোরজিক কলেরা হয়। এই ব্যক্তির এক কণ্ঠার খস্তর বাড়ী পেকেড়া গ্রামে। উক্ত রোগীর ঐ প্রকার পীড়ার বিষয় কণ্ঠাটী দেখিয়াছিল এবং সেইজন্ত পিতার চিকিৎসার্থ সে আমাকে লইয়া যাইবার ব্যবস্থা করিয়াছিল। আমি তাহাকেও এলোজ খাইতে দিয়াছিলাম এবং তাহাতেই সে আরোগ্য হইয়াছিল। “তাড়াতাড়ি পায়খানায় যাওয়া ও রক্তময় ভেদ হওয়া এবং প্রস্রাব করিতে গিয়া বাহে করা”, প্রধানতঃ এই কয়টা লক্ষণই আমাকে এলোজ নির্বাচনে সহায়তা করিয়াছিল। এলোজের আর একটা নাম—এলো-সকোটিনা।

### (২৬) ইসফেগাসের ঝিক্চারে—আজের টে-নাঃ।

ইসফেগাসের ঝিক্চার বা অন্ননালীর ঝিক্চানাবস্থা অতি ভীষণ কষ্টদায়ক ব্যাধি। এই রোগে খাদ্য গলাধঃকরণ করা অত্যন্ত কষ্টকর হইয়া থাকে। আমার প্রথম প্রাকৃতিসের সময়ে, এইরূপ একটা রোগী পাই। রোগী মগরাগঞ্জের টেশন মাষ্টার তুবসীদাস মজুমদার, বয়স ৬০ বৎসর। একগ্রাস অন্ন গলাধঃকরণ সময়, অর্ধপথে গ্রাস পৌঁছিবা মাত্র তাঁহার ভীষণ যন্ত্রণা উপস্থিত হইত—এই যাতনায় “প্রাণ যায়” প্রাণ যায়” শব্দে তিনি ছুটাছুটা করিতেন। তাঁহার বৃকে যেন একটা কাঁচের ঢেলা আটকাইয়া যাইবার মত হইত এবং উহা যেন খট খট করিতে থাকিত।

আমি তাঁহাকে বেলাডোনা, সিকুটা, ব্রাইওনিয়া প্রভৃতি ঔষধ দিই। কিন্তু ৩/৪ দিনেও কিছুমাত্র উপকার হয় না। “বৃদ্ধ বয়সে এই পীড়া হইলে তাহার মৃত্যু অতি নিকট” বলিয়া চিকিৎসা-শাস্ত্রে উল্লেখ আছে। আমি সে কারণে ভীত হইয়া রোগীকে সুপ্রসিদ্ধ ডাঃ প্রতাপচন্দ্র মজুমদার মহাশয়ের নিকটে পাঠাইয়া দিই। আশ্চর্যের বিষয়, ৫/৬ দিনের মধ্যে রোগী সম্পূর্ণরূপে রোগমুক্ত হইয়া ফিরিয়া আসেন এবং আমার নিকট নিম্নলিখিতরূপ চিকিৎসা-বিবরণ বর্ণনা করেন,—

রোগী বলিলেন “আমার রোগ বিবরণাদি শ্রবণ করার পর, ডাক্তার বাবু তিন দিনের জন্ত দুই প্রকার ঔষধ দেন। এক প্রকার ঔষধ দুই মাত্রা দিয়াছিলেন। ইহার একমাত্রা সেই দিনে ও অল্প মাত্রা পরদিন প্রাতে: খাইতে বলেন এবং বাকী ৭ মাত্রা ঔষধ ঐ কয়দিন অশ্রান্ত সময়ে খাইতে বলিয়া, পুনরায় দেখা করিতে বলেন। আমি দ্বিভ্রাসা করিলাম—কবে, ভাত খাইতে পারিব? ডাক্তার বাবু বলিলেন—“কালই পারিবে, আগামী কল্য ১০ টার সময় মাছের খোল দিয়া ভাত খাইবেন।” বাসায় আসিয়া আমার কেবলই মনে হইতে লাগিল যে, কতকণে রাত্রি প্রভাত হইবে এবং ১০টা বাজিবে। পরদিন যথাসময়ে আহারে বসিলাম এবং বিনাকষ্টে আহার করিতে



পারিয়া আমার যে, কি আনন্দ হইল, তাহা বলিতে পারি না। পরদিনেও আহার করিতে কোন কষ্ট হইল না। তিনি এই দুইদিন একবেলা খাইতে বলিয়াছিলেন, কিন্তু আমি সেদিন রাত্রেও ভাত খাইলাম এবং কোন কষ্ট অনুভূত হইল না। তৎপর দিন পুনরায় ডাক্তার বাবুর সহিত সাক্ষাৎ করিলাম, তিনি জিজ্ঞাসা করিলেন—“কেমন আছেন?” আমার পীড়া তখন সম্পূর্ণ আরোগ্য হইলেও, কতকটা গোপন করিলাম। কারণ, আপনাদের হোমিওপ্যাথিক চিকিৎসায় ‘ভাল আছি’ বলিলেই, আর আপনারা ঔষধ না দিয়া, কেবল ফাকা ঔষধ দেন। আমি বলিলাম—আমি পরদিন হইতেই ভাত খাইতেছি, বিশেষ কোন কষ্ট হইতেছে না, কিন্তু মনে হয়—যেন ভাত খাইতে একটু বাধা বোধ হইতেছে। “আর কিছু হইবে না” বলিয়া, তিনি আমাকে এক সপ্তাহের ঔষধ দিয়া বাড়ী যাইতে অনুমতি দিলেন”।

এক দিনেই উল্লিখিত রোগীর এরূপ কঠিন পীড়া আরোগ্য হইয়াছে শুনিয়া, আমি মুগ্ধ হইলাম এবং ডাক্তার প্রতাপচন্দ্র মজুমদার মহাশয়কে লিখিলাম—“আমার প্রেরিত রোগী আপনার চিকিৎসায় অতি অল্প সময়ের মধ্যে সম্পূর্ণ আরোগ্য হইয়াছে। আমি অনেক প্রকার ঔষধ দিয়া কোন উপকার পাই নাই, আপনি কি ঔষধে এরূপ আশ্চর্যজনক ফল দর্শাইলেন, তাহা আমাকে জানাইলে, বাধিত হইব”। তিনি প্রত্যুত্তরে লিখিলেন—“আর্জেণ্টাম নাইট্রিকাম্ ২০০, দুই মাত্রাতেই উক্ত রোগী আরোগ্য হইয়াছে।” আমি মেটরিয়া মেডিকা খুলিয়া দেখিলাম যে, রোগ লক্ষণের সহিত উক্ত ঔষধের লক্ষণ সম্পূর্ণ ঐক্য রহিয়াছে। সেই দিন হইতে বুঝিলাম—মেটরিয়া মেডিকা ভালরূপ কণ্ঠস্থ না থাকিলে, স্বচিকিৎসক হওয়া যায় না।

(সমাপ্তঃ)

## হোমিওপ্যাথিক ঔষধের সংমিশ্রিত শক্তি ।

লেখক—ডাঃ শ্রীম. রঙ্গ কুমার দাস M. D. (H. H. M. C) M. B.

M. C. P. & S, M. R. I. P. H. (eng) ভিষ্ণুরদ্ব।

একাধিক হোমিওপ্যাথিক ঔষধ একত্রে মিশ্রিত করিয়া প্রয়োগ করিলে যে, কোন রূপ সুফল পাওয়া যাইতে পারে; ইহা বোধ হয় কেহই বিশ্বাস করিবেন না। কেন না, কোনও হোমিওপ্যাথিক পুস্তকেই এরূপ ব্যবহারের উল্লেখ বা অনুমোদন দেখা যায় না। এমন কি, অনেকে ২৩টা ঔষধ পর্যায়ক্রমে ব্যবহার করিতেও নিষেধ করেন। জার্মান চিকিৎসকগণ পর্যায় বা অনুপর্যায়ক্রমে ঔষধ ব্যবহারের একেবারেই পক্ষপাতী নহেন। কিন্তু আমেরিকান

চিকিৎসকগণ এইমত সমর্থন করেন না অর্থাৎ তাঁহারা ২৩টা ঔষধ পর্যায় ও অনুপর্যায় ক্রমে ব্যবহারের উপদেশ দিয়া থাকেন। পুরাতন পুস্তকাদি পাঠে জানা যায় যে, প্রাচীন হোমিওপ্যাথিক চিকিৎসকগণের মধ্যে, ২১ জন ৩৪টা ঔষধ একত্রে মিশ্রিত করিয়া ব্যবহার করিতেন এবং তাহাতে ফল বেশ ভালই হইয়াছে, বলিয়া তাঁহারা মত প্রকাশ করিয়াছেন। কিন্তু তৎপরবর্তী চিকিৎসকগণ উহা অ্যালোপ্যাথিক চিকিৎসার অনুরূপ এবং মিশ্রিত ঔষধের রাসায়নিক ক্রিয়ার অনিশ্চয়তার জন্ত, এইরূপ মিশ্রিত ঔষধ ব্যবহার-প্রণালীকে ত্যাগ এবং উহা হোমিওপ্যাথিক বিজ্ঞান অনুমোদিত নহে বলিয়া নির্দেশ করিয়াছেন।

কিন্তু আমি সম্প্রতি কতিপয় রোগীতে ৩৪টা হোমিওপ্যাথিক ঔষধ একত্র মিশ্রিত করিয়া প্রয়োগ করতঃ, অত্যশ্চর্য ফল লাভ করিয়াছি। আমার মনে হয়—হোমিওপ্যাথিক ঔষধ একত্রে মিশ্রিত করিয়া ব্যবহার করিলে, ইহাতে ঔষধের ক্রিয়া বা গুণের কোনও হানী হয় না। পরন্তু, রোগী সত্বর শ্রোগ মুক্ত হয় এবং এইরূপ ব্যবহার সম্পূর্ণ বিজ্ঞানানুমোদিত। প্রাচীন অ্যালোপ্যাথিক শাস্ত্রের প্রারম্ভে ও মহাত্মা হানিম্যানের পূর্বে এবং আয়ুর্বেদ গ্রন্থেও, হোমিওপ্যাথিক বিজ্ঞানের “সদৃশ বিধান মত” উল্লিখিত আছে। সপ্তদশ শতাব্দীর শেষভাগে ডাক্তার ষ্টোয়ার্ক এই মতের উপস্থাপিতা প্রকাশ করিয়াছিলেন। কিন্তু মহাত্মা হানিম্যান ইহাকে বিজ্ঞান সম্মত ভিত্তি উপর স্থাপিত করিয়া গিয়াছেন। এই সমস্ত প্রাচীন গ্রন্থ পাঠে বুঝা যায় যে, আয়ুর্বেদ বা অ্যালোপ্যাথিক শাস্ত্রেও যখন ইহার উল্লেখ আছে এবং উক্ত চিকিৎসা শাস্ত্রদ্বয়ে যখন মিশ্রিত ঔষধ বিশেষ উপযোগিতার সহিত ব্যবহৃত হইয়া আসিতেছে, তখন একাধিক হোমিওপ্যাথিক ঔষধ মিশ্রিত হইয়া ব্যবহৃত না হইবে কেন ?

১৮৩৬ খ্রীষ্টাব্দে ৬মহাত্মা স্মুলার যখন প্রথম বাইওকেমিক বিজ্ঞানের সৃষ্টি করিলেন, তখন তিনি এই হোমিওপ্যাথিক ঔষধ হইতেই, দ্বাদশটা ঔষধ মনুষ্যদেহের রাসায়নিক ক্রিয়ার সহিত মিলাইয়াই বাছিয়া লইয়াছিলেন। তাঁহার বিজ্ঞান-মত অগ্ররূপ হইলেও, ঔষধগুলি হোমিওপ্যাথিক প্রণালীতেই প্রস্তুত। এই সকল ঔষধ যখন ৩৪টা বা তদূর্ধ্ব সংখ্যক একত্রে মিশ্রিত করিয়া ব্যবহারে আমরা সাক্ষাৎ ভাবে ফল লাভ করিতেছি, তখন একাধিক হোমিওপ্যাথিক ঔষধ মিশ্রিত করিয়া ব্যবহারে, আশানুরূপ ফল লাভ হইবে না কেন ? এইরূপ মিশ্রিতাকারে ঔষধ ব্যবহারে, রোগীর চিকিৎসা করা আরও সহজ ও সরল হইয়া পড়িবে এবং হোমিওপ্যাথিকের আদর ও গৌরব আরও বর্দ্ধিত হইবে।


এইরূপ মিশ্রিতাকারে ঔষধ প্রয়োগ করতঃ, আমি কিরূপ সফল লাভ করিয়াছি, আগামী সংখ্যায় তাহা প্রকাশিত হইবে। (ক্রমশঃ)

PRINTED BY RASICK LAL PAN

At the Gobardhan Press, 209 Cornwallis Street, Calcutta,

And Published by Dharendra Nath Haldar

197, Bowbazar Street Calcutta





এলোপ্যাথিক ও হোমিওপ্যাথিক চিকিৎসা সম্বন্ধীয়  
মাসিক পত্র ও সমালোচক ।

২০শ বর্ষ ।

১৩৩৪ সাল—জ্যৈষ্ঠ ।

২য় সংখ্যা ।

## বিবিধ ।

গর্ভবতী নারীর প্রাতঃকালীন বমন (Morning sickness) :—  
ডাক্তার আর্জট মেডিক্যাল স্ট্যাণ্ডার্ড পত্রে লিখিয়াছেন—যে, গর্ভবতী নারীর বমন বা  
গা বমি বমি (Nausea) ভাব—যাহাকে সাধারণতঃ ‘প্রাতর্কমন’ বলা হয়—তাহা সচরাচর  
প্রাতঃকালে, শয্যা হইতে উঠিবার অব্যবহিত পরেই, উপস্থিত হইতে দেখা যায় । ইহার  
প্রতিকারার্থ নিম্নলিখিত উপায় অবলম্বন করিলে সফল হইয়া থাকে ।

রোগিণী যদি প্রাতঃকালে, নিদ্রাভঙ্গের অব্যবহিত পরেই—শয্যায় শুইয়াই কয়েক খানা  
টাটকা বিস্কুট বা মুড়ি কিম্বা ১ টুকরা টোট্ট করা পাউরুটি খাইয়া, ১ ঘণ্টা পর্যন্ত শয্যায় স্থির  
ভাবে শয়ন করিয়া থাকিবার পর শয্যা ত্যাগ করেন, তাহা হইলে অনেক রোগিণীই—  
এই প্রাতর্কমনের কবল হইতে নিষ্কৃতিলাভ করিতে পারেন । গা বমি বমি ও  
প্রাতঃকালীন বমনের ইহা একটা পরীক্ষিত প্রতিষেধক । অনেক সময় গর্ভের প্রাথমিক ও  
বিলম্বিত অবস্থায় পাকাশয়ের হাইড্রোক্লোরিক এসিড্‌ নিঃসরণের অভাব অথবা  
বমনাদি হইতে থাকে । এই হাইড্রোক্লোরিক এসিডের অভাব যদি গর্ভের প্রথম  
৩।৪ মাস মধ্যেই অধিক স্পষ্টভাবে বুঝিতে পারা যায়, তাহা হইলে রোগিণী আহারের  
১ ঘণ্টা পরে অম্ল (acidity) বোধ করিয়া থাকেন । এইরূপ স্থলে রোগিণীকে বাহিরে  
বেড়াইতে উপদেশ দিলে, হাইড্রোক্লোরিক এসিডের হ্রাস অথবা অম্ল ও বমন প্রভৃতি

উপসর্গ দূর হইতে পারে। এই কারণেই, গর্ভের প্রাথমিক অবস্থায় গা বমি বমি ও বমন প্রভৃতি উপসর্গে, হাইড্রোক্লোরিক এসিড প্রয়োগে উপকার হইয়া থাকে। এতদর্থে ডাইলিউট হাইড্রোক্লোরিক এসিড ৫—১৫ মিনিম, অর্ধ গ্লাস জলের সহিত মিশ্রিত করিয়া, আহারের পূর্বে ব্যবহার করিয়া আশাতীত উপকার পাওয়া গিয়াছে।

(Medical Standard)

**টাইফয়েড জ্বরে—হেক্সামেথিলেনামিন**। ডাঃ মোরিজ লিখিয়াছেন—  
“সাংঘাতিক টাইফয়েড জ্বরে ‘হেক্সামেথিলেনামিন’ (Hexamethylenamine) শিরাপথে (ইন্ট্রাভেনাস) ইঞ্জেকসন দিয়া আশাতীত ফল পাইয়াছি। কিন্তু ইহা পীড়ার দ্বিতীয় সপ্তাহের পূর্বে দেওয়া অমুচিত তাহাতে ‘নেট্রাইটসের’ লক্ষণ উপস্থিত হইতে পারে। (Doctor)

**ম্যালেরিয়া জ্বরে—মেথিলিন ব্লু**। ডাক্তার কুটো লিখিয়াছেন—  
“মেথিলিন ব্লু” (Methylene Blue) ম্যালেরিয়া জ্বরে—কুইনাইনের পরিবর্তে বিশেষ উপযোগিতার সহিত ব্যবহার করা যায়। সামান্যাকারের তরুণ ম্যালেরিয়া জ্বরে, কুইনাইন ব্যবহার না করিয়া, “মেথিলিন ব্লু” ব্যবহার করিলে বিশেষ উপকার পাওয়া যায়। যে সমস্ত ম্যালেরিয়া রোগী আদৌ কুইনাইন সহ্য করিতে পারে না—তাহাদিগকে “মেথিলিন ব্লু” দ্বারা চিকিৎসা করিলে আশাতীত ফল পাওয়া যায়”। ডাঃ কুটো, ট্রপিক্যাল বা পার্শিান্স ম্যালেরিয়ায় প্রথম হইতেই “মেথিলিন ব্লু” ও “কুইনাইন” একত্রে শিরাপথে ইঞ্জেকসন দিতে উপদেশ দেন। এতদর্থে ৫ গ্রাম জলসহ—০০৫ গ্রাম “মেথিলিন ব্লু” মিশ্রিত করিয়া শিরামধ্যে (ইন্ট্রাভেনাস) প্রয়োজ্য। একদিনে ৩—৫ মাত্রা ঔষধ ইঞ্জেকসন দেওয়া যাইতে পারে। এইরূপে ইহা ইন্ট্রাভিনাস ইঞ্জেকসন দিয়া ইনি কখনও কোনও মন্দফল উপস্থিত হইতে দেখেন নাই। সামান্য জ্বরে—“মেথিলিন ব্লু” আন্তরিক প্রয়োজ্য। এতদর্থে ০.১০—০.২০ গ্রাম মাত্রায় এই ঔষধ ক্যাপসুল মধ্যে পুরিয়া ব্যবহার করা কর্তব্য। মোট ১.৫ গ্রামের বেশী ব্যবহার করা অমুচিত। পাকাশয়ের উত্তেজনা পরিহারার্থে, ইহা আহারের সময়েই সেবন করা উচিত। অধঃস্বাচিকরূপে ইঞ্জেকসন দিলে, স্থানিক উত্তেজনা উপস্থিত হইয়া উক্ত স্থানে ক্ষত হইবার বিশেষ সম্ভাবনা। (Doctor)

**প্যারামোজিসিস (উন্টা মুদা) পীড়ায়—এড্রিনালিন—সপ্রতি**  
উন্টা মুদা (Paraphimosis) পীড়ায় এড্রিনালিন স্থানিক প্রয়োগ করিয়া সস্তোষজনক উপকার পাওয়া যায় বলিয়া ল্যান্সেট পত্রিকায় উক্ত হইয়াছে।

গত মে মাসের “ল্যান্সেট” পত্রিকায় উল্লিখিত হইয়াছে যে, প্যারাকাইমোসিস পীড়ায় এড্রিনালিন ক্লোরাইড সলিউশন সহ কোকেইন হাইড্রোক্লোর মিশ্রিত করতঃ—এব্‌সরবেণ্ট তুলায় করিয়া স্থানিক “কম্প্রেস” প্রয়োগ করিলে, আশাতীত উপকার পাওয়া যায়। :৫ মিনিট কাল এইরূপে কম্প্রেস (compress) দেওয়া কর্তব্য। লেখক বলেন যে, তিনি এইরূপে প্রায় ২ বৎসর বহু প্যারাকাইমোসিস রোগীর চিকিৎসা করিয়া, কোন রোগীতেই বিফল মনোরণ হই নাই। (Thera. Notes)

**প্রসবান্তিক রক্তস্রাবঃ**—প্রসবান্তিক রক্তস্রাবে (Postpartum Haemorrhage) অধঃস্বাচিকরূপে পিটুইটিন ইঞ্জেকশন দেওয়া মাত্রই অনতিবিলম্বে রক্তস্রাব বন্ধ হইয়া যায়।

জরায়ুর উপর ইহার যে উত্তেজক ক্রিয়া আছে, তাহা অপেক্ষাও ইহার ধমনী ও শিরাসমূহের উপর ক্রিয়া অধিকক্ষণ স্থায়ী হইয়া থাকে। প্রসবান্তিক রক্তস্রাবে পিটুইটিন একটা উৎকৃষ্ট ঔষধ। (Therapeutic Notes)

**শারীরিক শিথিলতার বৈষম্য হেতু অসাড়ো মূত্রত্যাগঃ**—শারীরিক বা মস্তকবিশেষের ক্রিয়া বৈষম্য হেতু, সদা সর্বদা অসাড়ো মূত্রত্যাগ (Functional Enuresis) পীড়ায় পিটুইটিন ০.৫—১ সি, সি, মাত্রায় ১ দিন অন্তর—১ সপ্তাহ বা ১০ দিন পর্যন্ত নিয়মিতভাবে ইন্ট্রাভেনাকিউলার ইঞ্জেকশন দিলে, বিশেষ উপকার পাওয়া যায়। (Therapeutic Notes)

**মৃতবৎ নবজাত শিশুর পুনর্জীবন লাভঃ**—শিশু ভূমিষ্ট হইবামাত্র স্পষ্টতঃ মৃতবৎ বলিয়া প্রতীয়মান হইলেও—এড্রিনালিন ক্লোরাইড ইঞ্জেকশন দিয়া পুনর্জীবিত করা যাইতে পারে বলিয়া উল্লিখিত হইয়াছে। নবজাত শিশু মৃতবৎ দৃষ্ট হইবামাত্র, কয়েক ফোঁটা এড্রিনালিন অধঃস্বাচিক ইঞ্জেকশন দিবে—ইহাতে ফল না হইলে কয়েক ফোঁটা এড্রিনালিন অবিলম্বে হৃৎপিণ্ডের পেশী মধ্যে ইঞ্জেকশন দেওয়া কর্তব্য। ঋসপ্রণালী সমূহে কোনরূপ প্রতিবন্ধক না থাকিলেই, ইহা কার্যকরী হইয়া থাকে। এই সঙ্গে কৃত্রিম ঋসপ্রবাস ক্রিয়া অবলম্বন করিলে, সম্বর উপকার হইয়া থাকে। (Therapeutic Notes)

**অর্শের আধুনিক চিকিৎসাঃ**—(Treatment of Hemorrhoids):—

ডাঃ ক্যালভো নিখিয়াছেন যে, তিনি ২২টা অর্শ রোগীকে ইউরিয়া এণ্ড কুইনাইন হাইড্রোক্লোর ইঞ্জেকশন করিয়া বিশেষ উপকার পাইয়াছেন। অর্শের বলীর মূলে,



ইহার ৫% পাসেন্টে ড্রব ০.৫—২ সি, সি, ( একন কি ৩ সি, সি, পূর্যাস্ত ) মাত্রায় ইঞ্জেক্সন করিতে হয়। এক সপ্তাহ অন্তর ৫—৬টি ইঞ্জেক্সন দিলেই যথেষ্ট। ইহার বেশী ইঞ্জেক্সন দিবার প্রয়োজন হয় না। ( Medi Rev )

### কষ্টরজঃ পীড়ার চিকিৎসা ( Treatment of Dysmenorrhoea )

ডাঃ স্ট্র, ক্লান্ লিখিয়াছেন—“যে সমস্ত কষ্টরজঃ পীড়াক্রান্ত রোগিণী পীড়ার আক্রমণ অবস্থায় যন্ত্রণায় ছটফট করিতে থাকে এবং যাহাদের যন্ত্রণা হ্রাস করিবার জন্ত মাদক ঔষধ ব্যবহার করিতে হয়; তাহাদিগকে অল্প মাদক ঔষধ না দিয়া, ক্লোরোটোন দিলে বিশেষ উপকার পাওয়া যায়। অল্প মাদক ঔষধ ব্যবহারে রোগীর যন্ত্রণার লাঘব হয় বটে, কিন্তু ইহা হতে রোগিণী বিশেষ অস্থস্থ হইয়া পড়ে এবং ভবিষ্যতে ঔষধের মাত্রা বৃদ্ধি না করিলে কোনও উপকার পাওয়া যায় না”।

উক্ত চিকিৎসক বলেন যে, তিনি ৯টি আক্কেপিক কষ্টরজঃ ( spasmodic Dysmenorrhoea ) রোগিণীর দুর্দম্য যন্ত্রণাদায়ক লক্ষণাবলী বর্তমানে, কেবলমাত্র “ক্লোরোটোন” ( Chloretone ) ব্যবহার করিয়াই যন্ত্রণার হ্রাস করিয়াছিলেন।

ইহাদের ঋতু প্রকাশ হইবার ১ সপ্তাহ পূর্ক হইতেই, ৫ গ্রেণ মাত্রায় প্রত্যহ ২'৩ বার “ক্লোরোটোন” সেবন করান হইত।

উল্লিখিত ৯টি রোগিণীর মধ্যে, ৬টি রোগিণী এই প্রণালীতে চিকিৎসিত হইয়া, কয়েক মাস মধ্যেই আরোগ্য লাভ করিয়াছিলেন। ১টি রোগিণী এই ঔষধ আদৌ সহ করিতে পারেন নাই—ইনি এই ঔষধ দ্বারা বিশেষ ভাবে অস্তিত্বতা—ঔষধ সেবন করিলেই অবসন্ন হইয়া পড়িতেন এবং অত্যন্ত নিদ্রাভিত্ততা হইতেন। অগত্যা এই চিকিৎসা বন্ধ করিয়া দিতে হইয়াছিল।

অন্যান্য রোগিণীর চিকিৎসায় উক্ত মাত্রায় ক্লোরোটোন ব্যবহারে কোন মন্দ লক্ষণ উপস্থিত হয় নাই। আবশ্যক হইলে এই ঔষধের মাত্রা নিরাপদে বৃদ্ধিও করা যায়। যে সমস্ত রোগিণীকে অল্প নিদ্রাকারক ও মাদক ঔষধ ব্যবহার করা নিরাপদ নহে, তাহাদিগকে নিরাপদে “ক্লোরোটোন” প্রয়োগ করা যায়।

( Antiseptic )

শিল্পাপথে কপূর ইঞ্জেক্সন ঃ—( Intravenous Injection of Camphor ) ডাঃ জী, হোসম্যান লিখিয়াছেন—“তিনি গত দশ বৎসরে কোল্যাপ্স অবস্থাপন্ন প্রায় এক সহস্র রোগীকে ক্যাম্ফর ইঞ্জেক্সন দিয়া আশান্তীকৃত করিয়া পাইয়াছেন। আবার এই ইঞ্জেক্সন প্রণালী বহু চিকিৎসকগণ কর্তৃক বিশেষ ভাবে পরীক্ষিত হইয়াছে।



ডাক্তার শ্রোডার বলেন যে, সুস্থদেহ হইতে রোগীর দেহে অতিরিক্ত মাত্রায় রক্ত ইঞ্জেকশন করা ( Transfusion of Blood ) অপেক্ষা, শিরাপথে ক্যাফার ইঞ্জেকশন অধিকতর নিরাপদ ও শ্রেষ্ঠ। এতদর্থে হোস্ম্যানের সলিউশন্ বিশেষ উপযোগী।

নিম্নলিখিতরূপে হোস্ম্যান সলিউশন প্রস্তুত করা হয়। যথা ;—

স্পিরিট ক্যাফোরেটাস্	...	৩.৫ ভাগ।
এলকোহল	..	২ ভাগ।
বিশোধিত পরিশ্রুত জল	...	৪.৫ ভাগ।

একত্র মিশ্রিত করিয়া শিরামধ্যে ( ইন্ট্রাভেনাস ইঞ্জেকশন ) প্রয়োজ্য।

সোডিয়াম্ ক্লোরাইড্ বা গ্লুকোজ সহ নর্মাল স্যালাইন্ সলিউশন ইঞ্জেকশন অপেক্ষা, এই হোস্ম্যানের সলিউশন ইঞ্জেকশন অধিকতর ফলপ্রদ। এতদ্বারা নিম্নলিখিত পীড়া সমূহে বিশেষ উপকার পাওয়া যায়। যথা :—

- ( ১ ) অত্যধিক রক্তস্রাবে ( Severe haemorrhage )
- ( ২ ) হৃৎপিণ্ডের অবসাদন বা হৃৎক্রিয়া লোপের উপক্রমে। ( Circulatory failure )
- ( ৩ ) 'শক্' বা কোন দ্রব্যের বিষক্রিয়া হেতু হৃৎক্রিয়া লোপ পাইলে।

একটি রোগীর অজ্ঞাবরোধ ( Intestinal obstruction ) পীড়ায়, কয়েক দিন পর্যন্ত রোগী রনাড়ীর স্পন্দন ছিল না এবং হস্ত ও পদশাখা শীতল ও নীলবর্ণ হইয়া গিয়াছিল। কিন্তু হোস্ম্যানের সলিউশন ইঞ্জেকশন করার পর, রোগীর এই অবস্থা দূরীভূত হইয়া, রোগীর অন্ত্রোপচার সহ করিবার মত সাবর্থা হইয়াছিল। ( B. M. Journal )

**ফস্ফরাসের ব্যবহার—( use of Phosphorus ) :—**ডাক্তার ক্যাট্টেলানি ফস্ফরাসযুক্ত তৈল ( Phosphorated oil ) বাহ্যিক ও অধঃস্থায়িকরূপে "গ্র্যানুলোমা ইঙ্গুইনেল্" ( Granuloma Inguinale ), রিকেট্, বেরি-বেরি এবং অস্টিও ম্যালারিয়া প্রভৃতি পীড়ার চিকিৎসায় ব্যবহারের উপদেশ দেন। ইহার মতে—ইহা কোনও কোনও পুরাতন ম্যালেরিয়া রোগীতে কুইনাইনের সহকারীরূপে কার্য করিয়া থাকে।

যকৃতের উপর ফস্ফরাসের বিলম্বিত ক্রিয়ার বিষয় সর্বদা মনে রাখা উচিত। কেন না, ইহা ১টা বিশেষ শক্তিশালী ঔষধ; সুতরাং ইহা বিশেষ সাবধানতার সহিত ব্যবহার করা কর্তব্য।

ডাঃ ক্যাট্টেলানি বিণ্ড "ফস্ফরেটেড্ অয়েল" ৫ মিনিম ( ০.৩ সি সি, ) স্থানিক ( Locolly ) এবং হাইপোডার্মিক ইঞ্জেকশনার্থ ১/২ মিনিম মাত্রায় ( ০.০৩ সি, সি, ) ১০ মিনিম বাদ্যবের তৈল সহ ( Almond oil ) প্রয়োজ্য।

## এন্ডোক্রিনোলজি—Endocrinology.

### দেহের ভিতর ঔষধ-ভাণ্ডার।

( পূর্বে প্রকাশিত ১ম সংখ্যার ১৬ পৃষ্ঠার পর হইতে )

লেখক ডাঃ শ্রী সন্তোষকুমার মুখোপাধ্যায় M. B

ইণ্ডিয়ান মেডিক্যাল রেকর্ডের সম্পাদক।

—:—

### অন্তঃরসস্রাবী গ্রন্থি সমূহের ক্রিয়া

( Function of the Endocrine Glands )

মানুষের রূপ, যৌবন, বলবীৰ্য্য, শক্তিসামর্থ্য, সমস্তই অন্তর্মুখী রসের উপর নির্ভর করে। দেহের সকল অঙ্গ প্রত্যঙ্গের ক্রিয়া উত্তমরূপে পরিচালনার জন্ত অন্তর্মুখী রসের প্রয়োজন। এই গ্রন্থিগুলি নষ্ট হইয়া গেলে, তাহার ফল—রোগ ও মৃত্যু। পক্ষান্তরে ইহাদের কার্যক্ষমতা হ্রাস বা বৃদ্ধিপ্রাপ্ত হইলেও, শরীরের ভিতর নানা প্রকার গোলযোগের সৃষ্টি হয়।

অন্তর্মুখী রসের ক্ষমতা অদ্ভুত। ইহাদের পরিমাণ খুব বেশী নয়; কিন্তু তাহা হইলেও, এইরূপ সামান্য পরিমাণ রসের দ্বারা দেহবস্তুর যেরূপভাবে পরিচালিত হয়, তাহা বস্তুতই বিস্ময়জনক। অন্তঃরসস্রাবী গ্রন্থিগুলি হইতে কত অল্প পরিমাণে রস নিঃসৃত হয় এবং ইহা কতদূর কার্যক্ষম, তাহা নিম্নলিখিত উদাহরণ হইতে বুঝা যাইবে। এড্রিনাল গ্রন্থি হইতে সমস্ত দিনে মাত্র ৫৫ ফেঁটা হইতে আড়াই ড্রাম রস (এড্রিনালিন) নিঃসৃত হয়। এই এড্রিনালিনের মাত্র ১৫ ফেঁটা ইঞ্জেকশন করিয়া, অনেক সময় মৃতপ্রায় রোগীকে বাঁচান যায়। থাইরয়েড গ্রন্থির রসের মধ্যে যে মূল উপাদান—“থাইরক্সিন” আছে, তাহার মোট পরিমাণ এক আউন্সের পাঁচ হাজার ভাগের একভাগ মাত্র। অথচ এই সামান্য থাইরক্সিন না থাকিলে মানুষ বাঁচে না। সুতরাং প্রাচীন যুগের মানুষেরা যে, এই সকল অন্তর্মুখী রসের সন্ধান পান নাই, তাহাতে আশ্চর্য্য হইবার কিছুই নাই।

এই অন্তর্মুখী রসগুলির আবিষ্কারের সহিত, আমরা জীবদেহের এক গুপ্তশক্তির পরিচয় লাভ করিয়াছি—যে শক্তির বলে, জীব অনবরত মৃত্যুর সহিত যুদ্ধ করিয়াও, জীবিত থাকিতে সক্ষম হয়। বলা বাহুল্য, বর্তমানে এ শক্তির যৎসামান্য আভাষ আমরা পাইয়াছি।

ইতিপূর্বে আমরা বিবিধ গ্রন্থি-রসের উল্লেখ করিয়াছি, এক্ষণে এই দুই প্রকার রস—অর্থাৎ অন্তর্মুখী ও বহির্মুখী-রসের পার্থক্য কথিত হইতেছে।

## অন্তর্মুখী ও বহির্মুখী রসের পার্থক্য।

	বহির্মুখী রস (External Secretion)	অন্তর্মুখী রস (Internal Secretion)
(১) উত্তাপের সহিত সম্বন্ধ	(১) যে কোনরূপ উত্তাপে বহির্মুখী রস কার্য করিতে পারে না। প্রত্যেকেরই একটা বিশেষ উত্তাপ দরকার; উহার কম বেশী হইলে রস নির্বাণ্য হইয়া যায়।	(১) সকল প্রকার উত্তাপের মধ্যেই ঠিক থাকে।
(২) অম্ল ও ক্ষার পদার্থের সহিত সম্বন্ধ	(২) অম্ল বা ক্ষার পদার্থের সংযোগে ইহাদের গুণের বৈলক্ষণ্য হইতে পারে।	(২) অম্ল বা ক্ষার পদার্থের দ্বারা ইহাদের কোন বৈলক্ষণ্য হয় না।
(৩) ক্রিয়াক্ষমতা	(৩) দেহের যে অঙ্গে, যে বহির্মুখী রস পাওয়া যায়, উহা কেবলমাত্র সেই স্থানেই কার্য করে। যেমন পাকস্থলীর বহির্মুখী রস, কেবলমাত্র পাকস্থলীর ভিতরই খাদ্য পরিপাক করে।	(৩) অন্তর্মুখী রস, রক্তের সহিত মিশ্রিত হওয়ায়, যেখানকার গ্রন্থি হইতে রস নিঃসৃত হয়, সেখানে ছাড়াও দেহের ভিতর অন্য স্থানেও কার্য করিতে পারে। যেমন সুপ্রোরেনাল নিঃসৃত এড্রিনালিন রস দেহের রক্তের চাপশক্তি বৃদ্ধি করে।
(৪) ক্রিয়াক্রম	(৪) ইহাদের ক্রিয়া প্রকাশিত হইতে অধিক সময় লাগে।	(৪) ইহাদের ক্রিয়া অধিকতর শীঘ্র প্রকাশিত হয়।

### স্নায়বিক শক্তি ও অস্তমুখী রসের ক্রিয়ার পার্থক্য।—

অস্তমুখী রস ও স্নায়ুর ক্রিয়ার মধ্যে অনেক পার্থক্য দেখা যায়। যেখানে তাড়াতাড়ি কোন কাজ করা দরকার, সেখানে স্নায়ু তাহা করে ; কিন্তু যেখানে দীর্ঘকাল স্থায়ী ক্রিয়ার দরকার, সেখানে অস্তমুখী রসের আবশ্যক। স্নায়ুর ক্রিয়া কতকটা টেলিগ্রাফের মত ; আর অস্তমুখী রস যেন পোষ্ট অফিসের দ্বারা পত্র প্রেরণ। স্নায়বিক ক্রিয়া প্রকাশের জন্ত টেলিগ্রামের তারের মতন স্নায়ু সমষ্টি আছে। কিন্তু পোষ্ট অফিসের কার্যের জন্ত কোন তারের বন্দোবস্ত নাই।—ডাকপিওন চিঠি বিলি করে, তেমনি অস্তমুখী রসের বাহন রক্ত। স্নায়ুর সংবাদ টেলিগ্রামের মত শীঘ্র পৌঁছে, কিন্তু অস্তমুখী রস, ডাকবাহিত চিঠির মত পৌঁছিতে অনেক দেরী লাগে।

এতদ্ব্যতিরিক্ত ক্রিয়ার পার্থক্য, নিম্নলিখিত উদাহরণ হইতে বুঝা যাইবে। কোন শিকারীকে যেন হঠাৎ বাঘে আক্রমণ করিয়াছে। যখনই সে বাঘকে দেখিল, তখনই তাহার দেহের ভিতর স্নায়ু উত্তেজিত হইল এবং তাহার হস্তস্থিত বন্দমটী বাঘটীকে মারবার জন্ত উত্তিত হইল। সঙ্গে সঙ্গে তাহার সুপ্রোরেনাল গ্রন্থি হইতে এড্রিনাল রস নিঃসৃত হইতে থাকিবে। এই সময়ে যদি ক্রমাগত এড্রিনাল রস নিঃসৃত না হইত, তাহা হইলে স্নায়ুর ক্রিয়া তখনি ধামিয়া যাইত এবং শিকারী বাঘের সহিত অন্ধেক্ষণ যুদ্ধ করিতে পারিত না।

স্নায়ু ও অস্তমুখী রস, এই দুই শক্তির সম্মিলিত ক্রিয়ার ফলে মানুষ বাঁচিয়া থাকে। ইহাদের উভয়ের মধ্যে সম্বন্ধ অত্যন্ত নিবিড়।

আমাদের দেহ যেন একটা রাজ্য। সত্যকণর রাজ্যে যখন টেলিগ্রাফে সংবাদ আসিল—অমুক স্থানে বিদ্রোহ উপস্থিত হইয়াছে, অমনি সেইস্থানে সৈন্যসামন্ত প্রেরিত হইল। দেহের মধ্যেও কতকটা সেইরূপ হয়।

আমাদের চারিপাশে—সংসারে ও কর্মক্ষেত্রে যে সকল ঘটনা হইতেছে, আমাদের দেহের ভিতর ও তাহার ঘাতপ্রতিঘাত উপস্থিত হয়। স্নায়ুর সাহায্যে এইগুলি মস্তিষ্কে উপনীত হয় এবং মস্তিষ্ক উহার যথোপযুক্ত ব্যবস্থা করে যদি কোন গ্রন্থির অস্তমুখী রস অধিক পরিমাণে প্রয়োজন হয়, মস্তিষ্ক তখনই স্নায়ুর ভিতর দিয়া সেই গ্রন্থিকে অধিক রস নিঃসরণ করিবার জন্ত আদেশ প্রেরণ করে। সেই অস্তঃরসস্রাবী গ্রন্থি তখন রস নিঃসরণ করিতে থাকে ও ঐ রস রক্তের সহিত মিশ্রিত হইয়া, দেহের যেখানে প্রয়োজন, সেখানে গিয়া উপস্থিত হইবে। আমাদের সেই পূর্বের শিকারীর উদাহরণেই আবার দেখাইব—শিকারীকে বাঘে আক্রমণ করিয়াছে ; স্নায়ুর সাহায্যে সেই সংবাদ সুপ্রোরেনাল গ্রন্থিতে গেল এবং তাহার ফলে এড্রিনাল রস নিঃসৃত হইতে আরম্ভ করিল।

স্নায়ু দুই রকমের আছে—একপ্রকার স্নায়ু আমাদের ইচ্ছাধীন ( Voluntary ) ; আর অন্যপ্রকার স্নায়ুর উপর আমাদের কোন কর্তৃত্ব নাই। ইহাকে স্বতঃপ্রবৃত্ত স্নায়ু বলে ( Autonomous nerves )। স্বতঃপ্রবৃত্ত স্নায়ু আবার দুই প্রকার যথা ;—সহায়ভূতিক বা সিম্প্যাথেটিক ( Sympathetic ) ও প্যারাসিম্প্যাথেটিক ( Para-Sympathetic )।

আমাদের ইচ্ছার অনধীন এই স্বতঃপ্রসূত্ৰ নায়ুগুলির সহিত, অন্তঃরসস্রাবী গ্রন্থিগুলির খুব ঘনিষ্ঠ সম্বন্ধ আছে ।

কোন কোন স্থলে পরীক্ষা দ্বারা দেখা গিয়াছে যে, স্বতঃপ্রসূত্ৰ নায়ু উত্তেজিত করিলে, অন্তঃরসস্রাবী গ্রন্থি হইতে রস নিঃসৃত হয় । আবার এই গ্রন্থি নিঃসৃত রসও, স্বতঃপ্রসূত্ৰ নায়ুকে উত্তেজিত করে । উদাহরণ—

(১) সুপ্রায়েনাল গ্রন্থি ।—(ক) সিম্প্যাথেটিক্ নায়ু উত্তেজিত করিলে এড্রিনালিন রস নিঃসৃত হয় ।

(খ) দেহমধ্যস্থ যে সকল স্থানের টীসুতে ( tissue ) সহানুভূতিক নায়ুর শেষ অংশ ( nerve endings ) আছে, কেবলমাত্র সেইখানেই এড্রিনালিন কার্য করে ।

(২) থাইরয়েড গ্রন্থি ।—(ক) সহানুভূতিক ( সিম্প্যাথেটিক্ ) নায়ু উত্তেজিত করিলে, থাইরয়েড্ হইতে অধিকতর পরিমাণে রস নিঃসৃত হয় ।

(খ) থাইরয়েড গ্রন্থিকে উত্তেজিত করিলে আবার সহানুভূতিক নায়ু উত্তেজিত হয় । থাইরয়েডের অতিরিক্ত ক্রিয়ার ফলে, যে রোগ ( Grave's disease ) হয়, তাহাতে রোগীর নাড়ী দ্রুত হয়, গায়ে খুব ঘাম হয় এবং চোখ দুইটা যেন বাহির হইয়া আসিতেছে মনে হয় ; এই লক্ষণগুলি সমস্তই সহানুভূতিক বা সিম্প্যাথেটিক্ নায়ুর উত্তেজনার ফল ।

অত্যাশ্চর্য অন্তঃরসস্রাবী গ্রন্থির সহিত সহানুভূতিক নায়ুর সম্বন্ধ আছে কি না, তাহা এরূপ ভাবে প্রমাণ করা কঠিন । কিন্তু সম্বন্ধ যে আছে, তাহা বুঝিতে পারা যায় ।

জীব-জগতের ক্ষুদ্রতম প্রাণী—জীবাণু । ইহাদের দেহ মধ্যে কোন নায়ু নাই ; অথচ ইহারা চলিয়া বেড়ায় এবং আহার গ্রহণ করে । ইহাদের এই যে গতিশক্তি, ইহা শুধু রাসায়নিক পদার্থের উত্তেজনার ফল । জীবাণুগুলি কতকটা চালকবিহীন ইঞ্জিনগাড়ীর মতন ।

জীবাণু হইতে উচ্চতর প্রাণীর মধ্যে আমরা প্রথম অন্তঃরসস্রাবী গ্রন্থি দেখিতে পাই । ইহাদের অপেক্ষা উচ্চতর প্রাণী যেগুলি, তাহাদের জীবনযাত্রা প্রণালী অধিকতর জটিল হইয়া অস্তুমুখী রসের ধীর ও মৃদুমহুর ক্রিয়া দ্বারা আর কাজ চলে না—অনেক কাজ অধিকতর শীঘ্র করা আবশ্যিক হইয়া পড়ে । ব্যাক্রমে আহারের জন্ত অনেক কলকৌশল করিতে হয় এবং লাফাইয়া হঠাৎ পশুকে আক্রমণ করিতে হয় ; আবার হরিণকেও বাঘের কবল হইতে উদ্ধার পাইবার জন্ত দ্রুতপদে পলায়ন করিতে হয় । এইরূপ শীঘ্র কাজ করিবার জন্ত নায়ুর সৃষ্টি হইয়াছে । উচ্চ শ্রেণীর প্রাণীর দেহে একান্ত অন্তঃরসস্রাবী গ্রন্থি ও নায়ু উভয়ই থাকে ।

খাদ্য ও অস্তুমুখী রসের সম্বন্ধ ।

আমাদের খাতের সহিত বাহ্যের সম্বন্ধ এক নিকট । অস্তুমুখী রসও খাতের উপর নির্ভর করে ।

থাইরয়েড গ্রন্থির রসের মূল উপাদান—“থাইরক্সিন”। এই থাইরক্সিন, খাওয়া হইতে প্রস্তুত হয়। খাওয়া যে ছানা জাতীয় ( Protein ) পদার্থ থাকে, তাহা পরিপাক হইবার পর “ট্রিপ্টোফেন” ( tryptophane ) নামক একপ্রকার পদার্থে পরিণত হয়। এই “ট্রিপ্টোফেন” হইতে আরোডিন সহযোগে “থাইরক্সিন” প্রস্তুত হয়। অতএব খাওয়া পর্যাপ্ত পরিমাণে ছানাজাতীয় পদার্থ না থাকিলে, “থাইরয়েড” অন্তর্মুখী রস প্রস্তুত করিতে পারে না।

সুপ্রোরেনল গ্রন্থির রস—এড্রিনালিন ; ইহাতে “টাইরোসিন” ( tyrosin ) জাতীয় পদার্থ পাওয়া যায়। টাইরোসিন একপ্রকার এমিনো-এসিড ( amino-acid )। ইহা প্রোটিন ( protein ) প্রস্তুতের একটা সোপান। অতএব এড্রিনালিন প্রস্তুতের জন্যও ছানা জাতীয় খাওয়া খাওয়া আবশ্যিক।

এইরূপ অন্যান্য গ্রন্থিগুলির সহিত ও খাওয়ার সম্বন্ধ আছে।

### অন্তর্মুখী রস ও ভিটামিনের সম্বন্ধ।

( Internal Secretions and Vitamin: )

শাক, সব্জি, ফল, মূল, প্রভৃতির মধ্যে ভিটামিন নামক একপ্রকার বীর্ঘ্যবান পদার্থ আছে। এই ভিটামিনকে বাজালায় আমরা “খাওয়াবীর্ঘ্য” বা “খাওয়াবীর্ঘ্য” বলিতে পারি।

খাওয়া ভিটামিনের সহিত অন্তর্মুখী রসগুলির বোধ হয় কোন বিশেষ সম্বন্ধ আছে। আমরা খাওয়ার সহিত যে ভিটামিন গ্রহণ করি, উহাই বোধ হয় রূপান্তরিত হইয়া অন্তর্মুখী রসে পরিণত হয়। খাদ্যে যদি পর্যাপ্ত পরিমাণে ভিটামিন না থাকে, তাহা হইলে অন্তঃরসস্রাবী গ্রন্থিগুলি নিবীৰ্য্য হইয়া পড়ে।



ভিটামিন দেহের শক্তি ও রোগপ্রতিরোধ শক্তি বৃদ্ধি করে। ভিটামিন ও অন্তর্মুখী রস, উভয়ের অভাবে শরীরে প্রায় একইপ্রকার লক্ষণসমূহ উপস্থিত হয়।

### অন্তর্মুখী রস ও উষ্মথের সম্বন্ধ।

কতকগুলি ঔষধ অন্তঃরসস্রাবী গ্রন্থিগুলির উপর কাজ করে। যেমন—

(১) পারদ—ডাঃ সাজুসের ( Sajous ) মতে—পারদ থাইরয়েড গ্রন্থিকে উত্তেজিত করে। আমাদের দেশী মকরধ্বজ পারদ হইতে প্রস্তুত। (ক্রমশঃ)





## অজীর্ণ—Dyspepsia

লেখক ডাঃ শ্রীমন্মোহন কুমার দাশ M. B. M. C. & S.

M. R. I. P. H. (Eng) ভিষ্ণুরদ্ব

(পূর্বে প্রকাশিত ২০শ বর্ষের ১ম সংখ্যার ১২ পৃষ্ঠার পর হইতে)

—:—

(৮) বমন। বমন, পাকস্থলীর ক্রিয়া বিকারের একটি বিশেষ লক্ষণ। এতদ্ব্যতীত অন্যান্য বিবিধ প্রকার বৈধানিক পীড়ায় ও বমন দেখা যায়। কোন কোনও প্রকার অজীর্ণ রোগে ইহা কষ্টসাধ্য লক্ষণরূপে প্রকাশ পাইয়া থাকে। পক্ষান্তরে, পাকায়নের ক্রিয়া বিকার বর্তমান না থাকিলেও, বমন উৎপন্ন হইতে দেখা যায়।

**বমনের প্রকৃতি।**—বমনের পূর্বে সচরাচর বমনোধেগ (Nausea) উপস্থিত হয়। যাহাদের এই বমনোধেগ হয় না তাহারা সচরাচর শিরোঘূর্ণন ও মূর্ছা অনুভব করে। গাত্র শীতল, মুখমণ্ডল ও ঊর্ধ্ব পাংশুবর্ণ এবং নাড়ী ক্ষুদ্র ও ক্ষীণ হয়। পরে লাল নিঃসরণাধিক্য হইয়া উদগার বা বমনোধেগ উপস্থিত হয়; অতঃপর পাকায়নের আহার্য বস্তু সমূহ নির্গত হইয়া যায়। অনেক স্থলে এই সমস্ত বস্তুগোচর লক্ষণ প্রকাশিত না হইয়াই বমন হয়। শিশু ও কোন কোন জীলোকদিগকে এই প্রকার বমনের বশবর্তী হইতে দেখা যায়। এইরূপ বস্তুবিহীন বমন—সাধারণতঃ রাত্রে ও অতি প্রত্যুষেই দেখা যায়। অপরিমিত মত্তপায়ীর অজীর্ণ জনিত বমনও, প্রাতঃকালেই হইয়া থাকে।

কখন কখন পাকস্থলীতে বেদনা বা অজীর্ণের কোন লক্ষণ বর্তমান না থাকিলেও, প্রত্যহ স্বভাবগত এরূপ দুর্দমনীয় বমন হইতে দেখা যায় যে, রোগীর জীবনের আশঙ্কা উপস্থিত হয়। এই প্রকার বমন যুবতী জীলোকদিগকে অধিক আক্রমণ করিয়া থাকে। এইরূপ রোগিনী সচরাচর হিষ্টিরিয়া আক্রান্ত হয়। ইহাদের বমনের সহিত মাসিক ঋতুর সন্ধ দেখা যায়। কচিং আহার্য দ্রব্য উদরস্থ হইবার পূর্বেই, উহা বমন হইয়া যায়। এ সকল স্থলে আশ্চর্যের বিষয় এই যে, যদিও রোগী দীর্ঘকাল পর্যন্ত প্রত্যহ বারংবার বমন করিয়া থাকে, তথাপি বিশেষ ক্লান্ততা প্রাপ্ত হয় না। ইহাতে ইহাই প্রমাণিত হয় যে, বমনের পরেও পাকস্থলীতে কৃত পদার্থ বোধে পরিমাণেই রহিয়া যায়।

অনেক স্থলে যক্ষ্মা রোগের প্রারম্ভে, অত্যন্ত লক্ষণ প্রকাশ পাইবার পূর্বে, বমন উপস্থিত হইয়া থাকে। স্বভাবগত বমন পাকাশয়ের স্নায়বীয় বিকারজনিত বলিয়া সিদ্ধান্ত করিবার পূর্বে, ক্রমক্রমে যক্ষ্মার কোনও চিহ্ন বর্তমান আছে কি না, সে সম্বন্ধে বিশেষ পরীক্ষা করা ও রোগীর পূর্ব বৃত্তান্ত জানা নিতান্ত আবশ্যিক।

সুপ্রোরেনাল কাপসুলের এডিশনস্ ডিজিজ নামক পীড়ায়ও অনেক স্থলে “বমন” প্রধান লক্ষণরূপে প্রকাশ পাইয়া থাকে। এতদ্ভিন্ন মস্তিষ্কের পীড়া—বমনের আর একটি কারণ। মস্তিষ্কে ফোর্টক হইলে, কোন কোন স্থলে হৃদম্য বমন ব্যতীত অত্র কোন লক্ষণ প্রকাশ পায় না। এ সকল স্থলে বমনোদ্বেষ্ট বা বমন চেষ্টা বর্তমান থাকে না—মস্তক সূক্ষ্মালিত করিলে বা হঠাৎ উঠিয়া বসিলে, বমন উপস্থিত হয়। ইহা ব্যতীত রোগীর শয়ন করিয়া থাকা অপেক্ষা, বসিয়া বা দাঁড়াইয়া থাকিলে অধিক বমন হইয়া থাকে।

স্ত্রীলোকদিগের অন্তঃসত্ত্বা (Pregnancy) অবস্থায় কয়েক সপ্তাহ স্থায়ী বমন উপস্থিত হয়; এই সময়ে কোষ্ঠকাঠিন্য বর্তমান থাকে। যদি পুরাতন বমনের সময়ে উদরাময় বর্তমান থাকে, তাহা হইলে ইহা ব্রাইটাশয় রোগে জনিত বলিয়া সন্দেহ করা যায়। এ ভিন্ন কতকগুলি বিষ পদার্থ, যথা—আসেনিক, এন্টিমনি প্রভৃতি দ্বারাও বমন ও উদরাময় উপস্থিত হইতে পারে।

**বাস্তু পদার্থের প্রকৃতি।** ভিন্ন ভিন্ন স্থলে বাস্তু পদার্থের স্বভাব বিভিন্ন প্রকার হইতে দেখা যায়। যদি আহারের পরকণেই বমন হয় অথবা যদি পাকাশয়ের পাচকরসের অভাব প্রযুক্ত অজীর্ণ হয়, তাহা হইলে উদগত পদার্থে, ভুক্তদ্রব্য অপরিবর্তিত অবস্থায় বর্তমান থাকে। সচরাচর ভুক্তপদার্থ অসম্পূর্ণ পরিপাক প্রাপ্ত অবস্থায় বমন দ্বারা নির্গত হয়। কোন কোন রোগে অপরিবর্তিত বা পাচক রস দ্বারা পরিবর্তিত রক্তবমন উপস্থিত হয়; এ সকল বিষয় পূর্বে বিবৃত হইয়াছে। এতদ্ভিন্ন বিবিধ আর রোগে পিত্তবমন ও হইয়া থাকে। রোগ নির্ণয়ার্থ—আহার দ্রব্য উদরস্থ হওয়ার কতকণ পরে, বমন উপস্থিত হয় তাহা ও বমনের কাল নির্ণয়, এবং এই উভয় ক্রিয়ার পরস্পরের সম্বন্ধ বিচার আবশ্যিক। যদি আহার্য গলাধঃকরণের পরেই নিত্য বমন হয়, তাহা হইলে সিসোফেগাস্ ও পাকাশয়ের উর্দ্ধান্তের বৈধানিক বিকার অল্পময়। যদি আহারের ৩৪ ঘণ্টা পরে বমন হয়, তাহা হইলে পাকাশয়ের পাইলোরিক রক্তের অবরোধ সংযুক্ত পীড়া অনুমান করা যায়। অতিরিক্ত সুরাপায়ীদিগের গ্যাস্ট্রাইটিস্ জনিত বমন, প্রাতে: শয্যাভ্যাগের পর বা আহারের পূর্বে উপস্থিত হইয়া থাকে। গর্ভাবস্থার বমন, অপরাহ্ন অপেক্ষা পূর্বাহ্নেই অধিক হয় এবং স্বল্প আহারেই বমন উপশমিত হইয়া থাকে।

৯। **পেটফাঁপা (Flatulence)**।—ইহা অজীর্ণরোগের একটি বিশেষ লক্ষণ। সময়ে সময়ে উদরস্থান এত অধিক হয় যে, খাসকষ্ট উপস্থিত হইয়া থাকে। ইহাতে উদর প্রদেশে প্রতিঘাতে আধানিক শব্দ উৎপন্ন হয় এবং উদর কীড় হইয়া থাকে। অজীর্ণ

রোগ ব্যতীত পেরিটোনাইটিস্, অম্বাবরোধ, কোন কোন প্রকার মজ্জাগত পীড়া ও হিষ্টিরিয়া রোগে এবং স্বাভাবিক ঋতু এককালে বন্ধ হইবার সময়ে, লক্ষণিক পেটফাঁপা প্রকাশ পাইয়া থাকে।

১০। কোষ্ঠ-কাঠিন্য। ১১। উদরাময়।

অজীর্ণ রোগে কোন কোন স্থলে কোষ্ঠকাঠিন্য ও কোনও স্থলে উদরাময় দেখা যায়।

১২। পাইরোসিস্ বা ওয়াটার ব্রাশ্ (মুখে জল উঠা)।

অজীর্ণ রোগে অধিকাংশ স্থলেই ইহা প্রধান লক্ষণরূপে প্রকাশ পায়। বিবমিষা ও বমনোদ্বেগ না হইয়া, মুখমধ্যে অল্প-পরিমাণে জলীয় পদার্থ উদ্গিত হয়। ঈসোফেগাসের পেশী সকলের অথবা পাকাশয়ের পেশী সকলের বিপরীত গতি দ্বারা এই পাইরোসিস উৎপন্ন হয়। ডায়াফ্রাম বা উদরের পেশী সকল নিশ্চল থাকে। উদ্গত রস ক্ষারগুণ বিশিষ্ট (Alkaline); ইহার উৎপত্তির কারণ নির্ণয় করা যায় না। কেহ কেহ বলেন যে, পাকাশয়ের কার্ডিয়াক্ অস্ত্রের আক্ষেপ বশতঃ গলাধঃকৃত লালা উদরস্থ হয় না ও তাহাই প্রকারান্তরে উদ্গত হয়। আবার কেহ কেহ বলেন যে, ঈসোফেগাসের নিম্নাঙ্গের গ্রন্থিসকল দ্বারা রস নিঃসারিত হইয়া পূর্কোক্ত প্রকারে উদ্গত হয়। কখন কখন পাকাশয়ের অভ্যন্তরস্থ পদার্থসহ ইহা মিশ্রিত হইয়া এইরূপ মুখমধ্যে আইসে। সুতরাং ইহা অম্বাস্বাদ যুক্ত এবং উদ্গত হইবার কালে বুক জ্বালা অনুভূত হইয়া থাকে।

(খ) সমবেদক লক্ষণ সমূহ।

অজীর্ণ রোগ বশতঃ সচরাচর এত বিভিন্ন প্রকারের ও বিভিন্ন ষাঙ্গিক লক্ষণাদি প্রকাশ পায় যে, অনেক স্থলে প্রকৃত রোগ নির্ণয় দুঃস্থ হইয়া উঠে। পাকাশয়ের কোন প্রকার উগ্রতা বর্তমান থাকিলে, পাকাশয়ের চৈতন্যবিধায়ক ভেগাস্ স্নায়ুও, ইহার অন্যান্য শাখাসমূহ যে সকল যন্ত্রে বিতরিত হয়, সেই সকল যন্ত্রে উগ্রতা অনুভূত হইয়া থাকে। আবার পাকাশয় হইতে উগ্রতা প্রতিফলিত হইয়া অন্যান্য যন্ত্রের বিকার উৎপাদন করিতে পারে। অজীর্ণ জনিত বিবিধ স্নায়বীয় লক্ষণ নিয়ে বর্ণিত হইতেছে :—

(১) অমিয়মিত হৃদস্পন্দন। অজীর্ণ রোগে এই লক্ষণ সচরাচর-প্রকাশ পাইয়া থাকে। হৃদেপন, নাড়ীর অনিয়মিত স্পন্দন, হৃদপ্রদেশে বেদনা ও যন্ত্রণা বিশেষ কষ্টকর হয় এবং এই সকল লক্ষণবশতঃ রোগী উদ্বিগ্ন ও বিশেষ চিন্তাকুল হইয়া থাকে। পরিপাক যন্ত্রের বিকার উপশমিত হইলে, এই সকল লক্ষণ অন্তর্হিত হয়। দীর্ঘকাল এই ক্রিয়া বৈলক্ষণ্য স্থায়ী হইলে, হৃৎপিণ্ডের বৈধানিক বিকার উপস্থিত হইতে পারে।

(২) হৃৎপিণ্ড ত্রিভঙ্গ বক্ষঃ গহ্বরের অন্যান্য অঙ্গ। বায়ুদ্বারা পাকস্থলীর প্রসারণজনিত সঞ্চাপে অথবা বিগুহ্ন স্নায়বীয় প্রত্যাবৃত্ত ক্রিয়ার দ্বারা সাতিশয় খাসকষ্ট উৎপন্ন হইতে পারে। পুরাতন অজীর্ণরোগে সচরাচর সাতিশয় কাশি লক্ষিত হয়। এ রোগে শীর্ণতা সহবর্তী কাশি—যন্ত্রাজনিত কাশি বলিয়া ভ্রম হইতে পারে।

(৩) অক্ষত্যাগ্নিউন্নিসা। সচরাচর পরিপাক বিকারে ইহা বর্তমান থাকে এবং এই কারণে মূত্রগ্রন্থির বা মূত্রাশয়ের উগ্রতা উৎপাদিত হইতে পারে।

(৪) মাস্তিক্ষেয় বিকৃতি। পরিপাক যন্ত্রের ক্রিয়াবিকার প্রতিফলিত হইয়া বিবিধ প্রকার মস্তিষ্ক-বিকৃতি উৎপাদন করিয়া থাকে। স্বায়বীয় প্রতিফলিত ক্রিয়া ভিন্ন, এ রোগে পূর্ক বর্ণিত রক্তসঞ্চালক যন্ত্রের বৈলক্ষণ্যবশতঃ মাস্তিক্য বিকার বৃদ্ধি পাইয়া থাকে। অনেক স্থলে যখন পাকাশয় ভুক্তপদার্থ পরিপাক করিতে চেষ্টা করিতেছে—সে সময় মুখমণ্ডল আরক্তিম হয় ও মস্তিষ্কে রক্তাবেগের লক্ষণ প্রকাশ পায়। এইজন্যই সাধারণতঃ আহারের পর মানুষের বদনমণ্ডল আরক্তিম হয়।

অজীর্ণ রোগে শিরঃপীড়া একটা সাধারণ লক্ষণ। সচরাচর পুনঃ পুনঃ আক্রমণশীল অপ্রবল গ্যাস্ট্রিক ক্যাটার রোগে, অপ্রবল শিরঃপীড়া উপস্থিত হয়। কোন কোন স্থলে সামান্য দৃষ্টির বৈলক্ষণ্য, রোগী চক্ষুর সম্মুখে বহু সংখ্যক ক্ষুদ্র গোলক ভাসমান বা বিন্দু সকল দেখিতে পায়। অজীর্ণরোগে ভগ্ননিদ্রা, বা অনিদ্রা এবং স্বপ্নায় নিদ্রা উপস্থিত হয়। শিরোধূর্ন অত্যন্ত প্রবল হয় ও তদ্বশতঃ রোগী সাতিশয় ভয়াঙ্কল ও উদ্ভিন্ন হয়। কিন্তু ইহা হৃৎপিণ্ডের পীড়া বা মস্তিষ্কের পীড়াজনিত হইলে যত ভয়ের কারণ হয় এ স্থলে তত ভয়ের কারণ হয় না। সাধারণতঃ শিরোধূর্ন, পাকাশয়ের বিকৃতিজনিত হইলে, অপেক্ষাকৃত উহা অনিয়মিত হয়, পাকাশয়ের বিকারের বৃদ্ধির সঙ্গে সঙ্গে শিরোধূর্ন বৃদ্ধি পায়, কখন কখন পুরাতন অজীর্ণ রোগে দীর্ঘকাল পর্য্যন্ত নিয়ত সামান্য শিরোধূর্ন বর্তমান থাকে। এরূপ শিরোধূর্নে কখনও সংজ্ঞা লোপ হয় না। এই সকল স্বায়বীয় লক্ষণ ভিন্ন, অজীর্ণ রোগবশতঃ বিবিধ মানসিক বিকার প্রকাশ পাইয়া থাকে। সামান্য উগ্রস্বভাব হইতে বিষম বিমর্ষোন্মাদ পর্য্যন্ত রোগীর সকল প্রকার মানসিক বৈষম্য উপস্থিত হইতে পারে। অজীর্ণ রোগ হইলে লোকের প্রকৃতি, স্বভাব, মনোবৃত্তি প্রভৃতি মানসিক অবস্থার সম্পূর্ণ পরিবর্তন হইতে পারে। রোগী মানসিক নিস্তেজতা, দুশ্চিন্তা, মনোদ্বৈগ ও পূর্ক বর্ণিত বিবিধ প্রকার মানসিক বিকারে কষ্ট পায়। প্রকৃতপক্ষে রোগী সকল প্রকার কাল্পনিক পীড়াগ্রস্ত হইতে পারে, এই অবস্থাকে হাইপো-কণ্ড্রিয়েসিস্ বলে।

( ক্রমশঃ )

## গর্ভকালীন সাংঘাতিক বমন ।

## Pernicious Vomiting in pregnancy.

ডাঃ শ্রীসতীভূষণ মিত্র B. Sc. M. B.

—o—

শ্রীলোকগণের গর্ভাবস্থায়—প্রথম কয়েক মাস সামান্যাকারে বমন বা বমনোদ্বেগ হওয়া সাধারণ । এরূপ বমনের চিকিৎসার্থ বিশেষ কোন উপায় বা ঔষধাদি প্রয়োগের প্রয়োজন হয় না । কিন্তু অনেক সময়, এই বমন এরূপ সাংঘাতিকাকার ধারণ করে যে, অবিলম্বে প্রতিকারের উপায় অবলম্বন না করিলে, বিষম বিপদের সম্ভাবনা উপস্থিত হয় । দুঃখের বিষয়, এদেশে অনেকরই—বিশেষতঃ পল্লী-রমণীগণের একটা ধারণা আছে যে, গর্ভকালে গর্ভিণীকে কোন ঔষধ সেবন করাইতে নাই । অবশ্য এইরূপ অবস্থায়, যে সে লোকের ঔষধাদি খাওয়ান যে কর্তব্য নহে, তাহাতে সন্দেহ নাই । কিন্তু তাই বলিয়া গর্ভকালীন কোন পীড়া উপস্থিত হইলে, গর্ভিণীকে যে, অভিজ্ঞ ও সূচিকিৎসকের দ্বারা চিকিৎসা করানও কর্তব্য নহে—এরূপ ধারণা পোষণ করা কখনই সমীচিন বলিয়া বোধ হয় না । এই ধারণার বশবর্তী হইয়া, কত গর্ভিণীর যে, কত অনিষ্ট—এমন কি, জীবনান্ত পর্য্যন্ত হইয়াছে, তাহার ইয়ত্তা নাই । পল্লীগ্রামে অনেকস্থলে দেখিয়াছি,—অনেক চিকিৎসকও গর্ভিণীকে চিকিৎসা করিতে ভীত হন । ইহার কারণ কি তাহা বুঝি না । অল্প সময় অপেক্ষা বরং গর্ভাবস্থায় যে কোন পীড়া হইলে অবিলম্বে তাহার প্রতিকার করিতে যত্নবান্ হওয়া সর্বতোভাবে কর্তব্য । কারণ, এই অবস্থায় কোন পীড়া উপস্থিত হইলে, তাহার ফল কেবল পীড়িতা রমণীই ভোগ করেন না,—গর্ভস্থ শিশুও ইহার ফলভোগী হইয়া থাকে । সুতরাং পীড়া প্রযুক্ত ২টা জীবন বিপন্ন হইতে পারে ।

গর্ভকালে অস্বাভাবিক পীড়া অপেক্ষা, বমন উপসর্গটা অধিকাংশ স্থলেই নিতান্ত উপেক্ষার সহিত উপেক্ষিত হইতে দেখা যায় । কিন্তু যদি ইহা দীর্ঘস্থায়ী এবং হৃদম্য হয়, তাহা হইলে ইহার পরিণাম অতীব ভয়াবহ হইতে পারে—অনেকস্থলেই গর্ভপাত, খাদ্যাদি গ্রহণে অক্ষমতা প্রযুক্ত বর্ধমান দৌর্বল্য প্রভৃতি কারণে গর্ভিণী মৃত্যুমুখে পতিত হইতে পারে ।

সাংঘাতিক ও হৃদম্য বমনও প্রথমতঃ সামান্য ভাবেই প্রকাশ পায় । সুতরাং প্রাথমিক অবস্থায় ইহা সামান্যাকারে প্রকাশ পাইলেও, উপেক্ষা না করিয়া যত সম্ভব সম্ভব ইহা উপশম করিতে চেষ্টা করা কর্তব্য । এইরূপ বমন বা বমনোদ্বেগ যতই কেন সামান্য হউক—গর্ভকালে সূত্রানিয়াল গ্রন্থির দ্বারা মিসরণের বিপুলতা ইহার একটা অস্বাভাবিক প্রধাম কারণ ।



**চিকিৎসা ৪**—গর্ভকালীন যে কোন প্রকারের বমন বা বমনোদ্বেগ উপস্থিত হইলে অবাধে নিম্নলিখিত চিকিৎসা প্রণালী অবলম্বন করা যাইতে পারে এবং ইহাতে সন্তোষজনক উপকার পাওয়া যায়। অধিকাংশ স্থলেই আমি এইরূপ চিকিৎসা অবলম্বন করিয়া সুফল লাভ করিয়াছি। যথা—

(১) বমন বা বমনোদ্বেগ উপস্থিত হইবা মাত্র, গর্ভিনীকে অবিলম্বে শান্ত স্থির ভাবে শয়ান অবস্থান করিতে উপদেশ দিবে।

(২) পাকস্থলী ধৌত করিয়া দিলে বিশেষ উপকার পাওয়া যায়। এতদর্থে ১ পাইন্ট জলে ১ ড্রাম সোডি বাইকার্ব ড্রব করতঃ, ষ্ট্রাক টীউব সাহায্যে পাকস্থলী ধৌত করিয়া দিবে। কোন কোন স্থলে ২ পাইন্ট সোডি বাইকার্ব সলিউশনও প্রয়োগ করা যাইতে পারে।

(৩) বমন বন্ধ না হওয়া পর্যন্ত নিম্নলিখিত ঔষধটি ব্যবস্থেয়।

ক। Re.

এড্রিনালিন ক্লোরাইড সলিউশন (১০০০—১) ... ৫ মিনিম।

একমাত্র। বমন স্থগিত না হওয়া পর্যন্ত, তিন ঘণ্টান্তর ৩৪ বার হাইপোডার্মিক ইন্জেকশন দিবে। এই সঙ্গে—

খ। Re.

এড্রিনালিন ক্লোরাইড সলিউশন (১০০০—১) ... ১০ মিনিম।

জল ... ২ ড্রাম।

একত্র ১ মাত্র। প্রতি মাত্রা ২/৩ ঘণ্টান্তর সেব্য।

অধিকাংশ স্থলে ঐরূপ ব্যবস্থাতেই বমন বন্ধ হইতে দেখা যায়। কিন্তু আবার স্থল বিশেষে ইহাতে বিশেষ উপকার পাওয়া যায় না। এইরূপ হ্রস্ব বমনে প্রথমে রোগিনীকে কোন ঔষধ সেবন না করাইয়া প্রাতে: ১ পাইন্ট স্যালাইন সলিউশনে ১/২ আউন্স লিকুইড গ্লুকোজ মিশাইয়া রেস্ত্যাল ইন্জেকশন দিবে এবং সন্ধ্যাকালে উহার সহিত ৩০ গ্রেণ পটাশ ব্রোমাইড মিশাইয়া পুনরায় আর একবার রেস্ত্যাল ইন্জেকশন দিলে বিশেষ উপকার পাওয়া যায়।

অতঃপর রোগিনীকে স্বল্প পরিমাণে ঘন ঘন জলপান করাইবার ব্যবস্থা করিবে। জলের পরিমাণ বেশী করিয়াও যখন দেখা যাইবে যে, উহা আর উঠিয়া যাইতেছে না, তখন অল্প জলের সহিত পূর্বোক্ত “খ” মিশ্র সেবন করিতে দিবে। এই সঙ্গে ক্রমশঃ বর্ধিত পরিমাণে লবুলাক তরল পথ্যাদি ব্যবস্থা করিবে।




যে স্থলে এডিনালিন দ্বারা উপকার না হয়, সেই স্থলে পূর্বেক্ত সোডি বাইকার্ব সলিউশন দ্বারা পাকস্থলী ধোত করিলে উপকার হইতে দেখা যায়। তবে এরূপ চূড়ম্বা বমন খুব কমই দেখা গিয়াছে—যে স্থলে এডিনালিনে উপকার হয় নাই।

## আধুনিক কলেরা চিকিৎসা ।

### Modern Treatment of Cholera.

By Dr. N. K. Dass M. B. M. O. P. S.



এমিবা জীবাণু দ্বারাও অনেক সময়ে প্রবল উদরাময় উপস্থিত হইয়া থাকে। কিন্তু ইহাতে কলেরার জ্বর অবিকল সমুদয় লক্ষণাদি দেখা যায় না।

**আসেনিক বিষাক্ততা** :—আসেনিক ঘটীত ঔষধের মাত্রাধিক্য হইলে কিংবা আসেনিক সেবন বা ইঞ্জেকসনে প্রায় কলেরার জ্বর লক্ষণাদি প্রকাশ পাইয়া থাকে। অনেক কবিরাজী ঔষধে অধিক মাত্রায় আসেনিক থাকায়, অনেক সময়ে ইহা অতিরিক্ত মাত্রায় সেবনে পাকস্থলী ও অন্ত্র মধ্যে রক্তাধিক্য হয় এবং রোগীর বমন ও মল পরীক্ষা করিলে তন্মধ্যে রক্ত বর্তমান দেখা যায়।

**খাদ্য বিষাক্ততা** :—যে সমস্ত খাদ্য দ্রব্য আহাৰ করিলে উহা জীর্ণ না হইয়া পাকস্থলী ও অন্ত্র মধ্যে উৎসেচন আনয়ন করে (যথা—বিষাক্ত পোন্হাতা—mushoom বিষাক্ত খাদ্য দ্রব্য, রাসায়নিক বিষাদি), এবং যে সমস্ত জীবাণু অন্ত্র ও পাকস্থলী মধ্যে প্রবেশ করিয়া এক প্রকার অজ্ঞাত বিষ উদ্গীরণ করে, তদসমুদয়েও কলেরার মত লক্ষণাদি উপস্থিত হইতে পারে।

গ্রীষ্মপ্রধান দেশে যেখানে সর্বদাই আহার্য দ্রব্য ও পানীয়ের সহিত আমরা নানারূপ জীবাণু তরুণ করিয়া থাকি—সেখানে এই জীবাণুগুলি যদি পাকস্থলী ও অন্ত্র মধ্যে কলেরার জীবাণুর জ্বর অজ্ঞাত বিষ উদ্গীরণ করিয়া, কলেরার লক্ষণাদি আনয়ন করে—তাহা হইলে তাহাতে আশ্চর্য্য হইবার কিছুই নাই।

কলেরার বিশেষ লক্ষণাদি দ্বারা প্রকৃত কলেরা রোগ নির্ণয় করা কর্তব্য।

**হিমাক্ত অবস্থার কারণ** :—কলেরা রোগীর হিমাক্ত অবস্থা ও অজ্ঞাত দৈহিক লক্ষণাদি উপস্থিতির প্রধান কারণ—দেহ হইতে রক্তের অলীয়াংশের অপরিমিত অপচয় ;

কলেরা জীবাণু উদ্ভূত এক প্রকার অজ্ঞাত বিষ দ্বারা ই রক্তসঞ্চালন বন্ধ, মূত্রবন্ধ প্রভৃতির বিশেষ লক্ষণাদি প্রকাশ পাইয়া থাকে। অতএব কলেরা রোগীর চিকিৎসা করিতে গিয়া কেবলমাত্র—রোগীর দেহ হইতে যাহাতে জলীয়াংশের অভাব বা হ্রাস না হয়—তৎপ্রতি দৃষ্টি রাখিলে চলিবে না। পরন্তু, যাহাতে দেহাভ্যন্তরীণ জীবাণু উদ্ভূত বিষের ক্রিয়া বা শক্তি হ্রাস ও ক্ষয় হইতে পারে—তাহারও উপায় করিতে হইবে।

**কলেরার প্রতিষেধক :-** (Prevention of Cholera) ,—মহামারীর নিত্য লীলাভূমি এই দরিদ্র বঙ্গদেশে ওলাউঠার প্রতিষেধক চিকিৎসা অবলম্বন করা বিশেষ আবশ্যিকীয়। জীবন-মৃত্যুর ক্ষম স্থলে রোগীকে রাখিয়া তাহার চিকিৎসা করা অপেক্ষা, রোগ যাহাতে না হইতে পারে—তাহারই উপায় অবলম্বন করা উচিত নহে কি ?

কলেরার এপিডেমিকের সময় পীড়ার প্রতিষেধকার্থ নিম্নলিখিত বিধি ব্যবস্থা সমূহ অবশ্য প্রতিপালনীয়।

**সাময়িক স্থানান্তরিত করণ (Segregation)** মহামারীর সময় পীড়িত স্থান হইতে কিছুদূরে সাময়িক রোগী নিবাস ঘা কুটির প্রস্তুত করাইয়া, রোগীকে স্থানান্তরিত করা, অত্রস্থ স্থল লোকের নিকট হইতে রোগীকে যথাসাধ্য দূরে রাখা, “প্রতিষেধক টিকা” (Prophylactic Vaccine) এবং সাধারণ স্বাস্থ্য রক্ষা সম্বন্ধীয় বিধি ব্যবস্থাগুলি প্রতিপালন করা শ্রেষ্ঠ প্রতিষেধক।

**ব্যক্তিগত স্বাস্থ্য বিধি—(Personal Hygiene)** এই পীড়ার হাত হইতে পরিত্রাণ পাইতে হইলে প্রত্যেক ব্যক্তিরই স্বীয় স্বাস্থ্যের প্রতি বিশেষ লক্ষ্য রাখা আবশ্যিক। কলেরার জীবাণু জলের মধ্যেই সাধারণতঃ অধিক দিন বাঁচিয়া থাকিতে পারে। কলেরা রোগীর মল, মূত্র ও বমন মধ্যে অসংখ্য কলেরা জীবাণু বর্তমান থাকে, বিছানার চাদর ও কাপড়চোপড়—যাহা রোগীর জন্ত ব্যবহার করা হয়, তন্মধ্যেও এই রোগ বীজাণু প্রচুর পরিমাণে বর্তমান থাকিতে দেখা যায়।

রোগীর ব্যবহৃত বস্তাদি পুষ্করিণী বা নদীর জলে ধোত করা—ইহাই সাধারণ লোকের মজাগত অভ্যাস। ইহাতে পীড়া বহু ব্যাপকরূপে প্রকাশ পাইবার সুবিধা পায়। জাপানে সাধারণের নিমিত্ত গবর্ণমেন্ট হইতে প্রস্তুত স্নানাগার ব্যতীত নদী বা পুষ্করিণীতে স্নান বা বস্তাদি ধোত করিলে আইনতঃ দণ্ডনীয় হইতে হয়। জাপান স্বাস্থ্যাদি সম্বন্ধে এতটা যত্ন লয় বলিয়াই, আজ জগতের মধ্যে অন্যতম সুসভ্য জাতী বলিয়া পরিচিত হইয়াছে এবং শিক্ষায়, স্বাস্থ্যে, ব্যবসায়, সর্ব প্রকারেই উন্নতিলাভে সক্ষম হইয়াছে।

রোগীর মল মূত্রাদি ও বাস্ত পদার্থ, যাহার মধ্যে অসংখ্য রোগ-বীজাণু অবস্থান করে, তদসমুদয় বাড়ীর নিকটবর্তী স্থান সমূহে, সহরের রাস্তায় যেখানে রাস্তার ময়লা ও অজ্ঞানাদি নিক্ষেপ জন্য, টিনের বড় বড় “ডাষ্ট-বীন” (Dust bin) রাখা হয়, সেই ডাষ্ট-বীন বা অজ্ঞান পাত্রে, নিক্ষেপ করা হয়। এই রোগ-বীজাণু সম্বলিত মলমূত্রাদিতে এবং আহার্য জব্যে,

মক্ষিকাদি পর্যায়ক্রমে বসিয়া থাকে এবং এই রোগ-জীবাণু-বাহক মক্ষিকাদি দ্বারা সংক্রমিত খাচ্চাদি আহার করিয়া সুস্থ ব্যক্তিরও এই পীড়ায় আক্রান্ত হয় । চিকিৎসকগণকে সাধারণ কথায় “স্বাস্থ্য গুরু” বলা যায় এবং প্রত্যেক কর্তব্য পরায়ন চিকিৎসকেরই এতদসম্বন্ধীয় বিষয় অনিষ্টকারীতার বিষয় সাধারণের মধ্যে প্রচার করা বিশেষ কর্তব্য ও একান্ত বাঞ্ছনীয় । এই পীড়ায় জীবাণুদ্বারা দূষিত খাও, পানীয় জল এবং মক্ষিকাদির দ্বারাই এই পীড়া বহু ব্যাপকরূপে প্রকাশ পাইয়া থাকে ।

**চিকিৎসকের সাবধানতা ।** চিকিৎসকেরাও অনেক সময় এই পীড়াক্রান্ত রোগী দেখিতে আসিয়া নিজেকে বিপন্ন করেন ।

চিকিৎসকের কেবলমাত্র ঠাঁহার খাচ্চাদি ও পানীয় প্রভৃতির সম্বন্ধেই সাবধান হইলে চলিবে না । পরন্তু এই পীড়ার জীবাণু সংক্রমিত হস্ত ও পোষক পরিচ্ছদাদির সম্বন্ধেও বিশেষ সতর্ক হইতে হইবে । নতুবা এই সামান্য অসাবধানতার জন্ত মহামূল্য জীবন বিপন্ন হওয়াও নিতান্ত অসম্ভব নহে । এমন অনেক চিকিৎসক দেখিতে পাওয়া যায়—যাঁহারা এই সমস্ত বিষয়ে একেবারেই উদাসীন । ইহাতে হয়ত নিজে কোনওরূপে এই রোগের সংক্রমণ হইতে পরিত্রাণ পাইলেও, ঠাঁহাদের পরিত্যক্ত বস্তাদির সংস্পর্শন হেতু পরিবারস্থ ব্যক্তিগণ এই পীড়াদ্বারা আক্রান্ত হইয়া মৃত্যুমুখে পতিত হইতে পারে ।

চিকিৎসক কলেরা রোগী দেখিতে গেলে, এই বিষয়ে বিশেষ সাবধানতা অবলম্বন করিবেন । নিজের সামান্য অসাবধানতার এই প্রাণঘাতী বিপদকে, স্বেচ্ছাবরণ করিবেন না ।

**জল—** পানীয় জল ব্যবহারের পূর্বে উত্তমরূপে ফুটাইয়া লইয়া ব্যবহার করিবে । আমরা বেরূপ ভাবে জল ফুটাইয়া পানার্থে ব্যবহার করি, তাহাতে জল উষ্ণ হয় বটে, কিন্তু ফুটীত ( Boiled ) বলিতে যাহা বুঝায়, তাহা হয় না । কোনও ১টা পাত্রে করিয়া জল ১৫ মিনিটকাল পর্যন্ত আগুনের উপর রাখিয়া উত্তমরূপে ফুটাইবে ( well—Boiled ) এবং জল ফুটাইয়া অল্প পাত্রে কদাচও ঢালিবে না—যে পাত্রে উহা ফুটান হইয়াছে, সেই পাত্রেই রাখিয়া দিবে । বিশেষ পরিশ্রুত অল্প কোনও পাত্রেও ঢালিয়া রাখিলে জল সংক্রমিত হইবার বিশেষ সম্ভাবনা । কারণ, যে পাত্রে উহা ঢালিয়া রাখিবে, হয়ত জল ঢালিবার পূর্বেই উহা সংক্রমিত হইয়া রহিয়াছে ।

সাধারণতঃ দেখা যায় যে, ফুটীতজল পান করিলে তাহাতে বিশেষ তৃপ্তি পাওয়া যায় না । কারণ জল সিদ্ধ করিলেই বিশ্বাস হয় । নিম্নলিখিত উপায় অবলম্বন করিলে সিদ্ধ জলের বিশ্বাস কতকটা নষ্ট হইতে পারে ।

যে পাত্রে জল সিদ্ধ করা হইবে—সেই পাত্রেই উহা রাখিয়া দিবে । তারপর ১ টুকরা মসলিন বা পরিশ্রুত পাংলা ন্যাবুড়া জলে উত্তমরূপে সিদ্ধ ও বিশোধিত করিয়া পাত্রেয় মুখটা উত্তমরূপে ঢাকিয়া দিবে । একপে এই পাত্ৰটা বাহিরের কোনও উপবৃত্ত হানে একটা উচ্চ টুল বা চৌকির উপর উপর স্থাপিত করিবে । এইরূপ ভাবে সন্ধ্যার প্রাকাল

হইতে প্রভাত পর্যন্ত সমস্ত রাত্রিই পাত্রটিকে বাহিরের উষ্ণ বায়ুতে রাখিয়া দিবে। ইহাতে রাত্রের শীতল বায়ুর সংস্পর্শ কলসী মধ্যস্থিত জলের বিশ্বাদ নষ্ট হইয়া উহা তৃপ্তিপ্রদ হয়।

পল্লীগ্রামে যেখানে প্রচুর ডাব পাওয়া সুলভ, সেখানে এই ডাবের জল পান করাই সর্বোৎকৃষ্ট—ইহা প্রকৃতির নির্মল ও প্রকৃতিগত বিশোধিত পানীয়। এই পানীয়ে কোনওরূপ দূষিত বীজাণু বা রোগ জীবাণু প্রবেশ করিতে পারে না।

উষ্ণ চা এবং উষ্ণ জল দ্বারা প্রস্তুত লেবুর নির্যাস পান করাও বিশেষ উপকারী। কারণ চা ও লেবুর নির্যাস (Lemon Decoction) প্রস্তুত করণার্থ জল উত্তমরূপে ক্ষুণ্ণীভূত করিতে হয় এবং জল উত্তমরূপে ক্ষুণ্ণীভূত হইলেই উহার মধ্যস্থিত সমস্ত রোগ জীবাণু বিনষ্ট হইয়া উহা বিশোধিত (Sterile) হয়। চিকিৎসক রোগীর বাড়ীতে গিয়া কদাচও জল পান করিবেন না। তবে বিশেষ আবশ্যক হইলে ডাবের জল পান করিতে পারেন। চিকিৎসক রোগী দেখিতে যাইবার সময়ে বাড়ী হইতে ২/১ বোতল “সোডা-ওয়াটার” (aerated water) ও সম শীতল তাপ রক্ষক বোতলে (Thermo Flask) করিয়া কিছু “ফিফা চা” (weak Tea) নিজের সঙ্গে লইয়া যাইবেন এবং আবশ্যক হইলে নিজ গৃহ হইতে আনীত এই পানীয় পান করিবেন।

এই সমস্ত সামান্য সতর্কতার অভাবে কত চিকিৎসক রোগী দেখিতে গিয়া যে অলক্ষ্যে পীড়ার বীজাণু দ্বারা সংক্রমিত হইয়া সহসা স্বত্বাযুখে পতিত হইয়াছেন, তাহার ইয়ত্তা নাই। এ সমস্ত বিষয় পূর্বে অনেকবার আলোচিত হইয়া গিয়াছে, তথাপি এতদসম্বন্ধীয় এই মূল্যবান উপদেশগুলি সংক্ষেপে এই প্রবন্ধে আলোচনা করিলে বোধ হয় বিশেষ অপ্রাসঙ্গিক এবং পাঠকগণের বিরক্তিকর হইবে না।

**জল বিশোধন।** সোডিয়াম বাই সালফেট দ্বারাও নির্দোষভাবে জল বিশোধিত হইতে পারে। ইহা জলের সহিত মিশ্রিত হইলে সাল্ফিউরিক এসিড উদ্ভূত হয়, এবং তদ্বশতঃ জল বিশোধিত হয়। সাধারণতঃ ১/২ ড্রাম সোডিয়াম বাইসাল্ফেট্ ১/১ সের পানীয় জল বিশোধিত (Sterile) করিতে সক্ষম।

চিকিৎসক রোগী দেখিবার জন্ত দূরবর্তী স্থানে গমন করিবার পূর্বে এই ঔষধের ট্যাবলেট্ সঙ্গে লইতে ভুলিবেন না।

সাধারণতঃ আমরা যে সমস্ত ফিলটার ব্যবহার করি সে সমস্ত ফিলটারের জল পান করা উচিত নহে। কারণ, সূক্ষ্মতম জীবাণু সমূহ ফিলটারের সূক্ষ্ম ছাক্নীর ছিদ্র দিয়া ফিলটার দ্বারা পরিষ্কৃত জল মধ্যে সহজেই নীত হয়। ইহা বহুস্থানে বহুবার পরীক্ষা করিয়া দেখা গিয়াছে। ফিলটার দ্বারা শোধিত জলকে পরিষ্কৃত জল বলা যায়, কিন্তু ইহাকে রোগ-বীজাণুহীন বিশোধিত (Sterile) জল বলা চলে না বা ইহা নিঃসন্দেহে পান করাও উচিত নহে। কোনও ফিলটারের জলই আমরা নিঃসন্দেহে

ব্যবহার করিতে উপদেশ দিতে পারি না। তবে অনেকে বলেন যে “প্যাঙ্গিয়ার চেম্বারলীন” ফিল্টারই—ফিল্টার মধ্যে শ্রেষ্ঠ।

**চিকিৎসকের হস্তাদি প্রক্ষালন।** চিকিৎসক রোগীকে পরীক্ষা করিবার অব্যবহিত পরেই তাঁহার হস্তাদি উত্তমরূপে পরিষ্কৃত ও ধৌত করিবেন। যতবার রোগী পরীক্ষা করিবেন—ততবারই অবিলম্বে হস্তাদি উত্তমরূপে প্রক্ষালন করা বিশেষ কর্তব্য। ইহার অগ্রথায় বিপদ অবশ্যস্তাবী।

এতদর্থে নিম্নলিখিত ঔষধের লোসন ব্যবহার্যঃ। যথা ;—

- (১) কণ্ডিজ লোশন ( পোটাস পারম্যাঙ্গানেটের উগ্র দ্রব )
- (২) ইউসল্। (Fusol)
- (৩) লাইসল। (Lysol)—২% ( পাসেন্ট )
- (৪) ক্রিসল। ( Cresol ) ২ ½% ( পাসেন্ট )
- (৫) সাইলিন্। ( Cyllin )—১০০ ভাগে ১ ভাগ।
- (৬) আইজল্। ( Izal )—১% পাসেন্ট।
- (৭) এব্‌সোলিউট্ এল্‌কোহল অথবা রেক্‌টীফায়েড্ স্প্রীট্।

রোগী পরীক্ষাস্তে হস্তাদি ধৌত ও বিশোধিত করিবার জন্ত নিম্নলিখিত উপায়টি বিশেষ উপযোগী। ইহা সহজপ্রাপ্য ও নিরাপদ। যথা :—

একটি ৪ আউন্সের শিশি ( কাঁচের কর্কযুক্ত হইলেই ভাল হয় )—এব্‌সোলিউট্ এল্‌কোহল বা রেক্‌টীফাইড্ স্পিরিট্ দ্বারা পরিপূর্ণ করতঃ ইহার সহিত নিম্নের সুগন্ধি দ্রব্যগুলির যে কোনওটির কয়েক ফোঁটা মিশ্রিত করিয়া লইবে :—

- ( ১ ) চন্দনের তৈল ( Sandal oil )
- ( ২ ) অয়েল ল্যাভেণ্ডার।
- ( ৩ ) ” ইউক্যালিপ্টাস্।
- ( ৪ ) গোলাপী আতর।
- ( ৫ ) লেবুর তৈল ( oil citronila )

এই সুগন্ধি দ্রবের যে কোনও একটি উক্ত রেক্‌টীফাইড্ স্প্রীট্ বা এল্‌কোহলের সহিত মিশ্রিত করিলে উহার বিশোধন শক্তির ক্রিয়া বৃদ্ধিই হয়—হ্রাস হয় না, পক্ষান্তরে ইহা সুগন্ধযুক্ত হয়। চিকিৎসক এই শিশিটিতে উত্তমরূপে কর্ক আঁটায়া সর্বদাই সঙ্গে রাখিবেন। চিকিৎসক রোগী পরীক্ষাস্তে এই শিশি হইতে কিঞ্চিৎ সুগন্ধযুক্ত স্প্রীট্ নিজ হস্তে ঢালিয়া লইয়া হস্তে মাখাইয়া দিবেন ইহাতে স্প্রীট্ থাকায় কয়েক সেকেন্ড মধ্যেই ইহা হাতেই শুকাইয়া যাইবে এবং রোগ-বীজাদি সংক্রামিত হস্ত সম্পূর্ণরূপে নির্দোষ ও নিরাপদ হইবে।

ইহাতে রোগীর গৃহের সংক্রামিত জল, সাবান বা ভোয়ালে কিছুই ব্যবহার করিতে





হইলনা অথচ চিকিৎসকের হস্ত সম্পূর্ণরূপে রোগ বীজানু শূন্য হইয়া নির্দোষ, নিরাপদ ও সুপরিষ্কৃত হইল। নিতান্তই হস্ত ধোত করিতে হইলে পার্কেডেভিসের “জার্মিসাইডাল সাবান” দ্বারা হস্ত পরিষ্কার করা উচিত।

অনেক সময়েই দেখা যায় যে, চিকিৎসক হস্ত রোগী পরীক্ষা করিয়াও তাঁহার হস্ত রোগ-বীজানুদ্বারা সংক্রামিত হইলনা, কিন্তু রোগীর গৃহের সংক্রামিত জল দ্বারা হস্ত ধোত করিবার ফলে হস্তদ্বয় এই পীড়ার জীবানু কর্তৃক সংক্রামিত হইল।

আবার এই জলের বীজানুর কবল হইতে কোনওরূপে পরিষ্কারণ পাওয়া গেলেও, চিকিৎসক রোগীর গৃহের তোয়ালে বা গাম্‌ছা দ্বারা হস্ত মুছিবার ফলে এই রোগ বীজানু বহন করিয়া গৃহে আনিলেন। আমাদের বাঙ্গালী পরিবারে দেখা যায় যে একখানি গাম্‌ছা বা তোয়ালে দ্বারাই বহুলোক গাম্‌ছামার্জনা করিয়া থাকে; এমনকি রোগী এবং এই রোগীর গাত্র বা হস্ত মার্জিত গাম্‌ছা বা তোয়ালেই সাধারণতঃ চিকিৎসককে হস্ত মুছিবার জন্ত দেওয়া হয়। সুতরাং আশঙ্কা সহজেই যে এই পীড়ারদ্বারা সংক্রামিত হইয়া পড়িব ইহাতে আর আশ্চর্য্য কি?

উল্লিখিত সুগন্ধযুক্ত স্প্রিটের ১টা শিশি সঙ্গে থাকিলে, চিকিৎসক এই সমস্ত বিপদ ও সংক্রমণ হইতে সহজেই নিজকে রক্ষা করিতে পারিবেন। কোনও চিকিৎসকেরই, এইরূপ একটা শিশি ব্যতীত রোগী দেখিতে যাওয়া উচিত নহে।

(ক্রমশঃ)

## আর্তব স্রাবের ব্যতিক্রম

### Disorders of Menstruation

ডাঃ শ্রীনির্মলকান্ত চট্টোপাধ্যায় M. B.

কলিকাতা।

○

স্ট্রীলোকগণ সাধারণতঃ যে সকল পীড়ায় পাড়িতা হইয়া থাকেন, তদসমূহের মধ্যে আর্তবস্রাবের ব্যতিক্রম, এবং তজ্জনিত পীড়া সমূহই প্রধানতম। এ দেশে এমন কোন স্ট্রীলোক দেখিতে পাওয়া যায় না—যাহার ঋতু সম্বন্ধীয় কোন না কোন গোলযোগ না আছে। ‘পক্ষান্তরে, একবার এই ঋতু সম্বন্ধীয় গোলযোগ উপস্থিত হইলে, অধিকাংশ স্ট্রীলোকেই তাহা আজীবনের সঙ্গী হইতে দেখা যায়। নানা কারণ এই অবস্থার প্রতিকারও কষ্ট সাধ্য হইয়া থাকে। এই সকল নানাকারণের মধ্যে এতদ্ সম্বন্ধে চিকিৎসকগণের অসম্পূর্ণ জ্ঞানও অন্যতম প্রধান কারণ মধ্যে পরিগণিত।



কিছুদিন পূর্বে ইডেন্, হম্পিট্যালের সুবিখ্যাত বহুদর্শী প্রফেসর V. B. Green Armytage M.D. M. R. C. P. Major I. M. S. মহোদয় পোর্টগাজুয়েট লেকচারে “আর্ন্তব্রাবের বিশৃঙ্খলা” সম্বন্ধে, তাঁহার বহু দর্শনলব্ধ অভিজ্ঞতা গ্রন্থত, বহু জ্ঞাতব্য তথ্য সম্বলিত একটি বক্তৃতা প্রদান করিয়াছিলেন। এই বক্তৃতায় যে সকল বিষয় বিবৃত হইয়াছে, পাঠকগণের জ্ঞাতার্থে এস্থলে তাহার সারমর্ম উদ্ধৃত হইল।

Prof. Green বলেন—“আর্ন্তব্রাবের বিশৃঙ্খলা” বিষয়টি অতীব প্রয়োজনীয়। অনেক স্থলে ইহার চিকিৎসা অতীব কষ্টসাধ্য বা অসাধ্য হইয়া থাকে। এতদসম্বন্ধে আমার অভিজ্ঞতার বিষয় বিবৃত করিবার পূর্বে, এ বিষয়ে আমাদের জ্ঞান ও চিকিৎসা-প্রণালী, যে সকল বিষয়ের উপর নির্ভর করে, তদসমুদয়ই অগ্রে বর্ণনা করিব।

“স্ত্রীলোকের মাসিক ঋতুকালে ডিম্বাধার (Ovary) হইতে ডিম্ব (Ovum) নির্গমন ও জরায়ু হইতে শোণিত নিঃসরণ, এতদ্ব্যতিরিক্ত পারম্পরিক সম্বন্ধ দৃষ্টে মনে হয়—যেন, স্ত্রীলোকের ঋতু ব্যাপারটা,—ডিম্ব (Ovum) বিনাশে জরায়ুর ক্রন্দন ব্যতীত আর কিছুই নহে। ক্যালসিয়াম সল্ট দ্বারা ডিম্বাধার উদ্ভিক্ত হইলে, উহা হইতে এক প্রকার অন্তঃরস (Hormone) নিঃসৃত হয়। ইহারই ক্রিয়ার উপর স্ত্রীলোকের মাসিক ঋতু নির্ভর করে। কিন্তু ইহা যে কেবল ডিম্বাধারের ক্রিয়ার উপরই নির্ভর করে, তাহা নহে—শরীরস্থ অন্যান্য অন্তঃরসস্রাবী গ্রন্থিও (Endocrine glands), উহার সহিত একযোগে কার্য করিয়া, উক্ত ক্রিয়ার সহায়তা করিয়া থাকে। এতদ্বারা মনে হয়—যেন, স্ত্রীলোকের শরীরাত্যন্তরে একটি কার্যনির্বাহক সমিতি বর্তমান আছে—যাহারা একই অভিপ্রায়ে—একই সহযোগিতায় দেহের কল্যান সাধন করিতেছে। সমিতির সভ্যদিগের মধ্যে কেহ আর্ন্তব্রাবোৎপাদক ক্রিয়া উদ্ভিক্ত করার সহায়তা করে, কেহ বা ঐ ক্রিয়া নিয়ন্ত্রিত, কেহ বা উহা দমিত করিয়া উহার প্রতিবন্ধকতা করে। ক্যালসিয়াম সল্ট এই সকল কার্যের পারম্পরিক সাহায্য রক্ষা করিয়া থাকে। বলা বাহুল্য, উল্লিখিত সমিতির সভ্যগণই শরীরস্থ অন্তঃরসস্রাবী গ্রন্থিসমূহ (Endocrine glands)। ইহাদের কার্যকলেই ঐ সকল ক্রিয়াগুলি সম্পন্ন হইয়া থাকে।

একণে প্রশ্ন হইতে পারে—ইহার প্রমাণ কি? এতদ্ব্যতিরিক্ত বলা যায় যে, ঐ সকল গ্রন্থি পীড়িত হইলে বা উহাদের ক্রিয়া-বিকার উপস্থিত হইলে, আর্ন্তব্রাব সঞ্চয়িত যে সকল লক্ষণ উৎপাদিত হয়, তদ্ব্যতিরিক্ত উহাদের কার্যকারিতা বৃদ্ধিতে পারা যায়। প্রত্যেক গ্রন্থির কিরূপ ক্রিয়া-বিকার হেতু, কিরূপ লক্ষণ প্রকাশ পাইতে পারে, নিজে তাহা উল্লিখিত হইতেছে। স্মরণ রাখা কর্তব্য, এই সকল গ্রন্থির কার্যই হইতেছে—“রস” (secretion) প্রস্তুত করা। এই রস (secretion) দ্বারাই উল্লিখিত ক্রিয়া সম্পাদিত হইয়া থাকে।

(১) থাইরয়েড গ্রন্থির ক্রিয়াধিক্য :- থাইরয়েড গ্রন্থির ক্রিয়াধিক্য হইলে “এক্সপথ্যালমিক গয়টার” (Exophthalmic goitre) পীড়া হইয়া থাকে। দ্বীলোক এই পীড়া দ্বারা আক্রান্ত হইলে, তাহার ঋতুস্রাবের আধিক্য (Menorrhagia) হইতে দেখা যায়।

(ক) থাইরয়েড গ্রন্থির ক্রিয়াহীনতায় :- থাইরয়েড গ্রন্থির ক্রিয়া হীনতা উপস্থিত হইলে, মিক্সিডিমা (Myxœdeme) পীড়া উপস্থিত হয় এবং জনন-যন্ত্র ও শারীরিক অগ্রাগ্র যন্ত্র এবং বিধানাবলীর সম্পূর্ণ পরিপুষ্টতা এবং উহাদের পূর্ণ বিকাশ হইতে বিলম্ব হইয়া থাকে। এইরূপ অবস্থায় আর্ন্তব্রাব বিলম্বে উপস্থিত হয় কিম্বা আদৌ হয় না, অথবা ঋতু প্রকাশ পাইলেও, রক্তস্রাব খুব সামান্যই (Amenorrhœa) হইয়া থাকে।

(২) এন্টিরিয়র পিটুইটারি গ্রন্থির নিঃসরণাধিক্য— এন্টিরিয়র পিটুইটারি গ্রন্থির স্রাব নিঃসরণের আধিক্য হইলে, জনন-যন্ত্রের অতি বর্ধনশীলতা ও আর্ন্তব্রাবের আধিক্য উপস্থিত হইতে দেখা যায়।

(ক) এন্টিরিয়র পিটুইটারি গ্রন্থির স্রাব নিঃসরণাধিক্য :- ঋতুস্রাবের অভাব বা হ্রাস এবং জনন-যন্ত্র সমূহের বর্ধনাতাব (যথা—জরায়ুর বিশীর্ণন,) এবং অগ্রাগ্র বিকৃতি সংঘটিত হইয়া থাকে।

(৩) সুপ্রারিন্যাল গ্রন্থির স্রাবাধিক্য— ডিম্বাশয়ের বিশীর্ণতা (atrophy) উপস্থিত হইয়া, এমেনোরিয়া (Amenorrhœa) বা রজোহ্রমতা পীড়ার উৎপত্তি হইয়া থাকে।

(ক) সুপ্রারিন্যাল গ্রন্থির স্রাবাধিক্য— অপ্রাপ্ত বয়সে জনন-যন্ত্র সমূহের বর্ধনাধিক্য উপস্থিত হইয়া, অল্প বয়সেই দ্বীলোকের ঋতু প্রকাশ পায়।

(৪) থাইমাস গ্রন্থির বিশীর্ণনে :- থাইমাস গ্রন্থির বিশীর্ণনে ডিম্বাধারের ক্রিয়া উদ্ভিক্ত হইয়া ঋতু উপস্থিত হয়।

(ক) উক্ত গ্রন্থি স্বাভাবিক অবস্থাপন্ন থাকিলে, ঋতু বিলম্বিত হয়।

(৫) জন্ডামিট্রিয়াম (Endometrium) :- ইহা শরীর হইতে ক্যালসিয়াম নিঃসরণ প্রক্রিয়াকে নিয়ন্ত্রিত করে। ইহার প্রমাণ এই যে, ঋতুকালে স্রাবিত রক্তে যে পরিমাণে ক্যালসিয়াম বিদ্যমান থাকে, অল্প সময়ে রক্তে ক্যালসিয়ামের পরিমাণ, তদপেক্ষা কম দেখা যায়।

একণে সহজেই বোধগম্য হইতে পারে যে, শরীরাত্যন্তরে কি কি কার্য সম্পাদিত হইলে, দ্বীলোকের মাসিক ঋতু প্রকাশ পায়। আর্ন্তব্রাব সময়ে যে, শোণিতে ক্যালসিয়ামের আধিক্য উপস্থিত হয়, তাহাতে সন্দেহ নাই। এই ক্যালসিয়াম, অন্তঃরসস্রাবী গ্রন্থি (এণ্ডোক্রিন গ্রন্থি) — বিশেষতঃ থাইমাস ও এন্টিরিয়র পিটুইটারি গ্রন্থিকে উদ্ভিক্ত করিয়া, এক প্রকার অন্তঃরস (Hormone) নিঃসৃত করায় এবং এই “অন্তঃরস”-জরায়ুর এণ্ডোমেট্রিয়ামে উপস্থিত

হইয়া ঋতুক্রিয়া স্থচিত করে। তারপর, উল্লিখিত গ্রন্থিগুলির কার্য নিঃশেষ হইলে, ক্রিয়াদমনকারী (inhibitors) গ্রন্থিগুলির কার্য উপস্থিত হয় এবং পরবর্তী মাসিক ঋতুর উপায় সংগঠিত হইতে থাকে।

ঋতু বিশৃঙ্খলার প্রকার ভেদ :- সাধারণতঃ আর্ন্তবস্রাবের বিশৃঙ্খলা ৩ প্রকারের দৃষ্ট হয়। যথা—

(১) যৌবনকালের প্রারম্ভাবস্থায় (১২—১৫বৎসরের মধ্যে) রজোহ্রতা (Amenorrhoea)

(২) আর্ন্তবস্রাবের আধিক্য (Menorrhagia)।— ইহা ত্রিবিধ অবস্থায় দেখা যায়। যথা, —(ক) যৌবনকালীন, (খ) গর্ভকালীন, (গ) স্বাভাবিক ঋতু বন্ধকালীন।

(৩) কষ্টরক্তঃ (Dysmenorrhoea)।

যথাক্রমে উল্লিখিত ত্রিবিধ ঋতু বিশৃঙ্খলার চিকিৎসাদি কথিত হইতেছে।

(১) ১২—১৫ বৎসরের মধ্যে রজোহ্রতা

### The Amenorrhoea of puberty and adolescence

রক্তহীনতা ব্যতীত সাধারণতঃ নিম্নলিখিত কয়েকটি কারণে, এইরূপ শ্রেণীর রজোহ্রতা উপস্থিত হইয়া থাকে। যথা; —

(ক) শোণিত মধ্যে ক্যালসিয়ামের অনুপাত হ্রাস। শোণিত মধ্যে যে পরিমাণ ক্যালসিয়াম থাকা প্রয়োজন, তদপেক্ষা উহার পরিমাণ স্বল্প হইলে, অন্তঃরসস্রাবী গ্রন্থিসমূহের (এণ্ডোক্রিন গ্যাণ্ড) ক্রিয়া যথোচিতরূপে উদ্ভিক্ত না হওয়ায়, আর্ন্তবস্রাবের স্বল্পতা হয়।

(খ) জনন-যন্ত্র সমূহের যথোচিত পরিবর্ধনাতাব। জনন-যন্ত্রগুলির যথোচিত পরিবর্ধন— থাইরয়েড ও পিটুইটারি গ্রন্থির কার্যের উপর নির্ভর করে। ইহাদের ক্রিয়া হীনতায় জনন-যন্ত্র সমূহের যথোচিত পরিবর্ধনাতাব বশতঃ রজোহ্রতা উপস্থিত হইয়া থাকে।

(গ) অন্তঃরসস্রাবিক গ্রন্থিগুলির (এণ্ডোক্রিন গ্যাণ্ড) পাল্লম্পাল্লিক কার্যের অসামঞ্জস্য (Lack of Endocrine balance)। অন্তঃরসস্রাবী গ্রন্থিগুলির মধ্যে দমনকারী গ্রন্থিগুলি (inhibitors) অত্যন্ত ক্রিয়াশীল কিংবা কার্যকরী গ্রন্থিগুলি (accelerators) যদি স্বাভাবিকরূপে কার্য করিতে অক্ষম হয়, তাহা হইলে যথোচিতভাবে রজঃস্রাব হইতে পারে না। অধিকাংশ স্থলে, এই শ্রেণীর ঋতুহ্রতার প্রধানতম কারণ হইতে দেখা যায়।

চিকিৎসা।— উল্লিখিত কারণগুলির প্রতি লক্ষ্য করিলে বুঝিতে পারা যায় যে, নিম্নলিখিত কয়েকটি উদ্দেশ্যে এইরূপ রজোহ্রতার চিকিৎসা করা কর্তব্য। যথা—

(১) শোণিতে ক্যালসিয়ামের অনুপাত যাহাতে স্বাভাবিক হয়, তদুপায় করা।

(২) অস্তঃরসস্রাবী গ্রন্থিগুলির (এণ্ডোক্রিন গ্রাণ্ড) পারস্পরিক কার্যের সামঞ্জস্য বিধান করা।

(৩) স্বাস্থ্য সম্বন্ধীয় ব্যবস্থা।

একণে যে সকল উপায়ে উল্লিখিত উদ্দেশ্যগুলি সম্পন্ন করা যাইতে পারে, তাহা কথিত হইতেছে

(১) শোণিতে ক্যালসিয়ামের অনুপাত স্বাভাবিক করণ;— নিম্নলিখিত দুইটা উপায়ে শোণিতে ক্যালসিয়ামের অনুপাত স্বাভাবিক করা যাইতে পারে। যথা--

(ক) উপযুক্ত পথ্য দ্বারা শোণিতে ক্যালসিয়ামের স্বদ্ধি। এতদর্থে প্রত্যহ অস্ততঃ ২ পাইন্ট দুগ্ধ এবং স্থানাটোজেন, ডিম, সবুজবর্ণ উদ্ভিজ্জ তরকারী, মৎস্য, বিশেষতঃ যকৃত, কিডনি এবং গৃহে প্রস্তুত মাখন, ঘৃত ইত্যাদি ব্যবহের।

(খ) যথোপযোগী ঔষধ দ্বারা শোণিতে ক্যালসিয়ামের স্বদ্ধি।—এতদর্থে নিম্নলিখিত ঔষধ কয়েকটা উপযোগিতার সহিত ব্যবহৃত হয়। যথা -

ক্যালসিয়াম কার্বনেট :- ইহা ১/২—১ টি স্পুনফুল মাত্রায়, প্রত্যহ ৩বার মুখপথে সেব্য। অথবা -

ক্যালসিয়াম ক্লোরাইড :- ইহা ১ গ্রেণ মাত্রায়, ১০০ মিনিম টেরাইল ওয়াটারে দ্রব করতঃ, সপ্তাহে ২ বার করিয়া ইন্ট্রামাস্কিউলার ইন্জেকসন দিবে। অথবা

Re

প্যারা-থাইরয়েড এক্সট্রাক্ট (P. D & Co) ...	১/৪০ গ্রেণ।
ক্যালসিয়াম ল্যাক্টেট ...	৫ গ্রেণ।

একত্র ১ মাত্রা। প্রত্যহ ৩ বার সেব্য।

(২) অস্তঃস্রাবী গ্রন্থি সমূহের পারস্পরিক কার্যের সামঞ্জস্য বিধান।—এই উদ্দেশ্য সাধনার্থ নিম্নলিখিত ব্যবস্থাটা বিশেষ উপযোগী।

Re.

থাইরয়েড এক্সট্রাক্ট ...	১/২ গ্রেণ।
এক্সট্রাক্ট পিটুইটারি গ্রাণ্ড (সমগ্র গ্রন্থি) ...	১ই গ্রেণ।
ওভেরিয়ান এক্সট্রাক্ট (সমগ্র গ্রন্থি) ...	৩ গ্রেণ।
এসিড কার্বলিক ...	৩/৪ গ্রেণ।

একত্র মিশ্রিত করিয়া ১টা বটিকা প্রস্তুত করিবে। ১টা বটিকা মাত্রায় প্রত্যহ ৩ বার সেব্য। এই ঔষধটা অস্ততঃ ৬—১২ সপ্তাহ সেবন করা কর্তব্য।

যদি রোগিনীর রক্তহীনতার লক্ষণ বিদ্যমান থাকে, তাহা হইলে উক্ত বটীকার প্রত্যেক মাত্রার সহিত ১/৬০ গ্রেণ এসিড আর্সেনিয়াস মিশ্রিত করিয়া লওয়া কর্তব্য ।

(৩) স্নানোপায়ী বিধি।—এতদর্থে বাহাতে নিয়মিত দান্ত খোলসা থাকে এবং রোগিনী বাহাতে বিস্তৃত আলোক, বাতাস পায় ও ব্যায়াম করিতে পারে, তাহার ব্যবস্থা করা কর্তব্য ।

স্ত্রীলোকের বিবাহের পূর্বে বা পরে, কিম্বা প্রসবান্তে ঋতু বিশৃঙ্খলা উপস্থিত হইলেও, উন্নিখিত চিকিৎসা সফলপ্রদ হয় ।

## (২) ঋতুস্রাবের আধিক্য—(রজোহধিক্য ।)

### Menorrhagia

পূর্বেই উক্ত হইয়াছে যে, স্ত্রীলোকের ত্রিবিধ অবস্থায় অর্থাৎ যৌবনকালীন, গর্ভধারণ কালীন এবং স্বাভাবিক ঋতু বন্ধ হওয়ার সময়ে ঋতুস্রাবের আধিক্য হইতে পারে । এইরূপ বিভিন্ন কালীন রজোহধিক পীড়ার চিকিৎসাদি কথিত হইতেছে ।

(ক) যৌবনকালীন ঋতুস্রাবের আধিক্য (Menorrhagia of Puberty) —আমার ১৫ বৎসরের অভিজ্ঞতা হইতে আমি বাহা বিদিত হইয়াছি, তাহাতে বলা বাইতে পারে যে, বাঙ্গলা দেশে এই শ্রেণীর রজোহধিক পীড়া দুই প্রকারে প্রকাশ পায় । যথা;—

(১ম) দীর্ঘস্থায়ী স্বাভাবিক ঋতুস্রাব ।

(২য়) মাসে একাধিকবার অত্যধিক স্রাবযুক্ত ঋতু ।

যথাক্রমে ইহাদের বিষয় বলা বাইতেছে ।

(১ম) দীর্ঘস্থায়ী স্বাভাবিক ঋতুস্রাব।—ইহাতে স্বাভাবিক ঋতুস্রাবের স্থায় উহা ৩৪ দিন স্থায়ী না হইয়া, এতদপেক্ষা অধিক দিন (১০।১২ দিন) স্থায়ী হইয়া থাকে, কিন্তু রক্তস্রাবের পরিমাণ তত বেশী থাকিতে দেখা যায় না । সাধারণতঃ বাঙ্গালী মেয়েদের তিতরই, এইরূপ প্রকৃতির ঋতুস্রাব অধিক পরিমাণে লক্ষিত হয় । জরায়ুর পৈশিক অপরিপুষ্টতা ও অন্তঃরসস্রাবী গ্রন্থিগুলির কার্য বিশৃঙ্খলাই ইহার প্রধান কারণ ।

চিকিৎসা । এবিধ ঋতুস্রাবের চিকিৎসার্থ নিম্নলিখিত ব্যবস্থা উপযোগী । যথা—

(১) বৃহৎ মাত্রার বিরেচক দ্বারা কোষ্ঠবদ্ধতা ও নিম্নোদরের রক্তাধিক্য বিদূরিত করা ।

(২) আত্যন্তিক সেবনার্থ হস্পিট্যালের মিল করি এট ম্যাগ সালফ এবং এতদসহ নিম্নলিখিত বটীকা ব্যবহার । যথা—



Re.

থাইরয়েড এক্সট্রাক্ট	...	১/২ গ্রেণ।
পিটুইটারি এক্সট্রাক্ট (সমুদয় গ্রন্থি)	...	১/২ গ্রেণ।
এসিড আসে নিকাম	...	১/৬০ গ্রেণ।

একত্র মিশ্রিত করিয়া একটা বটিকা প্রস্তুত করতঃ, ১টা বটিকা মাত্রায় প্রত্যহ ৩ বার সেব্য। ৬—১২ সপ্তাহ ইহা ব্যবহার করাইলে সন্তোষজনক উপকার পাওয়া যায়।

এইরূপ শ্রেণীর রজোহৃদিক পীড়ায় ক্যালসিয়াম ও আর্গট প্রয়োগে কিম্বা জরায়ু কিউরেট (জরায়ু চাঁচা) করিয়া কোন উপকার পাওয়া যায় না।

(২য়) আসে একাধিক বাহু ঋতুস্রাব।—এইরূপ শ্রেণীর পীড়ায় মাসের মধ্যে একাধিকবার ঋতু প্রকাশ পায় এবং স্রাবের পরিমাণও বেশী হইয়া থাকে। ম্যাংলোইণ্ডিয়ান এবং ইউরোপিয়ান বালিকাগুলির মধ্যেই এইরূপ প্রকৃতির রজোহৃদিক পীড়ার প্রাবল্য লক্ষিত হয়। সাধারণতঃ ডিম্বাশয়ের রক্তাধিক্য এবং ইহার ও থাইরয়েড গ্রন্থির ক্রিয়াধিক্য বশতঃ, এইরূপ প্রকৃতির রজোহৃদিক পীড়ার উৎপত্তি হইয়া থাকে। আধুনিক বসবাসের নিকৃষ্ট রীতি এবং সহবাস সম্বন্ধীয় অনিয়ম অত্যাচার, ইহার উদ্দীপক কারণ মধ্যে পরিগণিত।

চিকিৎসা। এবম্বিধ পীড়ায় দেখা যায় যে, মুক্ত বাতাসে অবস্থান, ব্যায়াম, নিয়মিত সময়ে নিদ্রা যাওয়া ও শয্যা পরিত্যাগ করার ব্যবস্থা এবং আদিরস প্রধান ছায়াচিত্র (সিনেমা) দর্শন বা পুস্তকাদি পাঠ না করার ব্যবস্থাই, অতি উত্তম চিকিৎসা। এই শ্রেণীর পীড়ায় মিশ্রাকারে লৌহ, ব্রোমাইড সহ ম্যাগঃ সালফ এবং ইহার সঙ্গে নিম্নলিখিত বটিকাটি সেবনে সন্তোষজনক উপকার পাওয়া যায়।

Re.

আর্গটিন	..	৩ গ্রেণ।
পিটুইটারি এক্সট্রাক্ট (সমুদয় গ্রন্থি)	...	১/২ গ্রেণ।
এক্সট্রাক্ট হাইড্রাস্টাস ক্যানাডেনসিস্	...	১/২ গ্রেণ।
এসিড কার্বলিক	...	১/৪ গ্রেণ।

একত্র মিশ্রিত করিয়া ১টা বটিকা প্রস্তুত করতঃ, ঋতু প্রকাশের ৮ দিন পূর্বে হইতে এবং ঋতুর প্রথম ২ দিন, ১টা বটিকা মাত্রায় প্রত্যহ তিনবার করিয়া সেব্য।

সাধারণ চিকিৎসকগণ এই প্রকার পীড়ায় ক্যালসিয়াম প্রয়োগে অমুরাগ প্রকাশ করেন। কিন্তু দেখা গিয়াছে যে, ক্যালসিয়াম ক্লোরাইড ১ গ্রেণ মাত্রায় ১০০ মিনিম টেরাইল ওয়াটারে দ্রব করতঃ, সপ্তাহে ৩ বার করিয়া ইন্ট্রামাস্কিউলার ইন্জেকশন না দিলে, নিশ্চিত উপকার পাওয়া যায় না। পরন্তু, শোণিতে ক্যালসিয়ামের আধিক্য বশতঃ,



ডিবাধারের উদ্বেকশীলতা বর্ধিত হইয়াই, যখন এবিধ রজোহিক পীড়ার উৎপত্তি হয়, তখন পুনরায় ক্যালসিয়াম প্রয়োগ করা কখনই সমীচীন বলিয়া বোধ হয় না—ইহা প্রয়োগ না করাই শ্রেয়ঃ ।

এরূপ রজোহিক পীড়াক্রান্ত বালিকাদের পক্ষে সুইডিস ড্রিল ( Swedish drill ) মহোপকারী । যদি ইহাতে সত্তর উপকার না পাওয়া যায়, তাহা হইলে রোগিণীকে অন্ততঃ তিন মাসকাল কোন পার্শ্বত্যা প্রদেশে বাস করাইলে সফল হইয়া থাকে ।

এইরূপ পীড়ায় অস্ত্রোপচার—বিশেষতঃ জরায়ু কিউরেট (জরায়ু চাঁছা) করায় কোনই উপযোগিতা নাই । ইহার ফল ক্ষণস্থায়ী । আমি এইরূপ পীড়াক্রান্ত ২৮০ জন রোগিণীর মধ্যে কেবল মাত্র ১১ জনের কিউরেট করিয়াছি ।

কখন কখন হস্তমৈথুন এবিধ পীড়ার প্রধান কারণ হইতে দেখা গিয়াছে, সুতরাং সাবধানে এতদসম্বন্ধে অনুসন্ধান করা কর্তব্য ।

এ পর্যন্ত এই প্রকার পীড়াক্রান্ত কেবল মাত্র ২টি বালিকার ( ১৪শ ও ১৬শ বর্ষীয়া ) চিকিৎসার্থ আমি রেডিয়াম প্রয়োগ করার উপদেশ দিয়াছি । কারণ, ইহাদের উভয়েরই চিকিৎসায় বিবিধ ঔষধ ও অস্ত্রোপচার নিষ্ফল হইয়াছিল । কিউরেট করার পর পরীক্ষান্তে বুঝিতে পারা গিয়াছিল যে, ইহাদের উভয়েরই জরায়ুর অন্তঃস্থ বিলী প্রদাহাঘাত হইয়া, উহা স্থূল হইয়াছিল ( hypertrophic endometritis ) ।

(খ) গর্ভধারণকালীন রজোহিক পীড়া ।—অনেক স্থলে এই শ্রেণীর পীড়া দেখিতে পাওয়া যায় । ইহার কারণ বহুবিধ এবং প্রকৃত কারণ নির্ণয় করাও কষ্টসাধ্য । এই কারণেই, প্রত্যেক রোগীকে খুব সাবধানে পরীক্ষা করতঃ, প্রকৃত কারণ নির্ণয়ার্থ যত্নবান হওয়া কর্তব্য । যে সকল কাণে সাধারণতঃ এইরূপ প্রকৃতির রজোহিক পীড়ার উৎপত্তি হইয়া থাকে, তন্মধ্যে নিম্নলিখিত কারণগুলিই প্রধানতম । যথা—

(ক) অণুধারের ক্রিয়াধিক্য ( Ovarian hyperactivity )

(খ) নিষিক্ত বা ব্যাঘাতজনক সহবাস ( coitus interruptus )

(গ) নিয়মিত সময়ের পরেও প্রসব না হওয়া (prolonged engagement)

(ঘ) থাইরয়েড গ্রন্থির ক্রিয়াধিক্য ( Hyperthyroidism), বিশেষতঃ

সন্তান জন্মগ্রহণের পর ।

উল্লিখিত কারণগুলি ব্যতীত আদিরস বা প্রেম বিষয়ক পুস্তকাদি পাঠ কিম্বা সিনেমা, থিয়েটার দর্শন, নৃত্য ও জলবায়ুর বিশেষ অবস্থা এবং হস্তমৈথুন প্রভৃতি কারণে এইরূপ শ্রেণীর পীড়া উপস্থিত হইয়া থাকে ।

চিকিৎসা ।—প্রথমতঃ পীড়ার মূল কারণ অনুসন্ধান করতঃ, উৎপ্রেক্ষিকারে যত্নবান হওয়া কর্তব্য ।

নিম্নলিখিত ঔষধটি এইরূপ পীড়ায় বিশেষ উপযোগিতার সহিত ব্যবহৃত হয়। যথা—

Re.

ম্যাগ: সালফ	...	১ ড্রাম।
পটাশ ব্রোমাইড	...	২০ গ্রেণ।
ফেরি সালফ	...	৫ গ্রেণ।
একোয়া মেছপিপ	...	এড্. ১ আউন্স।

একত্র মিশ্রিত করিয়া ১ মাত্রা। প্রত্যহ ৩ বার সেব্য। এই সঙ্গে নিম্নলিখিত বটীকাটি সেবন করিতে হইবে। যথা—

Re.

আর্গটিন	...	৩ গ্রেণ।
পিটুইটারী এক্সট্রাক্ট (সমুদয় গ্রন্থি)	...	১৫ গ্রেণ।
এক্সট্রাক্ট হাইড্রাস্টাস ক্যানাডেনসিস	...	১/২ গ্রেণ।
এসিড কার্বলিক	...	১/৪ গ্রেণ।

একত্র মিশ্রিত করিয়া ১টা বটীকা প্রস্তুত করতঃ ঋতুর ৮ দিন পূর্বে হইতে এবং ঋতু প্রকাশের প্রথম ২ দিন পর্যন্ত, ১টা বটীকা মাত্রায় প্রত্যহ ৩ বার সেব্য।

এই সঙ্গে ঋতু কালের মধ্যে সরলাঙ্গে শীতল জলের এনিমা এবং উষ্ণ জলের ভ্যাজাইনাল ডুস দিলে বিশেষ উপকার হইয়া থাকে। সুবিধা হইলে কোন পার্শ্বত প্রদেশে চেঞ্জ পাঠান হিতকর।

উল্লিখিত চিকিৎসায় যদি কোন উপকার না হয়, তাহা হইলে স্থূলক প্রাপ্ত ও রক্তাধিক্যগ্রস্ত জরায়ুর অন্তর্বিদী কিউরেট করা ভিন্ন অন্য উপায় নাই। এই উপায় নিফল হইলে, রেডিয়াম চিকিৎসা ও জরায়ু উচ্ছেদই শেষ চিকিৎসা বলা যায়।

(গ) স্মান্ট্রাবিক ঋতু বন্ধকালীন রক্তোহধিক পীড়া (The Menorrhagia of the menopause)।—সাধারণতঃ স্ত্রীলোকগণের ৩৫ বৎসর বয়সেই এবধিধ পীড়ার উৎপত্তি হইতে দেখা যায়। অনেক সময় জরায়বীয় অর্কুদ, ক্যান্সার বা পুরাতন এণ্ডোমেট্রাইটিস পীড়া বশতঃ স্রাবাধিক্য উপস্থিত হইয়া থাকে। সুতরাং সতর্কতা সহকারে রোগিণীকে পরীক্ষা করিয়া, প্রকৃত উৎপাদক কারণ নির্ণয় করা কর্তব্য।

এই পীড়া সাধারণতঃ ২ প্রকারের দেখা যায়। এক প্রকারের পীড়ায় জরায়ু স্থূল, কঠিন ও বৃহদাকার হয় এবং অন্য প্রকার পীড়ায় জরায়ু শীর্ণ ও ক্ষুদ্রাকার হইয়া থাকে।

গত ১০০ মাসের মধ্যে আমি এইরূপ পীড়াক্রান্ত ২০টা রোগিণীর জরায়ু উচ্ছেদ করিয়াছি।

উক্ত উভয় প্রকার পীড়াই সাধারণতঃ সন্তান প্রসব, গর্ভপাত কিংবা পুরাতন সংক্রমণ বশতঃ, জরায়ুর অভ্যন্তরে রক্ত উৎপাদিত হইয়া উপস্থিত হইতে দেখা যায়। এইরূপ

পীড়াক্রান্ত রোগিণীকে ১—২ বার কিউরেট বা নানা প্রকার চিকিৎসা করাইয়াও বিশেষ সফল পাওয়া যায় নাই ।

**চিকিৎসা :—**ওয়াসারম্যান পরীক্ষায় ( Wasserman Reaction ) নেগেটিভ দৃষ্ট হইলে এবং কিউরেটীং ও অন্যান্য ঔষধীয় চিকিৎসা নিষ্ফল হইলে, জরায়ুর উচ্ছেদই একমাত্র চিকিৎসা বলা যাইতে পারে । কারণ, এই উপায়ে রোগারোগ্য না করিলে, অতিরিক্ত রক্তস্রাব কিম্বা রক্তহীনতা বশতঃ রোগিণী মৃত্যুমুখে পতিত হইতে পারে এবং হয়ও । এই চিকিৎসা কোন মতেই অনুপযোগী বা বিপজ্জনক মনে হইতে পারে না । আমি বিগত ৫ বৎসরে প্রায় ৬০টা রোগিণীর জরায়ু উচ্ছেদ করিয়াছি, তন্মধ্যে একজন মাত্র মৃত্যুমুখে পতিত হইয়াছিল ।

পুরাতন জরায়ু প্রদাহে রেডিয়াম চিকিৎসা সত্ত্বে, আমি আমার নিজ অভিজ্ঞতা হইতে বলিতে পারি যে, ইহার ফল নিরাশবাজক । পরন্তু, এই চিকিৎসায় প্রদাহ আরও অধিকতর বর্ধিত হয় এবং তদ্বারা রোগিণীর অবস্থা আরও মন্দ হইয়া পড়ে ।

### কষ্টরজঃ বা বাধক—Dysmenorrhœa

স্বল্প পরিমাণে ঋতুস্রাব ও তৎসহ অত্যন্ত যন্ত্রনা হইলে, তাহাকে কষ্টরজঃ পীড়া বলে । সাধারণতঃ দ্বিবিধ কারণে কষ্টরজ পীড়া উপস্থিত হইতে দেখা যায় । যথা—

(১) জরায়ুর অর্কুদ, জরায়ুর স্থানচ্যুতি এবং জনন-যন্ত্র সমূহের প্রাদাহিক কাশ্মণোৎপন্ন পীড়া ।

(২) জরায়ুর স্বাভাবিক গঠন ও কার্যের ব্যতিক্রম বশতঃ উৎপন্ন পীড়া ।

**প্রকার ভেদ ।** কষ্টরজঃ পীড়া সাধারণতঃ নিম্নলিখিত কয়েক প্রকারের দেখা যায় । যথা :—

(১) যৌবনকালীন কষ্টরজঃ ।—ইহা ১২ হইতে ১৫ বৎসরের মধ্যে দেখা যায়

(২) গর্ভধারণের পূর্ক্কাবস্থায় কষ্টরজঃ । বিবাহিত জীবনে সাধারণতঃ গর্ভধারণের পূর্ক্কাবস্থায়, এই প্রকারের কষ্টরজঃ পীড়া উপস্থিত হইতে দেখা যায় ।

(৩) গর্ভধারণ কালের শেষার্দ্ধবর্তী সময়ে কষ্টরজঃ ।

(৪) স্বাভাবিক ঋতু বন্ধকালীন কষ্টরজঃ ।

যথাক্রমে ইহাদের বিষয় কথিত হইতেছে ।

(১) **যৌবনকালীন কষ্টরজঃ** ।—সাধারণতঃ রক্তাক্রান্ত স্কুল বালিকা, টাইপিষ্ট, দোকানদার ও কারখানার শ্রমজীবিনী স্ত্রীলোকদিগের মধ্যেই এই শ্রেণীস্থ কষ্টরজ পীড়ার প্রাবল্য দেখিতে পাওয়া যায় । ইহাতে তাহাদের কার্যহানী ও চিন্তার কারণ হইয়া থাকে ।

এই শ্রেণীর পীড়াক্রান্ত স্ত্রীলোকদিগের মধ্যে অধিকাংশেরই পীড়া, শোণিতে ক্যালসিয়ামের অসামঞ্জস্য এবং থাইরয়েড ও পিটুইটারি গ্রন্থির শ্রাব নিঃসরণের হ্রাস কিম্বা অত্যন্ত কার্যকরী গ্রন্থিলির কার্য বিলম্বিত বশতঃ উপস্থিত হইতে দেখা যায়। কাহারও বা জরায়ু ও জরায়ু গ্রীবীর অস্বাভাবিক বর্ধন কিম্বা উহার সমুখ বা পার্শ্ববক্রতা অথবা উহার সঙ্কীর্ণতা বশতঃ এই পীড়া উপস্থিত হয়। কোন কোন স্ত্রীলোকের উপজীবিকানুযায়ী কার্যের জন্ত অবস্থানের বিশেষত্ব হেতু, উদরীয় মাংসপেশী সমূহের যথোচিত বর্ধনাব্যবস্থা প্রযুক্ত কিম্বা কোষ্ঠবদ্ধতা ও অগ্নাধারের রক্তসংগ্রহাবস্থা বশতঃ এই পীড়া উপস্থিত হইয়া থাকে।

**চিকিৎসা।** মুক্ত বাতাসে অবস্থান, সুইডিস ড্রিম (Swedish) হিতকর। যাহাতে অঙ্গ পরিষ্কৃত থাকে, তাহার উপায় করা কর্তব্য। ঋতুকালের মধ্যে বা তাহার অব্যবহিত পূর্বে, উষ্ণ জলে পদস্নান (ফুট বাথ) কিম্বা উষ্ণ জলে কোমর পর্যন্ত নিমজ্জিত রাখা (Sitz Bath) বিশেষ উপকারক।

উপযোগী পথ্য বা ঔষধ দ্বারা যাহাতে রক্তে লৌহ ও ক্যালসিয়ামের অনুপাত বর্ধিত হয়, তাহা করা কর্তব্য। এতদর্থে, যৌবনকালীন রজোহ্রস্বতা পীড়ার চিকিৎসার্থে যে সকল ঔষধ ও পথ্যাদি নির্দেশ করা গিয়াছে, এগুলেও তদসমুদয় ব্যবস্থেয়।

এইরূপ শ্রেণীর কষ্টরজঃ পীড়ায় নিম্নলিখিত ঔষধটি বিশেষ উপযোগিতার সহিত ব্যবহৃত হয়। যথা—

Re.

থাইরয়েড এক্সট্রাক্ট	...	...	১ গ্রেণ।
পিটুইটারি এক্সট্রাক্ট (সমুদয় গ্রন্থি)	...	...	২ গ্রেণ।
ওভেরিয়ান এক্সট্রাক্ট (সমুদয় গ্রন্থি)	...	...	৩ গ্রেণ।
এসিড আসেনিয়াস	...	...	১/৬০ গ্রেণ।

একত্র মিশ্রিত করিয়া ১টা বটীকা প্রস্তুত করতঃ, ১টা বটীকা মাত্রায় ঋতুকালের মধ্যে প্রত্যহ ২বার সেব্য। ৬—১২ সপ্তাহ ইহা ব্যবহার করা কর্তব্য।

ঋতুকালীন যন্ত্রণা নিবারণার্থে বহুবিধ ঔষধ অনুমোদিত হইয়াছে। বলা বাহুল্য, ইহাদের মধ্যে অধিকাংশই অকর্মণ্য হইতে দেখা যায়। আমি আমার ব্যক্তিগত অভিজ্ঞতা হইতে বলিতে পারি যে, ইহাদের মধ্যে নিম্নলিখিত ৩টা ঔষধ ব্যবহারে সন্তোষজনক উপকার হইতে পারে। যথা—

এক্টিপাইরিন ... ১৫ গ্রেণ মাত্রায়, ৪ ঘণ্টাস্তর ৪ মাত্রা প্রযোজ্য।

লাইকর সিডান্স ... ২ ড্রাম মাত্রায়, ঋতু প্রকাশের পূর্বে ও ঋতুকালে সেব্য।

গুমিভাল ... ১ গ্রেণ মাত্রায় প্রত্যহ তিনবার সেব্য।

উল্লিখিত সমুদয় ব্যবস্থা নিষ্ফল হইলে,—অস্ত্রোপচার, জরায়ু প্রসারণ ও কিউরেটাজ করার উপদেশ দেওয়া যাইতে পারে। স্মরণ রাখা কর্তব্য যে, বিধিমত প্রসারণ (অস্ততঃ

৩/৪ হেগার পর্যন্ত ) না করিলে কোন ফল হয় না । পরন্তু, ইহাও একটি আরোগ্যস্থচক বিশিষ্ট লক্ষণ এই যে—যদি ঐরূপ প্রসারণ করিতে কষ্টবোধ হয়; তাহা হইলে রোগিণীর আরোগ্য সম্ভাবনা এবং যদি উহা সহজে সম্পাদিত হয়, তাহা হইলে আরোগ্যের সম্ভাবনা নাই, জ্ঞাতব্য ।

স্মরণ রাখা কর্তব্য যে, জরায়ু মুখের সন্ধীর্ণতা, কষ্টরজ পীড়ার কারণ নহে । বিকৃতাকারে বর্ধিত জরায়ু গ্রীবা ও জরায়ুর বক্রতাই যৌবনকালীন কষ্টরজঃ পীড়ার প্রধান কারণ । এই কারণেই এইরূপ পীড়ায় স্ত্রিম পেশারি অনুমোদিত নহে । অত্যন্ত সাংঘাতিক স্থলে অস্ত্রোপচারের ব্যবস্থা দেওয়া যায় ।

**২। গর্ভাধানের পূর্বনর্তীকালীন কষ্টরজঃ ।**—অতিরিক্ত সহবাস, জরায়ুর অন্তঃপ্রবেশ, সংক্রমণ প্রভৃতি কারণে জরায়ুর অন্তর্বিহীর প্রদাহ ও স্থলত্ব হেতু, এই প্রকার কষ্টরজঃ পীড়া উপস্থিত হইয়া থাকে ।

**চিকিৎসা ।**—প্রত্যহ ২ বার করিয়া অত্যুষ্ণ জলের রেস্ত্যাল ও ভ্যাজাইন্ডাল ডুস প্রয়োগ উপকারক । ইহাতে উপকার না হইলে, জরায়ু প্রসারণ ও কিউরেট করার প্রয়োজন হইয়া থাকে । ইহা করার পর তুলিতে করিয়া জরায়ুর মধ্যে আয়োডাইজ্ ড ফেনোল লাগান কর্তব্য ।

স্মরণ রাখা কর্তব্য—যদি ডিম্বাধার ও ফেলোপিয়ান টীউবে সংক্রমণ জনিত প্রদাহ বর্তমান থাকে, তাহা হইলে, কদাচ কিউরেট করা কর্তব্য নহে । কারণ, এরূপ অবস্থায় কিউরেট করিলে, ডিম্ববাহী নলের (ফেলোপিয়ান টীউব) তরুণ প্রদাহ হইতে পারে ।

এই পীড়ার চিকিৎসাকালীন সময়ে রোগীর পূর্ব ইতিহাস সম্বন্ধে অনুসন্ধান লওয়া কর্তব্য । ইতিপূর্বে রোগিণীর উদরে কোন সময় তরুণ বেদনা হইত কি না? অর ও স্রাবের অবস্থা কিরূপ? প্রস্রাব করিতে কষ্ট হইত কি না? ইত্যাদি সম্বন্ধে প্রশ্ন করিয়া পীড়ার প্রকৃতি অনুধাবন করা প্রয়োজন । যত্নপূর্বক ভ্যাজাইন্ডাল ও রেস্ত্যাল পরীক্ষা দ্বারা জরায়ুর অবস্থান, উহাতে বেদনা আছে কি না এবং অণুধার বর্ধিত হইয়া উহা জড়তা প্রাপ্ত হইয়াছে কি না, জ্ঞাতব্য ।

**(৩) গর্ভধারণ কালের শেষার্দ্ধকালীন সময়ে কষ্টরজঃ ।**—এই প্রকার কষ্টরজঃ পীড়া, সাধারণতঃ জরায়ুর মধ্যে অর্কুদ উৎপন্ন কিবা জরায়ুর বিহী পুল হইলে অথবা ফেলোপিয়ান টীউবের প্রদাহ বশতঃ উপস্থিত হইয়া থাকে ।

এই পীড়ার চিকিৎসার্থ, এ সম্বন্ধে বিশেষজ্ঞ চিকিৎসকের পরামর্শ গ্রহণ করা কর্তব্য ।

**(৪) স্রাবাত্মিক স্ত্রুবন্ধকালীন কষ্টরজঃ ।**—জরায়ু, পুরাতন প্রদাহ, ফাইব্রয়েড পালিপাস, অর্কুদ, ক্যান্সার প্রভৃতি কারণে ইহা উপস্থিত হয় । এরূপ স্থলে, এই প্রকৃতির কষ্টরজঃ পীড়ার চিকিৎসার্থ, এতদসম্বন্ধে বিশেষজ্ঞ (specialist) চিকিৎসকের পরামর্শ গ্রহণ করা কর্তব্য





যক্ষ্মা-চিকিৎসায়—স্যানোক্রাইসিন্

## The Sanocrysin Treatment of Tuberculosis.

Dr. N. K. Dass M. B., M C P. & S, M. D. (M. M. H, C)

— — — — — :: — — — — —

বহু পাশ্চাত্য সাময়িক পত্রিকাদিতে, স্যানোক্রাইসিন দ্বারা চিকিৎসিত যক্ষ্মা রোগীর বিবরণ প্রকাশিত হইয়াছে। এ পর্যন্ত এই ঔষধটি পাশ্চাত্য জগতেই, যক্ষ্মা রোগীর উপর পরীক্ষা চলিতেছিল। সম্প্রতি লন্ডন মেডিক্যাল কলেজের প্রিন্সিপ্যাল লেঃ কর্ণেল প্রশন্, এম, ডি, আই,এম্,এস্ মহাশয় লন্ডন হস্পিটালের যক্ষ্মা ওয়াডে'র কতিপয় ভারতীয় রোগীর উপর এই ঔষধ পরীক্ষা করিয়াছেন। তাঁহার পরীক্ষিত কয়েকটি রোগীর বিবরণ নিম্নে উদ্ধৃত হইল।

ডাঃ প্রশন্ বলেন—“এই ঔষধ রোগীর প্রথম অবস্থাতেই ব্যবহার করিলে বিশেষ উপকারী হয়। পীড়াক্রমণের পর বত সত্ত্বর সম্ভব স্যানোক্রাইসিন্ দ্বারা চিকিৎসা করা উচিত”।

ডাঃ প্রশন্ গত ১৯২৫ সালে কোপেনহেগন নগরে স্যানোক্রাইসিন দ্বারা চিকিৎসিত প্রায় ১০০টি রোগী স্বচক্ষে দেখিয়া এবং স্যানোক্রাইসিন চিকিৎসার প্রবর্তক ডাঃ মোলগার্ড ও অন্যান্য বিচক্ষণ চিকিৎসকগণের সহিত এই ঔষধ ব্যবহার সম্বন্ধে নিজে আলোচনা ও পরামর্শ গ্রহণ করিয়া আসিয়াছেন। ইহারা সকলেই এক বাক্যে স্বীকার করেন যে, স্যানোক্রাইসিন—যক্ষ্মা চিকিৎসায় যুগান্তর আনয়ন করিয়াছে। ডেনমার্ক অধুনা যক্ষ্মা রোগে সকল চিকিৎসকই স্যানোক্রাইসিন বিশেষ উপযোগিতার সহিত ব্যবস্থা করিতেছেন। কর্ণেল প্রশন্ উদাত্ত্য প্রসিদ্ধ যক্ষ্মা চিকিৎসার হাঁসপাতাল ও স্যানাটোরিয়াম সমূহ পরিদর্শন করিয়া, স্যানোক্রাইসিন চিকিৎসা সম্বন্ধে আবশ্যিকীয় সমস্ত বিবরণ জানিয়া আসিয়াছেন। কিরূপে ও কিরূপে মাত্রায় ইহা ব্যবহার করা হয়—তাঁহা আমরা পূর্বেই বলিয়াছি।



### কর্ণেল প্রশ্ন কর্তৃক চিকিৎসিত রোগীর বিবণ ।

**১নং রোগী :**—১৮ বৎসরের একটি ছাত্র । ৫<sup>৭</sup> মাসে পূর্ক হইতে এই রোগী ক্রমশঃ পীড়িত হইতে থাকে । হাঁসপাতালে ভর্তি হইবার সময়ে রোগীর কাশিও বিদ্যমান ছিল এবং প্রত্যহ বৈকালে উত্তাপ ১০১ ডিগ্রী ও প্রাতঃকালে উত্তাপ ৯৮ ডিগ্রী হইত । রোগীর রক্তোৎকাশ ও বাম ফুস্ফুসের পশ্চাৎ ভাগে প্লুরিসি বর্তমান ছিল । উভয় ফুস্ফুসেই যক্ষ্মার নির্ণায়ক লক্ষণাদি পাওয়া গিয়াছিল । শ্লেষ্মা—মিউকো পুরুলেণ্ট এবং আণুবীক্ষণিক পরীক্ষায় উহাতে T. D, অর্থাৎ টীউবার্কিউল ব্যাসিলাস পাওয়া গিয়াছিল । এক্স-রে পরীক্ষায় যক্ষ্মা নির্ণীত হয় ।

**চিকিৎসা :**—একমাসে ৪টি স্যানোক্রাইসিন ইঞ্জেকসন দেওয়া হয় । ০.২৫ গ্রাম মাত্রায় আরম্ভ করিয়া ১ গ্রাম মাত্রা পর্য্যন্ত বৃদ্ধি করতঃ সর্বসমেত ২.৭৫ গ্রাম স্যানোক্রাইসিন প্রযুক্ত হইয়াছিল ।

এই অল্প সময় মধ্যেই রোগীর দৈহিক উত্তাপ স্বাভাবিক এবং ওজন ১/৪ পাউণ্ড বৃদ্ধি হইয়াছিল । এই চিকিৎসায় রোগী এত সুস্থতা বোধ করিয়াছিল যে, আর ইঞ্জেকসন না লইয়াই হাঁসপাতাল ত্যাগ করে । চিকিৎসার শেষ ভাগে তাহার একটু এল্‌বিউমিনুরিয়া হইয়াছিল ।

**২নং রোগী :** ২৪ বৎসর বয়স্ক জনৈক কেরাণী । প্রায় ৩ বৎসর হইতে যক্ষ্মারোগে ভুগিতেছিলেন । হাঁসপাতালে ভর্তি হইবার সময়ে কাশি, বৈকালে জ্বরীয় ১০০ উত্তাপ ডিগ্রী ও প্রাতঃকালে উত্তাপ ৯৮ ডিগ্রী হইত । দৈহিক ওজন ১০৮ $\frac{১}{২}$  পাউণ্ড । বক্ষঃ পরীক্ষায় যক্ষ্মার লক্ষণাদি পাওয়া গিয়াছিল । শ্লেষ্মা—মিউকো-পুরুলেণ্ট । আণুবীক্ষণিক পরীক্ষায় উহাতে টীউবার্কিউল ব্যাসিলাস পাওয়া গিয়াছিল । এক্স-রে পরীক্ষায়ও যক্ষ্মা নির্ণীত হইল ।

**চিকিৎসা :**—এই রোগীকে ৫ সপ্তাহে মোট ৪.২ গ্রাম স্যানোক্রাইসিন দেওয়া হইয়াছিল । চিকিৎসার প্রথম অবস্থায় এল্‌বিউমিনুরিয়া এবং শেষ ২টি ইঞ্জেকসনের পর বমন হইতে দেখা গিয়াছিল । চিকিৎসায় এই রোগীটির বিশেষ উপকার হইতে দেখা যায় নাই । হাঁসপাতাল ত্যাগকালীন ইহার জ্বর সমভাবেই বর্তমান ছিল । ওজন ২ পাউণ্ড হ্রাস হইয়াছিল । শ্লেষ্মায় যক্ষ্মা বীজাণু বর্তমান ছিল । পরীক্ষার পর কিছুদিন বায়ু পরিবর্তন জন্ম যাওয়ার, রোগী ক্রিষ্ণ উপকার পাইয়াছিল ।

৬ মাস পরে সংবাদ পাওয়া যায় যে, রোগীর জ্বরীয় উত্তাপ, শ্লেষ্মা নির্গমন ইত্যাদির উপশম হইয়াছে ।

**৩নং রোগী ।** জনৈক ছাত্র, বয়স ২৩ বৎসর । এই ছাত্রটি গত ২ বৎসর হইতে যক্ষ্মারোগে পীড়িত হইয়াছে । গত ৮ মাস স্যানোটোরিয়ামেই ছিল । তথায় তাহার

বাম ফুস্ফুসটি দ্বাদশবার ট্যাপ করিয়া, প্রতিবারে ২০—৩০ আউন্স পরিমাণ জলীয় পদার্থ বাহির করিয়া দেওয়া হইয়াছিল। প্রথম প্রথম পরিষ্কার জল নির্গত হইত, কিন্তু শেষ ২বারে অপেক্ষাকৃত গাঢ় হরিদ্রাবর্ণ তরল পদার্থ নির্গত হইয়াছিল।

বর্তমানে রোগী ক্ষীণ। বাম ফুস্ফুসে তরল পদার্থ পূর্ণ রহিয়াছে বলিয়া অনুমিত হইল। উদর দেশ কিঞ্চিৎ ক্ষীত ও কোমল। শ্লেষ্মা পরীক্ষায় উহাতে টীউবার্কিউল ব্যাসিলাস পাওয়া গিয়াছিল। উত্তাপ ৯৮—১০০ ডিগ্রী। প্রাতঃকালে নাড়ীর গতি ৯৬। এক্স-রে পরীক্ষায়ও যক্ষ্মা নির্ণীত হইয়াছিল।

৩ মাস চিকিৎসায় সর্বসমেত ৫'৫ গ্রাম শ্বানোক্রাইসিন ইঞ্জেকসন দেওয়া হইয়াছিল। চিকিৎসা-কালীন এল্‌ভুমিনিউরিয়া ও ঔদরিক উপসর্গ দেখা গিয়াছিল।

অতঃপর রোগী শ্বানাটোরিয়ামে চলিয়া যায়। কিন্তু সেখানেও বিশেষ কোন ফল হয় নাই। এখনও তাহার সন্ধ্যাকালে ৯৯ ডিগ্রী উত্তাপ হয় এবং নাড়ীর গতি দ্রুত আছে।

**৪নং রোগী।** রোগী জনৈক চিকিৎসক, বয়স ৩১ বৎসর। ইনি ৯ মাস হইতে পীড়িত হইয়া পর্ততোপরি মুক্ত বায়ুতে বাস করিয়াও, কোনই উপকার পান নাই। উত্তাপ প্রাতে: ৯৮' ও সন্ধ্যায় ১০০' ডিগ্রী হইত। রোগীর শরীর হুট পুট। ওজন ১৫৬ পাউণ্ড। দক্ষিণ ফুস্ফুসের তীর্ষাক ও নিম্নদেশ আক্রান্ত হইয়াছিল। প্রত্যহ ৪ আউন্স শ্লেষ্মা নির্গত হইত।

শ্লেষ্মা পরীক্ষায় টীউবার্কিউল ব্যাসিলাস (T. B) পাওয়া গিয়াছিল। এক্স-রে পরীক্ষায়ও “যক্ষ্মা” নির্ণীত হইয়াছিল।

**চিকিৎসা।**—এই রোগীকে ৬ সপ্তাহে ৪'৬৫ গ্রাম শ্বানোক্রাইসিন ইঞ্জেকসন দেওয়া হয়। এল্‌ভুমিনিউরিয়ায় কিছু কষ্ট দিয়াছিল। ১'৫ গ্রামের ১টা ইন্‌জেকসনের পর কিছুদিন ধরিয়া বমন বর্তমান ছিল এবং ইহার ফলে রোগীর দৈহিক ওজন ৮ পাউণ্ড কমিয়া গিয়াছিল। চিকিৎসার শেষভাগে রোগীর দৈহিক লক্ষণের বিশেষ হিতপরিবর্তন ও এক্স-রে পরীক্ষায় অনেক উন্নতি লক্ষিত এবং শ্লেষ্মার পরিমাণ অত্যন্ত হইয়াছিল। এবার শ্লেষ্মা পরীক্ষা করিয়াও, উহাতে যক্ষ্মা-বীজাত (T. B.) পাওয়া যায় নাই। ওজন ১৫০ পাউণ্ড হইয়াছিল। উত্তাপ প্রাতঃকালে ৯৭'৬ ডিগ্রী এবং বৈকালে ৯৯'৪ ডিগ্রী হইত। অতঃপর রোগী সমস্ত গ্রীষ্মকালটা পর্ততোপরি অবস্থান করে। ইহার পর জরীয় উত্তাপ সম্পূর্ণ হ্রাস ও স্বাস্থ্যের বিশেষ উন্নতি এবং রোগী ব্যায়াম করিতে সক্ষম হইয়াছিল।

**৫নং।** রোগী জনৈক যন্ত্রবাদক। বয়স ২৭ বৎসর। এই রোগীটি মাত্র ১মাস হইল পীড়িত হইয়াছে। পীড়িত হইয়াও রোগী নিয়মিত ভাবেই নিজকাৰ্য্য করিত। অতঃপর প্রবল রক্তোৎকাশ উপস্থিত হওয়ায় হাঁসপাতালে ভর্তি হয়। এই সময় উত্তাপ প্রাতে: ৯৯ ডিগ্রী ও বৈকালে ১০২' ডিগ্রী হইত। সাধারণ স্বাস্থ্য ভাল নহে। ওজন ৯৮ পাউণ্ড। উত্তম ফুস্ফুসেরই এপেক্স হইতে নিম্নদেশ পর্য্যন্ত আক্রান্ত হইয়াছিল ও তৎসহ প্লিসি বর্তমান ছিল।

প্রত্যহ প্রায় ৬ আউন্স প্লেগমা নির্গত হইত এবং উহা প্রচুর রক্ত মিশ্রিত ও মিউকো পুরুলেণ্ট ।  
আম্লবীক্ষণিক পরীক্ষায় উহাতে টীউবার্কিউল ব্যাসিলাস পাওয়া গিয়াছিল । এক্স-রে  
পরীক্ষার ফল = ষন্মা ।

এই রোগীকে ২ মাসে ৭টা ইন্জেকসনে ৩ গ্রাম স্যানোক্রাইসিন্ দেওয়া হইয়াছিল ।  
ইহাকে অতি অল্প মাত্রায় স্যানোক্রাইসিন্ দেওয়ার কারণ এই যে, রোগীর জরীয় উত্তাপ  
প্রায়ই ১০৪ ডিগ্রী থাকিত এবং রোগীর অগ্রাণ্ড অবস্থাও বড়ই অন্তঃজনক ছিল । বমন  
ও এল্‌বিউমিনুরিয়া দেখা দিয়াছিল ।

চিকিৎসাকালে রোগীর অবস্থা ক্রমশঃ মন্দতর হইতে থাকে এবং দৈহিক ওজন ১৩ পাউণ্ড  
হ্রাস হইবার পর, স্যানোক্রাইসিন প্রয়োগ বন্ধ করা হয় । রোগীর জরীয় উত্তাপ  
সমানভাবেই বর্দ্ধিত অবস্থায় ছিল এবং ৫ সপ্তাহ পরে দৈহিক ওজন আরও ১২ পাউণ্ড  
হ্রাস হইয়া রোগী মৃত্যুমুখে পতিত হয় ।

এই রোগীটি গ্যালোপিং ব্রংকো-নিউমোনিক ষন্মায় আক্রান্ত হইয়াছিল এবং সেই  
জন্মই স্যানোক্রাইসিন দ্বারা কোনও উপকার হয় নাই ।


উপরিউক্ত পরীক্ষিত রোগীগুলির মধ্যে নানাবিধ শ্রেনীর ষন্মা থাকায়, স্যানোক্রাইসিনের  
উপকারিতা সম্বন্ধে বিশেষ কিছু বলা কঠিন হইলেও, উক্ত পরীক্ষা হইতে সহজেই বুঝা যায়  
যে, রোগীর সাধারণ স্বাস্থ্য রোগের সহিত যুদ্ধ করিবার মত অল্পকূলে থাকিলে এবং  
ফাইব্রয়েড শ্রেনীর ষন্মার প্রাথমিক অবস্থায় স্যানোক্রাইসিন্ অব্যর্থ । তবে ইহা এখনও  
পরীক্ষা ও গবেষণা সাপেক্ষ ।

৫নং রোগীটির গ্যালোপিং থাইসিস্ হইয়াছিল বলিয়া কোনই ফল হয় নাই ।

৬নং রোগীটির সাধারণ স্বাস্থ্য—রোগ-বীজের সহিত যুদ্ধের প্রতিকূলে ছিল এবং পীড়া  
অত্যন্ত বৃদ্ধি প্রাপ্ত হইয়াছিল, সুতরাং স্যানোক্রাইসিন দ্বারা বিশেষ ফল হয় নাই ।

১নং, ২নং ও ৪নং রোগীদের উপরেই স্যানোক্রাইসিন বিশেষ উপকার দর্শাইয়াছে ।  
কারণ, ইহাদের জীবনী শক্তি একেবারে নষ্ট হইয়া যায় নাই । এই শ্রেনীর ষন্মায়  
স্যানোক্রাইসিন অব্যর্থ ঔষধ” ।

স্যানোক্রাইসিন সম্বন্ধে আজ পর্য্যন্ত যাহা কিছু বিদিত হওয়া গিয়াছে, তদসমুদয়ই উল্লিখিত  
হইল । যদি কেহ স্যানোক্রাইসিন দ্বারা কোনও ষন্মা রোগীর চিকিৎসা করেন, তাহা হইলে  
তিনি তাহার চিকিৎসিত রোগীর বিবরণ “ চিকিৎসা প্রকাশে ” প্রকাশ করিলে বিশেষ  
বাধিত হইব ।



## বাইওকেমিক ঔষধের সাধারণ শক্তি নির্বাচন।

লেখিকা শ্রী মতী সত্যিকা দাশ L. M. P.

বাইওকেমিক ও হোমিওপ্যাথিক মেডি ডাক্তার

( পূর্বে প্রকাশিত ১ম সংখ্যার ( বৈশাখ ) ৪৪ পৃষ্ঠার পর হইতে )



### ১০। নেট্রাম ফস্ফরিকাম্ (Natrum Phos)—

ক্রিমি রোগে ২x বা ৩x চূর্ণ প্রশস্ত। তড়িৎ ৬x বা ৩x চূর্ণ প্রশস্ত।

তরুণ অন্ন পীড়ায়—৩x

ক্ষুধা বৃদ্ধি জন্তু—১২x ও ৩০x

শুকু তারল্যে—৬০x

শিশুদের অন্ন দান্ত ও অন্ন বেশী হইলে ৩x

জন্ম প্রসূত শিশুর চক্ষু প্রদাহে—১২x

ক্রফুলা জনিত চক্ষু প্রদাহ—২০০x

তরুণ প্রমেহ—৬x

পুরাতন প্রমেহ—১০০x, ২০০x

চক্ষুর পিচুটী—৬x

ছোট বালকদিগের কোষ্ঠবদ্ধ পীড়ায় ১xক্রম চূর্ণ, আহার্য্য বস্তুসহ চিবাইয়া সেবনে

উপকার হয়।

উচ্চক্রম সকল ও পুরাতন পীড়ায় উপকারী।

গাণ্ডমালা, টাউবার্কল পীড়া ইত্যাদিতে উচ্চক্রম গারা বিশেষ ফল পাওয়া যায়।

ক্রিমিজন্ম (মৃত্তা ক্রিমি) আভ্যন্তরীণ ব্যবহার সময়ে জৈব উষ্ণ জলসহ মিশ্রিত করিয়া

(১x—৩x)—পিচকারী সাহায্যে মলদ্বার মধ্যে প্রয়োগ করা উচিত।

ছোট সাদা ক্রিমিতে নেট্রাম ফস্ফসহ কেলি মিউর অথবা নেট্রাম মিউর ১x ব্যবহার বেশ ভাল।

১১। নেট্রাম সাল্ফিউরিকাম্ (Natrium Sulph)

সীস শূল পীড়ায়—১x, ২x, ২x কখনও ২০০x ।

তরুণ ও কঠিন প্রকারের সবিরাম জ্বর বা তৎসহ পিত্তাদি বমন জন্ম—:x, ৩x, ৬x চূর্ণ উপযোগী ।

পুরাতন জ্বর, শোথ, পুরাতন উদরাময়ে—৩০x ।

অনেক সময়ে—৬০x, ১০০x, ২০০x চূর্ণও ব্যবহার হয় । শ্বাসকাস আরোগ্যার্থ—১২x ।

পিত্তাধিক্য জন্ম—৬x ।

কনকসন অব্দি রেণ—৬x ।

কাশি—১২x ।

পুরাতন উদরাময়ে—১২x

গাউট.—৬x

তরুণ একজমা—৬x, ১২x ।

পুরাতন—২০০x ।

ডাঃ সুল্লার ও ডাঃ গ্রাভোগাল ইহার নিম্নক্রম ব্যবহারের পরুপাতী । কিন্তু পরীক্ষা দ্বারা দেখা গিয়াছে যে, নিম্নক্রম দ্বারা উপকার না হইলে, উচ্চক্রম দ্বারা বিশেষ ফল পাওয়া যায় ।

ম্যালেরিয়া ঘটীত রক্তামাশয় রোগীতে এক মাত্রা ২০০x দিয়াই উপকার পাওয়া গিয়াছে । আবার একটা স্মৃতিকার উদরাময়ে ১ মাত্রা ৩x দেওয়ার উপকার পাওয়া গিয়াছিল ।

তরুণ ম্যালেরিয়া জ্বরে নিম্নক্রম দ্বারা ফল না হইলে ২০০x দ্বারা অতি সুন্দর ফল পাওয়া যায় ।

সবিরাম জ্বরে ১x, ৩x, ৬x, ৩০x, ২০০x সকল ক্রমই দরকার হয় ।

পুরাতন প্রমেহ পীড়ায় যখন গাঢ় হরিদ্রাভ বা সবুজাভ হরিদ্রা বর্ণ স্রাব নিঃসৃত হয়— তৎসহ জালা থাকুক আর নাই থাকুক—কেহ কেহ নিম্নক্রম (৩x) প্রত্যেক ঘণ্টায় দিতে বলেন । নিম্নক্রমে উপকার না হইলে উচ্চক্রম সকল ব্যবহারে করিবে ।

অবসাদন জন্ম উৎপন্ন অতিশয় কঠিন শ্বাসকাস পীড়ায় ২০০x ব্যবহারে সুন্দর উপকার হয় । বসন্তের প্রকোপকালীন—প্রাতে: ৩x, ১ মাত্রা করিয়া ব্যবহারে এই পীড়ার হাত হইতে পরিত্রাণ পাওয়া যায় । এইরূপে কলেরা ও বেরিবেরির সময়েও উপকার পাওয়া যায় । ম্যালেরিয়াতেও ইহা উত্তম প্রতিষেধক ।

১২। সাইলিসিয়া (Silicia) । ডাক্তার শুশলার ১২x চূর্ণ ব্যবহার করিতে উপদেশ দেন । ৬x চূর্ণও কখনও কখনও ব্যবহৃত হয় ।

গুমোৎপত্তি জন্ম—৬x

জ্যেষ্ঠ - ৬

পুয়: হইবার পর—১২x, ২৪x, ৩০x চূর্ণ ভাল। আমরা সাধারণত: ৩০x চূর্ণই ব্যবহার করিয়া থাকি।

পুরাতন পীড়াদিতে—৬০x, ২০০x, ১০০x, কখনও কখনও তদপেক্ষাও উচ্চক্রম ব্যবহার হয়।

মস্তিষ্ক শূন্যতা—১২x

চক্ষু পীড়ায়—১২x,

ঐ পুরাতন হইলে - ২৪x,

নার্ভাস্‌নেস্ ১২x, ২৪x,

এপেপ্লেসী—৩০x

জল পূর্ণ অর্কুদ—২০০x ও উচ্চক্রম।

যক্ষ্মা—৩০x, ২০০x।

ক্ষতাদি পীড়ায় সাইলিসিয়ার ক্রিয়া দেখিয়া আশ্চর্য্য হইতে হয়। ৬x—৩০x পর্য্যন্ত ব্যবহার্য্য। তদধিক ক্রমও আবশ্যিক হইতে পারে।

ইনফ্লুয়েঞ্জার পর ক্ষিপ্ততায়—৩০x।

কোষ্ঠবদ্ধ—৩০x নেট্রাম মিউর সহ ইহার ৩০x ব্যবহারে আশাতীত ফল পাওয়া যায়। ২ গ্রেণ মাত্রায় প্রত্যহ ২ বার সেব্য।

ডাক্তার সামন্ত তাঁহার পুস্তকে লিখিয়াছেন :—

“একটি রোগিনী, বয়স ৫০ বৎসর, কৃষ্ণবর্ণ ও কৃশা। ইহার কাণের অভ্যন্তরে প্রদাহের পর তথায় পুয়োৎপত্তিসহ অতিশয় কোষ্ঠবদ্ধ হইয়াছিল, তৎসহ কাণে অতিশয় কষ্ট ও তীক্ষ্ণ বেদনা ছিল। এ্যালোপ্যাথিক মতে অনেক চিকিৎসার পর আমার চিকিৎসাধীন হওয়ায়, তাহাকে নেট্রাম মিউর ৬০x ও সাইলিসিয়া ৩০x সেবন করিতে দেওয়ায় কোষ্ঠবদ্ধ আরোগ্য হয়। কাণের বেদনা জন্ম কেলি ফসাদি দেওয়া হইয়াছিল।”

## রিকেটস্ Rickets

ডাঃ শ্রীমন্তেন্দ্রকুমার দাশ M. D. (M. M. C. H.)

—••••—

কিছুদিন আগে একটি হিষ্টিরিয়াক্রান্ত রোগিনীকে চিকিৎসা করিবার জন্ম আহত হই। এই পরিবারের কর্তা একদিন দুঃখ প্রকাশ করিয়া বলেন যে, তাঁহার দুইটা বমজ সন্তান আছে—একটি বালক, অন্যটি বালিকা। তাহারা জন্মাবধিই এত দুর্বল যে, এক্ষণে তাহাদের বয়স প্রায় দুই বৎসরের অধিক হইলেও, তাহারা হাঁটিতে একেবারে অক্ষম। স্থানীয়



চিকিৎসকগণ কর্তৃক যথেষ্ট চিকিৎসা করান হইয়াছে, কিন্তু কোনও ফল হয় নাই। তাঁহারা বলিয়াছেন যে, এ রোগ আরোগ্য হইতে পারে না।

সন্তান ২টির এবিধ অবস্থা শ্রবনে আমি শিশু হইটাকে আনিতে বলিলাম। উহাদিগকে পরীক্ষা করিয়া বুঝিলাম যে, উভয় শিশুই “রিকেট্” পীড়ায় ভুগিতেছে এবং হাঁটিতে পারা তো দূরের কথা—কথা বলিতে পর্য্যন্তও তাহারা অক্ষম। পিতা ও মাতা উভয়েরই স্বাস্থ্য বেশ ভাল ও তাহারা ছুটপুট। ইহাদের উপদংশের কোনও ইতিহাস নাই। যাহা হউক, উভয় শিশুকেই আমি বাইওকেমিক মতে চিকিৎসা করিবার জন্য দৃঢ় সঙ্কল্প হইয়া নিম্নলিখিত ব্যবস্থা করিলাম। বধা:—

(১) Re

ক্যালকেরিয়া ফস ৬x	...	১/২ গ্রেণ।
কেলি ফস ৬x	...	১/২ গ্রেণ।
ক্যালকেরিয়া ক্লোর ৬x	...	১/২ গ্রেণ।

একত্রে ১ মাত্রা। প্রত্যহ ৩ মাত্রা সেব্য।

(২) Re

ডিজেন্স পিত্তর কডলিতার অয়েল—১ বোতল।

বেলা ১০।১১টার সময়ে শিশুদ্বয়কে রোদ্রে বসাইয়া, উত্তমরূপে মেরুদণ্ড ও হস্তপদে এই তৈল মালিশ করিয়া, কিছুক্ষণ উত্তমরূপে রোদ্রের তাপ সেবন করাইতে উপদেশ দিলাম এবং প্রত্যহ ঈষৎক্ষণ জলে স্নান করাইতে বলিলাম।

পথ্যার্থ—বিভিন্ন দুগ্ধসহ কিঞ্চিৎ জল মিশ্রিত করিয়া ফুটাইয়া লইয়া, দিবসে ৪।৫ বার পান করাইতে বলা হইল। এই দুগ্ধে প্রত্যেকবারে ৪ ড্রাম দুগ্ধ শর্করা ও চিনি মিশ্রিত করিবে। বিলাতী বেগুন ও কাঁচা শাক-শর্কী সিদ্ধ করিয়া তাহার ‘সুপ’ ছাঁকিয়া লইয়া, চিনি ও লবণ মিশ্রিত করিয়া দিবসে ১ বার পান করাইতে এবং লেবু সহযোগে দুগ্ধ ছানা করিয়া—সেই ছানার জল দিবসে ২।১ বার পান করাইতে বলিলাম।

এইরূপ চিকিৎসায় আড়াই মাস মধ্যে বালকটি হাঁটিতে সক্ষম হইয়াছিল। এক্ষণে তাহাকে কেবলমাত্র ক্যালকেরিয়া ফস ৩০x দেওয়া হইতেছে।

বালিকাটি এখনও চিকিৎসাধীনে আছে। তাহার উপকার এখনও ভাল বুঝা যাইতেছে না।



## হোমিওপ্যাথিক অংশ।

২০শ বর্ষ। } ১৩৩৪ সাল—জ্যৈষ্ঠ। } ২য় সংখ্যা।

### হোমিওপ্যাথিক ঔষধের সংমিশ্রিত শক্তি।

লেখক ডাঃ শ্রীনরেন্দ্রকুমার দাশ M. D. (M. H. M. C.)  
M. C. P & S. M. R. I. P. II. (Eng) ভিষগরত্ন।

(পূর্বে প্রকাশিত ১ম সংখ্যার (বৈশাখ) ৫২ পৃষ্ঠার পর হইতে)

\*\*\*

আমার বিশেষ অনুরোধ—বিচক্ষণ ও প্রবীণ হোমিওপ্যাথিক চিকিৎসকগণ অনুগ্রহ করিয়া এইরূপ মিশ্রিত ঔষধ ব্যবহার করতঃ, তাহার ফলাফল প্রকাশ করিয়া আমাদের কৌতুহল নিবারিত করিবেন। অবশ্য ইহাতে তাঁহাদের একটু উদার মতাবলম্বী হইতে হইবে ও প্রাচীন প্রথার দোহাই দেওয়াটাও একটু ত্যাগ করিতে হইবে। চলিত কথায় যাহাকে “গোঁড়ামি” বলে, তাহা একটু হাস করিতে হইবে। এই মিশ্রণ প্রণালী যখন একেবারেই হোমিওপ্যাথিক বিজ্ঞান অননুমোদিত নহে, তখন পরীক্ষা করিয়া দেখিতে দোষ কি? হয়ত এইরূপ পরীক্ষার ফলে, আমরাও একটা কিছু অভিনব আবিষ্কার করিতে সক্ষম হইতে পারি।

আমি নিজে এ বিষয়ে বিশেষ গবেষণা ও পরীক্ষা করিয়া বিশেষ উপকার পাইয়াছি বলিয়াই, সাহস করিয়া আজ ইহা সর্ব সমক্ষে প্রকাশ করিতে এবং এ বিষয়ে সকলকেই পরীক্ষা করিয়া দেখিবার জন্য অনুরোধ করিতেছি।

অনেকগুলি রোগী আমি এই প্রণালীতে চিকিৎসা করিয়াছি। যথাক্রমে তদসমূহের চিকিৎসা বিবরণ উল্লেখ করিব।

১ম রোগী—আমার সহধর্মিণী হঠাৎ একদিন সন্ধ্যাকালে ১টা দাঁতের যন্ত্রণায় কাতর হইয়া পড়িলেন। তাঁহার দস্তকয় বা মাড়ীর কোনওরূপ পীড়া বা ক্ষীতি ছিল না। যন্ত্রণায় আহার পর্য্যন্ত করিতে পারিলেন না এবং চক্ষুদিয়া অশ্রুধারা প্রবাহিত হইতে লাগিল। পোড়ার কারণ নির্ণয় করিতে পারিলাম না, তবে যন্ত্রণার প্রকৃতি দেখিয়া মনে হইল—ইহা ‘নিউর্যালজিক্’বেদনা। যাহা হউক, প্রথমতঃ ১ ফোঁটা বেলেডোনা ৬, দিলাম। ১৫ মিনিট পরে পুনরায় উহা আর ১ মাত্রা প্রয়োগ করিলাম, কিন্তু কোনও ফল হইল না। অতঃপর ক্যামোমিলা ৬, ১ ফোঁটা ২ মাত্রা দিলাম। ইহাতেও কোনও ফল হইল না। রোগিণী যন্ত্রণায় অত্যন্ত কাতরাইতেছেন, ইচ্ছা হইল—১টা মফিয়া ইঞ্জেকশন দিয়া যন্ত্রণার লাঘব করি। হঠাৎ এই সময়ে হোমিওপ্যাথিক ঔষধের মিশ্র শক্তির গবেষণার কথা মনে পড়ায়, উহার কার্যকরী শক্তি পরীক্ষা করিবার ইচ্ছায়, ক্যামোমিলা ৬, ও বেলেডোনা ৬, ১ ফোঁটা করিয়া একত্রে মিশ্রিত করতঃ, কিঞ্চিৎ জল সহ ১ মাত্রা দিলাম। আশ্চর্যের বিষয়—১০ মিনিট মধ্যেই যন্ত্রণার নিবৃত্তি হইল এবং রোগিণী নিদ্রিতা হইলেন। পরদিন প্রত্যুষে পুনরায় যন্ত্রণাবোধ করিবামাত্রই উল্লিখিতরূপে ক্যামোমিলা ও বেলেডোনা একত্র দেওয়ার, তৎক্ষণাৎ যন্ত্রণার নিবৃত্তি ও পুনরাক্রমণ স্থগিত হইল।


২য় রোগী—কাঁকিনা রাজা বাহাদুরের দ্বিতীয় রাজকন্যায় পুত্র—বয়স ৪।৫ বৎসর। দস্তকয় জগ্ৰ অত্যন্ত যন্ত্রণায় কাতর হইয়া আমার চিকিৎসাধীনে আসেন। আমি তাহাকে নিম্নলিখিত ব্যবস্থা করি। যথা -

Re.

বেলেডোনা-৬	...	৩ ফোঁটা।
ক্যামোমিলা-৬	...	৩ ফোঁটা।
মার্ক সল-৬	...	৩ ফোঁটা।
সুগার অব মিল্ক	...	১৫ গ্রেণ।

একত্রে মিশ্রিত করিয়া ৬টা পুরিয়ায় বিভক্ত করতঃ, প্রতি পুরিয়া ১০।১৫ মিনিট অন্তর সেবনের ব্যবস্থা দিলাম। ২টা পুরিয়া ব্যবহারের পরেই যন্ত্রণার নিবৃত্তি হইল। ৩ টার বেশী পুরিয়া সেবন করিতে হয় নাই।

(ক্রমশঃ)



## বিবিধ রোগের প্রত্যক্ষ ফলপ্রদ ঔষধ।

লেখক—ডঃ শ্রীপ্রভাসচন্দ্র বন্দ্যোপাধ্যায়।

হোমিওপ্যাথিক চিকিৎসক। মহানাড—হুগলী।

( পূর্বে প্রকাশিত ১ম সংখ্যার ( বৈশাখ ) ৫১ পৃষ্ঠার পর হইতে )

—:~:~:~:—

### (২৬) আনুনাশিক বাক্যে—স্যাঙ্কুইনেরিয়া।

নাসিকার পিনাস বা ওজিনা এবং পলিপাস্ প্রভৃতি রোগে, কখন কখন রোগীর কথা আনুনাশিক অর্থাৎ খনা হইয়া যায় - রোগী নাসিকা যোগে কথা কহিয়া থাকে। এইরূপ হইলে স্যাঙ্কুইনেরিয়ার ন্যায় উপকারী ঔষধ আর নাই।

বর্তমান জেলার খণ্ডঘোষ গ্রামের জৈনিক বালকের বয়স যখন ৫/৬ বৎসর, তখন তাহার নাসিকার কোন রোগ হয় এবং কথা খনা হইয়া যায়। তথাকার চিকিৎসকগণ বলেন -“হয়ত তাহার নাকের উপস্থি নষ্ট হইয়া গিয়াছে”। নানারূপ চিকিৎসায় কোন উপকার হয় নাই। বালকটির পিতা তখন মহানাডের পোষ্ট মাষ্টার ছিলেন। তিনি আমাকে তাহার পুত্রের ঐ প্রকার অবস্থা জানাইলে, আমি তাঁহাকে সুগার অব মিক্‌স সহ স্যাঙ্কুইনেরিয়া ৩০, কয়েক মাত্রা প্রস্তুত করিয়া দিই। তিনি ঐ ঔষধ বাড়ীতে তাঁহার স্ত্রীর নিকটে পাঠাইয়া, পুত্রকে সেবন করিতে লিখিয়া দেন। কয়েকদিন পরে সংবাদ পাইলাম যে, ঐ ঔষধেই ২/৩ দিনের মধ্যে, বালকটির যে রোগই হইয়া থাকুক—সেই রোগ ও খনা বাক্য আরোগ্য হইয়াছে। তখন গ্রামের লোকে তাহাকে ঐরূপ পূর্বের ন্যায় স্বাভাবিক স্বরে কথা কহিতে দেখিয়া সবিস্ময়ে জিজ্ঞাসা করিয়াছিল—“কে তোমাকে ভাল করিল?” বালক সানন্দে বলিয়াছিল—“আমার মায়ের কাছেই ঔষধ ছিল, সেই ঔষধ খাইয়া ভাল হইয়াছি।

### (২৭) ডিপ্‌থিরিয়ায় বেলেডোনা।

ডিপ্‌থিরিয়া অতি কঠিন ও সংক্রামক গলরোগ। রোগীর নিশ্বাস প্রশ্বাস বায়ু, বস্ত্র এবং ভুক্তাবশিষ্ট ছফাদি হইতে এই রোগের বিষ দেহান্তরে যাইতে পারে। স্ত্রী পুরুষ নির্কিংশে ও সকল বয়সে এই রোগের আক্রমণ হয় এবং ইহাতে মৃত্যু সংখ্যাও অত্যন্ত অধিক। এই রোগ যেমন কঠিন ও ইহাতে যে রূপ নানা প্রকার উপসর্গ উপস্থিত হয়, হোমিওপ্যাথিক চিকিৎসায় তেমনই ইহার অসংখ্য ঔষধও আছে। অন্যান্য মতে চিকিৎসা অপেক্ষা হোমিওপ্যাথিক চিকিৎসায় অধিক ফল দর্শে, বিশেষতঃ সুনির্বাচিত ঔষধে অতি সস্তর রোগী আরোগ্য লাভ করে। ডিপ্‌থিরিয়া রোগের প্রথমাবস্থায় হঠাৎ রোগাক্রমণ ও দম বন্ধের মত হইলে, গলার ভিতরে অত্যন্ত গুরু ও রক্তবর্ণ এবং ছফাদি তরল খাণ্ড গিলিতে কষ্ট থাকিলে, গলার বহির্দেশ ক্ষীত ও অত্যন্ত অর, চক্ষু রক্তবর্ণ,

নিদ্রালুতা অথচ নিদ্রা হয় না, এই সকল লক্ষণে বেলেডোনা প্রয়োগ করিলে, এই সকল উপসর্গ সহ ডিপ্‌থিরিয়া পীড়া অতি সত্ত্বর অন্তর্হিত হয় ।

গত ১৩২৯ সালের ১১ই জ্যৈষ্ঠ বৃষ্টির দিন ভবানীপুর গ্রামে নিবারণ চন্দ্র দাস হঠাৎ প্রবল জ্বর ও গলায় বেদনা সহ শয্যাগত এবং কথা কহিতে অসমর্থ হইয়া পড়ে । নিকটস্থ একজন চিকিৎসক আসিয়া, তাহার ডিপ্‌থিরিয়া হইয়াছে বলিয়া যান । ক্রমে নিবারণের পীড়া অধিক কষ্টদায়ক হয়, কিছুই গলাধঃকরণ করিতে পারে না এবং দম বন্ধপ্রায় হইতে থাকে । তখন সূচিকিৎসক পাইবার জন্য ভাস্তাড়া গ্রামে লোক পাঠান হয়, কিন্তু ছুরোগ বলিয়াই হউক, অথবা সাংঘাতিক ডিপ্‌থিরিয়া রোগ বলিয়াই হউক, চিকিৎসক আসিতে সক্ষম হইলেন নাই । অনন্তর নিরুপায় হইয়া তাহারা আমাকে আহ্বান করেন । সে সময়ে ঘরের বাহির হওয়া একেবারেই দুঃসাধ্য, কিন্তু বিপদে পড়িলে সকল বাধাই অতিক্রম করিতে হয় । যাহা হউক, অতিকষ্টে রাত্রি ১২।০ টার সময় রোগীর নিকট উপস্থিত হইলাম । দেখিলাম—রোগী নিদ্রিতের ন্যায় পড়িয়া আছে, কিন্তু নিদ্রিত নহে, কথা কহিতে পারে না । অল্প কিছুই খাইতে পারে নাই, জ্বর ১০৩ ডিগ্রী । রাত্রি বলিয়া গলার অভ্যন্তর ভালরূপে পরীক্ষা করিবার সুবিধা হইল না কিন্তু চক্ষু দুইটা রক্তবর্ণ এবং গলার বহির্দেশ অল্প ক্ষীণ দেখিয়াই বেলেডোনা তাহার উপযুক্ত ঔষধ বলিয়া আমার ধারণা হইল এবং এই ধারণানুযায়ী বেলেডোনা ত্রয় শক্তি ও মাত্রা, এক ঘণ্টা অন্তর ব্যবস্থা করিলাম । ৩ মাত্রা সেবনের পরেই রোগী সুস্থতা অনুভব করিল । রোগীর ক্ষুধা বোধ হওয়ায়, রাত্রি ৫ টার সময় অল্প গরম দুধ খানিকটা খাইতে দেওয়া হইল, রোগী তাহা আগ্রহ পূর্বক বিনাকষ্টেই খাইতে সক্ষম হইল । তখন তাহার গাত্রোত্তাপ ৯৯। ডিগ্রীতে নামিয়া গিয়াছে । রোগীর এইরূপ অবস্থা দেখিয়া সকলেই যারপরনাই আনন্দিত হইল । সেদিন ও পরদিন এক বেলার জন্য ৮ মাত্রা বেলেডোনা দিয়া, আমরা ৫। টার ট্রেনে ফিরিয়া আসিলাম ।

পরদিন ১১টার ট্রেনে যাইয়া দেখি—রোগী সম্পূর্ণ সুস্থ, তাহার কথা কহিতে বা খাইতে কোন কষ্ট নাই । রোগমুক্ত হইয়া সে সহাস্যে আমাকে বিদায় দিল, আমিও পরিশ্রম সফল হইয়াছে দেখিয়া সানন্দে বাড়ী আসিলাম ।

### (২৮) ভেদ বমনে ভাত—পালুসেটিলা ।

সাধারণতঃ ভেদ বমন হইতে থাকিলেই লোকের ভয় হয় । ঐ সঙ্গে যদি প্রস্রাব বন্ধ হয়, পিপাসা হয়, নাড়ী ক্ষীণ বা লোপ হয়, তাহা হইলে মহাভয় উপস্থিত হইয়া থাকে । ইহার উপর যদি চক্ষু বসিয়া যায়, হাত পা হিম হয়, হাতে পায়ে ঝিঁঝি ধরে কিম্বা পেটে ও হস্ত পদাদিতে খাল ধরে, তাহা হইলে আর সন্দেহ থাকে না, তখন সাক্ষাৎ “ওলাবিবি”র আবির্ভাব বা কলেরা হইয়াছে বলিয়া সকলের ধারণা হয় । যে স্থানে কলেরা হয়, তথাকার লোকে “কখন কাহার কি ঘটে” ভাবিয়া অত্যন্ত ভীত হয়, তাহাদের বিত্ত মুখমণ্ডলে ও



বাক্যে ভীতির লক্ষণ সুস্পষ্ট প্রকাশিত থাকে । বাস্তবিক আণু প্রাণনাশক অনেক ব্যাধি থাকিলেও, কলেরার ঞায় ভয়ানক রোগ আর নাই ।

কোন কোন চিকিৎসকও ভয় প্রযুক্ত কলেরা রোগী দেখেন না । আমি জানি— পোলবা গ্রামে ভগবতী বাবু নামে একজন সুবিখ্যাত এলোপ্যাথিক চিকিৎসক ছিলেন, তিনি কখনও কলেরা রোগী দেখিতে যাইতেন না । এক সময় সংগ্রামপুরে ভগবতী বাবু একটা রোগী দেখিতে গিয়াছেন, সেই সময়ে সেই গ্রামে সুপ্রসিদ্ধ হোমিওপ্যাথিক চিকিৎসক ডাঃ মহেন্দ্র বাবুও অল্প একটা রোগী দেখিতে আসিয়াছেন । ডাঃ ভগবতী বাবুর সন্মতিক্রমে তাঁহারা মহেন্দ্র বাবুকে লইয়া আসেন । ভগবতী বাবু রোগীর নিকটে বসিয়া রোগী দেখিতেছেন, এমন সময়ে মহেন্দ্র বাবু আসায় তিনি মহেন্দ্র বাবুকে রোগী দেখিতে আহ্বান করিলেন । মহেন্দ্র বাবু বলিলেন—“আপনি দেখিতেছেন, আমি আর অধিক কি দেখিব, রোগীর শু কলেরা হইয়াছে ।”

ভগবতী বাবু তখন সবিস্ময়ে বলিলেন—“কই যোগীর ত বাহ্যে হয় নাই ?”

মহেন্দ্র বাবু বলিলেন - “ড্রাই কলেরা, রোগীর চক্ষু বসিয়া গিয়াছে দেখিতেছেন না ?”

ভগবতী বাবু “তাইত” বলিয়া তৎক্ষণাৎ গাত্রোথান পূর্বক ৮।১০ হাত দূরে গিয়া দাঁড়াইলেন ও তাঁহাকে বলিলেন “আপনিই দেখুন, আপনিই দেখুন, এ রোগী আপনার ।” তারপর গৃহস্থকে বলিলেন “তোমরা মহেন্দ্র বাবুকে দেখাও, আমার ভিজিট দাও আর না দাও, পাকী ভাড়াটা দাও ।” এই কথা বলিতে বলিতে পাকীতে গিয়া বসিলেন ।

সকল চিকিৎসকই একবাক্যে স্বীকার করেন যে, ওলাউঠার ভেদ ও বমন কোনও প্রকারে হস্তাদি সংস্পর্শে উদরস্থ হইলেই ভয়ের কথা, নচেৎ কোন ভয় নাই ।

কলেরার চিকিৎসায় হোমিওপ্যাথির আসন অতি উচ্চে । কলেরা রোগে হোমিওপ্যাথিক ঔষধে সর্বাপেক্ষা অধিক সফল হয় বলিয়াই, হোমিওপ্যাথির প্রচার অতি সহজে হইয়াছিল । স্বনামখ্যাত ডাক্তার মহেন্দ্রলাল সরকার আর্সেনিক ও ভিরেট্রামকে ইহার প্রধান ঔষধ বলিয়া গিয়াছেন । তাঁহার নির্দেশানুসারে অনেক চিকিৎসক ঐ দুইটা ঔষধের উপরেই অনেক সময় নির্ভর করিয়া থাকেন । কিন্তু এই ভয়াবহ রোগে দুই একটা ঔষধ ঠিক করিয়া দেওয়া যায় না, যথালক্ষণে ঔষধ নির্বাচন করিতে পারিলেই ভাল হয় । তবে ইহা ঠিক যে, কলেরার এপিডেমিকের সময় যে গ্রামের একটা রোগী, যে ঔষধে ভাল হয়, অগ্ণাৎ রোগীও সেই ঔষধে ভাল হইতে দেখা যায় । কিন্তু কোনও বিশেষ লক্ষণ ( peculiar symptom ) দ্বারা এমন ঔষধও স্থির করা যাইতে পারে—যাহা নিঃসন্দেহে প্রয়োগ করা যায় । কলেরাই হউক, আর উদরাময়ই হউক, ভেদ বমনে যদি ভাত নির্গত হয়, তবে পালসেটলা তাহার অমৌষ ঔষধ ।

১৩২৮ সালের ১৫ই ভাদ্র পেকেড়া গ্রামে অক্ষয়কুমার দে কলেরা রোগাক্রান্ত হয় । আমি যাইয়া দেখি—তাঁহার জলবৎ ভেদ ও বমন সহ কেবল ভাত নির্গত হইতেছে । সে যে



পাল্‌সেটিলার রোগী, তখনই তাহা বুঝিতে পারিলাম। ঘণ্টায় ৫৬ বার ভেদ ও বমন হইতেছে, নাড়ী ক্ষীণ হইয়া গিয়াছে, পেটের যাতনা ও পিপাসা আছে, এই সকল লক্ষণ কেবল তাহাদের মনস্ত্বষ্টির জন্ত শ্রবণ ও দর্শন করিলাম, কিন্তু রোগীর ভেদ বমনে ভাত দেখিবার মাত্র, উহার ঔষধ যে ঐ “পাল্‌সেটিলা” পূর্বেই তাহা নির্দেশিত হইয়াছিল। আমি একমাত্র “পাল্‌সিটিলা” ৩০, তখনই খাইতে দিলাম এবং আর কয়েক মাত্রা পাল্‌সেটিলা দিয়া কার্য শেষ পূর্বক প্রত্যাবর্তন করিব ভাবিতোছি, এমন সময় ২৩ জন লোক একটু অন্তরালে পরামর্শ করিয়া আমার নিকটে আসিল ও রোগীর যত্ন, ভেদ বমন বন্ধ না হয়, ততক্ষণ আমাকে তথায় থাকিবার জন্য প্রস্তাব করিল। আমি মনে মনে বুঝিলাম—এই রোগীতে অন্য ঔষধ নির্বাচন করিবার জন্য কিছুই পরিশ্রম করিতে হইবে না, কেবল আমাকে কিছু বেশী টাকা দিবার জন্য ভগবান ইহাদিগকে উদ্ধৃত্ত করিতেছেন। আমি তাহাদের সকল প্রস্তাবে সন্মত হইলাম। আধ ঘণ্টা অন্তর পাল্‌সেটিলা দেওয়া হইতে লাগিল এবং রোগীর নিকটে কথাবার্তা বা গোলমাল করিতে নিষেধ করিয়া দিলাম। পূর্বাপেক্ষা দীর্ঘ সময় অন্তর আরও কয়েকবার ভেদ, বমন হইল বটে, কিন্তু ২১ ঘণ্টা পরে রোগী নিদ্রিত হইয়া পড়িল ও ক্রমে নাক ডাকিতে লাগিল। রোগী তখন গভীর নিদ্রায় অভিভূত হওয়ায়, তাহারা আমাকে প্রত্যাগমন করিতে বাধা দিল না। কেহ রোগীর নিদ্রা ভঙ্গ করিও না বলিয়া, আমি বিদায় গ্রহণ করিলাম।

পরদিন যাইয়া শুনিলাম—রোগী ৫ ঘণ্টা নিদ্রা গিয়াছিল এবং গত কল্যা আর ভেদ, বমন হয় নাই। অল্প প্রাতে: একবার অপেক্ষাকৃত স্বাভাবিক বাহ্যে হইয়াছে। অল্প কোন উপসর্গ বা অসুস্থতা নাই।

অনেক রোগীতে দেখিতে পাওয়া যায় যে, ২৪ মাত্রা পাল্‌সেটিলা সেবনের পরেই রোগী ঘুমাইয়া পড়ে এবং নিদ্রিত হইলে রোগীর আর কোন অসুখ থাকে না। সকল যাতনাদি বিদূরিত করিয়া নিদ্রিত করা, পাল্‌সেটিলার একটা স্বধর্ম। আমি অনেক স্থলে পাল্‌সেটিলার রোগীতে বলিয়া দিই—“বোধ হয় ২৩ বার ঔষধ খাওয়ার পরই রোগী ঘুমাইয়া পড়িবে, কেহ রোগীর নিকটে গোলমাল করিও না।”

### (২৯) পেরিঅষ্টাইটিসে—রুটা ।

অস্থি আবরক ঝিল্লী বা পর্দাকে পেরিঅষ্টাইটিস্ বলে। ঐ পেরিঅষ্টাইটিসের প্রদাহ হইলে তাহাকে পেরিঅষ্টাইটিস্ বলা যায়। আঘাতাদি লাগা, অস্ত্রাদির খোঁচা বা চোট লাগা প্রভৃতি কারণে পেরিঅষ্টাইটিস হইয়া থাকে। আঘাত লাগিয়া পেরিঅষ্টাইটিসেরই প্রদাহ হউক, অথবা অস্থিরই প্রদাহ হউক, কিম্বা মোচড়াইয়া গিয়া হাড়ে বেদনা হউক, রুটা-গ্র্যাভিওলেম্‌স্ তাহাতে উৎকৃষ্ট কার্যকরী। সচরাচর আঘাতাদিতে আর্নিকা নির্দেশিত হয় এবং উপকার না পাইলে, অনেকে আর্নিকারই শক্তি পরিবর্তন করিতে থাকেন। কিন্তু তাহা ঠিক নহে। কারণ, কেবল আঘাত লাগা কারণ দেখিয়া ঔষধ

নির্কীচন করিলে চলিবে না,—বেদনা মাংসপেশীতে কি হাড়ে হইয়াছে, তাহা বুঝিতে হইবে। ফল কথা—আর্নিকার উপকার না হইলে, রুটা প্রয়োগে আশ্চর্য্য সফল দর্শিয়া থাকে। নিম্নে দুইটা রোগীর বিবরণ প্রদর্শিত হইল।

১। দাঁতড়া গ্রামের অনুকুল সর্দার নামক জনৈক ব্যক্তি তাহার ঘরের আড়ার উপরে মাচায় রক্ষিত আলুবীজ পাড়িতে উঠিয়াছিল এবং হঠাৎ মাচার বাঁশ সরিয়া যাওয়ার সে পড়িয়া গিয়া আঘাত প্রাপ্ত হয়। ইহাতে তাহার বা দিকের পাজরে ভীষণ বেদনা হয়। তেঁতুল পোড়া, পাকা আমড়া, চুণে হলুদ প্রভৃতি লেপনে কিছুই হয় নাই। পরে একজন এলোপ্যাথিক ডাক্তার এন্টিফ্লোজেটিন্ লাগাইবার ব্যবস্থা করেন, তাহাতেও উপকার হয় না। অবশেষে সে ১৫/২০ দিন শয্যাগত থাকার পর ১৩৩২/১০ই কার্তিক গাড়ী করিয়া আমার নিকট আসে। আমি তাহাকে আর্নিকা খাইতে দিই, কিন্তু ৪ দিনেও কিছুমাত্র উপকার না হওয়ার, রুটা ৩০, ৪ মাত্রা খাইতে দিয়াছিলাম। ইহাতে পর দিনেই তাহার বেদনা বার আনা রকম কমিয়া গিয়াছিল। সে ইতিপূর্বে সোজা হইয়া চলিতে পারিত না, কিন্তু এইদিন (১৫ কার্তিক) প্রায় এক ক্রোশ রাস্তা হাঁটিয়া আমার নিকট হইতে নিজে আসিয়া ঔষধ লইয়া গিয়াছিল। আমি তাহাকে আরও ৪ মাত্রা রুটা ৩০, দু'দিনে খাইবার জন্ত দিয়াছিলাম, তাহাতেই সে সম্পূর্ণ সুস্থ হইয়া যায়।

২। জনৈক মুসলমান ভদ্রলোক বন্দুক ছুঁড়িবার কালীন তাঁহার দক্ষিণ বক্ষে বন্দুকের কুঁদোর আঘাত লাগে ও বেদনা হয়। ঐ বেদনা অল্প স্থানব্যাপী হইলেও, কিছুতেই তাহা সারে নাই। একজন হোমিওপ্যাথিক চিকিৎসক ৮/১০ দিন তাঁহাকে আর্নিকা ৩ ও ৩০, পরপর খাওয়ান। তাহাতে উপকার না হওয়ার, সহস্র শক্তির আর্নিকা খরিদ করিয়া আনিবার জন্ত পরামর্শ দেন এবং ঐ ব্যক্তি আমার নিকটে ঐ ঔষধ পাইবার জন্য আগমন করেন। ঐ ঔষধ আমার নিকটে না থাকায় তিনি আমার চিকিৎসাধীন হইতে ইচ্ছা প্রকাশ করেন। পেরিয়ষ্টিয়ামে অথবা অস্থিতে বেদনা অনুমান করিয়া, আমি তাঁহাকে রুটা ৩০, কয়েক মাত্রা খাইতে দিই এবং তাহাতেই ২/৩ দিন মধ্যে তাঁহার বেদনা নির্দোষরূপে আরোগ্য হইয়াছিল। বলা বাহুল্য, আর্নিকা সহস্র শক্তি ছাড়িয়া, C, M, বা লক্ষ শক্তি খাওয়াইলেও ঐ বেদনা সারিত না।

### (৫০) ভগন্দরে—সাইলিসিয়া।

মলহারের নালীকৃত—ভগন্দর বা “ফিসচুলা ইন্ এনো” নামে অভিহিত হয়। রুতের প্রকার অনুসারে ইহা ব্লাইণ্ড্ এন্টারনেল্ ফিসচুলা, কম্প্লিট্ ফিসচুলা ও ব্লাইণ্ড্ ইন্টারনেল্ ফিসচুলা, এই তিন প্রকারে অভিহিত হইয়া থাকে। এতদ্ব্যতীত অর্শ রোগের সঙ্গেও একপ্রকার ভগন্দর হয় এবং যন্ত্রা রোগীর অন্তিম সময়ের কিছুকাল পূর্বে একরূপ ভগন্দর জন্মে। কাহার কাহারও ভগন্দরে দুইটা মুখ প্রকাশিত হয়।

এই রোগে অল্প চিকিৎসাই একমাত্র উৎকৃষ্ট উপায় বলিয়া অনেকের ধারণা ছিল। কিন্তু এক্ষণে হোমিওপ্যাথিক চিকিৎসায় বহু সংখ্যক আরোগ্যপ্রাপ্ত রোগী দ্বারা, দিন দিন হোমিওপ্যাথিক ঔষধের সমধিক প্রচার ও অল্পচিকিৎসার অনাবশ্যকতা প্রতিপন্ন হইতেছে। ভগন্দর রোগে সাইলিসিয়া মহোপকারী ঔষধ এবং উহা প্রায়ই ব্যবহৃত হইয়া থাকে।

মহানাদের জনৈক ব্যক্তির ভগন্দর রোগে অন্ত্রোপচার করা হইয়াছিল। ইহাতে বহু পরিমাণ পুঁজ রক্তাদি বাহির হয়, কিন্তু প্রায় তিন মাসেও পীড়া আরোগ্য হয় না এবং ষা-মুখ দিয়া বিষ্ঠা পর্যন্ত নির্গত হইতে থাকে। তখন অনন্যোপায় হইয়া রোগী আমার চিকিৎসাধীন হয়। আমি তাহাকে সাইলিসিয়া ২০০, তিন দিন অন্তর একমাত্রা খাইতে দিই এবং ক্রত স্থানে নিমপাতা সিদ্ধ করা গরম জল দিয়া দ্রৌত করার পর, ক্যালেন্ডুলা অয়েল (১০ ভাগ সরিষার তৈল সহ একভাগ ক্যালেন্ডুলা মাদার) বাহ্যিক প্রয়োগের ব্যবস্থা করি। ইহাতেই তাহার ঐ রোগ ১০।১৫ দিনের মধ্যে সম্পূর্ণ আরোগ্য হইয়া গিয়াছিল।

আর একটা রোগীর কথা বলি। কয়েক বৎসর পূর্বে কলিকাতা ১নং বৈঠকখানা রোডে গোস্বামী মালিপাড়া স্কুলের হেডমাস্টার গোয়াইগ্রাম নিবাসী বাবু সত্যচরণ বন্দ্যোপাধ্যায় মহাশয়ের সহিত সাক্ষাৎ হয়। তিনি আমাকে বলিলেন যে, প্রায় ২০।২২ দিন মলদ্বারের পীড়া হেতু ঐ স্থানে থাকিয়া চিকিৎসিত হইতেছেন। আমি তাঁহার ক্রতস্থান পরীক্ষা করিয়া বুঝিলাম যে, ফিসচুলা ইন্ এনো বা ভগন্দর হইয়াছে। তিনি আমাকে জিজ্ঞাসা করিলেন—“যদি আমি আপনার চিকিৎসাধীন হইতাম আপনি কি ঔষধ দিতেন?” আমি তাঁহাকে বলি—সাইলিসিয়া ২০০ খাইতে এবং ক্রত স্থানে ক্যালেন্ডুলা মাদার দিতাম তিনি তৎক্ষণাৎ বলিলেন—“তবে আর আমি এখানে থাকিব না, বাড়ী গিয়া আপনার দ্বারা চিকিৎসিত হইব, কারণ এখানেও ঐ ঔষধ দিতেছে।” আমি তাঁহাকে সেরূপ করিতে নিষেধ করিয়াছিলাম এবং বলিয়াছিলাম—না, আপনি আরোগ্য প্রায় হইয়াছেন, আর ৫।৭ দিন মধ্যে সম্পূর্ণ আরোগ্য হইবেন। এরূপ অবস্থায় আপনার চিকিৎসককে তাঁহার ক্রতকার্য্যতা জনিত আনন্দটুকু উপভোগ করিতে না দেওয়া আপনার কর্তব্য নহে, আর আমিও অল্প চিকিৎসক কর্তৃক আরোগ্য প্রায় রোগীতে হস্তক্ষেপ করিতে চাহি না।

(ক্রমশঃ)

## বিশ্বস্ত প্রমাণ ।

ডাঃ শ্রীপ্রভাসচন্দ্র বন্দ্যোপাধ্যায় ।

হোমিওপ্যাথিক চিকিৎসক । মহানাদ—ভগলী ।

—:—

চিকিৎসা জীবনের প্রথম ভাগে আমার পরিবারস্থ একটা মহিলার অন্ন ভাল হওয়ার পরে তাহার দক্ষিণ স্বক-সন্ধির (স্ক্যাপুলার) নিয়মিকের বেদনা বর্তমান থাকে। আমি উহা আরোগ্য করিবার জন্য আর্নিকা, রসটম প্রভৃতি কতিপয় ঔষধ সেবন ও রসটম বাহ্যিক প্রয়োগ এবং আরও নানাবিধ মুষ্টিযোগ ঔষধ ব্যবস্থা করি, কিন্তু কিছুতেই ভাল হয় নাই। দৈবযোগে একদিন বেলা ৪টার সময় ডাঃ শ্রীযুক্ত মহেন্দ্রনাথ ভট্টাচার্য মহাশয় আমার বাটীতে আগমন করেন। আমি তাঁহাকে উক্ত রোগীর আত্মপূর্বিক বৃত্তান্ত অবগত করাই।

তিনি সমস্ত বিষয় শুনিয়া আমাকে একটি মেজর গ্যাস পুনঃপুনঃ ধোত করিতে আদেশ করেন। প্রায় অর্ধঘণ্টা কাল ধোত করার পর আমি নিবৃত্ত হইতে পারি কি না, জিজ্ঞাসা করিলাম। তিনি বলিলেন “মেজর গ্যাসটি অধিকক্ষণ ধরিয়া ধোত করা হইলে, পীড়া অতি শীঘ্র আরাম হইবে।” আমি বিরক্তি সহকারে আরও ১০/১২ মিনিট ধুইলাম, এক টব জল ফুরাইয়া গেল। তখন তিনি মেজর গ্যাসে এক আউন্স জল লইয়া, উহাতে বোরিক ট্যাফেলের ১০ নং মোবিউল্‌স ( অতি ক্ষুদ্র অণুবটিকা ) ৪টি নিক্ষেপ করিলেন। ঔষধ কি দিলেন, তাহা আমাকে জানিতে দিলেন না। এই ঔষধ তখনই ( সন্ধ্যার সময় ) অর্ধেক পরিমাণ খাওয়াইয়া, বাকী অর্ধেক ঔষধ পরদিন প্রাতে: খাইবার জন্য গ্যাসের মুখে সাদা কাগজ দিয়া বাঁধিয়া রাখিতে বলিলেন।

পরদিন প্রত্যুষে রোগিনীকে জিজ্ঞাসা করিয়া জানিলাম—বেদনা আর অনুভূত হইতেছে না। তখন বাকী ঔষধটুকু খাওয়াইয়া বহির্কাটাতে ডাঃ মহেন্দ্র বাবুর নিকটে গেলাম। রোগিনী ভাল আছে শুনিয়া তিনি বলিলেন—“বাকী ঔষধ আজ আর না খাওয়াইলেও ক্ষতি ছিল না”। নামমাত্র ঔষধের রোগারোগ্যকারিণী শক্তি প্রদর্শন ও হোমিওপ্যাথিক ঔষধে বিশ্বাস স্থাপনের জন্তই তিনি ঐরূপে মেজর গ্যাস খাওয়াইয়া বিপুল ভাবে ৪টি অণুবটিকা—তাহাও দুইবারে সেবনের ব্যবস্থা করিয়াছিলেন। রোগিনীকে আর ঔষধ দিতে হয় নাই, উহাতেই বেদনা সম্পূর্ণরূপে সারিয়া গিয়াছিল। অতঃপর ঔষধের নাম জিজ্ঞাসা করিয়া অবগত হইয়াছিলাম যে, উক্ত রোগিনীকে “চেলিডোনিয়াম” প্রদত্ত হইয়াছিল।

আর একবার আমি হালুসাই পার্টনা হইতে রোগী দেখিয়া আসিতেছি, কোটালপুরে বাহার মল্লিক আমাকে একটু অপেক্ষা করিতে বলিয়া তাহার পৌত্রকে আমার নিকটে লইয়া আসিল। বালকটি উলঙ্গ অবস্থায় আনীত হইল। ৩/৪ দিন পূর্বে তাহাকে “মুসলমানী” (ছক্কেদ) করিয়া দেওয়া হইয়াছে। দেখিলাম—তাহার লিঙ্গ ক্ষীণ ও ক্ষতযুক্ত। বালকটি শিহরিয়া আছে, অর্থাৎ তাহার গা কাঁটা দিয়াছে বা রোমাঞ্চ হইয়াছে, যেন সে সর্বদা শীত অনুভব করিতেছে। জ্বরও বিদ্যমান আছে। বাহার মল্লিকের আর্থিক অবস্থা মন্দ নহে এবং খামখেয়ালী লোক। আমাকে বলিল - “যদি আপনি এই বালককে আজই ভাল করিয়া দিতে পারেন, তবেই বুঝিব আপনার ঔষধের জোর আছে এবং আপনি যাহা চাহিবেন, তাহাই দিব।”

ছক্কেদই যে এই জ্বরের মূখ্য কারণ—তাহা আমার দৃঢ় ধারণা হইল। যদিও কোন পুস্তকে ছক্কেদের জন্য কোন ঔষধের উল্লেখ নাই, তথাপি “লিডম” যে ইহার প্রকৃত ঔষধ, তাহাতে আমার সন্দেহ রহিল না। আমি ৪ মাত্রা লিডম দিয়া আসিলাম। পরদিন প্রাতে: বালকটি আনীত হইলে দেখিলাম—জ্বর নাই এবং আর জ্বর প্রত্যাবর্তন ও করে নাই।


এই প্রকার বিখ্যস্ত প্রমাণেই অবিখ্যাসীর হৃদয়ে বিশ্বাস বদ্ধমূল হইয়া থাকে।

PRINTED BY RASICK LAL PAN

At the Gobardhan Press, 209 Cornwallis Street, Calcutta.

And Published by Dharendra Nath Halder,

197, Bowbazar Street Calcutta.





এলোপ্যাথিক ও হোমিওপ্যাথিক চিকিৎসা সম্বন্ধীয়  
 মাসিক পত্র ও সমালোচক ।

২০শ বর্ষ ।

১৩৩৪ সাল—আষাঢ় ।

৩য় সংখ্যা ।

### বিবিধ ।

চক্ষের ছানী—ঔষধীয় চিকিৎসা ( Medical Treatment of Cataract )—প্যারিসের Clinique ophthalmol এর Dr. Dorr চক্ষের ছানীতে নিম্নলিখিত ঔষধীয় চিকিৎসার অনুমোদন করিয়া, আমেরিক্যান মেডিসিন নামক পত্রে এতদসম্বন্ধে ১টা প্রবন্ধ প্রকাশ করিয়াছেন। Dr. Door বলেন—“এই চিকিৎসায় অর্থাৎ নিম্নলিখিত লোসনটির বাধ চক্ষে প্রয়োগে বহুসংখ্যক রোগীর ছানী আরোগ্য হইয়াছে ।

Re.

ক্রিষ্টালাইজড্ ক্যালসিয়াম ক্লোরাইড	∴	৪ গ্রাম ।
ডিসিক্লেটেড ( শুক্কীকৃত ) সোডি আইয়োডাইড		৪ গ্রাম ।
পরিষ্কৃত জল	...	৫০০ গ্রাম ।

একত্র মিশ্রিত করিয়া লোসন। এই লোসন, ঈষৎ উষ্ণ করতঃ, প্রত্যহ অন্ততঃ ২০ মিনিট ধরিয়া উভয় চক্ষেই বাধ ( bath ) দিবে। বহু দিনের স্থায়ী ছানীও এই চিকিৎসায় আরোগ্য হইতে দেখা গিয়াছে। Dr. Dorr বলেন—“কোন কোন স্থলে এই লোসন দীর্ঘকাল প্রয়োগ করা কর্তব্য। পীড়ার প্রারম্ভে এই লোসন দ্বারী চক্ষু ধোত করিলে ছানীর বৃদ্ধি স্থগিত হয় এবং দৃষ্টি শক্তিরও কোন ব্যাঘাত উপস্থিত হইতে পারে না। ( Doctor )



**রক্তস্রাবে—সোডি সাইট্রাস (Sodium Citrate for Haemorrhage)—**  
 Dr. Renoud রক্তস্রাব নিবারণার্থ সোডি সাইট্রাসের উপযোগিতা সম্বন্ধে বিবিধ রোগীর বিবরণ উল্লেখ পূর্বক লিখিয়াছেন যে,—“শরীরের বিভিন্ন স্থানের রক্তস্রাব দমনার্থ সোডি সাইট্রাস অতীব ফলপ্রসূ। ইহা শিরামধ্যে প্রয়োগ (ইন্ট্রাভেনাস ইঞ্জেকসন) করিলে, এতদ্বারা রক্তের যে ভারল্য হ্রাস প্রাপ্ত হয়, ইহা অবশ্য সকলেই জ্ঞাত আছেন, কিন্তু ইহা যে, রক্তের জমাট বন্ধন (Clagulability) শক্তিকে বর্ধিত করে, তাহা যাত্র কয়েক বৎসর হইল জানা গিয়াছে। ইহার এই ক্রিয়া বশতঃই এতদ্বারা বহু রোগীর রক্তোৎকাশ, অস্ত্রোপচারের পর রক্তস্রাব ও প্রসবাস্তিক রক্তস্রাব নিবারিত হইয়া থাকে। রক্তস্রাব দমনার্থ ইহা বাহর কনুই প্রদেশস্থ শিরাতে ইঞ্জেকসন করা কর্তব্য। নিম্নলিখিত রূপে প্রয়োজ্য। যথা—

Re. ..

সোডিয়াম সাইট্রেট	...	৩০ গ্রাম।
ম্যাগ্নেসিয়াম ক্লোরাইড	...	১০ গ্রাম।
একোয়া	...	১০০ সিঃ, সিঃ।

একত্র মিশ্রিত করতঃ ষ্টেরিলাইজ করিয়া ১০—৩০ সিঃ, সিঃ, যাত্রায় (রোগীর দৈহিক ওজন অনুসারে) ইন্ট্রাভেনাস ইঞ্জেকসন দিবে। (Druggist Circular)

**সাল্ফার মলম দ্বারা বিষাক্ততা—**লিপ্‌জীগ্‌ সহরের স্বনামখ্যাত চিকিৎসক Dr. Basch বলেন যে—“শিশুদের পাঁচড়া (Scabies) পীড়ার চিকিৎসায় ১০% পাসেন্ট সাল্ফার মলম (10% Sulphur ointment) ব্যবহার করায়—অনেক শিশু অকালে মৃত্যুমুখে পতিত হইয়াছে”। Dr. Basch বিশেষ পরীক্ষা ও পর্যালোচনা করিয়া প্রমাণ করিয়াছেন যে—সাল্ফার মলম ব্যবহারে শিশুর অগ্নিমান্দ্য ও অজীর্ণ পীড়া (Dyspepsia) উপস্থিত হয় এবং অবশেষে জ্বর প্রকাশ পাইয়া শিশু ১—৩ সপ্তাহ মধ্যেই মৃত্যুমুখে পতিত হইয়া থাকে। এইরূপ মলম ব্যবহারে নেফ্রাইটিস্ ও যকৃতের “ফ্যাটা ইন্ফিল্ট্রেশন” হইতেও দেখা যায়। সাল্ফার শিশুদেহে শোষিত হইয়াই এই সমস্ত বিষক্রিয়া প্রকাশ করে। তিনি আরও প্রমাণ করিয়াছেন যে, জীবদেহে শোষিত সাল্ফার—হাইড্রাজেন্‌ সাল্ফাইডে পরিবর্তিত হইয়া থাকে। (Monatschrift F. Kinderkhtn.)

**রিকেট্‌ এবং সূর্যালোক—**সম্পতি Rollier নামক জনৈক ফরাসী চিকিৎসা প্রমাণ করিয়াছেন যে, সূর্যালোক দ্বারা নিয়মিত ভাবে চিকিৎসা করিলে, শিশু ও অপেক্ষাকৃত অধিক বয়স্ক বালক বালিকাগণের “রিকেট্‌” নামক অস্থিপীড়া অতি সহজেই



আরোগ্য হইতে পারে। তাঁহার এই গবেষণাপূর্ণ মত পৃথিবীর সমস্ত খ্যাতিনামা বৈজ্ঞানিক ও চিকিৎসকগণ একবাক্যে অনুমোদন করিয়াছেন। সূর্যের আলোক মধ্যে যে “হেলিও” বা “আল্ট্রা ভায়লেট-রে” আছে—তাহা যে কেবলমাত্র যক্ষ্মা জীবাণুনাশক ও যক্ষ্মা পীড়ার প্রতিরোধক, তাহা নহে—পরন্তু, রিকেট পীড়ার একটা উৎকৃষ্ট ও শ্রেষ্ঠ ঔষধ। ইহা কেবল রিকেট পীড়া আরোগ্যকারক নহে—পরন্তু রিকেট পীড়া হইবার সম্ভাবনা থাকিলে, সূর্যের উত্তাপ দ্বারা চিকিৎসায় এই পীড়ার আক্রমণ প্রতিকূল হয়। সুস্থ শিশু ও বালকেরা নিয়মিত ভাবে সূর্যালোক সেবন করিলে, নানারূপ জটিল পীড়ার হস্ত হইতে রক্ষা পাইয়া থাকে। সূর্যাতপ নানারূপ পীড়ার জীবাণু নাশক। প্রত্যেক জনক জননীর উচিত যে, তাঁহাদের সন্তান সন্ততিগণকে প্রত্যহ নিয়মিতভাবে কিছুক্ষণ পর্য্যন্ত সূর্যাতপে রাখা। ইহাতে তাহাদের স্বাস্থ্যের উন্নতি এবং দেহ দৃষ্টপুষ্ট হয় ও নানাবিধ অজ্ঞাত পীড়ার আক্রমণ হইতে তাহারা রক্ষা পায়। আমরা বাঙ্গালী জাতী, শিশু সন্তানকে পাছে পেঁচোয় পায়, এই ভয়ে গৃহের বাহির করি না কিন্তু গৃহে দিবারাত্র রাখিয়াও, আমাদের দেশে পেঁচোয় পাওয়া রোগে যত শিশু প্রাণত্যাগ করে, তত আর কোনও দেশে করে কি না, সন্দেহ। পাশ্চাত্য জগতে নবজাত শিশুকে পর্য্যন্ত নির্মূল বায়ু ও সূর্যাতপ সেবন জন্ম, প্রত্যহ ময়দানে লইয়া যাওয়া হয়—তাহারা কিন্তু পেঁচোয় পাওয়া ব্যারাম যে কি, তাহা আদৌ জানেন না।

অতি ধীরে ধীরে সূর্যালোক সেবন (Sun Bath) অভ্যাস করান উচিত—নচেৎ বিপদ হইতে পারে। অনেকে প্রাতঃকালীন সূর্যের উত্তাপ গ্রহণ ভাল বলেন, আবার অনেকে মধ্যাহ্ন সূর্যাতপ গ্রহণ উপকারী বলিয়া স্বীকার করেন। নিম্নলিখিতরূপে ইহা প্রয়োজ্য :—

(১) ধীরে ধীরে সূর্যালোক সেবন অভ্যাস আরম্ভ করিবে—কিন্তু প্রত্যহ নিয়মিত ভাবে অভ্যাস করান চাই। প্রথম কয়েক মিনিট হইতে আরম্ভ করিয়া, ক্রমশঃ সহমত ২।৩ ঘণ্টা অভ্যাস করান কর্তব্য।

(২) লক্ষ্য রাখিতে হইবে—যাহাতে অত্যধিক সূর্যাতপে চর্ম্মের উপর ক্ষুদ্র ক্ষুদ্র গুটীকা বা চর্ম্ম রোদ্র দগ্ধ না হয়। এতদ প্রতি লক্ষ্য রাখিয়া ক্রমশঃ সহ করাইয়া, সূর্যাতপ গ্রহণের সময় বৃদ্ধি করিবে।

(৩) প্রথমতঃ হস্ত ও পদে সূর্যাতপ গ্রহণ অভ্যাস করাইবে, পরে অস্ত্রাঙ্গ অঙ্গে অভ্যাস করিতে হইবে।

(৪) বসন্ত, গ্রীষ্ম এবং অস্ত্র ঋতুর সময়ে প্রাতঃকালীন সূর্য্যকিরণ সেবন (Sun Bath) এবং শীতকালে দ্বিপ্রহরের বা অস্ত্র যে কোনও সময়ের সূর্যাতপ গ্রহণ করা কর্তব্য। গ্রীষ্মকালে মধ্যাহ্নকালীন সূর্য্যকিরণ গ্রহণ করিতে হইলে, অথবা অস্ত্র সময়ে সূর্য্যকিরণ সেবনের আবশ্যক হইলে, মস্তক সূর্যাতপ হইতে রক্ষা করিবে। এতদর্থে মাথায় বরফের ব্যাগ দেওয়া বা শীতল জল সি পুরু গাম্ছা মাথায় দেওয়া ভাল।

এই সমস্ত নিয়ম পালনসহ, যে কোনও বয়সের শিশুকেই স্বর্ষাতপ গ্রহণ অভ্যাস করান যাইতে পারে। ইহা স্বাস্থ্যের পক্ষে মহোপকারী এবং রিকেট পীড়ানাশক ও বহু পীড়ার প্রতিষেধক। ( U.S Department of Labor. )

### শৈশবীয় খাদ্যরূপে ল্যাক্টিক এসিড্ মিশ্রিত দুগ্ধ—

ডাঃ নেফ এবং ডাঃ ডিলোন Kans. med. journal পত্রে প্রায় ৫০টা রোগীর বিবরণ প্রকাশ করিয়া লিখিয়াছেন যে,—“নবজাত শিশুকে মাতৃদুগ্ধ না আসা পর্যন্ত অথবা মাতৃদুগ্ধের সহিত পর্যায়ক্রমে “ল্যাক্টিক এসিড্ দুগ্ধ” ( Lactic Acid milk ) পান করাইলে, শিশু অধিকতর সুন্দর স্বাস্থ্য লাভ করিয়া থাকে। এই দুগ্ধ অল্পধর্মীক্রান্ত হয় বলিয়াই যে, অধিক উপকারী হইয়া থাকে, তাহা নহে ; পরন্তু দুগ্ধ অল্প হইয়া যাওয়ার ইহা শিশুর পক্ষে সহজপাচ্য হয় এবং ইহার ফলে শিশু পুনঃপুনঃ দুগ্ধ পান করিতে সক্ষম হয়। এই অধিক পথ্য গ্রহণ ও ভুক্ত পথ্য সহজে জীর্ণ হওয়ার পরিণামে, শিশু সত্বর দৃষ্টপুষ্ট হইতে পারে। অল্প-দুগ্ধ শিশুদের পথ্যের পক্ষে অধিক উপাদেয়। নবজাত শিশুদের মাতৃদুগ্ধ ব্যতীত অন্য দুগ্ধ আবশ্যক হইলে, আমরা বহু বৎসর হইতেই মাখনতোলা দুগ্ধ ব্যবহার না করিয়া, এই “ল্যাক্টিক এসিড্ দুগ্ধ” বা অল্পগুণ বিশিষ্ট দুগ্ধ ব্যবহার করিয়া অতি সুন্দর ফল পাইতেছি। নিম্নলিখিতরূপে এইরূপ দুগ্ধ প্রস্তুত করা কর্তব্য :—

অবিকৃত দুগ্ধ	...	৮ আউন্স্।
ল্যাক্টিক এসিড্ ( U. S. P.—		
—ইউনাইটেড্ স্টেট্‌স্ কার্মকোপিয়া )—		১৫ ফেঁটা।
জল	...	৮ আউন্স্।
ডার্ক কর্ন সিরাপ্	...	১ আউন্স্।

একত্রে মিশ্রিত করতঃ, অগ্নির উত্তাপে ধীরে ধীরে ৫ মিনিটকাল ফুটাইবে। অতঃপর দুগ্ধের উপর হইতে ময়লা সর বা গাঁজলা আস্তে আস্তে ঠেলিয়া ফেলিবে। এক্ষণে ইহাকে শীতল হইতে দাও। শীতল হইবার পর এই মিশ্রিত শীতল দুগ্ধের প্রতি ৮ আউন্সের সহিত ১৫ ফেঁটা করিয়া পুনরায় ল্যাক্টিক এসিড্ মিশ্রিত কর। শীতল দুগ্ধের সহিত এই এসিড্ মিশ্রিত করিবার সময়, দুগ্ধ ধীরে ধীরে আলোড়িত করিবে এবং প্রত্যেকবার আলোড়নের সময়ে এক ফেঁটা করিয়া ল্যাক্টিক এসিড্ মিশ্রিত করিবে। এইরূপে ফেঁটা ফেঁটা করিয়া ল্যাক্টিক এসিড্ মিশাইতে হইবে।

এইরূপ প্রস্তুত দুগ্ধ অথবা টার্ট্‌কা দধি, একই ফলদায়ক। এইরূপ ভাবে দুগ্ধ প্রস্তুত করিতে অক্ষম হইলে, টার্ট্‌কা দধি সহ জল মিশ্রিত করিয়া, উত্তমরূপে আলোড়িত করতঃ ছাঁকিয়া লইবে এবং তৎসহ আবশ্যিকমত সিরাপ বা চিনি মিশ্রিত করিয়া পান করিতে দিবে। দধির মধ্যে প্রচুর ল্যাক্টিক এসিড্ আছে ; দুগ্ধ অল্পগুণ বিশিষ্ট হইলেই

তন্মধ্যে প্রচুর ল্যাক্টিক এসিড্ বর্তমান থাকে । শিশুর জন্মের পর ৩৪ দিন পর্যন্ত অথবা ষতদিন মাতৃস্তনে দুগ্ধ না আসে, ততদিন এই দুগ্ধ অবশ্য ব্যবহার্য্য ।

কান্সাস্ নগরের ( আমেরিকা ) বিশেষজ্ঞ চিকিৎসক Dr. Dwyer বলেন যে, গাভীর দুগ্ধের সহিত ল্যাক্টিক এসিড্, হাইড্রোক্লোরিক এসিড্, এসিটিক এসিড্ বা সাইট্রিক এসিড্ মিশ্রিত করিয়া দুগ্ধকে অল্পগুণ বিশিষ্ট করিয়া লইলে, ইহা শিশুদের পক্ষে অত্যাধিক সহজপাচ্য হয় এবং অধিক ঘনীভূতরূপেও অধিক পরিমাণে দুগ্ধ জীর্ণ হইয়া থাকে । এইরূপ দুগ্ধ ব্যবহারে শিশুদের পরিপাক যন্ত্রের ক্রিয়া বৈলক্ষণ্য আরোগ্য, পরিপাকশক্তি বৃদ্ধি এবং “ম্যারাসমাস্” ( marasmus ) নামক ক্ষয় রোগ আরোগ্য হয় এবং এই পীড়া উপস্থিত হইতে পারে না । এতদর্থে ঘরে পাতা টাট্কা দধিও বিশেষ উপযোগিতার সহিত ব্যবহৃত হইয়া থাকে । (Kans Med. Journal)

**দৈহিক আকৃতি ও হৃৎস্পন্দন**—পৃথিবীর খ্যাতনামা বৈজ্ঞানিকগণ প্রমাণ করিয়াছেন যে, জীবের দেহ যত বড় হইবে, তাহার হৃৎস্পন্দন তত কম হয় । আবার দেহ যত ছোট হইবে, হৃৎস্পন্দনও তত বেশী হইয়া থাকে । প্রমাণস্বরূপ উল্লিখিত হইয়াছে যে, প্রতি মিনিটে হস্তীর হৃৎপিণ্ড ২৫বার স্পন্দিত হয় ; গর্দভের ৫০ বার ; মানুষের ৭০ বার ; স্ত্রীলোকের ৮০ বার ; যুবকের ৯০ বার ; নবজাত শিশুর ১৪০ বার ; খরগোসের ১৫০ বার ; ইন্দুরের ১৭৫ বার হৃৎপিণ্ডের স্পন্দন হয় । (Doctor)

**১০০শত বৎসর বাঁচিবান উপায়** Medical Woman's Journal পত্রে দীর্ঘ জীবন লাভের কতকগুলি বিধি প্রকাশিত হইয়াছে । যথা ;—

- (১) দিবা ও রাত্রে সমান ভাবে নির্মল বায়ু সেবন করিবে ও বাহাতে নির্মল বায়ুতেই সর্বদা বাস করিতে পার, তাহারই চেষ্টা করিবে ।
- (২) প্রত্যহ নিয়মিত ভাবে তোমার বৃহৎ মাংসপেশী সমূহের বাহাতে ব্যায়াম হয়, তাহার বন্দোবস্ত করিবে ।
- (৩) অতিরিক্ত ক্লাস্তিকে শত্রুর স্তায় দূরে রাখিবে এবং যিশ্রামকে বন্ধুর স্তায় ধারণ করিবে । অন্ততঃ পক্ষে ৮ঘণ্টা নিদ্রা যাইবে ।
- (৪) আহারের সময়ে এবং তাহার মধ্যবর্তী সময়েও প্রচুর জল পান করিবে ।
- (৫) শান্তভাবে, নিশ্চিত মনে আহার করিবে । স্বাস্থ্য রক্ষার জন্ত প্রচুর শাক-শসী ও ফলমূলাদি আহার করিবে । কদাচিৎ মাংস এবং শর্করা আহার করিবে । বাহাতে দৈহিক ওজন অত্যন্ত বৃদ্ধি প্রাপ্ত না হয়, তৎপ্রতি তীক্ষ্ণ দৃষ্টি রাখিবে ।
- (৬) নিয়মিতভাবে প্রত্যহ বাহাতে কোষ্ঠ পরিষ্কার থাকে, তৎপ্রতি বিশেষ দৃষ্টি রাখিবে । নিয়মিত দান্ত পরিষ্কার হইবার অত্যাশ করিবে ।

(৭) বাহ্যিক বা আত্যন্তরিক কোনরূপেই বাহাতে কোনও পীড়াঘারা সংক্রমিত না হও, তাহার বিশেষ চেষ্টা করিবে। সর্দি বা গলকৃত হইলে বাহাতে তাহা হইতে সম্পূর্ণরূপে ও নির্দোষভাবে আরোগ্যলাভ করিতে পার, তাহার বিশেষ বন্দোবস্ত করিবে।

(৮) আহারের পূর্বে দস্ত উত্তমরূপে প্রক্ষালন করিবে। প্রাতঃকালে ও রাত্রে শুইবার পূর্বে দস্তপাটা উত্তমরূপে ধাবন করিবে। ইহা ব্যতীত প্রত্যেকবার আহারান্তে দস্ত ধাবন করিতে পারিলে আরও ভাল।

(৯) সং ও প্রীতিপদ চিন্তা মনে স্থানে দিবে। বিপদ ও অশুভ অবস্থার সহিত সরল ভাবে ও জ্ঞানীর গায় যুক্ত করিবে—কখনও তজ্জন্ত দুঃখিত বা বৃথা চিন্তিত হইও না। সদা সর্কদা মন প্রফুল্ল রাখিবে।

(১০) প্রতিবৎসর তোমার চিকিৎসক কর্তৃক নিজ স্বাস্থ্য পরীক্ষা করাইবে এবং তাঁহার উপদেশ পালন করিয়া চলিবে। ( American medicine )

**পৃষ্ঠ-বেদনা** - ডাক্তার ওয়ারেন্‌ সেক্সার লিখিয়াছেন যে—“দুঃসাধ্য পৃষ্ঠ বেদনা ও কটীবাত—যাহা ঔষধাদিতে আরোগ্য হয় নাই, কেবল মাত্র জুতার গোড়ালী ( Heel ) উচু করিয়া দেওয়াতেই আরোগ্য হইয়াছে। ( International journ. of med. )

**টীকা দিবার নিষিদ্ধ লক্ষণ**—নিম্নলিখিত পীড়া বা পীড়ার লক্ষণ বর্তমান থাকিলে, ডাক্তার গ্রন্থের মতে বসন্ত পীড়ার প্রতিষেধক টীকা দেওয়া অনুচিত, তাহাতে অমঙ্গল হইবার বিশেষ সম্ভাবন :—

এক্জিমা, ইণ্টারট্রাইগো ( ইহারা সম্পূর্ণরূপে আরোগ্য না হওয়া পর্যন্ত কদাচ টীকা দিবে না ) মুখমণ্ডলের ও মস্তকের বিক্ষিপ্ত এক্জিমা ( ইহারা টীকা দিবার পথে ভীষণ বিপদ জ্ঞাপক ), সাংঘাতিক রিকেট্ পীড়া, স্প্যাঞ্জ মোফিলিয়া, টিউবারকিউলোসিস, সিফিলিস্, নেফ্রাইটিস্ এবং ব্রংকিয়াল এ্যাজ্‌মা। ( J. A. M. A. )

**আহারকালীন জল পান**—মনেকেরই বিশ্বাস ও ধারণা যে, আহারের সঙ্গে জল পান করিলে পরিপাকের বিঘ্ন হয়। কিন্তু সম্প্রতি ডাঃ নাইল্‌স্ প্রমাণ করিয়াছেন যে, এই ধারণা নিতান্ত ভ্রমপূর্ণ। তিনি বলেন যে,—“স্বস্থ দেহে আহারের সহিত জল পান করিলে কোনও অপকার হয় না, বরং যাহারা স্বস্থদেহে আহারের সময়ে আদৌ জল পান করে না এবং অল্প সময়েও অতি সামান্য পরিমাণে জল পান করে, তাহাদের দৈহিক ওজন ক্রমশঃ হ্রাস প্রাপ্ত হয় এবং শিরঃপীড়া ও কোষ্ঠবদ্ধ রোগে ভুগিতে থাকে। কিন্তু যাহারা আহারকালীন প্রচুর জল পান করে এবং অল্প সময়েও যথেষ্ট

জল পান করিয়া থাকে—তাহাদের দৈহিক ওজন ক্রমশঃ বৃদ্ধি পায় ; তাহাদের কোমলরূপ ক্ষুধামান্দ্য বা অজীর্ণ পীড়ার লক্ষণ প্রকাশ পায় না এবং তাহাদের স্বাস্থ্য উত্তরোত্তর উন্নত হয়। তবে যে সমস্ত রোগীর পাকস্থলী বিবর্ধিত হইয়াছে এবং তাহাদের হৃৎপিণ্ড দুর্বল— তাহাদের পক্ষে আহারের সময়ে জল পান না করাই ভাল—করিলেও অতি অল্প পরিমাণে করা উচিত। ( Clinical medicine, September 1926. )

## এণ্ডোক্রিনোলজি—Endocrinology.

### দেহের ভিতর ঔষধ ভাণ্ডার

লেখক—ডাঃ শ্রীসন্তোষকুমার মুখোপাধ্যায় M. B.

ইণ্ডিয়ান মেডিক্যাল রেকর্ডের সম্পাদক

( পূর্ব প্রকাশিত ২য় সংখ্যার ৬৬ পৃষ্ঠার পর হইতে )

### অন্তর্মুখী রস ও ঔষধের সম্বন্ধ।

(১) পারদ—ডাঃ সাজসের ( Sajous ) মতে, পারদ থাইরয়েড গ্রন্থিকে উত্তেজিত করে। আমাদের দেশী মকরধ্বজ, পারদ হইতে প্রস্তুত—“সালফাইড অব মার্কারি” ( Sulphide of Mercury )। মকরধ্বজ সেবনে যে উপকার হয়, তাহা বোধ হয় পারদের থাইরয়েড গ্রন্থির উত্তেজনা করিবার যে শক্তি আছে, তাহারই ফল। থাইরয়েড গ্রন্থির উত্তেজনার ফলে, দেহের রোগ-প্রতিরোধক শক্তি ও দেহ মধ্যস্থ বিষাক্ত পদার্থ সমূহ নষ্ট করিবার ক্ষমতা বৃদ্ধিপ্রাপ্ত হয়। খুব অল্প মাত্রায় ক্যালোমেল ( Colomel  $\frac{1}{2}$  gr. ) বা হাইড্রার্জ কাম ক্রিটা ( Hydrarg cum creta ) প্রয়োগ করিলেও একই ফল পাওয়া যায়।

(২) আয়োডিন ( Iodine )—আয়োডিন থাইরয়েড গ্রন্থিকে উত্তেজিত করে। থাইরয়েড গ্রন্থির রস মধ্যস্থ ‘থাইরক্সিন’ প্রস্তুতের জগু আয়োডিন প্রয়োজন হইয়া থাকে।

(৩) আর্গট ( Ergot ) ও ইন্সুলিন ( Insulin )।—ইহারা থাইরয়েডের কার্য শক্তি হ্রাস করে।

(৪) ফস্ফরাস ( Phosphorus )—পিটুইটারি গ্রন্থির সম্মুখ ভাগের ( Anterior Pituitary ) সহিত ইহার যে নিকট সম্বন্ধ আছে, তাহা প্রমাণিত হইয়াছে।



বর্তমানে অন্তঃরসস্রাবী গ্রন্থিসমূহের সহিত যদিও অল্প সংখ্যক ঔষধের সন্ধে প্রমাণিত হইয়াছে ; তথাপি মনে হয় যে, অদূর ভবিষ্যতে আমরা ঔষধের দ্বারা এই সকল গ্রন্থির কার্য নিয়ন্ত্রিত করিতে পারিব।

**অন্তঃরসস্রাবী গ্রন্থিগুলির পারস্পরিক সম্পর্ক ( Intra-Relation between the Endocrine gland )**।—দেহের মধ্যে যে সকল অন্তঃরসস্রাবী গ্রন্থি আছে, সে গুলির পরস্পরের মধ্যে ঘনিষ্ঠ সন্ধক বিদ্যমান আছে—একটি অন্যটির কাজে হয় সাহায্য করে, না হয় তাহার বিপরীত কাজ করিয়া উহার ক্রিয়া, সীমা অতিক্রম করিতে দেয় না। আমরা যাহা কিছু করি, তাহা সমস্তই অন্তঃস্থ রসগুলির ক্রিয়া প্রতিক্রিয়া সাপেক্ষ।

কোন অন্তঃরসস্রাবী গ্রন্থিই একেবারে স্বাধীন নয়—অন্যান্য গ্রন্থিগুলির সহিত মিলিয়া মিশিয়া ইহাদের কাজ করিতে হয়। সম ও বিষম প্রকৃতির গ্রন্থিগুলির মধ্যে সামঞ্জস্যের উপর আমাদের স্বাস্থ্য নির্ভর করে। যতক্ষণ সব গ্রন্থিগুলি মিলিয়া মিশিয়া কাজ করে, ততক্ষণ মানুষ সুস্থ থাকে, ইহাদের মধ্যে গোলমাল উপস্থিত হইলেই অসুখ হয়। একটি গ্রন্থির যদি অঙ্গহানি বা ক্রিয়া-বৈলক্ষ্য ঘটে, তাহা হইলে সঙ্গে সঙ্গে অন্য গ্রন্থিগুলিরও কার্য ক্ষমতার বৈলক্ষ্য উপস্থিত হইয়া থাকে।

### ক্রিয়া অনুসারে বিভাগ

অন্তঃরসস্রাবী গ্রন্থিগুলিকে, তাহাদের ক্রিয়া অনুসারে দুই ভাগে বিভাগ করা যায় ;—

( ১ ) **ক্যাটাবলিক শ্রেণী (Catabolic group) \***—পাইরয়েড, স্প্রোরেনল এবং পিটুইটারি গ্রন্থি এই বিভাগের অন্তর্গত। ইহারা পরস্পরের সহযোগে কাজ করে। সাহায্যভূতিক স্নায়ুগুলির ( সিম্প্যাথেটিক—Sympathetic nerves ) সহিত ইহাদের সন্ধক আছে।

( ২ ) **অ্যানাবোলিক শ্রেণী (Anabolic group)**—যে সকল গ্রন্থির সহিত খাদ্য পরিপাকের নিকট বা দূর সন্ধক আছে, সেগুলি এই বিভাগের অন্তর্গত ; যেমন প্যানক্রিয়াস। এতদ্ব্যতীত প্যারাথাইরয়েড্ গ্রন্থিও সম্ভবতঃ ইহার মধ্যে পড়ে।

এই বিভাগের গ্রন্থিগুলি প্যারা-সিম্প্যাথেটিক স্নায়ুর ( Para-sympathetic nerves ) সহিত একযোগে কাজ করে।

এক বিভাগের অন্তর্গত অন্তঃরসস্রাবী গ্রন্থিগুলি, কেবলমাত্র সেই বিভাগের অন্তর্গত অন্যান্য গ্রন্থির সহিত একযোগে কাজ করে। একটি গ্রন্থি যদি কোন কারণে বিকল হয়, তাহা হইলে সেই বিভাগের অন্য গ্রন্থিগুলি তাহার অভাব পূর্ণ করিবার জন্য চেষ্টা করিয়া থাকে।



আবার এক বিভাগের কোন গ্রন্থি হইতে যদি কোন কারণে অতিরিক্ত রসস্রাব হইতে থাকে, তাহা হইলে পীড়ার উৎপত্তি অবশ্যস্বাভাবিক। কিন্তু দেহের ভিতর ইহারও প্রতিকারের উপায় আছে। আ মরা পূর্বে দেখিয়াছি যে, এক বিভাগের গ্রন্থিগুলির কার্য, অন্য বিভাগের বিপরীত। এক বিভাগের কোন গ্রন্থি যদি অতিরিক্ত কার্য করিতে আরম্ভ করে, তাহা হইলে অন্য বিভাগের গ্রন্থিগুলি তৎক্ষণাৎ তাহাদের বিপরীত গুণসম্পন্ন অস্তম্ভী রস অধিকতর পরিমাণে নিঃসরণ করিয়া, উহার অনিষ্ট করিবার ক্ষমতা নষ্ট করিয়া দেয়। যেমন মটরগাড়ীর বন্ধ করিবার “ব্রেক” (brake)। এক বিভাগের গ্রন্থি, অন্য বিভাগের গ্রন্থির উপর কতকটা ব্রেকের কাজ করে। যতক্ষণ এই ব্রেক ঠিকমত কাজ করিতে পারে, ততক্ষণ অতিরিক্ত স্রাবের ফলে কোন রোগ উপস্থিত হইতে পারে না। আমরা এখানে একটা উদাহরণ দিব।

“কোন রোগীর সুপ্রায়েনল গ্রন্থি যদি কাটিয়া বাদ দেওয়া হয়, তাহা হইলে প্যানক্রিয়াস হইতে অতিরিক্ত পরিমাণে ইনসুলিন নিঃসৃত হইতে দেখা যায়। সুপ্রায়েনল ও প্যানক্রিয়াস, ইহারা দুইটা বিভিন্ন বিভাগের গ্রন্থি।

\* \* \* \* \*

অন্তঃরসস্রাবী গ্রন্থিগুলির কার্য পদ্ধতি—কতকটা বোধ কারবারের (লিমিটেড কোম্পানির) অনুরূপ। প্রত্যেক লিমিটেড কোম্পানির একটা করিয়া বোর্ড অব ডাইরেক্টর সভা থাকে এবং তাহার একজন নির্বাচিত সভাপতি থাকেন। সভাপতি নির্ধারিত সময় অন্তর পরিবর্তন হয়। এক এক সময় এক এক জন সভাপতি হইয়া কোম্পানির কার্য পরিচালনা করেন। অন্তঃরসস্রাবী গ্রন্থি সমূহের কার্যও ঠিক এইরূপে সম্পন্ন হয়।

### জীবনের অবস্থার সহিত গ্রন্থির সম্বন্ধ ও কার্য।

মানব জীবনে—শৈশব, বাল্য, যৌবন, প্রৌঢ় এবং বার্দ্ধক্য প্রভৃতি কয়েকটা বিভিন্ন অবস্থা আছে। এই সকল ভিন্ন ভিন্ন অবস্থায়—এক এক বয়সে, এক একটা অন্তঃরসস্রাবী গ্রন্থি প্রবল হয়। এইজন্য বিভিন্ন বয়সে মানুষের দেহ ও মনের এত পরিবর্তন উপস্থিত হইতে দেখা যায়।

মানব জীবনের এই বিভিন্ন অবস্থায় অন্তঃরসস্রাবী গ্রন্থির কার্যাদি কিরূপ ভাবে প্রকাশ পায়, যথাক্রমে তাহা কথিত হইতেছে। যথা;—

(১) শৈশবে—( During Infancy )। শৈশব কালে থাইমস্ গ্রন্থির কার্য সর্বাধিক প্রবল থাকে। থাইমস্ যদি না থাকিত, তাহা হইলে শিশুর করোটার গ্রন্থিগুলি অকালে সংযুক্ত হইত এবং শিশুর বৃত্তিক বর্ধিত হইবার স্থান পাইত না।

শৈশবে আরও দুইটা গ্রন্থি সক্রিয় হয়। যথা,—(১) পিটুইটারি গ্রন্থি করোটার গঠনে সহায়তা করে এবং (২) পিনিয়াল গ্রন্থি শিশুর জনেন্দ্রিয়কে অকালে বর্ধিত হইতে দেয় না; ইহার ফলে দেহ সর্বতোভাবে সুগঠিত হইবার সুযোগ লাভ করে।

(২) যৌবনের প্রারম্ভে—( Puberty )।—বালক বালিকা যখন যৌবনের

সন্ধিক্লে আসিয়া উপস্থিত হয়, তখন স্তন্থ কামগ্রহিণী জাগ্রত হইয়া উঠে । এই সময় কামগ্রহিণীর (Sexual glands) রাজত্বকাল । জননেত্রিয় সমূহ এই সময় বর্দ্ধিত হয় ।

(৩) যৌবনে—(During youth.) যৌবনকাল থাইরয়েডের যুগ । এই সময় থাইরয়েড গ্রন্থি বর্দ্ধিত ও কর্মক্ষম হয় এবং পিটুইটারি গ্রন্থির সহযোগে দেহ গঠনের ভার গ্রহণ করে ।

(৪) প্রৌঢ়াবস্থা ও বার্দ্ধক্যে—(after the climactic and in old age) ।—মানুষ যত যৌবন হইতে বার্দ্ধক্যের পথে অগ্রসর হয়, অন্তঃরসস্রাবী গ্রন্থিগুলিও তত ক্ষীণবীৰ্য হইতে থাকে । বার্দ্ধক্যে একমাত্র সুপ্রারেনল গ্রন্থির ক্রিয়া ঠিক থাকে ; এইজন্য এই বয়সকে আমরা সুপ্রারেনলের যুগ বলিতে পারি । সুপ্রারেনল গ্রন্থি যখন অকর্মণ্য হইয়া পড়ে, তখনই মৃত্যু হয় ।

আমাদের বাঙ্গালী জাতি অল্প বয়সে অকালপক হইয়া, বার্দ্ধক্যের অনেক পূর্বে অকালে ভবলীলা সাজ করে । বাঙ্গালীর যৌবনে, থাইরয়েড ও পিটুইটারি গ্রন্থি সম্যক বিকশিত হয় না । বার্দ্ধক্যের লক্ষণ—সুপ্রারেনল গ্রন্থির অতিবৃদ্ধি । কিন্তু ইহা আমাদের যৌবনেই দেখা দেয় । বাঙ্গালী দেশের লোক যে, হঠাৎ ছজুকে মাতিয়া উঠে, কিন্তু বেশী দিন এককাজে লাগিয়া থাকিতে পারে না, তাহার কারণও ইহাই । এইজন্যই আমাদের দেশে কেবল ছজুকই হয়—হায়ী কাজ বড় একটা হয় না ।

### ঔষধরূপে অন্তঃরসস্রাবী গ্রন্থির ব্যবহার ।

দেহের ভিতর শারীরিক ক্রিয়ায় বৈলক্ষণ্য, বৈধানিক বিকার প্রভৃতি যে সকল গোলযোগ উপস্থিত হয়, তাহার অধিকাংশেরই যে আপনা হইতে প্রতিকার হইয়া থাকে ; ইহার কারণ—দেহমধ্যে অন্তঃরসস্রাবী গ্রন্থিগুলির বিঘ্নমানতা । ইহারাই প্রকৃতির ঔষধ ভাণ্ডার ।

মানব দেহে যে অন্তঃরসস্রাবী গ্রন্থিগুলি আছে, গো, যে প্রভৃতি জীবদেহেও সেগুলি পাওয়া যায় । অতএব প্রকৃতি যে ভাবে অন্তঃস্থ রসগুলি দেহরক্ষা কার্যে ব্যবহার করে, আমরাও ঐ সকল প্রাণী হইতে সংগৃহীত রসগুলি সেইভাবে ঔষধরূপে প্রয়োগ করিতে পারি ।

ভেড়া প্রভৃতি কয়েকটা জন্তর দেহ ও মানবদেহের গঠন প্রণালীর মধ্যে খুব বেশী পার্থক্য নাই । আমরা গাছপালা, লতাপাতা হইতে প্রস্তুত যে সকল ঔষধ ব্যবহার করি, তাহাদের সহিত মানব দেহের পার্থক্য অনেক বেশী । খাত্ত্ব ঘটত ও রাসায়নিক ঔষধগুলিও আমাদের দেহের সহিত সমপ্রকৃতি সম্পন্ন নহে । এই সকল বিজাতীয় ঔষধ অপেক্ষা, ভেড়া প্রভৃতি যে সকল পশুর মাংস আমরা খাই, তাহাদের দেহমধ্যে প্রস্তুত—প্রকৃতিদত্ত ঔষধগুলি যে মানবশরীরে অধিকতর উপকারী হওয়া সম্ভব, তহন্থেখ বাহুল্য মাত্র । কিন্তু হুঃখের বিষয় এই যে, আমরা আজ পর্যন্ত অধিকাংশ অন্তঃরসস্রাবী গ্রন্থির কার্যপ্রণালী সম্বন্ধে সম্পূর্ণ জ্ঞানলাভ করিতে পারি নাই ।

### ঔষধার্থ অস্তুরস্রাবী গ্রন্থি প্রয়োগের উদ্দেশ্য ।

নিম্নলিখিত কয়েকটি উদ্দেশ্য সাধনার্থ অস্তুরস্রাবী গ্রন্থিগুলি প্রয়োগ করা যায় । যথা —

**অভাব পূরণের জন্য** ( Substitutive বা পরিবর্তে ব্যবহার) ।

মানুষের কোন গ্রন্থির যদি অঙ্গহানি বা ক্রিয়াশক্তি হ্রাসপ্রাপ্ত হয়, তাহা হইলে অত্র প্রাণী হইতে ঐ গ্রন্থি সংগ্রহ করিয়া তাহাকে প্রয়োগ করিলে, উহার অভাব পূর্ণ হইয়া থাকে

( ২ ) **গ্রন্থির ক্রিয়ার অনুরূপ কার্য সম্পাদন উদ্দেশ্যে** ।

প্রত্যেক অস্তুরস্রাবী রসের এক একটা বিশেষ ক্রিয়া আছে । অনেক সময় এই বিশেষ ক্রিয়া সম্পাদনার্থ, সেই বিশিষ্ট ক্রিয়াসম্পন্ন গ্রন্থি ঔষধরূপে ব্যবহার করা হয় । যেমন পিটুইটারি গ্রন্থির কার্য—জরায়ুকে সঙ্কচিত করা । এক্ষণে জরায়ুকে সঙ্কচিত করিবার প্রয়োজন হইলে, উক্ত গ্রন্থির রস—পিটুইট্রীন ব্যবহৃত হয় ।

( ৩ ) **অন্য অস্তুরস্রাবী গ্রন্থির সাহায্য বা তাহার কার্যক্ষমতা দমন করিবার উদ্দেশ্যে** :—কোন গ্রন্থি হইতে যদি পর্যাপ্ত পরিমাণে অস্তুরস্রাবী রস নিঃসৃত না হয়, তাহা হইলে অত্র প্রাণী হইতে সেই গ্রন্থি লইয়া প্রয়োগ করিলে, এই অভাব পরিপূরিত হইয়া থাকে ।

আবার যদি কোন গ্রন্থি হইতে অত্যধিক পরিমাণে অস্তুরস্রাবী রসস্রাব হইয়া রোগাৎপত্তি হয়, তাহা হইলে ঐ গ্রন্থির বিপরীত ক্রিয়া বিশিষ্ট কোন গ্রন্থি প্রয়োগ করিলে, উক্ত গ্রন্থির ক্রিয়াধিক্য দমিত হইতে পারে ।

**ঔষধার্থ গ্রন্থির প্রয়োগ বিধি** । অস্তুরস্রাবী গ্রন্থিগুলি দেহের ভিতর সম্পূর্ণ স্বাধীনভাবে কাজ করে না—তাহাদের পরস্পরের মধ্যে একটা ঘনিষ্ঠ সম্বন্ধ আছে—একটা গ্রন্থি বিকল হইলে, সঙ্গে সঙ্গে অত্র গুলিরও অন্নবিস্তর পরিবর্তন উপস্থিত হয় । এইজন্য অনেক সময় যে গ্রন্থিটা রুগ্ন হইয়াছে, শুধু সেইটা প্রয়োগ করিলে আশানুরূপ উপকার পাওয়া যায় না—সঙ্গে সঙ্গে কয়েকটা সমক্রিয়াবিশিষ্ট গ্রন্থিও ব্যবহার করিতে হয় । কিন্তু আজকাল যে ভাবে অস্তুরস্রাবী গ্রন্থিগুলি ব্যবহার করা হইতেছে, তাহাও কোনমতে সমর্থন করা যায় না । পেটেন্ট ঔষধ বিক্রেতাদের যে সকল অস্তুরস্রাবী গ্রন্থিযুক্ত ঔষধ বাজারে পাওয়া যায়, তাহাদের এক একটার মধ্যে অনেকগুলি গ্রন্থি থাকে । এই ঔষধগুলির ব্যবহার আজকাল কতকটা ফ্যাসন হইয়া উঠিয়াছে । এইরূপ ঔষধ ব্যবহারের ফলে, রোগীর যে গ্রন্থিগুলি প্রয়োজন, তাহা ব্যতীতও অনেক অপ্রয়োজনীয় গ্রন্থিও অকারণে দেহের ভিতর গিয়া অনিষ্ট করিতে পারে । এইরূপ অন্ধকারে টিল মারাকে চিকিৎসা বলা চলে না । কোন অস্তুরস্রাবী গ্রন্থি রুগ্ন হইয়াছে, প্রথমে তাহা পরীক্ষা করিয়া নির্ণয় করিতে হইবে, তাহার পর তদনুযায়ী চিকিৎসার ব্যবস্থা করাই সমীচিন ।

দেহস্থ অস্তুরস্রাবী গ্রন্থিগুলির সাধারণ পরিচয়াদি মোটামুটি ভাবে আলোচিত হইল । অতঃপর পরবর্তী সংখ্যা হইতে প্রত্যেক গ্রন্থির সম্বন্ধে যাবতীয় জ্ঞাতব্য তথ্য এবং এক একটা

গ্রন্থির অকর্ষণ্যতা বা তাহার ক্রিয়ার ব্যতিক্রম বশতঃ যত রকম পীড়া উপস্থিত হইতে পারে, তদসমুদয় পীড়ার বিবরণ ও চিকিৎসাদি ধারাবাহিকরূপে সবিস্তারে আলোচনা করিব। “এণ্ডোক্রিনোলজি” বিষয়টি একটু নিরস ও হ্রস্বোধ্য হইলেও অতীব প্রয়োজনীয়। আমরা যতদূর সাধ্য এতদসম্বন্ধীয় সমুদয় তথ্যই সরল ও সহজ বোধগম্য ভাবে এবং বিবিধ চিত্র সাহায্যে বুঝাইবার চেষ্টা করিব। আশা করি—পাঠকগণ ধৈর্য্যপূর্ব্বক এই অতি প্রয়োজনীয় বিষয়টি আত্মপাস্ত পাঠ করিবেন।

(ক্রমশঃ)



## শৈশবীয় একজেমা—Infantile Eczema\*

লেখক—ডাঃ এ, কে, এম, আব্দুল ওয়াহেদ B Sc M. B.

হাউস সার্জন, কলিকাতা মেডিক্যাল কলেজ।

—:~:—

চর্মরোগের মধ্যে একজেমা একটা অতি সাধারণ ব্যাধি। স্ত্রীপুরুষ, বালকবৃদ্ধ, সকলেরই—সকল বয়সে এবং দেহের যে কোন স্থানে এই ব্যাধি আক্রমণ করিতে পারে। একজেমাকে চর্মের উপরিভাগের এক প্রকার প্রদাহ (catarrh or superficial inflammation) বলা যাইতে পারে। দেহের কোন স্থানে প্রদাহ হইলে, সেই স্থান বেরূপ লোহিত বর্ণ ধারণ করে, ক্ষীত ও উষ্ণ হয় এবং যন্ত্রণাদায়ক হইয়া উঠে; চর্মের প্রদাহেও তদ্রূপ উপরোক্ত চিহ্ন বা লক্ষণগুলি প্রকাশ পায়। তবে চর্মের যন্ত্রণা একটু শতদ্রু প্রকৃতির—উহা চুলকানীরূপে উপস্থিত হয়। প্রত্যেক একজেমা আক্রান্ত রোগীর কোন না কোন অবস্থায় চুলকানীর আবির্ভাব হওয়া সাধারণ।

বর্ণনা।—যদিও একজেমা অতি সাধারণ ব্যাধি, তথাপি ইহার উৎপত্তির কোন চূড়ান্ত কারণ নির্দিষ্ট হয় নাই। কেহ কেহ বলেন - “বাহির হইতে উত্তেজনা বা আঘাতের (External irritation) নিমিত্ত একজেমার সৃষ্টি হয়”। অপর এক শ্রেণীর চিকিৎসক

\* চিকিৎসা প্রকাশের মত বিশেষভাবে লিখিত।

বলেন—“পূঁজ উৎপাদক আণুবীক্ষণিক জীবাণু—( Pyogenic micro-organism ) কর্তৃক একজেনমার উৎপত্তি হয় । অনেকে আবার এই মত পোষণ করেন না ; ইহারা বলেন যে, একজেনমার একেবারে প্রারম্ভ কালে, ক্ষতের মধ্যে কোন জীবাণুর অস্তিত্ব দেখা যায় না, পরে চর্মের উপর সাধারণতঃ যে সমস্ত জীবাণু দেখা যায়, তাহারাষ্ট ঐ সমস্ত ক্ষত অধিকার করিয়া বসে এবং রোগের গতি পরিবর্তিত ও রোগ দীর্ঘকাল স্থায়ী করিয়া দেয় ।

আধুনিক চিকিৎসকগণের মত এই যে—‘ একজেনমা রোগে জীবাণুই রোগের কারণ নহে,—রোগ আরম্ভ হইবার পরে উহারা আসিয়া ক্ষতগুলি অধিকার করে ( secondary infection )’ । অপর একদল চিকিৎসকগণ বলেন যে—“রক্তের মধ্যে পরিবর্তন ঘটায় একজেনমা রোগের উৎপত্তি হয় । রক্তের উপর দেহজাত বিষের ক্রিয়ার ফলে, একজেনমা রোগের উৎপত্তি হইতে পারে । গাউট (gout), কোষ্ঠবদ্ধতা (constipation), ইঁপানি (Asthma); অজীর্ণ (Dyspepsia); মূত্রে শর্করা (glycosuria), রক্তাঙ্গতা (anaemia), স্নায়বিক দৌর্ভল্য (nervous depression) ইত্যাদি পীড়ায় রক্ত দূষিত হইয়া, একজেনমা আক্রমণের সম্ভাবনা বাড়াইয়া দেয় । দেহের বহির্ভাগে ছানা জাতীয় দ্রব্য (foreign protein), ক্ষত উত্তেজক বিষাক্ত পদার্থের স্থায় কার্য্য করিয়া (anaphylactic stimulation) অনেক সময়ে একজেনমা রোগের সৃষ্টি করে । অণুলাল, গোমাংস, ছানা ইত্যাদি প্রোটিনই এইরূপ ক্রিয়া করে ।

শিশুদের একজেনমা—এখন প্রশ্ন হইতে পারে, শিশুদের একজেনমা (Infantile Eczema) বলিয়া কোন স্বতন্ত্র ব্যাধি আছে কি না? এতদ্বত্তরে বলা যায় যে, যেমন শিশুদের লিভারের সিরোসিস (Infantile Liver), বয়স্ক ব্যক্তিদিগের লিভারের সিরোসিস হইতে একটি সম্পূর্ণ পৃথক ব্যাধি; তদ্রূপ শিশুদের একজেনমা ও বয়স্ক ব্যক্তিদিগের একজেনমা পৃথক ব্যাধি নহে—একই ব্যাধি । শিশুদের ইঁপানি (Infantile Asthma) পীড়াও সাধারণ ইঁপানি (Asthma) হইতে পৃথক ব্যাধি নহে; উভয় প্রকার ইঁপানি একই প্রকার কারণ হইতে উদ্ভূত হইতে পারে । এই সকল পীড়ার স্থায় একজেনমা যখন শিশুদের আক্রমণ করে, তখন আমরা উহাকে “শৈশবীয় একজেনমা” (Infantile Eczema) বলি । চর্মরোগের বিশেষজ্ঞ চিকিৎসকগণ তাহাদের পুস্তকে, একজেনমাকে এরূপ দুইভাগে বিভক্ত করেন নাই । তবে শিশুরোগের চিকিৎসকগণ তাহাদের গ্রন্থে “শিশুদের একজেনমা রোগ” (Infantile Eczema) এই নাম করণ করিয়া থাকেন । এইরূপ পৃথক নামকরণের একমাত্র কারণ এই যে, শিশুদের এই অতি সাধারণ ব্যাধিকে একটু বিশেষত্ব প্রদান করিয়া, ইহার প্রতি সকলের দৃষ্টি আকর্ষণ করিবার প্রয়াস পাওয়া ।

শিশুদের একজেনমা এক বৎসর বয়সের মধ্যেই অধিক দেখা যায় । কোন কোন স্থলে এক বৎসরের পর উহা আপনা আপনি সারিয়া যায় । আবার অধিকাংশ স্থলে কয়েক বর্ষকাল



স্থায়ী হইয়া থাকে । অনেক স্থলে শিশুদের উপযুক্ত পথ্যের অভাবেই এই ব্যাধির সৃষ্টি হয় । এই ব্যাধি আরোগ্য করিতে হইলে, চিকিৎসকের যথেষ্ট বুদ্ধিমত্তা প্রকাশ করিতে হয় । এই ব্যাধির চিকিৎসা করা বিশেষ সুকঠিন এবং তাহার কতকগুলি কারণও আছে ।

**প্রথমতঃ**—একই সময়ে একই রোগীতে একজেরা রোগের বিভিন্নাবস্থা, বিভিন্ন আকারে বিद्यমান থাকায়, রোগ নির্ণয় পক্ষে সন্দেহ ঘটিতে পারে । বিভিন্ন আকারের পীড়ায় বিভিন্ন প্রকার চিকিৎসা অবলম্বন করা আবশ্যিক ; সুতরাং বিশেষ বিবেচনা না করিয়া, কোন একটি ঔষধ সকল প্রকারের একজেরায় প্রয়োগ করা বিধেয় নহে । একই রোগীতে, একই সময়ে বিভিন্ন প্রকারের ঔষধ প্রয়োগ করিবার প্রয়োজন হয় । অনেক সময় ইহার ব্যতিক্রম ঘটায় পীড়া দূরারোগ্য হইয়া থাকে ।

**দ্বিতীয়তঃ**—এই রোগে স্থানিক চিকিৎসা অর্থাৎ আক্রান্ত স্থানের উপর উপযুক্ত ঔষধ প্রয়োগই (local treatment) চিকিৎসার প্রধান অঙ্গ ; কিন্তু সঙ্গে সঙ্গে শিশুর পথ্যের উপর বিশেষ দৃষ্টি রাখিতে হইবে এবং সাধারণভাবে ঔষধ সেবন করাইবার আবশ্যিক হইলে, তাহাও করিতে হইবে । অনেক স্থলেই যথায়ভাবে এই কর্তব্য সম্পন্ন হয় না ।

**তৃতীয়তঃ**—একজেরার কতগুলি অনেক সময় ভীষণভাবে চুলকাইতে থাকে । ক্ষুদ্র শিশুরা এই চুলকাইবার প্রবৃত্তি রোধ করিতে পারে না । ইহার ফলে, কয়েক সপ্তাহের ঔষধ প্রয়োগের সফল, কয়েক মিনিট চুলকাইবার নিমিত্ত নষ্ট হইয়া যাইতে পারে । এই সকল কারণের নিমিত্ত এই ব্যাধির চিকিৎসাকালে অতি ক্ষুদ্র ক্ষুদ্র ব্যাপারের উপর তীক্ষ্ণ দৃষ্টি রাখিয়া, বিশেষ বিবেচনা ও বুদ্ধি সহকারে ঔষধের ব্যবস্থা করিতে হইবে ।

**সংক্ষিপ্ত** । চর্মের কোন স্থানে একজেরা আক্রমণ করিলে, প্রথমতঃ সেই স্থান লোহিতবর্ণ ধারণ করে, পরে ঐ স্থানে ছোট ছোট দানার ( papulis ) উৎপত্তি হয় । তৎপরে ঐ দানাগুলি রসে পূর্ণ হইয়া উঠে ( visicles ) । এই অবস্থায় রসপূর্ণ দানাগুলি জীবাণু দ্বারা দূষিত হইয়া পড়ে । এই সময়ে উহারা ফাটিয়া যাইতে পারে এবং ঐ স্থান হইতে ক্রমাগত রস ঝরিতে থাকে ; অথবা রসযুক্ত দানাগুলি শুকাইয়া গিয়া উহা খোস আকারে পরিণত হইতে পারে, কিম্বা রসযুক্ত দানাগুলিতে পুঞ্জের সৃষ্টি হইয়া উহা হইতে পুঁজযুক্ত রস নিঃসৃত এবং পুঁজ গুচ্ছ হইয়া আঁইস ( cruts ) সৃষ্টি হইতে পারে ।

**প্রকার ভেদ** ।— একজেরার উল্লিখিত প্রকৃতি হইতে বুঝিতে পারা যায় যে, ইহা এক অবস্থা হইতে আর এক অবস্থায় পরিবর্তিত হইয়া, ক্রমশঃ হয় রসস্রাবী, না হয় পুঁজযুক্ত, অথবা গুরু আঁইসযুক্ত অবস্থায় পরিণত হইয়া থাকে । কিন্তু আবার স্থল বিশেষে এই সকল বিভিন্ন অবস্থার যে কোন একটি অবস্থায়ও বিद्यমান থাকিতে পারে । সুতরাং আমরা কোন একটি রোগীতে একাধারে নিম্নলিখিত সর্বপ্রকার বা যে কোন একটি বিশেষ অবস্থায় একজেরা দেখিতে পাইতে পারি ।



- ( ১ ) লোহিতবর্ণ প্রদাহযুক্ত একজেরমা
- ( ২ ) দানায়ুক্ত একজেরমা
- ( ৩ ) রসপূর্ণ দানায়ুক্ত একজেরমা
- ( ৪ ) রসস্রাবী একজেরমা (weeping Eczema)
- ( ৫ ) খোস বা অ'ইসযুক্ত একজেরমা
- ( ৬ ) বীজাণুচূর্ন পুঁজ সংযুক্ত একজেরমা

এতদ্ব্যতীত মস্তক ও কাণের পিছনের দিকে এক প্রকার একজেরমা হয়, উহাকে সেবোরিক একজেরমা (seborrœic Eczema) বলে ।

উল্লিখিত বিভিন্ন প্রকার একজেরমার চিকিৎসাদি বধাক্রমে কথিত হইতেছে ।

## চিকিৎসা ।

(১) লোহিতবর্ণ বিশিষ্ট প্রদাহিক ও দানায়ুক্ত একজেরমা (erythematus or papular Eczema )—এই প্রকার একজেরমা প্রায়ই দেখা যায় এবং শরীরের যে কোন অংশে ইহা আক্রমণ করিতে পারে । এইরূপ একজেরমায় অত্যন্ত জ্বালা বোধ এবং আক্রান্ত স্থান অধিকতর উষ্ণ হয় । ইহাতে চর্কা মিশ্রিত কোন মলম ঔষধ ব্যবহার করা কর্তব্য নহে । নিষ্কর চূর্ণ বা লোসন আকারে ঔষধ প্রয়োগ করিতে হয় । এতদর্থে নিম্নলিখিত চূর্ণ ঔষধটি বিশেষ উপযোগিতার সহিত ব্যবহৃত হয় ।  
বধা ;—

১। Re.

পালভ টাল্ক ... ১ ভাগ ।

পালভ জিফ অসাইড ... ১ ভাগ ।

একত্র মিশ্রিত করিয়া প্রচুর পরিমাণে এই পাউডার ( চূর্ণ ) ঘায়ের উপর ছড়াইয়া দিয়া, গজ দিয়া আবৃত করিয়া রাখা উচিত ।

এইরূপ একজেরমায় ক্যালামিন লোসন \* (Calamine lotioion) বিশেষ উপকারী ;

\* নিম্নলিখিতরূপে ক্যালামিন লোসন প্রস্তুত হইয়া থাকে । বধা ;—

Re.

ক্যালামিন ... ৪০ গ্রেন ।

জিলাই অসাইড ... ২২ গ্রেন ।

মিসিরিণ ... ১০ ½ মিসির ।

জল ( বা রোজ ওয়াটার ) ... এড. ১ আউন্স ।

একত্র মিশ্রিত করিয়া লোসন । ( ইউনিভার্সিটি কলেজ হস্পিটাল ও লণ্ডন হস্পিটালের করমুলা )

কিন্তু ঐ লোশন প্রস্তুতকালে, উহা হইতে মিসিরিণ বাদ দেওয়া কর্তব্য । এই লোশন যতই ঘায়ের উপর শুকাইতে থাকে, ততই ঘায়ের জ্বালা ও চুলকানী কমে এবং ঘা ঠাণ্ডা বোধ হয় । লোশনের জলীয় অংশ শুকাইয়া যাইবার পর যে গুঁড়া পড়িয়া থাকে, তাহা ঘায়ের স্নিগ্ধকর আবরণী স্বরূপ থাকিয়া যায় । এই লোশন ঘায়ের উপর ঘন ঘন প্রয়োগ করা কর্তব্য ; যেমনই লোশন শুকাইয়া আসিবে, তৎক্ষণাৎ উহা পুনঃ প্রয়োগ করিতে হইবে । লোশনে লিণ্ট ভিজাইয়া উহা দ্বারা ঘা আবৃত করিয়া রাখিলেও হয় এবং লিণ্ট শুকাইবার উপক্রম হইলে, উহা পুনরায় ভিজাইয়া দিবে । তবে যদি দেহের অধিকাংশ স্থান এই প্রকার একজেমায় আক্রান্ত হয়, তাহা হইলে অত্যধিক ক্যালামিন লোশন প্রয়োগ করা বিধেয় নহে । কারণ, তাহাতে রোগীর ঠাণ্ডা লাগিবার সম্ভাবনা থাকে । রোগীকে পটাশ সাইট্রাস বা ভাটনাম এক্টিমনি খাইতে দেওয়া যাইতে পারে । নূতন প্রদাহে আর্সেনিক ব্যবহার করা উচিত নহে ।

অনেকে একজেমায় “টার” ( আলকাতরা ) ব্যবহার করেন, কিন্তু এই প্রকৃতির পীড়ার প্রদাহের প্রথমাবস্থায় “টার” ( আলকাতরা ) কিছুতেই ব্যবহার করা উচিত নহে ; উহাতে প্রদাহ অধিকতর বৃদ্ধি হইয়া ক্ষত আরও বাড়িয়া যায় । তবে পীড়া একটু পুরাতন হইয়া আসিলে এবং উহার কতকটা উপশম হইলে এবং ক্ষত যদি বীজাণু দৃষ্ট না হয়, তাহা হইলে নিম্নলিখিত পেষ্ট আকারে Paste) ইহা ব্যবহার করা যাইতে পারে ।

২ । Re.

কুড কোলটার (বিগুন্ধ আলকাতরা) ..	২ ভাগ ।
জিন্সাই অক্সাইড ...	২ ভাগ ।
ষ্টার্চ ...	২ ভাগ ।
ভেসেলিন ...	১৬ ভাগ ।

একত্র মিশ্রিত করিয়া পেষ্ট । আক্রান্ত স্থানে প্রত্যহ ২ বার প্রয়োগ্য ।

**রসপূর্ণ দানামুক্ত একজেমা**—এক বা দেড় বৎসর বয়স্ক শিশুদিগের মধ্যে এইরূপ একজেমা প্রায় দেখা যায় । ইহাতে শিশুর সর্কাসে—বিশেষতঃ, বুকে এবং পিঠে রসপূর্ণ দানার আবির্ভাব হয় । এই অবস্থার প্রারম্ভেই ষ্টার্চ ও বোরিক (Starch & Boric) পোলটিস বিশেষ উপকারী । নিম্নলিখিতরূপে “ষ্টার্চ বোরিক” পোলটিস প্রস্তুত ও প্রয়োগ করিতে হয় । যথা—

৪ ড্রাম ষ্টার্চের সহিত এক ড্রাম বোরিক এসিড, মিশাইয়া জল সংযোগে পাতলা আটার গায় প্রস্তুত করিয়া উনানে চড়াইয়া দিয়া উহার সহিত আন্তে আন্তে ফুটন্ত জল মিশ্রিত করিতে হইবে ; এইরূপ জল মিশ্রিত করিবার সঙ্গে সঙ্গে ভাল করিয়া নাড়িতে হইবে । ইহাতে শীঘ্রই উহা থক থকে জেলীর মত হইবে । পরে উহা

উনান হইতে নামাইয়া ঠাণ্ডা করিয়া, আবশ্যক মত আকারের অয়েল্ড সিল্ক বা গটাপর্চার টীশুর (oiled Silk or Gutta Purcha tissue) উপর ১/৪ হইতে ১/২ ইঞ্চি পর্য্যন্ত পুরু করিয়া বিছাইয়া দিয়া, ঘায়ের উপর প্রয়োগ করিতে হইবে এবং ১২ হইতে ২৪ ঘণ্টা পর্য্যন্ত ঐরূপ রাখিয়া দিবে। এইরূপ পোন্টিস প্রয়োগের ফলে ঘা বেশ নিঃশব্দ বোধ হয়। ক্ষত উপশমিত হইলে ক্যালামিন লোসনের কম্প্রেস দেওয়া যাইতে পারে। তারপর ক্রমে রসপূর্ণ দানাগুলি বসিয়া গেলে, নিম্নলিখিত পেষ্ট (Paste) প্রয়োগ করিলে উপকার হয়। যথা ;—

৩। Re

পালভ জিঙ্ক অক্সাইড	...	২ ড্রাম।
পালভ এমাইলি	...	২ ড্রাম।
প্যারাফিন মোলিস	...	১/২ আউন্স

একত্র মিশ্রিত করিয়া পেষ্ট। আক্রান্ত স্থানে প্রয়োগ্য।

একজেমার ক্ষতে যদি জ্বালা, যন্ত্রণা বা চুলকানী বর্তমান থাকে, তাহা হইলে পূর্কোক্ত ষ্টার্চ বোরিক পেষ্টের সহিত ২ গ্রেণ ইকথিওল বা ২ মিনিম এসিড কার্বলিক লিকুইড মিশাইলে বিশেষ উপকার হয়। আর্দ লিণ্টের উপর উক্ত পেষ্ট বিছাইয়া দিয়া, উহা ঘায়ের উপর প্রয়োগ করিতে হয়। লিণ্ট হইতে যতই জল শুকাইতে থাকে, রোগীরও তত আরাম বোধ হয়। ইহা ব্যবহারের ফলে ঘা আরামের দিকে গেলে, ক্রমশঃ উহাতে সমান পরিমাণ কোল্ড ক্রিম মিশ্রিত করিয়া দেওয়া কর্তব্য। যদি ২৪ ঘণ্টা পেষ্ট ব্যবহারের ফলে ঘা বাড়িয়া যায়, তাহা হইলে অবিলম্বে পুনরায় ক্যালামিন লোসন ব্যবহার করা উচিত।

**রস স্রাবী একজেমা ( Weeping Eczema )**—অধিক পরিমাণে মিষ্ট দ্রব্য (Sugar) বা চর্বি (fat) খাওয়াইয়া, যে সমস্ত শিশুদিগকে মোটা মোটা করিয়া তোলা হইয়া থাকে ; তাহাদেরই সাধারণতঃ এইরূপ প্রকৃতির একজেমা হয়। মুখে, হাতে, কুমুইয়ের সামনে, জাহুর পিছনে পায়ে বা গায়ের সর্বত্র এই জাতীয় একজেমা হইতে পারে।

**চিকিৎসা।**—এই প্রকার একজেমায় সর্বপ্রথমে পূর্কোক্ত “ ষ্টার্চ-বোরিক ” (Starch & Bori:) পোন্টিস প্রয়োগ করা বিশেষ আবশ্যিক। ইহা একজেমার ক্ষতে নিঃশব্দকর ক্রিয়া প্রকাশ করিয়া রোগীর অশান্তি দূর করে। পোন্টিস প্রয়োগে পীড়াক্রান্ত স্থানের প্রসারিত (dilated) রক্তপ্রণালীসমূহ সঙ্কুচিত হওয়ায় রসোৎপাদন কম হয়। যেটুকু রস উৎপন্ন হয়, তাহা পোন্টিসে টানিয়া লয় ; সুতরাং রসদ্বারা ঘায়ের উত্তেজনা বৃদ্ধি করিতে পারে না বা রস জমাট বাধিয়া আইস বা খোস জন্মে না; ঘা বেশ পরিষ্কার থাকে ; ক্ষত হইতে রস নিঃসরণ হ্রাস হইলে, ক্যালামিন লোসনের কম্প্রেস দেওয়া কর্তব্য।

নিম্নলিখিতরূপে এই লোসন প্রয়োগ করিলে অধিকতর উপকার হইয়া থাকে ।  
যথা ;—

## ১। Re

সালফার প্রিসিপিটেড্	...	৮ গ্রেণ ।
লোসিও ক্যালামিন	...	এড্ ৮ আউন্স ।

একত্র মিশ্রিত করিয়া পূর্বোক্তরূপে প্রয়োজ্য । অথবা—

## ২। Re

কলোসল সালফার	...	১ আউন্স ।
ক্যালামিন লোসন	...	এড্ ৮ আউন্স ।

একত্র মিশ্রিত করিয়া পূর্বোক্তরূপে প্রয়োজ্য ।

একজেমার রস নিঃসরণ হ্রাস হইলে, নিম্নলিখিত লোসনটীও বিশেষ উপযোগিতার সহিত ব্যবহার করা যায় । যথা,—

## ৩। Re

লাইকর প্লাস্‌মাই সাব্‌এসিটেট্	..	১ ড্রাম ।
স্পিরিট ভাইনাম রেক্টিফায়েড	...	১/২ আউন্স ।
একোয়া ডিষ্টিলেটা	...	এড্ ১০ আউন্স ।

একত্র মিশ্রিত করিয়া ইহাতে লিণ্ট ভিজাইয়া, আক্রান্ত স্থানে পুনঃ পুনঃ প্রয়োগ করিতে হইবে । এই লোসনটী একাধারে স্নিগ্ধকারক ও শ্রাবনিবারক ।

উল্লিখিত চিকিৎসায় একজেমায় ক্রতের অবস্থার অধিকতর হিতপরিবর্তন সাধিত হইলে, যথাক্রমে নিম্নলিখিত পেট্ট ও মলম প্রয়োগ করিলে উহা সম্পূর্ণরূপে আরোগ্য হইবে । যথা,—

## ১। Re

ল্যানোলিন	...	১ ড্রাম ।
অক্সাইমেন্ট বোরাসিস	...	৩ ড্রাম ।
প্যারাক্সিন মোলিস	...	১ ১/২ আউন্স ।

একত্র মিশ্রিত করিয়া পেট্ট প্রস্তুত করিবে ।

## ২। Re

অক্সাইমেন্ট বোরাসিস	...	১ ভাগ ।
অক্সাইমেন্ট জিঙ্কাই অক্সাইড	...	১ ভাগ ।

একত্র মিশ্রিত করিয়া মলম প্রস্তুত করিবে ।

আধুনিক অনেক চিকিৎসকের মতে, রসস্রাবী একজিমায় ক্রুড্ কোলটার ( Crude Coaltar) অত্যন্ত উপকারী বলিয়া কথিত হইতেছে । অনেকেই বলেন যে, ইহা পিওনের

এই শ্রেণীর একজেমায় অণু ফল প্রদ। অল্পদিন হইল একজেমায় ইহার ব্যবহার প্রচলিত হইয়াছে এবং অধিকাংশ স্থলেই এতদ্বারা সফল পাওয়া যাইতেছে। ফার্মাকোপিয়ার লাইকর কার্বনিস ডিটারজেন্স, এই ক্রুড কোলটার হইতে বিগুঙ্কিকরণ দ্বারা প্রস্তুত হইয়াছে। কিন্তু ক্রুড কোলটারের পরিবর্তে ইহা ব্যবহার করিলে সফল পাওয়া যায় না। আমরা যাহাকে সাধারণ আলকাতরা বলি, উহাই ক্রুড কোলটার। একজেমায় প্রয়োগার্থ উৎকৃষ্ট আলকাতরাই ব্যবহার্য। সব সময় ভাল আলকাতরা পাওয়া যায় না। যে আলকাতরা ঘোর কৃষ্ণ বর্ণ এবং উহা একরূপ গাঢ় হইবে যে, পাত্র উপড় করিলেও সহজে পড়িবে না, সেই আলকাতরাই উৎকৃষ্ট এবং ইহাই রসস্রাবী একজিমায় উপকারী।

**আলকাতরা প্রয়োগ প্রণালী।** একটা তুলিতে করিয়া প্রত্যহ সকালে এবং সন্ধ্যাকালে একজেমার উপর আলকাতরা প্রয়োগ করা কর্তব্য। সাধারণতঃ কয়েক মিনিটের মধ্যেই উহা শুকাইয়া যায়। যতদিন পর্যন্ত একজিমা হইতে রস নিঃসরণ বন্ধ না হইবে, ততদিন এইরূপ ভাবে প্রয়োগ করা কর্তব্য।

সাধারণতঃ ৩ঃ দিন এইরূপে আলকাতরা প্রয়োগ করিলেই, রস নিঃসরণ বন্ধ হইতে দেখা যায়। রসনিঃসরণ বন্ধ হইলেই, ২।১ দিনের মধ্যেই শুষ্ক আলকাতরার স্তর আপনা আপনিই খসিয়া পড়ে এবং উহার নীচে পাতলা লোহিত বর্ণ নূতন চর্ম উদ্ভূত হইয়াছে, দেখা যায়। এইরূপ স্থলে ঐ নূতন চর্ম নিম্নলিখিত যে কোন মলম দ্বারা আবৃত রাখা কর্তব্য।

১। Re

বিসমাথ সাব কার্বনাস	...	২ ড্রাম।
লাইম ওয়াটার	...	যথা প্রয়োজন।
য়ান্‌হাইড্রাস ল্যানোলিন	...	এড ২ আউন্স

একত্র মিশ্রিত করিয়া মলম প্রস্তুত করিবে।

২। Re,

ষ্টার্চ	...	২ ড্রাম।
জিন্সাই অক্সাইড	...	২ ড্রাম।
ভেসেলিন	...	২ আউন্স।

একত্র মিশ্রিত করিয়া মলম।

স্মরণ রাখা কর্তব্য—জীবাণু-দূষিত একজেমার ক্ষতে আলকাতরা প্রয়োগ করা কর্তব্য নহে। আলকাতরায় যে কতকটা ফিনোল (Phenol) বা কার্বলিক এসিড থাকে, বিঘ্নিত ক্ষতে প্রয়োগ হেতু, তদ্বারা বিধক্রিয়া প্রকাশ পাইতে পারে।

**থোস বা স্কাবিগ একজিমা (Scabeg Eczema)।** এই শ্রেণীর একজেমায় পূর্বে ষ্টার্চ-বোরিক পোলটাস প্রয়োগ অথবা নিম্নলিখিত মলম প্রয়োগ করিলে বিশেষ উপকার হয়।



১। Re.

এসিড স্যালিসিলিক	...	৫ গ্রেণ।
ল্যানোলিন	...	১ ড্রাম।
ভেসেলিন	...	এড ১ আউন্স।

একত্র মিশ্রিত করিয়া মলম। অথবা -

২। Re.

লাইকর কার্বনিস ডিটারজেন্স	...	৫ মিনিম।
এসিড স্যালিসিলিক	...	৫ গ্রেণ।
ল্যানোলিন	...	১ ড্রাম।
ভেসেলিন	...	এড ১ আউন্স।

একত্র মিশ্রিত করিয়া মলম। অথবা—

৩। Re.

এসিড স্যালিসিলিক	...	৫ গ্রেণ।
ইকথিওল	...	৫ গ্রেণ।
ল্যানোলিন	...	১ ড্রাম।
ভেসেলিন	...	এড ১ আউন্স।

একত্র মিশ্রিত করিয়া মলম। অথবা—

৪। Re.

এসিড স্যালিসিলিক	...	২০ গ্রেণ।
জিন্সাই অক্সাইড	...	২ ড্রাম।
ষ্টার্চ	...	২ ড্রাম।
ভেসেলিন	...	এড ২ আউন্স।

একত্র মিশ্রিত করিয়া মলম

**জীবাণুদূষ্ট পূঁজ সংযুক্ত একজেমা।**—অনেকেই এই শ্রেণীর একজেমায় জীবাণুনাশক চিকিৎসা ( Antiseptic Treatment ) উপযোগী মনে করেন। কিন্তু জীবাণুনাশক ঔষধে ইহাতে কোনই উপকার হয় না—পরন্তু এইরূপ ঔষধ প্রয়োগে একজেমা বাড়িয়াই যায়।

একজিমার ক্ষত হইতে পূঁজ সংযুক্ত রস নিঃসৃত এবং উহা শুকাইয়া আইস উৎপন্ন হইতে থাকিলে, নিম্নলিখিত মলমটি প্রয়োগে বিশেষ উপকার পাওয়া যায়।

Re.

অক্সাইমেন্ট হাইড্রাজ্জ এমোনিয়টে	...	১ ড্রাম।
ভেসেলিন	...	১২ ড্রাম।

একত্র মিশ্রিত করিয়া মলম প্রস্তুত করতঃ, আক্রান্ত স্থানে এরূপভাবে পুনঃ পুনঃ প্রয়োগ করিতে হইবে—যেন, একজেমার ক্ষতের উপর সর্বদা একটা পুরু স্তর পড়িয়া থাকে।



**সেবোরিক একজেরমা ( Seborrhœc Eczema )**।—খুব ছোট শিশুদের মাথায় এই জাতীয় একজেরমা উপস্থিত হইতে দেখা যায় । এই একজেরমার ঘা গুলি সাধারণতঃ হরিদ্রা বর্ণ তৈলাক্ত আইসের দ্বারা আবৃত থাকে । মাথার অংশ বিশেষে বা সমস্ত মাথায় এইরূপ একজেরমা হইতে পারে । এইরূপ একজেরমায় মাথার চামড়া কখন কখন রসপূর্ণ হইয়া স্ফীত ( Edematous ) এবং ঘা হইতে রস ঝরিতে থাকে । এই প্রকার একজেরমায় মাথায় অত্যন্ত চুলকাণী উপস্থিত হয় ।

শিশুদের মাথার এইরূপ একজেরমা আরোগ্য করা বিশেষ কষ্টসাধ্য—অনেক স্থলে দুরূহ হইয়া পড়ে । কারণ, চিকিৎসা দ্বারা যতটুকু উপকার হয়, শিশু মস্তক চুলকাইয়া ততোধিক অনিষ্ট ঘটায় । চিকিৎসাকালীন এবিষয়ে সতর্কতা অবলম্বন করা বিধেয় । শিশু যাহাতে মাথা চুলকাইতে না পারে, তৎপ্রতি দৃষ্টি রাখা কর্তব্য ।

**চিকিৎসা ।** এই শ্রেণীর একজেরমায় প্রথমে রসনিঃসরণ ও চুলকানী নিবারণার্থ চেষ্টা করা কর্তব্য । এতদর্থে হাইড্রাজ্জ পারক্লোর লোসনের ( ৬০০০—১ ভাগ বা ১০০০০ ভাগে ১ ভাগ ) কম্প্রেস ( Compress ) বিশেষ উপকার । ইহাতে রস নিঃসরণ ও চুলকাণী উপশান্ত হইলে বা কম পড়িলে, সিলভার নাইট্রেট ( 1/4—1/2% ) বা কলোসল আর্জেণ্টাম ( ২০০০ ভাগে ১ ভাগ ) প্রয়োগ করিবে ।

উল্লিখিত চিকিৎসায় রস নিঃসরণ সম্পূর্ণরূপে নিবারিত এবং মাথায় স্ফীতি দূরীভূত হইলে নিম্নলিখিত মলম প্রয়োগে অনেক স্থলে পীড়া আরোগ্য হইতে দেখা যায় ।

Re.

অক্সাইমেন্ট হাইড্রাজ্জ নাইট্রেটস ডিল ... ১ ড্রাম ।

প্যারাফিন মোলিস .. এড ২ আউন্স ।

একত্র মিশ্রিত করিয়া মলম । অথবা ।—

Re.

রেসর্সিন ... ২০ গ্রেণ ।

ভেসেলিন ... ২ আউন্স ।

একত্র মিশ্রিত করিয়া মলম । আক্রান্ত স্থানে প্রয়োজ্য ।

**প্রোটিন উত্তেজনা ( Protein Sensetisation )**।—আমেরিকার চর্মরোগের চিকিৎসকগণ এই বিষয়ে বহু গবেষণা করিয়া স্থির করিয়াছেন যে, অনেক স্থলে বহির্জাত প্রোটিন ( foreign protein ), শিশুর দেহকে উত্তেজিত করায় একজেরমা উৎপন্ন হয় । মাতৃদুগ্ধের বা গো-দুগ্ধের এলবিউমিন ও ছানা ( lactalbumin ও casein ), ডিমের খেত লালা বা কুসুম কিম্বা গোমাংসের প্রোটিন শিশুর দেহকে উত্তেজিত করে । প্রোটিন উত্তেজনার দ্বারা কোন শিশুর একজেরমা, আবির্ভূত হইয়াছে কি না, তাহা নিম্নলিখিতরূপে পরীক্ষা করা যায় । যথা—শিশুর চর্মে স্থচের আগা দিয়া কয়েকটি আধ ইঞ্চি লম্বা রেখার স্রাব

চিরিয়া (আলগাভাবে) দিবে। ইহাতে চর্ম কাটিয়া রস নির্গত হইবে কিন্তু রক্ত পড়িবে না। তৎপরে প্রত্যেক কর্তিত স্থানে ৪% পাসেন্ট সোডিয়াম হাইড্রেট লোসন ( 4% Sodium Hydrate solution ) ঘসিয়া দিতে হইবে। অতঃপর উক্ত কর্তিত স্থানের প্রত্যেকটিতে এক এক প্রকার প্রোটিনের গুঁড়া ঘসিয়া দিবে কেবল একটা কর্তিত স্থানে কোন প্রোটিন লাগান হইবে না। এক্ষণে যদি কোন প্রকার প্রোটিন উত্তেজনার কারণে একজেরমা উৎপন্ন হইয়া থাকে, তবে প্রায় পনের মিনিটের মধ্যে উক্ত প্রোটিন সংযুক্ত সমুদয় কর্তিত স্থানের চতুর্দিক ক্ষীত ও প্রগাঢ় লাল হইয়া উঠিবে।

মাতৃ-স্তন্যপায়ী একজেরমা বিশিষ্ট শিশুর দেহ পরীক্ষার সময় কখনও কখনও দেখা যায় যে, বিভিন্ন প্রকারের মাংসের প্রোটিন দ্বারা তাহার দেহ উত্তেজিত হইয়াছে। অথচ শিশু কখনও সেইরূপ মাংস স্পর্শও করে নাই। এক্ষণে স্থলে মাতৃস্তনের সহিত ঐ বর্হিজাত প্রোটিন শিশুর দেহে সঞ্চারিত হইয়া উত্তেজনার সৃষ্টি করিয়াছে জ্ঞাতব্য। মাতৃদুগ্ধের প্রোটিন দ্বারা শিশুর দৈহিক উত্তেজনা উপস্থিত হইলে, মায়ের দুগ্ধ খাওয়ান একেবারে বন্ধ করা উচিত নহে—পরিমাণে কমাইয়া দিতে হইবে। গোদুগ্ধের প্রোটিন দ্বারা এক্ষণে হইলে উহা হইতে উক্ত প্রোটিন উঠাইয়া দিতে হইবে। অথবা ছাগলের দুগ্ধের ব্যবস্থা করিতে হইবে এবং যত শীঘ্র সম্ভব শিশুকে শক্ত খাদ্য ( Solid foods ) দিতে হইবে। শিশু মাতৃস্তন্যপায়ী, কখনও অথ কোন প্রোটিন স্পর্শ করে নাই এক্ষণে প্রোটিন দ্বারা একজিমার উৎপত্তি হইলে, মাতার খাদ্য হইতে উক্ত পথ্য উঠাইয়া দিতে হইবে।

**শিশুর পথ্য**—মাতৃস্তন্যপায়ী নাহস দুহস চেহারা বিশিষ্ট শিশুদের প্রায়ই একজেরমা হইতে দেখা যায়। ইহাদের মাতৃস্তনে সাধারণতঃ চর্কির ভাগ অধিক থাকে এবং ইহাদের মাংস অল্পবীক্ষণ যন্ত্রে পরীক্ষা করিলে যথেষ্ট চর্কি দেখা যায়। ইহাদিগকে ঘন ঘন দুগ্ধ খাওয়ানোর পরিবর্তে, পাঁচ ছয় ঘণ্টা অন্তর স্তন্য দেওয়া উচিত। দুগ্ধ খাওয়ানোর পূর্বে ২ আউন্স পরিমাণ জল খাওয়ান উচিত। ইহাদিগকে পাঁচ ছয় মিনিট কাল পর্যন্ত স্তন্যপান করান কর্তব্য। ইহার অধিককাল দুগ্ধ পান করিতে দেওয়া উচিত নহে। শিশুর মাতাকে শারীরিক ব্যায়াম করিতে উপদেশ দিবে এবং তাহাকে চর্কি, আনু ও মিষ্টি খাইতে নিবেদন করিবে; তাত কম খাইতে হইবে। ইহাৎ শিশুকে মাতৃদুগ্ধ হইতে বঞ্চিত করা উচিত নহে। যদি উপরোক্ত উপায়ে শিশুর একজেরমা না কমে, তবে কোন কোন ক্ষেত্রে মায়ের দুগ্ধ ছাড়াইলে একজেরমা ভাল হইতে দেখা যায়।

গো দুগ্ধপায়ী মোটা মোটা আকৃতি বিশিষ্ট শিশুর পথ্যে সাধারণতঃ চর্কিরই আধিক্য থাকে; কদাচিত্ চিনির আধিক্যও দেখা যায়। এক্ষণে স্থলে পথ্য হইতে চর্কি ও চিনি কমাইয়া দেওয়া উচিত। ইহাতে শিশুর ওজন কমিয়া যাইবে বটে, কিন্তু উহার দেহের কোন ক্ষতি হইবে না এবং একজেরমা সারিয়া যাইবে।

জীর্ণ শীর্ণ শিশুদের একজ্যেমাতে সাধারণতঃ রস ঝরে না এবং উহাদের একজ্যেমাও অধিক হয় না। এরূপ ক্ষেত্রে শিশুর পথ্য হইতে চর্কি ও চিনি উঠাইয়া দেওয়া বিধেয় নহে। ইহাদের পথ্য কম করিলে, উহাদের ক্ষীণ দেহ আরও শীর্ণ হইয়া, বহু অমঙ্গলের কারণ হইবে। যদি মল পরীক্ষা দ্বারা ইহা প্রমাণিত হয় যে, শিশু একেবারেই চর্কি হজম করিতে পারিতেছে না বা কোন উপায়েই একজ্যেমার উপশম হইতেছে না, তাহা হইলে পথ্য হইতে চর্কি কমাইয়া দেওয়া উচিত। সাধারণতঃ, এই সকল শিশুদের উপযুক্ত পথ্যের মাত্রা বাড়াইয়া দিলে, উহাদের দেহের উন্নতি হয় এবং সঙ্গে সঙ্গে একজ্যেমাও সরিয়া যায়।

কোন কোন স্থলে, শিশুদিগকে, অধিক মাত্রায় ষ্টার্চ (Starch) খাওয়ানর ফলে একজ্যেমাম উৎপত্তি হয়। ইহাদের মল অণুবীক্ষণ সাহায্যে পরীক্ষা করিলে, উহাতে ষ্টার্চ দেখা যায়। ইহারা দিনে দুই তিন বার ঘম দুর্গন্ধ বিশিষ্ট মলত্যাগ করে। ভুক্তদ্রব্য ভালরূপে হজম হয় না বলিয়া, ইহাদের পেট ফাঁপিয়া উঠে। ইহাদের খাদ্য হইতে ষ্টার্চ উঠাইয়া দিলে বিশেষ উপকার দর্শে।

## অজীর্ণ—Dyspepsia

লেখক—ডাঃ জীনরেন্দ্রকুমার দাস M.B. M.C.P.S.

M. R. I. P. H. ( Eng. )

( পূর্ব প্রকাশিত ২য় সংখ্যার ( জ্যেষ্ঠ ) ৭০ পৃষ্ঠার পর হইতে )

—:~:—

৫। দৈহিক শীর্ণতা—অজীর্ণ রোগে দেহের শীর্ণতা একটা প্রধান লক্ষণ মধ্যে গণ্য। কখন কখন শীর্ণতা অত্যন্ত অধিক হইয়া থাকে।

৬। প্রাক্সুদোর্বল্য—অজীর্ণ রোগ বশতঃ অতিশয় মায়ু দৌর্বল্য বা নিউরাস্থেনিয়া উপস্থিত হইতেও দেখা যায়।

নিদান। অজীর্ণ রোগের নিদান সম্বন্ধে ২টা অবস্থা দেখা যায়। যথা;—

প্রথমতঃ—এটনিক ডিসপেপ্সিয়া বা ক্ষীণতা অনিত অজীর্ণ—; এ স্থলে সম্ভবতঃ মায়ুবিধান সর্বাংশে আক্রান্ত হয়, কিন্তু কোন প্রকার প্রারম্ভিক নিদান সংক্রান্ত বৈশিষ্ট্য দৃষ্ট হয় না। এই প্রকার অজীর্ণ রোগে বিবিধ পাচক রসের পরিমাণ ও ধর্ম বা ঔপাদানিক অবস্থা সম্বন্ধে বিকৃতি দেখা যায়। সার্বসিক মায়ুবীর ক্ষীণতা, কঠোরের, রিক্তি, তালু প্রভৃতি স্থানের শিথিলতা, জিহবার রক্তহীনতা, হস্ত ও পৃষ্ঠের দুর্বলতা ও শীর্ণতা, স্মৃতিশক্তির হ্রাস প্রভৃতি লক্ষণ প্রকাশ পায়। চর্ম আঠাবৎ ঘর্ষে অস্থিযুক্ত হইতে পারে। নিস্তেজতা, মানসিক পরিষ্কার করিতে অক্ষমতা এবং মানসিক অবসন্নতা উপস্থিত হয়। হানিক লক্ষণাদি অপেক্ষা সার্বসিক লক্ষণ সকল

প্রবলতরূপে প্রকাশ পাইয়া থাকে। সামান্য পেট ফাঁপা ও আহারের পর পাকাশয়ের তার বোধ ইত্যাদি লক্ষণ দেখা যায়।

**২য়তঃ—ক্যাটারাল অবস্থা বা দ্বিতীয় অবস্থা।** উক্ত অবস্থায় কিছুদিন ভুগিবার পরেই এই অবস্থা প্রকাশ পাইয়া থাকে। এই অবস্থায় পাচকরসের বৈলক্ষণ্য প্রযুক্ত ভুক্ত পদার্থ পরিপাক হয়না, উহা পাকাশয়ে সংগৃহীত এবং বিস্মিষ্ট হইয়া পাকাশয়ের প্রাচীরের উগ্রতা উৎপাদন করে। ইহাতে অধিক পরিমাণে শ্লেমা নির্গত এবং পাকাশয়ের শৈল্পিক ঝিল্লী প্রদাহগ্রস্ত হয়। ভুক্ত দ্রব্য আঠাবৎ শ্লেমা দ্বারা আবৃত হওয়ায়, যতটুকু পাচকরস পাকাশয়ে বর্তমান থাকে—তাহার ক্রিয়াও ঐ ভুক্ত পদার্থের উপর প্রকাশ পাইতে পারে না। পাচকরস অল্পগুণ বিশিষ্ট না হইয়া কারগুণ বিশিষ্ট হয়, সুতরাং পেপসিন্ কার্যকরী হয় না। পাকাশয়ের সর্দি ক্রমশঃ বিস্তৃত হইয়া পাকাশয়ের শৈল্পিক ঝিল্লীর নিম্নস্থ আবরণের প্রদাহ উৎপাদন ও পাকাশয় প্রদাহ জন্মাইতে পারে। পাকস্থলীর প্রাচীর স্থূল হয়, সুতরাং উহার শৈল্পিক সঞ্চালনের ব্যাঘাত জন্মে এবং ভুক্তদ্রব্য অল্প মধ্যে প্রেরিত না হইয়া, অপক অবস্থায় বর্তমান থাকে ও পাকস্থলীর উগ্রতা বৃদ্ধি করে। এই অবস্থা উপস্থিত হইলে পর, পাকাশয়ের প্রসার বা ডায়ল্যাটেশন জন্মিতে পারে। ভুক্ত দ্রব্য পাকাশয়ে অধিক দিবস পর্য্যন্ত সংগৃহীত হইয়া বমন দ্বারা নির্গত হইয়া যাইতে পারে। অতঃপর ক্যাটারাল প্রক্রিয়া অল্প মধ্যে ব্যাপ্ত হয়। অল্প আক্রান্ত হইলে, আহারের কয়েক ঘণ্টার পর উদর প্রদেশে যন্ত্রণাবোধ হয়, কখন কখন এতৎসহযোগে উদরাময়ও বর্তমান থাকিতে দেখা যায়। আবার কখন বা অঙ্গের কৃমিগতির হ্রাস বশতঃ কোষ্ঠকাঠিন্য উপস্থিত হয়। এই জগ্ৰই অজীর্ণ পীড়াক্রান্ত ব্যক্তি কখনও বা উদরাময়ে, আবার কখনও বা কোষ্ঠকাঠিন্যে ভুগিয়া থাকে।

**রোগ নির্ণয়।** উপরিউক্ত ও পূর্ব বর্ণিত লক্ষণ সমূহের প্রতি তীক্ষ্ণ দৃষ্টি রাখিলে, রোগ নির্ণয়ে কোনই ভ্রম হইবার সম্ভাবনা থাকে না।

**ভাবীফল।** নিয়মিত ভাবে যথোপযুক্ত ঔষধ ও পথ্য ব্যবহার করিলে পীড়া আরোগ্য হওয়া অসম্ভব নহে। ঔষধ অপেক্ষা এই পীড়ায় পথ্যের প্রতি বিশেষ দৃষ্টি রাখিতে হয়।

**চিকিৎসা।** অজীর্ণ রোগের চিকিৎসায় ইহার উৎপাদক কারণ সমূহের প্রতি বিশেষ লক্ষ্য রাখিবে। সমস্ত অনিয়ম ও অস্বাস্থ্যকর অভ্যাসাদি পরিত্যাগ করিবে।<sup>১</sup> রোগ যদি স্নায়ুদৌর্বল্য জন্মিত হয়, তাহা হইলে যাহাতে এই দুর্বলতা নষ্ট হয়, তাহার ব্যবস্থা করিবে। সুরাপান একেবারেই নিষিদ্ধ। হৃৎকপাটের বা রক্তসঞ্চালন যন্ত্রের পীড়া বশতঃ প্যাসিভ্ কনজেশ্বন বর্তমান থাকিলে, ডিজিটেলিস ইত্যাদি হৃৎপিণ্ডের বলকারক ঔষধ ব্যবস্থা করা কর্তব্য। নেফ্রাইটিস ইত্যাদির লক্ষণ প্রকাশ পাইলে উহার যথাবিধি চিকিৎসা করিবে।

বাহ্যিক উত্তাপের হঠাৎ পরিবর্তন হইলে রোগ বৃদ্ধি হইতে দেখা যায়। নৈসর্গিক উত্তাপের হ্রাস বৃদ্ধির জন্ত শীত ঋতুতে ও বসন্তকালে পুরাতন ক্যাটার বৃদ্ধি পায়। এই জন্ত রোগীকে উপযুক্ত ফ্ল্যানেল প্রভৃতি গরম বস্ত্র ব্যবহার করিতে উপদেশ দিবে—যাহাতে দৈনিক উত্তাপ সমভাবে থাকে। স্নানের অব্যবহিত পূর্বে গামছা বা তোয়ালে দ্বারা গাত্র উত্তমরূপে ঘর্ষণ করিয়া, শীতল জলে স্নান বা গা মুখিয়া ফেলিলে, অনেক স্থলে বিশেষ উপকার পাওয়া যায়। অবগাহন স্নান—বিশেষতঃ নদীর স্রোতে অবগাহন স্নান উপকারী। এ রোগে ব্যায়াম একটা উৎকৃষ্ট ঔষধ। মুক্ত বায়ুতে নানাপ্রকার ব্যায়াম, অথারোহন, পদব্রজে ভ্রমণ বিশেষ উপকারী। এই পীড়াক্রান্ত রোগীর পক্ষে পদব্রজে ভ্রমণই উৎকৃষ্ট ব্যায়াম। পরিপাক যন্ত্রের ক্ষীণতা জনিত অজীর্ণ রোগের চিকিৎসার্থ অঙ্গমর্দন ও ম্যাসাজ্ বিশেষ উপকারী। আহারের অন্ততঃ ২ ঘণ্টাকাল পরে ম্যাসাজ্ করা উচিত। যে সকল অঙ্গ সঞ্চালনে উদরের পেশী সকলের উপর উহার ক্রিয়া উপস্থিত হয় এবং শ্বাসপ্রশ্বাসের উপর কার্য করে ও রক্তসঞ্চালন ক্রিয়া উদ্বেজিত হয়, তাহাটী ব্যবস্থা করা কর্তব্য।

কোন কোন স্থলে—বিশেষতঃ যে সকল স্থলে অংশতঃ জীর্ণ ভুক্ত দ্রব্য দীর্ঘকাল ধরিয়া পাকাশয়ে স্থিত থাকিয়া ফার্মেন্টেশন (উৎসেচন) বশতঃ, পাকাশয় পসার উৎপাদন করে, সে সকল স্থলে নিয়মিত সময়ান্তরে রবারের নল বা টমাক্ টীউব্ পাকাশয়ের মধ্যে প্রবেশ করাইয়া, পাকাশয় দৌত করিলে আশ্চর্য উপকার হইতে দেখা যায়। প্রয়োজন অনুসারে লবণ সংযুক্ত, অম্লান্ত, ক্ষার বা কার্বলিক এসিড সংযুক্ত জল দ্বারা পাকাশয় দৌত করিবে। আমি সোডা বাইকার্ব্ মিশ্রিত জল দ্বারা বা পোটাশ পার্সাল্ফেটের ক্ষীণ দ্রব দ্বারা পাকাশয় দৌত করিয়া বিশেষ উপকার পাইয়াছি।

**পথ্য সম্বন্ধীয় চিকিৎসা।**—অজীর্ণ রোগে পথ্য সম্বন্ধীয় চিকিৎসাই সর্বশ্রেষ্ঠ। অধুনা অনেক বিজ্ঞ চিকিৎসক বলেন যে, আহাৰ্য্য দ্রব্যের নিত্য সংক্লেপ করা উচিত নহে, ইহাতে বরং অপকারই হইয়া থাকে। পরীক্ষা দ্বারা দেখা গিয়াছে যে, রোগীকে অল্প ও সংক্ষিপ্ত সীমাবদ্ধ পথ্যের উপর নির্ভর করিতে উপদেশ না দিয়া, কচি অমুখ্যায়ী সুপাচ্য, আহাৰ্য্য ব্যবস্থা করিলে বিশেষ উপকার হইয়া থাকে। রোগীর প্রকৃতি অনুযায়ী পথ্যাদির ব্যবস্থা করিবে। তবে পথ্য যাহাতে সহজপাচ্য হয়, তৎপ্রতি বিশেষ দৃষ্টি রাখিতে হইবে। কোনও কোনও ব্যক্তির ডিম, হুধ ইত্যাদি দ্রব্যে আদৌ কচি থাকে না। আবার কাহারও বা তরল পথ্যে ঘোর অকচি হয়, কিন্তু কঠিন আহাৰ্য্য বেশ কচির সহিত সানন্দে আহার করিয়া থাকে। এ রোগে যেমন রোগীর লালসার প্রতি বিশেষ লক্ষ্য রাখিতে হইবে, আবার তেমনি রোগীর পথ্যের ব্যবস্থা করিবার সময়ে, কতকগুলি প্রধান নিয়মের প্রতিও চিকিৎসকের দৃষ্টি রাখা আবশ্যিক। প্রথাগতঃ যে সকল পদার্থ আহারে পাকাশয় মধ্যে উৎসেচনকারী (Fermentation) পরিবর্তন সাধিত হয়,



যথা—শর্করা ও চর্কি, এই সমস্ত একেবারেই আহাৰ করিতে নিষেধ করিবে। পীড়ার প্রাথমিক অবস্থায় খেতসার ঘটিত পথ্য খাওয়া অনুচিত ।

.. সিদ্ধ মাংস; রোটী বা টু ( মাংসের ), দুগ্ধ, অর্ধ সিদ্ধ বা সিদ্ধ ডিম, মৎস্য ( ছোট ছোট বা জীবন্ত মৎস্যই উপযুক্ত ) ইত্যাদি সুপথ্য ।

অধুনা পাশ্চাত্য বিজ্ঞান-বিদেরা পরীক্ষা দ্বারা প্রমাণ করিয়াছেন যে, অজীর্ণ রোগে মাংসাদি পথ্যই সর্বশ্রেষ্ঠ পথ্য । ইহা সর্বাধিক সহজে ও অল্প সময়েই জীর্ণ হয় । তবে আমরা যেরূপ ভাবে মাংস রন্ধন করি, তাহাতে, উপকার তো হয়ই না, পরন্তু অপকার হইয়া থাকে । অজীর্ণ রোগীর মাংসে ঘি, মসলা ইত্যাদি দেওয়া কর্তব্য নহে । মাংস সিদ্ধ করিয়া সামান্য ঘূতের ভাপনা ও লবণ সংযুক্ত করতঃ আহাৰই, অজীর্ণ রোগীর পক্ষে ভাল । ইক্ষমিক্ কুকার মধ্যে ধান্ ধন্ করিয়া মাংস কাটিয়া, উহাতে কিঞ্চিৎ আদা ও পেঁয়াজের রস মিশ্রিত করতঃ, লবণ ও সাক্ষীত ঘূত দিয়া বিনা জলেই চাপাইয়া দিবে । ইচ্ছা করিলে ইহাতে কিঞ্চিৎ দধি বা ভিনিগারও দিতে পারা যায় । ইহা অজীর্ণ রোগীর পক্ষে উৎকৃষ্ট পথ্য । ইক্ষমিক্ কুকারের অভাবে উহুনে ১ হাঁড়ী জল চাপাইয়া দিয়া উক্তরূপে মাংস রাখিয়া, উক্ত হাঁড়ির মুখে ১ খানি সন্ধা বসাইয়া দিয়া, তদুপরি ঐ মাংসগুলি রাখিয়া, তারপর একটা বড় বাটা দ্বারা মাংসগুলি ঢাকিয়া দিবে । অতঃপর ২৩ ঘণ্টা কাল উহুনের উপর উক্ত মাংস মৃদু জালে রাখিয়া রাখাইয়া লইবে । ইহাও সুপাচ্য পথ্য ।

কচি পাঁঠা, কচি মূর্গা, ছোট পায়রা ইত্যাদির মাংস সুপথ্য । পায়রার মাংস অধিক খাওয়া উচিত নহে—ইহা অত্যন্ত গরম । ক্রমশঃ রোগীর স্বাস্থ্যের উন্নতি হইতে থাকিলে সুজী, আটা ( যাতায় ভাজা হইলেই ভাল হয় ) ব্যবস্থায় । পানি ফল, শর্টী ইত্যাদির রুটী, ব্যবস্থা করিতে পারা যায় । পুরাতন তণ্ডুলের অন্নও বেশ ভাল পথ্য । অতঃপর রোগীর অবস্থানুযায়ী ক্রমে সহজপাচ্য ফল মূলাদিরও ব্যবস্থা করিবে । আলু অত্যন্ত গুরুপাক—একারণে ইহা সম্ভব মত ত্যাগ করাই ভাল ।

রোগ অত্যন্ত প্রবল হইলে, দুগ্ধ মছন করতঃ চর্কির অংশ টুকু ত্যাগ করিয়া—সেই দুগ্ধ ব্যবস্থা করিবে ।

লেবু বা সাইট্রিক্ এসিড্ দ্বারা দুগ্ধ ছানা কাটিয়া, সেই ছানার জলের প্রতি ৮ আউন্সে ৪ ড্রাম সুগার অব মিড ও কিঞ্চিৎ মিশ্রিত গুঁড়া মিশ্রিত করিয়া পান করিতে দিবে । ইহা এই পীড়ার একটা উৎকৃষ্ট পথ্য । যে পর্য্যন্ত না পাকশয়ের ক্যাটারাল্ অবস্থার উপশম হয়, সে পর্য্যন্ত মধিত চর্কিবিহীন দুগ্ধ ও ছানার জল ব্যতীত অন্য কোনও পথ্য ব্যবস্থা করিবে না ।

এই অবস্থায় ৩ ঘণ্টান্তর ৪ আউন্স মাত্রায় দুগ্ধ বা ৬ আউন্স মাত্রায় ছানার জল ব্যবস্থায় । যে সকল স্থলে দুগ্ধ সহ হয় না—সে সকল স্থলে ছানার জল বা পেপ্টোনাইজ্ ডু দুগ্ধ ভাল পথ্য । এরূপ স্থলে আহাৰের অব্যাহিত পরেই রোগীকে ২৩ চা চামচ মাত্রায় দুগ্ধের জল পান করাইবে । আহাৰের পদে পেপ্টিন ব্যবহার করাও ভাল । পাকশয়ের



পাচক রসের প্রধান বীজ্য—পেপসিন। ইহা ডাইলিউটেড্ হাইড্রোক্লোরিক বা ল্যাক্টিক এসিডে দ্রব করিয়া প্রয়োগ করিলে, কোনও কোনও স্থলে আশ্চর্য্য ফল পাওয়া যায়। ইহা দ্বারা গ্যালবিউমিন বটীত পদার্থগুলি পেপসিনে পরিবর্তিত হয়।

অজীর্ণ রোগে টাট্কা দধির ঘোল অতি সুন্দর পথ্য। ইহা দিনে ৩৪ বার স্বচ্ছন্দেই দেওয়া যায়। আবশ্যিক হইলে দধি মছন করিয়া চর্কির অংশ নিরাকৃত করিবে। যে সকল স্থলে পাকশয়ের ক্ষীণতা বশতঃ পাচকরসের অভাব বা হ্রাস লক্ষিত হয়—সেই সকল স্থলে আহারের অব্যবহিত পরেই পেপসিন ব্যবহার করা কর্তব্য। এতদর্থে লাইকর পেপসিন অথবা হিউলেটস্ “মিশ্চুরা পেপসিন উইথ বিস্মাথ” বিশেষ উপকারী। ইহা ব্যতীত যে সকল ঔষধ পাকস্থলীর ক্রিয়া উত্তেজিত করিয়া পাচক-রস নিঃসরণ বৃদ্ধি করে, সেই সকল ঔষধও এইরূপ ক্ষেত্রে ফলপ্রদ বলিয়া বিবেচিত হইয়াছে। ক্ষার সংযোগে প্যাংক্রিয়েটিন ব্যবহারও ফলপ্রদ। কিন্তু পাকশয়ের অল্পরস সংযোগে ইহাদের ক্রিয়া নষ্ট হয় বলিয়া অধুনা প্যাংক্রিয়েটিন ততটা উপযোগিতার সহিত ব্যবহৃত হয় না।

প্যাংক্রিয়াসের সারের সহিত ছন্ধ এবং মাংসের কাথ ইত্যাদি পান করিতে দিলেও উপকার হইয়া থাকে।

আহার্য্য দ্রব্যের সহিত একট্রাঙ্কি প্যাংক্রিয়েটিন্ ও সোডা বাইকার্বনেট সংযোগ করতঃ, ২০০—২১৫ ফাণহীট উত্তাপে এক ঘণ্টাকাল রাখিলে, উহা পেপটোনে পরিবর্তিত হয়। এরূপে প্রস্তুত পেপটোনযুক্ত আহার্য্য তিক্তস্বাদ বিশিষ্ট হয় এবং ইহা তিক্তস্বাদ যুক্ত হইতে আরম্ভ হইলেই, ইহা ব্যবস্থা করিবে। নিম্নলিখিত পীড়া সমূহে ইহা মহোপকারী। যথা :—

- ১। ইউরিমিয়া জনিত বমন।
- ২। অত্যধিক সুরাপান জনিত গাষ্ট্রিক্ ক্যাটার।
- ৩। হৃদপিণ্ডের পীড়া জনিত অজীর্ণ রোগ।

**ঔষধীয় চিকিৎসা।** এই পীড়ায় নানাবিধ ঔষধ ব্যবহৃত হইয়া থাকে। আমরা এই প্রবন্ধে কেবল বিশেষ ফলপ্রদ পরীক্ষিত ঔষধ সমূহেরই আলোচনা করিব।

১মতঃ—পাকশয় যদি অজীর্ণ ভুক্ত পদার্থে পূর্ণ থাকে, তাহা হইলে চিকিৎসারস্তের পূর্বেই বমনকারক ঔষধ বা টাট্কা টাউথ (সাইফন্ টাউথ) দ্বারা পাকশয় ধৌত করতঃ সমস্ত অজীর্ণ ভুক্ত দ্রব্য নিরাকৃত করিবে। পুনঃ পুনঃ বমনকারক ঔষধ ব্যবস্থা করা কর্তব্য নহে। তাহাতে উগ্রতা বশতঃ ক্যাটার বৃদ্ধি হয়।

কোষ্ঠকাঠিন্য বর্তমানে মূহ বিরেচক ঔষধ সহ পাচক ঔষধ ব্যবস্থা করা কর্তব্য। এতদর্থে প্যাংক্রিয়েটিন সহ পডোকাইলিন, এলয়িন ইত্যাদি উপযোগী। অল্প মাত্রায় বধেই জল সহ ম্যাগঃ সাল্ফ সেবন করিলে, মূহ বিরেচক ক্রিয়া প্রকাশ পাইয়া থাকে। লাবণিক বিরেচক ব্যতীত পারদ, এলোজ (মুসকর), পডোকাইলিন্ ইত্যাদিও বক্তৃত্তে

উপর কার্য করিয়া মুছ বিরেচক ক্রিয়া প্রকাশ করে। ক্যালোমেল ১/৬—১/৮ গ্রেণ মাত্রায় পুনঃ পুনঃ প্রয়োগ বিশেষ উপকারী। মল হরিদ্রাভ বা শ্বেতবর্ণের হইলে ক্যালোমেল, গ্রে পাউডার ইত্যাদি বিশেষ উপকারী। মল কৃষ্ণ বর্ণের হইলে পডোফাইলিন দ্বারা বিশেষ উপকার পাওয়া যায়। কোষ্ঠকাঠিন্য বর্তমান থাকুক আর নাই থাকুক, অবস্থানুযায়ী এবং মাত্রা ভেদে পডোফাইলিন অজীর্ণ রোগে বিশেষ উপকারী।

পারদ ঘটীত ঔষধ ব্যবহারের পর লাবণিক বিরেচক ঔষধ ব্যবস্থা করা কর্তব্য।


অজীর্ণ রোগে কোষ্ঠকাঠিন্য বর্তমান থাকিলে, একটাক্ট কলোসিহ্ কম্পাউণ্ড বা নক্সতমিকা সহ এলোজ প্রয়োগ উপকারী।

**অজীর্ণ পীড়ায় তিত্ত বলকারক ঔষধ সমূহও বিশেষ উপকারী।** এতদর্থে:—কোয়াসিয়া, ক্যালাধা, জেন্সিয়ান, কালমেঘ, কুইনাইন (অল্পমাত্রায়), ষ্ট্রিকনিয়া বিশেষ উপযোগিতার সহিত ব্যবহৃত হয়।

অনেকে এটনিক ডিসপেপ্সিয়ায় ষ্ট্রিকনিন্ সহ অল্প মাত্রায় ইপিকাক ব্যবস্থা করিতে উপদেশ দেন। তিত্ত বলকারক ঔষধ সকল প্রয়োগ করিলে, পাকায় উত্তেজিত হইয়া ক্ষুধা ও পাচকরস নিঃসরণ বৃদ্ধি করে।

গোল মরিচ, লবঙ্গ প্রভৃতি ঔষধও অজীর্ণ রোগে বিশেষ উপকারী। আয়ুর্বেদে আদা, গোল মরিচ, লবঙ্গ প্রভৃতির বিশেষ প্রশংসা দেখিতে পাওয়া যায়। এসিড্ নাইট্রো-মিউরিয়েটিক, ডিল্ ইত্যাদি সহযোগে ৩—১০ মিনিম্ মাত্রায় টিং নক্সতমিকা ব্যবহার করিলে, এটনিক ডিসপেপ্সিয়ায় বিশেষ উপকার পাওয়া যায়।

(ক্রমশঃ)



## এপেন্ডিসাইটিস্ Appendicitis.

ডাঃ শ্রীসতীভূষণ মিত্র B Sc. M. B.

— :::: —

এপেন্ডিসাইটিস পীড়া অতীব সাংঘাতিক এবং ইহার নির্ণয়ও অতীব কষ্টসাধ্য। পক্ষান্তরে, পীড়ার প্রারম্ভে সঠিকভাবে রোগ নির্ণয় হইলে, অনেক স্থলে ইহার গতি প্রতিকূল অথবা চিকিৎসার ফল শুভ হইতে পারে।

ডাক্তার ব্রামলেট্ তরুণ এপেণ্ডিসাইটিস পীড়ার লক্ষণাদি সম্বন্ধে তাঁহার বহুদর্শনলক্ষ অভিজ্ঞতার ফল—‘নিউ ওরলিয়ান্স্ মেডিক্যাল এণ্ড সার্জীক্যাল জার্নাল’ নামক পত্রিকায় প্রকাশ করিয়াছেন। নিম্নে এই বিশেষত্ব পূর্ণ লক্ষণাবলী উদ্ধৃত হইল। তরুণ এপেণ্ডিসাইটিস্ পীড়া নির্ণয়ে এই বিশেষত্ব পূর্ণ লক্ষণ সমূহ—প্রত্যেক চিকিৎসকেরই মনে রাখা উচিত।—

(১) উদরের এপিগ্যাস্ট্রিয়াম্ প্রদেশে প্রথমতঃ অত্যন্ত বেদনা বোধ।—এই বেদনা ক্রমশঃ নাভীর চতুর্দিক পর্যন্ত ব্যাপ্ত হয়। শীঘ্রই ইহা দক্ষিণ ইলায়াক্ ফশা মধ্যে অনুভূত হয় এবং ঐ স্থানেই উহা সীমাবদ্ধ থাকিয়া যায়।

(২) বেদনারস্তের ৩৪ ঘণ্টা পরেই বমন ও বিবমিষা।—এই লক্ষণ সর্বত্রই সমান ভাবে প্রকাশ পায় না—পাইলেও ইহা তত কষ্টদায়ক বা সর্বক্ষণ স্থায়ী হয় না।

(৩) পৈশিক আড়ষ্টতা।—উদরের দক্ষিণ পার্শ্বের মাংসপেশী সমূহ অধিকভাবে আড়ষ্ট হয়। এই লক্ষণ অতি সামান্য আকারের পীড়াতেও দেখা যায় এবং ইহা একটা বিশেষ অপরিবর্তনশীল লক্ষণ—ইহা সমস্ত রোগীতেই দৃষ্ট হয়। এই লক্ষণটা দ্বারা অতি সহজেই রোগ নির্ণয় করা যায়।

(৪) উত্তাপাধিক্য। বেদনারস্তের পর ২—২৪ ঘণ্টার মধ্যে উত্তাপাধিক্য দৃষ্ট হয়। প্রথম কয়েক ঘণ্টায় জ্বরীয় উত্তাপ কদাচিৎ ১০০° ডিগ্রীর অধিক হয়। ইহাও একটা বিশেষ লক্ষণ। এই লক্ষণ বর্তমান না থাকিলেও যে, পীড়া নির্ণয় করা যায় না, তাহা নহে। অনেক সময়ে দেখা গিয়াছে যে, এই লক্ষণটা পীড়াক্রমণের কয়েক ঘণ্টা পরেও প্রকাশিত হইতে পারে।

(৫) লিউকোসাইটোসিস্।—ইহা রক্ত পরীক্ষা দ্বারা জানা যায়। অন্যান্য লক্ষণাদির সাহায্যেও যদি পীড়া সম্পূর্ণরূপে নির্ণয় করিতে পারা না যায় অর্থাৎ যদি কিছু সন্দেহ থাকে, তাহা হইলে যদি রোগীর রক্ত পরীক্ষা করিয়া “লিউকোসাইট গণনা” (Leucocyt—count অর্থাৎ অনুবীক্ষণ যন্ত্র দ্বারা রক্তে শ্বেতকণিকার সংখ্যা গণনা করা) করান যায়, তাহা হইলে আর রোগ নির্ণয়ে কোনও সন্দেহ থাকে না। এই পীড়ায় রক্তের লিউকোসাইটস্, (শ্বেত রক্তকণিকা) সাধারণ অপেক্ষা অনেক বৃদ্ধি প্রাপ্ত হয়।



## চিকিৎসা বিবরণ ।

### স্নায়বীক অজীর্ণ Nervous Dyspepsia

ডাঃ শ্রীনির্মলকান্ত চট্টোপাধ্যায় এম, বি,

— — — — —

**রোগী**—জনৈক হিন্দু পুরুষ, বয়স্কম ২৫।২৬ বৎসর, পেশা ব্যবসায় । প্রায় ৫।৬ বৎসর হইতে এই রোগী অধিমান্দ্য, অজীর্ণ, স্বপ্নদোষ ও রক্তি-শক্তিহীনতায় ভুগিতেছে !

**ইতিহাস**—রোগী অল্পদিন হইল বিবাহ করিয়াছে, কিন্তু দীর্ঘকাল স্বপ্নদোষ-শীড়ায় আক্রান্ত থাকার জগু স্ত্রী-সহগমনে এক প্রকার অসমর্থ । সামান্য উত্তেজনাতেই জলসং তরল গুরুপাত হয় । জন্মেন্দ্রিয় সম্পূর্ণরূপে উত্তিত না হইয়াই গুরু স্থলিত হইয়া থাকে । যাহা খায় তাহা হজম হয় না । ক্ষুধাও ভাল হয় না । প্রায়ই বৈকালে মাথা ধরে । রাত্রে স্নানিত্রা হয় না । কখনও কোষ্ঠবদ্ধ এবং কখনও উদরাময়ে ভুগিয়া থাকে । অতিরিক্ত হস্ত মৈথুনের ইতিহাসও পাওয়া যায় । আহারের পর ভুক্ত দ্রব অল্প হইয়া যায় এবং বুক জ্বালা করে । কখনও কখনও অগ্নাজ্ব বমন হয় । রোগী অত্যন্ত শীর্ণ ও দুর্বল । বহুবিধ চিকিৎসা হইয়াছে এবং অনেক প্রকার পেটেন্ট ঔষধও সেবন করিয়াছে, কিন্তু কোনও ফল হয় নাই ।

**রোগ নির্ণয়**—রোগী পরীক্ষা করিয়া আমার মনে হইল যে অস্বাভাবিক ও অতিরিক্ত গুরুক্ষয় বশতঃ রোগী স্নায়বীক দৌর্বল্য ও তদানুসঙ্গিক স্নায়বীক অজীর্ণ বা নার্ভাস্ ডিসপেপ্‌সিয়ায় আক্রান্ত হইয়াছে । অতঃপর আমি নিম্নলিখিত ব্যবস্থা করিলাম :—

(১) Re.

আইওডোজিনল পেপিন	...	১৫ ফেঁটা ।
জল	...	১ আউন্স ।

একত্র মিশ্রিত করিয়া ১ মাত্রা । প্রত্যহ আহারান্তে ২ বার সেব্য । প্রতি সপ্তাহে ৫ ফেঁটা করিয়া মাত্রা বৃদ্ধি করতঃ ১ ড্রাম পর্য্যন্ত করিতে এবং পুনরায় উক্তরূপে মাত্রার হ্রাস করিয়া ১৫ ফেঁটা পর্য্যন্ত নামিয়া, এই ঔষধ বদ্ধ করিতে বলা হইল । এবং—

(২) Re.

লাইকর মেওরিগা কোঃ	...	২০ মিনিম ।
জল	...	১ আউন্স ।

একত্র মিশ্রিত করিয়া ১ মাত্রা । প্রত্যহ রাত্রে শয়নকালীন এক মাত্রা সেব্য । স্বপ্নদোষ আরোগ্য না হওয়া পর্য্যন্ত ইহা সেবন করিতে বলা হইল ।

**পথ্যাদি** :—প্রত্যহ ঔষধ জলে স্নান । প্রাতঃকালে—খালিপেটে—১টা কমলালেবু বা পাঠী কিম্বা কাগজী লেবুর রস কিঞ্চিৎ চিনি সহ সেব্য । ইহার অর্ধ ঘণ্টা পরে

কয়েক কুঁচি আদা একটু লবণ সহ সেব্য। তৎপরে ২টা কাঁচা মুর্গীর ডিম সহ কিঞ্চিৎ হুগ ও একটু মাখন এবং ২।৪টা কিস্মিস্, ২।১ টা বাদাম ও পেস্তা খাইতে বলিলাম।

দ্বিপ্রহরে মাংসের ( মসলাহীন ) ঝোল সহ ভাত।

বেলা ২।৩ টার সময়ে টাটকা দধির ঘোল।

সন্ধ্যায় খাতা ভাঙ্গা আটার রুটী ৩।৪ খানি ও একটু মাংসের সুরুয়া।

**৩য় সপ্তাহে—**উল্লিখিত ঔষধাদি ১৫ দিন সেবনের পর রোগী পুনরায় উপস্থিত হইয়া প্রকাশ করিলেন যে, বর্তমানে স্বপ্নদোষ আর হয় না, ক্ষুধাও হইতেছে, তবে আশানুরূপ নহে। নিয়মিত দান্ত খোলসা হইতেছে। এক্ষণে বিশেষ কোন উপসর্গ নাই, কিন্তু শরীর এখনও সবল এবং রতিশক্তিও উন্নত হয় নাই। জননেঞ্জিয়ার দুর্বলতা সমভাবেই আছে। অতঃপর তাহাকে নিম্নলিখিত ব্যবস্থা করিলাম।

( ৩ ) পূর্বোক্ত ১নং ঔষধটী পূর্ববৎ সেবন করিতে করিলাম। স্বপ্নদোষ আরোগ্য হওয়ায় ২নং ঔষধটী বন্ধ করা হইল।

(৪) Re.

এফ্রোডিটিক লিম্ফ ... ৫ ফোঁটা।

লিঙ্গের মুণ্ডাবরক চর্ম আলগা করিয়া, লিঙ্গমুণ্ডে প্রত্যহ ইহা ২।৩ বার মালিশ করিবার উপদেশ দেওয়া হইল।

(৪) Re.

এফ্রোডিসিয়াক ট্যাবলেট ... ১ টা

এক মাত্রা। প্রত্যহ ৩ বার সেব্য। পখ্যাদি পূর্ববৎ।

আশ্চর্যের বিষয়—এত দীর্ঘকালের পীড়া এবং নানাবিধ চিকিৎসার পর উল্লিখিত ঔষধেই, রোগী পরবর্তী ২ সপ্তাহ মধ্যেই সুস্থ হইয়া উঠিয়াছিল। রোগী এখন বেশ দৃষ্ট পুষ্ট হইয়াছে এবং উহার রতিশক্তিও সুস্থ ব্যক্তির স্থায় ফিরিয়া আসিয়াছে। গুরুগাত ও স্বপ্নদোষ সম্পূর্ণরূপে নিবারিত হইয়াছে। এখন রীতিমত ক্ষুধা হয়, বেশ পরিশ্রম করিতে সক্ষম হইয়াছে।

**মন্তব্যঃ—**ডিম্‌পেপ সিয়া রোগীর আহ্বারের বাধা ধরাই, প্রধান চিকিৎসা। আয়োডিন ঘটীত ঔষধে অনেক স্থলেই অতি সুন্দর ফল পাওয়া যায়। সাবধানতার সহিত ধীরে ধীরে ইহার মাত্রা বৃদ্ধি করা উচিত।

এইরূপ প্রকৃতির রোগীর চিকিৎসায় আর একটি বিষয় স্মরণ রাখা কর্তব্য—জননেঞ্জিয়ে দুর্বলতা এবং গুরু সঙ্কীয় পীড়ার সহিত স্বপ্নদোষ বর্তমানে, অনেকেই স্বপ্নদোষ নিবারণের প্রতি লক্ষ্য না করিয়া, রতিশক্তি বৃদ্ধিকারক ঔষধ প্রয়োগ করিতেই সচেষ্ট হন। বলা বাহুল্য, এইরূপ স্থলে অনৈচ্ছিক গুরুপাত নিবারিত না হইলে, কখনই পীড়া আরোগ্য হইতে পারে না। পরন্তু, কামোত্তেজক ঔষধাদি ব্যবহারে স্বপ্নদোষের আধিক্য হইয়া পীড়ার প্রাবল্য বৃদ্ধিই হয়। এই কারণেই, প্রথমে স্বপ্নদোষ



নিবারণার্থ যত্নবান হওয়া কর্তব্য এবং স্বপ্নদোষ আরোগ্য হওয়ার পর, কামোত্তেজক ও স্নায়বীক বলকারক ঔষধ ব্যবহারই প্রশস্ত। বর্তমান রোগীর চিকিৎসায় স্বপ্নদোষ নিবারণার্থ এই কারণেই প্রথমতঃ লাইকর মেওরিণা প্রয়োগ করিয়া, তদপরে স্নায়বীক বলকারক ও কামোত্তেজক (৫নং ঔষধটী) এবং জননেদ্রিয়ের পৈশিক উত্তেজক (৪নং ঔষধটী) ঔষধ প্রয়োগ করায়, অল্পদিনের মধ্যেই রোগী আরোগ্য লাভে সক্ষম হইয়াছিল।

## পটাস আইয়োডাইড ও সোডি স্যালিসিলাস ইন্ট্রাভেনাস ইন্জেকসন।

By Dr. Anukul Chandra Sengupta M. B.

Chief Medical officer, Sarangarh State. C. P.

এই স্থানে ( সারণগড়, সি, পি, ) সাধারণতঃ অনেক লোকেরই, অনেক সময় সর্কাসে, বিশেষতঃ সন্ধি সমূহে ও বৃহৎ অস্থিগুলিতে অভ্যস্ত যন্ত্রণাদায়ক বেদনা উপস্থিত হইতে দেখা যায়। যদিও এই বেদনা সাময়িক ভাবে উপস্থিত হয়, তথাপি একবার বেদনা উপস্থিত হইয়াই, উহা একেবারে নিবৃত্তি হয় না—১ সপ্তাহ হইতে প্রায় ১৫ দিন পর্যন্ত স্থায়ী হইতে দেখা যায়। অনেক সময় এই বেদনা অসহ্য হইয়া থাকে। স্থানিক নৈঃসর্গিক অবস্থা, জল বায়ু, বসবাসের প্রণালী, অভ্যাস, কিম্বা উপদংশের পরবর্তী অবস্থা, এইরূপ বেদনার কারণ কি না, তৎসম্বন্ধে নিঃসন্দেহ হওয়া যায় না।

এইরূপ প্রকৃতির বেদনা, সাধারণতঃ মধ্যবয়স্ক ব্যক্তিদিগের মধ্যেই অধিকতর দৃষ্টিগোচর হয়, যুবতী স্ত্রীলোকদিগের মধ্যে খুব কম দেখা যায়। এই সকল রোগীর বাসস্থান জনাকীর্ণ ও ঘন সন্নিবিষ্ট হইলেও, পরিষ্কার। কিন্তু ইহাদের শয়ন গৃহগুলি আলোক, ষাতাস শূন্য ও নিতান্ত অস্বাস্থ্যকর। খুব সহজ রকম আহাৰ্য্যেই ইহারা জীবন ধারণ করে। সাধারণতঃ ভাত, তরীতরকারী এবং ভাতের সহিত ঘৃত ও দুগ্ধ খায়—মৎস্য, মাংস কদাচ খাইয়া থাকে। এই স্থানের অধিবাসীরা প্রায় সকলেই অহিফেনসেবী, ২ বৎসর বয়সের সময় হইতেই, ইহারা ইহাদের সন্তানদিগকেও অহিফেন সেবনে অভ্যস্ত করায়। ইহাদের স্ত্রীলোকেয়া অভ্যস্ত পরিশ্রমী এবং খুব অল্প বয়সেই ইহারা বিবাহিত হয়। কোন বিশেষ পীড়ায় ইহারা খুব কমই আক্রান্ত হইয়া থাকে।

**বেদনার সাধারণ বিশেষ প্রকৃতি ও উপসর্গ।**—রোগী সর্কাসে, বিশেষতঃ—কোন কোন গ্রন্থিতে ও বৃহৎ অস্থিতেই প্রবল বেদনা অনুভব করে। সময়ে সময়ে এই বেদনা একরূপ প্রবলাকার ধারণ করে এবং যন্ত্রণাজনক হয় যে, যেন উত্তপ্ত লৌহ দ্বারা



ঐ স্থান দগ্ধ হইতেছে বলিয়া মনে করে । কখন কখন এতদসহ শিরঃপীড়া বিচ্যমান থাকে এবং সামান্য উত্তাপ বৃদ্ধি ( ১০০—১০১ ডিগ্রী পর্য্যন্ত ) হইতে দেখা যায় । কখনও বা উত্তাপ স্বাভাবিক থাকে । অথ কোন স্থানে বা বেদনার স্থানে সটানতা, প্রদাহ কিম্বা গ্রন্থি সমূহে কোন প্রকার নৈদানিক পরিবর্তন লক্ষিত হয় না । ক্যাপসুল, টেণ্ডন এবং লিগামেন্ট কদাচ আক্রান্ত হয় না । প্রস্রাবের কোন পরিবর্তন দেখা যায় না, রক্ত পরীক্ষাতেও কিছু উপলব্ধি হয় না ।

**চিকিৎসা।** উল্লিখিত অবস্থাপন্ন কোন কোন রোগীকে গ্যাস্পাইরিন, ফেনাজোন, ব্রোমাইড, আইয়োডাইড, সোডি স্যালিসিলাস প্রয়োগে সাময়িকভাবে বেদনা উপশমিত হইলেও, পুনরায় অনতিবিলম্বে উহার পুনরাক্রমণ হইতে দেখা গিয়াছে ।

এইরূপ প্রকৃতির বেদনাগ্রস্ত ৬টা রোগীকে আমি নিম্নলিখিতরূপে পটাস আইয়োডাইড ও সোডি স্যালিসিলাস একত্রে ইন্ট্রাভেনাস ইঞ্জেকসন এবং ইহা মুখপথে সেবন করাইয়া সন্তোষজনক উপকার পাইয়াছি । এইরূপ চিকিৎসান্তে বেদনা উপশমিত হইয়া, ৩—৬ মাসের মধ্যে আর কাহারই উহা পুনরাক্রমণ করে নাই ।

নিম্নলিখিতরূপে উল্লিখিত ঔষধ দুইটি প্রযুক্ত হইয়াছিল । যথা—

Re

পটাস আইয়োডাইড	...	১০ গ্রেণ ।
সোডি স্যালিসিলাস	...	১০ গ্রেণ ।
নর্ম্যাল স্যালাইন সলিউশন	...	৫ সি, সি, ।

একত্র মিশ্রিত করতঃ, উত্তাপ দ্বারা স্টেরিলাইজ করিয়া ইন্ট্রাভেনাস ইঞ্জেকসনরূপে প্রয়োজ্য ।

**ইঞ্জেকসনের ব্যবধান কাল।** প্রতি ৩য় বা ৪র্থ দিনে ইঞ্জেকসন দেওয়া হইত । কোন রোগীকেই ৪—৬টা ইঞ্জেকসনের বেশী দেওয়ার প্রয়োজন হয় নাই ।

**আনুসঙ্গিক ব্যবস্থা।** উল্লিখিত ইঞ্জেকসন ব্যতীত আক্রান্ত স্থানে লিনিমেন্ট টেরিবিঙ্ক সহ বেলেডনা মিশ্রিত করিয়া মর্দন করিবার ব্যবস্থা করা হইয়াছিল ।

**চিকিৎসার ফল।** ইঞ্জেকসনের পরই—অনতিবিলম্বে রোগী সুস্থ ও উপশম বোধ করে । ২টা ইঞ্জেকসনের পর রোগী শয্যা হইতে আপনা আপনি উঠিতে সক্ষম হয় ।

ল্যান্সেট পত্রিকায় সার্বোটিকা পীড়ায় উল্লিখিত ইঞ্জেকসনের উপকারিতা সম্বন্ধে, ১৯৩১ অব্দিমত প্রকাশিত হইয়াছিল, তদনুসারে আমি উপরিউক্ত বেদনাগ্রস্ত রোগীকে ইহা প্রয়োগ করিয়াছি । বলা বাহুল্য—ইহাতে সন্তোষজনক ফলই পাওয়া গিয়াছে ।  
( Medical Review of Review )

## চিকিৎসা বিবরণ।

হিমোগ্লোবিনিউরিয়া সহ কালাজ্বর।

### Case of Kala-Azar with Hæmoglobinuria.

By Dr. Nauratan Lal Burma, M. B.,

Resident Surgeon, Bhagawandas Bagala murwari

Hindu Hospital, Calcutta,

—•:0:•—

রোগিনী—হিন্দু বালিকা, বয়স ৭ বৎসর। বাড়ী যশোহর জেলায়। বালিকাটি ২½ বৎসর পুরাতন সবিরাম জ্বর ও হিমোগ্লোবিনিউরিয়া পীড়ায় ভুগিয়া, চিকিৎসার জ্ঞ এই হাসপাতালে ভর্তি হয়।

বর্তমান অবস্থা—বালিকাটি অস্থি-চর্ম সার হইয়াছিল। অত্যন্ত রক্তহীনতা বর্তমান ছিল। উহার সর্বাঙ্গই প্রায় শ্বেতবর্ণ বিশিষ্ট। প্লীহা অত্যধিক বিবর্তিত; যকৃতও বর্ধিত। ভর্তিকালীন জ্বরীয় উত্তাপ ১০৫ ডিগ্রী ছিল। বালিকাটি অত্যন্ত শিরঃপীড়া এবং যকৃত, প্লীহা ও মূত্র-গ্রন্থি প্রদেশে বেদনার কথা বলিল। মুখমণ্ডলে, হস্ত ও পদ শাখায় শোধ বর্তমান ছিল। বালিকা এত দুর্বল হইয়া পড়িয়াছিল যে, সে পার্শ্ব পরিবর্তন পর্য্যন্তও করিতে অক্ষম। সে প্রায়ই অন্ন মাত্রায় কুইনাইন সেবন করিত এবং ২।১ মাস অন্তর মাঝে মাঝে প্রবল জরে আক্রান্ত হইত।

প্রথমতঃ এই রোগিনীকে দেখিয়া আমার মনে হইয়াছিল যে, ইহা “ম্যালেরিয়াল ক্যাক্‌হেঞ্চিয়া”—যাহা পর্য্যাপ্ত পরিমাণে কুইনাইন দ্বারা চিকিৎসা না করিবার ফলে উৎপন্ন হইয়াছে। এই ধারণার বশবর্তী হইয়া, তাহাকে কয়েক দিন কুইনাইন বাই হাইড্রোক্লোরাইড্ ৫ গ্রেণ মাত্রায় ইন্ট্রামাস্কিউলার ইঞ্জেকসন দিবার ব্যবস্থা করিলাম। রোগীর প্রস্রাব ও রক্ত পরীক্ষা করিবার জ্ঞও পাঠাইয়া দিলাম। জরের বিরাম অবস্থায় অর্থাৎ যে দিন উত্তাপ বৃদ্ধির দিবস, নহে, সেদিন উত্তাপ ৯৮—৯৯ মধ্যেই এবং যে দিন উত্তাপ বৃদ্ধির দিবস সেদিন, উত্তাপ ১০৪—১০৫ ডিগ্রীর থাকিত, মধ্যে জরের আক্রমণ প্রতিরুদ্ধ করিবার উদ্দেশ্যে, কুইনাইন ইঞ্জেকসন প্রথমটী—জরের বিরাম দিবসে এবং দ্বিতীয়টী উত্তাপ বৃদ্ধির দিন প্রাতঃকালেই দেওয়া হইয়াছিল। কিন্তু ইহাতে কোনই উপকার দেখা গেল না—ঠিক নিয়ম মতই বৈকালে উত্তাপ বৃদ্ধি হইয়া ১০৫ ডিগ্রী পর্য্যন্ত উঠিল। ইহা ব্যতীত দ্বিতীয় দিবসে রোগী ৪ বার রক্ত প্রস্রাব করিল। ইতিমধ্যে রক্ত ও প্রস্রাব পরীক্ষার ফল আসিয়া পৌঁছিল, তাহা এইরূপ—

**রক্ত পরীক্ষার ফল :-**

ম্যালেরিয়া জীবাণু পাওয়া যায় নাই ।	
হিমোগ্লোবিন	... ৮%
লোহিত রক্তকণিকা	... ৮৫০,০০০
শ্বেত রক্তকণিকা	... ১৭৮১
পলি ( Poly )	... ২৭%
বৃহৎ মনো ( Large mono )	৬%
ক্ষুদ্র মনো ( Small mono )	৬৬%
ইয়োসিনোফাইল ( Eosinophile )	১%

রক্তে এনিসোসাইটোসিস, পলি-ক্রোমাটোফিনিয়া এবং স্থানাধিক পরিমাণে নর্ফোব্লাস্ট বিদ্যমান ছিল ।

**মূত্র পরীক্ষার ফলে**—মূত্রে হিমোগ্লোবিন বর্তমান ছিল, কিন্তু লোহিত রক্তকণিকা ছিল না ।

রক্ত পরীক্ষার ফল হইতে পীড়া কালাজ্বর বলিয়া নির্ণীত হওয়ায়, এন্টিমনি দ্বারা চিকিৎসা আরম্ভ করা হইল । ২টা ইঞ্জেকসন দেওয়ার পরই, জ্বরীয় উত্তাপ স্বাভাবিক অবস্থা প্রাপ্ত হইয়াছিল । অতঃপর আরও কয়েকটা ইঞ্জেকসন দিয়া কয়েক সপ্তাহ মধ্যেই রোগীকে সম্পূর্ণ সুস্থ দেখিয়া হাঁসপাতাল হইতে বাড়ী পাঠাইয়া দেওয়া হয় ।

**মন্তব্য ।**—(১) ম্যালেরিয়া জ্বরের ঞায় সবিরাম প্রকৃতির জ্বরীয় উত্তাপ—যাহা দেখিয়া পীড়াটিকে ম্যালেরিয়া বলিয়া ভ্রম হইয়াছিল ।

(২) অতি দীর্ঘ দিন কুইনাইন ব্যবহারের ফলে—হিমোগ্লোবিনিউরিয়া প্রকাশ পাইয়াছিল ( কুইনাইন অপব্যবহার জনিত ব্ল্যাক্‌ওয়াটার ) ।

( Medical Review of Reviews, Vol. II, Feb. 1727. )

**ইনফ্লুয়েঞ্জা—Influenza.**

লেখক—ডাঃ শ্রীবিধুভূষণ তরুণদাস M. D. (Homœo)

L. C. P. & S.

— ::\*:: —

ইনফ্লুয়েঞ্জার চিকিৎসা সহজসাধ্য হইলেও, বর্তমান কালের রোগীর চিকিৎসা করা একটু বিশেষ বিবেচনা সাপেক্ষ । কারণ, উহাতে এত বিভিন্ন প্রকার উপসর্গ উপস্থিত হয় যে, প্রকৃত রোগনির্ণয়ে বিলক্ষণ ভ্রম জন্মে । নিম্নলিখিত রোগীটী ইহার একটা উজ্জল দৃষ্টান্ত ।

**ক্লিনিকাল ইতিহাস**—সখা স্ত্রীলোক । বয়স ৪০।৪২ বৎসর, গত এপ্রেল মাসের ৮ই তারিখে ইনি সামান্য সর্দিজ্বরে আক্রান্ত হন, কিন্তু বিশেষ কোন ধরাকাট করেন নাই । মান,

আহার, সাংসারিক কাজ সমস্তই করিতে থাকেন। কিন্তু ১০ই এপ্রেল হইতে শয্যাশায়ী হওয়ায় আমি আহত হই। •

১ ই এপ্রেল—অদ্য প্রাতে: আমি উপস্থিত হইয়া দেখিলাম যে, উত্তাপ ১০০° ডিক্রী, উভয় ফুসফুস পরিষ্কার। শ্বাসপ্রশ্বাস ৪০, নাড়ী ৭৮। চক্ষু দিয়া জল স্রাব, মাঝে মাঝে হাঁচি ও খুসখুসে কাশি আছে। দান্ত ২ দিন ভাল হয় নাই। মাথার যন্ত্রণা আছে। পিপাসা নাই। হাঁপানির ঞায় শ্বাসকষ্টে রোগিনী খুব কষ্ট বোধ করিতেছেন।

রোগিনীর স্বামীর হাঁপানির পীড়া থাকায়, এই রোগিনীর উহা সংস্পর্শ জনিত ম্যাজমা বলিয়া ধারণা করিয়া, নিম্ন ব্যবস্থা করিলাম। কিন্তু ফুসফুসের অবস্থা এবং রোগিনীর আর কখনও এরূপ হাঁপানির টান না হওয়ায়, মনে একটু সন্দেহ থাকিল।

১। Re

পালভ.গ্লাইসিরাঙ্গি কোং

২ ড্রাম।

এক মাত্রা। গরম ছুৎকের সহিত একবারে সেব্য।

২। Re.

একটুকু গ্রিগেলিয়া লিকুইড ...

১৫ মিনিম।

টিং লোবিলিয়া ইথিরিয়া ...

১০ মিনিম।

টিং বেলেডোনা ...

২ মিনিম।

লাইকর ট্রিনিট্রিনি ...

১ মিনিম।

সিরাপ টলু ...

১ ড্রাম।

একোয়া ক্লোরোফর্ম ...

১ আউন্স

একত্র এক মাত্রা। এইরূপ ৬ মাত্রা। প্রতিমাত্রা ২ ঘণ্টান্তর সেব্য।

২। ৪। ২৭—অদ্য প্রাতে: উত্তাপ ১০১°৩, নাড়ী ৮৫, শ্বাসপ্রশ্বাস ৪২, পিপাসা নাই। ৩ বার দান্ত হইয়াছে। হাঁপানির টান কিছু মাত্র কমে নাই, বরং বেশী। ফুসফুস পরিষ্কার।

ইঞ্জেকসনে রোগিনীর দৃঢ় আপত্য হওয়ায়, নিম্নলিখিত ব্যবস্থা করিলাম।

৩। Re.

এড্রিনালিন ক্লোরাইড সলিউশন ( ১ : ১০০০ ) ৫ মিনিম।

জল ...

১ আউন্স।

একত্র এক মাত্রা। এইরূপ ৪ মাত্রা। প্রতি মাত্রা ১ ঘণ্টান্তর সেব্য। পূর্বদিনের ২ নং মিশ্র পূর্ববৎ সেব্য।

৩। ৪। ২৭—প্রাতে: উত্তাপ ১০২, নাড়ী ৯০, শ্বাসপ্রশ্বাস ৪২, অনেককণ কাশিয়া সামান্য আর্টাবৎ শ্লেমা উঠিতেছে। দান্ত হয় নাই। মাথায় যন্ত্রণা বেশী। ফুসফুসের স্থানে স্থানে রালস পাওয়া যাইতেছে।

রোগিণীর উত্তরোত্তর পীড়ার বৃদ্ধি, অরীয় উত্তাপের সহিত নাড়ী স্পন্দনের অসামঞ্জস্য এবং ফুসফুসের প্রকৃতি দৃষ্টে, ইহা যে ইনফুয়েঞ্জা, তাহা নির্ণয় করতঃ, অদ্য পূর্বের সমুদয় ব্যবস্থার পরিবর্তন করিয়া, নিম্নলিখিত ব্যবস্থা করিলাম ।

৪। Re.

লিনিমেন্ট এমোনিয়া	...	৪ ড্রাম ।
— ক্যান্ফর কোঃ	...	৪ ড্রাম ।
অয়েল ইউকেলিপ্টাস	...	৪ ড্রাম ।
সরিষার তৈল	...	১২ আউন্স ।

একত্র মিশাইয়া মালিস প্রস্তুত করিয়া, বৃকে মালিস করিতে বলিলাম ।

৫। Re.

সোডি বেঞ্জোয়াস	...	১০ গ্রেণ ।
সোডি শ্যালিসিলাস	...	৩ গ্রেণ ।
স্পিরিট এমন এরোম্যাট	...	১০ মিনিম ।
স্পিরিট ক্লোরোফর্ম	...	১০ মিনিম ।
টিং সিলি	...	১০ মিনিম ।
মাইকোথাইমোলিন	...	১৫ মিনিম ।
সিরাপ বাকস	...	১ ড্রাম ।
একোয়া ক্যান্ফর	...	১ আউন্স ।

একত্র একমাত্রা । এইরূপ ৬ মাত্রা । প্রতিমাত্রা ৪ ঘণ্টান্তর সেব্য ।

রোগিণীকে ইউকেলিপ্টাস তৈলের আঘ্রাণ লইতে ও তুলসী পাতা দিয়া জল সিদ্ধ করিয়া, সেই জল পান করিতে বলিলাম ।

পথ্য—ভুঙ্ক, সাণ্ড, বার্লি বেদানা প্রভৃতি ।

১২।৪।২৭—এই দিন নূতন খাতার হাঙ্গামে রোগী দেখা হয় নাই । পূর্বদিনের ব্যবস্থাই চলিয়াছিল ।

১৩।৪।২৭—অদ্য প্রাতে: উত্তাপ ১০০, নাড়ী ৭৫, শ্বাসপ্রশ্বাস ৩২ । কল্য ১ বার দান্ত হইয়াছিল । শ্বাসের টান কম হওয়ায় রোগিণী অনেকটা সুস্থ বোধ করিতেছেন । এইদিন রোগিণীর জ্যেষ্ঠ পুত্রের কলেরা হওয়ায়, ঐ গোলমালে রোগিণী ঔষধ খাইতে স্বীকার করিলেন না ।

১৭ই মার্চে—ঠাহার পুত্রটি মারা গেল । তিনি ঐ অবস্থায় পুত্রের দেহে পড়িয়া আছড়া আছড়ি করিয়া কারাকাটা করেন । ঔষধাদির কোন ব্যবস্থা করা সম্ভব হয় নাই ।

১৯শে তারিখে—প্রাতে: পুনরায় রোগিণীকে দেখিতে আহৃত হইয়া দেখিলাম যে, তাহার খুব ভেদ বমন হইতেছে । নাড়ী অতি ক্রীণভাবে মনিবন্ধে পাওয়া যায় । প্রশ্বাস হইতেছে । ভেদ অপেক্ষা, বমন প্রবল ; সামান্য জল পর্য্যন্ত পেটে থাকিতেছে না । ভেদ,

বমন জলবৎ, দেখিলাম—উহাতে মিউকাস (শ্লেষ্মা) ও এপিথিলিয়ামের স্তর ভাসিতেছে।  
হাঁপানির বেগ বর্ধিত হইয়া কলেরা রোগীর মতন খাসকষ্ট হইতেছে। অর নাই।  
ফুসফুস পরিষ্কার।

রোগিণীর এইরূপ অবস্থা দৃষ্টে অতীব শঙ্কিত হইলাম। কারণ, একটা কঠিন রোগ  
সারিতে না সারিতেই, উপস্থাপরি ২টা ঘটনা সহ করা খুব কঠিন। অদ্য নিম্নলিখিত  
ঔষধের ব্যবস্থা করিলাম।

## ৬। Re

এসেন্সিয়াল অয়েল ( ডাঃ টম্বের )	...	১ ড্রাম।
জল	...	১ আউন্স।

একত্র মিশ্রিত করতঃ ৮ ভাগে বিভক্ত করিয়া, অর্ধ ঘণ্টাস্তর এক এক মাত্রা সেবন  
করিতে বলিলাম।

## ৭। Re

পিওর ক্লোরোফর্ম	...	৩ মিনিম।
এসিড হাইড্রোসিয়ানিক ডিল	...	১ মিনিম।
মিউসিলেজ একেসিয়া	...	১ ড্রাম।
একোয়া অর্যানসিয়াই ফ্লোরিস	...	৬ ড্রাম।

একত্র একমাত্রা। এইরূপ ৮ মাত্রা। প্রতি মাত্রা অর্ধ ঘণ্টাস্তর, পূর্বোক্ত মিশ্রের  
সহিত পর্যায়ক্রমে সেব্য।

পথ্য—জলবার্লি, লেমন হোয়ে, বেদানা, কমলা ও পাতিলেবু ইত্যাদি।

অল্প বৈকালে হাঁপানির বেগ খুব বর্ধিত হওয়ায় নিম্নলিখিত ব্যবস্থা করিলাম।

## ৮। Re

এড্রিনেলিন ক্লোরাইড (১ : ১০০০)	...	৫ মিনিম।
জল	...	১ আউন্স।

একত্র একমাত্রা। এইরূপ ৪ মাত্রা। প্রয়োজনানুসারে এক এক মাত্রা সেব্য।

২০।২।২৭—ভেদ, বমন ও নাড়ীর অবস্থা পূর্ববৎ। ৩ বার প্রশ্রাব হইয়াছিল।

৮নং ঔষধ ২ বার দেওয়ায় হাঁপানি কমিয়া গিয়াছে। কিন্তু ভেদ, বমন খুব ঘন ঘন  
হইতেছে। ঔষধাদি পূর্ববৎ ব্যবস্থা করিলাম।

এই দিন বেলা ২ টার সময় সংবাদ পাইলাম, রোগিণীর অবস্থা খুব খারাপ হইয়াছে।  
সমস্ত শরীর বরফের গায় শীতল, নাড়ী অনুভবনীয়, খাসকষ্টতা বর্ধিত প্রভৃতি মৃত্যু লক্ষণ  
দৃষ্টে রোগীকে উঠানে বাহির করিয়াছে। রোগীর ঐরূপ শোচনীয় অবস্থা শুনিয়া আমি  
আর দেখিতে গেলাম না। কেবল নিম্নলিখিত ঔষধটি প্রস্তুত করিয়া দিয়া, যদি উহা  
সেবন করান প্রয়োজন মনে করেন, তবে সেবন করাইতে বলিলাম।

## ৯। Re

লাইকর অ্যাসেনিকেলিস	...	১ মিনিম।
জল	...	২ ড্রাম।

একত্র একমাত্রা। এইরূপ ৮ মাত্রা। প্রতিমাত্রা ১৫ মিনিট অন্তর সেব্য।



রাত্রি ৮ টা পর্যন্ত কোন অশুভ সংবাদ না পাওয়ায় রোগিণীকে দেখিতে গেলাম । গিয়া দেখিলাম যে, রোগিণীকে বাহিরেই রাখা হইয়াছে । রোগিণীর শয়নাবস্থাতে অসাড়ে ভেদ হইতেছে । দান্ত ঠিক গাঢ় ফেনের মত । কাল বর্ণের বমন ও জলপান মাত্র বমন হইতেছে । নাড়ী খুব ক্ষীণ ও চাপ্য ।

পূর্বোক্ত ৯নং ঔষধই খাওয়াইতে বলিলাম ।

২১।৪।২৭ অগ্নিও দেখা গেল, সমস্ত অবস্থাই পূর্ববৎ । অগ্নি পাকস্থলীতে একখানি মার্শার্ড প্রাটার লাগাইয়া দিয়া, ১০।১৫ মিনিট রাখিয়া জ্বালা করিতেই উঠাইতে বলিলাম, এবং নিম্নলিখিত ঔষধ ব্যবস্থা করিলাম ।

১০। Re.

হাইড্রার্জ সাবক্লোর	..	১ গ্রেণ ।
বেঞ্জো-ক্রাপথল	...	১৬ গ্রেণ ।
পালভ ক্রিটা এরোম্যাট	...	২৪ গ্রেণ ।
বিসমাথ সাব-নাইট্রাস	...	৪০ গ্রেণ ।

একত্রে ৮ পুরিয়া । প্রতি পুরিয়া প্রত্যেক দান্তের পর সেব্য ।

১১। Re.

ভাইনম ইপিকাক	...	১ মিনিম ।
লাইকর আসেনিকেলিস	...	৮ মিনিম ।
জল	...	এড ২ আউন্স ।

একত্রে ৮ মাত্রা । প্রতি মাত্রা ১ ঘণ্টান্তর সেব্য ।

পথ্য—পূর্ববৎ ।

২২।৪।২৭—অগ্নি ভেদ, বমন কম । দান্তের রং কাল হইয়াছে । অগ্নি আর অসাড়ে ভেদও হইতেছে না । হাঁপানির টান বাড়িয়াছে । অগ্নি ৮, ১০, ১১নং ব্যবস্থোক্ত ঔষধ দেওয়া হইল ।

পথ্য—পূর্ববৎ ।

২৩।৪।২৭—অগ্নি ৪ বার পিত্ত সংযুক্ত দান্ত হইয়াছে, বমন হয় নাই । হাঁপানি কম । নাড়ী কথঞ্চিৎ সবল ।

ঔষধাদি পূর্বদিনের ত্রায় ( ৮, ১০, ১১নং ব্যবস্থা ) ব্যবস্থা করা হইল ।

পথ্য—এক মুষ্টি সরু চিড়া ভিজাইয়া, তাহার কাথ লেবুর রস ও লবণ সহযোগে সেব্য । বৈকালে জল বালি ।

২৪।৪।২৭—রোগিণীর অবস্থা সর্বাংশেই ভাল । ক্ষুধা বোধ করিতেছে । অগ্নি নিম্নলিখিত ঔষধ ব্যবস্থা করিলাম ।

১২। Re.

টীং সিন্‌কোনা কো:	...	২০ মিনিম ।
লাইকর আসেনিক	...	৮ মিনিম ।
ভাইনম পেপ্‌সিন	...	৪০ মিনিম ।
টীং কলম্বা	...	২০ মিনিম ।
টীং জেন্‌সিয়ান কো:	...	২০ মিনিম ।
একোয়া এনিসাই	...	এড ৩ আউন্স ।

একত্রে ৪ মাত্রা । আহারান্তে প্রতি মাত্রা ৩ ঘণ্টান্তর সেব্য ।

পথ্য—মাগুর মাছে ঝোল ও মাগুর সহিত মুগুরি দাইলের খিচুরি । রাত্রে দুধ বালি ।

২৫।৪।২৭—গত কল্য দান্ত আদৌ হয় নাই । ক্ষুধা প্রবল হইয়াছে । হাঁপানি নাই ।

১২নং ঔষধ প্রত্যহ আহারান্তে ৩ মাত্রা করিয়া সেবন করিতে বলিলাম ।

পথ্য—চাউলের খিচুরি । দুধ, মাগুর, মাছের ঝোল ।

২৬শে তারিখে—অন্ন পথ্য দিয়াছিলাম । রোগিণী ভালই আছে ।



ডাঃ শ্রীনির্মলকান্ত চট্টোপাধ্যায় M. B.  
কলিকাতা।

[ পূর্বে প্রকাশিত ১ম সংখ্যার ( বৈশাখ ) ৪০ পৃষ্ঠার পর হইতে ]

( ৫ ) কলেরা পীড়ায়—

লাইকর এড্রিনালিন হাইড্রোক্লোরাইড

এপিসেপ্টিক পত্র ( মার্চ—১৯২৭ ) Dr S. T. Velukannu L. M. P. মহোদয়  
কলেরা পীড়ায় লাইকর এড্রিনালিন হাইড্রোক্লোরাইড প্রয়োগের উপকারিতা সম্বন্ধে  
একটি প্রবন্ধ প্রকাশ করিয়াছেন, নিয়ে ইহার সারমর্ম উদ্ধৃত হইল।

Dr. Ve'uk nnu লিখিয়াছেন—“কলেরা পীড়ায় লাইকর এড্রিনালিন  
হাইড্রোক্লোরাইড যে, একটি বিশেষ মহাপকারী ঔষধ, বহুস্থলে তাহা আমি প্রত্যক্ষ  
করিয়াছি। বর্তমান কলেরা এপিডেমিকের সময়, এখানে আমি ১৫টি কলেরাক্রান্ত রোগীকে  
ইহা হাইপোডার্মিক ইঞ্জেকসনরূপে প্রয়োগ করিয়া, সম্ভাব্যজনক উপকার পাইয়াছি।  
১৯১৪ খৃঃ অব্দের ফার্মাকোপিয়া অনুমোদিত (B. P. 1914) ব্রিটিশ ড্রাগ্‌স হাউজের প্রস্তুত  
লাইকর এড্রিনালিন হাইড্রোক্লোরাইড \*—যাহা গভর্ণমেন্ট মেডিক্যাল ষ্টোর হইতে  
সরবরাহ করা হইয়াছিল, আমি তাহাই ব্যবহার করিয়াছিলাম। ইহা প্রথম ইঞ্জেকসনে  
২ সি. সি, মাত্রায় এবং ১২ ঘণ্টা পরে দ্বিতীয় ইঞ্জেকসনে ১.৫ সি, সি, মাত্রায় এবং  
১২ ঘণ্টা পরে ১.৫ সি, সি, মাত্রায় তৃতীয় ইঞ্জেকসন দেওয়া হইয়াছিল।

চিকিৎসার ফল। প্রথম ইঞ্জেকসনের কয়েক ঘণ্টার মধ্যেই ভেদ ও বমন  
হাস ও দ্বিতীয় ইঞ্জেকসনের কয়েক ঘণ্টা মধ্যে রোগী প্রস্রাব ত্যাগ করিয়াছিল এবং  
তৃতীয় ইঞ্জেকসনের পরেই রোগীর যাবতীয় উপসর্গাদি দূরীভূত হইয়াছিল।

উল্লিখিত রোগীগুলির মধ্যে ১০ জনকে পটাস পারম্যাঙ্গানেট ওয়াটার ব্যতীত,  
আত্যন্তিক আর কোন ঔষধ সেবনার্থ প্রয়োগ করি নাই। ৩টি রোগীকে গভর্ণমেন্ট  
মেডিক্যাল ষ্টোরের কলেরা পীল ( ওপিয়ম বাদে ) প্রযুক্ত হইয়াছিল। ২টি সাংঘাতিক  
কোল্যাম্প অবস্থাপন্ন রোগীকে হাইপারটনিক স্যালাইন সলিউশন সহ ১.৫ সি, সি,  
লাইকর এড্রিনালিন ইন্ট্রাভিনাস ইঞ্জেকসন দেওয়া হইয়াছিল।

উল্লিখিত চিকিৎসার ১টি রোগীও মৃত্যুমুখে পতিত হয় নাই।”

\* ১৯১৪ বি: সি: ( B P. 1914 ) অনুমোদিত লাইকর এড্রিনালিন হাইড্রোক্লোরাইড নিম্নলিখিতরূপে  
প্রস্তুত হয়। যথা—এড্রিনালিন ১ ভাগ, ক্লোরোকরম্ব ৫ ভাগ, সোডিয়াম ক্লোরাইড ৯ ভাগ, ডিষ্টিল্ড ওয়াটার  
১০০ ভাগ।

## (৬) মাস্তিকের উপসর্গযুক্ত ম্যালেরিয়া জ্বরে আয়োডিন ও কুইনাইন বাই হাইড্রোক্লোরাইড ইঞ্জেকশনের উপযোগিতা ।

—:~:—

এটিমেন্টিক পত্রে (মার্চ—১৯২৭) সুবিখ্যাত চিকিৎসক Dr J. C. Bagchi I. M. P. মহাশয় লিখিয়াছেন—

“গত জুন মাসে ( ১৯২৬ ) কয়েক দিনের জন্ম আমি রঙ্গপুর জেলার অন্তর্গত মাদুল্যাপুর গ্রামে গিয়াছিলাম । এখানে কয়েকটা দিন আমোদে প্রমোদ কাটাইব ইচ্ছা ছিল । কিন্তু সেই সময় এই স্থানে এরূপ ম্যালেরিয়ার প্রাদুর্ভাব হইয়াছিল যে, তিলমাত্রও সুস্থির হইতে পারি নাই । অধিকাংশ স্থলেই পর্ণিসিয়াস ম্যালেরিয়া জ্বরের আক্রমণ লক্ষিত হইতেছিল । এই স্থান একটা সামান্ত পল্লীগ্রাম হইলেও, এখানে ৬৭ জন চিকিৎসক আছেন । আমিও অনেকগুলি রোগী দেখিয়াছিলাম এবং অধিকাংশ রোগীকেই কুইনাইন বাই হাইড্রোক্লোর ইঞ্জেকশন দিয়া আরোগ্য করিয়াছিলাম ! নিম্নে একটা বিশেষত্ব পূর্ণ রোগীর বিবরণ উল্লেখ করিতেছি ।

একদিন রাত্রি প্রায় ৮টার সময়, একটা রোগী দেখিয়া ফিরিয়া আসিয়া শুনিলাম যে, তখনই আমাকে পাটানোছা গ্রামে ১টা রোগী দেখিতে যাইতে হইবে । ঐ স্থানের জনৈক রোগী বয়স্ক ৪৬ বৎসর ) অল্প বেলা ১২টা হইতে অজ্ঞান হইয়া আছে । জনৈক চিকিৎসক উহাকে বেলা ১০টার সময় ১৫ গ্রেণ কুইনাইন বাই হাইড্রোক্লোর ইন্ট্রামাস্কিউলার ইঞ্জেকশন ( ম, টায়াল পেশীতে ) দিয়াছিলেন ।

রাত্রি ৮।০ টার সময় আমি রোগীর নিকট উপস্থিত হইয়া, রোগীকে নিম্নলিখিত অবস্থাপন্ন দেখিলাম । যথা;—

( ১ ) রোগী সম্পূর্ণ তৈত্তনশূন্য কেবলমাত্র নিশ্বাস গ্রহণের শব্দ ব্যতীত, জীবনের আর কোন চিহ্নই নাই ।

( ২ ) নাড়ী (পাল্‌স—?ulse ) পূর্ণ, নিয়মিত এবং স্থূল ।

( ৩ ) উত্তাপ স্বাভাবিক ।

( ৪ ) শ্বীহা ও বকৃত স্বাভাবিক ।

( ৫ ) রোগী মুখবাদনে সম্পূর্ণ অক্ষম । রোগীর জল পানেরও শক্তি নাই । প্রথমতঃ আমি রোগীর মুখ ব্যাদনের চেষ্টা করিলাম, কিন্তু এনোনিয়ার খাস না দেওয়া পর্যন্ত রোগী মুখ হাঁ করিল না ।

( ৬ ) উদরাগ্নান বর্তমান ছিল ।

চিকিৎসা । রোগীর উল্লিখিত অবস্থা দৃষ্টে নিম্নলিখিত চিকিৎসার ব্যবস্থা করিলাম ।

১। রোগীকে বিনি চিকিৎসা করিতেছিলেন, তাঁহাকে রোগীর মাথার পশ্চীম অঙ্গের পটা দিতে বলিলাম ।

২। প্রথমেই আমি রোগীকে কোন তরল খাদ্য খাওয়ানোতে চেষ্টা করিলাম, কিন্তু তাহাতে কৃতকার্য হইতে পারিলাম না।

৩। কুইনাইন ইঞ্জেকসন দেওয়াই যুক্তিসঙ্গত মনে করিয়া, তজ্জন্ম প্রস্তুত হইতে ছিলাম। কিন্তু জ্ঞাত হইলাম যে, ইতিপূর্বেই গুটীয়াল রিজনে কুইনাইন ইঞ্জেকসন দেওয়া হইয়াছে, সুতরাং ইহাতে বিরত হইলাম।

৪। অতঃপর অতিকষ্টে ১ আউন্স ক্যাষ্টর অয়েল মুখপথে সেবন করাইবার ব্যবস্থা করিলাম। কিন্তু উহা গলাধঃকরণ করাইতে পারা গেল না। রোগীর অবস্থা দৃষ্টে বাস্তবিকই চিন্তার কারণ হইল।

রোগীর আত্মীয় স্বজন, রোগীকে পুনরায় ইঞ্জেকসন দেওয়ার জ্ঞাত আমাকে অনুরোধ করিতে লাগিল। কিন্তু কি ঔষধ ইঞ্জেকসন দিব, তাহাই ভাবিতে লাগিলাম। যাহা হউক, অবশেষে বিশেষ বিবেচনা করতঃ, নিম্নলিখিত ঔষধ ইঞ্জেকসন দেওয়াই সমীচীন বোধ করিলাম।

( ১ ) Re.

টীং আইডিন ( B P. ) ... ৪০ মিনিম।

ষ্টেরাইল ওয়াটার ... ১০ সি, সি,।

একত্র মিশ্রিত করিয়া ইন্ট্রাভেনাস ইঞ্জেকসন দিলাম। ইঞ্জেকসন দেওয়ার প্রায় অর্ধ ঘণ্টা পরে রোগীর মুখ নড়িতে দেখা গেল। এতদৃষ্টে সুগার অব মিল্ক সহ ৫ গ্রেণ ক্যালোমেল মিশাইয়া ১টা পুরিয়া প্রস্তুত করতঃ, রোগীর মুখে প্রদান করিলাম। এবার রোগী সহজেই উহা গলাধঃকরণ করিল। অতঃপর সামান্য জল সহ ১০ গ্রেণ সোডি বাইকার্ব রোগীকে সেবন করাইলাম।

দাস্ত না হওয়া পর্যন্ত স্থানীয় চিকিৎসককে রোগীর নিকট উপস্থিত থাকিতে উপদেশ দিয়া রাত্রি প্রায় ১০টার সময় প্রত্যাগত হইলাম।

পরদিন প্রাতঃকালে সংবাদ পাইলাম যে, কল্যা শেষ রাত্রে রোগীর ৩ বার দাস্ত হইয়াছে। আমি টীং আইডিন ইঞ্জেকসন দিয়া চলিয়া আসার পর, কম্প সহকারে রোগীর উত্তাপ বৃদ্ধি হইয়াছিল এবং শেষ রাত্রে পুনরায় উত্তাপ স্বাভাবিক হইয়াছে। কল্যা শেষ রাত্রেই রোগী চোখ মেলিয়াছিল এবং কুখার কথা বলিয়াছিল। তরল খাদ্য কিছু খাইতে দেওয়া তাহা খাইয়াছিল।

পুনরায় ইহাকে ১২ গ্রেণ কুইনাইন বাই হাইড্রোক্লোর ইঞ্জেকসন দেওয়া হয় এবং ২ দিনের মধ্যেই রোগীর যাবতীয় উপসর্গ দূরীভূত হইয়া, রোগী সম্পূর্ণরূপে আরোগ্য হইয়াছিল।

এক্কে আমায় সমব্যবসায়ী ভ্রাতৃগণের নিকট দ্বিজ্ঞাস্য এই যে—এই রোগীর উদরাধান উপস্থিত হইবার কারণ কি? কি কারণেই বা রোগী মুখ ব্যাদন বা কোন দ্রব্য গলাধঃকরণ করিতে অক্ষম হইয়াছিল? টীং আইডিন ইঞ্জেকসনের পরেই বা রোগী মুখ ব্যাদন করিয়াছিল কেন?

এতাদৃশ অনেক রোগীতে উক্তরূপে টীং আইডিন প্রয়োগে সস্তোষজনক উপকার পাইয়াছি।



## টাইফয়েড ফিভার।

লেখক ডাঃ শ্রীনরেন্দ্রকুমার দাশ M. D. ( M. H. M. C.)

**Physician-Biochemist.**

—:~:—

**রোগী**—একজন যুবক। পীড়াক্রমণের তৃতীয় সপ্তাহে আমি আহূত হইয়া রোগী দেখিতে যাই। রোগীর নিম্নলিখিত লক্ষণ গুলি দেখিতে পাইলাম :—

**বর্তমান অবস্থা।**—রোগী অতিশয় দুর্বল, শীর্ণ। দেখিলাম—রোগী বিছানায় চিৎ হইয়া শুইয়া আছে। অত্যন্ত অস্থিরতা বর্তমান। মুখমণ্ডল ফ্যাকাসে। জিহ্বা ও দস্ত সার্ভিস দ্বারা এবং ওষ্ঠদ্বয় একপ্রকার মামড়ী দ্বারা আবৃত। জিহ্বা পুরু—কটাশে, শুষ্ক ময়লাবৃত ও ফাটা ফাটা এবং জিহ্বার অগ্রভাগ অত্যন্ত লালবর্ণ। ফুস্ফুস পরীক্ষায় স্বাভাবিক মনে হইল। খুব অল্প পরিমাণে লালবর্ণ গাঢ় মূত্র ত্যাগ এবং ২৪ ঘণ্টায় ৩।৪ বার তরল হরিদ্রা বর্ণের মলত্যাগ হইতেছে ও উহা অত্যন্ত দুর্গন্ধযুক্ত। হস্ত ও পদ কখনও কখনও কম্পিত হইতেছে। আত্মীয় স্বজনদিগকে চিনিতে পারে না। অল্প প্রলাপ বর্তমান। জ্বরীয় উত্তাপ দ্বিপ্রহরে বৃদ্ধি হইয়া ১০৬ ডিগ্রী পর্যন্ত হয় এবং হ্রাস হইয়া ১০৩ পর্যন্ত হয়। উত্তাপ বৃদ্ধি হইলে পৈশিক সঙ্কোচন ও সামান্ত আক্কেপও হয়। পেট ডাকে। রোগীর গাত্রে কোনওরূপ কণ্ডু দেখিতে পাইলাম না। নাড়ীর স্পন্দন প্রতি মিনিটে ১০০—১১৫ বার। হৃৎপিণ্ডের দুর্বলতা এবং উদরাঙ্গান বর্তমান আছে। সমস্ত লক্ষণাদি পর্যালোচনা করিয়া টাইফয়েড জ্বর বলিয়া ধারণা হওয়ায়, নিম্নলিখিত ব্যবস্থা করিলাম :—

১। Re.

ফেরাম ফস্—৬x	...	২ গ্রেণ।
কেলি ফস্—৬x	...	২ গ্রেণ।

একত্র এক মাত্রা। প্রতিমাত্রা ২ ঘণ্টাস্তর সেব্য। এবং

২। Re.

কেলি মিউর—৬x	...	২ গ্রেণ।
কেলি সাল্ফ—৬x	...	২ গ্রেণ।
ম্যাগ ফস্—৬x	...	২ গ্রেণ।

একত্র এক মাত্রা। ১নং ঔষধ সহ পর্যায়ক্রমে ২ ঘণ্টাস্তর সেব্য এবং—

৩। Re.

ক্যালঃ ফস্—৬x

২ গ্রেণ।

এক মাত্রা। দিনে ২ বার সেব্য।

পথ্যাদি :—লেবু দ্বারা ছুঙ্ক ছানা কাটিয়া, সেই ছানার জল এবং টাটকা দধি মন্বন করিয়া মাখন তুলিয়া ফেলিয়া, সেই ঘোল ও পানীয় জল সহ গ্লুকোজ মিশ্রিত করিয়া পানার্থ ব্যবস্থা করিলাম। পথ্যাদি টাটকা প্রস্তুত করিয়া দিতে এবং পানীয় জল উত্তমরূপে ফুটিত করিয়া সেই জল শীতল করিয়া পানার্থ দিতে বলিলাম। উত্তাপাধিকা কালীন শীতল জলের দ্বারা গাত্র মুছাইয়া দিবে এবং মাথায় শীতল জলের ধারা দিবে

এই ব্যবস্থায়—২১ দিনে রোগীর জ্বর ত্যাগ হইল। অতঃপর এই ব্যবস্থা আরও কয়েক দিন চালাইয়া রোগীকে অন্ন পথ্য দিলাম এবং নিম্নলিখিত ব্যবস্থা মত কিছুদিন ঔষধ ব্যবহার করিতে উপদেশ দিলাম।

Re.

ফেরাম ফস্—১২x

...

২ গ্রেণ।

কেলি মিউর—৬x

...

২ গ্রেণ।

কেলি ফস্—৬x

...

২ গ্রেণ।

নেট্রাম ফস্—৬x

...

২ গ্রেণ।

একত্র ১ মাত্রা। দিবসে ৩ মাত্রা সেব্য।


ইহাতে সাধারণ স্বাস্থ্যের উন্নতি হইয়া রোগী সঙ্গর আরোগ্য লাভ করিয়াছিল।

এই পীড়া অতিশয় কঠিন হইলেও, বাইওকেমিক মতে প্রথমাবধি বিশেষ শৈথ্য সহকারে চিকিৎসা করিলে অধিকাংশ স্থলেই আশাতীত উপকার পাওয়া যায়। প্রথমাবধি বিচক্ষণতার সহিত বাইওকেমিক ঔষধ দ্বারা চিকিৎসা করিলে অনতিবিলম্বে পীড়ার গতি রুদ্ধ হয় ও রোগী শীঘ্রই আরোগ্য লাভ করে। প্রথম হইতে ফেরাম ফস্, নেট্রাম মিউর ও কেলি মিউর একত্রে পুনঃ পুনঃ ব্যবহার করিলে সঙ্গর উপকার হইয়া থাকে। কেলি মিউর এই পীড়ার প্রধান ঔষধ, ইহা অল্পস্থ গ্রন্থিসমূহের বিবৃদ্ধি হ্রাস করিয়া উদরাময়ের উপকার করে। অতঃপর লক্ষণ অনুযায়ী চিকিৎসা অবলম্বন করিবে। ডাঃ চ্যাপম্যানের মতে এতৎসহ মধ্যে মধ্যে উষ্ণ জলের পিচকারী দ্বারা অন্ন পরিষ্কার করিয়া দেওয়া ভাল।

রোগীকে সর্বদা শয্যায় শয়ন করাইয়া রাখিবে,—এমন কি মল মূত্র ত্যাগ পর্যন্ত শয্যায় গুইয়াই করিতে উপদেশ দিবে।

আমি অনেকগুলি টায়ফয়েড জ্বর রোগীকে বাইওকেমিক ঔষধ দ্বারা চিকিৎসা করিয়া বিশেষ ফললাভ করিয়াছি। আমার মনে হয়, বাইওকেমিক ঔষধই এই পীড়ার শ্রেষ্ঠ ও উপযুক্ত ঔষধ।





## হোমিওপ্যাথিক অংশ।

২০শ বর্ষ।

১৩০৪ সাল—আষাঢ়।

৩য় সংখ্যা

### সবিরাম জ্বরে—চায়না ( China ).

প্রফেসার খ্রীসদাশিব মিত্র এম্, ডি, এফ, আর, এচ, এম্।

— :::: —

রোগী—ভবানীপুরের শ্রীযুত ভূপেন্দ্রনাথ সেন Xaircers College, 4th year এর ছাত্র। মাতুলাশ্রম রাজিবপুর। ভূপেন বাবু ৬পূজার পর মাতুলাশ্রমে গিয়াছিলেন, কার্তিক মাসের মাঝামাঝি ভবানীপুরে আসিয়া সবিরাম জ্বরগ্রস্ত হন। আমি ২৫শে কার্তিক রোগীকে প্রথম দেখি; অবগত হইলাম—জ্বর দিনেই হয়, রাত্রে হয় না। তবে প্রত্যহ পূর্কদিন অপেক্ষা ২ ঘণ্টা আগে জ্বর আসে; একদিন একটু কম জ্বর হয়, একদিন বেশী জ্বর হয়। জ্বর আসিবার পূর্ক হইতে ক্ষুধা ও পিপাসার বৃদ্ধি হয়, গা বমি বমি করে, মাথা ধরে, বেশ কল্প দিয়া জ্বর আসে; ১০। পর্যন্ত উত্তাপ উঠে। শীতের সময় জল পিপাসা থাকে না। শীতের পর গাত্রদাহ খুব বেশী হয়; উত্তাপের সময় গাত্রাবরণ রাখিতে পারে না, কিন্তু লেপ ফেলিয়া দিলেই অত উত্তাপেও শীত করে, মুখ ঠোট খুব শুকাইয়া যায়। উত্তাপের সময় একটু একটু নিদ্রার ভাব। নিদ্রার সময়—গাত্রে আবরণ থাকার সময় ঘর্ম হয়। শীতের সময়—এমন কি উত্তাপের সময়ও তৃষ্ণা থাকে না; ঘামের সময় খুব তৃষ্ণা হয়। জিহ্বা সাদা, প্রাতঃকালে মুখে পচা গন্ধ।

আমি এই রোগীকে প্রথমে দুই মাত্রা চায়না ৬ষ্ঠ শক্তি দিয়াছিলাম। ইহাতে উপসর্গ সকলের প্রকোপ কমিয়াছিল বটে, কিন্তু এককালীন জ্বরের উপশম হয় নাই। জ্বরের প্রাবল্য কমিলেও কিন্তু জ্বর বন্ধ হইল না।

২৭শে কার্তিক—চায়নার ৩০ শক্তি দিলাম, তাহাতে উপসর্গ সবই গেল বটে, জ্বরের তেজও বধেই কমিল, কিন্তু জ্বর এককালীন বন্ধ হইল না।

২৮শে কাঠিক—এক মাত্রা চায়না ২০০ শক্তি দিলাম। শ্রীভগবৎ অমৃতগ্রহে জ্বর আসা বন্ধ এবং ক্রমে রোগীর শারীরিক ও মানসিক সমস্ত কষ্টই দূর হইল।

৩রা অগ্রহায়ণ—রোগীকে অন্ন পথ্য দেওয়া হইয়াছিল।

“রাত্রে জ্বর হয় না, ঘর্ষাবস্থায় তৃষ্ণা, নিদ্রাবস্থায় ও গাত্রে আবরণ থাকার সময়ে ঘর্ষ, জ্বর আসিবার পূর্বে ক্ষুধা ও পিপাসা” এই সকল লক্ষণের উপর লক্ষ্য করিয়া আমি চাফানা ব্যবস্থা করিয়াছিলাম। শ্রীভগবৎ রূপায় রোগীকে আরোগ্য করিতেও কৃতকার্য হইয়াছে। যাহারা বলেন যে, সদৃশ বিধানানুসারে ম্যালেরিয়া জ্বর আরোগ্য হয় না, তাঁহারা ভ্রান্ত। আমাদের ভেষজ-বারিধি অমৃতে ভরা। নির্ঝাচন করিয়া রোগীকে প্রয়োগ করিতে পারিলে সুধাসম কার্যকারী হয়।

## হোমিওপ্যাথিক যতে—তুলসী ।

লেখক—ডাঃ শ্রী প্রমদা প্রসন্ন বিশ্বাস ।

( পূর্বে প্রকাশিত ২০শ বর্ষের ১ম সংখ্যার ( ষোষ্ঠ ) ৪৮ পৃষ্ঠার পর হইতে )

## স্ত্রীরোগে—ওসিযাম্ ।

১। রোগিণী জনৈক স্ত্রীলোক, বয়স অনুমান ২৫।২৬ বৎসর, ২।৩টী সন্তান হইয়াছে, চেহারা পাতলা ও লঘাকৃতি। অনেকদিন হইতে জরায়ুর দোষ ও ঋতু দোষ ইত্যাদিতে ভুগিতেছেন। ঋতুশ্রাব অনিয়মিত, কিন্তু প্রায়ই বেশী দিন ধরিয়া শ্রাব বর্তমান থাকে এবং পরিমাণেও খুব বেশী হয়। ক্রমাগত এইরূপ শ্রাব থাকায় বিশেষ অসুবিধা ও বিরক্তির কারণ হয়। রক্তশ্রাব কমিয়া গেলে আবার সাদা সাদা শ্রাব থাকে। ক্রমাগত রক্তশ্রাব হওয়ায় শরীর অত্যন্ত দুর্বল হইয়াছে, সেই সঙ্গে মাথা ঘোরা, বুক ধড়ফড় করা প্রভৃতি লক্ষণগুলিও দেখা দিয়াছে। ১৯২৩ সালের সেপ্টেম্বর মাসে অত্যন্ত রক্তশ্রাব হইয়া রোগিণী খুব দুর্বল হইয়া পড়েন। সেই সময় আমি দেখি। রক্তশ্রাব এত বেশী হইতেছিল যে, ২।৩খানি কাপড় ভিজিয়া যায়। রক্তের বর্ণ উজ্জ্বল লাল। প্রথম অবস্থায় পেটে অন্ন বেদনাও ছিল। আমি প্রথমেই তাঁহাকে ওসিযাম্ ১X১চারি মাত্রা ৩ ঘণ্টান্তর সেবনের ব্যবস্থা করি। ইহাতে প্রথম দিনেই রক্তশ্রাব খুব কমিয়া যায়। আরও ২।৩ দিন এই ঔষধ ব্যবহার করায় শীঘ্রই রক্তশ্রাব বন্ধ হইয়া গেল। পরবর্তী সময়ে সাদা সাদা যে শ্রাবগুলি থাকিত, সেগুলি এবার তত দেখা গেল না। রোগিণী নিজেই বলিলেন—অন্ত কোনবারেই এত শীঘ্র শ্রাব বন্ধ হয় না। ইহার পূর্বে কোনপ্রকার ঔষধেই এরূপ আশ্চর্য্য ফল দেখিতে পাই নাই।

২। রোগিণী --\* \* \* কর্ণকারের স্ত্রী, বয়স ৪০।৩২ বৎসর। কয়েকটা ছেলে মেয়ে বর্তমান। সম্প্রতি ৬।৭ মাস গর্ভকালে গর্ভ নষ্ট হওয়ায় কয়েকদিন রক্তশ্রাব হয়। তারপর

অনেকদিন ধরিয়া সামান্য সামান্য রক্ত ও একপ্রকার দুর্গন্ধ শ্রাব নিঃসৃত হইতে থাকে । তলপেটে ও জরায়ুতে মধ্যে মধ্যে বেদনা হইত । কোন কোন দিন বৈকালের দিকে সামান্য সামান্য জ্বরও বুঝা যাইত । অন্ন পরিমাণ অরুচিও ছিল । রোগিণীর স্বামী এই সমস্ত অবস্থা বলিয়া আমার নিকট ঔষধ চাওয়ায়, আমি অল্প কোন ঔষধ না দিয়া, প্রথমেই **প্রসিমাঙ্ ৩X** প্রত্যহ ৩বার করিয়া সেবনের ব্যবস্থা করি । উহাতেই ক্রমে সমস্ত অসুখ সারিয়া যায়, আর কোন ঔষধ দিবার আবশ্যক হয় নাই ।

## যক্ষ্মারোগে ওসিমামের কার্যকারিতা ।

**রোগী**—স্থানীয় একজন কবিরাজ । ইনি অনেক দিন হইতে তাঁহার ক্ষয়কাশ রোগের জন্ত আমার চিকিৎসাধীনে আছেন । তাঁহার এক ভ্রাতা এই রোগে মারা যান ; কবিরাজ মহাশয়ের অবস্থাও কয়েকবার অত্যন্ত সঙ্কটাপন্ন হইয়াছিল । মধ্যে মধ্যে কাশির সহিত রক্ত উঠা, অন্ন, শরীরের শীর্ণতা প্রভৃতি বেশী হয় । আমাদের চিকিৎসায় ২৫বার তিনি সম্পূর্ণ সুস্থ হইয়া নিজের কাজ কর্ম করিতে পারিয়াছিলেন । অবস্থা বিপর্যয়ে অনিয়মিত পরিশ্রম করায় এবং উপযুক্ত খাদ্যাদির অভাবে, তিনি সম্পূর্ণ সুস্থ হইতে পারেন নাই বলিয়া মনে হয় । এবার গত আশ্বিন মাসের শেষে বিশেষ মন প্রয়োজন বশতঃ তাঁহাকে কলিকাতায় যাইতে হয় । রাত্রি জাগরণ ও অনিয়মে এখানে আসিয়াই তাঁহার জ্বর, কাশি বৃদ্ধি হয় । ইহার পূর্বেও অনেক দিন হইতে প্রাতেঃ অন্ন অন্ন জ্বর হইত । প্রত্যহ প্রাতেঃ ৭।৮টার সময় জ্বরের একটু বেগ হইয়া সন্ধ্যার দিকে উহা কমিয়া যাইত । জ্বরের তাপ প্রাতে ৯৯° ডিগ্রী, কোন দিন বা সামান্য কম বেশীও দেখা যাইত । বৃদ্ধির সময় ১০১° ডিগ্রীর বেশী কোন দিন হইত না ।

বর্তমান জ্বর বৃদ্ধির পূর্বেও, কোন দিন তাঁহার নাড়ী সম্পূর্ণ বিজর অথবা নাড়ীর সরল অবস্থা দেখিতে পাই নাই । যখনই তাঁহার নাড়ী দেখিয়াছি, তখনই উহা কেমন একটা জড়তা ভাবাপন্ন ও দ্রুতগতি বিশিষ্ট । নাড়ী কোন দিনই সমান ও সরল গতি বিশিষ্ট দেখিতে পাই নাই । বর্তমান জ্বরের জন্ত অবস্থানুযায়ী কয়েকটা ঔষধ দিয়া, কয়েক দিন তাঁহার চিকিৎসা করি । কিন্তু জ্বরটুকু কিছুতেই কম হয় না এবং নাড়ীর বিষয় গতিরও কোন পরিবর্তন হয় না । এই সঙ্গে খুব কষ্টকর কাশি ছিল । প্রাতেঃ ও সন্ধ্যায় কাশির জন্ত খুব কষ্ট হইত এবং অনেক খানি পাকা স্লেমা উঠিত, চিকিৎসায় উহারও কোন পরিবর্তন দেখা গেল না । অবশেষে একদিন তাঁহাকে **প্রসিমাঙ্ ৩০**, চারি মাত্রা—জ্বর কম অবস্থায় প্রত্যহ তিনবার করিয়া খাইবার জন্ত দেওয়া হয় । ইহাতে ২য় দিনেই তাঁহার জ্বর খুব কম হয়, কাশিও খুব কমিয়া যায় । ৪ মাত্রা **প্রসিমাঙ্** ব্যবহারের পর তাঁহার নাড়ীর একটা বিশেষ পরিবর্তন দেখিতে পাই—বাহ্য বহু দিনের মধ্যে কোন ঔষধ ব্যবহারেই দেখিতে পাওয়া যায় নাই । তৃতীয় দিনের প্রাতেঃ তাঁহার নাড়ী সম্পূর্ণ বিজর এবং সরল, ধীর ও

সমান গতি বিশিষ্ট দেখিতে পাই । ক্ষয়কাশগ্রস্ত রোগীর নাড়ী প্রায় স্থলেই এরূপ সরল ও ধীরগতি বিশিষ্ট দেখা যায় না । এ রোগীতেও কখন নাড়ীর গতি সরল দেখিতে পাই নাই, তাহা পূর্বেই লিখিয়াছি ।

**অস্তুব্য ঃ**—যে কোন রোগেই হউক, নাড়ীর অবস্থা সরল ও সমান হওয়া শুভ লক্ষণ বলিয়া পরিগণিত হইয়া থাকে । রোগের আভ্যন্তরিক অবস্থার পরিবর্তন হইয়া ভালর দিকে না আসিলে, নাড়ীর এইরূপ পরিবর্তন কোন স্থলেই দেখা যায় না । বর্তমান রোগীতে নাড়ীর এইরূপ পরিবর্তন হওয়ায় বুঝা গেল যে, ক্ষয়কাশ রোগের উপর **ওসিমায়ের** এক বিশেষ কার্যকারী শক্তি বিদ্যমান আছে । আমার বিশ্বাস, ক্ষয়কাশিতে ইহার ব্যবহার যত অধিক হইবে, ততই ইহার কার্যকারিতা শক্তির পরিচয় আমরা ভালরূপ পাইব ।

## বিবিধ রোগে ওসিমায়ের কার্যকারিতা ।

**টনসিল্ স্বন্ধির সহিত কাশি**—একটি হিন্দু বালক, বয়স ১০ বৎসর, মধ্যমাকৃতি । বালকটির পিতার হাঁপানি রোগ আছে, উহারও সর্দি হইলে হাঁপানির মত টান হয় । ইহার কয়েক দিন হইতে কাশি হইয়াছে, সর্বদা খক্ খক্ করিয়া কাশি, গলা কুট্ কুট্ করে, রাত্রিতে ইহা বেশী হয় । নিয়ত কাশি, কিছু উঠে না, পুনঃ পুনঃ শুষ্ক কাশি । আমার নিকট আসিয়া দেখাইবার সময়ও কয়েকবার কাশিল । গলার মধ্যে পরীক্ষায় দেখা গেল যে, দক্ষিণ দিকের টনসিল বড় হইয়াছে এবং গলার ভিতরটা অপেক্ষাকৃত লালবর্ণ । এই ছেলেটিকে প্রথমেই **ওসিমায়ে ৩X** দেওয়া হয় এবং তাহাতে এক দিনেই কাশি কমিয়া যায় এবং ২৩ দিনেই আরোগ্য হয় ।

## বিবিধ রোগের প্রত্যক্ষ ফলপ্রদ ঔষধ ।

**লেখক**—ডাঃ শ্রীপ্রভাসচন্দ্র বন্দ্যোপাধ্যায় ।

হোমিওপ্যাথিক্ চিকিৎসক । মহানাদ—হুগলী ।

( পূর্বপ্রকাশিত ২য় সংখ্যার ( জ্যৈষ্ঠ ) ১০৫ পৃষ্ঠার পর )

### ( ৩১ ) শৈশবীয় কলেরার ক্যামোমিলা ।

শৈশবীয় কলেরা (Infantile Cholera) রোগে - বিশেষতঃ, দস্তোদামকালীন ওলাউঠায় **ক্যামোমিলা** অপরিহার্য ঔষধ ।

সালুকগড় গ্রামে পঞ্চ বাকের কনিষ্ঠ পুত্র, বয়স ১৫ মাস, জাতি গোয়ালী । ( ৪ দিন পূর্বে তাহার জ্যেষ্ঠ পুত্র কলেরা রোগে ২৪ ঘণ্টার মধ্যে মারা গিয়াছে, উহার এলোপ্যাথিক্ চিকিৎসা হইয়াছিল । ) সন ১৩৩৩ সালের ২২শে মাঘ অতি প্রত্যুষে এই রোগীর চিকিৎসার্থ আহৃত হই ।

বর্তমান অবস্থা । শুনিলাম—ছেলেটা গত রাত্রি ১২টা হইতে রোগাক্রান্ত হইয়াছে । উঠানে শিশুর মাতা রোদ্রে শিশুকে কোলে করিয়া বসিয়া আছে । বহুবার ভেদ বমন হইয়াছে ও হইতেছে, অবসন্ন অবস্থা, প্রস্রাব বন্ধ, জলবৎ ভেদ—কাপড়ে অন্ন সবুজ দাগ লাগিয়াছে, নাড়ী নাই, হাত পা বরফের গায় ঠাণ্ডা, চক্ষু বসিয়া গিয়াছে । একজন ফকীর “গ্রাম বন্ধন” করিয়াছেন, কেবল তাঁহার ঔষধ খাওয়ান হইয়াছে, এলোপ্যাথিক ঔষধও আনীত হইয়াছিল, কিন্তু তাহা খাওয়ান হয় নাই ।

চিকিৎসা :—ছেলেটার অবস্থা দেখিয়া তখনই একমাত্রা নব্বাভমিকা ২০০, খাইতে দিয়া, নাগাইদ সন্কার জন্ম ৪ মাত্রা আসেনিক ৩০ ও অনৌষধি ৪ মাত্রা প্রস্তুত করিতেছি, এমন সময় একজন কবিরাজ আসিলেন, অবশ্য তাঁহাকেও ডাকা হইয়াছিল । শিশুটা এক একবার ছট্ ফট্ করে, কিন্তু একটু জল খাইতে দিলেই চূপ করিয়া থাকে । অত্যন্ত পিপাসা আছে দেখিয়া, কবিরাজ মহাশয় তৎক্ষণাৎ ব্যবস্থা করিলেন—“খানিকটা আলতা গুলিয়া স্তন দুধের সহিত মিশ্রিত করিয়া খাওয়াও, পিপাসা আর থাকিবে না ।” একজন লোক আলতা আনিতে গৃহের মধ্যে প্রবেশ করিল । আমি দেখিলাম—বিপদ, এইবার বৈশ্ব-সঙ্কট উপস্থিত ! আমি বলিলাম—এখন পিপাসার চিকিৎসা থাক, কেবল জল পান করিতে দাও । আর এইমাত্র একটা ঔষধ খাওয়ান হইয়াছে, এখন আর কিছু খাইতে দিয়া কাজ নাই, খাওয়াইতে হয় পরে খাওয়াইবে, বলিয়া একটু কৌশলে আলতা খাওয়াইতে নিষেধ করিলাম । কবিরাজ মহাশয় আর কথা কহিলেন না, তাহারাও আলতা আনিতে নিরস্ত হইল । আমি ঔষধ দিয়া প্রত্যাগমন করিলাম ।

আবার সন্কার পর আমার ডাক হইল । গিয়া শুনিলাম—দুই প্রহরের পর হইতে নাড়ীর স্পন্দন অনুভূত হইতেছে, অগ্নাগ্ন অবস্থা পূর্ববৎ, প্রস্রাব হয় নাই । এই সময় হতে দেখি বলাতে, শিশু আমার দিকে একবার চাহিল ও হাতটা গুটাইল । একটু জোর করিয়া হাত দেখিলাম । খুব সূক্ষ্মভাবে নাড়ীর স্পন্দন পাওয়া গেল এবং হস্ত পদ তত ঠাণ্ডা নাই । আসেনিকে এরূপ উপকার হইলেও দস্তোদগমকালীন পীড়া, মলে সবুজ আভা ও হাত গুটান দেখিয়া, ক্যামোমিলাকে আমার মনে পড়িল এবং ৬ মাত্রা ক্যামোমিলা ৩০, দিয়া আসিলাম । হোমিওপ্যাথিক চিকিৎসায় অল্প কিছু খাওয়াইতে তথাকার কোনও লোক নিষেধ করায়, তাহারা আলতা খাওয়ায় নাই ।

পরদিন প্রাতে: আবার গেলাম । শুনিলাম—রাত্রে কেবল দুইবার মাত্র ভেদ হইয়াছে, বমি হয় নাই এবং একটু ঘুমাইয়াছে । যে কাঁথার উপর শিশুকে শোওয়ান হইয়াছিল, তাহা ভিজা ছিল ও তাহাতে প্রস্রাবের গন্ধ পাওয়া গিয়াছিল বলিয়া, বাড়ীর লোকে প্রস্রাব হইয়াছে অনুমান করিয়াছে । গত কল্যা উ, অা ব্যতীত অল্প কোন কথা কহে নাই ও স্তন্যপান করে নাই, আজ প্রাতে: কয়েকবার মা বলিয়া ডাকিয়াছে এবং একটু স্তন পান করিতেও



পারিয়াছে । ইহাতে মায়ের অন্তঃকরণে অপেক্ষাকৃত আনন্দের উদয় হইয়াছে । অবস্থা ভাল দেখিয়া, পুনরায় কয়েক মাত্রা ক্যামোমিলা দিয়া আসিলাম । আর দেখিতে যাইতে হয় নাই, ইহাতেই বালকটি আরাম হইয়াছিল । ঐরূপ বয়সের পীড়ায় ক্যামোমিলা প্রায়ই আবশ্যিক হয় এবং সস্তোষজনক ফল পাওয়া যায় ।

### ( ৩২ ) আক্কেপিক কলেরায়—কুপ্রাম ।

আক্কেপিক প্রকার ( Spasmodic Variety ) কলেরায় রোগীর অসহ্য যন্ত্রণা বিদূরিত করিতে কুপ্রাম-মেটালিকামের অসীম শক্তি আছে এবং কুপ্রামের সাহায্যেই আমরা অনেক স্থলেই যে, জয়যুক্ত হইয়া থাকি, নিম্নলিখিত দুইটা রোগী-তত্ত্বে তাহা সুস্পষ্ট প্রমাণিত হইবে ।

১। রোগী—করপাড়ার জনৈক স্ত্রীলোকের বিগত ১৮শে মাঘ ( ১৩৩৩ ) রাত্রি ২টা হইতে ভেদ বমন আরম্ভ হয় । রাত্রি ১টার সময় আমার নিকট আসে, আমি ৪ মাত্রা পাল্‌সেটিলা ৩০ দিয়া, বলিয়া দিলাম—আধ ঘণ্টা অন্তর এই ঔষধ খাওয়াইবে, যদি রোগিনী নিদ্রিত হইয়া পড়ে, তাহা হইলে আর ঔষধ সেবনের বা আমার বাওয়ার প্রয়োজন হইবে না ; নচেৎ ২ ঘণ্টা পরে পুনরায় আসিবে । ঐ ঔষধে উপকার না হওয়ার, ২টার সময় আবার লোক আসিল এবং আমিও রোগীর বাড়ীতে উপস্থিত হইলাম ।

বর্তমান অবস্থা ।—রোগিনীর নিকট উপস্থিত হইয়া শুনিলাম—গত ৬ ঘণ্টার মধ্যে রোগিনীর ৮বার জলবৎ ভেদ ও ৭বার বমি হইয়াছে । অত্যন্ত পিপাসা, পেটের যাতনায় রোগিনী অত্যন্ত কষ্ট পাইতেছে, প্রথম বারের বমনে অন্ন ভাত ছিল—তারপর কেবল জলবৎ বমি হইতেছে, বমনে অন্ন অন্ন গন্ধ আছে, রোগিনীর কখন অল্পের পীড়া নাই বা আহারাদিরও কোন অনিয়ম হয় নাই । সময় সময় হাতে ঝিঁঝি ও পায়ে খাল ধরিতেছে । একবার ভেদের পরই প্রস্রাব বন্ধ হইয়াছে । নাড়ী সূক্ষ্মভাবে স্পন্দিত হইতেছে ।


রোগিনীর এবিধ অবস্থা দেখিয়া ইপিকাক ৩০ ব্যবস্থা করিলাম এবং ৬টা পর্যন্ত রোগীর বাড়ীতে থাকিয়া প্রতি ঘণ্টায় উহা খাইতে দিতে লাগিলাম । (ক্রমশঃ)

PRINTED BY RASICK LAL PAN

At the Gobardhan Press, 209 Cornwallis Street, Calcutta.

And Published by Dharendra Nath Halder,

197, Bowbazar Street Calcutta,







এনোপ্যাথিক ও হোমিওপ্যাথিক চিকিৎসা সম্বন্ধীয়  
মাসিক পত্র ও সমালোচক।

২০শ বর্ষ।

১৩৩৪ সাল—শ্রাবণ।

৪র্থ সংখ্যা

## বিবিধ।

ইন্দুর দংশন-জ্বরে (Bat Bite Fever) সালফাসামিন্—  
ফেনামিন্ ডাক্তার নিউকুম্ব লিখিয়াছেন—“একটি ২ বৎসর বয়স্ক বালকের ইন্দুর দংশন  
জনিত জ্বরে “সালফারস্ফেনামিন্” (Sulpharsphenamine) ইন্ট্রামাস্কিউলার ইন্জেকসন  
দেওয়ায় অবিলম্বে জ্বরীয় উত্তাপ হ্রাস প্রাপ্ত হইয়া বালকটি সত্তর সম্পূর্ণরূপে আরোগ্য লাভ  
করিয়াছিল। প্রথমতঃ ইহা ০. ১ গ্রাম ইন্জেকসন দেওয়া হইয়াছিল এবং ৬ দিন পরে পুনরায়  
০.২ গ্রাম ইন্জেকসন দেওয়া হয়। অত্যাণ্ড চিকিৎসা লক্ষণাশূন্যায়ী করা হইয়াছিল।

( Clinical medicine )

নিষ্পীড়িত অঙ্গুলী—কখনও অকস্মাৎ হাতের অঙ্গুলী সাংঘাতিক ভাবে  
নিষ্পীড়িত (Pinched) বা চাপিয়া গেলে—তৎক্ষণাৎ হস্ত উর্দ্ধ দিকে তুলিয়া ধরিয়া  
(কদাচও অঙ্গুলী নীচের দিকে নামান কর্তব্য নহে।) খুব জোরে জোরে অঙ্গুলীর অগ্রভাগ  
হইতে কুম্ভই পর্গ্যস্ত কয়েক মিনিট ধরিয়া পুনঃ পুনঃ মর্দন করিলে অনতিবিলম্বেই যন্ত্রণার  
হ্রাস হয়।

( Clinical medicine )

হিমাজি অবস্থায় স্পিরিট এমন্ এনোমেট্—রোগী হিমাজি অবস্থা (Collapse) প্রাপ্ত হইলে বা কোমাটোজ অবস্থায় থাকিলে—এক টুকরা পরিষ্কার ঝাড়ু বা একটু তুলার মধ্যে কতকটা স্পিরিট এমন্ এনোমেট্ ঢালিয়া লইয়া রোগীর জিহ্বায় উত্তমরূপে ঘর্ষণ করিয়া দিলে আশ্চর্য উপকার হইতে দেখা যায়।

( Clinical medicine )

রিনাইটিস্ এবং ফেরিঞ্জাইটিস্—আইওডিন—বিখ্যাত মার্কিন চিকিৎসক ডাঃ শেফিল্ড্ লিখিয়াছেন যে পুরাতন রিনাইটিস্ (Rhinitis) কিম্বা “ফেরিঞ্জাইটিস্” এবং পূঁজযুক্ত এডিনয়েডস্ এর চিকিৎসায় নিম্নলিখিত আইওডিন দ্রবটী বিশেষ উপযোগিতার সহিত ব্যবহার করা যায়। তিনি ইহা দ্বারা বহু রোগী আরোগ্য করিয়াছেন। অস্ত্রোপচারের পর এই ঔষধ ব্যবহার করিলে আরও দ্রুত ফল পাওয়া যায়।

Re.

গ্লিসিরিন সহ টীং আইওডিনের ১% দ্রব ... ১ আউন্স।

ফেনলের ১% দ্রব ... ১/৪ আউন্স।

একত্রে মিশ্রিত করতঃ তুলি দ্বারা গলমধ্যে পুনঃ পুনঃ লাগাইবে। ইহাতে সমস্ত লক্ষণই অল্প দিন মধ্যেই অন্তর্হিত হইবে।

( Clinical medicine )

গর্ভাবস্থায় অনুমোদিত শাক সজ্জী—নিম্নলিখিত টাটকা শাকসজ্জীগুলি গর্ভবতী নারীকে ইচ্ছানুযায়ী খাইতে দেওয়া যাইতে পারে।

টাটকা লেটিউশ্, স্পিনাশ্, (এক প্রকার বিলাতী শাক, মটর গুঁঠা, বরবটী, শতমূলী, টোমাটো ( বিলাতী বেগুন, ) গাজর, বিট্, সেলারী (এক প্রকার বিলাতী শাক)।

(Jila's pearls of the month) Page 12.

গর্ভাবস্থায় ফল ভক্ষণের আবশ্যিকতা—গর্ভবতী নারীকে প্রচুর পরিমাণে ফলমূলাদি আহার করিতে দেওয়া কর্তব্য। ফল আহার করিলে নিম্নলিখিত উপকার হইয়া থাকে।

( ক ) মাতৃদেহে ও ভ্রূণ দেহে ফলজ লবণ আবশ্যকানুযায়ী নীত হয়।

( খ ) দেহাত্মকীয় আবশ্যকীয় তরল পদার্থ বৃদ্ধি হয়—যাহা গর্ভবতী নারীর পক্ষে বিশেষ প্রয়োজনীয়।

( গ ) লালাত্মক বৃদ্ধি করে। এই লালাত্মকের সাহায্যে ভ্রূণদ্রব্য সহজেই জীর্ণ হয় এবং স্বভাবতঃই মুখ ধৌত হইয়া যায়।

(ঘ) মুখাভ্যন্তরীণ নানারূপ জীবাণুর উৎপত্তি বিনাশ করে।

( Jila's pearls of the month ) Page, 12-13

**ক্যান্সার রোগে খুজা**—অধুনা আমেরিকায় ক্যান্সার রোগে 'খুজা' বিশেষ আদরের সহিত ব্যবহৃত হইতেছে। ইহা আসে'নিকের সহিত ব্যবহার করিলে ইহার ফল আরও সুন্দর হইতে দেখা যায়। এতদর্থে নিম্নলিখিত ব্যবস্থা পত্রখানি বিশেষ উপযোগীতার সহিত ব্যবহৃত হয় :—

Re.

টীং খুজা	...	১ ড্রাম।
লাইকর পটাশ আসে'নাইটস্	...	১/২ ড্রাম।
সিরাপ একেশিয়া	...	১ আউন্স।
একোয়া	...	১½ আউন্স।

একত্রে মিশ্র। ১ চা-চামচ মাত্রায় দ্বিপ্রহরে ও রাত্রে আহারের পূর্বে সেব্য।

(Modern Treatment and Medical Formulary. Page—138)

**গ্যাস্ট্রিক ক্যান্সার**—পাকস্থলীর ক্যান্সার রোগে রোগীর পচন নিবারণ, বেদনার উপশম এবং বমন নিবারণ জন্ত অধুনা নিম্নলিখিত ব্যবস্থা পত্রখানি বিশেষ উপযোগীতার সহিত ব্যবহৃত হইতেছে :—

Re.

বিসমাথ সাব'নাইট্রাস	...	২ ড্রাম।
ফেনল ( কার্বলিক এসিড )	...	১৬ মিনিম।
স্পিরিট ক্লোরোফর্ম	...	এড্.চ আউন্স।

একত্রে মিশ্র। ৪ ড্রাম মাত্রায় আহারের পূর্বে সেব্য।

(Modern Treatment and Medical Formulary)

**গণোরিয়া জনিত এপিডিডাইমিটীস রোগে ক্যালশিয়াম ক্লোরাইড**—ডাঃ লেফ এবং ডাক্তার স্পেন্সার তাঁহাদের নিজ অভিজ্ঞতা দ্বারা জানিতে পারিয়াছেন যে, গণোরিয়া জনিত এপিডিডাইমিটীস (Gonorrhoeal Epididymitis) এবং আর্থরাইটীস রোগে ক্যালশিয়াম ক্লোরাইড শিরামধ্যে ইঞ্জেকশন করিলে সর্বত্র পীড়া আরোগ্য হইয়া যায়। যখন এই রোগে অত্যন্ত বেদনা, ক্ষীতি এবং ক্ষীত স্থান কোমল থাকে, তখন ইহা ইঞ্জেকশন করিলে আশ্চর্য্য ফল পাওয়া যায়। ইহাদের মতে, এই ঔষধ অল্প মাত্রায় ইঞ্জেকশন করিলে কোনওরূপ মন্দ প্রতিক্রিয়া প্রকাশিত হয় না। ইহারা

ক্যালশিয়াম ক্লোরাইডের ২% পাসেন্ট সলিউশন—২৫ সি, সি, শিরা মধ্যে ইঞ্জেকশন দিতে বলেন।

(Medical Review of Reviews—Vol. II, 1927)

**ছপিং কফে ইথারের এনিমা** - ডাঃ ম্যাগনিয়ানো বলেন যে ছপিংকফ রোগে অলিভ অয়েলের সহিত ২০% ইথার মিশ্রিত করতঃ, এনিমা প্রয়োগ করিলে বিশেষ উপকার পাওয়া যায়। ইহা প্রতিষেধ জন্ম ও ব্যবহৃত হইয়া থাকে। মাত্রা। ৫—১০ সি, সি।

(Medical Review of Reviews Vol. II—1927)

**জাইলল ( Xylol ) দ্বারা বসন্ত চিকিৎসা**—ডাঃ রোকা এবং রেঞ্জেল—ট্রপিক্যাল ডিজিজেস বুলেটিন নামক পত্রিকায় লিখিয়াছেন যে, তাঁহারা ১৪৫টি বসন্ত ( Small-pox ) রোগীকে কেবলমাত্র জাইলল ( Xylol ) দ্বারা চিকিৎসা করিয়া অত্যাশ্চর্য ফল লাভ করিয়াছেন।

মাত্রা—শিশুদের জন্ম ( Children )	...	২০—৩০ ফেঁটা
পূর্ণবয়স্কদের জন্ম	...	৮০—১২০ ,,

জল, দুগ্ধ বা মধুর সহিত মিশ্রিত করিয়া দিবসে ৩ বার সেব্য।

এই ঔষধ পীড়ার প্রাথমিক অবস্থায় প্রয়োগ করিতে পারিলে গুটীকার পুয়োৎপত্তি নিবারণ করে; গুটীকা উদ্গত হইবার পর (Pustular) উহা প্রয়োগে গুটীকা সমূহ সম্বর শুকাইয়া যায় এবং দাগ একেবারেই অন্তর্হিত হয়। রক্তশ্রাবযুক্ত রোগীতে কিম্বা কন্স্রুয়েণ্ট শ্রেণীর পীড়ায় ইহা প্রয়োগ করিলে কোনও ফল হয় না। এইরূপ শ্রেণীয় পীড়ায় অথবা অত্যন্ত দুর্বল রোগীতে ইহার প্রয়োগ নিষিদ্ধ।

(Medical Review of Reviews. Vol II 1927.)

**রোগ জীবাণুর সম।**—ডাক্তার ফেলিক্স বেরেলী কলিকাতাহ “স্কুল অব ট্রপিক্যাল মেডিসিনের” একজন বিশেষজ্ঞ চিকিৎসক। “সম্প্রতি তিনি ব্যাক্টেরিও ফেজ” নামক এক অতি সূক্ষ্ম পরকৃহ জীবাণুর আবিষ্কার করিয়াছেন। ঐ জীব প্লেগ, কলেরা, রক্তমাশয় প্রভৃতি রোগের জীবাণুকে আক্রান্ত ও বিধ্বস্ত করিয়া ফেলে। ডাক্তার বেরেলী প্যারিসের পাস্তুর ইনষ্টিটিউটের ল্যাবরেটরীর অধ্যক্ষ এবং লিডেন বিশ্ববিদ্যালয়ের অধ্যাপক ছিলেন। ইহা ভিন্ন তিনি আরও অনেক কার্য করিয়া অভিজ্ঞতা সঞ্চয় করিয়াছেন। তিনি বলেন যে, জীবাণু সমূহই সর্ববিধ সংক্রামক ব্যাধির নিদান। কিন্তু ঐ সকল রোগজীবাণু আবার অতি ক্ষুদ্রতম পরকৃহ জীবাণু কর্তৃক আক্রান্ত হইলেই, সংক্রামক ব্যাধিগ্রস্ত হইয়া মরিয়া যায়। পরীক্ষার দ্বারা দেখা গিয়াছে যে, রক্তমাশয় রোগে আক্রান্ত হইলে

যদি ঐ পররুহ জীবাণু রোগীর শরীরে দেখা দেয়, তাহা হইলে রোগী অতি সত্বর আরোগ্য হইয়া উঠে। যদি একই ঔষধে বহু সংক্রামক ব্যাধি বিদূরিত হয়, তাহা হইলে যে বিশেষ সুবিধা হয়, তাহাতে আর সন্দেহ নাই। কিন্তু এই পররুহ জীবাণুগুলি মনুষ্যদেহে প্রবেশ করিলে উহারা কিরূপ প্রভাব বিস্তৃত করে, তাহাও পরীক্ষা করিয়া দেখা কর্তব্য।



## একটেবিন—Ektebin

By Dr. U. N. Mondal M. B.

Calcutta General Hospital.

— : \* : —

এই অভিনব ঔষধটির আবিষ্কারক—সুপ্রসিদ্ধ প্রফেসর ডাঃ মোরো। তাহারই ফরমুলা অনুসারে জার্মানির স্বনামখ্যাত ঔষধ প্রস্তুতকারক ই, মার্ক কর্তৃক প্রস্তুত।

পশু ও মানবের যক্ষ্মার মৃত জীবাণু সমূহকে রাসায়নিক প্রক্রিয়ায় অধিকৃত রাখিয়া, ল্যানোলিন সহ মিশ্রিত করতঃ, বিশেষ প্রক্রিয়ায় ইহা মলমাকারে প্রস্তুত হইয়াছে। ইহা খাইতে হয় না বা ইঞ্জেকশন করিতেও হয় না, কেবল চর্মোপরি মর্দন করিতে হয়।

**আময়িক প্রয়োগ।**—শিশুদের দুর্বল ধাতুতে যক্ষ্মা হইবার সম্ভাবনায়, ইহা মর্দনে যক্ষ্মা হইবার ভয় নিবারিত হয়।

বহু পরীক্ষা ও গবেষণা দ্বারা প্রমাণ হইয়াছে যে, টিউবার্কিউলোসিস্ রোগে এই মলম কেবল মাত্র চর্মোপরি মর্দন করিলে বিশেষ উপকার হইয়া থাকে।

যে সমস্ত যক্ষ্মা রোগীর প্রচুর শ্লেষ্মা নির্গত হয় না অর্থাৎ ফাইব্রাস শ্রেণীর ফুস ফুসীয়া যক্ষ্মা রোগীর অল্প শ্লেষ্মা নির্গত হইলে এবং তৎসহ দ্রুত দৈহিক ক্ষয় বর্তমান না থাকিলে—এই মলম দ্বারা চিকিৎসায় অতি সুন্দর ও সত্বর উপকার দৃষ্ট হইয়া থাকে। অধুনা অভিজ্ঞ ও শিক্ষিত চিকিৎসকগণ এইরূপ যক্ষ্মা রোগীকে “একটেবিন” দ্বারা চিকিৎসা অনুমোদন করেন।

ডাঃ ষ্টিন, ডাঃ বম্যান্, ডাঃ নিউম্যান্, ডাঃ গ্রাইপেন বার্গ প্রভৃতি বিচক্ষণ চিকিৎসকগণ প্লুরাইটিস, গ্যাংগ্লার টিউবার্কিউলোসিস্ এবং ক্রুফিউলা ইত্যাদি রোগে এই মলম বাহ্যিক মর্দন করিয়া আশাতীত উপকার পাইয়াছেন বলিয়া মত প্রকাশ করিয়াছেন।

ডাঃ মাগেল্ লিখিয়াছেন যে—**ব্রাঙ্কিআল, গ্যাংগ্লার টিউবার্কিউলোসিস্** এবং **ক্রুফিউলার** পীড়ায় “একটেবিন” মর্দনে উপকার পাওয়া গিয়াছে।

শিশুদের চিকিৎসায়—ডাঃ ব্রুসেন “এক্টাবিন্” মর্দন বিশেষ ভাবে অনুমোদন করেন ।

ডাঃ নিউম্যান বলেন—“যক্ষ্মা রোগীর অধিক জরীয় উত্তাপ বর্তমান থাকিলে “এক্টাবিন্” ব্যবহার করা কর্তব্য নহে ।

ডাঃ বম্যান বলেন যে, যক্ষ্মারোগীর অল্প জর বর্তমানে “এক্টাবিন্” ব্যবহার করিলে, শতকরা ৭০টা রোগীরই জ্বর হ্রাস হইয়া, অতি সত্তর দৈহিক উত্তাপ স্বাভাবিক অবস্থায় পরিণত হয় । তবে জরীয় উত্তাপ অত্যধিক থাকিলে ইহা দ্বারা চিকিৎসা বিশেষ নিরাপদ নহে ।

ডাক্তার প্লিভার বলেন যে, ফুস্ফুসীয়া যক্ষ্মা রোগীকে কেবলমাত্র “এক্টাবিন্” মর্দন দ্বারা চিকিৎসা করিলে নিশ্চিত উপকার পাওয়া যায় । ( Ektabin has a sure beneficial influence on pulmonary tuberculosis. ) ইনি বিশেষ সতর্কতার সহিত মলমের মাত্রা বৃদ্ধি করিতে উপদেশ দেন ।

যক্ষ্মা স্ত্রানেটোরিয়ামে ডাঃ ষ্টীন্ ৬৫টা রোগীকে “এক্টাবিন্” ৫—৬ বার করিয়া মর্দন করিয়া ৫৯টা রোগীকে সুস্থ জ্ঞানে স্ত্রানেটোরিয়াম হইতে বিদায় দেন । ইহাতে সহজেই অনুমিত হয় যে “এক্টাবিন্” ফুস্ফুসীয়া যক্ষ্মার বিশেষ ফলপ্রদ । ডাঃ মণ্ডেল বলেন যে “এক্টাবিন্” দ্বারা তিনি যতগুলি যক্ষ্মারোগীর চিকিৎসা করিয়াছেন—তাহার প্রত্যেকটিরই অবিলম্বেই সাধারণ স্বাস্থ্যের বিশেষ উন্নতি দৃষ্ট হইয়াছিল ।

শিশুদের যক্ষ্মা পীড়ায় ও যক্ষ্মা সন্দেহে ইহা বিশেষ উপযোগীতার সহিত ব্যবহৃত হয় । ডাঃ উইল এবং ডাঃ ক্লিম্যানও এই মতের বিশেষ অনুমোদন করেন ।

**প্রতিক্রিয়া ।**—মাত্রাধিক্য বশতঃ স্থানিক বা সাধারণ প্রতিক্রিয়া প্রায়ই দেখা না গেলেও একেবারেই বিরল নহে । তবে সাংঘাতিক প্রতিক্রিয়া এ পর্যন্তও প্রায় দেখা যায় নাই । সহসা অধিক পরিমাণে মলম মর্দন করিলেই প্রতিক্রিয়া দৃষ্ট হয়—নতুবা কোনওরূপ প্রতিক্রিয়া প্রায়ই দেখা যায় না । ডাঃ সিস্ও বলেন যে, তাঁহার চিকিৎসিত রোগীর মধ্যে সাধারণতঃ কোন মন্দ প্রতিক্রিয়া দেখা যায় নাই ।

রোগী বিশেষে কোন কোনস্থলে “এক্টাবিন্” মর্দনের ২৪ ঘণ্টা পরে নিম্নলিখিত প্রতিক্রিয়া দেখা যায় । যথা ;—

মর্দিত স্থানের চর্মোপরি বা অন্ত স্থানেও উজ্জল লোহিত বর্ণের স্পষ্ট গুটীকা বা পিণ্ড ( Nodules ) সমূহ ( নানাবিধ আকারের ) বহির্গত হইতে দেখা যায় । ইহারা সংখ্যায় অল্প বা অধিক হইতে পারে । ছইটা গুটীকার মধ্যবর্তী স্থানের চর্ম স্বাভাবিক অবস্থাতেই থাকে । যে স্থানে ইহা মর্দন করা হয়, ৪৮ ঘণ্টা পরে সেই স্থান টুকুই প্রদাহিত হইয়া লোহিত বর্ণ ধারণ করে এবং গুটীকা সমূহে পুষ্ক হইতে দেখা যায় । অতঃপর প্রদাহ ও আরক্তিমতা ক্রমশঃ হ্রাস প্রাপ্ত হইতে থাকে এবং ৩৪ দিন হইতে ৭৮ দিন মধ্যেই সমস্ত লক্ষণাদি অন্তর্হিত হইয়া যায় । সমস্ত লক্ষণাদি তিরোহিত হইবার পর



চর্মের বর্ণ বাদামী রংএর গ্রাণ হইতে পারে। সাংঘাতিক বা প্রবল প্রতিক্রিয়া সম্পূর্ণরূপে তিরোহিত হইতে প্রায় মাসাধিককাল পর্য্যন্ত সময় লাগাও অসম্ভব নহে।

**ব্যবহার প্রণালী।** একটেবিন ব্যবহার করা কোনই কষ্টকর নহে। যে স্থানে ইহা মর্দন করিতে হইবে, তত্রত্য চর্ম উত্তমরূপে পরিষ্কার করিয়া, পরে ইহা মর্দন করা কর্তব্য। এতদর্থে উষ্ণ জলে তোয়ালে ভিজাইয়া, “জার্মিসাইডাল্” ( Germicidal soap ) সাবান দ্বারা ধীরে ধীরে চর্ম পরিষ্কার করিয়া, শুষ্ক তোয়ালে দ্বারা উত্তমরূপে মুছাইয়া দিয়া, এই মলম মর্দন করিবে। হাতের তেলোর পরিমাণ স্থানে, এই ঔষধ পরিষ্কৃত অঙ্গুলি দ্বারা এক মিনিটকাল উত্তমরূপে ধীরে ধীরে মর্দন করিবে। মর্দনকালে বৃদ্ধাঙ্গুলী ও তর্জনী দ্বারা মর্দিত চর্ম ধীরে ধীরে বিস্তৃত করিয়া দিবে।

এই ঔষধের ৩ এম্ এম্ ( 3 M M. ) মলমের-ষ্টিক্ (Ointment stick) পাওয়া যায়। এইরূপ একটা করিয়া ষ্টিক্ সপ্তাহে একবার চর্মোপরি মর্দন ব্যবস্থেয়। একবার মর্দন করিবার পর বিশেষ প্রতিক্রিয়া না দেখা দিলে, সপ্তাহান্তে পুনরায় মর্দন করিতে হইবে। কিন্তু প্রতিক্রিয়া উপস্থিত হইলে, উহা সম্পূর্ণরূপে তিরোহিত না হওয়া পর্য্যন্ত পুনরায় মর্দন নিষিদ্ধ।

**মর্দনের স্থান।**—দেহের সর্বত্রই ইহা মর্দন করা যায় না। কেবলমাত্র বক্ষঃস্থলে বা উদর প্রাচীরে ( Breast or abdomen ), ইহার মর্দন অনুমোদিত হইয়াছে এবং একই স্থানে পরবর্তী মর্দনও করিতে হইবে—অগ্রত করিলে চলিবে না। ডাঃ শীন্ বলেন যে, একই স্থানে ঔষধ মর্দন না করিয়া, দেহের নানাস্থানে ইহা মর্দন করিলে, এক প্রকার “প্যাচ” উৎপন্ন হইতে দেখা যায়। হস্ত, পদে এই ঔষধ মর্দন করা নিষিদ্ধ। ফুস্ফুসীয় বা আন্ত্রিক যক্ষায় রোগীর বক্ষঃস্থলে—ষ্টার্ণাম অস্থির ঠিক উপরেই, অথবা পৃষ্ঠদেশে, কিম্বা উদর প্রাচীরে, এই ঔষধ মর্দন করিবার বিশেষ উপযুক্ত স্থান বলিয়া বিবেচিত হইয়াছে।

চর্মরোগাদিতে আক্রান্ত স্থানের উপরেই ঔষধ মর্দন করা উচিত।

**মাত্রা**—এই ঔষধ টিউব মধ্যে সিলেঙারে করিয়া বিক্রয় হয়। সাধারণতঃ ১ গ্রামের টিউবের সমস্ত ঔষধ মর্দন করিতে হয়। মাত্রা ক্রমশঃ বৃদ্ধি করতঃ, ৫ বা ১০ গ্রাম পর্য্যন্তও মর্দন করা যায়।

সাধারণতঃ ১ সপ্তাহ অন্তর ১ বার করিয়া মর্দন করা যায় এবং এইরূপ ৬ বার মর্দনে ১ পর্য্যায় চিকিৎসা হইয়া থাকে। ১ বার ঔষধ ব্যবহারের পর কোনরূপ প্রতিক্রিয়া দৃষ্ট হইলে, ষতদিন না উক্ত প্রতিক্রিয়া সম্পূর্ণরূপে তিরোহিত হয় ; ততদিন পুনঃ মর্দন নিষিদ্ধ। অনেক রোগীর ২।১ বার মর্দনেই বিশেষ উপকার হইতে দেখা যায়, আবার কাহার কাহারও ৫.৬ বার মর্দনের পূর্বে কোনও উপকারই দেখা যায় না।

**টীউবার্কিউলিন ও একটেবিনের সম্বন্ধ ও পার্থক্য।**—ষতদিন হইতেই যক্ষা রোগে “টীউবার্কিউলিন্” ইঞ্জেক্সন বিশেষ উপযোগিতার সহিত ব্যবহৃত হইয়া আসিতেছে। কিন্তু “টীউবার্কিউলিন্” ইঞ্জেক্সনে নানাবিধ সতর্কতা অবলম্বনের

প্রয়োজন হয় এবং ইহাতে অনেক সময়েই সাংঘাতিক প্রতিক্রিয়া উপস্থিত হইতে দেখা যায় । ইহার ফলে বহু রোগীর জীবন বিপন্ন হইয়া পড়ে । সুতরাং টীউবার্কিউলিন দ্বারা যন্ত্রা রোগীর চিকিৎসা করা পল্লী চিকিৎসকের পক্ষে এক প্রকার অসম্ভব বলিলেও অত্যাুক্তি হয় না । যে প্রক্রিয়ায় টীউবার্কিউলিন প্রস্তুত হইয়াছে, ঠিক সেই প্রক্রিয়াতেই, মলমাকারে “এক্টেবিন্” প্রস্তুত হইয়াছে । টীউবার্কিউলিন ইঞ্জেক্সন করিতে হয়, আর ইহা কেবল মাত্র চর্ম্মোপরি মর্দন করিতে হয় । সুতরাং টীউবার্কিউলিন অপেক্ষা ইহা ব্যবহার করা সহজ । টীউবার্কিউলিনে যে সমস্ত কুফল হয় ; ইহা কেবলমাত্র চর্ম্মোপরি মর্দন করিতে হয় বলিয়া, ইহাতে কোনওরূপ মন্দ ফল হইবার সম্ভাবনা নাই, অথচ টীউবার্কিউলিনে যে সমস্ত শক্তি বর্তমান আছে, ইহাতেও তাহাই আছে ।

**এক্টেবিনের উপযোগিতা ।**—উল্লিখিত কারণেই অধুনা পাশ্চাত্য জগতে “এক্টেবিনের” বিশেষ আদর ও প্রশংসা হইয়াছে । পল্লী-চিকিৎসকগণ একটু বিবেচনা করিয়া ইহা ব্যবস্থা করিলে, ইহার নিরাপদ ক্রিয়া দেখিয়া মুগ্ধ হইবেন । তবে ইহা সর্ব্ববিধ যন্ত্রা পীড়ার অব্যর্থ ঔষধ বলিয়া আমরা স্বীকার করিতে পারি না । যে সমস্ত রোগীর টীউবার্কিউলিন দ্বারা চিকিৎসায় সুফল পাইবার আশা করা যায় ; সেই সমস্ত রোগীতে ইহা ব্যবহার করিলে, টীউবার্কিউলিন অপেক্ষা ইহার ক্রিয়া কোনও অংশে কম হয় না । পরন্তু, কেত্র বিশেষে অধিক উপকার দর্শাইয়া থাকে, অথচ কোনও ফোঁড়া ফোঁড়ির ব্যাপার ইহাতে না থাকায়, সর্ব্ব প্রকার অবস্থার রোগীই এই চিকিৎসা সানন্দে গ্রহণ করিয়া থাকে ।

**এক্টেবিন প্রয়োগের উপযুক্ত রোগী ।**—ডাঃ গটলিব্ এম্, ডি, নিম্নলিখিত অবস্থার যন্ত্রা রোগীতে “এক্টেবিন্” প্রয়োগ অনুমোদন করিয়াছেন । যথা—

- ( ১ ) যে সমস্ত শিশুর বংশে যন্ত্রার ইতিহাস পাওয়া যায় ।
- ( ২ ) যে সমস্ত শিশুর দেহে টীউবার্কিউলিন্ টেষ্ট্ দ্বারা যন্ত্রা জ্ঞাপক লক্ষণ বা চিহ্ন পাওয়া যায় ( টীউবার্কিউলিন্ টেষ্টের বিবরণ পরে বর্ণিত হইবে ) । এক্স-রে বা অস্ত্রান্ত বাহ্যিক পরীক্ষায় যে সমস্ত শিশুর ত্রংকিয়াল গ্যাণ্ডের বিবর্দ্ধন দৃষ্ট হয় ।
- ( ৩ ) যে সমস্ত শিশুর দৈহিক ওজন ক্রমশঃ হ্রাস হয় বা যাহাদের দৈহিক ওজন বর্দ্ধিত হয় না এবং যাহাদের বৈকালিক উত্তাপের বৃদ্ধি হইয়া থাকে ।
- ( ৪ ) প্লুম্বিসি এবং ইন্টারলোবার এম্পায়েমা রোগীর টীউবার্কিউলিন্ পরীক্ষার পীড়ার উৎপাদক কারণ—টীউবার্কিউলোসিস্ বলিয়া প্রতিপন্ন হইলে ।
- ( ৫ ) ক্রোফিউলা ইত্যাদি রোগীর অবস্থা বিশেষ পর্যায়েষণ করিবার পর ।
- ( ৬ ) শিশুদের কুসুমুগীর যন্ত্রার স্লেয়া নির্গত না হইলে এবং অরীয় উত্তাপ ১০০.৪ ডিগ্রির অধিক না হইলে ।
- ( ৭ ) পূর্ণবয়স্ক রোগীর কাইব্রয়েড্, প্রেগ্নীর যন্ত্রার এবং অরীয় উত্তাপ সাধারণ বা

একেবারেই বর্তমান না থাকিলে । রোগীর প্লেগ্মা অতি অল্প বা একেবারেই নির্গত না হইলে ।

অধুনা “এক্‌টেবিন” চর্মরোগ চিকিৎসায় বিশেষ প্রশংসা লাভ করিয়াছে । ক্রফিউলো-ডায়া, টীউবার্কিউলাইড্‌স্, এরিথিমা ইণ্ডিউরেটাম্,—এমন কি, ল্যুপাস্ ভাল্গারিস্ পীড়াতেও ইহা বিশেষ উপযোগিতার সহিত ব্যবহৃত হইতেছে । ইহা দ্বারা চিকিৎসাকালীন আর অল্প কোনও ঔষধ ব্যবহার করা কর্তব্য নহে । এই মলম ঠিক আক্রান্ত স্থানের উপরেই মর্দন করিতে হইবে ।

**নিষিদ্ধ প্রয়োগ ।**—যে সমস্ত রোগীর প্রচুর চর্ম হয় এবং প্রচুর প্লেগ্মা নির্গত হয়, সে সমস্ত রোগীতে “এক্‌টেবিন্” ব্যবস্থা করা নিষিদ্ধ ।

**স্বস্ত্রা পীড়া নির্ণয়ের সহজ উপায় ।** বারোজ ওয়েলকাম কোংর প্রস্তুত “পুরাতন টীউবার্কিউলিন ( টী )” ( Old Tuberculin ( T ) ) দ্বারা পীড়া নির্ণয় করা সহজ হইয়াছে । “এক্‌টেবিন্” দ্বারা চিকিৎসা করিবার পূর্বে, টীউবার্কিউলিন টেষ্ট দ্বারা রোগীকে পরীক্ষা করিয়া দেখা উচিত । এতদর্থে—

প্রথমতঃ ১ মিনিম্ আন্ডাইলিউটেড্ টীউবার্কিউলিন-T. রোগীর দেহের যে কোনও স্থানের চর্মোপরি স্থাপন করিবে । অতঃপর একখানি বিশোধিত ভ্যাক্সিনেসন ল্যান্সেটের অগ্রভাগ দ্বারা, উক্ত ঔষধ বিন্দুটির মধ্য দিয়া—ছকোপরি একটা ক্ষুদ্র ছিদ্র করিবে বা চর্মটুকু একটু ছিন্ন করিয়া দিবে । এইরূপ করার ২৪ ঘণ্টার মধ্যে উক্ত স্থান যদি পিণ্ডবৎ ক্ষীত হইয়া উঠে এবং ঐ গুলীকাটার ব্যাস যদি  $1/2 - 1$  ইঞ্চি পরিমাণ হয়, তাহা হইলে রোগী স্বাস্থ্য-ধাতু প্রবণ বলিয়া বুঝিতে হইবে । এইরূপ রোগীকে “এক্‌টেবিন” ব্যবস্থা করা যায় । ২৪ ঘণ্টার মধ্যেই উক্ত লক্ষণাদি তিরোহিত হইয়া যায় । ডাঃ গটলিব কতিপয় রোগীকে ‘এক্‌টেবিন্’ মলম দ্বারা চিকিৎসা করিয়া বিশেষ উপকার পাইয়াছেন বলিয়া, মত প্রকাশ করিয়াছেন ।

## ক্যালসিয়াম ক্লোরাইড।

### Calcium Chloride Injection.

লেখক—ডাঃ শ্রীসতীভূষণ মিত্র B, Sc. M.B.

#### যক্ষ্মা পীড়ায় প্রয়োগ।

অধুনা যক্ষ্মা পীড়ার চিকিৎসায় ফরাসী চিকিৎসকগণ ক্যালসিয়াম ক্লোরাইড শিরামধ্যে ইঞ্জেক্সন করিয়া বিশেষ উপকার পাইতেছেন, বলিয়া মত প্রকাশ করিতেছেন। ক্যালসিয়াম ক্লোরাইড ব্যবহারে রক্তের ঘনত্ব (coagulability) বৃদ্ধি পায় এবং ফুস্ফুস বা অন্ত কোন যন্ত্র হইতে যে রক্তস্রাব হয়, তাহা প্রতিরুদ্ধ হইয়া থাকে।

ডাঃ শ্রাঙ্কট্রপ, ডাঃ ম্যাণ্ডল প্রভৃতি চিকিৎসকগণ আন্ত্রিক যক্ষ্মা রোগের দুর্দম্য উদরাময়ে ক্যালসিয়াম ক্লোরাইড ইঞ্জেক্সনের সমূহ প্রয়োগ করেন। অতি দুর্দমনীয় উদরাময়েও ইহা ব্যবহার করিয়া অত্যুৎকৃষ্ট ফল পাওয়া গিয়াছে। ইহাতে অচিরেই উদরাময় দমিত হয়। ডাঃ শ্রাঙ্কট্রপ ক্যালসিয়াম ক্লোরাইডের ৫% সলিউশন, বাহর যে কোনও একটা শিরামধ্যে ইঞ্জেক্সন করিয়া, আন্ত্রিক টিউবার্কিউলোসিসের লক্ষণাবলী দূরীভূত করিতে সক্ষম হইয়াছিলেন। ইঞ্জেক্সনের অল্পদিন পরেই সমস্ত লক্ষণই অন্তর্হিত হয় এবং বহুদিন আর কোনও লক্ষণ উপস্থিত হইতে দেখা যায় নাই।

ডাঃ রিষ্ট এমিউলি, ডাঃ রেভিনা প্রভৃতি চিকিৎসকগণ যক্ষ্মা রোগীর অতি কষ্টকর লক্ষণ, যথা—বমন, উদরাময় ইত্যাদিতে, ১ বা ২ গ্রাম (১৫—৩০ গ্রেণ) ক্যালসিয়াম ক্লোরাইড শিরামধ্যে ইঞ্জেক্সন দিয়া অতি সুন্দর উপকার পাইয়াছেন। ১ম ইঞ্জেক্সনে ১ গ্রাম প্রয়োগ করিয়া আশানুরূপ ফল না পাওয়া গেলে, ২য় ইঞ্জেক্সনে ২ গ্রাম প্রয়োগ করিবে এবং ইহাতেই অতি উৎকৃষ্ট উপকার পাওয়া যাইবে।

ডাঃ রিঙ্গার এবং ডাঃ মাইনর ৩০টা আন্ত্রিক যক্ষ্মা রোগীকে (Intestinal Tuberculosis) ক্যালসিয়াম ক্লোরাইডের দ্রব শিরামধ্যে ইঞ্জেক্সন করিয়া আশাতীত উপকার পাইয়াছেন বলিয়া, অভিমত প্রকাশ করিয়াছেন।

ইতিপূর্বে ক্যালসিয়াম ক্লোরাইড কেবলমাত্র কষ্টদায়ক বেদনার লক্ষণ এবং উদরাময় দমনার্থ ব্যবহৃত হইত। কিন্তু এক্ষণে অভিজ্ঞতা ও পরীক্ষা দ্বারা জানা গিয়াছে যে, আন্ত্রিক যক্ষ্মার যে কোনও আন্ত্রিক উপসর্গে ইহা বিশেষ ফলপ্রদ ঔষধ। বিশেষজ্ঞগণ একরূপ স্থলে ইহা বারংবার ইঞ্জেক্সন দিতে বলেন।

**ইঞ্জেক্সনের সংখ্যা।**—কতদিন পর্যন্ত ইহা ইঞ্জেক্সন দিতে হইবে, তাহার কোনও বাধাধরা নিয়ম নাই। রোগীর প্রকৃতি এবং লক্ষণাবলীর প্রাবল্য অনুযায়ী

ইহা স্থির করিয়া লওয়া কর্তব্য । একজন চিকিৎসক লিখিয়াছেন যে, তাঁহার চিকিৎসিত একটা রোগীকে ৫২টা ক্যালসিয়াম ক্লোরাইড ইঞ্জেকশন দিবার পর আশানুরূপ উপকার দেখা গিয়াছিল । আবার আর একটা রোগীকে ২৩টা ইঞ্জেকশন দিবার পরই, সমস্ত মন্দ লক্ষণ তিরোহিত হইয়াছিল ।

অনেক চিকিৎসক কয়েকটা ইঞ্জেকশন দিবার পরই, ফল না হইলে অল্প ঔষধের আশ্রয় গ্রহণ করেন । এরূপ করা খুবই অশ্রয় । উপযুক্ত সংখ্যক ইঞ্জেকশন দিবার পরও ফল না পাওয়া গেলে, তারপর উহা ত্যাগ করা উচিত—তৎপূর্বে নহে । এই জগত্বে ভারতীয় চিকিৎসকগণ চিকিৎসায় বিশেষ ফল লাভ করিতে পারেন না ।

**মাত্রা, ইঞ্জেকশনের ব্যবধানকাল ও ইঞ্জেকশন-প্রণালী—**  
যে সমস্ত রোগীর রক্তোৎকাশ হইয়াছে, তাহাদের রক্তপাত নিবারণ জন্ত ক্যালসিয়াম ক্লোরাইডের ১০% পাসেন্ট ড্রব ৫ সি. সি, মাত্রায়, ৮ ঘণ্টাস্তর—রক্তপাত স্থগিত না হওয়া পর্যন্ত ইঞ্জেকশন করা উচিত । অতঃপর রক্ত বন্ধ হইলে, কয়েক দিবস পর্যন্ত প্রত্যহ ১বার করিয়া ইঞ্জেকশন করিতে হইবে । অতি সাংঘাতিক রক্তস্রাব উক্ত উপায়ে বন্ধ হইবার পর, ৩ সপ্তাহ পর্যন্ত দৈনিক ১টা করিয়া ইঞ্জেকশন প্রয়োজ্য । রক্তোৎকাশ বিহীন কুসুমীয় ( Pulmonary ) যক্ষ্মাতেও ক্যালসিয়াম ক্লোরাইড ইঞ্জেকশন দিলে সুন্দর উপকার হইয়া থাকে । রোগীকে প্রত্যহ বা ১ দিন অন্তর একটা করিয়া ২০টা ইঞ্জেকশন দেওয়া কর্তব্য । অতঃপর ১ বা ২ সপ্তাহ বিশ্রাম দিবার পর, আবশ্যক হইলে পুনরায় আর একটা বা ততোধিক পর্যায়ে ( প্রতি পর্যায়ে ২০টা ইঞ্জেকশন ) ইঞ্জেকশন দিবে ।

ডাক্তার নিউম্যান বলেন—ক্যালসিয়াম ক্লোরাইডের ১০% ড্রব ৫—১০ সি. সি, পরিমাণ আলনার শিরা মধ্যে দৈনিক ২—৫ বার ইঞ্জেকশন করিলে, অধিকাংশ রোগীরই রক্তপাত, ২৪ ঘণ্টার মধ্যেই সম্পূর্ণরূপে স্থগিত হয় ।

**ইঞ্জেকশনের ফল ।**—ক্যালসিয়াম ক্লোরাইড ইঞ্জেকশনে অধিকাংশ রোগীরই শ্লেষ্মা সরল এবং কম পূঁয়জ হয় । এমন কি, কোনও কোনও রোগীর শ্লেষ্মা নির্গমন একেবারেই স্থগিত হইয়া যায় । এই চিকিৎসায় নিশাঘর্ষ অচিরেই নিবারিত হয় এবং আন্ত্রিক যক্ষ্মার উদরাময় দমিত হইয়া থাকে । রোগীর জরীয় উত্তাপ অধিক থাকিলে, ক্যালসিয়াম ক্লোরাইড চিকিৎসায় উহা দমিত না হইলেও, কোনও কোনও রোগীর উত্তাপ অপেক্ষাকৃত হ্রাসপ্রাপ্ত হয় এবং যুদ্ধ প্রকৃতির জর হইলে, এই ইঞ্জেকশনে উহা নিরাময় হইয়া থাকে ।

যে কোনও প্রকার তরুণ ও পুরাতন উদরাময়—যাহা যক্ষ্মা পীড়ায় প্রায়ই প্রকাশ পায়, তাহাতে ক্যালসিয়াম ক্লোরাইড শিরামধ্যে ইঞ্জেকশন দিলে, অতি সম্বর উপকার হইয়া থাকে ।




সুবিজ্ঞ চিকিৎসক ডাঃ বিস্লে তিন বৎসরেরও অধিককাল সময়ের মধ্যে ২৬টা রোগীকে শিরামধ্যে ক্যালসিয়াম ক্লোরাইড্ দ্বারা চিকিৎসা করিয়া যে অভিজ্ঞতা লাভ করিয়াছেন, তদবলম্বনে তিনি বলেন যে, কুসঙ্কসীয় যক্ষ্মা পীড়ার চিকিৎসায় যত রকম ঔষধ আছে, তন্মধ্যে ক্যালসিয়াম ক্লোরাইড্ শিরামধ্যে ইঞ্জেকসন্ চিকিৎসাই শ্রেষ্ঠ। ইহার মতে, প্রথমতঃ ১ গ্রেণ ক্যালসিয়াম ক্লোরাইড্ ইঞ্জেকসন দেওয়া কর্তব্য। অতঃপর ক্রমশঃ মাত্রা বৃদ্ধি করিয়া—যতক্ষণ না ৬ গ্রেণ পর্য্যন্ত মাত্রায় পৌঁছায়, ততক্ষণ ইঞ্জেকসন্ দিতে হইবে। তারপর ক্রমশঃ মাত্রা হ্রাস করিবে। এইরূপ ইঞ্জেকসন্ কোনও কোনও রোগীকে ৬ মাস হইতে ১ বৎসর পর্য্যন্ত দেওয়া হইয়াছে। যে সমস্ত রোগী অত্র চিকিৎসায় কোনও ফল পান নাই, অথবা সামান্য ফল পাইয়াছেন, তাঁহারা ক্যালসিয়াম ক্লোরাইড্ চিকিৎসায় অধীন হইলে, অচিরেই বিশেষ উন্নতি লাভ করেন—এমন কি, অনেক রোগী সম্পূর্ণরূপে আশ্রয় লাভ করিয়া থাকেন। ইহাতে রোগীর ক্ষুধা বৃদ্ধি, শক্তি বর্দ্ধিত, কাশির হ্রাস হয়, এবং নির্গত শ্লেষ্মার পরিমাণ কম হইয়া আসে। এতদ্বিধা শ্লেষ্মা পরীক্ষায় টাউবার্কেল জীবাণুসমূহের সংখ্যা ক্রমশঃ হ্রাস দৃষ্ট হয় এবং অদূর ভবিষ্যতে শ্লেষ্মা হইতে যক্ষ্মা-জীবাণু একেবারে অন্তর্হিত হইয়া যায়।

**শৌগিক চিকিৎসা।**—ডাক্তার টুইডেন্ যক্ষ্মা রোগীর চিকিৎসায়, ক্যালসিয়াম ক্লোরাইড্ দ্বারা চিকিৎসার সঙ্গে সঙ্গে, রোগীকে “সালফার ডাই অক্সাইড্” এর ভ্রাণ গ্রহণের উপদেশ দেন। এইরূপ চিকিৎসায় তিনি গত ৩ বৎসর বহু রোগীকে আরাম করিয়াছেন। রক্তোৎকাশযুক্ত রোগী অথবা রোগীর অত্র কোনও যন্ত্র হইতে রক্তপাত হইলে “সালফার-ডাই অক্সাইড্” এর ভ্রাণ দেওয়া নিষিদ্ধ।

এই বিচক্ষণ চিকিৎসক ক্যালসিয়াম ক্লোরাইড্ দ্বারা চিকিৎসার সঙ্গে সঙ্গে “কোলয়ডাল ক্যালসিয়াম্” প্রয়োগরূপ (colloidal form) শিরামধ্যে ইঞ্জেকসন দিতে উপদেশ দেন। যক্ষ্মা পীড়ার অতি প্রাথমিক অবস্থায় ইহা উৎকৃষ্ট ফলদায়ক বলিয়া ইনি স্বীকার করেন।






আধুনিক-কলেরা-চিকিৎসা ।

Modern Treatment of Cholera.

By Dr. N. K. Dass., M. B. & M. C, P. S.

পূর্ব প্রকাশিত ২য় সংখ্যার ( জ্যৈষ্ঠ ) ৭৮ পৃষ্ঠার পর হইতে )



রোগীর পরিবারবর্গের বা শুশ্রূষাকারীদের হস্ত প্রক্ষালন—  
রোগীর পরিবারস্থ ব্যক্তির অথবা শুশ্রূষাকারীগণ—যাহারা সদাসর্বদা রোগীকে স্পর্শাদি  
করিতেছেন, তাহাদের হস্তাদি পরিষ্কার সম্বন্ধে বিশেষ জ্ঞান থাকা উচিত। এতদর্থে  
বাড়ীর মধ্যে একটা বড় গাম্বলা বা বালতীর মধ্যে “ কণ্ডিজ-লোশন” (পটাশ্ পারম্যাঙ্গানেটের  
উগ্র দ্রব) রাখিয়া দিবে। শুশ্রূষাকারী বা অগ্র যে কেহ, রোগীকে স্পর্শ করিবার  
বা রোগীর নিকটে বসিবার পর, উঠিয়া আসিবামাত্রই অন্ততঃপক্ষে ১ মিনিটকাল এই  
গাম্বলা বা বালতীর লোশন মধ্যে হস্তাদি উত্তমরূপে ডুবাইয়া ধোত করিবে।  
এইরূপ লোশনে হস্তাদি উত্তমরূপে প্রক্ষালন না করিয়া, কোনওরূপ খাওয়াদি স্পর্শ বা নিজ  
মুখমধ্যে হস্ত প্রয়োগ করা কর্তব্য নহে। ইহাতে পীড়ার বীজ দেহমধ্যে সংক্রমিত হইবার  
বিশেষ সম্ভাবনা।

কণ্ডিজলোশন প্রস্তুত করিবার সহজ প্রণালী -

১ বালতী জলে বা ১টা বড় গাম্বলার জলে, যতক্ষণ না সমস্ত জল গাঢ় লালবর্ণ ধারণ করে,  
ততক্ষণ পটাশ্ পারম্যাঙ্গানেট্ ( Pot. Permanganate ) অল্পে অল্পে মিশ্রিত করিতে  
ধাকিবে। এই জলে হস্তাদি প্রক্ষালন করিতে করিতে, যখন জলের রং এর গাঢ়তা  
ক্রমশঃ হ্রাস হইয়া আসে, তখন পুনরায় উল্লিখিতরূপে টাট্কা লোশন প্রস্তুত করিয়া  
রাখিবে এবং পুরাতন লোশন ফেলিয়া দিবে।

রোগীর পরিবারস্থ প্রত্যেকেরই পৃথক পৃথক কুমাল, তোয়ালে, কাড়ন বা গামছা থাকা  
উচিত। এক জনের ব্যবহৃত কুমাল বা গামছাদি অন্যের ব্যবহার করা একেবারেই  
অনুচিত।

আহারাদির পূর্বে হস্তাদি উত্তমরূপে রেক্টিফাইড স্পিরিট বা (অভাবে) মেথিলেটেড স্পিরিট দ্বারা ধোত করিবে। পরিহিত বস্তাদিও (যাহা রোগীর সহিত ছোয়া হইয়াছে) আহারের পূর্বে পরিবর্তন করা একান্ত কর্তব্য। এই সমস্ত সামান্য বিষয়ে অনভিজ্ঞতার জন্ত এই পীড়া মহামারীরূপে গ্রামের পর গ্রাম, নগরের পর নগর ধ্বংস করিয়া থাকে। শুধু তাহাই নহে, বহু নিরীহ চিকিৎসকের গৃহেও এই পীড়ার বীজ নীত হইয়া, চিকিৎসক পরিবারে ধ্বংশের তাণ্ডব নৃত্য আরম্ভ হইয়া থাকে। অতএব পূর্বেই সাবধান হওয়া উচিত। ইংরাজিতে একটা প্রবাদ আছে “An ounce of prevention is worth a pound of cure” অর্থাৎ পীড়া হইলে তাহার আরোগ্যের জন্ত চিকিৎসা করাপেক্ষা, পীড়া যাহাতে না হইতে পারে, তাহার চেষ্টা করাই বুদ্ধিমানের কাজ।

**পীড়ার জীবানু বাহক**—এই পীড়ার জীবানু সাধারণতঃ মক্ষিকাদি দ্বারাই সহজে গৃহ হইতে গৃহান্তরে, পরিবার হইতে পরিবারান্তরে, গ্রাম হইতে গ্রামান্তরে বাহিত হইয়া থাকে। এ বিষয়ে পূর্বেই বলা হইয়াছে। মক্ষিকাদি মল মূত্রাদিতে বসিতে বিশেষ অভ্যস্ত। সুতরাং এই মক্ষিকাদি যখন পুনরায় আহার্যাদি কোনও বস্তুতে বসে, তখন সেই আহার্য বস্তুও এই পীড়ার বিষ দ্বারা সংক্রমিত হইয়া থাকে। এক্ষণে এই রোগ-বীজানু কর্তৃক সংক্রমিত খাণ্ড ভক্ষণ করিয়া, সুস্থ ব্যক্তিও যে, এই পীড়ার দ্বারা আক্রান্ত হইবে, তাহাতে আর বিচিত্রতা কি? মক্ষিকাদি যে আহার্য দ্রব্যে বসে, উহা আহার করার মানে—বিপদকে স্বেচ্ছায় আহ্বান করা।

অনেক সময়েই দেখা যায় যে, হয়ত বা অনেকে আহার করিবার সময়ে বিশেষ সাবধান হইলেন, কিন্তু রন্ধনাগারে পাচক (যাহাদিগকে পাচকের হাতে খাইতে হয়) যে কিরূপভাবে খাণ্ডাদির যত্ন লইতেছে, তাহা কেহই একবার চিন্তাও করেন না। সাধারণতঃ বেতনভোগী পাচক, প্রভুর খাণ্ডাদির উপর মাছি বসিল কি না, তাহা লইয়া তাহাদের শীতল মস্তিষ্কে অযথা উষ্ণ করিবার প্রয়োজন মনে করে না। প্রভুর খাণ্ডাদি তাহারা মক্ষিকাদি হইতে রক্ষা করিবার চেষ্টা, স্বপ্নেও করে কি না সন্দেহ। এই সমস্ত পরমুখাপেক্ষী সত্য ও ধনী পরিবার যে, সহজেই এই পীড়ার কবলস্থ হইতে পারেন, তাহাতে আর আশ্চর্য্য কি? আমি এমন অনেক পাচক দেখিয়াছি—যাহারা খাণ্ডাদির ভিতর বা ব্যঞ্জনাতির মধ্যে মাছি আসিয়া—এমন কি, হঠাৎ ২।১টা ছোট ইন্দুর ইত্যাদি পতিত হইয়া তরকারীর উষ্ণতায় প্রাণত্যাগ করিলেও, উহা অলক্ষ্যে ফেলিয়া দিয়া, পরিষ্কার পাত্রে, অতি সুরুচি সম্পন্ন ভাবে, প্রভুকে নিশ্চিন্ত মনে পরিবেশন করিয়া আসিল। পক্ষান্তরে, খাণ্ডাদি হয়ত সুপরিষ্কৃত, রেকাব বা প্লেটেই পরিবেশন করা হইল, কিন্তু উক্ত রেকাব বা প্লেট হয়তো, কলেরা বীজানু সংক্রমিত জলেই ধোত করা হইয়াছে। সুতরাং এইরূপ সুপরিষ্কৃত রেকাবে পরিপাটীরূপে ভোজ্যদ্রব্য পরিবেশন করিয়া লাভ কি?

খালা, বাটা, রেকাব, প্লেট, প্রভৃতি সমস্তই অন্ততঃ পক্ষে ১৫ মিনিট কাল “কণ্ডিজ লোশনে” উত্তমরূপে ধোত করিবে—অতঃপর রেক্টিফাইড স্পিরিট দ্বারা পরিষ্কৃত করিয়া

ব্যবহার করিবে। উপস্থিতিতে এই নিয়মগুলির প্রত্যেকটাই বিশেষ সতর্কতার সহিত পালন করিবে, মতুবা জীবাণুনাশক সোসন প্রভৃতি দ্বারা হস্তাদি প্রক্ষালন করা, না করা, সবই সমান হইবে।

**ঔষধীয় প্রতিষেধক।**—যে বাড়ীতে কলেরা হইয়াছে, সেই বাড়ীর প্রত্যেকেরই, আহারের অর্ধ ঘণ্টা পরেই ১০ মিনিম্ মাত্রায় হাইড্রোক্লোরিক এসিড্ ডিল্— (Acid Hydrochloric dil.) কিঞ্চিৎ জলসহ দিবসে ৩ বার করিয়া সেবন করা উচিত। ইহা প্রাতঃকালে এবং দ্বিপ্রহরে ও রাত্রে ভোজনান্তে—এই ৩বার সেব্য।

যাহারা পুরাতন অজীর্ণ রোগে ভুগিতেছেন অথবা যাহাদের কোষ্ঠ তরল—তাহাদের পক্ষে প্রত্যেক বার আহারের অর্ধ ঘণ্টা পরেই, এসিড্ সাল্ফিউরিক ডিল্ বা এসিড্ সাল্ফিউরিক্ এরোমেট ( Acid Sulph dil, or Acid sulph Aromat ) ১০ মিনিম্ মাত্রায় কিঞ্চিৎ জল সহ বিধেয়।

**বিরেচক ঔষধ সম্বন্ধে সাবধানতা।**—কলেরা মহামারীর সময় কখনও কাহাকেও বিরেচক ঔষধ ব্যবস্থা করা সঙ্গত নহে।

অনেক সময়েই দেখা গিয়াছে যে, কলেরা মহামারীর সময়ে বিরেচক ঔষধ সেবনের ফলে রোগীর প্রথমে উদরাময়, অবশেষে এই উদরাময় কলেরায় পরিবর্তিত হইয়াছে। যদি কেহ অত্যন্ত কোষ্ঠকাঠিন্য পীড়ায় ভুগিতে থাকেন এবং নিতান্তই বিরেচক ঔষধের আবশ্যক হয়—তাহা হইলে রাত্রে শয়নকালীন অর্ধ আউন্স পরিমাণে লিকুইড্ প্যারাকিন্ বা “গ্যাগারল্” ( Agarol ) ব্যবহার করা যাইতে পারে।

**খাদ্য ও নিয়ন্ত্রণ।**—এই পীড়া যখন বহুব্যাপকরূপে প্রকাশ পায়, তখন যেখান সেখানকার খাদ্যাদি, বাজারের মিষ্টায় প্রভৃতি খাওয়া মোটেই উচিত নহে। আহার সম্বন্ধে বিশেষ সাবধান হওয়া উচিত—কদাচও এই সময়ে আহার বিষয়ে উত্থল হইবে না। এই সময়ে কদাচও কাহারও নিয়ন্ত্রণ গ্রহণ করিবে না। নিয়ন্ত্রণ খাইয়া, এই সময়ে অনেককেই কলেরাক্রান্ত হইতে দেখা গিয়াছে।

**কোষ্ঠকাঠিন্য।**—অত্যন্ত কোষ্ঠকাঠিন্য হইলে, সাবান জলের বা লবণ জলের এনিমা দিবার ব্যবস্থা করিবে।

কলেরা এপিডেমিকের সময় ক্যাটর অয়েল, সেনা, এলোজ, পাল্ড্ গাইসিরিজা কোঃ প্রভৃতি বিরেচক ঔষধাদির কদাচও ব্যবস্থা করিবে না। দাবণিক বিরেচকও ব্যবস্থা করা নিরাপদ নহে।

**সরবৎ।**—অজীর্ণ অগ্নিবান্ধ্য, প্রভৃতি লক্ষণাদি প্রকাশ পাইলে, লেবুর রস সহ চিনি বা মিশ্রিত টাটকা সরবৎ বেশ উপাদেয় ও উপকারী। কিন্তু এই চিনি বা মিশ্রী শুষ্ক ও বিশোধিত জলে ( Boiled sterile water ) দ্রব করিয়া সরবৎ প্রস্তুত করা কর্তব্য।

এবং এইরূপ সরবৎ পান করাই নিরাপদ। জল উত্তমরূপে ঢাকা দেওয়া পাত্রে কিছুকণ ক্ষুণ্ণ করিলেই বিশোধিত রোগজীবাণু শূন্য হয়।

**ষোয়ান।**—এই পীড়ার এপিডেমিক সময়ে অজীর্ণ রোগের লক্ষণ প্রকাশ পাইবা মাত্র “ষোয়ান” ব্যবহার করিলে, বিশেষ উপকার পাওয়া যায়। ষোয়ানে থাইমলের (Thymol) অংশবিশেষ থাকায়—ইহা একটা উৎকৃষ্ট পাকস্থলীর পচন নিবারক ঔষধ। ইহার ক্রিয়া কর্পূর অপেক্ষা শ্রেষ্ঠ না হইলেও, কর্পূরের সমতুল্যই। ষোয়ান প্রায় প্রতি পরিবারেই সহজপ্রাপ্য অজীর্ণ, ক্ষুধামান্দ্য, প্রভৃতি লক্ষণ সমূহ প্রকাশ পাইবামাত্র ১—২ চা চামচ মাত্রায় ইহা (ষোয়ান) কিঙ্কিৎ সৈন্ধব লবণ সহ খাইতে দিলে, অবিলম্বেই উপকার পাওয়া যায়। ইহা একটা অত্যাবশ্যকীয় পারিবারিক ঔষধ। আয়ুর্বেদ শাস্ত্রে ষোয়ানের যথেষ্ট প্রশংসা দেখিতে পাওয়া যায়।

**রোগীকে স্থানান্তরিত করা।**—পরিবারবর্গ বা গ্রামস্থ অগ্র সূস্থ লোক বাহাতে এই পীড়াক্রান্ত না হয়, তদ্বদেখে রোগীকে স্থানান্তরিত করা অনেক চিকিৎসকের অভিমত কিন্তু ইহাতে কোনই উপকার হয় বলিয়া বিশ্বাস হয় না। পরন্তু, ইহা অসম্ভব বা অসাধ্য বলিলেও অত্যাুক্তি হয় না। পরীক্ষা দ্বারা জানা গিয়াছে যে, রোগী এই পীড়া হইতে আরোগ্য লাভের পর অর্ধ কি একমাস পর্য্যন্তও তাহার মল, মূত্র, প্রভৃতির সহিত কলেরার বীজাণু নির্গত হইতে থাকে। এই সমস্ত ও আরও কতকগুলি হুজুর্য কারণ বশতঃ, রোগীকে স্থানান্তরিত করিলেও, এই রোগের বহু ব্যাপকতা নষ্ট করা, এক প্রকার অসম্ভব।

**রোগীকে গৃহান্তরে পৃথকভাবে রাখা।**—উল্লিখিত কারণে রোগীকে গৃহান্তরে পৃথকভাবে রাখাও, বিশেষ কোনও ফলদায়ক হয় না। ইহাতেও পীড়ার বহু ব্যাপকতা নষ্ট হইতে পারে না। রোগীকে যদি গৃহান্তরে, সম্পূর্ণ পৃথকভাবে রাখিতে, হয়—তাহা হইলে রোগীর গৃহে একমাত্র গুশ্রমাকারীগণ ব্যতীত, অগ্র কাহাকেও প্রবেশ করিতে দেওয়া কর্তব্য নহে। গুশ্রমাকারীগণেরও শারীরিক স্বাস্থ্য রক্ষা সম্বন্ধে বিশেষ জ্ঞান থাকা আবশ্যক এবং চিকিৎসকও তাহাদিগকে এ সম্বন্ধে বিশেষ ভাবে উপদেশ ও সতর্ক করিয়া দিবেন। রোগী আরোগ্য লাভ করিবার পরেও, প্রায় ২ মাসকাল পর্য্যন্ত বাহাতে অগ্র কাহারও সংস্পর্শে না আসিতে পারে—সে বিষয়ে বিশেষ লক্ষ্য রাখা উচিত এবং এ সম্বন্ধে রোগীকে বিশেষ উপদেশ দেওয়া কর্তব্য।

রোগী সূস্থ হইয়া উঠিবার পরও, যে স্থানে মল, মূত্রাদি ত্যাগ করিবে, সেখানে অগ্র কোনও সূস্থ ব্যক্তির মল, মূত্র ত্যাগ করা কর্তব্য নহে। রোগীর মল মূত্রাদি উত্তমরূপে মাটি দিয়া ঢাণা দিতে হইবে। রোগী যে পায়খানা ব্যবহার করিবে—সেই পায়খানা পর্য্যন্তও অন্ত্রের ব্যবহার করা উচিত নহে। রোগী নিজেকে বিশেষভাবে পরিষ্কার পরিচ্ছন্ন রাখিবে। সংক্রমিত জল যেন কোনও মতে সূস্থ ব্যক্তির সংস্পর্শে না আসে।

রোগী যদি আরোগ্য লাভের পরেও, অন্ততঃ পক্ষে দুইটা মাস এই সমস্ত নিয়ম প্রণালী

পালন করিয়া চলিতে পারে, তাহা হইলে রোগের বহু ব্যাপকতা অপেক্ষাকৃত হ্রাস হইতে পারে ।

**ভ্যাকসিন বা টীকা ।**—এই পীড়া যখন চতুর্দিকে বহু ব্যাপকরূপে প্রকাশ পায়, তখন ইহার প্রতিষেধক জন্ম, ইহার “ভ্যাকসিন” ইঞ্জেকসন ( টীকা ) লইলে, এই সাংঘাতিক পীড়ার হাত হইতে পরিত্রাণ পাইবার আশা করা যায় বলিয়া, ডাক্তার হফকিন্স যত প্রকাশ করিয়াছেন ।

এতদর্থে তিনি প্রথম ৪০০০ মিলিয়নস্ এবং ১০ দিন পরে পুনরায় দ্বিতীয় বার ৮০০০ মিলিয়নস্ কলেরা-ভ্যাকসিন ইঞ্জেকসন দিতে উপদেশ দেন ।

এই ভ্যাকসিন বা টীকা বাজারে কিনিতে পাওয়া যায় । প্রতি প্যাকেট ২টি এম্পুল থাকে এবং ইহা অধঃস্থায়ীকরূপে ইঞ্জেকসন করিতে হয় ।

এই ভ্যাকসিন ইঞ্জেকসন দিবার পর বিশেষ কোনও স্থানিক বা দৈহিক প্রতিক্রিয়া উপস্থিত হইতে দেখা যায় না । কখন কখনও এই কলেরা-ভ্যাকসিন,—টাইফয়েড ও প্যারা-টাইফয়েড্ ‘এ’ এবং ‘বি’ ভ্যাকসিনসহ একত্রে মিশ্রিত করিয়া প্রস্তুত করতঃ, বাজারে বিক্রয় হয় । এই মিশ্রিত ভ্যাকসিন যুদ্ধ, মেলা, প্রভৃতি স্থলে—যেখানে, বহু লোকের সমাগম হয়, তত্রত্য লোকদিগকে ইঞ্জেকসন করিলে, ইহাতে কলেরা ও টাইফয়েড, উভয় পীড়ারই প্রতিষেধকরূপে কার্য্য করিয়া থাকে । এ জন্ম আর পৃথক পৃথক ইঞ্জেকসন দিবার আবশ্যক হয় না ।

এই প্রতিষেধক ভ্যাকসিন বা টীকা যে, বিশেষ উপকারী ; তাহাতে কোনই সন্দেহ নাই । কিন্তু ইহার প্রতিষেধক শক্তি মাত্র ৬ মাস কাল দেহাভ্যন্তরে থাকে । মহামারীর সময়ে ইহা বিশেষ উপযোগিতার সহিত ব্যবহৃত হইয়া থাকে ।

**ডাক্তার নন্দীর মতানুযায়ী চিকিৎসা-প্রণালী**—ডাঃ নন্দী বলেন—“কলেরা পীড়ার প্রারম্ভেই উদরাময় প্রাথমিক লক্ষণরূপে প্রকাশ পায় এবং বিশেষ মনযোগিতা ও ক্লিপ্রতার সহিত ইহার চিকিৎসা করা কর্তব্য । অত্মমধ্যে কলেরা-বীজাণুর অবস্থান জন্মই যে, উদরাময় প্রকাশ পাইয়া থাকে, সর্বত্র ইহার সত্যতা উপলব্ধি হয় না । পরন্তু অনেক সময়ে উদরাময়ই, কলেরার প্রাথমিক লক্ষণরূপে প্রকাশ পাইয়া থাকে” ।

অত্মমধ্যস্থ তরল পদার্থ এবং শ্লেষ্মাদিই কলেরাজীবাণুর বংশ বৃদ্ধির বিশেষ সাহায্য করিয়া থাকে । আমরা ইতিপূর্বেই বলিয়াছি যে, কলেরাজীবাণু উদর মধ্যে প্রবেশ করিলেই যে, এই পীড়া হইবে ; তাহা নহে । কেবলমাত্র কলেরাবীজাণু দ্বারাও এই পীড়ার প্রকাশ হওয়াও সম্ভব নহে ।

( ক্রমশঃ )



## মৃগীরোগ—Epilepsy

লেখক—ডাঃ এ, কে, এম, আব্দুল ওয়াহেদ B. Sc M. B.

হাউস সার্জন—কলিকাতা মেডিক্যাল কলেজ ।



চিকিৎসকগণের নিকট মৃগীরোগ সম্বন্ধে বিশেষ পরিচয় প্রদান অনাবশ্যক । সাধারণতঃ অজ্ঞানতা সহবর্তী পর্যায়শীল, বিশেষ প্রকৃতির আক্কেপজনক পীড়াকে “মৃগীরোগ” বলে ।

সাধারণ চিকিৎসাগ্রহে এই রোগের যেরূপ বিবরণ প্রদত্ত হইয়া থাকে এবং ইহার উৎপত্তির যে সমস্ত কারণ প্রদর্শিত হয়, অতি অল্প সংখ্যক রোগীতে ঠিক সেইরূপ দেখিতে পাওয়া যায় । এই পীড়াক্রান্ত রোগী নির্দিষ্ট সময় অন্তর অথবা অনিয়মিত ভাবে পুনঃ পুনঃ সংজ্ঞাশূন্য হইয়া পড়ে এবং সেই অবস্থায় তাহার সর্বাঙ্গ প্রবলভাবে আক্কেপ (convulsion) হইতে থাকে । এই আক্কেপ কয়েক মিনিটের জন্ত স্থায়ী হয় । কোন কোন স্থলে দৈহিক আক্কেপের পরিবর্তে, প্রবল স্নায়বিক (nervous) বা মানসিক (Psychical) বিকার প্রকাশ পায় । সুতরাং এই ব্যাধির যে, প্রধান লক্ষণ—সংজ্ঞাহীনতা ও দৈহিক আক্কেপ, তাহা ইহার অবস্থা মাত্র ; ইহাকে এই ব্যাধির একটা আনুষঙ্গিক অবস্থামাত্র বলিয়া মনে করা উচিত ।

**নিদান (Pathology)।**—এই ব্যাধির নিদান সম্বন্ধে আমাদের কোন জ্ঞান নাই বলিলেও অত্যাঙ্গী হয় না । কোন কোন পুস্তকে বলা হইয়া থাকে যে, মস্তিষ্ক বা স্নায়ুমণ্ডলীর বংশানুক্রমিক দৌর্বল্য বশতঃ, কিম্বা মস্তিষ্কের ভিতর কোন রোগজনিত (pathological) আকারগত (structural) পরিবর্তনের জন্ত, এই রোগের উৎপত্তি হইয়া থাকে । এই এই কথাটি আংশিকভাবে সত্য হইতে পারে ; কিন্তু অধিকাংশ ক্ষেত্রে এই কারণ ছইটির কোনটিও বর্তমান থাকে না । অধিকাংশ স্থলে, সাধারণ স্বাস্থ্যবান ও বুদ্ধিমান ব্যক্তি—যাহার কল্পনাকালেও এই ব্যাধি আক্রমণ করিবে, এমন ধারণাও করা যায় নাই, অথচ যে কোন বয়সে হঠাৎ ঐ ব্যক্তি এই রোগে আক্রান্ত হইয়া পড়ে । বহির্জগতের সহিত স্নায়ুমণ্ডলীর অস্বাভাবিক ঘাত প্রতিঘাতের ফলে, এইরূপ হঠাৎ আক্রমণ সম্ভবপর বলিয়া মনে হয় । যে কোন সুস্থ ব্যক্তির পক্ষে অতিরিক্ত শোকে বা দুঃখে মুহমান হইয়া পড়া বা উৎকট উদ্বেগে বিমূঢ় হইয়া পড়া, কিম্বা বন্দারোগে আক্রান্ত হওয়া যেরূপ সম্ভবপর ; তেমনি কাহারও পক্ষে মৃগীরোগে আক্রান্ত হওয়াও অসম্ভব নহে । ধীশক্তি সম্পন্ন বা অসাধারণ প্রতিভাশালী ব্যক্তি, কেহই ইহার আক্রমণ হইতে রক্ষা পাইতে পারেন না । জুলীয়াস সিজর ও নেপোলিয়ান, এই ব্যাধিগ্রস্ত ছিলেন ।

**ত্রিকিৎসা।**—মস্তিষ্কের উপরিভাগস্থ (Cortex of brain) কর্ককেলের (motor



centres) উত্তেজনার ফলে পৈশীক গতির (movements) সৃষ্টি হয় । মৃগীরোগগ্রস্ত ব্যক্তির মস্তিষ্কে কোন পার্থক্য না থাকে । সত্বেও, কর্কসকেন্দ্রের অস্বাভাবিক উত্তেজনার ফলে, পেশী সমূহের অস্বাভাবিক ও আক্কেপ সহবর্তী গতির (convulsive movement) সৃষ্টি হয় । কিন্তু ইহার জন্ম কর্কসকেন্দ্রগুলি (cortical moter centres) কতটা দায়ী বা অস্বাভাবিক উত্তেজনাগুলির কতটা দোষ, তাহা আমরা এখনও বুঝিতে সক্ষম হই নাই । সুতরাং এই রোগ এবং ইহার অবস্থাস্তর সম্বন্ধে আমাদের জ্ঞান অতি সীমাবদ্ধ এবং সেই জন্মই ইহার চিকিৎসা ব্যাপারেও আমাদের কার্যকুশলতা অতি সংকীর্ণ ।

মৃগীরোগের কারণ আমরা বুঝি নাই, কিন্তু ঐ রোগের লক্ষণগুলি আমাদের জানা আছে, সুতরাং ইহার চিকিৎসাও লক্ষণ দেখিয়া করা হইয়া থাকে । ঐ ব্যাধি সমূলে দূর করিবার উপায় আমরা এখনও জ্ঞাত হইতে পারি নাই । সুতরাং চিকিৎসা দ্বারা এই পীড়ার আক্কেপ (fit) বন্ধ করা, আমাদের প্রধান উদ্দেশ্য । কিছুকাল ধরিয়া এইরূপ ফিট (fit) বন্ধ করিয়া রাখিতে পারিলে, ক্রমে এই ফিট (fit) হইবার অভ্যাসটা কাটিয়া যাইতে পারে এবং তখন ঔষধ বন্ধ করিলেও, রোগের পুনরাক্রমণ হইবার সম্ভাবনা থাকে না ।

যদিও ফিট (fit) বন্ধ করিবার চেষ্টা করাষ্ট, এই রোগের চিকিৎসার প্রধান অঙ্গ, তথাপি প্রত্যেক রোগীতে বংশানুগত দৌর্ভল্য (inherited deficiency), মৃগীধাত (Epileptic constitution), মৃগী রোগোৎপাদক উত্তেজনা, প্রভৃতির চিকিৎসা করা আবশ্যিক ।

পূর্বপুরুষ বা পিতামাতার মত্তপানাভ্যাস, হিষ্টিরিয়া, মৃগীরোগ, মায়বিক দৌর্ভল্য, বা উন্মাদের ছিট থাকিলে, সম্ভাবনের মৃগীরোগ হইবার সম্ভাবনা থাকে । একরূপ ক্ষেত্রে পিতামাতার উপরোক্ত অভ্যাস, পীড়া এবং দৌর্ভল্য দূর করিবার চেষ্টা করা উচিত । ঐরূপ দোষ বিশিষ্ট সম্ভাবন সন্ততির বিবাহ দিতে নিষেধ করা আবশ্যিক ।

যে সমস্ত ব্যক্তির বুদ্ধি কম (mentally defective), যাহাদের মানসিক শক্তি কীর্ণ, যাহারা অতি সহজে উত্তেজিত হইয়া উঠে, বাল্যকালে যাহাদের দেহের অঙ্গবিশেষে আক্কেপ হইত (Spasmophilia) কিংবা যাহারা কোন কঠিন মাস্তিকের পীড়ার ভুগিয়া ছিল, তাহাদের ধাতই মৃগীরোগ আক্রমণের উপযোগী । ইহাদের এই ধাত পরিবর্তনার্থ চিকিৎসা করা প্রয়োজন । শারীরিক, মানসিক ও নৈতিক শিক্ষা দ্বারা ইহাদের দেহ ও মন সবল করিয়া তুলিতে হইবে । ইহাদিগকে একরূপ শিক্ষা দিতে হইবে—যেন, সাধারণ ও সামান্ত উত্তেজনায় ইহারা উত্তেজিত না হয় । ইহারা যেন একরূপ মানসিক শিক্ষা লাভ করে যে, প্রত্যেক জিনিষ বা অবস্থার প্রকৃতি সম্বন্ধে সম্যক জ্ঞান লাভ করিতে পারে । আত্মসংযম, স্থিরচিত্ততা, ধৈর্য্য, অধ্যবসায় ইত্যাদি সাহায্যে ইহাদের প্রকৃতিগত হইয়া পড়ে, ইহাদিগকে একরূপ নৈতিক শিক্ষা দেওয়া উচিত ।

মৃগী-রোগোৎপাদক উত্তেজনাগুলি আবিষ্কার করিয়া, তাহা দূর করিবার চেষ্টা করা বিশেষ আবশ্যিক । এই উত্তেজনা মানসিক (psychic) বা দৈহিক (physical) হইতে পারে । ভাবপ্রবণতা (emotions) বা সঙ্কটাপন্ন অবস্থার (রোগ, শোক হংস, চিন্তা

বিপদাপদ ইত্যাদি দ্বারা) উত্তেজনার সৃষ্টি হয়। উপযুক্ত শিক্ষা পাইলে রোগীর এই অতিরিক্ত ভাবপ্রবণতা দূর হইতে পারে। রোগীর মনের মধ্যে অনেক সময় এমন একটা সঙ্কটাপন্ন অবস্থার সৃষ্টি হয়—যাহা হইতে সে মুক্তি লাভ করিবার নিমিত্ত বিশেষ ব্যগ্র হইলে ফিট (fit) দেখা দেয়। যত্ন সহকারে মনস্তত্ত্ব বিশ্লেষণ দ্বারা এই কারণটা খুঁজিয়া বাহির করিতে পারিলে, চিকিৎসা সহজ হইয়া পড়ে। সাধারণভাবে রোগীর যাবতীয় ভুলভ্রান্তি, দোষ, পাপ এবং উত্তেজিত হইবার কারণগুলি অনুসন্ধান করিয়া, তাহার প্রতিবিধান করা আবশ্যিক। দেহজাত বিষ (auto-intoxication) দূর করিবার বিশেষ চেষ্টা করা আবশ্যিক। অনেক সময় অঙ্গে কৃমির অবস্থান, জরায়বীয় পীড়া, ডিম্বাধারের পীড়া, চক্ষু পীড়া প্রভৃতি মৃগীরোগ উৎপাদনের কারণ হইয়া থাকে, সুতরাং এইরূপ কোন পীড়ার অস্তিত্ব বিদ্যমান, উহাদের যথোচিত চিকিৎসা করা বিশেষ আবশ্যিক।

মৃগী রোগীর ফিট উপস্থিত হইলে রোগীকে সুবিধাজনক অবস্থায় রাখিয়া, যাহাতে অজ্ঞানাবস্থায় তাহার দেহে কোনরূপ আঘাত না লাগে, তজ্জন্ম চেষ্টা করা উচিত। অতঃপর যাহাতে সত্বর ফিট তিরোহিত হয়, তাহা করা কর্তব্য।

ফিট বন্ধ করিবার জন্ম নিত্য নূতন বহু ঔষধ বাহির হইতেছে এবং ব্যবহৃত হইতেছে। কিন্তু প্রত্যেক রোগীই একই ঔষধে আরোগ্য লাভ করে না। বিভিন্ন রোগী, বিভিন্ন ঔষধে ফল পায়। বহুদিনের পরীক্ষা ও অভিজ্ঞতার ফলে, নিম্নলিখিত ঔষধগুলি শ্রেষ্ঠ ও সুফলপ্রদ বলিয়া প্রতিপন্ন হইয়াছে।

(১) ব্রোমাইডস (Bromides)—সোডিয়াম, পোটাশিয়াম ও এমোনিয়াম ব্রোমাইড, এই তিন প্রকার ব্রোমাইডই একই প্রকার কাজ করিয়া থাকে। ইহাদের দুই তিনটি একত্র প্রয়োগ করিলেও, কোন অধিকতর সুফল দেখা যায় না। এই ব্যাধিতে অল্প মাত্রায় ইহাদিগকে প্রয়োগ করিলে কোনই সুফল হয় না। বিনা ক্লেশে এবং নিরাপদে রোগী এই সকল ঔষধ যত অধিক মাত্রায় সহ করিতে পারে, সেইরূপ সর্বাপেক্ষা অধিক মাত্রায় প্রত্যহ রোগীকে এই সকল ঔষধ সেবন করিতে দেওয়া উচিত। সাধারণতঃ দৈনিক ৩০ হইতে ৬০ গ্রেণ মাত্রায় ইহাদিগকে সেবন করিতে দেওয়া যাইতে পারে। প্রত্যহ দুইবার বা একবার করিয়া সেবন করিতে দেওয়াই ভাল। আধ গ্রাস জলের সহিত মিশ্রিত করিয়া খালিপেটে খাইতে দেওয়া উচিত। যদি প্রত্যহ নির্দিষ্ট সময়ে ফিট হয়, তবে এমন সময়ে ঔষধ সেবন করান উচিত—যাহাতে ফিটের সময় ঔষধটা কার্যকরী হয়। রাত্ৰিকালে ফিট হইলে, শয়নের পূর্বে ঔষধ সেবন বিধেয়। প্রভাতে নিদ্রাভঙ্গের সময় ফিট হইলে, রাত্রে শয়নের পূর্বে একবার ঔষধ সেবন করা আবশ্যিক এবং নিদ্রাভঙ্গ হইবামাত্র আর একবার ঔষধ সেবন করিয়া, আধঘণ্টা পরে শয্যা ত্যাগ করা উচিত। স্ত্রীলোকদিগের মাসিক ঋতুর সময় ফিট হইতে থাকিলে, ঋতু আরম্ভ হইবার কয়েকদিন পূর্ক হইতে—প্রায় শেষ না হওয়া পর্য্যন্ত, প্রত্যহ সাধারণ মাত্রার অধিক অথবা স্থান বিশেষে বিশেষ পরিমাণে ঔষধ সেবন করা উচিত। এই সকল ঔষধ প্রয়োগে আক্ষেপ বন্ধ এবং

আক্ষেপের পুনরাক্রমণ নিবারিত হইয়া থাকে । সুতরাং এই রোগের চিকিৎসায় সফলকাম হইতে হইলে, অত্যন্ত নিয়মিতভাবে ক্রমাগত এই সকল ঔষধ সেবন করা উচিত ।

প্রথম কয়েকদিন ঔষধ সেবনের পর, উপযুক্ত পরিমাণ দৈনিক মাত্রা স্থির হইয়া গেলে, ক্রমাগত দেড় কি, দুই বৎসর ধরিয়া ঐ মাত্রায় ঔষধ সেবন করাইতে হইবে । অবশ্য এই সকল ঔষধ সেবনের ফলে রোগীর শরীরে, এই ঔষধ সেবনজনিত কোন লক্ষণ যাহাতে প্রকাশ না পায়, সেদিকে লক্ষ্য রাখিতে হইবে । স্বরণ রাখা কর্তব্য—( হঠাৎ ঔষধ সেবন বন্ধ করিলে বা মাত্রা কমাইলে কিম্বা বৃদ্ধি করিলে, ভয়ানক বিপদ হইবার সম্ভাবনা এবং চিকিৎসায়ও কোন ফল হয় না । 'এই সকল ঔষধ সেবনকালে রোগীর আহাৰ্য্য হইতে লবণ বন্ধ করিয়া দেওয়া বিধেয় । এইরূপ করিবার উদ্দেশ্য এই যে ব্রোমাইড সেবনে দেহস্থ লবণের পরিপূরণ হয়, ব্রোমাইড লবণের (Chloride) স্থানাধিকার করে । ব্রোমাইড সেবন করিবার ফলে যদি মুখে একুনি (acne—বর্ণ) বহির্গত হয়, তবে শতকরা ৫০ ভাগ উত্তপ্ত লবণ জলে ( Sodium chloride Solution 50%) তুলা ভিজাইয়া, ঐগুলির উপর প্রয়োগ করিয়া রাখিবে, পরে রাত্ৰিকালে ঐ গুলির উপর গন্ধকের মলম ঘষিয়া দিয়া, পরদিন প্রাতে: উহা উঠাইয়া, একটু বোরিক পাউডার ছড়াইয়া দিলে, ঐগুলি ভাল হয় । ক্রমাগত দেড় বা দুই বৎসর ব্রোমাইড সেবনের পর, ক্ষেত্র বিশেষে কিছুকাল ঔষধ বন্ধ রাখা যাইতে পারে ।

অল্প কতগুলি রোগীতে—বিশেষতঃ, বাহারা মাইনর মৃগীরোগে আক্রান্ত, তাহাদের ব্রোমাইড (Bromide) সেবনে কোন উপকারই হয় না—বরং অনিষ্ট হয় । এতদ্বারা ইহাদের ফিট দমন হয় না, পরন্তু উহাদের দেহ এবং মন বিকারগ্রস্ত হইয়া পড়ে । এরূপক্ষেত্রে অল্প ঔষধের ব্যবস্থা করা উচিত ।

(২) বোরাক্স ( Borax or Sodium Biborate ) সোহাগা—ইহা ১০ হইতে ১৫ গ্রেণ মাত্রায় দিবসে দুই তিন বার সেবা । ইহা সাধারণতঃ ব্রোমাইডের সহিত প্রয়োগ করা হইয়া থাকে । অনেকস্থলে বিশেষতঃ, রাত্ৰিকালীন ফিট দমনার্থ এই ঔষধ বিশেষ উপকারী । পেটিটমাল (petitmal) (ক্ষণস্থায়ী অজ্ঞানতা সহবর্তী সামান্য আক্ষেপযুক্ত মৃগী পীড়া) শ্রেণীর পীড়ায় ইহা বিশেষ উপকার করে । এই ঔষধ বহুদিন ধরিয়া নির্বিঘ্নে ব্যবহৃত হইতে পারে এবং যেখানে ব্রোমাইড সহ হয় না, সেখানে ইহা ব্রোমাইডের পরিবর্তে ব্যবহার করা যায় ।

( ৩ ) জিন্সাই অক্সাইড (Zinc Oxide) ।—মৃগীরোগে ইহা ব্যবহার করা যাইতে পারে । তবে ইহা নিশ্চিত ফল প্রদ নহে ।

( ৪ ) ক্যালসিয়াম ল্যাকটেট ( Calcium Lactate ) ।—ব্রোমাইডের সহযোগে ইহা ব্যবহার করিলে বিশেষ সুফল পাওয়া যায় । ক্যালসিয়াম ল্যাকটেট (Calcium Lactate) ৭ হইতে ১০ গ্রেণ মাত্রায় ব্রোমাইডের সহিত মিশাইয়া দেওয়া যাইতে পারে ।

যে সমস্ত রোগীর বাল্যাবস্থায় মস্তিষ্কের আঘাত বশতঃ মৃগীরোগের উৎপত্তি হইয়াছে, তাহাদের পক্ষে এই ঔষধ বিশেষ ফল প্রদ ।

( ৫ ) **বেলেডোনা (Belladonna)** ।—রোগীর এই ঔষধ সহ করিবার শক্তির দিকে লক্ষ্য রাখিয়া, অধিক মাত্রায় ইহা সেবন করাইলে বিশেষ ফললাভ হয় । ইহা একটা অতি মূল্যবান ঔষধ । ১০ হইতে ১৫ মিনিম.মাত্রায় টিংচার বেলেডোনা, দিবসে দুই তিনবার করিয়া ব্রোমাইডের সহিত সেব্য । মেজর ও মাইনর শ্রেণীর মৃগীরোগে (major and minor Epilepsy) ইহা সেব্য এবং শেষোক্ত ব্যাধিতে ইহা অধিক ফলদায়ক । অত্যধিক মাত্রায় এই ঔষধ সেবনের ফলে—গলার শুষ্কতা, মানসিক উত্তেজনা ও দৃষ্টিশক্তির ব্যাঘাত উপস্থিত হয় । এইগুলি পরিহার করিয়া এই ঔষধ সেবন করান উচিত ।

( ৬ ) **লুমিন্যাল (Luminal)**—১৯১২ খৃঃ অব্দে চিকিৎসাক্ষেত্রে এই ঔষধের আবির্ভাব হয় । দৈনিক ১ গ্রেণ পর্য্যন্ত এই ঔষধ প্রাতে ও সন্ধ্যায় সেবন করান যাইতে পারে । ইহার অধিক সেবন করাইবার আশঙ্ক্য হয় না । বহুদিন ধরিয়া এই ঔষধ সেবন করা কর্তব্য । ব্রোমাইড ও অন্যান্য ঔষধের সঙ্গে, একই সময়ে ব্যবহার করা যাইতে পারে ।

( ৭ ) **থাইরয়েড গ্ল্যাণ্ড** ।—অন্তরঙ্গস্রাবী গ্রন্থি সমূহের (Endocrine glands) রসের বিকৃতির নিমিত্ত এই ব্যাধির উৎপত্তি হয় । এই ধারণার বশীভূত হইয়া কেহ কেহ ব্রোমাইড এর সঙ্গে সঙ্গে থাইরয়েড (Thyroid) ব্যবহার করিয়া থাকেন । উহার মাত্রা দৈনিক দেড় গ্রেণ । এই ধারণা সত্য না হইলেও, থাইরয়েড ব্যবহার দ্বারা ব্রোমাইড এর কাজের যে সহায়তা হয় ; তাহাতে কোন সন্দেহ নাই ।

( ৮ ) **সাধারণ চিকিৎসা** ।—মৃগীরোগগ্রস্ত ব্যক্তির অতি সাবধানে এবং নিয়মিতভাবে জীবনানুষ্ঠান করা উচিত । রোগীর সাধারণ স্বাস্থ্য ভাল থাকিলে, অন্যান্য লোকের স্থায় তাহাকে সহজভাবে জীবনযাত্রা নির্বাহ করিতে দেওয়া কর্তব্য হইলেও, কোন হুঃসাহসিক কার্যে লিপ্ত হইতে দেওয়া উচিত নহে । যথেষ্ট বিগুহ বায়ু সেবন, নিয়মিত ব্যায়াম, রাত্ৰিকালে প্রচুর বিশ্রাম এবং উপযুক্ত বিছালাভ বা জীবিকা নির্বাহের নিমিত্ত সাধারণ পরিশ্রম করা হইতে রোগীকে বঞ্চিত করা উচিত নহে । তাহাদের কোন ব্যাধি আছে, এই চিন্তা যেন তরুণ যুবক রোগীর মন অধিকার করিয়া না থাকে । আড়ম্বর শূন্য পথ্যই সর্বশ্রেষ্ঠ; অতিরিক্ত ভোজন করা অবিধেয় । কোষ্ঠবদ্ধতা দূর করিবার জন্ত সর্বদা চেষ্টা করা উচিত । অন্ন পরিমাণে মাংস ভক্ষণ করা উত্তম । সুরা পান একেবারে পরিত্যাগ্য ।

## অজীর্ণ—Dyspepsia

লেখক—ডাঃ শ্রীনরেন্দ্রকুমার দাশ M.B. M.C.P.S.

M.R.I.P.H. ( Eng ) ভিনকরত্ন

( পূর্ব প্রকাশিত ৩য় সংখ্যার ( আষাঢ় ) ১৩১ পৃষ্ঠার পর হইতে )



নিয়মিতভাবে অন্ন ও ক্ষার দ্বারা অজীর্ণ পীড়ার চিকিৎসা করিলে যথেষ্ট উপকার পাওয়া যায়।

খালিপেটে অন্ন প্রয়োগ করিলে পাচকরস নিঃসরণ হ্রাস হয়, কিন্তু ক্ষারঘটিত ঔষধ প্রয়োগে পাচকরস নিঃসরণ বৃদ্ধি পায়। আয়ুর্কোদে কিন্তু খালিপেটেই লেবুর রস পান করিবার ব্যবস্থা দেখা যায়।

আহারের পূর্বে অন্ন ব্যবস্থা করিলে, পাকাশয়ের অন্নতা লক্ষণ উৎপাদিত হয়। আহারের পর প্রয়োগে ইহা দ্বারা পাকাশয় নিঃসৃত রসের ক্রিয়া বৃদ্ধি পায়। আহারের পূর্বে অন্ন প্রয়োগে পাকাশয়ের রস নিঃসরণ হ্রাস হয়।

যদি পাইরোসিস্ বর্তমান থাকে, তাহা হইলে উদগারে ক্ষার ও অম্লের আধিক্য অনুযায়ী যথানিয়মে আহারের পূর্বে বা পরে অন্ন ব্যবস্থা করিবে। অন্ন ঘটিত ঔষধগুলির মধ্যে হাইড্রোক্লোরিক এসিড্ সর্বোৎকৃষ্ট। ক্ষার সমূহের মধ্যে সোডা বাইকার্ব, লাইকর পোটাশি, চূনের জল ইত্যাদি ভাল। অধিক্য বর্তমানে হাইড্রোক্লোরিক এসিড্ ডিল্ ৫ মিনিম্ মাত্রায় আহারের পূর্বে ব্যবহেয়।

অম্লানী এই পীড়ার একটি উৎকৃষ্ট ঔষধ। আয়ুর্কোদে ইহার বিশেষ প্রশংসা দেখা যায়। আহারান্তে ১ চামচ জোয়ান ও অর্ধ চামচ সৈন্ধব লবণ একত্রে সেবন করিলে বিশেষ উপকার হয়।

কলিকাতার শ্রেষ্ঠ ফিজিশিয়ান লেঃ কর্ণেল ব্রাউন্ সাহেব একোয়া টাইকোডীস্ এই পীড়ায় বিশেষ উপকারী বলেন। ইনি ইহা সোডা বাইকার্ব ও ম্যাগ্ কার্বের সহিত ব্যবস্থা করিতে উপদেশ দেন।

স্নায়বীয় দৌর্বল্যবশতঃ অজীর্ণ রোগ উদ্ভিত হইলে, মূল পীড়ার চিকিৎসা করিয়া দৌর্বল্য দূর করিবার চেষ্টা করিবে। স্নায়বীয় দৌর্বল্য বশতঃ অজীর্ণ পীড়ায় বায়ু পরিবর্তন ও বৃহ ব্যায়াম উপকারী। এইরূপ রোগীকে পোটাশ ব্রোমাইড্, গ্রামস্ ব্রোমাইড্ মিশ্রিত করিয়া সেবন করিতে দিলে ইহারা স্নায়ুবিধানের ক্রান্তিবোধ হ্রাস ও নিজা উৎপাদন করিয়া উপকার করে। এতদর্থে পিকস্—ব্রোমাইড্ বেশ উপযোগী। বক্তৃতের বা অনেনেরিয়ার বিকার বশতঃ পূর্ব বর্ণিত বিবিধ মানসিক অবসাদ ও পরিপাক বৈলক্ষ্য উপস্থিত হইতে পারে। অনেক ক্ষেত্রে ত্রীলোকদিগের অন্নায়



ক্রিয়া বিকার বশতঃ পাকায় প্রদেশে বেদনা, অম্লোদগার, আহারের পর বমন ইত্যাদি বিবিধ স্নায়বীয় অজীর্ণের লক্ষণ প্রকাশ পাইতে দেখা যায়। একরূপ স্থলে জরায়ু বিকারের চিকিৎসা করিতে হইবে এবং বোমাইড্ বা অন্যান্য অবসাদক ঔষধ দ্বারা স্নায়বীয় উত্তার হ্রাস করিবার চেষ্টা পাইবে। পৈত্তিক বিকারজনিত অজীর্ণ রোগে অনেকে ফস্ফেট্ অব. সোডা ব্যবহারের অনুমোদন করেন।

## অজীর্ণ রোগে লক্ষণ ভেদে চিকিৎসা।

**বুকজ্বালা।**—অজীর্ণ রোগে এই লক্ষণটি প্রায়ই দেখিতে পাওয়া যায়। ইহার চিকিৎসার্থ বিবিধ ঔষধ ব্যবহৃত হয়। পাকায়ের ক্যাটারাল অবস্থায় এবং গর্ভাবস্থার বুক জ্বালায় টিং পালসেটীলা ২ মিনিম মাত্রায় কিঞ্চিৎ জল সহ ২ ঘণ্টান্তর প্রয়োগে উপকার হয়।

জল সহ ১০—৩০ গ্রেণ মাত্রায় সোডা বাইকার্ক সেবনেও উপকার হইতে দেখা যায়। এটনিক ডিস্‌পেপ্‌সিয়ার বুকজ্বালায় ১৫ মিনিম এসিড্ নাইট্‌ক্ ডিল্ সহ টিং নক্সভমিকা ৫ মিনিম মাত্রায় ৩/৪ ঘণ্টান্তর প্রয়োগ উপকারী।

তরল ভেদ সহ বুকজ্বালা বর্তমান থাকিলে টিং ক্যাপ্‌সিকাম্ ১০—১৫ মিনিম মাত্রায় উপকারী।

সৈন্ধব লবণ ও জোয়ান, কিঞ্চিৎ লেবুর রস সহ সেবনে সর্ববিধ বুকজ্বালা ( অজীর্ণ রোগ জনিত ) অচিরে নিবারিত হয়।

**পেটফাঁপা।** পেটফাঁপা—অজীর্ণ রোগের একটি বিশেষ কষ্টদায়ক লক্ষণ। ইহাতে রোগী বিশেষ কষ্ট বোধ করে। ইহার চিকিৎসার্থ পথ্যের প্রতি বিশেষ দৃষ্টি রাখিবে। এই লক্ষণ বর্তমান থাকিলে রোগীকে মটরশুঁটী, ডাইল, শর্করা, কপি, শালগম, আলু, মূলা, চা, কফি ইত্যাদি এবং আহারকালীন বা আহারের অব্যবহিত পরে জল পান করিতে নিষেধ করিবে।

যদি উদরাখানের সঙ্গে অগ্নিরোগ বর্তমান থাকে তাহা হইলে আহারের পূর্বে এসিড্ ঘটীত ঔষধের ব্যবস্থা করিবে। পেটফাঁপা নিবারণার্থ বিবিধ বায়ুনাশক ঔষধ, অনুমোদিত হইয়াছে। এতদর্থে—ঈথার সাল্ফ ও সুগন্ধি ঔষধ ব্যবস্থা করা উপকারী। পাল্ভ্ এরোমেটিক, সিনামন্, কার্ভেমম, ক্যাজুপুট্ প্রভৃতির তৈল, জিঞ্জার, ক্যাপ্‌সিকাম্ প্রভৃতির টীকার ; পিপারমিষ্ট, দারুচিনি, মৌরী, জোয়ান ইত্যাদির জল বিশেষ উপকারী।

বায়ু দ্বারা পাকায় প্রসারিত হইলে ভেজিটেবল্ চারকোল ( Vegetable charcol ) ১০—১৫ গ্রেণ মাত্রায় প্রয়োগ উপকারী। এতদর্থে মার্কের ভেজিটেবল্ চারকোল্ ব্যবহার করা ভাল। মার্কের এনিম্যাল্ চারকোল্ও ভাল ঔষধ। এতদর্থে হোমিওপ্যাথিক কার্কভেজ্ ১x শক্তির ৩/৪ গ্রেণ সেবন করিতে দিলে একই উদ্দেশ্য সাধিত হয়।



ভেজিটেব্ল চারকোল সহ বিসমাথ মিশ্রিত করিয়া উপযোগিতার সহিত ব্যবহৃত হয়।

ক্লোরোফর্ম ১ মিনিম মাত্রায় কিম্বা সাল্ফোক্যার্বলেট অর্বা সোডা ১৫ গ্রেণ মাত্রায় প্রয়োগ করিলে যথেষ্ট উপকার দর্শে। উদর প্রদেশে টার্পেন্টাইনের সেক বিশেষ উপকারী।

উদরাগ্নান সংযুক্ত অজীর্ণ রোগে নিম্নলিখিত ব্যবস্থাপত্রগুলি বিশেষ উপযোগী—

১। Re.

সোডি সাল্ফ	...	১ ড্রাম।
টাং নক্সভমিকা	...	৫ ড্রাম।
একোয়া	...	৪ আউন্স।

একত্র মিশ্রিত করিয়া ১ চা—চামচ মাত্রায় আহারান্তে দিবসে ৩ বার ব্যবহৃত হয়।

২। Re.

এসিড নাইট্রো-হাইড্রোক্লোরিক ডিন্	...	১০ মিনিম।
এক্সট্রাক্ট নক্স ভমিকা লিকুইড্	...	১ মিনিম।
একোয়া মেছপিপ্	...	এ্যাড্ ১ আউন্স।

একত্রে ১ মাত্রা। প্রতি মাত্রা ৩ ঘণ্টান্তর সেব্য।

৩। Re.

ম্যাগ্ সাল্ফ্	...	১ ড্রাম।
ম্যাগ্ কার্ব	...	১০ গ্রেণ।
একোয়া মেছপিপ্	...	১ আউন্স।

একত্রে ১ মাত্রা। প্রতি মাত্রা ৩ ঘণ্টান্তর সেব্য।

৪। Re.

ম্যাগ্ কার্ব	...	১০ গ্রেণ।
স্পিরিট্ এমন্ এরোমেট	...	১৫ ড্রাম।
স্পিরিট্ ক্লোরোফর্ম	...	২০ মিনিম।
টাং কার্ড কোং	...	২৫ মিনিম।
একোয়া সিনামন্	...	এ্যাড্ ১ আউন্স।

একত্রে ১ মাত্রা। প্রতি মাত্রা ৩ ঘণ্টান্তর সেব্য।

৫। Re.

স্পিরিট্ ইথার	...	৪০—৬০ মিনিম।
এক্সট্রাক্ট ওপিয়ারাই লিকুইড্	...	১০—১৫ মিনিম।
টাং ক্যাটোরিয়াই	...	১ ড্রাম।
একোয়া মেছপিপ্	...	এ্যাড্ ১ আউন্স।

একত্র ১ মাত্রা। উদরাগ্নান অবস্থায় সেব্য।



## ৬। Re.

স্পিরিট্‌ এমন্‌ এরোমেট্‌	...	১ ড্রাম।
এসিড্‌ হাইড্রোসিয়ানিক্‌ ডিল্‌	...	১—২ মিনিম।
সিরাপ্‌ জিঞ্জার	...	১ ড্রাম।
একোয়া কারুই	...	গ্র্যাড্‌ ১ই আউন্স।

একত্র ১ মাত্রা। অজীর্ণ ও পেট ফাঁপা নিবারণার্থে দিনে ২/৩ বার সেব্য।

## ৭। Re.

স্পিরিট্‌ এমন্‌ এরোমেট্‌	...	৩০ মিনিম।
স্পিরিট্‌ ক্লোরোফর্ম্‌	...	১ ড্রাম।
ম্যাগ কার্ব	...	২০ গ্রেণ।
একোয়া মেথ্‌পিপ্‌	...	গ্র্যাড্‌ ১ আউন্স।

একত্র ১ মাত্রা। উদরাধান জনিত অত্যন্ত শূল বেদনায় প্রয়োজ্য।

## ৮। Re.

টীং কার্ডেমম্‌ কোং	...	১ ড্রাম।
এসিড্‌ হাইড্রোসিয়ানিক্‌ ডিল্‌	...	৬ মিনিম।
টীং জিঞ্জবার	...	৩ ড্রাম।
একোয়া কারুই	...	গ্র্যাড্‌ ৬ আউন্স।

একত্রে মিশ্রিত করতঃ ৬ মাত্রায় বিভক্ত করিয়া, এক এক মাত্রা মধ্যে মধ্যে প্রয়োজ্য।

## ৯। Re.

এসিড্‌ হাইড্রোসিয়ানিক্‌ ডিল্‌	...	২ মিনিম।
বিস্মাথ্‌ সাব্‌ নাইট্রাস্‌	...	১৫ গ্রেণ।
লাইকার মরফিয়া হাইড্রো:	...	১০ মিনিম।
পাল্‌ভ্‌ ট্র্যাগাকাছ্‌ কোং	...	১০ গ্রেণ।
একোয়া মেথ্‌পিপ্‌	...	গ্র্যাড্‌ ১ আউন্স।

একত্র এক মাত্রা। অজীর্ণ পীড়ার আধান সহ শূল বেদনায় বিশেষ উপকারী।

**শূল বেদনা** বা **গ্যাস্ট্রাল্‌জিফ্রা**—অজীর্ণ পীড়ার ইহা একটা অত্যন্ত কষ্টদায়ক উপসর্গ। ইহার চিকিৎসার্থে স্নায়ুশূলের চিকিৎসা অবলম্বনীয়।

রক্তহীনতা বা ম্যালেরিয়া ইহার কারণ বলিয়া বিবেচিত হইলে, আয়রণ ও কুইনারিন্‌ দ্বারা চিকিৎসা করিবে।

সাধারণতঃ ইহার চিকিৎসার্থে আহারের পূর্বে ১ মিনিম মাত্রায় লাইকার আসেনিক দিবসে ৩ বার বিধেয়। এতদ্ভিন্ন ট্রীক্লিনি সাল্‌ফেট্‌ ১/৬ গ্রেণ মাত্রায়, অথবা সিল্‌ভার মাইট্রেট্‌ প্রমোগে উপকার দর্শে।

ইহাতে নিম্নলিখিত ব্যবস্থাগুলি বিশেষ প্রশংসার সহিত ব্যবহৃত হইয়া থাকে—

Re.

এট্রোপিন্ সাল্ফ	...	২ গ্রেণ।
জিক সাল্ফ	...	১/২ গ্রেণ।
একোয়া ডিষ্টিলেট	...	১ আউন্স।

একত্র মিশ্রিত করিয়া ইহার ৩৪ মিনিম্ মাত্রায় দিবসে ৩ বার সেব্য।

শূল নিবারণার্থ :—

Re.

এসিড হাইড্রোসিয়ানিক ডিল্	...	২ মিনিম।
বিস্মাথ সাব-নাইট্রাস	...	১৫ গ্রেণ।
লাইকর মর্ফিয়া হাইড্রো:	...	১০ মিনিম।
পাল্ভ ট্যাগাকাস কোং	...	১০ গ্রেণ।
একোয়া মেছপিপ্	...	এ্যাড ১ আউন্স।

একত্র এক মাত্রা। প্রতি মাত্রা ২।৩ ঘণ্টাস্তর সেব্য।

দুর্দম্য শূল বেদনায়—মর্ফিয়া হাইড্রোক্লোর—১/৪—১/২ গ্রেণ মাত্রায় বিশোধিত পরিশ্রুত জলে দ্রব করিয়া অধঃস্থাতিক ইঞ্জেকসন করিলে অচিরেই বেদনার উপশম হয়।

অজীর্ণ রোগে উপযুক্ত স্থলে যথাবিধি সূরা প্রয়োগ করিলে যথেষ্ট উপকার পাওয়া যায়। ইহা পাকাশয়ের টীউবিউল্ সকলকে উত্তেজিত করিয়া ফল প্রদান করে। ক্ল্যারেট ও উত্তম শেরি উৎকৃষ্ট। কোন কোন স্থলে ব্রাণ্ডি ও লুইস্কিও আবশ্যিক হয়। যদি সুপাচ্য আহার দ্রব্য উত্তমরূপে চর্কন করিয়া রুচি পূর্বক আহার করা যায়—তাহা হইলে পরিপাক শক্তিকে উদ্ভিক্ত করার জন্ত সূরা ব্যবহারের আবশ্যিক প্রায়ই হয় না। অজীর্ণ পীড়ায় বিশেষ সাবধানে ইহার ক্রিয়ার প্রতি লক্ষ্য রাখিয়া আহারের সহিত ইহা (সূরা) ব্যবস্থা করিবে।

অজীর্ণ রোগে দুর্বলতা বর্তমান থাকিলে বলকারক ঔষধ ব্যবস্থা করিবে।

শূল কথা এরোগের চিকিৎসা, চিকিৎসকের বিবেচনার উপর নির্ভর করে।

এই পীড়ার বিশেষ ফলপ্রদ কতিপয় ব্যবস্থাপত্র এস্থলে উল্লিখিত হইল :—

১। Re.

সোডি বাইকার্ব	...	১৫ গ্রেণ।
টীং নক্সভমিকা	...	১০—১৫ মিনিম।
টীং ক্যালান্দা	...	১/২ ড্রাম।
স্পিরিট এমন এরোমেট্	...	১/২ ড্রাম।
ইন্ফিউসন অর্যাল্লাই কো:	...	এ্যাড্ ১ আউন্স।

একত্রে ১ মাত্রা। আহারের অর্ধ ঘণ্টা পূর্বে দিবসে ৩ বার সেব্য। ইহা এটনিক ডিসপেপ্সিয়ার উপকারী।

২। Re.

টীং রিয়াই কোঃ	...	১ ড্রাম।
সোডি বাইকার্ব	...	১৫ গ্রেণ।
ম্যাগ্ কার্ব	...	১০ গ্রেণ।
স্পিরিট্ এমন্ এরোমেট্	...	১/২ ড্রাম।
একোয়া কার্বই	...	গ্র্যাড্ ১ আউন্স।

একত্রে এক মাত্রা। প্রয়োজন অনুযায়ী প্রতি মাত্রা ৩ ঘণ্টান্তর সেব্য। অম্লোদগার এবং বুকজালা সহ উদরাগ্নান থাকিলে উপকারী।

৩। Re.

থাইমল	...	১ গ্রেণ।
অথবা ক্রিয়োজোট্	...	১/২ মিনিম।
পাল্ভ্ স্যাপোসিস্	...	আবশ্যক মত।

একত্রে ১ বটীকা। প্রত্যহ ৩ বার ব্যবহেয়। অজীর্ণ রোগের উদরাগ্নান নিবারণ জন্তু আহারান্তে সেব্য।

৪। Re.

লাইকর বিস্মাথ সাইট্রেট্	...	১ ড্রাম।
সোডা বাইকার্ব	...	১০ গ্রেণ।
স্পিরিট্ ক্লোরোফর্ম	...	২০ মিনিম।
ইন্ফঃ ক্যালাম্বা	...	গ্র্যাড্ ১ আউন্স।

একত্রে ১ মাত্রা। আহারের ১ ঘণ্টা পূর্বে প্রত্যহ ৩ বার সেব্য।

অম্লতা ও আগ্নান সংযুক্ত অজীর্ণ রোগে ব্যবহার্য।

৫। Re.

এলোইন	...	১/২ গ্রেণ।
এসাফিটাড্	...	৫ গ্রেণ।
পডোফাইলিন্ রেজিন্	...	১/৪ গ্রেণ।
পেপ্সিন্ পোস'ই	...	৫ গ্রেণ।
পাল্ভ্ স্যাপোনিস্	...	আবশ্যক মত।

একত্রে ১ বটীকা। আহারান্তে ১ বটীকা করিয়া দিবসে ২ বার সেব্য।

কোষ্ঠকাঠিগ্ সহ অজীর্ণ পীড়ায় উপযোগী।

৬। Re.

এমন্ কার্ব	...	১ ড্রাম।
পটাস বাইকার্ব	...	১ ১/২ ড্রাম।
ইন্ফঃ চিরাতা	...	গ্র্যাড্ ৬ আউন্স।

একত্রে মিশ্র। ৪ ড্রাম মাত্রায় দিবসে ৩ বার সেব্য। অজীর্ণ রোগে কুখা বৃদ্ধি করণার্থ উপযুক্ত।

৭। Re.

এসিড নাইট্রো-মিউরঃ ডিন্	...	৬ ড্রাম।
লাইকর ট্রীক্লিন্	...	১১ ড্রাম।
টীং অরেন্সাই	...	১ ড্রাম।
টীং ক্যালাবী	...	১ আউন্স।
ইন্ফিউসন জেন্সিয়ান্	...	এ্যাড্ ১০ আউন্স।

একত্রে মিশ্র। জলসহ ৪ ড্রাম মাত্রায় আহারান্তে দিবসে ৩ বার সেব্য। পাকরস নিঃসরণের স্বল্পতা সহবর্তী পুরাতন অজীর্ণ রোগে ব্যবস্থেয়।

৮। Re.

প্যাংক্রিয়েটিন	...	১ ড্রাম।
সোডা বাইকার্ব	...	১ ড্রাম।
ম্যাগঃ কার্ব পণ্ডারিস্	...	১ ড্রাম।
পাল্ভ্ নক্সভমিকা	...	৬ গ্রেণ।

একত্রে মিশ্রিত করিয়া ২০ টি পুরিয়ায় বিভক্ত করিবে। প্রতিবার আহারের অনতিপূর্বে এক পুরিয়া করিয়া সেব্য। আখ্যান সংযুক্ত অজীর্ণ রোগে উপকারী।

৯। Re.

সোডা বাইকার্ব	...	২ ড্রাম।
ম্যাগ কার্ব	...	১১ ড্রাম।
টীং নক্সভমিকা	...	১ ড্রাম।
স্পিরিট্ এমন এরোমেট্	...	২ ড্রাম।
টীং কার্ভেমম্ কোং	...	২ ড্রাম।
একোয়া টাইকোটাস্	...	এ্যাড্ ৮ আউন্স।

একত্রে মিশ্রিত করতঃ ৮ মাত্রায় বিভক্ত করিয়া, আহারের ১০ মিনিট পূর্বে ১ দাগ করিয়া প্রত্যহ ৩ বার সেব্য। অজীর্ণ রোগের সর্ব অবস্থায় উপকারী। এই ব্যবস্থা-পত্রখানি লেঃ কর্নেল্ ব্রাউন সাহেব কর্তৃক বিশেষ প্রণয়িত।

প্রত্যহ রাত্রে রোগীকে কিঞ্চিৎ উষ্ণ দুগ্ধ সহ ১/২—১ টেবিল চামচ মাত্রায় “এ্যাগারল” সেবন করিতে দিবে। ইহাতে কোষ্ঠ পরিষ্কার থাকে।

১০। Re.

সোডা বাইকার্ব	...	২ ড্রাম।
পাল্ভ্ স্তাকারিন্	...	১৬ গ্রেণ।
স্পিরিট্ এমন এরোমেট্	...	৪৫ মিনিম।
একোয়া মেহপিপ.	...	৮ আউন্স।

একত্রে মিশ্রিত করতঃ ১৬ মাত্রায় বিভক্ত করিয়া প্রত্যহ আহারের পর এক এক মাত্রা সেব্য। আখ্যান বৃদ্ধ অজীর্ণে সেব্য।

১১। Re.

এসিড হাইড্রোসিয়ানিক ডিল	...	৪০ মিনিম।
টীং বেলেডোনা	...	৩ ড্রাম।
বিস্মাথ সাবনাইট্রাস	...	৬ ড্রাম।
একোয়া ডেষ্টিল	...	গ্র্যাড ৩ আউন্স।

একত্রে মিশ্র। বোতল উত্তমরূপে ঝাঁকাইয়া লইবে। ইহা ১ ড্রাম মাত্রায়—প্রত্যহ  
আহারের এক ঘণ্টা পূর্বে সেব্য। যন্ত্রণাদায়ক অজীর্ণরোগে উপযুক্ত।

১২। Re.

এসিড হাইড্রোক্লোরিক ডিল	...	৬ ড্রাম।
টীং ক্যাপসিসাই	...	৪ ড্রাম।
টীং নক্সভমিকা	...	২ ড্রাম।
টীং কোয়াশিয়া	...	গ্র্যাড ৪ আউন্স।

একত্রে মিশ্র। ১ ড্রাম মাত্রায় জল সহ আহারান্তে সেব্য। সুরাপান জনিত এটনিক  
ডিমপেপশিয়ায় উপকারী।

১৩। Re.

মিক্স ভ্যালেরিয়ান	...	৩ গ্রেণ।
এসিড কার্বলিক	...	২ গ্রেণ।
এসিড আসেনিয়াস	...	১/৪০ গ্রেণ।
এক্সট্রাক্ট ক্যানাবিস ইণ্ডিসি	...	১/৪ গ্রেণ।

একত্র মিশ্রিত করিয়া একটা ক্যাপসুল মধ্যে রাখিতে হইবে। আহারান্তে ১টা করিয়া  
ক্যাপসুল সেব্য। স্নায়বীয় অজীর্ণ রোগে ব্যৱহেয়।

এই রোগে টাকাডায়েষ্টাম্, ল্যাক্টোপেপ্টিন্, সোডামিট, মিক্স অব ম্যাগনেশিয়া,  
পেপসিন্ কর্ডিয়াল্, ইত্যাদি উপকারী।

“আইওডিজিনল্ পেপিন্” এই পীড়ায় বিশেষ ফলপ্রদ ঔষধ। ইহা ১০—২০ মিনিম  
মাত্রায় জলসহ আহারান্তে সেব্য। হিউলেটের মিশ্চ, রা পেপসিন এট্ বিস্মাথ কোং  
১/২—ড্রাম মাত্রায় আহারান্তে জল সহ সেবনে অজীর্ণ পীড়ায় বিশেষ উপকার হইয়া থাকে।

ভাতের প্রথম ২।১ গ্রাসের সহিত ১/০ এক আনা পরিমাণ হিং গব্য ঘূতে ভাজিয়া  
১/০ পরিমাণ সৈন্ধব লবণ সহ আহারে কয়েক দিন মধ্যেই অজীর্ণ পীড়ার উপকার হয়—অর্শ  
বর্তমান থাকিলে ইহা নিষিদ্ধ।

ডাক্তার হাচিসন্, M. D., F. R. C. P. লিখিয়াছেন যে, এই পীড়াক্রান্ত রোগীকে  
নিয়মিতভাবে জীবন যাপন করিতে হইবে। আহাৰ্য্য দ্রব্য একেবারে অধিক না খাইয়া  
অল্প পরিমাণে ও উত্তমরূপে চর্কন করতঃ আহার করিবে। ফলাদি, শর্কী, কটী ইত্যাদি  
যাহার মধ্যে সেলুলোজের পরিমাণ অধিক, তাহা খাওয়া নিষিদ্ধ। “বিয়ার” নামক মত্ত  
পান নিষিদ্ধ। চারকোল্, ম্যাগনেশিয়াম পার হাইড্রোল এবং বায়ুনাশক ঔষধ উপকারী।  
লঘু ব্যায়াম করা ভাল। বেদনা জনক লক্ষণে টীং বেলেডোনা ব্যবস্থা করিবে। দীর্ঘকাল  
ঔষধ ব্যবহার না করিলে সম্পূর্ণরূপে সুস্থ হওয়া কঠিন।



## পরীক্ষিত ব্যবস্থাপত্র ( Prescription ):

ডাঃ শ্রীসন্তোষকুমার মুখোপাধ্যায় এম, বি।

( ইণ্ডিয়ান মেডিক্যাল রেকর্ডের সম্পাদক )

### চক্ষুরোগ—Eye disease.

১। চোখ উঠা—( **Conjunctivitis** );—চক্ষুমধ্যস্থ মৈথিকি বিল্লীর প্রদাহকে চোখ উঠা বলে। ইহার অপর নাম অফথ্যালমিয়া ( **Ophthalmia** )। ইহা নানা আকারে প্রকাশ পায় এবং বিভিন্ন কারণে উপস্থিত হইয়া থাকে। অবস্থানুযায়ী কয়েকখানি পরীক্ষিত ফলপ্রদ ব্যবস্থাপত্র সন্নিবেশিত হইল।

(ক) সামান্য প্রদাহে :—

Re.

এসিড বোরিক	...	১০ গ্রেণ।
পরিষ্কৃত জল	...	১ আউন্স।

একত্র মিশ্রিত করিলে বোরিক এসিডের ২½% পাসেন্ট সলিউশন হইবে। এই সলিউশন মধ্যে চক্ষে কয়েক ফোঁটা প্রয়োগ করিলে সামান্যপ্রকার “চোখ উঠা” শীঘ্রই উপশমিত হয়।

(খ) বেদনা সহবর্তী প্রদাহে :—বেদনা সহবর্তী “চোখ উঠা” নিম্নলিখিত লোসনটা চখে প্রয়োগ করিলে শীঘ্র উপকার পাওয়া যায়।

Re.

এসিড বোরিক	...	১০ গ্রেণ।
কোকেন হাইড্রোক্লোর	...	২ গ্রেণ।
পরিষ্কৃত জল	...	১ আউন্স।

একত্র মিশ্রিত করতঃ আইড্রপার দ্বারা মধ্যে মধ্যে ইহা কয়েক ফোঁটা করিয়া চক্ষে প্রয়োজ্য।

(গ) প্রবল প্রদাহে :—

Re.

লোসিও হাইড্রার্ক পার-ক্লোরাইড ১ : ১০০০০ শক্তি।

“চোখ উঠা” খুব প্রবলকার ধারণ করিলে, প্রত্যহ ৩/৪ বার করিয়া এই লোসনটা চক্ষুমধ্যে প্রয়োজ্য।

## (ঘ) অত্যন্ত প্রবল প্রদাহে :-

১। Re.

ম্যাগসালফ	...	৩ ড্রাম ।
পরিষ্কৃত জল	...	১ আউন্স ।

একত্র মিশ্রিত করিয়া ছাঁকিয়া শিশিতে রাখিবে। এই লোসন প্রত্যহ ২বার করিয়া চক্ষুমধ্যে প্রয়োগ করিলে অত্যন্ত প্রবল প্রদাহে বিশেষ উপকার পাওয়া যায়। অথবা—

২। Re.

আর্জেন্টাই নাইট্রাস	...	৩ গ্রেণ ।
পরিষ্কৃত জল	...	১ আউন্স ।

একত্র মিশ্রিত করিয়া নীলবর্ণের শিশিতে রাখিবে। চোখ খুব রাঙ্গা এবং চোখের পাতা ফুলিলে, এই লোসন বিশেষ উপকারী। প্রত্যহ ২ বার করিয়া চক্ষুমধ্যে ইহা প্রয়োজ্য।

(ঙ) চোখের পাতা জুড়িয়া থাকিলে—চোখ উঠিলে যদি রাত্রে রোগীর চোখের পাতা জুড়িয়া থাকে, শয়নের পূর্বে নিম্নলিখিত মলমল চোখের পাতায় লাগাইবে।

Re.

এসিড বোরিক	...	১০ গ্রেণ ।
ভেসেলিন	...	১ আউন্স ।

একত্র মিশ্রিত করিয়া রাত্রে শয়নের পূর্বে চোখের পাতায় প্রয়োজ্য।

(চ) পুরাতন প্রদাহে :- “চোখ উঠা” পুরাতন আকারে পরিণত হইলে নিম্নলিখিত ব্যবস্থা বিশেষ উপযোগিতার সহিত ব্যবহৃত হয়।

১। Re.

এসিড বোরিক	...	১০ গ্রেণ ।
জিন্সাই সালফ	...	২ গ্রেণ ।
পরিষ্কৃত জল	...	১ আউন্স ।

একত্র মিশ্রিত করিয়া, আইডুপার দ্বারা প্রত্যহ দুইবার কয়েক ফোঁটা করিয়া চক্ষু মধ্যে প্রয়োজ্য। পুরাতন “চোখ উঠা” ইহা বিশেষ উপকারী।

অথবা—

২। Re.

এসিড বোরিক	...	৩ গ্রেণ ।
জিন্সাই সালফ	...	১/২ গ্রেণ ।
“ এডিনালিন ক্লোরাইড সলিউন	...	১০ মিনিম ।
জল ( পরিষ্কৃত )	...	১ আউন্স ।

একত্র মিশ্রিত করিয়া, প্রত্যহ ২৩ বার চক্ষুমধ্যে কয়েক ফোঁটা করিয়া প্রয়োজ্য। পুরাতন “চোখ উঠা” ইহা অতীব উপকারী। অথবা—

৩। Re.

এলাম ( ফটকিরী )	...	২ গ্রেণ ।
পরিশ্রুত জল	...	১ আউন্স ।

একত্র মিশ্রিত করিয়া প্রত্যহ ২৩ বার চক্ষুমধ্যে প্রয়োজ্য ।

(ছ) চক্ষুর এক পার্শ্বের ত্রৈভুজিক বিচ্ছিন্ন প্রদাহ ( Angular conjunctivitis )—ইহাতে চোখের একদিককার কোণের ত্রৈভুজিক বিচ্ছিন্ন প্রদাহ হইয়া থাকে । এই প্রকার “চোখ উঠায়” নিম্নলিখিত ব্যবস্থাটি বিশেষ উপকারী ।

১। Re.

প্রোটার্গল	...	১০ গ্রেণ ।
জিঙ্ক সালফেট	...	৪ গ্রেণ ।
কোকেন হাইড্রোক্লোর	...	৪ গ্রেণ ।
পরিশ্রুত জল	...	১ আউন্স ।

একত্র মিশ্রিত করিয়া প্রত্যহ ২৩ বার কয়েক ফোঁটা করিয়া প্রয়োজ্য ।

(জ) গনোরিয়ায়াল চক্ষুপ্রদাহ (Gonorrhoeal ophthalmia);—

১। Re

প্রোটার্গল	...	১০ গ্রেণ ।
পরিশ্রুত জল	...	৪ ড্রাম ।

একত্র মিশ্রিত করিয়া প্রত্যহ ২ বার ইহার কয়েক ফোঁটা চক্ষে প্রয়োজ্য ।

অথবা—

২। Re.

আর্জাইরোল	...	১৫ গ্রেণ ।
পরিশ্রুত জল	...	৪ ড্রাম ।

একত্র মিশ্রিত করিয়া প্রত্যহ ২বার ইহার কয়েক ফোঁটা চক্ষে প্রয়োজ্য ।

অথবা—

৩। Re.

সিলভার নাইট্রেট	...	২ গ্রেণ ।
পরিশ্রুত জল	...	১ আউন্স ।

একত্র মিশ্রিত করিয়া প্রত্যহ ২বার ইহার কয়েক ফোঁটা চক্ষে প্রয়োজ্য ।

(ক্রমশঃ)

## ডিফ্‌থিরিয়া—Diphtheria.

লেখক—শ্রী নরেন্দ্রকুমার দাশ, M. B., M. C. P. S. ( I. C. P. S. I ),  
M. D. ( M. H. M. C. ), M. R. I. P. H. ( Eng ). “ভিষগরত্ন” ।

— :: —

রোগী ।—একটি ৪।৫ বৎসর বয়স্ক বাঙালী বালিকা । ৪।৩।২৭ তারিখে হঠাৎ বালিকাটির জ্বর হয় । কয়েকদিন হইতেই সর্দি ও কাশি হইয়াছিল । এই দিন বালিকাটি ঘান করে । তারপর বৈকাল হইতেই জ্বর হয় । জ্বরীয় উত্তাপ ১০৪ পর্য্যন্ত উঠিয়াছিল । নাক দিয়া জল পড়িতে থাকে, শিরঃপীড়া, গলায় বেদনা ইত্যাদি বর্তমান ছিল । জনৈক স্থানীয় চিকিৎসক রোগী দেখিয়া ইনফ্লুয়েঞ্জা ভাবিয়া তদনুরূপ ঔষধাদির ব্যবস্থা করেন । এই ভাবেই চিকিৎসা চলিতে থাকে । প্রত্যহ প্রাতে জ্বর মগ্ন হইয়া পুনরায় বৈকালে উত্তাপ বৃদ্ধি হইত ।

৪।৩।২৭ আমি দ্বিপ্রহরে রোগী দেখিবার জন্ত আহুত হইলাম । রোগীর উত্তাপ ১০১, শিরঃপীড়া, গলা কিঞ্চিৎ ফুলিয়াছে, মুখ দিয়া লালাস্রাব হইতেছে । শ্বাস প্রশ্বাস অত্যন্ত দুর্গন্ধযুক্ত । অস্থিরতা অত্যন্ত আছে । বালিকা কথা বলিতে—এমন কি গলাধঃকরণ করিতে পর্য্যন্ত অক্ষম । নাক দিয়া পাকা সর্দি ঝরিতেছে । অবিলম্বে গলাভ্যন্তর পরীক্ষা করিয়া দেখিলাম যে টনসিলের উভয়দিক হইতে সাদা পুরু পর্দা পড়িতে আরম্ভ হইয়াছে এবং এই সাদা পর্দা নীচে ফসেসে পর্য্যন্ত নামিয়া যাইতেছে—এইজন্তই বালিকাটির শ্বাস-প্রশ্বাস লইতে অত্যন্ত কষ্ট হইতেছে । পীড়া “ডিফ্‌থিরিয়া”—ইহাই আমি অভিতাবকগণকে বলিয়া দিলাম এবং নিম্নলিখিত ব্যবস্থা করিয়া পূর্ব চিকিৎসককে ডাকিয়া পাঠাইলাম :—

১। Re.

ডিফ্‌থিরিয়া এন্টিটক্সিক সিরাম (বারোজ্ ওয়েল্‌কাম্ কোং)—৪০০০ ইউনিটস্—  
উদরের উপরের চর্ম নিম্নে ( অধঃস্থচিক ) ইঞ্জেক্সন দিলাম ।

২। Re.

পটাঁস ক্লোরাস্	...	১/২ গ্রোণ ।
টাঁং ফেরি পারক্লোর	...	৩ মিনিম ।
মিসিরিন্	...	১/২ ড্রাম ।
মাইকো থাইমোলিন্	...	২ মিনিম ।
একোয়া	... এ্যাড্	৪ ড্রাম ।

১ মাত্রা । প্রতিমাত্রা ৪ ঘণ্টাস্তর সেব্য ।

৩। Re.

ক্যালোমেল	...	১/১২ গ্রোণ ।
সোডিবাই কার্ব	...	৩ গ্রোণ ।

১ পুরিয়া । এইরূপ ১২ পুরিয়া । ১৫ মিনিট অন্তর ৬-৮ পুরিয়া পর্য্যন্ত সেব্য ।

৪। Re.

ধাইমল	...	১০ গ্রেণ ।
টীং আইওডিন ( B. P. )	...	১ ড্রাম ।
গ্লিসিরিন	...	২ ড্রাম ।
একোয়া	...	গ্রোড্ ১ অং ।

তুলি দ্বারা গলাভ্যন্তরে ২ ঘণ্টাস্তর লাগাইবে ।

৫। R .

'মার্কেট' হাইড্রোজেন পারঅক্সাইড ... ৪ আউন্স ।

২।৩ ঘণ্টাস্তর কুল্যরূপে ব্যবহার্য ।

**পথ্যাদি**—এসেন্স অব চিকেন্—১টা চামচ মাত্রায় ঈষৎক্ষুণ্ণ সহ ৩।৪ ঘণ্টাস্তর সেব্য ।

সৌভাগ্যক্রমে কেবলমাত্র এই ঔষধেই ২৪ ঘণ্টা পরেই বালিকার অবস্থার বিশেষ হিত পরিবর্তন দেখা গেল ।

১২।৩।২৭ অগ্ৰ হইতে বালিকাটির আর জ্বর আসে নাই । সর্দিকাশিও অনেক কম । গলার সাদা পর্দা প্রায় তিরোহিত । অগ্ৰাণ্ণ লক্ষণ গুলিও তিরোহিত হইয়াছে ।

১৪।৩।২৭ তারিখ হইতে বালিকাকে রুটা এবং ১৫ই হইতে অন্য পথ্য দেওয়া গেল । অতঃপর বালিকা সুস্থ হইয়া উঠে । হঠাৎ ঠাণ্ডা লাগিয়াই যে বালিকার এই পীড়া প্রবলরূপে প্রকাশ পাইয়াছে—তাহাতে কোনও সন্দেহ নাই । ছোট ছোট বালক বালিকাদের ডিফথিরিয়া সাধারণতঃ হঠাৎ ঠাণ্ডা লাগিয়াই হইয়া থাকে ।

**মন্তব্য**।—ডিফথিরিয়া বলিয়া সন্দেহ করিবামাত্র উচ্চ মাত্রায় "ডিফথেরিস্ট্রা এন্টি টক্সিক-সিরাম" অধঃস্বাচিক ইন্জেকসন দিলে পীড়ার গতি রুদ্ধ হইয়া সফর উপকার হয় । ডিফথিরিয়া না হইলেও এই সিরাম ইন্জেকসনে কোনও অপকার হয় না—পরন্তু ইহা পীড়ার প্রতিষেধক হয় । প্রথমে কিছু অধিক মাত্রাতেই ইন্জেকসন দেওয়া উচিত ; এবং যদি উপকার হয় তাহা হইলে ১টা ইন্জেকসনেই উপকার হইবে । অবশ্য পরে আরও ইন্জেকসন দিলে অপকার না হইলেও—উপকারের আশা খুবই কম । ইহা খুবই সাংঘাতিক পীড়া । অধুনা যথাসময়ে "এন্টি টক্সিক সিরাম" ইন্জেকসন দেওয়ায় বহু রোগী এই পীড়ার কবল হইতে রক্ষা পাইতেছে ।

## যকৃতে বেদনা ।

লেখক—ডাঃ শ্রীসতীভূষণ মিত্র, B. Sc. M. B.

রোগী । জনৈক হিন্দু ভদ্রলোক । বয়স ২৮ বৎসর । গত ৩।৪।২৭ তারিখে এই রোগীর চিকিৎসার্থ আহূত হই ।

**বর্তমান অবস্থা** ।—যকৃতের উপরে অসহ বেদনা । সন্ধ্যা এবং উকতা প্রয়োগে বেদনা হ্রাস প্রাপ্ত হয় । দক্ষিণাঙ্গের সর্বত্রই চর্কণবৎ বেদনা বিস্তারিত । কোষ্ঠ কাঠিল ।

বৈকালে সামান্য উত্তাপ বৃদ্ধি হয়। জিহ্বা খেতবর্ণ ময়লাবৃত। চক্ষু কিঞ্চিৎ হরিদ্রাভ। মূত্রের বর্ণ তন্ন হরিদ্রাভ। মূলের রং কৃষ্ণবর্ণ। ক্ষুধা নাই। রোগী প্রায় এক সপ্তাহ হইতে ভুগিতেছেন। স্থানীয় হাসপাতালের ঔষধ সেবনে কোনও উপকার না হওয়ায় আমার চিকিৎসাধীনে আসেন।

**পূর্বে ইতিহাস।**—প্রায় ২ বৎসর পূর্বে রোগীর ‘লিভার-এ্যাবসেস’ হইবার উপক্রম হওয়ায় ‘এমিটান’ দ্বারা চিকিৎসায় রোগী সুস্থ হইয়াছিলেন।

রোগীর উল্লিখিত অবস্থা দৃষ্টে আমি নিম্নলিখিত ব্যবস্থা করিলাম।

( ১ ) Re.

হাইড্রার্ক সাব ক্লোর	...	১/৬ গ্রেণ।
সোডি বাই কার্ব	...	৫ গ্রেণ।

একত্রে এক মাত্রা। এইরূপ ১২ পুরিয়া। প্রতি পুরিয়া ১ ঘণ্টাস্তর সেব্য।

প্রথম দিন ৬ পুরিয়া, দ্বিতীয় দিন ৪ পুরিয়া ও তৃতীয় দিন ২ পুরিয়া সেবনের ব্যবস্থা করিলাম।

( ২ ) Re.

টীং জেনসিয়ান্ কোং	...	১/২ ড্রাম।
টীং ক্যালাম্বা	...	১/২ ড্রাম।
ভাইনাম ইপিকাক	...	৫ মিনিম।
এক্সট্রাক্ট কালমেগ লিকুইড	...	১/২ ড্রাম।
টীং নক্সভমিকা	...	৪ মিনিম।
টীং ইউনিমিন	...	৫ মিনিম।
এমন ক্লোরাইড	...	৫ গ্রেণ।
একোয়া	...	এ্যাড ১ আউন্স।

একত্রে ১ মাত্রা। এইরূপ ১২ মাত্রা। প্রত্যহ ৩ মাত্রা সেব্য।

**পথ্যাদি**—১ বেলা ভাত। সন্ধ্যায় দুগ্ধ, সাগু ইত্যাদি। প্রাতে: ১ টী লেবুর রস। দ্বিপ্রহরে ঘোলের সরবৎ, দধি ইত্যাদি। এই চিকিৎসার রোগী ৭৮ দিন মধ্যেই সম্পূর্ণ সুস্থ হয়।

**মন্তব্য**—যকৃতের ক্রিয়া বিকার জন্ম যথেষ্টরূপে পিত্ত নিঃসরণ না হইয়াই সম্ভবতঃ উক্ত লক্ষণ সকল প্রকাশ পাইয়াছিল। ‘ক্যালোমেল’ ভগ্নাংশিক মাত্রায় ( বিভক্ত মাত্রায় ) কেবল যে বিরেচক ক্রিয়া প্রকাশ করে তাহা নহে, পরন্তু ইহাতে যকৃতের ক্রিয়ার যথেষ্টরূপে উন্নতি হয় ও পিত্তনিঃসরণ বৃদ্ধি পায়। ক্যালোমেল দ্বারা গ্রন্থীর নিঃস্রাবণ এবং পাকায়ের ক্রমি গতির উন্নতি হয়। ইহা উৎকৃষ্ট জীবাণু নাশক ও পচন নিবারক। যকৃতের উপর ইহার বিশেষ ক্রিয়া থাকায় এই রোগীতে ‘ক্যালোমেল’ এত সুন্দর ফল দর্শাইয়াছিল। ২নং মিশ্রটীতে কেবলমাত্র পিত্তনিঃসারক ও তিক্তবলকারক ও ঔষধ দেওয়া হইয়াছিল। ইহাতেও যকৃতের ক্রিয়া পুনঃ সংস্থাপিত হইয়া রোগীকে সম্বর আরোগ্যের পথে আনিয়াছিল।



## ম্যালিগন্যান্ট ম্যালেরিয়ায় বাকরোধ, এবং শিরাপথে কুইনাইনের উপকারিতা ।

### (Intravenous Quinine in the treatment of cerebral malaria with aphasia)

লেখক—ডাঃ শ্রীফণী ভূষণ মুখোপাধ্যায়, B. A., B.

তাজপুর - দারভাঙ্গা ।



রোগী । নিম্নশ্রেণীর ২০ বৎসর বয়স্ক যুবক, এখান হইতে এক মাইল দূরবর্তী একটা গ্রামে অবস্থান করে । ১৯২৬ সালের মার্চ মাসে মংচিকিৎসাধীনে আসে ।

**পূর্ব ইতিহাস**—(Previous history)—কর্ম্মক্ষেত্রে জলপাইগুড়ি নামক সহরে একমাস অবস্থানের পর জ্বররোগে আক্রান্ত হয়, ঐ জ্বর কম্প দিয়া আসিত এবং ২৪ ঘণ্টা কাল স্থায়ী হইয়া ঘাম দিয়া ছাড়িয়া যাইত । এইরূপে ৪।৫ দিন ভুগিয়া বাড়ী ফিরিয়া আসে । এখানে আসার ৩।৩ দিন পরে পুনরায় জ্বরাক্রান্ত হয়, ঐ জ্বর খুব প্রবল হয় এবং উহার বাকরোধ হইয়া যায় । রোগীর অভিভাবকগণ উহার অবস্থা দেখিয়া ভীত হওয়ায় চিকিৎসার জন্ত আমাকে আহ্বান করে ।

**বর্তমান অবস্থা**—(Present condition)—আমি যাইয়া দেখি রোগীর চর্ম উত্তপ্ত, নাড়ী কোমল ও দ্রুত, মিনিটে ১২০ বার স্পন্দিত হইতেছে, শ্বাসপ্রশ্বাস দ্রুত, মিনিটে ৩০ । গাত্রোত্তাপ ১০৩ ডিগ্রী ফারেনহীট । প্লীহা পাজরের নীচে ৩ আঙ্গুল চওড়া অনুভূত হইল । এতদ্ভিন্ন অণু কোথাও কিছু পাওয়া যায় নাই । রোগী নিজে আমার কোন প্রশ্নের উত্তর দিতে সক্ষম হয় নাই, কথা কহিবার ক্ষমতা লুপ্ত হইয়াছিল বলিয়া কেবল আমার দিকে একদৃষ্টে তাকাইয়াছিল মাত্র ।

**চিকিৎসা**—(Treatment)—রোগীর ম্যালিগন্যান্ট টার্শান জ্বর অনুমান করিয়া তৎক্ষণাৎ নিম্নলিখিত ব্যবস্থামত ঔষধ শিরাপথে ইঞ্জেক্ট করি ।

১। Re.

কুইনাইন বাই হাইড্রোক্লোর	...	১০ গ্রেণ ।
এড্রিনালিন ক্লোরাইড দ্রব (১ : ১০০০)	...	৫ মিনিম ।
পরিষ্কৃত জল	...	১০ সি, সি, ।

এবং নিম্নোক্ত ঔষধ ব্যবস্থা করি,—

২। Re.

হাইড্রোক্লোরিক সালফ	...	৪ গ্রেণ ।
সোডি বাইকার্বোনেট	...	১০ গ্রেণ ।

একত্রে এক পুরিয়া তৎক্ষণাৎ সেব্য ।

৩। Re.

কুইনাইন সালফ	...	৫ গ্রেণ ।
এসিড এন'এম ডিল	..	১৫ মিনিম ।
ম্যাগ সালফ	...	১ ড্রাম ।
টাং ডিজিট্যালিস	...	১৫ মিনিম ।
একোয়া মেম্বপিপ	... এ্যাড	১ আউন্স ।

একত্রে মিশ্রিত করতঃ একমাত্রা । এইরূপ ৪ মাত্রা । প্রতি মাত্রা ৩ ঘণ্টা অন্তর সেব্য ।

উপরোক্ত পুরিয়াটী রোগীর কোষ্ঠ বদ্ধতা নিবারণার্থ দেওয়া হইয়াছিল এবং মিশ্রটী জ্বর দমনার্থ প্রদত্ত হইয়াছিল ।

বেলা নয়টার সময় ইঞ্জেকসন প্রদত্ত হইয়াছিল এবং রাত্রি ১২ টার সময় রোগী বাকশক্তি ফিরিয়া পায় ; তৎসহ উহার গাত্রোত্তাপ হ্রাসপ্রাপ্ত ও কোষ্ঠ সাফ হইয়াছিল ।

মিশ্রটী কিছুদিন পর্যন্ত রোগীকে সেবন করাইবার পর রোগী সুস্থ হইয়াছিল, এবং বর্ধিত প্লীহা হ্রাসপ্রাপ্ত হইয়াছিল ।

**সম্ভব ( Conclusions ) :—** ১। কীটামুগুলির এম্বলি জম ( Embolism of parasites ) মস্তিষ্কের কৈশিক রক্তপ্রণালী মধ্যে আবদ্ধ হওয়ায় বাকশক্তির কেন্দ্রের উপর ( centre of speech ) ক্রিয়াপ্রকাশ করিয়াছিল বলিয়া রোগীর বাকরোধ সংঘটিত হইয়াছিল ।

২। কুইনাইনের শৈরিক প্রয়োগ কীটামুগুলির উপর শীঘ্র ক্রিয়া প্রকাশ করায় রোগী বাকশক্তি পুনর্লাভ করিয়াছিল এবং তৎসহ উহার গাত্রোত্তাপ ও স্বাভাবিক হইয়াছিল ।

৩। যদি ও কুইনাইনের শৈরিক প্রয়োগে আশু সফল পাওয়া যায় তথাপি তৎপ্রদানে শোণিত সঞ্চাপ সর্বেশেষ হ্রাসপ্রাপ্ত হওয়ায় এবং তৎসহ রোগীর সংজ্ঞা ক্রমিক লুপ্ত হওয়ায় এড্রিগ্রালিন ও স্ট্রিক্টনিন সংযোগ সত্ত্বেও উহা অশ্রান্ত রোগীতে ব্যবস্থা করিতে বিশেষ আশঙ্কা হয় । অনেকানেক রোগীতে ব্যবহারের ফলে এইরূপ অভিজ্ঞতা লাভ করিয়াছি ।

৪। এমন অনেক রোগী দেখিতে পাওয়া যায় যাহাদের ঠিক নিয়মমত একাদশী অমবশ্যা বা পূর্ণিমাতে অথবা মাসান্তে জ্বরের পুনরাক্রমণ সংঘটিত হয়, এবিধ রোগীকে নির্দিষ্ট সময়ের কিছুদিন পর পর্যন্তপ মুখপথে কুইনাইন প্রয়োগ প্রয়োজনীয়, নতুবা পুনরাক্রমণ অবশ্যাস্তাবী ।





হাঁপানি পীড়ার দুর্দম্য শ্বাস কষ্ট ।

**Severe Difficulty of Breathing in Asthma.**

লেখক—ডাক্তার শ্রীকৃতার্থ ঘোষ ।

বাইওকেমিক ও হ্যোমিওপ্যাথিক চিকিৎসক ।

কলিকাতা ।

—:~:~:~:—

অন্নদিন হইল আমি, চিকিৎসা-প্রকাশের সুযোগ্য লেখক লক্ষপ্রতিষ্ঠ বাইওকেমিক চিকিৎসক ডাক্তার শ্রীযুক্ত নরেন্দ্রকুমার দাশ, এম, ডি, মহাশয়ের নিকট কিছুদিন থাকিয়া বাইওকেমিক বিজ্ঞান অধ্যয়ন ও আলোচনা করিয়া সম্প্রতি এই বিজ্ঞান অনুযায়ী চিকিৎসা কার্য করিতেছি । আমি বিশেষ আনন্দের সহিত প্রকাশ করিতেছি যে—এই চিকিৎসায় আমার প্রায় সমস্ত রোগীই সুন্দর ভাবে আরোগ্য লাভ করিতেছে । শ্রদ্ধেয় শ্রীযুক্ত নরেন্দ্র বাবুর নিকট বাইওকেমিক চিকিৎসা শাস্ত্র শিক্ষাকালীন প্রতিশ্রুত ছিলাম যে, আমার চিকিৎসিত সমস্ত রোগীর বিবরণই ক্রমশঃ “চিকিৎসা-প্রকাশে” প্রকাশ করণার্থ পাঠাইয়া দিব সেই প্রতিশ্রুতি অনুযায়ী অল্প ১টা রোগীর বিবরণ এই পত্রিকায় প্রকাশ করিতেছি ও অতঃপর আরও প্রকাশ করিব । আশাকরি ইহার দ্বারা আমার সমব্যবসায়ী ভ্রাতৃবৃন্দ উপকৃত হইবেন । বাইওকেমিক বিজ্ঞান যে উৎকৃষ্ট বিজ্ঞান ও সমস্ত ফলপ্রসূ চিকিৎসা তাহা বোধ হয় আর আমাকে বুঝাইয়া দিতে হইবে না । ‘চিকিৎসা-প্রকাশে’ ডাঃ নরেন্দ্র বাবু, শ্রীযুক্তা লতিকা দেবী, ডাঃ বিধুবাবু প্রভৃতি বিজ্ঞ চিকিৎসকগণের বাইওকেমিক চিকিৎসা সম্বন্ধে জ্ঞান-গর্ভ প্রবন্ধাদি গত কয়েক বৎসর হইতে প্রকাশিত হইয়া চিকিৎসা-প্রকাশের গৌরব বৃদ্ধি করিতেছে এবং জ্ঞান-পিপাসু পল্লী চিকিৎসকগণেরও জ্ঞান বৃদ্ধির সুযোগ হইয়াছে । এই জন্ত এই পত্রিকার সুযোগ্য প্রবীণ সম্পাদক শ্রদ্ধেয় শ্রীযুক্ত ধীরেন্দ্রনাথ হালদার মহাশয়কেও আন্তরিক অসংখ্য ধন্যবাদ জ্ঞাপন

করিতেছি। বাইওকেমিক বিজ্ঞান সম্বন্ধে কোনওরূপ আলোচনা আজ পর্য্যন্ত কোনও সাময়িক পত্রিকাতেই হয় নাই, এই বিষয়ে ডাঃ ধীরেন্দ্র বাবুই প্রথম পথ প্রদর্শক।

গত ষে মাসে একদিন রাতে ১টা রোগী দেখিবার জন্ত আহূত হই। রোগীর বয়স ১৬।১৭ বৎসর—ব্রাহ্ম—পুরুষ। কিছুদিন হইতে ত্রংকিয়ান এ্যাজ্‌মার ভুগিতেছে। যখন এ্যাজ্‌মার খাঁস কষ্ট আরম্ভ হয়, তখন নানাবিধ ইঞ্জেকসন ইত্যাদি করার পর ৩৪ ঘণ্টা পরে খাঁস কষ্ট নিবারিত হয়। অতঃপর খাঁসকষ্ট আরম্ভ হইয়াছে। রোগী ইঞ্জেকসন লইতে অনিচ্ছুক হওয়ায় ডাঃ নরেন্দ্র বাবুর নিকট যাওয়া হয় কিন্তু সেদিন তাঁহার শরীর সুস্থ না থাকায় তিনি আমাকেই রোগী দেখিতে পাঠাইয়া দেন। আমি গিয়া দেখিলাম, রোগীর গলার ভিতর যেন এক সঙ্গে অসংখ্য বংশীধ্বনি হইতেছে এবং খাঁস-প্রস্থানে অত্যন্ত যন্ত্রণা হইতেছে। আমি নিম্নলিখিত ব্যবস্থা করিলাম :—

Re.

কেলি ফস্	...	৩x
নেট্রাম যার	...	৬x
ম্যাগ্‌ ফস্	...	৩x প্রত্যেকে ১ গ্রেণ।

একত্রে ১ যাত্রা। এইরূপ ৪ যাত্রা। কিকিং উষ্ণ জল সহ ৫ মিনিট অন্তর সেব্য।

আশ্চর্যের বিষয় যে ১ পুরিয়া সেবনেই রোগী উপশম বোধ করে এবং দুই পুরিয়া সেবনান্তে বেশ সুস্থ বোধ করে ও তৃতীয় পুরিয়া সেবনের পরই রোগী নিদ্রাভিত্ত হইয়া পড়ে। ৪র্থ পুরিয়াটি সেবনের আবশ্যক হয় নাই। আমি বাইওকেমিক ঔষধের এবম্বিধ শক্তি দেখিয়া আশ্চর্য হইয়া গেলাম। ফলে বাড়ীটা আমার বাধা হইয়া গেল।

## শৈশবীয় কোষ্ঠবদ্ধতা।

### (Constipation of Children )

লেখিকা—শ্রীমতী সত্যীকা দাস, L. M. P.

হোমিও ও বাইওকেমিক লেডি ডাক্তার।

— o: o: o —

শিশুদের যতরকম সাংঘাতিক পীড়া হইতে দেখা যায় তাহাদের অধিকাংশেরই মূল কারণ অসুস্থান করিতে গেলে দেখা যায় যে “কোষ্ঠ বদ্ধতাই” উহার প্রথম উৎপাদক কারণ। যত রকম হুঃসাধ্য চিকিৎসা আছে তন্মধ্যে কোষ্ঠ বদ্ধতাও অন্ততম বিশেষতঃ ছোট ছোট শিশুদের।

আক্ষেপ, তড়কা প্রভৃতি যে সব শিশু প্রাণঘাতী পীড়া আমরা প্রায়ই দেখিতে পাই, তাহার কারণও অত্যন্ত কোষ্ঠ বদ্ধতা । পরিষ্কার দাস্ত না কইয়া কোষ্ঠ কাঠিল প্রকাশ পাইলে অল্প মধ্যে আবদ্ধ মল হইতে এক প্রকার বিষের উৎপত্তি হয়—উঠাই অনেক স্থলে আক্ষেপ, তড়কা প্রভৃতির সৃষ্টি করিয়া থাকে ; এই জন্ত শিশুদের তড়কা উপস্থিত হইবামাত্র গ্লিসেরিন দ্বারা পিচ্কারী করিয়া দাস্ত করাইয়া দিবে । এ্যালোপ্যাথিক ইত্যাদি চিকিৎসায় বিরেচক ঔষধাদি দ্বারা কোষ্ঠ পরিষ্কার করা হয়, কিন্তু তাহাতে পীড়ার মূল কারণ নিবারিত না হওয়ায়, পুনঃ পুনঃ কোষ্ঠ বদ্ধতার জন্ত পুনঃ পুনঃ উগ্রবিরেচক ঔষধ ব্যবহার করিতে হয়, ফলে একটি পীড়া আরোগ্য করিতে গিয়া অর্শ প্রভৃতি অল্প পীড়ার সৃষ্টি হইয়া থাকে । এই জন্যই হোমিওপ্যাথিক এবং বাইওকেমিক বিজ্ঞানে পুনঃ পুনঃ উগ্রবিরেচক ঔষধ প্রয়োগ নিষেধ করিয়াছেন । আমাদের বাইওকেমিক ঔষধ ব্যবহারেও কতিপয় দুর্দম্য কোষ্ঠ বদ্ধ পীড়ায় অনতিবিলম্বেই কোষ্ঠ সাফ হইতে দেখিয়াছি তাহারই কথা নিম্নে বর্ণনা করিলাম ।

**প্রকারভেদ ।** কোষ্ঠ বদ্ধ দুই প্রকার স্বাভাবিক ও সাময়িক ।

( ১ ) **স্বাভাবিক কোষ্ঠ বদ্ধ**—ইহাতে মল চিরকালই বদ্ধ থাকে এবং সহজে দাস্ত হয় না ।

( ২ ) **সাময়িক কোষ্ঠ বদ্ধ**—ইহা আহারাদির ব্যতিক্রম বা কোনও পীড়াকালে প্রকাশ পায় ।

**চিকিৎসা** :—কোষ্ঠ বদ্ধ সহ জিহ্বা শাদা ও মলের বর্ণ ফ্যাকাশে এবং যকৃতের ক্রিয়ার বৈলক্ষণ্য ঘটিলে—

কেলিমিউর ... ৬x

৩।৪ গ্রেণ পরিমাণে ২ ঘণ্টাস্তর সেব্য :

**শুষ্ক মল ও মলত্যাগকালে গুহঘোর চুলকাইলে**—নেট্রাম মিউর ৩০x প্রত্যহ ৩ বার সেবনে উপকার হয় । সাইলিশিয়া ৩০x ও নেট্রাম মিউর ৩০x একত্রে ( প্রত্যেকে ৩।৪ গ্রেণ ) মিশ্রিত করিয়া, প্রত্যহ ২ বার সেবন করিতে দিলে বহু পুরাতন স্বাভাবিক কোষ্ঠ বদ্ধতাও নির্দোষ আরোগ্য হইতে দেখা গিয়াছে ।

ছাগ নাড়ির ঝায় ছোট গুটলি মল ত্যাগ হইলে সাইলিশিয়া উত্তম ঔষধ ।

স্বাভাবিক কোষ্ঠবদ্ধতায় কেলি সাল্ফ ৬x দিনে ৩।৪ বার সেবন করিতে দিলে বিশেষ উপকার হয় । ইহা একটি উৎকৃষ্ট ঔষধ । অর্শ রোগীর কোষ্ঠ বদ্ধতায় ক্যালকেরিয়া ক্লোর—১২x প্রত্যহ ২।৩ বার সেবন বিশেষ উপকারী ।

পিত্ত জন্ত কোষ্ঠ বদ্ধতায় নেট্রাম সাল্ফ ১x বা ৬x ও কেলি মিউর ৬x বা ১২x বেশ কার্যকরী ।

অল্প জন্ত কোষ্ঠ বদ্ধতায় নেট্রাম ফস্—৩x, ৬x ও কেলিমিউর ৬x বিশেষ ফলপ্রসূ ।

শৈশবীয় কোষ্ঠবদ্ধতায় কেবলমাত্র নেট্রাম সালফ—১x অধিক মাত্রায় পুনঃ পুনঃ ব্যবহার করিলে অত্যশ্চর্য্যভাবে উপকার হইয়া থাকে । ইহা একটা আশু ফলপ্রদ ঔষধ । ইহা দ্বারা আমি বহু শৈশবীয় কোষ্ঠবদ্ধতা আরোগ্য করিয়াছি ; বিশেষতঃ, মল যেখানে বিবর্ণ, শুষ্ক ও গুটলে হয় । নিম্নে একটা শিশুর দুর্দ্দমা কোষ্ঠবদ্ধতার চিকিৎসা বিবরণ উল্লেখ করিলাম ।

কোষ্ঠবদ্ধ পীড়ায় নানাবিধ ফলমূলাদি সুপথ্য । কিশমিস, খেজুর বেশ ভাল পথ্য । কিশমিশ বা খেজুর, দুখে সিদ্ধ করিয়া চটকাইয়া উক্ত দুগ্ধ পান করিতে দিলে বিশেষ উপকার হয় । বাসি পেটে অন্নরসযুক্ত ফল যথা অর্দ্ধপক বা টক কমলা, লেবু, বাতাপি ইত্যাদি খাওয়া ভাল ।


মাংসাদি কুপথ্য । প্রাতে: শয্যা হইতে উঠিয়াই ১ গেলাস ( অস্ততঃ অর্দ্ধসের ) শীতল জল পান করিলে উপকার হয় । আলস্য পরাঙ্গণ ব্যক্তিদিগের এই পীড়া হইবার বিশেষ সম্ভাবনা । আলস্য ত্যাগ করিয়া ব্যায়াম করিবে । প্রাতে: শয্যা হইতে উঠিয়াই মুক্ত বায়ুতে জোরে জোরে কিছুক্ষণ হাঁটা উপকারী । শীতল জলে প্রত্যহ প্রাতে: স্নান উপকারী । উগ্রবিরেচক ঔষধ ব্যবহার নিষিদ্ধ—তাহাতে উপকার না হইয়া অপকারই হয় ।

**চিকিৎসিত রোগী ।** ২ বৎসরের ১টা শিশু কন্যা । ৩৪ দিন অস্তর সোপ. সাপোজিটারী দ্বারা দাস্ত করাইতে হইত । মল শুষ্ক ও কঠিন গাড়া । সাপোজিটারী ব্যতীত দাস্ত কিছুতেই হইত না ।

**ব্যবস্থা ১—**নেট্রাম সালফ ১x=১০ গ্রেণ কিঞ্চিৎ দুগ্ধসহ ৩ ঘণ্টাস্তর সেব্য । ১ মাত্রা সেবনের ১ ঘণ্টা পরেই সরল ও সহজ দাস্ত হয় । অতঃপর প্রত্যহ প্রাতে ৫ গ্রেণ করিয়া সেব্য । ইহাতে প্রত্যহই নিয়মিতভাবে ১—৩ বার দাস্ত হইত । ১০ দিন সেবনের পর সপ্তাহে কিছুদিন ৩বার করিয়া ব্যবস্থা করিলাম ও অতঃপর একেবারেই ঔষধ বন্ধ করিয়া দিলাম । শিশুটির দুই বৎসরের পুরাতন স্বাভাবিক কোষ্ঠবদ্ধতা, একেবারেই সারিয়া গিয়া এখন বেশ সুস্থ আছে । আশ্চর্য্য নহে কি ?

**পথ্যাদি ১—**সাণ্ড বা শটী সহ টাটকা গাভীর দুগ্ধ ।

এই ব্যবস্থায় আমি অনেকগুলি শৈশবীয় কোষ্ঠবদ্ধতা আরোগ্য করিয়াছি । সমব্যবসায়ীগণকে পরীক্ষা করিয়া দেখিতে অনুরোধ করি ।







## হোমিওপ্যাথিক অংশ।

২০শ বর্ষ।

১৩৩৪ সাল—শ্রাবণ।

৪র্থ সংখ্যা

### হোমিওপ্যাথিক ঔষধের সংমিশ্রিত শক্তি।

লেখক—ডাঃ শ্রীনরেন্দ্রকুমার দাশ M.D. (M.H.M.C.)

M.C.P & S. M.R.I.P.H. ( Eng ) ভিষক রত্ন।

( পূর্বে প্রকাশিত ২য় সংখ্যার ( জ্যৈষ্ঠ ) ৯৯ পৃষ্ঠার পর হইতে )

—o:\*:o—

ইতিপূর্বে হোমিওপ্যাথিক ঔষধের সংমিশ্রিত শক্তির উপকারিতা প্রদর্শনার্থ কয়েকটি রোগীর চিকিৎসা বিবরণ উল্লেখ করিয়াছি। আর একটি রোগীর চিকিৎসায় এইরূপ একাধিক হোমিওপ্যাথিক ঔষধ একত্র প্রয়োগ করিয়া যে রূপ উপকার লাভ করিয়াছি, অল্প তাহা উল্লিখিত হইতেছে।

রোগিণী। পার্শ্বত্যা মহিলা, বয়স ২৫।২৬ বৎসর। প্রসবের পর হইতে প্রায়ই নিম্নোদরে বেদনা বোধ করিতেন। সম্প্রতি এই বেদনা অত্যধিক বৃদ্ধি পায়, জরায়ু শক্তমত, অন্ন অন্ন রক্তাভ শ্রাব সর্বদাই হইতেছে। কোমরে অত্যন্ত বেদনা। জ্বর নাই। শিরঃপীড়া অত্যধিক। রোগিণীর স্বামী আমিয়া এই সমস্ত ইতিহাস বলিয়া হোমিওপ্যাথিক ঔষধ চাহিলেন। রোগিণীকে দেখিবার সুযোগ হইল না, অথচ এই সমস্ত লক্ষণও ঔষধ নির্বাচনের পক্ষে যথেষ্ট নহে। অনেক চিন্তার পর নিম্নলিখিত ঔষধ দিলাম :—

Re.

এপিস মেল—৩০।

একোনাইট—৬।

প্রত্যেকে ১ ফোঁটা করিয়া।

একত্রে ১ মাত্রা। দিনে ৩বার সেব্য।

আশ্চর্যের বিষয় এই ঔষধেই রোগিণীর সর্ববিধ লক্ষণ ২৪ ঘণ্টার মধ্যে অন্তর্হিত হয় । ৪।৫ দিন মধ্যেই রোগিণী সম্পূর্ণ সুস্থ হইয়া উঠেন । প্রায় একমাসের উপর হইল আর কোনও লক্ষণই প্রকাশ পায় নাই ।

## বিবিধ রোগের প্রত্যক্ষ ফলপ্রদ ঔষধ ।

লেখক—ডাঃ শ্রীপ্রভাসচন্দ্র বন্দ্যোপাধ্যায় ।

হোমিওপ্যাথিক চিকিৎসক । মহানাদ—ভূগলী ।

( পূর্বে প্রকাশিত ৩য় সংখ্যার ( আঘাট ) ১৫৬ পৃষ্ঠার পর হইতে )

### আক্ষিপিক কলেরায়—কুপ্রাম ।

এই সময়ের মধ্যে একবারও বাহ্যে বমি হয় নাই, রাত্রি ৪ টার সময় একবার বাহ্যে যাইবে বলে, কিন্তু বাহ্যে যায় নাই, পিপাসা খুব এবং শূল বেদনার ন্যায় পেটের যাতনা অত্যন্ত অধিক হইতে থাকে, এমন কি মাঝে মাঝে যাতনায় জ্ঞান হারায় ।

অর্ধ মাইল দূরে বেজপাড়ায় একটা রুমণী কয়েকদিন হইল কলেরা রোগে মারা গিয়াছে । এবং পার্শ্ববর্তী গ্রামেও এই সময় কলেরা দেখা গিয়াছে, একারণে সকলেই ভয়ে বিগত বদন, স্ফুর্তিহীন । বিপদের রাত্রি যেন প্রভাত হইতেও বিলম্ব হয় । কোনও রূপে ২৮শে মাঘের রাত্রি প্রভাত হইয়া গেল । ইপিকাকের উপর আর নির্ভর করিতে পারিলাম না, তখন কুপ্রামের শরণাপন্ন হইলাম । ৩ মাত্রা কুপ্রাম মেটাসিকম্ ৬, ১ ঘণ্টাস্তর বেলা ১১টা পর্য্যন্ত খাওয়াইয়া খবর দিতে বলিয়া আসিলাম ।

১১।০টায় খবর আসিল—রোগিণী সেইরূপই আছে, তবে পেটের বেদনা এখন খানিক পরে পরে হইতেছে, ভেদ দুইবার হইয়াছে, বমি আর হয় নাই, প্রস্রাব হয় নাই । রোগিণীর অবস্থা শুনিয়া তখন দুই মাত্রা কুপ্রাম ও দুই মাত্রা আন্মেডিকটেড্ ঔষধ সন্ধ্যা পর্য্যন্ত অল্টারনেটলি খাইতে দিলাম ।

সন্ধ্যার পূর্বে পুনরায় রোগিণীকে দেখিলাম ; শুনিলাম সকাল হইতে মোট ৪ বার মাত্র ভেদ হইয়াছে, বেলা ৪ টায় শেষবার বাহ্যে যাইবার সময় প্রস্রাব হইয়াছে, অন্যান্য অবস্থা পূর্ববৎ, পিপাসা ও পেট বেদনা সামান্য কম, মাথায় যাতনা হইতেছে, একটু জ্বর হইয়াছে । রাত্রে জ্বনা দুই মাত্রা কুপ্রাম ও দুই মাত্রা আন্মেডিকটেড্ ঔষধ দিয়া আসিলাম ।

১ জা ফাঙ্কুন প্রাতে: সংবাদ পাইলাম রাত্রিতে একবার বাহ্যে হইয়াছে, প্রস্রাবও হইয়াছে, পেটের যাতনা অল্প আছে । আজ সন্ধ্যা পর্য্যন্ত খাইবার জন্য ৬টা অনৌষধি

পুরিয়া দিলাম । অল্প সন্ধ্যার সময় একবার দেখিতে যাইবার জন্য অনুরোধ করিতে লাগিল, কণ্ঠ প্রাতে যাইব বলিয়া সে দিনে আর গেলাম না, এক মাত্রা সালফার ৩০ আর তিন মাত্রা অনৌষধি পুরিয়া দিলাম । ২রা প্রাতেঃ যাইয়া শুনিলাম—১ম মাত্রা ঔষধ ( সালফার ) সন্ধ্যার পরেই খাওয়ান হইয়াছিল এবং তাহার পর হইতেই রোগিনীর আর কোন অস্থি নাই । আজ অত্যন্ত ক্ষুধা, রোগিনী মাগু বালি কখন খায় না । ইতিপূর্বে কেবল একটু এরাফট ও কমলা লেবু খাইয়া আছে । অল্প গন্ধ ভেদলিয়ার ঝোল ও এরাফট দিয়া পরদিন ৩রা ফাগুনেই অন্ন পথ্য দেওয়া হইল, কারণ ৪টা পূর্ণিমা তিথি ।

২য় রোগী ।—বিগত ৩রা বৈশাখ ( ১৩৩৪ ) তারিখে রাত্রি ১১টার সময় রহিমপুরের জনৈক ব্যক্তি আসিয়া আমার নিকটে উপস্থিত হয় এবং তাহার স্ত্রীর সন্ধ্যার সময় হইতে বাহো বমি হইতেছে বলে । তখনই যাইতে হইল । বাড়ীর মধ্যে প্রবেশ করিতেছি এমন সময় রোগিনীর ঘর হইতে কোন স্ত্রীলোক বলিতেছে—“এর আর আছে কি, হাত পা একেবারে বরফ হইয়া গিয়াছে, তোমরা এতক্ষণ ডাক্তার আন নাই কেন, ওনার ত জিনিষ ( অলঙ্কার ) আছে, তা' দাখা দিয়েও ডাক্তার আনিতে পারিতে ?” আমি তখন ধীরে ধীরে রোগিনীর গৃহে প্রবেশ করিলাম ।

বর্তমান অবস্থা । শুনিলাম রোগিনীর বহুবার ভেদ ও বমন হইয়াছে দেখিলাম এক্ষণে কোলাপ্স অবস্থা, নাড়ী নাই, প্রস্রাব বন্ধ হইয়া গিয়াছে, অদম্য পিপাসা, পেটে ও হাতে পায়ে খাল ( cramps ) ধরিতেছে । ইহাই আক্ষেপিক ( Spasmodic ) কলেরা । বাড়ীর সকলেই নির্ঝাক ও হতভম্ব । আমি সকলকে ভরসা দিয়া বলিলাম—এ রোগে এই রকমই হইয়া থাকে, ইহার জন্ত কোন চিন্তা নাই,—২৩ দিন মধ্যে ভাল হইয়া যাইবে । কুপ্রাম-মেটা ৬ষ্ঠ শক্তির দশটা পুরিয়া প্রতি অর্ধ ঘণ্টা অন্তরে খাওয়াইতে বলিয়া আসিলাম ।

পরদিন প্রাতেঃ দেখিলাম—নাড়ীর স্পন্দন পাওয়া যাইতেছে, রাত্রে কেবল দুইবার মাত্র বাহো হইয়াছে, বমি হয় নাই, খালধরা কম, প্রস্রাব হয় নাই । এক ঘণ্টা অন্তর খাওয়াইবার জন্ত আট পুরিয়া কুপ্রাম-মেটা দিয়া আসিলাম ।

সন্ধ্যার সময় খবর আসিল—বেলা ৪টার সময় প্রস্রাব হইয়াছে, সমস্ত দিনে তিনবার বাহো হইয়াছে, অস্তান্ত অবস্থা অপেক্ষাকৃত ভাল । এই দিন রাত্রে আর দুই মাত্রা কুপ্রাম-মেটা দিয়াছিলাম ।

৫ই তারিখে রোগিনীর সকল বিষয়ে অবস্থা ভাল দেখিলাম । ইহার পর হইতে কেবল অনৌষধি পুরিয়া খাইতে দিয়াছিলাম এবং ৭ই তারিখে অন্নপথ্য দেওয়া হইয়াছিল । এই রোগিনীকে একমাত্র কুপ্রাম-মেটা ব্যতীত অন্য ঔষধ দিতে হয় নাই ।

( ৫০ ) বিউবোতে হিপার-সালফার ।

হিপার সালফার মিত্য প্রয়োজনীয় মহৌষধ । হিপার সালফার ৬ষ্ঠ শক্তি প্রত্যহ

৪ মাত্রা সেবন করিলে ২।৩ দিনে যে কোনপ্রকার ফোটকাদি পাকে এবং হিপার সালফার ২০০ শক্তি একমাত্রা সেবনে বসিয়া যাইতে পারে।

. মহানাদের জনৈক চিকিৎসকের ভ্রাতা একদিন অতি কষ্টে আমার নিকটে আসিয়া বলে—“দাদা, আমি মহাপাপী, অতি অন্যায় কার্য করিয়াছি, বেশ্যা সংসর্গের ফল হাতে হাতে পাইয়াছি, আমার পুরুষাঙ্গে ক্ষত হইয়াছে ও ক্ষতস্থান পচিয়া যাইতেছে, আর দক্ষিণ দিকে একটা বাঘী হইয়াছে, ডাক্তার \* \* বাবু দেখিয়া বলিয়াছেন বাঘীটা পাকিয়াছে ও অপারেশন করিতে হইবে। এক্ষণে আমি ভীত ও নিরুপায় হইয়া আপনার নিকটে আসিয়াছি, আপনি দয়া করিয়া আমাকে বাঁচান।” কয়েকটা কারণে আমি উপদংশের চিকিৎসা তখন করিতাম না।

তাহাকে বলিলাম—“সিফিলিসের চিকিৎসা আমার কাছে ভাল হয় না। তবে আমি তোমার বাঘীটা ভাল করিয়া দিতে চেষ্টা করিব, কিন্তু পুরুষাঙ্গের ক্ষত আরোগ্যের জন্য তোমাকে অন্য চিকিৎসকের শরণাপন্ন হইতে হইবে। আমি জানি আমার ছাত্র ডাঃ জয় গোপাল ঘোষ ঐ রোগের এক প্রকার দেশীয় ঔষধ জানে, তাহা এক রকম গাছের পাতা, ঐ পাতা চিবাইয়া ক্ষতের উপর লাগাইলে, ক্ষতে আটকাইয়া যায় এবং তিন দিন পরে ক্ষত শুষ্ক হইয়া আপনিই উঠিয়া যায়, তাহাকে আনিতে পারিলে তুমি ভাল হইতে পার। সে বর্তমান জেলায় মোবারকপুর নামক গ্রামে চিকিৎসা করে।” রোগী আমার দুইটা পা জড়াইয়া ধরিয়া বলিল “আপনি অনুগ্রহ করে তাঁহাকে একখানি পত্র লিখুন।” আমি তখনই জয়গোপালকে পত্র পাইবা মাত্র আসিতে লিখিলাম এবং রোগীকে তাহার পীড়ার অবস্থা না দেখিয়াই এক মাত্রা হিপার সালফার ২০০ খাইতে দিলাম। পরদিন যথা সময়ে জয়গোপাল আসিল, রোগীও আসিল। জয়গোপাল সেই ক্ষত স্থানে পাতা চিবাইয়া লাগাইয়া দিল, আমি আর ঔষধ দিলাম না—কেবল অনৌষধি পুরিয়া দিতে লাগিলাম। ৩।৪ দিন পর তাহার ক্ষত ও বাঘী আরাম হইয়া গিয়াছিল। পাকা বাঘী ফুটিল না একমাত্রা হিপার সালফার সেবনে আশ্চর্যরূপে বসিয়া গেল। পুরুষাঙ্গের ক্ষত ও হিপার সালফার আরোগ্য করিল কিনা তাহা বলিতে পারি না, কারণ হিপার-সালফার সিফিলিসের খুব ভাল ঔষধ হইলেও উহা জয়গোপালের গাছের পাতাতেই ভাল হইয়াছে বলিয়া আমার বিশ্বাস, বিশেষতঃ এ চিকিৎসাটা ভাগাভাগি রকমেই হইয়াছিল। অতঃপর বাধ্য হইয়া আমাকে কতকগুলি সিফিলিসের রোগীর চিকিৎসা করিতে হইয়াছে। কারণাধীন চিকিৎসা না করার দরুণ পূর্বে সিফিলিসের ঔষধাদি জানিবার সম্বন্ধে আমার কিছুমাত্র আগ্রহ ছিল না এবং সেই কারণেই জয়গোপালের ঐ গাছটা কি, তাহা শিখি নাই। জয়গোপাল মারা গিয়াছে, ঐ ঔষধটা জানিয়া না লওয়ার জন্য আমার এখন দুঃখ হয়।

## ( ৩৪ ) সিফিলিসে—নাইট্রিক এসিড ।

সন ১৩১৫ সালে সারটেন গ্রামে একটা য়াঙ্কেল-জয়েন্টের গ্যাংগিন রোগীর চিকিৎসার জন্ত আমি দ্বারবাসিনী ষ্টেশনে প্রায়ই যাতায়াত করিতাম । ঐ সময়ে একজন উড়িয়া দ্বারবাসিনী ষ্টেশনে পয়েন্টস্ম্যানের কার্য করিত । ষ্টেশনের পূর্বদিকে রেল লাইনের ধারে তাহার একখানি মেটে ঘর ছিল । উক্ত ব্যক্তির একটা ২৭৯৮ বৎসর বয়স্ক পুত্র কলিকাতায় থাকিত এবং তথায় বেঞ্জা সংসর্গে সিফিলিস রোগে আক্রান্ত হয় । সেখানে সেবা শুশ্রূষার লোক না থাকায় তাহার পিতা দ্বারবাসিনীতে নিজের নিকটে লইয়া আসে এবং যথাসাধ্য চিকিৎসার ব্যবস্থা করে । কিছুতেই আরোগ্য না হওয়ায় একজন দেশীয় চিকিৎসক তাহার “মুখ আনা” । “মুখ আনা”র পর ঐ রোগীর এরূপ অবস্থা ঘটে যে, রোগ ত আরাম হয়ই না অথচ রোগীর আর উঠিয়া দাঁড়াইবার শক্তি থাকে না । রোগীর পিতা তখন একদিন তাহার পুত্রকে দেখিবার জন্য আমাকে লইয়া যায় । আমি তাহাকে উঠিতে বলায় সে দেয়াল ধরিয়া দাঁড়াইতে যথেষ্ট চেষ্টা করিল, কিন্তু কৃতকাৰ্য্য হইতে পারিল না । আমি তাহাকে নাইট্রিক এসিড্ ২০০, খাইতে দিই এবং তাহাতে সে ৮১০ দিনের মধ্যে সম্পূর্ণ আরোগ্যলাভ করে । আমি আরও কতকগুলি সিফিলিসের রোগীকে বিশেষতঃ যাহাদিগকে কাঁচা পারা খাওয়াইয়া “মুখ আনা” হইয়াছিল তাহাদিগকে নাইট্রিক এসিড খাওয়াইয়া সফল ফল প্রাপ্ত হইয়াছি । তদবধি ঐ প্রকার রোগীতে আমি সর্বাগ্রে নাইট্রিক এসিড্ প্রদান করিয়া থাকি ।

## ( ৩৫ ) পাইলস্ বা অর্শে—নক্সভমিক ।

কতকগুলি রোগ আছে, যাহা সারে না—জীবনান্ত ভোগ । আর কতকগুলি রোগ আছে, যাহা সারিয়াও সারে না—ভাল হইয়া আবার হয় । অর্শ রোগটা শেষোক্ত শ্রেণীভুক্ত । পিতা মাতার এই রোগ থাকিলে সন্তানেরও জন্মিতে পারে । অন্তর্কলি (Internal Piles) ও বহির্কলি (External Piles), বলি ভেদে অর্শ রোগ দুই প্রকার । যে প্রকার অর্শই হউক, রক্তস্রাবী, আমস্রাবী ও অস্রাবী অবস্থা ভেদে এই তিন প্রকার নামকরণ হইয়া থাকে । কাহারও অত্যন্ত যন্ত্রণা হয়, কাহারও হয় না । কোন কোন অর্শরোগী দণ্ডায়মান হইয়া মলত্যাগ করে । অধিকাংশ রোগীতে নক্সভমিকায় অতি শীঘ্র সফল প্রাপ্ত হওয়া যায় ।

দ্বারবাসিনীর ষ্টেশন মাষ্টার বাবুর অর্শের পীড়া আছে । তাঁহার অন্তর্কলি, মলত্যাগ কালে যাতনা হয় না, কিন্তু অত্যন্ত রক্তস্রাব হয় । বসিয়া আছেন, হয়ত খানিকটা রক্তস্রাব হইয়া কাপড় ভিজিয়া গেল । কোমরে বেদনা হয় এবং মলদ্বার চুলকায় । আমি একবার নক্সভমিকায় ২০০ এক মাত্রা খাইতে দেওয়ায়, সেইদিনেই রোগ ভাল হইয়া যায় । তাহার পর আবার যখন ঐ পীড়া দেখা দেয়, তখনই আমার নিকট হইতে ঔষধ লয়েন এবং অতি বিনীতভাবে প্রার্থনা করেন—“যেন সেই ঔষধটা দেওয়া হয়” ।



## ( ৩৬ ) অর্শরোগে—ইন্ডিউলস্।

মহানাদ গ্রামে একটি টাইফয়েড রোগীর চিকিৎসা করিয়া সুপ্রসিদ্ধ হোমিওপ্যাথিক চিকিৎসক শ্রীযুক্ত মহেন্দ্র নাথ ভট্টাচার্য মহাশয় স্বয়ং টাইফয়েড ফিবারে সাংঘাতিকভাবে আক্রান্ত হইলেন ( ১৩৩২ সালের চৈত্র সংখ্যা চিকিৎসা প্রকাশ দ্রষ্টব্য )। তিনি আরোগ্য হওয়ার পর একদিন আমাকে বলেন—“আমার রেক্টামের ভিতরে যেন কাঠের টুকরা রহিয়াছে এবং সেই স্থান খচ, খচ, করিতেছে।” একমাত্র ইন্ডিউলস-হিপোক্যাষ্টেনস্ ৩০শ খাইতেই তাঁহার ঐ প্রকার কষ্ট বিদূরিত হইয়াছিল। মলদ্বারের অভ্যন্তরে খচ, খচ, করা ইন্ডিউলসের একটি বিশিষ্ট লক্ষণ (Peculiar Symptom)।

## ( ৩৭ ) পরিবর্তনশীল বেদনাস্ন—পালসেটিলা।

১৩৩৩/১৩ই ফাল্গুন মহানাদ নিবাসী পাঁচু ছলে ইফুরস জাল দিবার বা গুড় প্রস্তুত করিবার চুল্লি খনন করিতে করিতে বৃকে ঠাণ্ডামের উপরে একটা বেদনা অনুভব করে। রাত্রে বেদনা বাড়ে, এবং পরদিনে প্রাতে উহা ফিক্বেদনা অনুমান করিয়া এক ব্যক্তির নিকটে ঝাড়িয়া লয়। তাহাতে ঐ স্থান হইতে বেদনা দক্ষিণ স্তনের উপরে যায়। ২।৩ঘণ্টা বাদে সেই বেদনা পৃষ্ঠদেশে পেকোর বা স্ক্যাপুলার উপরে যায়, আবার কতক সময় পরে তথা হইতে দক্ষিণ স্কন্ধের উপরে অনুভূত হয়। আবার সন্ধ্যার সময় সেই ব্যথা প্রথম উৎপত্তির স্থানে আসিয়া আটকাইয়াছে, নিশ্বাস ফেলিতে ও কাশিতে অত্যন্ত লাগিতেছে। সন্ধ্যার পর পাঁচু আর একজন ওঝার কাছে ঝাড়িতে যাইতেছিল। এমন সময় তাহার পিতা আমার নিকটে ঔষধ খাইতে পরামর্শ দেয়, কারণ কোনও সময়ে তাহার ঐ প্রকার “চলতি ব্যথা” আমার ঔষধ খাওয়াতেই সারিয়াছিল। সে কারণে পাঁচু আমার নিকটে রাত্রি ৭। টার সময় আসিয়া উপরোক্ত অবস্থা বর্ণনা করে। আমি রাত্রে খাইবার জন্ত দুই মাত্রা পালসেটিলা ৩০, খাইতে দিই, তাহাতে বেদনা অনেক কম পড়ে। পরদিনে আর দুই মাত্রা পালসেটিলা দেওয়াতেই তাহার বেদনা ভাল হইয়া যায়। পরিবর্তনশীল প্রকৃতি বিশিষ্ট যে কোন রোগে পালসেটিলা অদ্বিতীয় মহৌষধ।

## ( ৩৮ ) গর্ভাবস্থার প্রথম ভাগে—এপিস্।

১৩৩৩। ফাল্গুন মাসের “চিকিৎসা-প্রকাশ”এ গর্ভাবস্থার প্রথমভাগে বা চারি মাস পর্যন্ত গর্ভাবস্থার এপিস-মেলিকিয়ার ব্যবহারের কথা লিখিত হইয়াছে। কিন্তু কোনও একখানি মেট্রিয়া মেডিকায় ঠিক এই কথা লিখিত আছে,—“সাবধান, এপিসের জরায়ুর উপর ক্রিয়া থাকায় গর্ভাবস্থার বিশেষতঃ তিন চারি মাসের গর্ভবতীকে কোন রোগেই এপিস্ দিবে না।” কিন্তু একথা ঠিক নহে, অন্তত এপিস সৰ্ব্বদে ঐরূপ কোন নিবেদন বাক্য নাই এবং গর্ভের প্রথম ভাগে বিশেষতঃ, দ্বিতীয় ও তৃতীয় মাসে গর্ভাব নিবারণ জন্ত সুস্পষ্ট ভাবেই এপিস প্রয়োগের ব্যবস্থা আছে। এপিস ঔষধটি এপিয়াম্ ভাইরাস ( Apium Virus ) নামক এক প্রকার মধু মক্ষিকার ছলের সংলগ্ন সূত্র স্থলীমধ্যে অবস্থিত বিষ হইতে



প্রস্তুত হয় । আমেরিকার একটি ১২ বৎসরের বালিকার উদরী ও চক্ষে জল সঞ্চয়ের পীড়ায়, তথাকার আদিম নিবাসী একটি জীলোক কতকগুলি মোমাছিকে অগ্নির উত্তাপে মারিয়া, তাহার চূর্ণ মিষ্ট রসে মিশ্রিত করিয়া প্রাতে ও সন্ধ্যাকালে খাইতে দেওয়ায় শীঘ্রই বালিকাটি রোগমুক্ত হইয়াছিল । তদৃষ্টে সুপ্রসিদ্ধ ডাঃ হেরিং সাহেব মোমাছির পরীক্ষা ( Proving ) করেন । মোমাছির বিষ সেবনে বা দংশনে কাহারও প্রাণহানি হইতেও শুনা যায় নাই । গর্ভাবস্থার প্রথমভাগে প্রায়ই এপিসের লক্ষণ প্রকাশিত হইয়া থাকে । আমি ঐ মেটরিয়াম মেডিকা পড়িবার পূর্বে ও পরে বহু রোগিণীকে ঐ ঔষধ প্রয়োগ করিয়াছি, কিন্তু কোনও স্থানে উহার অপকারিতা বা অকার্যকারিতা দেখিতে পাই নাই, সুতরাং এপিসের লক্ষণ পাইলে তাহা নিঃসন্দেহেই প্রয়োগ করা যাইতে পারে এবং তাহাই অবশ্য কর্তব্য ।

১৩১৯ সালের কার্তিক মাসে রহিমপুরের মুফেজুদ্দিন সরকারের স্ত্রীর জ্বর হওয়ায়, তাহার চিকিৎসার জন্ত আমাকে যাইতে হয় । ৫৬ দিন জ্বর হইতেছে, সকালে জ্বর থাকিত না, আজ দুই দিন জ্বর ছাড়ে নাই, বৈকালে ৪ টার সময় জ্বর বাড়ে, খুব শীত করে, শীতাবস্থায় পিপাসা হয়, গা বমি বমি করে, ঘাম হয় না, গা জালা করে, রৌদ্রতাপ ভাল লাগে না, কোষ্ঠবদ্ধ, স্নান করিতে চায় । আমি সন্ধ্যার পূর্বে ১০৩ ডিগ্রী জ্বর পাইয়াছিলাম । হাত দেখিবার সময় হাতটা ঠাণ্ডা বোধ হইয়াছিল । রোগিণীর হিষ্টিরিয়া আছে । গর্ভবতী কিনা জিজ্ঞাসা করায় রোগিণীর স্বামী উত্তর করিল—“বোধ হয়—না ।” এই সকল লক্ষণ দেখিয়া আমি এপিস ৬ খাইতে দিই এবং তাহাতেই রোগিণীর জ্বর আরোগ্য হয় । ইহার অল্পদিন পরেই একদিন রোগিণীর স্বামী গর্ভাবস্থা স্বীকার করে এবং ৬৭ মাস পরে বৈশাখ মাসে তাহার তৃতীয় পুত্রটি ভূমিষ্ট হয় । আবার এক সময়ে ঐ রোগিণীর জ্বর চিকিৎসার জন্ত আহত হইয়াও ঐ প্রকার লক্ষণাদি দেখিয়া এপিস প্রয়োগ করি । এবারে গর্ভবতী কিনা জিজ্ঞাসা করায়, রোগিণীর স্বামী উত্তর করে—“যখন আপনার সন্দেহ হইতেছে, তখন হয়ত উহা ঠিক ।” ঐ ঔষধে রোগিণী সেবারেও আরোগ্য হইয়াছিল এবং ৬৭ মাস পরে চতুর্থ পুত্র জন্ম গ্রহণ করে ; কিন্তু রোগিণী বা সন্তান দুয়ের কাহারও কোন অনিষ্ট হয় নাই ।

### ( ৩৯ ) গর্ভাবস্থার শেষভাগে—সিপিয়া ।

গর্ভাবস্থার শেষ ভাগের পীড়ায় সিপিয়া নামক ঔষধ গর্ভিনীর যে কিরূপ মহোপকার সাধন করে, তাহা নিম্নলিখিত রোগী-তত্ত্বে পরিষ্ফুট হইবে ।

হারবাসিনীর জনৈক বস্ত্র ব্যবসায়ীর দ্বিতীয় পক্ষের স্ত্রীর চিকিৎসার্থ আমার ডাক হয় । রোগিণীর ইহাই প্রথম গর্ভাবস্থা, এবং ৮ মাস অন্তঃসত্ত্বা, প্রায় মাসাধিক কাল হইতে জ্বর হইয়াছে, একেবারে শয্যাগত, এলোপ্যাথি ও কবিরাজি চিকিৎসা হইয়াছিল কিন্তু জ্বর ছাড়েনা, অবশেষে আমাকে লইয়া যায় । ৮ মাস গর্ভবতী শুনিয়াই আমি তাহাকে সিপিয়া দিতে মনস্থ করি । কেবল তাঁহাদের মনস্তট্টির জন্ত রোগিণীর পীড়ার অবহাদি

শ্রবণ ও পর্যবেক্ষণ করি। রোগিণীর জ্বর ১০৪ ডিগ্রী পর্যন্ত বৃদ্ধি হয়, পেটের ভিতর গরম অনুভূত হয়, সময় সময় পেটে যেন তাল পাকাইতে থাকে, তলপেটে বেদনা, বগলে ঘর্ষ হয়, প্রাতেঃ বমি হয় এবং খাওয়া বস্তুর প্রতি দৃষ্টিপাত করিলেও বমনোদ্বেক হয়, সেকারণে কিছু খাইতে চাহে না, প্রস্রাব অত্যন্ত দুর্গন্ধযুক্ত ও লালবর্ণ। এই সকল লক্ষণ সিপিষাই নির্দেশ করে, সুতরাং সিপিষাই দিতে আর আমার সন্দেহ রহিল না। প্রথমে একমাত্রা নল্ল ভমিকা ২০০ খাইতে দিয়া দুই দিনের জন্ত কয়েক মাত্রা সিপিষাই ৩০শ দিয়া আসিলাম। তৃতীয় দিনে আবার ডাক হইল, কিন্তু বাইয়া দেখি রোগিণীর আর কোন অসুখ নাই। গতকল্য হইতে জ্বর ছাড়িয়া গিয়াছে, বাহে হইয়াছে, পেটের যন্ত্রণাদি কিছু নাই। অল্প অত্যন্ত ক্ষুধা হইয়াছে। রোগিণীর অভিভাবককে জিজ্ঞাসা করিলাম—“রোগিণী ভাল হইয়াছেন, পুনরায় আমাকে ডাকিলেন কেন?” তিনি বলিলেন—“আর একবার না দেখিলে কি হয়, এইবার আমরা নিশ্চিন্ত হইতে পারিলাম।”

### ( ৪০ ) প্রসবান্তে উদরাময়ে—আর্নিকা।

আর্নিকা-মণ্টনা নামক ঔষধটি আমাদের যে কত মহোপকার সাধন করে, কত প্রকার কঠিন রোগে ব্যবহৃত হয়, তাহা ক্রমে ক্রমে বিভিন্ন রোগী-তত্ত্বে প্রকাশিত হইবে। প্রসবের পরক্ষণেই প্রসূতীকে আর্নিকা ৩য় শক্তি সেবন করাইলে পিউয়ারি প্যারেল ফিবার প্রভৃতি রোগের আক্রমণ রোধ করে, প্রসবের পর যাবতীয় কষ্ট বিদূরিত হয়, হাঁতলের বা ভাদালিয়া বেদনা ( After-pains ) আরোগ্য করিতেও আর্নিকার প্রভূত ক্ষমতা আছে। প্রসবান্তে ফুল পড়ার পর রক্তস্রাব এবং প্রসব সম্বন্ধীয় ভবিষ্যৎ উপসর্গাদি আর্নিকা প্রয়োগে নিবারিত হয়, প্রসবান্তিক উদরাময়ে আর্নিকা সুনির্দিষ্ট মহোষধ।


বিগত ৮ই কার্তিক ( ১৩৩৩ ) পরক্ষপূর্বের \* \* কুম্ভকারের মাতা নিজের জ্বরের জন্ত আমার নিকটে ঔষধ লইতে আসে। ঔষধ লওয়ার পর আমাকে জানায় যে, গত ভাদ্র মাসের শেষভাগে তাহার একটা কণ্ঠার অষ্টম মাসে সন্তান প্রসব হয়, সন্তানটী মারা যায় এবং প্রসবের পর হইতে প্রসূতী পীড়িত হয়। নানারূপ চিকিৎসা করিয়াও তাহার জ্বর ও পেটের পীড়া সারে নাই। প্রত্যহ ১০।১২ বার ভেদ হয় এবং জ্বরও ছাড়ে না, আজ প্রায় দুই মাস পেটে অন্ন নাই—একরূপ অনাহারেই আছে। আমি তাহার জন্য দুই দিনের ঔষধ—**শল্লভমিকা ২০০ একমাত্রা এবং আর্নিকা ৩০ সাত মাত্রা** দিয়াছিলাম। **তৃতীয় দিনে** খবর আসে—গতকল্য হইতে জ্বর ছাড়িয়া গিয়াছে এবং বাহেও বায়ে অনেক কম হইয়াছে। পুনরায় দুই দিনের ঔষধ আট পুরিয়া আর্নিকা দিয়াছিলাম এবং তাহাতেই রোগিণী সম্পূর্ণ আরোগ্য লাভ করে। অকাল প্রসব এবং প্রসবান্তিক উদরাময়ের কথা শ্রবণ করিয়াই আর্নিকা প্রয়োগ করিয়াছিলাম। রোগী দেখিতে হয় নাই, অধচ ঠিক যেন দশরথের শকভেদী-বাণের ন্যায় অলক্ষ্যে রোগ বিনষ্ট করিয়াছিল।

PRINTED BY RASICK LAL PAN

At the Gobardhan Press, 209 Cornwallis Street, Calcutta,

And Published by Dhirendra Nath Halder,

197, Bowbazar Street, Calcutta.





এলোপ্যাথিক ও হোমিওপ্যাথিক চিকিৎসা সম্বন্ধীয়  
মাসিক পত্র ও সমালোচক ।

২০শ বর্ষ ।

১৩০৪ সাল—ভাদ্র ।

৫ম সংখ্যা

### বিবিধ ।

ওভারাইটিস—(ওভারী-প্রদাহ)—ডিষাশয়ের প্রদাহে নিম্নলিখিত বটীকা  
বিশেষ উপকারক বলিয়া উল্লিখিত হইয়াছে ।

Re.

একট্রাক্ট ক্যানাবিস ইণ্ডিসি	...	৬ গ্রেণ ।
ক্যাম্ফর	...	৬ গ্রেণ ।

একত্র মিশ্রিত করিয়া ৬টা বটীকা প্রস্তুত করতঃ, ১টা বটীকা মাত্রায় প্রত্যহ তিন বার  
সেব্য । এই বটীকা সেবন সহ প্রদাহিত ডিষাধারের উপর “আইয়োডেজ উইথ মিথিল  
স্যালিসিলেট” মর্দন করতঃ, তুলা দ্বারা আবৃত করিয়া ব্যাণ্ডেজ বান্ধিয়া রাখিতে হইবে ।

(Topical Therapy)

অণ্ডকোষের একজিমা ।—অণ্ডকোষের একজিমা অতীব বঙ্গাধনক ও  
বিয়ক্তিদায়ক । ইহাতে নিম্নলিখিত মলমটী আণ্ড উপকারক বলিয়া উল্লিখিত হইয়াছে ।

Re.

ক্যাম্ফর	...	২০ গ্রেণ ।
ক্লোরাল হাইড্রেট	...	২০ গ্রেণ ।
অক্সাইমেন্ট আইওডেজ কাম মিথিল স্যালি:		১ আউন্স ।

একত্র মিশ্রিত করিয়া প্রত্যহ ৩/৪ বার আক্রান্ত স্থানে মালিশ করতঃ ব্যাণ্ডেজ  
বান্ধিয়া রাখিবে ।

(Topical Therapy)

**হিকায় কার্বলিক এসিড।**—ডাঃ রিচম্যান, হিকায় কার্বলিক এসিডের ৩% দ্রব ২ সি, সি, মাত্রায় অধঃস্থায়িক ইঞ্জেকসন করিয়া আশাতীত উপকার পাইয়াছেন বলিয়া, মত প্রকাশ করিয়াছেন। ১টা ইঞ্জেকসনেই হিকা অবিলম্বে বন্ধ হয়। পুনঃ প্রকাশ পাইলে আর একটা ইঞ্জেকসনে একেবারেই বন্ধ হইয়া যায়।

( M. Annual reports—1927 )

**বিষাদোন্মাদে ( melancholia )—ইউকোডাল।**—ডাঃ জ্যাকোচ প্রকাশ করিয়াছেন যে—তিনি কতকগুলি বিষাদোন্মাদ রোগে ইউকোডাল ব্যবহার করিয়া অতি সুন্দর ফল পাইয়াছেন। তিনি ০.০০৫ গ্রাম মাত্রায় ইউকোডাল ট্যাবলেট দিবসে ৩বার ব্যবস্থা করেন। অতি সাংঘাতিক রোগীতে কেবল মাত্র, ইহা দ্বিগুণ মাত্রায় ব্যবহার করা হইত। অতি মৃদু প্রকৃতির রোগীকে মাত্র ০.০০২৫ গ্রাম ব্যবহার করিতে দেওয়া হইত। এই বিজ্ঞ চিকিৎসক বলেন যে, এই রোগে ইহা একটা উৎকৃষ্ট ঔষধ। অহিফেনের পরিবর্তে এইরূপ ফলপ্রদ ঔষধ—ইউকোডাল ব্যতীত আর একটাও নাই।

( M. A. Reports—1927 )

**হিকায়—পাইরামিডন।**—ডাঃ ভোগেল লিখিয়াছেন যে, কয়েকটা ইন্ফ্লুয়েঞ্জা রোগীর হিকায় ০.০৩ গ্রাম মাত্রায় “পাইরামিডন” (Pyramidon) ১ ঘণ্টাস্তর প্রয়োগ করিয়া আশাতীত উপকার পাইয়াছেন। এতদ্ব্যতীত আরও কয়েক প্রকার হিকা রোগীতে ইহা ব্যবহার করিয়া সুন্দর ফল পাওয়া গিয়াছে।

(M. W. W. 1925. P. 117)

**হিকায় হাইয়োসিন হাইড্রোব্রোমাইড।** ডাঃ লিপসিট লিখিয়াছেন যে, তিনি ১টা ৪৫ বৎসর বয়স্ক রোগীর চিকিৎসার্থ আহৃত হইয়া দেখেন যে, রোগী ১ সপ্তাহ হইতে কেবলমাত্র দুর্দম্য হিকায় আক্রান্ত হইয়া শয্যাশায়ী আছে। প্রতি দুই মিনিট অন্তর হিকার আক্ষেপ হইতেছিল। তৎক্ষণাৎ রোগীকে ১/১০০ গ্রেণ মাত্রায় ১টা হাইয়োসিন হাইড্রোব্রোমাইড ট্যাবলেট খাইতে দেওয়া হয়। ২ ঘণ্টাস্তর আর ১টা ট্যাবলেট সেবনের ব্যবস্থা করা হইয়াছিল। প্রথম ট্যাবলেট সেবনের ৩ ঘণ্টা পরেই হিকার আবেগ সম্পূর্ণরূপে স্থগিত হইয়া যায়।

( Dr. G. E. Lipsitt (P. M.) )

ব্যবস্থা স্নোগে কাশি।—যদি রোগীর হৃদয় কাশি নিবারণার্থ নিম্নলিখিত মিশ্রণ অথবা ঝার্কিন চিকিৎসকগণ কর্তৃক বিশেষ উপযোগিতার সহিত ব্যবহৃত হইতেছে ।

Re.

হিরোইন্ হাইড্রোক্লোর	...	১/৩০ গ্রেণ ।
ক্রিয়াজেটাল	...	১ ড্রাম ।
সিরাপ পাইসিস লিকুইড	...	১ ড্রাম ।
সিরাপ প্রনিয়াই ভার্জ:	...	৪ ড্রাম ।

একত্র মিশ্রিত করিয়া ১ চা-চামচ ( ১ ড্রাম ) মাত্রায় আবশ্যিক মত প্রয়োজ্য ।

( Archives of Therap )

বাত ও গাউট স্নোগে—ফলপ্রদ ব্যবস্থা।—নিম্নলিখিত মিশ্রণ 'গাউট ও রিউম্যাটিজম' ( বাত ) পীড়ায় বিশেষ উপকারী বলিয়া উল্লিখিত হইয়াছে । এই ঔষধটি বহু পরীক্ষিত ও সচ্য ফলপ্রদ ।

Re.

পোটাশিয়াম বাইকার্ব	...	২ ড্রাম ।
পোটাশিয়াম আইয়োডাইড	...	৩৬ গ্রেণ ।
ভাইনাম কলচিকাম্	...	২ ড্রাম ।
টীং অরেন্সাই	...	১ ড্রাম ।
পরিশ্রুত জল	...	এ্যাড ৬ আউন্স ।

একত্র মিশ্রিত করিয়া ইহা ২—৪ ড্রাম মাত্রায় দিবসে ৩/৪ বার সেব্য ।

( Ind. and East Druggist )

মুখমণ্ডলের বিসর্প ( ইরিসিপিলেস )—“বাকেলো” নগরীর অনেক প্রথিতনামা যদি চিকিৎসক, মুখমণ্ডলের ইরিসিপিলেস রোগে নিম্নলিখিত চিকিৎসা প্রণালী অবলম্বন করিয়া, বহুসংখ্যক রোগী আরোগ্য করিয়াছেন । যথা—

প্রথমতঃ মেটাফেন লিকুইড সোপ ( Metaphen Liquid Soap ) তুলি দ্বারা সমস্ত আক্রান্ত স্থানের উপর লাগাইয়া দিবে । অতঃপর ইহা আপনা হইতেই শুক হইলে, ৬ ঘণ্টা পরে ঔষধক জল দ্বারা জ্বাতে জ্বাতে এই প্রলেপ ধুইয়া ফেলিবে এবং পুনরায় তুলি দ্বারা এই তরল সাবান লাগাইয়া দিতে হইবে । এইরূপে প্রতি ৮—১২ ঘণ্টান্তর এই সাবান তুলি দ্বারা তিন দিন পর্যন্ত লাগাইতে হইবে । প্রথমবার এই প্রলেপ লাগাইবার ২৪ ঘণ্টা



পরেই বিশেষ উন্নতি দেখিতে পাওয়া যায় এবং সাধারণতঃ তিন দিন মধ্যেই রোগী সুস্থ হইয়া উঠে। অতঃপর একটা টনিক ঔষধ ব্যবস্থা করা কর্তব্য।”

(Clinical Medicine Sept. 1926)

ক্যান্সার রোগে “কোলয়ডাল গোল্ড”।—অধুনা ক্যান্সার রোগের বিশেষজ্ঞ চিকিৎসকগণ একবাক্যে স্বীকার করিয়াছেন যে “ক্যান্সার” পীড়া—যাহা অন্ত্রোপচারের অযোগ্য অথবা যাহা অস্ত্র করিয়াও উপশম হয় নাই, তাহাতে “কোলয়ডাল গোল্ড” (Colloidal Gold) প্রয়োগ করিলে আশাতীত উপকার পাওয়া যায়। এই ঔষধ ব্যবহারের পরেই রোগীর যন্ত্রণার লাঘব হয়, এবং ওপিয়াম ঘটিত ঔষধ ব্যবহারের আবশ্যক হয় না। ইহাতে রোগীর ক্ষুধা বৃদ্ধি, ওজন বৃদ্ধি এবং ক্যান্সার ঘটিত ‘আব’ বা ‘কত’ অন্নদিন মধ্যেই অন্তর্হিত হয়। এতদর্থে “কোলোডরাম্” (Collodaurum) নামক প্রয়োগরূপটাই সাধারণতঃ বিশেষ উপযোগিতার সহিত ব্যবহৃত হয়। ইহা মুখপথে খাওয়ান অথবা শিরামধ্যে ইন্জেকশন দেওয়া যায়। উভয়তঃই উৎকৃষ্ট ফলপ্রদ।

( Clinical Medicine Sept. 1926. )

ফুস্ফুসীয় ( Pulmonary ) স্বচ্ছায়—“ক্যালশিয়াম্ গোয়েকল্ সাল্ফোনেট”।—ডাক্তার বইট্‌গার লিখিয়াছেন যে, তিনি “তাল্পাম” নামক স্থানে “স্যান্কারনেন্ডো” হাঁসপাতালে ২০টা পালমোনারী টিউবার্কিউলোসিস্ রোগীকে “ক্যালশিয়াম্-গোয়েকল্-সাল্ফোনেট” শিরামধ্যে ইন্জেকশন দিয়া অতি সুন্দর ফল পাইয়াছেন।

ক্যালশিয়াম্ গোয়েকল্ সাল্ফোনেট্ ব্যবহারের উপযোগিতা এই যে—এতদন্তর্গত

- (১) ক্যালশিয়াম্ দ্বারা রোগীর দেহমধ্যস্থিত কয়প্রাপ্ত ‘লাইম্’ বা ক্যালশিয়াম্ পুনঃ পূরিত হয়।

- (২) গোয়েকোল দ্বারা অন্ন হ্রাস প্রাপ্ত বেদনা ও আক্কেপ নিবারিত হয় এবং ইহা জীবাণু সমূহ ধ্বংস ও দেহভ্যন্তরীণ জীবাণু কর্তৃক উদ্দীর্ণিত বিষ নষ্ট করে।

এক কথায় ইহা অন্ন, আক্কেপ নিবারক, জীবাণু নাশক ও বিষয়। আশ্চর্যের বিষয় ডাক্তার বইট্‌গার এই দুইটা ঔষধ একত্রে বা পৃথকভাবে ব্যবহার করিয়া বিশেষ ফল পান নাই, কিন্তু “ক্যালশিয়াম্-গোয়েকল্-সাল্ফোনেট্” শিরামধ্যে প্রয়োগ করিয়া অতি উৎকৃষ্ট ফল পাইয়াছেন।

এই ঔষধ ২০ সি, সি, মাত্রায় ইন্ট্রাভেনাস ইন্জেকশনরূপে প্রয়োগ্য। অধিকাংশ রোগীকেই ক্রমাগত ৪০ দিন পর্যন্ত (প্রত্যহ) ইন্জেকশন দেওয়া হইয়াছিল। কতিপয়



রোগীকে প্রথমতঃ উক্তরূপে ৩০টা ইঞ্জেকসন দিয়া, ১০—১৫ দিন বিশ্রামের পর আবার ৪০টা ইঞ্জেকসন দিয়াছিলেন ।

এই ঔষধ ইঞ্জেকসনের পর প্রতিক্রিয়া স্বরূপ কোনও স্থানে বেদনা, স্থানিক প্রদাহ, অসহনীয়তা, প্রভৃতি কোনও অশুভ লক্ষণ আদৌ প্রকাশ পায় নাই । তবে ইঞ্জেকসন দেওয়া কালীন রোগীর মুখের স্বাদ লবণাক্ত এবং গলাভ্যন্তরে শুষ্কতা অনুভূত হয় । এই ঔষধ দ্বারা চিকিৎসিত রোগীগণের নিম্নলিখিত উন্নতিগুলি সত্বরই দৃষ্ট হইয়াছিল । যথা;—

ক্ষুধা বৃদ্ধি, বক্ষঃস্থলের বেদনা এবং কাশি ও শ্বাসের হ্রাস । রোগীর নিষ্ঠিবন নিয়মিতরূপে অনুবীক্ষণ যন্ত্রদ্বারা পরীক্ষা করিলে দেখা যায় যে, নিষ্ঠিবন হইতে ক্রমশঃ যক্ষ্মা-জীবাণু হ্রাসপ্রাপ্ত হইতেছে এবং অবশেষে একেবারেই ধ্বংশ প্রাপ্ত হয় । অধিকাংশ রোগীরই সত্বর ওজন বৃদ্ধি এবং জরীয় উত্তাপ হ্রাস হয় । এই সমস্ত হইতে ডাঃ বইট্টগার স্থির করিয়াছেন যে, এই ঔষধটি যক্ষ্মাপীড়ার একটা উৎকৃষ্ট ঔষধ । ইনি বলেন যে, “ইন্সি-পিয়েন্ট্” শ্রেণীর যক্ষ্মায়—ইহা ব্যবহার করিলে সচ্চ ফল পাওয়া যায় ।

( Revista de Ciencias Medicas, June, 1925 )



## বিবিধ পীড়ায়—এমেটীন ।

( ইন্ট্রাভেনাস ইঞ্জেকসন )

লেখক—ডাঃ শ্রীনরেন্দ্রকুমার দাশ M. B. M. C. P. S.

M. R. I. P. H. ( Eng )

আমি নিম্নলিখিত কয়েকটা পীড়ায় এমেটীন হাইড্রোক্লোর শিরামধ্যে ইঞ্জেকসন দিয়া বেরূপ ফল লাভ করিয়াছি, অতঃপাঠকবর্গের গোচরীভূত করিব ।

( ১ ) রক্তোৎকাশ । - হৃৎকুমার যক্ষ্মারোগের রক্তোৎকাশ নিবারণার্থে আমি কতিপয় রোগীকে এমেটীন হাইড্রোক্লোর দ্বারা চিকিৎসা করিয়া বিশেষ ফল পাইয়াছি । সাধারণতঃ একটা ১ গ্রেণের এমেটীন এম্পুল ইঞ্জেকসনেই রক্তপাত বন্ধ হইয়া যায় । কখন কখন ২৪ ঘণ্টা পরে আরও একটা ইঞ্জেকসনের আবশ্যক হইতে পারে । এহলে একটা হৃৎকুমার রক্তোৎকাশ রোগীর চিকিৎসা বিবরণ প্রদত্ত হইল ।

**রোগী**—একটি পার্শ্বত কুলী সর্দারের স্ত্রী। বয়স ৫৪ বৎসর। হঠাৎ ইহার রক্তোৎকাশ উপস্থিত হওয়ায় আমি আহৃত হই। প্রথমতঃ ১০ গ্রেণ মাত্রায় ক্যালশিয়াম ক্লোরাইড্ ৩ ঘণ্টাস্তর সেবনের ব্যবস্থা করিয়া কোনও ফল না হওয়ায়, ১ সিঃ সিঃ এড্রিনালিন ইঞ্জেকশন দিই। ইহাতে সামান্য উপকার হইলেও, সম্পূর্ণরূপে রক্তপাত বন্ধ হইল না। অতঃপর ১ গ্রেণের ১ সিঃ সিঃ এমেটিন হাইড্রোক্লোর এম্পুল ১টি শিরামধ্যে ইঞ্জেকশন দেওয়ায় অল্প সময় মধ্যেই রক্তোৎকাশ বন্ধ হইয়া যায়। সপ্তাহান্তে আর একটি ইঞ্জেকশন দিয়াছিলাম। ৩ মাস পর্যন্ত আর রক্তোৎকাশ উপস্থিত হয় নাই।

(২) **নাসিকা হইতে রক্তস্রাব**।—আমি কয়েকটি রোগীর নাসিকা হইতে রক্তস্রাবে কেবলমাত্র এমেটিন শিরামধ্যে ইঞ্জেকশন দিয়া সুস্থ করিয়াছি। সাধারণতঃ ১ গ্রেণ মাত্রায় ১টি ইঞ্জেকশনই যথেষ্ট। একটীতে বন্ধ না হইলে আবশ্যিকায়ামী ৬, ১২, বা ২৪ ঘণ্টা পরে পুনরায় আর ১টি ইঞ্জেকশন দিবে। আমার চিকিৎসিত রোগীর মধ্যে কাহাকেও একটীর অধিক ইঞ্জেকশন দিতে হয় নাই।

একজন মিস্ত্রীর প্রায়ই নাসিকা হইতে রক্তস্রাব হইত। একদিবস যখন তাহার নাসিক হইতে প্রবলবেগে রক্তপাত হইতে থাকে, তখন সে আমার নিকট চিকিৎসার্থ উপস্থিত হয়। আমি তৎক্ষণাৎ এমেটিন হাইড্রোক্লোর ১ গ্রেণের ১ সিঃ সিঃ এম্পুল ১টি শিরামধ্যে ইঞ্জেকশন দেওয়ায় অনতিবিলম্বে রক্তপাত বন্ধ হইয়া যায়। অতঃপর আর তাহার নাসিকা হইতে রক্তস্রাব হয় নাই।

(৩) **অর্শের রক্তস্রাব**।—এইরূপ ১টি রোগীকে চিকিৎসা করিবার সুযোগ হইয়াছিল।

**রোগী**—১টি নেপালী স্ত্রীলোক, বয়স ৩০ বৎসর। বহুদিন হইতে অর্শরোগে ভুগিতেছে। রোগিনী মাসে ৩/৪ বার করিয়া অর্শের রক্তস্রাবে ভুগিয়া থাকে এবং তৎকালীন ক্যালশিয়াম ক্লোরাইড্ মিশ্র (১০—১৫ গ্রেণ মাত্রায় দিনে ৩ বার) সেবনে প্রবল রক্তস্রাবের হ্রাস হয়। গত মার্চ মাসে হঠাৎ অর্শ হইতে প্রবল রক্তস্রাব হইয়া রোগিনী শয্যাশায়িনী হয় এবং ক্যালশিয়াম ক্লোরাইড্ মিশ্রে কোনও ফল না হওয়ায়, তাহার শিরামধ্যে ১ গ্রেণ এমেটিন হাইড্রোক্লোর ইঞ্জেকশন দিয়াছিলাম। ইহাতে অল্প সময় মধ্যেই রক্তস্রাব বন্ধ হইয়া যায় এবং অতঃপর তাহার আর রক্তস্রাব হয় নাই।

(৪) **পুরাতন ও তরুণ রক্তামাশয়**।—তরুণ ও পুরাতন রক্তামাশয়ের এমেটিন অধঃস্থায়িক ইঞ্জেকশনে উপকার না পাইলে, শিরা মধ্যে ইঞ্জেকশন করিলে অচিরেই ফল লাভ করা যায়।

একজন বয়সী নেপালী স্ত্রীলোক গত ৯ মাস কাল রক্তামাশয়ে ভুগিতেছিল। প্রত্যহ রক্ত ও আম মিশ্রিত ৮/১০ বার দাও হইত এবং অন্ত্যস্ত ৫ পেট কামড়ানীও ছিল।

লিকুইড এন্ট্রাষ্ট অব বেল, কুর্চি, ডোভাস' পাউডার, কিসমাথ, শ্যালোল ইত্যাদিতে কোনও ফল না হওয়ায়—এমেটিন অধঃস্ফটিকরূপেও দেওয়া হইয়াছিল, কিন্তু কোনও ফল হয় নাই। অতঃপর তাহাকে ১ গ্রেণ এমেটিনের ১টি এম্পুল শিরা মধ্যে ইঞ্জেকসন দিই। ইহাতেই রোগিণী সম্পূর্ণরূপে আরোগ্য লাভ করিয়াছিল।

**সতর্কতা।**—এমেটিন হৃৎপিণ্ডের অবসাদক। সুতরাং ইহা বিশেষ সাবধানতার সহিত প্রয়োগ করা কর্তব্য। বিশেষতঃ ইহা যখন শিরা মধ্যে ইঞ্জেকসন দেওয়া হয়, ইহাতে বিপদ হওয়া অসম্ভব নহে। যদিও প্রায়ই কোন বিশেষ বিপদ হয় না, তথাপি ইঞ্জেকসন দিবার পূর্বে রোগীর হৃৎপিণ্ড বিশেষ ভাবে পরীক্ষা করা উচিত।

অল্পদিন হইল আমি এইরূপ একটি বিপদে পড়িয়াছিলাম।

একদিন ১টি পুরাতন রক্তমাশয় রোগীকে ১ গ্রেণ এমেটিন যেমন শিরামধ্যে ইঞ্জেকসন দিলাম—তৎক্ষণাৎ রোগীটি অজ্ঞান হইয়া শুইয়া পড়িল। শীতল ঘর্মে তাহার সর্কাজ সিদ্ধ হইয়া উঠিল, নাড়ীর গতি ক্ষীণ ও প্রায় স্পন্দন হীন, হৃৎক্রিয়াও অবসাদগ্রস্ত লক্ষিত হইল। আমি কালবিলম্ব না করিয়া পার্ক ডেভিসের “ক্যাফিন-সোডিও বেঞ্জোয়াস” এর ২ সি সি এম্পুল, অধঃস্ফটিক ইঞ্জেকসন দিলাম। ইহাতে অল্প সময় মধ্যেই রোগীর জ্ঞান ফিরিয়া আসিল ও রোগী সুস্থ হইয়া উঠিল। অতঃপর পরীক্ষা করিয়া জানিলাম যে, রোগীর হৃৎপিণ্ডের পীড়া বর্তমান আছে। এক্ষেত্রে এমেটিন শিরামধ্যে দেওয়া উচিত হয় নাই।

**অস্তব্য।**—১৯১৪ সালের ব্রিটিশ মেডিক্যাল জার্নালে রক্তোৎকাশে এমেটিনের ইন্ট্রাভিনাস ইঞ্জেকসন সম্বন্ধে প্রথম প্রবন্ধ প্রকাশিত হইয়াছিল। সম্প্রতি ডাঃ—ভ্যালাসো পুলোস্ লিখিয়াছেন যে, ক্যান্সার পীড়ার হৃদ্য রক্তস্রাব ০.০২ গ্রাম মাত্রায় এমেটিন ইঞ্জেকসনে তৎক্ষণাৎ বন্ধ হইয়া যায়। হিমাচুরিয়াতেও এমেটিন অধুনা উপযোগিতার সহিত ব্যবহৃত হইতেছে। মাত্রা ০.০৪—০.০৮ গ্রাম। কদাচিৎ অধিক মাত্রায় প্রয়োগের আবশ্যক হয়।

## রক্তমাশয়ে—ইয়াট্রিন

### Yatren in Amoebic Dysentery.

লেখক—ডাঃ শ্রীসতীভূষণ মিত্র B. Sc. M. B.

—:~:~:~:—

রক্তমাশয়ের চিকিৎসা করা কিরূপ কষ্টসাধ্য, তাহা চিকিৎসক মাত্রই অবগত আছেন। ‘এমেটিন’ আবিষ্কৃত হইবার পূর্বে, রক্তমাশয় রোগীর চিকিৎসা করা এক প্রকার অসাধ্য ব্যাপার ছিল। তখন চিকিৎসক মাত্রই আমাশয়ের নামে আতঙ্কে শিহরিয়া উঠিতেন।

সৌভাগ্যক্রমে চিকিৎসা জগতে 'এমেটিন' উপস্থিত হওয়ায়— এই সমস্তার কতকটা সমাধান হইয়াছে। কিন্তু এই এমেটিনও কেবল মাত্র এমিবিিক-ডিসেন্টারীতেই অব্যর্থ ও আশু ফলপ্রদ হইয়া কার্য করে। ব্যাসিলারী-ডিসেন্টারীতে ইহার কোনই শক্তি নাই।

পল্লী চিকিৎসকগণের পক্ষে ইহা কম অসুবিধার কথা নহে। রক্তমাশয় রোগী পাইলেই প্রথমে নির্ণয় করিতে হইবে যে—উহা 'এমিবিয়া' ঘটত, কি 'ব্যাসিলারী' ঘটত? যদি এই নির্ণয় সঠিক হয়, তাহা হইলেই রোগীর চিকিৎসাও ঠিক মত হইতে পারিবে। কারণ, এমিবিিক ডিসেন্টারীতে এমেটিন ইঞ্জেকসন অব্যর্থ আর ব্যাসিলারী ডিসেন্টারীতে এমেটিন দ্বারা কোনই ফল হয় না। কাজেই এরূপস্থলে সিরাম্ ইঞ্জেকসন দ্বারা অথবা 'ক্রিসোল' দ্বারা চিকিৎসা করিতে হইবে। এক্ষণে পীড়া 'এমিবিিক' কি 'ব্যাসিলারী' ডিসেন্টারী, তন্নির্ণয়ই প্রধান সমস্যা। লক্ষণাদির দ্বারা এ সমস্তার মীমাংসা হওয়া বড়ই কঠিন। ২টা উপায় দ্বারা এই উভয় প্রকার রক্তমাশয় পীড়ার পার্থক্য সঠিকভাবে নির্ণীত হইতে পারে। যথা;—

(১) **অনুবীক্ষণিক পরীক্ষার দ্বারা।**—অনুবীক্ষণ যন্ত্র দ্বারা রোগীর মল পরীক্ষা করিয়া যদি মলে "এমিবিা" পাওয়া যায়, তাহা হইলে পীড়া এমিবিিক শ্রেণীর জাতব্য।

(২) **এমেটিন ইঞ্জেকসন দ্বারা।**—রোগীকে প্রথমে এমেটিন ইঞ্জেকসন দিয়া দেখা উচিত। যদি পীড়া এমিবিিক ডিসেন্টারী হয়, তাহা হইলে এমেটিন ইঞ্জেকসনে নিশ্চয়ই উপকার দেখা যাইবে, আর কোনওরূপ উপশম দৃষ্ট না হইলে বুঝিতে হইবে যে, পীড়া এমিবিিক ডিসেন্টারী নহে।

এক্ষণে বক্তব্য এই যে—এই দুইটা নির্ণয় প্রণালী পল্লী-চিকিৎসকগণের পক্ষে কতদূর সহজসাধ্য। প্রথম প্রণালীটি সর্বোৎকৃষ্ট হইলেও, পল্লীগ্রামের চিকিৎসকগণের পক্ষে ইহা এক প্রকার অসাধ্য বলিলেও অত্যুক্তি হয় না। ২য় প্রণালীটি সহজসাধ্য হইলেও, পল্লীরোগীর চিকিৎসায় এইরূপ ভাবে চিকিৎসা করিলে, চিকিৎসকের যশঃ কতদূর অক্ষুণ্ণ থাকিবে, তাহা ভাবিবার বিষয়। রক্তমাশয়ের অসহ্য যন্ত্রণা হইতে রোগীকে কয়েক ঘণ্টার মধ্যেই মুক্তি দিতে না পারিলে, রোগী যে একই চিকিৎসকের হাতে বেশী দিন থাকিবে, তাহা মনে হয় না। ৩৪ দিন পর্যন্ত রোগীর উপর পরীক্ষা চলিতে থাকিলে, রোগীর অবস্থা ক্রমশঃ মন্দতর হইয়া সাংঘাতিক হওয়াও অসম্ভব নহে—আবার অল্পদিকে রোগীর অবস্থার কিঞ্চিৎ হিতপরিবর্তন না হইলে যে, রোগী ২১২ দিনের বেশী চিকিৎসাধীনে থাকিবে না, ইহাও একটা ভাবিবার বিষয়।

পক্ষান্তরে আবার পরীক্ষা দ্বারা দেখা গিয়াছে যে, তরুণ এমিবিিক ডিসেন্টারীতে 'এমেটিন' যেরূপ সত্ত্ব ও অব্যর্থ ফলপ্রদ, পুরাতন এমিবিিক ডিসেন্টারীতে সেরূপ নহে। এমন কি কোনও কোনও পুরাতন রোগীতে ইহা আদৌ ফলদান করে না। গত বৎসর এইরূপ

কতিপয় রোগী আমার চিকিৎসাধীন হইয়াছিল। ইহাদের প্রত্যেকেই মল পরীক্ষার এমিবিয়া পাওয়া গিয়াছিল; অথচ ৭০।৭৫টি ক্রিয়া এমেন্টিন ইঞ্জেকসনেও কোনই উপকার পাওয়া যায় নাই—অবশেষে এই রোগীদিগকে আইয়োডিন ইঞ্জেকসনের ব্যবহা করায় উপশম হইয়াছিল। ইহাদিগকে আইয়োডিন খাইতেও দেওয়া হইয়াছিল।

উল্লিখিত ঘটনাগুলি দ্বারা সহজেই বুঝিতে পারা যায় যে, রক্তমাশয়ের চিকিৎসা কিরূপ কষ্টসাধ্য ও জটিলতা পূর্ণ।

একণে, যদি এইরূপ একটি ঔষধ পাওয়া যায়—যাহা “এমিবিফ্” ও “ব্যাসিলারী” উভয়বিধ রক্তমাশয়েই সমান ফলপ্রদ, অথচ তাহা ব্যবহারে কোনও মন্দ ফল প্রকাশিত হয় না, তাহা হইলেই উল্লিখিত সমস্যার সমাধান হওয়া সম্ভব। সম্প্রতি “ইয়াট্রিন্” (Yatren) এবং ‘স্টোভারসল্’ (Stovarsol) নামক দুইটি ঔষধ রক্তমাশয়ের চিকিৎসার্থ আবিষ্কৃত হইয়াছে। প্রমাণিত হইয়াছে যে, ইহারা উভয়েই এমিবিফ ডিসেন্টারীতে অব্যর্থ ফলপ্রদ। সম্প্রতি ‘ইয়াট্রিন্’ পুরাতন এমিবিফ ডিসেন্টারীতে যে স্থলে এমেন্টিন ইঞ্জেকসনে কোনও ফল হয় না তাহাতে—কলিকাতা স্কুল অব ট্রপিক্যাল মেডিসিনের চিকিৎসকগণ কতৃক তৎস্থলে পরীক্ষিত হইয়া—বিশেষ ফলপ্রদ ঔষধরূপে বিবেচিত হইয়াছে। বেঙ্গল ইমিউনিটি রিসার্চ ল্যাবোরেটরীর স্বনামধন্য চিকিৎসক ডাঃ এইচ ঘোষ, এম, বি, মহাশয় ৩২টি পুরাতন এমিবিফ ডিসেন্টারীতে “ইয়াট্রিন্” ব্যবহার করিয়া আশাতীত উপকার পাইয়াছেন, বলিয়া মত প্রকাশ করিয়াছেন।

**ইয়াট্রিন্**—“ইয়াট্রিনের” রাসায়নিক প্রকৃতি, এমিবিফ ডিসেন্টারীর উপর অব্যর্থ ফলপ্রদ। ইহার ব্যবহার প্রণালী অতি সহজ, এবং এই পীড়ায় ব্যবহৃত অস্বাভাবিক ঔষধাপেক্ষা ইহা অনেক কম বিষক্রিয়া বিশিষ্ট। ইহাতে প্রায় ৩৩% “ফ্রি আইয়োডিন্” বর্তমান আছে—যাহা আত্মিক জীবাণু সমূহের উপর বিশেষ ক্রিয়া প্রকাশ করিয়া থাকে। পরীক্ষা দ্বারা জানা গিয়াছে যে, বিত্তক ইয়াট্রিনের ২৫% সলিউসন ১—১০ মিনিটের মধ্যে প্রায় সমস্ত প্রকার আম্লবীক্ষণিক জীবাণুই ধ্বংস করিতে সক্ষম হয়। ইয়াট্রিন দ্বারা প্রদাহিত স্থানের বিধান সমূহের উত্তেজনা উপস্থিত হইতে পারে, সুতরাং এতদ্বারা ক্ষতাদি আরোগ্য হইবার বিশেষ সাহায্য হইয়া থাকে।

‘ইয়াট্রিন্’ যে, কেবলমাত্র পুরাতন এমিবিফ ডিসেন্টারীতেই ফলপ্রদ, তাহা নহে; পরন্তু ইহা তরুণ এমিবিফ ডিসেন্টারীতেও সমান ফলপ্রদ। ইহা ব্যতীত ইহার প্রায় সর্ববিধ জীবাণু ধ্বংস করিবার শক্তি থাকায়, ইহা ব্যাসিলারী ডিসেন্টারীতেও বিশেষ উপযোগিতার সহিত ব্যবহৃত হইতেছে। সুতরাং একণে আমাদের উল্লিখিত সমস্যার সমাধান হইবে বলিয়া আশা করা যাইতেছে। এখন যদি আমরা একটি ডিসেন্টারী রোগী পাই, তাহা হইলে তাহার রোগ নির্ণয়ের জন্য কোনও হান্য করিতে হইবে না।—উহা এমিবিফ ডিসেন্টারীই হউক, আর ‘ব্যাসিলারী ডিসেন্টারীই হউক এবং তরুণ পীড়াই হউক; আর পুরাতন পীড়াই



হউক,—‘ইয়াট্রিন’ প্রয়োগ করিলেই আশানুরূপ ফল পাওয়া যাইবে। ইয়াট্রিনে আইয়োডিন এবং আরও কতকগুলি আন্ত্রিক জীবাণুনাশক ও পচন নিবারক ঔষধ আছে, সুতরাং ইহা সর্বপ্রকার আমাশয়ের সকল অবস্থাতেই এবং ঐ শ্রেণীর সর্বপ্রকার আন্ত্রিক পীড়ায় বিশেষ ফলপ্রদ বলিয়া, সমগ্র দেশীয় ও বিদেশীয় চিকিৎসক কর্তৃক স্বীকৃত ও অনুমোদিত হইয়াছে।

**মাত্রা ও প্রয়োগ-বিধি**—ইয়াট্রিন যে, তরুণ ও পুরাতন ডিসেন্টারীতে সমান ফলপ্রদ, তাহা পূর্বেই উক্ত হইয়াছে। তরুণ ডিসেন্টারীতে যেখানে এমেটিন দেওয়া নিরাপদ নহে, তথায় ইয়াট্রিন দিয়া অভ্যুৎকৃষ্ট ফল পাওয়া গিয়াছে। ডাঃ ঘোষও কতিপয় রোগীতে পরীক্ষা করিয়া এই মতই প্রকাশ করিয়াছেন।

ডাক্তার ঘোষের মতে “ইয়াট্রিন—১০৫ নং”—৪ গ্রেণের পিল্ ৩।৪ ঘণ্টাস্তর সেবন করিতে দেওয়া উচিত এবং বিশুদ্ধ ইয়াট্রিনের (Yatren Puriss) ৩% দ্রব ২০ সি, এম, মাত্রায় দিনে ১ বার সরলান্ত্র পথে ইঞ্জেকসন দিতে হয়। ‘ইয়াট্রিনের’ রেক্ট্যাল ইঞ্জেকসন দিবার পূর্বে, সোডা বাইকার্বের ২% সলিউসনের এনিমা দেওয়া কর্তব্য। শিশুদিগকে ইহার পিল্ খাওয়ানিতে অসুবিধা হইলে, উপযুক্ত মাত্রায় ইয়াট্রিন পাউডার নং ১০৫ ব্যবহারে একই ফল পাওয়া যায়। রবার ক্যাথিটারের সাহায্যে অতি ধীরে ধীরে রেক্টাল ইঞ্জেকসন দিবে। পুরাতন পীড়ায়—২% সোডা বাইকার্বের দ্রব দ্বারা এনিমা দিয়া অল্প পরিষ্কার করণান্তর ‘ইয়াট্রিনের’ ৩% সলিউসন—৪০ সি, এম্ সরলান্ত্র পথে প্রয়োগ করিলে ইহা সহজেই সরলান্ত্রে স্থায়ী হয়। রেক্টাল ইঞ্জেকসনে কোনওরূপ উত্তেজনা উপস্থিত হয় না। ‘ইয়াট্রিন’ অধিক মাত্রায় প্রয়োগেও এতদ্বারা কোনও বিষাক্ত প্রতিক্রিয়া উপস্থিত হয় না। “ইয়াট্রিন” ব্যবহারে পিত্ত নিঃসরণ ক্রিয়া উত্তেজিত হয় বলিয়া—রোগী তরল মলত্যাগ করে। ইহা ব্যতীত আর কোনও লক্ষণ দেখা যায় না। সাধারণতঃ রোগী মুখপথে ২-৩ গ্রাম (৩০-৪৫ গ্রেণ) পর্যন্ত ‘ইয়াট্রিন’ বেশ সহ্য করিতে পারে। ‘ইয়াট্রিন’ ব্যবহারের ৩য় দিবস হইতেই ইহার স্পষ্ট ক্রিয়া দৃষ্ট হইয়া থাকে। রোগীর মল হইতে আম নিঃসরণ ও পেটের যন্ত্রণা প্রায় সমস্তই তিরোহিত হয়। রোগারোগ্যের পর ইহা প্রত্যহ ১২ গ্রেণ মাত্রায়—অন্ততঃ পক্ষে ১৫।২০ দিন পর্যন্ত ব্যবহার করিতে হইবে। উপকার হইয়াছে বলিয়া ইহার ব্যবহার বন্ধ করিলে পীড়ার পুনরাক্রমণ হইতে পারে। ‘ইয়াট্রিন’ সরলান্ত্রপথে ব্যবহারের ১০ম দিবস হইতে মল স্বাভাবিক হইলে—১০ম দিবসের পর রেক্টাল ইঞ্জেকসন বন্ধ করিবে। এইরূপে রোগীর চিকিৎসা করিলে—রোগী সঘর সম্পূর্ণরূপে রোগ মুক্ত হয়। ডাক্তার ঘোষ লিখিয়াছেন যে, তাঁহার চিকিৎসিত ৩২টা রোগীর মধ্যে মাত্র ২টির পুনরাক্রমণ হইয়াছিল—তাহাও উপযুক্ত উপদেশমত ঔষধ ব্যবহার না করানের ফলে।

“ইয়াট্রিন”—তরুণ রক্তামাশয় অপেক্ষা পুরাতন রক্তামাশয়ে অধিকতর সঘর ফল দান করিয়া থাকে। অনেক সময়ে দেখা গিয়াছে যে, রোগী একটু উপকার হইলেই আর ঔষধ



ব্যবহার করিতে চাহে না। ইহার ফলে কয়েকদিন পরে পুনরায় পীড়ার লক্ষণাবলী প্রকাশ পায়। তরুণ রক্তমাশয় (এমিবিবিক) রোগীকে ২।১টি এমিটিন ইঞ্জেকসন দিলেই রোগীর সমস্ত লক্ষণ দূরীভূত হয়—কিন্তু তথাপি আরও কয়েকটি ইঞ্জেকসন লওয়া উচিত নতুবা কিছুদিন পরেই পুনরাক্রমণ হইতে পারে। রোগী, ২।১টি ইঞ্জেকসনের পরেই উপশম বোধ করায়—আর ইঞ্জেকসন লইতে ইচ্ছুক হয় না। এইরূপ স্থলে “ইয়াট্রিন—১০৫ নং ৪ গ্রুপের ট্যাবলেট ১টি মাত্রায় দিবসে ৩ বার করিয়া ১৫ দিন পর্য্যন্ত সেবন করিতে দিলে, রোগী পুনরাক্রমণের হস্ত হইতে পরিত্রাণ পায়।

শিশুদের তরুণ এমিবিবিক ডিসেন্টারী হইলে, পিতামাতারা প্রায়ই ইঞ্জেকসন দিতে রাজী হ'ন না। এইরূপ স্থলে শিশু রোগীকে উপযুক্ত মাত্রায় “ইয়াট্রিন পিউরিম্” (চূর্ণ ইয়াট্রিন) সেবন করিতে দিলে এবং তৎসহ “ইয়াট্রিন-সলিউশন্” সরলান্ন পথে দিনে ১ বার করিয়া প্রয়োগ করিলে বিশেষ ফলপাওয়া যায়। এইরূপ ভাবে চিকিৎসা অন্ততঃ পক্ষে ১০।১২ দিন পর্য্যন্ত চালাইতে হইবে, নচেৎ পুনরাক্রমণ হইবার বিশেষ সম্ভাবনা।

প্যারিস প্যাঠীয়ার ইন্সটিটিউটের ভূতপূর্ব্ব রিসার্চ ওয়ার্কার ডাক্তার এইচ ঘোষ, এম্,-বি, মহাশয় গত২৫সর ‘মেডিক্যাল রিভিউ অব্ রিভিউস্’ পত্রিকায় তাঁহার চিকিৎসিত ৩২টি রোগীর মধ্যে প্রথম রোগীটির চিকিৎসা বিবরণ প্রকাশ করিয়াছিলেন। এস্থলে তাহার বঙ্গানুবাদ সংক্ষেপে প্রদত্ত হইল।


“রোগী—বাবু ফনীন্দ্রনাথ গোল, হিন্দু, বয়স ৩০ বৎসর, রেলওয়েতে চাকুরী করেন। ইনি গত ৫ বৎসর হইতে পুরাতন এমিবিবিক ডিসেন্টারীতে ভুগিতেছিলেন। ইহাকে প্রায় ১৪০টি এমিটিন ও এমিটিনের প্রয়োগরূপ ইঞ্জেকসন করা হইয়াছিল। কিন্তু কোনও ফল হয় নাই। রোগী অত্যন্ত শীর্ণ। উদরে বেদনা এবং মলে আম নির্গত হইত। রোগীর মল পরীক্ষায় “এমিবার সিষ্ট্” বর্তমান ছিল। রোগীকে ‘ইয়াট্রিন-চূর্ণ নং :০৫’ ৪ গ্রুপ মাত্রায় প্রতি ৩ ঘণ্টাস্তর ব্যবস্থা করা হয় এবং তৎসহ ৩% “ইয়াট্রিন” সলিউশন দিবসে ১ বার করিয়া সরলান্ন পথে প্রয়োগের ব্যবস্থা করা হইল। এই চিকিৎসার তৃতীয় দিবসে রোগী আসিয়া বলিলেন যে, তাঁহার মল সাধারণ মলের স্থায় হইয়াছে এবং উদরে কোনও বেদনা নাই। ৫ম দিবসে আসিয়া বলিলেন যে, তিনি এক্ষণে নিজেকে সম্পূর্ণ সুস্থ বোধ করিতেছেন। কারণ, পূর্ব্বদিন ১টি পাঠা বলি দিয়া তাহার মাংস ভোজন করিয়াছেন এবং রাত্রি ২ ঘটিকা পর্য্যন্ত আগিয়াছিলেন, কিন্তু তথাপি তাঁহার কোনও অসুখ বোধ হয় নাই। তাঁহাকে এই চিকিৎসা আরও ২ সপ্তাহ পর্য্যন্ত চালাইতে উপদেশ দেওয়া হয়। এই রোগীকে ইহার পর একবার ৬ মাস ও ১বার ১ বৎসর পরে দেখা গিয়াছিল, রোগী তখন সম্পূর্ণরূপে সুস্থ হইয়া স্বাভ্য-শান্তি ভোগ করিতেছেন।”

এই রোগীতে ‘ইয়াট্রিনের’ এইরূপ উপকার হইতে দেখিয়া, ডাঃ ঘোষ আরও ৩১টি

রোগীতে 'ইয়াট্রিন' পরীক্ষা করিয়া ইহার গুণে মুগ্ধ হইয়াছেন। আমরাও ইহা পরীক্ষা করিয়া সন্তুষ্ট হইয়াছি।

চিকিৎসা প্রকাশের পাঠকগণ এই ঔষধ স্ব স্ব রোগীতে পরীক্ষা করিয়া তাহার ফলাফল এই কাগজে প্রকাশ করিলে আমরা বিশেষ অমুগ্ধহীত ও উপকৃত হইব।

**স্ট্রোভাস'ল**—ইহা একটি আর্সেনিক ঘটীত ঔষধ। এমিবিক ডিসেন্টারীর সকল অবস্থাতেই ইহাও বিশেষ আদরের সহিত গৃহীত হইয়াছে; কিন্তু ব্যাসিলারী ডিসেন্টারীর উপর ইহার ক্রিয়া এখনও সম্যক্রূপে জানা যায় নাই। সুতরাং ইহার আলোচনা এস্থলে নিম্নয়োজন।



## কাঁকড়া বিছার দংশন।

### A case of scorpion bite.

By Dr Milton C. Lang. M. D.

Central province. India.



নিম্নে একটি কাঁকড়া বিছা দ্বারা দংশিত রোগীর বিবরণ লিপিবদ্ধ করিতেছি। এরূপ উগ্র প্রতিক্রিয়ার লক্ষণ বিশিষ্ট রোগী খুব অল্পই দেখা যায়।

১৯২৬ সালের ৬ই জুলাই রোগী জনৈক ব্যক্তি যখন তাহার কার্যে ব্যাপৃত ছিল, সেই সময়ে তাহার বামপদের অঙ্গুষ্ঠে একটি কাঁকড়া বিছা দংশন করে। দংশনের পর হইতে রোগী আমার চিকিৎসাধীনে আসা পর্যন্ত ১৫ মিনিট কাল অতিবাহিত হইয়াছিল।

রোগী যখন চিকিৎসাধীনে আসিল, তখন সে অত্যন্ত যন্ত্রনা ও দৈহিক দৌর্বল্য বোধ করিতেছে—বলিল। রোগীর বয়স ২২ বৎসর। যন্ত্রণায় বিশেষ অবসন্ন হইয়া পড়িতেছে। স্বকণ্ঠশীতল, জিহ্বাও চট্‌চটে এবং চর্মের বেধ শক্তি রহিত হইয়া গিয়াছিল। বাম পায়ের বুড়ানুলীতে যেখানে কাঁকড়া বিছা দংশন করিয়াছিল, সেখানে দংশন চিহ্ন বর্তমান ছিল, কিন্তু দংশিত স্থান তেমন ক্ষীণ হয় নাই। শ্বাসপ্রশ্বাস দ্রুত এবং নাড়ীও দ্রুত ছিল। রোগীর অত্যন্ত মূত্রবেগ হওয়ার মূত্রত্যাগ করিতে সক্ষম হইয়াছিল। কয়েকবার বমন হইবার পর রোগী অর্ধ অচেতন অবস্থা প্রাপ্ত হয় ও অত্যন্ত ছট্‌কট করিতে এবং মুখ দিয়া কেশা

নির্গত হইতে থাকে। রোগীর বতরুণ জ্ঞান ছিল, ততরুণ সে বক্ষঃস্থলে ও দংশিত পায়ে অত্যন্ত বেদনা বলিতেছিল। রোগীর কাশি উপস্থিত এবং ফেনায়ুক্ত প্লেগ্মা নির্গত হইতে থাকে। ক্রমশঃ এই ফেনা লোহিতাভ বর্ণে পরিবর্তিত হইয়া নির্গত হইতে থাকে। প্রবল “শকের” (shock) সমস্ত লক্ষণই প্রকাশ পাইয়াছিল। উত্তাপ ৯৬°২' ডিক্রী, নাড়ীর গতি মুহু ও প্রায় অননুভবনীয়। ষ্টেথিস্কোপ দ্বারা ক্লংপিণ্ডের তীক্ষ্ণ স্পন্দন ক্ষীণ ভাবে - মিনিটে ১৩৬বার পাওয়া গেল। সমস্ত দেহ শীতল বর্ণে সিক্ত হইয়াগেল।

বক্ষঃ পরীক্ষায় ফুসফুসের শোধ বুঝিতে পারা গেল। ঔষ্ঠ পুট নীলাভবর্ণ ধারণ করিল। অন্তঃপর সমুদায় লক্ষণাদি আসন্ন মৃত্যু জ্ঞাপন করিল। এই সময়ে রোগীর একটু জ্ঞান সঞ্চার হওয়ায় রোগী মল ও মূত্রত্যাগের জন্ত চেষ্টা করিল এবং প্রায় ১ ঘণ্টাকাল চেষ্টার পর কিছু মলত্যাগ ও কিঞ্চিৎ পরে প্রায় ২৬০ সি, সি, পরিমাণ মূত্রত্যাগ করিতে সক্ষম হইল।

চিকিৎসায় প্রায় ২½ ঘণ্টা পরে রোগীর অবস্থার হিত পরিবর্তন হইলে, তাহাকে বহন করিয়া গৃহে লইয়া যাওয়া হইল। কিন্তু ২ দিন পর্যন্ত সে কোনও কার্য করিতে পারে নাই এবং বৃকে ও সমস্ত দেহে এক প্রকার ব্যথা অনুভব করিয়াছিল। রোগীর জ্বর হয় নাই। প্রবল লক্ষণাদি প্রকাশের পূর্বে রোগী যে মূত্রত্যাগ করিয়াছিল, তাহা পরীক্ষার ফল নিয়ে প্রদত্ত হইল।

**প্রস্রাব পরীক্ষার ফল।** উহা অস্বাদু, উহার আপেক্ষিক গুরুত্ব ১০১৮, প্রচুর এলবুমেন ছিল, শর্করা নাই; হায়ালিন্, ফাইন্ গ্র্যানুলার কাষ্টস্, বহু লিউকোসাইটস্, রক্তকণিকা, এবং কিছু মূত্রাশয়ের এপিথিলিয়াম ও ডোব্রিস্ ও পাওয়া গিয়াছিল।

২ দিন পরে অর্থাৎ ৮ই জুলাই পুনরায় মূত্র পরীক্ষা করিয়া দেখা গেল যে—

মূত্র পরিষ্কার, অস্বাদু, রং—এস্বাদু, আপেক্ষিক গুরুত্ব ১০১৮, এলবুমেন অত্যন্ত, শর্করা নাই। ফাইন্ গ্র্যানুলার বা হায়ালিন কাষ্ট, কিছু ফোয়ামাস্ এপিথিলিয়াম্ ছিল।

**চিকিৎসা।** স্থানিক চিকিৎসার্থ দংশিত স্থান কর্তন করিয়া দিয়া তাহাতে টীং ফেরি পারক্লোর লাগাইয়া দেওয়া হয়। সার্বদিক চিকিৎসার্থ লক্ষণানুযায়ী :—

হাইড্রি, স্পিরিট এমন এরোমেট্ সেবন, ক্যাফিন এবং ১/৫০ গ্রেণ মাত্রায় এট্রোপিন সালফেট অধঃস্বাচিক ইঞ্জেকসনরূপে এবং উষ্ণ চা। বক্ষঃস্থলের উত্তর পাখেই উষ্ণ সালাইন্ সলিউসন ইঞ্জেকসন এবং বক্ষঃস্থলে ও উদর প্রাচীরে উষ্ণতা প্রয়োগ করা হয়।

কাঁকড়া বিছাটিকে মারিয়া আমাকে দেখান হইয়াছিল। ইহা সাধারণ কাঁকড়া বিছার জায়ই ছোট কিন্তু উহার রং অপেক্ষাকৃত ঘোর কৃষ্ণবর্ণ।

এতদেশে কাঁকড়াবিছার দংশন বিরল নহে, কিন্তু তাহাতে প্রায়ই কেবলমাত্র দংশিত স্থানে অত্যন্ত যন্ত্রণা, দংশিত স্থানের ক্ষীতি ইত্যাদি এক ঘণ্টা কাল থাকিয়া আপনা হইতেই মারিয়া যায়।

এই রোগীটিতে কাঁকড়াবিছার বিষ কিউমী ও ফুসফুসীয় এলভিওলির উপর বিশেষ ক্রিয়া প্রকাশ করিয়াছিল। ( I. M. G. )

নৰ্মাল স্যালাইন ইঞ্জেক্সন দ্বাৰা  
'সায়োটিকার চিকিৎসা।

**Treatment of Sciatica with Normal  
Saline Injection.**

**By Dr. M. Barooa., L. M. P., F. T. S., M. B. A. S. (London)**

I/C., Mancotta T. E. Hospital,  
Dibrugarh—ASSAM.

—:—:—

পূৰ্বে আমি কঠিন সায়েটিকা ( স্নায়ুশূল ) ৰোগেৰ, নানাবিধ বিখ্যাত ঔষধাদি এবং পেটেণ্ট ঔষধ ও মালিশ ইত্যাদিৰ দ্বাৰা চিকিৎসা কৰিতাম—ইহাতে ৰোগী আৰোগ্য হইতে বহু সময় লাগিত। কিছুদিন হইতে এই যজ্ঞাদায়ক পীড়ার এমন একটা ঔষধ আমি খুঁজিতেছিলাম—যাহাতে ৰোগী সত্ত্বৰ এই অসহ যজ্ঞাৰ হাত হইতে পৰিত্ৰাণ লাভ কৰিতে পারে। এই সময়ে আমি কোনও একখানি চিকিৎসা বিষয়ক পত্রিকায় পাঠ কৰিলাম যে, “নৰ্মাল স্যালাইন ইঞ্জেক্সন” দ্বাৰা সায়েটিকা পীড়ার চিকিৎসা কৰিলে বিশেষ উপকার পাওয়া যায়। অতঃপর এই চিকিৎসা পরীক্ষা কৰিবার জন্ত আমি সুযোগ খুঁজিতেছিলাম।

প্রায় ৩ বৎসর পূৰ্বে একজন পূৰ্ণবয়স্ক হিন্দু স্ত্রীলোক আমার নিকট চিকিৎসার জন্ত আসে। ৰোগিণী সায়েটিকাৰ শ্রায় বিশেষত্ব পূৰ্ণ—কৰ্ত্তনবৎ অসহ যজ্ঞাৰ বিষয় জ্ঞাপন কৰিল। এই ৰোগিণীৰ উপর আমার বহুদিনেৰ ঈপ্সিত পরীক্ষা কৰিবার জন্ত—তাহাকে অবিলম্বে হাঁসপাতালে ভৰ্ত্তি কৰিয়া লইলাম এবং ঐ দিনই সন্ধ্যায় তাহাকে ৫ সি, সি, পরিমাণ ট্ৰেইলাইজড্ ( বিশোধিত ) নৰ্মাল স্যালাইন সলিউশন—আক্রান্ত দিকেৰ নিতম্ব দেশে অধঃস্থায়িক ইঞ্জেক্সন দিলাম।

পরদিন প্রাতঃকালে ৰোগিণীকে দেখিয়া আমি অত্যন্ত আশ্চৰ্য্যাবিত হইলাম। শুনিলাম যে, তাহার বেদনাৰ যথেষ্ট উপশম হইয়াছে—এবং ৰোগিণী অনেক ভাল বোধ কৰিতেছে। এই উপকার দেখিয়া আমি যুগপৎ আশ্চৰ্য্যাবিত ও উৎসাহিত হইয়া তাহাকে প্রত্যহ একট কৰিয়া আরও ২টা ২ দিনে উল্লিখিতৰূপেই ইঞ্জেক্সন দিলাম। এই ৰোগিণীকে সৰ্বসমেত উপযুক্ত ৩ দিনে ৩টি ইঞ্জেক্সন দেওয়া হইয়াছিল। শেষ ইঞ্জেক্সনটীৰ পর তাহার আর আদৌ বেদনা ছিল না—সমস্ত যজ্ঞাদায়ক লক্ষণই সম্পূৰ্ণৰূপে অন্তৰ্হিত হইয়াছিল। অতঃপর তাহাকে সম্পূৰ্ণৰূপে সুস্থ বিবেচিত হওয়ায় হাঁসপাতাল হইতে ছাড়িয়া দেওয়া হয় এবং তাহার নিকট প্রতিশ্রুতি লওয়া হইয়াছিল যে—যদি পুনরায় আবশ্যক হয়, তাহা

হইলে সে চিকিৎসার জন্য নিশ্চয়ই আসিবে। অতঃপর ১ সপ্তাহ পর্যন্ত তাহাকে প্রত্যহ পরীক্ষা করা হইত, কিন্তু বেদনার পুনরাক্রমণ না হওয়ায় তাহাকে নিজকার্যে যোগ দিতে বলা হইয়াছিল। ( Antiseptic )

## চিত্তাকর্ষক – ম্যালেরিয়া ।

### An Interesting Case of Malaria.

By Dr. Kartic chandra Banerji.

Kalagoiti Tea Estate Hospital. ( Jalpaiguri )

গ্রীষ্মকালের সমস্ত চিকিৎসকগণই, তাঁহাদের প্রাত্যহিক চিকিৎসা ব্যবসায় ম্যালেরিয়া রোগী দেখিতে পান। যদি পীড়া ষথাসময়ে ঠিক ভাবে নির্ণীত হয়, তাহা হইলে ইহার উপযুক্ত চিকিৎসা হওয়ায় সুফলই প্রাপ্ত হওয়া যায়। অতীত অধিকাংশ রোগীরই চিকিৎসার ফল অশুভ হয়। নিম্নে আমি একটা চিত্তাকর্ষক রোগীর বিবরণ বিবৃত করিতেছি, যাহা অল্পদিন হইল আমার চিকিৎসাধীনে আসিয়াছিল :—

স্বোগী—একজন পাহাড়ী পুরুষ, বয়স ৩৪, নাম কাঞ্চা। অত্র বাগানেরই একজন চৌকিদার। গত ১৩ই জানুয়ারি রাত্রে রোগী অরাক্রান্ত হয় এবং পরদিন প্রাতঃকালে আমার নিকট কতকগুলি কুইনাইন ট্যাবলেট লইতে আসে। আমি পরীক্ষা করিয়া দেখিলাম তখন তাহার জ্বর ৯৯.২ এবং তৎসহ শিরঃপীড়া, কোষ্ঠবদ্ধ, মলাবৃত্ত জিহ্বা, অল্প কাশি এবং সমস্ত দেহে বেদনা বর্তমান ছিল। আমি তাহাকে এক মাত্রা লাবণিক বিরেচক সেবন করাইয়া দিলাম। সন্ধ্যাবেলা অনুসন্ধান করিয়া জানিলাম যে, তাহার কোষ্ঠ পরিষ্কার এবং জ্বরের উপশম হইয়াছে।

পরদিন প্রাতঃকালে আমাকে হাসপাতালে সংবাদ দিবার পরিবর্তে, সে তিস্তা নদীতে প্রেত পূজা করিবার জন্য গমন করে। কারণ তাহার বিশ্বাস যে, কোন অপদেবতার দ্বারাই তাহার এই পীড়া হইয়াছে।

১৬ই তারিখে প্রাতঃকালে তাহার পুনরায় জ্বর আসে এবং তৎসহ বিশেষ এক প্রকার শীতাত্ত্ব ও বিশেষ পূর্ণ লক্ষণাবলী বর্তমান থাকে। আমি তাহাকে এক মাত্রা ঘর্ষকারক মিশ্র সেবন করিতে দিলাম এবং একটা কুইনাইন ইঞ্জেকসন দিবার জন্য বেলা ১ ঘটিকার সময় তাহার গৃহে উপস্থিত হইলাম। রোগীর আত্মীয় স্বজনেরা রোগীকে ইঞ্জেকসন দিতে এবং হাসপাতালে পাঠাইতে যোর অমত



প্রকাশ করিল; আমি তাহাদের মত পরিবর্তনের অনেক চেষ্টা করিলাম, কিন্তু কোনই ফল হইল না। অবশেষে মৃগস্ত ব্যাপার বাগানের ম্যানেজারের গোচরীভূত করিলাম। এই দিন বেলা ৩ ঘটিকার সময় সংবাদ পাইলাম যে, রোগীর অবস্থা মন্দতর হইয়াছে। এই সংবাদ পাইয়া আমি অবিলম্বে রোগীর গৃহে উপস্থিত হইলাম এবং দেখিলাম যে, রোগীর জ্ঞান নাই। অরীয় উত্তাপ ১০৩.২, নাড়ীর গতি প্রতি মিনিটে ১৩০, শ্বাসপ্রশ্বাস গভীর ও অনিয়মিত, মস্তক পশ্চাৎদিকে হেলিয়া পড়িয়াছে। দৃষ্টি উর্দ্ধে ঘূর্ণীয়মান, প্লীহা বিবর্ধিত ও শক্ত, কিন্তু ষক্লং তজ্জপ নহে। চক্ষু তারকা স্বাভাবিক এবং আলোকে প্রতিক্রিয়া বিশিষ্ট। রোগী স্নপুষ্ট ও বলবান হইলেও পুনঃ পুনঃ “টনিক কনভালসন্” (আক্কেপ) দ্বারা আক্রান্ত হইতেছিল। আমি রোগীর দেহে কোনরূপ ক্ষত বা আঁচড় দেখিতে পাইলাম না বা এরূপ কোন ইতিহাস পাইলাম না। যাহাতে এই আক্কেপকে “ধনুটকার” (Tetanus) বলিয়া নির্ণয় করিতে পারি। “নি-জার্ক” (Knee jerk) ছিল এবং “কেরনিগের” (Kernig’s) লক্ষণ কতক পরিমাণে বর্তমান ছিল।

রোগীর অনিয়মিত ও পরিবর্তনশীল লক্ষণাদির জন্ত সঠিক ভাবে পীড়া নির্ণয় সম্বন্ধে কিছু সন্দেহ ছিল। রোগীর অঙ্গুলির শীর্ষদেশ হইতে কিঞ্চিৎ রক্ত লইয়া টেইন করতঃ, অম্লবীক্ষণ যন্ত্র দ্বারা পরীক্ষা করিলাম এবং এতদ্ব্যতীত ৩—৫টি “প্লাসডিয়াম ভাইভেক্স” (Plasodium Vivax) শ্রেণীর প্যারাসাইট (জীবাণু) দেখিতে পাইলাম।

**চিকিৎসা**—এই রোগীটির অবস্থা এতই সাংঘাতিক হইয়া পড়িয়াছিল যে, তখন বাগানের প্রধান চিকিৎসককে ডাকিয়া পাঠাইবার সময় আদৌ ছিল না। সুতরাং আমি কালবিলম্ব না করিয়া, দশ গ্রেণ কুইনাইন বাই হাইড্রোক্লোর, ১৫ সি, সি, বিশোধিত—স্ট্রাইন সলিউশনের সহিত মিশ্রিত করিয়া, বাবু জি, সি. বহু মহাপয়ের সাহায্যে রোগীর শিরায়ধ্যে ইঞ্জেকসন দিলাম এবং রোগীর মাথায় শীতল জলের দ্বারা দিতে আরম্ভ করিলাম। প্রথম ইঞ্জেকসন দিবার চারি ঘণ্টা পরে, এরূপ আর একটি ইঞ্জেকসন দেওয়া হইল। মুখপথে পথ্যার্থ কিঞ্চিৎ উষ্ণ দুগ্ধ ব্যতীত আর কিছুই দেওয়া হয় নাই।

**১৭ই তারিখে**—অল্প প্রাতঃকালে রোগীর প্রায় সমস্ত লক্ষণই অন্তর্হিত হইয়াছিল, কেবল মাত্র অর ১০২.৬, মলাবৃত্ত জিহ্বা এবং বিবর্ধিত প্লীহা বর্তমান ছিল। এই দিন পুনরায় কিঞ্চিৎ রক্ত লইয়া গ্লাস প্লাইডে মাখাইয়া পূর্কোক্তরূপে পরীক্ষা করায় প্রত্যেক ক্ষিমে তখনও ২—৩টি প্যারাসাইটস্ (জীবাণু) বর্তমান থাকিতে দেখা গেল। অল্পও পূর্কোক্তরূপে আরও দুইটি কুইনাইন ইঞ্জেকসন দেওয়া হইল। এতদ্ব্যতীত ৩ গ্রেণ ক্যালোমেল, ৮ গ্রেণ সোডা বাইকার্বের সহিত মিশ্রিত করিয়া, ১ মাত্রা দেওয়া গেল এবং বর্ষকারক ঔষধেরও ব্যবস্থা করা হইল।

**১৮ই তারিখে**—অল্প পুনরায় রক্ত পরীক্ষা করিয়া তখনও কয়েকটি প্যারাসাইটস্ বর্তমান থাকিতে দেখা গেল। এই দিবস কুইনাইন, আর্সেনিক ও ক্রীকনাইন একত্রে মিশ্রিত



করিয়া একটি মিশ্র প্রস্তুত করতঃ সেবনার্থ ব্যবস্থা করা হইল । মাঝে মাঝে উগ্র লাবণিক বিরেচকেরও ব্যবস্থা করা হইল ।

ইহার পর হইতে ৫ গ্রেণ কুইনাইন বাই সালফেটের ট্যাবলেট প্রত্যহ ১ বার করিয়া ১৭ দিন পর্যন্ত সেবন করান হইয়াছিল । রোগীর রক্ত হইতে প্যারাসাইট্‌স্ একেবারেই অন্তর্হিত হইয়াছিল এবং রোগী সম্পূর্ণ সুস্থ হইয়া এক্ষণে (এপ্রিল ১৯২৬) বাগানে কার্য্য করিতেছে ।

**অন্তব্য—**( ১ ) এই রোগীর লক্ষণাদি দেখিয়া ধনুষ্টকার অথবা সেরিব্রো-স্পাইনাল ফিভার বলিয়া ভ্রম হওয়া আশ্চর্য্য নহে । রক্তের অনুবীক্ষণ পরীক্ষা দ্বারা কেবলমাত্র পীড়া নির্ণয় সম্বন্ধে নিঃসন্দেহ হওয়া গিয়াছিল ।

(২) এই হৃদম্য লক্ষণাবলী কেবলমাত্র কুইনাইন ইন্ট্রাভেনাস্ ইন্জেকসন দেওয়াতেই সম্বরণ দমিত হইয়াছিল ।

( ৩ ) এই হাঁসপাতালের অনুবীক্ষণ যন্ত্রটি পাইবার পূর্বে, এইরূপ আরও তিনটি রোগীর চিকিৎসা করিয়া সম্পূর্ণরূপে অকৃতকার্য্য হইয়াছিলাম ।

আমাদের এই বাগানের ম্যানেজার মিঃ আর, এইচ ফারগাসন্ মহাশয়ের নিকট আমি বিশেষ কৃতজ্ঞ, কারণ তিনি আমাকে বাগানে চিকিৎসা করার জন্য এই বিশেষ আবশ্যকীয় যন্ত্রটি আনিয়া দিয়াছেন । ( I. M. G. )

## রিকেট্‌স পীড়ায়—কডলিভার অয়েল ।

ডাঃ শ্রীনির্মলকান্ত চট্টোপাধ্যায় M. B.

কলিকাতা ।

সম্প্রতি “American Journal of Diseases of Children” নামক পত্রিকায়, শিশুদের রিকেট্‌ রোগে কডলিভার অয়েলের উপকারিতা সম্বন্ধে এক দীর্ঘ প্রবন্ধ প্রকাশিত হইয়াছে । কতিপয় বিচক্ষণ, অভিজ্ঞ ও প্রবীন মার্কিন চিকিৎসক পরীক্ষা করিয়া দেখিয়াছেন যে, কডলিভার অয়েলের ইমাল্শন্‌ আভ্যন্তরিক প্রয়োগ করিলে, শিশুদের রিকেট্‌ পীড়া অতি সম্বরণ আরোগ্য হইয়া যায় । যে সমস্ত শিশু অতি হ্রস্ব ও স্বাস্থ্যহীন, —তাহাদিগকে ভূমিষ্ঠের পর হইতেই একটু একটু কডলিভার অয়েল সেবন করিতে দিলে, তাহাদের রিকেট্‌ পীড়া হইবার সম্ভাবনা থাকে না । যে সমস্ত শিশু শীত ঋতুতে জন্ম গ্রহণ করে, তাহাদের স্বাস্থ্য ধারাপ না থাকিলেও, ২১ মাস কডলিভার অয়েল ইমাল্শন

খাইবার ব্যবস্থা করিলে—তাহাদের স্বাস্থ্যের আরও উন্নতি হইয়া থাকে এবং তাহারা নানাবিধ শৈশবীয় পীড়ার হস্ত হইতে পরিত্রাণ পায়।

অতি অল্প মাত্রায় কডলিভার অয়েল ইমাল্শন প্রয়োগ আরম্ভ করিয়া, ক্রমশঃ মাত্রা বৃদ্ধি করতঃ, প্রত্যহ ৩ বার পর্য্যন্ত দেওয়া যায়। ছুন্দের সহিত মিশ্রিত করিয়া পান করিতে দেওয়া ভাল।

অধুনা পৃথিবীর সমস্ত খ্যাতিনামা শিশু চিকিৎসকই, শিশুদের দৌর্বল্যে এবং রিকেট্‌ রোগে—এক বাক্যে কডলিভারের উপকারীতা স্বীকার করেন। অনেক চিকিৎসক প্রত্যেক শিশুকেই ( কি সুস্থ, কি অসুস্থ ), জন্মবার পর হইতে ২।১ মাস পর্য্যন্ত নিয়মিত ভাবে কডলিভার অয়েল ব্যবহারের উপদেশ দিয়া থাকেন। শীতকালে প্রত্যেক শিশুকেই ৩।৪ মাস ধরিয়া কডলিভার সেবন করাইলে, তাহাদের স্বাস্থ্য এত ভাল থাকে যে, রিকেট ইত্যাদি হইবার আশঙ্কা আদৌ থাকে না এবং সহসা সর্দি, ব্রকাইটিস্, কর্ণশূল, আক্রোপ ইত্যাদি কোনও পীড়াই হইতে পারে না। অনেক বিজ্ঞ শিশুচিকিৎসক প্রতি শীতঋতুতেই শিশুদিগকে কডলিভার ইমাল্শন ব্যবহার করিতে উপদেশ দেন।

আমি কতিপয় রিকেট্‌ পীড়াগ্রস্ত শিশুকে কডলিভার খাইতে দিয়া বিশেষ উপকার পাইয়াছি। তবে আমি কডলিভার ইমাল্শন অপেক্ষা কডলিভার উইথ্‌ মন্টই অধিক ব্যবহারের পক্ষপাতী। কডলিভার একটি উৎকৃষ্ট পরিপোষক ঔষধ। দেহ হইতে ক্যালশিয়াম ইত্যাদির হ্রাস হইয়া পৈশিক, স্নায়বীক এবং অস্থির বিকৃতি ঘটিলে, কডলিভার অয়েল ব্যবহারে অতি সুন্দর ফল পাওয়া যায়।

সম্প্রতি আমি একটি রিকেট্‌ রোগ গ্রস্ত শিশুকে কডলিভার ব্যবহারে সুস্থ করিয়াছি। ইহার বিবরণ নিম্নে বর্ণিত হইল :—

স্নোগী শিশু—বয়স ৬।৭ মাস। সম্প্রতি ইহার অভিভাবক এখানে আসিয়াছেন। শিশুটিকে দেখাইবার জন্ত একদিন সকালে আমার নিকট লইয়া আসেন।

পরীক্ষা করিয়া দেখিলাম, শিশুটি অত্যন্ত দুর্বল। শিশুটির বয়স ৬।৭ মাস হইলেও দেখিলে ২।৩ মাসের শিশু বলিয়া ভ্রম হয়। শিশুর হাত পাগুলি সরু সরু এবং অস্থি কোমল। শিশু বসিতে পর্য্যন্ত অক্ষম, অত্যন্ত ক্রন্দনশীল—বিশেষতঃ রাত্রে। ফুসফুস ও হৃৎপিণ্ড স্বাভাবিক। নাড়ীও স্বাভাবিক। আমার মনে হইল শিশুটি “রিকেট্‌” রোগে ভুগিতেছে। এতদর্থে আমি নিম্নলিখিত ব্যবস্থা করিলাম। যথা :—

Re.

ডি-জন্স্‌ কডলিভার অয়েল (পিওর)—১ বোতল।

সকালে ৯।১০টার সময়ে খানিকটা কডলিভার অয়েল লইয়া, শিশুর মেরুদণ্ডে, হস্ত ও

পদ শাখায় উত্তমরূপে মর্দন করতঃ, শিশুকে অর্দ্ধঘণ্টাকাল রৌদ্রে রাখিয়া অতঃপর ঈষৎ জলে উত্তমরূপে স্নান করাইয়া বস্ত্রাদি পরাইয়া দিতে বলিলাম এবং নিম্নলিখিত ব্যবস্থা করিলাম ।

Re.

“বাইনল্” ( Bynol ) ... ১ বোতল ।

চা-চামচের ১/৪ চামচ মাত্রায়, কিঞ্চিৎ ঈষৎ দুগ্ধ সহ দ্বিপ্রহরে ও সন্ধ্যায় —২ বার সেব্য ।

“বাইনলের” মধ্যে “কড্‌লিভার অয়েল” ও “মন্ট” থাকায় ইহাই আমি অধিকাংশ স্থলে ব্যবহার করিয়া থাকি । দেখিয়াছি, ইহাতে রোগীর সাধারণ স্বাস্থ্যের বিশেষ উন্নতি অতি শীঘ্রই হইয়া থাকে ।

এই চিকিৎসায় শিশুটির দেড় মাস মধ্যেই বিশেষ উন্নতি হইতে দেখা গেল । হাত পা গুলি বেশ গোল ও মোটা এবং সুপুষ্ট হইয়া উঠিল । শরীরও বেশ দৃষ্ট-পুষ্ট হইল ! শিশু আর এখন সর্বদা কাঁদে না । রাত্রে বেশ ভাল ভাবেই নিদ্রা যায় । শিশু বসিতে ও হামা দিতে পারে । আমি এই চিকিৎসা আরও দেড় মাস কাল নিয়মিত ভাবে চালাইবার জন্ত উপদেশ দিয়াছিলাম ।

এইরূপ আরও কয়েকটা শিশুর “রিকেট্” পীড়া আরোগ্য করিতে সক্ষম হইয়াছি । আভ্যন্তরীণ ব্যবহার জন্ত আমি সাধারণতঃ “বাইনল্” এবং ইহা সহ না হইলে পার্কেভেভিসের “কড্‌লিভার অয়েল ইমাল্শন” অথবা “স্কট্‌স্ ইমাল্শন” এবং বাহ্যিক ব্যবহার জন্ত “ডিজন্স-কড্‌লিভার অয়েল্” ব্যবহার করিয়া থাকি ।

দুর্বল, অপরিপুষ্ট শিশুকেও এইরূপ নিয়মে চিকিৎসা করিলে আশাতীত উপকার পাওয়া যায় এবং শিশুও সত্বর সুস্থ হইয়া উঠে ।

সম ব্যবসায়ী বন্ধুগণকে তাঁহাদের শিশু-রোগীতে এইরূপ চিকিৎসা অবলম্বন করিয়া দেখিতে অনুরোধ করি ; ইহা সুলভ, সহজ প্রাপ্য অথচ আশুফলপ্রদ । পল্লী চিকিৎসকগণ যে সমস্ত দুর্বল ও রিকেট্‌ শিশুকে চিকিৎসার জন্ত সহরে প্রেরণ করেন অথবা আরোগ্যের আশা নাই বলিয়া ত্যাগ করিয়া থাকেন, সেই সমস্ত শিশু রোগীকে এইরূপ নিয়মে চিকিৎসা করিলে নিশ্চয়ই উপকার পাইবেন বলিয়া আমার বিশ্বাস ।

# নূতন ঔষজ্য প্রয়োগ তত্ত্ব ।

—:0:—

## থিয়াসিলন—Theacylon.

By Dr, N. K. Dass M. B.

—:0:—

ইহা এসিটল-থ্যালিসিলিন্-থিয়োট্রোমিনের যৌগিক প্রয়োগরূপ । দেখিতে সাদা দানা যুক্ত চূর্ণ । জল, এলকোহল কিম্বা ডাইলিউট এসিডে অদ্রবনীয় ; কিন্তু ক্রীণ কার দ্রবে সহজেই দ্রব হয় । ইহা পাকস্থলীতে গিয়া কোনও প্রকার উত্তেজনা প্রকাশ করে না ।

ক্রিয়া—‘থিয়াসিলন’ একটা উৎকৃষ্ট মূত্রকারক ঔষধ । ইহা ব্যবহারের অন্তর সময় মধ্যেই মূত্র নিঃসরণ বৃদ্ধিপ্রাপ্ত হয় এবং এই ক্রিয়া কয়েকদিন পর্যন্ত স্থায়ী হইয়া থাকে ।

আমলিক প্রয়োগ—‘থিয়াসিলন’—তরুণ ও পুরাতন নেফ্রাটিস্ রোগে, হৃৎপিণ্ডের পীড়ায়—বিশেষতঃ যেখানে, ‘ইডিয়া’ (শোধ) এবং উদরী বর্তমান থাকে, তথায় বিশেষ উপযোগিতার সহিত ব্যবহৃত হইয়া থাকে । হৃৎপিণ্ডের পীড়ায় এই ঔষধ ব্যবহার করিলে মূত্রকারক ক্রিয়া ব্যতীতও, ইহা রক্তের চাপ শক্তি হ্রাস করতঃ, নানারূপ অশুভ লক্ষণের হ্রাস করিয়া থাকে । করোনারী ধমনীর বিস্তৃতি (dilatation) হইলে ডিজিটেলিস্ ব্যতীতও, কেবলমাত্র এই ঔষধেই রোগীর নাড়ীর গতির উন্নতি দেখা যায় ।

মাত্রা । ০.৫ গ্রাম বা ৭½ গ্রেণ মাত্রার চূর্ণ ঔষধ বা ট্যাব্লেট ব্যবহার্য । প্রত্যহ ৩/৪ বার সেব্য ।

যে স্থলে রোগীর মূত্রত্যাগ ক্রিয়া সম্পূর্ণরূপে লোপ পাইয়াছে অর্থাৎ সম্পূর্ণরূপে মূত্রাবরোধ হইলে, এই ঔষধ ১৫ গ্রেণ মাত্রায় দিবসে ২/৩ বার সেবন করিতে দিবে এবং মূত্রত্যাগ প্রচুর পরিমাণে হইতে আরম্ভ হইলে ৭½ গ্রেণ মাত্রায় দিবসে ২/৩ বার ব্যবহার্য ।

বিশেষ দ্রষ্টব্য—‘থিয়াসিলন’ কদাচও খালিপেটে সেবন করিতে দিবে না । উত্তেজনা যুক্ত রোগীকে ‘থিয়াসিলনের’ ক্যাপসুল্ ব্যবস্থা করিবে । বিখ্যাত ঔষধ প্রস্তুতকারক ই, মার্ক কোং, এই ঔষধের চূর্ণ, ট্যাব্লেট্ ও ক্যাপসুল প্রস্তুত করতঃ, বাজারে বিক্রয় করিতেছেন ।

চূর্ণ=১০, ২৫, ৫০ ও ১০০ গ্রাম চূর্ণ পূর্ণ শিশিতে পাওয়া যায় ।

ট্যাব্লেট্=প্রত্যেকটা ৭½ গ্রেণ । ২৫, ট্যাব্লেট্ পূর্ণ টিউব পাওয়া যায় ।

ক্যাপসুল্=প্রত্যেকটা ৪ গ্রেণ । ২৫টা ক্যাপসুল পূর্ণ বাক্স পাওয়া যায় ।

## “মার্কিউরোসাল” ।

### On the use of Mercurosal in Syphilis

By Dr B. J. L. Sladen, F. R. C. S. (Eng. D. P. H.)

Chief Medical officer. E. B. Ry.

— ::O:: —

সম্প্রতি উপদংশ চিকিৎসার্থ মার্কীর (পারদ) নানারূপ প্রয়োগরূপ শিরামধ্যে ইঞ্জেক্সন ক্রম আবিষ্কৃত হইয়াছে ।

ইহাদের প্রত্যেকটির ইঞ্জেক্সনের ব্যয়, আসেনিকের যৌগিক প্রয়োগরূপের প্রত্যেকটির মূল্য অপেক্ষা অনেক কম । যদি রোগীর অবস্থা ভাল না হয় এবং উপদংশ চিকিৎসার জন্য কম মূল্যের অথচ আসেনিক ঘটীত ঔষধের গ্ৰাহ্যই সমান ফলপ্রদ ঔষধ দ্বারা চিকিৎসা করার আবশ্যক হয়, তাহা হইলে “মার্কীর” ঘটীত ঔষধই সর্বোৎকৃষ্ট ।

মেসার্স পার্ক, ডেভিস্ কোং অনুগ্রহ করিয়া আমাকে নমুনা স্বরূপ, তাঁহাদের প্রস্তুত “মার্কিউরোসাল” নামক মার্কীর একটি প্রয়োগরূপ পাঠাইয়া দিয়াছিলেন । এই ঔষধটি আমি নিজেও কয়েকটি রোগীকে ইঞ্জেক্সন দিয়াছি এবং আরও কতিপয় ডাক্তার আমার উপদেশমত কয়েকটি রোগীতে ব্যবহার করিয়া ইহার ফল প্রত্যক্ষ করিয়াছেন ।

“মার্কিউরোসাল”—মার্কীর ডাই সোডিয়াম-হাইড্রক্সি-মার্কিউরি স্যালিসিল্ অক্সি-এসিটেট্ এর যৌগিক প্রয়োগরূপ । ইহার তরল বিশোধিত দ্রব আবদ্ধ এম্পুল মধ্যে থাকে । সর্বমুদে ৩৪টি রোগীর শিরামধ্যে এবং ১২টি পেশী মধ্যে ইঞ্জেক্সন প্রয়োগ করা হইয়াছিল ।

নিম্নে কয়েকটি চিকিৎসিত রোগীর সংক্ষিপ্ত বিবরণ প্রদত্ত হইল :—

১মঃ রোগী—হিন্দু পুরুষ, বয়স ৩৫ বৎসর । লিঙ্গ-মুণ্ডাবরক ঘকের পশ্চাত্তাগের ঔর্থে পরিষ্কার কাটা কাটা পার্শ্ব সহ অসমান শক্ত উপদংশিক ক্রম বর্তমান ছিল । দূষিত স্ত্রী সহবাসের ২০ দিবস পরে এই ক্রম প্রকাশ পাইয়াছিল । আবিষ্কৃত রস পরীক্ষায় তন্মধ্যে “স্পাইরোচিটা প্যালিডা” (Spirochata Pallida—উপদংশের জীবাণু) পাওয়া গিয়াছিল । ইহাকে “মার্কিউরোসালের” ৪টি ইঞ্জেক্সন শিরামধ্যে প্রদত্ত হইয়াছিল ।

প্রথম ইঞ্জেক্সনের মাত্রা	...	১ সি,সি ।
দ্বিতীয়	“ ”	২ সি,সি, ।
তৃতীয়	“ ”	৪ সি,সি, ।
চতুর্থ	“ ”	৬ সি, সি, দেওয়া হইয়াছিল ।

২—৫ দিন অন্তর প্রত্যেকটি ইঞ্জেকসন দেওয়া হইয়াছিল। দ্বিতীয় ইঞ্জেকসনের পরেই ক্ষত শুষ্ক হইতে আরম্ভ এবং স্রাব নির্গমন বন্ধ হয়। ৩য় ইঞ্জেকসনের পর রোগী সম্পূর্ণরূপে আরোগ্য লাভ করে। চিকিৎসা কালীন কোনও মন্দ লক্ষণ উপস্থিত হইতে দেখা যায় নাই সুতরাং এক্ষণে এই ঔষধ যে কোনও রোগীকেই নিরাপদে ব্যবহার করিবার উপদেশ দেওয়া যায়।

২নং রোগী—হিন্দু পুরুষ, বয়স ৩০ বৎসর। ইহার হার্ডশ্রাবার হইয়াছিল। ক্ষতের চারিপাশ্ব অসমান এবং স্পষ্ট ও কিঞ্চিৎ উচ্চ। ‘স্পাইরোচিট প্যালিডা’ আনুবীক্ষণিক পরীক্ষায় পাওয়া যায় নাই। ইহাকে ৫টি ইঞ্জেকসন শিরামধ্যে দেওয়া হইয়াছিল।

প্রথম ইঞ্জেকসনের মাত্রা	...	১ সি, সি,।
দ্বিতীয়	”	২ সি, সি,।
তৃতীয়	”	২ই সি, সি,।
চতুর্থ	”	৩ই সি, সি,।
পঞ্চম	”	৫ সি, সি,।

প্রথম ইঞ্জেকসনের পর হইতেই ক্ষত আরোগ্যানুখ হয় এবং ক্ষতের রং তাম্রবর্ণ ধারণ করে। দ্বিতীয় ইঞ্জেকসনের পরেই ক্ষত আরোগ্য হয়, কিন্তু সামান্য উপরে একটু ক্ষত থাকিয়া যায়, ইহাও তৃতীয় ইঞ্জেকসনের পরেই সম্পূর্ণরূপে সারিয়া যায়। আরও ২টি ইঞ্জেকসন দেওয়া হয়। ইঞ্জেকসনের স্থানে সামান্য কতিপয় স্ফটিক ইর্যাপশন ব্যতীত, আর কোনও মন্দ লক্ষণ উপস্থিত হইতে দৃষ্ট হয় নাই।

তৃতীয় রোগী—হিন্দু পুরুষ, বয়স ২৫ বৎসর। অণুকোষে এবং লিঙ্গের অঙ্গে একজিমার ন্যায় ক্ষত দেখা যায় এবং লিঙ্গ-মুণ্ডাবরক তাকে একটা সন্দেহজনক ক্ষতও দৃষ্ট হয়। রোগীর কোনওরূপ ঔপদংশিক ইতিহাস পাওয়া গেল না।

ইহাকে ৪টি ইঞ্জেকসন শিরামধ্যে প্রদত্ত হইয়াছিল।

প্রথম ইঞ্জেকসন	...	১ সি, সি,।
দ্বিতীয়	”	৩ সি, সি,।
তৃতীয়	”	৪ সি, সি,।
চতুর্থ	”	৬ সি, সি,।

তৃতীয় ইঞ্জেকসন দিবার পরেই রোগীর সমস্ত একজিমার ন্যায় ক্ষতাদি সম্পূর্ণরূপে তিরোহিত হয়। তৃতীয় ইঞ্জেকসনটি দিবার সময়ে কয়েক বিন্দু ঔষধ শিরার বাহিরে টীপুর উপর পতিত হওয়ার রোগী যত্না অনুভব করে, কিন্তু বোরিক ফোমেন্টেসন দেওয়ার অর্ধ ঘণ্টার মধ্যেই সমস্ত বেদনা দূর হয়। ‘নিওস্তাল্ভারসন’ শিরার বাহিরে পতিত হইলে সেরূপ অসহ্য বেদনা ও ক্ষীতি দেখা যায়, ইহাতে সেরূপ কিছুই দেখা যায় নাই।

চতুর্থ রোগী—হিন্দু পুরুষ, বয়স ৩৫ বৎসর। উভয় হস্তের অধঃশাখার ‘ক্লেমর’



অংশে বিস্তৃত ক্ষত হইয়াছিল। ঔপদংশিক কোনও ইতিহাস পাওয়া গেল না। ক্ষত প্রকাশের ৮ম দিবসে রোগী চিকিৎসাধীন হয়। সিয়লিখিত মাত্রায় শিরাপথে ৪টা ইঞ্জেকসন দেওয়া হইয়াছিল।

প্রথম ইঞ্জেকসনে	...	২ সি, সি,
দ্বিতীয় ,,	...	৩ সি, সি,
তৃতীয় ,,	...	৫ সি, সি,
চতুর্থ ,,	...	৬ সি, সি,

ক্ষত হইতে প্রচুর পরিমাণে পুঁজ নির্গত হইত এবং প্রথম ইঞ্জেকসনের পরেই, ইহা হ্রাস প্রাপ্ত হইয়া শুষ্ক হইতে আরম্ভ এবং ক্ষতের অবস্থা স্বাস্থ্যকর বলিয়া অনুমিত হয়। দ্বিতীয় ইঞ্জেকসনের পর ক্ষত মধ্যে সুস্থ মাংসাকুর হইতে আরম্ভ এবং ক্ষতের অংশ সমতল হয়। চতুর্থ ইঞ্জেকসনের পর সমস্ত লক্ষণাদি তিরোহিত হইয়া, ক্ষত সম্পূর্ণরূপে আরোগ্য হইয়াছিল। চিকিৎসাকালীন কোনওরূপ মন্দলক্ষণ দৃষ্ট হয় নাই।

**পঞ্চম রোগী।** মুসলমান—পুরুষ। বয়স ২৯ বৎসর। হস্তের অধঃশাখায় ও পদ শাখায় বহির্ভাগে কণ্ডু উপস্থিত হইয়াছিল। ৬ মাস আগে রোগী উপদংশ রোগে ভুগিয়াছিল। পুরুষাঙ্গে একটা ক্ষতের দাগ স্পষ্ট দৃষ্ট হইল। ইহাকে মাত্র ২টা ইঞ্জেকসন দেওয়া হইয়াছিল। যথা ;—

প্রথম ইঞ্জেকসনে	...	১'২ সি, সি,
দ্বিতীয় ,,	...	২'৫ সি, সি,

দ্বিতীয় ইঞ্জেকসনের পরেই, কণ্ডুয়ন সমূহ বিলীন হইতে আরম্ভ এবং চুলকানীও অনেক হ্রাস প্রাপ্ত হয়। ইহার পর রোগীটি আর চিকিৎসার্থ আসে নাই।

**ষষ্ঠ রোগী।** হিন্দু—পুরুষ। বয়স ৩৮ বৎসর। অণ্ডকোষ ও লিঙ্গে একজিমা হইয়াছিল এবং প্রায়ই সন্ধি সমূহে বেদনা হইত। ১০ বৎসর পূর্বে উপদংশ দ্বারা আক্রান্ত হওয়ার ইতিহাস পাওয়া যায়। ইহাকে ৪টা ইঞ্জেকসন দেওয়া হইয়াছিল।

প্রথম ইঞ্জেকসনে	...	১ ৫ সি, সি,
দ্বিতীয় ,,	...	৩ সি, সি,
তৃতীয় ,,	...	৪ সি, সি,
চতুর্থ ,,	...	৬ সি, সি,

দ্বিতীয় ইঞ্জেকসনের পরেই একজিমা অন্তর্হিত হয় এবং ৪র্থ ইঞ্জেকসনের পরেই বেদনাদিও তিরোহিত হইয়াছিল। চিকিৎসাকালীন কোনও মন্দ ফল দেখা যায় নাই।

**ষষ্ঠ রোগী।** ইউরোপীয়, পুরুষ, বয়স ৩৫ বৎসর। ১০ বৎসর পূর্বে উপদংশ রোগে ভুগিবার ইতিহাস পাওয়া যায়। বর্তমান উপসর্গ—সন্ধি সমূহে বেদনা। ইহার অন্ত ইনি ২টা “নত আসেনোবিলোন” ইঞ্জেকসনও লইয়াছিলেন। এই ইঞ্জেকসন,

‘মার্কিউরোসাল’ ইঞ্জেকসন দিবার ১৫ দিন পূর্বে প্রদত্ত হইয়াছিল। ৪টি ‘মার্কিউরোসাল’ ইঞ্জেকসন শিরামধ্যে প্রযুক্ত হইয়াছিল। যথা,—

প্রথম ইঞ্জেকসনে	...	২ সি, সি,
দ্বিতীয় ,,	...	৪.৫ সি, সি,
তৃতীয় ,,	...	৪ সি, সি,
চতুর্থ ,,	...	৬ সি, সি,

দ্বিতীয় ইঞ্জেকসন (৪.৫ সি, সি,) দিবার পর, রোগী ১০—১২ বার আম মিশ্রিত মল ত্যাগ করে। এতৎসহ রক্তও মিশ্রিত ছিল। এই অবস্থা ২ দিন পর্যন্ত স্থায়ী হইয়াছিল। আর অণু কোনও লক্ষণ দেখা যায় নাই।

**অষ্টম রোগী।** এংলো ইণ্ডিয়ান, বয়স ৩০ বৎসর। রোগী দশ বৎসর পূর্বে উপদংশ দ্বারা আক্রান্ত হইয়াছিল। বর্তমান উপসর্গ—গলার মধ্যে রক্তাধিক্য এবং স্বরনলীর স্থলঘ। ইহাকে শিরাপথে ৩টি ইঞ্জেকসন দেওয়া হইয়াছিল।

প্রথম ইঞ্জেকসন	...	২ সি, সি,
দ্বিতীয় ,,	...	৩.৫ সি, সি,
তৃতীয় ,,	...	৩.৫ সি, সি,

দ্বিতীয় ইঞ্জেকসনের পরেই স্বরনলীর স্থলঘের হ্রাস এবং রোগীর স্বরের অনেকটা উন্নতি হয়। ৩য় ইঞ্জেকসনের পরেই রোগীর স্বর আরও স্পষ্টতর ও স্বরনলীর স্থলঘ আরও হ্রাস প্রাপ্ত হয়। এই রোগীও, ৭ম রোগীর ত্যায় ১ বার আম ও রক্ত মিশ্রিত মল ত্যাগ করিয়াছিল (২য় ইঞ্জেকসনের পর)। আর অণু কোনও অশুভ লক্ষণ দৃষ্ট হয় নাই।

**নবম রোগী।** হিন্দু, পুরুষ, বয়স ৩০ বৎসর। দক্ষিণ উত্তর ভিতরের দিকে বিধৃত একজিয়া জনিত কৃত বিঘ্নমান ছিল। ঔপদংশিক ইতিহাস পাওয়া যায় নাই। শিরায় মধ্যে ৪টি ইঞ্জেকসন দেওয়া হইয়াছিল।

প্রথম ইঞ্জেকসনে	...	১.২ সি, সি,
দ্বিতীয় ,,	...	৩ সি, সি,
তৃতীয় ,,	...	৫ সি, সি,
চতুর্থ ,,	...	৬ সি, সি,

এই রোগীটির কোনও উপকার দৃষ্ট না হওয়ায়, চিকিৎসা বন্ধ করা হইয়াছিল।

এই সমস্ত রোগীই ঝাঁসীতে জি, আই, পি, রেলওয়ে হাসপাতালে চিকিৎসিত হইয়াছিল এবং ২২নং রোগীটি ব্যতীত আর সমস্ত রোগীই এই চিকিৎসায় উপকৃত হইয়াছিল।

এই ঔষধ দ্বারা ঝাঁসীর স্বাধীন চিকিৎসা ব্যবসায়ী ডাক্তার সরজু প্রসাদ কর্তৃক নিয়ন্ত্রিত ২টি রোগীর চিকিৎসা করা হইয়াছিল। ইনিও বলেন যে, এই দুইটি রোগীই এই চিকিৎসা দ্বারা বিশেষ উপকার পাইয়াছিল।

(১) রোগী। পুরুষ, বয়স-২৯ বৎসর। ১২ বৎসর আগে ইহার উপদংশ হইয়াছিল।

বর্তমান অবস্থা—সর্বাঙ্গে ইরাপসন, বিশেষতঃ হাতের তালু ও পদতালুতে ইহা অধিতর স্পষ্ট। গলাভ্যন্তরও সংক্রমিত—স্বর কর্কশ; টন্সিল বিবর্তিত।

ইহাকে পেশী মধ্যে ৬টা ইঞ্জেকসন প্রদত্ত হইয়াছিল। সকলগুলিই ০.০৫ গ্রাম মাত্রায় - ৫ দিন অন্তর দেওয়া হইয়াছিল। দ্বিতীয় ইঞ্জেকসনের পর হইতেই ইরাপসন অন্তর্হিত হইতে আরম্ভ হইয়া, ৬টা ইঞ্জেকসনের পর সমস্ত লক্ষণই অন্তর্হিত হইয়াছিল। কোনওরূপ মন্দ প্রতিক্রিয়া দেখা যায় নাই।

(২) রোগী। স্ত্রীলোক—বয়স ২০ বৎসর। কোমল তালুতে (মুখাভ্যন্তরে) ক্ষত। কোমল উপদংশের ইতিহাস বর্তমান ছিল। ইহাকে পেশী মধ্যে ৬টা ইঞ্জেকসন দেওয়া হয়। ৪টা ইঞ্জেকসনের পরও, ক্ষতের উন্নতি অত্যন্ত মৃদু থাকায়, ০.৩ গ্রাম মাত্রায় ১টা “নভ আসেনোবেঞ্জল” শিরামধ্যে ইঞ্জেকসন দেওয়া হয়। ইহার পর আরও ২টা “মার্কিউরোসাল” ইঞ্জেকসন দেওয়া হইয়াছিল। অতঃপর রোগীর ক্ষত উন্নতি দৃষ্ট হয়। রোগিনী এখনও চিকিৎসাধীনে আছেন।

মন্তব্য।—অধুনা জীবাণু সংক্রমিত ক্ষতাদিতে মার্কিউরোসাল এর স্থান—পারদের আরও কয়েক প্রকার প্রয়োগরূপ উপযোগিতার সহিত ব্যবহৃত হইতেছে। ইহাদের মধ্যে “মার্কিউরোক্রোম” ও “পারক্লোরাইড অব মার্কারী”, এই দুইটা প্রয়োগরূপই “মার্কিউরোসালের” ন্যায় সমান ফলপ্রদ।

অনেক সময়ে উপযুক্ত মাত্রায় পারদ ঘটীত ঔষধ প্রযুক্ত হইবার পর, রোগীর কখন কখনও উদরাময় বা আমাশয় দেখা যায়। কিন্তু ইহা মারাত্মক নহে, পরন্তু ইহা সহজেই আরোগ্য হইয়া যায়। বরং এইরূপ উদরাময় একটু আধটু হওয়াই ভাল। “মার্কিউরোসালে” আসেনিকের প্রয়োগরূপের ন্যায় টীণু সমূহ উত্তেজিত হয় না।

উপরিউক্ত চিকিৎসিত রোগীর বিবরণগুলি হইতে ইহাই প্রমাণিত হয় যে, “মার্কিউরোসাল” বা পারদ ঘটীত ঔষধ সমূহ নিরাপদে ব্যবহার করা যায় এবং বিধান সমূহের কোনও ধ্বংস সাধন না করিয়াই, ইহা রক্ত হইতে উপদংশের বিষকে নিরাকৃত করিয়া থাকে।





ডাঃ শ্রীনির্মলকান্ত চট্টোপাধ্যায় এম, বি,  
কলিকাতা।

( পূর্বে প্রকাশিত ৩য় সংখ্যার ( আষাঢ় ) ১৪৬ পৃষ্ঠার পর হইতে )

—:~:~:~:—  
**(৭) অস্ত্রাবরোধ Intestinal Obstruction**  
—:~:~:~:—

কোইম্বাটুর সেন্ট্রাল জেল হস্পিটালের ফিজিসিয়ান Dr. M. A. Krishna Iyer L. M. P. মহাশয় ইণ্ডিয়ান মেডিক্যাল গেজেটে, বিনা অস্ত্রোপচারে অস্ত্রাবরোধ চিকিৎসা সম্বন্ধে একটি প্রবন্ধ প্রকাশ করিয়াছেন। নিম্নে ইহার বঙ্গানুবাদ প্রদত্ত হইল।

Dr. Krishna Iyer লিখিয়াছেন—

“রোগী—১ জন কয়েদী। বয়স প্রায় ৩৮ বৎসর। ১৯২৬ সালের ১৫ই এপ্রিল তারিখে এই হাসপাতালে রোগী নিম্নলিখিত লক্ষণসহ আনীত হইয়াছিল।

**পূর্বে ইতিহাস।** রোগী জাতীতে মুসলমান (মোপ্লা কয়েদী) ছিল বলিয়া, রমজান উপলক্ষে সমস্ত দিন উপবাসী থাকিত। রোগী ১৪ই এপ্রিল তারিখ শেষ রাত্রে, নৈশ ভোজন করিয়াছিল। ১৫ই সকালে তাহার অবস্থা স্বাভাবিকই ছিল এবং সে মল ও মূত্র, উভয়ই স্বাভাবিক ভাবেই ত্যাগ করিয়াছিল। এই দিন প্রায় ১টার সময়ে হঠাৎ তাহার ডানদিকের উদরে—নাভীকুণ্ডের ১ইঞ্চি ডান পার্শ্বে, এক প্রকার “খামচে ধরার” (catching feeling) মত অস্বভূতি বোধ হয়। রোগী বেলা ৩টা পর্যন্ত স্থিরভাবেই ছিল, কিন্তু তাহার পর লক্ষণাদি ক্রমশঃ মন্দতর হওয়ায় এবং ২বার বমন করায়, তাহাকে হাসপাতালে লইয়া আসা হয়। হাসপাতালে ভর্তি হইবার পরেই, রোগী পুনরায় হরিদ্রাবর্ণের তরল পদার্থ বমন করে। রোগীর উদরের বেদনা স্থিরভাবে বর্ধিত হইতে থাকে এবং কিছু খাসকষ্টও দেখা দিয়াছিল।

**বর্তমান অবস্থা।** নাড়ী পূর্ণ এবং উহার স্পন্দন সংখ্যা প্রতি মিনিটে ৮০; শ্বাসপ্রশ্বাস প্রতি মিনিটে ২৩ এবং উহা কষ্টকর। উত্তাপ স্বাভাবিক। উদরের দক্ষিণ পার্শ্ব অত্যন্ত প্রসারিত (distended) এবং উদর অত্যন্ত কঁপযুক্ত। দক্ষিণ রেকটাম এবডোমিনিস্ পেশী আড়ষ্ট উদরের প্রসারণ ক্রমশঃ বৃদ্ধি হইতেছিল। ৪ ঘণ্টার মধ্যেই রোগীর অবস্থা অত্যন্ত শোচনীয় হইয়া পড়িল। ‘শকের’ (shock) সমস্ত লক্ষণ উপস্থিত হইল; ক্যাকাডেস

ও বিষয় মুখতাব ; অগতীর খাসপ্রশ্বাস ; মুখমণ্ডলে ও কপালে শীতল ও চটচটে স্বর্ণ এবং অবিরাম ভূষণ দেখা দিল । নাড়ী দুর্বল, কিন্তু অধিক স্পন্দনযুক্ত নহে ; ইহাই একমাত্র শুভ লক্ষণ দৃষ্ট হইল ।

**চিকিৎসা ।** ইহাকে পর পর দুই বার সাবান ও জলসহ এনিমা দেওয়া হইল, কিন্তু কোনও ফল পাওয়া গেল না । উভয় এনিমার জলই, ভিতরের কোনওরূপ পরিবর্তন প্রকাশ না করিয়াই রহিয়া গেল—এমন কি, রোগীর কোনও বায়ুত্যাগও হইল না ।

একণে রোগী যাহা বমন করিতেছিল, তাহা কেবলমাত্রই পিত্ত । এইবার জেলের প্রধান চিকিৎসক মহাশয়কে আহ্বান করা হইল ; রোগীর পীড়া ‘অন্ত্রাবরোধ’ (Intestinal Obstruction) বলিয়া নির্ণীত হওয়ায়, প্রধান চিকিৎসক মহাশয় অস্ত্রোপচার করিবার ব্যবস্থা করিতে বলিলেন, কিন্তু রোগী অস্ত্র করাইতে একেবারেই অস্বীকৃত হইল ।

**রাত্রি ১০টার সময়,** উদরের প্রসারণ অধিক হওয়া ব্যতীত, অন্যান্য লক্ষণ সমভাবেই বিদ্যমান ছিল । এই সময় নিম্নলিখিত ঔষধ ইঞ্জেকসন করা হইল ।

Re.

মর্ফিয়া হাইড্রোক্লোর	...	১/৪ গ্রেণ ।
এট্রোপিন সালফ	...	১/৫০ গ্রেণ ।

একত্রে হাইপোডার্মিক ইঞ্জেকসন দেওয়া হইল ।

উক্ত ইঞ্জেকসন দেওয়ার কয়েক মিনিট মধ্যেই, রোগী অর্ধ অজ্ঞানাবস্থায় নিদ্রিত হইল ।

**পরদিন অতি প্রত্যুষে** জ্ঞাত হওয়া গেল যে, রোগী রাত্রি ৩টা পর্যন্ত নিদ্রিত ছিল—তাহার পর হঠাৎ তাহার ঘুম ভাঙ্গিয়া যায় এবং বোধ করে যে, পেটের ভিতরে যেন কিছু জোর করিয়া টানিয়া নামিয়া যাইতেছে । ইহার পরই রোগী বিছানাতেই মলত্যাগ করে । এই মল মধ্যে কিঞ্চিৎ বিষ্ঠা ও মূত্র ছিল । এতৎসহ বায়ুও নির্গত হইয়াছিল । এই মুহূর্ত্ত হইতেই বিশেষ সুস্পষ্টভাবে তাহার আশু আরোগ্য লাভের সম্ভাবনা বুঝা যাইতে থাকে এবং ৩ দিন পরেই রোগীকে সম্পূর্ণ সুস্থ বলিয়া হাসপাতাল হইতে মুক্তি দেওয়া হয় ।

**অন্তব্য ।**—এই রোগীটির কোতুহলোদ্দীপক সুস্পষ্ট লক্ষণাদি—হিমাল্য অবস্থা প্রাপ্ত হইবার সমস্ত লক্ষণ সহ, রোগীর শীঘ্র রোগ লক্ষণাদির বৃদ্ধি এবং বিনা অস্ত্রোপচারেই সম্ভব রোগারোগ্য ।

সম্ভবতঃ ইহা বলা এক প্রকার অসম্ভব যে, রোগীর অবস্থা কি হইয়া দাঁড়াইয়াছিল । কিন্তু রোগীর নাড়ীর গতি ব্যতীত, সমস্ত সুস্পষ্ট লক্ষণাদিই “অন্ত্রাবরোধ”, পীড়াজ্ঞাপক, তাহাতে সন্দেহ নাই ।

## (৮) ম্যালেরিয়া জ্বরে কুইনাইন ইঞ্জেকসন ( ইন্ট্রামাস্কিউলার )

ব্রহ্মদেশের পাপুন সিভিল হস্পিট্যালের ফিজিসিয়ান Dr. V. Viswanathan L.M.P. মহাশয়, ম্যালেরিয়া জ্বরে ইন্ট্রামাস্কিউলার ইঞ্জেকসনরূপে কুইনাইন প্রয়োগ সম্বন্ধে, ইণ্ডিয়ান মেডিকেল গেজেটে ( 1926, August ) লিখিয়াছেন—“কর্ণেল প্রোক্টর বলেন যে, “তিনি কিছুতেই কুইনাইন ইন্ট্রামাস্কিউলার ইঞ্জেকসনরূপে প্রয়োগ করা সম্ভব বিবেচনা করেন না। কারণ, ইহাতে “টিটেনাস” ( ধস্টকার ) অথবা ইঞ্জেকসন স্থানে “স্ফোটক” হইবার বিশেষ সম্ভাবনা” ( Indian Medical Gazette. March 2926 Page 110 ।

ইণ্ডিয়ান মেডিক্যাল.গেজেটেও এইরূপ অভিজ্ঞতার বিবরণ প্রায়ই প্রকাশিত হইতে দেখা যায় ।

কিন্তু আমি এইরূপে ৩০০ শতেরও অধিক সংখ্যক কুইনাইন ইঞ্জেকসন দিয়া, এই অভিজ্ঞতা লাভ করিয়াছি যে, পূর্বে হইতে কয়েকটি বিষয়ে সাবধান হইলে, কুইনাইন ইঞ্জেকসন সম্বন্ধে যে রূপ ধারণা মনে পোষণ করা হয়, তাহা নিতান্ত ভ্রমাত্মক বলিয়া বিবেচিত হইবে এবং ইহা আদৌ বিপজ্জনক হইতে পারে না। যে সমস্ত বিষয়ে সতর্ক হওয়া উচিত, নিম্নে তাহা কথিত হইতেছে ।

( ক ) ইঞ্জেকসনের সিরিঞ্জ উত্তমরূপে ও বিশেষভাবে বিশোধিত ( sterilize ) হওয়া উচিত। চিকিৎসকের হস্ত এবং ইঞ্জেকসনের স্থানও বিশেষভাবে পরিষ্কৃত ও বিশোধিত হওয়া আবশ্যিক ।

( খ ) মূটীয়াল পেশীর ( নিতম্ব ) উর্দ্ধদেশ এবং বহির্ভাগই, ইঞ্জেকসন করিবার বিশেষ উপযুক্ত স্থান।

আমার কাছে এমন কতকগুলি রোগী আসিয়াছে—যাহাদের মূটীয়াল পেশীতে পূর্বে কুইনাইন ইঞ্জেকসন দেওয়ার ফলে, ইঞ্জেকসন স্থান বেদনায়ুক্ত, ক্ষীণ ও শক্ত হইয়া রহিয়াছে। সম্ভবতঃ সায়েটিক স্নায়ু বা তদ্রূপ অথবা কোনও বৃহৎ স্নায়ু বিদ্ধ হওয়াতেই এইরূপ হইয়াছে ।

ব্রহ্মদেশে অথবা স্ক্যাপিউলা প্রদেশের পেশী মধ্যে ইঞ্জেকসন দিলে, যন্ত্রণাদায়ক ক্ষীণতা, ও স্ফোটক ইত্যাদি হইতে দেখা যায় ।

( গ ) রোগী নির্বাচন করিয়া কুইনাইন ইন্ট্রামাস্কিউলার ইঞ্জেকসন করা কর্তব্য। সাধারণতঃ ক্ষুধপূষ্ট, পুষ্টিপেশীযুক্ত রোগীরা এই ইঞ্জেকসনের পর বেদনা অনুভব করে না—তবে ২।১ দিন ইঞ্জেকসন স্থানে একটু ভার ভার বোধ করিয়া থাকে। দুর্বল এবং স্নায়বিক রোগীকে এইরূপ ইঞ্জেকসন দিলে, বেদনাজনক ক্ষীণতা এবং ইঞ্জেকসনের স্থান শক্ত হইয়া থাকে। এই বেদনা ও ক্ষীণতা অন্তর্হিত হইতে কখন কখন বর্ষাধিক কালও লাগে ।



( ঘ ) ইঞ্জেকসনের পরে ইঞ্জেকসন স্থানে আন্তে আন্তে মর্দন করিয়া দেওয়া বিশেষ উপকারী ।

( ঙ ) কুইনাইনের অত্যন্ত উগ্র দ্রব ইঞ্জেকসন দিলে বেদনা হইবার সম্ভাবনা অধিক । আমি সর্বদাই ২০ মিনিম পরিশ্রুত জলে, ৫ গ্রোন কুইনাইন বাই হাইড্রোক্লোরার ট্যাবলেট দ্রব করতঃ, স্ফুটিত করিয়া লইয়া, ইঞ্জেকসন দিয়া থাকি । যখনই আমি উগ্র সলিউসন ব্যবহার করিয়াছি, তখনই কিছু না কিছু বেদনা হইয়াছে ।

( চ ) টিং বেঞ্জোইন কোং অথবা কলোডিয়াম ফ্লেক্স, একটু তুলায় মাখাইয়া, স্ফটিক স্থানের ছিদ্রটা বন্ধ করিয়া দিবে । ইঞ্জেকসনের পর উক্ত ঔষধের যে কোনও ১টী দ্বারা ছিদ্রটা বন্ধ না করিয়া, কেবলমাত্র টিং আইওডিন লাগাইয়া দিলে, ছিদ্রটা উন্মুক্ত থাকে, ফলে ঐ স্থানে সংক্রমিত হইবার সম্ভাবনা অধিক হয় ।


( ছ ) যে সূচি ( Needle ) দ্বারা ইঞ্জেকসন দেওয়া হইবে । তদ্বারা সলিউসন সিরিঞ্জ মধ্যে টানিয়া লওয়া কর্তব্য নহে ! ইহাতে নিডলের বহির্ভাগে সলিউসন জমিয়া গিয়া সাব্‌কিউটেনেস টীণ্ডে বেদনা হয় । পার্ক ডেভিস এণ্ড কোংর সিরিঞ্জের সহিত, ঔষধ পূর্ণ করিবার জন্য ১টী পৃথক নিডল থাকে, এই নিডল দ্বারা সিরিঞ্জ মধ্যে ঔষধ টানিয়া লইয়া, নিডলটা খুলিয়া ইঞ্জেকসন করিবার জন্য অপর নিডলটা লাগাইয়া পেশী বিদ্ধ করতঃ, ইঞ্জেকসন করিতে হয় । উভয় নিডলই পূর্বে এলকোহল দ্বারা বিশোধিত করিয়া লওয়া কর্তব্য । ইঞ্জেকসনের অব্যবহিত পরেই, নিডলসহ সিরিঞ্জ বাহির করিয়া লইবে ।

আমি এই সমস্ত নিয়মই বিশেষ যত্নের সহিত পালন করিয়া থাকি । অন্ত্যায় বেদনা এবং ক্ষীতি অবশ্যস্বাভাবী । সৌভাগ্য বশতঃ, আমার রোগীদের মধ্যে কাহারই টেটেনাস বা ফোটক হয় নাই ।

কুইনাইনের ইন্ট্রামাস্কিউলার ইঞ্জেকসন সম্বন্ধে যে অসুখী আশঙ্কা সাধারণের মনে বদ্ধমূল আছে, তাহা আমি এখনও বিশ্বাস করিতে রাজি নহি । খুব সম্ভবত, কুইনাইনের ইন্ট্রামাস্কিউলার ইঞ্জেকসনে নিম্নলিখিত কয়েকটা কারণেই কুফল ঘটয়া থাকে । যথা—

- ( ১ ) প্রকৃত বিশোধনের অভাব ।
- ( ২ ) ইঞ্জেকসন জন্য রোগী নির্বাচনে ভ্রম ।
- ( ৩ ) ইঞ্জেকসনের স্থান নির্বাচনে ভ্রম ।

পূর্কোল্লিখিত বিষয়গুলির প্রতি লক্ষ্য রাখিয়া, সাবধানতা সহকারে ইঞ্জেকসন দিলে, কুইনাইনের ইন্ট্রামাস্কিউলার ইঞ্জেকসনে কোন কুফল ঘটিতে পারে না ।



আধুনিক কলেরা চিকিৎসা ।

Modern Treatment of Cholera.

By Dr. N. K. Das M. B., M. R. C. P. S.

( পূর্বপ্রকাশিত ৪র্থ সংখ্যার ( শ্রাবণ ) ১৭৩ পৃষ্ঠার পর হইতে )

—:—:—

পীড়ার প্রারম্ভে এসিড্ দ্বারাই এই পীড়ার চিকিৎসা করা, বিশেষ উপযুক্ত বলিয়া বিবেচিত হইয়াছে । কারণ, এসিড্ ব্যবহারে “কলেরা-জীবাণু” সমূহ ধ্বংস প্রাপ্ত এবং ইহাদের বংশ বৃদ্ধি স্থগিত হয় । এতদর্থে হাইড্রোক্লোরিক এবং সাল্ফিউরিক এসিড্ ই বিশেষ উপযোগী ।

সাল্ফিউরিক এসিডের কলেরা জীবাণু ধ্বংস করিবার বিশেষ ও যথেষ্ট ক্ষমতা আছে । এতদর্থে নিম্নের ব্যবস্থা বিশেষ উপযোগী :—

১। Re.

এসিড্ সাল্ফিউরিক্ এরোমেট্	...	১০ মিনিম ।
টাং ওপিয়াই	...	৫ মিনিম ।
একোয়া এনিথি	...	গ্ৰ্যাড্ ১ আউন্স ।

একত্রে মিশ্রিত করিয়া ১ মাত্রা । প্রতি মাত্রা ২৩ ঘণ্টান্তর সেব্য । অথবা—

২। Re.

স্পিরিট ক্যাম্ফর	...	১৫ মিনিম ।
------------------	-----	------------

কিঞ্চিৎ শর্করা সহ আবশ্যকমত ২৩ বার সেব্য ।

“ভলোটাইল অয়েল” ( বায়ী তৈল ) সমূহেরও কলেরা-বীজাণু নাশ করিবার বিশেষ ক্ষমতা আছে । এতদর্থে—

৩। Re.

অয়েল্ ক্যাজিপুট্	...	২—৩ মিনিম ।
অয়েল মেইপিপ্	...	২—৩ মিনিম ।

একত্র ১ মাত্রা । আবশ্যক মত ব্যবহার করা যায় ।

কিন্তু “কপূর”ই ইহাদের মধ্যে সর্বশ্রেষ্ঠ বলিয় বিবেচিত হয় । এ সবক্কে কপূরের বিশেষ খ্যাতি আছে । এতদর্থে ক্যাফর এবং স্পিরিট ক্যাফর বিশেষ উপযোগিতার সহিত ব্যবহৃত হইয়া থাকে । আমরা সাধারণতঃ স্পিরিট ক্যাফর ৫—২০ মিনিম মাত্রায় চিনির সহিত ব্যবহার করিয়া থাকি ।

যদি রোগীর অল্পসহ উদরাময়ের লক্ষণ বিদ্যমান থাকে, তাহা হইলে “বিসমাথ” সহ “শ্যালোল” ব্যবহা করাই শ্রেষ্ঠ ; এতদর্থে নিম্নলিখিত ব্যবস্থাগুলি আমরা ব্যবহার করিয়া থাকি । যথা,—

৪। Re.

হাইড্রার্জ কাম্ ক্রীটা	..	১ গ্রেণ ।
বিসমাথ সাব নাইট্রাস	...	১০ গ্রেণ ।
শ্যালোল	...	১০ গ্রেণ ।

একত্রে ১ মাত্রা । আবশ্যক অনুযায়ী ২।৩ ঘণ্টান্তর বা প্রত্যেক বার মল ত্যাগের পর ব্যবহার্য । অথবা -

৫। Re.

বিসমাথ সাব নাইট্রাস	...	১০ গ্রেণ ।
পাল্ড ইপিকাক কোঃ	...	৫ গ্রেণ ।
শ্যালোল	...	১০ গ্রেণ ।

একত্রে ১ মাত্রা । আবশ্যক অনুযায়ী ২।৩ ঘণ্টান্তর বা প্রত্যেকবার মল ত্যাগের পর ব্যবহার্য । অথবা—

৬। Re

বিসমাথ শ্যালিসিলাস	...	১০ গ্রেণ ।
পাল্ড ক্রীটা এরোমেট্	...	১/২ ড্রাম ।
শ্যালোল	...	৫ গ্রেণ ।

একত্রে ১ মাত্রা । প্রতি মাত্রা ২।৩ ঘণ্টান্তর সেব্য । অথবা—

৭। Re.

গ্রে-পাউডার	...	১ গ্রেণ ।
মেইল	...	১ গ্রেণ ।
বিসমাথ শ্যালিসিলাস	...	১০ গ্রেণ ।
ক্যাফর	...	২ গ্রেণ ।

একত্রে ১ মাত্রা । প্রতি মাত্রা ২।৩ ঘণ্টান্তর সেব্য ।

**এট্রোপিন ও অফিয়ার ইঞ্জেক্সন** ।—কলেরা মহামারীর সময়ে, উদরাময় রোগী পাইবা মাত্র, বিশেষ যত্ন ও কিপ্রতার সহিত চিকিৎসা করা কর্তব্য ; এই সময়ে খাওয়ার দোষে, সাধারণ উদরাময়ই হউক বা কলেরার প্রাথমিক লক্ষণ স্বরূপ উদরাময়ই হউক ; কাহাকেও উপেক্ষা করা উচিত নহে । এক মুহূর্ত সময় অপব্যয় না করিয়া উপযুক্ত চিকিৎসা আরম্ভ করা কর্তব্য । উদরাময় বা কলেরা রোগীর

প্রাথমিক অবস্থায় উদরাময়ে, নিম্নলিখিত ইঞ্জেকসনটী মস্তকের মত কার্য করিয়া থাকে। যথা;—

১। Re.

মফ'ইন্ হাইড্রোক্লোর ট্যাবলেট ... ১/৬ - ১/৪ গ্রেণের ১টা।

এট্রোপিন্ সাল্ফেট্ ট্যাবলেট ... ১/০০ গ্রেণের ১টা।

একত্রে ১ সি, সি, বিশোধিত পরিশ্রুত জলে দ্রব করতঃ, অধঃস্থায়িক ইঞ্জেকসন ( Injection ) দিবে।

এই ইঞ্জেকসনের অব্যবহিত পরেই, রোগী নিদ্রাভিত্ত হইয়া পড়ায়, আর মলত্যাগের বেগ হয় না। সুতরাং দৈহিক জলীয়ংশ অক্ষুণ্ণ থাকে এবং রোগীর জীবনী শক্তির হ্রাস হয় না। কিন্তু কয়েক ঘণ্টা পরেই রোগী যখন নিদ্রা হইতে উথিত হয় তখন কিছু অসুবিধা বোধ করে। তাহার উদর ভারবোধ হয় এবং একটু জরীয় উত্তাপও হইতে পারে। এই সময়ে অস্ম্যাসে স্যালাইন দ্বারা অল্প ধৌত করিয়া ( রেক্ত্যাল ইঞ্জেকসন ) দিলে, কিম্বা ১টা গ্লিসেরিন এনিমা দিলে, রোগীর আর কোনও কষ্ট বা অসুবিধা থাকে না।

**ইঞ্জেকসনের পর সাবধানতা।**—মফিয়া ও এট্রোপিন ইঞ্জেকসনের পরবর্তী চিকিৎসা, বিশেষ সাবধানতার সহিত করিতে হইবে—অন্তর্ধায়, রোগীতে কলেরার সমস্ত লক্ষণই সাংঘাতিকভাবে প্রকাশ পাইয়া থাকে।

রোগীর প্রকৃত কলেরা না হইলেও, এই মহামারীর সময়ে—তাহাকে অবিকল কলেরা রোগীর মতই চিকিৎসাধীনে রাখা কর্তব্য।

রোগীকে শয্যায় সম্পূর্ণরূপে বিশ্রাম করিতে উপদেশ দিবে—কোনও মতেই উঠিতে দিবে না। ১টা ফ্লানেলের ব্যাগেজ বা পট্ট উদর প্রাচীরে উত্তমরূপে জড়াইয়া দিবে। রোগীকে প্রথম ২৪ ঘণ্টা কেবলমাত্র জল পান করাইয়া রাখিবে এবং অতঃপর কিঞ্চিৎ দুগ্ধ শর্করা ( Sugar of Milk ), মিছরী, বালীওয়াটার, ছানার জল ( লেবুর রস দ্বারা ছানা কাটিয়া ) ইত্যাদি তরল অথচ পুষ্টিকর পথ্য দিবে। পথ্যাদি সম্বন্ধে একটু অসাবধান হইলেই পুনরাক্রমণ অবশ্যজ্ঞাবী।

**উদরাময়ের প্রাবল্য হইলে।** কলেরার সময় প্রবলভাবে উদরাময় প্রকাশ পাইলে এবং উহা কলেরার প্রাথমিক লক্ষণ বলিয়া সন্দেহ হইলে, নিম্নলিখিতরূপে চিকিৎসা করা কর্তব্য। এরূপ অবস্থায়—

২। Re.

পিল প্লাসাই কাম্ ওপিয়াই ... ১—২ গ্রেণ।

১ মাত্রা। প্রতিমাত্রা ৩ ঘণ্টাস্তর সেব্য।

ইহা একটা উৎকৃষ্ট ঔষধ। যদি উদরাময় গুরুতর এবং কলেরা ঘটাত বলিয়া সন্দেহ হয়—তাহা হইলে এই পিল ব্যবহারে অনতিবিলম্বেই মস্তক উপকার হইতে দেখা যায়—কিন্তু এই ঔষধ বিষম ঔষধালয় হইতে টাটকা প্রস্তুত করাইয়া লওয়া কর্তব্য।

**ক্লোরোফর্ম (Tr. Chloroformi et Morphine Co.)**।—ইহা ১০—২০ মিনিম মাত্রায় প্রতি ঘণ্টায় ১ মাত্রা করিয়া, ২৩ মাত্রা ব্যবহারের আবশ্যক হইয়া থাকে এবং উদরাময় কমিয়া আসিলে ও রোগীর উন্নতি দৃষ্ট হইলে, আর এই ঔষধ দেওয়া উচিত নহে ।

**ক্লোরোফর্ম ব্যবহারে সাবধানতা**।—এই ঔষধ প্রায় প্রত্যেক পরিবারেই থাকে এবং অধিকাংশ স্থলে ইহার অপব্যবহার হইতে দেখা যায় । ইহার ফলে রোগীর পেট অত্যন্ত কাঁপিয়া উঠে, রোগী মল বা বায়ু ত্যাগ করিতে পারে না ও অবিলম্বে হিমাক্ত অবস্থায় পরিণত হয় । ভাবিফল অত্যন্ত অশুভ হইয়া পড়ে এবং নানারূপ সূচিকিৎসা অবলম্বন করা সত্ত্বেও, রোগী মৃত্যুমুখে পতিত হয় ।

অহিফেন ঘণ্টায় ঔষধ ব্যবহার করিতে বিশেষ সাবধানতা ও সতর্কতা অবলম্বন করা কর্তব্য ।

তরুণ কলেরায় কদাচ অহিফেন ঘণ্টায় ঔষধ প্রয়োগ করা কর্তব্য নহে ।

**অহিফেন ঘণ্টায় ঔষধ ব্যবহারে বিপদ**।—ইহাতে ২টা বিপদ ঘটিবার নিতান্ত সম্ভাবনা । যথা—

(১) **হিমাক্তাবস্থা**।—অহিফেন ঘণ্টায় ঔষধ ব্যবহারে রোগীর হিমাক্ত অবস্থা উপস্থিত হইয়া, শ্বাসপ্রশ্বাস ও হৃৎক্রিয়া স্থগিত হইয়া যায় ।

(২) **ইউরিমিয়া**।—অহিফেন বা অহিফেন ঘণ্টায় ঔষধ একবার প্রয়োগ করিলেও, ইউরিমিয়া (মূত্রাবরোধ) হইবার বিশেষ আশঙ্কা থাকে ।

## চিকিৎসা প্রণালী ।

কালরা পীড়ার উৎপত্তি সম্বন্ধে আলোচনা করিলে, প্রথম হইতেই কয়েকটা বিষয়ের প্রতি আমাদের দৃষ্টি পতিত হয় এবং এই সকল বিষয়ের উপর লক্ষ্য রাখিয়াই, চিকিৎসা প্রণালী নির্দিষ্ট হইয়া থাকে । যথা ;—

- (১) প্রাথমিক উদরাময় দমন ।
- (২) উৎপাদক জীবাণু নাশ ও তজ্জনিত বিষ বহির্গমন ।
- (৩) রক্তের জলিয়াংশের অপচয় পরিপূরণ ।
- (৪) হৃদপিণ্ডের শক্তি বর্দ্ধন, বিবিধ দুর্বলকণ ও উপসর্গ নিবারণ ।

উল্লিখিত উদ্দেশ্যগুলি সম্পাদনার্থ চেষ্টা করা কর্তব্য হইলেও, ইহাদের প্রতিকারক উপায়গুলির সম্বন্ধে মতভেদ দেখা যায় । যাহা হউক প্রকৃত সুকলগ্রহ মতাহুয়ারী চিকিৎসা প্রণালীর সম্বন্ধেই এস্থলে আমরা আলোচনা করিব ।

**প্রাথমিক উদরাময়** । পীড়ার প্রথমেই যদি তরুণ কলেরায় লক্ষণ স্বরূপ উদরাময় প্রকাশ পায়, তাহা হইলে সহসা দান্ত বন্ধ করিবার চেষ্টা করা কখনই কর্তব্য নহে । উদরাময় বন্ধ করিবার জন্য যে সমস্ত সঙ্কোচক ঔষধ ব্যবহার করা হয় ; তাহা কদাচও প্রয়োগ করিবে না ।

কলেরার প্রাথমিক অবস্থায় ৪গ্রেণ সুগার অফ মিক সহ ১ মাত্রা হাইড্রার্ক সাবক্লোর (ক্যালোমেল প্রয়োগ উপকারী। ইহাতে দেহাত্যন্তরীণ রোগবিষ ও জীবাণু মলের সহিত নির্গত হইয়া যায়।

অনেক চিকিৎসক, ৩০ গ্রেণ পর্যন্ত ক্যালোমেল ব্যবহার করিবার পক্ষপাতী। কিন্তু ইহাতে ভাবীফল বিশেষ সুফলজনক হয় না। ইহাতে রোগী আরোগ্য হইলেও, রোগীকে মার্কারী সেবন জনিত টোমাটাইটিস, পীড়ার ভুগিতে দেখা যায় এবং এই অধিক মাত্রায় মার্কারী সেবনে রোগীর সমস্ত দস্তই নষ্ট হইয়া যায়।

আমাদের মতে, এই পীড়ার প্রাথমিক অবস্থা হইতেই, ভগ্নাংশিক মাত্রায় ক্যালোমেল ব্যবহার করিলে, অতি সুন্দর ফল পাওয়া যায়। গঙ্গাসাগর মেলায় কলেরা মহামারীতে আমরা অল্প মাত্রায় ক্যালোমেল ব্যবহার করিয়া, বহু মরণাপন্ন রোগীকে সুস্থ করিতে সক্ষম হইয়াছি। এতদর্থে নিম্নলিখিত ব্যবস্থা উপযোগী। যথা :—

Re.

ক্যালোমেল	...	১/৮ গ্রেণ।
ক্যান্ফর	...	১/৮ গ্রেণ।

একত্রে ১ মাত্রা। এইরূপ ১৬টা পুরিয়া প্রস্তুত করতঃ, প্রতিবার দান্তের অব্যবহিত পরেই এক একটা পুরিয়া সেব্য। মলে পিত্ত দেখা দিলে, অথবা দান্ত বন্ধ হইলে ঔষধ বন্ধ করিবে। এই ঔষধ ১৫২০ মিনিট অন্তর ব্যবহারেও আশাতীত উপকার পাওয়া যায়।

১। **জীবাণু ধ্বংস।** জীবাণু সমূহকে সহসা ধ্বংস করিবার চেষ্টা করা যুক্তি বিরুদ্ধ। ইহাতে জীবাণু সমূহের মৃত্যু হইবার বহু পূর্বেই রোগীর টীণ্ড (বিধান) সমূহের ধ্বংস হয়। সুতরাং উগ্র জীবাণুনাশক ঔষধ দ্বারা চিকিৎসা করা অনুচিত। হোমিওপ্যাথিক বিজ্ঞান পাঠে আমরা এই জ্ঞান লাভ করি যে, রোগীর স্বাভাবিক লক্ষণ সমূহকে যত কম বিরক্ত করা যায়—অর্থাৎ স্বভাবের ক্রিয়ায় যত কম হস্তক্ষেপ করা যায়, ততই প্রকৃতিদত্ত স্বাভাবিক শক্তি, স্বাধীনভাবে রোগারোগ্য সাধনে সক্ষম হইতে পারে। যদি কেহ অধিক শক্তিসম্পন্ন অস্ত্র শস্ত্রে নিজেকে সজ্জিত রাখে, তাহা হইলে সে যেমন তাহার অস্ত্রশস্ত্রের ব্যবহার অতি বিচক্ষণতার সহিত করিয়া থাকে, ঠিক তেমনি আমাদের চিকিৎসাশাস্ত্রে প্রবল শক্তিসম্পন্ন ও প্রত্যক্ষ ফলপ্রদ ঔষধ অনেক থাকিলেও, তাহাদের ব্যবহারও বিশেষ বিচক্ষণতার সহিত করা উচিত, নতুবা বিপদ হওয়াই নিতান্ত সম্ভব। অবিবেচকের দ্বারা প্রাকৃতিক ক্রিয়াসমূহের উপর হস্তক্ষেপ করিতে যাওয়াতেই, কলেরা চিকিৎসার আমাদের এ্যালোপ্যাথিক বিজ্ঞান এত অধ্যাতি লাভ করিয়াছে এবং সেই জন্যই রোগীও ইহাতে এত অধিক মারা যায়।

দেহাত্যন্তরীণ বিষের শক্তি নষ্ট করণার্থ এবং এই বিষ বাহাতে দেহ হইতে নির্গত হইয়া যাইতে পারে (দান্ত ও প্রস্রাব দ্বারা), তজ্জন্ত নিম্নলিখিত উপায় সমূহ অবলম্বন করা যুক্তিবুদ্ধ বলিয়া বিবেচিত হইয়াছে।

(ক্রমশঃ)





## চিকিৎসিত রোগীর বিবরণ।

লেখক—ডাঃ শ্রী. নরেন্দ্রকুমার দাশ M. D. (M. H. M. C.)

Physician-Biochemist.



(১) নাসিকা হইতে রক্তস্রাব (Epistaxis)—সন্ধ্যায় সেদিন আমি আমার একজন বন্ধুর বাড়ীতে বেড়াইতে গিয়াছি, এমন সময় আমার পাশের বাড়ী হইতে একজন ভৃত্য ছুটিয়া আসিয়া সংবাদ দিল যে, সেই বাড়ীর একটা বালকের নাসিকা হইতে অবিরাম ধারায় রক্তস্রাব হইতেছে, আমাকে তৎক্ষণাৎ যাইতে হইবে। আমি অনতিবিলম্বে সেখানে উপস্থিত হইয়া দেখিলাম—একটা ৭৮ বছরের বালকের নাসিকা হইতে প্রবলবেগে ঘোর লালবর্ণের রক্ত নির্গত হইতেছে। সংবাদ লইয়া জানিলাম যে, নাকে বা কপালে কোনও আঘাত লাগে নাই। বালকটির মাথা অত্যন্ত গরম। নাড়ী ১২০।

আমি অবিলম্বে বালকটিকে শয্যা শয়ন করাইয়া, মাথা হইতে উপাধান বাহির করিয়া লইলাম এবং মুখমণ্ডল শীতল জল দ্বারা পরিষ্কার করিয়া, মাথায় শীতল জলের দ্বারা দেওয়ার ব্যবস্থা করিলাম। অতঃপর ফেরাম্ ফস্ ১x, ৫ গ্রেণ, ৪ ড্রাম শীতল জলে দ্রব করিয়া, ড্রপার দিয়া নাসিকা গহ্বরে ৩৪ ফোঁটা করিয়া প্রয়োগ করিলাম এবং ফেরাম্ ফস্ ২x, ১ গ্রেণ মাত্রায়, ৫ মিনিট অন্তর ৩ মাত্রা সেবন করিবার ব্যবস্থা দিলাম। আশ্চর্যের বিষয়, ৫—৬ মিনিটের মধ্যেই বালকটির রক্তপাত সম্পূর্ণরূপে নিবারণিত হইল। রাত্রে কেবল মাত্র দুই পান করিতে দিলাম। রাত্রে বেশ নিদ্রা হইয়াছিল, তবে ১ বার বমনোদ্বেষ্ট হওয়ায়, নাসিকা হইতে কয়েক ফোঁটা রক্তপাত হইয়াছিল।

পরদিন প্রাতে: নাড়ী ১০০; উত্তাপ ৯৯ ও চক্ষুপত্র কিঞ্চিৎ ক্ষীণ বলিয়া মনে হইল। এই দিন কেবলমাত্র ফেরাম্ ফস্ ৬x, ১ গ্রেণ মাত্রায় ৩ মাত্রা দিয়াছিলাম। পথ্যাদি সাঙু ও দুগ্ধ। অতঃপর আর রক্তপাত বা অর বৃদ্ধি হয় নাই। পরদিন বালকটি বেশ সুস্থ দৃষ্ট হইল এবং অরপথ্য ব্যবস্থা করিলাম।

(২) ম্যালেরিয়া জ্বর ( Malarial Fever )—রোগী একটা বালিকা, বয়স ৪।৫ বৎসর। হঠাৎ খেলিতে খেলিতে কম্পু দিয়া জ্বর আসে। যখন আমি বালিকাটিকে দেখি, তখন জ্বরীয় উত্তাপ ১০৫°। অত্যন্ত শিরঃশীতা ও তৃষ্ণা, প্রস্রাব ঘোর লাল বর্ণ ও পরিমাণে কম। প্লীহা বা বকুৎ বর্ধিত নাই। বালিকা অন্নদিন হইল 'ভেরাই' হইতে আসিয়াছে। কোষ্ঠকাঠিন্য নাই। আমি ইহাকে নিম্নলিখিত ব্যবস্থা করিলাম :—

জরকালীন ব্যবস্থা :—

১। কপালে জলপটী। পিপাসাকালীন লেমোনেড্ পান।

২। Re.

ফেরাম্ ফস্ ৬x ... ১/২ গ্রেণ।

কেলি সাল্ফ ৬x ... ১/২ গ্রেণ।

একত্র ১ মাত্রা। প্রতি মাত্রা ২ ঘণ্টাস্তর সেব্য।

এই ব্যবস্থায় ৪৮ ঘণ্টা পরে জ্বর ত্যাগ হইল। জ্বর ত্যাগ হইবার পর নিম্নলিখিত ব্যবস্থা করিলাম :—

৩। Re.

নেট্রাম্ মিউর ১x, ও ২০০x ... ১/২ গ্রেণ।

নেট্রাম্ সাল্ফ ১x, ও ২০০x ... ১/২ গ্রেণ।

ফেরাম্ ফস্ ৬x ... ১/২ গ্রেণ।

ক্যালঃ ফস্ ৬x ... ১/২ গ্রেণ।

একত্রে ১ মাত্রা। প্রতিমাত্রা ২ ঘণ্টাস্তর, ৪ মাত্রা সেব্য।

এই দিন বৈকালে সামান্য একটু জ্বর হয় সেই জ্বর প্রাতঃকালেই ত্যাগ হইয়াছিল। এই ৩নং ঔষধে আর জ্বর হয় নাই। এ কয়দিন তরল পথ্য দেওয়া হইয়াছিল। ৩ দিন পরে অন্ন পথ্য দিলাম।

আমার সান্থনয় অনুরোধ যে, সমস্ত পন্নী চিকিৎসকগণ যেন অনুগ্রহ করিয়া বাইওকেমিক বিজ্ঞান সম্বন্ধে একটু আলোচনা করেন এবং আমার স্থির বিশ্বাস, ইহাতে তাঁহারা নিশ্চয়ই তৃপ্ত ও প্রীত হইবেন। আশা করি, প্রত্যেক বাইওকেমিক চিকিৎসকই তাঁহাদের অভিজ্ঞতা, চিকিৎসা-প্রকাশে, নিঃসঙ্কোচে প্রকাশ করিতে কুণা বোধ করিবেন না।

## নির্ঘ্নে ও সহজে প্রসব ।

ডাঃ শ্রীনাথেন্দ্র সুন্দর মুখোপাধ্যায় M. B. (HONORO)

—••••—

সুবিখ্যাত বাইওকেমিক ও হোমিওপ্যাথিক চিকিৎসক ডাঃ শ্রীযুক্ত নরেন্দ্রকুমার দাস মহাশয়ের উপদেশানুসারে, আমি গর্ভিনীদিগকে নিম্নলিখিতরূপে বাইওকেমিক ও হোমিওপ্যাথিক ঔষধ ব্যবহার করাইয়া, নিরাপদেও সহজে সন্তান প্রসূত হইতে দেখিয়াছি ।

**বাইওকেমিক মতে ।—**গর্ভ সঞ্চারের প্রথম হইতে শেষ পর্য্যন্ত :—

এক দিন ( ১ম )—কেলি ফস্ ( K. P. )—৩x বা ৬x ।

পরদিন ( ২য় )—ক্যাল্ঃ ফস্ ( C. P. )—৩x বা ৬x ।

তার পরদিন ( ৩য় )—ক্যাল্ঃ ফ্লোর ( C. F. )—৩x বা ৬x ।

তার পরদিন ( ৪র্থ )—ম্যাগ্ঃ ফস্ ( M. P. )—৩x বা ৬x ।

এইরূপ পর পর ৪ দিন এই চারিটা ঔষধ প্রত্যহ ২ বার করিয়া ( সকাল সন্ধ্যায় ) দিবে । এই ভাবে উপর্যুপরি ৮ দিন ঔষধ ব্যবহারের পর, ৪—৮ দিন ঔষধ বন্ধ রাখিবে এবং পুনরায় উক্তরূপে ঔষধ দিতে আরম্ভ করিবে । এই ভাবে প্রসবের শেষ সপ্তাহ পর্য্যন্ত ঔষধ দিবে । অতঃপর প্রসব হইবার আন্দাজ ৮।১০ দিন আগে হইতে, কেবলমাত্র কেলি ফস্ ( K. P ) ও ম্যাগ্ঃ ফস্ ( M. P. ) উভয় ঔষধ একত্র মিশ্রিত করিয়া দিবসে ৩।৪ মাত্রা দিবে । প্রসব বেদনা কারন্ত হইবামাত্র—কেলি ফস্ ও ম্যাগ্ঃ ফস্ একত্রে বা পর্য্যায়ক্রমে বেদনার অবস্থানুযায়ী ২ ঘণ্টান্তর, প্রতি ঘণ্টায়, অর্ধ ঘণ্টান্তর বা এমন কি ১৫।২০ মিনিট অন্তর পর্য্যন্তও ব্যবহার করা যায় ।

**মাত্রা—**উল্লিখিত ঔষধ কয়েকটা ৪—৫গ্রেণ মাত্রায় অর্ধ আউন্স উষ্ণ জল সহ সেব্য ।

**অস্ত্রব্য :—**ইহা আমার কতিপয় রোগীতে বিশেষভাবে পরীক্ষিত ।

**হোমিওপ্যাথিক মতে ।—**গর্ভ সঞ্চারের প্রথম হইতে শেষ পর্য্যন্ত :—

নক্সভমিকা, বেলেডোনা, পাল্ঃসেটীলা নিম্নলিখিত রূপে ব্যবহার্য—

প্রথমদিন	...	নক্সভমিকা ।
২য় দিন	...	বেলেডোনা ।
৩য় দিন	...	পাল্ঃসেটীলা ।

শক্তি—৩x বা ৬x ।

মাত্রা—২।৩ ফেঁটা, ১ চা চামচ জল সহ, প্রাতে: শয্যা হইতে উঠিয়া ও রাত্রে শয়নকালে সেব্য।

এইরূপ নিয়মিত ভাবে ৬ দিন পর্য্যন্ত ঔষধ দিয়া, ৬—১২ দিন পর্য্যন্ত ঔষধ বন্ধ রাখিবে এবং পুনরায় উক্তরূপে ঔষধ চালাইবে। এইভাবে প্রসবের শেষ সপ্তাহ পর্য্যন্ত ঔষধ দিবে।

**প্রসবের শেষ সপ্তাহে—**

প্রাতে: শয্যা হইতে উঠিয়াই	...	১ মাত্রা নলভূমিকা।
বেলা ৩।৪ ঘটিকার সময়	...	„ বেলডোনা।
রাত্রে শয়নকালে	...	„ পালসেটীলা।

শক্তি—৩৫ বা ৬৫

মাত্রা—২।৩ ফেঁটা ১ মাত্রায় ১টা চামচ জল সহ।

**প্রসব বেদনা আরম্ভ হইলামাত্রঃ**—উক্ত ৩টা ঔষধের ৩টা পৃথক পৃথক শিশিতে পৃথক পৃথক সলিউশন প্রস্তুত কর। প্রত্যেক শিশিতে ৪ আউন্স জল দিয়া

১নং শিশিতে	৫—১০	বিন্দু	নলভূমিকা দিবে।
২নং „	„	„	বেলডোনা „
৩নং „	„	„	পালসেটীলা „

অতঃপর ২ ড্রাম মাত্রায় এই ঔষধত্রয় পর্য্যায়ক্রমে সেবন করিতে দিবে। বেদনার আতিশয্যানুযায়ী :— $\frac{1}{8}$  ঘণ্টান্তর ঔষধ ব্যবহার করিবে।

প্রথম প্রসূতীর কষ্টকর প্রসবের আশঙ্কাতেও এই চিকিৎসা বিশেষ উপকার দান করিয়াছে।



## হোমিওপ্যাথিক অংশ।

২০শ বর্ষ।

১৩০৪ সাল—ভাদ্র।

৫ম সংখ্যা

### কতিপয় পীড়ার পরীক্ষিত ঔষধ।

লেখিকা—শ্রীমতী লতিকা দাশ L. M. P.

হোমিওপ্যাথিক ও বাইওকেমিক লেডি ডাক্তার।

— ::o:: —

**ফ্লেটিক**। (abscess)—পুঁথ হইবার পূর্বে, প্রদাহিত স্থান লোহিত বর্ণ, ক্ষীত এবং অত্যন্ত বেদনা হইলে **বেলেডোনা**—১x, পুঁথ হইবার পর হিপার্ন সাল্ফ—৩০, এবং **মার্ক সল**—৬, পর্যায়ক্রমে ব্যবহারে উপকার হয়। সম্বর পুঁথ নির্গত করিয়া দিবার জন্য হিপার্ন সাল্ফ—৩, অতি উৎকৃষ্ট ঔষধ। উষ্ণ জলের সহিত ক্যালোডিওলা মাদার টিচার মিশ্রিত করিয়া উষ্ণ ফোমেন্টেশন করিবে।

পুনঃ পুনঃ ক্ষত ইত্যাদি হইলে **সাল্ফার**—৩০, কিছুদিন সেবনে বিশেষ উপকার হয়।

**ডিসপেপশিয়া**—**অজীর্ণ** (Dyspepsia)—তরুণ অজীর্ণ রোগে কোঠবন্ধ সহ বুকজালা করিলে—**নক্সতমিকা** ৩০, ২।৩ মাত্রা সেবনে বিশেষ উপকার হয়। উদরায়ন বর্তমান থাকিলে—**পালসেটীলা** ৩০, **অগ্নিবান্দ্য**, **অরোদগার**, **পেট কাঁপা** ইত্যাদি লক্ষণে **কার্বোভেজ** ৩০, অতি সুন্দর ঔষধ।

পুরাতন অজীর্ণ ও অগ্নিবান্দ্য রোগে প্রাতে: ১ মাত্রা **সাল্ফার**—৩০, ও বৈকালে

১ যাত্রা নক্সভমিকা—৩০, প্রত্যহ কিছুদিন সেবনে বিশেষ উপকার পাওয়া যায়। বিশেষতঃ অর্শ রোগীর অজীর্ণ রোগে ইহা মস্তুর মত কার্য্য করিয়া থাকে।

**শ্বাস-কাস** (Asthma)—এ্যাজমা রোগীর হাঁপানীর টান হইবা মাত্র লোবেলিয়া ৩x, সেবন করিতে দিলে, অনতিবিলম্বেই কষ্টকর টান নিবারিত হয়। এ্যাজমা রোগীর বুকের ভিতর ঘুড়্ ঘুড়্ করিলে প্রধান ঔষধ ইপিকাক ৬, অর্ধরাত্রির পর হাঁপানির টান হইলে—আসেনিক ৬, উপকারী। হৃদম্য হাঁপানী পীড়ার ফিটের সময় “ব্লাটাওরিয়েটালিস্—১x, পুনঃ পুনঃ সেবনে ফিট অচিরেই নিবারিত হয়। ফিটের পরে ইহার ৬ শক্তি সেবন ফলপ্রদ।

**পানিবসন্ত**—(Chicken Pox)।—পানিবসন্তের সহিত জ্বর বর্তমান থাকিলে—একোমাইট ৩x, এবং শিরঃপীড়া বা গলকৃত বর্তমানে বেলেডোনা—৩x উপকারী।

**শূল বেদনা**—(Colic)।—উদরস্থান সহ শূল বেদনায়—নক্সভমিকা ৩x। উদরস্থান নাই, কিন্তু হৃদম্য কোষ্ঠবদ্ধতা বর্তমানে—প্লাঘাম্—৬, যে স্থলে শূল বেদনার অসহ্য বজ্রণায় রোগী ধনুকের মত বাঁকিয়া যায় বা কোনও শক্ত জিনিসের উপর পেট চাপিয়া ধরে, সে স্থলে কলোসিছ—৩x বিশেষ ফলপ্রদ। শিশুদের শূলবেদনায় ক্যামোমিলা—৬ উপকারী।

**শোথ** (Dropsy)।—প্রস্রাব হ্রাস হইয়া শোথ হইলে এপিস ৩০, গর্ভবতী স্ত্রীলোকের গর্ভের ৪।৫ মাসের মধ্যে হস্তপদে শোথ হইলে এপিস্—অতি উৎকৃষ্ট ঔষধ।

প্লীহা ও মক্কে বিবর্জিত হইয়া শোথ হইলে আসেনিক—৩০, এবং উদরী পীড়ায়—এপোসাইনাম্—১x ফলপ্রদ।

**বাধক**—(Dysmenorrhœa) বা কষ্টরক্তঃ। তলপেটে অত্যন্ত আক্ষেপ জনক বেদনা বর্তমানে কলোফাইলাম—৩। অতি সামান্য রক্তঃ শ্রাব হইলে পালসেটীলা—৩ এবং রক্তশ্রাব অত্যধিক হইলে—ম্যানথক্স ৩ (Xanthox) উপকারী।

**ছপিং কফ** (Hooping Cough)—পীড়ার প্রথম অবস্থায় জ্বর থাকিলে ও শ্লেষ বমন হইলে একোমাইট—৩x। শিরঃপীড়াসহ—বেলেডোনা—৩x, অত্যন্ত ফিট বর্তমানে—ড্রশেরা ৩০। দীর্ঘকাল স্থায়ী আক্ষেপিক কাশি সহ হৃদলতা বর্তমানে কিউগ্রাম মেট—৩০।

আক্ষেপিক কাশির জন্ত শীতল ঘর্ষ হইয়া রোগীর হিমাক্ত অবস্থা উপস্থিত হইবার উপক্রমে ভেরেট্রাম এথাম—৬ এবং শিশুদের কুমি বর্তমানে এবং ফিটের পূর্বে ক্রন্দন করিলে আনিকা—৬ অতীব সুফলপ্রদ।

**স্বচ্ছা**—(Phthisis)। ব্যাসিলিনাম ২০০, (৪টী গ্লোবিউল মাত্রায়)—প্রতি ১৪ দিন অন্তর ১ বার করিয়া সেব্য। ইহাতে উপকার না হইলে, আস্ আইয়োডাইড্—৩x বিচূর্ণ—২ গ্রেণ মাত্রায়—আহারে পর দিবসে ৩ বার সেব্য। এতদসহ কডলিতার অয়েলও ব্যবহার করা উচিত।



**প্রস্রাব রোধ ।** একোনাইট্ ৬ বিশেষ উপকারী । ইহাতে উপকার না হইলে, ক্যাথারিস্ ৬ কিম্বা সালফার ৬, বিশেষতঃ ক্রোফিউলান্ শিশুর জন্ত ইহা অতীব ফলপ্রদ ।

**এমিনোরিয়া ( রজোলোপ ) ।** পালমেটীলা ৩০ । খেতপ্রদর সহ রজোলোপে সিপিয়া—৩০ উপকারী ।

**ত্রংকাইটীস্ ।**—প্রথমাবস্থায় জ্বর, শুষ্ক চর্ম এবং শুষ্ক ক্ষীণ কাশি বর্তমানে একোনাইট্ - ৩x । অত্যন্ত জ্বর, আবৃত স্থানে ঘর্ম ও মান্তিকের লক্ষণাদি বর্তমানে বেলেডোনা—৩x । শুষ্ক কাশি—যাহা মস্তক ও বক্ষঃস্থলে কষ্টদায়ক = ব্রাইওনিয়া ৬ । পীড়ার ৩য় অবস্থায় যখন ছোট ছোট ত্রংকিয়াল্ টীউব মধ্যে শ্লেমা জমা হয় ; সরল কাশি সরল কিন্তু অপ্রচুর উথিত শ্লেমা বর্তমানে = এটিম টাট—৬ । পীড়ার ২য় অবস্থায় বড় বড় ত্রংকিয়াল্ টীউব্ মধ্যে শ্লেমা আশ্রয় করিলে, এবং জ্বর, অত্যন্ত তৃষ্ণা, শুষ্ক কাশি ইত্যাদি লক্ষণে = ব্রাইওনিয়া ৬ । পীড়ার প্রবল অবস্থায় বক্ষঃস্থলে তিসির পুন্টীশ উপকারী ।

পুরাতন ত্রংকাইটীসে পাকা শ্লেমার তাল নির্গত হইলে = কেলিঃ বাইক্রোম ৬ উপকারী ।

**রক্তহীনতা ।**—রক্তহীনতায় নিম্নলিখিত ঔষধ ৩টি অতীব ফলপ্রদ ।

চায়না	...	৬, ৩০.
আসেনিক	...	৩০, ২০০.
ফেরাম	...	৩, ৬.

**ক্ষুধামান্দ্য ।**—ক্ষুধামান্দ্যে নিম্নলিখিত ঔষধ কয়েকটি বিশেষ উপকারী ।

নক্স	...	৩০.
পালসেটীলা	...	৬, ৩০.
সালফার	...	৩০.

পুরাতন ক্ষুধামান্দ্য পীড়ায় প্রাতে: ১ মাত্রা সালফার ও বৈকালে ১ মাত্রা নক্স ৩০, বিশেষ উপকারী ।

ক্ষুধা অত্যন্ত বেশী হইলে চায়না	...	৩০.
নক্স	...	৩০.
সিনা	..	২০০.

**পিত্তাধিক্য ।**—

নক্স	..	৩০.
ব্রাইওনিয়া	...	৬
ক্যামোনিলা	...	৬.

**খোঁৎলে আণ্ডার ।**—আঘাত লাগা, খোঁৎলে যাওয়া, কাটির বাওয়া ইত্যাদিতে আনিকা ৩x ।

বাহ্যিক আঘাত ইত্যাদিতে—আনিকা ক্রুড্ দ্বারা লোশন করিয়া ব্যাণ্ডেজ করিয়া দিবে ।

ফেরাম-ফস্ ১x ৬x বাহ্যিক ও আত্যন্তিক ব্যবহারে তৎক্ষণাৎ উপকার হয় । বিশেষতঃ রক্তপাত লক্ষণে ।

অগ্নিতে দধি বা বাসুসিয়া গেলে।—রাসটম্ব মাদার টীকার ২ আউন্স  
ফুটাত জলমধ্যে ১০ ফেঁটা মিশ্রিত করিয়া, এই লোশনে তুলা ভিজাইয়া দধি স্থান আবৃত  
করিয়া ব্যাণ্ডেজ করিবে—বাহাতে উক্ত স্থানে হাওয়া না লাগে। আভ্যন্তরীণ ব্যবহার  
জন্য রাসটম্ব ৩x বা ৬x এবং জর থাকিলে একোনাইট ৩x পর্যায়ক্রমে দিবে।

কোষ্ঠবন্ধে।—শিশুদের কোষ্ঠবন্ধতায় শুক ও গুটলে মলত্যাগ বর্তমানে—  
প্লাসাম্—৩x। সাধারণ কোষ্ঠবন্ধতায় নাক্স ৩০ ও সালফার ৩০, পর্যায়ক্রমে।

ব্রাইওনিয়া, এলিউমিনিয়াম, লাইকোপোডিয়াম ও হাইড্রাঙ্গিস্ ( ১x ) ব্যবহারেও  
উপকার পাওয়া যায়।

শূল বেদনা। আঙ্গিক শূলে—

বেলেডোনা	...	৬, ৩০.
নক্সভমিকা	...	৬, ৩০. ১x ( প্রবলশূলে )
নক্স-মশ্‌চেটা	...	৬x
কলোসিহ	...	৬.
হাইড্রাঙ্গিস্	...	১x
আসেনিক র্যাড	...	৬
পৈত্তিকশূলে—নক্স, ব্রাইওনিয়া	...	৬.
কলোসিহ	...	১x, ৬.
আখ্যানসহ শূলে—কার্বভেজ	...	১x, ৩০ ( উৎকৃষ্ট )
নক্সভমিকা	...	১x
শিশুদের শূলে—বেলেডোনা	...	৩, ৩০
নক্স	...	১x, ৬, ৩০.
ক্যামোমিলা	...	৬।
কুমিজনিত শূলে—সিনা ( মাদার টীকার )	ও	৩x
মার্কিউরিয়াম্	...	৬
সালফার	...	৩০, ১০০.

(ক্রমঃ)

# থেরাপিউটিক নোটস।

## Therapeutic Notes

—:0:—

( বায়ুনলী, প্লুরা ও ফুসফুসের পীড়াধিকারে )

লেখক—ডাঃ শ্রীপ্রভাচন্দ্র বন্দ্যোপাধ্যায়

হোমিওপ্যাথিক চিকিৎসক। মহানাদ, হুগলী।

( পূর্বপ্রকাশিত ১৩৩৩ সালের ৮ম সংখ্যার ( অগ্রহায়ণ ) ৩৩৪ পৃষ্ঠার পর হইতে )

—:0:—

**লাইকোপোডিয়াম।** ফুসফুসের দক্ষিণ দিকের পীড়া, বিশেষতঃ অগ্রে দক্ষিণ ফুসফুসে পীড়া হইয়া, পরে বামদিকের ফুসফুসে প্রসারিত হয়। কষ্টদায়ক কাশি, বুকের মধ্যে ঘড়্ ঘড়্ শব্দ। গয়ের চট্ চটে, ইষ্টকচূর্ণবৎ, শ্লেষায়ুক্ত, রক্ত ও পুঁজময়; প্রচুর গয়ের উঠে, গয়েরে মুখ পরিপূর্ণ হয়। নিশাঘর্ষ। গাত্রে কাপড় রাখে না। নিশ্বাস প্রখাসে নাশাপুট সঙ্কুচিত ও প্রসারিত হয়। শ্বাস রোধের উপক্রম। দক্ষিণ নাকে ও মুখে দুর্গন্ধ। কোষ্ঠবদ্ধ, পেটের ফাপ। প্রস্রাব রক্তবর্ণ, ইটের গুড়ার গায় তলানি পড়ে। নিদ্রান্তে খিট্ খিটে হয়। জিহ্বা স্ফীত, বিদ্বত, শুষ্ক, ফাটা ফাটা, কাল, অথবা রক্তবর্ণ, বাহির করিবার সময় সজোরে বাহির করে। নিউমোনিয়ার সঙ্গে যকৃতের পীড়া, যকৃতের ম্যাট্রোফি অর্থাৎ যকৃত কুদ্রত্বাপন্ন হয়। মস্তিষ্কের পক্ষাঘাতের সম্ভাবনা। চক্ষে আলোর ক্রিয়া হয় না। নিউমোনিয়ার অচিকিৎসা বা কুচিকিৎসার পর টাইফয়েড অবস্থা। ফুসফুসের হিপাটিজেশন হওয়ার পর থাইসিস আরম্ভ। ফুসফুসের পক্ষাঘাত ও স্ফোটক। ফুসফুসে পুঁজ সঞ্চয় হইবার পূর্বে বিলেপী জর বা হেক্টিক ফিবার।

**ব্যাপ্টিসিয়া।**—নিউমোনিয়া সহ বিকারাবস্থা। রোগী মনে করে যে, তাহার মস্তক বড় হইয়াছে, বুকের ভিতর শ্লেষা এবং অঙ্গ প্রত্যঙ্গ টুকরা টুকরা হইয়া স্বতন্ত্রভাবে রহিয়াছে, তাহার শরীরও, যেন দুই তিনটা মূর্তি পরিগ্রহ করিয়াছে। বিচ্ছিন্ন অঙ্গ প্রত্যঙ্গ একত্র করিতে নিয়ত চেষ্টা করে ও অক্ষম হইয়া ক্লান্ত হইয়া পড়ে। শ্বাসপ্রশ্বাস ও মল, মূত্র, ঘর্ম প্রভৃতি দুর্গন্ধযুক্ত, মুখে পচা দুর্গন্ধ। উদরাময়গ্রস্ত, কাল রংয়ের পাতলা দুর্গন্ধযুক্ত মল। জিহ্বা বড় ও স্ফীত। দস্তে সড়িস পড়ে। জিহ্বা ও মুখগহ্বর শুষ্ক, ঘন ঘন টোক গিলিতে থাকে। তরল পদার্থ গিলিতে পারে, কিন্তু অনিচ্ছা। অতরল খাদ্য গিলিতে অক্ষম, অত্যন্ত খাদ্য ও গলার আটকাইয়া যায়। সর্কাদে বেদনা এবং কোমল বিছানাও শক্ত অনুভব করিয়া এপাশ ওপাশ করে। ঠিক উত্তর দেয় বটে, কিন্তু কথা বলিতে বলিতে

ঘুমাইয়া পড়ে, অথবা প্রশ্নের উত্তর দিতে দিতে ভুল বকে। মূহু প্রলাপ, ছড়ান অঙ্গ প্রত্যঙ্গের ভাবনাই-বেশী। শয্যাশয়ী অবস্থা।

**এসিস-মেলিফিক।**। পুরো-নিউমোনিয়া এবং নিউমোনিয়া সহ ইরিসিপেলাস্ পীড়ার শেষাবস্থায় পুরা-গহ্বর অথবা পেরিকার্ডিয়ামে জলসঞ্চয়। অজ্ঞান অবস্থায় হঠাৎ বিকট চিৎকার। উদর খোলে নিপতিত। সর্বাঙ্গে কম্পন—বিশেষতঃ চাপিয়া ধরিলেও হাত কাঁপিতে থাকে।

**নাক্স-মশেচটা।**—পেটফাঁপা, পেটের ভিতর গড়্ গড়্ শব্দ সহ অতিশয় দুর্গন্ধযুক্ত হরিদ্রাবর্ণ জলবৎ ভেদ। মুখের অভ্যন্তর শুষ্ক, অথচ পিপাসা নাই। শয্যা গরম হটলেই কাশি হয়, পানীয় সেবনে শুষ্ক কাশি হয়, আহাৰাস্তে কাশি সহ গয়ের উঠে। জিহ্বা ভালুতে আটকাইয়া থাকে। কোন কথা সহজে বৃথিতে পারে না, একই কথা পুনঃ পুনঃ বলে অথবা উত্তর না দিয়া জড়বৎ পড়িয়া থাকে। মুখমণ্ডল পাণ্ডুবর্ণ। স্নায়ুমণ্ডলের অসাড়তা নিবন্ধন মস্তকের রক্তহীনতায় তন্দ্রা, সম্পূর্ণ বধির, প্রগাঢ় কোমা, বাকরোধ।

**ওপিয়াম্।** - শিশু ও বৃদ্ধের নিউমোনিয়া। মস্তকে রক্তাধিক্য হেতু মুখমণ্ডল ক্ষীত ও রক্তবর্ণ, চক্ষু লাল ও অর্ধনিমীলিত বা শিবনেত্র, চক্ষুর শিরাসমূহ রক্তপূর্ণ, আলোক অসহ্য। বিহানা অত্যন্ত শক্ত ও গরম মনে হয়, সেজন্তু বসিয়া থাকে। ফুসফুসের আক্ষেপ ও পক্ষাঘাত হেতু শ্বাসপ্রশ্বাস ইন্টারমিটেন্ট হয়। জিহ্বার পক্ষাঘাত হওয়ায় কথা কহিতে পারে না। মলদ্বারের পক্ষাঘাত হেতু অসাড়ে মলত্যাগ হয়। ব্লাডারের পক্ষাঘাত হওয়ায় প্রশ্রাব সঞ্চিত হইলেও, প্রশ্রাব হয় না। শ্লেষ্মা লালবর্ণ ফেণায়ুক্ত, গলা ঘড়ঘড়ী, শ্বাসরোধের উপক্রম, মধ্যে মধ্যে চম্কিয়া উঠে, পা ব্যতীত অগ্রাগ্র অঙ্গে উষ্ণ ঘর্ষ হয় ও সাদা ঘামাচি বা সুডামিনা বাহির হয়। শ্রবণশক্তি অতি তীক্ষ্ণ—এমন কি, দূরস্থ কোন শব্দেও নিদ্রা হয় না। কোন প্রকার কষ্ট প্রকাশ করে না। কোমা বা অচেতনতাবস্থা।

**ফস্ফরিক এসিড্।**—বুকে ঘন ঘন সঁই সঁই শব্দ, শ্বাসকষ্ট। রোগী অত্যন্ত দুর্বল। পেটের ভিতর হড়্ হড়্, কল্ কল্ করে, যজ্ঞাবিহীন সাদা অথবা হরিদ্রাবর্ণ ঘোলের গ্ৰায় সাদা, অথবা হলুদ গোলা জলের গ্ৰায় জলবৎ ভেদ, অজ্ঞাতসারে মলমূত্র ত্যাগ, রাতে পুনঃ পুনঃ প্রচুর প্রশ্রাব, মূত্র অত্যন্ত লাল বা দুধের ন্যায় সাদা এবং শীঘ্রই পচিয়া দুর্গন্ধ হয়। নাসিকার পেয়ার নামক গ্রন্থির প্রদাহ হেতু, রোগী নাসিকার মধ্যে অঙ্গুলী প্রবিষ্ট করে, নাক দিয়া রক্ত পড়ে। জিহ্বা বাহির হয় ও অজ্ঞাতসারে কামাড়াইয়া ফেলে। রোগী টাইফয়েড লক্ষণাক্রান্ত। মূহু প্রলাপ, অঘোর অবস্থায় পড়িয়া থাকে ও কোথায় কি হইতেছে তাহা জানিতে পারে না, ডাকিলে চৈতন্য হয় ও উত্তর দেয় বটে। কিন্তু আবার তৎক্ষণাৎ তন্দ্রাচ্ছন্ন হয়। অন্ন বয়সে দীর্ঘাকার। শোক দুঃখাদি কারণে ও অতিরিক্ত রতিক্রিয়া বা হৃষ্টমধুনাদি হেতু রোগ উৎপত্তি এবং নিউমোনিয়ার পর যক্ষ্মা বা ধাইসিস জন্মবার সম্ভাবনার ইহা যথোপকারী।

**হাইপোসায়েরাস।** আক্ষেপযুক্ত কাশি। আহার বা পানের পর এবং শয়নবস্থায়ও কথ্য কহিতে কাশির বৃদ্ধি। উপবেশনে ঝুলিয়া পড়ে। নিউমোনিয়া সহ ইরিমিপেনাস। টাইফয়েড নিউমোনিয়া। ঘোর বিকার।

**ফুস্ফুস :**—পাতলা দীর্ঘকার, অল্প কুজো, গৌরবর্ণ ও দুর্বল ব্যক্তি। ক্যাপিলারি ব্রঙ্কাইটিস্, ব্রঙ্কো-নিউমোনিয়া, হাইপোপ্যাটিক্ নিউমোনিয়া, প্লুরো-নিউমোনিয়া, প্লুরাইটিস্, দক্ষিণ ফুস্ফুসের নিম্নাংশে হিপাটিজেশন ও নিউমোনিয়া, ফুস্ফুসের স্ফোটক ও পক্ষাঘাতের আশঙ্কা, ফুস্ফুস্ রক্তপূর্ণ অথবা ফুস্ফুসে রক্তস্রাব, টাইফয়েড্ লক্ষণ, ব্রঙ্কাই এবং লাংস্ মধ্যে ক্রুপ রোগ প্রসারিত হইলে, অথবা নিউমোনিয়ার পর যক্ষ্মার সম্ভাবনা হইলে, ইহা অত্যন্তকষ্ট ঔষধ। শুষ্ক কাশি, কাশি চাপিয়া রাখিতে চেষ্টা, কাশির পরই শ্বাসকষ্ট, বক্ষঃস্থলে কসিয়া ধরা বা বোঝা চাপানর স্থায় ও বাম বক্ষে সূচীবিন্দবৎ বেদনা, গয়ের পরিমাণে অল্প, গয়ের টুকরা টুকরা হইয়া পড়ে, সন্ধ্যাকালে স্বরভঙ্গ হয়, নাসিকার পক্ষঘ্ন সঙ্কুচিত ও প্রসারিত হইতে থাকে, দীর্ঘনিশ্বাস লয়, বাম পাশ্বে শয়নে করে, জিহ্বা ও গুষ্ঠ শুষ্ক, জিহ্বায় কাল মামুড়ী। মুখ বুজিয়া থাকে, ক্যারোটিড্ ধমনী উল্লম্বনযুক্ত, জল অথবা বরফ খাওয়ার পর পাকস্থলীতে গরম হইবামাত্র বমি হয়, নাক কাণ চোক, ইউরেথ্রা প্রভৃতি যে কোন স্থান হইতে—এমন কি, স্ক্রু স্ফোটক হইতেও ভয়ানক রক্তস্রাব হয়, সর্কাস্কে জ্বালা—বিশেষতঃ বৃকের ভিতর, ফুস্ফুসে মেরুদণ্ডের স্থানে স্থানেএবং হাত, পা, চর্ম ও মাথার ভিতরে জ্বালা করে, হস্ত আবৃত রাখিতে পারে না। অস্থিরতা, শয্যাশায়ী অবস্থা, অত্যন্ত দুর্বল হইয়া পড়ে, নাড়ী দ্রুত ও ক্ষীণ, হৃদস্পন্দন হয়, মুখ চোক বসিয়া যায়, হাত কাঁপে, বিছানা হাতড়ায়, অল্প অল্প, প্রলাপ বকে, প্রলাপে মাছি ধরে, ঘরের কোণে কি বেড়াইতেছে মনে করিয়া ভীত হয়, কোন কথার উত্তর দেয় না, অনিচ্ছায় হাসে, কাহারও কথ্য শুনিতে পায় না অথবা কম শুনে, কিন্তু অগ্র শব্দ ভালরূপ শুনিতে পায়।

**এন্টিম-টার্ট।** ব্রঙ্কাইটিস্, ব্রঙ্কো-নিউমোনিয়া, প্লুরো-নিউমোনিয়া, হুপিংকফ্, হাঁপানি প্রভৃতি পীড়ায় বক্ষঃস্থলে প্রচুর শ্লেষ্মা থাকার স্থায় গলা ঘড়্ ঘড়্ করিতে থাকে, কিন্তু তত শ্লেষ্মা উঠে না। শিশু স্পর্শ করিতে বা হাত দেখিতে দেয় না। দক্ষিণ ফুস্ফুসের নিউমোনিয়া সহ যক্ষ্মতের রক্তাদিকা ও জন্ডিউস্। ফুস্ফুসের পক্ষাঘাত এবং লেরিংস্ কিম্বা ট্রেকিয়ার ভিতর কিছু আটকাইয়া নিশ্বাস প্রশ্বাস বন্ধ হইবার উপক্রম হয়, মুখের অভ্যন্তরিক শুষ্ক, হাঁ করিয়া থাকে, চক্ষু লাল ও শিবনেত্র, নাসিকার পক্ষঘ্ন সঙ্কুচিত ও প্রসারিত হয়, নাকের ভিতরে কালবর্ণের মামুড়ী, নাক দিয়া রক্ত পড়ে, প্রচুর ঘর্ম, কাশিবার সময় কপালে ঘর্ম হয়, পেটফাঁপা, উদরাময়, বিবমিষা ও বমন, অত্যন্ত পিপাসা অথবা একেবারে পিপাসা থাকে না, হিকা, হাত পা শীতল ও কাঁপিতে থাকে, নাড়ী লুপ্ত প্রায়, টাইফয়েড্ অবস্থা। এইরূপ আশাশূন্য রোগীকেও এন্টি মটার্ট জীবন দান করে।

**ফেরাস ফস্—**গ্রীষ্মকালে ঠাণ্ডা লাগিয়া ব্রঙ্কাইটিস্, প্লুরিসি, নিউমোনিয়া ও যক্ষ্মা রোগ। শিশু, যুবক এবং দুর্বল ও অল্প রোগাক্রান্ত ব্যক্তির নিউমোনিয়ার প্রথমাবস্থায়। দক্ষিণ ফুস্ফুসে প্রদাহ হইয়া বাম ফুস্ফুস আক্রান্ত হয়। কাশিতে উজ্জল লাল বর্ণ রক্ত উঠে। স্বরভঙ্গ, নাক দিয়া রক্ত পড়ে। জলবৎ রক্তাক্ত ভেদ হয়। অজ্ঞাতদ্বারে মূত্রত্যাগ। শরীর শীতল। কর্ণে প্রদাহ। প্যারটিড্ গ্যাণ্ড প্রদাহযুক্ত ও ক্ষীণ। চক্ষে বালি প্রবেশের স্থায় যক্ষ্মা।

**এমন কার্ব।**—বৃদ্ধ বয়সে ব্রঙ্কো-নিউমোনিয়া, হাম বসিয়া গিয়া নিউমোনিয়া, প্রথমে উত্তাপযুক্ত হয়। গলার ভিতর ধূলা প্রবেশের ন্যায় শুষ্ক খুস্ খুস্ ও আক্ষেপযুক্ত



কাশি, রাত্রি ৩টা হইতে ৪টার মধ্যে বৃদ্ধি, দম বন্ধের ভাব, কাশিতে প্রচুর গয়ের উঠে, বেগুনে বা কাল রংএর গয়ের, বন্ধে জ্বালা ও দক্ষিণ ফুসফুসে সৃষ্টবিদ্ধবৎ যন্ত্রণা, বৃকের ভিতর ঘড়্ ঘড়্, বুড়্ বুড়্ শব্দ ( লার্জ ক্রিপিটেশন ), হাটের প্যান্‌পিটেশন, হৃদপিণ্ডে রক্ত জমাট হইবার ও মস্তিষ্কের প্যারালিসিস্ হওয়ার সম্ভাবনা, ঠুপার বা মাতালের শ্রায় অজ্ঞান অবস্থা, ক্রমে কোমা আসিয়া উপস্থিত হয় ।

**সাইলিসিয়া** ।—নিউমোনিয়ার পর নানা অঙ্গে ফোটক হইতে থাকিলে, ফোটকের উদ্ভব সহ জ্বর, সামান্য কাশি ও অত্যন্ত ঘর্ম এবং পুনঃ পুনঃ অন্ত্রোপচার ও শোধ হইলে । বহুকাল রোগভোগ হেতু দুর্বল, অস্থিচর্মসার—উঠিবার শক্তিহীন রোগী । নিউমোনিয়ার শেষাবস্থায় চক্ষু প্রদাহ, চক্ষে জলপড়া ও চক্ষের কর্ণিয়াতে ক্ষত ।

**কার্ব-ভেজিটেবিলিস্** ।—রোগের শেষাবস্থায় সকল ঔষধ ব্যর্থ হইয়া যখন হাত পা শীতল, দুর্গন্ধযুক্ত ও শীতল ঘর্ম, নাড়ী লুপ্তপ্রায়, উদর ক্ষীত, দুর্গন্ধময় ভেদ, চক্ষু শিবনেত্র, নাসিকা সরু ও লম্বা, বৃকের মধ্যে ঘড়্ ঘড়্ শব্দ, রোগী নিয়ত বাতাস করিতে বলে, কোল্যাপ্স অবস্থা হয়, রোগীর জীবনের আর আশা থাকে না । এরূপ বিপদ সময়ে কার্ব-ভেজিটেবিলিসের সমতুল্য বন্ধু আর নাই । ব্রাণ্ডী, মৃগনাভি অথবা মকরধ্বজ ইহার তুলনায় নগত্ত ।

**চায়না** ।—অতিরিক্ত ভেদ, প্রচুর শ্লেষা করণ ও রক্তশ্রাবে, বলরক্ষার্থে মধ্যে মধ্যে চায়না প্রয়োগ হিতকর ।


**সালফর** ।—শিশু, বৃদ্ধ ও মাতালের এবং কোন চর্মরোগ মালিশাদি দ্বারা হঠাৎ আরোগ্যের পর নিউমোনিয়াদি পীড়া । পিউয়ারপারেল ফিবার সহ নিউমোনিয়া । টাইফয়েড অবস্থায়ুক্ত নিউমোনিয়া । নিউমোনিয়ার পর কাণপাকা, গাত্রে ফোটক অথবা যক্ষ্মা হইবার উপক্রম হইলে । হাত পা ও মাথা—বিশেষতঃ ব্রহ্মতালু অত্যন্ত গরম ও জ্বালা করে । পা ছড়াবার সময় পায়ে খাল্ ধরে । বৃকের ভিতর দিয়া বাম স্কন্ধ পর্য্যন্ত সৃষ্টবিদ্ধবৎ বেদনা, চিৎ হইয়া শয়নে কিম্বা সামান্য নড়াচড়ায় বেদনার বৃদ্ধি । সমস্ত রাত্রি নিদ্রা হয় না, ছটফট করে । প্রাতে উদরায়ম, অতি প্রত্যুষে তাড়াতাড়ি মল ত্যাগের ইচ্ছা । মল পূঁজের শ্রায় । অপরাক্ত ৩টার সময় নাক দিয়া রক্ত পড়ে । বেলা ১০টা, ১১টার সময় পাকস্থলী শূন্য বোধ । ইরাপশন্ বসিয়া যাওয়ার লক্ষণ, যথা—মলদ্বার, মূত্রদ্বার, কর্ণ ও চক্ষুর পাতা অত্যন্ত লাল বর্ণ হয় । ফুসফুসে নানা প্রকার শব্দ । সবুজ বর্ণের চাপ চাপ রক্ত মিশ্রিত মিউকাস্ ও পূঁজময় গয়ের, কাশিবার সময় বক্ষঃস্থল খণ্ড হইয়া যাইবে মনে হয় । দম বন্ধের ভাব । আন্তে আন্তে প্রলাপ । নিউমোনিয়ার যে কোন অবস্থায় সালফরের লক্ষণ থাকিলে প্রয়োগ করা হিতকর ; কেবল ফুসফুসে গুটিকা বা টিউবার্কেল জন্মিলে ব্যবহৃত নহে । যখন সুনির্দিষ্ট ঔষধে সুফল পাওয়া যায় না, তখন একমাত্র সালফার প্রয়োগে পূঁর্ষ ঔষধের ক্রিয়া বিকসিত হয় । (ক্রমশঃ)

PRINTED BY RASICK LAL PAN


At the Gobardhan Press, 209 Cornwallis Street, Calcutta.

And Published by Dharendra Nath Halder,

197, Bowbazar Street, Calcutta.







এলোপ্যাথিক ও হোমিওপ্যাথিক চিকিৎসা সম্বন্ধীয়  
মাসিক পত্র ও সমালোচক ।

২০শ বর্ষ } ১৩৩৪ সাল—আশ্বিন ও কা্তিক । { ৬ষ্ঠ ও ৭ম সংখ্যা

## বিবিধ ।

স্বাস্থ্যসম্বন্ধে “এফেড্রিন্”—নিউইয়র্কের সুবিখ্যাত চিকিৎসক ডাঃ টমাস্ লিথিয়াছেন যে, তিনি ২০টা স্নায়ুমা রোগীকে ‘এফেড্রিন্’ (Ephedrine) দ্বারা চিকিৎসা করিয়া অতি সুন্দর ফল পাইয়াছেন । ইনি এই ঔষধ কিঞ্চিৎ কম ১ গ্রেণ মাত্রায় সেবন করিতে দিতেন । ডাঃ টমাসের মতের সংক্ষিপ্ত বিবরণ নিম্নে উদ্ধৃত করা হইল ।

ইনি বলেন—“আমার চিকিৎসিত ২০টা রোগীর মধ্যে, এই চিকিৎসায় ১৭টা রোগী আরোগ্য লাভ করিয়াছিল । এই ঔষধটী “এপিনেফ্রিনের” পরিবর্তে বিশেষ উপযোগিতার সহিত ব্যবহার করিতে পারা যায় । অনেক রোগীতে “এপিনেফ্রিন” অপেক্ষা “এফেড্রিন্”ই অধিকতর ফলপ্রদ বলিয়া বিবেচিত হয় ।”

“এমন অনেক স্নায়ুমা রোগী দেখিতে পাওয়া যায়—যাহাদের কোনও ঔষধেই বিশেষ কোনই ফল পাওয়া যায় না । এই সমস্ত রোগীকে “এফেড্রিন্” নিয়মিতরূপে কিছুদিন ব্যবহার করিতে দিলে—যতদিন এই ঔষধ ব্যবহার করান হইবে, অন্ততঃপক্ষে ততদিন রোগী স্নায়ুমার খাসকষ্ট হইতে পরিত্রাণ পাইয়া থাকে । অর্থাৎ এই ঔষধ সেবনকালীন রোগীর খাসকষ্ট উপস্থিত হয় না ।

ইহা ব্যবহারের সুবিধা :—

- (১) ইহা সেবন করার পরই উপকার পাওয়া যায় ।
- (২) ইহার ফল “এপিনেফ্রিন্” অপেক্ষা দীর্ঘকাল স্থায়ী হয় ।

(৩) স্নায়ুজন্ম স্যাঙ্কাম্ (আক্ষেপ) নিবারণ করিবার জন্য অধিক মাত্রায় “এপিনেফ্রিন” ব্যবহার করিলে, স্নায়ুজন্ম স্পন্দন ও আক্ষেপ ইত্যাদি উপস্থিত হইতে পারে—ইহাতে তরুণ হয় না।”

খাসকষ্টের আক্রমণকালে ব্যবহার অপেক্ষা, আক্ষেপের বিরাম সময়ে ইহা নিয়মিতরূপে ব্যবহার করিলে, পীড়ার আক্রমণ হইতে রোগী রক্ষা পায়। পীড়ার আক্রমণকালে “এপিনেফ্রিন” অধঃস্বাচিক ইঞ্জেকসন দিলে স্নায়ুজন্ম আশুফল পাওয়া যায়—আক্রমণ অবস্থায় “এফেড্রিন” ব্যবহারে তরুণ ফল প্রাপ্তির আশা করা যায় না। কিন্তু “এপিনেফ্রিন” কেবল মাত্র আক্ষেপ নিবারণ করিতেই সক্ষম—পীড়ার পুনরাক্রমণ নিবারণ করিতে পারে ন। অথচ “এফেড্রিন” নিয়মিতভাবে ব্যবহার করিলে, রোগীর আক্ষেপ ও খাসকষ্ট আর উপস্থিত হয় না। অর্থাৎ এই ঔষধ যতদিন নিয়মিত ভাবে ব্যবহার করা যাইবে, ততদিন রোগের পুনরাক্রমণ হয় না। দেখা গিয়াছে—রোগী দীর্ঘকাল পর্য্যন্ত এই ঔষধ ব্যবহার করিয়া খাসকষ্ট হইতে নিজকে মুক্ত রাখিতে পারে। প্রতিরোধক চিকিৎসার্থ “এফেড্রিন” উৎকৃষ্ট ঔষধ বলিয়া বিবেচিত হইয়াছে। এই ঔষধ অতি দীর্ঘকাল পর্য্যন্ত ব্যবহার করিলে কোনও মন্দফল প্রকাশিত হয় কি না, সে সম্বন্ধে সঠিক সংবাদ এখনও জানা যায় নাই।

( Am. J. M. Sc. May. 1926. )

ম্যালেরিয়া—“এসিটারসোল”। ডাঃ ভ্যালেন্টাইনী এবং ডাঃ টমাসেলি লিখিয়াছেন যে—“ঊহার বিবিধ প্রকারের ম্যালেরিয়া জরে “এসিটারসোল” (স্টোভারসল) ব্যবহার করিয়া বিশেষ উপকার পাইয়াছেন। ত্রাহিক ও চাতুর্ধিক ম্যালেরিয়া জরে “স্টোভারসল” (Stovarsol) কুইনাইন অপেক্ষাও অধিকতর ফলপ্রদ। জরের পর্য্যায় নিবারণ করিতে ইহা কুইনাইনের সমকক্ষ কিম্বা উহাপেক্ষাও শ্রেষ্ঠ।”

পরীক্ষা করিয়া দেখা গিয়াছে যে, “স্টোভারসল” (এসিটারসোল) রোগী বেশ সহ করিতে পারে। ২।১টী রোগীকে ইহা অধিক মাত্রায় কিছু দীর্ঘকাল সেবন করিতে দিয়াও, কোনও মন্দ ফল দেখা যায় নাই।

ইহা একটি আসেনিক ঘটীত ঔষধ। ইহার ৪ গ্রেণের ট্যাবলেট, ১টী মাত্রায় প্রত্যহ ২ বার ব্যবহার করা হয়।

( It. Policlinico. Nov: 1926 )

অল্পমাত্রা রোগীর কষ্টকর কাশিতে “ব্রোমোফর্ম কোঃ”। সম্প্রতি কতিপয় বিখ্যাত চিকিৎসক বন্দা রোগীর কষ্টকর কাশিতে, অল্প কোনও ঔষধ ব্যবহারে কোনও উপকার না পাওয়ার, অবশেষে “ব্রোমোফর্ম কোঃ কলোসোল”

( Bromoform Co. Collosol ) ব্যবহার করিয়া, আশাতীত উপকার পাইয়াছেন বলিয়া মত প্রকাশ করিয়াছেন। যক্ষ্মা রোগীর দুর্দম্য কাশি দমন করিতে, ইহা একটা আশু ফলপ্রদ ঔষধ। যক্ষ্মা রোগীর কষ্টকর কাশি অবিলম্বে দমন করিয়া, রোগীর পীড়িত হৃৎকূলের বিশ্রাম বিধান—চিকিৎসকের প্রধান কর্তব্য। এতদর্থে এরূপ কোনও ঔষধ ব্যবস্থা করিতে হইবে—যাহাতে উল্লিখিত উদ্দেশ্য সাধিত হয়, অথচ রোগীর কোনও অশুভ প্রতিক্রিয়া উপস্থিত হয় না। ‘ব্রোমোফর্ম কোঃ’ এতদর্থে অতি উৎকৃষ্ট ঔষধ। ইহা দ্বারা সমস্ত উদ্দেশ্যই সাধিত হয়। অধুনা যক্ষ্মা রোগীর কাশি দমন করণার্থ এই ঔষধটী বিশেষ উপযোগিতার সহিত ব্যবহৃত হইতেছে। ইহার মধ্যে নিম্নলিখিত ঔষধগুলি আছে :—

ব্রোমোফর্ম	...	১/২ মিনিম।
হিরোইন্	...	১/৪০ গ্রেণ .
এক্সট্রাক্ট প্রনি: ভার্জি: এবং সেনেগা সমষ্টি		১ ড্রাম।

( Medical Annual. 1927 )

**ক্যান্সার জিমেটিনেটাস্—**ইহা ক্যান্সারের একটা নূতন প্রয়োগরূপ। সম্প্রতি এই ঔষধটী পুরাতন হৃদরোগে, নিউমোনিয়া, হৃৎপিণ্ডের দুর্বলতা ইত্যাদিতে বিশেষ উপযোগিতার সহিত ব্যবহৃত হইতেছে।

( Madical Annual, 1927. )

**রক্তমাশয়ে এমিটীন-বিস্মাথ-আইওডাইড্।—**ডাঃ ডেল রক্তমাশয় রোগে “এমিটীন-বিস্মাথ আইওডাইড্”—সেবন করিতে দিয়া বিশেষ উপকার পাইয়াছেন বলিয়া মত প্রকাশ করিয়াছেন। ডাক্তার ওয়াডেল্, ডাঃ ব্যাকস্, ডাঃ ওয়াটসন্, ডাঃ রেড্‌ম্যান্‌কিং প্রভৃতি চিকিৎসকগণও এই সুবিখ্যাত চিকিৎসক মহাশয়ের মতই অনুমোদন করেন। এমিটিক ডিসেণ্টারিতে এই ঔষধ ব্যবহার করিয়া বিশেষ ফল পাওয়া গিয়াছে। ইহা ০.১৮ গ্রাম মাত্রায় ব্যবহার করা হইয়াছিল। আমরা সাধারণতঃ ১—৩ গ্রেণ মাত্রায় ইহা ব্যবহার করিয়া থাকি।

ডাঃ লেবোফ রক্তমাশয়ে ১/১০ গ্রেণ মাত্রায় ১২ দিন পর্যন্ত এই ঔষধ ব্যবহার করিতে উপদেশ দেন। রক্তমাশয় বহু ব্যাপকরূপে প্রকাশ পাইলে—উক্ত মাত্রায় প্রতিবেধকরূপে ৩ দিন অন্তর এই ঔষধ ব্যবহার করিলে, এই পীড়ার আক্রমণ হইতে রক্ষা পাওয়া যায়।

পুরাতন এমিটিক ডিসেণ্টারিতেও ইহা অত্যন্ত ফল দান করিয়া থাকে। অনেক

ক্ষেত্রে যেখানে এমিটীন ইঞ্জেকসনেও কোনও ফল পাওয়া যায় নাই—তথায় এই ঔষধ কয়েক দিন ব্যবহারেই অতি সুন্দর ফল পাওয়া গিয়াছে।

(Annual Report, 1925.)

### কোল্যাপ্স অবস্থার আশঙ্কায়—টীং ট্রোফোহাস ইঞ্জেকসন।

ডাঃ সিটারম্যান্ লিখিয়াছেন যে, তিনি ৭৭টী রোগীকে শিরাপথে টীং ট্রোফোহাস ইঞ্জেকসন দিয়া অতি সুন্দর ফল পাইয়াছেন। ইনি ২—৫ ফোঁটা টীং ট্রোফোহাস, ২ সি, সি, বিশোধিত পরিশ্রুত জলে মিশ্রিত করতঃ—আল্নার শিরামধ্যে ইঞ্জেকসন দিতেন। আবশ্যক মত ইহা ২, ৩ বা ৪ বার পুনঃ প্রয়োগ করা যায়। ইনি নিম্নলিখিত পীড়াক্রান্ত রোগীর হৃৎপিণ্ডের অবসাদন আশঙ্কায়, এই ঔষধ উক্তরূপে ইঞ্জেকসন দিয়া সুফল পাইয়াছেন :—

পুরাতন মাইওকার্ডাইটিস্	...	২৭ জন,
এণ্ডোকার্ডাইটিস্	...	৫ ,,
লোবার নিউমোনিয়া রোগীর হৃৎদৌর্বল্য	...	৭ ,,
এয়োটিক্ ও মাইট্রাল পীড়া একত্রে	...	৫ ,,
এয়োটিক পীড়া	... ..	৩ ,,
মাইট্রাল পীড়া	... ..	৩০ ,,

৭৭ জন।

এইরূপ ইঞ্জেকসন সম্পূর্ণ বিপদ শূন্য এবং ইহা অতি সহজেই প্রয়োগ করা যায়। এই ঔষধ উল্লিখিত মাত্রায় ও উপায়ে স্তনের নিকটবর্তী স্থানে অধঃস্থায়িকরূপে ইঞ্জেকসন দিলেও সুন্দর ফল পাওয়া যায়।

এই ইঞ্জেকসনে “ভাল্ভিউলার-পীড়া,” “লোবার নিউমোনিয়ায় হিমাক্ত অবস্থা, “তরুণ হৃৎপিণ্ডের দৌর্বল্য” ও “মাইট্রাল পীড়ায়” অতি সুন্দর ফল পাওয়া যায়। হৃৎক্রিয়া উত্তেজিত করিতে যখন অগ্ৰাণ্ত ঔষধ বিফল হয়—তখন এই ঔষধ ইঞ্জেকসন দিলে অতি সুন্দর ফল পাওয়া যায়।

( Deutsch. Med. woch. 1927. P. 24. )

মুখপথে “পিটুইট্রিন” প্রয়োগ।—স্কটল্যান্ডের একজন বিখ্যাত চিকিৎসক মুখপথে পিটুইট্রিন প্রয়োগ করিয়া অতি সুন্দর ফল পাইয়াছেন বলিয়া লিখিয়াছেন। ইনি ১টী শিশুর নিউমোনিয়া রোগে—ব্লাড প্রেশার (রক্তের চাপশক্তি) হ্রাস হওয়ায়. ১ সি, সি, পিটুইট্রিন, ১ আউন্স জলের সহিত মিশ্রিত করিয়া, ১/২—১ ড্রাম মাত্রায়—৩ ঘণ্টাস্তর সেবন করিতে দিয়া সুন্দর ফল পাইয়াছেন।

( Therapeutic Notes, 1927 Part III. )

দস্তক্ষয় রোগে কডলিভার অয়েল—জৈনিক বিখ্যাত দস্ত চিকিৎসক লিখিয়াছেন যে, তিনি তাঁহার কতিপয় দস্তক্ষয় গ্রস্ত রোগীকে কডলিভার অয়েল ইমালশন্ সেবন করিতে দিয়া আশাতীত উপকার পাইয়াছেন। ১২টা রোগী পাইওরিয়া সহ দস্তক্ষয়ে ভুগিতোছিলেন নানা প্রকার চিকিৎসায় কোনও ফল না হওয়ায়, অবশেষে দস্তোৎপাটন করাই স্থির হয়, কিন্তু তৎপূর্বে কিছুদিন ইহাদিগকে ৩৩% কডলিভার অয়েল ইমালশন সেবনের ব্যবস্থা করি। কিছুদিন পরে দেখা যায় যে, ইহারা প্রত্যেকেই পাইওরিয়া ও দস্তক্ষয় হইতে আরোগ্য লাভ করিয়াছেন এবং আর দস্তোৎপাটনের আবশ্যক হয় নাই। পরীক্ষা করিয়া দেখা গিয়াছিল যে, দস্তের গোড়াও বেশ শক্ত হইয়া গিয়াছে। একটা অষ্টাদশ বর্ষীয়া যুবতীর তরুণ দস্তক্ষয় পাড়াতেও, এই কডলিভার অয়েল ব্যবস্থা করিয়াই সুন্দর ফল পাওয়া গিয়াছিল। যুবতী অত্যন্ত সময় মধ্যেই সম্পূর্ণরূপে সুস্থ হইয়া উঠেন।”

কডলিভার অয়েল মধ্যে প্রচুর পরিমাণে “ভিটামিন” আছে। ভিটামিন হ্রাস হইয়াই পাইওরিয়া এবং দস্তক্ষয় পীড়া উপস্থিত হয়। সুতরাং কডলিভার অয়েল সেবনে ভিটামিন পুনঃ পুরিত হইয়া পীড়ারোগ্য করে।

( Therapeutic Notes 1927. Part III. )

ম্যালেরিয়া—সোডিয়াম্ ক্যাকোডাইলেট—ডাক্তার বিলেট্ লিখিয়াছেন যে, ম্যালেরিয়া ও ম্যালেরিয়াল ক্যাক্‌হেঞ্চিয়া রোগে সোডিয়াম্ ক্যাকোডাইলেট সেবন, সরলানুপথে প্রয়োগ অথবা অধঃস্থচিক ইঞ্জেকসন দিলে সত্ত্বর অতি সুন্দর ফল পাওয়া যায়। যে সমস্ত রোগী কুইনাইন সহ করিতে অক্ষম অথবা কুইনাইন প্রয়োগে যেখানে আশানুরূপ ফল পাওয়া যায় না, তথায় এই ঔষধটি ব্যবহার করিলে সুন্দর উপকার হয়।

গত ১৯১৮ সালের ইঞ্জিয়ান্ মেডিক্যাল্ গেজেটের মে’ সংখ্যায় জৈনিক চিকিৎসক লিখিয়াছিলেন যে, তিনি ম্যালেরিয়া রোগীকে সোডিয়াম্ ক্যাকোডাইলেট দ্বারা চিকিৎসা করিয়া অতি সুন্দর ফল পাইয়াছেন। ৩/৪—২ গ্রেন সোডিয়াম্ ক্যাকোডাইলেট ১ সি, সি, বিশোধিত জলে দ্রব করতঃ অধঃস্থচিক ইঞ্জেকসনরূপে প্রয়োজ্য। সাধারণতঃ ইহা প্রতি ৩য় দিবসে প্রয়োগ করা কর্তব্য। প্রথম ইঞ্জেকসনের পর হইতেই জরীয় উত্তাপ ও

আক্রমণের হ্রাস পরিলক্ষিত এবং দ্বিতীয় ইঞ্জেকশন দিবার পরই, অরের পর্যায় নিবারিত হয়। সাধারণ রোগীকে ৩টা ইঞ্জেকশন দিলেই, পীড়া সম্পূর্ণরূপে আরোগ্য হইয়া যায়। কিন্তু দুর্দমা, সাংঘাতিক ও ডবল ত্র্যাহিকজরে ৬—৯টা ইঞ্জেকশন প্রায়ই আবশ্যক হয়।”

এই ঔষধ অরের উত্তাপ বৃদ্ধি হইবার সময়ে প্রয়োগ করা কর্তব্য নহে—তাহাতে বিপদ হইতে পারে। অর বিচ্ছেদকালীন ইহা ইঞ্জেকশন করাই উচিত। অধঃস্বাচিক ইঞ্জেকশন দিলে যত দ্রুত উপকার হইতে দেখা যায়, সেবন করিতে দিলে তত সত্ত্বর ফল পাওয়া যায় না।

(Thera ; Notes. July 1927.)

**কোরিয়া রোগে—ম্যাগ্-সাল্ফ্**। ডাঃ ডায়ার লিখিয়াছেন যে, তিনি কোরিয়া রোগে অত্র ঔষধ অপেক্ষা, ম্যাগ সাল্ফ দ্বারা চিকিৎসা করিয়া অধিকতর সফল লাভ করিয়াছেন।

কোরিয়া বা তাণ্ডব রোগ শৈশবীয় পীড়া। ইহা মারাত্মক না হইলেও অত্যন্ত কষ্টদায়ক। ইনি ম্যাগসাল্ফ ইঞ্জেকশন দিয়া প্রায় অধিকাংশ রোগীই অত্যন্ত সময় মধ্যেই আরোগ্য করিতে সক্ষম হইয়াছিলেন।

ডাঃ ডায়ার প্রত্যহ ম্যাগনেশিয়া সাল্ফেটের ২৫%পাসেন্টে ড্রব ১০—১৫ সি,সি, পরিমাণ পেশী মধ্যে ইঞ্জেকশন দিতে বলেন। এই ভাবে আবশ্যক যত ৩ সপ্তাহ বা তদুর্ধ্ব কাল পর্যন্ত এই চিকিৎসা করিতে পারা যায়। পীড়া নির্ণয় হইবার পর যত শীঘ্র এই চিকিৎসা অবলম্বন করা যায়, তত শীঘ্রই রোগী আরোগ্য লাভ করিতে পারে। অধিকাংশ সাংঘাতিক অবস্থা প্রাপ্ত রোগীই এই চিকিৎসায় সত্ত্বর আরোগ্য লাভ করিয়া থাকে।

সম্পূর্ণরূপে রোগীর দৈহিক ও মানসিক বিশ্রামের ব্যবস্থা করা কর্তব্য। রোগী নিয়মিতভাবে বাহাতে মলমূত্র ত্যাগ করে, তৎপ্রতি দৃষ্টি রাখিবে।

এই পীড়াক্রান্ত রোগী এই চিকিৎসায় সাধারণতঃ ২—১২ সপ্তাহ মধ্যেই আরোগ্য লাভ করিয়া থাকে।

(South. M. J. 1926.)

**ইন্সুলিনের প্রয়োগ—ফলপ্রসূ চিকিৎসা**—নেপলসের লোবার্ডো নগরে ইন্সুলিনের ব্যবহারকরূপে দেখা, দিলে একটা স্কুলের শিক্ষক যে গৃহে ছাত্রদিগকে শিকারিতেন, তিনি ঐ গৃহমধ্যে ১৫ গ্রেন পিওর আইওডিন, ও ৩০ গ্রেন পোটাশ আইওডাইড ৩০০সি,সি,জলে ড্রব করতঃ, একটা চুল্লীর অগ্নির উত্তাপে অর্ধঘণ্টা কাল ফুটাইতেন। ইহাতে যে বাষ্প উৎপন্ন হইত, ঐ বাষ্প গৃহমধ্যস্থিত সমস্ত ছাত্রবৃন্দই শ্বাসপথে গ্রহণ করিত। এইরূপে



১৪দিন পর্যন্ত ছাত্রেরা ঐ বাষ্প গ্রহণ করিয়াছিল এবং ইহার ফলে তাহারা কেহই ইনফ্লুয়েঞ্জা দ্বারা আক্রান্ত হয় নাই। অথচ অন্ত গৃহের ছাত্রেরা ইনফ্লুয়েঞ্জা দ্বারা আক্রান্ত হইয়াছিল। এই শিক্ষক এই বাষ্প ইনফ্লুয়েঞ্জা ও টন্সিল প্রদাহের আরোগ্য করণার্থে ব্যবহার করিতে উপদেশ দেন। এতদর্থে ইনি বলেন যে, এই বাষ্প রোগীর শৈশ্বিক ঝিল্লির উপর বাহাতে ৩—৫ মিনিট কাল লাগে, তাহা করা কর্তব্য। কিন্তু শ্বাসপথে গ্রহণ করান উচিত নহে। কেবলমাত্র প্রতিষেধক চিকিৎসার জন্য শ্বাস গ্রহণ উপকারী।

( Jour. A. M. A. )

রিকেটস্ রোগে “এড্রিনালিন্”। সম্প্রতি ডাক্তার লেহনাট এবং উইনবার্গ শৈশবীয় রিকেটস্ পীড়ায় এড্রিনালিন্ ক্লোরাইড সলিউসন্ অধঃস্থায়িক ইঞ্জেক্সন দিয়া আশাতীত উপকার পাইয়াছেন, বলিয়া যত প্রকাশ করিয়াছেন।

ইহারা কতিপয় রোগীকে ইহা দ্বারা চিকিৎসা করিয়া অত্যল্প সময় মধ্যেই আরোগ্য করিতে সক্ষম হইয়াছেন। ইহারা প্রথমতঃ এড্রিনালিন্ ক্লোরাইড সলিউসন (১ : ১০, ০০০ শক্তির), ০.১—০.২ সি, সি, মাত্রায় ইঞ্জেক্সন আরম্ভ করিয়া, ক্রমশঃ মাত্রা বৃদ্ধি করতঃ ০.৫ সি, সি, পর্যন্ত—এমন কি, ০.৭ সি, সি, মাত্রায় ইঞ্জেক্সন করিয়াছিলেন। এইরূপ ইঞ্জেক্সন প্রত্যহ ৩—৪বার করা হইত এবং মুখপথে “ক্যালশিয়াম্” সেবন করান হইত। ৩ সপ্তাহ পরে ইহাদের চিকিৎসিত ৩০টি রোগীর মধ্যে ২১টি রোগী সুস্থ হইয়াছিল। এই ২১টির মধ্যে কোন কোনও রোগী সম্পূর্ণরূপে ভাল হইয়া গিয়াছিল আর কোন কোনও রোগীর বিশেষ উন্নতি দৃষ্ট হইয়াছিল। এই ৩০টি রোগীর মধ্যে যে ৯টির এই চিকিৎসায় উপকার হয় নাই, তাহাদের ২টি টীউবার্কিউলোসিস্ রোগগ্রস্ত; আর বাকী ৭টির দৈহিক গঠন বিকৃতি এবং অস্থি ইত্যাদি মাংসপেশীর ত্রায় কোমল ছিল।

( Medical Annual. 1926 )



আধুনিক কলেরা চিকিৎসা ।

Modern Treatment of Cholera.

By Dr. N. K. Dass M. B., M. R. C. P. S.

( পূর্বপ্রকাশিত ৫ম সংখ্যার ( ভাদ্র ) ২৪০ পৃষ্ঠার পর হইতে )

—:—

কলেরা-জীবাণুনাশ ও তত্ত্বনিত বিষ নির্গমনের উপায় ।  
এতদর্থে নিম্নলিখিত ঔষধ কয়েকটি উপযোগিতার সহিত ব্যবহার করা যায় । যথা—

ক্যালোমেল ।—ক্যালোমেল ভগ্নাংশিক মাত্রায় মেছল, কর্পূর বা স্থালোল  
অথবা কেবলমাত্র দুগ্ধ-শর্করার (Sugar of milk) সহিত বিশেষ উপযোগিতার সঙ্গে ব্যবহৃত  
হইয়া থাকে । ব্যবস্থা যথা—

১। Re.

ক্যালোমেল	...	১/৪ গ্রেণ ।
সুগার অব মিল্ক	...	৫ গ্রেণ ।
কিষ্কা কেওলিন	...	১'২ ড্রাম ।

একত্রে ১ পুরিয়া । এইরূপ ১৬টা পুরিয়া প্রস্তুত করতঃ, প্রতি পুরিয়া ১৫.২০ মিনিট অন্তর  
সেব্য । অথবা—

২। Re.

ক্যালোমেল	...	১/৪ গ্রেণ ।
মেছল	...	১/৪ গ্রেণ ।
সুগার অব মিল্ক	...	৫ গ্রেণ ।
কিষ্কা—কেওলিন	...	৩০ গ্রেণ ।

১ পুরিয়া । প্রতি পুরিয়া ১৫ মিনিট অন্তর সেব্য । অথবা—

৩। Re.

ক্যালোমেল	...	১/৪ গ্রেণ ।
কর্পূর	..	১/৪ গ্রেণ ।
সুগার অব মিল্ক	..	৫ গ্রেণ ।
কিষ্কা—কেওলিন	...	৩০ গ্রেণ ।

১ পুরিয়া । প্রতি পুরিয়া ১৫.২০ মিনিট অন্তর সেব্য । অথবা—

৪। Re.

ক্যালোমেল	...	১/৪ গ্রাণ
শ্যালোল	.	৩ গ্রাণ
কেওলিন	...	৩০ গ্রাণ

১টা পুরিয়া। এক ঘণ্টাপুর ১টা করিয়া পুরিয়া সেব্য।

রোগীর অত্যধিক বমন বর্তমান থাকিলে, ২নং ব্যবস্থা পত্রখানি উপযোগী রোগী অত্যন্ত দুর্বল হইয়া পড়িলে বা হিমাক্ত অবস্থার আশঙ্কায় ৩নং ব্যবস্থা পত্রখানি উপযোগী। রোগীর দুর্দম্য বমন বর্তমানে ৪নং ব্যবস্থা পত্রখানি বিশেষ উপযুক্ত।

রোগীর ঔষধ যতদূর সম্ভব আত্মদ্বিহীন হওয়া উচিত, নচেৎ তিক্ত বা বিষাদ ঔষধ ব্যবহারে বমন ও বমনোদেগ বৃদ্ধি পাওয়ার সম্ভব।

দেহাভ্যন্তরীণ কলেরা-বিষ নষ্ট করিয়া দিবার জন্ত, সুবিখ্যাত কলেরা চিকিৎসক শ্রার লিউনার্ড রজাস মহোদয় পটাস পার্ম্যাঙ্গানেট পিল ব্যবহার করিতে বলেন। ইহা কেওলিন সহযোগে পিলরূপে নির্মিত হইয়া বাজারে বিক্রয় হয়। ২—৫ গ্রাণ পটাস পার্ম্যাঙ্গানেট কেওলিন সহযোগে পিল প্রস্তুত করিয়া কেরেটিন বা শ্যালোল দ্বারা পিলের বহির্ভাগ আবৃত করা হয়। ইহা বিশেষ উপযোগী ঔষধ তাহাতে কোনও সন্দেহ নাই; কিন্তু ইহাতে অনেক সময়ে রোগীর বমন বৃদ্ধিত হইতে দেখা যায়। আর অনেক রোগীও এই পিল খাইতে ঘৃণা বোধ করে।

**কেওলিন**।—চীন দেশীয় মৃত্তিকা বিশেষ। ইহা “এলিউমিনিয়াম্ সিলিকেট”। কলেরা রোগে ইহা রাশিয়ায় এবং চীনদেশে অসংখ্য রোগীতে পরীক্ষা করা হইয়াছে। আমরাও ইহা বহুরোগীতে পরীক্ষা করিয়া, ইহার ক্রিয়া লক্ষ্য করিয়াছি। এই ঔষধ ব্যবহারে কলেরা-জীবাণুসমূহ ইহার দ্বারা শোধিত হয় এবং এই জন্তই ইহা এই রোগের একটা উপযুক্ত ঔষধ বলিয়া বিবেচিত হইয়াছে। ইহা সম্পূর্ণরূপে স্বাদহীন।

অনেকে ৭ আউন্স কেওলিন, ২০ আউন্স জলে মিশ্রিত করতঃ সেবন করিতে উপদেশ দেন। কিন্তু বমন বা বিবমিষা রোগীর পক্ষে এই কৰ্দমময় পিণ্ডবৎ ঔষধ সেবন করা বিশেষ কষ্টকর। নিম্নলিখিতরূপে ইহা ব্যবহার করা সুবিধাজনক :—

১৫—৩০ গ্রাণ কেওলিন (Kaolin) কিঞ্চিৎ জলসহ ১৫ মিনিট অন্তর প্রয়োগ করা উচিত। আবশ্যক মত কেওলিনের মাত্রা বৃদ্ধি করিতে পারা যায়। ১২ ঘণ্টার মধ্যে সাধারণতঃ ৭ আউন্স (২০০ গ্রাম) কেওলিনের, বেশী সেবন আবশ্যক হয় না। এই ঔষধ ব্যবহারের পর হইতে, চীন দেশে কলেরা রোগীর মৃত্যু সংখ্যা অনেক হ্রাস প্রাপ্ত হইয়াছে। চীনদেশীয় একজন চিকিৎসক লিখিয়াছেন যে, তাঁহার চিকিৎসিত ৩৫টা রোগীর মধ্যে মাত্র ১টা মৃত্যুমুখে পতিত হইয়াছিল। আরও অত্রাণ্ড চিকিৎসকের প্রকাশিত রিপোর্ট হইতে জানা যায় যে—এই ঔষধ ব্যবহারের পর হইতে এই পীড়ার মৃত্যু সংখ্যা খুবই কমিয়া গিয়াছে।

‘কেওলিন’ ব্যবহারের পর সর্বপ্রথমেই রোগীর বমন বন্ধ হইয়া যায় । কেওলিন সম্ভবতঃ অস্ত্রের প্রাচীর এক প্রকার আবরণ দ্বারা ঢাকিয়া দেয় ও আত্মিক বিষ সমূহ শোষণ করিয়া লয় এবং অস্ত্রের শৈথিল্য বিলী হইতে বিষসমূহের শোষণ প্রতিরোধ করে । ইহাতে রোগীর দান্তও অপেক্ষাকৃত অনেক কমিয়া আসে ।

**এসেন্সিয়াল অয়েল** ।—আসানসোলের মাইনিং সেটলমেন্টের সুবিখ্যাত ডাক্তার ‘টুথ’ এসেন্সিয়াল অয়েল দ্বারা কলেরা রোগীর চিকিৎসার ফলাফল যেরূপ প্রকাশ করিয়াছেন—তাহাতে জানা যায় এবং অজ্ঞাত অনেক বিখ্যাত চিকিৎসকও বলেন যে, ইহাতে শতকরা ৯৫ জন রোগী আরোগ্য লাভ করিয়া থাকে । ডাঃ ‘টুথের’ ব্যবস্থা :—

Re.

স্পিরিট ঈথার	...	৩০ মিনিম ।
এসিড সাল্ফ এরোমেট	...	১৫ মিনিম ।
অয়েল: ক্যারিওফাইলি	...	৫ মিনিম ।
অয়েল ক্যাজুপুটা	...	৫ মিনিম ।
অয়েল জুনিপার	...	৫ মিনিম ।

একত্র মিশ্রিত করিয়া ১ ড্রাম মাত্রায়, ১ আউন্স জল সহ প্রতি ১/২ ঘণ্টান্তর প্রয়োজ্য । পীড়ার প্রারম্ভে সাধারণতঃ এইরূপ ভাবে ৮ ড্রাম পর্যন্ত ব্যবস্থা করা হইয়া থাকে ।

রোগীর অত্যন্ত বমন বর্তমান থাকিলে, এই ঔষধ অনেক ক্ষেত্রে ব্যবহার করা কঠিন হয় । এই জন্ত অনেক চিকিৎসক ইহা ব্যবহার করিয়া সুফল পান নাই । উগ্রস্বাদ বা ঝাঁজ বিশিষ্ট ঔষধ কলেরা রোগীকে ব্যবস্থা করিয়া, আমরা অনেক সময়ে সুফলের পরিবর্তে কুফল হইতে দেখিয়াছি । সুতরাং এই ঔষধটা ভাল হইলেও, ইহার তীব্র স্বাদের জন্ত ব্যবস্থা করা অসুবিধা হয় । এই পীড়ার চিকিৎসায় ক্যান্ফরই আমরা শ্রেষ্ঠ মনে করি । ডাঃ টুথের ব্যবস্থানুযায়ী মিশ্রটি ব্যবহার করিবার প্রধান উদ্দেশ্য এই যে, ইহা একটা উৎকৃষ্ট পচন নিবারক ঔষধ । ইহা ব্যবহারে কলেরা জীবাণু সমূহ যেমন সম্ভব ধ্বংস প্রাপ্ত হয় সত্য, কিন্তু তেমনি ইহা দ্বারা প্রদাহিত ও দুর্বল শৈথিল্য বিল্লির বিশেষ অপকার সাধিত হইয়া থাকে ।

**স্পিরিট ক্যান্ফর** ।—অধুনা সমস্ত বিশেষজ্ঞ চিকিৎসকই ইহা বিশেষ উপযোগিতার সহিত ব্যবহার করিয়া থাকেন । অনেক বিচক্ষণ চিকিৎসক বলেন যে, ইহা ব্যবহারে কলেরা রোগীর বিশেষ সাংঘাতিক উপসর্গ—মূত্ররোধ (Anuria) প্রকাশ পাইবার আশঙ্কা থাকে না ।

**স্যালোল** ।—অনেক বিচক্ষণ চিকিৎসক এই রোগে স্যালোল ব্যবহারের পক্ষপাতী । ইহার বলেন যে স্যালোল কলেরা-জীবাণু ধ্বংস করিতে অদ্বিতীয় । ইহা আত্মিক পচন নিবারক । অনেক কলেরা চিকিৎসক বলেন যে, স্যালোল ব্যবহারে রোগীর মূত্ররোধ

হইতে পারে না । যদি বাস্তব পদার্থ এবং মল অল্প ধর্মাক্রান্ত হয়, তাহা হইলে শ্যালোল বিশেষ উপযোগী ।

এই পীড়ার উদরাময় অবস্থায় বিস্মাথ প্রয়োগ করিতে হইলে, বিস্মাথ শ্যালিসিলাস ব্যবহার করাই কর্তব্য । বিস্মাথের অন্যান্য প্রয়োগরূপগুলির মধ্যে বিস্মাথ শ্যালিসিলাসই উৎকৃষ্ট

(৩) রক্তের জলীয়াংশের অপচয় পরিপূরণ ।— কলেরা রোগীর রক্ত হইতে যে জলীয় পদার্থ নির্গত হইয়া রক্ত গাঢ় হয় তাহা পুনঃ পূরণ করিবার জন্য সুবিখ্যাত কলেরা চিকিৎসক এবং শালাইন চিকিৎসার আবিষ্কর্তা সার লিওনার্ড রজাস হাইপারটনিক শালাইন সলিউশন শিরামধো, চর্ম্ব নিয়ে অথবা পেশী মধ্যে ইঞ্জেক্সন দিতে উপদেশ দেন । ইহার প্রস্তুত প্রণালী :—

Re.

সোডিয়াম ক্লোরাইড	...	১২০ গ্রাম ।
ক্যালশিয়াম ক্লোরাইড	...	৪ গ্রাম ।
পরিষ্কৃত জল	...	১ পাইন্ট ।

একত্র দ্রব করতঃ উষ্ণজলের পাত্রে এই দ্রব পূর্ণ বোতল কিছুক্ষণ বসাইয়া, ইহা ঈষৎক্ষণ করতঃ ইঞ্জেক্সন করিবে । ইহা রোগী বেশ সহ্য করিতে পারে এবং রক্তের অপচয়িত জলীয় পদার্থ পুনঃ পূরিত হয় ।

শালাইন সলিউশনের পরিমাণ একবারে ৪।৫ পাইন্ট শালাইন দ্রব ইন্টাভিনাস ইঞ্জেক্সন করা যায় । সাধারণতঃ প্রথম ইঞ্জেক্সনে ২।৩ পাইন্ট দ্রব ইঞ্জেক্সন করা হইয়া থাকে । আবশ্যকীয় শালাইন দ্রব ইঞ্জেক্সন দেওয়ার পরই, মনিবন্ধে যদি নাড়ীর গতি ফিরিয়া আসিতে দেখা যায়, তাহা হইলে সহজেই বুঝা যায় যে, যথেষ্ট পরিমাণে শালাইন দ্রব দেহ মধ্যে প্রযুক্ত হইয়াছে ।

এক পাইন্ট বা দেড় পাইন্ট দ্রব দেহ মধ্যে প্রবেশ করিবার সঙ্গে সঙ্গে রোগীর অস্থিরতা দূর হয় এবং রোগী অবিলম্বে নিদ্রাভিক্ত হইয়া পড়ে । এই নিদ্রা অধিকক্ষণ স্থায়ী হয় না এবং নিদ্রাভঙ্গের সঙ্গে সঙ্গে রোগী অত্যন্ত শীতবোধ করে । এই শীতবোধ বা কম্প অর্ধ ঘণ্টাকাল স্থায়ী হইয়া, রোগী কয়েক ঘণ্টা পর্যন্ত বেশ সুস্থবোধ করিয়া থাকে । যদি এই সময় মধ্যেই প্রতিক্রিয়া আরম্ভ হয়, তাহা হইলে আর প্রায়ই ২য় ইঞ্জেক্সনের আবশ্যক হয় না । কদাচিৎ ৩—১২ ঘণ্টার মধ্যে ২য় বার ইঞ্জেক্সন দেওয়া আবশ্যক হইয়া থাকে । ডাক্তার রজাস বলেন যে কদাচিৎ ২।১টী রোগীকে ১০বার বা ততধিক ইঞ্জেক্সনে ২০ হইতে ৩০ পাইন্ট দ্রব ইঞ্জেক্সন করা হইয়াছে ।

অনেক বিজ্ঞ চিকিৎসক বলেন যে, অধিক পরিমাণে শালাইন সলিউশন ইঞ্জেক্সন করিলে, পালমোনারি ইডিমা কিংবা হৃৎপিণ্ড অধিকরূপে প্রসারিত হইয়া রোগীর মৃত্যু

হইতে পারে। রক্তের চাপশক্তির বৃদ্ধি, অস্থিরতা, দ্রুত শ্বাসপ্রশ্বাসসহ তন্দ্রালুভাব, ক্ষীণ নাড়ী ইত্যাদি লক্ষণে দ্বিতীয় বার স্ফালাইন্ ইঞ্জেকসন দেওয়া কর্তব্য।

(৪) মূত্রা-রোধ, কোল্যাম্প প্রভৃতি বিবিধ দুর্লক্ষণ।

মূত্রাবরোধ। কলেরা পীড়ায় প্রস্রাব বন্ধ হইলে—ডাক্তার রজাস নিম্নলিখিত স্ফালাইন্ ইঞ্জেকসন দিতে বলেন

Re.

সোডিয়াম ক্লোরাইড	..	৬০ গ্রেণ
সোডিয়াম বাইকার্বনেট	...	৬০ গ্রেণ।
পরিষ্কৃত জল	...	১ পাইন্ট।

একত্র মিশ্রিত করিবে।

এই দ্রব ইঞ্জেকসনে শতকরা ৭০টা রোগী ইউরিমিয়ার মৃত্যু কবল হইতে রক্ষা পাইয়া থাকে। ইউরিমিয়া, কলেরা-রোগীর একটা সাংঘাতিক লক্ষণ এবং ইহা প্রায় অধিকাংশ রোগীতেই প্রকাশ পাইয়া থাকে।

**কোল্যাম্প, মূত্রাবরোধ ইত্যাদি।**—কলেরা রোগীর কোল্যাম্প অবস্থায় এবং প্রস্রাব বন্ধে নিম্নলিখিত ঔষধ কয়েকটা উপযোগিতার সহিত ব্যবহৃত হয়। যথা—

**গ্লুকোজ**—হৃৎপিণ্ডের দুর্বলতায় অনেক বিখ্যাত চিকিৎসক শিরা মধ্যে গ্লুকোজ ইঞ্জেকসন দিতে উপদেশ দেন। ইহা মূত্রকারকও বটে। সাধারণতঃ ৩০% পাসেন্ট গ্লুকোজ সলিউশন ইঞ্জেকসন দেওয়া হয়, ৫০% পাসেন্ট পর্যন্ত দেওয়া যায়। মূত্রাবরোধসহ হৃৎক্রিয়া স্থগিত হইবার উপক্রম হইলে, এতৎসহ ৫-৬ গ্রেণ মাত্রায় ট্রোফান্থিন মিশ্রিত করিয়া লইলে ইহার মূত্রকারক শক্তি এবং হৃৎপিণ্ডের উপর ক্রিয়াশক্তি বৃদ্ধি প্রাপ্ত হয়।

**এট্রোপিন** কলেরা রোগীর হিমাল্লাবস্থায় কতিপয় ঔষধও ব্যবহার করা হইয়া থাকে। অনেক সময় দেখা যায় যে, স্ফালাইন্ ইঞ্জেকসনের পর রোগীর নাড়ীর গতি ফিরিয় আসিলেও ২।১ বার মলত্যাগের পরেই, রোগী পুনরায় পূর্বাবস্থা প্রাপ্ত হয়। অনেকে এক্রপস্থলে ১.৫ গ্রেণ মাত্রায় এট্রোপিন ইঞ্জেকসন দিতে উপদেশ দেন। অনেকে ইহা নিয়মিতভাবে দিবসে ২বার ইঞ্জেকসন করিয়া থাকেন।

**ট্রোফান্থিন**—কোল্যাম্প অবস্থায় কেহ কেহ টিং ট্রোফান্থিন ৫ মিনিম মাত্রায় সেবন করাইতে উপদেশ দেন। ইহাতে হৃৎক্রিয়া বর্ধিত হইয়া হৃৎশক্তিকে অক্ষুণ্ণ রাখে। ট্রোফান্থিন ব্যবহারে পাকাশয় ও আন্ত্রিক শৈথিল্যিক ঝিল্লির প্রদাহ উৎপন্ন হয়। সুতরাং ইহা মুখপথে ব্যবহার করা নিরাপদ নহে। হৃৎক্রিয়া স্থগিত হইবার উপক্রম হইলে ট্রোফান্থিন ৫-৬ গ্রেণ মাত্রায় শিরা মধ্যে ইঞ্জেকসন দিলে বিশেষ উপকার হইয়া থাকে। হৃৎক্রিয়া দুর্বল হওয়ার জন্য মূত্রাবরোধ উপস্থিত হইলে ট্রোফান্থিন ইঞ্জেকসন উপকারী।



**এড্রিনালিন**—হৃৎক্রিয়া দুর্বল হলে এবং অঙ্গ হইতে প্রচুর জলীয় পদার্থ নির্গত হইয়া গেলে, এড্রিনালিন ক্লোরাইড্ সলিউশন (১ : ১০০০) ইঞ্জেকসনে অতি সুন্দর ফল হইয়া থাকে । এড্রিনালিন ইঞ্জেকসনে অঙ্গের সংকোচন ক্রিয়া বৃদ্ধি পায়, সুতরাং এতদ্বারা রোগীর ভেদ ও বমন হ্রাস প্রাপ্ত হয় । ১—১ সি, সি, মাত্রায় ইঞ্জেকসন দিতে হয় । ৩৪ ঘণ্টা অন্তর পুনঃ পুনঃ ইহা প্রয়োগ করা উচিত । এড্রিনালিন ক্লোরাইড্ সেবন করিতে দেওয়া বৃথা ; বরং নর্মাল স্যালাইন্ সলিউশন সহ মিশ্রিত করিয়া, সরলান্নপথে প্রয়োগ করা যায় । কলেরা রোগে এড্রিনালিন, কদাচ শিরামধ্যে ইঞ্জেকসন করা কর্তব্য নহে । ইহাতে হৃৎক্রিয়া সহসা স্থগিত হইতে পারে ।

**ক্যাম্ফর**—অলিভ অয়েল সহ ১ কিসা ৩ গ্রেণ ক্যাম্ফর মিশ্রিত করিয়া অধঃস্থায়িক অথবা শিরাপথে ইঞ্জেকসন দিলে, হৃৎক্রিয়া স্থগিত হইবার উপক্রমে এবং মূত্রাবরোধে বিশেষ উপকার হইয়া থাকে । এতদর্থে “ক্যাম্ফর ইন্ অয়েল” এম্পুল উৎকৃষ্ট ।

**ক্যাফিন-সোডিও-বেঞ্জোয়াস**—ক্যাফিন-সোডিও বেঞ্জোয়াসের এম্পুল ইঞ্জেকসন করিলে হৃৎক্রিয়া বৃদ্ধিত এবং রোগীর প্রস্রাব বৃদ্ধি প্রাপ্ত হয় ।

**পিট্রাইটিন**—ইহা উৎকৃষ্ট মূত্রকারক, কিন্তু প্রতিক্রিয়া সম্পূর্ণরূপে সংস্থাপিত না হওয়া পর্যন্ত, ইহা প্রয়োগ করা অনুচিত ।

**ইন্টামাস্কিউলার স্যালাইন ইঞ্জেকসন**—সাধারণ কলেরা রোগীর মনিবন্ধে নাড়ীর গতি অনুভূত হইলে, নর্মাল স্যালাইন ইন্টামাস্কিউলার ইঞ্জেকসনে সুন্দর ফল হইয়া থাকে । একরূপ অবস্থায় ইহা শিরাপথে প্রয়োগ অপেক্ষাও ফলপ্রদ । কক্ষপুটে, স্ক্যাপুলার বা স্তনের কাছে এবং উরুদেশে সাধারণতঃ এই ইঞ্জেকসন দেওয়া হয় । স্যালাইন সলিউশন ঈষৎক্ষণ হওয়া উচিত । স্যালাইন ইঞ্জেকসন দিবার পূর্বে, স্যালাইন সলিউশন দ্বারা ডুম সাহায্যে রোগীর অঙ্গ পরিষ্কার করিয়া দিলে, সত্ত্বর উপকার পাওয়া যায় । ১—১ পাইন্ট লবণ জল দ্বারা অঙ্গ পরিষ্কার করিবার পর, ৪ আউন্স নর্মাল স্যালাইন সলিউশন অতি ধীরে ধীরে, প্রয়োগ করিবে । ২—৪ ঘণ্টান্তর সরলান্নপথে নর্মাল সলিউশন প্রয়োগে কখন কখন সুন্দর ফল পাওয়া যায় ।

কলেরা রোগীকে কদাচ ব্রাণ্ডি প্রয়োগ করিবে না । অনেকে রেস্তোল ইঞ্জেকসনে প্রতি ৪ আউন্স স্যালাইন দ্রবে ১ ড্রাম এড্রিনালিন ক্লোরাইড সলিউশন মিশ্রিত করিয়া লয়েন । ইহাতে সুন্দর ফল পাওয়া যায় ।

কলেরা-জীবাণু ধ্বংস করিবার উদ্দেশ্যে উগ্র পচননিবারক ঔষধ, যথা:—পটাস পারম্যাঙ্গানেট, ক্রিসোল, ইত্যাদি ব্যবহার করা উচিত নহে । ইহাতে নানা অমঙ্গল হইতে পারে ।

**কলেরা চিকিৎসার সারংশ** ।—কলেরা পীড়ার আধুনিক চিকিৎসা সম্বন্ধে এপর্যন্ত যাহা উল্লিখিত হইল, তাহার সারাংশ নিম্নে কথিত হইতেছে ।

প্রাথমিক উদরাময়—মর্ফিনা এবং এট্রোপিন্ ইঞ্জেকসন অথবা পিল্ প্লাস্টাই কাম ওপিও মুখপথে ব্যবহার করিলে প্রবল উদরাময়ের বেগ দমিত হয়। মূহু প্রকৃতির রোগীকে এসিড্, সালফিউরিক ডিল্, টাং ওপিয়াই সহ অথবা অহিফেন ঘটিত ঔষধ সহ পালভ্, বিসমাথ প্রয়োগ করিলে উপকার হইয়া থাকে। এতদ্ভিন্ন মেথল, কপূ'র, শ্যালোল্ প্রভৃতিও অনুমোদিত হইয়াছে।

## (২) কলেরা চিকিৎসা—

- (ক) অতি অল্প ঔষধ ব্যবহার করিবে। কারণ, প্রদাহিত অন্ত্রের বিশ্রাম আবশ্যিক।
- (খ) পানীয়ার্থ প্রচুর শীতল জল কিম্বা ডাবের জল ব্যবস্থা করিবে।
- (গ) অনুমোদিত ঔষধ :—  
কেওলিন, মেথল, কপূ'র, ক্যালোমেল বা হাইড্রার্জ কামক্রিটা, শ্যালোল।
- (ঘ) লবণ জল দ্বারা অন্ত্র পরিষ্কার করিবে।
- (ঙ) এট্রোপিন্ ইঞ্জেকসন করিবে।
- (চ) রক্তের চাপ শক্তি হ্রাসপ্রাপ্ত হইলে, অথবা নাড়ী ক্ষীণ হইলে, হাইপারটনিক শ্যালাইন সলিউসন ইঞ্জেকসন করিবে।
- (ছ) এড্রিনালিন্ ক্লোরাইড সলিউসন ইঞ্জেকসন।

## উপসর্গের চিকিৎসা।

- ( ) মূত্রাবরোধ।
- (ক) হাইপোটনিক শ্যালাইন সলিউসন ইঞ্জেকসন।
- (খ) মূকোজ এবং সোডি বাইকার্ব সলিউসন ইঞ্জেকসন।
- (গ) শীতল স্পঞ্জিং বা স্নান।
- (ঘ) ট্রোফাছিন এবং মূকোজ ইঞ্জেকসন।
- (ঙ) ৫% পাসেন্ট মূকোজ ওয়াটারে ৫% পাসেন্ট সোডি বা কার্বনেট মিশ্রিত করতঃ সরলান্নপথে ইঞ্জেকসন।
- (চ) পটাস সাইটেট, কেফিন সহ বা ব্যতীত, ডিজিটেলিস্ এবং অয়েল জুনিপার ইত্যাদি প্রয়োগ।

## (২) হাইপার পাইরেক্সিয়া ( উত্তাপাধিক্য )।

- (ক) যে শ্যালাইন সলিউসন ইঞ্জেকসন করা হয়, তাহার উত্তাপ নিয়মিত করা।
- (খ) একবার এই উপসর্গ উপস্থিত হইলে রোগীর অবস্থা প্রায়ই আশান্ত হয়। শীতল প্যাক্, নিয়ন্ত্রণ বরফজল দ্বারা ধৌত করা ব্যবস্থেয়।

## (৩) প্যারোটাইটিস্ ( গলগ্রন্থি ক্ষীণ )

- ( ক ) ইকথিয়োল ও বেলেডোনা সমপরিমাণে মিশ্রিত করিয়া বাহ্যিক প্রয়োগ ।  
 ( খ ) পূঁজ হইলে অত্র প্রয়োগ ।  
 ( ঙ ) কোল্যাপ্স—ঔষধ দ্বারা চিকিৎসা সম্ভাবজনক নহে । শ্রালাইন ইন্ডেকসন, মুকোজ ৫% পাসেণ্ট এবং সোডি বাইকার্বনেট ( ৫% ) ফলপ্রদ ।  
 মুকোজ সলিউসন সহ ট্রোফাইলিন শিরাপথে প্রয়োগ উপকারী ।  
 এড্রিনালিন, ক্যাফর ইন্ অয়েল এবং পিটুইট্রিন মূত্রকারক এবং ছৎপিণ্ডের পেশীর উত্তেজক ।

## তরুণ ফুসফুসীয়-সংক্রমণের অব্যর্থ চিকিৎসা ।

### A specific Treatment in Acute Pulmonary Infection.\*

By Dr. F. E. Park, M. D. (Boston).

আমি নিয়ে যে চিকিৎসা প্রণালীর বিষয় বর্ণনা করিতেছি, সে সন্ধ্যায় প্রায় ১০ বৎসর আগে আমি একটা প্রবন্ধ লিখিয়াছিলাম । তখন এই চিকিৎসা-প্রণালী অমুযায়ী আমি মাত্র ২ বৎসরকাল চিকিৎসা করিয়াছিলাম ।

এই প্রবন্ধের ভূমিকাতেই বলিয়া রাখা প্রয়োজন যে, এই ঔষধ যখন আমি প্রথম পরীক্ষা করিবার জন্ত স্থিরসঙ্কল্প হই, তখন ইহা প্রথমেই অত্রের শিরামধ্যে প্রয়োগ করিয়া তাহার জীবন বিপন্ন করা উচিত মনে করি নাই । সুতরাং এই ঔষধ রোগীর দেহে প্রয়োগের পূর্বে, সর্বপ্রথমে ৫ সি, সি, পরিমাণ আমার নিজ দেহের শিরামধ্যেই প্রয়োগ করিয়া, অতি যত্নের সহিত ইহার ফলাফল পর্যালোচনা করিয়াছিলাম । অবশেষে বুঝিতে পারিলাম যে, ইহার দ্বারা কোনও অপকার সাধিত হইতে পারে না । এবিষয়ে নিজে সন্তুষ্ট হইবার পর, রোগীর উপর ইহার ফলাফল পরীক্ষা করিতে প্রবৃত্ত হই ।

\* From: —Clinical medicine June. 1926.

ইহার কিছুদিন পরেই একটি নিউমোনিয়া রোগী পাইলাম এবং রোগীকে আমার এই নূতন ঔষধের কথা, বলিয়া; রোগীর নিকট হইতে এই ঔষধ প্রয়োগ সম্বন্ধে অনুমতি লইয়া, আমার এই নবাবিষ্কৃত ঔষধ রোগীর শিরামধ্যে ইঞ্জেক্সন দিলাম । এই রোগীতে আমার এই ঔষধের আশ্চর্য উপকারিতা দেখিয়া আমরা সকলেই মুগ্ধ হইলাম । রোগী সঘর রোগ মুক্ত হইল । অতঃপর আমি ষতগুলি নিউমোনিয়া রোগী পাইয়াছি, তাহার প্রত্যেকটিতেই এই ঔষধ ইঞ্জেক্সন দিয়া আসিতেছি এবং প্রত্যেকটি রোগীই ইহাতে অতি সুন্দরভাবে সঘর আরোগ্য লাভ করিয়াছে । আজ পর্যন্ত আমার চিকিৎসিত কোনও রোগীতেই ইহা ব্যর্থ হয় নাই । এমন কি, হৃৎপিণ্ডের দৌর্বল্য এবং মূত্রপিণ্ডের পীড়া ইত্যাদি উপসর্গযুক্ত পীড়াতেও ইহা ব্যবহার করিয়া আমি কোনরূপ অশুভ ফল বা মন্দ প্রতিক্রিয়া প্রকাশ পাইতে দেখি নাই । আমি আমার এই ঔষধের প্রস্তুত প্রণালী, ও প্রয়োগ-প্রণালী ইত্যাদি বিষয় বর্ণনা করিবার পূর্বে, আমার চিকিৎসিত কতিপয় রোগীর বিবরণ সংক্ষেপে উল্লেখ করিতেছি ।

### চিকিৎসিত রোগীর বিবরণ ।

১নং রোগী । ১৯১৫ সালের ২০শে মার্চ, আমি একটি রোগী দেখিবার জন্ত আহৃত হই । রোগী পুরুষ—বয়স ৪৮ বৎসর । তরুণ ত্র্যংকোনিউমোনিয়া দ্বারা আক্রান্ত হইয়াছে । রোগী অত্যন্ত দুর্বল, অবসন্ন ও অর্কচৈতন্যাবস্থা প্রাপ্ত । জরীয় উত্তাপ ১০৪° । নাড়ী ১১০ । শ্বাস-প্রশ্বাস—২৫ ।

আমি, আমার আবিষ্কৃত ঔষধের ( যাহা পরে বর্ণিত হইবে ) ৪ সি, সি, দ্রব শিরামধ্যে ইঞ্জেক্সন দিলাম ।

পরদিন সকাল ৯টায় পুনরায় রোগীকে দেখিলাম । দেখিলাম—রোগীর সমস্ত অবস্থার সম্পূর্ণ পরিবর্তন হইয়াছে । রোগী বেশ সুস্থভাবে শয়ান বসিয়া প্রাতঃরাশ আহার করিতেছে । শুক্রাকারিণী ( নাস ) বলিলেন যে, রোগী গত রাত্রি বেশ শান্তভাবেই কাটাইয়াছে এবং জরীয় উত্তাপ ১০৪° হইতে ১০১°৪' ডিগ্রীতে নামিয়া আসিয়াছে । নাড়ীর গতি ৮৪ হইয়াছে ।

এই দিন পুনরায় পূর্ব মাত্রাতেই আর একটি ইঞ্জেক্সন দিলাম এবং পরদিন প্রাতে: রোগীকে দেখিতে গিয়া দেখিলাম যে, রোগীর উত্তাপ ও নাড়ীর গতি স্বাভাবিক হইয়াছে । অতঃপর রোগী ক্রমশ: আরোগ্যলাভ করত: সবল হইয়া উঠিয়াছিল ।

২নং রোগী । এই রোগী একজন বিশালকায় ব্যক্তি । পূর্বে হইতে ইনি বেশ বলবান ও সুস্থ ছিলেন । প্রায়ই বাহিরে বাহিরে কাটান এবং বিশেষ পরিশ্রমী । হঠাৎ অত্যন্ত ঠাণ্ডা লাগিয়া সর্দি হয় । আমি যখন ইহাকে দেখিলাম, তাহার ১ ঘণ্টা পূর্বে রোগীর শীত ও কম্প দিয়া জ্বর হইয়াছে । এক্ষণে রোগীর সর্কাজে বেদনা ও অত্যন্ত কাশি বর্তমান । উত্তাপ ১০৫° । নাড়ীর গতি ১০৮ । শ্বাস-প্রশ্বাস ২৮ । রোগীর মানসিক অবস্থা অত্যন্ত

ধারণা ছিল । তাঁহার দৃঢ়বিশ্বাস যে, তিনি এ যাত্রা নিশ্চয়ই মারা যাইবেন । ইহাকে তৎক্ষণাৎ পূর্ণ মাত্রায় অর্থাৎ ৪ সি, সি, ঔষধ শিরামধ্যে প্রয়োগ করিলাম । এতদ্বির যাহাতে কোষ্ঠ নিয়মিত ভাবে পরিষ্কার হয় এবং কিড্‌নীর ক্রিয়াও যাহাতে সাধারণভাবে অব্যাহত থাকে, তৎপ্রতি লক্ষ্য রাখার ব্যবস্থা করিলাম এবং একটি সাধারণ কফমিশ্র সেবন করিতে দিলাম ।

পরদিন প্রাতঃকালে দেখিলাম—রোগী একপ্রকার সম্পূর্ণ সুস্থ হইয়া গিয়াছেন । অরীয় উত্তাপ ও নাড়ীর গতি স্বাভাবিক । ইনি তখনও একটু কাশিতে ছিলেন এবং কাশির সহিত পাকা গোটা গোটা স্লেমা উঠিতেছিল । অতঃপর রোগী সুস্থ হইয়া উঠেন ।

৩নং ও ৪নং রোগী । এক পরিবারস্থ ভাই ও ভগ্নি । উভয়েই তরুণ লোবার নিউমোনিয়া দ্বারা আক্রান্ত হইয়াছিল । উভয়ের আকৃতিই এক প্রকার, অত্যন্ত বেঁটে এবং অত্যন্ত মোটা । ভাইটির উচ্চতা ৫ ফিট ১ ইঞ্চি এবং ওজন ৩০০ পাউণ্ড ( ৩মণ—৩০সের ) ।

দেখিলাম—ভাইটি শয্যা আশ্রয় করিয়া শ্বাস গ্রহণের জন্ত যত্ন করিতেছে । তাহার মুখমণ্ডল রক্তবর্ণ হইয়া উঠিয়াছে এবং কাশির সহিত শক্ত শক্ত প্রচুর কাল্চে বর্ণের স্লেমা উঠিতেছিল । অরীয় উত্তাপ ১০৪ । নাড়ী ১১৫ । শ্বাস-প্রশ্বাস—৩০ ।

বহুকষ্টে আমি রোগীর ১টি শিরা ঠিক করিতে পারিলাম । কারণ, রোগীর বাহু এতই মাংসবহুল যে, শিরা নির্ণয় করা বড়ই কঠিন হইয়াছিল । যাহা হউক, অবশেষে ১টি শিরা ঠিক করিয়া তন্মধ্যে ৫ সি, সি, ঔষধ ইঞ্জেক্সন দিলাম ।

রোগীর ভগ্নিনী, ভাইটির মত এতটা পীড়িত ছিল না । সুতরাং তাহাকে ৪ সি, সি, পরিমাণ ঔষধ ইঞ্জেক্সন দিলাম । ১৫ মিনিট পরে ভাইএর শয্যাপাশে গিয়া দেখি যে, রোগী গভীরভাবে শ্বাস গ্রহণ করিতেছে এবং তাহার মুখমণ্ডলের রক্তাধিক্য অন্তর্হিত হইয়াছে ।

পরদিন প্রাতে: দেখিলাম—উভয়েরই উত্তাপ ১০০.তে নামিয়া আসিয়াছে এবং নাড়ীর গতি ৮৪ । ৩ দিনের মধ্যেই ইহারা সুস্থ হইয়া উঠে ।

৫নং রোগী । রোগী পুরুষ বয়স ২০ বৎসর । রোগীকে পরীক্ষা করিয়া দেখি যে, তাহার উভয় ফুসফুসই লোবার নিউমোনিয়া দ্বারা আক্রান্ত হইয়াছে । রোগী গত রাত্রে পীড়িত হইয়াছিল, আমি পরদিন প্রাতঃকালে ৮ ঘটিকায় তাহাকে দেখি । টাইফয়েড রোগীর ৩য় সপ্তাহে মানসিক অবস্থা যেমন হয়, ইহারও মানসিক অবস্থা ঠিক তদ্রূপই হইয়াছিল । অরীয় উত্তাপ—১০৬ । নাড়ীর গতি ১৩০ । শ্বাস-প্রশ্বাস ২২ । মুখমণ্ডল গভীর রক্তাধিক্যযুক্ত ।

আমি রোগীকে তৎক্ষণাৎ ৫ সি, সি, সলিউসন ইঞ্জেক্সন দিলাম এবং রোগীর মস্তক ও বক্ষঃস্থলে “বাইস্‌ ব্যাগ” ( বরফ প্রয়োগ ) দ্বারা ব্যবস্থা করিলাম । একসময় নিউমোনিয়া-বিশেষজ্ঞ ঔষধাকারিণী নিযুক্ত করিলাম । ৬ ঘণ্টা পূর্বে পুনরায় রোগীকে



দেখিয়া, রোগীর অবস্থার সামান্য উন্নতি হইয়াছে বলিয়া মনে হইল এবং পূর্ব যাত্রায় পুনরায় আর একটি ইঞ্জেকসন দিলাম।

অর্দ্ধ রাত্রির মধ্যেই রোগীর উত্তাপ ১০০ ডিগ্রীতে নামিয়া আসিল। পরদিন প্রাতঃকালে আমি যখন রোগী দেখিতে গেলাম, তখন তাহার উত্তাপ ৯৯° ছিল এবং রোগীর কাশি ব্যতীত আর অন্য কোনও কষ্টকর উপসর্গ ছিল না। রোগী বেশ সুস্থবোধ করিতেছিল। পরদিন রোগী বেশ সুস্থ থাকায় শুক্রবাকারিণীকে ছাড়িয়া দেওয়া হইল। ইহার পর রোগী শীঘ্রই আরোগ্য হইয়া উঠে।

৬নং রোগী।—রোগী আমি নিজে। সহসা একদিন বৈকালে ৪ ঘটীকায় সময়ে অত্যন্ত শীত ও কম্প হইয়া আমি শয্যা গ্রহণ করি। এই শীত ও কম্প প্রায় ১ ঘণ্টা কাল স্থায়ী হইয়াছিল। শীত ও কম্প অন্তর্হিত হইবা মাত্র আমি আমার শিরামধ্যে ৪ সি, সি, সলিউসন ইঞ্জেকসন দিই। এই অল্প সময় মধ্যেই আমার কাশি হইতে আরম্ভ হয় এবং আমার দক্ষিণ ফুস্ফুসের উপরিভাগে তীক্ষ্ণ বিদ্ধবৎ বেদনা অনুভব করি। উত্তাপ ১০৩° ও নাড়ী ২০০ হইয়াছিল। মধ্য রাত্রির মধ্যেই উত্তাপ ৯৯° হয় এবং পরদিন প্রত্যুষে ৬ ঘটীকায় ইহা স্বাভাবিক হইয়া যায়। মধ্যাহ্নে আমি শয্যা ত্যাগ করিয়া আমার কার্যাদি করিতে থাকি। কয়েক দিন পর্যন্ত কাশি ও তৎসহ শক্ত শ্লেষ্মার টুকরা নির্গমন এবং সামান্য দুর্বলতা ব্যতীত আর অন্য কোনও অসুবিধা বোধ করি নাই।

৭নং রোগী। এই রোগীর পীড়াক্রমণের সঙ্গে সঙ্গে চিকিৎসারস্ত করিতে হইয়াছিল।

রোগী একজন আর্দালী। যখন ইনফ্লুয়েঞ্জা বহুব্যাপকরূপে প্রকাশ পায়—তখন এই সমস্ত রোগীর চিকিৎসায়, এই আর্দালীটি আমাকে সাহায্য করিতেছিল। এই সময় যখন ১ দিন আমি কতকগুলি রোগীর চিকিৎসায় ব্যস্ত ছিলাম—তখন এই সাহায্যকারী আর্দালীটি হঠাৎ সূচ্ছিত হইয়া পড়ে এবং পরীক্ষা করিয়া দেখিলাম যে, সেও এই ইনফ্লুয়েঞ্জা দ্বারা আক্রান্ত হইয়াছে। উত্তাপ তখন ১০৫ ডিগ্রী। তাহাকে তৎক্ষণাৎ তাহার তাঁবুতে স্থানান্তরিত করিয়া সঙ্গে সঙ্গে ৪ সি, সি, ওষধ ইঞ্জেকসন দিলাম। সেই সময়ে ইনফ্লুয়েঞ্জার প্রকৃতি অত্যন্ত সাংঘাতিক শ্রেণীর হইয়াছিল বলিয়া, ৩ ঘণ্টা পরেই পুনরায় উক্ত যাত্রায় একটি ইঞ্জেকসন দিলাম। পরদিন প্রাতঃকালে অরীয় উত্তাপ ৯৯° হয় এবং রাত্রির মধ্যেই উত্তাপ স্বাভাবিক হইয়া যায়। ইহার পরের দিনই সে নিজকাঠো যোগ দিতে সক্ষম হইয়াছিল।

আমার মনে হয় না—যে আরও কতকগুলি চিকিৎসিত রোগীর বিবরণ বর্ণনা করার কোনও প্রয়োজন আছে। আরও রোগীর বিবরণ দেওয়ার মানে—একই কথা পুনঃ পুনঃ বলা। কারণ, আমার চিকিৎসিত সমস্ত রোগীই পূর্ব বর্ণিত রোগীদের জায়গায় অত্যন্ত সময় মধ্যেই আরোগ্য লাভ করিয়াছিল। সুতরাং এবিষয়ে আর অধিক চর্চা করাই বাহুল্য।

একণে আমার এই ওষধ সম্বন্ধে জাতব্য তথ্য সমূহ উল্লেখ করিব।



**ইঞ্জেকসনের অব্যবহিত পনের ফল।**—এই ঔষধ আমাকে নিজ দেহেই ৪ বার ইঞ্জেকসন লইতে হইয়াছিল। সুতরাং ইঞ্জেকসনের অব্যবহিত পরেই কিরূপ ফল হয়, তাহা আমি স্পষ্ট করিয়াই প্রকাশ করিতে পারিব। ইহা আমি যেরূপভাবে বর্ণনা করিতে পারিব, অথো তাহা পারিবে না, কারণ ইহা আমার নিজ দেহেই পরীক্ষিত।

এই ঔষধ ইঞ্জেকসনের ৩০ সেকেণ্ড পরেই, মুখে ক্রিয়োজোটেসের আশ্বাদ এবং শ্বাসপ্রশ্বাসেও ক্রিয়োজোটেসের গন্ধ পাওয়া যায়। ইহার অব্যবহিত পরেই মুখমণ্ডলে রক্তাধিক্য দৃষ্ট এবং উষ্ণতা অনুভূত হয় ও নিম্নলিখিত লক্ষণদ্বয়ের যে কোনও একটি প্রকাশ পাইতে দেখা যায়। যথা:—

- ( ১ ) হয় রোগী কয়েকবার পুনঃ পুনঃ হাঁচিতে থাকে। কিম্বা
- ( ২ ) হঠাৎ বমন করিতে থাকে।

কিন্তু ২ মিনিটের মধ্যেই এই সমস্ত লক্ষণ অতি সত্বর তিরোহিত হয় এবং রোগী ক্রমশঃ বেশ সুস্থতা অনুভব করে। ইঞ্জেকসনের পর রোগী শীতানুভব করে না এবং বধানিয়মে ইঞ্জেকসন দিলে ও সমস্ত ঔষধ শিরামধ্যে প্রযুক্ত হইলে, বাহ্যতে কোনওরূপে বেদনা অনুভূত হয় না।

ইঞ্জেকসন দিবার পূর্বেই আমি রোগীকে উপরিউক্ত লক্ষণাবলীর কথা বলিয়া দিই—নতুবা ইঞ্জেকসনের পরই সহসা উক্ত লক্ষণ প্রকাশ পাইলে রোগী ভীত হইতে পারে। আমার মনে হয় যে, এই লক্ষণগুলি কেবলমাত্র সামান্য ও সংক্রিপ্ত সেন্ট্রাল প্রতিক্রিয়া এবং ইহাতে কোনওরূপ মন্দ ফল প্রকাশ পাইতে পারে না। আমার বিশ্বাস, ইঞ্জেকসন দিবার পূর্বে রোগীর পাকস্থলী শূন্য করিয়া লইতে পারিলে আরও সুবিধা হয়। ইহাতে রোগীর বমন হইবার আশঙ্কা থাকে না, তবে ইহা সর্বত্র ঘটিয়া উঠে না এবং তাহাতে কোনও ভয়ের কারণও নাই।

**কথিত ঔষধের প্রস্তুত-প্রণালী।**—যে ঔষধের অব্যর্থ উপকারিতার বিষয় এ পর্যন্ত কথিত হইল, এক্ষণে তাহার প্রস্তুত-প্রণালী নিয়ে উক্ত হইতেছে। ইহা নিম্নলিখিতরূপে প্রস্তুত করিতে হয়:—

প্রথমতঃ একটা ২ আউন্স শিশি লইয়া উত্তমরূপে উহা বিশোধিত করিবে ( Sterilize ) ( ১ ঘণ্টাকাল জলে সিদ্ধ করিলে সাধারণতঃ বিশোধিত হয় )—অতঃপর এই শিশিতে ৬০ সি, সি, বিশোধিত ( Sterilize ) “আইসোনিক স্ট্রাইন” ঢালিয়া দিবে। তারপর দ্রবণীয় ( Soluble ) ফেরিক কফেক্ট এবং সোডিয়াম স্ট্রালিসিলেট প্রত্যেকটা ১.২৫ গ্রাম করিয়া, এই শিশিতে ঢালিয়া দিয়া দ্রব করিবে। অনন্তর একটা জলপূর্ণ পাত্র অগ্নির উত্তাপে বসাইয়া তন্মধ্যে এই ঔষধ পূর্ণ শিশিটা বসাইয়া দিবে।

অতঃপর ১৫ মিনিট পরে শিশিটা জলপূর্ণ পাত্র হইতে উঠাইয়া শিশির মধ্যে “সাইব ওয়াটারে (চূনের জল) ক্রিয়োজোটেসের চূড়ান্ত সলিউশন” ( Saturated Solution of

Creosote in lime water) ১ সি, সি, পরিমাণ দিয়া উত্তমরূপে মিশ্রিত করিয়া লইবে। ইহা আন্ন ফুজাইবে না। এক্ষণে এই ঔষধ পূর্ণ শিশিটা ১টা বিশোধিত কর্ক দ্বারা আবদ্ধ করিয়া রাখিবে—এই দ্রব এক্ষণে ইঞ্জেকসন জন্ত ব্যবহার করা যায়।

মাত্রা=৩—৬ সি, সি,। এই দ্রব রোগীর আকৃতিগত গঠন, শক্তি এবং পীড়ার আক্রমণ অনুযায়ী প্রয়োজ্য।

**ইঞ্জেকসন বিধি।** ইহা শিরা মধ্যে ইঞ্জেকসন করিতে হইবে।

**প্রয়োগ-প্রণালী :-** সমস্ত কাচ নিশ্চিত ইঞ্জেকসন - সিরিঞ্জ (All glass syringe) দ্বারা এই ঔষধ ইঞ্জেকশন করা কর্তব্য। আমি সাধারণতঃ “সাইড্ নোজল্” (একপাশে নোজলযুক্ত) সিরিঞ্জ ব্যবহার করিয়া থাকি। কারণ, ইহাতে শিরামধ্যে বায়ু প্রবেশের আশঙ্কা সর্বাপেক্ষা কম। উক্ত সিরিঞ্জে সর্বাপেক্ষা সূক্ষ্ম নিডল ব্যবহার করা কর্তব্য। ঔষধ ঠেলিয়া দিবার পূর্বে নিশ্চিত ভাবে বুঝিতে হইবে যে, সূচীটা শিরা-মধ্যেই প্রবিষ্ট হইয়াছে। রোগীকে বিশেষ করিয়া বুঝাইয়া দিবে যে ঔষধ ঠেলিয়া দিবার সময়ে যদি একটুও বেদনা অনুভূত হয়, তাহা হইলে যেন সে তৎক্ষণাৎ বলে। কারণ, বেদনা অনুভূত হইলে বুঝিতে হইবে যে, সূচী শিরা প্রাচীর ভেদ করিয়া পেশী মধ্যে প্রবিষ্ট হইয়াছে এবং ঔষধ, পেশীমধ্যে পতিত হইতেছে। শিরামধ্যে ঔষধ প্রবিষ্ট হইলে কখনও বেদনা অনুভূত হইবে না, পেশী মধ্যে ঔষধ পতিত হইলে বেদনা ও প্রদাহ উপস্থিত হইতে পারে।

ইঞ্জেকসনের পূর্ক হইতে শেষ পর্যন্ত সর্কারণ অতি সাবধানে এন্টিসেপ্টিক প্রক্রিয়া অবলম্বন করিবে। শিরা স্পষ্ট করিবার জন্ত বাহর উপরে ব্যাণ্ডেজ বা বন্ধনী বাধিয়া দিলেই শিরা বেশ স্পষ্ট হইবে। সাধারণ “ইন্ট্রাভিনাস্” ইঞ্জেকসনের প্রক্রিয়া অবলম্বনীয়।

এইরূপে এই ঔষধ আমি গত দ্বাদশ বৎসর কাল ব্যবহার করিয়া আসিতেছি। প্রথম প্রথম আমি কেবল মাত্র সাংঘাতিক রোগীকেই এই ঔষধ ব্যবহার করাইতাম। কিন্তু পরবর্তী সময়ে আমি ইহাতে অভ্যস্ত হইয়া গেলে, সর্কপ্রকার খাস-যন্ত্রের পীড়াতেই এই ঔষধ ব্যবহার করিতাম।

সর্কাপেক্ষা অল্প বয়স্ক যে সকল রোগীতে আমি ইহা ব্যবহার করিয়াছি—তাহারা ১০—১২ বৎসরের বালক বালিকা এবং সর্কাপেক্ষা অধিক বয়স্ক যে সকল রোগীতে ইহা ব্যবহার করিয়াছি, তাহারা প্রায় ৯০ বৎসরের বৃদ্ধ ও বৃদ্ধা।

এই ঔষধ প্রয়োগে আমি কোনরূপ মন্দ প্রতিক্রিয়া প্রকাশ পাইতে দেখি নাই। এখানে বলিয়া রাখা আবশ্যিক যে, এই ঔষধ পীড়ার প্রথম অবস্থাতেই ব্যবহার করা বিশেষ কর্তব্য। সাধারণতঃ পীড়ারস্তের ৩০ ঘণ্টার মধ্যেই এই ঔষধ প্রয়োগ করিলে আশাতীত উপকার পাওয়া যায় এবং একজন রোগীতেও ইহা ব্যর্থ হয় না। এই সময়ের পর প্রায়ই রোগীর রোগের সহিত যুদ্ধ করিবার শক্তির হ্রাস হয়। সুতরাং তখন ইহাতে সেরূপ ফল আশা করা যায় না।

যথাসময়ে এই ঔষধ ব্যবহার করিয়া আমি আজ পর্যন্ত একটি রোগীতেও বিফল হই নাই । পীড়া প্রকাশের পর যত সত্বর সম্ভব এই ঔষধ ব্যবহার করিবে ।

যথাসময়ে অর্থাৎ পীড়াক্রমণের প্রথম অবস্থাতেই এই ঔষধ প্রয়োগ করিলে ইহার সম্ভাব্যজনক ও স্পষ্ট উপকার দেখিয়া যুক্ত হইতে হয় । খাসযন্ত্রের তরুণ পীড়ার প্রথম অবস্থার ইহা একটি অব্যর্থ ঔষধ ।

## কালাজ্বরে— এণ্টিমনির প্রয়োগরূপ সম্বন্ধে বিভিন্ন চিকিৎসকের অভিজ্ঞতা ।

লেখক—ডাঃ শ্রীসতীভূষণ মিত্র B. Sc. M. B.

বর্তমানে কালাজ্বরের চিকিৎসার্থ এণ্টিমনি ঘটত বিবিধ প্রয়োগরূপ প্রচলিত হইয়াছে । কালাজ্বরের চিকিৎসায় ইহাদের ব্যবহারও বিশেষ বিস্তৃতি লাভ করিয়াছে এবং অধিকাংশ স্থলে ইহাদের দ্বারা যথেষ্ট উপকার সাধিতও হইতেছে, সন্দেহ নাই । কিন্তু ইহাও অবশ্য স্বীকার্য যে, ভিন্ন ভিন্ন রোগীতে এই সকল ঔষধের বিভিন্নরূপ প্রতিক্রিয়া এবং আরোগ্যদায়িনী শক্তির তারতম্য লক্ষিত হইয়া থাকে । বলা বাহুল্য—এই সকল বিষয় বিদিত হইতে পারিলে, ঐ সকল ঔষধ সম্বন্ধে একটি বিশেষ অভিজ্ঞতা লাভ করিতে পারা যায় ।

কিছু দিন হইল কলিকাতা ট্রপিক্যাল মেডিসিন স্কুলের কালাজ্বরের তথ্যানুসন্ধান নিযুক্ত স্বনামধন্য Dr. L. E. Napier M. R. C. S., L. R. C. P. ( Eng ) মহোদয় বিভিন্ন চিকিৎসকের নিকট হইতে প্রাপ্ত কতকগুলি রোগীর যে, বিবরণ প্রকাশ করিয়াছেন ( Indian Medical Gazette. Nov. 1927 ), পাঠকগণের বিদিতার্থ নিম্নে তাহার সারমর্ম উদ্ধৃত হইল ।

Dr. Napier লিখিয়াছেন—

“গত বৎসর আমরা অনেকগুলি রোগীর বিবরণ প্রাপ্ত হইয়াছি—বাহাদিগকে এণ্টিমনির কোন একটি কম্পাউণ্ড দ্বারা চিকিৎসা করার প্রতিক্রিয়া প্রকাশিত হইয়াছিল । এই সমস্ত রোগীর বিস্তৃত বিবরণের মধ্যে পরস্পরের সহিত বিশেষ সৌসাদৃশ্য থাকায়, আমরা প্রত্যেক রোগীর বিস্তৃত বিবরণ প্রকাশ না করিয়া, কেবলমাত্র উহাদের সংক্ষিপ্ত সারাংশ মিলে বর্ণনা করিব ।

পাঁচটি বিভিন্ন চিকিৎসকের নিকট হইতে প্রাপ্ত তেরটি রোগীর বিবরণ এই প্রবন্ধে বর্ণিত হইবে ।

ডাঃ এম, এন, ভোমিক, মুর্শিদাবাদ জেলা হইতে লিখিয়াছেন ; —

(১) রোগী—হিন্দু, পুরুষ, বয়স ৩২। স্পষ্টতঃ কালাজর রোগী, লক্ষণাদির দ্বারা পীড়া নির্ণীত হয়।

প্রযুক্ত ঔষধ। ইউরিয়া টিভামাইন ( ব্রহ্মচারী )

প্রতিক্রিয়া প্রকাশের সময়।—চিকিৎসার প্রাথমিক অবস্থায়।  
০.৩৫ গ্রাম মাত্রায় প্রতিক্রিয়া প্রকাশ পাইয়াছিল।

প্রতিক্রিয়াত লক্ষণের প্রকৃতি—ইঞ্জেকসনে ১ ঘণ্টার মধ্যেই আমবাতের  
শ্রায় সর্কাসে রাস নির্গমন এবং ঐ দিনই উহাদের তিরোভাব। অবশেষে রোগীর সহ শক্তি  
প্রতিষ্ঠিত হয় এবং ৬ষ্ঠ ইঞ্জেকসনের পর এইরূপ কোন লক্ষণ আর প্রকাশ পায় নাই।  
সর্বমমেত ২১টি ইঞ্জেকসন দেওয়া হইয়াছিল।

(২) রোগী—হিন্দু, স্ত্রীলোক, বয়স ১৫। রক্তের এ্যান্ডিহাইড প্রতিক্রিয়ায়  
স্পষ্ট কালাজর বলিয়া বর্ণিত হয়।

প্রযুক্ত প্রয়োগরূপ।—ইউরিয়া টিভামাইন ( ব্রহ্মচারী )।

সময়।—চিকিৎসার প্রাথমিক অবস্থায় এই ঔষধ প্রযুক্ত হইয়াছিল।

মাত্রা।—০.০২৫ গ্রাম।

প্রতিক্রিয়াত লক্ষণ।—ইঞ্জেকসনের ২ ঘণ্টার মধ্যেই আমবাতের শ্রায়  
সর্কাসে দাগা দাগা রাস নির্গমন এবং ঐ দিনই উহাদের তিরোভাব।

দ্রষ্টব্য।—রোগীকে আটটি ইঞ্জেকসন দেওয়া হইয়াছিল, অতঃপর কতিপয় সোডিয়াম  
এন্টিমনি টারট্রেট ইঞ্জেকসন দেওয়া হয় এবং পরে টিবিউরিয়া ( ইউনিয়ান ড্রাগ কোঃ )  
ইঞ্জেকসন দেওয়া হইয়াছিল। এই ঔষধ ইঞ্জেকসনে রোগিনী দেহাত্যস্তরে উত্তাপ বোধ  
করিত। ১২টি ইঞ্জেকসনে রোগিনী আরোগ্য লাভ করিয়াছিল।

(৩) রোগিনী স্ত্রীলোক, (আর অল্প কোন বিস্তৃত বিবরণ দেওয়া নাই)

প্রয়োগরূপ।—ইউরিয়া টিভামাইন ( ব্রহ্মচারী )

সময়।—৬টি ইঞ্জেকসনের পর।

মাত্রা।—০.১৫ গ্রাম।

প্রতিক্রিয়া।—শীত বোধ করিয়া কম্প এবং হিমাক্রাবস্থা। শীঘ্র আরোগ্য লাভ।

(৪) রোগী—হিন্দু, পুরুষ, বয়স ১ বৎসর। কালাজর রোগী।

প্রয়োগরূপ।—ইউরিয়া টিভামাইন ( ব্রহ্মচারী )।

সময়।—১৭টি ইঞ্জেকসন দিবার পর।

মাত্রা।—০.২ গ্রাম।

প্রতিক্রিয়া—৫টি ইঞ্জেকসনের পর, ইঞ্জেকসন দিবার ১ ঘণ্টা পরেই অত্যন্ত  
কম্পবোধ এবং ইহা প্রায় ২ ঘণ্টা স্থায়ী হয়।

(৫) রোগী—হিন্দু, পুরুষ, বয়স ১৮ বৎসর, কালাজর রোগী।

**প্রয়োগরূপ**—ইউরিয়া টিবামাইন ( ব্রুকচারী.) ।

**সময়**—চিকিৎসার প্রথম অবস্থা হইতে ।

**মাত্রা**—০.১ গ্রাম ।

**প্রতিক্রিয়া**—কম্প দিয়া শীতবোধ এবং দন্তমাড়ি হইতে রক্তস্রাব । ইহা প্রত্যেক ইন্জেকসনের পরেই দেখা দিত । ঔষধের মাত্রা বৃদ্ধির সঙ্গে সঙ্গে এই লক্ষণেরও বৃদ্ধি হইত ।

**ডাঃ এ, সি, নাগ এম, বি,** ( বাগেরহাট, খুলনা ) লিখিয়াছেন :—

(১) **রোগী**—বালিকা । বয়স ১৩ বৎসর । পীড়ার প্রথমাবস্থা । লক্ষণাদির দ্বারা পীড়া নির্ণীত হয় । ইউরিয়া টিবামাইন ও সোডিয়াম্ এণ্টিমনি টারট্রেট পর্যায়ক্রমে সর্বসমেত ২৫টী ইন্জেকসন্ দেওয়া হইয়াছিল । ৩ মাস পরে পীড়ার পুনরাক্রমণ হওয়ায় আবার চিকিৎসা আরম্ভ করা হয় ।

**প্রয়োগরূপ**—এমিনো টিবিউরিয়া ( ইউনিয়ান ড্রাগ কোঃ ) ।

**সময়**—৩য় ইন্জেকসন দিবার পর ।

**মাত্রা**—০.১ গ্রাম ।

**প্রতিক্রিয়া**—সমস্ত শরীরে জ্বলনবৎ বোধ । মুখমণ্ডল আরক্তিম এবং অবশেষে নীলিমাবর্ণ, ক্ষীত এবং শোধযুক্ত । পরে রোগিণী হিমাক্রাবস্থা প্রাপ্ত হয় এবং বমন করিতে থাকে । এড্রিনালিন্ ক্লোরাইড ইন্জেকসন দেওয়ায় অর্ধ ঘণ্টার মধ্যে এই সমস্ত লক্ষণাবলীর উপশম হয় ।

**ডাঃ এ, পাল**—( চিলমারী, রংপুর ) লিখিয়াছেন :—

**রোগিণী**—একজন মুসলমান মহিলা । কালাজরে ভুগিতেছিলেন । ইতিপূর্বে ২টী ইউরিয়া টিবামাইন ইন্জেকসন প্রদত্ত হইয়াছিল ।

**প্রয়োগরূপ**—টিবিউরিয়া ( ইউনিয়ান্ ড্রাগ কোঃ ) ।

**সময়**—৩য় ইন্জেকসন দিবার পর ।

**মাত্রা**—০.২ গ্রাম ।

**প্রতিক্রিয়া**—হিমাক্রাবস্থা এবং আমবাতের ত্রায় র্যাশ্, লেরিংসের শোধ ও স্বরভঙ্গ । এড্রিনালিন ইন্জেকসন দিবার জ্ঞ প্রস্তুত হইবার পূর্বেই লক্ষণাদি অন্তর্হিত হইয়াছিল ।

(২) **রোগী**—একজন পূর্ণবয়স্ক পুরুষ, পূর্বে কালাজর হইয়াছিল এবং এক্ষণে পুনরাক্রমণ দ্বারা ভুগিতেছে ।

**প্রয়োগরূপ**—টিবিউরিয়া ( ইউনিয়ান্ ড্রাগ কোঃ ) ।

**সময়**—২টী ইন্জেকসন দিবার পর ।

**মাত্রা**—০.২ গ্রাম ।

**প্রতিক্রিয়া**—ইন্জেকসনের অব্যবহিত পরেই হিমাক্রাবস্থা প্রকাশ পাইয়াছিল ।

খাস রোগের উপক্রম হইয়াছিল। প্রথমে এড্রিনালিন্ ইঞ্জেকসন দিয়া, পরে ডিজিটেলিন্ ইঞ্জেকসন দেওয়ায়, সমস্ত লক্ষণ অন্তর্হিত হয়।

ডাঃ কে, এল, বসু মল্লিক এবং ডাঃ ভূপেন্দ্রমোহন দাস ( লাডলো জুট কোম্পানি চেংগানি, হাওড়া ) লিখিয়াছেন :—

রোগী—হিন্দু, পুরুষ, বয়স ২৬। গ্যালভিহাইড্ পরীক্ষা দ্বারা কালাজর নির্ণীত হইয়া ৪ মাস পূর্বে রোগী ৪টা ইউরিয়া টিবামাইন ইঞ্জেকসন লইয়াছিল।

প্রয়োগরূপ—এমিনো টিবিরিয়া।

মাত্রা—০.২ গ্রাম।

সময়—প্রথম ইঞ্জেকসনের পর।

প্রতিক্রিয়া—সমস্ত দেহে জ্বলনবৎ বোধ হওয়া এবং তৎপরে অত্যধিক পৈশিক বেদনা; স্বরভঙ্গ এবং অত্যধিক ঘর্ম হইয়া রোগী হিমাক্রাবস্থা প্রাপ্ত হয়। অতঃপর রোগীর চোয়ালের পেশী সমূহের আক্বেপ এবং বমন হইবার পর রোগী অর্ধ অচেতন অবস্থা প্রাপ্ত হয়। প্রথমে এড্রিনালিন, তৎপরে ট্রিকলিন ইঞ্জেকসন দিবার পর রোগী সম্পূর্ণরূপে সুস্থ হইয়া উঠে।

ডাঃ এস, এন, চ্যাটার্জী—এম, বি, (বসুকা, যশোহর) লিখিয়াছেন :—

(১) রোগী—বয়স ২৭। পীড়া—কালাজর। প্রথমে কয়েকটা সোডিয়াম্ এটিমনি টারট্রেট ইঞ্জেকসন দেওয়া হইয়াছিল।

প্রয়োগরূপ—ইউরিয়া টিবামাইন ( ব্রহ্মচারী )।

সময়—অষ্টম ইঞ্জেকসনের পর।

মাত্রা—০.১৫ গ্রাম।

প্রতিক্রিয়া—খাস রোধ, হঠাৎ উত্তাপাধিক্য এবং নাড়ীর গতি বৃদ্ধি। সমস্ত দেহে আমবাতের শ্রায় র্যাশ নির্গমন। ৮ম ইঞ্জেকসনের পর এই সমস্ত লক্ষণ প্রকাশ পাইয়াছিল এবং ১ ঘণ্টাকাল স্থায়ী হইয়াছিল। পরবর্তী ইঞ্জেকসনেও এই সকল লক্ষণ উপস্থিত হয়, তবে অপেক্ষাকৃত কম।

(২) রোগী—বালক। বয়স ৯ বৎসর। কালাজরে ভুগিতেছিল।

প্রয়োগরূপ—ইউরিয়া টিবামাইন ( ব্রহ্মচারী )।

সময়—৯ম ইঞ্জেকসনের পর।

মাত্রা—০.১ গ্রাম।

প্রতিক্রিয়া—আক্বেপ ও হিমাক্রাবস্থা। এড্রিনালিন্ ইঞ্জেকসনের পর উত্তাপ ১০৬° পর্যন্ত উঠে, নাড়ীর গতি বৃদ্ধি পায় এবং আমবাতের মত র্যাশ নির্গত হয়। ঐ দিনেই সমস্ত লক্ষণ অন্তর্হিত হইয়াছিল।

(৩) রোগী—৬ বৎসরের বালক। ৬ মাস কালাজরে ভুগিতেছিল।

প্রয়োগরূপ—ইউরিয়া টিবামাইন ( ব্রহ্মচারী )।



সময়—৬ষ্ঠ ইঞ্জেকসনের পর ।

মাত্রা—( রিপোর্টে লেখা নাই )

প্রতিক্রিয়া—খাস রোধ ; উত্তাপ ও নাড়ীর গতির বৃদ্ধি ; আমবাতের  
শায় রাশ ।

( ৪ ) রোগিনী—১৫ বৎসরের বালিকা । ১২ বৎসর কালজরে ভুগিতেছিল ।

প্রয়োগরূপ—টিবিউরিয়া ( ইউনিয়ন্ ড্রাগ্ কোং ) ।

সময়—১২শ টী ইঞ্জেকসনের পর ।

প্রতিক্রিয়া—খাস রোধের শায় অল্পভব ; চক্ষুদ্বয়ের আরক্তিমতা, মুখ মণ্ডলের  
ক্ষীতি, আমবাতের শায় রাশ নির্গমন । নাড়ীর দ্রুতত্ব এবং উত্তাপাধিক্য । অর্ধ ঘণ্টা  
মধ্যেই এই সকল লক্ষণাবলীর উপশম হয় ।

মন্তব্য ।—উল্লিখিত রোগী গুলির বিবরণ হইতে আমরা বুঝিতে পারি যে,  
এন্টিমণির যৌগিক প্রয়োগরূপ ব্যবহার করিয়া, কোন কোন স্থলে কতকগুলি মন্দ  
প্রতিক্রিয়াজ লক্ষণ দেখিতে পাওয়া যায় । এই সমস্ত প্রতিক্রিয়ার লক্ষণাবলী এড্রিনালিন্  
ইঞ্জেকসনে অবিলম্বে অন্তর্হিত হয় এবং রোগী হিমাদ্রাবস্থা প্রাপ্ত হইলে ট্রীকনি ও  
ডিজিটেলিন ইঞ্জেকসনে অবিলম্বে ফল পাওয়া যায় । প্রত্যেক চিকিৎসকেরই কর্তব্য—  
ইঞ্জেকসনের পর রোগীকে কয়েক মিনিট পর্য্যন্ত শয্যায় শোয়াইয়া রাখা । ইহাতে রোগী  
পাশিমধ্যে বিপন্ন হইতে পারে না । যে ইঞ্জেকসনের পর এই সকল প্রতিক্রিয়া দেখা যায়,  
তৎপরবর্তী ইঞ্জেকসনের মাত্রা, পূর্ব ইঞ্জেকসনের ১/১০ ভাগ হওয়া উচিত । অতঃপর  
বিশেষ সতর্কতার সহিত ক্রমশঃ মাত্রা বৃদ্ধি করিবে । এন্টিমণি ঘটিল কোন ঔষধের  
পুনঃ পুনঃ কয়েকটি ইঞ্জেকসনে বিশেষ সাবধান হওয়া স্বত্বেও প্রতিক্রিয়া প্রকাশ পাইলে,  
অতঃপর তৎপরিবর্তে অন্য কোন যৌগিক প্রয়োগরূপ ব্যবহার করা উচিত ।

## ব্যাসিলারী ডিসেন্টারী ।

### Bacillary Dysentery.

লেখক—ডাঃ শ্রীমন্মোহনকুমার দাস M. B, M. C. B. & S.

অধুনা বঙ্গদেশের চিকিৎসা নইয়া, চিকিৎসক সম্প্রদায় মধ্যে একটা হৈ চৈ পড়িয়া  
গিয়াছে । কারণ, এই বঙ্গদেশের অব্যর্থ ঔষধ—“এন্টিমণি”, সমস্ত রোগীতেই সমানে  
ফলদান করিতে সমর্থ নহে । এই বর্ষের শেষে অনেক পরীক্ষা এবং চাঃ বাগানে আশাশয়

সংক্রামক পীড়ার জায় মহামারীরূপে দেখা দেয়। আবার বর্ষাকালে প্রায় সমস্ত পার্শ্বত্যা সহরেই (যথা কাশ্মিরাণ্ড, দার্জিলিঙ, নাইনিতাল, শিমলা, দেৱাছন ইত্যাদি স্থানে) ইহা বহুব্যাপকরূপে প্রকাশ পাইতে দেখা যায়। অধিকাংশ স্থলেই “এমিটীন” সফল দান করিতে সক্ষম হয় এবং ইহার ফলে বহু রোগী অকালে কালগ্রাসে পতিত হইয়া থাকে। এমিটীনের এই অযোগ্যতায় হয়তো অনেক চিকিৎসক ভাবিতে পারেন যে, এমিটীন রক্তমাশয় রোগে সফলপ্রদ নহে। কিন্তু এমিটীনের অযোগ্যতা অপেক্ষা, চিকিৎসকের অনভিজ্ঞতা ও অযোগ্যতাই ইহার জন্ত অধিক দায়ী। আমরা এদেশে যে রক্তমাশয় দেখিতে পাই, তাহা দুই শ্রেণীতে বিভক্ত করা যায়। যথা :—

(১) এমিবিক ডিসেন্টারী।

(২) ব্যাসিলারী ডিসেন্টারী।

এমিবিক ডিসেন্টারীতে এমিটীন ব্যবহার করিলে ইহা অব্যর্থ ও আশু ফলপ্রদ হইয়া থাকে—এমন কি, ২।১টী ইঞ্জেকসনেই পীড়ার গতি রুদ্ধ হয়। কিন্তু দ্বিতীয় প্রকার পাড়ায় অর্থাৎ ব্যাসিলারী ডিসেন্টারীতে এমিটীন ইঞ্জেকসনে কোন ফলই হইতে দেখা যায় না। এই দ্বিতীয় প্রকার পীড়াই অধিকাংশ স্থলে বহুব্যাপকরূপে উপস্থিত হইতে দেখা যায় এবং ইহাতে রোগীও অনেক বেশী মরে। যথা সময়ে এই পীড়া নির্ণীত হইয়া ইহার সূচিকিৎসা না হইলে, প্রায়ই রোগ সাংঘাতিক আকার ধারণ করে এবং রোগী সম্বর মৃত্যুমুখে পতিত হয়। এই ব্যাসিলারী ডিসেন্টারীই ডুয়ার্শ, তেরাই, আসাম প্রভৃতি ঝঞ্জলের চা' বাগানে এবং ম্যালেরিয়া প্রপীড়িত বঙ্গদেশের পল্লী সমূহে বহুব্যাপকরূপে প্রকাশ পায়। এই পীড়া নির্ণয় করা একটু কঠিন। অবশ্য অণুবীক্ষণ যন্ত্র দ্বারা মল পরীক্ষা করিতে পারিলে, পীড়া নির্ণয় করা অতি সহজ হয়। কারণ, পীড়ার উৎপাদক জীবাণু সমূহ এই মল মধ্যে বর্তমান থাকিতে দেখা যায়। কিন্তু এই আণুবীক্ষণিক পরীক্ষা সর্বত্র সুলভ নহে—বিশেষতঃ, বঙ্গদেশের পল্লী চিকিৎসকগণের পক্ষে।

আমরা এই প্রবন্ধে ব্যাসিলারী ডিসেন্টারী নির্ণয় করিবার অতি সহজসাধ্য লক্ষণাবলীর আলোচনা করিব—যাহাতে সাধারণ চিকিৎসকগণ সহজেই এই পীড়া নির্ণয় করতঃ, ইহার আধুনিক চিকিৎসা প্রণালী অবলম্বনে শত শত রোগীর প্রাণ রক্ষা করিতে সক্ষম হইতে পারিবেন। সম্প্রতি “মেডিক্যাল রিভিউ অব রিভিউস” নামক পত্রিকায় সুবিখ্যাত ডাক্তার পি, নন্দী এম, ডি, মহাশয় ব্যাসিলারী ডিসেন্টারী সম্বন্ধে, একটা বহুজাতব্য তথ্যপূর্ণ প্রবন্ধ প্রকাশ করিয়াছেন, আমাদের এই প্রবন্ধে তাঁহার আলোচ্য বিষয়গুলি ও চিকিৎসা প্রণালী সমূহও যথাক্রমে সংক্ষেপে বর্ণনা করিব। পূর্বে এই পীড়ায় “সিরাম” ইঞ্জেকসন ব্যতীত আর কোনও ফলপ্রদ চিকিৎসাই প্রবর্তিত ছিল না, তাহাও প্রয়োগ করিবার সুযোগ অতি সন্ন চিকিৎসকই পাইতেন; কারণ পীড়া নির্ণীত হইবার পূর্বেই রোগী ইহাঙ্গীলা সংবরণ করিত।

ব্যাসিলারী ডিসেন্টারী।—ব্যাসিলারী ডিসেন্টারীকে “এপিডেমিক ডিসেন্টারী” ও বলা হয় । কারণ, ইহা প্রায়ই বহুব্যাপকরূপে প্রকাশ পায় ।

এই প্রকারের ডিসেন্টারী সহসা প্রবলরূপে আক্রমণ করিয়া থাকে । অধিকাংশ স্থলে রোগারম্ভের পূর্বে স্পষ্ট অর প্রকাশ পায় ; রোগী আরোগ্য লাভ করিলে প্রায়ই পীড়া পুনঃ প্রকাশ পাইতে দেখা যায় না । মল পরীক্ষা করিলে উহাতে “ব্যাসিলাস ডিসেন্টারিয়া” নামক জীবাণু পাওয়া যায় । প্রথম হইতে বৃহদজের শৈল্পিক বিল্লীর ডিফ্‌থিরিয়ড্ ধ্বংশ বা নিক্রোসিস্ বর্তমান থাকে । ইহাতে রোগীর যকৃতে স্ফোটক উৎপাদিত হয় না । কিন্তু এমিবিক ডিসেন্টারীতে যকৃতে স্ফোটক ইহবার বিশেষ সম্ভাবনা থাকে । এমন কি, ফুন্‌ফুসে এমিবিক এ্যাবসেস্ হইতেও দেখা গিয়াছে ।

উৎপাদক জীবাণু।—ব্যাসিলারী ডিসেন্টারীর উৎপাদক জীবাণু সম্বন্ধে ভিন্ন ভিন্ন চিকিৎসক বিভিন্ন প্রকার মত প্রকাশ করিয়াছেন । এতৎসম্বন্ধে ডাঃ নন্দী নানাবিধ পত্রিকাদি হইতে যে সকল বিশেষজ্ঞ চিকিৎসকের মত বর্ণনা করিয়াছেন আমাদের মতে উহাই বিশিষ্ট মত । সুতরাং নিম্নে আমরা ডাঃ নন্দীর মতই উল্লেখ করিব ।

ডাঃ নন্দী, এম্. ডি, বলেন “ব্যাসিলারী ডিসেন্টারী নিম্নোক্তের জীবাণু জনিত স্থানিক পীড়া । বিবিধ প্রকারের জীবাণু দ্বারা এই পীড়ার উৎপত্তি হইতে পারে । যথা—শিগা, শিগা-ক্রিউস, হিসেস্ ব্যাসিলি, ফ্লেক্সনাস্ ব্যাসিলি, ট্রুন্স্ ব্যাসিলী, ক্যাট্টেলানিস্ প্যারা-ডিসেন্ট্রীক্ ব্যাসিলী ইত্যাদি । কিন্তু আজকাল এই জীবাণু সমূহকে ২ শ্রেণীতে বিভক্ত করা হইয়াছে । যথা:—

( ১ ) শিগা ব্যাসিলী ।

( ২ ) ফ্লেক্সনাস্ প্যারাডিসেন্টারিক্ ব্যাসিলী ।

( ১ ) শিগা ব্যাসিলী । এতদ্বারা তরুণ প্রকারের রক্তমাশর পীড়ার উৎপত্তি হয় এবং ইহাতে রোগী প্রায়ই মৃত্যুমুখে পতিত হইয়া থাকে । পীড়ারম্ভের সঙ্গে সঙ্গে জরীয় উত্তাপ বর্দ্ধিত হয় এবং ইহা কখন কখন ১০৪ ডিগ্রী পর্য্যন্তও হয় । মল প্রথমতঃ উদরায় রোগীর মলের স্থায় হয়, কিন্তু শীঘ্রই উহা রক্ত মিশ্রিত হইয়া থাকে । মলে প্রচুর পরিমাণে আম নিঃসৃত নাও হইতে পারে । রোগীর স্ফটিকিৎসা না হইলে শীঘ্রই মল সবুজাভ বর্ণের এবং পিচ্ছিল ও দুর্গন্ধযুক্ত হয় । মল পরীক্ষা করিলে তন্মধ্যে প্রচুর পরিমাণে পুয়ঃকণা এবং শিগা ব্যাসিলাস নামক আনুবীক্ষণিক জীবাণু পাওয়া যায় । অধিক দিন রোগী বিনা চিকিৎসায় থাকিলে, রোগীর মলের সঙ্গে প্রচুর পরিমাণে পচা মাংস ঋ নিঃগত হইতে থাকে এবং মলে পচা দুর্গন্ধ পাওয়া যায় ।

এই পীড়ার রোগী দীর্ঘকাল ভুগিতে পারে । যে সকল রোগী আরোগ্যমুখ হয় তাহারাও ৩ সপ্তাহ বা তদধিককাল পর্য্যন্ত ভুগিয়া থাকে । অর প্রায় পীড়ার সমস্ত ভোগ কালেই বর্তমান থাকে । মস্তিষ্কের এবং মূত্রী সমূহের উপসর্গও বর্তমান থাকিতে দেখা

যায়। কখন কখন যেনিঞ্জাইটাসের লক্ষণও বর্তমান থাকিতে পারে। রোগী অত্যন্ত অবসন্ন বোধ করে এবং পাকস্থলী ও অন্ত্রের প্রবল উত্তেজনা ও দুর্দম্য বমন বর্তমান থাকিতে দেখা যায়।

অনেক সময়ে ব্যাসিলারী ও এমিবিক ডিসেন্টারীর একত্রে মিশ্রিত সংক্রমণও দেখা যায়। ইহা পানীয় জল ও খাদ্যাদির জুগুই হইয়া থাকে। অর্থাৎ খাদ্য ও পানীয় জল এই পীড়ার জীবাণু সমূহ দ্বারা সংক্রমিত হইয়া মানুষ দেহে ইহার বীজ আনয়ন করে। এই মিশ্রিত শ্রেণীর পীড়ার রোগীর মল পরীক্ষা করিলে, তন্মধ্যে ‘এমিবিক ব্যাসিলী’ ও ‘ব্যাসিলীমিক্স’ (ব্যাসিলারী ডিসেন্টারীর বিবিধ জীবাণু) পাওয়া যায়।

সাবটার্শিয়ান্ শ্রেণীর ম্যালেরিয়ায়, অনেক সময়ে ব্যাসিলারী ডিসেন্টারী বিশেষ উপসর্গরূপে প্রকাশ পাইতে দেখা যায়। ইহাতে রোগীর জরীয় উত্তাপ অধিক হয়। রোগী আর্মি ও রক্ত মিশ্রিত মল ত্যাগ করে এবং তৎসহ অত্যন্ত কুহন ও উদরে বেদনা বর্তমান থাকে। আমাদের এই ম্যালেরিয়া প্রপীড়িত দেশে রক্তমাশয়ের রোগী পাইলেই, প্রথমে উহা ম্যালেরিয়া জনিত বা সংযুক্ত পীড়া কি না, সে সম্বন্ধে চিন্তা করা উচিত এবং পীড়া নির্ণয় করিবার উদ্দেশ্যে (সঠিক ভাবে) প্রথমেই কুইনাইন দ্বারা চিকিৎসা করা উচিত। সন্দেহ জনক রোগীর নিয়ন্ত্রিত কুইনাইন সলিউবন দ্বারা ধৌত (ডুস) করা কর্তব্য। যদি ইহা ম্যালেরিয়া জনিত পীড়া হয়, তাহা হইলে ইহার পরেই রোগীর উত্তাপ হ্রাস হইতে দেখা যায়। পীড়া ম্যালেরিয়া জনিত বলিয়া নিশ্চিতভাবে জানিতে পারিলে, প্রচুর কুইনাইন দ্বারা চিকিৎসা করিলে সুন্দর উপকার পাওয়া যায়। ডাঃ বেণ্টলী বলেন যে, ম্যালেরিয়া প্রপীড়িত স্থানের ডিসেন্টারী রোগে প্রথমে কয়েক মাত্রা কুইনাইন দ্বারা চিকিৎসা করা উচিত; পীড়া ম্যালেরিয়া জনিত হইলে ইহাতে অচিরেই পীড়ার হিত পরিবর্তন হইতে দেখা যায়।

**চিকিৎসা** — রোগীকে অবিলম্বে শয্যা গ্রহণ করিতে উপদেশ দিবে এবং সম্পূর্ণরূপে বিশ্রাম ব্যবস্থা করিবে। প্রদাহিত সন্ধি পীড়ায় যেরূপ বিশ্রাম আবশ্যিক, প্রদাহিত অন্ত্রকেও সেইরূপ বিশ্রাম দিতে হইবে। উদরে ফ্ল্যানেলের ১টা ব্যাণ্ডেজ্ উত্তমরূপে জড়াইয়া দিবে এবং রোগীকে শয্যাতেই শয়ন অবস্থায় মল মূত্রত্যাগ করিবার ব্যবস্থা করিবে। এতদর্থে সম্ভব হইলে “বড্‌প্যান্” ব্যবহার করা যায়। যথেষ্ট পরিমাণে জলপান করিতে দিবে, জল উত্তমরূপে ক্ষুণ্ণীত করতঃ, শীতল করিয়া পান করিতে দেওয়া কর্তব্য।

**ঔষধীয় চিকিৎসা**।—এই রোগে ম্যাগ সাল্ফ ও সোডি সাল্ফ অতি উৎকৃষ্ট ঔষধ বলিয়া নিবেচিত হইয়াছে এমন কি অনেকে ইহাদিগকে অব্যর্থ ঔষধ বলিয়াও বিবেচনা করেন। অনেকে ম্যাগ সাল্ফ অপেক্ষা সোডিসাল্ফ্ ই প্রেষ্ঠতর বলেন। ম্যাগ সাল্ফ ও সোডি সাল্ফ একত্রে ব্যবহার করিলে আরও সুন্দর ফল পাওয়া যায়। এই ২টা ঔষধ প্রয়োগের দুই প্রকার প্রণালী প্রচলিত আছে। যথা:—

- ( ১ ) ইহাদের চূড়ান্ত দ্রব ( saturated solution ) অধিক মাত্রায়  
১ বার প্রয়োগ । অথবা—
- ( ২ ) ভগ্নাংশিক মাত্রায় অল্প পরিমাণে পুনঃ পুনঃ প্রয়োগ ।

যদি পীড়ার প্রথম অবস্থাতেই রোগী পাওয়া যায় এবং রোগী যদি সবল হয়, তাহা হইলে  
কাল বিলম্ব না করিয়া প্রথমোক্ত প্রণালী অনুযায়ী প্রয়োগ করিবে । এতদর্থে নিম্নলিখিত  
ব্যবস্থা বিশেষ উপযোগী ।

Re.

ম্যাগ সাল্ফ্	...	১ ড্রাম ।
সোডি সাল্ফ্	...	১ ড্রাম ।
একোয়া মেসপিপ্	...	আড়া ৩ ড্রাম ।

একত্রে মিশ্রিত করতঃ ১ মাত্রা ।

যদি এই মিশ্র ১ মাত্রা ব্যবহারে ২ ঘণ্টার মধ্যে ২।৩ বার জলীয় মল নির্গত না হয়, তাহা  
হইলে ১ম মাত্রা প্রয়োগের ২ ঘণ্টা পরে ২য় মাত্রা প্রয়োগ করা উচিত । ২৪ ঘণ্টার মধ্যে  
উক্ত মাত্রায় ২ মাত্রার বেশী প্রয়োগ করা অনুচিত । দ্বিতীয় দিন সাধারণতঃ মাত্র ১ মাত্রা  
প্রয়োগ করা উচিত । তবে ইহাতে কোনও উপকার দৃষ্ট না হইলে, দ্বিতীয় মাত্রা প্রয়োজ্য ।  
তৃতীয় দিবসে ঐ একই প্রণালী অবলম্বনীয় । ইহাতে প্রায়ই জ্বর হ্রাস, রোগীর স্থনিদ্রা  
ও মল হইতে রক্ত অন্তর্হিত এবং রোগীর সর্স প্রকারেই উন্নতি দৃষ্ট হয় । তৃতীয়  
দিবসের পর অর্থাৎ উক্ত ঔষধ তিন দিন ব্যবহার করিবার পর—পুনরায় ইহার ব্যবহার  
সম্বন্ধে বিশেষ সতর্কতা অবলম্বন করিতে হইবে । যদি দেখা যায় যে, রোগী অভ্যস্ত অবসন্ন  
এবং নিজস্ব ভাবাপন্ন হইয়াছে—তাহা হইলে উক্ত মিশ্র আর ব্যবহার না করাই ভাল ।  
পরীক্ষা দ্বারা জানা গিয়াছে যে, ম্যাগ্ সাল্ফ্ ও সোডি সাল্ফ্ ক্রমাগত ব্যবহারে  
রোগী কোমাগ্রস্ত ও “এন্সেনিক্” অবস্থা প্রাপ্ত হইতে পারে । যদি আবশ্যক হয়,  
তাহা হইলে বরং সোডি সাল্ফ্ কেবল মাত্র ব্যবহার করিবে, কিন্তু উক্ত সময়ের পর আর  
ম্যাগ সাল্ফ্ ব্যবহার করা উচিত নহে । ২৪ ঘণ্টা বা ৪৮ ঘণ্টা ধরিয়া একাধিক্রমে  
সাল্ফেট মিশ্র ব্যবহার করা উচিত নহে । আবশ্যক বোধে অল্প মাত্রায় ইহা কিছুদিন  
ব্যবহার করা চলে । ইহার জন্ত কোনও বাধা বাধি নিয়ম নাই । স্মরণ রাখা কর্তব্য যে,  
উপযুক্ত মাত্রায় উক্ত ঔষধ ২টা ব্যবহার করিলে রোগীর জীবন রক্ষা পায়, আবার অল্পযুক্ত  
মাত্রায় ব্যবহারে ইহাতে মৃত্যু হওয়াও আশ্চর্য্য নহে । অল্পযুক্ত মাত্রায় উক্ত ঔষধ ২টা  
প্রযুক্ত হইলে রোগীর এন্সেনিয়া, কোমা এবং বাসপ্রবাস ক্রিয়ার পতন হইয়া মৃত্যু ঘটে ।



যদি উক্ত মিশ্র হইতে ম্যাগ্‌ সাল্‌ফ তুলিয়া দিবার পরেও, রোগীর কোথা উত্তরোত্তর বৃদ্ধি হয়, তাহা হইলে অবিলম্বে নিম্নলিখিত ঔষধটী ইন্‌জেক্সন করিবে।

Re.

ক্যালশিয়াম্‌ ক্লোরাইড্‌	..	১ গ্রেণ।
বিশোধিত পরিষ্কৃত জল	...	২০ মিনিম।

একত্র মিশ্রিত করিয়া পেশী মধ্যে ইন্‌জেক্সন দিবে অথবা ক্যালশিয়াম্‌ ক্লোরাইডের ১০ % সলিউশন ২—৪ সি, সি, মাত্রায় শিরাপথে ইন্‌জেক্সন দিবে।

ক্যালশিয়াম্‌ ক্লোরাইড্‌—ম্যাগ সাল্‌ফের ক্রিয়ার স্পষ্ট প্রতিষেধক।

৪৮ ঘণ্টা কাল ম্যাগ সাল্‌ফ প্রয়োগ স্থগিত রাখিয়া, আবশ্যক বোধে পুনরায় ৪৮ ঘণ্টা পরে ইহা প্রয়োগ করা যায়। সাধারণতঃ ৪৮ ঘণ্টা পরে ইহা প্রয়োগ করিতে হইলে— কেবল মাত্র প্রাতঃকালে ১ মাত্রা ব্যবহা করিলেই যথেষ্ট হইয়া থাকে।

দুর্বল এবং অবসন্ন রোগীকে ম্যাগ সাল্‌ফ ও সোডি সাল্‌ফ ১/২ ড্রাম মাত্রায় ২৪ ঘণ্টায় ৩/৪ মাত্রা দেওয়া যায়। এইরূপ অল্প মাত্রায় ঔষধ ব্যবহার সুফলপ্রদ হইলেও, প্রথমোক্ত (১নং) প্রশালী অমুখ্যায়ী ঔষধ ব্যবহারের পর যেরূপ অল্প বিশ্রাম পায় না, ইহাতেও ঠিক সেইরূপই ৩/৪ বার জলীয় মলত্যাগ হইবার পর অল্প বিশ্রাম পায় না। অনেকের মতে, উচ্চ মাত্রায় ১ মাত্রা ঔষধ ব্যবহারের পর উহার ক্রিয়াকে অক্ষুন্ন রাখিবার জন্ত, অল্পমাত্রায় ৩/৪ ঘণ্টান্তর ব্যবহার করা ভাল। উচ্চ মাত্রায় ঔষধ ব্যবহারের ২য় বা ৩য় দিবসের পর যদি ঔষধ পুনরায় ব্যবহার করা আবশ্যক বিবেচিত হয়, অথবা ঔষধ ব্যবহারে রোগীর প্রচুর মলত্যাগ হইয়াছে কিন্তু তবুও ২।৩ দিন পরে উক্ত ঔষধ প্রয়োগ করিবার আবশ্যক বিবেচিত হয়, তাহা হইলে উচ্চ মাত্রায় ঔষধ ব্যবহারের ২।৩ দিন পরে, পুনরায় উহা ব্যবহার করা যাইতে পারে। এই সমস্ত বিষয় রোগীর অস্থি, উন্নতি, অবনতি এবং চিকিৎসকের বিবেচনার উপর নির্ভর করিয়া থাকে। দেহ হইতে অধিক পরিমাণে তরল পদার্থ নির্গত হইয়া গেলে, উক্ত ঔষধ ২টী উচ্চ মাত্রায় ব্যবহার করা উচিত নহে। এরূপস্থলে নিম্নলিখিত ব্যবস্থানুযায়ী ঔষধ ব্যবহার করা ফলপ্রদঃ

Re

ম্যাগ্‌ সাল্‌ফ্‌	...	১/২ ড্রাম।
সোডি সাল্‌ফ্‌	...	১/২ ড্রাম।
একোমেস্‌ পিপ্‌	...	গ্রাড্‌ ১/২ আউন্স।

একত্রে ১ মাত্রা। এইরূপ ৮ মাত্রা মিশ্র প্রস্তুত করতঃ, এক এক মাত্রা ৩ ঘণ্টান্তর সেব্য।

উক্ত মিশ্রের সহিত এসিড সাল্‌ফ্‌ ডিল্‌ অথবা এসিড সাল্‌ফ্‌ এরোসেটিকও,



অনেক সময়ে উপযোগিতার সহিত ব্যবহৃত হয়। এতদর্থে নিম্নলিখিত ব্যবস্থা হইখানি বিশেষ উপযোগী—

## ১। Re


ম্যাগ্ সাল্ফ	..	১/২ ড্রাম।
সোডিসাল্ফ	...	১/২ ড্রাম।
এসিড সাল্ফ ডিল	...	১০ মিনিম।
একোয়া মেহুপিপ	...	গ্ৰাড ১ আউন্স।

একত্রে ১ মাত্রা প্রতিমাত্রা ৩৪ ঘণ্টান্তর সেব্য।

## ২। Re

ম্যাগ্ সাল্ফ	...	১/২ ড্রাম।
সোডি সাল্ফ	...	১/২ ড্রাম।
এসিড সাল্ফ ডিল	...	১০ মিনিম।
টীং ওপিয়াই	...	১/২ মিনিম।
একোয়া এনিথি	...	গ্ৰাড ১ আউন্স।

একত্র একমাত্রা। প্রতিমাত্রা ৩৪ ঘণ্টান্তর সেব্য।



অস্ত্রের উত্তেজনা ও শ্লেষ্মা নির্গমন রোধ করণার্থ সোডিয়াম বা ম্যাগনেসিয়া সাল্ফেট মিশ্রের সহিত টীং ও পিয়াই এবং এসিড সাল্ফ ডিল অথবা এসিড সাল্ফ এরোরেটিক ব্যবহার করা যায়। উদরে অত্যন্ত বেদনা এবং মল জলবৎ তরল নির্গত হইলেই ইহাদের সহিত টীং ওপিয়াই মিশ্রিত করিয়া লইবে, নতুবা টীং ওপিয়াই ব্যবহার করা উচিত নহে। ইহাতে সহসা সমস্ত শ্রাবণ ক্রিয়া স্থগিত হইয়া বিপদ হইতে পারে।

**ক্যাষ্টর-অয়েল্।**—ইহা এই পীড়ার অব্যর্থ ঔষধ না হইলেও, একটী কলপ্রদ ঔষধ। বিশেষতঃ, পীড়ার প্রথম অবস্থায় ইহা ব্যবহারে প্রায়ই পীড়া প্রবলাকার ধারণ করিতে পারে না এবং সহজেই পীড়া দমিত হয়।

শিশুদের রক্তমাশয় পীড়ার ইহা একটী উৎকৃষ্ট ঔষধ। শিশুদের রক্তমাশয় হইবার লক্ষণ প্রকাশ পাইবামাত্র, ক্যাষ্টর অয়েল ১—২ চা চামচ মাত্রায় (১—২ ড্রাম) অনতিবিলম্বে প্রয়োগ করিলে আশাতীত ফল পাওয়া যায়। এই মাত্রায় উপর্যুপরি ৩ দিন প্রত্যহ ১ মাত্রা করিয়া প্রয়োগ করিতে হয়। প্রতি জননীকেই যদি এই উপদেশ দেওয়া যায় যে, শিশুদের আশায় হইবার উপক্রম হইবামাত্র, উক্ত মাত্রায় ও উক্ত নিয়মে ২।৩ দিন ক্যাষ্টর অয়েল নিঃসঙ্কোচে দিতে হইবে, তাহা হইলে, বঙ্গদেশে আশায় রোগে শিশু-মৃত্যু সংখ্যা অনেক হ্রাস প্রাপ্ত হয়। পূর্ণ বয়স্কদিগকেও পীড়া প্রকাশের সঙ্গে সঙ্গে অথবা পীড়া প্রকাশ পাইবার উপক্রম হইবা মাত্র, পূর্ণ এক মাত্রা “ক্যাষ্টর-অয়েল” সেবন করাইলে বিশেষ উপকার হইয়া থাকে।

এমিবিবিক ডিসেন্টারীতেও ক্যাষ্টর অয়েল বিশেষ ফলপ্রদ। সুতরাং আণুবীক্ষণিক পরীক্ষা দ্বারা পীড়া নির্ণয় করা পর্যন্ত অপেক্ষা না করিয়া, অবিলম্বে ক্যাষ্টর অয়েল ব্যবস্থা করা উচিত। যদি রোগীকে ম্যাগ্‌ সাল্‌ফ্‌ দেওয়া না হইয়া থাকে, তাহা হইলে “ক্যাষ্টর-অয়েল ইমালসন্” ব্যবস্থা করা ভাল। ইহা সোডা বাইকার্ব, টিং ওপিয়াই অথবা বিসমাথ কার্ব বা স্যালিসিলেট সহ একত্রে ব্যবস্থা করা যায়। নিম্নলিখিত ব্যবস্থাপত্রগুলি উপযোগিতার সহিত ব্যবহৃত হইয়া থাকে।

## (১) Re.

অয়েল রিসিনি	...	১/২ ড্রাম।
শ্যালোল্	---	৫ গ্রেণ।
হেফামিন	...	১০ গ্রেণ।
মিউসিলেজ্ একেশিয়া	...	যথা প্রয়োজন।
একোয়া মেছপিপ্	..	অ্যাড্ ১ আউন্স।

একত্র ১ মাত্রা।

## (২) Re.

অয়েল রিসিনি	...	১/২ ড্রাম।
বিসমাথ্ সাল্‌ নাইট্রাস	...	১০ গ্রেণ।
মিউসিলেজ্ একেশিয়া	...	যথা প্রয়োজন।
এ. অব্ লিমোন	...	১০ মিনিম।
একোয়া অরেন্সাই ফ্লোরিস্	...	অ্যাড্ ১ আউন্স।

একত্র মিশ্রিত করিয়া ১ মাত্রা।

## (৩) Re.

অয়েল রিসিনি	...	১/২ ড্রাম।
সোডি বাইকার্ব	...	১০ গ্রেণ।
টিং ওপিয়াই	...	২ মিনিম।
মিউসিলেজ্ একেশিয়া	...	যথা প্রয়োজন।
একোয়া মেছপিপ্	...	অ্যাড্ ১ আউন্স।

একত্র মিশ্রিত করিয়া ১ মাত্রা।

অনেকে ১নং মিশ্রণের সহিত অল্প মাত্রায় টিং ক্যানাবিস্ ইণ্ডিসি মিশ্রিত করিয়া লইয়া থাকেন। উক্ত মিশ্রণের সহিত টিং ক্যানাবিস্ ইণ্ডিসি মিশ্রিত করিলে, মিশ্রণের নিয়মদেখে তলানি পড়ে এবং মিউসিলেজ্ ছ্যাক্ড়া ছ্যাক্ড়া খণ্ডাকার ধারণ করে। কিন্তু তথাপি ইহা একটা উপযোগী ঔষধ। ক্যানাবিস্ ইণ্ডিকা দ্বারা আক্বেপ এবং মলত্যাগ কালীন কুহম

উপশমিত এবং নাভির চারিদিকের বেদনাও ইহা দ্বারা নিবারিত হয়। উদরাময় বর্তমানে এতৎসহ কিঞ্চিৎ বিস্মাথ্ যোগ করিয়া লইলে বিশেষ উপকার হইয়া থাকে। এতদর্থে ২নং মিশ্রটীও বেশ ভাল। আবশ্যিক বোধে ৩নং মিশ্রটীর ন্যায় ২নং মিশ্রটীতেও কিঞ্চিৎ ওপিয়াম্ মিশ্রিত করিয়া লওয়া যায়। পীড়ার প্রথম কয়েক দিন ওপিয়াম্ ব্যবহার কর নিষিদ্ধ—কিছু রোগী অস্থির, অনিদ্রায়ুক্ত হইলে এবং ক্রমাগত মলত্যাগ করিলে—নিশ্চয়ই ওপিয়াম ব্যবহার করা উচিত, ইহাতে সুন্দর ফল পাওয়া যায়। এই সকল লক্ষণে—ওপিয়াম ব্যবহার করিতে দ্বিধা বোধ করা কর্তব্য নহে। রোগী সাধারণতঃ ক্যাষ্টর অয়েলের স্বাদ ও গন্ধ সহ করিতে পারে না, সেই জন্য বধাসম্ভব ক্যাষ্টর অয়েলের গন্ধ ও স্বাদ নষ্ট করিয়া ব্যবহার করিবে। এতদর্থে উহার ইমালশন্ই উপযুক্ত। এ্যালেন্ হ্যান্‌বারিজ ক্যাষ্টর অয়েল্ অথবা মর্টনস্ ক্যাষ্টর অয়েলই সর্ক্যাপেক্ষা বিগুণ ( Refined ) এবং আমরা এই দুই প্রকার ক্যাষ্টর অয়েল্ ব্যবহারেরই অধিক পক্ষপাতী। যদি রোগীর মেনিঞ্জাইটিসের লক্ষণ প্রকাশ পায় বা প্রকাশের আশঙ্কা হয়,—তাহা হইলে ১নং মিশ্রটী উপযোগী। একরূপস্থলে এতৎসহ ক্যানাবিস্ ইণ্ডিসি প্রয়োগ করা কর্তব্য নহে।

**বিস্মাথ্ ।**—ম্যাগ্ সাল্ফ মিশ্র প্রয়োগের পর বিস্মাথ্ ব্যবহারের আবশ্যক হইয়া থাকে। ইহা ব্যবহারে রোগীর অল্প দৌত হইয়া গেলে, অনেক সময়ে দেখা যায় যে, উদরাময় চলিতেই থাকে এবং রোগীর দেহ হইতে অথবা প্রচুর পরিমাণে জলীয় পদার্থ নষ্ট হইতে থাকে; এইরূপ স্থলে উপযুক্ত মাত্রায় বিস্মাথ্ প্রয়োগ করিলে উপকার পাওয়া যায়। কখন কখনও ইহা ১ ড্রাম মাত্রায় ব্যবহার করার আবশ্যক হইয়া থাকে। কখন কখন বিস্মাথ্ সহ অতি অল্প মাত্রায় ‘হাইড্রার্জ কাম্ ক্রীটা’ (গ্রে পাউডার) ব্যবহার করিলে অতি সুন্দর ফল হয়। বিশেষতঃ শিশুদের পীড়ায় ইহা উৎকৃষ্ট ফলদায়ক হইয়া থাকে। এতদর্থে:—

Re.

হাইড্রার্জ কাম্ ক্রীটা	...	১/৬ গ্রেণ।
বিস্মাথ্ সাবনাইট্ স্	...	৫ গ্রেণ।

একত্রে মিশ্রিত করতঃ ১ পুরিয়া। প্রতি পুরিয়া ৩ ঘণ্টাস্তর সেব্য। আবশ্যক হইলে আরও ঘন ঘন দেওয়া যায়। ইহা ২ বৎসরের শিশুর পক্ষে উপযুক্ত।

এই পীড়ায় বিস্মাথ্ সাব নাইট্‌স্ অতি সুন্দর ঔষধ। কিন্তু অনেক চিকিৎসক ইহার পরিবর্তে বিস্মাথ্ বেটা ন্যাফথোলেন্ট্ (অরফল্) ব্যবহার করিয়া থাকেন।

**ওপিয়াম্ ।**—অনেক সময়ে পীড়ার অবস্থাসম্মত অধিকেন ব্যবহার করার আবশ্যক হইয়া থাকে। এতদর্থে ইহা একায়েক অথবা বিস্মাথ্, ক্যাষ্টর অয়েল কিংবা ম্যাগ্ সাল্ফ সহ একত্রে ব্যবহার করার আবশ্যক হইয়া থাকে। উপযুক্ত মাত্রায়, বিবেচনার সহিত ইহা ব্যবহার করিলে ইহাতে সুন্দর ফল পাওয়া যায়। যদি রোগী অত্যন্ত অস্থির

হর, পুনঃ পুনঃ মলত্যাগ অল্প বিশ্রাম ও নিস্তার ব্যাঘাত হর, তাহা হইলে ওপিয়াম ব্যবহার ফলপ্রদ । বিশেষ বিবেচনার সহিত ইহা ব্যবস্থা করিবে । নতুবা রোগীর বিষাক্ততার লক্ষণ, উদরাগ্নান, এবং অর ইত্যাদি প্রকাশ পাইয়া থাকে । নিম্নলিখিতরূপে ইহা ব্যবস্থা করা যায় ।

১। Re.

বিস্মাথ্ সাব্‌নাইট্রাস্	...	১০ গ্রেণ ।
পাল্ড্ ইপিকাক কোঃ	...	৫ গ্রেণ ।
শ্যালোল	...	৫ গ্রেণ ।

একত্রে ১ পুরিয়া ।

২। Re.

টাং ওপিয়াই	...	৫ মিনিম ।
একোয়া এনিথি	...	এ্যাড ১ আউন্স ।

একত্রে মিশ্র ১ মাত্রা ।

৩। Re.

পাল্ড্ কাইনো কোঃ	...	১০ গ্রেণ ।
বিস্মাথ্ শ্যালিসিলাস্	...	১০ গ্রেণ ।

একত্রে ১ পুরিয়া ।

৪। Re.

পিল্ প্লাসাই কাম্ ওপিয়ো	...	১—২ গ্রেণ ।
--------------------------	-----	-------------

১ মাত্রা ।

৫। Re.

ম্যাগ্ সাল্ফ	...	১ ড্রাম ।
টাং ওপিয়াই	....	৩ মিনিম ।
এসিড সাল্ফ ডিল	}	১০ মিনিম ।
কিছা—		
এসিড সাল্ফ এরোমেট্	...	২০ মিনিম ।
একোয়া মেটপিপ	...	এ্যাড ১ আউন্স ।

একত্রে ১ মাত্রা ।

উল্লিখিত ব্যবস্থাপত্রের বে কোনওটা অবস্থানুযায়ী ব্যবহার্য্য । রোগের আতিশয্য অনুযায়ী দিবসে ৩ঃ বার বা ততোধিক বার প্রযোজ্য ।

**সুচির্চি**।—এমিষিক ডিসেন্টারীতে কুর্চির কাথ বিশেষ ফলপ্রদ ; কিন্তু ব্যাসিলারী ডিসেন্টারীতে ইহা ততটা ফলপ্রদ নহে । তবে মিশ্রিত পীড়ায় ( এমিষিক ও ব্যাসিলারী )

কুর্চির কাথ ব্যবহারে সফল পাওয়া গিয়াছে। অনেকে এতদর্থে একট্রাষ্ট কার্ট লিকুইড ব্যবস্থা করেন।

**কেওলিন**।—অল্পমধ্যে সঞ্চিত বিষ সমূহ শোধিত হইবার জন্ত কেওলিন (Kaoli) উপযোগিতার সহিত ব্যবহৃত হয়। রোগীর 'কোমা' অবস্থা উপস্থিত হইলে নিম্নলিখিত ব্যবস্থা পত্রখানি বিশেষ ফলপ্রদ :—

Re

কেওলিন	..	১৫ গ্রেণ।
কার্বো এনিমেলিস্	...	১৫ গ্রেণ।

একত্র ১ মাত্রা। ১ ঘণ্টাস্তর ১ পুরিয়া করিয়া সেব্য।

**ষ্টোভাসোল্**।—এই পীড়ায় ইহা ৪ গ্রেণ মাত্রায়, ৫—১০ আউন্স জল সহ সেবনে বিশেষ সফল পাওয়া যায়। পীড়ার তরুণ অবস্থা অন্তর্হিত হইবার পর ইহা ব্যবহারে সত্ত্ব ফল পাইবার আশা করা যায়।

জংক্রিয়া স্থগিত হইবার উপক্রমে নর্মাল স্ট্রালাইন সলিউসন (১ পাইণ্টে ৮০ গ্রেণ) স্বক্ নিয়ে ইঞ্জেকসন দিবার আবশ্যক হইতে পারে। এড্রিনালিন ক্লোরাইড সলিউসন ১/২ সি. সি, ইঞ্জেকসন দেওয়া যায়, ইহাতে অন্তের অত্যধিক কৃমিগতি হ্রাস হয় এবং ইহা ভ্যাসোমোটর উত্তেজক হইয়া কার্য করে।

ক্যাফিন ৭ ১/২ গ্রেণ, সোডিঃ বেঞ্জোয়েট ৭ ১/২ গ্রেণ কিম্বা ক্যাফর ৩ গ্রেণ, (২০ মিঃ অলিভ অয়েল মধ্যে) ইঞ্জেকসন করা যাইতে পারে। শিরাপথে গ্লুকোজ্ এবং ক্যালশিয়াম ক্লোরাইডও ইঞ্জেকসন দিতে পারা যায়। ২০—৫০% গ্লুকোজ্ কিম্বা ক্যালশিয়াম ক্লোরাইড ৫—১০% সলিউসন শিরা পথে প্রয়োগ করা চলে। ট্রোফাছিন-১ ১/২ গ্রেণ, এট্রোপিন ১/১০ গ্রেণ ইঞ্জেকসন করা যায়। এইরূপস্থলে পারতঃ ট্রীকনাইন্ ও পিটুইট্রীন্ ব্যবস্থা করা উচিত নহে—ইহাতে অন্তের কৃমিগত উত্তেজনা হয়। তবে জংক্রিয়া লোপ হইবার উপক্রমে বিশেষ আবশ্যক হইলে ইহা প্রয়োগ করিতে হয়।

**ক্রেসোল**—(cre ol)—লেঃ কর্নেল পামার মহাশয় ব্যাসিলারী ডিসেন্টারী রোগের মহামারীতে “ক্রেসোল” দ্বারা চিকিৎসা করিয়া বিশেষ সফল পাইয়াছেন বলিয়া ‘ইণ্ডিয়ান মেডিক্যাল গেজেটে’ মত প্রকাশ করিয়াছেন। ডুয়ার্শে-চা’ বাগান সমূহেও এই ঔষধের উপকারীতা পরীক্ষিত হইয়াছে।

১ আউন্স জল সহ ১ মিনিম্ ক্রেসোল মিশ্রিত করিয়া এক মাত্রা প্রস্তুত করিবে। এইরূপ দিবলে ৩ মাত্রা সেব্য। অধিকাংশ রোগীরই ৬ মাত্রা অর্থাৎ ২ দিন ঔষধ-সেবনের পরই, অবস্থার বিশেষ হিত পরিবর্তন লক্ষিত হয়। ইহাতে মলত্যাগের পরিমাণ বারে কমিয়া আসে, মলের রং হরিদ্রা বর্ণ ধারণ করে এবং বেদনা ও অ্যাম নিঃসরণ বন্ধ হয়। ৩য় দিনে ৩ মাত্রা

ঔষধ সেবনের পরই অত্যাশ্রয় সমস্ত লক্ষণ অন্তর্হিত হয়। পীড়ার প্রাথমিক অবস্থায় ইহা অতি উৎকৃষ্ট ঔষধ।

রোগীর পানীয় জলে ক্লোরোজেন সংযোগ করিয়া বিশোধিত করতঃ, পান করিতে দেওয়া উচিত এবং মস্কিকাদি বিতাদিত করিবার উদ্দেশ্যে গৃহের চতুর্দিকে ব্লিচিং পাউডার ছড়ান উচিত।

**ইয়াট্রিন।** (yatren 105)—অধুনা এই নূতন ঔষধটি উভয় প্রকার আমাশয় রোগেই বিশেষ উপযোগিতার সহিত ব্যবহৃত হইতেছে। ইহা ব্যাসিলারী ও এমিবিিক ডিসেন্টারী, উভয় রোগেই সমান ফলপ্রদ। ইয়াট্রিনের ১০৫ নং পিল (৪ গ্রেণ) দিবসে ৩.৪ বার সেবন এবং বিস্তৃত ইয়াট্রিন পাউডারের ৩% সলিউশন (২০-৪০ সি এম্) সরলান্ত্র পথে দিনে ১ বার প্রয়োজ্য। রেক্টাল ইন্জেকশন দিবার পূর্বে সোডি বাইকার্বের ২% সলিউশন সরলান্ত্র মধ্যে ইন্জেকশন দেওয়া কর্তব্য। যে সকল শিশুকে পিল খাওয়ান যায় না, তাহাদিগকে ইয়াট্রিন ১০৫ নং পাউডার ব্যবস্থা করিবে এবং ইয়াট্রিন সলিউশন রেক্টাল ইন্জেকশন দিবে। রবার ক্যাথিটার সাহায্যে এই রেক্টাল ইন্জেকশন অতি ধীরে ধীরে দিবে।

সাধারণতঃ রোগী ৩—৪৫ গ্রেণ পর্যন্ত ইয়াট্রিন প্রত্যহ বেশ সহ্য করিতে পারে। ইহা ব্যবহারের ৩য় দিবস হইতেই ফল দেখা যায়। কিন্তু ইহা ১৫—২০ দিবস পর্যন্ত ব্যবহার করা উচিত। প্রত্যহ ১২ গ্রেণ ইয়াট্রিন দেওয়া কর্তব্য। ১০ম দিবসের পর রেক্টাল ইন্জেকশন আর দেওয়ার দরকার হয় না। এইরূপে ১০।১২ দিন পর্যন্ত চিকিৎসা না করিলে পীড়ার পুনরাক্রমণের সম্ভাবনা থাকে।

এই ঔষধ উভয় শ্রেণীর পীড়াতেই সমান ফলপ্রদ বলিয়া ব্যাসিলারী ডিসেন্টারী রোগে ইহা নিরাপদে ব্যবহার করা যায় এবং অনেকে ইহাকে এই রোগের উৎকৃষ্ট ঔষধ বলিয়া স্বীকার করেন।

**এন্টি-ডিসেন্ট্রীক সিরাম।**—পূর্বে ব্যাসিলারী ডিসেন্টারীর চিকিৎসায় কোনও ঔষধেই বিশেষ কোন ফল পাওয়া যাইত না, একমাত্র এন্টি-ডিসেন্ট্রীক সিরামই উপযোগিতার সহিত ব্যবহৃত হইত; কিন্তু ইহা অব্যর্থ ঔষধ নহে। এমন কি, ইহা দ্বারা বিশেষ সুফলও আশা করা যায় না। যখন এ রোগের বিশেষ কোনও ফলপ্রদ ঔষধ আবিষ্কৃত হয় নাই, তখন এন্টি-ডিসেন্ট্রীক সিরামই এ রোগের প্রধান ঔষধ ছিল। গবেষণা ও পরীক্ষা দ্বারা জানা গিয়াছে যে, এরোগে এই সিরাম ইন্জেকশনে অতি সামান্যই ফল হইয়া থাকে।

**ফ্লেক্সনার জীবাণু-উৎপাদিত পীড়া।**—এই শ্রেণীর পীড়ার ফ্লেক্সনার সিরাম এবং পলিড্যালেন্ট সিরাম দ্বারা চিকিৎসা করিলে সুফল পাওয়া যায়। অনেকের মতে, বাজারে যে পলিড্যালেন্ট সিরাম বিক্রয় হয় তাহাই বিশেষ ফলপ্রদ। কিন্তু এই পলিড্যালেন্ট



সিরাম সর্বত্র সমান সফলদায়ক না হইলেও, ইহাতে কোনও মন্দ ফল আনয়ন করে না। এই সিরাম সাধারণতঃ ২৫ সি, সি, মাত্রায় ইঞ্জেকসন করা যায়। একবার ইঞ্জেকসনের পরেও যদি জ্বরীয় উত্তাপ অধিকই থাকে, তাহা হইলে ২য় বা ৩য় দিবসে, দ্বিতীয় মাত্রা ইঞ্জেকসন করা যায়। পূর্কোক্ত ম্যাগনেসিয়াম বা সোডিয়াম সাল্ফেট মিশ্রের ঞায় এই সিরাম চিকিৎসা উৎকৃষ্ট নহে—এমন কি, তাহার পরিবর্তেও ইহা ব্যবহার করা চলে না। তবে সাল্ফেট মিশ্রের সঙ্গে সঙ্গে ইহা ব্যবহার করিলে সফল পাওয়ার আশা করা যায়।

সিরাম চিকিৎসা করিতে হইলে, প্রথমে রোগীর মল পরীক্ষা করতঃ কোন্ শ্রেণীর জীবাণু কর্তৃক পীড়া উৎপাদিত হইয়াছে—তাহা নির্ণয় করা কর্তব্য। অতঃপর সেই শ্রেণীর জীবাণু বধিত সিরাম দ্বারা চিকিৎসা করিলে সফল আশা করা যায়। তবে পলিভ্যালেন্ট এন্টি-ডিসেন্ট্রীক সিরাম সকল অবস্থাতেই ইঞ্জেকসন করা যায়—ইহাতে সফল না হইলেও কুফল হয় না।

**ভ্যাক্সিন।**—কোন কোনও জীবাণু-তত্ত্ব-বিদ এতদেশে এই রোগের চিকিৎসায় ভ্যাক্সিন ব্যবহার করিয়া বিশেষ ফল পাইয়াছেন বলিয়া, মত প্রকাশ করিয়াছেন। আমরা কিন্তু এই মত সাদরে গ্রহণ করিতে প্রস্তুত নহি। পরীক্ষা দ্বারা দেখা গিয়াছে যে, তরুণ পীড়ায় এই ভ্যাক্সিন অল্পপযুক্ত এবং ইহাতে প্রায়ই কোন ফল হয় না। এই পীড়া নানাবিধ জীবাণু কর্তৃক উৎপাদিত হয় বলিয়া, ঠিক কোন্ শ্রেণীর জীবাণু এই পীড়ার কারণ, তাহা ঠিক করা যায় না। সুতরাং এই ভ্যাক্সিন ব্যবহারে সফল অপেক্ষা কুফল হইবারই অধিক সম্ভাবনা। তবে চারিদিকে পীড়া বহুব্যাপকরূপে প্রকাশ পাইলে, প্রতিষেধক রূপে ইহা ব্যবহার করা চলে। এতদর্থে ইহা প্রথমে অর্ধ মিলিয়ন হইতে এক মিলিয়ন ইঞ্জেকসন করিবে। ইহাতে স্থানিক ও সর্বাঙ্গীক প্রতিক্রিয়া দেখা যায়। ৩য় বা ৪র্থ দিবসে পুনরায় দ্বিগুণ শক্তির ভ্যাক্সিন ইঞ্জেকসন করিবে। এই ইঞ্জেকসনের পর রোগ প্রতিরোধ শক্তি ২।৩ মাস পর্যন্ত থাকে। সুতরাং পীড়া বহুব্যাপকরূপে প্রকাশ পাইলে ইহার ইঞ্জেকসন ফলপ্রদ।

**অস্ত্র-শোভি**—পীড়ার অতি প্রারম্ভে প্রথম ২৪—৪৮ ঘণ্টার মধ্যে নিম্নোক্ত কোনও কিছু প্রয়োগ করিবে না। কারণ, এই সময়ে অস্ত্র অত্যন্ত রক্তাধিক্যপ্রাপ্ত এবং প্রদাহিত থাকে। সুতরাং সরলান্ত্র পথে কোনও কিছু প্রয়োগ করা অনুচিত। কিন্তু পীড়ার প্রথম দিনে নর্মাল স্ত্রালাইন্ সলিউসন দ্বারা নিম্নান্ত্র ধোত করিয়া দিলে উপকার হইয়া থাকে। ইহা যে কেবল অনুত্তেজক তাহা নহে, পরন্তু ইহা অতিশয় স্নিগ্ধকারক। তরুণ সংক্রমণে পীড়ার প্রথম দিনেই ইহা ব্যবহার্য। প্রায় ১ পাইন্ট নর্মাল স্ত্রালাইন্ সলিউসন ( ১ পাইন্টে ৮০ গ্রেণ ) প্রয়োগ করা যায় এবং এইরূপে প্রতি ৪ বা ৬ ঘণ্টান্তর অস্ত্র ধোত করিয়া দেওয়া কর্তব্য। কখন কখন এই সলিউসন দ্বারা অস্ত্রধোত করিবার পর, কতক পরিমাণে এই সলিউসন অস্ত্র মধ্যে রাখিয়া দিলে, উহা ক্রমশঃ শোষিত হইয়া, টাঁক সমূহের ক্ষয়প্রাপ্ত তরল পদার্থের পুনঃ পূরণ করে।

অন্ত্র-ধৌতার্থ বোরিক এসিড্ সলিউশন (১ আউন্সে ১০ গ্রেণ , কুইনাইন হাইড্রোক্লোরাইড্ সলিউশন (১ আউন্সে ১/২ - ১ গ্রেণ), ক্রিয়োলিন সলিউশন (১/৪ , লাইজল সলিউশন (১%), মিথিলিন ব্লু সলিউশন ( ১ : ৫০০০ ), করোসিভ্ সাব্ লিমেট সলিউশন ( ১ : ১০,০০০ ), থাইয়ল সলিউশন ( ১ : ৫০০ ), ট্যানিক্ এসিড্ সলিউশন ( ১/৪ বা ১/২ % ), ইত্যাদির দ্রবও ব্যবহৃত হইয়া থাকে। কিন্তু বিনা উত্তেজনায় অন্ত্রধৌতার্থ নর্মাল স্ত্রালাইন্ সলিউশনই বিশেষ উপযোগী।

রোগী যখন পুনঃ পুনঃ মলত্যাগ করে, তখন রোগীর নিয়ন্ত্রণের উত্তেজনা দমন করিবার চেষ্টা করা বিশেষ আবশ্যিক। ১—৩ আউন্স ষ্টার্চ সলিউশন সহ ৫—১৫ মিনিম্ টীং ওপিয়াই মিশ্রিত করিয়া সরলান্ত্র পথে ইঞ্জেকশন ( Rectal Injection ) দিলে প্রায়ই উদরের বেদনার উপশম হয় ও প্রদাহিত অন্ত্র বিশ্রাম পায়। সিল্ভার নাইট্রেটের ডিসেন্টারী জীবাণু ধ্বংস করিবার সর্বাপেক্ষা অধিক ক্ষমতা আছে। কিন্তু এতদ্বারা অন্ত্রের উত্তেজনা উপস্থিত হয়। এমন কি, ২/৫ ১/২ গ্রেণ সিল্ভার নাইট্রেট এক আউন্স জলে দ্রব করিয়া, সরলান্ত্র পথে প্রয়োগেও অত্যধিক উত্তেজনা উপস্থিত হইতে দেখা যায়। পীড়ার প্রথম ২১৩ দিন, যখন তরুণ লক্ষণাবলী বর্তমান থাকে, তখন ইহা কোনও মতেই ব্যবহার করা উচিত নহে। পীড়ার তরুণ লক্ষণগুলি কঙ্কক পরিমাণে হ্রাস পাইলে এবং ২১৩ দিন পরে যদি সিল্ভার নাইট্রেট সলিউশন ইঞ্জেকশন দিবার একত্বই আবশ্যিক হয়, তাহা হইলে প্রথমে নর্মাল স্ত্রালাইন্ সলিউশন দ্বারা অন্ত্রধৌত করিবে; অতঃপর সিল্ভার নাইট্রেট সলিউশন ৪—৬ আউন্স ( ১ আউন্সে ১/৪ গ্রেণ ) সরলান্ত্র পথে প্রয়োজ্য। ইহার অর্ধঘণ্টা পরে পুনরায় নর্মাল স্ত্রালাইন্ সলিউশন দ্বারা অন্ত্রধৌত করিয়া দিবে। ইহাতে সিল্ভার নাইট্রেট জনিত আন্ত্রিক উত্তেজনার অনেক হ্রাস হয়, অথচ ডিসেন্টারী জীবাণু সমূহ ধ্বংস প্রাপ্ত হইয়া থাকে।

অন্ত্র-ধৌতার্থ—সিল্ভারের অস্ত্রান্ত্র প্রয়োগরূপগুলিও উপযোগিতার সহিত ব্যবহৃত হয়। সার লিওনার্ড রজাস্ এ্যালবারজিন ( Albargin ) ( ১/২% ) সলিউশন দ্বারা অন্ত্র ধৌতি বিশেষ ফলপ্রসূ বলেন। আরজিরোল সলিউশন ( ১ আউন্সে, ৫—১০ গ্রেণ ), এবং প্রোটোরগল্ সলিউশন ও ( ১ আউন্সে ২—৫ গ্রেণ ) নিরাপদে ব্যবহার করা যায়। সিল্ভারের এই প্রয়োগরূপ সমূহ ব্যবহারের উপযোগিতা এই যে, ইহারা সিল্ভার নাইট্রেটের স্থায় অন্ত্রমধ্যে উত্তেজনা উপস্থিত করে না। কিন্তু যদিও সিল্ভারের এই সকল প্রয়োগরূপ দ্বারা আন্ত্রিক উত্তেজনা উপস্থিত হয় না, তথাপি ইহাদের দ্বারা অন্ত্র ধৌত করার পূর্বে ও পরে নর্মাল স্ত্রালাইন্ সলিউশন দ্বারা অন্ত্রধৌত করিয়া দিবে। ইহাতে সিল্ভারের যে দাহক ক্রিয়া ( উহা যত ক্ষীণই হউক না কেন অন্ত্রের পক্ষে অপকারী ) তাহা অন্ত্রমধ্যে সঞ্চিত হইয়া অপকার করিতে পারে না।

অনেক সময়ে দেখা যায় যে, সিল্ভারের বর্তই ক্ষীণ প্রয়োগরূপের অমুত্তেজক সলিউশন

দ্বারা অল্পদৌত করা যাউক না কেন, অল্প দৌতের পর ১ বা ২ ডিগ্রী উত্তাপ বৃদ্ধি হইয়া থাকে। উহা দ্বারা অল্পমধ্যে যে উত্তেজনা উপস্থিত হয়, তাহার ফলেই এই উত্তাপ বৃদ্ধি হইয়া থাকে।

**সাপোজিটারী**—অল্পের উত্তেজনা নিবারণার্থ অনেক সময়ে ওপিয়াম, কিম্বা মেড ও ওপিয়াম, অথবা একট্রাক্ট বেলেডোনা এবং ওপিয়াম এর সাপোজিটারী ব্যবহার করার আশঙ্ক্য হইয়া থাকে। বেলেডোনা এবং ওপিয়ামের সাপোজিটারীই সর্বাপেক্ষা নিরাপত্ত। এতদর্থে নিম্নলিখিত ব্যবস্থা পত্রখানি উৎকৃষ্ট :—

Re.

একট্রাক্ট ওপিয়াম	...	১/৩ গ্রেণ,
একট্রাক্ট বেলেডোনা	...	১/৩ গ্রেণ,
ক্যাকোয়া বাটার	...	যথা প্রয়োজন।

একত্র মিশ্রিত করিয়া ১টা সাপোজিটারী প্রস্তুত করিবে।

### উপসর্গের চিকিৎসা।

**অত্যন্ত সাংঘাতিক উপসর্গ সমূহ**—ক্রমাগত বৃদ্ধিপ্রাপ্ত এম্বেনিয়া, হংক্রিমার ব্যাঘাত, মেনিঞ্জাইটিস্ এবং এসিডিমিয়া। কদাচিৎ অল্প-ছিদ্র এবং অল্প হইতে রক্তস্রাব।

ডাঃ ম্যান্সন্ এবং আরও কতিপয় চিকিৎসক বলেন যে, “এই রোগে কখনো কখনো উপসর্গরূপে ‘বাত’ উপস্থিত হইতে দেখা যায়। বড় বড় সন্ধি সমূহ আক্রান্ত হইয়া উহার ক্ষীণ হয়।” আমরা কিন্তু ব্যাসিলারী ডিসেন্টারীতে উপসর্গরূপে ‘বাত’ প্রকাশ পাইতে দেখি নাই। যাহা হউক ইহা উপস্থিত হইলে ইহার চিকিৎসা লক্ষণানুযায়ী হওয়া উচিত এবং তৎসহ এন্টিডিসেপ্টিক সিরাম ইঞ্জেকসন দিবে। আক্রান্ত সন্ধি সমূহ স্ট্রটস্ অয়েন্টমেন্ট দ্বারা স্থাপন করিয়া দিবে এবং আভ্যন্তরিক স্থালোল ও হেক্সামিন্ ব্যবস্থা করিবে। মাঝে মাঝে মাগ সালফও দেওয়া উচিত।

এতদর্থে—

Re.

ম্যালোল	...	১০ গ্রেণ।
হেক্সামিন্	...	১০ গ্রেণ।

একত্রে ১ পুরিয়া। প্রচুর পরিমাণে জলসহ দিবসে ৩ বার সেব্য।

**ক্রমবর্দ্ধিত এম্বেনিয়া** (সার্কানিক অবসাদ বা দৌর্বল্য)—এই রোগের ইহা একটা বিশেষ মন্দ উপসর্গ। ইহাতেই বহু মোগী মৃত্যুবরণে পতিত হয়। এইরূপ অবস্থায় প্রচুর পরিমাণে পুনঃ পুনঃ জল পান, সরলান্ন পথে জল ইন্জেকসন এবং আন্তর্ক

আঃ কাঃ—৩

বোধে স্বক নিয়মে জল ইন্জেক্সন করা যায়। ইহাই এই উপসর্গের সর্বোৎকৃষ্ট চিকিৎসা। এই সঙ্গে উপযুক্ত পথ্যও ব্যবস্থা করা কর্তব্য। পথ্য সম্বন্ধে পরে বলা হইবে। ১/২—২ ড্রাম মাত্রায় ত্রাণী পান করান উপকারক। হৃৎক্রিয়া স্থগিত হইবার আশঙ্কায় গ্লুকোজের ৬—৩০—% সলিউশন শিরাপথে প্রয়োগ করা উচিত। হৃৎপিণ্ডের শক্তি বর্ধিত এবং বৈধ-নিক পরিপোষণের অভাব পরিপূরিত হয়। আবশ্যিক বোধে ট্রোফাইন্স ১/২০০ গ্রেণ মাত্রায় ইন্জেক্সন করা যায়—কিন্তু ইহা ঘন ঘন প্রয়োগ করা অসুচিত, তাহাতে প্রদাহিত অন্ন আরও প্রদাহগ্রস্ত হয়। ডাঃ হেয়ার ও আরও অনেক চিকিৎসক এই অবস্থায় ২—৩ গ্রেণ ক্যাফর ২০ মিনিম অলিভ অয়েলে দ্রব করতঃ ইন্জেক্সন দিতে উপদেশ দেন। ইহা বিশেষ ফলপ্রদ। ক্যাফিন ও সোডিও বেঞ্জোয়েট (প্রত্যেকে ৭ ৩/৪ গ্রেণ) ইন্জেক্সন করিলে সফল পাওয়া যায়। এড্রিনালিন ক্লোরাইড সলিউশন (১ : ১০০০)— ১/২—১ সি, সি, মাত্রায় ইন্জেক্সন সফলদায়ক।

**মেনিঞ্জাইটিস্।** মেনিঞ্জাইটিস্ উপসর্গে এন্টিডিসেপ্টিক্ সিরাম এবং হেক্সামিন সেবন (১০ গ্রেণ মাত্রায় দিবসে ৩ বার) ফলপ্রদ। কিঙ্কিং অলিভ অয়েল অথবা লেনোলিন্ সহ অয়েল হাইড্রাজ্জ্ মিশ্রিত করতঃ, রোগীর কপালে এবং ম্যাষ্টয়েড্ প্রদেশে মর্দন করিলে উপকার হয়। সাধারণতঃ মেনিঞ্জাইটিস্ উপসর্গ প্রায় ১ সপ্তাহ পর্যন্ত বর্তমান থাকে। যদি আনুষঙ্গিক এন্সেফালা দমিত হয়, তাহা হইলে প্রায়ই ইহা আরোগ্য হইয়া থাকে।

**এসিডিমিয়া—।** এই রোগে এসিডিমিয়া—অত্যন্ত সাংঘাতিক উপসর্গ। ইহাতে রোগী অবসন্ন এবং ঔদাস্য যুক্ত ও ক্রমশঃ নিদ্রালু ভাবাপন্ন এবং কোম্বা অবস্থা প্রাপ্ত হয়। এই উপসর্গে রক্তাসের হাইপোটনিক্ সলিউশনের স্থায় সোডা বাইকার্ব্ দ্রব শিরাপথে প্রয়োগ উপকারী। এতদর্থে নিম্নলিখিত দ্রবটি উপযোগী :—

Re.

সোডা বাইকার্ব্	...	১৬০ গ্রেণ ।
সোডিয়াম্ ক্লোরাইড্	...	৬০ গ্রেণ, ।
পরিষ্কৃত জল	...	১ পাইন্ট ।

একত্রে দ্রব করতঃ শিরাপথে প্রয়োগ্য ।

সোডা বাইকার্ব্‌র ৪% সলিউশনও উপযোগিতার সহিত ব্যবহৃত হয়। ডাঃ জোস্‌লিনের মতে, ফলের রস দ্বারা এসিডিমিয়ার চিকিৎসা করিলে সফর উহা উপশমিত হয়। ম্যালাইন্ সলিউশন সরলান্ন পথে প্রয়োগ করা যায়। সোডা বাইকার্ব্ সলিউশন সরলান্ন পথে প্রয়োগ করা অসুচিত, ইহাতে প্রদাহিত অন্ন আরও প্রদাহগ্রস্ত হয়। সামান্য প্রকারের এসিডিমিয়ার ফলের রস সেবন করিলে সুন্দর ফল পাওয়া যায়। এতৎসহ নিম্নলিখিত

স্যালাইন সলিউশন দ্বারা ধোত করিয়া দিবে. ও মুখপথে সোডা বাইকার্ব ব্যবহার করিতে দিবে। এতদর্থে—

Re.

সোডা বাইকার্ব	...	১০ গ্রেণ ।
স্পিরিট্ এমন্ এরোমেট্	...	১৫ মিনিম ।
একোয়া এনিথি	...	গ্র্যাড ৫ আউন্স ।

সোডা বাইকার্ব অধিক মাত্রায় ব্যবহার করা উচিত নহে। অধিক মাত্রায় স্পিরিট্ এমন্ এরোমেট্ ব্যবহারে পাকায় উত্তেজিত এবং বিবিম্বা উপস্থিত হইতে পারে।

রোগীকে পুনঃ পুনঃ স্নান করান ভাল। প্রচুর জলপান করিতে দেওয়া, এবং সরলান্ত্র পথে ও আবশ্যক হইলে শিরাপথে বা ডক্ নিয়ে জল ইঞ্জেকসন করা হয়। অতিরিক্ত মাত্রায় ম্যাগ সাল্ফ ব্যবহার কর্ত্ত এসিডিমিয়া উপস্থিত হইলে ক্যালসিয়াম ক্লোরাইড (১০% সলিউশন) ৩—৪ সি,সি, শিরাপথে ইঞ্জেকসন দিলে উপকার হয়।

অন্ত্র ছিদ্র এবং অন্ত্র হইতে রক্তস্রাব হইলে ১০% ক্যালসিয়াম ক্লোরাইড সলিউশন ২০—৩০ সি, সি, মাত্রায় শিরাপথে ইঞ্জেকসন দিলে উপকার হয়। এতদসহ পিন্ প্লাস্কাই কাম্ ওপিয়াই ১—২ গ্রেণ মাত্রায় বিস্মাথ এবং অয়েল টেরিবিছ্ সহ প্রয়োগ উপকারক। এতদর্থে নিম্নলিখিত ব্যবস্থা উপযোগী।

Re.

বিস্মাথ সাব্ নাইট্রাস্	..	১০ গ্রেণ ।
অয়েল্ টেরিবিছ্	...	১০ মিনিম ।
মিউসিলেজ একেশিয়া	...	যথা প্রয়োজন ।
একোয়া মেছপিপ	...	গ্র্যাড ১ আউন্স ।

একত্র মিশ্রিত করিয়া ১ মাত্রা। প্রতি মাত্রা ৩৪ ঘণ্টান্তর সেব্য।

অন্ত্রে ছিদ্র হইলে ১০ মিনিম মাত্রায় টিং বেলেডোনা ব্যবস্থা করিবে এবং বেদনার মত ১০ গ্রেণ মাত্রায় ক্লোরেটোন্ সেবন অথবা ৩০ গ্রেণ ক্লোরেটোন্ ৬০ মিনিম অলিত অয়েল সহ মিশ্রিত করতঃ সরলান্ত্র পথে প্রয়োগ করিবে।

পুরাতন ব্যাসিলারী ডিসেন্টারী, পুরাতন এমিবিঙ্ ডিসেন্টারী অপেক্ষা অনেক কম-দেখা যায়। পুরাতন পীড়াতেও তরুণ পীড়ার মতই চিকিৎসা অবলম্বনীয়। যথা:—ম্যাগ সাল্ফ, ক্যাষ্টর অয়েল ইমাল্শন, এন্টি ডিসেপ্টিক্ সিরাম, সিল্ভার-প্রয়োগরূপের সলিউশন দ্বারা অন্ত্র ধোত ইত্যাদি। সিল্ভারের প্রয়োগরূপ সলিউশন দ্বারা অন্ত্র ধোত করা, পুরাতন পীড়ায় একটা উৎকৃষ্ট চিকিৎসা।

পথ্য।—টাট্কা দধির যোল এই রোগের একটা উৎকৃষ্ট পথ্য। লেবুর রস দ্বারা ছানা কাটিয়া, সেই ছানার জলও একটা সুন্দর পথ্য। কারণ, ইহাতে প্রচুর পরিমাণে ল্যাকটিক্ অ্যাসিড আছে।

পথ্যার্থ এলবুমেন্ ওয়াটারও ব্যবস্থা করা যায়। বিশোধিত জলসহ মুর্গীর ডিমের খেতাংশ ৪ আউন্স আলোড়িত করতঃ উ.াতে কিঙ্কিৎ এসেন্স অব লিমোন মিশাইয়া সুগন্ধ করিবে ও তৎসহ ইচ্ছানুযায়ী লবণ মিশাইয়া পান করিতে দিবে। ফলের রস, নেবুর রস ও লবণ সহ বালি ওয়াটারও ভাল পথ্য। প্ল্যাজমন্ এরোকটও ব্যবস্থা করা যায়। বিবমিষা বৃদ্ধি না পাইলে ১০—৩০ মিনিষ মাত্রায় ত্র্যাণ্ডি'সেবন করা যায় এবং ইহা প্রায়ই আবশ্যক হয়। রোগী কোনও পথ্য গ্রহণ না করিলে ও অত্যন্ত অবসন্ন হইলেই ইহা ব্যবহার্য। বেলের সরবৎ ভাল পথ্য, কিন্তু পীড়ার তরুণ অবস্থায় ইহা ব্যবহার করিবে না। অপক বেল পোড়াইয়া তাহার সরবৎ ব্যবহার্য। রোগী আরোগ্যোন্মুখ হইলে ইশপগুলের সরবৎ ভাল পথ্য। অল্প পরিমাণে দুগ্ধ, প্রচুর পরিমাণে বালীর জল এবং কিঙ্কিৎ চূণের জল সহ সেবনের ব্যবস্থা করা যায়। দুগ্ধ সহ না হইলে উহা পেপ্টোনাইজ্ ড করিয়া দেওয়া কর্তব্য। জগম্প, চিকেন ত্রথ ইত্যাদি ব্যবস্থা করা যায়।

### পরিশিষ্ট

#### ব্যাসিলারী ডিসেন্টারী নির্ণয়ের সহজ উপায় :-

ডিসেন্টারী রোগী পাইবা মাত্র তাহাকে ১/২ গ্রেণ পরিমাণে এমিটিন ২।১টী ইন্জেক্সন দিবে। রোগ যদি এমিবিিক ডিসেন্টারী হয়, তাহা হইলে এমিটিন ইন্জেক্সন দিবার পরই পীড়ার বিশেষ উন্নতি দৃষ্ট হইবে কিন্তু যদি ব্যাসিলারী ডিসেন্টারী হয়, তাহা হইলে কোনও উন্নতি দেখা যাইবে না—তখন অল্প চিকিৎসা অবলম্বনীয়। ব্যাসিলারী ডিসেন্টারী নির্ণয়ের ইহা একটা সহজ উপায়।





নভাসেনোবিলন্ ইঞ্জেকসনে—চর্মরোগ।

## Arsenical Dermatitis following Injection of Novarsenobillon.

By Dr. B. P. Banerji, M. B.

—:—

রোগী একজন পূর্ণ বয়স্ক হিন্দু যুবক। রোগী আমার নিকট চিকিৎসার্থ আসে। তাহার লিম্ফগ্লেণ্ডস (Prepuce) একটা ছোট আণুক্রমিত হইয়াছিল। তাহার অস্তিত্ব ইতিহাস হইতে এই ক্ষত উপদংশ জনিত বলিয়া বুঝিতে পারিলাম।

রোগীর সাধারণ স্বাস্থ্য বেশ ভাল ছিল এবং তাহার ইতিপূর্বে কোনও কঠিন রোগও হয় নাই। অতঃপর তাহার মূত্র পরীক্ষায় তন্মধ্যে কোনও দোষ পাইলাম না। রোগী উপদংশাক্রান্ত স্থির নিশ্চয় করিয়া তাহাকে আমি ০.৩ গ্রাম শক্তির একটা “নভাসেনোবিলন্” শিরাপথে ইঞ্জেকসন দিলাম। এই ইঞ্জেকসনের পর যে সামান্য প্রতিক্রিয়া লক্ষণ দেখা গিয়াছিল, তাহা উল্লেখযোগ্য নহে—মোটের উপর সে ভালই ছিল। উক্ত ইঞ্জেকসনের ৮ম দিবসে তাহাকে পুনরায় ০.৪৫ গ্রাম শক্তির একটা এবং ১০ দিবস পরে পুনরায় ০.৬ গ্রাম শক্তির একটা ইঞ্জেকসন দিলাম। এই ৩টা ইঞ্জেকসনেও ক্ষত স্থানের বিশেষ কোনও উন্নতি দৃষ্ট না হওয়ায়—এবং রোগী অধৈর্য হইয়া সত্বর আরোগ্যের জন্য পীড়ানীড়ি করায়—তাহাকে ৩য় ইঞ্জেকসনের ১২শ দিবসে ০.৯ গ্রাম শক্তির ১টা ইঞ্জেকসন দিলাম। এতদসহ তাহার ক্ষতস্থানে বাহ্য প্রয়োগ জন্তও ঔষধ দেওয়া হইল।

৪র্থ ইঞ্জেকসনটা দিবার অব্যবহিত পরেই রোগীর প্রবল কম্প প্রকাশ পাইয়া অরীয় উত্তাপ ১০৩° ডিগ্রী পর্যন্ত উঠিল এবং তৎসহ অসহ্য শিরঃপীড়া ও বমনোৎসেগ দেখা দিল। কিন্তু ২৪ ঘণ্টার মধ্যেই এই প্রতিক্রিয়া লক্ষণ সমূহ প্রশমিত হইল। দুর্ভাগ্য বশতঃ ইহার পরেও ক্ষতের কোনও উন্নতি না হওয়ায়—রোগী আণুক্রমিক চিকিৎসার জন্ত আরও অধিকতরভাবে অসহ্য করিতে লাগিল।

এপর্যন্ত রোগীর আসেনিক অসহনীয়তার কোন লক্ষণই দেখা যায় নাই। সুতরাং ৪র্থ

ইঞ্জেকসন দিবার ১০ দিন পরে পুনরায় তাহাকে ০.৯ গ্রাম শক্তির আর একটি ইঞ্জেকসন দিলাম। এইবার ইঞ্জেকসনের পর প্রতিক্রিয়া প্রবলরূপে প্রকাশ পাইল। ইঞ্জেকসনের ৩য় দিবসেই ‘জন্টিসের’ (পাণ্ডু) সমস্ত লক্ষণ প্রকাশিত, এবং সর্বাঙ্গে এক প্রকার “র্যাশ” (কণ্ডু) বাহির হইল। এতৎসহ দেহে অসহ্য বেদনাও বর্তমান ছিল। ক্রমে সমস্ত দেহ ফুলিয়া উঠিল ও মুখাত্যস্তরে এক প্রকার প্যাচ উৎপন্ন হইতে দেখা গেল এবং এতদস অধিরাম জ্বর বমনোদ্বেষ্ট, বমন বর্তমান ছিল। ক্রুধা, নিদ্রার ও লোপ হইয়াছিল।

এই রোগীটির অবস্থা আলোচনা করিয়া স্পষ্টই বুঝা গেল যে, নভারসেনোবিলন্ ইঞ্জেকসনের ফলেই রোগীর এই আসেনিক জনিত চর্মরোগ উপস্থিত হইয়াছিল ও এতৎসহ “যকৃতের পীত এট্রফির” (Tellow atrophy of the liver) লক্ষণ সমূহ প্রকাশ পাইয়াছিল। যাহা হউক ঐ সকল উপসর্গ নিবারণার্থ তাহাকে “ক্যালামাইন মিশ্র” সেবন ও ‘ক্যালামাইন লোশন্’ (Calamine) বাহ্যিক ব্যবহারের ব্যবস্থা করা হইল। নিয়মিত পথ্যাদি ও সম্পূর্ণরূপে বিশ্রামেরও ব্যবস্থা করিলাম। ইহাতে রোগী ক্রমে সুস্থ হইতে লাগিল। ইহার পর এই রোগীকে “একনিটক্স” (Acnetox) ব্যবস্থা করা হইল। ইহাতে মস্তকের জ্বর রোগীর দেহের সমস্ত ক্ষত মিলিয়া গেল এবং রোগী সুস্থ হইতে লাগিল। অতঃপর একটি সাধারণ টনিক ব্যবস্থা করায় রোগী সত্ত্বর সম্পূর্ণরূপে আরোগ্যলাভ করে। (I. M. G.)

## পুরাতন অজীর্ণ রোগে ম্যাগঃ সালফ ।

### Magnesia sulph in Chronic Dyspepsia

ডাঃ শ্রীনির্মলকান্ত চট্টোপাধ্যায় । M. B.

রোগী একজন ইউরোপীয়। বয়স প্রায় ৩০ বৎসর। বহুদিবস হইতে পুরাতন অজীর্ণ রোগে (ডিসপেপশিয়া) ভুগিতেছেন।

লক্ষণাবলী—প্রায়ই আহারের পরেই উদরে বায়ু জন্মিয়া পেট ফাঁপে। রোগী কোনও ঝিনিসই সহজে জীর্ণ করিতে পারেন না। প্রত্যহই অজীর্ণ খাদ্য সংযুক্ত ছ্যাকুরা ছ্যাকুরা পাংলা দান্ত হয়। জিহ্বা মলাবৃত এবং অত্যন্ত শুষ্ক। অম্লোদার এবং মুখে সর্বদা অগ্নাস্বাদ ইত্যাদি লক্ষণ বর্তমান ছিল।

চিকিৎসা।—রোগীর পীড়া “পুরাতন অজীর্ণ” নির্ণয় করিয়া নিম্নলিখিত ব্যবস্থা করিলাম। যথা।—

Re.

ম্যাগঃ সালফ

২ ড্রাম।

৫ গ্রেণ পরিমাণ এই ঔষধ লইয়া জিহ্বার উপর দিয়া চুষিয়া খাইতে বলিলাম আহারাশ্বেই ইহা প্রত্যহ ৩ বার সেব্য এবং ঔষধ সেবনের পরেই কিঞ্চিৎ শীতল জল পান করিতে বলা হইল ।

**পথ্যাদি**—অতি প্রত্যুষে শয্যাভ্যাগান্তে খালিপেটে ১টা গোটা লেবুর ( যে কোনও লেবু ) টাটকা রস প্রস্তুত করতঃ, তন্মধ্যে কিঞ্চিৎ চিনি দিয়া প্রত্যহ পান করিতে বলিলাম । এতদসহ সহজগাচ্য ও লঘুপাক খাদ্য যাহা সহজে খাইতে পারেন, তাহার অর্ধেক পরিমাণ খাইবার ব্যবস্থা করিলাম । পাকাশয়ের বিষ ধোত করণার্থ প্রচুর জল পান করিতে উপদেশ দিলাম ।

এইরূপ সাধারণ ঔষধ ও পথ্যাদির ব্যবস্থায় এক মাস মধ্যেই রোগী সম্পূর্ণরূপে আরোগ্যলাভ করিলেন । পীড়ার আর পুনরাক্রমণও হয় নাই ।

**অন্তব্য** :—রোগীর জিহ্বার অবস্থা ( শুষ্ক এবং মলাবৃত ) এবং মুখাভ্যন্তর সর্বদা শুষ্ক দেখিয়া আমার মনে হইয়াছিল যে, ভুক্ত দ্রব্যকে সহজে জীর্ণ করণার্থ রোগীর যথেষ্ট পরিমাণে লালস্রাব হইতেছে না । সম্ভবতঃ রোগীর পুরাতন অজীর্ণ ও অন্ত্রান্ত সহবর্তী লক্ষণের ইহাই অন্ততম প্রধান কারণ । বিভাজ্য মাত্রায় ম্যাগঃ সাল্ফ ( অল্প মাত্রায় ) ব্যবহারে, লাল নিঃসরণ ক্রিয়া প্রচুর পরিমাণে বৃদ্ধি হইয়া, ভুক্ত দ্রব্য সহজে জীর্ণ করিতে বিশেষরূপ সাহায্য করিয়া থাকে ।

আমরা জানি “কার্বনেট” এবং “অক্সাইড্”, উভয়েই কার্বন ধর্মীক্রান্ত । ইহারা পাকাশয়ের ক্রিয়াকে স্বাভাবিক করে এবং ইহারা “ক্লোরাইড্” অথবা “ল্যাক্টেট্”এ পরিবর্তিত হয় । ইহারা সহজেই দ্রবনীয় । “কার্বনেট্” দ্বারা কার্বনিক এসিড্ উৎপাদিত হইয়া পাকাশয়ের উত্তেজনার হ্রাস হয়, এবং এই জন্তই ইহা অম্লতা নাশক ক্রিয়া প্রকাশ করে । “অক্সাইড্ অব ম্যাগ্নেশিয়া এবং “কার্বনেট্ অব ম্যাগ্নেশিয়া”, ইহারা অম্লজনিত অজীর্ণরোগে বুক জালা, ও অন্ত্রান্ত অম্লরোগে উপযোগিতার সহিত ব্যবহৃত হইয়া থাকে ।

দেশীয় ম্যাগ্নেশিয়া এবং ডাইলিউটেড সাল্ফিউরিক এসিডের মধ্যবর্তী ক্রিয়া দ্বারা ম্যাগসাল্ফ প্রস্তুত হইয়া থাকে (  $Mg. Co_3 + H_2 SO_4 = Mg. SO_4 + H_2O + Co_2$  ) অথবা দেশীয় ম্যাগ্নেশিয়া সাল্ফেটকে বিশোধিত করিয়াও ইহা প্রস্তুত হয় । আমার মনে হয়, এই জন্তই এই রোগীটির উপর ভগ্নাংশিক মাত্রায় ম্যাগঃ সাল্ফ এত দ্রুত ও আশ্চর্য ফলদান করিতে সক্ষম হইয়াছিল ।

আমার সমব্যবসায়ী বন্ধুগণ যেন এই চিকিৎসা-প্রণালী তাঁহাদের স্ব স্ব রোগীতে অবলম্বন করিয়া ফলাফল প্রকাশ করিয়া বাধিত করেন ।

## গ্রন্থিরোগে কোলো-ক্যালশিয়াম ইন্জেকশন ।

### Collo-Calcium Injection In Gland Disease.

By Dr. Girija Bhushan Mookherji, L. M. F. (Bengal)

Late House Surgeon Albert Victor Hospital, Calcutta.

Late Medical officer Singell Tea Estate, Kurseong.

কালশিয়াম ।



রোগী—জনৈক পার্শী ভদ্রলোক । সরাবজীর রিফ্রেশমেন্ট রুমের ম্যানেজার । কিছুদিন আগে আমার চিকিৎসাধীনে আসেন । তখন তাঁহার দক্ষিণ হস্তের বগলে ( Armpit ) একটি নাতি বৃহৎ নাতিক্ষুদ্র ক্ষোটক হইয়াছিল । ইহাতে অসহ্য যন্ত্রণায় রোগী কাতর হইয়া পড়েন । আমি নিম্নলিখিত ব্যক্ত্য করিলাম :—

(১) আক্রান্ত স্থানে “এন্টিফ্লোজেষ্টিনের” উষ্ণ প্রলেপ । ২৪ ঘণ্টাস্তর এই প্রলেপ পরিবর্তন করিতে বলিলাম ।

(২) সেবনার্থ—

Re.

সোডি বাইকার্ব	...	১০ গ্রেণ ।
সোডি সাইট্রাস	...	১০ গ্রেণ ।
হেপ্টামিন	...	১০ গ্রেণ ।
স্পিরিট এমন ম্যারোমেট	...	১/২ ড্রাম ।
সিরাপ রোজ	...	১ ড্রাম ।
একোয়া সিনামন	...	অ্যাড ১ আউন্স ।

একত্র ১ মাত্রা । প্রত্যহ ৩ বার সেব্য ।

( ২ ) রাতে নিদ্রা না হইলে :—

Re.

লাইকার মরফাইন্ হাইড্রোক্লোর	...	২০ মিনিম ।
সিরাপ লিমোন	...	১ ড্রাম ।
একোয়া	...	১ আউন্স ।

একত্র ১ মাত্রা । রাতে একমাত্রা সেবনে নিদ্রা না হইলে আবশ্যিক মত ২ ঘণ্টা পরে পুনঃ আর ১ মাত্রা সেব্য ।

এই চিকিৎসায় ২ দিনেই রোগীর যন্ত্রণার কিকিৎ লাঘব হইল এবং পরীক্ষা করিয়া দেখিলাম যে, ক্ষোটকটা পাকিয়া উঠিয়াছে । সুতরাং বধানিয়মে অস্ত্র করিয়া পূঁজ নির্গত

করিয়া দিয়া, উহাতে টীং আইওডিন লাগাইয়া ব্যাণ্ডেজ করিয়া দিলাম । এইরূপে কতটা সারিয়া গেল ।

অতঃপর ১ সপ্তাহ বাইতে না বাইতে উপরিউক্ত ফোটকের নিকটে আরও ১টা ঐরূপ ফোটক উদগত হইল । পূর্বোক্ত নিয়মে এইটীরও চিকিৎসা করিয়া আরোগ্য করিলাম । কিন্তু অতঃপর, একটার পর একটা করিয়া পর্যায়ক্রমে উভয় বগলেই ফোটক হইতে লাগিল এবং পূর্বে যে সকল ফোটক অস্ত্র করায় আরোগ্য হইয়াছিল—তাহাদেরও স্বক নিয়মে যেন শক্ত গ্রন্থি বা ছোট টীউমারের মত অনুভূত হইতে লাগিল । এইরূপ উভয় বগলেই অনেকগুলি ছোট ছোট গ্রন্থি অনুভূত হইল । রোগীর সাধারণ স্বাস্থ্য বেশ ভালই ছিল । সুতরাং এই গ্রন্থি ও ফোটক উদগমের কোনও কারণই নির্ণয় করিতে পারিলাম না ।

যাহা হউক একটু চিন্তা করিয়া, রোগীকে অধঃস্থায়িকরূপে কোলো—ক্যালসিয়াম সপ্তাহে ২টা করিয়া ৬টা ইঞ্জেকসন দিলাম । যথা—

১ম ইঞ্জেকসনে	...	১/২ সি, সি,
২য় ”	...	৩/৪ ”
৩য় ”	...	১ ”
৪র্থ ”	...	১ ”
৫ম ”	...	১ ”
৬ষ্ঠ ”	...	১ ”

ক্ষীত গ্রন্থি ও ফোটকের উপর “আইওডেজ” মলম দিবসে ২ বার উত্তমরূপে মর্দন করিতে দিলাম ।

এইরূপ চিকিৎসায়, এক সপ্তাহ পরেই ফোটক উদগম স্থগিত হইল । ২ সপ্তাহ পরে দেখা গেল যে, গ্রন্থি সমূহ আর অনুভূত হইতেছে না । ইহার পর দুইমাস অতিবাহিত হইয়াছে, রোগীর আর কোনও উপসর্গ উপস্থিত হয় নাই ।

## হাঁপানি রোগে—পেপ্টোন ।

### Asthma successfully treated by Peptone.

By Dr. Shiamsingh Attrish L. M. P., I. M. D.

Combined Hospital—Basra.

—:o:o:—

রোগী—মিয়াগুল, বয়স ২৫ বৎসর । I. W. T. ডক্ট ইয়ার্ডের চৌকিদার । রাতে পুনঃ পুনঃ চর্দম্বা কাশির আক্রমণের চিকিৎসার জন্য এই হাসপাতালে ভর্তি হয় । রোগী এইরূপ কাশিতে প্রায় ১ বৎসর কাল ভুগিতেছে ।

আঃ কাঃ—৭

রোগী বেশ হঠপুট ও সুগঠিত দেহ বিশিষ্ট। বন্ধ: পরীক্ষায় এবং প্রতিঘাতে কোন অস্বাভাবিক লক্ষণ দেখা গেল না। ষ্ট্রেপ্টোকোপ দ্বারা পরীক্ষায় বন্ধের উভয় দিকে স্থানে স্থানে কতিপয় “রংকাই” শ্রুত হইল। রোগী দিবাভাগে কাশির আক্রমণ এক প্রকার অনুভব করিত না অর্থাৎ দিবাভাগে সে বেশ ভালই থাকিত। কিন্তু শেষ রাত্রে হৃদয় কাশির দ্বারা আক্রান্ত হইত এবং ইহার অব্যবহিত পরেই শ্বাসকষ্ট হইয়া শ্বাসরোধ হইবার উপক্রম হইত। দস্তমাড়ি এবং গলাভ্যন্তরের অবস্থা স্বাভাবিক ছিল।

**চিকিৎসা।**—নাইট্রোগ্লিসেরিন, পোটাসিয়াম্ নাইট্রেট, টাংচার ট্রোফাস্ এবং টাংচার লোবিলিয়া প্রভৃতি নানাবিধ ঔষধ সেবন করিতে দেওয়া হইয়াছিল। কতিপয় দিবস পর্যন্ত কাশির আক্রমণের অব্যবহিত পূর্বে লাইকর এড্রিনালিন ৫—১০ মিনিম মাত্রায় ৪ সি, সি, শালাইন্ ড্রব সহ মিশ্রিত করিয়া, অধঃস্থায়িকরূপে ইঞ্জেকসন, দেওয়া হইয়াছিল। আইওডিনের বিশোধিত জলীয় ড্রব ২—৬ সি, সি, পরিমাণ শিরা মধ্যে ইঞ্জেকসন দিয়াও দেখা গিয়াছে। ১৫ দিন পর্যন্ত এইরূপ নানাবিধ চিকিৎসার ফলে রোগীর লক্ষণ সমূহের কথঞ্চিৎ ক্ষণিক উপশম হইলেও বিশেষ কোন উপকারই হয় নাই। অবশেষে লে : জে, পি, আরল্যাণ্ড, আই, এম, এস (আমাদের মেডিক্যাল অফিসার) মহাশয়ের সদয় অনুমতিতে এই রোগীকে উইপেটস পেপটোন (Wipet's Pepton) ইঞ্জেকসন দেওয়া হইয়াছিল। ইহার ২% পাসেন্ট বিশোধিত ড্রব, যথেষ্ট পরিমাণ সোডিয়াম্ কার্বের সহিত মিশ্রিত করিয়া (ইহার প্রতিক্রিয়ায় কুফল বিনষ্ট করিবার জন্য) নর্মাল শালাইন্ সহ অধঃস্থায়িক ইঞ্জেকসন দেওয়া হয়। প্রথমতঃ ০.৩ সি, সি, (৫ মিনিম), মাত্রায় আরম্ভ করিয়া প্রতি ৫ম দিবসে ০.২ সি, সি, (৩ মিনিম) করিয়া মাত্রা বৃদ্ধি করা হইয়াছিল। এইরূপে ৬ষ্ঠ ইঞ্জেকসনের পরই সমস্ত লক্ষণ অন্তর্হিত হয়। ৬ষ্ঠ ইঞ্জেকসনে যে মাত্রায় প্রয়োগ করা হইয়াছিল, ঐ মাত্রায় আরও তিনটি ইঞ্জেকসন দিয়া রোগীকে সম্পূর্ণ সুস্থ মনে হওয়ার ইঁসপাতাল হইতে ছাড়িয়া দেওয়া হয়। প্রায় চারি মাস গত হইয়া গিয়াছে, তাহার আর ইঁপানির আক্রমণ হয় নাই এবং সে বেশ সুস্থ আছে।

**অনুভব।**—(১) এই রোগীর পীড়ার আক্রমণ প্রতিরোধার্থ (Prophylactic) এড্রিনালিন্ ইঞ্জেকসন এবং অস্ত্রান্ত্র এন্টিস্পাজমোডিক ঔষধ ও ইন্ট্রাভিনাস্ আইডিন্ প্রয়োগ ব্যর্থ হইয়াছিল।

(২) ০.২৫% পাসেন্ট ফেনল, পেপটোন্ ইঞ্জেকসন মধ্যে পেপটোন্ ড্রব রক্ষণার্থ, যোগ করা হইয়াছিল।

(৩) উইপেটস পেপটোন্ মধ্যে হিষ্টামিন্ এবং ইহার এলবুমোসেস্ বর্তমান থাকায় ইহা অত্যন্ত বিষাক্ত, সুতরাং ইহার অতি ক্ষীণ ড্রব মাত্র ব্যবহৃত হইয়াছিল।

(৪) কোন ইঞ্জেকসনই কাশির আক্রমণ সময়ে প্রযুক্ত হয় নাই।

লে : জে, পি, আরল্যাণ্ড মহাশয় দয়া করিয়া এই চিকিৎসা প্রণালী পরীক্ষা করিতে অনুমতি দিয়াছিলেন। উক্ত প্রণালীকে আমার অশেষ ধন্যবাদ জ্ঞাপন করিতেছি।

( I. M. G. 1926—June )



## ইউরিয়া স্টিবামাইনে—অস্বাভাবিক উপসর্গ।

### Uncommon Symptoms after Urea Stibamine Injection.

লেখক—ডাঃ শ্রীজ্ঞানচন্দ্র সেন গুপ্ত B. A. S.

মেডিক্যাল অফিসার ; হাবড়া হস্পিট্যাল।

—:o:—

অধুনা কালাজরে ইউরিয়া স্টিবামাইন প্রায় অমৌঘ ফলপ্রদরূপে সর্বত্র ব্যবহৃত হইতেছে। হুঃখের বিষয়, অনেক সময় ইহা ইঞ্জেকসনের পরে কতকগুলি কুফলও প্রকাশ পাইতে দেখা যায়। স্থল বিশেষে ইহা কিরূপ সাংঘাতিক হইতে পারে, নিম্নলিখিত ২টা রোগীর বিবরণ হইতে তাহা বেশ বুঝিতে পারা যাইবে।

১ম রোগী—জন্মক মুসলমান, পুরুষ. বয়ঃক্রম ৫০ বৎসর। কালাজরে পীড়িত হইয়া চিকিৎসাধীন হইয়াছিল। রোগীর অবস্থা খুব খারাপ থাকাতে, খুব অল্প মাত্রা হইতে ইউরিয়া স্টিবামাইন ইঞ্জেকসন দেওয়া হইতে থাকে। ক্রমশঃ মাত্রা বাড়াইয়া যে দিন ০.১৭৬ গ্রাম ইঞ্জেকসন দেই, সে দিন ইঞ্জেকসন দেওয়ার ২৩ মিনিট মধ্যেই “আঁধার মাথা গেল, মাথা গেল, জল দেও. বাতাস দেও” বলিয়া রোগী চিৎকার করিয়া উঠিয়া বসিল। (রোগীকে শোয়াইয়া খুব ধীরে ধীরেই ইঞ্জেকসন দেওয়া হইয়াছিল) এই সময় রোগীর চক্ষুস্থল ঘোর রক্তবর্ণ এবং মাথা ভয়ানক গরম হইয়াছিল ও রোগী খাস কষ্ট অনুভব করিয়াছিল। এইরূপ অবস্থা দেখিয়া রোগীর মাথায় ঠাণ্ডা জল ও বাতাস দেওয়াতে অল্পক্ষণ পরেই রোগী সুস্থ হইয়া উঠে। সে সময় রোগীর এইরূপ হইবার কারণ কিছুই বুঝিতে পারি নাই। ভাবিয়াছিলাম, ইঞ্জেকসন দিতে দেবী হওয়াতে এইরূপ হইয়াছে। রোগীকে সপ্তাহে ২টা ইঞ্জেকসন দেওয়া হইত, কিন্তু নানা কারণে এবার প্রায় ১ সপ্তাহ পরে ইঞ্জেকসন দেওয়া হইয়াছিল।

ইহার পরে নিয়মিত সময়ে রোগীকে পূর্কোক্ত মাত্রায় আর ১টা ইঞ্জেকসন দেই। কিন্তু ইঞ্জেকসনের পরেই পূর্ক বারের স্থায় লক্ষণ সমূহ প্রকাশ পায় এবং উহাদের তীব্রতা পূর্ক বারের চেয়ে অনেক বেশী হইয়াছিল। মাথায় ঠাণ্ডা জলের ধারা ও বাতাস দিতে দিতে আধ ঘণ্টা পরে রোগী সুস্থ হয়। এই সময় মধ্যে বাতাস একটু বন্ধ করিলে বা মাথায় জল দিতে দেবী হইলেই, রোগী বেশী অস্থির হইয়া উঠিত। এই ঘটনার পরে আর ইঞ্জেকসন দেই নাই। তবে রোগী ভাল হইয়া উঠিয়াছিল এবং ১১ বৎসর বাবত ভালই আছে।

২য় রোগী—জন্মক মুসলমান বালক, বয়স ১৪।১৫ বৎসর। কালাজরে পীড়িত হইয়া চিকিৎসাধীন হয়। রোগী অত্যন্ত দুর্বল এবং রোগীর সার্বসামিক শোথ (General

Dropsy) বিদ্যমান ছিল। এই রোগীকেও ক্রমে ক্রমে মাত্রা বাড়াইয়া ০.১৫ গ্রাম ইউরিয়া ট্রিভামাইন ইঞ্জেকসন দেই। কয়েকটা ইঞ্জেকসনের পর রোগীর শোথ কমিয়া গিয়াছিল। জ্বর বন্ধ এবং প্লীহাও অনেক ছোট হইয়াছিল এবং সাধারণ স্বাস্থ্য বেশ ভাল হইয়া উঠিয়াছিল। পূর্ব্ববারে ০.১৫ গ্রাম ইঞ্জেকসন করা হয়, উহা বেশ সহ্য হইয়াছিল। ইহার পর পুনরায় আর ১টা ০.১৫ গ্রাম ইঞ্জেকসন করিয়া আমি রোগীর পাশে দাঁড়াইয়া সিরিঞ্জ (Syringe) পরিষ্কার করিতেছি। এমন সময় রোগী হঠাৎ “বুক গেল” ‘বুক গেল’ বলিয়া চীৎকার করিয়া উঠিয়া বসিল। আমি উহাকে পুনরায় শোয়াইয়া দিতে যাইতেছি, এমন সময় সে দুই হাতে পেট চাপিয়া ধরিয়া ‘পেট গেল’ ‘পেট গেল’ বলিয়া চীৎকার করিয়া উঠিল এবং সঙ্গে সঙ্গে ২৩ বার ওয়াক্ ওয়াক্ করিয়া উঠিল, কিন্তু উহাতে সামান্য একটু শ্লেষ্মা (mucous) ছাড়া অণু কিছুই উঠে নাই। ইহার পরেই রোগী একেবারে এলাইয়া পড়িয়া গেল (Collapsed)। পরীক্ষা করিয়া দেখি যে, রোগীর নাড়ীর স্পন্দন ও শ্বাসপ্রশ্বাস একেবারে বন্ধ হইয়া গিয়াছে। এ অবস্থা দেখিয়া আমি এক্রপ কিংকর্তব্য বিমূঢ় হইয়া পড়িয়াছিলাম যে, উহার জন্য কোন চেষ্টা করার কথাই মনে হয় নাই। যাহা হউক, ভগবানের অনুগ্রহে একটু পরেই রোগী প্রথমে একটা দীর্ঘ নিশ্বাস ত্যাগ করতঃ, কয়েকবার খুব ঘন ঘন শ্বাস লওয়ার পরে, উহার নাড়ীর স্পন্দন ও শ্বাসপ্রশ্বাস স্বাভাবিক হইতে দেখা গেল। ইহার পরে রোগীর খুব বাহের বেগ হয় কিন্তু একটু পরেই উহা কমিয়া যায়। বাহেও হয় নাই। রোগী ক্রমেই শুষ্ট হইয়া উঠে। ইহার পরে আর ইঞ্জেকসন দেই নাই। কিন্তু রোগী বেশ ভালই আছে এবং চেহারার ও যথেষ্ট উন্নতি হইয়াছে। দেড় বৎসর গত হইয়াছে, এ পর্য্যন্ত সে আর কোন অসুখে পড়ে নাই।

## কলেরা, না ম্যালেরিয়া ?

### Cholera or Algide Malaria ?

By Dr. Manindra Nath Kabiraj. L. C. P. S.

— ০ —

চিকিৎসা ক্ষেত্রে, চিকিৎসক যাত্রেরই সময় সময় “কলেরা কি এন্জিড টাইপ ম্যালেরিয়া” তাহা নিরূপণ করা বিশেষ আয়াসসাধ্য হইয়া উঠে এবং সঠিকরূপে পীড়া নিরূপিত হইলে তাহা বড়ই আনন্দপ্রদ হয়। নিম্নে একটা রোগীর বিস্তারিত বিবরণ প্রকাশ করিলাম।

**রোগী**—পুরুষ, হিন্দু, নাম পূর্ণচন্দ্র মণ্ডল। নিবাস বাঙ্গুড়ী, বয়স ২১ বৎসর।

**পূর্ব্ব ইতিহাস**—রোগী প্রায় এক, কি দেড় মাস যাবৎ অজীর্ণ ও পেট ফাঁপায় ভুগিতেছিল, জ্বর ছিল না। শুনিলাম, রোগী ৩৪ বৎসর পূর্বে, প্রায় বৎসরাধিক কাল ম্যালেরিয়ার ভুগিয়াছিল। গত বৎসরের পূর্ব্ব বৎসর হঠাৎ কলেরার মত হইয়াছিল এবং

বিশেষ যত্নের পর প্রাণ পাইয়াছিল। প্লীহা কষ্টাল মার্জিনের (Costal margin) প্রায় এক ইঞ্চি নীচে পর্যন্ত বর্ধিত হইয়াছিল। রোগী বিশেষ পরিশ্রমী অথচ ক্ষীণকায়। বরাবর আমারই দ্বারা চিকিৎসিত হইয়া আসিতেছে।

সন ১৩৩৩ সালের ২০শে ভাদ্র আমি বাঙ্গুড়ীর নিকটস্থ একটি গ্রামে একটি কলেরা রোগীর চিকিৎসার জন্ত আহৃত হইয়াছিলাম। গ্রামটীতে ২১টী কলেরা রোগী মারা গিয়াছে। উপস্থিত বাঙ্গুড়ী হইতে দেড় মাইল দূরে উথরা গ্রামে কলেরার ভীষণ প্রাদুর্ভাব হইয়া অনেক রোগী মারা গিয়াছে। কলেরাক্রান্ত এই দুইটী গ্রামেই উক্ত রোগীর যাতায়াতের এবং জল খাওয়ার ইতিহাস পাওয়া গিয়াছিল। তখন চাষ আবাদের সময়, রোগী নিজে চাষা, মাঠের মধ্যে পুকুরে ও ডোবায় প্রায় জলপান করে।

এই দিন রাত্রি প্রায় ৯টার সময় পূর্ণচন্দ্রের ভ্রাতা উক্ত গ্রামে আমার আগমন সংবাদ জ্ঞাত হইয়া আমাকে জানাইল যে, “অন্য তাহার ভ্রাতার জ্বর এবং দুইবার দান্ত হইয়াছে। মল হরিদ্রা বর্ণের। ১ম বার ভাঙ্গা মল, এবং ২য় বার পাতলা দান্ত হইয়াছে। পেট বেদনা করিতেছে”। আপনাকে এখনই যাইতে হইবে। আমি বিলম্ব না করিয়া রোগীর বাটীতে উপস্থিত হইলাম।

**বর্তমান অবস্থা**—রোগীর নিকট উপস্থিত হইয়া পূর্বেকৃত সমুদয় বিষয় জ্ঞাত হইলাম। দেখিলাম যে, রোগীর নাড়ী স্বাভাবিক ও তখন জ্বর নাই। পেটফাঁপা আছে। কয়েক মাত্রা বায়ুনাশক (Carminative) মিক্সচার দিয়া সেদিন বিদায় হইলাম। রোগীর পিতামাতাকে বলিলাম যে, কোন ভয় নাই, ইহা সম্ভবতঃ কলেরা নহে। বলা বাহুল্য, সকলেই কলেরার আশঙ্কা করিয়াছেন।

**২১শে ভাদ্র**—সকালে রোগীর পিতা সংবাদ দিলেন যে, রোগী বেশ ভাল আছে, দুইবার ঔষধ খাইয়া পেটফাঁপা উপশমিত হইয়াছে। আর দান্ত হয় নাই। রোগী সারিয়া গিয়াছে বলিয়া আর কোন ঔষধ লইল না, তবে বলিয়া গেল যে, আগামী কল্য সকালে আসিয়া অজীর্ণের ঔষধ ব্যবস্থা করিয়া লইয়া যাইবে।

**২১শে ভাদ্র**—সকালে কেহ আসিল না। বেলা ৩টার সময় রোগীর জ্যেষ্ঠভ্রাতা আমার বাটীতে (অণ্ডালে) আসিয়া আমাকে জানাইল যে, “এখনই যাইতে হইবে, রোগীর অবস্থা খুবই খারাপ হইয়াছে। অল্প বেলা ১২টার সময় হইতে তাহার ভেদ ও শ্বাস হইতেছে।”

তখনই তাড়াতাড়ি বাহির হইলাম এবং ৫।। টার সময় বাঙ্গুড়ী পৌঁছিলাম। রোগীর নিকট উপস্থিত হইবা মাত্র রোগী আমাকে দেখিয়াই নাকিন্দুরে বলিয়া উঠিল “ডাক্তার বাবু” এবার আর বাঁচাইতে পারিবেন না, আমার আর আশা নাই”।

**বর্তমান অবস্থা**। দেখিলাম—মনিবন্ধে নাড়ী (pulse) প্রায় অননুভবনীয়। অদম্য জল পিপাসা, সরবৎ বা জল পানের পরই বমি। ইতিপূর্বে চাউল খোয়া অনেক ভায় দান্ত হইতেছিল, এখন জলবৎ, কোন বমি নাই। রোগীর অসাড়ে ভেদ হইতেছে। বমির

রং জলবৎ, কোন কোন সময় সবুজাভ ; চক্ষু কোটরগত । হাতে পায়ে খাল ধরিতেছে, অঙ্গুলী শুষ্ক, মুখমণ্ডল ভীতিগ্রস্ত (pinched) ; শুনিলাম—অল্প বেলা ৯টার সময় প্রস্রাব হইয়াছে, আর হয় নাই । ভেদবমি আরম্ভকালীনও এক ফেঁটাও প্রস্রাব হয় নাই ; ভয়ানক অস্থিরতা ও গাত্রদাহ । আমি গার কালবিলম্ব না করিয়া নিম্নলিখিত ইঞ্জেকসন দিলাম ।

Re.

• ডিজিটেলিন এণ্ড ট্রিকনাইন (প্রত্যেক ১/১০০ গ্রেণ) ট্যাবলেট	...	১টা
পরিষ্কৃত জল	...	১সি. সি.।

একত্রে দ্রব করিয়া হাইপোডার্মিক ইঞ্জেকসন দিলাম ।

রোগীর পিতা পূর্ব হইতে হাতে পায়ে গরম জলপূর্ণ বোতল ব্যবস্থা করিয়াছিল । আমি একটা ৪" x ৪" মাস্টার্ড প্লাস্টার (mustard plaster) পাকস্থলীর উপর বসাইয়া দিলাম এবং নিম্নলিখিত মিশ্র সেবনার্থ ব্যবস্থা করিলাম ।

Re.

স্পিরিট এমেন এরোমেট	...	১৫ মিনিম ।
স্পিরিট ক্লোরোফরম্	...	১৫ মিনিম ।
স্পিরিট ইথার সলক্	...	১০ মিনিম ।
টিংচার ডিজিটেলিস্	...	৬ মিনিম ।
এসিড হাইড্রোসিয়ানিক ডিল	...	১ মিনিম ।
একোয়া	...	এড ৪ ড্রাম ।

একত্র ১ মাত্রা । এইরূপ দুই মাত্রা । প্রতিমাত্রা ২ ঘণ্টাস্তর সেব্য ।

উক্ত ঔষধ একমাত্রা সেবন করাইয়া, বিশ্রাম জগ্ন অল্প গৃহে গেলাম । অর্ধঘণ্টা মধ্যে বমন বা দাস্ত হয় নাই ।

অর্ধঘণ্টা পরে পুনরায় রোগীর নিকট উপস্থিত হইয়া দেখিলাম যে, নাড়ীর ভলিউম বা টেন্সন (Volume or tension) না থাকিলেও, নাড়ী হাতে অনুভূত হইতেছে । মনে একটু আশা হইল ; কিন্তু ৫ মিনিট অপেক্ষা করিতে না করিতে আবার জলবৎ ভেদ ও সবুজ রংএর জল বমন হইল । রোগীর অস্থিরতা বাড়িল, পরক্ষণেই নাড়ীর ক্ষীণ স্পন্দনও লুপ্ত হইল । আমার সঙ্গে রেক্টাল বা ইন্ট্রাভিনাস্ শালাইন্ ইঞ্জেকসন দিবার কোন ব্যবস্থা না থাকায় বা নিকটে পাইবার কোন উপায় না থাকায়, কোন প্রকারে রাত্রিকাটাইতে পারিলে ভোরে ব্যবস্থা করিব ভাবিয়া, ২ফেঁটা জলের সহিতএড্‌রিনালিন্ ক্লোরাইড সলিউসন (১০০০—১) ৫ ফেঁটা মিশাইয়া জিহ্বার নীচে প্রয়োগ করিলাম । এতদ্বিন্ন ২ গ্রেণ মকরধ্বজ ও ৫ গ্রেণ ক্যাফিন সাইট্রাস, যথুর সহিত উত্তমরূপে মাড়িয়া খাওয়াইয়া দিলাম এবং পুনরায় ১টা ডিজিটেলিন ১/১০০ গ্রেণ ও ট্রিকনাইন ১/১০০ গ্রেণ অধঃস্থায়িক ইঞ্জেকসন করিলাম । পূর্বোক্ত মিশ্র যে একদাগ আছে তাহাও অল্পে অল্পে সাবধানে খাওয়াইতে বলিলাম ।

এই সকল ব্যবস্থা করিয়া বিশ্রাম গৃহে যাইব, এমন সময় রোগীর পুনরায় জলবৎ ভেদ ও সবুজাত জল বমন হইল, রোগীর অস্থিরতা বড়ই প্রবল হইল, মনে হইল রোগী এখনই মারা যাইবে। এখন চিন্তার কারণ হইল যে ইহা “কলেরা, না ম্যালেরিয়া ?” রোগীর যে প্রকার অস্থিরতা, তাহা নিবারণ করিতে হইলে মর্ফিয়া বা অপিয়াম দেওয়া দরকার, কিন্তু যত্নপি কলেরা হয়, তবে ইহাতে রোগীকে মহাযাত্রার পথে অগ্রসর করিয়া দেওয়ার সাহায্য করা হইবে। রোগীর সবুজ রংএর বমন হইতেছে। কলেরাতে ও অনেক ক্ষেত্রে সবুজ বমন হইতে দেখিয়াছি। রোগী ৩৪ বৎসরের ভিতর ম্যালেরিয়াগ্রস্ত না হইলেও প্লীহা বর্ধিত হইয়া কষ্টাল মার্জিনের নীচে পর্য্যন্ত আসিয়াছে। পোর্টাল কন্জেষ্টন (Portal congestion) রহিয়াছে; তবে কি ইহা ম্যালেরিয়া ? এল্জিড ম্যালেরিয়াতেও ২ ১টা রোগীর এইরূপ অবস্থা হইয়া থাকে।

যাহা হউক, ম্যালেরিয়ায় উপরই ধারণা স্থাপন করিয়া ১৫ ফোঁটা পেপেইন (papine) ২ ড্রাম জলের সহিত মিশাইয়া খাওয়াইয়া দিলাম। রোগীর আত্মীয় স্বজন যাহারা নিকটে ছিল, ২ জন ব্যতীত সকলকে তাড়াইয়া দিলাম এবং রোগী সুস্থ হইলে তাহাকে কেহ যেন কোন প্রকারে না জাগায় বা বিরক্ত না করে বলিয়া, অথ বাড়ীতে খাইতে গেলাম।

আহারাদির পর ফিরিতে প্রায় দেড় ঘণ্টা দেরী হইল; কিন্তু ইহার মধ্যে কোন সংবাদ পাইলাম না। তবে কি ওপিয়াম ঘটিত ঔষধ দিয়া রোগীর মহাবম্ব পাড়াইয়া দিলাম ? যাহা হউক ফিরিয়া আসিয়া দেখিলাম জগৎপিতার অনুগ্রহে ও মঙ্গল ইচ্ছায় রোগী অনেকটা স্থির হইয়া ঘুমাইতেছে, নাড়ী ক্ষীণভাবে অনুভূত হইতেছে। কিন্তু হৃৎকের বিষয় পরক্ষণেই আবার একবার পূর্ববৎ দাস্ত এবং দুইবার বমন হইল। তবে এবার পিপাসা একটু কম এবং অস্থিরতাও কম। মনে হইল—পেপেইন (Papine) দিয়া অনিষ্ট হয় নাই একটু উপকারই হইয়াছে। অতঃপর মকরধ্বজ ও ক্যাফিন সাইট্রাস পূর্ব মাত্রায় তিন পুরিয়া এবং দুই মাত্রা পূর্ব মাত্রায় পেপেইন দিলাম এবং অর্ধঘণ্টান্তর নিম্নলিখিত পুরিয়া সেবনের ব্যবস্থা করিলাম।

Re.

হাইড্রাজ' সাবক্লোর ... ১ গ্রেণ।

ক্যাফর ... দেড় গ্রেণ।

একত্র মিশ্রিত করিয়া ছয়টা পুরিয়াতে বিভক্ত করতঃ এক একটা পুরিয়া অর্ধ ঘণ্টান্তর সেব্য।

১৫ মিনিট পরে আবার একটা ডিজিটেলিন ও ট্রাকনাইন ইঞ্জেক্সন করিয়া শয়ন করিতে গেলাম।

রাত্রি সাড়ে তিনটার সময় রোগীর কনিষ্ঠ ভ্রাতা সংবাদ দিল যে, দাস্ত আর হয় নাই, বমন বন্ধ না হইলেও, অনেক কম এবং হাতে নাড়ী অনুভব করা যাইতেছে। রোগী মধ্যে মধ্যে ঘুমাইতেছে, অস্থিরতা নাই।



২৩শে ভাদ্র—প্রাতে: সাড়ে সাতটার সময় দেখিলাম—নাড়ীর অবস্থা কথঞ্চিৎ উন্নত। অতঃপর শালাইন ইঞ্জেকসন দিতে ইচ্ছুক হইয়া আমার বাড়ী হইতে শালাইন ইঞ্জেকসনের সরঞ্জামাদি আনাইতে বলিলাম। রোগীর পিতা বলিল যে, সকলেরই ইচ্ছা একবার অনাথ বাবুকে দেখান। আমি সন্তুষ্টচিত্তে Dr A. N. Banerjee L. M. S. মহাশয়কে শালাইন যন্ত্রাদি লইয়া শীঘ্র আসিতে অনুরোধ করিয়া পাঠাইলাম এবং নিম্নলিখিত মিক্শার ব্যবস্থা করিলাম।

• Re.

স্পিরিট এমন এথোমেট	...	৫ মিনিম।
স্পিরিট ক্লোরোফরম	...	৫ মিনিম।
টীং ডিজিটেলিস	...	৫ মিনিম।
ভাইনাম ইপিকাক	..	৫ মিনিম।
সোডি বাইকার্ব	...	৫ গ্রেণ।
একোয়া	...	৪ ড্রাম।

একত্র এক মাত্রা। এইরূপ চারি স্বাত্রা। প্রতি মাত্রা ২ ঘণ্টাস্তর সেব্য।

এতদ্ভিন্ন ১টা ডিজিটেলিন ও ট্রীকনাইন ( প্রত্যেক ১/১০০ গ্রেণ ) ইঞ্জেকসন দিলাম।

ডাক্তার অনাথ বাবু বেলা প্রায় আড়াইটার সময় পঁছছিলেন। সবিস্তারে আমার নিকট সকল কথা শুনিয়া তিনি প্রথমেই এড্রিনালিন ( Adrenalin ) ১০ মিনিম ও তিন মিনিম জল একত্রে জিহ্বার নীচে প্রয়োগ করিয়া ৪ ঘণ্টা অন্তর আরও তিনবার ইহা প্রয়োগের ব্যবস্থা করিলেন। অনন্তর ৬ আউন্স নস্যাল শালাইন সলিউসন ( Saline Solution ) ৪ ঘণ্টা অন্তর রেক্ট্যাল ইঞ্জেকসন এবং পূর্ববৎ ডিজিটেলিন ট্রীকনাইন ট্যাবলেট অধঃস্থাতিক ইঞ্জেকসন, ৪ ঘণ্টা অন্তর ব্যবস্থা করিলেন। অত্র কোন ঔষধ দিবার প্রয়োজন বুঝি না বলিয়া তিনি চলিয়া গেলেন, যাইবার কালীন আমাকে বিশেষভাবে বলিয়া গেলেন যে, পুরাতন ম্যালেরিয়া গ্রস্ত রোগী হইলেও এবং ওপিয়াই দিয়া ফল পাইলেও বর্তমানে প্রবলভাবে কলেরার এপিডেমিক আরম্ভ হইয়াছে, সুতরাং সাবধানে রোগীর চিকিৎসা করিবেন এবং নিজেও সাবধান হইবেন।

তিনটা রেক্ট্যাল শালাইন, তিনটা অধঃস্থাতিক ইঞ্জেকসন ও ২০ ফোঁটা এড্রিনালিন দেওয়ার পর রাত্রি ১১টার সময় দেখিলাম—পূর্ণ সম চাপ নাড়ী। সম্যক শুভ পরিবর্তন সহ স্ননিদ্রা দর্শনে আনন্দিত হইলাম।

২৪শে ভাদ্র—অত্র প্রাতে:ই নস্যাল শালাইন সলিউসন ৬ আউন্স রেক্ট্যাল ইঞ্জেকসন দিয়া এবং ২৩শে ভাদ্র যে মিক্শার দিয়াছিলাম, তাহাই চারি দাগ দিয়া বিদায় হইলাম। প্রস্রাব এখনও হয় নাই।

অত্র বিকালে সাড়ে চারিটার সময় লোক সংবাদ দিল যে, প্রায় অর্ধসের প্রস্রাব হইয়াছে। “ডাক্তার অনাথ বাবু বলিয়াছেন যে, মুনীন্দ্র বাবুকে পুনরায় আনাইয়া আরও দুইটা অধঃস্থাতিক ডিজিটেলিন ও ট্রীকনাইন ইঞ্জেকসন দিবার ব্যবস্থা করিও। তজ্জন আপনার নিকট আসিতে হইল।”

অতঃপর রোগীর বাড়ীতে উপস্থিত হইয়া ডিজিটেলিন ট্রীকনাইন পূর্ববৎ ইঞ্জেকসন দিয়া আসিলাম।



২৫শে ভাদ্র।—অণু প্রাতে: পুনরায় দেখিবার অনুরোধ স্বত্বেও যাইতে না পারিয়া, ডাক্তার অনাথ বাবুর নিকট লোক পাঠাইয়া ঔষধ আনিতে বলিলাম।

২৬শে ভাদ্র।—ওনিলাম গতকল্য ডাক্তার অনাথ বাবু কয়েকটা পুরিয়া দিয়াছিলেন, কিন্তু কি কি ঔষধ দিয়াছিলেন জানি না বা জিজ্ঞাসা করিবার সুযোগ হয় নাই। প্রাতে:ই লোক আসিয়া আমাকে যাইবার জন্ত অনুরোধ করিল এবং বলিল যে, “গতকল্য বেলা ১২টার সময় রোগীর কম্প সহ জ্বর আসিয়াছে তারপর একবার ভেদ ও দুইবার বমন হইয়াছে। রোগী সমস্ত রাত্রি জ্বর ভোগ করিয়াছে। নাড়ীর অবস্থা ভাল। প্রস্রাবও হইয়াছে,। রাত্রে ঘাম হইয়াছিল”। নির্দিষ্ট সময়ে রোগীর বাড়ী পহুঁছিয়া দেখিলাম যে রোগীর জ্বর বিচ্ছেদ হইয়াছে, অণু উপসর্গ নাই। অণু নিম্নলিখিত ব্যবস্থা করিলাম এবং সন্ধ্যার সময় রোগীর সংবাদ জানাইতে বলিয়া বিদায় হইলাম।

Re.

কুইনাইন হাইড্রোক্লোরাইড ... ৫ গ্রেণ।

এক মাত্রা। জলসহ বটীকা প্রস্তুত করিয়া, ১টা বটীকা মাত্রায় ৩ ঘণ্টাস্তর ৩টা সেব্য।

পথ্য।—লেবুর রসসহ বালিওয়াটার, বেদানার রস।

বিকালে পুনরায় লোক আসিয়া সংবাদ দিল যে, জ্বর হয় নাই এবং রোগী সুস্থতা অনুভব করিতেছে। অণু নিম্নলিখিত ঔষধ ব্যবস্থা করিলাম। পথ্য পূর্ববৎ।

Re.

কুইনাইন হাইড্রোক্লোর	...	৩ গ্রেণ।
এসিড এন, এম, ডিল	...	১০ মিনিম।
টাং নক্লভমিকা	...	৩ মিনিম।
এমন ক্লোরাইড	...	৫ গ্রেণ।
ভাইনাম ইপিকাক	...	৩ মিনিম।
টাং ইউনিমিন	..	৫ মিনিম।
একোয়া	...	এ্যাড ১ আউন্স।

একত্র ১ মাত্রা। এইরূপ ১২ বার মাত্রা। প্রতিমাত্রা ৩ ঘণ্টাস্তর প্রত্যহ ৪ বার সেব্য।

২৭শে ও ২৮শে ভাদ্র।—লোক আসে নাই। নিকটস্থ গ্রামের রোগীর লোক মুখে ওনিলাম, রোগীর জ্বর হয় নাই।

২৯শে ভাদ্র।—অণু লোক আসিয়া অন্ন পথ্যের ব্যবস্থা লইয়া গেল। ঔষধ আছে জানাইল। রোগীও সম্পূর্ণ সুস্থ আছে বলিল।

মন্তব্য।—উপরোক্ত রোগীর কলেরার সমস্ত লক্ষণই উপস্থিত হইয়াছিল, কেবল বর্ধিত প্লীহা ম্যালেরিয়া সন্দেহের পক্ষে অনুকুল ছিল। পক্ষান্তরে নিকবর্তী গ্রামে কলেরার প্রাদুর্ভাব এবং সেই গ্রামে রোগীর পান ভোজনের ইতিহাসে কলেরা সন্দেহই প্রবল হয়। পেপেইন ব্যবস্থা করায় উপকার হইয়াছিল বটে, কিন্তু এরূপ অবস্থায় ইহা ব্যবস্থা করা কঠিন। অণু কোন উপায় করা সে সময় অসম্ভব হওয়ায় অতি অন্ন মাত্রায় ইহা দিয়াছিলাম এবং উপকার অনুভব করিয়া আরও কয়েক মাত্রা দিয়াছিলাম। এলজিড ম্যালেরিয়ায় এইরূপ কলেরার লক্ষণ উপস্থিত হয় এবং বিলিয়াস ম্যালেরিয়াল রেমিট্যান্ট ফিভার ও ভেদ বমন হইয়া আরম্ভ হয়। কিন্তু এরূপ গুরুতর ভাবে হয় না। যাহা হউক, উভয়েরই মূল কারণ ম্যালেরিয়া জীবাণু, এজন্য কুইনাইন প্রয়োগ করার পরই জ্বর বন্ধ হইয়া আর পুনরাক্রমণ প্রকাশ করে নাই।

## কোলাইটিস—Collitis.

লেখক—ডাঃ শ্রীবিধু ভূষণ তন্ত্রদাস L. C. P. S.

M. D. (Homœo)

—:—

চিকিৎসা কার্যে সম্পূর্ণ জ্ঞান লাভ না করিয়া, যে সকল লোক চিকিৎসা ব্যবসাতে প্রবৃত্ত হন, তাহাদিগের হাতে চিকিৎসার ভার অর্পণ করিলে, সময়ে সময়ে যে কিরূপ বিপদগ্রস্ত হইতে হয় বর্তমান রোগীই তার প্রকৃষ্ট প্রমাণ। জরাক্রান্ত রোগীর চিকিৎসায় ঐ সকল চিকিৎসক জর মাত্রকেই “ম্যালেরিয়া” এবং ঔষধের মধ্যে “কুইনাইন,” ইহাই জানিয়া রাখিয়াছেন। সুতরাং নিতান্ত অপ্রয়োজনীয় স্থলে কুইনাইন প্রয়োগ করিয়া, রোগীকে শোচনীয় অবস্থাপন্ন করিয়া তুলেন। পাঠকবর্গের অবগতির জন্তু নিম্নে একটা রোগীর বিবরণ প্রদত্ত হইল।

রোগী—১টা বালক, নাম শান্তিপদ ঘোষাল, বয়স ৮ বৎসর। এই বালকটা গত ৮ই জুলাই জরাক্রান্ত হইয়া জনৈক গ্রাম্য চিকিৎসকের চিকিৎসাধীন হয়। তিনি ৫ দিন চিকিৎসা করেন। কিন্তু অনেক পরিমাণ কুইনাইন দিয়াও, জরের কোন উপশম করিতে না পারায়, ১৩ই জুলাই আমি ঐ রোগী দেখিতে আহুত হই। রোগী সম্বন্ধে যাহা জানিয়াছিলাম তাহা নিম্নে লিখিত হইল।

পূর্বে ইতিহাস।—বালকটা স্থানীয় জমিদারের পুত্র। আহার সম্বন্ধে সে বিলক্ষণ পেটুক, স্বেচ্ছাচারী। আম কাঁটাল পাকিবার পর হইতে সে একেবারে অন্ন ত্যাগ করিয়া প্রচুর পরিমাণে ঐ সমস্ত ফল ভক্ষণ করিতে থাকে। এই সময়ে ইলিশ মৎস্যের আমদানী হওয়ায়, প্রচুর ভাজা মৎস্য ও ডিম্ব খাইত। ২ মাস ধরিয়া এইরূপ অত্যাচারের পর ক্রমে তাহার অধিমান্য দেখা দেয় ও অজীর্ণ দান্ত হইতে থাকে। এরূপ অবস্থাতেও আহারের সুনিয়ম করা হয় নাই। ক্রমে জর উপস্থিত হয়।

উনিলাম—উক্ত স্থানীয় ডাক্তার বাবু প্রথম ২ দিন ফিবার মিকশচার দিয়াই জরটা ম্যালেরিয়া মনে করেন, এবং কুইনাইন ব্যতীত জরের উপশম হইবে না বিবেচনা করিয়া, জর স্বল্পেই কুইনাইন দিতে থাকেন। অতঃপর ক্রমশঃ পেট ফাঁপা, বমন, জরের বৃদ্ধি, ভুল বকা প্রভৃতি উপসর্গ উপস্থিত হওয়ায় আমার ডাক পড়ে।

বর্তমান অবস্থা।—১৩ই জুলাই বেলা ৪ টার সময় রোগী দেখি। এই সময় উত্তাপ ১০৩°৭, নাড়ী পূর্ণ ও দ্রুত। সাতিশয় পিপাসা, জিহ্বা খেতবর্ণ, পুরু ময়লা ও শূকাবৃত্ত এবং শুষ্ক। পিপাসার প্রাবল্য দৃষ্টে সমস্ত অন্ননালীই যে শুষ্ক হইয়াছে তাহা বুঝা যায়। পেটটা খুব শক্ত ও আধান যুক্ত। মধ্যে মধ্যে পাতলা ভেদ হইতেছে, তাহাতে সাময়িক ভাবে পেট ফাঁপা কম হইলেও, কিছুক্ষণ বাদেই পূর্ববৎ পেটের ফাঁপ হইতেছে। রোগী চক্ষু মুদ্রিত করিয়া বিড়বিড় করিয়া প্রলাপ বকিতেছে। দেখিলাম—বিকার হইয়াছে বলিয়া মাথায় জলপটীও দেওয়া হইয়াছে। চক্ষু স্বাভাবিক ছিল। জল বা ঔষধ খাইবামাত্র বমন হইয়া যাইতেছে, উহা সামান্য প্লেয়া যুক্ত। উদরে সমগ্র কোলন অংশ বেদনা যুক্ত। পেটে চাপ দিতেই রোগী চীৎকার করিয়া উঠিল।

বমনের স্বভাব, পাকাশয়ের অসহিষ্ণু ভাব, মলের প্রকৃতি এবং জিহ্বার অবস্থা দৃষ্টে ইহা যে, প্রকৃতই গ্যাস্ট্রিক ফিবার, তাহা অনুমান করতঃ, নিম্নলিখিত ব্যবস্থা করিলাম।

(১) রোগীর পেটে শীতল জলের পটী দেওয়ার ব্যবস্থা করা হইল।

এ অবস্থায় অনেকে পাকাশয়ের উপর ত্রিষ্টার বা মাষ্টার্ড প্রয়োগ করিয়া থাকেন। কিন্তু

আমি উদরোপরি ঠাণ্ডা জলের পটা দিয়া বমন নিবারণ বা পাকাশয়ের উগ্রতা দমন করিয়া থাকি । জল পটাতে উপকার না হইলে কাদার পুলটীস্ উপযোগিতার সহিত প্রযুক্ত হয় ।

সেবনার্থ—

২। Re.

বেটা গ্রাপথল	...	৩ গ্রেণ ।
মিউসিলেজ একেসিয়া	...	২০ মিনিম ।
অলিভ অয়েল	...	১ ড্রাম ।
স্পিরিট ক্লোরোফর্ম	...	১০ মিনিম ।
একোয়া সিনামোমাই	...	এড ৪ ড্রাম ।

একত্র মিশ্রিত করিয়া এক মাত্রা । এইরূপ ৪ মাত্রা । প্রতিমাত্রা ২ ঘণ্টাস্তর সেব্য ।

৩। Re.

পটাশ সাইট্রাস	...	৫ গ্রেণ ।
সোডি সাইট্রাস	...	৫ গ্রেণ ।
ভাইনম ইপিকাক	...	১/৪ মিনিম ।
এসিড হাইড্রোসিয়ানিক ডিল	...	১ মিনিম ।
সিরাপ লিমন	...	১ ড্রাম ।
একোয়া এনিসাই	...	এড ৪ ড্রাম ।

একত্র একমাত্রা । এইরূপ ৪মাত্রা । উপরিউক্ত মিশ্রের সহিত পর্যায়ক্রমে ২ঘণ্টাস্তরসেব্য ।

পথ্য—এসেন্স মুসুরী, ছানার জল, টাটকা ঘোল, শানাটোজেন ।

১৪।৭।২৭—অন্ত প্রাতে: উত্তাপ ১০২, বৈকালে ১০৩°৩, নাড়ী পুষ্ট ও দ্রুত, ৭ বার দাস্ত হইয়াছে, উহাতে অর্ধ তরল ও ২।১টা গুটলে ও আম (প্লেগ্মা) ছিল। পেটের কামড়ানি আছে। জিহ্বার অবস্থা ও পিপাসা পূর্ববৎ। পেটের ফাঁপ ও শক্তভাব কিছু কম। মধ্যে মধ্যে বমনোদ্বেষ্ট আছে। বৈকালের পথ্য উদরে স্থায়ী হইয়াছিল। বন্ধুতে ও পেটে বেদনা ছিল।

ঔষধাদি পূর্ববৎ। কেবল ২নং ব্যবস্থাপত্রোক্ত অলিভ অয়েলের মাত্রা এক ড্রাম স্থলে অর্ধ ড্রাম করিয়া দেওয়া হইয়াছিল।

১৫।৭।২৭—প্রাতে: উত্তাপ ১০০, বৈকালে ১০২ ডিগ্রী ৪বার দাস্ত হইয়াছে, উহাতে মল ও প্রচুর পরিমাণে প্লেগ্মা (মিউকাস) ছিল। ২বার বমন হইয়াছে, উহাতেও মিউকাস ও ভুক্ত দ্রব্য ছিল। পেটের কামড়, বেদনা, পিপাসা পূর্ববৎ। কেবল জিহ্বার অগ্রভাগ পরিষ্কার ও জিহ্বা কতক অর্ধ হইয়াছে। পেটের ফাঁপ আছে।

অন্ত পূর্ব ব্যবস্থা পরিবর্তন করিয়া নিম্নলিখিত ব্যবস্থা করিলাম। যথা,—

৪। Re.

সোডি বাইকার্ব	...	৫ গ্রেণ ।
কার্ব লিগনাই (কাঠাসার)	...	৩ গ্রেণ ।
হাইড্রার্ক কাম ক্রিটা	...	১/৬ গ্রেণ ।
পালভ প্যানক্রিয়েটিন	...	২ গ্রেণ ।
পেপ্‌সিন পোসাই	...	২ গ্রেণ ।
শাক:ল্যাক:	...	৩ গ্রেণ ।

একত্র এক পুরিয়া; এইরূপ ৬ পুরিয়া। প্রতি পুরিয়া ৩ ঘণ্টাস্তর সেব্য। এবং—

## ৫। Re.

স্পিরিট এমন এরোমেট	...	৫ মিনিম।
স্পিরিট ক্লোরোফর্ম	...	৫ মিনিম।
ভাইনম ইপিকাক	...	১/৪ মিনিম।
এসিড সাইট্রিক	...	১০ গ্রেণ।
টিং ল্যাভেণ্ডার কোং	...	৫ মিনিম।
সিরাপ লিমন	...	১ ড্রাম।
একোয়া	—	এড্ ৪ ড্রাম।

একত্র একমাত্রা; এইরূপ ৪ মাত্রা।

## ৬। Re.

সোডি বাইকার্ব	...	৫ গ্রেণ।
এমন কার্ব	...	২ গ্রেণ।
সিরাপ লিমন	...	২০ মিনিম।
একোয়া এনিথাই	...	২ ড্রাম।

একত্র একমাত্রা। এইরূপ ৪ মাত্রা উপরোক্ত ৫নং মিকশচারের সহিত মিশাইয়া উচ্ছলিত অবস্থায় ৩ ঘণ্টাস্তর সেব্য।

১৬।৭।২৭—প্রাতে: উত্তাপ ৯৯, জিহ্বা পরিষ্কার ও আর্দ্র। পিপাসা আছে। শুনিলাম—রোগী রাত্রেই বেশী জল খায় ও পেট বেদনার কথা বলে ৪ বার দাস্ত হইয়াছে, উহাতে কাঁটালের অজীর্ণ অংশ দেখা গেল। সম্ভবতঃ এ সময়েও রোগীর আবদার রক্ষার জন্ত কুপথ্য দেওয়া হইতেছিল। এদিকে সমস্ত রোগী আরোগ্য হইতেছে না বলিয়া গৃহস্থের যথেষ্ট ভাবনাও হইতেছিল। পেটের ফাঁপ খুব সামান্য ছিল। ঔষধাদি পূর্ববৎ।

এই দিন সন্ধ্যাবেলা পুনরায় জ্বর বৃদ্ধি হওয়ায় আমি পুনরায় আহত হইলাম। তখন উত্তাপ ১০৩.৫ ডিগ্রী, পেটের ফাঁপ বাড়িয়াছে, অনবরত বমনোদ্বেক হইতেছে। দাস্ত হয় নাই।

পূর্বোক্ত গৃহচিকিৎসক মহাশয় প্রত্যাহই রোগী দেখিতেন। তবে আমার সঙ্গে কোন দিন তাঁহার সাক্ষাৎ হয় নাই। শুনিলাম ৯৯ টেমপেরেচার দেখিয়া তিনি ১০ গ্রেণ কুইনাইন ও ফেরিসাফ ১/২ গ্রেণ এবং একটুকু জেনসেন যোগে ৪টা বটিকা প্রস্তুত করিয়া খাইতে দিয়াছেন। এই সঙ্গে এই মন্তব্যও প্রকাশ করিয়াছেন যে, ডাক্তার মাত্রেই (অবশ্য তিনি বাদে) রোগীকে বেশী দিন চিকিৎসার লোভে, রোগীর জ্বর ত্যাগ হইলেও, কুইনাইন না িয়া দীর্ঘ সময় লাগাইয়া থাকে। আর এইরূপ দুর্বল রোগীর বলাধান জন্ত অবশ্যই লৌহ দিতে হইবে। নতুবা রোগী বলবান হইবে কি করিয়া?

শুনিলাম—কুইনাইন খাওয়াইবার সময় অতিবাহিত হওয়ায়, আমার প্রদত্ত ঔষধ খাওয়াইতে সময় হয় নাই। তবে বেলা ৫টার সময় জ্বর আসিবার পর হইতে একদাগ ঔষধ ও একটা পুরিয়া দেওয়া হইয়াছিল।

এই সময় একবার বমন হওয়ায়, তাহাতে গুটীকতক মুড়ি দেখিতে পাইলাম। জিজ্ঞাসায় জানিলাম কুইনাইন খাইয়া মুখ তিক্ত হওয়ায় কিছু মুড়ি চর্বন করিতে দেওয়া হইয়াছিল।

রোগীকে ইচ্ছামত পথ্য ও অপরের ব্যবস্থা মত ঔষধ খাওয়াইলে, আমার দ্বারা চিকিৎসা অসম্ভব বলায়, পুনরায় বালকের পিতা এরূপ হইবে না স্বীকৃত হওয়ায়, আমি পূর্ববৎ ৪, ৫ ও ৬নং ঔষধ খাওয়াইতে বলিয়া বিদায় হইলাম।

১৭।৭।২৭—অগ্ন প্রাতে: উত্তাপ<sup>১</sup> ১০০, ৩ বার দান্ত হইয়াছে, উহা শ্লেষ্মা ও মলযুক্ত । পেটের ফাঁপ ও বমনোদ্বেগ কমিয়াছে । প্রাতে ২:৩ বার বাহে যাইব বলিয়া বসিয়াছে, কিন্তু হয় নাই । পেট টিপিয়া মিয়গামী কোলনে একটা বৃহৎ গুটলে রহিয়াছে দেখিয়া তখনই ১ আউন্স গ্লিসারিন, কাঁচের পিচকারী সাহায্যে এনিমা দেওয়ায়, ঐ বৃহৎ গুটলের সঙ্গে অনেকখানি তরল মল নির্গত হইল । তাহাতে রোগী বেশ শান্তি অনুভব করিল । অগ্ন নিম্নলিখিত ব্যবস্থা করিলাম ।

৭। Re.

কার্বনেট অব বিসমাথ	...	৫ গ্রেণ ।
বাই কার্বনেট অব সোডা	...	৫ গ্রেণ ।
টিং ক্যাপসিকাম	...	২ মিনিম ।
গ্রাইকো থাইমোলিন	...	১০ মিনিম ।
ভাইনাম পেপ্‌সিন	...	১০ মিনিম ।
টিং জিঞ্জার	...	১০ মিনিম ।
টিং পালসেটীলা	...	১ মিনিম ।
সিরাপ অরেনসিয়াই	...	১ ড্রাম ।
একোয়া সিনামোমাই	...	৪ ড্রাম ।

একত্র একমাত্রা । এইরূপ ৬ মাত্রা । প্রতিমাত্রা ৪ ঘণ্টাস্তর সেব্য ।

পথ্য—লেমন হোয়ের সহিত ১০ ফেঁটা ব্রাণ্ডি মিশাইয়া খাইতে বলিলাম ।

১৮।৭।২৭—উত্তাপ স্বাভাবিক, জিহ্বা সম্পূর্ণ পরিষ্কার ও আর্দ্র, পেট ফাঁপা আদৌ নাই । খুব ক্ষুধা হইয়াছে । ২ বার দান্ত হইয়াছে, উহা স্বাভাবিক এবং কৃষ্ণবর্ণ । শুনিলাম রাত্রে পিপাসা হয় ।

পূর্কদিনের ৭নং ঔষধ ৪ মাত্রা দিলাম ।

পথ্য—সাবুর ভাত ও মাগুর মাছের ঝোল ।

১৯।৭।২৭—উত্তাপ স্বাভাবিক : গতকল্য জ্বর হয় নাই । ১বার স্বাভাবিক দান্ত হইয়াছে । অগ্ন কোন উপসর্গ নাই ।

অগ্ন রোগী ভাত খাইবার জন্ত চীৎকার করিতেছে । কোন মতে নিবৃত্ত হইতেছে না । পুনরায় যাহাতে জ্বর না হয়, সে জন্ত বিশেষভাবে অনুরুদ্ধ হইয়াছিলাম, আমিও এই বলিয়া আশ্বাস দিয়াছিলাম যে, কুপথ্য সেবনে পেট গরম হইলেই জ্বর হইবে, অতএব পথ্য বিষয়ে খুব সাবধান হওয়া কর্তব্য ।

ঔষধাদি—পূর্ববৎ ।

২০শে জুলাই—সমস্ত দিন জ্বর ছিল না । কিন্তু রাত্রে পুনরায় জ্বর আসে ।

২১শে—শুনিলাম যে, রোগীর অসহ ক্রন্দনে বিরক্ত হইয়া আমার অজ্ঞাতসারে ১৯শে তারিখেই দুধ ভাত দেওয়া হইয়াছিল এবং ২০শে তরকারী যোগে উদর পুষ্টি করিয়া অন্নাহার করিয়াছিল । দেখিলাম—রোগীর পেটটা পুনরায় ফাঁপযুক্ত, শক্ত ও বেদনাগ্রস্ত হইয়াছে, জিহ্বা পরিষ্কার কিন্তু খুব পিপাসা ও বমনোদ্বেগ বর্তমান ছিল ।

বড় লোকের বাড়ীর চিকিৎসাতে এইরূপ রোগ ছর্ভোগ হয় । স্তত্রাং বিরক্তি না করিয়া ৭ নং ব্যবস্থা মত ঔষধ ৬ মাত্রা ব্যবস্থা করিয়া বিদায় হইলাম ।

এই জর একজরী অবস্থায় ৭ দিন ভোগ হইয়া ২৮শে রাত্রে বিরাম হয় । ২১শে হইতে ৭নং ব্যবস্থা হইতে বিসমাথ কার্ব বাদ দিয়া লাইকর বিসমাথ ১৫ মিনিম মাত্রায় যোগ করিয়া এ কয়দিন উক্ত ৭নং মিশ্র ঔষধই দিয়াছিলাম ।



২৬শে—ক্যাষ্টর অয়েল ইমালশন সেবন করিতে দেওয়ায় ৫ বার প্রচুর দান্ত হয় যদিও প্রত্যহই ২।১ বার দান্ত হইতেছিল, তথাপি ইহাতে প্রচুর আম সংযুক্ত তরল মল নির্গত হইয়াছিল ।

এবার যাহা পথ্য ব্যবস্থা করিতাম রোগী শান্ত শিষ্ট ভাবে তাহাই খাইত । এ কয়দিন লেবুর রসের সহিত জলবাণী দেওয়া হইয়াছিল, আর কিছু ফলের রস ছিল ।

২৯শে জুলাই—প্রাতে: জরের সম্পূর্ণ বিরাম হওয়ায়, নিম্নলিখিত ব্যবস্থা করিলাম ।

৮। Re

কুইনাইন সালফ	...	২ গ্রেণ ।
স্যালিসিন	...	২ গ্রেণ ।
পেপ্‌সিন পোসাই	...	৫ গ্রেণ ।
সোডি বাইকার্ব	...	৩ গ্রেণ ।

একত্র এক পুরিয়া । এইরূপ ৪ পুরিয়া । প্রতি পুরিয়া ২ ঘণ্টাস্তর সেব্য ।

পথ্য—ঘোল সহ চিড়ার কাধ ।

৩০।৭।২৭—জর নাই, জিহ্বা বেশ পরিষ্কার ও আদ্র, নাড়ীর গতি স্বাভাবিক, পেটে বেদনা বা কামড়ানী নাই । ২ বার দান্ত হইয়াছে ।

ঔষধাদি পূর্ববৎ । (৮নং পুরিয়া ৪টি ।)

পথ্য—হৃৎ সাণ্ড, এক বন্ধা হৃৎ । রাত্রে শানাটোজেন ।

৩১।৭।২৭—রোগী সম্পূর্ণরূপে সুস্থ আছে । অল্প নিম্নলিখিত ব্যবস্থা করিলাম ।

৯। Re.

কুইনাইন সাল্‌ফ	...	১ গ্রেণ ।
এসিড সাল্‌ফ ডিল	...	৩ মিনিম ।
টীং কলম্বা	...	৫ মিনিম ।
টীং জেনসিয়ান কোঃ	...	৫ মিনিম ।
টীং নক্সভমিকা	...	১ মিনিম ।
টীং জিঞ্জার	...	৫ মিনিম ।
ভাইনম গ্যালিসাই	...	১০ মিনিম ।
একোয়া ক্লোরোফর্ম	...	৪ ড্রাম ।

একত্র এক মাত্রা । এইরূপ ১২ মাত্রা, প্রত্যহ ৩ বার সেব্য ।

পথ্য—বালি'র রুটী, মাছের ঝোল ।

৩রা আগষ্ট—অল্পপথ্য দেওয়া হইয়াছিল ।

বর্তমানে রোগী সম্পূর্ণ সুস্থ আছে এবং পথ্য সম্বন্ধে এবার খুব সুনিয়মে চলিতেছে ।

## বিনা অস্ত্রে পৃষ্ঠত্রণ চিকিৎসা ।

### Treatment of Carbuncle Without Operation.

লেখক—ডাঃ শ্রীদাশরথি পাঠক L. M. F. ( বর্তমান )

—:o:—

১ম রোগী—অনেক অশীতি বৎসর বয়স্ক বৃদ্ধ ব্রাহ্মণ ।

পূর্ব ইতিহাস । ওনিলাম—কয়েক দিবস পূর্বে রোগীর মেরুদণ্ডের দেড় ইঞ্চি দক্ষিণে ক্যাপুলার উপর একটি ক্ষুদ্র ত্রণ হইয়াছিল । সেটি ক্রমশঃ বড় হওয়াতে ও উহাতে অতিশয় যত্ন হওয়াতে, তাহার একটু খুঁটিয়া দিয়া, ত্রণটির মুখ অগ্নিত্র



হইতে একটু মলম আনিয়া লাগাইয়া দিয়াছিল। ইহাতে ষাতনার কোন উপশম না হইয়া ক্রমশঃ বৃদ্ধি প্রাপ্ত হওয়ায়, গত ৩রা জুন তারিখে আমাকে আহ্বান করে।

**বর্তমান অবস্থা**—উক্ত দিবসে বৈকালে আমি উপস্থিত হইয়া দেখিলাম যে, ৪ ইঞ্চি পরিমিত স্থান লইয়া, মেরুদণ্ড ও দক্ষিণ স্ক্যাপুলার উপর, ভ্রমরার চাকের ভায় ক্ষুদ্র ক্ষুদ্র গর্ত বিশিষ্ট একটি বিস্তীর্ণ ক্ষত হইতে স্নায়ু অল্প করিয়া পুঁজ নির্গত হইতেছে। রোগী যন্ত্রণায় অস্থির। দৈহিক উত্তাপ ১০০.৪ ডিগ্রী। জিহ্বা শ্বেত লেপাবৃত। নিয়মিত দান্ত খোলসা হয় না। প্রস্রাব স্বাভাবিক মত হইতেছে। ক্ষুধা ভাল হয় না। স্তম্ভপিণ্ড ও ফুসফুসে কোন কিছু দোষ নাই।

উক্ত ক্ষতটী যে, “কার্কঙ্কল” তৎসম্বন্ধে স্থির নিশ্চয় হইয়া নিম্নলিখিত চিকিৎসার ব্যবস্থা করিলাম।

**চিকিৎসা** :—আমি অল্প উহাতে কার্কলিক এসিড প্রয়োগ করিয়া ব্যাণ্ডেজ বাধিয়া দিলাম। দুই দিন ইহা দিবার পর বিশেষ কোন ফল হইল না; বরং ক্ষতটী ৬.৭ ইঞ্চি বিস্তৃত হইয়াছে, দেখা গেল।

৩।৩।২৭—অল্প আমি উহা অল্প করিতে ইচ্ছুক হইলাম। কিন্তু আমাকে দেখিয়া রোগী অঙ্গ করাইতে সম্মত না হওয়ায় আমি নিম্নলিখিত ঔষধটি ব্যবস্থা করিলাম।

ম্যাগ সালফের স্ফাচুরেটেড্ সলিউসনে একটুকরা লিণ্ট ভিজাইয়া উহা উক্ত ক্ষতোপরি লাগাইয়া দিলাম। প্রথমে কার্কলিক লোসনে ক্ষতটি বেশ করিয়া ধুইয়া তাহার উপর কিছুক্ষণ বোরিক কম্প্রেশ দেওয়ার পর ম্যাগ সালফের দ্রব সিক্ত লিণ্ট প্রয়োগ করিয়া টিলাভাবে ব্যাণ্ডেজ বাধিয়া দিলাম। দিবসে এইরূপ দুইবার ডেস ও ঔষধ প্রয়োগ করিতে বলিলাম। সেবনার্থ নিম্নলিখিত ঔষধ ব্যবস্থা করিলাম।

১। Ke.

কুইনাইন সালফ্	...	৪ গ্রেণ।
এসিড সালফ্ ডিল	..	১০ মিনিম।
টিং ফেরি পারক্লোর	..	১০ মিনিম।
ম্যাগ সালফ্	...	১ ড্রাম।
লাইঃ আর্সেনিক হাইড্রোক্লোর	...	২ মিনিম।
একোয়া অরেন্সাই ফ্লোরিস	...	এড্ ১ আউন্স।

একত্রে এক মাত্রা। এইরূপ ৪ মাত্রা। প্রতিমাত্রা তিন ঘণ্টাস্তর সেব্য।

এইরূপে ৬.৭ দিন চিকিৎসা করায় ক্ষত হইতে যথেষ্ট পুঁজস্রাব হইয়া তুলা ও ব্যাণ্ডেজ সিক্ত হইয়া যাইত। সন্দেহ ছরীকরনার্থ রোগীর প্রস্রাব পরীক্ষায় শর্করাদি কিছুই পাই নাই।

১৩।৩।২৭—এই দিন যাইয়া দেখি যে, “ক্ষতের একধারে একটি ধলীর মত হইয়া একটা পুরু প্লাফ্ দ্বারা তাহা আবৃত হইয়া রহিয়াছে। তাহার ভিতর যথেষ্ট পুঁজ রহিয়াছে জানিয়া, আমি সেই অর্ধ ইঞ্চি মোটা প্লাফ্টি কাটিয়া দিলাম। ইহাতে যথেষ্ট পুঁজ নির্গত হইল, কিন্তু রোগী কাটিবার সময় কিছুই অনুভব করেন নাই। এই দীর্ঘ প্লাফ্টি তুলিয়া দেওয়াতে ক্ষতটি প্রায় দুই ইঞ্চি গভীর গর্তে পরিণত এবং ভিতরটা লালবর্ণ হইয়াছিল। অতঃপর নিম্নলিখিত ঔষধটি একখণ্ড আইডোফর্ম গজে সিক্ত করিয়া উহাতে স্থাপন করতঃ ব্যাণ্ডেজ বাধিয়া দিলাম।

২। Re

গ্লিসিরিনাম এসিড কার্কলিক	...	১ আউন্স।
গ্লিসিরিন	...	১ আউন্স।

একত্রে মিশ্রিত করতঃ, ক্ষতের সমান একখণ্ড গজ কাটিয়া লইয়া, উহাতে এই ঔষধটি

মাথাইয়া ক্ষতোপরি লাগাইয়া দিলাম এবং পূর্কোক্ত প্রকারে প্রত্যহ দুইবার করিয়া ড্রেস করিতে বলিলাম। এই সময়ের মধ্যে ৪ দিন ঔষধ খাওয়ান বন্ধ হওয়াতে জরীয় উত্তাপ ১০১° ডিগ্রী পর্য্যন্ত হইয়াছিল।

২০।৩।২৭।—অণু জরীয় উত্তাপ রাত্রি ১০১°৪ ডিগ্রী পর্য্যন্ত হওয়াতে, নিম্নলিখিত ব্যবস্থা করিলাম।

৩। Re.

কুইনাইন হাইডোক্লোর	...	৫ গ্রেণ।
এসিড এন, এম, ডিল	..	১০ মিনিম।
টিং নক্সভমিকা	...	১০ মিনিম।
ক্যাস্কারা ইভাকুয়েন্ট	...	৩০ মিনিম।
স্পিরিট ক্লোরফরম	...	১০ মিনিম।
একোয়া মেম্বপিপ	...	এ্যাড্ ১ আউন্স।

একত্র এক মাত্র। এইরূপ ৬ মাত্র। প্রত্যহ ৩ বার সেবা।

২২।৩।২৭।—অণু সংবাদ পাইলাম, রোগীর আর জ্বর হয় নাই। ক্ষত ক্রমশঃই শুকাইয়া আসিতেছে ও খুব লাল হইয়াছে। ক্ষতে পুঁজ সামান্যই দেখিতে পাওয়া যায়। কিন্তু বেশ দুর্গন্ধ আছে। সেই জন্ত অণু নিম্নলিখিত পাউডারটি দিলাম।

৪। Re.

আইডোফর্ম	...	১ ড্রাম।
বোরিক এসিড	...	১ আউন্স।

একত্র মিশ্রিত করিয়া ক্ষতে ছিটাইয়া দিয়া ব্যাণ্ডেজ বান্ধিয়া দিলাম। অণু হইতে কেবল এই ঔষধ দ্বারাই ড্রেস করার ব্যবস্থা করা হইল।

৩।৭।২৭।—অণু দেখিলাম যে, বেশ লাল হইয়াছে। আর পুঁজ নাই। ক্ষতে কোনরূপ দুর্গন্ধও নাই। ঘা অনেক পুরিয়া আসিয়াছে। অণু নিম্নলিখিত মলমটি ক্ষতে লাগাইবার জন্ত দিলাম।

৫। Re.

পালভ্ এসিড বোরিক	...	২৫ গ্রেণ।
প্যারাক্ফিণ মোলিস	...	১ আউন্স।

একত্র মিশ্রিত করিয়া প্রত্যহ ১ বার করিয়া লাগাইতে দিলাম।

ইহাতে ৫।৬ দিনের মধ্যেই রোগীর ক্ষত সম্পূর্ণরূপে আরোগ্য হইয়াছিল।

**মন্তব্য**—যে রোগী অস্ত্র করাইতে স্বীকৃত হয় না, তাহার কার্ক্ষল যে, বিনা অস্ত্রে সালফেট অব ম্যাগনেসিয়াম চূড়ান্ত দ্রব দ্বারা যে, আরোগ্য করান যাইতে পারে তাহাতে সন্দেহ নাই। ইহা প্রয়োগে সত্বরেই কার্ক্ষলের ক্ষত পরিষ্কার এবং উহা সাধারণ রূপে পরিণত হয়। এই সময় উহা সাধারণ ক্ষত চিকিৎসায় সহজেই আরোগ্য হইয়া থাকে। বর্তমান রোগীতে তাহাই হইয়াছিল। আমি মাননীয় ডাক্তার শ্রীযুক্ত প্রকাশচন্দ্র দাস মহাশয়ের মতামতসারেই ইহা প্রয়োগ করিয়াছিলাম। আমি আরও কয়েকটি রোগীর কার্ক্ষল বিনা অস্ত্রে এই ঔষধ দ্বারা আরোগ্য করিয়াছি।

**২য় রোগী**—জনৈক হিন্দু পুরুষ। বয়ঃক্রম ৪০।৪২ বৎসর। ইহার পৃষ্ঠদেশে মেরুদণ্ডের নিকট একটি বৃহৎ কার্ক্ষল হইয়াছিল। ইহাতে অতিশয় যন্ত্রণা হওয়াতে রোগী আমার নিকট আসে। আমি স্ট্রাটুরেটেড সলিউশন অব ম্যাগ সালফ্ পূর্কোক্ত প্রকারে ব্যবস্থা করিয়াছিলাম। ইহাতেই ক্ষতের মুখ বিস্তৃত হইয়াছিল। আর অস্ত্র করিবার প্রয়োজন হয় নাই। পরে একটু বোরিক মলম দেওয়াতে ক্ষত আরোগ্য হইয়াছিল।



## বাইওকেমিক অংশ।

### মহাত্মা সুশ্LAR।

ব্যাদি যন্ত্রণা-পীড়িত-মানব চাহিল যে দিন মুক্তি,  
তুমি “সুশ্LAR” কণ্ঠে তোমার শোনা’লে “মাইভেঃ” উক্তি  
শুধু কণ্ঠ, শীর্ণ অঙ্গ, জীর্ণ, ভয় চিন্তে  
ঢালিলে তোমারি অমৃতবারি, ত্যাজি’ সম্মান বিস্তে ।  
কত তপস্যা, কত যে সৈর্যা, কত বিনিদ্ররাত্রি,  
কাটা’লে ঘুচা’তে মানব-যাতনা অমৃত-পথ-যাত্রী ।  
ছিল যা’রা ক্ষীণ, মৃত্যু-মলিন, যন্ত্রণা-ব্যথা-সিক্ত  
করিলে তা’দের ললাটে “স্বাস্থ্য-শক্তি-চন্দন” লিখ ।  
মৃত্যু পলা’ল সতয়ে হৃদয়ে, যন্ত্রণা হ’ল লুপ্ত  
আশা আনন্দে উন্মাদ হ’য়ে জাগিল মানব স্তম্ভ ।  
তোমার প্রতিভা, তপস্যাবল, তব বিজ্ঞান সৃষ্টি,  
অনাগত কাল অবধি করিবে স্বাস্থ্য ও সুখ বৃষ্টি ।  
যাবত শোভিবে দূর অধর, তারকা তপন চক্রে—  
তব মহানাম ধ্বনিবে নিখিলে ঘন-গভীর মন্ত্রে ।  
ভক্তি-পুরিত লক্ষ হৃদয় লুটাবে চরণ প্রান্ত,  
মিলিবে সেধায় আতুর-অনাথ রোগ-শোক-তাপ-শ্রান্ত ।  
এ মর ভুবনে অমর হে তুমি, তুমি মহাত্মা ধনু,  
তোমা’রে লভিয়া ধরিত্রী দেবী হইল কৃতার্থমন্ত ।  
নমি হে তোমার চরণ-পদে ভক্তি-প্রণত চিন্তে—  
রহ চিরকাল পূজিত নিখিল-মানব-হৃদয়-তীর্থে ।

ডাঃ শ্রীমন্মোক্ষকুমার দাশ ।



## অজীর্ণ—Dyspepsia.

লেখক—ডাঃ শ্রীনিবাসকুমার দাশ M. B, M. C. P. & S.

ইতিপূর্বে এলোপ্যাথিক মতে অজীর্ণ পীড়ার চিকিৎসা বিস্তৃতভাবে আলোচনা করিয়াছি। ( ১৩৩৩ সালের ১২শ সংখ্যা হইতে ১৩৩৪ সালের ৪র্থ সংখ্যা চিকিৎসা প্রকাশ দ্রষ্টব্য )। বর্তমান প্রবন্ধে বাইওকেমিক মতে এই পীড়ার চিকিৎসা প্রণালী আলোচিত হইবে। এলোপ্যাথিক আলোচনায় এতদসম্বন্ধীয় সাধারণ তথ্যগুলি সরিস্তারে আলোচিত হইয়াছে, সুতরাং তদসমুদয়ের পুনরুলেখ বাহুল্য।

**বাইওকেমিক মতে চিকিৎসা।**—অজীর্ণ পীড়ায় সাধারণতঃ অম্বল হইয়া বুকজ্বালা করিলে এবং ভেদ ও বমনে অম্ল গন্ধ থাকিলে **নেট্রাম ফস্ ৩x**, ২ ঘণ্টাস্তর সেবন করিতে দিলে অতি সুন্দর ফল হয়। ৩x এ উপকার না হইলে ৬x দিবে। কখনও কখনও ৩০x ও দরকার হইয়া থাকে। সাধারণতঃ নিম্নক্রমেই উপকার পাওয়া যায়। ইহার সহিত অজীর্ণ তুচ্ছদ্রব্য ভেদ বা বমন হইলে **নেট্রাম ফস্** সহ **ফেরাম ফস্ ১২x** ব্যবহারে সুন্দর ফল পাওয়া যায়। **ফেরাম ফস্ ১২x** সেবনে ক্ষুধার বৃদ্ধি হইয়া থাকে। ক্ষুধামান্দ্য পীড়ায় **ফেরাম ফস্ ১২x** অতি উৎকৃষ্ট ঔষধ। বহু রোগীতে ইহা আমার পরীক্ষিত। কখন কখনও **ফেরাম ফস্** আবশ্যিক হইয়া থাকে।

অজীর্ণকর গুরুপাক দ্রব্য আহারে অজীর্ণ পীড়া উপস্থিত হইলে **ক্যাল্কেরিয়া ফস্ ৩x** ২ঘণ্টাস্তর সেবন অতি উৎকৃষ্ট ফল পাওয়া যায়। অজীর্ণ জনিত তরল ভেদ ইত্যাদিতে **ফেরাম ফস্ ৬x** ও **ক্যাল্কেরিয়া ফস্ ৩x** একত্রে মিশ্রিত করিয়া, ২।৩ ঘণ্টাস্তর প্রয়োগ করিলে অতি সুন্দর উপকার হইয়া থাকে। পুরাতন পীড়ায় **ক্যাল্কেরিয়া ফস্ ৩০x** অতি উপযোগী ঔষধ। উদরে কামড়ানি থাকিলে এতদসহ **ম্যাগনেশিয়া ফস্ ৬x** বা **৩x** মিশ্রিত করিয়া লইবে। উদরের সর্ববিধ বেদনাতেই, ইহা এলোপ্যাথিক মর্ফিয়া অপেক্ষাও দ্রুত কার্যকরী হইয়া থাকে। ইহাতে উদরের যন্ত্রণা নিরাময় হইলে, উহার আর পুনরাক্রমণ হইতে দেখা যায় না। মর্ফিয়ার স্থায় ইহার কোনও মাদক ক্রিয়া নাই। ঔদরিক বেদনায় ইহা আণ্ড, অব্যর্থ ও স্থায়ী ফলপ্রদ ঔষধ। উষ্ণ জল সহ **ম্যাগনেশিয়া ফস্** সেবন করিতে দিলে ইহার ক্রিয়া আরও দ্রুত প্রকাশিত হয়। দ্রুত পকাদি গুরুপাক দ্রব্য আহারের পর পীড়া হইলে **নেট্রাম ফস্** দিবে।

পুরাতন পীড়ায় নিম্নলিখিত ব্যবস্থাটা বিশেষ ফলপ্রদ। যথা;—

Re.

ফেরাম ফস্ ১২x	...	২ গ্রেণ।
নেট্রাম ফস্ ১২x	...	২ গ্রেণ।

একত্রে মিশ্রিত করিয়া ১ মাত্রা। প্রত্যহ আহারের ১ ঘণ্টা পূর্বে এক এক মাত্রা সেব্য।

ইহা সেবনে বহু চর্দ্দম্য অজীর্ণ পীড়াও সত্বর, সুন্দর ভাবে আরোগ্য হইতে দেখিয়াছি। পীড়ার প্রাবল্য হ্রাস হইলেও, কিছু দীর্ঘকাল ঔষধ ব্যবহার করা উচিত। যকৃতের ক্রিয়ার বৈলক্ষণ্য দৃষ্ট হইলে নেট্রাম্ সাল্ফ্ ৬x প্রাতে: ও সন্ধ্যায় দিবে। জিহ্বা খেতবর্ণ মলাবৃত ও কোষ্ঠবদ্ধ থাকিলে এবং মলের বর্ণ কাল হইলে কেলি মিউর ৬x বা ১২x উপকারী। শিশুদের জন্য কেলি মিউর ১২xই সাধারণতঃ অধিক উপযোগী।

মলের রং হরিদ্রা বর্ণের বা হরিদ্রাভ বর্ণের হইলে, নেট্রাম্ সাল্ফ্ এবং কখন কখনও এতৎসহ কেলি সাল্ফ্ উপকারী। বৈকালে বা সন্ধ্যায় পীড়ার বৃদ্ধি অনুভূত হইলে, কেলি সাল্ফ্ ৬x অতি উপাদেয়। তখন অণ্ডাণ্ড ঔষধের সহিত ইহা দিতে ভুলিও না। কখনও বা নেট্রাম্ সাল্ফ্ ও কেলি মিউর উভয় ঔষধই একত্রে দিবার আবশ্যক হয়।

পুরাতন পীড়ায় নেট্রাম্ মিউর ৩০x, কেলি মিউর ১২x, নেট্রাম্ সাল্ফ্ ৩০x, সাইলিসিয়া ৩০x, নেট্রাম্ ফস্ ৬x, ১২x বা ৩x, ফেরাম ফস্ ১২x, ক্যালকেরিয়া ফস্ ৩০x উপযুক্ত ঔষধ, রোগীর অবস্থা পর্যালোচনা করিয়া এক, দুই, তিন বা ততোধিক ঔষধ একত্রে মিশ্রিত করিয়া বা পর্যায়ক্রমে ব্যবহার করিবে।

তরুণ পীড়ায় উদরাময় থাকিলে নিম্নলিখিত ব্যবস্থা বিশেষ উপকারী হয়।

Re.

ফেরাম্ ফস্ ৬x	...	২ গ্রেণ।
ক্যাল্: ফস্ ৩x	...	২ গ্রেণ।
নেট্রাম্ ফস্ ৩x, বা ৬x	...	২ গ্রেণ।

একত্র মিশ্রিত করিয়া ১ মাত্রা।

পেটকাম্ড়ানিতে ম্যাগ্ ফস্ ৬x, ২ গ্রেণ মাত্রায় ২ ঘণ্টান্তর সেবন করিলে সত্বর উপকার পাওয়া যায়।

পিত্ত জনিত অজীর্ণ পীড়ায় :—

Re.

নেট্রাম্ সাল্ফ্ ৬x	...	২ গ্রেণ।
কেলি মিউর ৬x	...	২ গ্রেণ।

একত্র মিশ্রিত করিয়া ১ মাত্রা। প্রতি মাত্রা ২ ঘণ্টান্তর সেব্য। পুরাতন রোগে উক্ত ঔষধ ২টার ৩০x ব্যবহেয়।

পুরাতন অজীর্ণ রোগে :—

Re.

ফেরাম্ ফস্ ১২x	...	২ গ্রেণ।
নেট্রাম্ ফস্ ১২x	...	২ গ্রেণ।

একত্র ১ মাত্রা। আহারের পূর্বে প্রত্যহ দিবসে ও রাতে এবং প্রত্যহ আহারের পর নিম্নলিখিত ঔষধ সেব্য।

ক্যাল্ কেরিয়া ফস্	৩০x	...	২ গ্রেণ।
সাইলিসিয়া	৩০x	...	২ গ্রেণ।

একত্র ১ মাত্রা।

পথ্যাদি :—পীড়ারোগ্যনা হওয়া পর্যন্ত লঘুপাক দ্রব্য আহার উচিত। অর্শ বর্তমান না থাকিলে, মুড়ি ও নারিকেল উত্তম পথ্য। আহাৰ্য্য দ্রব্য উত্তমরূপে চর্ষণ করিয়া আহাৰ্য্য করিবে। আহাৰ্য্যের কিছুক্ষণ বা অব্যবহিত পূর্বে কাগ্জী বা পাতী লেবুর রস পান উপকারী।

খেতসার, আলু, ভাজা দ্রব্য, মংস্তাদি অপকারী। মাংস অতি উৎকৃষ্ট পথ্য। আহাৰ্য্যের পর বুনা নারিকেল ও ডাবের জল উপকারী। পিতলের হাঁড়ীতে রান্না করা খাদ্যাদি এবং কয়লার আগুনে রন্ধন করা সম্পূর্ণ নিষিদ্ধ। কাঠ, বাঁশ বা ঘুঁটের আগুনে ঘৃৎপাত্রে রন্ধন করা আহাৰ্য্যাদিই উপযোগী। বাসি খাদ্যাদি আহাৰ্য্য নিষিদ্ধ। শীতল জলে স্নান, বিশুদ্ধ বায়ুতে ভ্রমণ বিশেষ উপকারী।

## মেনিঞ্জাইটিস্ – Meningitis.

লেখিকা—শ্রীমতী সত্যিকা দেবী—H. L. M. P.

Homeopathic & Biochemic Lady Doctor.

নামান্তর—সেরিব্রোপাইনাল্ ফিভার।

ইহা একটা বিশেষ স্পর্শক্রামক সাংঘাতিক পীড়া। ইহা কখন কখনও বহুব্যাপীরূপেও প্রকাশ পাইয়া থাকে। ইহাতে অধিকাংশ রোগীই মৃত্যুমুখে পতিত হয়। এই পীড়ায় শিরঃশীড়া, বমন, গ্রীবার পশ্চাৎভাগের মাংসপেশীতে বেদনাযুক্ত সঙ্কোচন, মস্তক ও গ্রীবার পশ্চাৎভাগের বক্রতা, মতাস্ত অমুতবাধিক্য, বিশেষ বিশেষ ইঞ্জিয়ের বৈকল্য, তন্দ্রা ও কোমা প্রভৃতি উপসর্গ বর্তমান থাকে।

এলোপ্যাথিক শাস্ত্রে এই পীড়ার কারণ—এক প্রকার কীটাত্মক বলিয়া নির্দেশিত হইয়াছে কিন্তু বাইওকেমিক চিকিৎসকগণ ইহা বিশ্বাস করেন না। বাইওকেমিক শাস্ত্রে দেহস্থ “আয়রন ফস্ফেট” (ফেরাম্ ফস্) এবং “পোটাসিয়াম্ ক্লোরাইড্” (কেলি মিউর), এই দুইটা ধাতব লবণের অভাবই এই পীড়ার প্রধান কারণ বলিয়া উল্লিখিত হইয়াছে। উক্ত ধাতব লবণের অভাব হইলেই দেহাত্মকরূপে রক্ত সঞ্চালন ক্রিয়ার ক্ষতি বৃদ্ধি পাওয়ার, আক্রান্ত বস্তুর কাইট্রিনাস্ পদার্থের সঞ্চয়াদিক্য হওয়ার এই পীড়ার লক্ষণাবলী প্রকাশ পাইয়া থাকে। ইহাতে মস্তিষ্কের বিভিন্ন অঙ্গ উপস্থিত হয়।



**দৈহিক পরিবর্তন**—এই পীড়ায় দেহাভ্যন্তরে দ্বিবিধ পরিবর্তন বশতঃ বিবিধ লক্ষণ ও উপসর্গ উপস্থিত হয় । যথা :—

১ম—রক্তের উপর সংক্রামক পীড়ার সাক্ষাৎ ক্রিয়া দ্বারা নানাবিধ উপসর্গ এবং জ্বর ।

২য়—মস্তিষ্ক এবং স্পাইনাল কর্ডের ঝিল্লির রক্তাধিক্য বশতঃ লিম্ফ নিঃসরণ । এতদ্বারা মস্তিষ্ক ও মেরু মজ্জার উপর চাপ প্রযুক্ত হয় । মস্তিষ্কের তলদেশ ও অন্ত স্থানে প্রদাহের উপস্থিতি বিশেষরূপে লক্ষিত হইয়া থাকে ।

**লক্ষণ** সাধারণ প্রকারের পীড়ায় প্রথমতঃ অকস্মাৎ শীতবোধ হইয়া প্রবল জ্বর প্রকাশ পায় । ক্রমশঃ বমনেচ্ছা বা বমন, শিরোগূর্ন, অত্যন্ত দুর্বলতা এবং কয়েক ঘণ্টার মধ্যেই গ্রীবার পশ্চাদ্ভাগে কার্টিলা লক্ষিত হয় ও মস্তক স্কন্ধের উপর ঘুরিয়া পড়ে । অত্যন্ত অস্থিরতা, অনুভবাধিক্য, পদ এবং অন্ত্র স্থানের আক্ষেপ, ঔষ্ঠ এবং চক্ষুপত্রের আক্ষেপযুক্ত সঙ্কোচনতা, প্রলাপ, আলোক অসহতা, অল্প বা অধিক পরিমাণে বধিরতা, আশ্রাণ ও আশ্রাদ শক্তির সম্পূর্ণ লোপ বা আংশিক লোপ । কখন কখন ১ম—৫ম দিবসের মধ্যে রোগীর গাত্রে এক প্রকার ইরাপশন ( কণ্ডু ) নির্গত হয় । এই পীড়া ৪—৯ দিবসের মধ্যে সম্পূর্ণ বৃদ্ধি পায় ।

**পন্নিগাম**—সেরিব্রাল বা স্পাইনাল মেম্ব্রেনের স্থূলতা হেতু স্থায়ী শিরঃপীড়া এবং আংশিক বা সম্পূর্ণরূপে অন্ধতা বা বধিরতা প্রকাশ পায় ।

**উপসর্গ**—গ্রহি সকল মধ্যে পুয়ঃযুক্ত রস সঞ্চার, নিউমোনিয়া টাইফয়েড্ প্রকৃতির জ্বর, প্লুরাইটিস্ ও বালকদিগের উদরাময়, পেরিকার্ডাইটিস্, পুরুলেণ্ট কেরেটাইটিস্, কর্ণ প্রদাহ, চিরস্থায়ী বধিরতা প্রভৃতি ।

**ভাবীফল**—সাধারণতঃ পীড়ার প্রাবল্য ও এপিডেমিকের উপর ভাবীফল নির্ভর করে । ইহাতে শতকরা ২০—২৭ জন মারা যায় । বালকদিগেরই অধিক মৃত্যু হয় । গভীর কোমা, বারবার কন্ভালশন, প্রবল জ্বর ইত্যাদি বর্তমানে রোগী প্রায়ই আরোগ্য হয় না ।

**চিকিৎসা**—এলোপ্যাথিক মতে এই রোগের বিশেষ চিকিৎসা এক প্রকার নাই বলিলেও, অতুক্তি হয় না । সিরাম্ ইঞ্জেকসন, রক্তমোক্ষণ ইত্যাদি দ্বারা অতি অল্প সংখ্যক রোগীই আরোগ্য হয় । বাইওকেমিক ও হোমিওপ্যাথিক চিকিৎসায় এই পীড়াক্রান্ত রোগী অনেক অধিক আরোগ্যলাভ করিতে দেখা যায় । ছঃখের বিষয়, অনেকেই বাইওকেমিক চিকিৎসার প্রতি আস্থা স্থাপন করিতে পারেন না । ইহার প্রধান কারণ স্তুচিকিৎসকের অভাব

অল্প দিন হইল এখানে কয়েকটা মেনিঞ্জাইটিস্ রোগী এলোপ্যাথিক চিকিৎসায়

বৃত্তান্তে পতিত হইয়াছে । আমার বিশ্বাস—এই রোগীগুলির ২।৪টা যদি বাইওকেমিক মতে চিকিৎসা করান হইত, তাহা হইলে সমস্তগুলি না হউক—২।১টাও যে আরোগ্য হইত তাহাতে কোনই সন্দেহ নাই । আমার দৃঢ় বিশ্বাস—বাইওকেমিক মতে চিকিৎসা করিলে অধিকাংশ মেনিঞ্জাইটিস্ রোগীই সুন্দর ভাবে আরোগ্য লাভ করিতে পারে । আমার সান্ন্যয় অমুরোধ—প্রত্যেক চিকিৎসকই যেন, এই চিকিৎসা প্রণালী একবার পরীক্ষা করিয়া, ইহার ফলাফল প্রত্যক্ষ করেন ।

**চিকিৎসা**—এই পীড়ার অবস্থা ও লক্ষণানুসারে যে কয়েকটা ঔষধ প্রকৃত ফলপ্রদরূপে ব্যবহৃত হয়, যথাক্রমে তাহাদের বিষয় কথিত হইতেছে ।

**ফেরাম ফস্**—মেনিঞ্জাইটিসের প্রথম অবস্থায় ইহা একটা মহোপকারী ঔষধ । প্রবল জ্বর, দ্রুত নাড়ী, প্রলাপ ইত্যাদি লক্ষণে ব্যবহার্য্য ।

**কেলি মিউর**—এই পীড়ার দ্বিতীয় অবস্থায় ইহা উপকারী । যখন রসোৎসৃজন আরম্ভ হইয়াছে, সেই সময় ফেরাম ফস্ সহ ইহা পর্যায়েক্রমে ব্যবহার্য্য ।

**নেট্রাম সাল্ফ্**—মস্তিষ্কে অত্যন্ত রক্তাধিক্য এবং মস্তকের পশ্চাদভাগের নিম্নদেশে অত্যন্ত বেদনা বর্তমান থাকিলে, বা মস্তকে চর্কনবৎ বেদনা বর্তমানে, ইহা ব্যবহার্য্য । ( এতদসহ কেলি ফস্ ও ফেরাম ফস্ও প্রয়োজ্য ) ।

ডাক্তার কেণ্ট এই রোগে কেবল মাত্র নেট্রাম্ সাল্ফ্ ব্যবহার করিয়াই বহু রোগীর জীবন রক্ষা করিয়াছেন । তিনি বলেন—“ইহাতে পীড়ার আক্রমণ সংকীর্ণ হয় এবং অধিকাংশ রোগীরই জীবন রক্ষা হইয়া থাকে । এই ঔষধ যথাসময়ে প্রযুক্ত হইলে, ইহা আশ্চর্য্যরূপে রোগীর অবস্থার হিত পরিবর্তন করিয়া থাকে । অত্যন্ত সময় মধ্যেই ইহাতে মস্তিষ্কের অত্যধিক রক্তাধিক্য উপশমিত হয় ।

**ক্যালেকেরিয়া ফস্**—এই ঔষধ প্রতিষেধকরূপে ব্যবহার্য্য । পীড়ার চিকিৎসাকালীন মধ্যে মধ্যে ইহা ব্যবহার করা উচিত । ইহা রোগান্তদৌর্ভল্যে টনিকের কার্য্য করিয়া থাকে । মাঝে মাঝে ইহার ২।১ মাত্রা সেবনে অত্যন্ত ঔষধের ক্রিয়া বর্দ্ধিত হয় ও রোগীর জীবনীশক্তি অক্ষুন্ন থাকে ।

**প্রয়োজ্য ঔষধের শক্তি**—সাধারণতঃ উল্লিখিত ঔষধগুলির প্রত্যেকটির ৬x শক্তিই ব্যবহার্য্য । আবশ্যক হইলে ৩x শক্তিও ব্যবহার করিতে হয় ।

পীড়ার অবস্থানুযায়ী এই সকল ঔষধ ২ গ্রেণ মাত্রায়, ১০।১৫ মিনিট অন্তর হইতে ৩।৫ ঘণ্টান্তর প্রয়োজ্য ।


**চিকিৎসিত রোগীর বিবরণ**—নিম্নে কয়েকটা চিকিৎসিত রোগীর বিবরণ উল্লিখিত হইল ।

( ১ ) **রোগী**—একটা বালক, বয়স ৭ বৎসর । পড়িয়া গিয়া বালকটির মস্তিষ্কে বিশেষ

আঘাত লাগায়, বিশেষ লক্ষণযুক্ত মেনিঞ্জাইটিসের লক্ষণ প্রকাশ পায় । ক্রমশঃ রোগীর অবস্থা এরূপ হয় যে, প্রথম চিকিৎসক রোগীর অবস্থা শোচনীয় বলিয়া রোগীকে ত্যাগ করেন । অতঃপর এই রোগীকে কেবলমাত্র ফেন্নাম ফস্ সেবন করিতে দেওয়া হয় । ইহাতে ৩য় দিন রাত্রিতে কিছু হিত পরিবর্তন দৃষ্ট হইল । পূর্বদিন নাড়ী ১২৫ ছিল, এই দিন সকালে ১০০ হইতে দেখা গেল । পরে উহা সহসা ৪৯ হইয়া পড়ে । এই সময় ১৫ মিনিট অন্তর কেলিস ফস্ দেওয়ায়, ক্রমশঃ ইহা ৫৭ পর্য্যন্ত উঠিয়া, এই ভাবে ২ দিন পর্য্যন্ত থাকে । অতঃপর নাড়ীর স্পন্দন ক্রমশঃ বর্দ্ধিত হইয়া স্বাভাবিক হইয়াছিল এবং রোগী ধীরে ধীরে সুস্থ হইয়া উঠিয়াছিল । তন্দ্রালুভাব, বিস্তৃত ও স্থির চক্ষুতারকা ইত্যাদি শঙ্কাজনক লক্ষণাবলী ক্রমশঃ অন্তর্হিত হয় । ১৪ দিন মধ্যেই রোগী সম্পূর্ণরূপে আরোগ্য হইয়াছিল । এই রোগীকে ফেন্নাম ফস্, কেলিস ফস্ এবং কয়েক মাত্রা ক্যাল্কেক্লিফা ফস্ দেওয়া হইয়াছিল ।

( ২ ) রোগী—মিষ্টার ডি । মেনিঞ্জাইটিস্ দ্বারা আক্রান্ত হন । কিন্তু প্রথমে তাঁহার চিকিৎসক বলেন যে, “সামান্য জ্বর, বিশেষ কোন ভয়ের কারণ নাই ।” স্মৃতরাং তিনি বিশেষ কোন ঔষধই ব্যবস্থা করেন নাই । কিন্তু রোগীর অবস্থা অত্যন্ত সাংঘাতিক হইয়াছিল । রোগীর বংশে মস্তিষ্কের পীড়ার ইতিহাস আছে এবং শুনিলাম—অল্পদিন হইল ইহার জনৈক আত্মীয় এই রোগেই মারা গিয়াছেন । গত দুই দিন রোগী প্রলাপ বকিতেছেন । জ্ঞান নাই । উত্তাপ ১০৪ ডিগ্রীর উপর । ইহাকে ফেন্নাম ফস্ ও কেলিস ফস্ ব্যবস্থা করা হইল । ইহাতে ১ সপ্তাহের মধ্যেই রোগীর জ্বর বিচ্ছেদ এবং অন্যান্য লক্ষণ তিরোহিত হইয়াছিল । রোগান্তদৌর্কল্য শীঘ্র দূরীকরণার্থ ক্যাল্কেক্লিফা ফস্ ব্যবস্থা করা হইয়াছিল এবং ৮ দিন পরে রোগী বাহিরে যাইতে সক্ষম হইয়াছিলেন ।





হোমিওপ্যাথিক অংশ।

২০শ বর্ষ } ১৩০৪ সাল—আশ্বিন ও কাশ্তিক। { ৬ষ্ঠ ও ৭ম সংখ্যা।

ফিউকাস ভেসিকিউলোসাম্।

**Fucus Vesiculosus.**

**By Dr. N. Dass, M. D. ( M. H. M. C.) M. B. I. P. H. (Eng)**

—:~:~:~:—

এই ঔষধটি এক প্রকার সামুদ্রিক শুক গুল্ম হইতে অরিষ্টাকারে প্রস্তুত হইয়াছে।  
আম্মসিক প্রয়োগ—কপুলেস, ডিস্‌পেপ্‌সিয়া এবং গলগণ্ড রোগে ইহা  
বিশেষ উপযোগিতার সহিত অনুমোদিত হইয়াছে।

বিশেষত্ব—এই ঔষধটিকে অতি শক্তিসম্পন্ন বৈধানিক ঔষধ বা টীণ্ড রেমিডি  
বলিলেও অত্যাক্তি হয় না। পক্ষান্তরে ইহাকে আইওডিনের সহিত তুলনা করিতে পারা যায়।  
ফলতঃ, এই ঔষধটির মধ্যে প্রচুর পরিমাণে আইওডিনের বীৰ্য্য নিহিত রহিয়াছে। মেদ-বৃদ্ধি  
(obesity) রোগে এই ঔষধটি ব্যবহার করিয়া আশাতীত উপকার পাওয়া গিয়াছে।  
ইহাতে রোগীর আহাৰ্যাদি সত্ত্বর জীর্ণ হইবার শক্তি ক্ষত বৃদ্ধি এবং আখ্যান অর্থাৎ  
পেটে বায়ুর সঞ্চয় সত্ত্বর হ্রাস প্রাপ্ত হয়। পরীক্ষা করিয়া দেখা গিয়াছে যে, গলগণ্ড  
রোগীকে এই ঔষধের অরিষ্ট (টীকার) ১ চা চামচ মাত্রায়, কিঞ্চিৎ জল সহ দিবসে  
২।৩ বার সেবন করিতে দেওয়ায়, রোগী সত্ত্বর আরোগ্য লাভ করিয়াছে।

লক্ষণাবলী :—এই ঔষধটির লক্ষণ সমূহ নিম্নে উল্লিখিত হইতেছে।

(১) অস্তক :—অসহ শিরঃশীড়া ; কপালের উপর লোহার আংটা দ্বারা চাপ দিলে  
যে রূপ বেদনা বোধ হয় সেইরূপ বস্ত্রণা বোধ ।

(২) পাকাক্ষয়—অজীর্ণ, পেটে বায়ু সঞ্চারণ, আখ্যান, ক্ষুধাহীনতা, পেট ভার,  
বুকাহির কাছে ভার বোধ ; অগ্নিমান্দ্য ।

(৩) অঙ্গ ।—অত্যন্ত কোষ্ঠবদ্ধতা ।

(৪) শ্বাস স্বস্ত্র ।—শ্বাস রোধ হইবার মত বোধ, বিশেষতঃ ত্রীলোকদের  
কছু কালে ।

অস্তব্য । ডিস্‌পেপ্‌দিয়া রোগী—বিশেষতঃ যাহাদের পেটে অত্যন্ত বায়ু  
সঞ্চয় হয়—সেইরূপ রোগীকে এই ঔষধের ৩x শক্তি—৩/৪ ফোঁটা মাত্রায় দিবসে ৩ বার  
সেবন করাইয়া আমরা বিশেষ উপকার পাইয়াছি ।

মেদবৃদ্ধি ( obesity ) রোগে ইহা ব্যবহারেও আমরা বিশেষ উপকার পাইয়াছি ।

## হোমিওপ্যাথির আশ্চর্য্য শক্তি ।

( একটি আশাশূন্য রোগীর চিকিৎসা বিবরণ )

লেখক—ডাঃ শ্রীবিধুভূষণ তরফদার M. D. ( Homœo )

—:~:~:~:—

রোগী ।—জন্মক কবিরাজের মধ্যম পুত্র, নাম প্রবোধচন্দ্র । বয়স ১৮ বৎসর ।  
গত জুলাই মাসের প্রথম ভাগে পীড়াক্রান্ত হয় । রোগীর পিতা নিজেই একজন কবিরাজ,  
সুতরাং তিনি নিজেই প্রথম ৩ দিন চিকিৎসা করেন । ক্রমশঃ বিবিধ দুর্লক্ষণ উপস্থিত  
হইতে দেখিয়া জন্মক ডাক্তারকে ডাকেন । তিনিও ৪ দিন চিকিৎসার পর রোগের বৃদ্ধি  
দেখিয়া ৭ দিনের দিন, পরামর্শ জ্ঞাত আমাকে আহ্বান করেন । এই সময় রোগীর  
নিম্নলিখিত লক্ষণ সমূহ উপস্থিত হইয়াছিল । ১৫ই জুলাই প্রাতে: ৮টার সময় রোগী দেখি ।

বর্তমান অবস্থা—প্রাতে: ৮টার সময় উত্তাপ দেখিলাম—১০১ ডিগ্রী ।  
শুনিলাম, ঐ অর রাত্রিতেও ঐরূপ ছিল । নাড়ী পূর্ণ, দ্রুত, সঞ্চায়, স্পন্দন সংখ্যা ২০,  
শ্বাসপ্রশ্বাস ৪৪, ফুস্‌ফুস পরিষ্কার । জিহ্বা পুরু লেপযুক্ত, উহার পার্শ্বদেশ উন্নত ও  
লালবর্ণ । জিহ্বা অত্যন্ত শুষ্ক, অথচ সম্পূর্ণ পিপাসাহীনতা । শূণ্ডে হস্ত চালনা, কর ক্রীড়া,  
শয্যাবস্ত্র খোঁটা, অজ্ঞানভাব, মাথা চালা, উচ্চ প্রলাপ, পেটে চাপ দিলে দক্ষিণ ইলিয়মে  
কুল্ কুল্ শব্দ, অথচ কোষ্ঠবদ্ধ বর্তমান । রোগী চিৎ হইয়া শুইয়া পায়ের উপর পা  
দিয়া ছিল ।

পূর্বে কি কি ঔষধ দেওয়া হইয়াছিল, তাহা জানিতে চাহিলে, উক্ত ডাক্তার বাবু  
২ খানি ব্যবস্থা পত্র দেখাইলেন । উহার ১ খানিতে—

আঃ কাঃ—১০

Re.		
কুইনাইন সাল্ফ্	...	১০ গ্রেণ।
এসিড এন, এম, ডিল	...	১৫ মিনিম।
স্পিরিট ইথার নাইট্ ক	...	১০ মিনিম।
একোয়া	...	গ্র্যাড ১ আউন্স।

একত্র এক মাত্রা। এইরূপ ৪ মাত্রা। প্রতি মাত্রা ৩ ঘণ্টাস্তর সেব্য। এই ব্যবস্থোক্ত মিশ্রণ ৩ দিন সেবন করান হইয়াছিল।

শুনিলাম—অর আরম্ভের পর হইতেই, উহা একজরী ভাবে আছে এবং গত ২ দিন হইতে উল্লিখিত উপসর্গগুলি উপস্থিত হওয়ায়, গত কলা উপরিউক্ত ব্যবস্থার পরিবর্তন করিয়া, নিম্নলিখিত মিশ্রণ দেওয়া হইতেছে।

২। Re

সোডি সাইট্রাস	...	১০ গ্রেণ।
লাইকর হাইড্রোক্সপারক্লোর	...	১৫ মিনিম।
স্পিরিট ক্লোরোফর্ম	...	১০ মিনিম।
স্পিরিট এমন এরোম্যাট	...	১০ মিনিম।
টিং কার্ডেমোম কো:	...	১০ মিনিম।
একোয়া সিনামোমাই	...	১ আউন্স।

একত্র একমাত্রা। এইরূপ ৪ মাত্রা। প্রতি মাত্রা ৩ ঘণ্টাস্তর সেব্য।

অথ আমি এই ২নং ব্যবস্থোক্ত সোডি সাইট্রাসের মাত্রা বৃদ্ধি করিয়া, ১০ গ্রেণের স্থলে উহা ২০ গ্রেণ ও প্রতি মাত্রায় টিং ডিজিটেলিস ১৫ মিনিম করিয়া যোগ করিয়া দিলাম। এতদ্ব্যতীত রোগীর মস্তক মুণ্ডন করিয়া মাথায় জলপটী প্রয়োগ এবং মিক হোয়ের সহিত ১ ড্রাম মাত্রায় ভাইনম গ্যালিসাই খাইতে বলিলাম। পূর্ব হইতে রোগী গ্লুকোজ খাইতেছিল।

১৬ই ও ১৭ জুলাই। এই ২ দিন রোগী দেখি নাই।

১৮ই জুলাই—অথ প্রাতঃকালে রোগী দেখিয়া নিতান্ত চিন্তিত হইলাম। দেখিলাম—পূর্বোক্ত লক্ষণাবলীর কিছুমাত্র উপশম হয় নাই। পরন্তু, প্রলাপ বাড়িয়াছে। রোগী লোককে কামাড়াইতে বা মারিতে উত্তত হইতেছে এবং সর্বদা বিছানার প্রান্তভাগে গড়াইয়া যাইতেছে। শূন্যে হস্তচালনা, করক্রীড়া, সবই বাড়িয়াছে। অধিকন্তু রোগীর নাড়ীর অবস্থা অতীব শোচনীয় হইয়াছে। উহা এত দ্রুতগামী যে, গণনা করা গেল না।

রোগীর অবস্থা দেখিয়া, রোগীর পিতা ( তিনি একজন প্রবীন কবিরাজ ) বলিলেন যে, “নাড়ীর বেরূপ অবস্থা হইয়াছে, তাহাতে আড়াই প্রহর কাটে বলিয়া বোধ হয় না। আমি উহার আশা একেবারে ছাড়িয়া দিয়াছি—বিশেষতঃ এই বয়সে, এই রোগে, পূর্বে আমার আরও ২টা পুত্র মারা গিয়াছে”।



বাস্তবিক রোগীর যেরূপ অবস্থা হইয়াছে, তাহাতে তাহার জীবন রক্ষা সম্বন্ধে আমরাও প্রায় হতাশ হইয়া পড়িয়াছি। পূর্বোক্ত ডাক্তার যাবু ত রোগীর মৃত্যু স্থিরনিশ্চয় করিয়া, রোগীকে জবাব দিয়াই গিয়াছেন।

যাহা হউক, “যতক্ষণ খাস, ততক্ষণ আশা”, “চেষ্টা করিয়া দেখিতে দোষ কি”, মনে করিয়া এবং রোগীর পিতার অনুরোধক্রমে একবার হোমিওপ্যাথিক চিকিৎসা করিয়া দেখিতে ইচ্ছুক হইলাম। পক্ষান্তরে, রোগীকে বিকটাস্বাদযুক্ত এলোপ্যাথিক ঔষধ সেবন করান এক প্রকার অসাধ্য হইয়া উঠিয়াছে। জোর করিয়া মুখে দিলেও, উহা মুখ হইতে ফেলিয়া দিতেছিল। সুতরাং সব দিকে বিবেচনা করিয়া, হোমিওপ্যাথিক চিকিৎসা করাই কর্তব্য বিবেচনা করতঃ, নিম্নলিখিত ঔষধ ব্যবস্থা করিলাম।

১। Re.

ট্রিমোনিয়াম ৩x,

৪ মাত্রা। প্রতিমাত্রা ১ ঘণ্টান্তর সেব্য।

২। Re.

সালফার ২০০, বিচূর্ণ,

১ মাত্রা। তৎক্ষণাৎ সেবন করাইয়া দেওয়া হইল।

এই দিন সন্ধ্যার সময়ে—সংবাদ পাইলাম যে, ১নং ঔষধ ২ দাগ খাওয়ার পর হইতে প্রলাপ কমিয়া গিয়া, রোগী অঘোরে নাক ডাকাইয়া ঘুমাইতেছে। শুনিলাম—গত রাত্রি হইতে এ পর্যান্ত আদৌ প্রস্রাব না হওয়ার, তলপেট খুব উচ্চ হইয়াছিল, সেজন্য জৈনক কম্পাউণ্ডারকে ডাকিয়া ক্যাথিটার পাশ করান হইয়াছিল, কিন্তু তাহাতে কিছু মাত্র প্রস্রাব নির্গত হয় নাই।

বুঝিলাম—উপযুক্তরূপে ক্যাথিটার পাশ না হওয়াতে প্রস্রাব হয় নাই। নতুবা পরিপূর্ণ ব্লাডারে (মূত্রাশয়ে) ক্যাথিটার প্রবেশ করিলে অবশ্যই প্রস্রাব বাহির হইত। যাহা হউক, আমি পুনরায় ক্যাথিটার দ্বারা প্রস্রাব নির্গত করাইবার চেষ্টা না করিয়া, নিম্নলিখিত ঔষধটি দিলাম।

৩। Re.

ওপিয়াম ৬.

২ পুরিয়া প্রস্তুত করিয়া, ২ ঘণ্টান্তর ২ বার রাত্রে সেবন করিতে বলিলাম।

পথ্য—হোয়ে, বেদনার রস, বালি।

১৯শে প্রাতেঃ—উত্তাপ ৯৯, নাড়ী ১৩০, খাসপ্রখাস ৫৪। রোগী সম্পূর্ণ অজ্ঞান, দক্ষিণ ফুসফুসে পরিষ্কার ক্রিপিটেশন ও বাম ফুসফুসে রংকাস্ শ্রুত হইল, নিশ্বাস ও মুখে ভয়ানক দুর্গন্ধ, জিহ্বা শুষ্ক, পিপাসা নাই। কাশি ছিল না, সেজন্য স্নেহা নিঃসরণ কিছুই হইতেছিল না।

অন্ন অন্ন, অথচ ঘোরতর কোমা, এক দিনেই নিউমোনিয়ার আক্রমণ, অথচ কাশি নাই। শুষ্ক জিহ্বা, অথচ পিপাসা নাই এবং মধ্যে মধ্যে প্রস্রাব বন্ধ প্রভৃতি উপসর্গগুলি যে, রোগীর ভয়াবহ ভাবীফল ঘোষণা করিতেছিল, তাহাতে কোনই সন্দেহ নাই।

শুনিলাম—গত রাত্রে ৩নং ঔষধ এক পুরিয়া খাইবার অর্ধঘণ্টা পরে প্রচুর মূত্রত্যাগ হইয়া, নিম্নোদরের স্ফীতি কমিয়া গিয়াছিল। সেজন্য অপর পুরিয়াটা খায় নাই।

অন্য রোগীর সর্কবিষয়ে টাইফয়েড অবস্থা দেখিয়া, নিম্নলিখিত ঔষধ ব্যবস্থা করিলাম।

৪। Re.

ব্যাপ্‌টিসিয়া ১x,

৪ মাত্রা। প্রতি মাত্রা ২ ঘণ্টাস্তর সেবন করিতে বলিলাম।

অন্য বৈকালেও রোগীর উপরোক্ত লক্ষণাবলী সমভাবে থাকায় এবং কোন উপশম দৃষ্ট না হওয়ায়, নিম্নলিখিত ঔষধটি রাত্রে সেবনার্থ ব্যবস্থা করিলাম।

৬। Re.

সালফর ২০০,

১ পুরিয়া। রাত্রে সেব্য। পথ্যাদি পূর্ববৎ।

২০।৭।২৭—অন্য আমি রোগী দেখি নাই। পূর্বোক্ত ডাক্তার বাবু রোগী দেখিতে গিয়াছিলেন। তিনি বলিলেন যে, “অন্য রোগীর কথঞ্চিৎ জ্ঞান হইয়াছে। সময়ে সময়ে তাকাইতেছে। জিহ্বা বাহির করিতে বলায় হাঁ করিয়া ছিল বটে, কিন্তু জিহ্বা ছোট ও তালুর সঙ্গে যেন সংলগ্ন হইয়া গিয়াছে। রোগী অনবরতঃ বিছানার তলদেশে পিছাইয়া বাইতেছে। কিছুতেই বালিশে মাথা রাখেনা। উভয় ফুস্‌ফুসেই ক্রিপিতেশন ও রংকাস্‌ পাওয়া গিয়াছে। কাশি নাই, পিপাসা নাই। অন্ন রাত্রে ১০২ ডিক্রী ছিল, প্রাতে: ১০১’৪ আছে। নাড়ী ১৩০ খাসপ্রশ্বাস ৫৪, দাস্ত হয় নাই। পেটে বেদনা আছে। পেট ফাঁপ নাই”।

উল্লিখিত অবস্থাদি জ্ঞাত হইয়া, অন্য রোগীকে নিম্নলিখিত ঔষধ ব্যবস্থা করিলাম।

৭। Re.

এসিড মিউর ৩০,

৪ মাত্রা। প্রতি মাত্রা ৩ ঘণ্টাস্তর সেব্য।

অন্য বৈকালে সংবাদ পাইলাম যে, রোগীর অজ্ঞানতা অনেকাংশে দূরীভূত হইয়াছে। ২৩ বার বাহে বাইব বলিয়াছিল, কিন্তু বাহে হয় নাই। নিঃশ্বাস খুব ঘন ঘন বহিতেছে। নিম্নলিখিত ঔষধটি ব্যবস্থা করিলাম।

৮। Re.

নল্লভমিকা ৩০,

২ পুরিয়া। রাত্রে ২ ঘণ্টাস্তর সেব্য।

২১।৭।২৭—অন্ত প্রাতে: রোগী দেখিলাম । শুনিলাম—নয় ২ পুরিয়া খাওয়ানর পর, শেষ রাতে দুর্গন্ধ গুটলে ও ভাঙ্গা মল প্রায় ১।।০ সের পরিমাণে দাস্ত হইয়াছে । বাহ্যে হওয়ার পর হইতে রোগী অনবরত জল চাহিতেছে এবং এক ঢোক জল খাইয়াই ওয়াক্ ওয়াক্ করিতেছে । ফুসফুসের অবস্থা পূর্ববৎ । কাশি ছিল না, শ্বাসপ্রশ্বাস ৬৪, নাড়ী ১৩৫, জিহ্বা শুষ্ক ও লালবর্ণ প্যাপিলী যুক্ত । পেটে বেদনা আছে । শূণ্ণে হস্তচালনা ও করজীড়া, এই কয়দিন সমান ভাবেই রহিয়াছে ।

পিপাসার প্রকৃতি, বমনোদ্বেগ, নাড়ী ও শ্বাসপ্রশ্বাসের অবস্থা দৃষ্টে, অন্ত নিম্নলিখিত ব্যবস্থা করিলাম ।

৯। Re.

আসেনিক ৩০,

২ পুরিয়া । প্রতি পুরিয়া ৩ ঘণ্টাস্তর সেবা ।

অন্ত বৈকালে সংবাদ পাইলাম যে, ঔষধ খাওয়ান হইয়াছে । এবেলা উত্তাপ ১০২, বেলা ২টার সময় একবার একটু বেশী জল খাইয়াছিল, তারপরে বমন হইয়া চাপ চাপ হলুদবর্ণ দুর্গন্ধ শ্লেষ্মা প্রায় ১ পোয়া পরিমাণ উঠিয়াছে । ২।১টা কথা বলিতেছে, কিন্তু কথা বলিতে শীঘ্রই হাঁপাইয়া উঠে । মানুষ চিনিতে পারিতেছে । শূণ্ণে হস্তচালনা নাই । তবে এখনও অঙ্গুলীগুলি নাড়াচাড়া করিতেছে । ২ বার প্রশ্রাব হইয়াছে ।

অন্ত রাতে কোন ঔষধ দেওয়া হয় নাই ।

২২ ৭।২৭ -অন্ত প্রাতে: উত্তাপ ৯৯, নাড়ী ১০৮, শ্বাসপ্রশ্বাস ৪৪ । রোগীর সম্পূর্ণ জ্ঞান হইয়াছে, পিপাসা প্রবল এবং অল্প জল পানেই তাহার নিবৃত্তি । ফুসফুসে রিডাক্ট্রি ক্রিপিটেশন ও রাল্‌স পাওয়া গেল । অন্ত ক্ষুধা হইয়াছে, বলিল ।

অন্ত রোগীর অবস্থা দেখিয়া বিশেষ আশ্লাদিত হইলাম । অন্তও পূর্বদিনের ব্যবস্থিত আসেনিক ৩০, ৪দাগ ৪ ঘণ্টাস্তর সেবন করিতে দিলাম ।

পাথ্য—সাগুর সহিত সামান্ত দুগ্ধ ।

২৩।৭।২৭—অন্ত নাই । গতকল্য রাতে একবার বমি হইয়া অনেকটা শাদাবর্ণের শ্লেষ্মা উঠিয়াছিল । একবার দাস্ত হইয়াছিল, তাহাতেও শ্লেষ্মা ( মিউকাস ) ছিল । ফুসফুসে কেবল ময়েষ্ট মিউকাস রাল্‌স ছিল । পিপাসা কম । নাড়ী ৯২, শ্বাসপ্রশ্বাস ৩০, জিহ্বার প্যাপিলীগুলি অদৃশ্য হইয়াছে । দস্তে সর্ভিস জমিয়া আছে দেখিয়া, দস্তগুলি পরিষ্কার করিতে বলিলাম । অন্ত রোগী সাগু খাইতে নিতান্ত অনিচ্ছা প্রকাশ করায়, পথ্যার্থ একবন্ধা দুগ্ধ ও গ্লুকোজ ব্যবস্থা করিলাম । এবং—

১০। Re.

ফফরাস ৬,

৪ মাত্রা । প্রতি মাত্রা ৪ ঘণ্টাস্তর সেবা ।

অন্তঃপর এই রোগীর আর অপর কোন উপসর্গ উপস্থিত হয় নাই। কয়েক দিবস চাসনা ৬. দিয়া ৮ই আগষ্ট রোগীকে অন্নপথ্য দিয়াছিলাম।

মন্তব্য। এই রোগীটির লক্ষণাবলী বিচার করিয়া দেখিলে, উহাদের কোনটাই বে, শুভপ্রদ ছিল না; তাহা বেশ বৃদ্ধিতে পারা যায়। ঐ লক্ষণগুলির মধ্যে ২।১টা উপস্থিত থাকিলেও, অনেক স্থলে রোগীর প্রাণসংশয় ঘটিতে দেখিয়াছি। কিন্তু এই রোগীর ৮টা ভয়াবহ লক্ষণ বর্তমান ছিল। চিকিৎসকগণের অবিদিত নাই যে, নিম্নলিখিত লক্ষণগুলির প্রত্যেকটাই রোগীর ভাবিফল অশুভ জ্ঞাপন করে। যথা:—

- ১। রোগীর অর ভোগের প্রথমেই যদি রোগীর কণ্ঠস্বর আনুনাশিক হয়,
- ২। রোগী যদি চিৎ হইয়া শুইয়া, পায়ের উপর পা দিয়া থাকে।
- ৩। রোগী যদি সর্বদাই বিছানার প্রান্তভাগে গড়াইয়া যায়,
- ৪। নিউমোনিয়ার রোগীর যদি কাশি না থাকে বা কফঃ নিঃসরণ না হয়,
- ৫। গুরু ও খর জিহ্বা স্বভেদে, যদি পিপাসা না থাকে,
- ৬। রোগী যদি জিহ্বা বাহির করিতে অক্ষম হয়,
- ৭। অন্ন অরস্বভেও যদি রোগীর উচ্চ প্রলাপ বর্তমান থাকে।
- ৮। রোগী যদি সর্বদা শূণ্ণে হস্তচালনা করে, শয্যাবস্ত্র টানে এবং করক্রীড়া করে।

উক্ত রোগীর এই লক্ষণগুলি যুগপৎ একত্রে থাকা সত্ত্বেও, রোগী যে আরোগ্যলাভে সমর্থ হইয়াছিল, তাহা কেবল হোমিওপ্যাথিরই অমিয় ফলেই, সন্দেহ নাই।

## অनावश्यकীয় अस्त्रোपचार ।

লেখক—ডাঃ শ্রীপ্রভাসচন্দ্র বন্দ্যোপাধ্যায় ।

হোমিওপ্যাথিক চিকিৎসক, মহানাদ, (হুগলী) ।

—:o:—

অস্ত্রোপচার্য্য পীড়াও যে, অনেক স্থলে বিনা অস্ত্রোপচারে—কেবল মাত্র, হোমিওপ্যাথিক ঔষধ দ্বারা সহজে আরোগ্য হইতে পারে, পরন্তু অনেক সময় যথাস্থলে বা অযথা স্থলে অস্ত্র প্রয়োগে যে কিরূপ অশুভ ফল সংঘটিত হয়, তদপ্রদর্শনার্থ ২টা রোগীর চিকিৎসা-বিবরণ পাঠকবর্গের গোচরীভূত করিব।

(১) অমোদগমী স্ফোটিক । করপাড়ার বাবু \* \* \* কর মহাশয়, তাঁহার পরিবারস্থ শিশু সন্তানগণের এবং উদরাময়াদি কতিপয় রোগে, হোমিওপ্যাথিক ঔষধ এবং বালক ও অগ্নাত ব্যক্তিবর্গের জন্য এলোপ্যাথিক ঔষধ ব্যবহার করেন। তাঁহার ধারণা—শিশুগণ একটু বড়, অন্ততঃ ৪।৫ বৎসর বয়সের না হইলে, এলোপ্যাথিক ঔষধ সহ করিবার ক্ষমতা হয় না এবং উদরাময়াদি কোন কোন রোগে হোমিওপ্যাথিক

ঔষধই ভাল । এরূপ ধারণা শুধু তাঁহার নহে, এখনও অনেক লোকেরই ঐরূপ ধারণা দেখিতে পাওয়া যায় । তাঁহার প্রতিবেশী ও স্বজাতী একজন হোমিওপ্যাথিক চিকিৎসক তাঁহার বাড়ীতে বরাবর চিকিৎসা করেন ।

কয়েক বৎসর পূর্বে উক্ত ভদ্রলোকটির দুই বৎসর বয়স্কা একটা নাতিনীর জ্বর হয় এবং উক্ত চিকিৎসক তাহার চিকিৎসা করেন । ১৫।২০ দিনেও কণ্ঠাটী : আরোগ্য না হওয়ার, কণ্ঠার মাতা অত্যন্ত ব্যস্ত হইয়া পড়েন ও পিতাকে বলেন—“হয় অণু চিকিৎসককে দেখান হউক, অথবা তাঁহাকে স্বপুত্রালয়ে পাঠাইয়া দেওয়া হউক” । তখন তাহার চিকিৎসার জন্ত আমি আহূত হই । আমি গিয়া শুনিলাম—বালিকাটী নিয়ত জ্বর ভোগ করিতেছে । দেখিলাম—উহার মস্তক ও কপালের নানাস্থানে কতকগুলি ছোট, বড়, ফোটক হইয়াছে । উহার মধ্যে দুইটা ফোটক পাকিয়াছে । বালিকার মাতামহের একান্ত ইচ্ছা যে, ঐ ফোটক দুইটা অপারেশন করা হয় । আমিও তাহা সম্ভব বিবেচনা করিয়া তৎক্ষণাৎ অস্ত্র করিয়া দিই, অনেকটা পুঁজ বাহির হয় । তৎপরে অণু ফোটকগুলি যাহাতে বসিয়া যায় এবং ঐ ফোটকের কারণেই জ্বর ছাড়িতেছে না, ইত্যাদি বিবেচনা করিয়া, দুইদিন বেলেডোনা ৩, খাইতে দিলাম । কিন্তু ফোটক বসিল না, বয়ঃ ছোটগুলি বড় এবং নূতন নূতন ফোটকের উদ্ভব হইতে লাগিল । তখন ফোটকগুলি পাকাইবার অভিপ্রায়ে হিপার সালফার ৬, খাইতে দিলাম ।

উল্লিখিত ব্যবস্থায় ফোটক প্রত্যাহই দুই একটা পাকে এবং আমিও ক্রমান্বয়ে অস্ত্র করিয়া দিতে থাকি, কোনটা বা আপনিও ফাটিয়া যায় । এইরূপে ৮।১০টা ফোটক অস্ত্র করার পরও দেখা গেল যে, নূতন ফোটকের উদ্ভব রোধ করিতে পারা যাইতেছে না । লক্ষ্য করিলাম—যেগুলি আপনি গলিয়া যায়, সেগুলি সত্ত্বর সারে, আর যে গুলিতে অস্ত্র করা হয়, সেগুলি সারিতে বিলম্ব হইয়া থাকে । তখন বড়ই চিন্তায় পতিত হইলাম । এদিকে আমার চিকিৎসাধীনেও রোগী ৮।১০ দিন আছে । আর ২।৪ দিন মধ্যে তাঁহারাও যে আমার চিকিৎসায় বীতশ্রদ্ধ হইবেন, ইহাও মনে হইতে লাগিল । এক একবার মনে হইতেছিল—“অস্ত্র করিয়া ভাল করি নাই, যেহেতু কতকগুলি আপনিই ফাটিয়া যাইতেছে, সুতরাং হিপার সালফ সেবনেই সকলগুলি ফাটিয়া যাইত” ।

এই সময় অণু একটা রোগীর কথা আমার মনে হইল । সুপ্রসিদ্ধ হোমিওপ্যাথিক চিকিৎসক ডাঃ মহেন্দ্র নাথ ভট্টাচার্য মহাশয় বেঁচি গ্রামে যাওয়ার পর, সর্ব প্রথমে যে রোগী প্রাপ্ত হইলেন, সে রোগীটী একজন সম্ভ্রান্ত মহিলা । এই ভদ্র মহিলাটী প্রায় ৬ মাসের অধিককাল রোগ ভোগ করিতেছিলেন এবং শেষাবস্থায় তাঁহার শরীরের নানা স্থানে বড় বড় ফোটক হইতেছিল । রোগিনীর বরাবর এলোপ্যাথিক চিকিৎসা হইতে থাকে । বলা বাহুল্য, বেঁচিতে L. M. S. ও M. B. উপাধিধারী এলোপ্যাথিক চিকিৎসকের অভাব নাই, তাঁহারা ঐ সকল ফোটক ক্রমান্বয়ে অস্ত্র করিয়া দিতেছিলেন, কিন্তু আবার নূতন নূতন ফোটকের উদ্ভব হইতেছিল । ক্রমে রোগিনীর এরূপ অবস্থা হয় যে, তাঁহার আর



পার্শ্ব পরিবর্তনের শক্তি থাকে না ও তাঁহার শরীরটা যেন পূঁজময় হইয়া গিয়াছিল । অবশেষে চিকিৎসকগণ রোগিনীর আর বাঁচিবার কোন আশা নাই বলিয়া, মৃত প্রকাশ করেন । ঠিক এমন সময়ে ডাঃ মহেন্দ্র বাবু বৈচিত্রে গিয়াছিলেন ও সেই আশাশূন্য রোগিনীর চিকিৎসার্থ আহুত হইয়াছিলেন । সাইলিসিয়া C. M. প্রয়োগ করিয়া তিনি এই রোগিনীকে আরোগ্য করেন । বর্তমানে আমার এই রোগীতেও সাইলিসিয়া দিবার একান্ত ইচ্ছা হইল । অবশ্য আমি C. M. দিলাম না, কারণ ইহা C. M. এর রোগী নহে । ২০০ শক্তির সাইলিসিয়া দেওয়ার পরদিনেই শিশুর জ্বর ছাড়িয়া গেল এবং ২।৪ দিনের মধ্যে ফোটকাদির চিহ্নও রহিল না । হোমিওপ্যাথিক শাস্ত্রে এমন সকল বিস্ফোরক আঘেয়াজ্ঞ সদৃশ ঔষধ থাকিতে, আমাদের পক্ষে ছুরিকাদি অস্ত্র ধারণের আবশ্যকতা যে অতি অল্প, ইহা আমার সেই দিনই দৃঢ় ধারণা হইল এবং আমি সেই দিন হইতে এইরূপ স্থলে অস্ত্র ত্যাগ করিয়াছি । বলা বাহুল্য, ইহাতে আমার কিছু মাত্র অসুবিধা হয় নাই । যে অল্প সংখ্যক রোগীতে অস্ত্র করা প্রয়োজন হয়, তাহাদিগকে অস্ত্র চিকিৎসকের নিকট যাইতে বলি, ইহাতে ঐ সকল রোগীর সংখ্যা কিছু কম হইলেও, আমার নিকটে বিনা অস্ত্রে চিকিৎসা হয় বলিয়া, অস্ত্রকরণে ভীত ও অস্ত্র ক্রিয়ার পর অনারোগ্য রোগীগণ আমার রোগীর সংখ্যা বৃদ্ধি করিয়াই দিয়াছে ।

## (২) ইরিসিপেলাস ।

নিরস্ত্র বাঙ্গালীর কিন্তু নিয়ত অস্ত্র সঞ্চালনের একটি প্রবাদ আছে । সে প্রবাদটি একটু অশ্লীলতাব্যঞ্জক, তাই যথাযথভাবে প্রকাশ করিতে না পারিলেও, উহার ভাবার্থ এই যে, ছুরি কাটারী প্রভৃতি কোন অস্ত্র হাতে থাকিলেই, তদ্বারা কিছু না কিছু কটিতে ব্যস্ত হওয়া, মানুষের যেন একটা জন্মগত অভ্যাস । বোধ হয় অস্ত্র চিকিৎসকগণও এই প্রবাদের বহির্ভূত নহেন । ইংরাজ জাতি ও ইংরাজ চিকিৎসকগণ অস্ত্রের অপব্যবহার করেন কি না, বলিতে পারি না । কিন্তু সচরাচর বাঙ্গালী অস্ত্র-চিকিৎসকগণের মধ্যে ইহা দেখিতে পাওয়া যায় যে, ফোটকাদি পাকা অসুস্থিত হইলেই তৎক্ষণাৎ তাঁহারা অস্ত্র করিয়া দেন । এমন কি, ডাবীফল যাহাই হউক, কার্কাঙ্কলাদি ছষ্ট্রণ পাকিবার পূর্বেও, অস্ত্র করিতে তাঁহারা দ্বিধা বোধ করেন না । ফ্র্যাকচারাদি অনিবার্য কারণ ব্যতীত রোগজ কারণেও অনেক স্থলে হস্ত পদাদি অঙ্গচ্ছেদ ( Amputation ) এমন কি, জরায়ু প্রভৃতি আভ্যন্তরীণ যন্ত্রেও অস্ত্র প্রয়োগ করিতে কুণ্ঠিত হন না । পক্ষান্তরে, আমরা প্রায়ই দেখিতে পাই যে, ঐ প্রকার ফোটকাদি অনেক স্থলে বিনা অস্ত্রে মহাত্মা হানিমানের প্রবর্তিত হোমিওপ্যাথিক ঔষধ সেবনে সম্পূর্ণরূপে আরাম হইয়া থাকে । অবশ্য কোন স্থলেই যে, অস্ত্র প্রয়োগের একবারে আবশ্যক হয় না, অথবা সকল রোগীই যে, হোমিওপ্যাথিক ঔষধ সেবনে আরাম হয়, একথা আমি বলিতেছি না । কিন্তু অস্ত্র প্রয়োগের পূর্বে যে,



বিশেষ ভাবিয়া চিন্তিয়া কার্য করা আবশ্যিক, ইহা বোধ হয় কেহই অস্বীকার করিতে পারেন না। যে ভুলের ফল অতি ভয়াবহ বা যে ভুলে রোগীকে চির জীবন বিকলাঙ্গ বা অকর্মণ্য—এমন কি, মৃত্যু পথের পথিক হইতে হয়, সে রূপ ভুল করা কখনই প্রশংসনীয় নহে। বিশেষ ক্ষতিকর না হইলে, কিছুকাল অপেক্ষা করাও বরং ভাল, তথাপি তাড়াতাড়ি করিয়া যা তা একটা করা কখনই কর্তব্য নহে। এই কারণেই হোমিওপ্যাথিক সূচিকিৎসকগণ যতক্ষণ পর্যন্ত রোগীর যথোপযুক্ত ঔষধ নির্বাচন করিতে না পারেন, ততক্ষণ পর্যন্ত কোন ঔষধ না দিয়া, অনৌষধি পুরিয়া ( Sac. lac ) প্রদান করা শ্রেয়ঃ বিবেচনা করিয়া থাকেন।

নিত্য প্রত্যক্ষ বিষয়ের প্রমাণ প্রয়োগ আবশ্যিক এবং হই একটা রোগী-তত্ত্ব প্রকাশ করিলেই, কোন গুরুতর বিষয়ের সম্যক আলোচনা করা হয় না। কিন্তু আমার নূতন সহযোগীগণের মধ্যে চিকিৎসাকার্যে যদি কাহারও কিছু সাহায্য হয়, যদি তাঁহাদের চিকিৎসিত রোগীর মধ্যে কাহারও কিছু উপকার হইতে পারে; এই নিমিত্ত নিম্নে একটা ইরিসিপেলাস্ রোগীতে অস্ত্র করণের ফলাফল প্রকাশ করিলাম।

সে আজ প্রায় তিন বৎসরের কথা। রামনাথপুরের জীবনকৃষ্ণ ঘোষের একটা দেড় বৎসর বয়স্ক কন্যার দক্ষিণ দিকের উরু, পাছা ও কুঁচকী পর্যন্ত স্থান হঠাৎ ফুলিয়া উঠে। ঐ গ্রামের জনৈক ক্তান্তারের নিকটে লইয়া গেলে, তিনি প্রথমে আক্রান্ত স্থানে টিং আইডিন লাগাইয়া দেন এবং কিছুদিন পরে কুঁচকীর নিকটে পাকিয়াছে অনুমান করিয়া, সেই স্থানে অপারেশন করেন। কিন্তু ইহাতে কিছুমাত্র পুঁজ বাহির না হইয়া, খানিকটা রক্ত নির্গত হয়। বলা বাহুল্য, টিং আইডিন প্রয়োগের কিছুদিন পর যদি স্ফোটকাদি বসিয়া না যায়, তাহা হইলে সেই স্থানের বর্ণ—যেন পাকা স্ফোটকের গ্রায় বোধ হয় এবং টিপিলেও যেন ফ্রাক্চুয়েশন পাওয়া যায়।

যাহা হউক, অস্ত্র করার কয়েকদিন পরেও ঐ স্থানের ফুলা কিছুমাত্র কমে নাই এবং জ্বরও পূর্বের গ্রায়ই হইতে থাকে। ইহাতে অনন্তোপায় হইয়া জীবনকৃষ্ণ কন্যাটিকে কোলে করিয়া আমার ডাক্তারখানায় লইয়া আসে। দেখিলাম—আক্রান্ত স্থানে বেশ গভীর করিয়াই অস্ত্র করা হইয়াছিল। আমি জীবনকে বলিলাম—তোমার কন্যা আরাম হইবে, ইহা ফোড়া বা গ্যাবসেস্ নহে, না কাটিলেও চলিত। কিন্তু কোন চিন্তা নাই, তুমি তোমার ঐ চিকিৎসককে এখন ছাড়িও না, যে পর্যন্ত যা ভাল না হয়, সে পর্যন্ত প্রত্যহ তাহা ঘাণা ঐ ঘা ধোয়াইয়া ব্যাণ্ডেজ্ বাঁধা প্রভৃতি কার্য করিয়া লইবে। আমি খাইবার ঔষধ দিব, তাহাতেই ভাল হইবে। সে “যে আজ্ঞে” বলিয়া ঔষধ গ্রহণ পূর্বক চলিয়া গেল। এলোপ্যাথিক ঔষধ খাইয়াছে বলিয়া, অস্ত্র উহাকে এক মাত্রা নব্বতমিকা ২০০, এবং তিন মাত্রা বেলাজেনা ৩, দিলাম।

এস্থলে ২টা প্রশ্ন উত্থাপিত হইতে পারে। ( ১ম ) হোমিওপ্যাথিক চিকিৎসার সঙ্গে আমার এলোপ্যাথিক জড়িত রাখিলাম কেন? ক্ষত আরোগ্য করিবার কি

হোমিওপ্যাথিক ঔষধ ছিল না? এতদ্বারা বলা যায় যে,—অস্ত্রকতে ড্রেস্ করাই ভাল, বিশেষতঃ যাহা দ্বারা ঐ ক্ষতের উৎপত্তি হইয়াছে, ঐ কৰ্মভোগটা তাহার উপর দেওয়াই কর্তব্য। আর যখন দেখা যায়—ক্ষত ক্যালেন্‌ডিউলা প্রভৃতি বাহ্যিক প্রয়োগ করিয়া এবং সেবনের জন্ত অল্প ঔষধ দিয়াও, অভিলষিত ফল প্রাপ্ত হওয়া যায়, তখন এলোপ্যাথিক ঔষধ বাহ্যিক প্রযুক্ত হইলেও, হোমিওপ্যাথিক ঔষধ সেবনে যে, উহার ক্রিয়া বাধা প্রাপ্ত হইবে, এরূপ মনে করা যায় না; অন্ততঃ পরীক্ষার জন্তও আমি এরূপ ব্যবস্থা করিয়াছিলাম। (২য়) এই রোগীকে আজ ৩ মাত্রা বেলেডোনা দিলাম কেন? ইহার উত্তর এই যে, কাল অল্প কি ঔষধ দিতে হইবে, তাবিয়া এক দিনের ঔষধ দিয়াছিলাম। তবে বলা যাইতে পারে—অন্ততঃ দুই দিনের ঔষধও ত দেওয়া যাইতে পারিত, তাহা দিলাম না কেন? ইহার উত্তর—আমরা পাড়াগায়ের চিকিৎসক, সমাগত রোগীর নিকটে প্রত্যহ ঔষধের মূল্য পাওয়া যায় না, হয়ত কোন দিন ঔষধ লইয়া প্রণাম বাসেলাম ঠুকিয়া চলিয়া যায়। এরূপ স্থলে দুই তিন দিনের ঔষধ একদিনে দিলে চলে না। যদি কোন দিন দাম না লইয়া আসে, তবে তৎপরদিনেও সে দাম আনিতে পারে, সে কারণে একই ঔষধ ২৩ দিন দিতে হইলেও, আশাদিগকে প্রত্যহই ঔষধ দিবার কষ্ট স্বীকার করিতে হয় এবং অধিক দূরের রোগী ব্যতীত, নিকটস্থ রোগীগণকে প্রত্যহ ঔষধ দেওয়াই সকল দিকে সুবিধাজনক।

যে দিন জীবনকক্ষ প্রথম ঔষধ লইয়া যায়, তাহার ২১ দিন পরেই উক্ত চিকিৎসকের সঙ্গে আমার সাক্ষাৎ হইয়াছিল। চিকিৎসকদের ভিতরে দেখা যায়, অনেকেরই পরস্পর কেমন একটা অমিল ভাব—তাঁহারা মৌখিক ভালবাসা দেখাইলেও, আন্তরিক বিদ্বেষভাব যেন প্রচ্ছন্ন থাকে। বিশেষতঃ, এলোপ্যাথিক ও হোমিওপ্যাথিক যেন গজ কচ্ছপের যুদ্ধ। পরস্পর নিন্দা করিয়া নিজে বড় হইতে চায়। আমি কিন্তু তাহা একেবারেই পছন্দ করি না। সত্যের অনুরোধে, কার্যক্ষেত্রে কোন কোন বিষয়ে মতান্তর ঘটিলেও, আমি সকলের সহিতই প্রকৃত আন্তরিক ভালবাসা রাখিতে চেষ্টা করি, সকলেও আমাকে সেইরূপ প্রতিদান করে। আমি অপেক্ষা কেহ অধিক বা অল্প জানী হইতে পারেন এবং আমাদের মধ্যে ভিন্ন ভিন্ন মতাবলম্বী (কেহ এলোপ্যাথিক কেহ হোমিওপ্যাথিক) চিকিৎসক হইলেও, আমরা সকলেই সমব্যবসায়ী, আমাদের ভিতরে পরস্পর সৌহৃদ্যতা বর্তমান থাকিলে, তাহাতে আমাদেরই উন্নতি ও মঙ্গল সাধিত হয়।

আমি উক্ত ডাক্তার বাবুকে জিজ্ঞাসা করিলাম—কি বাবাজি! ভুল করিয়াছ? ইরিসিপেলাস্ কাটিলে কেন?

উত্তর পাইলাম—কোথায়?”

আমি—জীবনের মেয়ের?”

উত্তর—ইরিসিপেলাস্ ত নয়, তাহা হইলে এতদিন পচিয়া যাইত।

আমি—ইরিসিপেলাস্ হইলেই কি পচিয়া যায়? যাহা হউক, যতদিন না তোমার অস্ত্রকত সারে, ততদিন তুমি ঐ ক্ষত ড্রেস্ করিয়া দাও ক্ষত স্থানে তোমার ঔষধ দিতে পারো। উপরে ঔষধ দিয়া তুমি ক্ষতটা ভাল করিয়া দাও, আর আমি খাইবার ঔষধ দিয়া ফুলা ভাল করিয়া দিই।

উক্ত চিকিৎসক আনন্দের সহিত তাহাতে সম্মতি জ্ঞাপন করিলেন এবং কিছুদিনের মধ্যেই একমাত্র বেলেডোনা সেবনেই ঘা ও ফুলা ভাল হইল। রোগীর অরুচি ও অধিকণ স্থায়ী না হইলেও, যেন কোন সময়ে একটু গা গরম বলিয়া টের পাওয়া যাইত।

ইহার কয়েক দিন পরেই উক্ত বালিকাটির আবার বাঁদিকের পাছাটা সেইরূপ ফুলিয়া উঠিল এবং অরুচি বর্ধিত হইল। উপরন্তু, এবার ক্ষত স্থানের উপর কয়েক স্থানে

ফোকা হইয়াছে, দেখা গেল। এবারও বেলাডোনা দিতে লাগিলাম এবং সেই দিন জীবনকে বলিলাম—তুমি আজ বাড়ী যাইবার সময়, আর একবার সেই ডাক্তারের নিকটে যাইয়া কণ্ঠাটিকে দেখাইবে এবং বলিবে যে—আমার মেয়ের আবার এ কি হইল ও কি করিব?

উক্ত ডাক্তার বাবুকে মেয়েটি দেখাইলে এবং ঐ কথা বলিলে, তিনি তাহাকে বলিয়াছিলেন—“তাইত! এ রোগে ঐরূপই হইয়া থাকে, তুমি তাঁহার (আমার) নিকটে হইতে হোমিওপ্যাথিক ঔষধ খাওগাও, তাহাতেই তোমার কণ্ঠা ভাল হইবে।” বলা বাহুল্য, এবারেও বেলাডোনা য় মেয়েটি ভাল হইল। কিন্তু আবার কয়েক দিন পরেই দেখা গেল—জর ও বাম স্কন্ধের নিকটে—স্ক্যাপুলার নিকটবর্তী স্থান পর্য্যন্ত ফুলিয়াছে। কোন ব্যথা বা ফুলা এক স্থান হইতে অন্য স্থানে সরিয়া বেড়াইলে, বিশেষতঃ বিস্তারশীল বা ভ্রাম্যমান (Erratic) ইরিসিপেলাস্, আবার তাহা যদি পাছার (নিতম্বের) ও উরু দেশের ইরিসিপেলাস্ হয়, তবে পালসেটিলার সমকক্ষ ঔষধ দেখা যায় না। এই দিন হইতে কয়েক মাত্রা পালসেটিলা ৩০, দেওয়াতেই কণ্ঠাটি সম্পূর্ণ রোগ মুক্ত হইল।

যথাসময়ে কণ্ঠাটি চলিতে শিথিল, কিন্তু তখন দেখা গেল, তাহার দক্ষিণ পদটি ছোট হইয়া গিয়াছে! সে যখন চলে, তখন বামপদ নিঃক্ষেপের সময় মস্তক উচ্চ হয় এবং দক্ষিণ পদ নিঃক্ষেপের সময় ঐ পায়ের ক্ষুদ্রত্ব হেতু মস্তকও নিম্ন দিকে নীচু হয়। কোমরটিও তদ্রূপ অস্বাভাবিক উত্থান পতনে সাধারণের দৃষ্টি আকৃষ্ট করে। সামান্য ভুলের জন্ত মেয়েটি চিরজীবন খোঁড়া হইয়া রহিল!

## ফুসফুসীয় পীড়ায় ব্যবহার্য ঔষধ সমূহের প্রভেদ নির্ণয় ও প্রয়োগ বিচার।

লেখক—ডাঃ শ্রীসীতানাথ ভট্টাচার্য H. L. M. S. (ঢাকা)

### (১) ব্রাইয়োনিয়া।

ব্রাইয়োনিয়ার বিষক্রিয়াতে ফুসফুস বা প্লুরার (ফুসফুসবেষ্টক ঝিল্লী) এবং শ্বাসপথের স্নায়িক ঝিল্লী (Mucous membrane) অথবা রক্তাশুস্রাবী (Serous Membrane) ঝিল্লীতে প্রদাহ হওয়ায়, তাহা হইতে রক্তরস স্রবণের বাধা জন্মিয়া, স্বল্প ও ওক নিষ্টিবন বিশিষ্ট কঠিন গয়ের এবং তৎসহ বন্ধ গহ্বরে শাঁই শাঁই শব্দ কিম্বা গাঢ়, পীত, বা শ্বেতবর্ণ (কচিং) রক্ত মিশ্রিত নিষ্টিবন সহ পার্শ্বদেশে, বন্ধগহ্বরে, কাহার কাহারও মস্তকে সৃষ্টাবিবৎ ব্যথা এবং তদ্রূপ শ্বাসপ্রশ্বাস গ্রহণ ও পরিত্যাগ করিতে বিশেষ আয়াস ও কষ্ট হইয়া থাকে। নড়াচড়ায় বেদনার বৃদ্ধি হয়। উল্লিখিত অবস্থাপন্ন রোগীতে ব্রাইয়োনিয়া কিরূপ সুফলপ্রদ হয়, নিম্নলিখিত রোগীতে উহা প্রত্যক্ষীভূত হইবে।

**১ম রোগী।**—স্বাধীন ত্রিপুরার কৈলাসহর ডিভিসনের (Kailasahar Division) অন্তর্গত কুবখাড় নিবাসী জনৈক অবস্থাপন্ন মুসলমানের স্ত্রী, বয়স ২৭।২৮ বৎসর। জ্বর ও কাশিতে আক্রান্ত হইয়া, আমার চিকিৎসাধীন হন। আমি রোগীর নিকট উপস্থিত হইয়া জ্ঞাত হইলাম যে, রোগিণীর প্রথমতঃ সর্দি হয়, এতদ্বশতঃ বর্তমানে বৃকে শ্লেষ্মা বসিয়া গিয়া বৃকাশির নিম্নে সূচীবোধবৎ ব্যথা হইয়াছে। কণ্ঠের ভিতরে স্ফুড় স্ফুড় করিয়া কাশি হইয়া সামান্য শুষ্ক গয়ের উঠিয়া থাকে। বক্ষ পরীক্ষায় বৃকের ভিতর অবিরাম শাঁই শাঁই শব্দ শ্রুত হইল। উত্তাপ মেখিলাম—তখন জ্বর ১০৩° ডিগ্রী।

উল্লিখিত অবস্থা জ্ঞাত হইয়া ব্রাইয়োনিয়া ৬x, ১ ফোঁটা মাত্রায়, ৮ মাত্রা দিয়া, ৩ ঘণ্টাস্তর সেবনের ব্যবস্থা করিয়া বাসায় ফিরিয়া আসিলাম।

তৎপরদিন যাইয়া জানিলাম, বৃকের ভিতরের শাঁই শাঁই শব্দ ও ব্যথা কিছু কমিয়াছে এ দিন গাত্রোত্তাপ ১০০° ডিগ্রী। অল্পও উক্ত ঔষধই পূর্ব নিয়মে ব্যবস্থা করিলাম।

তার পরদিন প্রাতেঃ লোক আসিয়া জানাইল যে, রোগিণী বিছানায় উঠিয়া বসিয়াছে ও পূর্বদিন অপেক্ষা ভাল আছে। আমি তখন না যাইয়া পূর্বদিনের ঐ ঔষধই ২ মাত্রা দিয়া, উহা ৪ ঘণ্টাস্তর সেবনের কথা বলিয়া দিলাম। এই দিন বেলা ৩ টার সময় যাইয়া দেখিলাম—গাত্রোত্তাপ ৯৯.৫°; এবং অত্যন্ত সমস্ত উপসর্গই কম। ব্রাইয়োনিয়া আরও ৪ মাত্রা দিয়া, প্রতি মাত্রা ৪ ঘণ্টাস্তর সেবনের ব্যবস্থা করিয়া চলিয়া আসিলাম। পরদিন হইতে রোগের হ্রাস অনুসারে, উক্ত ঔষধ সেবনের সময় দীর্ঘ করিয়া দেওয়াতে ৮৯ দিবসেই রোগিণী রোগমুক্ত হইয়াছিল।

## ( ২ ) ক্যালিবাইক্রোমিকাম।

ক্যালিবাইক্রোমিকামের বিষক্রিয়ায় শ্বাসপথের শ্লেষ্মিক ঝিল্লীতে প্রদাহ উপস্থিত হইয়া, উক্ত ঝিল্লী সকল নিরস হওয়াতে, তৎফল স্বরূপ ঐ সমস্ত যন্ত্রে তীব্র সূচীবোধবৎ বেদনা হইয়া থাকে। এতদসহ শ্রান্তিকর দারুণ শুষ্ক কাশি, স্বরভঙ্গ, স্বরযন্ত্রে ছশ্ছেদ্য শ্লেষ্মা সঞ্চয় ও স্বরযন্ত্র, নাসিকা, তালুমূল ও গলকোষে কৃত্রিম ঝিল্লীর উৎপত্তি হয়।

উল্লিখিত অবস্থায় ক্যালিবাইক্রোমিকাম প্রয়োগে আশ্চর্যজনক উপকার হইয়া থাকে। নিম্নে ১টা রোগীর বিষয় উল্লেখ করিতেছি।


( ক্রমশঃ )

PRINTED BY RASICK LAL PAN

At the Gobardhan Press, 209 Cornwallis Street, Calcutta.

And Published by Dharendra Nath Halder,

197, Bowbazar Street, Calcutta.





এলোপ্যাথিক ও হোমিওপ্যাথিক চিকিৎসা সম্বন্ধীয়  
মাসিক পত্র ও সমালোচক ।

২০শ বর্ষ ।

১৯০৮ সাল—অগ্রহায়ণ ।

{ ৮ম সংখ্যা ।

## বিবিধ ।

মূত্রাবরোধে—“এপিনেফ্রিন” ( Apinephrin )—মূত্রাবরোধগ্রস্ত রোগীর চিকিৎসা করা অনেক স্থলে কঠিন হয় । অনেক সময়ে দেখা গিয়াছে যে, রোগী কয়েক ঘণ্টা মূত্র ত্যাগ করে নাই এবং মূত্রত্যাগের জন্য অত্যন্ত যন্ত্রণা হইতেছে ; অথচ মূত্রস্থলীতে মূত্র নাই—মূত্রাধার ( রাডার ) শূন্য । এরূপস্থলে ক্যাথিটার দিয়া কিছুই লাভ নাই, উপরন্তু ইহাতে রোগীর মূত্রাধার ও মূত্রনালীর প্রদাহ ও উত্তেজনা উপস্থিত হইতে পারে । এরূপ স্থলে ইহাই প্রমাণিত হয় যে—রোগীর মূত্রগ্রন্থির ( কিড্‌নী ) ক্রিয়া বিকৃতি হওয়ায়, এই মূত্রাবরোধ উপস্থিত হইয়াছে ।

ডাঃ ল্যাংফোর্ড পরীক্ষা দ্বারা দেখিয়াছেন যে,—যেখানেই কিড্‌নীর ক্রিয়াবিকৃতি হইয়া মূত্রাবরোধ হইয়াছে, সেইখানেই অত্যধিক অবসাদ, রক্তের চাপ শক্তির হ্রাস, এবং জীবনী শক্তি অত্যন্ত ক্ষীণ হইয়া পড়া—ইত্যাদি লক্ষণ স্পষ্ট বর্তমান থাকে । এরূপস্থলে এপিনেফ্রিন দ্বারা যথোচিত উপকার পাওয়া যায় । ইহা জীবনী শক্তিকে উত্তেজিত করে । জীবনী শক্তি উত্তেজিত হইলেই, কিড্‌নীর ক্রিয়াশক্তিও উত্তেজিত হয় এবং ইহার ফলে কিড্‌নীর ক্রিয়া পুনঃ সংস্থাপিত হইতে পারে । এই মতের বশবর্তী হইয়া ডাঃ ল্যাংফোর্ড কতিপয় রোগীতে এই ঔষধ ব্যবহার করিয়া আশাতীত উপকার পাইয়াছেন বলিয়া, মত প্রকাশ করিয়াছেন । ডাক্তার ল্যাংফোর্ড ২০—২৫ মিনিম মাত্রায় “এপিনেফ্রিন সলিউশন”



অধঃস্থায়িকরূপে প্রয়োগ করিতে উপদেশ দেন। মূত্র ত্যাগ না হওয়া পর্যন্ত, ১/২—১ ঘণ্টান্তর উক্ত মাত্রায়—পুনরায় ইন্জেকশন করা কর্তব্য। সাধারণতঃ ২—৪টা ইন্জেকশনেই কিড্‌নীর ক্রিয়া পুনঃ স্থাপিত হইয়া থাকে। ইনি বিভিন্ন প্রকারের ১৩টা মূত্রাবরোধ রোগীতে (যথা :—র্যাটুল্ সর্প দংশু রোগী, প্রসবাস্তিক আক্ষেপ ইত্যাদি) এই ঔষধ ব্যবহার করিয়া আশ্চর্যজনক ফল পাইয়াছেন।

যে স্থলে মূত্রাবরোধ হইয়া রোগীর জীবনের আশা একপ্রকার থাকেই না এবং চিকিৎসকেরও আর করিবার মত কিছুই থাকে না—সেইস্থলে এই ঔষধ পরীক্ষা করিয়া দেখিতে আমরা চিকিৎসক মাত্রকেই অনুরোধ করি।

( Clinical Medicine, Sept. 1926 )

**দন্তোৎপাটনান্তর যন্ত্রণার—“ডেন্টালোন”।** দন্তোৎপাটনের পর কাহার কাহারও অসহ্য যন্ত্রণা হয়, বিশেষতঃ অপরিহার্য কারণে শক্ত দাঁত উঠাইবার পর অসহ্য যন্ত্রণা হইয়া থাকে। এরূপস্থলে পার্ক ডেভিস্ কোংর “ডেন্টালোন” আণ্ড ও স্থায়ী ফলপ্রদ। “ডেন্টালোন” সলিউশনে একখণ্ড তুলা সিঁক করতঃ, উৎপাটিত দন্তের মাড়ীর গর্ভে ( শিকড়ে ) ঠাসিয়া বসাইয়া দিবা মাত্র সমস্ত বেদনা নিবারিত হইবে।

( Dental Surgeon—16th Oct. 1925 )

**স্ফোটিক বিদারণ।**—স্ফোটিক ফাটাইবার উদ্দেশ্যে নিম্নলিখিত প্রলেপটা বিশেষ ফলপ্রদ। বহু চিকিৎসক কর্তৃক বহু পরীক্ষিত হইয়া ইহা সর্বসম্মতিক্রমে অনুরোধিত হইয়াছে।

Re.

মেসল	...	১৫ গ্রেণ।
আন্থইমেন্ট বেলেডোনা	...	২ ড্রাম।
আন্থইমেন্ট আইওডেয়	...	১ আউন্স।

একত্রে মিশ্রিত করতঃ, প্রত্যহ প্রাতে ও রাতে স্ফোটিকের উপরে পুনঃ পুনঃ প্রলেপের মত লাগাইয়া দিবে; ইহাতে সমস্ত স্ফোটিক মধ্যে প্ৰয়োৎপত্তি হইয়া, স্ফোটিক আপনা আপনিই ফাটিয়া যাইবে।

( Topical Therapy )



**হৃদস্পন্দন ( Palpitation )** :—অনেক পীড়ার সঙ্গে অথবা স্বতঃই অনেক সময় “হৃদস্পন্দন” উপসর্গ উপস্থিত হইতে দেখা যায়। ইহা একটা সাংঘাতিক উপসর্গ। স্বক্ৰিয়া বিকৃতির জন্য ‘হৃদস্পন্দন’ হইলে অবিলম্বে উহার প্রতিকার চেষ্টা করা কর্তব্য, নচেৎ হৃৎটনা ঘটতে পারে। এতদর্থে হৃৎপিণ্ডের বলকারক ও উত্তেজক ঔষধ উপযোগী। এতদর্থে নিয়ে ২খানি বহু পরীক্ষিত ব্যবস্থাপত্র উল্লিখিত হইল। মার্কিন ও ইংরাজ চিকিৎসকগণ কর্তৃক ইহা বিশেষ ভাবে অনুমোদিত। হৃৎপনে ইহার যে কোনও ১ খানি ব্যবস্থা করিলে শীঘ্রই উহার প্রতিকার হয়।

১। Re.

টীকার ডিজিটেলিস্	...	২ ড্রাম।
স্পিরিট ইথার নাইট্রিক	...	১ আউন্স।
লাইকর এমন এসিটেটাস্	...	৪ আউন্স।

একত্রে মিশ্রিত করিয়া ইহা ২ ড্রাম মাত্রায় জল সহ ৪ ঘণ্টাস্তর সেব্য।

২। Re.

পটাশ সাইট্রেটস্	...	২ ড্রাম।
ইন্ফিউসন্ ডিজিটেলিস্	...	২ ড্রাম।
একোয়া মেছপিপ্	...	এ্যাড্ ৬ আউন্স।

একত্রে মিশ্রিত করিয়া ৪ ড্রাম মাত্রায় দিবসে ৩ বার সেব্য।

রোগীকে সর্করণ শয্যায় শোয়াইয়া রাখা কর্তব্য। সম্ভব হইলে হৃৎপ্রদেশে ( Pericardium ) বরফপূর্ণ আইস্‌ব্যাগ্ বসাইয়া রাখিবে। পথ্যাদি তরল ও লঘুপাচ্য হওয়া বিধেয়।

( Topical Therapy )

**গর্ভিনীর বিষ-মত্ততায় ( Toxemia )**—ম্যাগ্‌সাল্‌ফেঙ্ক্‌।

ডাক্তার ম্যাকনিন্ এবং ডাক্তার ক্রভিক্ মহোদয় গর্ভবতী স্ত্রীলোকের দেহাত্মস্বরূপ বিষোদগীরণ হেতু মত্ততায় ম্যাগ্‌সাল্‌ফেঙ্ক্‌ ১০% সলিউশন পিরাযধ্যে (ইন্ট্রাভেনাস) ইন্‌জেক্‌শন দিয়া সুন্দর ফল লাভ করিয়াছেন বলিয়া মত প্রকাশ করিয়াছেন। গর্ভবতী নারীর গর্ভাবস্থায় কিড্‌নীর ক্রিয়া উত্তমরূপে সাধিত না হওয়ার, প্রস্রাব মধ্যে এল্‌বুমেন সঞ্চিত হয় এবং এইরূপ আরও নানাবিধ কারণে দেহমধ্যে নানারূপ বিষ সঞ্চিত হইয়া কতকগুলি বিষ-লক্ষণ ( Toxic Symptom ) প্রকাশ পায়। দেহ হইতে এই সকল ত্যাগ্য বিষ দূরীভূত না হইলে, আক্‌সেপ ( এক্স্যাম্পশিয়া ) ইত্যাদি লক্ষণ প্রকাশ পায়। এইরূপ লক্ষণ প্রকাশ পাইবারাত্র ম্যাগ্‌সাল্‌ফেঙ্ক্‌ ইন্‌জেক্‌শন সত্ত্ব ফলপ্রসূ। ইহাতে রোগীর রক্তের চাপশক্তি হ্রাসপ্রাপ্ত ও শোধ বা ইডিমা ( বাহা গর্ভিনীর মধ্যে প্রায়ই দেখা যায় ) দূরীভূত হয়। ইহাতে মূত্র বৃদ্ধি এবং অন্যান্য লক্ষণ সমূহের উপশম হয়। এই দ্রব্য ইন্‌জেক্‌শনে প্রায় সর্বত্র রোগীরই এক্স্যাম্পশিয়া বা কন্‌ভাল্‌শন্ ( আক্‌সেপ ) অত্যন্ত সময় মধ্যেই তিরোহিত

হইয়া যায় এবং এক্সাম্পশিয়ান অত্যন্ত লক্ষণ সমূহের উপশম হয় । ইহা নিরাপদ-চিকিৎসা । পীড়ার লক্ষণাবলী প্রকাশের আশঙ্কা হইবামাত্র, প্রতিষেধকরূপে এই ঔষধ প্রয়োগ করিলে, এক্সাম্পশিয়া বা আক্ষেপের কোনও লক্ষণ প্রকাশ পায় না; প্রকাশ পাইলেও উহার প্রকৃতি অতি মৃদু এবং অবিলম্বেই উহা তিরোহিত হয় । এইরূপে রোগিণী সুস্থ থাকিয়া যথাসময়ে নিরাপদে সন্তান প্রসব করেন । এই ঔষধ শিরাপথে প্রবিষ্ট হইবামাত্র দেহাত্মস্বরূপ বিষ—যাহা প্রসূতী ও গর্ভস্থ ভ্রূণের পক্ষে অত্যন্ত অনিষ্টকর, তাহা দেহমধ্য হইতে প্রস্রাব, ঘর্ম্ম, মল ইত্যাদির সহিত নির্গত হইয়া যায় । এই বিখ্যাত চিকিৎসকদ্বয়—এই ইঞ্জেকশন অনেকগুলি রোগীতে পরীক্ষা করিয়া, ইহার উপকারিতা উপলব্ধি করিয়াছেন ।

( Jour. of A. M. A. )

**মাথার খুস্কি ও মরামাস ।**—মাথার খুস্কি ও মরামাস আরোগ্য করণার্থ কিছু অলিত্ অয়েল্ মাথায় উত্তমরূপে মর্দন করতঃ, উষ্ণ জল ও ভাল সাবান দ্বারা মাথা ধুইয়া ফেলিবে । মাথার খুস্কি ও মরামাস আরোগ্য করিতে ইহা অধিতীয় ।

( Practical Medicine—Oct. 1926 )

**কস্তিত ক্রান্ত ।**—কোথাও হঠাৎ কাটিয়া গেলে, কতকটা গোলমরিচের গুঁড়া কতোপরি পুরু করিয়া ছড়াইয়া দিয়া শক্ত করিয়া ব্যাণ্ডেজ করিবে । এইরূপে গোলমরিচের গুঁড়া ৩৪ দিন ক্রান্তে প্রয়োগ করিলে আশ্চর্য্যরূপে ক্রান্ত আরোগ্য হইয়া যায় ।

( Practical Medicine Oct. 1926 )

**মশক দংশন ।**—মশক দংশন হইতে রক্ষা পাইতে হইলে, এক টুকরা 'এলান্' ( ফটকিরী ) কিঞ্চিৎ জলে দ্রব করিয়া, রাত্রে শুইবার পূর্বে মুখমণ্ডল ও হস্ত-পদদ্বয় এই সলিউশন দ্বারা সিক্ত করতঃ শুইলে, মুখে ও হাতে পায়ে মশকে দংশন করে না ।

( Practical Medicine—Oct. 1926 )

**আঁচিল ।**—আঁচিল দূরীকরণার্থ একখণ্ড কাপড় কাচা সোডা জলে ভিজাইয়া প্রত্যহ উহা ২।৩ বার আঁচিলের উপর ঘর্ষণ করিয়া দিলে আঁচিল দূরীভূত হয় ।

( Practical Medicine—Oct. 1926. )

## এণ্ডোক্রিনোলজি—Endocrinology\*

### থাইরয়েড গ্রন্থি—Thyroid gland.

লেখক - ডাঃ শ্রীসন্তোষ কুমার মুখোপাধ্যায় M. B.

ইণ্ডিয়ান মেডিক্যাল রেকর্ডের সম্পাদক।

( পূর্বপ্রকাশিত ৩য় সংখ্যার ( আষাঢ় ) ১১৮ পৃষ্ঠার পর হইতে )

দেহমধ্যে যে সকল শক্তিশালী অস্তুরস্রাবী গ্রন্থি আছে, তন্মধ্যে থাইরয়েড অন্যতম। যে গ্রন্থির অভাবে অকাল বার্ধক্য উপস্থিত হয়, তাহা যে আমাদের পক্ষে কত প্রয়োজনীয়, উহা বোধ হয় বুঝাইবার প্রয়োজন হইবে না। থাইরয়েডের কোন বাঙ্গালা নাম নাই; তবে ইহাকে আমরা “গলগ্রন্থি” বলিতে পারি।

অবস্থিতি—থাইরয়েড গ্রন্থি গলার সম্মুখভাগের নিম্নদেশে অবস্থিত। এজন্য কোন রোগের ফলে থাইরয়েড বড় হইলে, গলার সম্মুখে যেন একটা আব হইয়াছে বলিয়া মনে হয়।

চিত্র নং ১। থাইরয়েড গ্রন্থি।



চিত্রপরিচয়—“থাইরয়েড গ্রন্থি”। IV, V, VI, চিহ্নিত গোলাকার অংশগুলি কঠিনী (ট্রেকিয়া Trachea)। এই কঠিনীর উত্তর পার্শ্বে G. Th চিহ্নিত গ্রন্থি ২টি “থাইরয়েড গ্যাণ্ড”। উত্তর থাইরয়েড গ্রন্থির মধ্যভাগ একত্র সংযুক্ত। চিত্র H চিহ্নিত স্থানে হাইরয়েড (Hyoid) গ্রন্থি এবং Thy চিহ্নিত স্থানে থাইরয়েড উপগ্রন্থি (কার্টিলেজ) আছে। ইহার সহিত থাইরয়েড গ্যাণ্ডের কোন সংযোগ নাই।

\* এই প্রবন্ধভিত্তিক চিত্র সমূহের রকগুলি যথা সময়ে প্রস্তুত না হওয়ার, কয়েক সংখ্যার এই প্রবন্ধটি প্রকাশ করিতে পারি নাই, পাঠকগণ এই জ্রুটি মাার্জনা করিবেন। এক্ষণে বাবতীর চিত্রের রকই প্রস্তুত হইয়াছে, অতঃপর বহুচিত্রে বিস্তৃত হইয়া এই অত্যাবশ্যকীয় প্রবন্ধটি ধারাবাহিকরূপেই প্রকাশিত হইবে।

**আকৃতি**—‘থাইরয়েড’ শব্দটির অর্থ—চালের স্থায় ( গ্রীকভাষায় থাইরয় = চাল ) ইহার আকৃতি কতকটা প্রাচীন গ্রীকদিগের চালের স্থায় ; এজন্য ইহার এইরূপ নামকরা হইয়াছিল। থাইরয়েড্ গ্রন্থি দুই অংশে বিভক্ত ; এই দুইটি অংশ পরস্পরের সহিত মধ্যভাগে একটা যোজক দ্বারা সংযুক্ত। থাইরয়েডের চারিপাশে একটা স্তন্য আবরণী আছে। ইহার মধ্য হইতে রস বহির্গমনের জন্য কোন নল ( duct ) নাই ; অতএব ইহা একটা নলবিহীন গ্রন্থি।

থাইরয়েড গ্রন্থি হইতে একটা খুব স্তন্য অংশ কাটিয়া ( section ) যদি অনুবীক্ষণ যন্ত্রে দেখা যায়, তাহা হইলে ইহার গঠনপ্রণালী সহজে হৃদয়ঙ্গম হয়। অনুবীক্ষণ যন্ত্রে থাইরয়েড্ গ্রন্থিকে কতকগুলি বৃত্তাকারে সজ্জিত কোষসমষ্টির ন্যায় দেখা যায়। এই কোষগুলি শূন্যগর্ভ বলিয়া মনে হইলেও, উহাদের ভিতর ‘কলয়েড্’ ( colloid ) নামক এক প্রকার স্ফলীয় পদার্থ থাকে। বৃত্তাকারে সজ্জিত কোষগুলির মধ্যে মধ্যে লিম্ফ ও শিরা দেখা যায়।

**থাইরয়েডের অন্তর্মুখী রস**—থাইরয়েড গ্রন্থির কোষগুলির ভিতর এক প্রকার রস নিঃসৃত হয়। এই রস কোন নলপথে গ্রন্থির বাহিরে যায় না,—গ্রন্থির ভিতর যে শিরাগুলি থাকে, একেবারে তন্মধ্যস্থ রক্তের সহিত মিশ্রিত হয়। এই রস হরিদ্রাবর্ণ স্বচ্ছ কলয়েড জাতীয় পদার্থ। ইহা রক্তের সহিত মিশ্রিত হইয়া সুপিরিয়র ভেনা কেভা ( Superior vena cava ) নামক ধমনীর ভিতর দিয়া হৃদয়স্থ উপস্থিত হয়। এইখানে রক্ত কণিকাগুলি, রক্ত হইতে থাইরয়েডের অন্তর্মুখী রস গ্রহণ করে।

**রাসায়নিক উপাদান**—থাইরয়েডের অন্তর্মুখী রস যে কিরূপ পদার্থ, তাহা এখনো আমরা সম্পূর্ণরূপে জানিতে পারি নাই। সম্প্রতি কেণ্ডাল ( Kendall ) নামক একজন রাসায়নিক থাইরয়েডের অন্তর্মুখী রসের মূল উপাদান আবিষ্কার করিয়াছেন। তিনি এই মূল উপাদানের নাম দিয়াছেন—“থাইরক্সিন” (Thyroxin)। থাইরক্সিনের রাসায়নিক নাম—“থাইরো-আয়োডো-ইণ্ডোল”। এই রাসায়নিক নাম হইতে ইহার মধ্যে কি কি উপাদান আছে, তাহা আমরা জানিতে পারি। থাইরক্সিনের মধ্যে আয়োডিন আর ইণ্ডোল আছে। আয়োডিন আমরা জানি ; কিন্তু এই “ইণ্ডোল” কি, তাহা জানা প্রয়োজন। আমাদের খাণ্ডে যে ছানা জাতীয় পদার্থ ( protein ) থাকে, তাহা পরিপাক ক্রিয়ার ফলে নানারূপ পরিবর্তনের মধ্য দিয়া, শেষে “ইণ্ডোল” আকারে পরিণত হয়। অতএব থাইরয়েড গ্রন্থির অন্তর্মুখী রস প্রস্তুতের জন্য, আমাদের খাণ্ডে প্রচুর পরিমাণে ছানা জাতীয় পদার্থ ও আয়োডিন থাকা আবশ্যিক।

**থাইরক্সিন (Thyroxin)**—রাসায়নিক প্রক্রিয়ার সম্প্রতি থাইরয়েড রস হইতে থাইরক্সিন পৃথক করা গিয়াছে। থাইরক্সিনের আকৃতি সাদা দানাদার সূচের স্থায়। ইহা জলে দ্রব হয় না ; ২৫ ডিগ্রি সেন্টিগ্রেড্ উত্তাপে গলিয়া যায়। থাইরক্সিনে শতকরা

৬৫ ভাগ আয়োডিন থাকে ; এই আয়োডিন এমনভাবে থাকে যে, পরিপাক ক্রিয়ার ফলে উহা দেহের ভিতর বিচ্ছিন্ন হইবার কোন আশঙ্কা নাই ।

**থাইরয়েডের ক্রিয়া ।**—দেহের অবস্থা বিশেষেও দৈহিক বিধান এবং দৈহিক ক্রিয়াদির উপর থাইরয়েড কিরূপ ক্রিয়া প্রকাশ করে, তাহা বলা যাইতেছে ।

### ( ১ ) পরিপাক ক্রিয়ার উপর থাইরয়েডের প্রভাব—

মানবদেহকে 'রাবণের চিতার' সহিত যিনি প্রথম তুলনা করিয়াছেন, তাহার কল্পনাশক্তি সত্যই প্রশংসনীয় । আমাদের দেহ সত্যই একটা জীবন্ত অগ্নিকুণ্ড । আমাদের ভুক্ত খাদ্যদ্রব্য পরিপাক ক্রিয়ার ফলে জীর্ণ হইয়া রক্তের সহিত মিশ্রিত হয় এবং রক্ত দ্বারা কোষগুলিতে নীত হয় ।

রক্তে অক্সিজেন আছে এবং ভুক্ত খাদ্য দহনের জন্ত অক্সিজেন প্রয়োজন । পরীক্ষা দ্বারা দেখা গিয়াছে যে, শরীরের কোষসমূহে থাইরয়েড-রস উপস্থিত থাকিলে, কোষগুলির রক্ত হইতে অক্সিজেন গ্রহণ ক্ষমতা শতকরা বিশগুণ বর্দ্ধিত হয় । থাইরয়েড-রসের সাহায্যে কোষমধ্যে দহন ক্রিয়া চলিতে থাকে এবং রক্তদ্বারা আনীত ভুক্ত খাদ্যের সূক্ষ্মাতিসূক্ষ্ম অংশগুলি এই অগ্নিকুণ্ডে দাহ হইয়া যায় । এইখানেই পরিপাক ক্রিয়ার সমাপ্তি হয় । এইরূপে কোষগুলি অবিরত রক্ত হইতে অক্সিজেন গ্রহণ করিতেছে ও কার্বন ডায়োক্সাইড বাহির করিয়া দিতেছে । ইহার ফলে দেহমধ্যে, জন্ম হইতে মৃত্যু পর্যন্ত রাবণের চিতা জলিতেছে । এইজন্তই মানুষ যতদিন বাঁচিয়া থাকে, ততদিন তাহার দেহে উত্তাপ বিদ্যমান থাকে । আমাদের খাদ্য এই বহির ইন্ধন জোগাইয়া থাকে । কাঠ পুড়িয়া অঙ্গার হয় ; কোষমধ্যে খাদ্যের সূক্ষ্মাতিসূক্ষ্ম রূপান্তরিত চরম অংশও দাহ হইয়া অঙ্গারে ( Carbon ) পরিণত হয় এবং কার্বন ডায়োক্সাইড আকারে বাহির হইয়া যায় ।

**খাদ্য বিশেষে থাইরয়েডের ক্রিয়া ।**—এইবার আমরা কোন্ খাদ্যের উপর থাইরয়েডের কিরূপ ক্রিয়া, তাহা দেখিব ।

**শ্বেতসার জাতীয় পদার্থ**—থাইরয়েডের ক্রিয়া বর্দ্ধিত হইলে দেহমধ্যে যে শর্করা সঞ্চিত থাকে, তাহা নষ্ট হইয়া যায় ।

**ছানা জাতীয় খাদ্য ( প্রোটিন )**—থাইরয়েড-রস ছানা জাতীয় খাদ্য পরিপাকে সহায়তা করে ।

**খনিজ পদার্থ**—দেহের গঠনের জন্ত ফসফরাস ও চুন জাতীয় পদার্থ বিশেষ প্রয়োজন ; এই গুলির উপর থাইরয়েডের বর্ধিত প্রভাব আছে ।

**(ক) ফসফরাস ।**—দেহের কোষগুলির ভিতর ফসফরাস থাকে । রক্তমধ্যস্থ অক্সিজেনের সম্পর্কে আসিলে এই ফসফরাস পুড়িয়া যায় । থাইরয়েড এই দহনক্রিয়ার

সাহায্য করে। কোন কারণে থাইরয়েড্‌ রসের পরিমাণ যদি বাড়িয়া যায়, তাহা হইলে এই দহনক্রিয়াও বর্ধিত হইবে।

(খ) চুন।—থাইরয়েড্‌ রসের পরিমাণ বৃদ্ধি হইলে, দেহ হইতে চুন অধিক পরিমাণে বাহির হইয়া যায়।

(২) বিষক্রিয়ানাশক ও রোগপ্রতিষেধক শক্তি।—

(ক) বিষনাশক শক্তি ( **Antitoxic Power** )—আমাদের দেহের ভিতর পরিপাক ক্রিয়া ও অগ্নাণ্ড নানা কারণে বিষাক্ত পদার্থ উৎপন্ন হয়। থাইরয়েড্‌ গ্রন্থির অন্তর্মুখী রসের প্রভাবে এই সকল বিষাক্ত পদার্থ নষ্ট হইয়া যায়। কোন কারণে থাইরয়েড্‌ অকর্মণ্য হইলে, এই সকল বিষাক্ত পদার্থ দেহমধ্যে সঞ্চিত হইয়া বিষক্রিয়া উৎপাদন করে ( **Auto-intoxication** )।

(খ) থাইরয়েডের রোগপ্রতিষেধক শক্তি ( **Immunising Power** )—দেহের ভিতর যে সকল ক্রিয়া-প্রতিক্রিয়া অনবরত চলিতেছে, তাহার ফলে নানাপ্রকার দূষিতপদার্থ উৎপন্ন হয়। ইহার উপর আবার যখন রোগ হয়, তখন দেহমধ্যে জীবাণু সকল প্রবেশ করিয়া আরও অধিক বিষাক্ত পদার্থ সৃষ্টি করে। এইরূপ নানাপ্রকার বিষাক্ত পদার্থ সৃষ্ট হইলেও, মানুষ বিধে অভিবৃত্ত হইয়া পড়ে না কেন? তাহার কারণ, মানবদেহে যে থাইরয়েড্‌-রস আছে, তাহার বিষ ও জীবাণুনাশক শক্তি আছে। থাইরয়েড্‌ বিষাক্ত ও অনিষ্টকর পদার্থসমূহ এবং সংক্রামক ব্যাধির জীবাণু সকল নষ্ট করে বলিয়াই মানুষ এত প্রতিকূল ঘটনার মধ্যেও জীবিত থাকে।

থাইরয়েড্‌ রসে এমন কিছু পদার্থ আছে—যাহা রক্তের সহিত মিশ্রিত হইলে, রক্তের বিষনাশক ও রোগপ্রতিষেধক ক্ষমতা বৃদ্ধি হয়। রক্তে অপসনিন্ ( **Opsonin** ) নামক এক প্রকার পদার্থ আছে; এই অপসনিন্ যে কি, তাহা আমরা জানি না, কিন্তু এইটুকু জানি যে, ইহা না থাকিলে রক্তের শ্বেতকণিকাগুলি জীবাণু ধ্বংস করিতে পারে না। অপসনিন্ (=আমি খাণ্ড প্রস্তুত করি) না থাকিলে, বোধ হয় শ্বেতকণিকার মুখে জীবাণু রোচে না। রক্তের এই অপসনিন্ থাইরয়েড্‌ হইতে আসে। ইহা সম্ভবতঃ জীবাণুগুলিকে এমনভাবে অভিবৃত্ত করে যে, শ্বেতকণিকাগুলি সহজেই তাহাদের গিলিয়া ফেলিতে সমর্থ হয়। থাইরয়েড্‌ যদি অকর্মণ্য বা কৃণ্ড হয় এবং উহা হইতে পর্যাপ্ত রস নিঃসৃত না হয়, তাহা হইলে শরীর রোগগ্রস্ত হইয়া পড়ে।

(৩) বয়সভেদে থাইরয়েডের ক্রিয়া—

(ক) **ভ্রূণাবস্থা**—মাতৃগর্ভে অবস্থানকালে ভ্রূণের নিজের থাইরয়েড্‌ রস থাকে না; মাতার রক্তের সহিত যে থাইরয়েড্‌ গ্রন্থির অন্তঃরস থাকে, তাহা হইতে ভ্রূণ ঐ রস সংগ্রহ করে।



(খ) শৈশবে—শৈশবেও দেহ বৃদ্ধির জন্য যে থাইরয়েড রস প্রয়োজন, তৎস্বল্প শিশুকে জননীর উপর নির্ভর করিতে হয়। মাতৃদুগ্ধের সহিত শিশু এই থাইরয়েড রস প্রাপ্ত হয়।

শিশু যখন ভূমিষ্ঠ হয়, তখন তাহার শরীরের তুলনায় থাইরয়েড গ্রন্থি আকারে বৃহৎ থাকিলেও, উহার রস নিঃসরণের ক্ষমতা অপেক্ষাকৃত কম থাকে। শিশুর থাইরয়েডের কোষগুলির মধ্যে কোলয়েড পদার্থ খুব সামান্যই থাকে।

(গ) বাল্যে—দন্তোদগমের পর শিশু যখন মাতৃ-স্তনদুগ্ধ ব্যতীত অন্য খাদ্য খাইতে পায়, সেই সময় থাইরয়েড প্রথম কার্য করিতে আরম্ভ করে। ইহার পর হইতে বয়োবৃদ্ধির সহিত থাইরয়েডের কার্যকরী ক্ষমতা বৃদ্ধি পাইতে থাকে।

(ঘ) যৌবনোন্মেষকালে ( Puberty )—বালক বালিকা যখন যৌবনের দ্বারদেশে আসিয়া উপস্থিত হয়, তাহাদের দেহ ও মনের আমূল পরিবর্তন হইতে থাকে; তখন থাইরয়েডকে অত্যন্ত পরিশ্রম করিতে হয় এবং থাইরয়েডের আকার ও কোলয়েডের পরিমাণ বর্দ্ধিত হয়।

(ঙ) স্ত্রীলোকের গর্ভাবস্থায়—স্ত্রীলোকদিগের গর্ভাবস্থায় থাইরয়েড একটু বড় হয়। স্তনের আকার বৃদ্ধি ও দুগ্ধ নিঃসরণ ক্রিয়া থাইরয়েডের উপর কতকটা নির্ভর করে।

(চ) বার্দ্ধিক্যে—প্রৌঢ়াবস্থা হইতে মানুষ যতই বার্দ্ধিক্যের অভিমুখে অগ্রসর হইতে থাকে, তাহার থাইরয়েডের কার্যক্ষমতাও তত হ্রাসপ্রাপ্ত হয়।

### স্ত্রীপুরুষভেদে থাইরয়েডের আকার ।—


পুরুষ অপেক্ষা স্ত্রীলোকদিগের থাইরয়েড আকারে বড় এবং অধিকতর কার্যক্ষম।

### আহারের সহিত থাইরয়েডের সম্বন্ধ ।

আমাদের খাদ্যের সহিত থাইরয়েডের ঘনিষ্ঠ সম্বন্ধ আছে। খাদ্যে পর্যাপ্ত পরিমাণে প্রোটিন বা ছানাজাতীয় খাদ্য ও আয়োডিন না থাকিলে, থাইরয়েড অন্তর্মুখী রস উৎপাদন করিতে পারে না। আমাদের বাঙ্গালী জাতির থাইরয়েড গ্রন্থি অত্যন্ত দুর্বল; ইহার কারণ এই যে, আমাদের খাদ্যে ভাত প্রভৃতি খেতসারজাতীয় খাদ্য অত্যন্ত অধিক থাকিলেও, মৎস্য, মাংস, দুগ্ধ প্রভৃতি ছানাজাতীয় খাদ্যের পরিমাণ খুব অল্প বঙ্গদেশের মৃত্তিকার ( Soil ) আয়োডিনের পরিমাণ অত্যন্ত কম; এজন্য এদেশের শাকসব্জীতে আয়োডিন পর্যাপ্ত পরিমাণে থাকে না; ইহার ফলে আমরা খাদ্যের সহিত দেহের প্রয়োজনমত আয়োডিন পাই না।

থাইরয়েড্ গ্রন্থি পরীক্ষা ।—থাইরয়েড্ গ্রন্থি গলদেশের সম্মুখভাগের নিম্ন অংশে অবস্থিত । ইহা হস্ত দ্বারা অনুভব (Palpation) করা তেমন সহজসাধ্য নহে । অবশ্য কোন রোগ বশতঃ থাইরয়েডের আকার বর্ধিত হইলে, তখন তাহা অনুভব করা যায় ।

চিত্র নং ২ ।



থাইরয়েড গ্রন্থি পরীক্ষা-প্রণালী ।

রোগীকে তাহার ঘাড় পশ্চাৎদিকে হেলাইতে বলিবে ; এরূপ করিলে গলদেশের সম্মুখভাগে অবস্থিত সকল যন্ত্র বেশ স্পষ্ট প্রতীয়মান হইবে । অতঃপর গলদেশের সম্মুখভাগের নিম্ন অংশে হাত রাখিয়া রোগীকে চোঁক গিলিতে বলিবে । চোঁক গিলিবার সময় থাইরয়েড্ গ্রন্থি একটু উর্দ্ধে উখিত হয় । ইহা হইতে গলদেশের সম্মুখস্থ কোন ক্ষীতি (Swelling), থাইরয়েড্ গ্রন্থির সংশ্লিষ্ট আছে কি না, তাহা বুঝা যাইবে । গলদেশে আব বা অণু কিছু হইলে থাইরয়েড্ এরূপভাবে উর্দ্ধে উঠে না ।

উপরিউক্ত উপায়ে হস্তদ্বারা থাইরয়েড্ গ্রন্থি অনুভূত হইলে, উহার উভয় পার্শ্বস্থ দুই অংশ অনুভব করা যায় ; কিন্তু উভয় অংশের মধ্যে অবস্থিত যোজক এত ছোট যে, তাহা বুঝা যায় না । স্ত্রীলোকদের সাধারণতঃ থাইরয়েডের যোজক একটু বড় থাকে । যৌবনোন্মেষ কালে এবং ঋতু ও অন্তঃস্বভাবস্থায় ইহা আরও বড় হয় । এইজন্য এই সকল অবস্থায় অনেক সময় যোজকও অনুভব করা যায় ।

যদি হস্তদ্বারা অনুভব করিয়া থাইরয়েড্ আকারে বড় হইয়াছে বলিয়া বুঝা যায়, তাহা হইলে চিপিয়া দেখিতে হইবে যে, উহা শক্ত কি, নরম আছে । থাইরয়েড্ যদি বড় ও শক্ত হয়, তাহা হইলে 'গয়টার' (Goiter—গলগণ্ড) রোগ বলিয়া সন্দেহ করিবে ।

## থাইরয়েডের ক্রিয়া পরীক্ষা ।

**সাধারণ পরীক্ষা**—থাইরয়েডের ক্রিয়া পরীক্ষা করিতে হইলে, নিম্নলিখিত বিষয়গুলির প্রতি লক্ষ্য রাখা কর্তব্য ।

- (১) রোগীর বয়স !
- (২) পুরুষ কি স্ত্রীলোক ।
- (৩) রোগীর দেহের গঠন ও মুখের আকৃতি ।

**শিশু হইলে**—শিশুটি বামন ( বৈটে-খরুঙ্গ ) ও উহার সর্কাস—বিশেষতঃ ঘাড়, কাঁধ ও পেট ক্ষীণতাবাপন্ন কি না, দেখিবে । এই ক্ষীণতা অঙ্গুলি দ্বারা টিপিলে বসিয়া যায় না । ( ইহা থাইরয়েড্ রসের অভাব জ্ঞাপক লক্ষণ ) ।

**যুবক হইলে**—অকালবর্দ্ধিত্য থাইরয়েড্ রসের অভাবের লক্ষণ ।

স্বাস্থ্যের মুখের ভাব দেখিয়া মনে হয়—যেন রোগী ভয় পাইয়াছে এবং চোখ দুটি যেন বাহির হইয়া আসিতেছে । যদি এরূপ মুখ ভাব থাকে, তাহা হইলে থাইরয়েডের অতি রসশ্রাব হইতেছে বলিয়া সন্দেহ করা যায় ।

(৪) **মাথার চুল**—অকালে যৌবনেই মাথার চুল পাকিতে আরম্ভ হইলে, উহা থাইরয়েডের ক্রিয়াশক্তি হ্রাসের লক্ষণ ।

(৫) **গাত্রচর্ম**—রোগীর গাত্রে হাত দিয়া দেখিবে এবং স্বাভাবিক লোকের মতন ঘাম হয় কি না জিজ্ঞাসা করিবে । থাইরয়েডের ক্রিয়াশক্তি হ্রাসপ্রাপ্ত হইলে, গাত্রচর্ম শুষ্ক ও ঘর্মহীন হয় এবং ফুলিয়া উঠে । কিন্তু এই ফুলা টিপিলে বসে না ।

(৬) **দেহের উত্তাপ**—থার্মোমিটার দ্বারা রোগীর দেহের উত্তাপ গ্রহণ করিবে । রোগীর হস্তপদ ঠাণ্ডা ও সাধারণ লোক অপেক্ষা দেহের উত্তাপ কম হইলে, উহা থাইরয়েডের শক্তিহীনতার লক্ষণ ।

থাইরয়েডের অতিশ্রাব হইলে, রোগীর দেহের উত্তাপ বর্দ্ধিত হয় । একটা রোগিনীর প্রসবের পর হইতে অল্প অল্প জ্বর হইতেছিল । জ্বরের কোন কারণ আবিষ্কার করিতে না পারায়, শেষে ক্ষয়রোগ বলিয়া সকলে সন্দেহ করেন । কলিকাতার সকল শ্রেষ্ঠ চিকিৎসকই তাহাকে দেখিয়াছিলেন, কিন্তু কোন চিকিৎসায়ই ফল হয় নাই । এই সময় রোগিনীর আত্মীয়গণ রোগিনীকে আমার নিকট লইয়া আসেন । আমি রোগিনীর মুখের দিকে চাহিয়া দেখিলাম যে, তাহার চোখ দুটি অল্প বড় ও গলার সম্মুখভাগও একটু ফুলা মতন বোধ হইল । রোগিনী বলিলেন যে, তাহার বৃকের ভিতর প্রায়ই ধড়ধড় করে এবং একত্র বড় কষ্ট হয় । আমার সন্দেহ হওয়ায়, রোগিনীকে বিশেষ ভাবে পরীক্ষা করিয়া বুঝিতে পারিলাম যে, তাহার থাইরয়েড্ রস একটু বেশী পরিমাণে নিঃসৃত হইতেছে এবং ঐ জ্বর ক্ষয়রোগের নহে—থাইরয়েডে অতি শ্রাবের ফল । কিছুদিন চিকিৎসার পর রোগিনী বেশ ভাল হইয়া গিয়াছেন ।

(৭) নাড়ীর গতি—থাইরয়েডের শক্তিক্রাস হইলে, নাড়ীর গতি কম হয়। আমরা একরূপ একটা রোগীর নাড়ী মিনিটে ৪০ বার হইতে দেখিয়াছি। সুস্থ লোকের নাড়ীর গতি মিনিটে ৭২ বার।

থাইরয়েডের অতিশ্রাব রোগে নাড়ী দ্রুত হয়।

(৮) পাকস্থলী ও অন্ত্রের ক্রিয়া—কোষ্ঠবদ্ধতা থাইরয়েডের দৌর্ভল্যের লক্ষণ।

(৯) হৃদযন্ত্রের ক্রিয়া—রোগীর হৃৎপিণ্ড পরীক্ষা করিবে এবং হৃৎকম্পন ( Palpitation ) হয় কি না জিজ্ঞাসা করিবে। হৃৎকম্পন থাইরয়েডের অতিক্রিয়ার অন্ততম লক্ষণ।

(১০) আয়বিক লক্ষণ—শিরঃপীড়া, কন্ঠে অনিচ্ছা, শ্বাসশূল প্রভৃতি থাইরয়েডের দৌর্ভল্যের লক্ষণ।

সর্বদা মানসিক উত্তেজনার ভাব—থাইরয়েডের অতিশ্রাব হইলে হয়।

(১১) রোগী স্ত্রীলোক হইলে—ঋতু ঠিকমত হয় কি না এবং গর্ভাবস্থা বলিয়া সন্দেহ হইলে তাহা জানিয়া লইবে, কারণ ঋতুকালে ও অন্তঃস্বভাবস্থায় স্ত্রীলোকদিগের থাইরয়েড স্বভাবতঃ একটু বড় হয়।

(১২) প্রস্রাব পরীক্ষা—রোগীর প্রস্রাব পরীক্ষা করা প্রয়োজন। থাইরয়েডের শক্তিক্রাস হইলে, মূত্রের গুরুত্ব ( specific gravity ) বর্দ্ধিত হয় এবং ইউরিক এসিড ও ইউরিয়ার পরিমাণ কমিয়া যায়।

(১৩) দন্ত—রোগী শিশু হইলে তাহার দাঁতগুলি উঠিয়াছে কি না দেখিবে। উপযুক্ত পরিমাণে থাইরয়েড রস না পাইলে, দস্তোদগমে বিলম্ব হয়। অধিক বয়স্ক লোকের এইরূপ হইলে দাঁতে পোকা ধরে এবং দাঁতগুলি শ্লথ হইয়া অকালে পড়িয়া যায়।

(১৪) বুদ্ধিবৃত্তি—থাইরয়েড রসের অভাববশতঃ যে সকল শিশু বামনাকার প্রাপ্ত হয়, তাহাদের বুদ্ধিবৃত্তি খুব কমই থাকে।

### বিশেষ পরীক্ষা ( Special Tests ) ।

(১) মেটাবলিজমের মূল পরিমাণ ( Basal Metabolism Rate ) নিরূপণ। দেহান্তর্গত কোষগুলি, রক্ত হইতে অক্সিজেন গ্রহণ করে। আমাদের ভুক্ত খাদ্য দ্রব্য পরিপাক ক্রিয়ার ফলে রূপান্তরিত হইতে শেষে কোষগুলির মধ্যে আসিয়া উপস্থিত হয় এবং সেখানে ঐ অক্সিজেনের আশ্রয়ে দগ্ধ হইয়া কার্বনে পরিণত হয়। দেহের কোষগুলির মধ্যে পর্যাপ্ত পরিমাণে থাইরয়েড রস থাকিলে, তবেই কোষগুলি রক্ত হইতে অক্সিজেন গ্রহণ করিতে পারে। অতএব এই ক্রিয়ার জন্য রক্ত মধ্যে থাইরয়েড রসের উপস্থিতি অত্যাৱশ্যক।

দেহের ভিতর রক্তে যে অক্সিজেন থাকে, তাহা আমরা নিশ্বাস গ্রহণকালে বায়ু হইতে

প্রাপ্ত হই। এই বায়ু যখন ফুসফুসের ভিতর প্রবেশ করে, তখন ফুসফুস মধ্যস্থ রক্ত তাহা হইতে অক্সিজেন গ্রহণ করে।

থাইরয়েড রসের ক্রিয়াহানী হইলে, দেহের অক্সিজেন গ্রহণ করিবার ক্ষমতা হ্রাস প্রাপ্ত হয়। অতএব কোন লোক বায়ু হইতে কি পরিমাণে অক্সিজেন গ্রহণ করিয়া কার্যে লাগাইতে পারে, আমরা যদি তাহা জানিতে পারি, তাহা হইলে উহা হইতে তাহার থাইরয়েড রসের অবস্থাও বুঝিতে পারিব।

আহার, পরিশ্রম প্রভৃতি নানা কারণে কোষগুলির অক্সিজেনের আবশ্যকতার তারতম্য হয়। এজন্য দেহের পক্ষে সাধারণতঃ কতটা অক্সিজেন প্রয়োজন, তাহা জানিতে হইলে, বাহাতে কোন বহিস্থঃ গোলযোগ আসিয়া উপস্থিত না হয়, যতদূর সম্ভব তাহার ব্যবস্থা করিতে হইবে। পরীক্ষার পূর্বে রোগী অন্ততঃ কয়েক ঘণ্টা বিশ্রাম করিবেন এবং কিছু আহার করিবেন না।

রোগীর অক্সিজেন গ্রহণ ক্ষমতা ও মেটাবলিজমের মূল পরিমাণ নির্ণয়ের জন্ত এক প্রকার যন্ত্র আছে। এই যন্ত্র মূল্যবান। কলিকাতা ট্রপিকাল স্কুলে ইহা আছে। সম্ভব হইলে এই যন্ত্রদ্বারা পরীক্ষা করা উচিত।

পরীক্ষার দিন রোগীকে উপবাস করাইয়া শয্যা শয়ান অবস্থায় রাখিয়া, তৎপরে বায়ু ও অক্সিজেন একত্রে মিশ্রিত করিয়া শ্বাস লইতে দেওয়া হয়। উক্ত যন্ত্রটি এরূপভাবে প্রস্তুত যে, রোগীর প্রশ্বাসের সহিত যে কার্বন ডায়োক্সাইড বাহির হয়, তাহাও ঐ যন্ত্র দ্বারা শোষিত হইতে থাকে। পরীক্ষার পূর্বে যন্ত্রে অক্সিজেনের পরিমাণ জানা থাকে; সুতরাং কি পরিমাণে অক্সিজেন উহা হইতে ব্যয় হইল, তাহা অনায়াসে বুঝা যায়। যে পরিমাণ অক্সিজেন যন্ত্র হইতে কমিয়াছে, উহা রোগী গ্রহণ করিয়াছে বলিয়া বুঝিতে হইবে।

একটা নির্দিষ্ট সময়ের মধ্যে রোগী কতটা অক্সিজেন গ্রহণ করিতে পারে, তাহা জানিতে পারিলে, উহা হইতে বেসাল মেটাবলিজম্ রেট বাহির করা যায়।

প্রত্যেক লোকের একটা নির্দিষ্ট বেসাল মেটাবলিজম্ রেট থাকে। এই রেটের কোন পরিবর্তন হয় না; ইহা বরাবর একইরূপ থাকে এবং স্নহ অবস্থায় শতকরা ১০ ভাগের অধিক পরিমাণে কম বেশী হয় না।

থাইরয়েড নির্বীৰ্য হইলে, B. M. R. (বেসাল মেটাবলিজম রেট) স্নহ লোকের অপেক্ষা কমিয়া যায়। থাইরয়েড হইতে অভিস্রাব হইলে ইহার ঠিক বিপরীত ফল হয়, অর্থাৎ B. M. R. অত্যন্ত বাড়িয়া যায় এবং এমন কি, স্বাভাবিক রেট হইতে শতকরা ২৫ হইতে ৩০ বার বেশী হয়।



থাইরয়েডের রোগের সহিত এড্রিনালিনের ক্রিয়ার সম্পর্ক কোন লোকের থাইরয়েড যদি কাটিয়া বাদ দেওয়া যায়, তাহা হইলে তাহার এড্রিনালিন সহ্য করিবার ক্ষমতা (tolerance) বর্ধিত হয়। থাইরয়েডের অভিশ্রাব রোগে ইহার ঠিক বিপরীত ফল হয়।

এইবার আমরা কিরূপে এই পরীক্ষা করা হয়, তাহা বর্ণনা করিব।

(Goetsch's Adrenalin test—গয়েচের এড্রিনালিন পরীক্ষা)—রোগীকে পরীক্ষার কিছুক্ষণ পূর্বে হইতে শয়ন করিয়া থাকিতে হইবে। প্রতি মিনিটে তাহার নাড়ী ও শ্বাসপ্রশ্বাস ক্রিয়া কতবার হয়, তাহা গণনা করিবে এবং রক্তের চাপ (Blood pressure) কত, তাহা রক্ত চাপমান (Blood Pressure Instrument) দ্বারা দেখিবে। তাহার পর অর্ধ সি, সি, এড্রিনালিন সলিউশন (১ : ১০০০) অধঃস্ফটিক ইঞ্জেকসন দিতে হইবে। এড্রিনালিনের ফল লক্ষ্য করিবার জন্ত ইঞ্জেকসনের পর কিছুক্ষণ অন্তর রোগীর নাড়ী, শ্বাসপ্রশ্বাস ও রক্তের চাপ পরীক্ষা করিতে হয়। ইঞ্জেকসনের পর প্রথম দশ মিনিটকাল প্রতি আড়াই মিনিট অন্তর, তৎপরে এক ঘণ্টাকাল প্রতি পাঁচ মিনিট অন্তর এবং পরবর্তী অর্ধ ঘণ্টাকাল প্রতি দশ মিনিট ব্যবধানে, এইরূপ পরীক্ষা করিতে থাকিবে।

থাইরয়েডের অন্তঃরস যদি অতিরিক্ত পরিমাণে নিঃসৃত হইতে থাকে, তাহা হইলে সেরূপ রোগীর উপর এড্রিনালিন পরীক্ষার ফল এইরূপ হইবে। যথা :—প্রথমে নাড়ীর গতি দ্রুত হইবে এবং হৃৎপিণ্ডের সঙ্কোচনকালীন রক্তচাপ (Systolic blood pressure) প্রথমে ১০ হইতে ৫০ মিলিমিটারে উঠিয়া যাইবে; ইহার পর আরও একটু উঠিয়া দেড়ঘণ্টা পরে পুনরায় স্বাভাবিক অবস্থায় ফিরিয়া আসিবে।

ঔষধরূপে থাইরয়েড প্রয়োগ।


প্রয়োগরূপ।—থাইরয়েডের নিম্নলিখিত প্রয়োগরূপগুলি ঔষধার্থ ব্যবহৃত হয়।  
যথা ;—

(১) শুষ্ক থাইরয়েড (Thyroideum Siccum)—স্বস্থ ভেড়ার থাইরয়েড গ্রহি হইতে মেদ ও তন্তুময় অংশগুলি বাদ দিয়া ইহা প্রস্তুত করা হয়। আমেরিকার ফার্মাকোপিয়া অনুসারে ৫ ভাগ টাট্কা থাইরয়েড হইতে ১ ভাগ শুষ্ক থাইরয়েড প্রস্তুত হয়। ব্রিটিশ ফার্মাকোপিয়ার কিন্তু এরূপ কোন অনুপাত নির্দিষ্ট করিয়া দেওয়া হয় নাই।

প্রেসক্রিপ্শনে থাইরয়েড ব্যবহার কালে, অনেকে থাইরয়েড একটুকু লিখিয়া থাকেন; কিন্তু ইহা ভুল। কালমেঘের পাতা হইতে যদি উহার সার অংশ বাহির করিয়া লওয়া হয়, তাহাকে আমরা কালমেঘ একটুকু বলিব। কিন্তু যদি কালমেঘের শুষ্ক পাতাগুলি কেবলমাত্র শুঁড়া করিয়া ব্যবহার করা যায়, তাহাকে কি কালমেঘের একটুকু বলা হইতে পারে? সেইরূপ থাইরয়েড সিকাম, শুষ্ক থাইরয়েডের শুঁড়া ব্যতীত কিছুই নহে।

(ক্রমশঃ)





## উপদংশ পীড়ার আধুনিক চিকিৎসা ।

### Modern Treatment of Syphilis.

লেখক—ডাঃ শ্রীনরেন্দ্রকুমার দাশ, M. B. M. C. P. S.

M. R. I. P. H. ( Eng. )

এই প্রবন্ধে উপদংশ সম্বন্ধে যাবতীয় আধুনিক বিবরণ এবং ইহার চিকিৎসা সম্বন্ধে অজ্ঞাবধি যত প্রকার নূতন ঔষধ ও ইঞ্জেকসনাদি আবিষ্কৃত হইয়াছে, তাহাদের বিবরণ বিস্তৃতভাবে আলোচনা করা হইবে। “মেডিক্যাল রিভিউ অব রিভিউস্” নামক পত্রিকায় সুবিখ্যাত ডাক্তার শ্রীযুক্ত গিরিন্দ্রনাথ মুখোপাধ্যায়, বি, এ, এম, ডি, মহাশয় উপদংশের চিকিৎসা বিষয়ক একটা মূল্যবান প্রবন্ধ প্রকাশ করিয়াছেন, এই প্রবন্ধে তাহার বিস্তৃত মর্ম ও সন্নিবেশিত হইবে। আশা করি, পত্রী চিকিৎসকগণ ইহা হইতে বিশেষ উপকৃত হইবেন।

**উপদংশ রোগের বিস্তৃতি।** যুবকগণের মধ্যে এই পীড়ার প্রাবল্য অত্যন্ত অধিক। অনেক স্থলে সময়ে ইহা চিকিৎসিত না হওয়ায়, বংশ পরম্পরায় ইহা চলিয়া আসিতেছে। ফলে কত শত কুসুম-কোরকসম শিশু-জীবন অকালেই মরণের বৃকে ঝরিয়া পড়িতেছে—কত শত নিরপরাধিনী স্ত্রী এই কুৎসিত পীড়ার সংক্রমিত হইয়া লক্ষ্য, দুঃখে, কষ্টে, কোষ্ঠে কালাতিপাত করিতেছেন এবং অকালে যৌবনশ্রী ও স্বাস্থ্য হারাইয়া, মৃত্যুপথের যাত্রী হইতেছেন—তাহার ইয়ত্তা নাই। কিছুদিন পূর্বেও এই কুৎসিত পীড়ার নির্দোষ আরোগ্যকারী চিকিৎসা আদৌ ছিল না বলিলেও, অত্যাক্তি হয় না। কিন্তু পাশ্চাত্য বৈজ্ঞানিকগণের অক্লান্ত পরিশ্রম ও গবেষণার ফলে, অধুনা এই পীড়ার বহুপ্রকার চিকিৎসা আবিষ্কৃত হইয়া, অত্যন্ত সময় মধ্যেই রোগীকে সত্বর রোগ মুক্ত করিতেছে।

**উৎপাদক জীবাণু।** গত ১৯১৫ সালে ডাক্তার কিঙ্ক শভিন্ কর্তৃক এই পীড়ার জীবাণু-তত্ত্ব প্রথম আবিষ্কৃত হয়। ইনিই প্রথমে এই পীড়ার উদ্দীপক জীবাণু “স্পাইরোচিটা প্যালিডা” (ট্রেপোনেমা প্যালিডা) সম্বন্ধে বর্ণনা করেন।

চিকিৎসার পরিবর্তন । অধুনা চিকিৎসা জগতে খ্যাতিনামা উপদংশ চিকিৎসকগণ উপদংশের বহুপ্রকার অভিনব, সচলপ্রদ চিকিৎসার প্রবর্তন করিয়াছেন । পুরাতন মতের সহিত আধুনিক মতের অনেক পরিবর্তন দেখা যায় ।

পীড়ার প্রাধান্য । ডাক্তার ফোরনিয়ারের মতে “উপদংশ”, “মদাত্যম” এবং “যক্ষ্মা”, এই তিনটাই আধুনিক যুগের প্রেগ বা মহামারী । কিন্তু ইহাদের মধ্যে উপদংশই সর্বাধিক সাংঘাতিক পীড়া । কারণ ;—

(১) ইহা রোগী সহজে প্রকাশ করে না, লুকাইয়া রাখিবার চেষ্টা করে । সুতরাং সহজেই দুরারোগ্য বা অনারোগ্য হয় ।

(২) ইহা একটা সাংঘাতিক গোপন বিষ । ইহাপেক্ষা বিপজ্জনক গোপন বিষ আর আছে কি না সন্দেহ ।

(৩) ইহা অলক্ষ্য—এমন কি, অজানিত ভাবেই রোগীকে আক্রমণ করে ।  
গর্ভস্রাব, গর্ভপাত, মৃতসন্তান প্রসব এবং শিশুমৃত্যু প্রভৃতির একটা অন্ততম প্রধান কারণ—উপদংশ ।

উপদংশই উন্নাদ রোগীর সার্বজনীন পক্ষাঘাত এবং কশেরুকা মজ্জার ক্ষয় (Locomotor Ataxy) পীড়ার একমাত্র কারণ বলিয়া বিবেচনা করা হয় ; বিবিধ প্রকার দৌর্বল্য ও অক্ষমতার গোপন কারণ এবং এনিউরিজম্, হৃৎশূল (Angina pectoris), ব্রাইটস্ ডিজিজ, মস্তিষ্কাভ্যন্তরে রক্তস্রাব (Cerebral hæmorrhage), প্রভৃতি পীড়ার বিবিধ নৈদানিক অবস্থার গৌণ কারণও, উপদংশ বলিয়াই স্বীকার করা হয় ।

উপদংশ পীড়ার আক্রমণ ও নৈদানিক তত্ত্ব সম্বন্ধে আমরা এই প্রবন্ধে বিশেষভাবে আলোচনা না করিয়া, ইহার সংক্ষিপ্ত আলোচনা করতঃ, চিকিৎসা বিষয়ে বিশেষ ও বিস্তৃত আলোচনা করিব ।

কারণ ।—উপদংশ স্পর্শক্রামক ব্যাধি । ‘স্পাইরোচিটা’ জীবাণুই ইহার উৎপত্তির কারণ । সংস্পর্শ, সংসর্গদোষ, অথবা পিতা মাতার শরীরের রস-রক্তাদির সংযোগে এই জীবাণু দেহাভ্যন্তরে প্রবেশ করিয়া থাকে ।

অবস্থা ভেদ ।—লক্ষণ ভেদ এই পীড়াকে তিন ভাগে বিভক্ত করা যায়, যথা :—

- (১) প্রাইমারী বা প্রাথমিক অবস্থা ।
- (২) সেকেন্ডারী বা গৌণ অবস্থা ।
- (৩) টার্শিয়ারী বা তৃতীয় অবস্থা ।

(১) প্রাইমারী বা প্রাথমিক অবস্থা । অজ্ঞিত উপদংশের প্রথম অবস্থাকেই “প্রাইমারী সিকিলিস্” কহে । দূষিত স্ত্রী সংসর্গই ইহার কারণ । যে পর্যন্ত উপদংশের প্রাথমিক ক্ষত (স্রাব) এবং ‘বিউবো’ (বাঘি) বর্তমান থাকে, সে পর্যন্ত তাহাকে প্রাইমারী অবস্থা বলে । এই অবস্থায় রোগীর লিঙ্গ মুণ্ডে

এক প্রকার বিশেষ রকমের স্ফাকার বা আণু ক্ষত বর্তমান থাকে। কোন কোন রোগীতে এতৎসহ বাঘিও বর্তমান থাকিতে পারে।

(২) সেকেণ্ডারী সিস্ফিলিস্ বা গৌণ অবস্থা।—ইহাই উপদংশের দ্বিতীয় অবস্থা। অর্জিত উপদংশের প্রাথমিক লক্ষণ সমূহ তিরোহিত হইবার পর, এই অবস্থা প্রকাশ পায়। এই অবস্থায় রোগীর গাঙ্গে ইরাপশন্ নির্গত হয়। রোগীর দেহ ক্ষীণ এবং দেহের উত্তাপ স্বাভাবিক অপেক্ষা বর্ধিত হয়। ইহাকে “উপদংশিক জ্বর” (Syphilitic Fever) কহে। এই অবস্থায় মস্তকের চুল অনেক উঠিয়া যায়। ঔষ্ঠ ও গলাভ্যন্তরে নানাবিধ ক্ষত ও প্রদাহ দৃষ্ট হয়। মলদ্বারের চতুর্পার্শ্বে ও যোনিদ্বারের পার্শ্বদেশে “কণ্ডাইলোমেটা” জন্মে, উহা দেখিতে গাঁদা ফুলের পাপড়ীর মত দেখায়। মাংসপেশীতে, অস্থিমধো ও সন্ধি সমূহে বেদনা হয়। এতদ্ব্যতীত পেরিয়ষ্টিয়ামের প্রদাহ, আইরাইটিস, একশিয়া (অর্কাইটিস্) প্রভৃতি বিবিধ কষ্টকর লক্ষণ সমূহ প্রকাশ পাইয়া থাকে।

(৩) টার্শিয়ারী সিস্ফিলিস্ বা ত্রয় অবস্থা।—এই অবস্থায় রোগীর লিঙ্গমুণ্ডে প্রায়ই কোনও ক্ষত বর্তমান থাকে না। অনেক সময়ে রোগীর সাধারণ অবস্থা দেখিয়া পীড়া নির্ণয় করাও কঠিন হয়। কিন্তু রক্ত পরীক্ষায় সহজেই পীড়া নির্ণয় করিতে পারা যায়। এই অবস্থায় চর্ম ও শ্লেষিক ঝিল্লীতে যে ক্ষত হয়, তাহা গভীর স্থান ব্যাপী হইয়া থাকে। টার্শিয়ারী অবস্থায় “কপিয়া” নামক চর্ম রোগ প্রকাশ পাইয়া থাকে। “সিস্ফিলিটিক্ গামা”, টার্শিয়ারী সিস্ফিলিসের একটি প্রধান লক্ষণ। এই “গামা”—চর্ম, চর্মের নিম্নস্থ সেলুলার টিসু, মাংসপেশী, অস্থি, পেরিয়ষ্টিয়াম্, অণুকোষ, মস্তিষ্ক, মেরুদণ্ড, রক্তবহা নাড়ী ইত্যাদিতে এবং অভ্যন্তরস্থ যন্ত্রাদি—বিশেষতঃ যকৃৎ মধ্যে উৎপন্ন হয়। এই অবস্থায় রোগী দিন দিন ক্রমশঃ শীর্ণ হইতে থাকে, গলার ভিতর, লেরিংস্ মধ্যে এবং সরলান্ত্রে এই “গামা” বহুদিন স্থায়ী হয়। ইহাতে রোগীর সমস্ত যন্ত্রই বিকল হইয়া যায়। টার্শিয়ারী উপদংশ হইতে গলিত কুষ্ঠ পর্য্যন্ত হওয়াও অসম্ভব নহে। পরীক্ষা দ্বারা জানা গিয়াছে যে, কুষ্ঠ রোগীর রক্ত মধ্যে, অধিকাংশ স্থলেই উপদংশ বিষ পাওয়া গিয়াছে। উপদংশ পীড়া হইতে নানাবিধ জঘন্য পীড়া পর্য্যন্ত হইয়া থাকে।

## বংশগত বা কন্জিনাইট্যাল্ উপদংশ ।

উপদংশ বিষে পিতা মাতার রক্ত দূষিত হইলে, ইহা নিষ্পাপ, পবিত্র শিশুদেহেও সংক্রমিত হয়। এইরূপে ইহা বংশান্ত্রক্রমে চলিয়া আসে। এইরূপ বংশগত উপদংশকে “কন্জিনাইট্যাল্ সিস্ফিলিস” বলে।

পিতা বা মাতার রক্ত মধ্যে এই জঘন্য পীড়ার বিষ বর্তমান থাকিলে, চিকিৎসা দ্বারা উহাদের রক্ত সম্পূর্ণরূপে নির্দোষ না হওয়া পর্য্যন্ত সহবাস করা অসুচিত। অবিবাহিত


যুবক বা যুবতীর এই পীড়া হইলে, দেহ হইতে সম্পূর্ণরূপে রোগবিষ অন্তর্হিত না হওয়া পর্যন্ত, তাহাদের বিবাহ করা অসুচিত। পাশ্চাত্য জগতে এইরূপ বিবাহ আইনতঃ অসিদ্ধ। পীড়া গোপন করতঃ কেহ এইরূপ বিবাহ করিলে, আইন অনুযায়ী দণ্ডনীয় হয়। আমাদের দেশে এই আইন নাই বলিয়াই, শিশু মৃত্যুর সংখ্যা ক্রমশঃ বৃদ্ধি পাইতেছে, কৌলিক উপদংশও আগুনের মত বংশ হইতে বংশ পরম্পরায় ছুটিয়া চলিয়াছে। শিশুর দেহে এই পীড়া প্রথমে প্রায়ই সেকেণ্ডারী বা উপদংশের দ্বিতীয় অবস্থার লক্ষণ সহ উপস্থিত হইতে দেখা যায়। শিশু ভূমিষ্ঠ হইবার ২—৬ সপ্তাহের মধ্যেই উহার শরীরে উপদংশের লক্ষণ সমূহ দৃষ্ট হইয়া থাকে। চর্মোপরি নানাবিধ ইরাপসন বহির্গত হয়। অনেক স্থলে এক প্রকার ফোঁকা সদৃশ ইরাপসন বাহির হয় এবং উহা সাংঘাতিক হইয়া থাকে। আন্তঃস্তরিক যন্ত্রাদির এবং অস্থির পীড়া, এই জাতীয় রোগের নিত্য সহচর। মস্তকের অস্থি, পদদ্বয়ের অস্থি—বিশেষতঃ টিবিয়া এবং হিউমেরাস্ অস্থি, এই রোগে আক্রান্ত হইয়া পড়ে; নাসিকার মূলদেশ কসিয়া যায়।

এতাদৃশ রোগাক্রান্ত শিশুদিগের স্থায়ী দন্তনিচয় এক প্রকার অস্বাভাবিক আকৃতি বিশিষ্ট হয়। অনেক শিশুর চক্ষুরোগ জন্মায়, আবার অনেক শিশু বধিরও হইয়া থাকে। শিশুর মুখমধ্যে ফুসুড়ি হইতে দেখা যায়, নাসিকার নৈস্মিক ঝিল্লীতে প্রদাহ হয় এবং শিশু নাকিস্থরে ক্রন্দন করিয়া থাকে।

এতদ্ব্যতীত শিশুদের বিবিধ প্রকার অস্থি পীড়া, ম্যারাস্‌মাস্ ইত্যাদি হইতে দেখা যায়। ফলে শিশুরা অল্প বয়সেই ভবলীলা সংবরণ করে—আর যাহারা নিতান্তই বাঁচিয়া থাকে, তাহারা আমরণ চিররোগী অবস্থায় স্বীয় জনক বা জননীর কৃতকর্মের প্রায়শ্চিত্ত্য করিতে থাকে।

চিকিৎসা। আমরা এক্ষণে উপদংশের আধুনিক চিকিৎসা প্রণালী সংক্ষেপে বিশদ ও বিস্তৃত ভাবে আগোচনা করিব।

(ক্রমশঃ)



## সোডিয়াম ক্লোরাইড—Sodium Chloride.

( সাধারণ লবণ )

লেখক—ডাঃ শ্রীসতীভূষণ মিত্র B. Sc. M. B.

—: :—

জীবের কল্যাণকল্পে, সর্বশক্তিমান জগদীশ্বর কোন্‌ দ্রব্যে যে, কি অসীম—কি অদ্ভুত শক্তি নিহিত করিয়া রাখিয়াছেন, ক্ষুদ্র শক্তি মানব আমরা, তাহার কতটুকুই বা আমাদের জ্ঞান-গোচরীভূত হইয়াছে—কতটুকুরই বা আমরা সন্ধান রাখি। যাহাকে আমরা সামান্য বলিয়া হেয় চক্ষে দেখি—উপেক্ষা করি, হয়ত তাহারই মধ্যে কল্যাণকর মহাশক্তি বিদ্যমান আছে। চিকিৎসা-বিজ্ঞানের ক্রমোৎকর্ষ, বিজ্ঞানবিদ পণ্ডিতগণের আলোচনা, গবেষণায় ক্রমশঃ আমরা যে সকল সামান্য দ্রব্যের অদ্ভুতপূর্ব শক্তির পরিচয় লাভে সক্ষম হইতেছি, বর্তমান প্রবন্ধোক্ত “সোডিয়াম ক্লোরাইড” অর্থাৎ “সাধারণ লবণ” তাহাদের অন্ততম।

স্নায়ুশূল নিবারণই সোডি ক্লোরাইডের এই অসামান্য শক্তি। ইহা নাসারন্ধ্রের মৈশ্নিক ঝিল্লিতে ( Mucous membrane ) প্রয়োগ করিলে, কবোটির পঞ্চম স্নায়ুর শাখা সমূহের নিউর্যালজিয়া অর্থাৎ স্নায়ুশূল তৎক্ষণাৎ আরোগ্য হয়। আমি এই শ্রেণীস্থ কতিপয় পীড়ায় ইহা ব্যবহার করিয়া যেরূপ আশ্চর্য ফললাভ করিয়াছি, যথাক্রমে তাহা পাঠকবর্গের গোচরীভূত করিব।

( ১ ) দন্তশূল ( Toothache )।—এই রোগাক্রান্ত একটা যুবক ক্রিয়োজোট লইবার মানসে আমার নিকট আসিলে, প্রথমতঃ তাহারই শরীরে এই ঔষধের ক্রিয়া পরীক্ষা করণাভিপ্রায়ে, তাহার নিকট সোডি ক্লোরাইডের উপকারিতার বিষয় ব্যক্ত করিয়া ইহা ব্যবস্থা করিলাম। ইহা সূক্ষ্মচূর্ণ করিয়া, রোগীর নাসারন্ধ্রের মধ্যে ( মৈশ্নিক ঝিল্লিতে ) নস্ত লইবার প্রথানুসারে, উহা প্রয়োগ করিতে পরামর্শ দেওয়া গেল। এইরূপে প্রথমবার প্রয়োগ করার পরই তাহার যন্ত্রণার বহু পরিমাণে হ্রাস হইল। পাঁচ মিনিট পরে পুনরায় ঐ প্রকারে আর একবার প্রয়োগ করায়, সত্বরে সমুদায় যন্ত্রণা নিঃশেষে অন্তর্হিত হইয়া গেল। ইহার পর আরও দুইটা রোগীতে ইহা প্রয়োগ করা হইয়াছিল। তাহাদিগকেও অতি সত্বরে



নিরাময় হইতে দেখা গিয়াছে। এপর্ষ্যন্ত তাহাদিগের দন্তশূল পুনরাক্রমণ করিতে দেখা যায় নাই।

(২) **অসহ্যবীর্য শিরঃপীড়া**।—এই শ্রেণীর দুই প্রকার শিরঃপীড়ায় ইহা ব্যবহার করিয়া আশ্চর্যজনক উপকার পাইয়াছি। যথা—

(ক) **হেমিস্ট্রেনিয়া বা শিরাক্রিশূল**—অর্থাৎ আধকালে মাথাধরা। এই রোগগ্রস্ত একটা পূর্ণ বয়স্ক ব্যক্তিকে পূর্বোক্ত প্রকারে সোডি ক্লোরাইড নস্তুরূপে নাশারদ্ধে প্রয়োগ করা হইয়াছিল। কয়েকবার প্রয়োগের পরই, উহার আধকপালে মাথা ধরা সম্পূর্ণ উপশমিত হইতে দেখা গিয়াছিল।

(খ) **সমস্ত মস্তকের শূলানি**—এইরূপ রোগাক্রান্ত একটা রোগীকে একবার মাত্র পূর্বোক্ত প্রণালীতে সাধারণ লবণ নস্তুরূপে নাশারদ্ধে প্রয়োগ করিবার মাত্রই, তৎক্ষণাৎ মাথার শূলানি আরোগ্য হইয়াছিল। কিন্তু ১৫ মিনিট মধ্যেই আবার উহা পুনরাক্রমণ করায়, উহা পুনঃপ্রয়োগের পরামর্শ দিয়াছিলাম। এবারও তৎক্ষণাৎ উহা অন্তর্হিত হইয়া, কয়েক মিনিটের মধ্যে আবার আক্রমণ করে। এই প্রকারে পুনঃ পুনঃ ছয়বার পীড়ার আক্রমণ ও ৬ বার লবণের নস্তু প্রয়োগ করার পর, শূলানি সম্পূর্ণরূপে আরোগ্য হইয়াছিল।

(গ) **কপালের শূলানি**।—পুরাতন জরাক্রান্ত ও অত্যন্ত দুর্বলকার একটা যুবক এই প্রকার পীড়ায় আক্রান্ত হইয়া উপস্থিত হইলে, তাহাকে সোডি ক্লোরাইড পূর্বোক্ত প্রকারে নস্তুরূপে একবার প্রয়োগ করাতেই, যুবকটির কপালের শূলানি সম্পূর্ণরূপে আরোগ্য হইয়াছিল।

(৩) **কর্ণশূল**। কর্ণশূলের অসহ্য যন্ত্রণায় প্রপীড়িত একটা বালককে সোডি ক্লোরাইড উক্ত প্রকারে নস্তুরূপে প্রয়োগ করা হয়। এস্থলে প্রথমবার প্রয়োগের পর হইতে যন্ত্রণার হ্রাস হইতে আরম্ভ হইয়া, পঞ্চমবার প্রয়োগের পর বালকটির কর্ণশূলের অসহ্য যন্ত্রণা সম্পূর্ণরূপে হ্রাস হইয়াছিল।


**মন্তব্য** :—সোডি ক্লোরাইড পঞ্চম স্নায়ুর শাখাগুলোর যে কোনটার নিউর্যালজিয়া (শূল) আরোগ্য করণার্থ প্রয়োজিত হইয়া, কুত্ৰাপি উদ্দেশ্য বিফল হয় নাই। সর্বত্রই সন্তোষজনক ফল লক্ষিত হইয়াছে। ইহার এই ক্রিয়া বাস্তবিকই অসাধারণ। এই সকল ব্যাধির অসহ্য যন্ত্রণা নিরাকরণাভিপ্রায়ে সচরাচর যে সমস্ত ঔষধ প্রযুক্ত হইয়া থাকে, তৎসমস্তই মূল্যবান্। সুতরাং এষপ্রকার একটা সুলভ অথচ অনায়াসলভ্য জব্যে যদি আশাতীত ফল প্রাপ্ত হওয়া যাইতে পারে, তাহা হইলে তাহা অপেক্ষা আনন্দের বিষয় আর কি হইতে পারে? সোডি ক্লোরাইডের এই ক্রিয়ার আবিষ্কার কর্তা ডাক্তার জর্জ লেসলি বলেন যে, “ক্লোরাইড অব সোডিয়ামের এই ক্রিয়ার বিষয়ে কিছুমাত্র সন্দেহের কারণ নাই। তবে এই শ্রেণীর রোগে একবার মাত্র প্রয়োগ করিয়া “পীড়া আরোগ্য হইল না” বলিয়া ইহার প্রয়োগ পরিত্যাগ করা কর্তব্য নহে।



ক্লোরোফর্মের চৈতন্যহারক ক্রিয়া নিঃসন্দেহ, কিন্তু একবারমাত্র প্রয়োগ করিয়া যদি সংজ্ঞা হরণ না হয় তাহা হইলে ক্লোরোফর্মের চৈতন্যহারক ক্রিয়া নাই, একথা যেমন বিশ্বাস করা যাইতে পারে না, ইহার সম্বন্ধেও তদনুরূপ বিবেচনা করিতে হইবে।”

ডাঃ জর্জ লেসলা ইহার প্রয়োগ বিষয়ে বলেন যে, “পুরাতন বা দীর্ঘকালস্থায়ী রোগে অথবা তরুণ ব্যাধিতে যদিও একবার মাত্র প্রয়োগেই অস্তীষ্ট সিদ্ধ হইয়া থাকে, তথাপি উহা প্রত্যেক অর্ধ মিনিট অন্তর, ক্রমাগত পঁচ মিনিট কাল পর্যন্ত প্রয়োগ করিতে আমি উপদেশ দিয়া থাকি।”

আমি এই শ্রেণীস্থ কয়েকটা পীড়ায় প্রত্যেক এক বা দুই মিনিট অন্তর ইহ নস্তুরূপে ব্যবহার করিয়া যৎপরোনাস্তি আনন্দিত হইয়াছি। আমি আশা করি, আমাদিগের অমুসন্ধিৎসু ও কৌতুহলী পাঠকবর্গ উল্লিখিত ব্যাধি সমূহে ইহা পরীক্ষা করিয়া দেখিবেন।



## কালাজ্বর নির্ণয়ার্থ

### রক্ত পরীক্ষার নূতন প্রণালী ।

লেখক—ডাঃ শ্রীজ্ঞান চন্দ্র সেন গুপ্ত S. A. S.

মেডিক্যাল অফিসার । হাবড়া হস্পিট্যাল (দিনাজপুর) ।

আমাদের মত মফঃস্বলবাসী ডাক্তারদের অর্থাৎ রোগ নির্ণয়ের অন্তর্গত ষাঁহাদের অসুবিধা বা অন্য কোনও যত্নপাতি নাই, তাঁহাদের পক্ষে কালাজ্বর নির্ণয়ের একমাত্র উপায় “এলডিহাইড টেষ্ট” (Aldehyde Test) এবং ইহাই আজকাল সর্বত্র ব্যবহৃত হইতেছে। সম্প্রতি Indian Medical Gazette এ কালাজ্বর নির্ণয় করণার্থ রক্ত পরীক্ষার সম্বন্ধে কয়েকটা নূতন প্রণালী প্রকাশিত হইয়াছে। নিম্নে এই পরীক্ষা প্রণালীর বিষয় উদ্ধৃত হইল।

**১ম পরীক্ষা-প্রণালী।** অন্ততঃ ২ ফোঁটা সিরাম (রক্তরস), হইতে পারে, রোগীর হাত হইতে এইরূপ পরিমাণ রক্ত গ্রহণ করতঃ, উহা একটি বিশোধিত টেই টিউবে (Sterilized test tube) করিয়া ১ দিবস ঘরের ভিতরে খোলা বায়ুগায় রাখিতে হইবে। পরদিন প্রাতে: ষ্টিবিউরিয়া অথবা ইউরিয়া ষ্টিবামাইনের শতকরা ০'২৫ অংশ দ্রব ( 25% P. C. Solution ) ২ সি, সি, পরিমাণ একটা টেই টিউবে লইয়া, উহাতে পূর্ক রক্ষিত উক্ত রক্ত হইতে ২ ফোঁটা সিরাম মিশাইতে হইবে। তারপর, টেই টিউবটি ভালরূপে ঝাঁকাইয়া তন্নখাস্থ সিরাম ও সলিউশন উভয়রূপে মিশাইয়া টেই টিউবটি টেবিলের উপরে রাখিয়া দিবে এবং এতদুপ্তি লক্ষ্য রাখিয়া দেখিতে হইবে যে, উহাতে নিম্নলিখিত কোন চিহ্ন প্রকাশিত হইয়াছে কিনা। নিম্নলিখিত চিহ্ন ৩টির মধ্যে যে কোনটি প্রকাশ পাইলে, উক্ত রোগী (যাহার হাত হইতে রক্ত লওয়া হইয়াছে) কালাজরাকান্ত বলিয়া বুঝিতে হইবে। যথা;—

(ক) উক্ত টেই টিউবে সিরাম ও সলিউশন মিশাইবার মাত্র যদি টেই টিউবের নীচে পশম গুচ্ছের আয় খুব গাঢ় তলানী ( Very heavy flocculent Precipitate ) পড়ে এবং উপরের জলীয় অংশ খুব পরিষ্কার হইয়া, দুই অংশের বিভিন্নতা স্পষ্ট প্রতীয়মান হয়।

(খ) যদি সিরাম ও সলিউশন মিশাইবার ১০ মিনিট মধ্যে টেই টিউবের নীচে পশম গুচ্ছের আয় ভারী তলানী ( heavy flocculent Precipitate ) জমে ও উপরের জলীয় অংশ খুব পরিষ্কার হইয়া দুই অংশের বিভিন্নতা স্পষ্ট প্রতীয়মান হয়।

(গ) যদি সিরাম ও সলিউশন মিশাইবার ২ ঘণ্টা মধ্যে টেই টিউবের নীচে পশম গুচ্ছের আয় কিন্তু হালকা ( Light ) তলানী পড়ে ও উপরের জলীয় অংশ পূর্বোক্তরূপ পরিষ্কার হয়।

**উক্তাতব্য:—**যদি ২ ঘণ্টার মধ্যে উক্ত টেই টিউবের নীচে সামান্য তলানী পড়ে, অথচ উপরের জলীয় অংশ দুগ্ধবৎ ( Milky ) অথবা উক্ত সলিউশন ( Solution ) পরিষ্কার থাকিয়া যায়, এবং তারপর ২৪ ঘণ্টা পরে দুগ্ধবৎ সাদা সলিউশন পৃথক হইয়া পড়ে, তাহা হইলে উহা কালাজর নহে বলিয়াই বুঝিতে হইবে।

মোট কথা, কালাজরের রোগীর রক্ত উক্তরূপে পরীক্ষা করিলে, টেই টিউবের নীচেকার তলানী ( Precipitate ) ও উপরের জলীয় অংশ বেশ পরিষ্কাররূপে দেখা যাইবে।

**পরীক্ষার্থ প্রয়োজনীয় দ্রব্যাদি।**—এই পরীক্ষা করিতে হইলে, ষ্টিবিউরিয়া অথবা ইউরিয়া ষ্টিবামাইনের শতকরা ০'২৫ অংশ ( 0'25% Solution ) সলিউশনের দরকার হয় এবং ২৪ ঘণ্টার পুরাতন সিরাম ব্যবহার করিতে হয়। টাটকা সিরাম দ্বারা এই পরীক্ষা করা যাইতে পারে। টাটকা সিরাম ব্যবহার করিলে ষ্টিবিউরিয়া বা ইউরিয়া ষ্টিবামাইনের শতকরা ০'২৫ অংশ সলিউশনের

( ০.২৫% Solution ) পরিবর্তে ১% পাসেন্ট ( ১% ) সলিউশন ব্যবহার করিতে হইবে।

এই পরীক্ষায় সিরাম ও সলিউশন মিশাইবার অন্ততঃ ১০ মিনিট পরে, যদি টেট টিউবের নীচে তলানী ( Precipitate ) পড়ে ও উপরের অংশ পরিষ্কার জলের মত হয়, তবে নিশ্চয়ই রোগীর কালাজ্বর হইয়াছে, বুঝিতে হইবে। ২ ঘণ্টা পরে একপ হইলে ততটা নিঃসন্দেহ হওয়া যায় না।

২য় পরীক্ষা।—নিম্নলিখিত প্রণালীতে রক্ত পরীক্ষা করিয়া, কালাজ্বরের তরুণ অবস্থাতেও নিশ্চিতরূপে রোগ নির্ণয় করিতে পারা যায়।


পরীক্ষার্থ প্রয়োজনীয় দ্রব্যাদি:—এই পরীক্ষা করিতে হইলে, নিম্নলিখিত জিনিসগুলি দরকার হয়। যথা;—১টা সূচ, কতকটা সূতা, ২টা ছোট টেট টিউব, কয়েকটা ড্রেয়ারস্ টিউব ( Dreyer's Tube ), ১টা সরু পিপেট ( Capillary pipette ), ১ শিশি পটাশিয়াম অক্সালেটের শতকরা ২ অংশ দ্রব ( ২% Solution of Potassium Oxalate ), এবং ১ শিশি ইউরিয়া স্টিবামাইনের শতকরা ৪ অংশ দ্রব ( 4% Solution of Urea Stibamine )। এই দুইটা দ্রব যদি কাঁচের কর্কযুক্ত শিশিতে রাখা যায়, তবে মাসাধিককাল ব্যবহারোপযোগী থাকে।

২য় পরীক্ষা-প্রণালী:—প্রথমতঃ ১টা টেট টিউবে ০.২৫ সি, সি, পটাশিয়াম অক্সালেটের সলিউশন রাখিয়া দিবে। পরে রোগীর যে কোন একটা আঙ্গুলের অগ্রভাগে সূতা জড়াইয়া বাঁধিতে হইবে, ইহাতে আঙ্গুলের অগ্রভাগে রক্ত জমিবে। পরে আঙ্গুলটা “এলকোহল” ( Alcohol ) ব্যতীত অন্য কোন ঔষধ দ্বারা পরিষ্কার করিবে ও সূচটা ষ্টেরিলাইজ করিয়া লইবে। এতদর্থে একটু স্পিরিট দ্বারা সূচটা পুড়াইয়া লইলেই ভাল হয়। অতঃপর উক্ত সূচ দ্বারা আঙ্গুলের অগ্রভাগ একটু ছুঁড়িলেই, উহা হইতে ২।১ ফোঁটা রক্ত বাহির হইবে। ২ ফোঁটা আন্দাজ রক্ত বাহির হইলেই, পূর্কোক্ত সলিউশন পূর্ণ টেট টিউবটির মুখ, আঙ্গুলের আগায় একপ ভাবে সংলগ্ন করিয়া ধরিতে হইবে—যাহাতে উভয়ের মধ্যে কোনরূপ ফাঁক না থাকে। তারপর, আঙ্গুলের অগ্রভাগে সংযুক্ত টিউবটা চাপিয়া ধরিয়া, আঙ্গুলটা সমেৎ উহা ২।৩ বার উল্টা ও সোজা করিলেই, আঙ্গুলের অগ্রভাগস্থ রক্তটুকু টেট টিউবের মধ্যস্থ সলিউশনের সহিত ভালরূপে মিশিয়া যাইবে। এখন এই মিশ্রিত সলিউশনের কতকটা, একটা ড্রেয়ারস্ টিউবে লইতে হইবে এবং পূর্কোক্ত ইউরিয়া স্টিবামাইনের সলিউশন হইতে কতকটা সলিউশন পিপেটে করিয়া লইয়া, এই টিউবের ধার দিয়া ইহা আন্তে আন্তে উহার মধ্যে ঢালিয়া, তদ্ব্যধ্যস্থ সলিউশনের সহিত মিশাইতে হইবে। পটাশের সলিউশন অপেক্ষা স্টিবিউরিয়া বা ইউরিয়া স্টিবামাইনের সলিউশন, ভারি হওয়ায়, ইহা টিউবের নীচে পড়াই স্বাভাবিক। কিন্তু রোগী কালাজ্বরাক্রান্ত হইলে, এই দুইটা সলিউশন মিশাইবা মাত্র, সাধারণতঃ উহাদের সংযোগস্থলে পশম গুচ্ছের মত অস্ফট ( Flocculent precipitate ) বাধিয়া যায় এবং শীঘ্রই এই

জমাট বঁধা পদার্থ রক্তস্থ লোহিত কণার সহিত মিলিত হইয়া, টেষ্ট টিউবের অধোভাগে জমা হয়। এই তলানী সাধারণতঃ খালি চোখে দেখিয়াই বুঝা যায়। কিন্তু একটা ম্যাগনিফাইং গ্লাস (Magnifying glass) দ্বারা দেখিলে, ইহা খুব পরিষ্কাররূপে দেখা যায়। একটু দীর্ঘকাল স্থায়ী কালাজ্বরগ্রস্ত রোগীর রক্ত হইলে, দুইটা সলিউশন মিশাইবামাত্রই উহাদের সংযোগ স্থলে তলানী (Precipitate) জমে। কিন্তু তরুণ রোগীর রক্ত পরীক্ষায় ১০ মিনিট, কচিং বা ১—২ ঘণ্টা সময় পরেও এইরূপ তলানী (Precipitate) পড়িতে পারে। ইহার বেশী সময় কখনও লাগে না।

এই পরীক্ষায় কয়েকটা বিষয় স্মরণ রাখা কর্তব্য যে, পটাশিয়াম অক্সেসেলেটের সলিউশন যেন শতকরা ২ অংশ (2%) হইতে কম বা বেশী ন হয়। যদি ২ ফোঁটা রক্ত লওয়া হয়, তাহা হইলে এই সলিউশন ০.২৫ সি, সি, লইলেই যথেষ্ট হইবে। কিন্তু রক্তের পরিমাণ বেশী হইলে, সেই অনুসারে সলিউশনের পরিমাণও বেশী লইতে হইবে।

**উপযোগিতা।**—এল্‌ডিহাইড পরীক্ষা হইতে ইহার সুবিধা এই যে, ইহা খুব সামান্য সময়ের মধ্যে করা যায় এবং খুব মূর্খ রোগীর রক্ত পরীক্ষা করিয়াও, যোগ নির্ণয় করা যাইতে পারে। কখন কখন পুরাতন ম্যালেরিয়া প্রভৃতি পীড়ায় এল্‌ডিহাইড পরীক্ষায় পজিটিভ ফল (Positive result) পাওয়া যায়, কিন্তু এই পরীক্ষায় এ পর্যন্ত অন্য কোন ব্যারামে এরূপ ফল পাওয়া যায় নাই।



## জন্ডিস—Jaundice.

লেখক—ডাঃ শ্রীনির্মলকান্ত চট্টোপাধ্যায় M. B.  
কলিকাতা।

**রোগী।** জর্নৈক হিন্দু যুবক। বয়স ১৮ বৎসর। যুবকটি অসুস্থ হওয়ায় আমি চিকিৎসার্থ আহৃত হই।

**বর্তমান অবস্থা।** যখন রোগী পরীক্ষা করিলাম—তখন রোগীর সামান্য জ্বর বর্তমান ছিল। ৩৩ দিন পূর্বে প্রথম জ্বর হয়। কোষ্ঠবদ্ধ, যকৃৎ প্রদেশে সামান্য বেদনা, প্রীহাও কিঞ্চিৎ বর্ধিত এবং সামান্য শিরঃপীড়াও আছে। জিহ্বা হরিজ্রাবর্ণ মলাবৃত্ত। চক্ষু ঘোর হরিজ্রাবর্ণ। প্রস্রাবও হরিজ্রাবর্ণের হইতেছে এবং রোগীর সর্বাত্ম পীত বর্ণ হইয়া গিয়াছে। নাড়ী ক্ষুণ্ণ। বক পরীক্ষায় অস্বাভাবিক কিছু পাওয়া গেল না।

পীড়া নির্ণয় ।—জড়িস । যকৃতের ক্রিয়া বিকৃতি ও পুনঃ পুনঃ ম্যালেরিয়া দ্বারা আক্রান্ত হওয়াতেই রোগীর এইরূপ জড়িস উপস্থিত হইয়াছে, বিবেচনা করিলাম ।

চিকিৎসা ।—রোগীর উল্লিখিত অবস্থা দৃষ্টে নিম্নলিখিত ব্যবস্থা করিলাম ।

(১) Re.

সোডি সাল্ফেট্	...	১/২ ড্রাম :
ম্যাগ্ সাল্ফেট্	...	১/২ ড্রাম ।
অয়েল্ মেসপিপ্	...	১ মিনিম ।
সিরাপ রোজ	...	১ ড্রাম ।
একোয়া	...	এড্ ১/২ আউন্স ।

একত্রে মিশ্রিত করিয়া একমাত্রা । এইরূপ ৮ মাত্রা । প্রচুর তরল মলত্যাগ না হওয়া পর্যন্ত প্রতিমাত্রা ১ ঘণ্টাস্তর সেব্য । এবং

(২) Re.

এসিড্ এন্, এম্, ডিল্	...	৭ মিনিম ।
এমন ক্লোরাইড	...	৮ গ্রেণ ।
টাংচার ইউনিমিন	...	৭ মিনিম ।
টাংচার জেন্শিয়ান্ কোঃ	...	১/২ ড্রাম ।
টাংচার ক্যালাবা	...	১/২ ড্রাম ।
টাংচার নক্সভমিকা	...	৫ মিনিম ।
এক্ট্রাক্ট কালমেঘ লিকুইড	...	১/২ ড্রাম ।
একোয়া	...	এড্ ১ আউন্স ।

একত্রে মিশ্রিত করিয়া একমাত্রা । এইরূপ ৬ মাত্রা । প্রত্যহ ৩ মাত্রা সেব্য ।

(৩) Re.

এমেটিন্ হাইড্রোক্লোর	...	১/২ গ্রেণ ।
বিশোধিত পরিষ্কৃত জল	...	১ সি, সি ।

একত্রে মিশ্রিত করিয়া ইঞ্জেক্সন দিলাম । সপ্তাহে ২বার এইরূপ ইঞ্জেক্সন দেওয়ার ব্যবস্থা করা হইল ।

এই চিকিৎসায় রোগী ৭৮ দিনের মধ্যেই সুস্থ হইয়া উঠিয়াছিল । ইহাকে সর্ব সমেত ৪টা ইঞ্জেক্সন দেওয়া হইয়াছিল । ইহার পর রোগীকে কয়েকদিন পরেই অন্ন পথ্য দেওয়া হয় এবং ২নং মিশ্রণটি দিবসে ১ বার ও “বাইনিন এ্যামারা” আহারান্তে ২ বার সেবনের ব্যবস্থা করিয়াছিলাম ।

সম্ভব্যঃ—২নং তিক্ত বলকারক মিশ্রণটিতে যকৃতের ক্রিয়ার বিশেষ উন্নতি হইয়া থাকে । বহুপ্রকার যকৃতের পীড়ায় আমি ইহা ব্যবহার করিয়া আশাতীত ফল পাইয়াছি । পুরাতন ম্যালেরিয়া করে যকৃতের ক্রিয়া বিকৃতি হেতু অনেক সময়ে কুইনাইনে ফল পাওয়া যায় না, তথায় কেবলমাত্র এই মিশ্রণটি ব্যবস্থা করিয়া অতি সুন্দর ফল পাইয়াছি ।

“এমেটিন” ইঞ্জেক্সন্ জড়িসের একটি ফলপ্রদ ঔষধ । জড়িস্ রোগে প্রায়ই কোষ্ঠবদ্ধ থাকে, সুতরাং প্রথমেই কোষ্ঠ পরিষ্কার করা কর্তব্য । এতদর্থে লাবণিক বিরেচকই উৎকৃষ্ট ।



## নিঃস্রাবণ সহ প্লুরিসি ।

### A case of Pleurisy with Effusion.

By Dr. Awat T. Shahni. M. B. B. S.

Medical officer J. W. Dispensary, Karachi.

রোগীর নাম দৈবর দাও লকুমান, বয়ঃক্রম ৫১ বৎসর। কাষ্টম আফিসের কেরানী। এই রোগী গত ১লা নবেম্বর (১৯২৫) তারিখে জ্বর, কাশি, সর্বাঙ্গে বেদনা, এবং তৎসহ গলকতের চিকিৎসার্থে অত্র ডিস্পেন্সারিতে উপস্থিত হইলেন। রোগীর পীড়ার লক্ষণাবলী হইতে, ইহা “ইনফ্লুয়েঞ্জা” স্থির করিয়া চিকিৎসা করা হয় এবং চিকিৎসায় রোগী ১ সপ্তাহ মধ্যেই সুস্থ হইয়া উঠেন।

আরোগ্য লাভের ৪ দিন পরেই পুনরায় আমি এই রোগীকে দেখিতে বাইবার জন্ত তাঁহার বাড়ীতে আহুত হইলাম। শুনিলাম রোগী শ্বাসকষ্টে কষ্ট পাইতেছেন। পরীক্ষা করিয়া দেখিলাম যে প্রকৃতই রোগীর এ্যাজমার স্থায় শ্বাসকষ্ট উপস্থিত হইয়াছে। রোগীর বুকে কোনও বেদনা ছিল না। জরীর উত্তাপ স্বাভাবিক এবং নাড়ীর স্পন্দন প্রতি মিনিটে ৪৮ বার। এইরূপ অবস্থা দৃষ্টে রোগীকে একটা “এ্যাজমা মিক্চার” ব্যবস্থা করিলাম; কিন্তু বিশেষ কোনও সুফল দেখা গেল না।

পুনরায় ১৬ই নভেম্বর আমি রোগী দেখিবার জন্ত আহুত হইলাম। এবার রোগী দেখিয়া আশ্চর্য হইলাম। দেখিলাম—এবার তাঁহার প্রধান লক্ষণ—উদরে বেদনা এবং তৎসহ শ্বাসকষ্ট। পরীক্ষায় হৃৎপিণ্ড নীচের দিকে—স্বাভাবিক স্থান হইতে—অনেকটা বাম দিকেই ঝুলিয়া পড়িয়াছে, বলিয়া মনে হইল; উত্তাপ ১০০°; নাড়ীর স্পন্দন ১৪০, বকের ডান দিকে তৃতীয় কটালু ইন্টারস্পেস হইতে নিম্নদিকে ডল শব্দ (Dullness) পাওয়া গেল। রোগী তাঁহার এপিগ্যাস্ট্রিয়াম প্রদেশে বেদনাজনক টিউমারের স্থায় বোধ করিতেছেন, বলিলেন। পরীক্ষা দ্বারা বুঝা গেল যে, ইহা আর কিছুই নহে—কেবল বক্ষু নীচের দিকে ঠেলিয়া নামিয়া আসিয়াছে। সমস্ত অবস্থা উত্তমরূপে পর্যবেক্ষণ ও পরীক্ষা দ্বারা সুস্পষ্টরূপে বুঝা গেল যে, রোগীর দক্ষিণ পুরালু কেভিটী (গহ্বর) মধ্যে রসোৎস্রজন হইয়াছে। অথচ আশ্চর্যের বিষয়, এপর্যন্ত রোগী বক্ষুস্থলে কোনওরূপ বেদনার অনুভোগ করেন নাই।

**চিকিৎসা।**—অতঃপর রোগীর দক্ষিণ বক্ষুস্থলের উপর “ব্লিটার” প্রযুক্ত হইল; এবং ম্যাগ্‌সাল্ক, পটাস আইওডাইড্‌ ও টিং ডিভিটেলিস্ একত্রে মিশ্রিত করতঃ মিশ্র প্রয়োগ করিয়া, সেবনার্থে ব্যবস্থা করিলাম।

এই চিকিৎসায় রোগীর অবস্থার কোনও রূপ হিত পরিবর্তন না হওয়ায়, ২০শে নভেম্বর তারিখে রোগীর বক্ষু “এস্পিগেট” করা হইল এবং ইহাতে প্রায় ২ পাইন্ট



ঈষৎ হরিদ্রাভ পরিষ্কার জলীয় পদার্থ নির্গত হইল । অতঃপর এই তরল পদার্থের ২ সি, সি, পরিমাণ লইয়া উহা উদর প্রাচীরে অধঃস্থিতরূপে ইন্ডেক্সন করা হইল । 'এস্পিরেট' করিয়া জল নির্গত করিবার পর, রোগীর অত্যন্ত উগ্রতাজনক কাশি উপস্থিত হওয়ায়, রোগীর নক্ষিণ বক্ষঃস্থল এডহেসিভ প্রাচীর দ্বারা উত্তমরূপে ছ্যাপ করিয়া দেওয়া হয় এবং পটাস আইওডাইড, ডিঅক্সিটেলিস, নক্সভমিকা এবং টুভেজক কফ নিঃসারক ঔষধ সংযুক্ত ১টা মিশ্র ব্যবস্থা করা হইল । কোষ্ঠ পরিষ্কারার্থ বিরেচক ঔষধেরও ব্যবস্থা করা হইয়াছিল । সৌভাগ্যবশতঃ পুরা গহ্বরে পুনরায় আর রসোৎস্রজন হয় নাই এবং রোগী সত্বর আরোগ্যোন্মুখ হইয়া ২ মাসের মধ্যেই সম্পূর্ণরূপে সুস্থ হইয়াছিলেন ।

( I. M. G. )

## দেশীয় ঔষধের সফল ।

( মন্দিরা )

লেখক - ডাঃ শ্রীক্ষিতীশচন্দ্র সন্নিকার—S. A. S.

গড়রাইপুর ।

রোগিনী—জনৈক স্ত্রীলোক । মণ্ডলকুলি গ্রামে বাড়ী—বয়স আনুমানিক ৩৫ ৩৬ বৎসর ।

১১ই অগ্রহায়ণ প্রাতঃকালে আমি এই রোগিনীকে দেখিবার জন্ত প্রথম আহূত হই ।

পূর্ব ইতিহাস । শুনিলাম—আজ প্রায় ২১৩ দিন হইল তাহার কণ্ঠনালী, কপাল, ঠোঁট ও স্বহৃদদেশ অনবরত জ্বালা করিয়া, ঐসকল জায়গায়, ৮ ১০টা করিয়া জলপূর্ণ ফোকা বাহির হইয়াছে । ঐ সঙ্গে সামান্ত অরও আছে ।

বর্তমান অবস্থা । উত্তাপ ১০১° ডিগ্রী । উল্লিখিত ফোকাগুলির দৈর্ঘ্য প্রায় ১। ইঞ্চি ও প্রস্থ প্রায় ১ ইঞ্চি এবং ঈষৎ তামাটে রংবিশিষ্ট । শুনিলাম—ফোকাগুলি বাহির হইবার পর আর ঐ স্থানগুলিতে জ্বালা নাই । এখন পায়ের পাতা হইতে কোমর পর্যন্ত ভয়ানক জ্বালা করিতেছে । বোধ হয় ঐ জায়গাতেও ফোক বাহির হইবে । ৩৪ দিন দান্ত হয় নাই ।

রোগিনীকে দেখিয়া উহার এই পীড়া প্রথমতঃ আমার উপদংশ বিষজনিত ( Syphilitic Poison ) বলিয়া সন্দেহ হইয়াছিল । কিন্তু বিশেষ অসুস্থতানে ম্যানিলাম যে, ঐ পীড়ার কোন সংশয়ই নাই । একজিমা কিংবা হার্পিসের সহিত সমস্ত লক্ষণগুলিরও মিল হইল না । যাহা হউক, বিশেষ কিছু স্থির করিতে না পারিয়া নিম্নলিখিত ব্যবস্থা করিয়া বিদায় হইলাম ।

(১) Re.

রি-ডিষ্টিল্ড ওয়াটার ... ১০ মিনিম।

বাহতে হাইপোডার্মিক ইন্জেকসন দিলাম।

(২) Re.

ক্যালোমেল ... ৫ গ্রেণ।

সোডি বাইকার্ব ... ১০ গ্রেণ।

একত্রে মিশ্রিত করিয়া এক পুরিয়া। রাত্রে সেবন করিতে বলিলাম। সেবনার্থ নিম্নলিখিত মিশ্রটি দেওয়া হইল।

(৩) Re.

স্পিরিট এমন এরোমেট ... ১০ মিনিম।

টিং সিল্কোনা কোঃ ... ১০ মিনিম।

সোডি ব্রোমাইড ... ৫ গ্রেণ।

এমন ব্রোমাইড ... ৫ গ্রেণ।

একোয়া ... এড্ ১ আউন্স।

একত্রে মিশ্রিত করিয়া এক মাত্রা। এইরূপ ৬ মাত্রা। প্রতিমাত্রা ৩ ঘণ্টাস্তর সেব্য।

১২ই অগ্রহায়ণ। প্রাতে: গিয়া দেখিলাম যে, রোগিণীর কোমর হইতে পায়ের পাতা পর্যন্ত পূর্বের স্নায় ফোন্স বাহির হইয়াছে এবং সেই স্থানগুলিতে এখন আর জ্বালা যন্ত্রণা নাই। জ্বর ছিল না। ২ বার দাত হইয়াছে। অল্প নিম্নলিখিত ঔষধ ব্যবস্থা করিলাম।

(৪) Re.

কুইমাইন সাল্ফ ... ৫ গ্রেণ।

এসিড এন্, এম্, ডিল ... ১০ মিনিম।

টিং সিল্কোনা কোঃ ... ১০ মিনিম।

টিং নক্সভমিকা ... ৩ মিনিম।

একোয়া ... এড্ ১ আউন্স।

একত্রে মিশ্রিত করিয়া একমাত্রা। এইরূপ ৪ মাত্রা। প্রতি মাত্রা ৪ ঘণ্টা অন্তর সেব্য। ফোন্সগুলিতে লাগাইবার জন্য কোন ঔষধ ব্যবস্থা করি নাই। পথ্যার্থে দুগ্ধ ও বালি ব্যবস্থা করিলাম।

১৩ই অগ্রহায়ণ। প্রাতে: গিয়া দেখিলাম যে, রোগিণীর সর্বশরীরই জ্বালা করিতেছে। মূর্ত্ত মাত্র সময়েও স্থির থাকিতে পারিতেছে না। রোগিণীর এই অসহ্য যন্ত্রণা নিবারণ জন্য নিম্নলিখিত ঔষধ ব্যবস্থা করিলাম।

(৫) Re.

লাইকর মর্ফিয়া হাইড্রোক্লোর ... ৫ মিনিম।

স্পিরিট ক্লোরোফর্ম ... ১০ মিনিম।

একোয়া ... এড্ ১ আউন্স।

একত্রে মিশ্রিত করিয়া একমাত্রা। এইরূপ ৪ মাত্রা। প্রতি মাত্রা তিন ঘণ্টা অন্তর সেব্য।

পথ্য। দুগ্ধ ও বালি।

ঐ দিন সন্ধ্যার সময় অনিলাম যে, রোগিণীর যন্ত্রণা কমিয়াছে এবং রোগিণী ঘুমাইতেছে ।

১৪ই অগ্রহায়ণ । প্রাতে: গিয়া দেখিলাম যে, রোগিণীর সর্ষাঙ্গেই ঐরূপ ফোঁকা বাহির হইয়াছে—কোন স্থানে বিন্দুমাত্রও ফাঁক নাই । রোগিণীর এবিধ পীড়ার সঠিক নির্ণয়ে অশক্ত হইয়া, অগত্যা তাহাকে সারেঙ্গা সাঁওতাল মিশন হাসপাতালে মিঃ ডেভিস সাহেবের নিকট চিকিৎসার জন্য লইয়া যাইতে বলিলাম । রোগিণীর আর্থিক অবস্থা সেরূপ স্বচ্ছল না থাকায়, সেখানে যাইতে অনিচ্ছুক হইল । সুতরাং অগত্যা আমি অল্প নিম্নলিখিত ব্যবস্থা করিলাম ।

ফোঁকাগুলি ধুইবার জন্য সালফেট অব জিঙ্ক লোসন এবং সেবনের জন্য ৪নং মিশ্র ব্যবস্থা করিলাম । রোগিণীর ক্ষুধার আধিক্য থাকায়, সূত্রীর রুটি ও দুগ্ধ ব্যবস্থা করা হইল ।

১৫ই অগ্রহায়ণ । প্রাতে: গিয়া দেখিলাম যে, সমস্ত ফোঁকাগুলিতে পাতলা পৃথ: হইয়াছে । দুই একটি ফোঁকা ফাটিয়া গিয়া উহার উপরের ছাল উঠিয়া গিয়াছে ।

আমি সমস্ত ফোঁকাগুলি গালিয়া দিয়া, পটাশ পারম্যাঙ্গানেট লোসনে ক্ষত স্থান ধুয়াইয়া, ঐ সকল ক্ষত স্থানে নিম্নলিখিত ঔষধ লাগাইবার ব্যবস্থা করিলাম ।

(৬) Re.

জিলাই কার্বনেট	...	২ ড্রাম ।
এসিড স্যালিসিলিক	...	২০ গ্রেণ ।
ডেসেলিন	...	১ আউন্স ।
অক্সাইমেন্ট একোয়া রোজি	...	২ আউন্স ।

একত্র মিশ্রিত করিয়া ক্ষতস্থানে লাগাইতে বলিলাম ।

৭। Re.

পটাশ আইয়োডাইড	...	৩ গ্রেণ ।
টিং সিঙ্কোনা কো:	...	২০ মিনিম ।
স্পিরিট এমন এরোমেট	...	২০ মিনিম ।
টিং নক্সডমিকা	...	৫ মিনিম ।
একোয়া	...	এড ১ আউন্স ।

একত্র মিশ্রিত করিয়া একমাত্রা । এইরূপ ৪ মাত্রা । প্রতি মাত্রা ৪ ঘণ্টা অন্তর সেব্য । এই ঔষধ সেবন ও উপরের লিখিত মলম ৪।৫ দিন প্রয়োগের পরও, বেদনার কিছু মাত্র উপশম দেখা গেল না । দেখিলাম—ক্ষতগুলির ছাল সমস্ত উঠিয়া গিয়াছে । রোগিণী শুইতে পারিতেছে না দেখিয়া, কঁচি কলাপাতা বিছাইয়া তত্পরি শুয়াইবার ব্যবস্থা করা হইল ।

২০শে অগ্রহায়ণ । প্রাতে: দেখা গেল—রোগিণীর সর্ষাঙ্গ হইতে গাঢ় পুঁজবৎ দুর্গন্ধ রস বাহির হইতেছে । পুঁজে একরূপ অসহ্য দুর্গন্ধ যে, কেহ রোগীর নিকট যাইতে—এমন কি, বাড়ীতে থাকিতে ইচ্ছা করিতেছে না ।

অল্প নিম্নলিখিত ব্যবস্থা করা হইল ।

(১) ফেনাইল লোশন দিয়া ক্ষতগুলি ধুয়াইবার বন্দোবস্ত করিলাম এবং বাড়ীর চতুর্দিকে ফেনাইল ছড়াইয়া দিবার জন্য বলিলাম ।

৮। Re.

ময়দা	...	আধপোয়া ।
অকসাইড অব জিঙ্ক	...	১ আউন্স ।
কপূর	...	৪ ড্রাম ।

একত্রে মিশ্রিত করিয়া কত স্থানে গুলিতে ছড়াইয়া দিতে বলা হইল।

সেবনের ভঙ্গ —

৯। Re.

লাইকর আনে নিকেলিন্	...	৫ গ্রিনিয়।
একোয়া	...	এড ১ আউন্স।

একত্রে মিশ্রিত করিয়া একমাত্রা। প্রত্যহ তিনবার সেব্য।

পথ্য ঃ—কুটি বা লুচি, মৎস্যের ঝোল, মৎস্যের যুষ।

এইরূপ ভাবে ৫৬ দিন চিকিৎসা করা হইল। কিন্তু রোগিণীর বিশেষ কোন হিত পরিবর্তন সাধিত হইতে দেখা গেল না।

২৬শে অগ্রহায়ণ।—১৩৩৩ সালের বৈশাখ মাসের চিকিৎসা-প্রকাশে দেশীয় ভৈষজ্যতত্ত্ব প্রঃদে “মন্দিরা” গাছের যে বিবরণ প্রকাশিত হইয়াছিল, অত্র্য কবিরাগ মাঝ রসময় মণ্ডল মহাশয় উহা আমাকে স্বরূপ করাইয়া দেওয়ায় তাহার ফলাফল পরীক্ষার ভঙ্গ ইচ্ছুক হইলাম। “মন্দিরা” গাছ আমাদের দেশে অনেক আছে। ঐ গাছের ফুলের গোড়া হইতে এক প্রকার মিষ্ট আখাদ পাওয়ার ভঙ্গ এদেশের ছেলেরা তাহা চুষিয়া খায় বলিয়া তাহাকে “মধুগাছ” বলে। উক্ত গাছের মূল বাটিয়া সর্কশরীরে লাগান অসম্ভব বিবেচনায়, আমি নিম্নলিখিতরূপে উহা প্রয়োগ করিবার ব্যবস্থা করিলাম। যথা;—

Re.

মন্দিরা গাছের শিকড় চূর্ণ	...	এক ছটাক।
খাঁটি সরিষার তৈল	...	এক পোয়া।

একত্রে মিশ্রিত করিয়া অগ্ন্যুত্তাপে উত্তমরূপে ফুটাইয়া কত স্থানে উহা লাগাইবার ব্যবস্থা করা হইল। দৈনিক ৩৪ বার করিয়া ইহা লাগাইতে বলিলাম। সেবনের ঔষধ ও পথ্য পূর্ববৎ। এই ঔষধ প্রয়োগের দিন হইতে প্রত্যহ রোগিণীকে দেখিবার ভঙ্গ যাইতাম। সৌভাগ্যক্রমে ঐ কতগুলি ক্রমশঃ শুকাইয়া ৭৮ দিন মধ্যেই রোগিণী সম্পূর্ণরূপে আবেগ্য লাভ করিল। এক্ষেত্রে উক্ত মন্দিরা গাছের শিকড়ই রোগিণীকে রক্ষা করিয়াছে।

মন্তব্য।—রোগিণীর ঐ কত সম্বন্ধে আমার ধারণা যে, কোন বিষাক্ত পদার্থ পানীয় বা খাদ্য দ্রব্যের সহিত উদরস্থ হইয়া, তাহারই বিষক্রিয়া ফলে রোগিণীর উল্লিখিত লক্ষণ সমূহ প্রকাশিত হইয়াছিল। তবে আমার এই ধারণা অত্র্য নাও হইতে পারে। সে কারণ সুবিদ্য চিকিৎসক মহোদয়গণের নিকট আমার সাহায্য অনুরোধ, এই পোড়াটা সম্বন্ধে চিকিৎসা-প্রকাশে আলোচনা করিয়া বাধিত করিবেন। আজ প্রায় ২২ বৎসর কাল আমি চিকিৎসা কার্যে ব্যাপৃত আছি, কিন্তু এই প্রকার রোগী কখনও আমার দৃষ্টিগোচর হয় নাই।



## হোমিওপ্যাথিক অংশ।

২০শ বর্ষ }

১৩৩৪ সাল—অগ্রহায়ণ।

{ ৮ম সংখ্যা

### বিবিধ রোগের প্রত্যক্ষ ফলপ্রদ ঔষধ।

লেখক—ডাঃ শ্রী প্রভাসচন্দ্র বন্দ্যোপাধ্যায়।

হোমিওপ্যাথিক চিকিৎসক। মহানাদ—ছগলী।

( পূর্বে প্রকাশিত ৪র্থ সংখ্যার (শ্রাবণ) ২০৬ পৃষ্ঠার পর ইহতে )

—:—

#### ( ৪১ ) বিরেচক ঔষধ সেবনের কুফলে—নাক্সভমিকা।

২০২৫ বৎসর পূর্বে বিরেচক ঔষধের বহুল প্রচলন ছিল। তখনকার এলোপ্যাথিক চিকিৎসকগণ যথেষ্ট পরিমাণে নানাপ্রকার বিরেচক ঔষধ ও কুইনাইন ব্যবহার করিতেন। তাঁহাদের দেখাদেখি গ্রাম্য কবিরাজগণও সোনামুখী প্রভৃতি তীব্র জ্বোলাপ প্রয়োগ করিতে অভ্যস্ত হইয়াছিলেন। আমি ইহাও জানি—একজন কবিরাজ কুইনাইনের বড়ি পাকাইয়া, তাহাতে ইষ্টকের সূত্র চূর্ণ মিশাইয়া লোহিত রংএর বড়ি প্রস্তুত পূর্বক রোগীকে খাইতে দিতেন। সাধারণেও বেশ বুঝিয়াছিল যে, ম্যালেরিয়া জরে কোষ্ঠবদ্ধ থাকিলে, অগ্রে বিরেচক ঔষধ ও পরে কুইনাইন সেবন ভিন্ন অন্য উপায় নাই। তখন অশিক্ষিতগণ “কোষ্ঠসাক—কোষ্ঠসাক” এবং শিক্ষিতমণ্ডলী “বার্ডএলস ক্লিয়ার—বার্ডএলস ক্লিয়ার” রবে দেশ মুখরিত করিতে। এখনও যে, বিরেচক ঔষধের ব্যবহার একেবারে রহিত হইয়া গিয়াছে, তাহা নহে; তবে উহা যে, অনেক পরিমাণে হ্রাস ও রূপান্তর প্রাপ্ত হইয়াছে, তাহা সকলেই প্রত্যক্ষ করিতেছেন। ঐ সকল কথা এখানে বিস্তারিত ভাবে আলোচনা করিব না। কেবল বিরেচক ঔষধ সেবন জনিত কুফলে, আমাদের নাক্সভমিকা ২০০শক্তি এক মাত্রা প্রয়োগে কিরূপ শুভফল প্রদান করে, তাইটা রোগীতে তাহারই কিঞ্চিৎ আভাস প্রদান করিব।

(১) রোগী। ১৩১২ বঙ্গাব্দে কোটালপাড়ার একটি জ্বালোক রাত্রি দুই প্রহরের সময় আসিয়া বর্নে—“আমার জামাতার বড় অসুখ, আপনাকে এখনই একবার বাইতে হইবে।” তাড়াতাড়ি আধক্রোশ পথ অতিক্রম করিয়া রোগীর বাড়ীতে বাইয়া দেখিলাম—দুই একটি প্রুতিবেশী রোগীর ভাবী অমঙ্গলের বিষয় চিন্তা করিতেছে, ঘরের ভিতর রোগীর জ্বী পুত্র সজলনেত্রে শুক্রবায় রত, রোগী নড়ন চড়ন শক্তিহীন ও নাড়ী ছাড়া অবস্থায় মৃত্যুর সন্মুখীন হইয়াছে, অসাড়ে রক্তভেদ হইতেছে। অমুসন্ধানে জানিলাম—ইহা জ্বোলাপের পরিণাম। রাহিরে আসিয়া জিজ্ঞাসা করিলাম—কিরূপ চিকিৎসা হইতোছিল? উত্তর পাইলাম—‘কবিরাজী। পূর্বে সামান্য সামান্য জ্বর হইতেছিল জ্বর ছাড়িয়া আসিত, কবিরাজ মহাশয় প্রথম দিনে “চটি” খাওয়াইয়া বান। পরদিনে আসিয়া “শক্ত” করেন।”

প্রশ্ন। “শক্ত” করা কি রকম?

উত্তর। ঔষধ খাওয়ার পরই রোগীকে স্নান করাইয়া, ভিজা ভাত ও তেঁতুল খাওয়াইতে হয়। ইহাকেই কবিরাজ মহাশয় “শক্ত করা” বলেন।

প্রশ্ন। এ রোগীকেও ঐরূপ স্নান করান ও খাইতে দেওয়া হইয়াছিল কি?

উত্তর। হাঁ।

প্রশ্ন। তারপর?

উত্তর। তারপর সেইদিন রোগীর জ্বর বেশী হয়। পরদিন সকালে কবিরাজ মহাশয় দেখিয়া বলিলেন “হুঁ, আগে জ্বোলাপ দেওয়া উচিত ছিল, আচ্ছা দেখা যাক।” এই কথা বলিয়া, আজ তিনি জ্বোলাপের বড়ি খাওয়াইয়াছেন। ইহাতে বেলা ১০টা হইতে ভেদ আরম্ভ হইয়াছে, সন্ধ্যার সময় হইতে মলে অল্প অল্প রক্ত দেখা দেয়, তার পর খাঁটি রক্ত পড়িতে থাকে। এ পর্যন্ত বোধ হয় পাঁচ সেরেরও বেশী রক্ত ভেদ হইয়াছে। হাত দেখিয়া নাড়ী পাওয়া বাইতেছে না শুনিয়াই, আমি আপনার নিকটে ছুটিয়া গিয়াছি।

প্রশ্ন। সেই কবিরাজকে ডাক নাই কেন?

উত্তর। বৈকালে ডাকিয়াছিলাম, আসেন নাই। আপনি কি রকম দেখিলেন, বাঁচবে কি?

আমি বলিলাম—যদি রক্তভেদ বন্ধ হয় এবং নাড়ী ফিরিয়া আসে, তাহা হইলে নিশ্চয়ই বাঁচবে।

পাঠকগণ হয়ত বুদ্ধিতে পারিয়াছেন যে, রোগীর রোগ—“কবিরাজ মহাশয়ের বিরুদ্ধে ঔষধ প্রয়োগেরই ফল।” সুতরাং আমি তখনই ২০০ শত শক্তির অক্সিজেন ৬টি গ্লোবিউলস একমাত্রা দিলাম এবং তাহা আমার সন্মুখেই উহা খাওয়ান হইল। আর ৪ মাত্রা অনৌষধি বটিকা (unmedicated globules) দিয়া আসিলাম। পরদিন প্রাতে রোগীকে সুস্থ অবস্থায় দেখিয়াছিলাম। রোগীটি বাঁচিয়া গিয়াছিল।



( ২ ) রোগী । ১৩১৪ সালের ২রা কার্তিক বৈকালে ৫টার সময় ১৯:০ বৎসরের একটা স্ত্রীলোক “আমি কি ক’রলাম, কি হ’ল গো” বলিয়া কাঁদিতে কাঁদিতে আমার ডিম্পেন্সারিতে আসিয়া উপস্থিত হইল । আমি জিজ্ঞাসা করিলাম—কে তুমি ?

**উত্তর** । “আমি হেমলালের মেয়ে, চাপারইয়ে আমার খণ্ডরবাড়ী । আমি কয়েক দিন হইল এখানে এসেছি । আমার মায়ের অস্থখ, আজ স্কুলের ওষুধ খেয়েছিল । ( তখন এখানে মিশনারীদের স্কুলের সংলগ্ন এলোপ্যাথিক দাখলা ঔষধালয় ছিল ) । বেলা ১০টার সময় ওষুধ খাওয়ার পর থেকে বাহে হ’চ্ছে, সে বাহে কিছুতেই বন্ধ হ’চ্ছে না, তারপর এখন কেমন হ’য়ে গেছে, তাই আপনার কাছে এসেছি । আপনাকে এখনই যাইতে হইবে” । এই পর্য্যন্ত বলিয়া মেয়েটা কাঁদিতে লাগিল ।

আমি যত সম্ভব সম্ভব তাহাদের বাড়ীতে পৌঁছিলাম । পথে যাইতে যাইতে একজনকে জিজ্ঞাসা করিয়া জানিলাম—রোগিণী এখনও বাঁচিয়া আছে, কিন্তু মর মর অবস্থা । বাড়ীতে গিয়া দেখি—লোকারণ্য ! ব্যাপার ঐরূপই বটে । তখন রোগিণী বাহে করিতেছিল । প্রচুর জলবৎ ভেদ হইয়াছে । রোগিণী নিস্পন্দভাবে পড়িয়া আছে, ডাকলে সাড়া দেয় না, নাড়ী নাই । আর কিছু দেখা আবশ্যক বোধ করিলাম না, বুঝিলাম—বিরেচক ঔষধের চিকিৎসা করিতে হইবে ।

রোগিণীর স্বামী হেমলাল তখন সেই স্কুলের ডাক্তারের উপর ভীষণ চটিয়া বলিতে লাগিল—“যে লোক সকালে নিজে যাইয়া ঔষধ আনিয়াছিল, তাহার এখন এই অবস্থা । আমার স্ত্রী যদি না বাঁচে, তাহা হইলে আমি সেই ডাক্তারকে খুন করিয়া ফাঁসি যাইব” । কোন চিকিৎসক কাহারও অনিষ্ট করেন না, রোগীর যাহাতে মঙ্গল হয়, তাহার তাহাই করিয়া থাকেন, অনিষ্ট নিজের ভাগ্যক্রমে হইয়া থাকে ইত্যাদি নানা কথায় তাহাকে শাস্তনা করার পর, সে আমাকে জিজ্ঞাসা করিল—“বাঁচিবে কি ?” আমি বলিলাম—এরূপ অনেক রোগীই বাঁচে, কিন্তু এ রোগী বাঁচিবে কিনা, তাহা আমি বলিতে পারি না । এইরূপে অনেক সময় অতিবাহিত হওয়ার পর **নাক্সভামিকা ২০০ শত শক্তি** একমাত্রা এবং অনৌষধি বটিকা ৪ মাত্রা দিয়া আসিলাম ।

পরদিন রোগিণীর স্বামী আসিয়া বলিল—“আপনার ঔষধ খাওয়ার পর একবার মাত্র বাহে হইয়াছিল এবং দুই ঘণ্টার মধ্যে রোগিণী ঘুমাইয়া পড়িয়াছিল । এখন নিজেই উঠিয়া বসিয়াছে ও দুই একটা কথা কহিতেছে ।” বলা বাহুল্য রোগিণী ঐ ঔষধেই সম্পূর্ণ সুস্থ হইয়াছিলেন ।

### ( ৪২ ) গণোরিয়ায়—ফস্ফরিক এসিড ।

মূত্রদ্বারের পূঁজবৎ স্রাব নিঃসরণকেই প্রমেহ বা গণোরিয়া বলে । এই বলবীৰ্য্য-স্বতি-যেধা-বিধ্বংসী রোগে অনেকেই আক্রান্ত হইয়া থাকেন । ইহা স্ত্রী পুরুষ উভয়েরই হয় । স্ত্রীগণের মূত্রদ্বার ক্ষুদ্রতর বলিয়া তাহাদের লক্ষণ পুরুষের স্থায় তীব্র হয় না । অপবিভ্র সঙ্গম—বিশেষতঃ ঋতুমতী বা প্রদরাদি অবশীলা স্ত্রী-সংসর্গ, অতি মৈথনাদি কারণে প্রমেহ

রোগ উৎপন্ন হয়। যদিও ইহা এক প্রকার বিষ বৃ গণোকোকাই নামক জীবাণু-সম্বৃত রোগ, তথাপি সচরাচর আমরা যে সকল প্রমেহ রোগী প্রাপ্ত হই, তাহাদের অধিকাংশ ইন্ডিয়পরায়ণ লোক ও ব্যভিচারী। এই রোগের অনেক প্রকার ঔষধ আছে, কিন্তু উপরোক্ত প্রকার রোগীর পক্ষে আমাদের একটি ঔষধ প্রায়ই ব্যবহৃত হয়, তাহা ফর্ফুরিক এসিড।

(১) রোগী। \* \* \* দফাদার, যুবক। একদিন আমার নিকটে আসিয়া জাহাঙ্গীর—তাহার মূত্রনালী হইতে পূঁজবৎ সাদা স্রাব হয়, প্রস্রাবের সময় জালা করে, কাপড়ে সাদা দাগ লাগে, অত্যন্ত দুর্বলতা অনুভব হয়, কাজকর্ম করিতে ইচ্ছা হয় নাই। আমি জানিতাম, লোকটা লম্পট। ফর্ফুরিক এসিড ৩০শ শক্তি কয়েক মাত্রা খাইতে দেওয়াতে, অল্প দিনেই সে আরোগ্য লাভ করে। ইহার পর ঐ ব্যক্তি তাহার সমবয়স্ক ও সঙ্গী কতিপয় প্রমেহাক্রান্ত রোগীকে আমার নিকটে পাঠাইয়া দেয়। তাহাদিগকেও উক্ত দফাদারের সমশ্রেণীর রোগী অনুমান করিয়া ফর্ফুরিক এসিড খাইতে দিই, তাহাতেই তাহারাও উপকার প্রাপ্ত হইয়াছিল। গণোরিয়া রোগের অল্প ঔষধ জ্ঞাপক বিশেষ লক্ষণ না পাইলে, আমি সর্বত্রই ফর্ফুরিক এসিডই প্রয়োগ করিয়া থাকি।

(২) শোষ (নলী) ক্ষতে—সাইলিসিয়া।

সামান্য ক্ষোটক হইতে বিউবো, ফিশ্চুলা ইন এনো, মূটিয়েল গ্যাব্‌সেস, কার্বাকুল প্রভৃতি যে কোন প্রকার ক্ষতের শোষ আরোগ্য করিতে আমাদের সাইলিসিয়া নামক ঔষধের অসীম ক্ষমতা আছে। অন্ত্রোপচারে যে ক্ষত আরোগ্য হয় নাই, বিনা অস্ত্র প্রয়োগে, কেবলমাত্র কয়েক বিন্দু সাইলিসিয়া রোগীর জিহ্বা সংস্পর্শেই কুহকের গায় সেই ক্ষত আরোগ্য করিয়া দিতে দেখা গিয়াছে। কত চিকিৎসক পরিত্যক্ত ইতীশ রোগী যে, সাইলিসিয়ার বিভিন্ন শক্তিতে আরোগ্য প্রাপ্ত হইয়াছে, তাহার ইয়ত্তা নাই। এইরূপ অসীম শক্তিশালী হোমিওপ্যাথিক ঔষধের অমিত প্রতাপেই আজ চিকিৎসা জগতে ছানিম্যানের বিজয় বৈজয়ন্তী সগর্বে উড্ডীন হইয়াছে। ছই একটি রোগীতত্ত্ব প্রকাশ করিয়া তাহার সম্যক পরিচয় দিতে যাওয়া কেবল বিড়ম্বনা মাত্র। তথাপি আমাদের ঔষধ ভাণ্ডার বা শস্তাগার যে কিরূপ বলে বলীয়ান, তাহা হোমিওপ্যাথির সেবক বা নূতন শিক্ষার্থী চিকিৎসকের নিকটে—যোদ্ধৃবর্গের অন্তরে উৎসাহ জাগরূপ রাখিবার অল্প তুর্য্য নিনাদের গায়, এরূপ অল্প সংখ্যক রোগী-তত্ত্বও প্রকাশ করার আবশ্যিকতা অবশ্যই আছে।

(১) রোগী। রহিমপুরের সাহাদৎ আলীর জ্যেষ্ঠ পুত্রের কুঁচকীর গ্রন্থি (গ্যাণ্ড) ফুলিয়া উঠে। ইহা বহু চেষ্টাতেও বসে না ও অবশেষে পাকিয়া যায়। অতঃপর ইহা ঘারবাসিনীর হস্পিটালে অস্ত্র করা হয়। প্রত্যহ গাড়ী করিয়া রোগীকে উক্ত হস্পিটালে লইয়া যাওয়া হইত। ক্ষত আরোগ্য না হইয়া, ক্রমশঃ ক্ষতস্থানে একাধিক শোষ এবং পুনঃ পুনঃ সেই শোষে অস্ত্র করা হইতেছিল। কিন্তু কিছুতেই ক্ষত বা শোষ এবং অস্ত্র

আরোগ্য হইল না। মাসাধিক কাল এইরূপে নিত্য যাতায়াতের পর সাহায্য আলী ঐ চিকিৎসায় বীতশ্রদ্ধ হইয়া যায় এবং রোগীও একেবারে জীর্ণ শীর্ণ ও শকটাপন্ন অবস্থায় উপনীত হয়। এই সময়ে রোগী আমার চিকিৎসাধীনে আইসে। আমি কতস্থান নিমপাতা সিদ্ধ জল দ্বারা প্রত্যহ ২।৩ বার ধৌত করাইয়া, উষ্ণ গব্য ঘূতের পটিতে ২।১ ফোঁটা বাহ্যিক প্রয়োগের ক্যালেন্‌ড্রিউলস্‌ আদার ন্যূনক ঔষধ দিয়া কতস্থানে লাগাইতে এবং সাইলিসিয়া ২০০ শক্তি প্রত্যহ একবার করিয়া খাওয়াইবার ব্যবস্থা করি। ইহাতে ৭।৮ দিনের মধ্যেই বালকটি সম্পূর্ণ সুস্থতাপন্ন করিয়াছিল।

### (২৪) রক্তামাশয়ে—মার্ক-সল।

রক্তামাশয় রোগটি অতি প্রাচীন কালের রোগ। আধুনিক কতকগুলি রোগের কথা আমাদের ঋষি প্রণীত কবিরাজী শাস্ত্রে পাওয়া যায় না। ইহাতে অনুমান হয় যে, ঐ সকল রোগ সে সময়ে ছিল না, কিন্তু রক্তামাশয় রোগের বিস্তারিত আলোচনা ও উৎকৃষ্ট ঔষধ কবিরাজি শাস্ত্রে যথেষ্টই আছে। এক্ষণে দেখিতে পাওয়া যায়—এই রোগের অস্তিম অবস্থায় দেশের অধিকাংশ লোকে কবিরাজি অথবা হোমিওপ্যাথির উপরেই শেষ চিকিৎসা নির্ভর করিয়া থাকেন। হোমিওপ্যাথিতে এই রোগের বহুসংখ্যক ঔষধ আছে। লক্ষণানুসারে বিভিন্ন ঔষধ ব্যবহৃত হয়। ইহার মধ্যে ৬০।৭০ প্রকার ঔষধ সর্বোৎকৃষ্ট বলিয়া নির্দেশিত হইয়া থাকে। এই অসংখ্য ঔষধের মধ্যে একটি ঔষধ বিশেষ কার্যকরী দেখিতে পাওয়া যায় এবং প্রায় সকল রোগীতেই সেই ঔষধ ব্যবহার করিবার সুযোগ আইসে, অর্থাৎ কোনও না কোন সময়ে সেই ঔষধের লক্ষণ প্রকাশিত হয়। এই ঔষধটি হইতেছে—মার্কউরিয়্যাস। কয়েক প্রকার মার্কউরিয়্যাসের মধ্যে প্রথমতঃ দুই প্রকারই নির্দেশিত হয়, যথা—মার্ক কর ও মার্ক সল। এতদ্ব্যতয়ের প্রভেদ এই যে, মলে খাঁটি রক্ত নির্গত হইতে থাকিলে “মার্ক কর” এবং রক্তসহ আম ও মল মিশ্রিত থাকিলে “মার্ক সল” প্রয়োগ করা হইয়া থাকে। নিম্নে একটি মার্ক-সলের রোগীত্ব প্রকাশিত হইল।

দারবাসিনীর অতুলচন্দ্র পাল, বয়স ২৭.২৮ বৎসর। বিগত ৩৩ সালের ৩রা কার্তিক হইতে রক্তামাশয় রোগে আক্রান্ত হয়। প্রথমে মুষ্টিযোগাদি ঔষধ ব্যবহার করে এবং পরে একাধিক এলোপ্যাথিক চিকিৎসক কর্তৃক চিকিৎসিত হয়। ইন্ডেকসন দেওয়াও হয়, কিন্তু কিছুমাত্র উপকার হয় না। অবশেষে ঠিক দেড়মাস পরে ১২শে অগ্রহায়ণ রোগী আমার চিকিৎসাধীনে আইসে। এই সময় তাহার মলত্যাগ কালে অত্যন্ত কুহন ও কর্তনবৎ বা খোঁচানবৎ পেট বেদনা ছিল এবং বহুকণ বসিয়া থাকিয়া মলত্যাগ করিতে ও মল ত্যাগের পূর্বে অত্যন্ত মলবেগ এবং মলসহ রক্ত ও শ্লেষ্মাবৎ পদার্থ নির্গত হইত। মলত্যাগের পরেও পেটের বেদনা কম হইত না। এই সকল লক্ষণ দৃষ্টে আমি কয়েকদিন মার্ক সল ৬ষ্ঠ শক্তি খাইতে দিই এবং তাহাতেই সে আরোগ্য লাভ করে। ১লা পৌষ হইতে সে আর কোন পীড়া বা কষ্ট অনুভব করে নাই। (ক্রমশঃ)

## হোমিওপ্যাথিক ঔষধের সহিত ইঞ্জেকসন।

লেখক ডাঃ—শ্রী প্রমথনাথ চক্রবর্তী H. L. M. S.

বাউলপুর (খুলনা)

—:~:—

সাধারণতঃ অনেকের বিশ্বাস ও ধারণা যে, হোমিওপ্যাথিক ঔষধ প্রয়োগের সঙ্গে অল্প কোন মতের ঔষধাদি প্রয়োগ করিলে, হোমিওপ্যাথিক ঔষধের ক্রিয়া নষ্ট হইয়া যায় বা উক্ত চিকিৎসায় কোন ফল পাওয়া যায় না। কিন্তু এই ধারণার মূলে যে কতটা সত্য নিহিত আছে, আধুনিক অনেক অভিজ্ঞ চিকিৎসকই তাহা বৃষ্টিতে পারিতেছেন। আমার ধারণা—অসীম শক্তিসম্পন্ন হোমিওপ্যাথিক ঔষধের ক্রিয়া এত সহজে বিনষ্ট হইতে পারে না। আমি কয়েকটা কলেরা ও অগ্নাত্ত রোগীর চিকিৎসায় হোমিওপ্যাথিক চিকিৎসার সঙ্গে এলোপ্যাথিক ইঞ্জেকসন দিয়া বেরূপ উপকার পাইয়াছি, তাহাতে আমার উক্ত ধারণার সত্যতাই প্রমাণিত হইবে। নিয়ে এইরূপ চিকিৎসিত কয়েকটা রোগীর বিবরণ প্রকাশ করিতেছি।

(১) রোগী।—বসন্তকুমার মাঝী। বয়স ২৮ বৎসর, এই রোগী সন ১৯২৪ সালের ১৫ ডিসেম্বর প্রাতে আমার চিকিৎসার্থীনে আসে। রোগী পূর্বদিন শেষ রাত্রে কলেরা রোগে আক্রান্ত হইয়াছিল।

বর্তমান অবস্থা।—রোগীর নাড়ী বিলুপ্ত, অস্থিরতা, সামান্য পিপাসা, অত্যন্ত পেট বেদনা সহ চাউল খোয়া জলের গ্নায় তেদ, হাত পা শীতল, ও মৃত্যু ভয় প্রভৃতি লক্ষণ দেখিয়া নিম্নলিখিত ব্যবস্থা করিলাম।

১। একোনাইট্ নেপ মাদার টিং ৬ মাত্রা, ও

২। ভেরেট্রাম এল্‌ব ১২ শক্তির ৬ মাত্রা।

এই দুইটা ঔষধ পৃথক ভাবে পর্যায়ক্রমে ১ ঘণ্টাস্তর সেব্য। এই সঙ্গে—

●। Re.

ট্রীকনাইন সালফ্‌ ৫৫৫ গ্রেণের ১টা ট্যাবলেট।

১ সি, সি, পরিষ্কৃত জলে দ্রব করিয়া হাইপোডার্মিক ইঞ্জেকসন দিলাম।

পিপাসা নিবৃত্তির জন্য খেজুরের কচি পাতা সিদ্ধ করতঃ, সেই জল পান করিতে বলিলাম।

সঙ্ক্যান্ত সমস্যা।—এই দিন সন্ধ্যার সময় জনৈক লোক আসিয়া বলিল যে, রোগীর পিপাসা বেশী হইয়াছে। হাত পা খিল ধরিতেছে, অগ্নাত্ত অবস্থা পূর্ববৎ। নিম্নলিখিত ঔষধ ব্যবস্থা করিলাম।

৪। কুপ্রম মেট্ ৬ শক্তির ৬ মাত্রা, এবং

৫। আর্সেনিক এল্‌ব ৬ শক্তির ৬ মাত্রা।

এই ২টা ঔষধ পর্যায়ক্রমে ১ ঘণ্টাস্তর সেব্য।

পিপাসার জন্য ডাবের জল ও পূর্বোক্ত পানীয় জলের ব্যবস্থা করিলাম।

৬।১২।২৪।—অণু প্রাতে: সংবাদ পাইলাম যে, রোগীর অবস্থা খারাপ । রোগীকে দেখিবার জন্য অনুরোধ করায় রোগীর বাড়ীতে উপস্থিত হইয়া দেখিলাম যে, বাহু বন্ধ হওয়ার অত্যন্ত পেটের ফাঁপ হইয়াছে । সর্কাস শীতল, হাত পায়ে মাখে মাখে খিল খরিতেছে । অণুত্ত অবস্থা পূর্ববৎ । অণু নিম্নলিখিত ব্যবস্থা করিলাম । :

৬। Re.

পিটুইট্রিন ... ১/২ সি, সি, ।

বাহুতে হাইপোডার্মিক ইঞ্জেকসন, দিলাম । এই সঙ্গে—

৭। কার্বোভেজ ৩০ শক্তির ৬ মাত্রা, এবং

৮। কুপ্রম আস' ৩০ শক্তির ৬ মাত্রা ।

এই ২টা ঔষধ পর্যায়ক্রমে ১ ঘণ্টাস্তর সেব্য ।

পিপাসা নিবৃত্তির জন্য পূর্বোক্ত পানীয় ব্যবস্থা করিলাম ।

সন্ধ্যাকালে।—এইদিন সন্ধ্যার সময় জনৈক লোক আসিয়া বলিল যে, রোগীর সামান্য মল ও দুর্গন্ধযুক্ত দান্ত হইতেছে, পেটের ফাঁপ কমিয়াছে, অণুত্ত উপসর্গও কম বলিয়া মনে হয় । নিম্নলিখিত ঔষধ দিলাম ।

৯। কার্বোভেজ ৩০ শক্তির ৪ মাত্রা, এবং

১০। কুপ্রম আস' ৩০ শক্তির ৪ মাত্রা ।

এই দুইটা ঔষধ পর্যায়ক্রমে ১২ ঘণ্টাস্তর সেব্য । পানীয় পূর্ববৎ ।

১৭।১২।২৪। অণু প্রাতে: রোগী দেখিলাম । নাড়ী স্বাভাবিক হইয়াছে, অণুত্ত উপসর্গ বিশেষ কিছুই নাই, মাত্র সামান্য পিপাসা ও গা জালা আছে, চক্ষু লাল, সামান্য কুখার কথাও বলিতেছে । রোগীর উক্তরূপ অবস্থা দৃষ্টে ও প্রত্যাব না হওয়ার নিম্নলিখিত ব্যবস্থা করিলাম ।

১১। Re.

ট্রীকনাইন সালফ্ ১/১০০ গ্রেণের ট্যাবলেট ১টা ।

ডিজিটেলিন ১/১০০০ গ্রেণের ট্যাবলেট ১টা ।

১ সি, সি. পরিশ্রুত ভলে একত্র জ্বব করতঃ, হাইপোডার্মিক ইঞ্জেকসন দিলাম ।

এবং এই সঙ্গে—

১২। আসেনিক এল্ ৩০ শক্তির ৬ মাত্রা, এবং

১৩। বেলেডোনা ৩০ শক্তির ৬ মাত্রা ।

এই দুইটা ঔষধ পর্যায়ক্রমে ২ ঘণ্টাস্তর সেব্য ।

পথ্য।—কমলা লেবু ও ডালিমের রস ব্যবস্থা করিলাম ।

১৮।১২।২৪। অণু প্রাতে: জনৈক লোক আসিয়া বলিল যে “গত রাতে রোগীর ২ বার প্রত্যাব ও রীতিমত নিদ্রা হইয়াছে । রোগী নিদ্রিত হওয়ার মাত্র ১ মাত্রা ঔষধ সেবন করাইতে পারিয়াছি । রোগী কুখার বড়ই কাতর হইয়া পড়িয়াছে” ।



অল্প নিম্নলিখিত ঔষধ ও পথ্যের ব্যবস্থা করিলাম।

১৪। চায়না ৩০ শক্তির ৮ মাত্রা, এবং

১৫। নল্লভমিকা ৩০ শক্তির ৮ মাত্রা।

এই ২টা ঔষধ পর্যায়ক্রমে ৪ ঘণ্টাস্তর সেব্য।

পথ্য। পাঁতলা বালী ও লেবুর রস।

২০।২২।২৪। অল্প রোগী মুখায় বড়ই অস্থির হইয়া পড়িয়াছে। অল্প উপসর্গ কিছুই নাই। নিম্নলিখিত ঔষধ ব্যবস্থা করিলাম।

১৬। চায়না ৩০ শক্তির ৪ মাত্রা।

প্রত্যহ ২ মাত্রা সেব্য।

পথ্য।—সহ মত গাঢ় বালী।

২৩।২২।২৪।—অল্প রোগীকে অল্প পথ্যের ব্যবস্থা দিলাম।

(২) রোগী। কৃষ্ণচন্দ্র ঘরামৌ। বয়স ৬০ বৎসর, সন ১৯২৫ সালের ৩০শে জুন তারিখ রাতে উক্ত রোগীর চিকিৎসার্থ আমি আহুত হই।

পূর্বে ইতিহাস। রোগী ২০।২১ বৎসর যাবৎ আফিং সেবন করে। গত ২৮।৬।২৫ তারিখ রাতে কলেরায় আক্রান্ত হওয়ায় ২৯।৬।২৫ তারিখে বনগ্রাম হইতে অনেক এম, বি, ডাক্তারকে আনিয়া দেখাইলে, তিনি হোমিওপ্যাথিক ঔষধ দেন। অল্প প্রাতে:ও উক্ত ডাক্তার বাবুকে আনিয়া দেখান হইয়াছে জানিলাম। কিন্তু রোগীর পরিবারবর্গ রোগীর বর্তমান অবস্থা দেখিয়া ধৈর্য্য অবলম্বন করিতে না পারায় এবং উক্ত ডাক্তার বাবুকে রাতে আনা অসম্ভব বিধায় আমাকে ডাকে।

বর্তমান অবস্থা। সন্ধ্যার পূর্বে হইতেই রোগীর বাহ্য প্রভাব বন্ধ হইয়াছে। পেটের অত্যন্ত ফাঁপসহ পেট বেদনা ও চক্ষু কোটির গত।

আমি রোগীর বর্তমান অবস্থা দেখিয়া ও রোগী বহুকাল যাবৎ আফিং সেবন করিতেছে জানিয়া, নিম্নলিখিত ব্যবস্থা করিলাম।

১। নল্লভমিকা ৩০ শক্তির ৪ মাত্রা, এবং

২। কার্বোভেজ ৩০ শক্তির ৪ মাত্রা।

এই ২টা ঔষধ পর্যায়ক্রমে ১ ঘণ্টাস্তর সেব্য। এই সঙ্গে—

৩। Re.

পিটুইটিন

...

১২ সি, সি।

হাইপোডার্মিক ইন্জেকসন দিলাম।

২।৭।২৫। অল্প প্রাতে: রোগী দেখিলাম। শুনিলাম—রাতে আমি চলিয়া আসিবার কিছু পরেই রোগীর বাহ্য ও প্রভাব হইয়াছে। বর্তমানে আর কোনও উপসর্গ নাই। এক্ষণে রোগী নিদ্রিত আছে। রোগী কতকটা নিদ্রিত আছে জিজ্ঞাসা করায়, শুনিলাম—প্রায় ১।০ ঘণ্টা হইল, একবার প্রভাব করার পরেই রোগী ঘুমাইয়াছে। কিছু সময় পরেই রোগীকে



নিদ্রা ভঙ্গ হইল। দেখিলাম—নাড়ী বেশ স্বাভাবিক হইয়াছে, রোগী ক্ষুধার কথাও বলিল, খুব দুর্বলতা আছে। অল্প নিম্নলিখিত ঔষধ ও পথ্যের ব্যবস্থা করিয়া এবং রোগীকে আশ্বস্ত করিয়া বিদায় হইলাম।

৪। চায়না ৩০ শক্তির ৮ মাত্রা, এবং

৫। নক্সভমিকা ৩০ শক্তির ৮ মাত্রা।

এই দুইটা ঔষধ পর্যায়ক্রমে ৪ ঘণ্টাস্তর সেব্য।

রোগী আফিং সেবী বলিয়া অল্পও নক্সভমিকা দিলাম।

পথ্য। পাজলা বালী, বেদনা ও লেবুর রস।

৩।৭।২৫। অল্প রোগীকে অল্প পথ্যের এবং নিম্নলিখিত ঔষধের ব্যবস্থা করিলাম।

৬। নক্সভমিকা ৩০ শক্তির ৪ মাত্রা।

প্রত্যহ ২ মাত্রা সেব্য।

(৩) রোগী।—প্রসন্নকুমার ডাকুয়া। সাকিম হরিপুর। বয়স ৩২ বৎসর। ৮ই জুলাই (১৯২৫) তারিখ বৈকালে উক্ত রোগীর চিকিৎসার্থ আমি আহূত হই। রোগী অল্প প্রাতে পীড়াক্রান্ত হইয়াছে।

বর্তমান অবস্থা। নাড়ী লুপ্তপ্রায় অর্থাৎ নাড়ীর স্পন্দন কখন অনুভূত হয়, কখনও হয় না। পেট বেদনা সহ জলবৎ দান্ত ও বমি হইতেছে, পিপাসা, হাত পা শীতল ও খিল ধরা এবং গা ফালা ও অস্থিরতা আছে। নিম্নলিখিত ব্যবস্থা করিলাম।

১। Re.

ক্যান্ফর ইন ঔধর ১ সি, সি. তে ১ গ্রেণ এম্পুল ১ টা।

হাইপোডার্মিক ইঞ্জেকসন দিলাম। এই সঙ্গে—

২। কুপ্রম আস ৬ শক্তির ৮ মাত্রা, এবং

৩। একোনাইট নেপ মাদার টিং ৮ মাত্রা।

এই ২টা ঔষধ পর্যায়ক্রমে ১ ঘণ্টাস্তর সেব্য।

পিপাসার্থ নিবারণার্থ ডাবের জল, বেদনানা ও কমলা লেবুর রস ব্যবস্থা করিলাম।

৯।৭।২৬। অল্প ঘাইয়া রোগীর অবস্থার অনেকটা হিত পরিবর্তন দেখিলাম।

৪। অসেনিক এল্‌ব ৩০ শক্তির ৬ মাত্রা এবং

৫। একোনাইট নেপ মাদার টিং ৬ মাত্রা।

এই দুইটা ঔষধ পর্যায়ক্রমে ২ ঘণ্টাস্তর সেব্য। এই সঙ্গে

৬। Re

ট্রিক্লাইন-ডিজিটেলিন-নাইট্রোগ্লিসেরিন (প্রত্যেক ১.১ গ্রেণ) ট্যাবলেট ১টা—  
১ সি, সি, পরিশ্রুত জলে দ্রব করিয়া হাইপোডার্মিক ইঞ্জেকসন দিলাম।

পিপাসার জন্ত পূর্ববৎ পানীয় ও মাধায় জল পটা দিবার ব্যবস্থা করিলাম।

( আগামী সংখ্যায় সমাপ্য। )



## চিকিৎসা-বিবরণ।

লেখিকা—শ্রীমতী ললিতা দেবী H. L. M. P.

হোমিওপ্যাথিক ও বাইওকেমিক লেডি ডাক্তার

— :: —

(১) পৈশিক বাত।—রোগী হেমেন্দ্রনাথ চক্রবর্তী, বয়স ৩২ বৎসর। দক্ষিণ হস্তের পেশীতে অসহ্য যন্ত্রণা। বেদনার বিশেষ কোনও কারণ নির্ণয় করা গেল না। পৈশিক বাত বলিয়া সন্দেহ হইল। ৪।২।২৭ তারিখে এই রোগী চিকিৎসাধীন হয়। নিম্নলিখিত ব্যবস্থা করা হইয়াছে।

Re.

ম্যাগ ফস্ ৬x	...	১ গ্রেণ।
ক্যালঃ ফস্ ৬x	...	১ গ্রেণ।
ক্যালঃ ক্লোর ৬x	...	১ গ্রেণ।
ফেরাম ফস্ ৬x	...	১ গ্রেণ।
নেট্রাম মিউর ৬x	...	১ গ্রেণ।

একত্রে মিশ্রিত করিয়া—১ পুরিয়া। কিঞ্চিৎ উষ্ণ জল প্রত্যহ ৪ পুরিয়া সহ সেব্য।

এই ঔষধে এক দিনেই পীড়ার আতিশয্য হ্রাস এবং ৪ দিনেই রোগী সম্পূর্ণরূপে আরোগ্য হইয়াছিল।

(২) গ্যাষ্ট্রালজিয়া।—রোগী কিতীশচন্দ্র দাস। বয়স ২৪ বৎসর। সর্বদাই পাকায়—বিশেষতঃ বুকের কড়ার নিকটে অন্ন অন্ন বেদনা বর্তমান থাকে। আহাৰান্তে বেদনার বৃদ্ধি হয়। গত ৫।৬ মাস হইতে এইরূপ হইয়াছে। বেদনা খুব অসহ্য না হইলেও, বেশ কষ্টদায়ক। কোষ্ঠবদ্ধও আছে। গ্যাষ্ট্রালজিয়া (পাকায়শূল) বলিয়া সন্দেহ হওয়ায়, নিম্নলিখিত ব্যবস্থা করিলাম। গত ৫।২।২৭ তারিখে এই রোগী চিকিৎসাধীন হইয়াছিলেন।

১। Re.

ম্যাগঃ ফস্ ৩০x	...	১ গ্রেণ।
নেট্রাম ফস্ ৬x	...	১ গ্রেণ।
ক্যালঃ ফস্ ৩০x	...	১ গ্রেণ।

একত্রে ১ পুরিয়া। প্রত্যহ এইরূপ ৩ মাত্রা সেব্য। এবং

২। Re.

ম্যাগ ফস ১২x ... ১ গ্রেণ।

নেট্রাম ফস ১২x ... ১ গ্রেণ।

একত্রে ১ পুরিয়া। আহারের অর্ধ ঘণ্টা পূর্বে প্রত্যহ ২ বার সেব্য।

এতদ্বিন্ন প্রাতঃকালে খালিপেটে খানিকটা লেবুর রস ও কিঞ্চিৎ চিনি একত্র মিশ্রিত করিয়া পান করিতে বলিলাম।

সহজপাচ্য ও অন্নাহার ব্যবস্থা করিলাম। আনন্দের বিষয়, এই চিকিৎসায় রোগী ১ সপ্তাহ মধ্যেই সম্পূর্ণ সুস্থ হইয়াছিলেন। রোগী সুস্থ হইলেও ১৫।১৬ দিন পর্যন্ত উক্ত ঔষধ ২টা ( ১নং ও ২নং ) সেবন করান হইয়াছিল। ইহাতে রোগীর আভ্যাসিক কোষ্ঠবদ্ধও আরোগ্য হইয়ছে।

( ৩ ) কলিক পেন (অন্ত্রশূল)।—রোগী শ্রীযুক্ত সুধীর কৃষ্ণ সরকার বি,এল, বয়স ৩৫।৩৬ বৎসর। প্রত্যহ আহারের অব্যবহিত পরেই ইহার তলপেটে শূলবেদনার স্তায় অসহ্য বেদনা হইত। মোড়া ইত্যাদি সেবনে বেদনার উপশম হয়। পীড়া পুরাতন এবং নানারূপ চিকিৎসাতেও কোনই ফল হয় নাই। অজীর্ণ ও অন্ন বর্তমান আছে, বুকজালা করে। অন্নজনিত অন্ত্রশূল স্থির করিয়া নিম্নলিখিত ব্যবস্থা করিলাম। এই রোগী ১২।২।২৭ তারিখে চিকিৎসাধীন হইয়াছিলেন।

Re.

নেট্রাম ফস ৩০x ... ১ গ্রেণ।

ক্যালঃ ফস ৩০x ... ১ গ্রেণ।

ম্যাগ ফস ৬x ... ১ গ্রেণ।

একত্রে ১ পুরিয়া। প্রত্যহ ৪ বার সেব্য। আহারের অর্ধ ঘণ্টা পূর্বে ১ মাত্রা এবং বেদনাকালে উষ্ণ জল সহ পুনঃ পুনঃ সেবন করিতে বলিলাম। লঘু ও সহজ পথ্য আহারাদির পরিমাণও কিছু হ্রাস করিতে উপদেশ দিলাম। রাত্রে তরল পথ্য সেবনের ও প্রাতে: প্রত্যহ লেবুর রস পানের এবং আহারান্তে প্রত্যহ টাটকা দধির সস্ত্র প্রস্তুত বোল পানের উপদেশ দিলাম। এই চিকিৎসায় ১০ দিনের মধ্যেই ইনি আরোগ্যলাভ করিয়াছিলেন।

( ৪ ) স্বচ্ছান্ন প্রাথমিক অবস্থা।—রোগী কোনও একটি রাজ এন্টেটের সেক্রেটারী। ( বিশেষ কারণে নাম প্রকাশ করিলাম না )। বয়স ৩০।৩২ বৎসর হইবে। ১৫।২।২৭ তারিখে রোগী চিকিৎসাধীন হন।

লক্ষণ। রোগীর প্রত্যহ বৈকালে সামান্য অর হয়। উত্তাপ ৯৯°৫—১০০° ডিগ্রীর মধ্যেই থাকে। প্রাতঃকালে উত্তাপ ৯৭° বা তাহারও কম হয়। প্রাতঃকালে অত্যন্ত ধুকধুকে শুষ্ক কাশি হয়, কিন্তু কফঃ নির্গত হয় না—হইলেও উহা অতি সামান্য ও চট্চটে। কখন

কখনও উক্ত শ্লেষ্মার সহিত কিঞ্চিৎ রক্ত মিশ্রিত থাকে। রোগী ক্রমশঃ দুর্বল বোধ করিতেছেন। দৈহিক ওজন পূর্বাপেক্ষা অনেক কমিয়া গিয়াছে ও বাইতেছে। কোনও কোনও দিন রাত্রে ঘর্মও হয়। যে দিন ঘর্ম হয়—সে দিন রোগী অত্যন্ত অবসন্ন বোধ করেন। বক্ষঃ পরীক্ষায় যক্ষ্মার প্রথম অবস্থা বলিয়া সন্দেহ হওয়ায় নিম্নলিখিত ব্যবস্থা করিলাম।

Re.

ক্যালঃ সালফ ৬x	...	১ গ্রেণ।
সাইলিসিয়া ৬x	...	১ গ্রেণ।
ক্যালঃ ফস ৬x	...	১ গ্রেণ।
কেলি সালফ ৬x	...	১ গ্রেণ।
ফেরাম ফস ৬x	...	১ গ্রেণ।

একত্র এক পুরিয়া। প্রত্যহ ৩ পুরিয়া সেব্য।

এতদ্ভিন্ন প্রত্যহ সকালে ১/২ তোলা বিণ্ডুক চ্যবনপ্রাশ কিঞ্চিৎ মধু ও পিপুল চূর্ণ এবং ১ পেয়ালা উষ্ণ দুগ্ধ সহ সেবন করিতে বলিলাম।


**অন্যান্য ব্যবস্থা।**—প্রত্যহ ও প্রাতে: বৈকালে নির্মল বায়ুতে দীর্ঘ সময় বিশ্রাম এবং শয়নাবস্থাতেই দিবসের অধিকাংশ সময় অবস্থান করিতে বলা হইল। অধিক কথাবলা নিষিদ্ধ। দেহে প্রত্যহ উত্তমরূপে সন্নিবার তৈল মর্দন করতঃ, গৃহ মধ্যে আবদ্ধ অবস্থায় উষ্ণ জলে স্নান করিতে উপদেশ দিলাম।


**পথ্যাদি:**—সম্পূর্ণ নিরামিষ ও প্রচুর মাখন সহ আতপ তণ্ডুলের অন্ন ব্যবস্থা করিলাম। খাণ্ডাদি ইক্মিক কুকারে রন্ধন করিতে উপদেশ দিলাম। ইহাতে খাণ্ডাদির ভিটামিন নষ্ট হয় না। প্রাতঃকালে সম্ভবত ১০-১১০ সের দুগ্ধ এবং কয়েকটা কিম্বিন্দ, পেস্তা বা বাদাম—প্রাতঃপ্রাণরূপে ব্যবহার্য। বৈকালেও উহাই। রাত্রে সহ হইলে কয়েকখানা গাওয়া ঘূতে ভাজা লুচি অথবা ইক্মিক কুকারে ঘি-ভাত রন্ধন করতঃ আহারের ব্যবস্থা করিলাম। কিছুদিনের জন্ত স্ত্রী সংসর্গ নিষিদ্ধ। আনন্দের বিষয়—এই ব্যবস্থায় রোগী ১ মাস মধ্যেই সুস্থ হইয়া উঠেন। রোগীর পথ্যাদি এখনও উক্তরূপেই চলিতেছে। রোগীর এক্ষণে আর কোনও পীড়া বা উপসর্গ নাই। দৈহিক ওজনও বৃদ্ধি হইয়াছে।

PRINTED BY RASICK LAL PAN

At the Gobardhan Press, 209 Cornwallis Street, Calcutta.

And Published by Dharendra Nath Halder,





এলোপ্যাথিক ও হোমিওপ্যাথিক চিকিৎসা সম্বন্ধীয়  
মাসিক পত্র ও সমালোচক ।

২০শ বর্ষ । } ১৯৩৪ সাল—পৌষ । } ৯ম সংখ্যা ।

### বিবিধ ।

ভগন্দর ও টিউবারকিউলোসিস্ । পরীক্ষার দ্বারা জানা গিয়াছে যে, রেটাল ফিষ্টুলা বা ভগন্দর রোগীর শতকরা ২০ জনের পীড়াই টিউবারকুল জীবাণু জনিত । ফুসফুসীয় যক্ষ্মা রোগীর প্রায় সমস্ত ভগন্দরই টিউবারকুল জীবাণু হইতে উৎপন্ন এবং যক্ষ্মা রোগীর মধ্যে ২—৩% জন ভগন্দর রোগগ্রস্ত ।

( Canad. M. A. J. )

কোমা । আঘাত ইত্যাদি না পাইয়াও যদি কোনও রোগী কোমাগ্রস্ত হয়, তাহা হইলে বুঝিতে হইবে যে, রোগীর মস্তিষ্কাভ্যন্তরে রক্তস্রাব হইতেছে, অথবা ইউরিমিয়া বা বহুমূত্র জন্ম কোমা হইয়াছে । এতদ্ব্যতীত মস্তিষ্কাভ্যন্তরে ( Brain ) টিউমার বা অর্কুদ জন্মও রক্তস্রাব হইতে পারে, প্রত্যেক চিকিৎসকেরই ইহা স্মরণ রাখা কর্তব্য । এইরূপ টিউমারের মধ্যে রক্তস্রাব হইলে, সংশ্রাস পীড়া হওয়ার বিশেষ সম্ভাবনা ।

( Ohio State M. J )

অঁচিল রোগে—নিওঅাসফেনামিন্ । ডাক্তার লিওসে লিখিয়াছেন যে, “কতিপয় ব্যক্তির অঁচিল নানারূপ ঔষধীয় চিকিৎসা মার্কারি প্রয়োগ ( বাহ্যিক ও আত্যন্তরিক ) এবং এক্স-রে দ্বারা চিকিৎসা করিয়াও, কোনও ফল না পাওয়ার,

অস্ত্রোপচার দ্বারা আঁচিলগুলিকে কাটিয়া বাদ দিয়া দেখা যায় যে, কয়েক দিন পরেই পুনরায় আঁচিল উদ্গত হইতে আরম্ভ হইয়াছে। অতঃপর ফাউলাস' সলিউসন এবং অধিক মাত্রায় সোডিয়াম ক্যাকোডাইলেট ব্যবহার করা হয়। কিন্তু ইহাতেও কোন ফল হয় নাই। অবশেষে নিওআস'ফেনামিন্ ০.৬ গ্রাম মাত্রায় শিরাপথে ইঞ্জেকসন দেওয়া হয়। ইহাতে সপ্তাহ অন্তে দেখা যায় যে, সমস্ত আঁচিলগুলিই অন্তর্হিত হইয়াছে। কিন্তু তৃতীয় সপ্তাহের শেষে পুনরায় দুই একটি আঁচিল উদ্গত হইতে দেখা গিয়াছিল। রোগীকে পুনরায় উক্ত মাত্রায় একটি নিওআস'ফেনামিন্ ইঞ্জেকসন দেওয়া হয় এবং ইহাতেই রোগী স্থায়ীভাবে আরোগ্য লাভ করে। চিকিৎসিত রোগীর সকল গুলিরই মাথায় আঁচিল হইয়াছিল”।

( Archy. Derm. & Syph. Oct. 1924. )

হে-ফিভার ও এজ্‌মায় এফিড্রিন্। অধুনা এফিড্রিন্ সম্বন্ধে বহু আলোচনা হইতেছে। ডাক্তার লিওপোল্ড, ডাঃ গ্রিয়ার, ডাঃ মিলার প্রভৃতি চিকিৎসকগণ হে-ফিভার এবং এজ্‌মা রোগীকে এফিড্রিন্ দ্বারা চিকিৎসা করিয়া, বহু রোগী আরোগ্য করিয়াছেন বলিয়া মত প্রকাশ করিয়াছেন। ইহারা এফিড্রিন্ ১—১½ গ্রে° মাত্রায় আবশ্যিক মত মুখপথে ব্যবহার করিয়াছেন। ইহারা এই ঔষধ দ্বারা ৫৯টী এজ্‌ম রোগী এবং ১১টী হে-ফিভার রোগী চিকিৎসা করিয়া তাহার ফলাফল নিম্নলিখিতরূপে প্রকাশ করিয়াছেন। যথা :—

(১) এফিড্রিন্ দ্বারা ৫৬% এজ্‌মা রোগীর এবং ৬৩% হে-ফিভার রোগীর সম্পূর্ণ সাময়িক উপকার হইয়াছে।

(২) যে কোনপ্রকার এজ্‌মা রোগীরই এফিড্রিন্ দ্বারা সাময়িক উপশম হইতে দেখা গিয়াছে

(৩) নাসারন্ধ্র বন্ধ হইয়া গিয়া যে সমস্ত রোগীর খাসকষ্ট উপস্থিত হয়, তাহাদিগকে এফিড্রিন্ প্রয়োগ করিয়া সম্পূর্ণ উপশম হইতে দেখা গিয়াছে।

(৪) এফিড্রিন্ সেবনে কেবল যে, ব্রঙ্কিয়াল্ নলী সমূহেরই প্রদারণ উপস্থিত হয়, তাহা নহে; পরন্তু, নাসিকাভ্যন্তরস্থ শৈল্পিক ঝিল্লি সমূহের সঙ্কোচন উপস্থিত হইয়া থাকে।

ইহা দীর্ঘকাল ব্যবহার করা যায় এবং যতদিন ব্যবহার করা যাইবে, ততদিন রোগীর কোন কষ্ট থাকিবে না।

( Clinical Medicine Aug. 1927 )



হোলোপোন ডাক্তার আন'হিম্, ডাঃ লিচ'ট্ উইস্ প্রভৃতি বিখ্যাত চিকিৎসকগণ মর্ফিয়া, হিরোইন্, অম্নোপোন ও অহিফেনের অশান্ত প্রয়োগরূপ সমূহের পরিবর্তে, অধুনা "হোলোপোন" নামক নূতন ঔষধটির প্রয়োগ বিশেষ অনুমোদন করেন। পরীক্ষার দ্বারা জানা গিয়াছে যে ইহার ক্রিয়া মরফাইন্ অপেক্ষাও কোন কোন অবস্থায় অধিক ফলপ্রসূ। উত্তেজনায়ুক্ত কাশি এবং থাইরয়েড্ গ্রন্থি অস্ত্রোপচারের পর, ফুসফুসীয় যক্ষ্মা, পিত্তশিলা জনিত শূলবেদনা ক্যান্সার পীড়ার বেদনা নিবারণার্থ ইহা বিশেষ উপযোগিতার সহিত ব্যবহৃত হইয়া থাকে। এইরূপ স্থলে ইহার ক্রিয়া মর্ফিয়া অপেক্ষাও অধিকতর উপযোগী। এতদ্ব্যতীত ইহা অস্ত্রোপচার ইত্যাদিতে এবং অস্থির স্থানচ্যুতি ( ডিস্লোকেশন ) ইত্যাদিতে বেদনা নিবারণার্থ ও উদরাময়ের চিকিৎসায় বিশেষ আদরের সহিত ব্যবহৃত হইয়া থাকে। মাত্রা—সাধারণতঃ ১. ১ সি, সি।

( M A R. 1927. )

রক্তশাশ্যে আইয়োডিন। ডাক্তার গিস্‌লার লিখিয়াছেন যে, ব্যাদিলারী ডিসেন্টারীর চিকিৎসায় আইয়োডিনের ক্ষীণ দ্রব ( ১৫ ফেঁটা টিং আইয়োডিন এবং ১ পাইন্ট ক্যামোমাইল্ ইন্ফিউশন ) সরলান্ত পথে এনিমারূপে প্রয়োগ করিলে আশাতীত উপকার পাওয়া যায়। এইরূপ ২।৩টা এনিমা প্রয়োগেই আন্ত্রিক রক্তশাব বন্ধ হইয়া যায়। সাংঘাতিক রোগীতে ৬।৭ বার এনিমা প্রয়োগের আবশ্যক হইতে পারে।

( M. A. R. 1927. )

## এণ্ডোক্রিনোলজি—Endocrinology.

### থাইরয়েড গ্রন্থি—Thyroid gland.

লেখক—ডাঃ শ্রীসন্তোষকুমার মুখোপাধ্যায় M. B.

ইণ্ডিয়ান মেডিক্যাল রেকর্ডের সম্পাদক।

( পূর্বে প্রকাশিত ৮ম সংখ্যার ( অগ্রহায়ণ ) ৩৪৮ পৃষ্ঠার পর হইতে )

### ঔষধরূপে থাইরয়েড প্রয়োগ

প্রয়োগরূপ।—থাইরয়েডের নিম্নলিখিত প্রয়োগরূপগুলি ঔষধার্থ ব্যবহৃত হয়।

বধা ;—

(১) শুষ্ক থাইরয়েড ( Thyroideum Siccum )—স্বস্থ ভেড়ার থাইরয়েড্

গ্রহি হইতে মেদ ও তন্তুময় অংশগুলি বাদ দিয়া, ইহা প্রস্তুত করা হয়। আমেরিকার ফার্মাকোপিয়া অনুসারে—৫ ভাগ টাটকা থাইরয়েড্ হইতে ১ ভাগ শুষ্ক থাইরয়েড প্রস্তুত হইতে পারে। ব্রিটিশ ফার্মাকোপিয়ায় কিন্তু এরূপ কোন অনুপাত নির্দিষ্ট করিয়া দেওয়া হয় নাই।

প্রেসক্রিপসনে থাইরয়েড ব্যবহারকালে, অনেকে ‘থাইরয়েড একট্রাক্ট’, লিথিয়া থাকেন; কিন্তু ইহা ভুল। কালমেঘের পাতা হইতে যদি উহার সার অংশ বাহির করিয়া লওয়া হয়, তাহা হইলে তাহাকে আমরা “কালমেঘের একট্রাক্ট” বলি। কিন্তু যদি কালমেঘের শুষ্ক পাতাগুলি কেবলমাত্র গুঁড়া করিয়া ব্যবহার করা যায়, তাহা হইলে তাহাকে কি কালমেঘের একট্রাক্ট বলা যাইতে পারে? কখনই না! “থাইরয়েড্ সিকাম্” শুষ্ক থাইরয়েডের গুঁড়া ব্যতীত কিছুই নয়—ইহাকে থাইরয়েডের একট্রাক্ট বা সার, কখনই বলা যায় না। প্রেসক্রিপসন লিখিবার সময় “থাইরয়েড সিকাম্” বা সংক্ষেপে “থাইরয়েড্ সিক্” (Thyroid Sic) লেখা কর্তব্য।

**স্বরূপ।** থাইরয়েড সিকাম্ ফিকা বাল্মি রক্তের গুড়া আকারে পাওয়া যায় এবং ইহাতে শতকরা ২ ভাগ আইয়োডিন থাকে।

**মাত্রা**—শুষ্ক থাইরয়েডের মাত্রা  $\frac{1}{2}$  গ্রেণ হইতে ৪ গ্রেণ। আমেরিকার ফার্মাকোপিয়া অনুসারে ইহার মাত্রা  $1\frac{1}{2}$  দেড় গ্রেণ।

**মাত্রা বিভ্রাট**।—থাইরয়েডের মাত্রা লইয়াও অনেক সময় ভুল হইতে দেখা যায়। বাজারে অনেক কোম্পানির থাইরয়েড কিনিতে পাওয়া যায়; কিন্তু উহাদের প্রস্তুত প্রণালী বিভিন্ন হওয়ায়, মাত্রার পার্থক্য থাকে। ফার্মাকোপিয়ায় যে মাত্রা দেওয়া হইয়াছে তাহা শুষ্ক থাইরয়েডের মাত্রা। কিন্তু কোন কোন কোম্পানির থাইরয়েডের বাস্তব উপর যে মাত্রা দেওয়া থাকে, তাহা “শুষ্ক থাইরয়েডের” নহে—“টাটকা থাইরয়েডের” মাত্রা। “থাইরয়েডাম সিকাম্” ফার্মাকোপিয়া অনুমোদিত ঔষধ এবং ফার্মাকোপিয়ায় শুষ্ক থাইরয়েডের মাত্রা যেমন নির্দিষ্ট হইয়াছে, সকলেরই সেইরূপ মাত্রায় ব্যবহার করা উচিত। ফার্মাকোপিয়াকে উল্লঙ্ঘন করিয়া, এক একজন এক এক প্রকার মাত্রায় প্রয়োগ করিলে, গোলযোগ হওয়া অবশ্যস্বাভাবী। থাইরয়েডের মাত্রার গোলযোগে যে বিপদের সম্ভাবনা আছে, একথা মনে রাখা কর্তব্য। যে সকল কোম্পানির ঔষধের মাত্রা “শুষ্ক থাইরয়েড” অনুসারে দেওয়া হইয়াছে কেবলমাত্র সেইগুলি ব্যবহার করা উচিত। কার্ণরিক কোম্পানির, মার্টিনডেল, ব্রিটিশ অর্গানোথেরাপি কোম্পানি প্রভৃতির ঔষধে শুষ্ক থাইরয়েডের মাত্রা প্রদত্ত থাকে। পার্ক ডেভিস কোম্পানি তাহাদের থাইরয়েডের শিলির গায়ে “শুষ্ক থাইরয়েড” ও ‘টাটকা থাইরয়েড’ উভয়েরই মাত্রা দিয়া থাকেন। ইহাতে দোষের কিছু নাই কারণ অধিকন্তু ন দোষায়।

থাইরয়েড প্রেসক্রিপ্‌সন করিবার সময় শুধু থাইরয়েডের মাত্রাই উল্লেখ করা কর্তব্য । পরন্তু এই সঙ্গে “থাইরয়েড সিকাম” এই কথাটিও স্পষ্ট করিয়া প্রেসক্রিপ্‌সনে লেখা আবশ্যিক । নতুবা গোলযোগের সম্ভাবনা হওয়া অসম্ভব নহে ।

একবার এইরূপ একটা গোলযোগ হইয়াছিল । একজন চিকিৎসক একটা রোগীকে ৫ গ্রেনের থাইরয়েড ট্যাবলেট ব্যবস্থা করেন । রোগী সেই প্রেসক্রিপ্‌সনখানি লইয়া ঔষধ ক্রয়ের জন্ত একটা ডাক্তারখানায় গমন করেন । সেই দোকানে বারোজ ওয়েলকমের ট্যাবলেট ছিল না, তাহারা উহার পরিবর্তে কান রিক্‌ কোম্পানির থাইরয়েড সিকাম দেন । কয়েক দিন এই ঔষধ ব্যবহারের পর রোগীর বুক ধড়ফড় করিতে ও মাথা ধরিতে লাগিল এবং থাইরয়েড বিষাক্ততার লক্ষণ দেখা দিল । তাঁহার চিকিৎসক তখন ভয় পাইয়া, আমার নিকট রোগীকে পাঠাইয়া দিলেন । প্রেসক্রিপ্‌সনে ট্যাবলেট লেখা আছে দেখিয়া আমার সন্দেহ হইল যে, ঔষধের ত ভুল হয় নাই ? অনুসন্ধান জানা গেল যে, আমার অনুমানই সত্য ।

চিকিৎসক উক্ত রোগীকে ৫ গ্রেনের ট্যাবলেট থাইরয়েড ব্যবস্থা করিয়াছিলেন । বারোজ ওয়েলকমের ট্যাবলেট থাইরয়েডের যে মাত্রা দেওয়া থাকে, তাহা টাটকা থাইরয়েডের মাত্রা । ৫ গ্রেন টাটকা থাইরয়েড, ১ গ্রেন শুধু থাইরয়েডের সমান । সুতরাং ৫ গ্রেনের ট্যাবলেট যখন ছিল না, তখন ডাক্তারখানার কম্পাউণ্ডারের উচিত ছিল—তৎপরিবর্তে ১ গ্রেনের শুধু থাইরয়েড দেওয়া । কম্পাউণ্ডার যে থাইরয়েড ট্যাবলেট দিয়াছিল, তাহার সহিত যে বারোজ ওয়েলকমের থাইরয়েড ট্যাবলেটের ( B. W. Co, ) মাত্রার অনেক পার্থক্য আছে, তাহা সে জানিত না বলিয়াই, এই ভুল হইয়াছিল । রোগী পাঁচ গ্রেন মাত্রায় যে, “থাইরয়েড সিকাম” খাইতেছিল, তাহা ২৫ গ্রেন ট্যাবলেট থাইরয়েডের সমান । ইহাতে যে বিষক্রিয়া হইবে, তাহার আর আশ্চর্য্য কি !

(২) লাইকর থাইরয়েডাই (Liquor Thyroidei) ইহার একশত ফেঁটার একটা সম্পূর্ণ থাইরয়েড গ্রন্থির সারাংশ আছে । কিছুদিন পরে নষ্ট হইয়া যায় বলিয়া, এক্ষেত্রে ফার্মাকোপিয়া হইতে ইহা বাদ দেওয়া হইয়াছে । ইহার মাত্রা ৫ হইতে ১৫ ফেঁটা ।

(৩) থাইরক্সিন (Thyroxin)—“থাইরক্সিন” থাইরয়েড গ্রন্থির অন্তঃরসের মূল কার্যকরী উপাদান । ইহার মাত্রা—০.২ হইতে ২ মিলিগ্রাম । ০.২, ০.৪, ০.৮ এবং ২ মিলিগ্রামের ট্যাবলেট পাওয়া যায় ।

থাইরক্সিন আবিষ্কারের পূর্বে সকলের ধারণা ছিল যে, আয়োডোথাইরিন (Iodothyron) ও থাইরোপ্রোটিন (Thyroprotein), থাইরয়েড অন্তঃরসের মূল উপাদান । কিন্তু এক্ষেত্রে জানা গিয়াছে যে, এগুলি অপেক্ষা “থাইরক্সিন” খাঁটি জিনিষ । আয়োডোথাইরিনে ০.৩% আয়োডিন আছে এবং ইহার মাত্রা ১০ গ্রেন ।

থাইরোপ্রোটিনে শতকরা ০.৩৩ ভাগ আইয়োডিন থাকে এবং ইহার মাত্রা  $\frac{1}{2}$  হইতে  $\frac{1}{3}$  গ্রেণ পর্য্যন্ত

## থাইরয়েডের প্রয়োগ প্রণালী।

থাইরয়েড একটি শক্তিশালী ঔষধ; এজন্য প্রথমে ইহা খুব কম মাত্রা হইতে আরম্ভ করা উচিত। পরে রোগীর সহ্যমত ধীরে ধীরে—খুব সাবধানতার সহিত মাত্রা বৃদ্ধি করা কর্তব্য। প্রথম সপ্তাহে  $\frac{1}{8}$  গ্রেণ করিয়া শুধু থাইরয়েড প্রত্যহ একবার করিয়া; দ্বিতীয় সপ্তাহে ঐ মাত্রায়ই ( $\frac{1}{8}$  গ্রেণ) প্রত্যহ দুইবার, তৃতীয় সপ্তাহে প্রত্যহ তিনবার এবং চতুর্থ সপ্তাহে প্রত্যহ চারিবার ব্যবস্থেয়। পঞ্চম সপ্তাহে থাইরয়েড প্রয়োগ বন্ধ রাখিবে।

থাইরয়েড দ্বারা চিকিৎসার কোনরূপ বাধাধরা নিয়ম বা নিষেধ নাই। উপরে যে মাত্রাদি দেওয়া হইল, তাহা কেবলমাত্র একটা আভাস দিবার জন্ত। প্রত্যেক রোগীর অবস্থা অনুসারে ইহা ব্যবস্থা করা কর্তব্য। রোগীর দেহে থাইরয়েড অন্তঃরসের যে পরিমাণে অভাব হইয়াছে, সেই পরিমাণমত থাইরয়েড প্রয়োগ করিয়া, উহার অভাব পূর্ণ করিবার ব্যবস্থা করিতে হইবে। অভাব পূরণের জন্ত যে পরিমাণে থাইরয়েড প্রয়োগ প্রয়োজন, তাহা অপেক্ষা অতিরিক্ত পরিমাণে প্রয়োগ করিলে, থাইরয়েড বিসাক্ততা হইতে পারে। সকল রোগীর থাইরয়েডের অভাব সমান হয় না। এজন্য কাহারও কম দরকার, কাহারও বা বেশী দরকার হয়। কোন রোগীর কতটা থাইরয়েড রসের প্রয়োজন, তাহা রোগীকে পরীক্ষা করিয়া, তবে ঔষধের মাত্রা স্থির করিবে।

**সতর্কতা।**—ঔষধরূপে থাইরয়েড প্রয়োগকালে রোগীকে পর্য্যবেক্ষণাধীন রাখা এবং যদি কোনরূপ কুফল উপস্থিত হয়, তাহা হইলে তখন উহা বন্ধ করা কর্তব্য। থাইরয়েড প্রয়োগকালে নিম্নলিখিত কয়েকটি বিষয়ের উপর বিশেষ দৃষ্টি রাখা কর্তব্য। যথা;—

(১) **রোগীর নাড়ী ও হৃৎপিণ্ডের গতি** :—থাইরয়েড প্রয়োগের ফলে যদি রোগীর নাড়ীর গতি বাড়িয়া যায় বা বুকের ভিতর ধড়ফড় করে তাহা হইলে কিছুদিনের জন্ত ঔষধ বন্ধ রাখিবে।

(২) **গাত্রোত্তাপ**—থাইরয়েড প্রয়োগকালে প্রত্যহ থার্মোমিটার দ্বারা রোগীর উত্তাপ গ্রহণ করিবে। যদি থাইরয়েড প্রয়োগের পর উত্তাপ বৃদ্ধি হয়, তাহা হইলে ঔষধ বন্ধ করিবে।

**নিষিদ্ধ প্রয়োগ**—নিম্নলিখিত অবস্থায় ঔষধরূপে থাইরয়েড ব্যবহার করা উচিত নহে। যথা;—

(১) যক্ষ্মা রোগী।

(২) হৃৎপিণ্ডের পীড়া বর্তমানে।

### থাইরয়েড ঔষধের বিষক্রিয়া ।

কোন লোককে যদি অধিক মাত্রায় বা অনেক দিন ধরিয়া একাদিক্রমে থাইরয়েড খাইতে দেওয়া যায়, তাহা হইলে বিষক্রিয়ার লক্ষণ সকল উপস্থিত হয় । থাইরয়েড গ্রন্থি হইতে অতিরিক্ত পরিমাণে অন্তঃরস নিঃসৃত হওয়ায়, একপ্‌থ্যালামিক্‌ গয়টার রোগের উৎপত্তি হয় । অতিরিক্ত পরিমাণে থাইরয়েড খাওয়ানো হইলে, এই কারণেই থাইরয়েডের বিষাক্ততার জন্ম একপ্‌থ্যালামিক্‌ গয়টারের স্থায় লক্ষণ দেখা দেয় ।

**থাইরয়েড বিষাক্ততার লক্ষণ।**—থাইরয়েড প্রয়োগকালে নিম্নলিখিত লক্ষণগুলি দেখা দিলে, বুঝিতে হইবে যে, থাইরয়েডের মাত্রা বড় বেশী হইয়া গিয়াছে ।

**নাড়ী।**—দ্রুত ও দুর্বল ।

**হৃৎপিণ্ড।**—বুকের ভিতর ধড়ফড় করে এবং সময় সময় রোগী অজ্ঞানের মত হইয়া পড়ে ।

**স্নায়বিক লক্ষণ।**—রোগী যেন অস্থির হইয়া পড়ে । মাথা ঘোরে এবং সর্কাস্ত্রে বেদনা হয় । এই বেদনার বিশেষত্ব এই যে, ইহা যেন এক অঙ্গ হইতে অত্র অঙ্গে সরিয়া সরিয়া যায় ( Wandering pain ) ।

**শ্বাস প্রশ্বাস।**—খাসকষ্ট ( Shortness of breath ) হইতে পারে ।

**পাকস্থলী সম্বন্ধীয় লক্ষণ।**—বমন ও মধ্য মধ্য উদরাময় হয় ।

**চর্ম**—সারাগাত্রে চুলকানি হয় ।

পচা থাইরয়েড হইতে প্রস্তুত ঔষধ যদি রোগীকে প্রয়োগ করা হয়, তাহা হইলে আবার ঐ সকল লক্ষণের সহিত টোমেন ( ptomaine ) বিষাক্ততার লক্ষণও উপস্থিত হইয়া থাকে ।

**থাইরয়েড বিষাক্ততা উপসর্গের প্রতিকার।**—থাইরয়েডের মাত্রাধিক্যে বা অধিক দিন অকারণ থাইরয়েড সেবন করার ফলে, যদি উপরিউক্ত থাইরয়েড বিষাক্ততার কোন লক্ষণ প্রকাশ পায়, তাহা হইলে—তৎক্ষণাৎ থাইরয়েড প্রয়োগ স্থগিত করা কর্তব্য । অতঃপর রোগীকে লাইকর আসেনিকেলিস ৫ ফেঁটা মাত্রায়, প্রত্যহ ৩ বার করিয়া খাইতে দিলে উপকার পাওয়া যাইবে ।

## অকর্মণ্য থাইরয়েড - Hypo-thyroidism.

থাইরয়েডের স্থায় শক্তিশালী গ্রন্থির রসনিঃসরণ ক্ষমতা যদি কোন কারণে কমিয়া যায় বা একেবারে বিলুপ্ত হয়, তাহা হইলে উক্ত গ্রন্থিকে “অকর্মণ্য থাইরয়েড” বলা যায় । এইরূপ অবস্থায় উহা হইতে বঞ্চিত পরিমাণে অন্তঃরস নির্গত হইতে পারে না বা এককালীন রস নিঃসরণ স্থগিত হয় । এই অন্তঃরসের অভাবে দেহের ভিতর



ভীষণ পরিবর্তন হইতে আরম্ভ হয় । পরিপাকক্রিয়ার ফলে, ভুক্ত খাদ্য যে চরম অবস্থায় পরিণত হয়, থাইরয়েড অস্তঃরস তাহার দহন ক্রিয়ায় সাহায্য করে এবং দেহ মধ্যস্থ অনিষ্টকর পদার্থসমূহ নষ্ট করে । সুতরাং থাইরয়েড রসের অভাব হইলে, দেহমধ্যে দহন ক্রিয়া উত্তমরূপ চলিতে পারে না ; এবং যে সকল দূষিত পদার্থ অনবরত দেহমধ্যে উৎপন্ন হইতেছে, সেগুলি নষ্ট করিবার মত উপযুক্ত পরিমাণে থাইরয়েড অস্তঃরস না থাকায়, এইগুলি দেহের ভিতর জমিতে থাকে । এইরূপে রোগীর দেহ বিষাক্ত হইয়া উঠে এবং রোগের আক্রমণে বাধা দিবার মানুষের যে স্বভাবিক শক্তি থাকে, তাহাও কমিয়া যায় ।

**থাইরয়েড গ্রন্থির ক্রিয়া বিকৃতির কারণ ।** নিম্নলিখিত কারণে থাইরয়েড গ্রন্থির ক্রিয়াবৈকল্য ঘটিতে পারে ।

( ১ ) **খাদ্যের দোষ ।**—থাইরয়েড যে অস্তমুখী রস উৎপাদন করে, তাহার মূল উপাদান—“থাইরক্সিন” । এই থাইরক্সিন, ছানা জাতীয় খাদ্য ও আইয়োডিন হইতে প্রস্তুত হয় । অতএব খাদ্যে পর্যাপ্ত পরিমাণে প্রোটিন ও আইয়োডিন থাকা আবশ্যিক ; ইহা না থাকিলে, থাইরয়েড অস্তমুখী রস প্রস্তুত করিতে পারে না ।

এতদর্থে মাছ, মাংস, দুধ, ছানা, প্রভৃতি প্রোটিন জাতীয় খাদ্য অত্যাৱশ্যক ; কিন্তু তাহা বলিয়া এই সকল পুষ্টিকর খাদ্যও অতিরিক্ত পরিমাণে আহাৰ করা উচিত নয় । বহুদিন যাবৎ অতিরিক্ত মাংস প্রভৃতি আহাৰ করিলে থাইরয়েড গ্রন্থিকে অত্যধিক পরিশ্রম করিতে হয়, এবং তাহার ফলে পরিণামে থাইরয়েড দুর্বল ও অকৰ্মণ্য হইয়া পড়ে ।

( ২ ) **বিষাক্ত পদার্থ ।**—খাদ্য উত্তমরূপে পরিপাক মাত্র না হইলে, বা বহুদিন স্থায়ী কোষ্ঠবদ্ধতা বর্তমান থাকিলে, অল্প মধ্যে মল পচিয়া নানারূপ দূষিত পদার্থের সৃষ্টি হয় । এই সকল দূষিত পদার্থ রক্তের সহিত মিলিত হইয়া থাইরয়েড গ্রন্থিতে উপনীত হয় এবং উহার ক্রিয়াশক্তি হ্রাস করিয়া দেয় ।

( ৩ ) **রোগ ।**—যে কোন সংক্রামক ব্যাধির প্রথম অবস্থায় থাইরয়েড গ্রন্থির প্রদাহ হইতে পারে । অনেক দিন রোগ ভোগ করিলে, থাইরয়েড শেষে শুকাইয়া ( atrophy ) যায় ।

( ৪ ) **মানসিক দূশ্চিন্তা ।**—বহুদিন যাবৎ মানসিক দূশ্চিন্তা, আতঙ্ক, উদ্বেগ প্রভৃতি থাকিলে থাইরয়েডের ক্রিয়াবৈকল্য উপস্থিত হইতে পারে ।

( ৫ ) **প্রাকৃতিক উত্তাপাধিক্য**—গ্রীষ্মপ্রধান দেশে—অধিক উত্তাপে থাইরয়েড নিবীৰ্য হইয়া পড়ে । আমাদের দেশ গ্রীষ্মপ্রধান ; গ্রীষ্মকালে কলিকাতার মধ্যে মধ্যে ১১২° ডিগ্রি ( ফারেনহাইট ) উত্তাপও হইতে দেখা যায় । এক্ষণে এদেশের লোকের থাইরয়েড গ্রন্থির শক্তি গ্রীষ্মকালে কমিয়া যায় ও শীতকালে বাড়ে ।



(৬) বংশানুক্রম (Heredity)।—পিতামাতার থাইরয়েড রুগ হইলে, তাহাদের সন্তানসন্ততির থাইরয়েড পূর্ণ কার্যক্ষম হইবে, এরূপ আশা করা যায় না। মাতার স্তনদুগ্ধে যে থাইরয়েড রস থাকে, তাহা পাইয়া শৈশবে শিশুর দেহ বৃদ্ধি হয়। শৈশবে রুগী মাতার স্তনদুগ্ধে থাইরয়েড রস পর্যাপ্ত পরিমাণে না পাইলে, শিশুর দেহ সুগঠিত হইতে পারে না।

থাইরয়েড গ্রন্থির রস নিঃসরণের পরিমাণ অনুসারে, তজ্জনিত পীড়ার লক্ষণ সমূহেরও তারতম্য হইয়া থাকে। থাইরয়েড রসের অভাব বলিলেই, অনেকে “মিক্সিডিমা” বা “ক্রেটিনিজম” বুঝিয়া থাকেন, কিন্তু এই দুইটি রোগ, থাইরয়েড অস্তঃরসের অভাবের চরম অবস্থা। এই দুইটি রোগ উপস্থিত না হইলেও যে, থাইরয়েড অস্তঃরসের অভাব থাকিতে পারে, তাহা তাঁহারা ধারণা করিতে পারেন না। থাইরয়েড রসের পরিমাণ সামান্য হ্রাসপ্রাপ্ত হইলেও, দেহমধ্যে কতকগুলি লক্ষণ দেখা দেয়। এজন্য আমরা অকর্মণ্য থাইরয়েডকে ছুইভাগে বিভক্ত করিব :—

১। থাইরয়েডের সামান্য অকর্মণ্যতা।

২। থাইরয়েডের অত্যন্ত বা সম্পূর্ণ অকর্মণ্যতা। ইহার ফলে ক্রেটিনিজম (Cretinism) ও মিক্সিডিমা উপস্থিত হয়।

(১) থাইরয়েডের সামান্য অকর্মণ্যতা।—থাইরয়েডের সামান্য অকর্মণ্যতা উপস্থিত হইলে, নিম্নলিখিত লক্ষণ সমূহ দ্বারা তাহা জ্ঞাত হইতে পারা যায়। যথা

**রোগীর আকৃতি।**—রোগীকে তাহার বয়সের তুলনায় বৃদ্ধ দেখায়। অর্থাৎ অকালবার্দ্ধক্য উপস্থিত হয়।

**কেশ।**—রোগীর মাথার চুলগুলি অল্প বয়সে পাকিতে আরম্ভ হয় এবং চুল উঠিয়া যাইতে থাকে।

**দন্ত।**—দাঁতে ‘পোকা ধরে এবং দাঁতগুলি শ্লথ হইয়া যায়।

**চর্ম।**—রোগীর গাত্রচর্ম শুষ্ক, কর্কশ ও বৃদ্ধ মনুষ্যের স্থায় লোল হইয়া যায়।

রোগীর স্বক্কে ও উদরদেশে মেদ বৃদ্ধি হয়। থাইরয়েড রুগ হইলে, দেহমধ্যে মেদঘর খাণ্ডের দহন ক্রিয়া সম্পন্ন হয় না; ইহাই মেদ বৃদ্ধির কারণ।

**কোষ্ঠবদ্ধতা।**—অন্ত্রের মাংসপেশাগুলি দুর্বল হওয়ার তদ্ব্যতীত বল উত্তমরূপে নিষ্কাশিত হইতে পারে না। ইহার ফলে, অন্ত্রমধ্যে বল জমিয়া পচিতে থাকে এবং গেছ বিস্কৃত হইয়া উঠে।

হৃৎপিণ্ড ও নাড়ীর অবস্থা।—রোগীর হৃৎপিণ্ড দুর্বল এবং নাড়ী ক্ষীণ এবং রক্তের চাপ ( blood pressure ) কমিয়া যায় । স্বাভাবিক রক্তচাপ ১১০ ; কিন্তু এই রোগে রক্তের চাপ ইহার কম—এমন কি, ৮০ অবধি হইতে দেখা গিয়াছে ।

স্নায়বিক লক্ষণ।—নিম্নলিখিত বিবিধ প্রকার স্নায়বীয় লক্ষণ প্রকাশ পায় ।  
যথা ;—

( ক ) দৌর্বল্য ।—রোগী অল্প পরিশ্রমে ক্লান্ত হইয়া পড়ে ।

( খ ) সর্কাজে বেদনা । ধাইরয়েড রুগ হইলে দেহমধ্যে নানারূপ বিষাক্ত পদার্থ জমিতে থাকে । ইহার ফলে হস্তপদ ও পৃষ্ঠদেশে বাতের ঞ্চায় ব্যাধা হইতে দেখা যায় ।

( গ ) শিরঃপীড়া ।—শিরঃপীড়া বা আধ্ কপালে মাথা ধরা উপস্থিত হইতে পারে ।

জননেদ্রিয় সংক্রান্ত লক্ষণ সমূহ :—জননেদ্রিয়ের সহিত ধাইরয়েডের বিশেষ সম্বন্ধ আছে ; এজন্য ধাইরয়েড রুগ হইলে জননেদ্রিয় সম্বন্ধীয় বিবিধ পরিবর্তন উপস্থিত হয় । যথা ;—

( ক ) রোগী পুরুষ হইলে, কামেচ্ছা কমিয়া যায় এবং প্রস্রাবের সহিত বীৰ্য্যপাত হয় ।

( খ ) রোগী স্ত্রীলোক হইলে যৌবনোন্মেষকালে প্রথম ঋতুদর্শনে বিলম্ব হয় । বাল্য ও যৌবনের সন্ধিক্ষণে—যে সময় জরায়ুর সার্কাস্ট্রিন বৃদ্ধির জন্ম ধাইরয়েড রসের প্রয়োজন, সে সময়ে যদি ধাইরয়েড রসের অভাব হয় তাহা হইলে ঠিক সময়ে জরায়ু কার্য্য-ম হইতে পারে না । এই জন্মই প্রথম রজঃস্রাবে বিলম্ব হয় ।

বয়স্ক রমণীগণের ধাইরয়েড অন্তঃরসের অভাব হইলে, জরায়ুর মাংসপেশীগুলি শ্লথ হইয়া যায় ইহার ফলে, কোন কোন রোগীর রক্তস্রাব খুব বেশী ( অতিরজঃ ) হইতে দেখা গিয়াছে ।

( ক্রমশঃ )



## উপদংশ পীড়ার আধুনিক চিকিৎসা।

### Modern Treatment of Syphilis.

লেখক—ডাঃ শ্রীনরেন্দ্র কুমার দাশ M. B. M. C. P. S.  
M. R. I. P. H. ( Eng. )

[ পূর্বপ্রকাশিত ৮ম সংখ্যার ( অগ্রহায়ণ ) ৩৫০ পৃষ্ঠার পর হইতে ]

—:0:—

**চিকিৎসার উদ্দেশ্য।**—উপদংশ সবিরাম প্রকৃতির পীড়া, সুতরাং এই পীড়ার লক্ষণাবলীর চিকিৎসা করিয়া, তাহা উপশান্ত করিলেই, এই পীড়ার প্রকৃত চিকিৎসা করা হয় না এবং এইরূপ উদ্দেশ্য লইয়া চিকিৎসা করাও উচিত নহে। ইহাতে রোগীর তাৎকালীন লক্ষণ সমূহের উপশম হয় বটে, কিন্তু পীড়ার মূল কারণ দূরীভূত না হওয়ায়, পুনঃ পুনঃ পীড়ার আক্রমণ প্রকাশ পাইয়া, রোগীকে বিপর্যস্ত করিয়া তুলে। এরূপ ভাবে এই পীড়ার চিকিৎসা হওয়া দরকার—যাহাতে পীড়ার তাৎকালীন লক্ষণাবলীর উপশমতো হইবেই, পরন্তু রোগী পীড়ার ভবিষ্যৎ আক্রমণ হইতে রক্ষা পাইতে পারিবে। রোগীর অবস্থা যতই আশা প্রদ হউক না কেন, আমরা এই পীড়ার সম্পূর্ণ আরোগ্য সম্বন্ধে স্পষ্টতঃ জোর করিয়া কিছুই বলিতে পারি না। পূর্বেতো এ সম্বন্ধে একেবারেই কিছু বলা যাইত না—কিন্তু এক্ষণে পাশ্চাত্য বৈজ্ঞানিকগণের উর্ধ্ব মস্তিষ্কের গবেষণার ফলে, আমরা এবিষয়ে অনেকটা নিশ্চিত হইতে পারিয়াছি। তবে এরূপও দেখা গিয়াছে যে, রোগীর রক্ত উপদংশ-বিষবিহীন হইয়াও, কিছুদিন পরে পুনরায় রক্ত মধ্যে উপদংশ বিষ পাওয়া গিয়াছে। সুতরাং এই পীড়ার চিকিৎসা বিশেষ বিচক্ষণতার সহিত করিতে হইবে। আধুনিক চিকিৎসা-প্রণালী অনুযায়ী ঐখ্য সহকারে চিকিৎসা করিতে পারিলে, প্রায় রোগীরই রক্ত একেবারে উপদংশ বিষ-বিহীন-হইয়া, পীড়ার ভবিষ্যৎ পুনরাক্রমণ প্রতিরুদ্ধ হইতে পারে। তবে এলোমেলো ভাবে চিকিৎসা করিলে, এইরূপ স্থায়ী ফল পাওয়া যায় না। স্থায়ীফল পাইতে হইলে, নিয়মিতভাবে চিকিৎসা করিতে হইবে।

**চিকিৎসার প্রয়োজনীয়তা।**—উপদংশ রোগীর চিকিৎসা করিতে গিয়া, চিকিৎসকের মনে স্বতঃই এই প্রশ্ন উপস্থিত হইতে পারে যে, “উপদংশের চিকিৎসা করার আবশ্যক আছে কি না” ? অনেকের বিশ্বাস যে, “উপদংশের বিষ দেহমধ্যে সংক্রমিত

হইলে, উহা আপনা আপনিই কিছুদিন পরে নষ্ট হইয়া যায় অর্থাৎ রোগীর দেহে আর বিষ থাকে না—প্রাকৃতিক নিয়মে উহা দেহ হইতে নির্গত হইয়া যায়। সুতরাং ঔষধাদি প্রয়োগ দ্বারা এই বিষ নষ্ট করিবার কোনই প্রয়োজন নাই”। এই বিশ্বাসের বশবর্তী হইবার সাধারণ কারণ এই যে, রোগী উপদংশবিষ দ্বারা সংক্রমিত হইবার পরই, যে সকল কষ্টকর প্রাথমিক লক্ষণ প্রকাশ পায়, বিশেষ কোন প্রকার চিকিৎসা না করিলেও, কিছুদিন পরে ঐ সকল লক্ষণ তিরোহিত হইতে পারে এবং রোগীকে কিছুদিন পর্যন্ত বাহ্যিক বেষ্ম স্পৃহই দেখা যায়। কিন্তু রোগীর যে, রক্ত বিষাক্ত হইয়া গিয়াছে এবং ভবিষ্যতে যে, বিবিধ অসাধ্য উপসর্গ উপস্থিত হইতে পারে, তাহা অনেকেই ভাবিতে পারেন না। অনেকে এই দূরারোগ্য উপসর্গ সমূহকে পৃথক নূতন পীড়া বলিয়া মনে করেন। কিন্তু ইহা যে উপদংশবিষ সংক্রমণেরই ফল ব্যতীত আর কিছুই নহে, তাহা তাঁহারা মনেও করেন না। এই জন্তই অনেকে উপদংশ পীড়ার চিকিৎসার প্রয়োজনীয়তা বিষয়ে কিছুই চিন্তা করেন না।

পরীক্ষা দ্বারা দেখা গিয়াছে যে, উপদংশের প্রাথমিক লক্ষণ সমূহ আপনা আপনি তিরোহিত হইবার পর, রোগী বেষ্ম সহজ ও স্পৃহ ভাবেই প্রায় ২০।২৫ বৎসর থাকিবার পর উপদংশের তৃতীয় অবস্থার লক্ষণাবলী প্রকাশ পাইয়াছে। রক্তমধ্যে একবার এই বিষ সংক্রমিত হইলে, রক্ত সম্পূর্ণরূপে সংশোধিত না হওয়া পর্যন্ত, দুই দিন আগে বা পরে—উপদংশের সাংঘাতিক গৌণ উপসর্গ সমূহ প্রকাশ পাইবেই, তাহাতে কোনই সন্দেহ নাই। ডাঃ ফোর্নিয়ার বলেন যে, তাঁহার চিকিৎসিত সমস্ত রোগীতেই তিনি দেখিয়াছেন যে, উপদংশ পীড়া সময়ে স্ফটিকিৎসিত না হইলে, কিছু দিন আগেই হউক আর কিছুদিন পরেই হউক—কথঞ্চিত সহজ প্রকৃতিরই হউক, আর কঠিন প্রকৃতিরই হউক, ভবিষ্যতে উপদংশিক উপসর্গ প্রকাশ পাইবেই। এই কারণেই, রোগীর উপদংশ রোগ নির্ণয় সম্বন্ধে কোনও সন্দেহ না থাকিলে, অনতিবিলম্বে উপদংশের এরূপ উপযুক্ত চিকিৎসা অবলম্বন করা অবশ্য কর্তব্য—যাহাতে সমস্ত রোগীর রক্ত উপদংশ-বিষবিহীন হইতে পারে।

বর্তমানে এই পীড়ার আধুনিক চিকিৎসায়, পীড়ার সমুদয় লক্ষণই সমস্ত অস্তর্হিত হয় এবং রোগীর সন্তান সন্ততিতে এই পীড়ার বিষ সংক্রমিত হইতে পারে না। অবশ্য যথাসময়ে এবং যথানিয়মে স্ফটিকিৎসা হইলে রোগী যে, এইরূপ সম্পূর্ণ আরোগ্য লাভ করিতে পারে, তাহাতে কোনই সন্দেহ নাই।

একণে আমরা উপদংশের চিকিৎসা-প্রণালী সম্বন্ধে আলোচনায় প্রবৃত্ত হইব।

ইতিপূর্বে উপদংশ পীড়ার সম্বন্ধে যে সকল বিষয় উক্ত হইয়াছে, তাহাতে বুঝিতে পারা যাইবে যে, উপদংশ পীড়া মোটের উপর দুই ভাগে বিভক্ত। যথা ;—

(১) কোলিক বা বংশানুক্রমিক।

(২) সোপার্জিত বা স্পর্শানুক্রমিক।

যথাক্রমে এই দুই প্রকার উপদংশের চিকিৎসা বিবৃত হইতেছে।

(১) কোলিক উপদংশের চিকিৎসা।

কোলিক বা বংশানুক্রমিক উপদংশের চিকিৎসা দুইভাগে বিভক্ত করা যায়।

যথা;—

(ক) প্রতিরোধক চিকিৎসা।

(খ) আরোগ্যকারক চিকিৎসা।

যথাক্রমে এই দ্বিবিধ চিকিৎসা-প্রণালী কথিত হইতেছে।

(১) বংশানুক্রমিক উপদংশের প্রতিরোধ। বংশানুক্রমিক উপদংশের প্রতিরোধকল্পে, নিম্নলিখিত উপায়গুলি ফলপ্রদরূপে অনুমোদিত হইয়াছে।

যথা—

মাতৃ-পিতৃসম্বন্ধীয় কারণ সমূহের প্রতিহার।—এতদর্থে—  
(১) উপদংশগ্রস্ত রোগীর (স্ত্রী বা পুরুষ) বিবাহের পূর্বে নিয়মিত ঔষু উপযুক্তরূপে সূচিকিৎসা হওয়া প্রয়োজন। উপযুক্তরূপে চিকিৎসা না করাইয়া বিবাহ করা নিতান্ত অশ্রায়। উপদংশবিধ সংক্রমণের পর চারি বৎসর অতিবাহিত না হওয়া পর্যন্ত, উপদংশ রোগীর কোনও মতেই বিবাহ করা উচিত নহে।

(২) স্বামী বা স্ত্রী যাহারই উপদংশের ইতিহাস থাকুক না কেন, স্ত্রীর গর্ভ সঞ্চারণ হইবামাত্র, গর্ভিণীর উপদংশ পীড়ার চিকিৎসা করান উচিত। কিন্তু এইরূপ গর্ভিণীর গর্ভের ৫ম মাসের পর চিকিৎসা করাইলে কোনই উপকার পাওয়া যায় না—চিকিৎসা করাইতে হইলে, ৫ম মাসের পূর্বেই করান কর্তব্য।

(ক) বংশানুক্রমিক উপদংশের প্রতিরোধক চিকিৎসা।—  
এতদর্থে—“প্রোটো-আইওডাইড্ অব্ মার্কান্নী” (পিন্স) ১/২ গ্রেণ মাত্রায় ক্রমাগত অথবা মধ্যে মধ্যে সেবন করিতে দিলে, আশাতীত ফল পাওয়া যায়। গর্ভিণীর নিজের বা স্বামীর উপদংশের ইতিহাস পাওয়া গেলে, গর্ভাবস্থায় ৫ম মাসের পূর্বে এই চিকিৎসা, একটি অশ্রুতম শ্রেষ্ঠ চিকিৎসা বলিয়া বিবোচিত হইয়াছে। যদি এরূপ কোন সাংঘাতিক লক্ষণ প্রকাশ পাইতে দেখা যায়—যাহাতে প্রসূতির গর্ভপাত হইবার সম্ভাবনা, তাহা হইলে নিম্নলিখিত ঔষধ পেশীমধ্যে ইন্জেকসন দিলে সর্বত্র সমস্ত লক্ষণ দূরীভূত হয়।

১। গর্ভের ১ম ২য় মাসে—(ক) ১ গ্রেণ ‘মার্কান্নী’—১৪ দিন অন্তর ১ বার করিয়া মাসে ২ বার পৈশিক ইন্জেকসন। ২ মাস পর্যন্ত—মোট ৪টি ইন্জেকসন বিধেয়।

(খ) পটাশ্ আইওডাইড্ সেবন মাসে ১০ দিন করিয়া—১ মাস পর্যন্ত।

২। গর্ভের ৩য় ও ৪র্থ মাসে—(গ) ১' গ্রেণ মার্কারী—১৪ দিন অন্তর ১ বার করিয়া ২ মাস পর্যন্ত পৈশিক ইঞ্জেকসন—মোট ৪টি ইঞ্জেকসন বিধেয়।

(ঘ) পটাস্ আইওডাইড্ মাসে ১০ দিন করিয়া—১ মাস পর্যন্ত সেবন।

৩। গর্ভের ৫ম ও ৬ষ্ঠ মাসে—(ঙ) ১ গ্রেণ মার্কারী—১৪ দিন অন্তর ১ বার পৈশিক ইঞ্জেকসন। ২ মাস পর্যন্ত মোট ৪টি ইঞ্জেকসন বিধেয়।

স্বামীকেও উক্তরূপে চিকিৎসা করান উচিত।

(খ) বংশগত উপদংশাক্রান্ত শিশুর চিকিৎসা—পিতা মাতা অল্প দিনের মধ্যে যদি উপদংশাক্রান্ত (সেকেণ্ডারী) হইয়া থাকে—তাহা হইলে সম্ভানেরও উপযুক্ত চিকিৎসা হওয়া বিশেষ প্রয়োজন। ইহাদের শিশু হইতে দেখিতে সূস্থ হইতে পারে, কিন্তু পরে তাহার ঔপদংশিক উপসর্গ সমূহ প্রকাশ পাওয়া অসম্ভব নহে। আবার কখন কখনও শিশুর উপদংশজ লক্ষণাবলী গুণ্ডাবস্থায় থাকিতে পারে—বাহ্যিক ভাবে উপদংশের কোন লক্ষণ প্রকাশ পায় না। সুতরাং সাধারণ ভাবে শিশুকে সূস্থ বলিয়াই প্রতীয়মান হইতে পারে।

## (২) স্বেপার্জিত উপদংশের চিকিৎসা।

বিভাগ।—স্বেপার্জিত উপদংশের চিকিৎসা ২ ভাগে বিভক্ত করা যায়। যথা,—

১। স্থানিক চিকিৎসা।

২। সার্বস্বাস্থিক চিকিৎসা।

যথাক্রমে এই দ্বিবিধ চিকিৎসা-প্রণালী কথিত হইতেছে।

**স্থানিক চিকিৎসা**—উপদংশাক্রান্ত রোগীর স্থানিক ক্ষত সম্বন্ধেই স্থানিক চিকিৎসার প্রয়োজন হইয়া থাকে। কেহ কেহ এই ক্ষত দগ্ধ করিয়া দিতে বলেন।

জননেড্রিয়ের আঘাত ক্ষত সম্বন্ধে যদি কোনও সন্দেহ না থাকে, তাহা হইলে ক্ষত “কটারাইজ্” (উগ্র ঔষধাদি দ্বারা পুড়াইয়া দেওয়া) করিয়া কোনও ফলই হয় না। উপদংশের প্রাথমিক ক্ষত উগ্র জীবাণুনাশক ঔষধ দ্বারা দগ্ধ করিয়া দিয়াও কোনই উপকার হয় না। ইহাতে কেবল রোগীকে যন্ত্রণা দেওয়া হয় মাত্র। ডাক্তার হার্টার এইরূপ ক্ষত বিশোধিত ছুরি দ্বারা চিরিয়া দিবার উপদেশ দেন। ডাঃ ল্যাং বলেন যে, “আঘাত স্পষ্টভাবে দেখা গেলে এবং যদি নিকটবর্তী গ্রন্থি সমূহ আক্রান্ত না হইয়া থাকে ও যদি নির্বিবাদে ক্ষতটি তুলিয়া ফেলা যায়, তাহা হইলে অস্ত্রোপচার দ্বারা ধীরে ধীরে ক্ষতটি চিরিয়া তুলিয়া দেওয়াই ভাল”। ডাঃ ল্যাং এইরূপ ক্ষতে অস্ত্রোপচার করিবার উপযোগিতা সম্বন্ধে নিম্নলিখিত কারণগুলি দর্শাইয়া থাকেন। যথা;—

(১) এইরূপ অস্ত্রোপচার অতি সহজসাধ্য। এই অস্ত্রোপচারের পর ক্ষত শীঘ্রই আরোগ্য হইয়া থাকে।



(২) অনেক রোগী এই অস্ত্রোপচারের পর উপদংশের ভাবী মন্দ ফলের হস্ত হইতে পরিভ্রাণ পাইতে পারে ।

(৩) অস্ত্রোপচারের পরেও যদি সেকেণ্ডারী বা টার্শিয়ারী অবস্থা প্রকাশ পায়, তাহা হইলেও উহা অতি মৃদু ভাবাপন্ন হইয়া থাকে ।

(৪) ধাতুজ লক্ষণাবলী (Constitutional Symptoms)—যাহা উপদংশ রোগীতে সঘন প্রকাশ পাইয়া থাকে, তাহা এই অস্ত্রোপচারের পর প্রায়ই বিলম্বে প্রকাশ পায় । অনেক সময়ে আদৌ প্রকাশ পায় না ।

(৫) এই অস্ত্র চিকিৎসা নিরাপদ ।

(৬) যদি এই অস্ত্রোপচারের পরও রোগীর লক্ষণাবলী সমান ভাবেই থাকে, তাহা হইলে বুঝিতে হইবে যে, ঠিক ভাবে অস্ত্রোপচার সম্পন্ন হয় নাই ।

এই অস্ত্রোপচার এত সুফলপ্রদ হইলেও, ইহার বিরুদ্ধে বহু প্রতিবাদ আছে—যাহার জন্ত এই অস্ত্রোপচার অতি অল্প রোগীতেই সুসম্পন্ন করা হইয়া থাকে । নিয়ে এই বিরুদ্ধ প্রতিবাদের কারণ সমূহ বলা হইতেছে ।—

(১) রোগী পীড়ার ষষ্ঠে প্রারম্ভ সময়ে চিকিৎসাধীনে আসে না ।

(২) এই আশঙ্কিত—ধাতুজ পীড়ার স্থানিক উপসর্গ মাত্র ।

(৩) এই আশঙ্কিত—“করপোরা ক্যাভারনোসা” বিধান মধ্যে অথবা “গ্যান্‌স্‌পেনিস” মধ্য পর্য্যন্ত বিস্তৃত হইতে পারে ।

(৪) লোসিকা গ্রন্থি সমূহ আক্রান্ত হইলে অস্ত্র প্রয়োগ দ্বারা কোনও ফল হয় না ।

(৫) কখন কখন লিঙ্গ হইতে প্রচুর রক্তস্রাব হইতে দেখা যায় ।

(৬) যে স্থানে ক্ষত প্রকাশ পাইয়াছিল, অস্ত্র প্রয়োগ দ্বারা আরোগ্য হইয়া গিয়াও, পুনরায় ঐ স্থানে ক্ষত প্রকাশ পাওয়া নিতান্ত অস্বাভাবিক নহে । অনেক স্থলেই এইরূপ হইতে দেখা গিয়াছে ।

মোটের উপর অস্ত্র প্রয়োগ দ্বারা উপদংশ পীড়ার ভোগকাল সংক্ষিপ্ত করার চেষ্টা পাওয়া বৃথা—এমন কি, লিঙ্গ-মুণ্ডাবরক চর্মোপরি আশঙ্কিত হইলেও, অস্ত্রোপচার দ্বারা পীড়ার ভোগকাল হ্রাস করিবার চেষ্টাও সুফলপ্রদ হয় না । পরীক্ষা দ্বারা অধুনা প্রমাণিত হইয়াছে যে, অস্ত্রোপচার বা “কটারিজেশন্” দ্বারা উপদংশকৃত চিকিৎসা করিয়া, কোনও ফল পাওয়া যায় না ।

বিখ্যাত উপদংশ চিকিৎসক—ডাঃ র্যাশোরী, টেইলর, ব্র্যাণ্ডেস্, ইত্যাদি মহাশয়গণ আশঙ্কিত অস্ত্রোপচার করিয়া দেখিয়াছেন যে, পরে পুনরায় লক্ষণাবলী প্রকাশ পাইয়াছে ; এবং ইহার ফল অত্যন্ত নিরাশাজনক ।

ডাক্তার রিকোর্ড বলেন যে, “আশঙ্কিত প্রকাশ পাইবামাত্র লিঙ্গ এম্পুটেট করিয়াও উপদংশের ভাবী উপসর্গকে প্রতিরোধ করিতে পারা যায় নাই” ।


ডাঃ ল্যাং আন্তরকত মধ্যে ও লিম্ফ্যাটিক চ্যানেল্‌স মধ্যে জীবাণুনাশক সলিউশন সমূহের ইঞ্জেক্সন দিতে অমুখতি দেন। এতদর্থে ইনি সিল্ভ্যান্ন নাইট্রেটেস ১% সলিউশন ০.১—০.২ সি, সি, পরিমাণ প্রয়োগ করিতে বলেন। কিন্তু এই সলিউশনের স্থানিক ইঞ্জেক্সন অত্যন্ত যন্ত্রণাদায়ক এবং বৃথা। কারণ, ইহাতে পীড়ার ভাবী প্রকাশ প্রতিরুদ্ধ হয় না।

নিকটবর্তী গ্রহি ও লেসিকা গ্রহি সমূহের উপর পর্যাপ্ত অস্ত্র প্রয়োগ করিয়া দেখা গিয়াছে যে, ইহার প্রত্যেকটাই বৃথা ও নিষ্ফল। পরীক্ষা দ্বারা দেখা গিয়াছে যে, জীবাণুনাশক দ্রব স্থানিক ইঞ্জেক্সন দ্বারা অথবা আন্তরকতে অস্ত্র প্রয়োগ করিয়া পীড়ারোগ্য করিবার চিকিৎসা-প্রণালী সম্পূর্ণরূপে নিষ্ফলপ্রদ। ইহাতে কোনই ফল পাওয়া যায় না। কারণ ইহার পরেও, ঐ স্থানে উপদংশের জীবাণু পূর্ববৎই বর্তমান থাকিতে দেখা যায়। এক্ষণে এই প্রশ্ন আসিতে পারে যে, তাহা হইলে ইহার চিকিৎসা সম্বন্ধে কি করা কর্তব্য? কি করা কর্তব্য, তাহাই, বলা যাইতেছে।

**আন্তরকতের চিকিৎসা।**—উপদংশের ক্ষত নির্ণয় সম্বন্ধে সন্দেহ থাকিলে, কোনও চিকিৎসা করিবার প্রয়োজন নাই। উত্তেজক ড্রেসিং কদাচও ব্যবহার করিও না। সর্বদা স্মরণ রাখিও যে, স্থানিক চিকিৎসা দ্বারা কিছুই লাভ হয় না, পরন্তু ইহা দ্বারা পীড়া নির্ণয় আরও হ্রাসোধ্য হইয়া উঠে। সর্বাপেক্ষা নিরাপদ উপায়ে চিকিৎসা করিতে হইলে :—


- ( ১ ) পুনঃ পুনঃ ধোত করতঃ ক্ষত পরিষ্কার রাখিতে হইবে।
- ( ২ ) ক্ষতোপরি ক্যালোমেল পাউডার ছড়াইয়া দিবে।

( ক্রমশঃ )



## মাইয়ো-স্যালভারসন—Myo-salvarsan

লেখক—ডাঃ শ্রীসতীভূষণ মিত্র B. Sc. M. B.



ইহা একটা আসে নোবেঞ্জল ঘটত নূতন প্রয়োগরূপ ।

**রাসায়নিক নাম** । সোডিয়াম ডাইঅক্সি-ডায়েমিনো-আসে নোবেঞ্জল-ডাইমিথেন-সালফোনেট (Sodium dioxy-diamino-Arsenobenzol-dimethane Sulphonate)

**রাসায়নিক সূত্র** ।  $C_{12} H_{10} As_2 N_2 (CH_2 SO_2 Na 12)$ .

মেটা-ডাইএমিনো-প্যারা-ডাইঅক্সি-আসে নোবেঞ্জলের উৎপন্ন, ফরম্যালডিহাইডের ক্রিয়া দ্বারা বিশেষ রাসায়নিক প্রক্রিয়ায় অতি সাবধানতার সহিত, ইহা প্রস্তুত হইয়াছে । বাহাতে ইহা কোন প্রকার বিষাক্ত ক্রিয়াসম্পন্ন প্রয়োগরূপে পরিণত না হয়, তজ্জন্ত ইহার প্রস্তুত প্রকরণে এক বিশেষ প্রক্রিয়া অবলম্বিত হইয়াছে । ইহাতে ১৮.৫—১৯.৫% পারসেন্ট অর্গানিক আসেনিক আছে ।

**স্বরূপ** । পাতাভ সূক্ষ্মচূর্ণ, জলে সম্পূর্ণরূপে দ্রবনীয় । ইহার জলীয় দ্রব প্রায় নিরঙ্গল হইয়া থাকে ।

**ক্রিয়া** । মাইয়ো-স্যালভারসনের ক্রিয়া সম্পূর্ণরূপে স্যালভারসন, নিওস্যালভারসন, নত-আসে নোবিলন প্রভৃতি আসে নোবেঞ্জলের অত্যন্ত যৌগিক প্রয়োগরূপ সমূহের অনুরূপ । ইহা অতীব শক্তিশালী উপদংশ-জীবাণুনাশক, রক্তজনক, রক্তের উৎকর্ষ সাধক, বলকারক এবং ম্যালেরিয়া জীবাণুনাশক ।

প্রফেসর E, Hofmann M. D ( The Dermatological Clinic of the University of Frankfurt ) প্রভৃতি বহু বিজ্ঞ চিকিৎসকের বিবিধ পরীক্ষায় প্রমাণিত হইয়াছে যে, আসে নোবেঞ্জলের অত্যন্ত যৌগিক প্রয়োগরূপ অপেক্ষা, ইহার ক্রিয়া প্রবলতর ও দীর্ঘস্থায়ী । পরন্তু, স্বাভাবিক প্রযুক্ত হইলে ইহা সম্পূর্ণ নিরাপদ হইয়া থাকে । প্রফেসর হফম্যান বলেন—“হাইপোডার্মিক ইন্জেক্সনরূপে প্রয়োগ করিলেও ইহার ক্রিয়া উত্তমরূপে প্রকাশিত হয় ।

**আমলিক প্রয়োগ** । উপদংশ রোগে মাইয়ো-স্যালভারসন বিশেষ ফলপ্রসূরূপে অনুমোদিত হইয়াছে । বহু বিশেষজ্ঞ চিকিৎসক, বহুস্থলে প্রয়োগ করিয়া এতদসম্বন্ধে যে সকল অভিমত প্রকাশ করিয়াছেন, তাহাতে প্রতিপন্ন হয় যে, উপদংশ পীড়াক্রান্ত রোগীর যেরূপ লক্ষণই উপস্থিত হউক বা পীড়া যতদিনের কথা যেরূপ অবস্থায়ই উপনীত

হটক ( several period and stage of syphilis ) না কেন, মাইয়ো-স্যালভারসন ইঞ্জেকসনে শীঘ্রই উপকার পাওয়া যায় এবং যথানিয়মে চিকিৎসিত হইলে, এতদ্বারা রোগীর রক্ত সম্পূর্ণরূপে উপদংশ-বিষবিহীন হইয়া রোগী পূর্ণ স্বাস্থ্যলাভ করে ।

উপদংশ বৃত্তীত ম্যালেরিয়া, ট্রপিক্যাল ক্ষত, বসন্ত, স্কাইলিট ফিভার, ভিনসেন্ট এঞ্জাইনা এবং স্পিণ্ডিকনেস পীড়ায় ইহা উপযোগিতার সহিত ব্যবহৃত হয় । অল্প মাত্রায় ইহা রক্তহীনতা, ক্লোরোসিস এবং রোগান্তদৌর্ভাগ্যে বিশেষ উপকারক ।

**আসেনোবেঞ্জোলের অশ্যান্ত যৌগিক প্রয়োগরূপের সহিত মাইয়ো-স্যালভারসনের পার্থক্য ।**—আসেনোবেঞ্জোলের অন্যান্ত যৌগিক প্রয়োগরূপগুলির সহিত মাইয়ো-স্যালভারসনের বিশেষ পার্থক্য এই যে— আসেনোবেঞ্জোলের অন্যান্ত প্রয়োগরূপগুলি অধিকাংশ স্থলেই ইন্ট্রাভেনাস ইঞ্জেকসনরূপে প্রয়োগ করিতে হয় এবং এইরূপ প্রয়োগে অনেক স্থলেই বিবিধ প্রতিক্রিয়ায় উপসর্গ উপস্থিত হইতে দেখা যায় । পক্ষান্তরে, অনেক চিকিৎসক বা রোগীর পক্ষে এইরূপ ইন্ট্রাভেনাস ইঞ্জেকসন সহজসাধ্য বা উপভোগ্য হয় না । কিন্তু মাইয়ো-স্যালভারসন আসেনোবেঞ্জোলের অন্ততম যৌগিক প্রয়োগরূপ হইলেও, ইহা এরূপ বিশিষ্ট প্রণালীতে প্রস্তুত হইয়াছে যে, ইহা হাইপোডার্মিক বা ইন্ট্রামাস্কিউলার ইঞ্জেকসনরূপে অবাধে প্রয়োগ করা যাইতে পারে এবং তাহাতে ইন্ট্রাভেনাস ইঞ্জেকসনের অনুরূপই ক্রিয়া পাওয়া যায় । পরন্তু, যথানিয়মে প্রযুক্ত হইলে, ইহাতে বিশেষ কোন প্রতিক্রিয়ায় দুর্লক্ষণ বা প্রয়োগস্থানে কোন প্রকার ক্ষীতি, জালা, যন্ত্রণা বা বেদনাদি উপস্থিত হয় না । পক্ষান্তরে, ইহার ক্রিয়া অতি শীঘ্র এবং নিশ্চিতরূপে প্রকাশিত হয় । এই কারণেই, অন্যান্ত চিকিৎসা অপেক্ষা, মাইয়ো-স্যালভারসন দ্বারা চিকিৎসায় রোগী শীঘ্র আরোগ্য লাভ করে বলিয়া কথিত হয় ।

**ইঞ্জেকসন বিধি ।**—সাধারণতঃ দ্বিবিধরূপে মাইয়ো-স্যালভারসন ইঞ্জেকসন করা হয় । যথা ;—

( ১ ) ইন্ট্রামাস্কিউলার ইঞ্জেকসন ( Intramuscular )

( ২ ) হাইপোডার্মিক ইঞ্জেকসন ( Hypodermic )

যথাক্রমে এই দ্বিবিধ ইঞ্জেকসন প্রণালী কথিত হইতেছে ।

( ১ ) **ইন্ট্রামাস্কিউলার ইঞ্জেকসন-প্রণালী ।**—গ্লুটিয়াল পেশীতে ( Gluteal muscles ) ইহার ইন্ট্রামাস্কিউলার ইঞ্জেকসন দেওয়া বিধেয় । অধিকাংশ চিকিৎসকের অভিমত এই যে, গ্লুটিয়াল ম্যাক্সিমাস ( Gluteus maximus ) পেশীর উর্দে এবং বহির্ভাগস্থ চতুর্থাংশ স্থানই ইঞ্জেকসনের পক্ষে বিশেষ উপযোগী । প্রক্বেসর হক্‌স্যান বলেন—“গ্লুটিয়াল পেশীতে গভীর ভাবে ইঞ্জেকসন দিলে, কোন বৃহৎ দারু আহত হইবার আশঙ্কা থাকে না । এতদর্থে ইলিয়াক ক্রেস্টের ( iliac crest ) ৩।৪ অঙ্গুলী নিরস্থ স্থানই উপযোগী । এইরূপ স্থানে গভীর ভাবে ধীরে ধীরে ইঞ্জেকসন দিলে,

কোন বৃহৎ নায়ু আহত বা কোন স্থানিক উপসর্গ উপস্থিত হয় না। ইউরোপীয় রোগীর ইঞ্জেক্সন দিতে, অন্ততঃ ১।০ ইঞ্চি এবং ভারতীয় রোগীর পক্ষে ১ ইঞ্চি পরিমাণ নিউল পেশী মধ্যে প্রবেশ করাইলেই যথেষ্ট হয়” ।

(২) হাইপোডার্মিক ইঞ্জেক্সন-প্রণালী।—কষ্টো-ল্যাটারাল (Costo lateral), ডর্সাল (Dorsal) কিম্বা সাবস্কাপুলার প্রদেশে (Subscapular regions) হাইপোডার্মিক ইঞ্জেক্সন দেওয়া বিধেয় ।

ইঞ্জেক্সন সম্বন্ধে সাবধানতা।—শুটিয়াল পেশীর চর্কিয়ুক্ত স্থানে ইন্ট্রামাস্কিউলার এবং চর্কিয়ুক্ত সাব্কিউটেনিয়াস টীণ্ডে হাইপোডার্মিক ইঞ্জেক্সন দেওয়া নিষিদ্ধ। এতদ্ভিন্ন ইহা ইন্ট্রাডার্মাল ইঞ্জেক্সনরূপেও প্রয়োগ করা কর্তব্য নহে। এইরূপ ইঞ্জেক্সনে প্রয়োগ স্থানে জ্বালা, যন্ত্রণা, ক্ষীতি ও বেদনাদি হইয়া থাকে।

ব্যবহার প্রণালী—(Method of use)।—বিভিন্ন পীড়ায় মাইয়ো-শ্যালভারসনের ব্যবহার সম্বন্ধে যে প্রণালী নির্দিষ্ট হইয়াছে, যথাক্রমে তাহা বিবৃত হইতেছে।

উপদংশ পীড়ায়।—চিকিৎসারম্ভে প্রথমতঃ অল্প মাত্রায়, স্বল্প সময় ব্যবধানে ইন্ট্রামাস্কিউলার বা হাইপোডার্মিক ইঞ্জেক্সনরূপে প্রয়োগ করা কর্তব্য। এতদর্থে ০.০৭৩ গ্রাম হইতে ০.০৫০ গ্রাম মাত্রায়, সপ্তাহে ২ বার ইঞ্জেক্সন বিধেয়। এইরূপ মাত্রা বেশ সহ হইলে, ২য় ইঞ্জেক্সনে ০.৩ গ্রাম মাত্রায় প্রয়োগ করিতে হইবে। অতঃপর ০.৪৫ গ্রাম এবং তৎপরে ০.৬০ গ্রাম মাত্রায় ইঞ্জেক্সন দিবে।

যতদিন পর্যন্ত রোগীকে মোটের উপর ৫—৬ গ্রাম মাইয়ো-শ্যালভারসন প্রযুক্ত না হয়, ততদিন পর্যন্ত সপ্তাহে ১ বার বা ২ বার ইঞ্জেক্সন দেওয়া কর্তব্য। অতঃপর কিছুদিন ঔষধ প্রয়োগ স্থগিত রাখিবে। তারপর, ৩।৪ সপ্তাহ পরে রোগীর রক্ত পরীক্ষা করিয়া, যদি উহার রক্তে উপদংশ-জীবাণু লক্ষিত হয়, তাহা হইলে উল্লিখিত প্রকারে ও মাত্রায়, পুনরায় দ্বিতীয়বার মাইয়ো-শ্যালভারসন প্রয়োগ করিতে হইবে। এইরূপ দ্বিতীয়বার ইহা প্রয়োগ করার পর, অধিকাংশ স্থলেই রক্ত হইতে উপদংশ-জীবাণু সম্পূর্ণরূপে অন্তর্হিত হইতে দেখা যায়। পীড়ার অবস্থানুসারে দ্বিতীয়বার চিকিৎসার পরও, যদি ৩।৪ সপ্তাহ পরে রক্ত পরীক্ষায়, রক্তে উপদংশ-জীবাণু বর্তমান থাকিতে দেখা যায়, তাহা হইলে মাসে একবার করিয়া ০.৬০ গ্রাম মাত্রায় ১ বৎসর ইঞ্জেক্সন দিলে, নিঃসন্দেহরূপে রোগীর রক্ত উপদংশ-জীবাণুবিহীন হয়।

অধিকাংশ রোগীতেই, প্রথমবার ইঞ্জেক্সনের পরই উপদংশের যাবতীয় লক্ষণ ও উপসর্গাদি দূরীভূত হইয়া থাকে এবং রোগী নিজেকে রোগমুক্ত বিবেচনা করে। কিন্তু রক্তে উপদংশ-জীবাণু সম্পূর্ণরূপে বিনষ্ট করিতে হইলে, দ্বিতীয় বার বা তৃতীয়বার চিকিৎসা করা কর্তব্য। ইহাতে রোগী উপদংশের কবল হইতে চিরদিনের জন্য মুক্ত হয়।

ম্যালেরিয়া। সর্বপ্রকার ম্যালেরিয়া করে—বিশেষতঃ, যে স্থলে কুইনাইন প্রয়োগের প্রতিবন্ধকতা থাকে বা কুইনাইন প্রয়োগে আশানুরূপ ফল পাওয়া না যায়,



সে স্থলে মাইয়ো-শ্যালভারসন প্রয়োগে যথেষ্ট উপকার পাওয়া যায়। এতদর্থে প্রথমতঃ ০.০৭৫—০.১৫ গ্রাম মাত্রায় একবার ইঞ্জেক্সন দিবে। রোগীর এই মাত্রা বেশ সহ্য হইলে, ২।৩ দিন অন্তর প্রত্যহ ১বার বা ২বার করিয়া কয়েকটা ইঞ্জেক্সন দিলেই, রোগীর রক্ত ম্যালেরিয়া-জীবাণুবিহীন হয় এবং জ্বর বন্ধ ও জ্বরের আনুষঙ্গিক বাবতীয় উপসর্গ দূরীভূত হইয়া থাকে। মাইয়ো-শ্যালভারসন ইঞ্জেক্সনের সহিত মুখপথে কুইনাইন প্রয়োগ করাও যায়। ইহাতে আরও অধিকতর শীঘ্র ফল পাওয়া যাইতে পারে।

**স্লিপিং সিকনেস্ (Sleeping Sickness)**।—স্লিপিং সিকনেস্ পীড়ায় মাইয়ো-শ্যালভারসন বিশেষ উপযোগিতার সহিত অনুমোদিত হইয়াছে। নিম্নলিখিতরূপে প্রয়োজ্য।

১ম দিন প্রাতে:—	০.৪৫	গ্রাম	মাত্রায়	একবার	ইন্ট্রাভেনাস ইঞ্জেক্সনরূপে	প্রয়োজ্য।
	সন্ধ্যায়:—	০.৪৫	গ্রাম	মাত্রায়	ইন্ট্রামাস্কিউলার	„ „
২য় দিন প্রাতে:—	০.৪৫	গ্রাম	মাত্রায়	১ বার	„ „	„
৩য় দিন—	০.২	গ্রাম	মাত্রায়	একবার	„ „	„
৯ম দিনে—	ঐ	ঐ	ঐ	ঐ	„ „	„
১৪শ দিনে	ঐ	ঐ	ঐ	ঐ	„ „	„

উল্লিখিতরূপে ইঞ্জেক্সন দেওয়ার পর, ৩ সপ্তাহ বাদে পুনরায় উল্লিখিতরূপে ইঞ্জেক্সন প্রয়োজ্য। এই দ্বিতীয়বার প্রত্যেক ইঞ্জেক্সনে উল্লিখিত মাত্রা অপেক্ষা ঔষধের মাত্রা ১/৩ অংশ হ্রাস করা কর্তব্য।

**বসন্ত (Small Pox)**।—বসন্ত রোগে মাইয়ো-শ্যালভারসন ফলপ্রদরূপে অনুমোদিত হইয়াছে। অনেকেই এতদ্বারা সুফলপ্রাপ্তি সম্বন্ধে অভিমত প্রকাশ করিয়াছেন। নিম্নলিখিতরূপে প্রয়োজ্য।

বসন্ত পীড়ার প্রারম্ভাবস্থায় ০.১৫ গ্রাম মাত্রায় ২।৩ দিন অন্তর একবার করিয়া ইঞ্জেক্সন দিবে। অধিকাংশস্থলে এইরূপ ভাবে ৮।১০ দিন ইঞ্জেক্সন দিলেই, পীড়া আরোগ্য হইয়া থাকে। পীড়ারোগ্যের পর ০.৪৫ গ্রাম মাত্রায় ২।৩ দিন অন্তর ২টা ইঞ্জেক্সন দিলে, বসন্তের চিহ্ন অন্তর্হিত হয়। বসন্ত রোগের প্রারম্ভে প্রয়োগ করিলেই যে উপকার পাওয়া যায়, তাহা নহে; শুষ্ক নির্গমনকালেও ইহা উল্লিখিতরূপে প্রয়োগ করা যাইতে পারে এবং তাহাতেও উপকার হয়।

**স্থানিক প্রয়োগ**।—ভিন্সেন্ট এঞ্জাইনা, ভেরিকোজ আলসার, মুখকত, পদকত (Vincent angina, Varicose ulcer, Stomatitis, ulcer of the leg. and similar condition) এবং এতাদৃশ পীড়ায় মাইয়ো-শ্যালভারসন স্থানিক প্রয়োগ করিলে সুফল পাওয়া যায়। এতদর্থে আক্রান্ত স্থানে ব্রাস, তুলা প্রভৃতি দ্বারা মাইয়ো-শ্যালভারসন চূর্ণ, স্থানিক প্রয়োজ্য, অথবা ইহার ১০% পারসেন্ট মিসিরিং জ্বব পীড়িত



স্থানে প্রয়োগ করা যায়। বিশুদ্ধ ঋতাবিক চর্কির সঙ্গে শতকরা ২৫ ভাগ (২৫%) মাইয়ো-শ্যালভারসন মিশ্রিত করিয়া মলম প্রস্তুত করতঃ, আক্রান্ত স্থলে প্রয়োগ করা যাইতে পারে। উল্লিখিত যে কোন প্রকারেই প্রয়োগ করা হউক, ঐ সকল পীড়ায় ইহা স্থানিক প্রয়োগে শীঘ্রই উপকার হইয়া থাকে।

**প্রতিক্রিয়া।**—মাইয়ো-শ্যালভারসন ইঞ্জেকসনের পর সাধারণতঃ বিশেষ কোন প্রতিক্রিয়া উপসর্গ উপস্থিত হইতে দেখা যায় না। তবে রোগীর দেহ স্বভাবের বিশেষত্ব এবং পীড়ার প্রকৃতি অনুসারে, কোন কোন স্থলে ২।১টা প্রতিক্রিয়া উপসর্গ উপস্থিত হইতে পারে। এইরূপে কোন কোন রোগীর ১ম ইঞ্জেকসনের পর স্বল্পকাল স্থায়ী উত্তাপ বৃদ্ধি হইতে দেখা যায়। ইঞ্জেকসনের পর এইরূপ উত্তাপ বৃদ্ধি হইলে, তৎক্ষণাৎ কোন প্রতিকারের ব্যবস্থা বা ইঞ্জেকসন স্থগিত করার প্রয়োজন হয় না।

ইঞ্জেকসনের পর কোন কোন রোগীর গাত্রে ক্ষণস্থায়ী ইরাপসন বহির্গত হইতে দেখা যায়। যদিও ইহা শীঘ্রই অন্তর্হিত হইয়া থাকে, তথাপি এরূপ স্থলে অন্ততঃ ১৪ দিনের মধ্যে আর ইঞ্জেকসন দেওয়া কর্তব্য নহে। কারণ, যে সকল রোগীর ইঞ্জেকসনের পর এইরূপ ক্ষণস্থায়ী ইরাপসন বহির্গত হয়, ১৪ দিনের মধ্যে পুনরায় তাহাদিগকে ইঞ্জেকসন দিলে, অনেক স্থলে সর্বাঙ্গব্যাপী চর্মরোগ উপস্থিত হইতে পারে। কেবল মাইয়ো-শ্যালভারসন বলিয়া নহে—আসেনোবেঞ্জলের অন্তান্ত যৌগিক প্রয়োগরূপ এবং মার্কারি দ্বারা চিকিৎসায়ও অনেক স্থলে এইরূপ চর্মরোগ উপস্থিত হইতে দেখা যায় এবং এই কারণেই, এই সকল ঔষধ প্রয়োগের পর চর্মরোগ প্রকাশ পাইলে, কিছুদিনের জন্য ইহাদের প্রয়োগ স্থগিত রাখা কর্তব্য। মাইয়ো-শ্যালভারসন ইঞ্জেকসনের পর স্থল বিশেষে এইরূপ চর্মরোগ প্রকাশ পাইলে, সোডিয়াম থিয়োসালফেট সলিউশন ইন্ট্রাভেনাস ইঞ্জেকসন করিলে শীঘ্রই ইহা আরোগ্য হয়।

মাইয়ো-শ্যালভারসন ইঞ্জেকসনের পর স্থল বিশেষে কোন কোন রোগীর শিরঃপীড়া উপস্থিত হইতে দেখা যায়। ইহাতে কোন ভয়ের কারণ নাই। ০.৩ গ্রাম (৪½ গ্রেণ) মাত্রায় পাইরামিডিন একবার সেবন করিলেই, এরূপ শিরঃপীড়ার উপশম হইয়া থাকে। অল্প কোন উপসর্গ উপস্থিত বা রক্তসঞ্চাপ হ্রাস হইলে ১/২—১ সি, সি, মাত্রায় এড্রিনালিন ক্লোরাইড সলিউশন ইন্ট্রাভেনাস বা সাল্ফিউটেনিয়াস ইঞ্জেকসন দিলে তাহার প্রতিকার হয়। মাইয়ো-শ্যালভারসন ইঞ্জেকসন দেওয়ার পূর্বে ১/২—১ সি, সি, মাত্রায় এড্রিনালিন ক্লোরাইড সলিউশন একবার ইঞ্জেকসন দিলে, রক্তসঞ্চাপ হ্রাস হইবার আর কোন আশঙ্কা থাকে না।

১ম বার ইঞ্জেকসনের পর উল্লিখিত বা অল্প কোন প্রতিক্রিয়া উপসর্গ উপস্থিত হয় কি না, তৎপ্রতি লক্ষ্য রাখা কর্তব্য। যদি কোন উপসর্গ উপস্থিত হইতে দেখা যায়, তাহা হইলে ঐ সকল উপসর্গ দূরীভূত না হওয়া পর্যন্ত, দ্বিতীয়বার ইঞ্জেকসন দেওয়া কর্তব্য নহে। এরূপ স্থলে ৪ দিনের পূর্বে পুনরায় ইঞ্জেকসন না দেওয়াই সমীচীন।

**নিষিদ্ধ প্রয়োগ ( Contra Indication )**।—সর্দি ( colds ), গলকণ্ড ( Sore-throat ) এবং পাকস্থলীর উত্তেজনা বর্তমানে ইহার প্রয়োগ নিষিদ্ধ। পূর্ববর্তী ইঞ্জেকসনে কোন ছন্দ্রক্ষণ বা প্রতিক্রিয়ায় পসর্গ উপস্থিত হইলে, পরবর্তী ইঞ্জেকসন অন্ততঃ ১৪ দিনের পূর্বে করা কর্তব্য নহে। প্রথম ইঞ্জেকসনে স্বল্প মাত্রার ভিন্ন, কদাচ অধিক মাত্রার প্রয়োগ করা নিষিদ্ধ।

**ইঞ্জেকসনের পর কর্তব্য।** চিকিৎসাকালীন—বিশেষতঃ, যেদিন মাইয়ো-স্যালভারসন ইঞ্জেকসন দেওয়া হইবে, সেদিন রোগীকে সম্পূর্ণ বিশ্রামে এবং ইঞ্জেকসনের পর অন্ততঃ ১৫ মিনিটকাল শয্যায় শান্ত স্থিতিতে অবস্থান করিতে উপদেশ দিবে।


**প্যাকেজ ( Package )**।—মাইয়ো-স্যালভারসন বায়ুবিহীন সম্পূর্ণ শাবক এম্পুল মধ্যে রক্ষিত হয়। ইহার ০.০৭৫ গ্রাম, ০.১৫ গ্রাম, ০.৩ গ্রাম, ০.৪৫ গ্রাম এবং ০.৬ গ্রামের এম্পুল পাওয়া যায়।

**এম্পুল উন্মুক্ত করণ ( Opening of the Ampoules )**।—প্রথমতঃ স্যাব্‌সলিউট এলকোহলে এক টুকরা তুলা সিক করিয়া, তদ্বারা এম্পুলের বহির্ভাগ বেশ করিয়া মুছাইয়া লইবে। তারপর, এম্পুলের বাইরের মধ্যে যে একটা উকা থাকে, ঐ উকাটি স্পিরিট ল্যাম্পের শিখায় একটু তাতাইয়া লইয়া, তদ্বারা এম্পুলের গলদেশস্থ খাঁজযুক্ত অংশের চারিদিকে ধীরে ধীরে পৌঁচ দিবে। অনন্তর এম্পুলের বাইরে যে একটা কাচের মোটা মিরেট নল ( Thin glass rod ) থাকে, ঐ রড্‌টা স্পিরিট ল্যাম্পের শিখায় ধরিয়া উহা লাগবর্ণ হইলে পূর্বোক্ত উকা দ্বারা এম্পুলের গলদেশের যে খাঁজযুক্ত স্থানে পৌঁচ দেওয়া হইয়াছে, ঐ স্থানের চতুর্দিকে ঘুরাইয়া এই উক্ত কাচের রড্‌টা সংলগ্ন করিবে। এইরূপ করিলেই, এম্পুলের গলদেশটা সহজেই পৃথক হইয়া, এম্পুলের মুখ উন্মুক্ত হইবে।

**সলিউসন প্রস্তুত প্রণালী।**—পরিষ্কৃত ( distilled ) বা স্টেরাইল ওয়াটার, ( Sterile water ) কিম্বা সাধারণ ফুটিত জলে ( ordinary boiled water ) অথবা ৪% পারসেন্ট সোডি ক্লোরাইড সলিউসনে ইহার সলিউসন প্রস্তুত করা যায়। ইঞ্জেকসনের অমতিপূর্বে সলিউসন সচ প্রস্তুত করিয়া লওয়া কর্তব্য। একবার ইঞ্জেকসনের উপযোগী সলিউসনই একবারে প্রস্তুত করা বিধেয়—পরবর্তী ইঞ্জেকসনের ক্ষুদ্র, কিম্বা অধিক সংখ্যক রোগীর জন্য এক সঙ্গে অধিক পরিমাণে সলিউসন প্রস্তুত করিয়া রাখা কদাচ সম্ভব নহে। প্রত্যেক রোগীর জন্য পৃথক পৃথক ভাবে সলিউসন প্রস্তুত করা উচিত সলিউসন প্রস্তুত করিয়া ইহা উর্ক করণান্তর প্রয়োগ করাও বাইতে পারে।

এম্পুল উন্মুক্ত করিবার পরই সিরিঞ্জ দ্বারা পরিষ্কৃত বা স্টেরাইল ওয়াটার এম্পুলের মধ্যে দিয়া ২।৪ বার সিরিঞ্জের পিষ্টন টানিলে ও ঠেলিলে, ঔষধ দ্রবীভূত হইয়া সলিউসন প্রস্তুত হইবে। অতঃপর যদি দ্রব উর্ক করিয়া প্রয়োগ করিতে হয়, তাহা হইলে উর্ক করার মধ্যে এম্পুলটা একটু রাখিয়া দ্রব উর্ক হইলে উহা সিরিঞ্জ মধ্যে টানিয়া লইয়া ইঞ্জেকসন দিবে।

জার্মানির সুপ্রসিদ্ধ কেমিষ্ট Meister Lucius & Bruning কর্তৃক মাইয়ো-স্যালভারসন প্রস্তুত হইয়াছে।



## একিউট লোবার নিউমোনিয়া । Acute Lobar Pneumonia.

লেখক—ডাঃ শ্রীনকুড় চন্দ্র চট্টোপাধ্যায় S. A. S.

রোগীর নাম—শ্রীতীর্থনাথ পশারী, বয়স ২৮ বৎসর . গত ৬ই জুলাই (১৯২৭)  
তারিখে এই রোগীর চিকিৎসার্থ আহূত হই ।

পূর্ব ইতিহাস (Previous history) ।—কিছুদিন পূর্ব হইতে রোগীর চক্ষুজ্বালা  
করিয়া শরীর উষ্ণ হইত । কোষ্ঠ পরিষ্কার ছিল না । ৩রা জুলাই সমস্ত বৈকাল জলে  
ভিজিয়া কাজ করিয়াছিল । ৪ঠা জুলাই রাত্রি ১১টার পর খুব কম্প দিয়া জ্বর আসে ।  
কম্প প্রায় আধ ঘণ্টার উপর স্থায়ী ছিল ।

বর্তমান অবস্থা (Present condition) ।—গাত্রোত্তাপ ১০৩ ডিগ্রী, নাড়ী  
১২০, এবং পূর্ণ ও কঠিন । শ্বাসপ্রশ্বাস প্রতি মিনিটে ৩৬, জিহ্বা হরিদ্রা বর্ণ লেপযুক্ত, প্লীহা  
ও লিভার বর্ধিত এবং মাথার যাতনা বর্তমান আছে । রোগী বলিল যে, তাহার বক্ষঃস্থলের  
দক্ষিণ পার্শ্বে গলার হাড়ের কাছ পর্যন্ত অসহ্য বেদনা, নিশ্বাস লইবার সময় ও কাশিবার  
সময় অত্যন্ত বেদনা অনুভব হয় ।

বক্ষপরীক্ষা (Auscultation) করিয়া দেখিলাম যে, স্তনের উপরিভাগে (Apex of  
the lungs) টিউবিউলার ব্রিদিং (Tubular breathing), এবং স্তনের নিকট হইতে  
নিম্ন পর্যন্ত তীব্র ঘর্ষণ শব্দ (friction sound) শ্রুতিগোচর হইতেছে ।

প্রতিঘাতে (on percussion) স্বাভাবিক রেজোন্যান্সের ব্যতিক্রম অর্থাৎ উহা কম  
ব্যতীত আর কিছু পাওয়া গেল না । দুই দিন বাহ্যে একেবারে হয় নাই, পেট ভার আছে ।

এই সমস্ত লক্ষণ দৃষ্টে রোগী যে, তরুণ ফুসফুস প্রদাহ (Acute Lobar pneumonia)  
পীড়ায় আক্রান্ত হইয়াছে, তাহা সিদ্ধান্ত-করতঃ নির্যুক্ত ব্যবস্থা করিলাম ।

## ১। Re.

হাইড্রোক্স সাবক্লোর	...	৫ গ্রেণ ।
সোডা বাইকার্ব	...	২০ গ্রেণ ।

একত্রে ২টী পুরিয়া । ২৩ বার দান্ত খোলসা না হওয়া পর্যন্ত, ৩৪ ঘণ্টাস্তর এক একটি পুরিয়া গরম জলসহ সেব্য ।

## ২। Re.

লাইঃ এমন সাইট্রাস	...	১ ড্রাম ।
সোডি সাইট্রাস	...	১০ গ্রেণ ।
পটাশ বাইকার্ব	...	১০ গ্রেণ ।
টীং একোনাইট	...	১ মিনিম ।
টীং ব্রাইওনিয়া	...	৩ মিনিম ।
সিরাপ টলু	...	১/২ ড্রাম ।
একোয়া ক্লোরফরম্	...	১/২ আউন্স ।

একত্রে ১ যাত্রা । এইরূপ ৪ যাত্রা । প্রতি যাত্রা ৩ ঘণ্টাস্তর সেব্য ।

৩। বন্ধস্থলে তিসির পুলটাস । প্রত্যেক পুলটাসের সহিত পিগাজ বাটীয়া ও ২ ড্রাম মাষ্টার্ড মিশাইয়া, আক্রান্ত স্থানে স্থাপন করতঃ বাঁধিয়া রাখিতে বলিলাম । ১ বা ২ ঘণ্টাস্তর ইহা বদলাইয়া দিতে ব্যবস্থা করিলাম—যতক্ষণ না জ্বালা ধরে । জ্বালা ধরিলে পুলটাস তুলিয়া, নিম্নোক্ত মালিষ আক্রান্ত স্থানে মর্দন করিয়া, এবসরবেণ্ট (Absorbent cotton) কটন দ্বারা ব্যাণ্ডেজ বাঁধিয়া রাখিতে বলিলাম ।

## ৪। Re.

লিনিমেন্ট ক্যান্ফর কোঃ	...	৪ ড্রাম ।
অয়েল ক্যাজপুট (১নং)	...	৪ ড্রাম ।
অয়েল ইউক্যালিন্টাস	...	৪ ড্রাম ।
লিনিমেন্ট বেলেডোনা	...	৪ ড্রাম ।

একত্র মিশ্রিত করিয়া, আক্রান্ত স্থানে মালিষ করিবে ।

প্ৰথ্যা । জল সাণ্ড ।

মাথার যন্ত্রণার জন্য, সমস্তাগ জল সহ ওডিকোলন মিশাইয়া মাথায় দিতে এবং পিপাসার জন্য গরম জল ঠাণ্ডা করিয়া ইচ্ছামত পান করিতে বলিলাম । আর লিভার ও প্লীহার উপর এবং সমস্ত পেটের উপর গরম জলের কোমেণ্টেশন করিতে বলিয়া বিদায় হইলাম ।

৭।৭।২৭। অল্প বেলা ৯টার সময় রোগীর নিকট উপস্থিত হইয়া দেখিলাম—  
উত্তাপ ১০৩, নাড়ী ১২০, শ্বাসপ্রশ্বাস ৪০, জিহ্বা লেপযুক্ত ও শুষ্ক । মাথার ব্যতন কিছু কম,

বুকের ঝাটনা এক রকমই আছে । ওনিলাম—১নং ঔষধ ১ পুরিয়া খাওয়ারইবার ২ ঘণ্টা পরে একবার বাছে হইয়াছিল । তারপর ২ ঘণ্টা অপেক্ষা করার আর দান্ত না হওয়াতে, আর একটা পুরিয়া খাওয়ান হয় । ইহাতে কল্য রাত্রি হইতে আজ ৯টা পর্য্যন্ত ৪বার পাতলা দুর্গন্ধযুক্ত বাছে হইয়াছে । এখনও পেট ডাকিতেছে, বোধ হয় আবার বাছে হইবে । পিপাসা বর্তমান আছে । বক্ষ পরীক্ষায় ফ্রিকশন ( Friction ) এবং শ্বস্ন ক্রিপিতেসন সাউণ্ড পাওয়া গেল ( fine crepitation ) ।

অনু নিম্নলিখিত ব্যবস্থা করিলাম ।—

e. Re.

লাইকর এমন সাইট্রেটস	...	১ ড্রাম ।
পটাশ সাইট্রাস	...	১০ গ্রেণ ।
টাং ডিজিটেলিস	...	৫ মিনিম ।
সোডি বেঞ্জোয়াস	...	৫ গ্রেণ ।
স্পিরিট এমন এরোমেট	...	১৫ মিনিম ।
মাইকোথাইমোলিন	...	১৫ মিনিম ।
টাং ব্রাইওনিয়া	...	২ মিনিম ।
সিরাপ টলু	...	১/২ ড্রাম ।
একোয়া সিনেমেন	...	এড ১ আউন্স ।

একত্রে ১ মাত্রা । এইরূপ ৬ মাত্রা । প্রতি ১ মাত্রা ৩ ঘণ্টাস্তর সেব্য ।

৬। মালিষ ও পুলটীস পূর্ববৎ ।

পথ্য । ছানার জল, বার্গিওয়াটার, বেদানা এবং গরম জল ঠাণ্ডা করিয়া কর্পূর দিয়া পান করিতে বলিয়া বিদায় হইলাম ।

৬।৭।২৭। আজ বেলা ১০টার সময় গিয়া ওনিলাম, রোগীর অবস্থা সমতাবেই আছে । তবে অত্যন্ত লাল চট্চটে আঠার মত কফ উঠিতেছে । রাত্রে ২।৩ বার ঘোর লাল রক্ত মিশ্রিত কফ উঠিয়াছে । সমস্ত দিনে ৩।৪ বার ও রাত্রেও ২ বার পাতলা বাছে হইয়াছে । বুকের বেদনা সমানভাবেই আছে । উত্তাপ ১০৩°, নাড়ী ১২০°, নিশ্বাস ৪০ । প্রত্যহ ৩।৪ বার হইয়াছে, পরিমাণ কিছু বেশী । বক্ষ পরীক্ষায় ফ্রিকশন ও ক্রিপিতেসন পাওয়া গেল । প্রতিঘাতে ডাল্ শব্দ ( complete dulness ) পাওয়া গেল । অনু নিম্নোক্ত ব্যবস্থা করিলাম ।

৭। Re.

স্পিরিট এমন এরোমেট	...	২০ মিনিম।
সোডি আয়োডাইড	...	২ গ্রেণ।
সোডি বেঞ্জোয়াস	...	৩ গ্রেণ।
সোডি সাইটাস	...	১৫ গ্রেণ।
থিওকোল	...	৫ গ্রেণ।
ভাইঃ ইপিকাক	...	৫ মিনিম।
টীং ডিজিটেলিস	...	১০ মিনিম।
মাইকোথাইমোলিন	...	১৫ মিনিম।
একোয়া সিনেমন	...	এড ১ আউন্স।

একত্রে এক মাত্রা। এইরূপ ৩ মাত্রা। প্রতি মাত্রা ৩ ঘণ্টাস্তর সেব্য।

৮। Re.

ক্যালসিয়াম ক্লোরাইড	...	১০ গ্রেণ।
ক্যালসিয়াম ল্যাক্টাস	...	১০ গ্রেণ।
এক্সঃ আর্গট লিকুইড	...	১৫ মিনিম।
সিরাপ বাকস উইথ হাইপোঃ ফস্ফ এণ্ড টলু	...	১ ড্রাম।
একোয়া	...	এড ১ আউন্স।

একত্রে ১ মাত্রা। এইরূপ ৪ মাত্রা। প্রতি মাত্রা ৩ ঘণ্টাস্তর, উপরোক্ত মিশ্র সহ পর্যায়ক্রমে সেব্য।

মালিষ ও পুলটাস এবং পথ্যাদি পূর্ববৎ।

৯। ৭। ২২।—অণু উত্তাপ ১০২° নাড়ী, শ্বাসপ্রশ্বাস ও অণুগত অবস্থা পূর্ববৎ, তবে কফে আর রক্তের ছিট নাই। দিবারাত্রে ৩বার বাহ্যে হইয়াছে। ফেনা ফেনা আটালু লাল আভাযুক্ত গয়ের উঠিতেছে। পিপাসা তত নাই।

অণু পূর্বদিনের ৭নং ও ৮নং মিশ্র পূর্ববৎ পর্যায়ক্রমে সেবনের ব্যবস্থা দিলাম। বৃকে পুলটাস, মালিষ, এবং পথ্যাদি পূর্ববৎ।

১০। ৭। ২৭।—অণু উত্তাপ ১০৩ ডিগ্রী, নাড়ী ১২০, শ্বাসপ্রশ্বাস ৪২। গতকল্য রাত্রি হইতে রোগী পৃষ্ঠদেশে বেদনা অনুভব করিতেছে। বাহ্যে ২ বার হইয়াছিল। রাত্রিতে কষ্টকর কাশির জ্ঞ রোগী অস্থির হইয়া পড়িয়াছিল। অনুসন্ধানে জানিলাম যে সন্ধ্যার সময় বেশ ভালরকম পুলটাস দেওয়া হয় নাই। আর গা জ্বালা করিয়াছিল বলিয়া রোগী ব্যাণ্ডেজ বাঁধিতে দেয় নাই, প্রায় ২৩ ঘণ্টাকাল ঘরের দরজা খুলিয়া রাখিয়া, গাত্রে পাখার বাতাস করা হইয়াছিল। ইহার পর হইতেই কাশি বৃদ্ধি পাইয়াছিল। বাহা হউক, গাত্রে ঠাণ্ডা লাগানের জ্ঞই যে কাশি বাড়িয়াছিল, সে কথা ভাল করিয়া বুঝাইয়া দিয়া, বাহাতে নিয়মিত পুলটাস দেওয়া হয় ও উত্তমরূপে ব্যাণ্ডেজ বাঁধা হয়, তাহা



বিশেষ করিয়া বলিয়া দিলাম । অল্প বক্ষ পরীক্ষায় স্থানে স্থানে ফাইন ক্রিপিটেশন (fine cripitation) এবং ঘর্ষণ শব্দ পাওয়া গেল । যে যে স্থলে ক্রিপিটেশন শব্দ পাওয়া গেল, না, সেই সেই স্থলে ডাল শব্দ অধিক পরিমাণে শ্রুত হইল । এতদ্বারা স্পষ্টই প্রতীয়মান হয় যে, এই সকল স্থানের বায়ুকোষ সমূহ (Air cells) আটালু শ্লেমা দ্বারা পূর্ণ হইয়া নিরেট হওয়াতেই ক্রিপিটেশন শব্দ অন্তর্হিত এবং তৎস্থলে ডাল (dull) শব্দের উৎপত্তি হইয়াছে । এতদ্বারা আশুও বুঝা গেল যে, পীড়া ২য় অবস্থায় উপনীত হইয়াছে ।

অল্পও পূর্কোক্ত ৭নং ও ৮নং মিশ্র দুইটি পূর্কবৎ পর্যায়ক্রমে সেবনের ব্যবস্থা দিলাম । ৮নং মিশ্রের প্রতি মাত্রায় ১/২ ড্রাম করিয়া একটুকু আর্গট লিকুইড আছে । বায়ুকোষ ও বায়ুনলী শ্লেমা দ্বারা আবদ্ধ আছে, একপস্থলে আর্গট প্রয়োগ হয়ত অনেকে অসম্মত মনে করিতে পারেন । কিন্তু ইহা বায়ুনলীর অরেখ পেশীর উপর উত্তেজক ক্রিয়া প্রকাশ করিয়া শ্লেমা নিঃসরণের সহায়তাই করিয়া থাকে ।

উক্ত ২টি মিশ্র ব্যতীত অল্প নিম্নলিখিত ব্যবস্থা করিলাম ।

৯। Re.

সোডা বাইকার্ব	...	১০ গ্রেণ ।
গ্লিসিরিন এসিড্ কার্বলিক	...	১/২ ড্রাম ।
এমন ক্লোরাইড্	...	৫ গ্রেণ ।
একোয়া	...	১ আউন্স

স্টিম অটোমাইজার ( Steam automizar ) দ্বারা সকালে ও সন্ধ্যায় স্প্রে ( spray ) দেওয়ার ব্যবস্থা করা হইল । অয়েল ইউক্যালিপটাস মাঝে মাঝে বিছানায় ছড়াইতে ও আশ্রয় লইতে বলিলাম ।

১০। Re.

লিকুইড্ গ্লুকোজ	...	১ আউন্স ।
ইউরোট্রোপিন্	...	১/২ ড্রাম ।
একোয়া	...	১ পাইন্ট ।

একত্র মিশ্রিত করিয়া ইহা ইচ্ছামত পান করিতে বলা হইল ।

১১। Re.

মকরম্বজ	...	২ গ্রেণ ।
---------	-----	-----------

এক মাত্রা । সন্ধ্যাকালে মধু সহ সেব্য ।

পথ্যাদি পূর্কবৎ ।

১১।৭।২৭।—অল্প রোগীর অবস্থা প্রায় সমতাব । পূর্কোক্ত মিশ্রের পরিবর্তে অল্প নিম্নোক্ত ব্যবস্থা করিলাম ।

১১। Re.

স্পিরিট এমন এরোসেট	..	১৫ মিনিম।
সোডি আইয়োডাইড	...	২ গ্রেণ।
সোডি বেঞ্জোয়াস	...	৫ গ্রেণ।
সোডি সাইট্রাস	...	১৫ গ্রেণ।
থিয়োকোল (রোচি)	....	৫ গ্রেণ।
টীং ট্রোফাস	...	৩ মিনিম।
টীং মাক ( B. B. )	...	২০ মিনিম।
সিরাপ টলু	...	১ ড্রাম।
একোয়া সিনেমন্	...	এড্. ১ আউন্স।

একত্র এক মাত্রা। এইরূপ ৬ মাত্রা। প্রতি মাত্রা ৩ ঘণ্টার সেব্য।

১৩। Re.

ক্যাফিন সাইট্রাস	...	৪ গ্রেণ।
মকরধ্বজ	...	২ গ্রেণ।

একত্র একমাত্রা। এইরূপ ২ মাত্রা। সকালে ও সন্ধ্যায় মধু সহ এক এক পুরিয়া সেব্য।

অস্ত্র ব্যবস্থা ( ৯নং, ১০নং ) এবং পথ্যাদিও পূর্ববৎ ।

১২।৭।২৭।—অস্ত্র অপরাহ্ন বেলা ৪ টার সময় রোগী দেখিলাম। রোগীর অবস্থার কথঞ্চিৎ হিতপরিবর্তন দেখা গেল। উত্তাপ ১০২.৫ ডিগ্রী, নাড়ী কোমল, সঞ্চাপ্য, উহার স্পন্দন সবিরাম ও অনিয়মিত। ৭।৮ বার স্পন্দনের পর এক একবার উহার বিরাম হইতেছে। শ্বাসপ্রশ্বাসের সংখ্যা ৪২, হৃদস্পন্দন অনিয়মিত ও সবিরাম। কিন্তু হৃদপিণ্ডের ২য় শব্দ ( Second sound ) কীণ নহে। বক্ষ পরিক্ষায় ফুস্ফুস্ কতকটা পরিষ্কার হইয়াছে বুঝা গেল, আঁটালু গ্রেয়া অনেকটা তরল হইয়াছে, কাশি হইতেছে, এবং উহা কষ্টকর নহে, প্রত্যেকবার কাশির সঙ্গে কফ উঠিতেছে। বুকের বেদনা অনেক কম হইয়াছে। পিপাসাও বেশী নাই। জিহ্বা সরস ও অনেকটা পরিষ্কার হইয়াছে।

শুনিলাম—কাহাকেও না বলিয়া অস্ত্র প্রাতে: রোগী মলতাগ করিতে গিয়াছিল এবং আসিবার সময় মাথা ঘুরিয়া পড়িয়া গিয়াছিল। ইহার পর হইতেই নাড়ীর গতি উক্তরূপ অনিয়মিত ও সবিরাম হইয়াছে।

অস্ত্র নিয়মিত ব্যবস্থা করিলাম।

১৪। Re.

পিটুইট্রিন ... ১ সি. সি.।

রাহতে হাইপোডার্মিক ইঞ্জেকশন দিলাম। এবং—

১৫। Re.

স্পিরিট এমন এরোমেট	...	২০ মিনিম।
সোডি সাইট্রাস	...	১৫ গ্রেণ।
সোডি বেঞ্জোয়ান	...	৫ গ্রেণ।
টীং ট্রোফাস্	...	৫ মিনিম।
টীং মাক ( B. B. )	...	২০ মিনিম।
এড্রিনালিন্ ক্লোরাইড সলিউসন	...	৫ মিনিম।
স্পিরিট ভাইনাম গ্যালিসাই	...	১/২ ড্রাম।
সিরাপ বাকস উইথ্ টলু	...	১/২ ড্রাম।
একোয়া ক্লোরোকরম	...	এড ১ আউন্স।

একত্রে ১ মাত্রা। এইরূপ ৪ মাত্রা। প্রতিমাত্রা ৩ ঘণ্টাস্তর সেব্য।

১৬। Re

মকরধ্বজ	...	৬ গ্রেণ।
ক্যাফিন সাইট্রাস্	...	১২ গ্রেণ।

একত্রে মিশ্রিত করিয়া ৩ মাত্রা। সন্ধ্যায়, একটা ও পরদিন প্রাতে এক মাত্রা এবং যদি বেশী ঘর্ম হয়, তাহা হইলে রাত্রি ২।০ প্রহরের সময় ১ মাত্রা মধুসহ সেব্য।

অস্ত্রাবস্থা পূর্ববৎ।

১৩।৭।২৭।—অস্ত্র রোগীর অবস্থা ভাল। নাড়ীর স্পন্দন নিয়মিত হইয়াছে, আর সবিরাম ও কোমল নাই। অস্ত্রাবস্থা পূর্ববৎ। উত্তাপ ১০২, শ্বাসপ্রশ্বাস ৪০, নাড়ীর স্পন্দন ১২০ বার। ১ বার দান্ত ও ৩ বার প্রস্রাব হইয়াছে।

অস্ত্রও পূর্বদিনের স্তায় ঔষধ পথ্যাদি ব্যবস্থা করিলাম। কেবল ১৫নং মিশ্র হইতে এড্রিনালিন বাদ দিয়া ৫ গ্রেণ মাত্রায় তিনকোল যোগ করিয়া দিলাম।

ঘর্ম হইলে পুলটাস প্রয়োগ বন্ধ রাখিতে বলিলাম।

১৪।৭।২৭।—অস্ত্র প্রাতে: রোগীর নিকট গিয়া শুনিলাম যে, কল্য রাত্রি হইতে ঘর্ম হইতেছে। ইহাতে বাড়ীর লোকে ভয় পাইয়াছে। কিন্তু দেখিলাম—রোগীর ক্রাইসিস (Crisis) আরম্ভ হইয়াছে, সুতরাং ইহাতে ভয়ের কোন কারণই নাই, বরং রোগীর আরোগ্য সন্নিকট, তাহা বুঝাইয়া বলিলাম। অস্ত্র রোগী বেশ শান্তি বোধ করিতেছে। উত্তাপ ৯৮ ডিগ্রী, শ্বাসপ্রশ্বাস ৩৬, নাড়ী অপেক্ষাকৃত সবল এবং নিয়মিত। বক্ষ পরিকায় বৃহৎ কেশমর্দনবৎ ও হানে স্থানে ময়েষ্ট রালস্ শব্দ পাওয়া গেল। রোগী আজ খুব দুর্বলতা বোধ করিতেছে। এখনও অন্ন অন্ন খাব হইতেছে।

অস্ত্রও ঔষধ পথ্যাদি পূর্ববৎ ব্যবস্থা করিলাম। পথ্যার্থ এক বকা ছুধ জল মিশাইয়া ২।৩ বার খাইতে বলিলাম।

১৫।৭।২৭।—অণু উত্তাপ ৯৭°৫ ডিগ্রী, শ্বাসপ্রশ্বাস ২৬, নাড়ীর স্পন্দন ৮৫। কাশির সহিত সহজেই তরল কফ উঠিতেছে। বুকের বেদনা প্রভৃতি আর কোন বিশেষ উপসর্গ নাই। রোগীর ক্ষুধা হইয়াছে।

ঔষধ ও পথ্যাদি পূর্ববৎ। অণু এতদসহ নিম্নলিখিত ব্যবস্থা করিলাম।

১৭। Re.

ভাইনাম গ্যালিসাই	...	১ ড্রাম।
লাইকর ট্রীকনিয়া	...	২ মিনিম।

একত্র ১ মাত্রা। এইরূপ ৪ মাত্রা। প্রতি মাত্রা ৬ ঘণ্টাস্তর সেব্য।

অণু ১৬নং পুরিয়া ছইবার সেবনের ব্যবস্থা করিলাম।

১৬।৭।২৭।—অবস্থা সর্কাংশেই ভাল। ঔষধ পথ্যাদি পূর্ববৎ।

১৭।৭।২৭।—রোগী ভাল আছে, কোন উপসর্গ নাই, উত্তাপ স্বাভাবিক, ক্ষুধা হইয়াছে। ঔষধাদি পূর্ববৎ। পথ্যার্থ অণু জীবিত মৎস্যের ঝোলসহ বালি এবং এক বক্সা দুধ ব্যবস্থা করিলাম।


১৮।৭।২৭।—রোগী ভাল আছে। ক্ষুধা বৃদ্ধি হইয়াছে। ঔষধ ও পথ্যাদি পূর্ববৎ।

১৯।৭।২৭।—গত ৩ দিন রোগীকে দেখা হয় নাই, অবস্থা বলিয়া বাড়ীর লোকে ঔষধ লইয়া যাইত। অণু রোগী দেখিলাম। দেখিলাম—রোগী বেশ ভালই আছে, কফ নিঃসরণ অনেক হ্রাস হইয়াছে এবং যেটুকু গয়ের উঠিতেছে, তাহা বেশ সরলভাবেই উঠিতেছে। রোগীর অত্যন্ত ক্ষুধা হওয়ায়, অণু সূজির রুটী এবং জীবিত মৎস্যের ঝোল ব্যবস্থা করিলাম।

ঔষধ পূর্ববৎ, তবে ১৫নং মিশ্র প্রত্যহ ৩ বার ও ১৬নং পুরিয়া প্রাতে: ১বার করিয়া সেবনের ব্যবস্থা করিলাম।

২০।৭।২৭।—রোগী সম্পূর্ণ সুস্থ। অণু অন্ন পথ্য দেওয়া গেল এবং সেবনার্থ ১৫ নং মিশ্র প্রত্যহ ১ বার সেবনের ব্যবস্থা করিয়া বিদায় হইলাম।

৩:৪ দিন পরে ১টা টনিকের ব্যবস্থা করিয়া দিলাম। রোগী এক্ষণে বেশ ভাল আছে।



## হোমিওপ্যাথিক অংশ ।

২০শ বর্ষ

১৩৩৪ সাল-পৌষ।


৮ম সংখ্যা

হোমিওপ্যাথিক ঔষধের সহিত ইঞ্জেকসন ।

লেখক—ডাঃ শ্রী প্রমথনাথ চক্রবর্তী H. L. M. S.

বাউলপুর (খুলনা)

(পূর্বে প্রকাশিত ৮ম সংখ্যার (অগ্রহায়ণ) ৩৭৩ পৃষ্ঠার পর হইতে)



১০।৭।.৫। অণু রোগীর অবস্থা অনেকটা ভাল। দেখিলাম—পূর্বের উপসর্গ কিছুই নাই। নাড়ী স্বাভাবিক পিণাসা সামান্য আছে, প্রাতে: একবার মাত্র দান্ত হইয়া আর হয় নাই ও তজ্জন্ত পেটে কোনও উদ্বেগ নাই। চক্ষু সামান্য লালভ।

উক্ত অবস্থা দৃষ্টে নিম্নলিখিত ব্যবস্থা করিলাম।

৭। বেলেডোনা ৩০ শক্তির ৬ মাত্রা, এবং

৮। নল্লভমিকা ৩০ শক্তির ৬ মাত্রা।

এই ২টা ঔষধ পর্যায়ক্রমে ২ ঘণ্টাস্তর সেব্য। এই সঙ্গে—

৯। Re

গাঁদা ফুলের পাতা }  
পাথর চূনার পাতা } যত টুকু দরকার,  
পাকা কলা ২টা,  
সোরা—১/৪ তোলা।

উল্লিখিত দ্রব্যগুলি একত্রে বাটিয়া তলপেটে প্রলেপ দিতে বলিলাম। রোগীর সুজাধারে প্রত্যাহ জমিয়া আছে জানিয়া এই প্রলেপ ব্যবস্থা করিলাম।

অন্তান্ত ব্যবস্থা—পূর্ববৎ ।

পৌষ—৫

১৯১৭।২৩। অগ্নি রোগীর একজন নিকট আত্মীয় আসিয়া সংবাদ দিলেন—“গত রাত্রে রোগীর ২ বার প্রস্রাব ও বাহ্যে হইয়াছে, চক্ষুর রং স্বাভাবিক হইয়াছে, অগ্নি কোন উপসর্গ কিছুই নাই। রোগী ক্ষুধার জগ্ন বড়ই কাতর হইয়া পড়িয়াছে।”

অগ্নি নিম্নলিখিত ঔষধ ও পথ্যের ব্যবস্থা করিলাম।

১০। চায়না ৩০ শক্তির ৮ মাত্রা এবং

১২। নলভমিকা ৩০ শক্তির ৮ মাত্রা

এই দুইটি ঔষধ পর্যায়ক্রমে ৪ ঘণ্টাস্তর সেব্য।

পথ্য। লেবুর রস সহ ওরল বালী।

১৯১৭।২৫। অগ্নি রোগীর দুর্বলতা ও অত্যন্ত ক্ষুধার উদ্বেক ভিন্ন অগ্নি কোন উপসর্গ নাই। অগ্নি নিম্নলিখিত ঔষধ ও পথ্যের ব্যবস্থা করিলাম।

১২। চায়না ৫০ শক্তির ৬ মাত্রা।

প্রত্যহ ২ মাত্রা সেব্য।

পথ্য। অগ্নি অন্ন মণ্ড ও আগামী কল্যা ধানকুনীর ঝোল ও ভাত দিতে বলিয়া বিদায় দিলাম।

(৪) রোগী। মোকাম্মেল আলী মোল্যা। বয়স ১৮ বৎসর, ২ই এপ্রেল (১৯২৭) তারিখে উক্ত রোগীর চিকিৎসার্থ আমি আহূত হই।

পূর্ব ইতিহাস। প্রায় ১০।১২ দিন পূর্বে রোগী তাহার বাটীর নিকটবর্তী এক আত্মীয়ের বাটীতে কোন কার্য উপলক্ষে নিমন্ত্রিত হইয়া যথেষ্ট পরিমাণে মাংস আহার করিয়াছিল। তদবধি রোগীর রীতিমত কোষ্ঠ পরিষ্কার ও ক্ষুধা না হওয়ায় পেটে একটু ভার বোধ ও বেদনা অনুভব করার পর গত কল্যা অর্থাৎ ৮।৪।২৭ তারিখ রাত্রে দাস্ত ও বমি আরম্ভ হয়।

বর্তমান অবস্থা, নাড়ী খুব ক্ষীণ, পেটে অত্যন্ত বেদনা সহ সাদা আময়ুক্ত দাস্ত ও ঘোলাটে জলের গ্ৰায় বমি হইতেছে। পিপাসা আছে, বাহ ও বমির সময় পরিশ্রমের জগ্ন কপালে, মুখমণ্ডলে ও বক্ষে ঘর্ম হইতেছে। হাত পা শীতল, চক্ষু সামান্য লাল আভায়ুক্ত।

রোগীর উক্ত অবস্থা দৃষ্টে আমি নিম্নলিখিত ব্যবস্থা করিলাম।

১। নলভমিকা ৩০ শক্তির ৮ মাত্রা এবং

২। বেলেডোনা ৩০ শক্তির ৮ মাত্রা,

এই ২টি ঔষধ পর্যায়ক্রমে ১½ ঘণ্টাস্তর সেব্য। এই সঙ্গে —

৩। Re.

পিটুইট্রিন ½ সি, সি, এম্পুল ১টি ক্রমশে হাইপোডার্মিক ইন্জেকশন দিলাম।

পিপাসা নিবারণার্থ ডাবের জল, কমলা ও বেদানার রস ব্যবস্থা করিলাম।



১০।৪।২৭। অণু প্রাতে: রোগী দেখিলাম। শুনিলাম— গত রাত্রে ২ বার প্রস্রাব হইয়াছে। এক্ষণে আর কোনও বিশেষ উপসর্গ নাই। রোগী বসিয়া আছে, চক্ষু সামান্য লাল ও একটু জ্বর হইয়াছে বলিয়া মনে হইল। ক্ষুধাও হইয়াছে বলিল। অণু নিম্নলিখিত ব্যবস্থা করিলাম।

৪। বেলেডোনা ৩০ শক্তির ৪ মাত্রা। এবং—

৫। একোনাইট নেপ ৩শক্তির ৪ মাত্রা,

এই ২টা ঔষধ পর্যায়ক্রমে ৪ ঘণ্টান্তর সেব্য।

পথ্য। বালী ওয়াটার।

১১।৪।২৭। অণু জনৈক লোক আসিয়া বলিল যে, “রোগীর আর কোনও উপসর্গ নাই। রোগীর অত্যন্ত ক্ষুধা হইয়াছে”। রোগীর অবস্থা শুনিয়া অণু ধানকুনীর খোল সহ অন্ন পথ্যের ব্যবস্থা করিলাম। ঔষধের আর দরকার না থাকিলেও, রোগীর মনস্ত্বষ্টির জন্ত অনৌষধি পুরিয়া ৪টা দিয়া, উহা প্রত্যহ ২ মাত্রা করিয়া সেবনের উপদেশ দিলাম।

আগামী সংখ্যায় সমাপ্য।

## ফুস্ফুসীয় পীড়ায় ব্যবহার্য ঔষধ সমূহের প্রভেদ নির্ণয় ও প্রয়োগ বিচার।

লেখক—ডাঃ শ্রীসীতানাথ ভট্টাচার্য H. L. M. S. ঢাকা।

—:0:—

রোগিনী।—কৈলাসহর ডিভিসনের পেশ্কার বাবুর মাতা। বয়স প্রায় ৬৫ বৎসর। তাঁহার চিকিৎসার নিমিত্ত আমি আহূত হইয়া দেখিলাম—তাঁহার অত্যন্ত শুষ্ক কাশি হইতেছে। কাশিতে কাশিতে কিয়ৎকণ পরে হরিদ্রাভাষুক্ত রক্তবৎ ছুশ্ছেদ গয়ের নির্গত হইয়া থাকে। স্বরভঙ্গ হওয়ায় কথা কহিতে কষ্ট হয়। রোগিনীর প্রমুখ্যাৎ জ্ঞাত হইলাম যে, ঋসবন্ধে স্চীবিদ্ধবৎ বেদনা অনুভূত হইতেছে। প্রায় ৬ মাস যাবত তাঁহার এই অসুখ হইয়াছে। এখন উত্তরোত্তর বৃদ্ধি হওয়ায় আমার চিকিৎসাধীন হইয়াছেন।

আমি তাঁহার সমস্ত লক্ষণের (Symptoms) প্রতি লক্ষ্য করতঃ, ক্যালিবাইকোমিকামই তাঁহার যোগ্য ঔষধ নির্বাচন করিয়া, উক্ত ঔষধের ex ক্রম, ১ ফোঁটা মাত্রায় ৪ ঘণ্টা অন্তর. প্রত্যহ ৬ বার সেবনের ব্যবস্থা করিলাম। এইরূপ ৫।৭ দিবস প্রয়োগের পর, স্বরভঙ্গ, কাশি ও বৃকের ব্যথা কিঞ্চিৎ উপশম পরিলক্ষিত হওয়ায়, এই

ঔষধই ৬ ঘণ্টা অন্তর ২২ দিন পর্যন্ত প্রত্যহ একবার করিয়া সেবনের ব্যবস্থা করিলাম ।  
তৎপর ঐ ঔষধই ১২ ঘণ্টা পর এক মাত্রা সেবনের ব্যবস্থা করিয়া, দেড় মাসে এ রোগিনীকে  
আরোগ্য করা হইয়াছিল ।

### ( ৩ ) ফস্ফরাস—Phosphorus.

ফস্ফরাসের বিষক্রিয়ায় স্বরভঙ্গ ( Larynx ) ও ট্রেকিয়া Trachea ( কণ্ঠনালী ) তে  
ক্ষত বোধ, বারংবার খুসখুসে কাশি ও গলা টানা ( খেকুর দেওয়া ) কণ্ঠনালীর নিম্নাংশে  
সুড় সুড়ি ও বক্ষস্থলের উপরাংশে শ্বাসরোধ জনক পেশন বোধ ; স্বরভঙ্গ ও কর্কশ কাশি ।  
পুনঃপুন শুষ্ক কাশি সহ অল্প পরিমাণ গয়ের উঠা । উভয় ফুসফুসের পশ্চাৎ অংশে সর্দির  
ভ্রায় লক্ষণ । বিশেষতঃ দক্ষিণ দিকে কাশির সঙ্গে পূর্ববৎ বা স্বচ্ছ চট্চটে কফের  
উৎসারণ ও সম্পূর্ণ স্বরনাশ সহ শ্বাসকৃচ্ছ উপস্থিত হয় ।

### রোগী কল্প ।

রোগিনী । নোয়াপত্তন নিবাসী শঙ্কর শালীর পুত্রবধু । বয়স ২৪ বৎসর । রোগিনী  
আমার চিকিৎসাধীন হইলে জিজ্ঞাসা করিয়া জানিলাম যে, ক্ষত হইলে ঘেরূপ টাটানী বোধ  
হয়, কণ্ঠনালীতে সেইরূপ অনুভব করিতেছে ; এবং কণ্ঠনালীর নিম্ন হইতে সুড় সুড় করিয়া  
বারংবার খুসখুসে কাশি উদ্ভব হইয়া কাশিতে কাশিতে অল্প পরিমাণ শুষ্ক গয়ের উঠিয়া  
থাকে । গয়ের স্বচ্ছ ও চট্চটে । স্বরভঙ্গ, অধট তাহা কর্কশ । আর ও অবগত হইলাম  
রোগিনীর কণ্ঠনালীতে কফ সঞ্চয় হওয়ার, গলা টানিয়া তাহা পাতলা না করিলে তদরূপ  
সময় সময় শ্বাসকৃচ্ছের উপক্রম হইয়া থাকে ।

রোগিনীর এবিধ অবস্থা দৃষ্টে ফস্ফরাস ( Phosphorus ) ইহার উপযুক্ত ঔষধ মনে  
করিয়া, উহা ৬x ক্রম ১ ফেঁটা ৩ ঘণ্টা অন্তর ১ মাত্রা ব্যবস্থা করতঃ বাসায় ফিরিয়া  
আসিলাম । ৪ দিবস এইরূপ প্রত্যহ ১ মাত্রা সেবনের পর রোগের হ্রাস অনুসারে ঔষধ  
সেবনের সময় দীর্ঘ করিয়া দিয়াছিলাম ইহাতে ১৫/১৬ দিবসেই রোগিনী সম্পূর্ণ  
আরোগ্য হইয়াছিল ।

( ক্রমশঃ )

## দুর্দমনীয় কাশি—ব্রাইয়োনিয়া ।

লেখক—ডাঃ শ্রীমলিনাক্ষ মিত্র H. L. M. S.

আইলহাঁস বাজার ( নদায়া )

— ::0:: —


রোগী ।—একটি মুসলমান বালক । বয়স ৩ বৎসর । গত ৯ই কার্তিক তারিখে  
তাহার চিকিৎসার অন্ত আহুত হই ।

রোগির নিকট উপস্থিত হইয়া দেখিলাম—রোগী ডান দিক চাপিয়া স্থির ভাবে শুইয়া

মাছে। আমি উপস্থিত হইলে রোগীর পিতা রোগিকে কোলে উঠাইয়া লইল; কোলে উঠান মাত্রই রোগী কাশিতে আরম্ভ করিল; প্রায় ১৫ মিনিট কাল রোগী কোলে ছিল, উক্ত সময় ব্যাপিয়া অনবরতই শুষ্ক কাশি হইতে লাগিল। কাশি এরূপ প্রবল যে, প্রতি ক্ষণেই মনে হইতেছিল—শিশুর যেন দম বন্ধ হইয়া গেল। রোগীর মাথায় বাতাস দিতে বলিলাম। রোগীর পিতা উত্তর করিল যে বাতাস ইত্যাদি কিছুতেই কাশি কমিবে না, শোয়াইয়া দিলে স্থির থাকিবে। তখন তাহাই করা হইল। রোগীকে চিং করিয়া শোয়াইয়া দেওয়া হইল, কিন্তু রোগী নিজে পুনরায় ডান দিকে চাপিয়া শয়ন করিল এবং ৩:৪ মিনিটের মধ্যে কাশি থামিয়া রোগী বেশ সুস্থ হইল।

এতাদৃশ অবস্থা দৃষ্টে বুঝিলাম যে রোগীর কাশি “নড়া চড়ায় বৃদ্ধি” হয়। আরও ১০ মিনিট কাল অপেক্ষা করিয়া রোগী বেশ সুস্থ হইলে রোগীকে পরীক্ষা করিতে আরম্ভ করিলাম। দেখিলাম রোগীর শরীর হরিদ্রা বর্ণ, জ্বর ১০১°২ ডিগ্রী; লিভার বড় হইয়াছে। জিজ্ঞাসা করিয়া জানিলাম যে কোষ্ঠবদ্ধ আছে, প্রস্রাব হরিদ্রাবর্ণ, পিপাসা বেশী নহে, জ্বর সর্বদা থাকে, বৈকালে একটু বৃদ্ধি হয়। বক্ষ পরীক্ষায় হৃৎপিণ্ড ও ফুসফুসে বিশেষ কোন দোষ নাই দেখা গেল। এই সমস্ত অবস্থা দৃষ্টে দুই মাত্রা ব্রাইয়োনিয়া ৬, এবং রোগীর অভিভাবকদিগের মনস্তত্ত্বের জ্ঞান আর ৪ মাত্রা প্লাসিবো দিলাম। প্রথমে ৩ ঘণ্টা অন্তর দুই মাত্রা ব্রাইয়োনিয়া ৬ সেবন করিয়া তাহার পরে ৩ ঘণ্টা অন্তর ৪ মাত্রা প্লাসিবো সেবন করিবার ব্যবস্থা করিয়া বিদায় হইব—এরূপ সময় “নড়া চড়ায় বৃদ্ধি” লক্ষণটি বিশেষ করিয়া দেখিবার কৌতুহল হইল। তখন আবার রোগীকে কোলে লইতে বলিলাম। কোলে লইবা মাত্র পুনরায় সেইরূপ হৃদমনীয় কাশি আরম্ভ হইল। কিছুক্ষণ পরে রোগীকে শোয়াইয়া দেওয়া হইলে রোগী সুস্থ হইল। “নড়া চড়ায় হৃদমনীয় কাশির উদ্ভব” এইটাই ব্রাইয়োনিয়ার একটা বিশিষ্ট লক্ষণ। এই লক্ষণটির উপর নির্ভর করিয়াই আমি এই রোগীকে ব্রাইয়োনিয়াই ব্যবস্থা করিয়াছিলাম। সুখের বিষয় এইরূপ ভাবে প্রত্যহ ব্রাইয়োনিয়া ৬ ও প্লাসিবো দেওয়াতে ৮:১০ দিনের মধ্যেই রোগীর জ্বর লিভার ইত্যাদি সমস্ত উপসর্গ নিবারিত হইয়া রোগী সম্পূর্ণ ভাবে আরোগ্য লাভ করিয়াছিল।

**অন্তব্য:**—বাধা গতে হোমিওপ্যাথিক চিকিৎসা করা কখনও উচিত নহে। রোগীর নিকট স্থির ভাবে বসিয়া রোগীর রোগ লক্ষণগুলি বিশেষ ভাবে দেখিতে হয়। বর্তমান রোগীতে লিভার ইত্যাদি অন্যান্য লক্ষণগুলির জ্ঞান অল্প ঔষধ ব্যবস্থাও করা যাইত, কিন্তু সমস্ত লক্ষণগুলির সহিত “নড়া চড়ায় বৃদ্ধি” লক্ষণটি থাকায় প্রকৃত ঔষধ নির্বাচন করিতে সমর্থ হইরাছিলাম। ঔষধ বতকম ব্যবহার করা যায় ততই ভাল, তবে গৃহস্থের মনস্তত্ত্বের জ্ঞান প্লাসিবো বা স্যাক ল্যাক দিতে হয়।



## বিবিধ রোগের প্রত্যক্ষ ফলপ্রদ ঔষধ।

লেখক—ডাঃ শ্রীযুক্ত প্রভাসচন্দ্র বন্দোপাধ্যায়।

হোমিওপ্যাথিক চিকিৎসক। মহানাদ—হুগলী।

( পূর্বে প্রকাশিত ৮ম সংখ্যার ( অগ্রহায়ণ ) ৩৬৯ পৃষ্ঠার পর হইতে )

—:o:—

### ( ২১ ) জেঁক ধরার রক্তস্রাব নিবারণে—লিডাম।

মানবের শত্রু কোথাই না আছে ! জলে, স্থলে, অন্তরীক্ষে, অরণ্যে, পর্বতে—কোন স্থানে নির্ভয়ে অবস্থান করিবার উপায় নাই। এই ক্ষণভঙ্গুর দেহকে রক্ষা করিবার জন্ত লোকে কতই না চেষ্টা করে ! এত সাবধানতা সত্ত্বেও আকস্মিক বিপদের গতিরোধ করা মানবের শক্তির বহির্ভূত। কেহ কেহ বলেন—‘সাবধানের বিনাশ নাই,’ আবার কেহ বলেন—‘বিনাশের সাবধান নাই’। ভীমরুল, মোষাছি, বৃশ্চিক প্রভৃতির দংশনাদি অনেক প্রকার আকস্মিক দুর্ঘটনা আছে, যাহা রোগজ নহে অথচ রোগ অপেক্ষাও কষ্টদায়ক। কেবল রোগের চিকিৎসা জানা থাকিলেই চিকিৎসকের কর্তব্য শেষ হয় না। এই সকল বিপদেরও আশু প্রতিকার করিবার উপায় জানা থাকা আমাদের বিশেষ আবশ্যিক। আমি এখানে জেঁক ধরার কথা বলিব।

কোন কোন স্থানে ছিনা জেঁকের এত প্রাচুর্য আছে যে, পড়া পতিত জায়গায় ঘাসের উপরেও তাহারা চূপ করিয়া থাকে। ঐ সকল স্থানে মলমূত্র ত্যাগ করিতে বসিলে চতুর্দিক হইতে অসংখ্য ছিনা জেঁক হিলি হিলি করিয়া আসিতে থাকে। ছিনা জেঁকের আক্রমণ হইতে বরং সাবধান হইতে পারা যায়। কিন্তু দেশের সর্বত্রই বিশেষতঃ বর্ষাকালে জলে জেঁকের ভয় যথেষ্টই আছে। আবার এই জেঁক পুরুষ অপেক্ষা স্ত্রীলোকের পক্ষে অতি ভীতিপদ ও অনিষ্টকারক। ইহারা স্ত্রীজননেদ্রিয়ার অভ্যন্তরে প্রবেশ পূর্বক দংশন করে। এরূপ ঘটনা নিতান্ত বিরল নহে। বৃশ্চিকাদির দংশনে তৎক্ষণাৎ তীব্র জ্বালা যন্ত্রণা অনুভূত হয়, কিন্তু ইহারা এরূপ সস্তপনে দংশন করে যে, হঠাৎ জানিতে পারা যায় না। বহুক্ষণ রক্তশোষণের পর, এমন কি উদর পরিপূর্ণ করিয়া রক্তপান পূর্বক মৃত্তিকায় পতিত হইবার পর, যখন রক্তস্রাব হইতে থাকে, তখন জেঁক বা জলোকার গুণ্ট দংশন প্রকাশ পায়। এই রক্তস্রাব কোন কোন স্থলে এরূপ অধিক হয় যে, তাহা বন্ধ করিতে কত উপায় অবলম্বন বিফল হইয়া যায়। হোমিওপ্যাথিক ঔষধ দ্বারা জেঁক ধরার রক্তস্রাব বন্ধ করিতে লিডাম ৬ষ্ঠ শক্তির অধিতীয় মহৌষধ। একটা রোগীর বিষয় বলি।

রহিমপুরের\*\* সরকারের কন্যা, বয়স ৫ বৎসর। বেলা ১০টা বা ১০। টার সময় পুকুরে স্নান করিতে যায় এবং তাহার জননেদ্রিয়ার অভ্যন্তরে জেঁক ধরে। বাড়ী আসার পর সেইস্থানে অল্প দংশন যাতনা অনুভূত হওয়ায় জেঁক দেখিতে পায় এবং তৎক্ষণাৎ

তাহাকে টানিয়া ছাড়াইয়া ফেলে। পরক্ষণে প্রচুর রক্তস্রাব হইতে থাকে, নানা প্রকার মুষ্টিযোগেও রক্ত বন্ধ হয় না। অবশেষে বৈকালে আমার নিকটে তাহার ভ্রাতা ঔষধ লইতে আসে। আমি ভুলক্রমে আর্গিনিকা ওয় শক্তি সেবন ও দৃষ্টস্থলে আর্গিনিকা লোশন প্রয়োগের ব্যবস্থা করি। রাত্রি ৮টার সময় খবর আসে “ঔষধে কিছুমাত্র উপকার হয় নাই ও এত রক্তস্রাব হইতেছে যে, ৫৬ খানা কাঁপড় রক্তে ভিজিয়া গিয়াছে এবং কতটা একেবারে শয্যাশায়ী ও অজ্ঞানের মত হইয়া গিয়াছে” তখন লিডার্স ৬ষ্ঠ শক্তি ৪ মাত্রা খাইতে দিই। কিন্তু একমাত্রা খাওয়ানোর ১০ মিনিট পরেই একেবারে রক্ত বন্ধ হইয়া যায়। তদবধি ঐ গ্রামের লোকে হোমিওপ্যাথিক ঔষধের আশ্চর্য্য ক্ষমতার প্রশংসা করে এবং জোক ধরায় রক্তস্রাব নিবারণে আমার নিকটে যেকোন আশু উপকারী ঔষধ আছে, এরূপ আর কুতাপি নাই, ইহা তাহারা বলিয়া থাকে।

### ( ৪৬ ) হৃদয়ে করবীর বিষাক্ততায়—নব্ব ও সালফার।

হৃদয়ে করবীর ফলের অভ্যন্তরস্থ শাঁস আত্মহত্যা করণের অগ্রতম সহজলভ্য উপাদান। বমন, বিরেচন, আক্ষেপ, ঘর্ম্ম, হিমাক্ত, অবসন্নতা, সংজ্ঞাহীনতা, মূত্ররোধ, নাড়ী অতি ক্ষীণ, অবশেষে হৃদপিণ্ডের ক্রিয়া স্থগিত হইয়া মৃত্যু ঘটে।

কোন সময়ে একদিন বেলা ৯ টার সময় এক স্ত্রীলোকের কলেরা হইয়াছে বলিয়া তখনই আমাকে লইয়া যাইবার জন্ত দুইজন লোক আসে। আমি যাইয়া দেখি—রোগিণী বামপার্শ্বে শয়ন করিয়া আছে, তাহার সর্বাঙ্গ বরফের গায় শীতল, নাড়ী অতি সূক্ষ্ম, চক্ষু মুদ্রিত, অজ্ঞান অচেতন, ডাকিলে সাড়া দেয় না, বহুবার বমন ও ভেদ হইয়াছে, প্রস্রাব হয় না ইত্যাদি।

কলেরা ত হইল, কিন্তু এরূপ অজ্ঞান ও বাকশক্তিহীন হইল কেন, এইরূপ ভাবিতেছি এমন সময় তাহার সখী আমাকে বলেন—“বাবু, একটা কাজ খারাপ হইয়া গিয়াছে, কাল সন্ধ্যার পূর্বে আমার এই স্ত্রী কলকে ফলের বীচির শাঁস খাইয়া ফেলিয়াছে। কোনও লোককে বলিয়াছে “আজ আমি মরিব, পাঁচটা কলকে ফলের বীচি খাইয়াছি।” রাত্রি ১১টা হইতে বমি ও বাহে হইতে আরম্ভ হয়, পেটের যাতনার কথা বলে ও হাতপায়ে খেঁচুনী হয়, বমির সঙ্গে কলকে বীচির শাঁস অনেক উঠিয়া গিয়াছে, ইত্যাদি।” আমি জিজ্ঞাস করিলাম বহুরূপ গত হইয়া গিয়াছে, তোমরা এতক্ষণ ডাক্তার ডাক নাই কেন? তাহারা বলিল—“ডাক্তারকে সকালেই আনিয়াছিলাম, তিনি দেখিয়া শুনিয়া বলিলেন আমার দ্বারা কিছু হইবে না, তোমরা আর কোন ডাক্তারকে দেখাইতে পার। তিনি যে ঔষধ দিয়া গিয়াছেন, তাহা দুইবার খাওয়ান হইয়াছে, কোন উপকার হয় নাই, আর এই কয়বারের ঔষধ আছে।” ইহা বলিয়া তাড়াতাড়ি কয়েক ঘুরিয়া ঔষধ আনিয়া দেখাইল। তিনি এলোপ্যাথিক ডাক্তার হইলেও দেখিলাম, হোমিওপ্যাথিক ঔষধ দিয়াছেন। আমি বাহিরে আসিলাম, কিন্তু বিপদ বড়ই গুরুতর, রোগিণীর বাঁচিবার কোন আশাই নাই, ইহা তাহাদিগকে বলিলাম।



হলুদে করবীর বিষাক্ততায় কি কি ঔষধ ব্যবহৃত হয়। তাহা কোন হোমিওপ্যাথিক পুস্তকে স্পষ্ট করিয়া লেখা নাই। কিন্তু বিষাক্ত গাছগাছড়া বা এলোপ্যাথি, কবিরাজি প্রভৃতি তীব্র ঔষধ সেবনের পর উহার বিষক্রিয়া নিবারণ করিবার জন্ত নক্সভামিকা অথবা সালফার প্রয়োগের কথা লেখা আছে। এখানে অবসন্নতা বা ভেদ বমনাদি লক্ষ্য করিয়া ঔষধ নির্বাচন করিলে কোন ফল পাইবার সম্ভব নাই, রোগের মূল কারণ ঐ হলুদে করবীর বিষক্রিয়া নষ্ট করাই আবশ্যিক, সেজন্য আমি নক্স ও সালফার দুইয়েরই আশ্রয় গ্রহণ করিলাম। আর এখানে এক মাত্রা নক্স ২০০ খাওয়াইয়া ৭ দিন অপেক্ষা করিলে বা এগ্রোভেশনের ভয় করিলে চলিবে না, সে কারণে নক্সভামিকা ২০০ শক্তির ৬টি পুরিয়া এবং সালফার ২০০ শক্তির দুইটি পুরিয়া দিয়া বলিলাম, ঘণ্টায় ঘণ্টায় ঔষধ খাওয়াও, তিনবার নক্স খাওয়ানোর পর সালফার একবার খাওয়াইবে।

সন্ধ্যার সময় খবর আসিল রোগিনী অপেক্ষাকৃত ভাল আছে। যাইয়া দেখিলাম—জ্ঞান হইয়াছে, দুই একটা কথা কহিতেছে, গা ঠাণ্ডা নাই, প্রস্রাব হইয়াছে। কেবল পেটের ব্যথা অনুভব করিতেছে। রাত্রির জন্ত ৩০ শক্তির নক্সভামিকা ৪টি পুরিয়া দিয়া আসিলাম। পরদিনে ভালই ছিল। পেটের ব্যথা আছে, ৬টি অনৌষধি পুরিয়া দিলাম। তৎপরদিন অর্থাৎ ৩য় দিবসে যাইয়া দেখিলাম রোগিনী বসিয়া আছে। গতকল্য আশাশয়ের মত কয়েকবার বাহে হইয়াছিল, আজও একবার সেইরূপ বাহে হইয়াছে; চলিতে গেলে মাথা ঘুরিয়া পড়ে, অথ কোন উপসর্গ নাই। ঔষধ দিবার আর প্রয়োজন নাই বলিয়া কয়েকটি অনৌষধি পুরিয়া দিয়া আসিলাম। রোগিনী উহাতেই আরোগ্য হইয়া গেল।

এই রোগীতন্ম্বে ইহা সপ্রমাণিত হইল যে, হলুদে করবীর বিষাক্ততায় নক্স ও সালফার দ্বারা অতি শক্তাপন্ন অবস্থা হইতেও অল্প সময়ের মধ্যে রোগীর জীবন রক্ষা করিতে পারা যায়।

এখানে একটা বিষয় বলিবার আছে এই যে, এই প্রকার বিষ ভক্ষণকারী ব্যক্তি আরোগ্যলাভ করিলেও আত্মহত্যা করণের চেষ্টা করার অপরাধে আইনে তাহার দণ্ড বিধান আছে। কিছুদিন পূর্বে আমি একটা বেষ্ঠার কলেরা রোগের চিকিৎসা করি এবং সে আরাম হয়। ঐ স্ত্রীলোকটি সে সময় এক ব্যক্তির রক্ষিতা ছিল। কিন্তু উহার প্রণয়াকাজ্ঞী কোন ব্যক্তি বিফল মনোরথ হইয়া উহাকে বিপদে ফেলিবার জন্ত বিষ খাইয়াছিল বলিয়া পুলিশে খবর দেয়। বলা বাহুল্য এই মিথ্যা অভিযোগ প্রমাণিত হয় নাই। কিন্তু একাধিকবার পুলিশের অফিসস্থানের সময় আমাকে অনেক কথা বলিতেও অনর্থক কষ্ট পাইতে হইয়াছিল।

কলেরার রোগীর সহিত বিষ ভক্ষণকারী রোগীর লক্ষণের অনেক সাদৃশ্য থাকিলেও



প্রধানতঃ বিষভক্ষণকারী ক্রমে সংজ্ঞাহীন ( Senseless ) হয় । কথা কহিতে পারে না ও চক্ষু মুদ্রিত হইয়া যায়,—কিন্তু কলেরায় তাহা হয় না ।

“জীবনরক্ষা ব্রত” গ্রহণ করিয়া চিকিৎসককে সকল প্রকার রোগীরই চিকিৎসা করিতে হয় । যাহারা শান্তিপ্রিয় চিকিৎসক বা কোলাহলে যাইতে চাহেন না, তাহাদের পক্ষে বিষভক্ষণকারী রোগীর চিকিৎসা না করাই কর্তব্য, কারণ—“চাচা, আপনার প্রাণ বাঁচা” ।

### (৪৭) কন্ভাল্শনে—সিকুটা-ভিরোজা ।

শিশুদের কন্ভাল্শন্ বা তড়কা রোগ দস্তোদগমকালে হয় বলিয়া ক্যামোমিলা অথবা বেলেডোনা প্রায়ই ব্যবহৃত হইয়া থাকে । অবশ্য লক্ষণানুসারে ক্যামোমিলা ও বেলেডোনা ব্যবহৃত হইলে সফলদায়ক হয় সন্দেহ নাই । কিন্তু সিকুটা-ভিরোজা এই রোগের একটি উৎকৃষ্ট ঔষধ । যদিও সিকুটা-ভিরোজা টিটেনাস বা ধমুটকার রোগেই অধিক ব্যবহৃত হয়, কিন্তু কন্ভাল্শন্ ও টিটেনাসকে একই প্রকার রোগ মন করিলে ক্ষতি নাই । এই দুই প্রকার রোগের উৎপত্তির কারণ ও কি কি পার্থক্য দেখিতে পাওয়া যায়, তাহা চিকিৎসা পুস্তকে ( Practice of medicine এ ) ভালরূপেই বর্ণিত আছে, আমি কেবল এখানে একটি রোগী বৃত্তান্ত বলিব ।

এক ধনী ব্যক্তির একটি শিশুকণ্ঠার তড়কা হইয়াছে বলিয়া আমাকে লইয়া যায় । আমি গিয়া দেখিলাম একজন চিকিৎসক শিশুর নিকটে বসিয়া আছেন । শিশুটির ফিট হইতেছে । তাহার চক্ষু স্থির ও দৃষ্টি একদিকে পরিবদ্ধ, মুখমণ্ডল ফুলোফুলো ও নীলবর্ণ, হস্তদ্বয় মুষ্টিবদ্ধ, মস্তক গ্রীবা ও মেরুদণ্ড পশ্চাদিকে বক্র হইয়াছে, শরীর কাঠবৎ শক্ত, লক্টুজ বা চোয়াল ধরিয়া গিয়াছে । কাল অর হয় এবং আজ হঠাৎ এই প্রকার হইয়াছে । বথারীতি কপালে জলপটী, চক্ষে জলহাত ও মস্তকে পাথার বাতাস দেওয়া হইতেছে ।

ঐ চিকিৎসকটি এলোপ্যাথিক চিকিৎসক, কিন্তু তিনি হোমিওপ্যাথিক ঔষধ ক্যামোমিলা ও বেলেডোনা পর্যায়ক্রমে ( alternately ) পুনঃ পুনঃ দিতেছেন । কিন্তু কোন উপকার হইতেছেন দেখিয়া, বাহে করাইবার জন্য এনিমা প্রয়োগ করিতে মনস্থ করিয়াছেন । আমি উহাতে নিবৃত্ত হইতে বলিয়া, ঔষধ সেবনেই অল্প সময়ের মধ্যে ফিট ভাল হইয়া যাইবে বলিলাম এবং উপরোক্ত লক্ষণগুলি সিকুটান্ন অতি প্রসিদ্ধ লক্ষণ বলিয়া সিকুটা-ভিরোজা ২০০ শক্তি এক ফেঁটা একটু সুগার অব মিষ্টি মিশাইয়া কোনওরূপে জিহ্বায় লাগাইয়া দিলাম । একটু পরেই শিশু তাহা গিলিয়া ফেলিল বুঝা গেল এবং ১০ মিনিট মধ্যেই তাহার চোয়াল ছাড়িয়া দিল । শরীরের বক্রতা, মুষ্টিবদ্ধ হস্ত ও চক্ষু স্বাভাবিক অবস্থা প্রাপ্ত হইল । তড়কা আরোগ্য হইয়া গিয়াছে, ইহা তখন সকলে বুঝিতে পারিলেন ও আর, খানিক পরে শিশুটি মাতার স্তন্যপান করিতে লাগিল । সকলেই আনন্দ প্রকাশ করিতে লাগিলেন । আমি আসিবার সময় কণ্ঠার


পিতা কৃতজ্ঞতা সহকারে বলিলেন “এই জন্তই আমরা আপনাকে ডাকি, দুঃখের বিষয় সকল সময় পাই না।” আমি বলিলাম “পান না কি কথা! ডাকিবার মত ডাকিলে ডগবানকেও পাওয়া যায়।”

### (২৮) ছপিংকফে—ড্রসেরা।

এই স্বনামখ্যাত সংক্রামক কাশ রোগ একই সময়ে পাড়ার সকল অল্পবয়স্ক বালক বালিকাকে আক্রমণ করে। কাশিতে কাশিতে দমবন্ধ প্রায় হয়। এমন কি কোন কোন স্থলে চক্ষু ফাটিয়া রক্ত বাহির হইতেও দেখা যায়। যতক্ষণ একটু বমি না হয়, ততক্ষণ কিছুতেই কাশির নিবৃত্তি হয় না। আজকাল এই রোগ প্রায় সকলেরই পরিচিত। কারণ এই রোগের প্রাদুর্ভাব এখন খুবই অধিক হইয়াছে এবং ইহাতে হোমিওপ্যাথিক ঔষধই যে সমধিক কার্যকরী, তাহাও সকলেই জানিতে পারিয়াছেন। কত এলোপ্যাথিক ডাক্তার ও কবিরাজের ঔষধ, ত্রিবাকসাদি কষ্ট প্রকার উৎকৃষ্ট মুষ্টিযোগ সেবনেও যে ছপিংকফ আরোগ্য হয় নাই, তাহা হোমিওপ্যাথিক ঔষধে আরোগ্য হইয়া যাইতেছে, ইহা সকলেই প্রত্যক্ষ করিতেছেন। আমাদের ড্রসেরা নামক ঔষধটিকে ছপিংকফের ব্রহ্মাস্ত্র বলা যাইতে পারে।

কোন সময়ে কাশ্ম্মিপিড়া হইতে এক ব্যক্তি একটা বালককে লইয়া আমার নিকটে উপস্থিত হয় এবং বলে যে, তাহাদের গ্রামে বহু সংখ্যক ছেলের এই কাশি হইয়াছে এবং কিছুতেই ভাল হইতেছে না। কেহ ২০।২৫ দিন, কেহ একমাস রোগ ভোগ করিতেছে, পাউনান গ্রামের বড় বড় ডাক্তারের ঔষধেও ভাল হয় নাই। আমি ঐ বালককে ড্রসেরা ৩০ কয়েকদিন খাইতে দিই এবং সে উহাতেই সম্পূর্ণ সুস্থ হইয়া যায়। তখন ঐ গ্রাম হইতে দলে দলে লোক ঔষধ লইতে আসে ও সকলেই আরোগ্য লাভ করে এবং ছপিংকফের সর্বোৎকৃষ্ট ঔষধ কেবল আমার নিকটেই, আছে এই কথা তাহারা সর্বত্র প্রচার করে। বলা বাহুল্য আমি একমাত্র ঐ ড্রসেরা ৩০শ শক্তি দ্বারা ঐ সকল রোগী আরাম করিয়াছিলাম এবং ছপিংকফের রোগী আসিলেই, আমি সর্বাগ্রে ড্রসেরা প্রয়োগ করিয়া থাকি।

এখানে একটা স্মরণযোগ্য বিশেষ কথা এই যে, যে স্থানের যে কোন প্রকার সংক্রামক রোগে পীড়িত একটা রোগী যে ঔষধে ভাল হয়, সেই স্থানের সেই সময়ে সেই রোগে পীড়িত অপরায় রোগী সেই ঔষধেই আরোগ্য লাভ করে, এজন্ত আমাদের প্রায়ই অপর ঔষধ নির্বাচন করিবার কষ্ট পাইতে হয় না। ইহা বহুদর্শিতার সত্য।




মিজ্‌ল্‌ম্-হামজ্বর ।

Measles

লেখক—ডাক্তার শ্রী নরেন্দ্রকুমার দাশ—M. D. (M. H. M. C.)

M. B. I. P. H. (Eng)



হাম জ্বর—তরুণ স্পর্শক্রামক ইর্যাপটীভ পীড়া। প্রায়ই বহুব্যাপকরূপে প্রকাশ পাইয়া থাকে। এই পীড়ার অল্প নাম “মরবিলাই”। এই পীড়া উক্ত পীড়াক্রান্ত ব্যক্তির নাসিকার স্রাবণ, নিশ্বাস-প্রশ্বাস ইত্যাদি দ্বারা সূক্ষ্ম ব্যক্তিকে আক্রমণ করে। বসন্ত ও শরৎকালেই এই পীড়ার প্রাবল্য অধিক। অল্প বয়স্ক বালকবালিকাগণই ইহাতে অধিক আক্রান্ত হয়। কোনও বাটীর একটীমাত্র শিশু এই পীড়া দ্বারা আক্রান্ত হইলে, সেই বাড়ীর সমুদয় শিশুই ইহা দ্বারা আক্রান্ত হইয়া থাকে। যুবকযুবতী অথবা বৃদ্ধদের এই পীড়া হইলে পীড়া অত্যন্ত প্রবল আকার ধারণ করে। কেহ কেহ বলেন, বিশেষ বীজাণু এই পীড়ার উদ্দীপক কারণ, আবার কাহারও মতে নৈসর্গিক আবহাওয়ার সহসা পরিবর্তন হওন জন্তই এই পীড়া প্রকাশ পাইয়া থাকে।

বাইওকেমিক বিজ্ঞান মতে—দেহস্থিত “পটাশিয়াম ক্লোরাইড (কেলিমিউর) নামক ধাতব লবণের অভাব বা হ্রাস হওন জন্তই এই পীড়া হইয়া থাকে। ইহাই উৎকৃষ্ট কারণ তত্ত্ব।

রোগ নির্ণয়।—এই পীড়া সর্দির সহিত ভ্রম হইতে পারে। কিন্তু সর্দিতে ইর্যাপশন নির্গত হয় না—ইহাতে ইর্যাপশন বাহির হয়।

এই পীড়া স্কালেট্ পীড়ার সহিত ভ্রম হইতে পারে—ইহাতে সর্দি থাকে না, হামজ্বরের সর্দি থাকে। ইহাতে ইর্যাপশন ভিন্ন প্রকারের হয় এবং উত্তাপ অত্যন্ত অধিক ও নড়ী অতিশয় দ্রুতগামী হয়।

ভাবীফল।—এই পীড়া সহজেই আরোগ্য হয়। একবার এই পীড়া হইয়া গেলে দ্বিতীয় বার আক্রমণের ভয় প্রায়ই থাকে না—তবে কখনও কখনও একই রোগে এই পীড়া দ্বারা পুনঃ পুনঃ ৪।৫ বার পর্যন্ত আক্রান্ত হইয়াছে দেখিয়াছি।

অশুভ লক্ষণ।—যদি হামের ইর্যাপশন ভালরূপে না উঠিয়া বসিয়া যায় অথবা একবার উঠিয়া আবার হঠাৎ বসিয়া যায়; ইর্যাপশন হইতে অত্যন্ত রক্তস্রাব, প্রথম হইতেই প্রলাপাদির লক্ষণ প্রকাশ পাওয়া, ক্যাপিলারী ব্রংকাইটিস, নিউমোনিয় ইত্যাদি ইহার অশুভ লক্ষণ।

**গুণাবস্থা**—সচরাচর গুণাবস্থা ১০—১২ দিবস। কখনও কখনও ১ মাস। এই সময়ে রোগী কোনও অসুস্থতা বোধ করে না।


**লক্ষণ**।—এই পীড়ায় সহসা শীত করিয়া জ্বর হয়। উত্তাপ প্রথম দিন ১০১—১০৩ ডিগ্রী পর্যন্ত হইতে পারে। ক্ষুধামান্দ্য, জিহ্বা মলাবৃত, সন্মুখ কপালে অত্যন্ত বেদনা, গাত্রে চর্কণৎ বেদনা, বিবমিষা, বমন, চক্ষু জলপূর্ণ, অক্ষীপন্নব ক্ষীত এবং লোহিত বর্ণ, স্বরভঙ্গ, হাঁচি, চক্ষু দিয়া জল পড়া, কাহারও বা নাসিকা হইতে রক্ত পড়া ইত্যাদি লক্ষণ দেখা যায়। এই জ্বর একজরী হইয়া ৩৪ দিবস পর্যন্ত স্থায়ী হয়; তারপর জ্বর মগ্ন হইবার কয়েক ঘণ্টার মধ্যেই হামের দানা সমূহ নির্গত হয়। কাহারও বা ৩৪ দিবসে জরীয় উত্তাপ হ্রাস হইবার সঙ্গে সঙ্গে হামের দানা নির্গত হইয়া জ্বর মগ্ন হয়। সাধারণতঃ তৃতীয় দিবসেই জ্বর মগ্ন হইবার পর হামের দানা নির্গত হয়। এই দানা সকল ৩৪ দিন থাকার পর মিলাইয়া যায়। দানা সকল ক্ষুদ্র ক্ষুদ্র লোহিত বর্ণ ও ক্লক দংশনের গ্ৰায় দেখায়। অত্যধিক লাল, কৃষ্ণ বা বেগুনে বর্ণের দানা নির্গত হইলে পীড়া কঠিন আকার ধারণ করে।

দানা সকল প্রথমে মুখ ও গলায়—ক্রমশঃ সর্বশরীরে নির্গত হয়। পীড়ার প্রথম প্রথম ৬/৭ দিন পরে দানা সকল বিবর্ণ ও ৯ম/১০ম দিবসের সময় শুষ্ক হইয় আরোগ্য হয়। দানা সকল শুষ্ক হইলে খুস্কি উঠিয়া যায়। হামের কণ্ড মিলাইয়া গেলেও সর্দিকাশী ও স্নাত্ত উপসর্গ দীর্ঘকাল স্থায়ী হইতে পারে। ইহার দানা সকল প্রথমতঃ পৃথক পৃথক ভাবে এক একটা করিয়া সামান্য উচ্চ হইয়া নির্গত হয় এবং পরে পরস্পর মিলিত হইয়া এক একটা প্যাচের গ্ৰায় চাপড়া মত হয়। দানা যত অধিক নির্গত হয় ততই ভাল। প্রথমতঃ ২৩ দিন পর্যন্ত দানা সকল নির্গত হয় এবং পরে উহাদের মুখ কাল হইয়া ঝকের সহিত মিশিয়া যায়। দানা সকল হঠাৎ বসিয়া গেলে পীড়া সাংঘাতিক হইতে পারে। ইহাতে উদরাময়, আমাশয়, নিউমোনিয়া, ব্রংকাইটিস ও কখন কখন মস্তিস্কে রক্তাধিক্য হইতে পারে। দানা সকল বসিয়া যাওয়া ভাল নহে, বসিয়া গেলে বাহাতে পুনরায় দানা সমূহ নির্গত হয় তাহার চেষ্টা করিবে। সচরাচর এই পীড়ায় জরীয় উত্তাপ ১০৩—১০৪ ডিগ্রীর অধিক হয় না। ইহাপেক্ষা জ্বর অধিক হইলে পীড়া সাংঘাতিক হইবার সম্ভাবনা। জ্বর কম হইলে পীড়া সহজেই আরোগ্য হইয়া যায়। কক্ষু বাহির হইতে আরম্ভ হইলেই, সচরাচর জরীয় উত্তাপ হ্রাস প্রাপ্ত হয়। কদাচিৎ দানা সকল শুষ্ক হওয়া পর্যন্ত জ্বর বর্তমান থাকে। কখন কখন শিশুদের রোগারম্ভে ক্রতাক্রম (কন্ভালশন) আরম্ভ হয়। এই পীড়ায় সর্দিকাশি প্রথমাবধিই দেখা যায়। শরীরের চর্মে যেরূপ প্রদাহ হইয়া কণ্ড সকল নির্গত হয় সেইরূপ সমস্ত শৈল্পিক ঝিল্লীতে ও প্রদাহ হইয়া দানা নির্গত হওন জন্ত সর্দির লক্ষণ সকল দৃষ্ট হয়। দানা সকল হঠাৎ বসিয়া গেলে কিম্বা ফুস্ফুসের শৈল্পিক ঝিল্লীতে দানা বাহির হইলে খাস বস্ত্রের পীড়া (নিউমোনিয়া, ব্রংকাইটিস ইত্যাদি) এবং অস্ত্রের শৈল্পিক ঝিল্লীতে দানা সকল নির্গত হইলে উদরাময়, পাকস্থলীতে হইলে বমন, হিকা ইত্যাদি ও মস্তিস্কে হইলে মস্তিক প্রদাহের লক্ষণ সকল উপস্থিত হয়। উপসর্গ বিহীন পীড়া সঘর আরোগ্য হয়। (ক্রমশঃ)

PRINTED BY RASICK LAL PAN

At the Gobardhan Press, 209 Cornwallis Street, Calcutta.

And Published by Dharendra Nath Halder






এলোপ্যাথিক ও হোমিওপ্যাথিক চিকিৎসা সম্বন্ধীয়  
মাসিক পত্র ও সমালোচক।

২০শ বর্ষ। } ১০০২ সাল-মাঘ। } ১০ম সংখ্যা।

## বিবিধ।



রক্তশোষণকাশে—টাটার্‌র এমিটিক। ডাক্তার কাটা' প্রকাশ করিয়াছেন যে, ফুস্ফুস হইতে রক্তস্রাবে (হিমপ্টোসিস), তিনি পটাশিয়াম্ এটিমনি টাট শিরামধ্যে ইন্জেকশন দিয়া আশাতীত উপকার পাইয়াছেন। ডাঃ কাটা' বলেন যে,—“আমি গত ১৯২২ খৃঃ অব্দ হইতে ইহা পরীক্ষা করিয়া আসিতেছি এবং সম্প্রতি এই পরীক্ষার ফলে নিঃসন্দেহরূপে বুঝিতে পারিয়াছি যে, “টাটার্‌র এমিটিক” একটা উৎকৃষ্ট ফুস্ফুসীয় রক্তরোধক ঔষধ। ফুস্ফুস হইতে রক্তস্রাব নিবারণার্থ অস্ত্রান্ত্র ঔষধাদি ব্যবহারে ফল না হইলে, সর্বশেষে এই ঔষধ ব্যবহার করা উচিত।”

“এতদর্থে ইহার ১% সলিউশন ব্যবহার করা কর্তব্য। ফুস্ফুসীয় রক্তস্রাব নিবারণার্থ ক্যালসিয়াম ক্লোরাইড, এমিটান—এমন কি, অহিফেন প্রয়োগ করিয়াও, যে স্থলে উপকার পাওয়া যায় নাই, তথায় ০.০৫ গ্রাম টাটার্‌র এমিটিক শিরামধ্যে ইন্জেকশন দিয়া, অবিলম্বে রক্তপাত বন্ধ হইয়া গিয়াছে। কোন কোন স্থলে প্রতিক্রিয়া স্বরূপ রোগীর বমনোন্মেষ, বমন, রক্তের চাপশক্তির হ্রাস, নাড়ীর দুর্বলতা প্রকাশ পাইতে পারে”।

(La Semana Medical 7th Jan. 1926.)



**নিউক্লিন**—সম্প্রতি পরীক্ষা দ্বারা প্রমাণিত হইয়াছে যে “নিউক্লিন সলিউশন” প্রয়োগে রোগীর জীর্ণনীশক্তি ও রোগজীবাণুর সহিত যুদ্ধ করিবার শক্তি বৃদ্ধি হয়। ইহা সলিউশন আকারে, অধঃস্বাচিক ইঞ্জেক্সনরূপে অথবা মুখপথে ব্যবহার করা যায়। মুখপথে ব্যবহার করিতে হইলে, দুইটা আহারের মধ্যবর্তী সময়ে প্রয়োজ্য। ঔষধ সেবনের পূর্বে মুখগহ্বর উত্তমরূপে ধৌত করিয়া পরিষ্কার করিবে—অতঃপর এই সলিউশন ফোঁটা ফোঁটা করিয়া জিহ্বার উপরে দিবে। ইহাতে ঔষধ তৎক্ষণাত্ টীপুর সহিত মিলিত হইয়া ক্রিয়া প্রকাশ করে। মাত্রা, ৩—২০ ফোঁটা। প্রত্যহ এইরূপে ৩৪ বার প্রয়োজ্য।

( Eclectic Medical Journal )

**টীউবার্কিউলোসিস (যক্ষ্মা) রোগে “চালমুগ্গরা অয়েল”**—চিকিৎসকমাত্রেই অবগত আছেন যে, অনেক দিন হইতেই কুষ্ঠ রোগের চিকিৎসায় “চালমুগ্গরা” বিশেষ উপযোগিতার সহিত ব্যবহৃত হইতেছে। কার্বলিক এসিড অপেক্ষা “ব্যাকটেরিয়া” (জীবাণু) ধ্বংস করিবার শক্তি ইহার ১০০ শত গুণ অধিক। ইহা উৎকৃষ্ট জীবাণুনাশক।

সম্প্রতি আমেরিকার বিশেষজ্ঞ চিকিৎসকগণ কর্তৃক প্রমাণিত হইয়াছে যে, “টীউবার্কিউলোসিস” (যক্ষ্মা) রোগে ১ সি, সি, মাত্রায় “ইথিল ঈস্টার অব্ চালমুগ্গরা” (Ethyl Ester of chaulmoogra) অয়েল, সপ্তাহে একবার করিয়া শিরাপথে ইঞ্জেক্সন করিলে, আশাতীত উপকার পাওয়া যায়। প্রথম প্রথম সপ্তাহে একবার—পরে ২, ৩, কি ৪ সপ্তাহ অন্তর ইঞ্জেক্সন দিবে।

( Bull. chicago tuberc. san.: )

**রিকেট্ ও শৈশবীয় দুর্বলতা ইত্যাদি**—চিকিৎসকমাত্রেই জানেন যে, দহাত্যস্তরীণ “লাইম্” বা “ক্যালসিয়ামের” অভাব বা হ্রাস ইত্যাদির জন্যই শিশুদের রিকেট্‌স, ওস্টিওম্যালেশিয়া, ওস্টিওম্যালেলাইটিস, অস্থির অপৃষ্টতা বা দুর্বলতা ইত্যাদি প্রকাশ পাইয়া থাকে। এইরূপ স্থলে দেহমধ্যে “ক্যালসিয়াম্” প্রয়োগ করিতে পারিলেই, আশানুরূপ ফল পাওয়া যায়। তবে ইহাও মনে রাখা উচিত যে, একপভাবে ইহা প্রয়োগ করিতে হইবে—যাহাতে ক্যালসিয়াম দেহবিধানে শোষিত হইয়া যাইতে পারে। এতদর্থে হিউলেটের “সোডিও-ক্যালসাই ল্যাক্টাস” ট্যাবলেট বিশেষ উপযোগী বলিয়া কথিত হইয়াছে। ইহার প্রত্যেকটি ট্যাবলেটের ওজন ৭ ½ গ্রেণ এবং ইহা খাইতে সুস্বাদু ও সুগন্ধযুক্ত।

মাত্রা—সাধারণতঃ ২টা ট্যাবলেট মাত্রায়, আহারান্তে প্রত্যহ ৩ বার সেব্য।

( Medical annual 1927 )



**বাক্কিক্য নবযৌবন ।**—অধ্যাপক ডাক্তার ভনরফ বানরের গ্রন্থি সংযোগ করিয়া জরাগ্রস্ত মানবদেহ নবযৌবনের সঞ্চার করেন । অগ্নিয়ার আরও একজন নবযৌবন প্রদানকারী আছেন, তাহার নাম—প্রফেসার ইয়াকু । ইনি অস্টিচিকিৎসার দ্বারা সফলকাম হইয়াছেন । ডাক্তার ভনরফ ইহাকে বিশেষ প্রশংসা করেন । ইতালীর বলনা বিশ্ববিদ্যালয়ের ফিজিয়লিজির অধ্যাপক ডাক্তার ক্যাভেজী—তিনিও এক নূতন উপায়ে নবযৌবন প্রদান করিয়া থাকেন—ইনি বানরের গ্রন্থি সংযোগ অথবা অপর কোন প্রকার অস্ত্রোপচার করেন না—এক রকম তরল পদার্থ জরাগ্রস্ত ব্যক্তির চর্মাভ্যন্তরে সূক্ষ্ম সূঁচের দ্বারা প্রবেশ করাইয়া দেন ; তাহাতেই কিছুকালের মধ্যে বৃদ্ধদেহে যৌবনের লক্ষণ সকল দেখা দেয় । বলনার হাঁসপাতালে আগত বৃদ্ধ রোগীদের দেহে তিনি ইহার পরীক্ষা করিয়া সফলকাম হইয়াছেন । আরও কয়েক বৎসর ভালরূপে পর্যবেক্ষণ ও অমুসন্ধান করিয়া, তিনি তাহার আবিষ্কার জগতের সমক্ষে প্রচার করিবেন । (সম্মিলনী)

**বিচিত্র বাস্তা—পুরুষের গর্ভ ।**—রোমের একখানি সংবাদপত্রে পুরুষের গর্ভে সন্তান উৎপত্তির এক বিচিত্র সংবাদ প্রকাশিত হইয়াছে । সংবাদটি এইরূপ,—সার্ডিয়ার রাজধানী বেলগ্রাডের জেনারেল হাসপাতালে জিভোটা জাডোভিন নামক একটা ছষ্টপুষ্ট কৃষক যুবক চিকিৎসার জন্ত যায় । সে তাহার পেটে এক প্রকার অসহ্য বেদনা অনুভব করিতেছিল । বিখ্যাত অস্টিচিকিৎসক ডাঃ হোরিক তাহার পেট চিরিয়া একটা মাংসপিণ্ড বাহির করেন । সেই মাংসপিণ্ডটি কাটিয়া তাহার মধ্যে দুইটি পুরুষ ভ্রূণ দৃষ্ট হয় । ভ্রূণ দুইটি যথাক্রমে ১০ ও ৫ ইঞ্চি পরিমাণ । কৃষক যুবক মৃত্যু হইয়া উঠিয়াছে । বৈজ্ঞানিকরা এখন ইহার কারণ অমুসন্ধানের জন্ত মাথা ঘামাইতেছেন । কেহ কেহ বলিতেছেন,—এই যুবকের জননী একই সময় তিনটি ভ্রূণ গর্ভে ধারণ করিয়াছিলেন । তাহারই একটি পুষ্ট হইয়া যথাকালে ভূমিষ্ঠ হয় । সেটাই এই যুবক স্বয়ং । অপর দুইটি এই যুবকের শরীরে প্রবিষ্ট হইয়া গিয়াছিল, এতদিনে তাহা বাহির হইল । (সম্মিলনী)

**অস্ত্রশূলে—এপোমফাইন ।**—জার্নাল অব আমেরিক্যান মেডিক্যাল এসোসিয়েসন পত্রে ডাঃ সিলেন এম, ডি, লিখিয়াছেন—“অস্ত্রশূলে পূর্ণ বয়স্কদিগকে ১/৪ গ্রেণ মাত্রায় এপোমফাইন হাইড্রোক্লোরাইড হাইপোডার্মিক ইন্জেকসনরূপে প্রয়োগ করিলে, তৎক্ষণাৎ উপকার পাওয়া যায়—অতি সম্বরই বেদনা দূরীভূত হইয়া থাকে ।

## এন্ডোক্রিনোলজি—Endocrinology.

### থাইরয়েড গ্রন্থি—Thyroid gland.

লেখক—ডাঃ শ্রীসন্তোষকুমার মুখোপাধ্যায় M. B.

ইণ্ডিয়ান মেডিক্যাল রেকর্ডের সম্পাদক।

( পূর্বে প্রকাশিত ৯ম সংখ্যার ( পৌষ ) ৩৮৬ পৃষ্ঠার পর হইতে )

—:—

### থাইরয়েড গ্রন্থির সামান্য অকর্মণ্যতা জনিত রোগীর বিবরণ।

থাইরয়েড গ্রন্থি সামান্য অকর্মণ্য হইলে, তদ্বশতঃ দৈহিক অবস্থা যেরূপ হয় এবং যে সকল লক্ষণ উপস্থিত হইয়া থাকে, বিগত সংখ্যায় জাহা কথিত হইয়াছে। এস্থলে কয়েকটি রোগীর বিবরণ উল্লিখিত হইতেছে।

১ম রোগী। সিদ্ধু দেশের একজন চিকিৎসক, তাঁহার স্ত্রীকে দেখাইবার জন্ত, দুই বৎসর পূর্বে আমার নিকট লইয়া আসেন। তিনি সমাজ সংস্কার উদ্দেশ্যে একটি অনাথা বালিকাকে বিবাহ করিয়াছিলেন। তাঁহার স্ত্রী অনাথাশ্রমে পালিতা এবং বেশ শিক্ষিতা। রোগিনীর আকৃতি দেখিয়া তাঁহাকে অন্ততঃ ৪০।৪ বৎসর বয়স্কা বলিয়া মনে হইল; কিন্তু জিজ্ঞাসা করিয়া জানিলাম যে, তাহার বয়স মাত্র ২৫ বৎসর। ডাক্তারকে, তাহার স্ত্রী অপেক্ষা বয়সে অনেক ছোট দেখায়।

পূর্বে ইতিহাস ও বর্তমান অবস্থা—রোগিনী বরাবরই ক্ষীণকায় এবং দুর্বল। দুই বৎসর হইল তাঁহার মাথার চুল, বেশীর ভাগ উঠিয়া গিয়াছে এবং পাকিতে আরম্ভ হইয়াছে। কয়েকটি দাঁত পড়িয়া গিয়াছে। চোখের জর চুলও কম। কপালের চর্ন্দ্র অন্ন লোল।

রোগিনীর প্রথম ঋতুদশনে বিলম্ব হইয়াছিল। এক্ষণে ঋতু প্রায়ই ঠিক সময়ে হয় না। কোন সস্তানাঙ্গি হয় নাই। সঙ্গমেচ্ছা কম। কোষ্ঠবদ্ধ আছে এবং পরিপাকশক্তি ভাল নয়। নাড়ীর গতি পরীক্ষা করিয়া দেখা গেল, উহা মিনিটে ৬৫ বার। বেসাল্ মেটাবলিজম্ রেট্—১১, অর্থাৎ স্বাভাবিক অপেক্ষা কম।

এই সকল লক্ষণ দেখিয়া রোগিনীর দেহে থাইরয়েড্ গ্রন্থির রসাতাব হইয়াছে, বলিয়া আমি স্থির করিলাম। রোগিনী শৈশবে মাতৃ-স্তনদুগ্ধ পায় নাই, সুতরাং স্তনদুগ্ধ থাইরয়েড্ রসলাভ করিবার সুযোগ তাহার ছিল না। শৌবনের প্রারম্ভে—যে সময় থাইরয়েড্ গঠিত হয়, সে সময় তাহাকে অনাথাশ্রমে অবস্থান করিতে হইয়াছিল; সেখানে পুষ্টির খাওয়া পাওয়া, থাইরয়েড্ পরিপুষ্ট হইতে পারে নাই।

**চিকিৎসা।** উল্লিখিত সিদ্ধান্তের বশবর্তী হইয়া রোগিনীকে প্রত্যহ ১ গ্রেণ মাত্রায় “ডেসিক্লেটেড থাইরয়েড” ট্যাবলেট ব্যবস্থা করিলাম।

**চিকিৎসার ফল।** উক্ত ঔষধ ব্যবস্থা করার পর রোগিনীক কোন সংবাদ পাই নাই। তারপর, কিছুদিন পূর্বে রোগিনীর স্বামী—উক্ত চিকিৎসকের একখানি পত্র পাইলাম। এই পত্রে জানিলাম যে,—তাঁহার স্ত্রীর স্বাস্থ্য পূর্বাপেক্ষা অনেক ভাল হইয়াছে, বর্তমানে তিনি সাত মাস গর্ভবতী, তাঁহার চুল পাকা বন্ধ হইয়াছে এবং নূতন চুল উঠিয়াছে। পূর্বের স্থায় এখন আর কোষ্ঠবদ্ধ নাই, বর্তমানে নাড়ীর গতি ৭০ বার।”

**২য় রোগী।** কলিকাতার কোন ব্রিগ্যালয়ের একজন শিক্ষক, গত বৎসর আমার নিকট চিকিৎসার্থ আসেন। তাঁহার শরীর দুর্বল বলিয়া মনে হয়, কোন কাজ ভাল লাগে না এবং দেহের স্থানে স্থানে মধ্যে মধ্যে ব্যথা হয়। বয়স ৩০ বৎসর, কিন্তু ইহার মধ্যেই তাঁহার মাথার সমস্ত চুল পাকিয়া গিয়াছে। ইহাই তাঁহার রোগের বিবরণ।

রোগীকে দেখিতে ৫০ বৎসর বয়স্ক ব্যক্তির স্থায়। তাঁহার মাথার চুল অধিকাংশই পাকিয়া গিয়াছিল; মুখের চর্ম অত্যন্ত লোল; কিন্তু দাঁতগুলি ঠিক ছিল। গাত্রচর্ম শুষ্ক এবং যে সময় রোগীকে দেখিয়াছিলাম, তখন অত্যন্ত গ্রীষ্ম হইলেও, তাঁহার গায়ে বাম ছিল না। মধ্যে মধ্যে মাথা ধরে। কোষ্ঠবদ্ধ আছে। নাড়ীর গতি স্বাভাবিক অপেক্ষা কম। রক্তের চাপও কম। তাহার দুইটা সন্তান আছে।

সকল চিকিৎসকই, তাঁহার রোগ “স্বাভাবিক দৌর্বল্য” বলিয়া স্থির করিয়াছিলেন; এবং রোগী অনেক দিন ধরিয়া নারভিগর, ফক্ফো-লেসিথিন প্রভৃতি সেবন করিয়াছিলেন, কিন্তু কোন ফল হয় নাই।

রোগীকে পরীক্ষা করিয়া আমি বুঝিলাম যে, তাঁহার থাইরয়েড্ গ্রন্থি উত্তমরূপে কাজ করিতেছে না।

এই রোগীকেও ১ গ্রেণ করিয়া “থাইরয়েড্ ট্যাবলেট্” প্রত্যহ একবার করিয়া কিছুদিন থাইতে দিয়াছিলাম। ইহাতেই তাঁহার সমুদয় উপসর্গ দূরীভূত হইয়া, রোগী এখনও ভাল আছেন।

**থাইরয়েড্ রসের পরিমাণ হ্রাসের সহিত কয়েকটী রোগের সম্বন্ধ।**— থাইরয়েড্ গ্রন্থির অন্তঃরস উপযুক্ত পরিমাণে নিঃসৃত না হইলে, যে সকল লক্ষণ উপস্থিত হয়, তাহা উল্লিখিত হইয়াছে। এতদ্ব্যতীত কতকগুলি রোগের সহিত, থাইরয়েড্ রসের অভাবের সম্বন্ধ আছে বলিয়া জানা গিয়াছে।

থাইরয়েড্ রসের পরিমাণ সামান্য হ্রাসপ্রাপ্ত হইলে, দেহ মধ্যে উৎপন্ন দুগ্ধ পদার্থ সমূহ নষ্ট হইতে পারে না এবং তাহার ফলে দেহ বিষাক্ত হওয়ায়, দেহ নানা রোগের আধার হইয়া উঠে। ইহার ফলে, সাধারণতঃ নিম্নলিখিত কতকগুলি পীড়া প্রকাশ পাইতে দেখা যায়। যথা;—

(ক) **আধকপালে মাথাধরা (Migraine)**।—অনেক সময় (অবশ্য সকল ক্ষেত্রে নয়) থাইরয়েড গ্রন্থির অস্তঃরসের অভাবের ফলে আধকপালে মাথাধরা উপস্থিত হইয়া থাকে।

(খ) **গর্ভাবস্থায় বিষাক্ততা (Toxaemias of pregnancy and Eclampsia)**।—স্ত্রীলোকদের অস্তঃস্বভাবস্থায় দেহের ভিতর নানারূপ দূষিত পদার্থ উৎপন্ন হওয়ার, এই সময় থাইরয়েডকে অতিরিক্ত পরিশ্রম করিতে হয়। সুস্থ রমণীর থাইরয়েড এই অতিশ্রমে কাতর হয় না। কিন্তু যাহাদের থাইরয়েড পীড়াক্রান্ত হয়, তাহাদের দেহস্থ এই সকল দূষিত পদার্থ নষ্ট না হইয়া, রক্তে জমিতে আরম্ভ করে এবং তাহার ফলে বিষক্রিয়ার লক্ষণ সমূহ, যথা—**অতিবমন (Hyperemesis Gravidarum)** এবং এমন কি, **আক্লেপ (Eclampsia)** পর্যন্ত উপস্থিত হইতে পারে।

(গ) **বিবিধ চর্মরোগ**।—এক্জিমা (Eczema), সোরায়েসিস্ (Psoriasis) ইক্টিওসিস্ প্রভৃতি চর্মরোগের সহিত, থাইরয়েড্ গ্রন্থির রসাতাবের কিছু সম্বন্ধ আছে বলিয়া মনে হয়। এস্থলে একটি রোগীর বিবরণ উল্লিখিত হইল।

**রোগী**—একটি শিশু। শিশুটির মস্তকে এক্জিমা হইয়াছিল। শিশুর বয়স যখন সাত মাস, তখন প্রথম এক্জিমা দেখা দেয়। বর্তমানে তাহার বয়স তিন বৎসর।

**গুনিলাম**—“প্রথমে মাথার উপরের চর্ম লাল হইয়: উঠে এবং তথায় ক্ষুদ্র ক্ষুদ্র জলপূর্ণ গুটি দেখা দেয়। গুটিগুলি ফাটিয়া যাইলে, তন্মধ্যস্থ রস নির্গত হইয়া হরিদ্রা বর্ণের মামড়ি উৎপন্ন হয়। মামড়ির নীচে রস নির্গত হইতে থাকে এবং ঐ স্থান অত্যন্ত চুলকায়।

শিশুটির এই এক্জিমা আরোগ্য করণার্থ অনেক প্রকার মলম, লোসন প্রভৃতি দ্বারা অনেক দিন চিকিৎসা করা হইয়াছিল, কিন্তু তাহাতে বরং রোগের বৃদ্ধি হয় বলিয়া, বর্তমানে এরূপ ঔষধ প্রয়োগ বন্ধ করা হইয়াছে। “খাণ্ডের দোষে এক্জিমা হইতে পারে” এই ধারণায়, শিশুর খাণ্ডের উপর বিশেষ দৃষ্টি রাখা স্বত্বেও, কোন উপকার হয় নাই। কয়েক মাস হোমিওপ্যাথিক ঔষধও সেবন করান হইয়াছিল, তাহাতেও কিছু মাত্র ফল হয় নাই।

এই সময়ে এই শিশুর পিতা, থাইরয়েড্ গ্রন্থির রসাতাব জনিত পীড়ার জন্ম আমার চিকিৎসাধীন ছিলেন, শিশুর মাতাও রুগ্না। তাঁহার স্তনদুগ্ধের অল্পতা বশতঃ, শিশুটি কখন উপযুক্ত পরিমাণে মাতৃস্তন্য পায় নাই।

শিশুটিকে পরীক্ষা করিয়া বুঝা গেল যে, ইহার এই এক্জিমা—থাইরয়েড্ গ্রন্থির রস পর্যাপ্ত পরিমাণে না পাওয়ার ফলে উপস্থিত হইয়াছে। থাইরয়েড অস্তঃরসের অভাবে, শিশুটির দেহ মধ্যে দূষিত পদার্থ সমূহ নষ্ট হইতে পারিতেছে না এবং তাহার ফলে শরীর বিষাক্ত হইয়া উঠিতেছে।

শিশুকে অল্প মাত্রায় থাইরয়েড সেবনের ব্যবস্থা দিলাম এবং পরিষ্কৃত বাদাম তৈলের সহিত শতকরা একভাগ কর্কলিক এসিড মিশ্রিত করিয়া, মস্তকে লাগাইতে বলিলাম।

কোষ্ঠবদ্ধতার জন্য ক্যালোমেল ও সোডি বাইকার্ব একত্র মিশ্রিত করিয়া, উহা মধু দিয়া মাড়িয়া খাওয়াইতে বলা হইল। শিশুর মস্তকে সাবান ব্যবহার করিতে নিষেধ করিলাম এবং স্নানকালে ঐ স্থানে ষতদূর সম্ভব কম জল লাগে, সে দিকে দৃষ্টি রাখিতে উপদেশ দিলাম। বাদাম তৈল দ্বারা একজিমা আক্রান্ত স্থান পরিষ্কার করিতে বলা হইল। শিশুকে চিনি, মিষ্টান্ন, গুড় ও মাছ খাইতে নিষেধ করিলাম।

এইরূপ চিকিৎসায় এক মাসের মধ্যেই শিশু আরোগ্য লাভ করিয়াছিল।

(ঘ) **প্রসবান্তিক উন্মাদ**।—প্রসবের পর কদাচিৎ কখন স্ত্রীলোকদের উন্মাদ হইতে দেখা যায়। থাইরয়েড অস্তঃরসের অভাব হইলে, গর্ভাবস্থায় দেহমধ্যে যে সকল দূষিত পদার্থ উৎপন্ন হয়, তাহা নষ্ট না হইয়া জমিতে থাকে। এইরূপ বিবক্রিয়ার ফলে মস্তিষ্ক বিকৃতি হইয়া যায়। থাইরয়েড অস্তঃরসাতাবে যে সকল রোগিণী উন্মাদগ্রস্ত হয়, তাহারা গুম্ হইয়া থাকে ও তাহাদিগকে সর্বদাই স্তানমুখ (Stuporous Melancholia) দেখা যায়।

(ঙ) **শয্যাশূত্র**। শিশুদের শয্যায় মূত্রত্যাগের কারণ—অনেক সময় থাইরয়েড অস্তঃরসের অভাব বলিয়া জানা গিয়াছে।

(চ) **বার্কিক্যের রোগ**।—বৃদ্ধ বয়সে থাইরয়েড গ্রন্থি ক্ষয়প্রাপ্ত হয় এবং উহার অস্তঃরসের পরিমাণও কমিয়া যায়। পক কেশ, শিথিল দস্ত, লোল চর্ম, শিথিল ইন্দ্রিয়, পরিপাকশক্তি হ্রাস প্রভৃতি বার্কিক্যের চিহ্নগুলির সঙ্গে, থাইরয়েড অস্তঃরসের অভাব জনিত লক্ষণ সমূহের আশ্চর্যজনক ঐক্য আছে। এইজন্য বার্কিক্যের কোন কোন রোগে, “থাইরয়েড চিকিৎসায়” ফল পাওয়া যায়। অনিচ্ছায় মূত্রত্যাগ (Incontinence of urine, রক্তের চাপ বৃদ্ধি arteriosclerosis) প্রভৃতি রোগে, অনেকে থাইরয়েড ব্যবহার করেন।

(ছ) **মেদোবৃদ্ধি (Obesity)**—ইন্ড্রিনের তাপ হয় কমলা হইতে; দেহের কমলা চর্কি। চর্কি পুড়িয়া মানবদেহের প্রয়োজনীয় উত্তাপ সৃষ্টি হয়। দেহে যখন অতিরিক্ত চর্কি জন্মে, তখন বৃদ্ধিতে হইবে—চর্কির দহন ক্রিয়া (Oxidation) ঠিক মত হইতেছে না। চর্কি ঠিকমত দাহ না হইলে, উহা দেহ মধ্যে জমিতে থাকে এবং তাহার ফলে দেহের স্থলতা বৃদ্ধি হয়। অতিরিক্ত মোটা হওয়া, স্বাস্থ্যের লক্ষণ বলিয়া যে ধারণা আমাদের দেশে আছে, তাহা ভ্রমাত্মক; বরং উহা স্বাস্থ্যের লক্ষণই জ্ঞাতব্য।

থাইরয়েড গ্রন্থির অস্তঃরস এই চর্কি দহনে সহায়তা করে। সুতরাং উহার ঐ অস্তঃরসের অভাব হইলে, দেহে চর্কি জন্মে। কিন্তু মোটা লোক মাত্রেই যে, থাইরয়েড অস্তঃরসের অভাব হইবে, এমন কোন মানে নাই। থাইরয়েড ব্যতীত অন্য কারণেও, লোক মোটা হইতে পারে।

**থাইরয়েড অস্তঃরসের অভাব জনিত মেদোবৃদ্ধির লক্ষণ**।—থাইরয়েড গ্রন্থির অস্তঃরসের অভাব জনিত মেদোবৃদ্ধির কতকগুলি বিশেষ লক্ষণ আছে। বলা;—



“রোগী বেশ মোটা, কিন্তু তাহার মুখ রক্তহীন পাণ্ডুবর্ণ (anaemic)। ইহাদের স্বন্ধে ও উদর দেশে মেদোবৃদ্ধি বেশী হয়। মাংসপেশী খল্খলে (flabby)। রোগী অল্প পরিশ্রমে হাঁপাইয়া উঠে। নাড়ী ক্ষীণ ও হৃৎপিণ্ড দুর্বল। ক্ষুধা কম”। এই ধরনের রোগীগুলির থাইরয়েডের অন্তঃরস, প্রয়োজনানুরূপ নিঃসৃত হইতেছে না বলিয়া বুঝিতে হইবে। বাংলাদেশের নারীদের মধ্যেই এইরূপ মেদোবৃদ্ধি বেশী দেখা যায়।

## (২) থাইরয়েড গ্রন্থির অন্তঃরসের অত্যন্ত বা সম্পূর্ণ অভাব।

থাইরয়েড গ্রন্থির অন্তঃরস প্রয়োজন অপেক্ষা কম পরিমাণে নিঃসৃত হইলে, অকাল বার্ধক্য প্রভৃতি যে সকল লক্ষণ উপস্থিত হয়, পূর্বেই তাহা উক্ত হইয়াছে। এক্ষণে উহার অন্তঃরস নিঃসরণ ক্ষমতা যদি অত্যন্ত হ্রাস বা সম্পূর্ণরূপে বিলুপ্ত হয়, তাহা হইলে দেহ মধ্যে যে সকল পরিবর্তন উপস্থিত এবং দেহের অবস্থা ষেরূপ হইতে পারে, তাহা কথিত হইতেছে।

**জন্তুর থাইরয়েড গ্রন্থি উচ্ছেদের ফল।**—কোন জন্তুর থাইরয়েড গ্রন্থি উচ্ছেদ করিলে, উহার অন্তঃরস নিঃসরণ যে, এককালীন স্থগিত হইয়া থাকে, সহজেই তাহা অমুম্ভব। এক্ষণে স্থলে ঐ জন্তুর দৈহিক অবস্থা কিরূপ হয়, নিম্নের চিত্রস্থ যে শাবক দুইটির প্রতি দৃষ্টিপাত করিলেই, তাহা বেশ বুঝা যাইবে।

৩য় চিত্র—জন্তুর থাইরয়েড উচ্ছেদের ফল।





সমবয়সী ২টা মেঘ-শাবক লইয়া, উহাদের মধ্যে একটীর থাইরয়েড গ্রন্থি উচ্ছেদ করা হইয়াছিল। ৪ বৎসর পরে দেখা গেল যে, যে ভেড়াটীর থাইরয়েড গ্রন্থি উচ্ছেদ করা হয় নাই, তাহার দেহ স্বাভাবিক ভাবে বর্দ্ধিত হইয়াছে; কিন্তু যাঁহার থাইরয়েড গ্রন্থি উচ্ছেদ করা হইয়াছিল, তাহার দেহ স্বাভাবিক ভাবে বর্দ্ধিত হয় নাই। পূর্ব পৃষ্ঠার চিত্রস্থ বাম দিকের ভেড়াটীর থাইরয়েড উচ্ছেদ না করায়, উহার দেহ বর্দ্ধিত এবং দক্ষিণ দিকের ভেড়াটীর থাইরয়েড উচ্ছেদ করায়, উহার দেহ খর্বতা প্রাপ্ত হইয়াছে। এইরূপ দৈহিক খর্বতাকে “ক্রেটিন” (Cretin) বা “বামন” বলে।

থাইরয়েড গ্রন্থির অন্তঃরসের অত্যন্ত বা সম্পূর্ণ অভাবের ফল। অবস্থা ভেদে ইহার ফল দ্বিবিধ আকারে প্রকাশ পায়

(১) ক্রেটিন (Cretin) ।

(২) মিক্সিডিমা (Myxædema) ।

[ ১ ] ক্রেটিন (Cretin) ।—শৈশবাবস্থায় যদি থাইরয়েড গ্রন্থির অন্তঃরসের একান্ত বা সম্পূর্ণ অভাব ঘটে, তাহা হইলে উহার ফলে, বয়ঃবৃদ্ধির সহিত শিশুর দেহ যথোচিতরূপে বর্দ্ধিত, শারীরিক যন্ত্রসমূহ পরিপুষ্ট, বর্দ্ধিত এবং মানসিক শক্তির ক্রমঃ বিকাশ, ক্ষুরণ ও উৎকর্ষ সাধিত হইতে পারে না। এইরূপ অবস্থাপন্ন লোক—“জড় বামন” বা “ক্রেটিন” নামে অভিহিত হয়।

(২) মিক্সিডিমা (Myxædema) ।—বৌবনের পর থাইরয়েড গ্রন্থির অন্তঃরসের একান্ত অভাবের ফলে সর্বাঙ্গ ফুলিয়া উঠে, কিন্তু এই ক্ষীতি টিপিলে বসে না। এতদ্ব্যতীত এই সঙ্গে আরও কতকগুলি লক্ষণ উপস্থিত হয়।

৪র্থ চিত্র—অধিক বয়সে মিক্সিডিমা । •



১নং চিত্র ।

২নং চিত্র ।

• ৪র্থ চিত্র—চিত্র পরিভ্রম—চিত্রস্থ দুইটা মুখাকৃতি একই ব্যক্তির। এই ব্যক্তির থাইরয়েড গ্রন্থির অন্তঃরস কমিয়া যাওয়ার সর্বাঙ্গ ফুলিয়া উঠে। ইহার মুখমণ্ডল ক্ষীত হইয়া বেরুগ হইয়াছিল, ১নং চিত্রে তাহা প্রদর্শিত হইয়াছে। এই সময় ইহার দেহের ওজন ১১৬ পাউণ্ড হইয়াছিল। অতঃপর এই রোগীকে কিছুদিন থাইরয়েড চিকিৎসা করার, ইহার সমস্ত শরীরের ক্ষীতি অন্তর্হিত হইয়াছিল। চিকিৎসার মুখমণ্ডলের ক্ষীতি হ্রাস হইয়া বেরুগ হইয়াছিল, ২নং চিত্রে তাহা প্রদর্শিত হইয়াছে। রোগীরোগের পর ইহার দৈহিক ওজন কমিয়া ৭০ পাউণ্ড হইয়াছিল।

স্ত্রীলোকদিগের মধ্যে এই রোগ অপেক্ষাকৃত অধিক দেখা যায়। সাধারণতঃ যৌবনের পর এবং মধ্য বয়স্ক ব্যক্তিদিগেরই এই পীড়া উপস্থিত হইয়া থাকে। পঞ্চাশত্রে, ৭৮ বৎসর বয়স্ক বালিকারও এই পীড়া হইতে দেখিয়াছি।

**মিউডিডিমা সন্ধান**। এই রোগে নিম্নলিখিত লক্ষণ সমূহ উপস্থিত হইতে দেখা যায়। যথা—

(ক) **আকৃতি**—রোগীর সর্কাজ ক্ষীণ হয়। কিন্তু ইহা যে, প্রকৃত শোথ নহে; তাহার প্রমাণ এই যে, শোথে যমন ক্ষীণ অংশ অঙ্গুলী দ্বারা টিপিলে বসিয়া যায়, ইহাতে দেরূপ হয় না। মুখমণ্ডল ক্ষীণ এবং মুখের উপর—চর্মের যে স্বাভাবিক রেখাগুলি থাকে, সে গুলি বিলুপ্ত হওয়ায়, মুখ ভাবহীন (vacant appearance) বলিয়া মনে হয়।

হাতগুলি ফোলা ফোলা (spadelike) দেখায়। নাসিকা ও অঙ্গুলীর অগ্রভাগ নীলবর্ণ (cyanosis) এবং গাত্রচর্ম কর্কশ, শুষ্ক এবং অনেক সময় অঁস অঁস মত (scaly) হয়। মাথার চুল প্রায় উঠিয়া যায়। দস্ত ক্ষয়প্রাপ্ত বা পড়িয়া যায়।

(খ) **দেহের উত্তাপ**। দৈহিক উত্তাপ সাধারণতঃ স্বাভাবিক উত্তাপ অপেক্ষা কম হয়।


(গ) **নাড়ীর গতি**।—নাড়ীর গতি মতান্তর কম হয়। আমরা একটা রোগীর নাড়ীর স্পন্দন মিনিটে ৪০ বার মাত্র হইতে দেখিয়াছি

(ঘ) **কোষ্ঠবদ্ধতা**। এই রোগে কোষ্ঠবদ্ধ ও পাকস্থলীর গোলযোগ প্রায়ই বিদ্যমান থাকে।

(ঙ) **স্নায়বিক সন্ধান সমূহ**। মিউডিডিমা রোগে বিবিধ স্নায়বিক লক্ষণ প্রকাশ পায়। যথা—মাংসপেশীতে বেদনা, স্নায়ুশূল এবং কখন কখন শিরঃপীড়া হইতে দেখা যায়। রোগীর মাংসপেশীগুলি পুষ্টির অভাবে দুর্বল হইয়া পড়ে। রোগীর ধারণাশক্তি ও চিন্তাশক্তি কমিয়া যায় এবং মানসিক জড়তা (mental torpor) উপস্থিত হয়।

(চ) **স্ত্রীলোক হইলে** ঋতু প্রায় অনিয়মিত হয় এবং কখন কখন অতিরিক্ত (Menorrhagia) উপস্থিত হইতে দেখা যায়। এস্থলে ১৫১ রোগিণীর বিষয় উল্লিখিত হইতেছে।

(ক্রমশঃ)



## চুল্কণা—pruritus ; itching.

লেখক—ডাঃ এ, কে, এম, আব্দুল ওয়াহেদ B. Sc., M. P.

হাউস সার্জন, প্রেসিডেন্সি জেনারেল হস্পিট্যাল,  
কলিকাতা।

— ::o:: — .

**পরিচয়** চুল্কণা বলিয়া একটা স্বতন্ত্র চৰ্মরোগ নাই। অর বলিলে যেমন কোন একটা রোগ বিশেষ বুঝায় না, ব্যথা বা বেদনা বলিলে যেমন কোন একটা রোগ নির্দেশ করা যায় না, চুল্কণা বলিলে তেমনই কোন একটা রোগ বুঝায় না। টাইফয়েড, ম্যালেরিয়া, কালাজর ইত্যাদি রোগে “অর” এবং বাতব্যাধি বা পাকস্থলীর ক্ষত (gastric ulcer) ইত্যাদিতে “বেদনা” যেমন একটা প্রধান লক্ষণ; তেমন “চুল্কণাও” অনেক রোগের একটা বিশিষ্ট লক্ষণ।

দৈহিক উত্তাপের আধিক্যবশতঃ “অরের” অমুভূতি এবং দেহের স্থান বিশেষে বিভিন্ন প্রকারের অস্বস্থির দ্বারা যেমন “বেদনার” অমুভূতি হয়, সেইরূপ বিভিন্ন রোগের ফলে, চৰ্মে এক প্রকার অস্বস্থির অনুভব হইয়া থাকে। এই অস্বস্থিই—চুলকাইবার প্রবৃত্তির উদ্বেক করে এবং চুলকাইয়া চৰ্ম ছিন্ন তিন্ন করিলে, তবে শান্তি বোধ হয়। চৰ্ম চুলকাইবার প্রবৃত্তি, তাহাকে “চুল্কণা” বলে; উহা অর, ব্যথা ইত্যাদির দ্বারা এক প্রকার অমুভূতি মাত্র। চুলকাইয়া চৰ্ম ছিন্নতিন্ন (scratching) করার ফলে, যে সমস্ত ক্ষত চিহ্ন (lesion) প্রকাশ পায়, সেইগুলিকে “চুল্কণা” বলিয়া একটা স্বতন্ত্র চৰ্মরোগরূপে অভিহিত করা উচিত নহে।

### উৎপত্তির কারণ—( Aetiology )।

চুল্কণার উৎপত্তি অনেক কারণেই ঘটিতে পারে। এই কারণগুলিকে নিম্নলিখিত কয়েক ভাগে বিভক্ত করা যায়, যথা :—

১। **বিষাক্ত দ্রব্য (toxin)**।—দেহজাত দূষিত পদার্থ সকল (endotoxins) সহজে দেহ হইতে নিষ্কাশিত হইতে না পারিয়া, চৰ্মের উপর উহাদের ক্রিয়া প্রকাশ করার (Autotoxic metabolic Pruritus), কিম্বা কোন বিষাক্ত দ্রব্য—খাদ্য ও ঔষধরূপে, শরীরে প্রবিষ্ট হইয়া, চুল্কণার উৎপত্তি (Pruritus of alimentary origin) হইতে পারে।

২। **চর্মরোগ**।—বিভিন্ন প্রকারের চর্মরোগ বশতঃ চুলকণার উৎপত্তি হইতে পারে ( Dermatosic pruritus due to skin lesions ) ।

৩। **জীবাণু**।—বিভিন্ন প্রকারের জীবাণু ( Parasites ) দেহের উপরিভাগে জন্মগত করিয়া ও বৃদ্ধি পাইয়া, চর্ম রোগের সৃষ্টি করে এবং এইরূপ চর্ম রোগের ফলে চুলকণার উৎপত্তি হইতে পারে ( Parasitic pruritus ) ।

৪। **স্নায়বীয় দুর্বলতা**।—স্নায়ুশুলীর দুর্বলতার জন্য চুলকণার উৎপত্তি হইতে পারে । ( Neurotic pruritus ) ।

উপরোক্ত কারণগুলির প্রতি লক্ষ্য করিলেই বেশ বুঝা যায় যে, চুলকণার কারণ নির্ণয় করা, সব সময়ে সহজসাধ্য নহে এবং প্রকৃত কারণ নির্ণয় করিতে না পারিলে, সূচিকিৎসা করাও হুঙ্কর । সুতরাং উপরোক্ত কারণগুলি সম্বন্ধে আরও একটু বিস্তৃত বিবরণ নিয়ে প্রদত্ত হইল ।

(১) **বিষাক্ত দ্রব্যজনিত চুলকণা** । বিভিন্ন প্রকার রোগে, অনেক সময় দেহের মধ্যে নানা প্রকার বিষাক্ত দ্রব্যের সৃষ্টি হয় । দেহের সুস্থাবস্থায় ঐ সমস্ত দ্রব্যের সৃষ্টি হয় না বা সৃষ্টি হইলেও, মষ্ট হইবার ( detoxication ) বা দেহ হইতে নির্গত হইবার ( elimination ) উপায় থাকে বলিয়া, রোগের উৎপত্তি হয় না । কিন্তু সাধারণতঃ পীড়াকালীন ঐ দূষিত পদার্থগুলি লিভার ও কিডনীর দুর্বলতার জন্য বিনষ্ট ও দেহ হইতে নিষ্কাশিত হইবার সুবিধা পায় না । সুতরাং ঐ দূষিত পদার্থগুলি দেহে অবস্থিতি করিয়া রোগ সৃষ্টি এবং সঙ্গে সঙ্গে চর্মে আক্রমণ করিয়া চুলকণার সৃষ্টি করে । উদাহরণ স্বরূপ নিম্নলিখিত রোগগুলির নাম করা যাইতে পারে, যথা—বহুশ্র ( Diabetes ), গাউট বা বাত ( Gout or Rheumatism ), গর্ভাবস্থা ( pregnancy ), কিডনীর প্রদাহ ( Bright Disease ), ইউরিমিয়া ( Uraemia ), জন্ডিস ( Jaundice ), অজীর্ণ ( Dyspepsia ), কোষ্ঠবদ্ধতা ( Constipation ), রক্তকৃচ্ছতা ( Dysmenorrhoea ), শিরা সমূহের দৃঢ়তা ( Arteriosclerosis—বার্ধক্যের চুলকণা ) । উল্লিখিত কারণে এই সকল রোগে চুলকণা উপস্থিত হইতে দেখা যায় ।

বর্হিজাত দূষিত পদার্থ শরীরে সঞ্চয়িত হইয়া, চুলকণার উৎপত্তি হওয়াও অসাধারণ নহে । চিংড়ি মাছ, কাঁকড়া ইত্যাদি খোলায় আবৃত মৎস্য, লবণাক্ত ও বহুদিন হইতে রক্ষিত মাংস, পচা মাছ, পচা পিঁয়, এবং ষ্ট্রাবেরী ( Strawberry ) জাতীয় ফল ভক্ষণে, চুলকণার উৎপত্তি হইতে পারে । এ সকল ক্ষেত্রেও লিভার ও কিডনীর দুর্বলতাও বর্তমান থাকিতে পারে । খুব সম্ভবতঃ, এই শ্রেণীর চুলকণা—এক প্রকার উত্তেজক বিষ ক্রিয়ার ফল ( anaphylaxis ) । চা, কফি, সুরা, বেলেডোনা, কোকেন, এটিপাইরিণ, পারদ, ব্রোমাইড, ক্লোরাল হাইড্রেট, অহিসেন

ইত্যাদি ভেষজ দ্রব্য নিয়মিত মাত্রায় প্ৰসবনে, অনেকের দেহে চুলকণার উৎপত্তি হইতে পারে ।

(২) **চর্মরোগ জাত চুলকণা**—নিম্নে যে সমস্ত চর্ম রোগের নামোল্লেখ করা হইতেছে, সে গুলিতে প্রথম হইতেই চুলকণা আরম্ভ হয় এবং চুলকণার ফলে চর্ম ছিন্ন ভিন্ন হইয়া যে সমস্ত lesion বা ক্ষত চিহ্ন প্রকাশ হইয়া থাকে, সেগুলি দেখিয়াই, ঐ সমস্ত চর্মরোগের নামকরণ হইয়া থাকে । স্বরণ রাখা কর্তব্য—এই সমস্ত ক্ষেত্রে চুলকণা হইতে রোগ সৃষ্টি হয় নাই—বরং চর্মে ঐ সমস্ত রোগের কারণগুলির সমাবেশ হইলেই চুলকণা আরম্ভ হইয়া, সঙ্গে সঙ্গে রোগচিহ্ন বা lesion গুলির সৃষ্টি হয় । নিম্নলিখিত চর্মরোগগুলিতে সর্বদা চুলকণা বর্তমান থাকে । যথা—

(ক) **লাইকেন (Lichen)**।—ইহাতে চুলকণার প্রভাবে চর্মের স্বাভাবিক মসৃণতা নষ্ট হইয়া, উহা কর্কশ হইতে থাকে ; চর্মের উপরিস্থ সূক্ষ্ম দাগ বা ভাঁজগুলি ( Creases ) গভীরতর, বৃহদাকার এবং সহজে প্রকাশমান হইয়া উঠে । তারপর ক্রমে চামড়া অত্যন্ত পুরু ও শক্ত হইয়া যায় । এই প্রকার চুলকণায়ুক্ত অস্বাস্থ্যকর চর্মরোগ, শরীরের অধিকাংশ স্থলে হইতে পারে অথবা স্থান বিশেষে সীমাবদ্ধ থাকিতে পারে ।

(খ) **আর্টিকেরিয়া ( Urticaria—আমবাত )**—গায়ে বিছুটি লাগিলে, বা কোনস্থানে বিষাক্ত পিপিলিকা, বৃশ্চিক, মোমাছি বা বোলতা দংশন করিলে, সেই স্থানের চর্ম ষেরূপ ‘দাগ্‌ড়া দাগ্‌ড়া’ হইয়া ফুলিয়া উঠে, চুলকণার ফলে কোন কোনও ব্যক্তির শরীরের চর্ম সেইরূপ রসযুক্ত ক্ষীত হইয়া উঠে ।

(গ) **একজেমা ( Eczema )**—এই রোগে চুলকণার ফলে, কোন কোন ব্যক্তির চর্মে আলপিনের মাথার মত আকার বিশিষ্ট—দানার জায় রসপূর্ণ গুটিকা ( vesicle ) উৎপন্ন হয় । এই গুলিকে ভেসিকিউলার ( vesicular Eczema ) বলে । স্থান বিশেষে এই প্রকার দানাগুলি চামড়ার উপরেও উঁচু হইয়া উঠে এবং ক্রমে ঐ গুলি ফাটিয়া গিয়া, উহা হইতে রস নির্গত হইতে থাকে ।

(ঘ) **প্রুরাইগো ( Prurigo )**।—এই পীড়ায় চুলকণার ফলে, কোন কোন ব্যক্তির দেহে রক্তাভ ও দ্রব ক্ষীতচর্মে পরিবেষ্টিত রসযুক্ত দানার সৃষ্টি হয় । কিছুদিন পরে এই দানাগুলির উপরিভাগ শুক হইয়া, ক্ষুদ্র আইসে পরিণত হয় ।

(ঙ) **ডার্মাটাইটিস মাল্টিফর্মিস ( Dermatitis multiformis )**—এই পীড়ায় চুলকণার ফলে, কোন স্থান লাল ( erythematous ), কোন স্থান ক্ষীত ও রসযুক্ত ( urticarial ) কোন স্থান রসযুক্ত দানাদার ( vesicular ), কোন স্থান পুঁজযুক্ত দানাদার ( Pustular ), এবং কোন স্থান কোম্বাক্ত ( blebs ) হইতে পারে । এই প্রকার চিহ্ন বিশিষ্ট “চর্মরোগকে ডার্মাটাইটিস মাল্টিফর্মিস ( Dermatitis multiformis ) বলে ।



(৭) কীটগু কৰ্তৃক উৎপন্ন চৰ্মরোগজাত চুলকণা—  
 ছই প্রকারের কীটগু চৰ্মকে আক্রমণ করিলে চৰ্মরোগ উপস্থিত হইয়া “চুলকণার” সৃষ্টি  
 করে। যথা—একেরাস স্কেবিয়াই ( *Acaras Scabei* ) বা পাচড়ার কীটগু এবং  
 পেডিকিউলোসিস ( *P. diculosis* ), পাচড়া চিনিতে হইলে, নিম্নলিখিত বিষয়গুলি স্মরণ  
 করিয়া রাখা বিশেষ আবশ্যিক। প্রথমতঃ—পাচড়া সংক্রামক ব্যাধি; পাচড়ার  
 আক্রান্ত কোন ব্যক্তির সংস্পর্শ হইতে এই রোগের উৎপত্তি হয়। সুতরাং রোগী কোন  
 চুলকণা পাচড়াগ্রস্ত লোকের সংস্পর্শে আসিয়াছে কি না, এ কথা তাহাকে বিশেষ করিয়া  
 জিজ্ঞাসা করা আবশ্যিক। দ্বিতীয়তঃ—পাচড়া দেহের নির্দিষ্ট স্থানে হয়, যথা—হাতের  
 আঙ্গুলের ফাঁকে, কব্জিতে, বগলে, কুচকীতে ( *Inguinal region* ), অণ্ডকোষের  
 চৰ্মে ( *Scrotum* ), হাতের কুমুয়ে ( *Elbow* ), পাছায় ( *gluteal fold* )।  
 তৃতীয়তঃ—অনুভূষণ যন্ত্রদ্বারা পাচড়ার কীটগু চিনিয়া লওয়া আবশ্যিক। পাচড়ার কীটগু  
 চৰ্মে স্তম্ভস্তম্ভ চালা বা গৰ্ত্ত ( *Bursows* ) প্রস্তুত করিয়া, তাহার মধ্যে ডিম পাড়ে ও বাস  
 করিতে থাকে। বিশেষ যত্ন সহকারে লক্ষ্য করিলে, এই গৰ্ত্তগুলি দেখিতে পাওয়া  
 যায়।

পেডিকিউলোসিস চিনিতে হইলে উপরোক্ত কথাগুলি স্মরণ করা কর্তব্য। এই  
 কীটগুগুলি মাথা, বুক, পিট, কোমরের চতুর্দিক ও তলপেট ( *Pubus* ) আক্রমণ করে।

(৪) আনুমান্যগুলোর দুর্বলতার নিমিত্ত উৎপন্ন চুলকণা—  
 নিম্নলিখিত অবস্থায় স্নায়বিক চুলকণার উৎপত্তি হয়। যথা;—(১) অতিরিক্ত পরিশ্রম,  
 অসহনীয় দুঃখক্লেশ বা মানসিক উত্তেজনা বা ভাবপ্রবণতার ফলে ( *emotional* )।  
 (২) *Peripheral nerve* বা দেহের প্রান্তভাগের স্নায়ুর কোন ক্ষত হইলে,  
 (৩) শরীরের আত্যন্তরীক কোন যন্ত্রের উত্তেজনা প্রতিফলিত হইয়া ( *Reflex* ) চৰ্মে  
 চুলকণা রূপে প্রকাশ পায়। যথা;—অল্পে ক্রিমির নিমিত্ত চুলকণা।

চুলকণা স্নায়বিক দুর্বলতার জন্য উৎপন্ন হইয়াছে কি না, এই কথা নিশ্চিত ভাবে  
 বলিতে হইলে, ঐ চুলকণা যে পূর্বে নিমিত্ত কোন কারণে উৎপন্ন হয় নাই, ইহা প্রথমে  
 প্রতিপন্ন করিতে হইবে। এতদর্থে কোন রোগী চুলকণার চিকিৎসা করাইতে আসিলে,  
 প্রথমেই তাহার মূত্র পরীক্ষা করিতে হইবে। মূত্রে শর্করা ( *suger* ), অণ্ডলাল জাতীয়  
 দ্রব্য ( *Albumen* ), এসিটোন ( *Acetone* ), পিত্ত ( *Bile* ) আছে কি না, তাহা  
 বিশেষ যত্নসহকারে পরীক্ষা করা উচিত।

চুলকণার লক্ষণ সমূহ ( *Symptoms* )।—চুলকণা স্থান বিশেষে  
 সীমাবদ্ধ থাকিতে অথবা সর্বত্র পরিব্যাপ্ত হইতে পারে। উদাহরণ স্বরূপ “প্রাইটিস এনাই”  
 ( *Pruritus Ani* ) অর্থাৎ বলহারের চতুর্পার্শ্বে চুলকণা প্রাইটিস ভালভার ( *Pruritus*  
*Valva* ) নাম করা যাইতে পারে। আবার “প্রাইটিস সেনেলিস” ( *Pruritus senelis* )



অর্থাৎ বার্জিকোর চুলকণা সর্বদা বিস্তার লাভ করে । চুলকণা সাধারণতঃ হঠাৎ আরম্ভ হয় । কখনও সামান্য চুলকণা হইয়া উপশম হয়, আবার কখনও বা ভীষণ চুলকণার উৎপত্তি হইয়া থাকে এবং অনবরতঃ চুলকাইবার ফলে, নখরাঘাতে চর্ম ছিন্নবিচ্ছিন্ন হইয়া রক্তপাত ঘটলে, তবে একটু শান্তি বোধ হয় । সর্বদা অতিরিক্ত চুলকণার আক্রমণ হইলে, রোগী শীঘ্রই ক্ষীণ হইয়া পড়ে । অতিরিক্ত চুলকণার ফলে অনেক সময়ে রোগী অনিদ্রার কবলে পতিত হইয়া, ক্ষীণ ও দুর্বল হইয়া পড়ে এবং তখন তাহার অবস্থা বিপজ্জনক হইয়া উঠে । অতিরিক্ত চুলকণার ফলে রোগী উন্মাদ হইতে পারে ; কেহ কেহ এই কারণে আত্মহত্যা পর্য্যন্ত করিতে প্রবৃত্ত হয় । চুলকণা অনবরতঃ ( continuous ) বা সময়ান্তে ( intermittent ) হইতে পারে । হঠাৎ ঠাণ্ডা লাগিলে বা বিছানার উত্তাপ লাগিলে, কফি বা মণ্ডপান করিলে কিম্বা ভাবপ্রবণতার আধিক্য হইলে ( emotional ), চুলকণার বৃদ্ধি হইতে পারে । চুলকণার ফলে চর্ম ছিন্ন ভিন্ন হইলে, নানা প্রকার ক্ষত চিহ্নের ( lesions ) উৎপত্তি হয় । ক্ষতের উপর আইস পড়িতে পারে ; ক্ষত গুলিতে পুঁজ ও চর্মের বর্ণ পরিবর্তন ( Pigmentary changes ) এবং চর্ম পুরু, কর্কশ ও শক্ত হইতে পারে ।

**প্রকারভেদ ।**—নিম্নলিখিত কয়েক প্রকারের চুলকণার একটু বিশদ বিবরণ প্রদত্ত হইল ।

**বার্জিকোর চুলকণা (Pruritus Senilis) ।**—প্রায় অশীতি বৎসর বয়সের সময় এই ক্লেশকর ব্যাপারের আবির্ভাব হয় । ষাট বৎসর বয়সের পূর্বে ইহার সূত্রপাত প্রায়ই হয় না । এই সময়ে চর্ম দেখিলে ও স্পর্শ করিলে অত্যন্ত পাতলা ও মসৃণ বোধ হয় । মনে হয়—যেন, চর্ম ক্ষয় হইয়া গিয়াছে, স্থানে স্থানে সূক্ষ্ম সূক্ষ্ম আইস দেখাও যাইতে পারে । এই চুলকণা অতি ভীষণ । রাত্রিতে ইহা অত্যন্ত বৃদ্ধি পায় এবং অনিদ্রা ঘটায় বলিয়া, রোগী শীঘ্র অতি ক্ষীণ হইয়া পড়ে । চর্মে চুলকণার নিমিত্ত নানা প্রকারের ক্ষত পরিলক্ষিত হইতে পারে ।

**মলদ্বারের নিকটবর্তী চুলকণা (Pruritus Ani) ।**—এই চুলকণার প্রারম্ভে মলদ্বারের নিকটবর্তী চর্মের অধিক পরিবর্তন হয় না—কেবলমাত্র কয়েকটি আঁচড়ের চিহ্ন ( Scratch merk ) থাকিতে পারে । কিন্তু চুলকণাতে অতি সঘরই একজিয়া ( eczema ) আরম্ভ হয় এবং এই একজিয়ার সঙ্গে সঙ্গে চুলকণাও অতিমাত্রায় বৃদ্ধি পায় । অনেক স্থলে ইহা চুলকণা, কি একজিয়া এবং ইহার মধ্যে কোনটি প্রথমে আরম্ভ হইয়াছিল, তাহা বলা দুষ্কর হইয়া পড়ে । এই চুলকণা একটু অধিক দিন স্থায়ী হইলে চর্মের পরিবর্তন দৃষ্ট হয় । মলদ্বারের চতুর্দিকের চামড়া—জুতার চামড়ার মত শক্ত ও সঙ্কুচিত হয় । পাশাপাশি অবস্থিত উচ্চ আইস ও খাদের মত সঙ্কুচিত ( ridges and fursows ) হইয়া, সঙ্কুচিত চর্ম মলদ্বার হইতে চতুর্দিকে প্রসারিত হয় । খাদগুলি দেখিতে রক্তাভ বোধ হয় এবং উহা হইতে রস নির্গত হয় । চুলকণা মলদ্বার হইতে আরম্ভ হইয়া, পশ্চাদিকে মধ্যরখার ( Raphe ) উভয় পার্শ্বে পাছা পর্য্যন্ত এবং

সন্মুখের অণুকোষের আবরণ (serotum) পর্য্যন্ত প্রসারিত হয়। চুলকণা রাত্রিতে বৃদ্ধি এবং দিবাভাগেও অনেক সময় যথেষ্ট ক্লেশদায়ক হয়।

এই চুলকণা অনেক কারণে উদ্ভূত হইতে পারে। অর্শ (haemorrhoids), মলদ্বারে ফাটা (fissure of the anus) ও নালী (fishula), ক্রিমি, কোষ্ঠবদ্ধতা, সরলাস্ত্রের সাংঘাতিক ক্ষত (malignant ulcer of the rectum) এবং মলদ্বারের ক্রমাগত আর্দ্রতার নিমিত্ত এই চুলকণার উৎপত্তি হইতে পারে। বহুমূত্র রোগেও এই স্থানে চুলকণার উদ্ভেক হইতে দেখা যায়। কেহ কেহ বলেন যে, মল হইতে স্ট্রেপ্টোকক্কাস (Streptococcus faecalis) নামক জীবাণু, মলদ্বারের উপর অনিষ্টকর ক্রিয়া প্রকাশ করিয়া, এই চুলকণার সৃষ্টি করে। কফী, মস্ত, 'গরম মসলা, তামাক ইত্যাদি উত্তেজক পদার্থ একটু অধিক পরিমাণে সেবন করিলে, চুলকণার বৃদ্ধি হইতে পারে।

**ভালভার চুলকণা অর্থাৎ যোনিদ্বারের চুলকণা (Pruritus Vulvae)**।—যে কোন বয়সে স্ত্রীলোকদের এই শ্রেণীর চুলকণার উৎপত্তি হইতে পারে। ক্রিমির জন্ত ছোট ছোট বালিকাদের এইরূপ চুলকণার আক্রান্ত হইতে দেখা যায়। জরায়ুর অভ্যন্তর ভাগের প্রদাহ (Endometritis), জরায়ুর গলদেশের অভ্যন্তর ভাগের প্রদাহ (Endocervicitis) এবং গণোরিয়া প্রভৃতি রোগের নিমিত্ত, বয়স্থা স্ত্রীলোকদিগের যোনীদ্বার হইতে রস নির্গত হইতে থাকিলে, এই চুলকণার উৎপত্তি হইবার সম্ভাবনা। প্রস্রাবের সহিত শর্করা থাকিলে এবং গর্ভাবস্থায় ক্রমবর্দ্ধনশীল জরায়ুর চাপে শিরাসমূহে অধিক রক্ত সঞ্চার হইলে, চুলকণার উৎপত্তি হইতে পারে। অনেক সময় মাসিক ঋতুর পূর্বে ও পরে, এই চুলকণার আবির্ভাব হইয়া থাকে।

এই চুলকণার প্রারম্ভে চর্ম্মে বিশেষ পরিবর্তন ঘটে না। কিন্তু যতই ইহা পুরাতন হইতে থাকে, ততই দুই দিকের লেবিয়ার (labia) ভিতর দিকের চর্ম্ম পুরু ও শক্ত হইয়া যায়। ক্রমশঃ লিউকোপ্লেকিয়া (leucoplakia) ও ক্রাউসিস ভালভী (Krausis Valva) নামক রোগস্বয়ং সৃষ্টি হইতে পারে।

## চুলকণার চিকিৎসা—Treatment ।

চুলকণার চিকিৎসা করিতে হইলে, সর্বাগ্রে উহার উৎপত্তির কারণ নির্ণয় করতঃ, তাহা নিবারণ করিবার চেষ্টা করিতে হইবে। বহুমূত্র, বাত, কিডনীর প্রদাহ, জন্টিস, অজীর্ণ, কোষ্ঠবদ্ধতা, রক্তকৃচ্ছতা ইত্যাদির চিকিৎসায় মনোনিবেশ করিলে, ঐ সমস্ত কারণ হইতে উৎপন্ন চুলকণা, আপনা হইতেই আরোগ্য হইয়া থাকে। পাঁচড়া (স্কেবিস) ও পেডিকিউলোসিসের নিমিত্ত চুলকণার উৎপত্তি হইলে, সর্ব্ব প্রথমে ঐ সমস্ত রোগের কীটনাশ করিতে হইবে। স্নায়বিক দুর্বলতা জনিত চুলকণার, প্রথমে স্নায়ুগুলীর উত্তেজনাকে প্রশমিত করিতে হইবে। চর্ম্মরোগজাত

চুলকণার প্রথমে ঐ সমস্ত চর্মাৰোগের চিকিৎসা করা কর্তব্য। গর্ভাবস্থায় চুলকণা প্রকাশ পাইলে, উহাকে কোনক্রমে অবহেলা করা উচিত নহে। অথ কোন লক্ষণের অবর্তমানে, কেবলমাত্র চুলকণাই—গর্ভকালীন বিষাক্ততার (toxæmia of pregnancy) একমাত্র লক্ষণরূপে প্রকাশ পাইতে পারে এবং যে কোন মূহূর্তে আক্কেপের (eclampsia—একল্যাম্পসিয়ার) আবির্ভাব হওয়া অসম্ভব নহে। সময়ে চিকিৎসা করিলে, এই মারাত্মক ব্যাধির কবল হইলে রক্ষা পাওয়া সম্ভবপর।

অনেক স্থলে চুলকণার লাঘব হয়, এইরূপ চিকিৎসা করিবার নিমিত্ত রোগী সনির্বন্ধ অনুরোধ করে। কিন্তু শুধু “চুলকণা”—এই লক্ষণের চিকিৎসা করিলে, রোগীর অশান্তির অনেক লাঘব হয় বটে, কিন্তু এইরূপ লাক্ষণিক চিকিৎসায় রোগ সম্পূর্ণরূপে নিৰ্ম্মূল হয় না। যাহা হউক, তথাপি রোগীর চুলকণা নিবারণার্থ চেষ্টা করিতে হইবে এবং সঙ্গে সঙ্গে রোগীর চুলকণা উৎপত্তির মূল কারণেরও, চিকিৎসার নিমিত্ত আমাদের যত্নবান হওয়া কর্তব্য।

**প্রয়োজ্য ঔষধ সমূহ।**—প্রধানতঃ দুই শ্রেণীর ঔষধ দ্বারা চুলকণার নিবৃত্তি হইতে পারে। যথা—

- (১) স্পর্শহারক ঔষধ ।
- (২) আরোগ্যকারক ঔষধ ।

যথাক্রমে এই দ্বিবিধ শ্রেণীস্থ ঔষধ সমূহের বিষয় কথিত হইতেছে।

(১) **স্পর্শহারক অর্থাৎ অসাত্কারী ঔষধ সমূহ** (Anæsthetic agents)।—এই শ্রেণীস্থ ঔষধ সমূহের দ্বারা চুলকণার নিবৃত্তি হয় বটে, কিন্তু পীড়া নিরাময় হয় না। এই শ্রেণীস্থ ঔষধগুলির মধ্যে এসেটিক এসিড (Acetic Acid), টার্টারিক এসিড (Tartaric Acid), ফেনল (Phenol), কোকেন (Cocaine) স্টোভেন (Stovaine), মেথল (Menthol), মিথিল-স্যালিসিলাস (Methyl Salicylas), বেঞ্জোইন (Benzoin) কপূর, (Camphor), বালসম (Balsam, ক্যানাবিস (Cannabis) প্রভৃতি সাধারণতঃ ব্যবহার হয়।

(২) **আরোগ্যকারক অর্থাৎ চুলকণা নিবারক ঔষধ সমূহ** (Reducing agents)।—এই শ্রেণীস্থ ঔষধ দ্বারা চুলকণার নিবৃত্তি হয় এবং উহা আরোগ্যও হইয়া থাকে। এই শ্রেণীস্থ ঔষধ সমূহের মধ্যে ইকথিয়ল (Ichthyol), টিউমিনোল (Tuminol), টার (Tar), রেসরসিনোল (Resorcino.) প্রভৃতি উপযোগিতার সহিত ব্যবহৃত হয়।

**ব্যবহার্য ঔষধ সমূহের প্রয়োগ, প্রণালী।** উল্লিখিত ব্যবহার্য ঔষধগুলি সাধারণতঃ লোশন (Lotion), মলম (Unguentum), বা পেট (Paste)

আকারে ব্যবহৃত হইয়া থাকে । প্রত্যেক ঔষধের বিভিন্নরূপে প্রয়োগার্থ নিম্নে কতকগুলি ব্যবস্থা পত্র প্রদত্ত হইল ।

(১) এসেটিক এসিড ।—নিম্নলিখিত কয়েক প্রকারে ইহা প্রয়োগ করা যায় । যথা— :

Re.

এসেটিক এসিড	...	১ ভাগ
জল	...	১০০ ভাগ ।

একত্র মিশ্রিত করিয়া লোসন । আক্রান্ত স্থান ধৌতার্থ স্থানিক প্রয়োজ্য ।

Re.

এসেটিক এসিড	...	৭৫ মিনিম ।
এডিপিস লিনি হাইড্রোসাই	...	২½ ড্রাম ।
পেট্রোলেটাম	...	৫ ড্রাম ।

একত্র মিশ্রিত করিয়া মলম । আক্রান্ত স্থানে প্রয়োজ্য ।

Re.

এসেটিক এসিড	...	½ হইতে ২½ ড্রাম ।
এডিপিস লিনি হাইড্রোসাই	}	প্রত্যেকে ২½ ড্রাম ।
পেট্রোলেটাম		
এমাইলাম		

একত্র মিশ্রিত করিয়া পেট্ট । আক্রান্ত স্থানে প্রয়োজ্য ।

(২) টার্টারিক এসিড ।—উপরোক্ত ব্যবস্থা পত্রগুলিতে এসেটিক এসিডের পরিবর্তে, সমমাত্রায় টার্টারিক এসিড যোগ করিয়া প্রয়োগ করা যাইতে পারে ।

(৩) ফেনল ।—উপরোক্ত ব্যবস্থা-পত্রগুলিতে এসেটিক এসিডের পরিবর্তে, ফেনল বা কার্বলিক এসিড শতকরা এক হইতে তিনভাগ পর্য্যন্ত ব্যবস্থেয় ।

(৪) কোকেন ।—ইহা নিম্নলিখিতরূপে মলম আকারে প্রয়োগ করা হয় । যথা—

Re.

কোকেন হাইড্রোক্লোর	...	৭½ গ্রেণ ।
মেসল	...	১৫ গ্রেণ ।
পেট্রোলেটাম	...	১ আউন্স ।

একত্র মিশ্রিত করিয়া মলম । আক্রান্ত স্থানে প্রয়োজ্য ।

(৫) মেসল ।—ইহার শতকরা এক হইতে পাঁচভাগ পর্য্যন্ত লোসন এবং শতকরা এক ভাগ মলম ও পেট্ট প্রযুক্ত হইয়া থাকে । লোসনের জগ—

Re.

মেছল	...	১৫ গ্রেণ।
একোয়া কলোনিয়েনসিস	...	৩১ আউন্স।

একত্র মিশ্রিত করিয়া লোসন। আক্রান্ত স্থানে প্রয়োজ্য।

(৬) মিথিল স্যালিসিলেটস।—ইহার শতকরা দুই হইতে দশভাগ পর্যন্ত পেট প্রয়োগ করা যাইতে পারে। নিম্নলিখিতরূপে মলম আকারেও ইহা প্রযুক্ত হয়।  
যথা ;—

Re.

মিথাইল স্যালিসিলেটস	...	১৫ মিনিম।
মেছল	}	...
ক্যাম্ফর		
এডিপিস লিনি হাইড্রোসাই	}	প্রত্যেক ৫ ড্রাম।
পেট্রোলেটাম		

একত্র মিশ্রিত করিয়া মলম। আক্রান্ত স্থানে প্রয়োজ্য।

(৭) বেঞ্জোইন।—চুলকণা নিবারণার্থ ইহা প্রায়ই ব্যবহৃত হয় নিম্নলিখিতরূপে প্রয়োজ্য। যথা ;—

Re.

টীংচার বেঞ্জোইন	...	৪৫ মিনিম।
জল	...	৭৫ মিনিম।
পেট্রোলেটাম	...	১ আউন্স।
এডিপিস লিনি হাইড্রোসাই	...	১ আউন্স।

একত্র মিশ্রিত করিয়া মলম। আক্রান্ত স্থানে প্রয়োজ্য।

Re.

টীং বেঞ্জোইন	..	১ ড্রাম।
একোয়া রোজ	...	১০ ১/২ আউন্স।

একত্র মিশ্রিত করিয়া লোসন। আক্রান্ত স্থান ধোতার্থ স্থানিক প্রয়োজ্য।

Re. •

বাসল্যাম টৌলু	...	১ গ্রেণ।
টীংচার বেঞ্জোইন	...	১৫ মিনিম।
অয়েল এমিগডালি এক্সপ্রেসাই	...	২ ১/২ ড্রাম।
অয়েল লিমোনিস	...	২ ফেঁটা।

একত্র মিশ্রিত করিয়া আক্রান্ত স্থানে মালিসরূপে ব্যবহার্য।

(৮) ক্যান্ফর ।—চুলকণা নিবারণের বিশেষ শক্তি আছে বলিয়া, ইহা প্রসিদ্ধ । নিম্নলিখিতরূপে ইহা প্রযুক্ত হইয়া থাকে । যথা ; —

Re.

ক্লোরাল হাইড্রেট	...	১৫ গ্রেণ ।
লিনিমেন্ট ক্যান্ফর	...	২½ ড্রাম ।
এডিপিস লিনি হাইড্রোসাই	...	৩ আউন্স ।

একত্র মিশ্রিত করিয়া মলম । অক্রান্ত স্থানে প্রয়োজ্য ।

Re.

জিঙ্ক অক্সাইড	}	... প্রত্যেক ৬ ড্রাম ।
ক্রিটা প্রিপারেটা		
লিনিমেন্ট ক্যান্ফর	}	... প্রত্যেকে ৬ ড্রাম ।
লাইকর ক্যালসিস্		

একত্র মিশ্রিত করিয়া লোসন, অক্রান্ত স্থানে ধৌতরূপে প্রয়োজ্য ।

(৯) ক্যানাবিস ।—কখন কখনও ইহা ব্যবহৃত হয় । এতদর্থে —

Re.

একট্রাক্ট ক্যানাবিস	...	২½ ড্রাম ।
রেজিন	...	৭৫ গ্রেণ ।
সিরা ফ্লাভা ( Cera flava )	...	১½ আউন্স ।
অলিভ অয়েল	...	১০ ড্রাম ।

একত্র মিশ্রিত করিয়া মলমরূপে ব্যবহার্য্য ।

(১০) ইকথিওল । ইহার শতকরা ১০ ভাগ পর্য্যন্ত মলম বা পেষ্ট ব্যবহৃত হইয়া থাকে । চর্মের অভ্যন্তরভাগে এই ঔষধকে কার্য্যকরী করিতে হইলে, ইহাকে মলমরূপে এবং চুলকণা অত্যন্ত অধিক হইলে, ইহা পেষ্টরূপে ব্যবহার করা উচিত । নিম্নলিখিতরূপে ব্যবহার্য্য । যথা—

Re.

ইকথিওল	...	৪৫ গ্রেণ ।
এডিপিস লিনি হাইড্রোসাই	...	২½ ড্রাম ।
পেট্রোলিটাম	...	৫ ড্রাম ।

একত্র মিশ্রিত মলমরূপে প্রয়োজ্য ।



Re.

ইকথিওল	...	১৫ গ্রেণ ।
জিক অক্সাইড	}	...
এমাইলাই		
পেট্রোলেটাম	...	৫ ড্রাম ।

একত্র মিশ্রিত করিয়া পেট্র আকারে ব্যবহায্য ।

(১১) **থিওসল**—এই ঔষধটীও ইকথিওল জাতীয়; কিন্তু উহা আক্ষেপকৃত কম তেজস্কর । চর্মের উপরস্থ শুষ্ক স্তরকে উহা সহজে গলাইয়া দেয় ।

(১২) **টীউমিনল**।—ইহাও ঐ প্রকারের ঔষধ । উভয়েই ইকথিওলের স্থায় ব্যবহার্য্য ।

(১৩) **টার বা আলকাতরা**।—ইহা অধিক উত্তেজক ও তেজস্কর পদার্থ । সুতরাং চুলকণার প্রারম্ভে উহা ব্যবহার করা বিধেয় নহে । যখন চুলকণা পুরাতন হইবে ও সহজে সারিবে না, তখন ইহা প্রয়োগ করা যাইতে পারে । সাবানের সহিত মিশাইলে ইহা অধিক ভিতরে প্রবেশ করে । নিম্নলিখিত ব্যবস্থা-পত্রগুলি খুব তেজস্কর এবং এইজন্ত উহা খুব সাবধানে ব্যবহার করা উচিত ।

Re.

স্ফাপোনিস মলিস	...	৭৫ গ্রেণ ।
পিসিস লিকুইড	...	২½ ড্রাম ।
পেট্রোলেটাম	...	৯ ড্রাম ।

একত্র মিশ্রিত করিয়া মলম । স্থানিক প্রয়োজ্য ।

বার্ককোর চুলকণায় রোগীকে স্নান করাইয়া, সপ্তাহে দুইবার নিম্নলিখিত মলম প্রয়োগ করিলে বেশ উপকার হয় ।

Re.

লাইকর কার্বনিস ডিটার্জেন্স	...	১০ মিনিম ।
মিসিরিণ এমাইলাই	}	প্রত্যেকে ৫ আউন্স ।
আক্সুরেটাম এসিড স্যালিসিলিক		

একত্র মিশ্রিত করিয়া মলম ।

(১৪) **স্লেসনসিন** । চুলকণা নিবৃত্তি করণার্থ ইহা অতি মূল্যবান ঔষধ এবং বিশেষ কলমস্করক । ইহা শতকরা দুই হইতে পাঁচভাগ পর্যন্ত ব্যবহার করা যাইতে পারে । নিম্নলিখিতরূপে ব্যবহায্য । যথা—

Re.

রেসর্সিন	...	২ হইতে ১ ড্রাম।
একোয়া ডিষ্টিল্ড	...	৩২ আউন্স।

একত্র মিশ্রিত করিয়া লোসন। স্থানিক প্রয়োজ্য।

Re.

রেসর্সিন	....	২ ড্রাম।
এমাইলাই	...	২½ ড্রাম।
এডিপিস বেঞ্জোইন	...	১ আউন্স।

একত্র মিশ্রিত করিয়া মলম। স্থানিক প্রয়োজ্য।

Re.

রেসর্সিন	...	...	...	২ ড্রাম।
এমাইলাই	}			প্রত্যেকে ২ ½ ড্রাম।
জিঙ্ক অক্সাইড				
এডিপিস লি।ন হাইড্রোপাই				
পেট্রোলেটাম				

একত্র মিশ্রিত করিয়া পেট আকারে স্থানিক প্রয়োজ্য।

**ঔষধ সংযুক্ত জলে স্নান (Medicated bath)**।—কোন কোন ঔষধ স্নানের জলে মিশ্রিত করিয়া, সেই জলে রোগীকে স্নান করাইলে, উপকার হইতে দেখা যায়। এতদর্থে ২৫০ শত ভাগে ১ ভাগ এসেটিক এসিড কিম্বা ৩০ গ্যালন জলে আধ আউন্স মাত্রায় ক্রিয়োলিন (Creolin) বা লাইকর কার্বনিস ডিটারজেন্স (Liquor carbonis detergens), স্নানের জলের সঙ্গে মিশ্রিত করিয়া, সেই জলে স্নান করান যাইতে পারে। কোন কোন স্থলে একরূপ ঔষধ সংযুক্ত জলে স্নান করিয়া বিশেষ কোন উপকার হইতে দেখা যায় না। একরূপস্থলে একরূপ স্নান বন্ধ করিয়া দেওয়া উচিত।

## চুলকণার সাধারণ চিকিৎসা।

### General Treatment.

চুলকণার সাধারণ চিকিৎসার্থ নিম্নলিখিত বিধি-ব্যবস্থাগুলির প্রতিপালনের মনোযোগী হওয়া কর্তব্য। যথা ;—

(১) রোগীকে তাহার সাধারণ স্বাস্থ্য রক্ষা ও তাহার মন প্রফুল্ল রাখিবার জন্য উপদেশ দেওয়া আবশ্যিক।

(২) পিত্ত ও মলমূত্র নিঃসারক ঔষধ (Cholagogues, Purgatives and Diuretics) ব্যবহার্য। এতদর্থে স্যালিসিলেট, বেঞ্জোয়েট ও ক্যালোমেল এবং দেহজাত

দূষিত পদার্থ বিনষ্ট করণার্থ বিশোধক ও বিষনিবারক ( antiseptic and detoxicant ) ঔষধ, যথা—স্যালোল ( Salol ), ডাইমল ( Dimol ) ও থাইরয়েড ( Thyroid ) ব্যবহার করা কর্তব্য ।

( ৩ ) উত্তেজিত স্নায়ুশুলীকে শিথল রাখিবার নিমিত্ত স্নায়বিক অবসাদক ঔষধ ( Sedatives ). যথা—ভ্যালেরিয়ান, বেলেডোনা, ব্রোমাইডল, কুইনাইন হাইড্রোব্রোম ও টিংচার ক্যানাবিস ইত্যাদি প্রয়োজ্য ।

( ৪ ) এণ্ডোক্রিন রসের অভাব ঘটিলে, থাইরয়েড, ওভারিয়ান বা অর্কাইটিক এক্সট্রাক্ট ব্যবহার্য ।

( ৫ ) অনিদ্রা ঘটিলে ও সেই জন্ত রোগী ক্ষীণ হইতে থাকিলে, নিদ্রাকারক ঔষধগুলি নিঃসন্দেহে ব্যবহার করা যাইতে পারে । এতদর্থে বারবিটাল (Barbital), নিক্টাল Nyctal ক্লোরাল হাইড্রেট, পটাস ব্রোমাইড উপযোগিতার সহিত ব্যবহৃত হয় । স্মরণ রাখা কর্তব্য পারে ; যে, শেখোক্ত দুইটী ঔষধ ক্রমাগত ব্যবহার করিলে চর্মরোগের উৎপত্তি হইতে নচেৎ নিদ্রাকারক হিসাবে উহারা বিশেষ উপকারী ।

## বিশেষ বিশেষ স্থানের চুলকণার চিকিৎসা ।

প্রক্কাইটাস ভালবার চিকিৎসা—ইহার চিকিৎসা করিবার পূর্বে, ইহার উৎপত্তির কারণ নির্ণয় করিয়া, সর্বাঙ্গে তাহার প্রতিকার করা উচিত ; তৎপরে ঐ স্থানে নিম্নলিখিত ঔষধগুলি প্রয়োগ করা যাইতে পারে । যথা ;—লোসিও এসিড কার্বলিক, মাইকোথাইমলিন, লিষ্টারিন, লোসিও প্লাস্টাই সাব্-এসিটেটস ডিল বা গুলার্ডস লোসন । এই সকল লোসনে কাপ ড ভিজাইয়া, ঐ স্থানে প্রয়োগ করিলে, চুলকণার উপশম হইতে পারে । এতদর্থে—

( ১ ) Re.

লাইকর হাইড্রাজ্জ পারক্লোর ( ১০০০—১ )	৪ ড্রাম ।
এলকোহল	২ ড্রাম ।
ডিস্টিল্ড ওয়াটার	৪ আউন্স ।

একত্র মিশ্রিত করিয়া লোসন ।

টিংচার বেঞ্জোইন কম্পাউণ্ড, টিংচার এলোজ ( Aloes ), ইকথিওল ( শতকরা ১০ ভাগ ) ; সিলভার নাইট্রেট দ্রব ( শতকরা দুই হইতে পাঁচ ভাগ ) আক্রান্ত স্থানে প্রয়োগ করা যাইতে পারে । সিলভার নাইট্রেট উগ্র পদার্থ, ইহা স্মরণ রাখা কর্তব্য ।

২। Re.

মেথল	৩/৪ গ্রেণ ।
গোয়েকল	৪ গ্রেণ ।
জিঙ্ক অক্সাইড	২৫ ড্রাম ।
পেট্রোলেটাই	১ আউন্স ।


একত্র মিশ্রিত করিয়া পোমেড প্রস্তুত করতঃ, আক্রান্ত স্থানে প্রয়োজ্য ।

নিম্নলিখিত ঔষধগুলি চূর্ণাকারে আক্রান্ত স্থানে ছড়াইয়া দেওয়া যাইতে পারে । যথা—  
ট্যাল্কম ( Talcum ), বিসমাথ সাব্‌গ্যালাটে ( Bismuth subgallate ), জিঙ্ক অক্সাইড ।  
এই সমস্ত ঔষধ একায়েক কিম্বা ২৩টী সমভাগে একত্র মিশ্রিত করিয়া আক্রান্ত স্থানে  
প্রয়োজ্য ।

**প্রক্‌রাইট্রাস এনাইশ্বের চিকিৎসা**—মলদ্বার বা সরলাস্ত্রের মধ্যে, এই  
চুলকণার উৎপত্তির কারণ বর্তমান থাকিলে, তাহার প্রতিকার করিয়া, প্রত্যহ যাহাতে  
কোষ্ঠ পরিষ্কার হয়, তাহার চেষ্টা করা বিশেষ প্রয়োজন । যথেষ্ট পরিমাণে গরম জলের ডুস  
লইলে বা লাবণিক বিরেচক ( Saline aperients ) ব্যবহার করিলে, এই উদ্দেশ্য সিদ্ধ  
হইতে পারে । প্রত্যেকবার মলত্যাগের পর, মলদ্বার সাবান জলে উত্তমরূপে ধোত করিয়া,  
পরে সম্পূর্ণরূপে শুষ্ক করা আবশ্যিক । লাইকর হাইড্রাজ্‌জ পারক্লোর ( দুই হাজার ভাগে  
এক ভাগ ) দৈনিক অনেকবার করিয়া মলদ্বারে প্রয়োগ করিলে, এই চুলকণায় বিশেষ  
উপকার পাওয়া যায় । রাতিকালে নিদ্রার পূর্বে, এই ঔষধ দ্বারা মলদ্বার মুছিয়া ফেলিলে ভাল  
হয় । আরজাইয়ল বা প্রোটার্গল ( শতকরা দশভাগ ) কিম্বা লোসিও কলোসল আর্জেণ্টাম  
( Lotio Collosol Argentum ) দুই হাজার ভাগে একভাগ শক্তির দ্রব স্থানিক প্রয়োগ  
বিশেষ উপকারী । এই জাতীয় চুলকণায় মলম প্রয়োগ করিলে বিশেষ সফল হয় না ।  
কোকেন ঘটিত মলম কেবলমাত্র রোগটিকে চাপা দিয়া রাখে ; পীড়ার কোন উপশম  
সাধন করায় না ।

অন্যান্য উপায়ে এই রোগের উপশম না হইলে, এক্স-রে ( X'ray ) প্রয়োগ দ্বারা  
সফল পাওয়া যায় । রেডিয়াম প্রয়োগেও উপকার হইয়াছে বলিয়া শুনা যায় । চর্ম  
অধিক পুরু হইলে, কুড়ি হইতে ত্রিশ সেকেন্ড কাল পর্যন্ত কার্বন ডায়ক্সাইড স্নো  
( Carbon Dioxide Snow ) প্রয়োগ করিলে বিশেষ উপকার হইবার আশা করা যায় ।

কোন কোন রোগীকে, তাহার মল হইতে প্রস্তুত ভ্যান্সিন ইঞ্জেকসন দিলে  
উপকার হইতে পারে ।



ব্লাকওয়াটার ফিভারে—কুইনাইন ও হর্শ সিরাম ।

## Quinine & Normal Horse Serum in Blackwater Fever

লেখক—ডাঃ শ্রীসুব্রহ্মমোহন রায় L. M. P.

—:~:~:~:—

**স্বোগী**—একজন হিন্দু যুবক, নাম—শ্রীহেমেন্দ্র নাথ ঘোষ, বয়স ২৫ বৎসর । ইনি  
ডুয়ার্সে কিছুকাল ছিলেন । তথায় পীড়িত হইয়া, এখানে আমার আমার চিকিৎসাধীন  
হন । তাহার অন্ন অন্ন জর হইত এবং পীড়া ও যকৃৎ উভয়ই বর্ধিত হইয়াছিল ।

৮ই জুলাই বেলা ৪টার সময় আমি রোগীকে দেখিলাম । তখন রোগীর জ্বর ১০৪° ডিগ্রি এবং নাড়ীর গতি মিনিটে ১৩০ বার । রোগী ২—৩ ঘণ্টাস্তর, প্রতিবারে ৮—১২ আউন্স পরিমিত রক্তমিশ্রিত মূত্রত্যাগ করিতেছেন । রোগী অত্যন্ত অস্থির হইয়া পড়িয়াছেন এবং তাঁহার সমস্ত শরীর মধ্যে—বিশেষতঃ মূত্রাশয়ে জীষণ জ্বালা করিতেছে । জিহ্বা অত্যন্ত অপরিষ্কার ও পীতবর্ণের মলে আবৃত । উদ্ধতালু এবং চক্ষু হরিদ্রাবর্ণ । শুনিলাম—সমস্ত দিনরাত্রির মধ্যে ৩৭৪ বার রক্তযুক্ত মলত্যাগ হইয়াছে এবং যকৃতের অসহ্য বেদনা অনুভূত হইতেছে ।

অন্য তাঁহাকে ৫ গ্রেন মাত্রায় কুইনাইন বাই-হাইড্রোক্লোরাইড ডেলটয়েড পেশীতে ইঞ্জেক্সন এবং টিং ক্যাফিরাইডিস্ ও সোডিয়াম্ বাইকার্বনেট একত্রে মিশ্রিত করিয়া সেবন করিতে দিলাম ।

৯ই জুলাই ।—অন্য সকালে রোগীর অবস্থা অপেক্ষাকৃত ভাল মনে হইল । মল ও মূত্রের বর্ণ পরিবর্তিত হইয়াছে । মূত্র রক্তবর্ণের পরিবর্তে কটা বর্ণ বিশিষ্ট হইয়াছে । অন্য একমাত্রা “ক্যাফিন সোডিয়াম্ বেন্‌জোয়েট” ইঞ্জেক্সন দিলাম । ইঞ্জেক্সনের ফলে ক্রমশঃ জ্বরের বেগ হ্রাস হইয়া ১০২° ডিগ্রিতে নামিল ও নাড়ীর গতি ১২০ হইল ।

বৈকালে ।—এইদিন বৈকালে উত্তাপ ১০৩° পর্যন্ত উঠিতে দেখা গেল এবং ক্রমশঃ রোগীর অস্থিরতা, রক্তমিশ্রিত মূত্রত্যাগ প্রভৃতি লক্ষণ উপস্থিত হইতে দেখা যাইতে লাগিল । পুনরায় তাঁহাকে ৭½ গ্রেন মাত্রায় কুইনাইন বাই-হাইড্রোক্লোরাইড এবং এতৎসঙ্গে “বারোজ-ওয়েলকাম্” এর নর্মাল-হর্শ সিরাম ১০ সি, সি, মাত্রায় একবার ইঞ্জেক্সন করা হইল ।

১০ই জুলাই ।—অন্য প্রাতে: পুনরায় ১০ সি, সি, মাত্রায় এবং বিকালে ২০ সি, সি, মাত্রায় নর্মাল হর্শ সিরাম ইঞ্জেক্সন করায়, মূত্রের বর্ণ স্বাভাবিক হইল এবং উত্তাপ ৯৮.৪ ডিগ্রিতে নামিয়া আসিল ও নাড়ীও স্বাভাবিক হইল । গাত্রদাহ, মূত্রাশয় ও যকৃতের অসহ্য বেদনা প্রভৃতি যাবতীয় উপসর্গগুলি তিরোহিত এবং রোগীর জিহ্বা, উদ্ধতালু এবং চক্ষুর্দ্বয় পরিষ্কার হইয়াছে দেখা গেল ।

১১ই জুলাই ।—অন্য শরীরের তাপ সম্পূর্ণভাবে স্বাভাবিক অবস্থায় এবং প্লীহার আকার হ্রাস এবং অন্যান্য সমস্ত উপসর্গগুলি বিলুপ্ত হইয়াছে দেখা গেল ।

মধ্যাহ্নে ২টার সময়—অকস্মাৎ ধবর পাইলাম যে, রোগীর প্রস্রাব বন্ধ হইয়াছে । রোগীর নিকট উপস্থিত হইয়া একটা ৬নং ক্যাথিটার দ্বারা প্রস্রাব করাইবার চেষ্টা করা গেল, কিন্তু প্রস্রাব হইল না । অগত্যা রোগীকে ৫ গ্রেন মাত্রায় ক্যাফিন সোডিয়াম্ বেন্‌জোয়েট অধঃস্বাচিকরূপে ইঞ্জেক্সন করিলাম এবং তৎসঙ্গে ইউরোট্রোপিন ০.৮ গ্রেন মাত্রায়, প্রতি ৪ ঘণ্টা অন্তর সেবন করিতে দিলাম । সৌভাগ্য বশতঃ, ৩টার সময় রোগী প্রায় ১২ আউন্স পরিমাণ পরিষ্কার প্রস্রাব করিল ও তখন হইতে আর প্রস্রাবের কোন গোলযোগ হয় নাই ।

১২ই জুলাই।—অল্প রোগীকে কুইনাইন বাইহাইড্রোক্লোরাইড ৭½ গ্রেণ মাত্রায় ইঞ্জেকসন দিলাম। এখন হইতে রোগী সুস্থতা লাভ করিতে লাগিল। চিকিৎসাকালীন রোগীকে কেবলমাত্র ডাবের জল, সোডা ওয়াটার ও ফলের রস খাইতে দেওয়া হইয়াছিল। ১৬ই জুলাই রোগীকে অন্তপথা দেওয়া হয়। এখন রোগী আনন্দে স্বাস্থ্যস্থ ভোগ করিতেছেন। ( I. M. G. )

## যক্ষ্মা—Phthisis.

লেখক—ডাঃ শ্রীসতীশচন্দ্র হাজরা L. C. P. S.

—:—

রোগী।—চা বাগানের একজন কুলী, বয়স প্রায় ৩৬ বৎসর।

পূর্বে ইতিহাস।—প্রায় দুই বৎসর যাবত এই ব্যক্তি যক্ষ্মারোগে ভুগিতেছে। দিন দিনই ইহার শরীর কৃশ হইয়া যাইতেছে। সময় সময় কাশির সঙ্গে রক্ত বাহির হইত। নানা প্রকার ঔষধাদি খাইয়াছে, কিছুতেই কোন উপকার পায় নাই।

বর্তমান অবস্থা। রোগী খুব কৃশ, এমন কি, চলৎশক্তি বিহীন ও অস্থির হইয়াছে। বক্ষ চ্যাপটা, লম্বা ও সরু, স্ক্রু ঢালু হইয়া বাম পার্শ্বে বুঁকিয়া পড়িয়াছে। নিম্নের পাঁজরাগুলি ঘেসাঘেসি এবং উপরের পাঁজরাগুলি দূরে দূরে অবস্থিত দেখাইতেছে। গয়েরের রং সবুজ ও হরিদ্রাবর্ণ মিশ্রিত গাঢ় পূঁজের মত। গয়েরে সময় সময় রক্তের ছিট দেখা যায়। রোগী শ্বাসপ্রশ্বাসে খুব কষ্ট বোধ করে। রাত্রে প্রচুর ঘাম হয়, ঘামের পর শরীর অত্যন্ত ঠাণ্ডা হইয়া যায়। জরীয় উত্তাপ সকালে ৯৮—৯৮'৪ ডিগ্রী, বৈকালে ১০০—১০১'৪ ডিগ্রী হয়। বক্ষঃ পরীক্ষায় যক্ষ্মার সমস্ত লক্ষণাদি পাওয়া গেল।

চিকিৎসা।—রোগীর উল্লিখিত অবস্থা দৃষ্টে নিম্নলিখিত ব্যবস্থা করিলাম। রোগী বাহ্যিক রোগীর আর্থিক অবস্থা ভাল না থাকায়, ব্যয়সাধ্য চিকিৎসা করা সম্ভব বলিয়া বিবেচনা করি নাই। পরন্তু, অধুনা যক্ষ্মারোগে আইয়োডিনের উপকারিতা সম্বন্ধে সর্বিশেষ আলোচনা হওয়ায়, পরীক্ষার্থে ইহাই ব্যবস্থা করিলাম। যথা,—

Re.

টিং আইয়োডিন ... ২ মিনিম।

ছুগ ... ২ আউন্স।

একত্র মিশ্রিত করিয়া এক মাত্রা। এইরূপ প্রত্যহ তিন মাত্রা সেব্য।

অতঃপর একদিন অন্তর উক্ত ব্যবস্থা পত্রে, প্রতি মাত্রায় ১ মিনিম টিং আইয়োডিন ও ১ আউন্স ছুগ বৃদ্ধি করিয়াছিলাম।



এক সপ্তাহ কাল এইরূপে চিকিৎসা করার পর রোগীর জরীয় উত্তাপ কমিয়া গেল। দুই সপ্তাহ পরে দেখা গেল যে, এইরূপ চিকিৎসায় রোগীর অবস্থার অনেক হিতপরিবর্তন সাধিত হইয়াছে। দুই সপ্তাহ পরে এক দিন ঔষধ সেবন বন্ধ রাখিয়া, এইরূপ তিন মাস চিকিৎসার পর রোগীর অবস্থা ফিরিয়া গেল। বর্তমানে রোগী বেশ সুস্থ, ছুটপুট ও কার্যক্ষম হইয়াছে।

হৃৎকের মাত্রা ক্রমশঃ বৃদ্ধি করিয়া, উহা এক মাত্রায় ২৪ আউন্স পর্য্যন্ত বৃদ্ধি করা হইয়াছিল। অতপরঃ কেবলমাত্র টিং আইয়োডিন বৃদ্ধি করিয়াছিল। টিং আইডিউন এক মাত্রায় ৪০ মিনিম পর্য্যন্ত বৃদ্ধি করা হইয়াছিল।

মন্তব্য। আমি আরও একটী রোগী এইরূপ ভাবে চিকিৎসা করিয়া যথোচিত ফল পাইয়াছি। সমব্যবসায়ীগণকে একবার এই সুফল ও সহজসাধ্য চিকিৎসা-প্রণালীটী পরীক্ষা করিয়া দেখিবার জন্ত অনুরোধ করিতেছি।

## স্ফোটক চিকিৎসায়—“তোকমারী” ।

লেখক—ডাঃ শ্রীজ্ঞানচন্দ্র সেন গুপ্ত S. A. S.

মেডিক্যাল অফিসার, হাবড়া হস্পিট্যাল ।

— ::0:—

ফোঁড়াতে তোকমারীর পুলটীশ দেওয়ার প্রথা যে, আমাদের দেশে কতকাল হইতে প্রচলিত আছে, তাহা জানি না। তবে আধুনিক পাশ্চাত্য চিকিৎসার প্রবর্তন সহ, এই অনায়াসলভ্য মহোপকারী ঔষধটির ব্যবহার যে অনেকাংশে কমিয়া গিয়াছে, তাহার আর সন্দেহ নাই। আমি অনেক স্থলেই উহা ব্যবহার করি এবং যে যে স্থলে ব্যবহার করিয়াছি, কোন স্থলেই বিফল মনোরথ হই নাই।

তোকমারী প্রয়োগের ফল।—ছোট ছোট ফোঁড়াতে তোকমারীর পুলটীশ প্রয়োগ করিলে, উহাতেই ফোঁড়া আপনা আপনিই ফাটিয়া যায় ও ক্ষতও শুকাইয়া বাইতে দেখা যায়। ছোট ছোট ছেলে মেয়েদের ফোঁড়ায় (abscess) আমি উহা প্রায়ই ব্যবহার করি। যে স্থলে ফোঁড়া আপনা হইতে ফাটিয়া না যায়, অথবা অস্ত্র করিলে ছোট ছোট ছেলেদের ড্রেস (dress) করা ভয়ানক কষ্টকর হয়, সে স্থলে সাধারণতঃ ফোঁড়ার যে স্থলে অস্ত্র করিলে পূঁজ সহজে বাহির হইতে পারে, সেই স্থলে ছুরীর অগ্রভাগ দ্বারা সামান্য একটু কাটিয়া এবং টিপিয়া সমস্ত পূঁজ বাহির করিয়া, তোকমারীর পুলটীশ দেওয়া হয়। ইহাতে অধিকাংশ স্থলেই বা শুকাইতে ৪।৫ দিনের বেশী সময় লাগে না। কিন্তু নিয়মিত অস্ত্র করিয়া ড্রেস (dress) করিলে, নিশ্চয়ই

উহা অপেক্ষা বেশী দিন সময় লাগে এবং ড্রেস করিবার সময় কষ্টও বেশী হয়। নিম্নে ২টা চিকিৎসিত রোগীর বিবরণ উল্লিখিত হইল।

১। রোগী।—রোগীর বয়স ২৩।২৪ বৎসর। বেশ বলিষ্ঠ যুবক। টাইপিষ্টের (Typist) কাজ করে। উহার ডানহাতের কনুইর উপর (Elbow joints) উপরে একটা ফোঁড়া হইয়াছে। উহা দেখিতে একটা ছোট কমলা লেবুর মত বড় ছিল। ঐ ফোঁড়াটার যে স্থানে কাটিলে সহজে সমস্ত পুঁজ বাহির হইতে পারে, এইরূপ স্থানে ছুরী দিয়া ১/২ ইঞ্চি পরিমাণ কাটিয়াও টিপিয়া পুঁজ বাহির করিয়া, প্রত্যহ ২ বার করিয়া তোকমারীর পুলটীশ প্রয়োগের ব্যবস্থা করিলাম। এই ভাবে পুলটীশ দেওয়াতে ৩।৪ দিন পর্যন্ত সামান্য জলবৎ (Serous) পদার্থ বাহির হইত। অতঃপর ক্রমশঃ ক্ষত লালবর্ণ ও শুষ্কপ্রায় হইয়া, কেবলমাত্র অস্ত্র করার স্থানে ক্ষত বর্তমান ছিল। এই ক্ষতটুকুও ৪।৫ দিনের মধ্যে আরোগ্য হইয়াছিল।

এস্থলে ইহাও বক্তব্য যে, এই যুবকটি অস্ত্র করার পর দিন হইতেই, তাহার হাত দ্বারা নিয়মিত কাজ কর্তব্য করিত। আমার বিশ্বাস যে, যদি তাহার কাজ কয়েক দিন বন্ধ রাখিত; তাহা হইলে ক্ষত আরও শীঘ্র আরোগ্য হইয়া যাইত।

২য় রোগী। জনৈক হিন্দু মহিলা, বয়স ২৮।২৯ বৎসর। এই স্ত্রীলোকটি কতক দিন যাবত পাঁচড়ায় কষ্ট পাইতেছিলেন। পরে ইহার বাম কুচকীতে একটা বাঘীর মত ক্ষোটক উদ্ভূত হয়। প্রথমতঃ উহা পাঁচড়ার দরুণ হইয়াছে মনে করিয়া, বেশী কিছু সতর্কতা অবলম্বন করেন নাই। তবে উহাতে দেশী ঔষধ কিছু লাগাইয়াছিলেন। কিন্তু উহাতে কোন উপকার না হইয়া, বেদনা ও ক্ষীতি ক্রমেই বাড়িয়া যাওয়াতে, গত ৩।৪।২৭ তারিখে আমাকে ডাকেন।

বর্তমান অবস্থা। দেখিলাম—রোগিণীর বাম কুঁচকীতে প্রায় ৪ ইঞ্চি লম্বা ও ৩ ইঞ্চি চওড়া একটা বাঘীর মত ক্ষীতি বর্তমান রহিয়াছে। উহা অত্যন্ত বেদনায়ুক্ত ও টেণ্ডার বিশিষ্ট (tender)। ইহার জন্ত রোগিণী বসিতে বা হাটিতে পারেন না। পরীক্ষায় উহা পাকিয়াছে বলিয়া মনে হইল না।

চিকিৎসা। আমি এই দিন সন্ধ্যাকালে উক্ত ক্ষীত স্থানে এন্টিফ্লোজিষ্টিন (antiphlogistin) লাগাইয়া দিয়া আসিলাম।

৩।৪।২৭। অল্প সন্ধ্যাকালে রোগিণীর নিকট উপস্থিত হইয়া শুনিলাম যে, যন্ত্রণা অনেক কমিয়া গিয়াছে এবং রোগিণী অনেকটা সুস্থ বোধ করিতেছেন। চারিপাশের ফুলাও অনেকটা কমিয়া গিয়াছে। এইদিনও উক্ত ঔষধ লাগান হইল।

৭।৪।২৭। অল্প সন্ধ্যাবেলা এন্টিফ্লোজিষ্টিন (antiphlogistin) উঠাইয়া দেখিলাম যে, উক্ত ক্ষীত স্থানের ভিতরের দিকে একটা স্থান ফাটিয়া গিয়া (Burst) উহা হইতে পুঁজ বাহির হইতেছে। চাপ দেওয়াতে ঐ ছিদ্র দিয়া প্রায় ২ আউন্স পুঁজ বাহির হইল।

ঐ সময় অঙ্গ করার জন্ত প্রস্তুত না থাকিতে, উহার উপরে শুধু বোরিক কম্প্রেস ( Boric compress ) দিয়া বাঁধিয়া দিয়া আসিলাম ।

১১।৪।২৭। অঙ্গ প্রাতে: ড্রেসিং ( Dressing ) সরাইয়া দেখা গেল যে, বাঘীটার অপর প্রান্তে—পূর্কদিনের ছিদ্রটির প্রায় ২ ইঞ্চি বাহিরের দিকে, আর একটা ছিদ্র হইয়া, উহা হইতে পূঁজ বাহির হইতেছে । চাপ দেওয়াতে অঙ্গ আর বেশী পূঁজ বাহির হইল না । এইদিন ঘায়ের অবস্থা একরূপ দেখিয়া, রোগিণীর স্বামী বিনা অঙ্গ উহা সারান যায় কি না, এইরূপ ইচ্ছা প্রকাশ করিলেন এবং ২৪ দিন দেখিতে অনুরোধ করিলেন । এতদনুসারে আমি এইদিনও বোরিক কম্প্রেস ( boric compress ) দিয়া বাঁধিয়া দিলাম এবং দিনে ২বার উহা দেওয়ার ব্যবস্থা করিলাম । এইভাবে ১১।৪।২৭ তারিখের প্রাতঃকাল পর্যন্ত উহা প্রয়োগ করা হইল । এই সময় পূঁজের পরিমাণ অনেক কম হইলেও উহা যে বিনা অঙ্গ সারিবে, একরূপ ভরসা হইল না । সুতরাং অঙ্গ করাই স্থির করতঃ, তদ্বিষয় জ্ঞাপন করিলাম । কিন্তু হুঃখের বিষয়, অঙ্গ করিতে রোগিণী কিছুতেই স্বীকৃতা হইলেন না । এই সময় **তোকমারীর** কথা মনে পড়াতে, উহা দ্বারা একরূপ ক্ষত সারে কি না পরীক্ষা করার জন্ত ঔৎসুক হইয়া, ১১।৪।২৭ তারিখে বিকাল বেলা তোকমারীর পুলটীশ প্রয়োগ করিলাম । ইহা দিনে বার পরিবর্তন করার বন্দোবস্ত করা হইল ।

১২।৪।২৭ তারিখে।—অঙ্গ প্রাতে: দেখা গেল, পূঁজের পরিমাণ অনেকটা কম হইয়াছে । ঐ দিনও ২বার পুলটীশ দেওয়াতে, পূঁজ ক্রমে খুব কমিয়া আসিতে লাগিল । এবং ঘায়ের ফুলা বেদনা ইত্যাদিও ক্রমশঃই কমিয়া আসিতেছিল । এই সময় রোগিণী উঠিয়া বসিতে এবং সামান্য হাটিতে পারিতেন ।

১৬।৪।২৭ তারিখে।—অঙ্গ দেখা গেল যে, ক্ষতে আর আদৌ পূঁজ নাই । চাপ দেওয়াতেও, সামান্য একটুকুও পূঁজ বাহির হইল না । শুধু হুইদিকে সামান্য ক্ষত বর্তমান আছে । ঐ দিনও পুলটীশ প্রয়োগের ব্যবস্থা দিয়া আসিলাম । ইহার পরে আর ইহাতে পূঁজ বাহির হয় নাই এবং ২৩ দিনেই ক্ষত শুকাইয়া গিয়াছিল । এতবড় একটা বাঘী বিনা অঙ্গে, শুধু তোকমারীর পুলটীশে সারিয়া গেল, ইহা এই অনায়াসলভ্য ঔষধটির যে অমৌঘ শক্তির পরিচয়, তাহাতে কোনই সন্দেহ নাই ।

**প্রয়োগ প্রণালী** । আমি নিম্নলিখিত প্রণালী অনুসারে তোকমারীর পুলটীশ প্রয়োগ করিয়া থাকি । যথা ;—

ফোঁড়া অপেক্ষা সামান্য একটু বড় আকারের এক খণ্ড পরিষ্কার পাতলা ন্যাকড়া লইয়া, উহা পরিষ্কার জলে ভিজাইয়া, কোন সমতল পাত্রে উপরে বিছাইয়া রাখিতে হইবে । তারপর, উহার উপরে শুকনা তোকমারী একরূপভাবে ছড়াইয়া দিতে হইবে—যেন সকল স্থানেই উহা সমান ভাবে পড়ে । অতঃপর ইহার উপরে ঠাণ্ডা জল ফোঁটা ফোঁটা করিয়া দিলেই তোকমারীগুলি ফুলিয়া ভাতের মত হইবে । এক্ষণে আঙ্গুল দিয়া উহার উপরিভাগ সমান করিয়া ফোঁড়ার উপরে বসাইয়া দিতে হইবে । ফোঁড়ার উপর বসাইয়া দিয়া, যখন উহা শুকাইয়া উঠিবে, তখন পুনরায় ঠাণ্ডা জল দিয়া উহা ভিজাইয়া দেওয়া কর্তব্য । সাধারণতঃ দিনে ২বার করিয়া এই পুলটীশ দেওয়া কর্তব্য । তবে অবস্থা বিশেষে ইহা হইতে বেশী বারও দেওয়া যাইতে পারে ।

## দুর্দমনীয় বমনে এমিটিন।

লেখক—ডাঃ শ্রীমলিনাক্ষ মিত্র L. M. P. (Homœo)

আইলহাঁস—নদীয়া।

—••••—

রোগী—এখান হইতে অর্ধ মাইল দূরবর্তী নিশ্চিন্দীপুর গ্রাম সিবাসী  
\* \* \* মিত্র মহাশয়ের স্ত্রী। বয়স ১২ বৎসর। গত ৩রা আশ্বিন তারিখে রোগিণীর  
চিকিৎসার জন্ত আহূত হই।

**পূর্ব ইতিহাস।**—গত ভাদ্র মাসে রোগিণীর একবার জ্বর হয়। ৭৮ দিন  
হোমিওপ্যাথিক চিকিৎসার পরে আরোগ্য লাভ করিয়া, প্রায় এক সপ্তাহকাল ভাল থাকিয়া  
পুনরায় রাক্রান্ত হইয়াছেন। এবার জ্বর হইবার সঙ্গে প্রধান উপসর্গ—বমন উপস্থিত  
হইয়াছে। সর্বদাই ওয়াক পাড়া আছে; কোন কোন বার পিত্ত বমন হয় এখানেও  
হোমিওপ্যাথিক চিকিৎসা চলিতেছিল। বমন নিবারণের জন্ত বহু প্রকার ঔষধ ব্যবহার  
করিয়া বিফল মনোরথ হওয়ায়, এক্ষণে আমাকে ডাকা হইয়াছে।

**বর্তমান অবস্থা।**—সকাল ৯টার সময় রোগিণীর নিকট উপস্থিত হইয়া  
দেখিলাম,—রোগিণী ডান দিকে ভর দিয়া শুইয়া আছেন। জ্বর ১০২°৪ ডিগ্রী। প্রায়  
অর্ধ ঘণ্টা অন্তর ওয়াক পাড়িতেছেন। বমনকালীন ডান দিকে—ষকৃত স্থানে  
বেদনা অনুভব করিতেছেন; জিহ্বাসায় জানিলাম—দক্ষিণ ঝঞ্জে বেদনা আছে।  
৪ দিন পূর্বে সামান্য পরিমাণ কঠিন মল বহু হইয়াছিল। প্রস্রাবের পরিমাণ খুব কম,  
উহার ২২ হরিদ্রাবর্ণ। রোগিণীর রংও হরিদ্রাবর্ণ, মাথা ভার।

**রোগ নির্ণয়।**—রোগিণীর এতাদৃশ অবস্থা দৃষ্টে, লিভারের দোষেই যে, উপরোক্ত  
উপসর্গগুলি প্রকাশ পাইয়াছে, তাহাতে আর সন্দেহ রহিল না। অল্প নিম্নলিখিত ব্যবস্থা  
করিলাম।

Re.

এমিটিন হাইড্রোক্লোর ... ১ গ্রেণের এম্পুল ১টি।  
একমাত্র। হাইপোডার্মিক ইঞ্জেকসন দিলাম। এই সঙ্গে—

Re.

হাইড্রার্ক সাবক্লোর ... ৪ গ্রেণ।  
সোডি বাইকার্ব ... ১০ গ্রেণ।

একত্র ১ মাত্র। রাত্রে শয়নকালে সেব্য।

এতদ সহ বাহাতে লিভারের ক্রিয়া ভাল হয়, এমত একটি মিশ্র প্রস্তুত করিয়া দেওয়া  
হইয়াছিল। এইরূপ ব্যবস্থামত ঔষধ ব্যবহার ও ইঞ্জেকসন দেওয়ায় ২য় দিনেই উপকার  
লক্ষিত হইল। ১০ই আশ্বিন পর্যন্ত এইরূপ চিকিৎসায় রোগিণী সম্পূর্ণরূপে আরোগ্য  
লাভ করিয়া, এখন পর্যন্ত সুস্থ আছেন।

**মন্তব্য।**—পীড়ার মূল কারণ অনুসন্ধান না করিয়া, আন্দাজে ঔষধ প্রয়োগ করিলে  
সুফল হওয়া দূরে থাকুক, রোগী কেবল কষ্ট পাইতে থাকে ও চিকিৎসকের অপবশ হয়।  
বর্তমান রোগীতে বমন নিবারণের জন্ত পূর্ব চিকিৎসক কত ঔষধই প্রয়োগ করিয়াছিলেন,  
চূড়ান্ত বশতঃ কোনই ফল হয় নাই। এমিটিন ইঞ্জেকসন দেওয়ায়, দ্রুত হিতপরিবর্তন  
সাধিত হইয়াছে।



## হোমিওপ্যাথিক অংশ।

২০শ বর্ষ

১৩৩৪ সাল-মাঘ।


১০ম সংখ্যা

### হোমিওপ্যাথিক ঔষধের সহিত ইঞ্জেক্সন।

লেখক-ডাঃ শ্রী প্রমথনাথ চক্রবর্তী H. L. M. S.

বাউলপুর (খুলনা)

(পূর্বে প্রকাশিত ৯ম সংখ্যার (অগ্রহায়ণ) ৪০৯ পৃষ্ঠার পর হইতে)



৫নং রোগী। মন্থন নাথ দাস, হরিপুর স্কুলের শিক্ষক। বয়স ২৭।২৮ বৎসর।  
২৫।৬।২৭ তারিখ বেলা ১২টার সময় উক্ত রোগীর চিকিৎসার্থ আমি আহূত হই।

বর্তমান অবস্থা। পেটে সামান্য বেদনা সহ জলবৎ দাস্ত হইতেছে, হৃৎপিণ্ডের  
দ্রুত স্পন্দন (Quick palpitation of the Heart), নাড়ী ক্ষীণ, পিপাসা সামান্য, এমন  
কি রোগী এখন পর্যন্ত জল পান না করিয়াই আছে। হাত, পা শীতল।

পূর্বে ইতিহাস। অল্প বেলা ৯টার সময় হইতে রোগীর ২।৩ বার দম্বকা  
দাস্ত হওয়ার সোড়া ও লেবুর রস ইত্যাদি সেবন করিয়াছিল, কিন্তু রোগীর আক্রমণ ক্রমশঃ  
বেশী হওয়ার রোগীর খুলতাত আমাকে ডাকিয়া লইয়া যান। আমি তথায় পৌঁছিয়া  
কিছু পূর্বে রোগীর একবার দাস্তের সঙ্গে ১টি বড় কুমি পড়িয়াছে শুনিলাম।

রোগীর উক্ত অবস্থা দৃষ্টে নিম্নলিখিত ব্যবস্থা করিলাম।

১। সিনা ৩০ শক্তির ২ মাত্রা, এবং—

মাঘ—৫



২। একোনাইট, নেপ মাদার টিং : মাত্রা, এই দুইটা ঔষধ পর্যায়ক্রমে অর্ধ ঘণ্টা অন্তর সেব্য, এই সঙ্গে—

৩। স্ট্রিকনাইন সালফ ১/১০০ গ্রেনের ট্যাবলেট ১টা।

১ সি, সি, বিশোধিত জলে দ্রব করিয়া হাইপোডার্মিক ইন্জেকশন দিলাম।

বেলা ৩টা। অল্প বেলা ৩টার সময় রোগীর পায়ে অত্যন্ত খাল ধরিতে আরম্ভ হইল। অগ্নাশ্র অবস্থা পূর্ববৎ। নিম্নলিখিত ঔষধ ব্যবস্থা করিলাম।

৪। কুপ্রমমেট ১২ শক্তির ৩ মাত্রা, এবং

৫। ভেরেট্রাম এম ৬ শক্তির ৩ মাত্রা।

এই ২টা ঔষধ—পর্যায়ক্রমে অর্ধ ঘণ্টাস্তর সেব্য।

ইতিমধ্যে সংবাদ পাওয়া গেল যে, এই রোগীর ১। বৎসর বয়স্কা একটি কণ্ঠার দাস্ত বমি হইতেছে। উক্ত কণ্ঠাটি হরিপুরের নিকটবর্তী হোগলাপাশা গ্রামে এই রোগীর খণ্ডর বাটীতে ছিল আমাকে তথায় লইয়া যাওয়ার আমি উক্ত কণ্ঠাটিকে দেখিয়া তথা হইতে ৬টার সময় ফিরিয়া আসিয়া দেখি যে, রোগীর দাস্ত বন্ধ হওয়ার পেট ফাঁপিয়া উঠিয়াছে। বর্ষ হইতেছে, পিপাসা খুব বেশী। পায়ের খিলধরা অপেক্ষাকৃত কম; অগ্নাশ্র অবস্থা পূর্ববৎ। নিম্নলিখিত ঔষধ ব্যবস্থা করিলাম।

৬। কার্বো ভেজ ৬ শক্তির ৩ মাত্রা এবং

৭। কুপ্রম আস ১২ শক্তির ৩ মাত্রা।

এই ২টা ঔষধ পৃথকভাবে পর্যায়ক্রমে অর্ধ ঘণ্টাস্তর সেব্য এবং এই সঙ্গে—

৮। Re.

এট্রোপিন সালফ. (১।২০০), ট্যাবলেট ১টা।

১ সি, সি, বিশোধিত জলে দ্রব করিয়া হাইপোডার্মিক ইন্জেকশন দিলাম।

পিপাসা নিবারণার্থ ডাবের জল পান করিতে বলিলাম।

রাত্রি ৯টা—রোগী অধিক পরিমাণে ডাবের জল পান করিতে থাকায়, শুনিলাম রাত্রি ৭। টার সময় হইতে জলবৎ বমন হইতে আরম্ভ হইয়াছে, রাত্রি ৯টার সময় দেখিলাম বর্ষ বন্ধ হইয়াছে, নাড়ী বিলুপ্ত, পেট অত্যন্ত ফাঁপা। প্রত্যেক বার বমনান্তে বমি একটু কমিয়া আবার বেশী হইতেছে। পেটের বেদনা পূর্বাপেক্ষা বেশী, অগ্নাশ্র অবস্থা পূর্বের ভাষাই আছে। নিম্নলিখিত ঔষধ ব্যবস্থা করিলাম।

৯। Re.

পিটুইট্রিন ১ সি, সি,

বাহতে হাইপোডার্মিক ইন্জেকশন দিলাম। এই সঙ্গে—



১০। কার্বোতেজ ৩০ শক্তির ৩ মাত্রা, এবং

১১। কুপ্রম আস' ৩০ শক্তির ৩ মাত্রা

এই দুইটা ঔষধ পর্যায়ক্রমে অর্ধ ঘণ্টাস্তর সেব্য ।

পিপাসা নিবারণার্থ ডাবের জল, কমলা ও বেদনার রস' ও ১ সের জলের সহিত একোনাইট মাদার টিং ২ মিনিম্ মিশ্রিত করতঃ পান করিতে দিলাম ।

রাত্রি ১০। টা । এই সময় হইতে রোগী পেটের বেদনায় খুব চীৎকার করিতে লাগিল এবং মাঝে মাঝে ষকুতেও অত্যন্ত বেদনার কথা বলিতে লাগিল, কিন্তু ষকুতের বিবৃদ্ধি (Enlargement of the liver) না থাকায় এমেটিন ইঞ্জেকশন দিলাম না । রাত্রি ১১টার সময় একবার গাঢ় ও দুর্গন্ধময় মলযুক্ত দাস্ত হওয়ায় পেটের ফাঁপ কময়া গেল, পায়ের খিল ধরাও বন্ধ হইল, পেটের বেদনা ১০।১৫ মিনিটকাল একটু কম থাকিয়া আবার বৃদ্ধি হইতেছিল কিন্তু এখন আর বেদনা পাকস্থলীতে (In the stomach) না থাকিয়া ষকুত স্থান (Liver Portion) হইতে বৃকের দক্ষিণ পার্শ্ব পর্য্যন্ত বিস্তৃত হওয়ায় রোগীর খাস কষ্ট হইতে লাগিল এবং তজ্জগু রোগী খুব চীৎকার ও ছটফট করিতে লাগিল । নিম্নলিখিত ব্যবস্থা করা হইল—

১২। Re

সরিষা ( কাল ) ১ আউন্স ।

কাঁচা লঙ্ক: ... ৪ ।।

একত্রে বাটিয়া বেদনাস্থানে প্রলেপ দেওয়া হইল ।

উক্ত ঔষধ লাগাইবার কিছু পরেই অর্থাৎ ১২ টার সময় হঠাৎ রোগীর খাস অবরুদ্ধ হওয়ায় রোগীর আত্মীয়বর্গ কাঁদাকাটি করিতে থাকায় বড়ই গণ্ডগোল হইল । তখন রোগীর এতাদৃশী অবস্থা দেখিয়া পুরাতন ঘৃত বৃকে মালিশ করিতে বলিলাম । কিছুক্ষণ বৃকে ঘৃত মালিশ করিতে থাকায় রোগী অতি কষ্টে খাস গ্রহণ করিতে সক্ষম হইলেন ।

রোগীর উক্ত অবস্থা দৃষ্টে নিম্নলিখিত ঔষধ ব্যবস্থা করিলাম ।

১৩। কোব্রা ৬ শক্তির ২ মাত্রা ।

প্রতি মাত্রা — ১৫ মিনিট অন্তর সেব্য ।

রাত্রি ১২। টার সময় রোগীর বেশ হিত পরিবর্তন দেখা গেল । মনিবন্ধে নাড়ীর স্পন্দন ( Pulse ) অনুভূত হইল, অগ্ন্যাগ্ন উপসর্গ কিছুই নাই, মাত্র ১২ নং ব্যবস্থোক্ত ঔষধ লাগান স্থানে অত্যন্ত জ্বালা করিতেছিল । এমন কি উক্ত ঔষধ ফেলিয়া দিবার অল্প রোগী বারংবার অনুরোধ ও চেষ্টা করিতেছে ।

এখন বেশ বৃদ্ধিতে পারা গেল ১২ নং ঔষধে অত্যন্ত জ্বালা ধরায় বেদনার অনুভূতি লোপ পাইয়াছিল । ঔষধে জ্বালা ধরিতে বিলম্ব হওয়ায় অত্যন্ত বেদনা বশতঃ রোগীর উক্ত রূপ শোচনীয় অবস্থা উপস্থিত হইয়াছিল । ১৩ নং ঔষধে রীতিমত কার্য করার ওণ্ডে

সময়েই উক্ত ১২ নং ঔষধের ক্রিয়া প্রকাশ পাওয়ায় রোগীর পুনরায় এইরূপ হিত পরিবর্তন হইতে দেখা গেল ।

একণে নিম্নলিখিত ঔষধ ব্যবস্থা করিলাম ।

১৪। কার্বোভেজ ৩০ শক্তির ৩ মাত্রা, এবং

১৫। আর্সেনিক এন্ড ৩০ শক্তির ৩ মাত্রা ।

এই ২টা ঔষধ—পর্যায়ক্রমে অর্ধঘণ্টাস্তর সেব্য ।

অগ্নাণ্ড ব্যবস্থা পূর্ববৎ । অগ্ন রাত্রে রোগীর নিকটই আমাকে অবস্থান করিতে হইল ।

রাত্রি ১টা । ১২ নং ঔষধ লাগান স্থানের জ্বালা ক্রমশঃ বৃদ্ধি পাইতে লাগিল । রাত্রি ১১ টার সময় রোগী জ্বালার জগ্ন অস্থির হওয়ায় ও চীৎকার করিতে থাকায় উক্ত ঔষধ তুলিয়া ফেলা হইল । রোগীও ক্রমশঃ সুস্থ হইতে লাগিল । রাত্রি ৩ টার সময় একবার জ্বলষণ বন্দন হইল ও রোগীর সর্কাঙ্গে খুব ঘর্ষ দেখা দিল এবং পুনরায় পেটে একটু একটু বেদনার কথা বলিতে লাগিল । নাড়ীর অবস্থাও খারাপ অর্থাৎ লুপ্ত প্রায় দেখা গেল । এই সময় নিম্নলিখিত ঔষধ প্রয়োগ করিলাম ।

১৬। কোত্রা ৩০ শক্তির ১ মাত্রা ।

তৎক্ষণাৎ সেবন করাইয়া দিলাম ।

এই ঔষধ সেবনের ১৫ মিনিট মধ্যেই ভগবৎ রূপায় আশ্চর্য্য ফল দৃষ্ট হইল । সমস্ত উপসর্গই তিরোহিত হইল, নাড়ীও স্বাভাবিক হইল কিন্তু চক্ষু অপেক্ষাকৃত লাল দেখা গেল । রাত্রি ৪টার সময় নিম্নলিখিত ঔষধ দিলাম এবং জ্বলপটি দিতে ও মাঝে মাঝে ভিজা ন্যাকড়া দ্বারা চক্ষু মুছাইয়া দিতে বলিলাম ।

১৭। বেলেডোনা ৬ শক্তির ২ মাত্রা, এবং

১৮। আর্সেনিক এন্ড ৩০ শক্তির ২ মাত্রা,

এই ২টা ঔষধ—পর্যায়ক্রমে অর্ধঘণ্টাস্তর সেব্য ।

রাত্রি ৪ টার সময় রোগীর খুল্লতাত পিরোজপুর হইতে আর একজন ডাক্তার আনিবার জগ্ন আমার নিকট সম্মতি চাহিলে আমি সম্মতি দিলাম, এবং তদনুযায়ী পিরোজপুর লোক পাঠান হইল ।

২৬।৬২৭। অগ্নঃ প্রাতে ৬টার সময় রোগীর বেশ প্রতি ক্রিয়াবস্থা (Reaction stage) দৃষ্টে নিম্নলিখিত ব্যবস্থা করতঃ বিদায় হইলাম ।

১৯। বেলেডোনা ৩০ শক্তির ২ মাত্রা, এবং

২০। আর্সেনিক এন্ড ৩০ শক্তির ২ মাত্রা,

এই ২টা ঔষধ পর্যায়ক্রমে ১ ঘণ্টাস্তর সেব্য ।

২৬।৬২৭ বেলা ১০টা । বেলা ১০ টার সময় রোগীর বাড়ীতে আহৃত হইয়া দেখিলাম, পিরোজপুর হইতে ডাক্তার গুহ মহাশয় আসিয়াছেন । রোগীকে পরীক্ষা করিয়া বুঝিলাম, পূর্বাপেক্ষা রোগী ভালই আছেন ।

তবে রোগী মাঝে মাঝে যকৃত্তে বেদনার কথা বলিতেছেন কিন্তু যকৃত্তের বিবৃদ্ধি (Enlargement) নাই ।

উক্ত ডাক্তার বাবু এলোপ্যাথিক চিকিৎসক । আমার যাইবার পূর্বেই তিনি নিম্নলিখিত ২ মাত্রা ঔষধ দিয়াছেন ও তাহার এক মাত্রা ঔষধ সেবন করান হইয়াছে ।

Re.

শ্রাণ্টো নাইন্	...	১ গ্রেণ ।
হাইড্রার্জ সাবক্লোর	...	১ গ্রেণ ।
মোডা বাইকার্ক	...	৫ গ্রেণ ।

একত্র ১ মাত্রা । এইরূপ ২ মাত্রা ; প্রতি মাত্রা ২ ঘণ্টান্তর সেব্য ।

যকৃত্ত স্থানের বেদনায় যকৃত্তের বিবৃদ্ধি (Enlargement) না থাকায় মনে হইল পাকস্থলীর বেদনাই যকৃত্ত স্থানে অনুভূত হইতেছে । এ সম্বন্ধে ডাঃ গুহের সহিত একমত হইয়া নিম্ন লিখিত ব্যবস্থা করা হইল ।

২১। Re.

এট্রোপিন সালফ্	...	১/২০০ গ্রেণ ।
ট্রোফাছিন	...	১/৫০০ গ্রেণ ।

১ সি, সি, বিশোধিত জলে দ্রব করিয়া ইঞ্জেকশন, (Hypodermic Injection.)

বেলা ১১টার সময় ডাঃ গুহ প্রস্থান করিলেন । ঔষধ আনিবার জন্ত রোগীর খুল্লতাত তাঁহার সঙ্গে গেলেন ।

বেলা ১টার সময় রোগীকে দেখিবার জন্ত যাইয়া রোগীকে নিদ্রিত দেখিয়া তখন ফিরিয়া আসিতে হইল, পরে ২টার সময় রোগীকে দেখিলাম । রোগীর চক্ষু পূর্কের জ্বায় লাল দেখা গেল । ক্ষুধা হইয়াছে আর কোনও উদ্বেগ নাই । ডাঃ গুহের নিকট হইতে ঔষধ লইয়া তখনও আসিতে পারেন নাই । বেলা ১২টার পর হইতে এযাবৎ কোনও ঔষধ চলিতেছে না দেখিয়া আমি নিম্নলিখিত ঔষধ দিলাম । যখন ডাঃ গুহ এলোপ্যাথিক ঔষধ দিয়াছেন ও দিবেন তখন এক্ষেত্রে আমাকেও ঐ পথাবলম্বী হইতে হইল ।

১৩। Re,

ইউরোট্রোপিন্	...	১০ গ্রেণ ।
ক্যাফিন সাইট্রাস	..	৩ গ্রেণ ।
শুলোল	...	৫ গ্রেণ ।

একত্র করতঃ ১ মাত্রা, এইরূপ ৬ মাত্রা, প্রতি মাত্রা ২ ঘণ্টান্তর সেব্য ।

পিপাসা শান্তির নিমিত্ত ডাবের জল, কমলালেবুর রস ইত্যাদি পূর্কের জ্বায়ই দিতে বলিলাম ।

বেলা ৩ টার সময় ডাঃ গুহের নিকট হইতে ঔষধ ( ৬টি পুরিয়া ও শিশিতে ৬ দাগ ) আসিয়া পৌছিল । কিন্তু রোগী উক্ত পুরিয়ার ঔষধ সেবন করিতে আপত্তি করিল ।

মুতরাং শিশির ঔষধ ও ১৩নং ব্যবস্থাক্ত পুরিয়া পর্যায়ক্রমে সেবন করিতে বলিলাম ।

বেলা ৫টার সময় নিম্নলিখিত ব্যবস্থা করা হইল ।

১৪। Re. .

গ্যাঙ্গা ফুলের পাতা } যতটুকু আবশ্যিক ।  
পাথর চূনার পাতা }

পাকা কলা ২ টা

সোরা ১০ চারি আনা । . .

একত্রে বাটিয়া তলপেটে প্রলেপ দিতে বলা হইল ।

রোগীর বাড়ীর লোকের বিশেষ অনুরোধে, আমাকে অল্প রাত্রেও তথায় থাকিতে হইল ।

রাত্রি ৭টার সময় রোগীর প্রস্রাব হইল । তখনও রোগী পুনরায় ক্ষুধার কথা বলিল এবং কিছু পথ্য চাহিল ।

রাত্রি ৮টার সময় রোগীকে পাতলা বালী একটু দেওয়া হইল ।

রাত্রে আর কোনও উদ্বেগ না হওয়ায় আমার আর দেখিবার কোন দরকার হয় নাই ।

২৭।৩।২৭। অল্প প্রাতে: শুনিলাম, গত রাত্রে আরও ২বার প্রস্রাব ও বাহ্য হইয়াছে এবং রীতিমত নিদ্রা হইয়াছে ।

বেলা ৬টার সময় রোগীকে নিম্নলিখিত ঔষধ ব্যবস্থা করিলাম ।

১৫। Re.

টিং কার্ডমম কোঃ ... ১৫ মিনিম ।

স্পিরিট এমন এরোমেট ... ১৫ মিনিম ।

ভাইনম ইপিকাক ... ৫ মিনিম ।

সিরাপ অরেঞ্জ ... অর্ধ ড্রাম ।

একোয়া ... এড ১ আউন্স ।

একত্র একমাত্রা । এইরূপ ৬ মাত্রা । প্রতি মাত্রা ৪ ঘণ্টাস্তর সেব্য ।

পথ্য । বালী ।

২৮।৩।২৭। অল্প রোগীর খুব ক্ষুধা হইয়াছে । অল্প ১৫ নং ঔষধ ৬ মাত্রা দিলাম ও অপেক্ষাকৃত গাঢ় বালি পথ্য দিতে বলিলাম ।

২৯।৩।২৭। অল্পও ১৫ নং ঔষধ ৪ মাত্রা দিয়া প্রত্যহ ২ মাত্রা সেবন করাইতে ও অল্প মণ্ড পথ্য দিতে বলিলাম । তৎপর দিন আনুকুনী পাতার ঝোল সহ অল্প পথ্য দিতে বলা হইল ।

## শোথ রোগে নেট্রাম মিউর Natrum Mur.।

লেখক—ডাঃ শ্রীমুশালচন্দ্র সরকার L. M. P. (Homœo)

—:~:~:~:—

শোথ রোগে নেট্রাম মিউর কেহ ব্যবহার করিয়াছেন কিনা জানি না। সম্প্রতি আমি একটা শোথ রোগীকে নেট্রাম মিউর প্রয়োগ করিয়া আশ্চর্য ফল পাইয়াছি সমব্যবসায়ীগণের অবগতির জন্ত চিকিৎসা বিবরণটা প্রকাশ করিলাম।

**রোগী।** জনৈক হিন্দু পুরুষ, বয়স্ক্রম ১৮৯৯ বৎসর। গত ২রা আষাঢ় তারিখে আমি এই রোগী দেখিতে আহুত হই।

**বর্তমান অবস্থা।** রোগী সর্বাঙ্গিক শোথগ্রস্ত এবং সবিরাম জ্বরে ভুগিতেছে। এক্ষণে জ্বরের উত্তাপ ১০১ ডিগ্রী। নাড়ী প্রতি মিনিটে ১২০। হৃদপিণ্ড পরীক্ষা করিয়া বিশেষ কোন বিকৃতি লক্ষিত হইল না। তবে হৃদস্পন্দনের (Palpitation) কিঞ্চিৎ আধিক্য দেখিলাম। জ্বর প্রতিদিন বেলা ১০।১১টার সময় আসে এবং রাত্রি ৯।১০ টার সময় ঘর্ম হইয়া তাগ হয়। তখন রোগী অনেক আরাম বোধ করে।

**পূর্বে ইতিহাস।** এই রোগীর এলোপ্যাথিক চিকিৎসা হইয়াছিল। চিকিৎসক কোষ্ঠ বদ্ধতা দূর করিবার জন্ত তাহাকে বিরেচক ঔষধ দিতেন। তাহার দান্ত হইয়া শোথ কিয়ৎ পরিমাণে কম পড়িত। পুনরায় কিছুদিন পরে কোষ্ঠবদ্ধতা ও শোথ উপস্থিত হইত। জ্বর বন্ধ করিবার নিমিত্ত কুইনাইন সেবন করাইয়াছিলেন, তাহাতে দিন কতক জ্বর বন্ধ থাকিয় পুনরায় উপস্থিত হইত।

বর্তমানে শিরঃপীড়া আছে। মাথার ভয়ানক দপ্‌দপাণি বেদনা, তৎসঙ্গে শুষ্ক কাশি। জ্বরীয় উত্তাপাধিক্যের সময় পূর্বে পিপাসা হইত এবং রোগী অল্প অল্প জল পান করিত। এক্ষণে পিপাসা একেবারে নাই। রোগীর মুখমণ্ডল ফেকাসে রক্তহীন। রোগের প্রভাব পরীক্ষা করিয়া অণ্ডলাল (Albumen) পাওয়া গেল না। সবিরাম ম্যালেরিয়া জ্বরে ভুগিয়া ভুগিয়া ক্রমে রক্ত শূন্য হইয়া শোথ উপস্থিত হইয়াছে। কিন্তু আশ্চর্যের বিষয় এই যে প্লীহা লিভারের বিবৃদ্ধি বিশেষ দৃষ্ট হইল না। পুনঃ পুনঃ রোগের আক্রমণ ও এলোপ্যাথিক চিকিৎসিত রোগী দেখিয়া আমি নিম্নলিখিত ব্যবস্থা করিলাম।

**সালফার, ২০০ শক্তির ১ মাত্রা এবং এতদসহ অনৌষধি বটিকা ৪ পুরিয়া।**

**পথ্য—ছুধ বালি।** লিভারের বিশেষ কোন দোষ নাই বলিয়া ছুধ বালি ব্যবস্থা করিয়াছিলাম।

৮।৩।৩৪ তারিখে পুনরায় আহুত হইয়া দেখিলাম রোগের কিছুমাত্র উপশম হয় নাই। পিপাসাহীন শোথ, জ্বর, গাত্রদাহ দৃষ্টে এপিসমেল ৩০ শক্তি ৪ মাত্রা দিলাম।

১০। ৩। ৩৩ তারিখে পুনরায় গিরা দেখি পীড়ার কিছুমাত্র উপশম হয় নাই। তখন চিন্তায়ুক্ত হইলাম। হৃদপিণ্ডের দুর্বলতা এবং উহার স্পন্দনাধিক্য দেখিয়া কয়েক মাত্রা ডিজিটেলিস ৩০, দিলাম। এইভাবে ৬৭ দিবস গত হইল কিন্তু রোগীর কোনই উন্নতি লক্ষিত হইল না। অতঃপর রোগীর অভিভাবক ঔষধ লইতে আমার নিকট আসিলে, তাহার নিকট যতদূর সম্ভব রোগীর বর্তমান লক্ষণাবলী সংগ্রহ করিয়া লইতে লাগিলাম, তাহাতে একটা নূতন লক্ষণ জানিতে পাইলাম। রোগীর লবণ খাইবার স্পৃহা পূর্বে হইতে অতিশয় বলবতী। ইতি পূর্বে আমি লবণ খাইতে নিষেধ করিয়াছিলাম। তাহাতে রোগী গোপনে খাণ্ড মধ্যে লবণ মিশ্রিত করিয়া খাইতেছিল। পীড়াক্রান্ত হওয়া অবধি রোগীর লবণ খাইবার ইচ্ছা অতিশয় বলবতী হইয়াছিল। যে খাণ্ডই খায় তাহাতে লবণ মিশ্রিত করিয়া খায়। এমন কি দুগ্ধে পর্যন্ত লবণ দিয়া পান করে। রোগীর এতাদৃশ লবণ খাইবার ইচ্ছা দেখিয়া আমার নেট্রাম মিউরের কথা মনে পড়িল। তখন চিন্তা করিয়া দেখিলাম যে “নেট্রাম মিউরের” অনেকগুলি লক্ষণ ঐ রোগীতে বর্তমান আছে। লক্ষণগুলি একে একে লিপিবদ্ধ করিলাম।

যথা ;—

- (১) মুখমণ্ডল ফ্যাকাসে রক্তহীন তৎসহ শিরঃপীড়া।
- (২) কোষ্ঠবদ্ধতা।
- (৩) জ্বরের আক্রমণ প্রাতে ১০।১১ ঘটিকার সময়।
- (৪) কুইনাইন সেবন দ্বারা চাপা জ্বর।
- (৫) লবণ খাইতে ইচ্ছা।

উপর্যুক্ত লক্ষণ কয়টা “নেট্রাম মিউরের” প্রকৃতি গত দেখিয়া “নেট্রাম মিউর ২০০ একমাত্রা এবং তৎসহ ২টা অনৌষধি পুরিয়া দিলাম। ৪ দিন পরে সংবাদ পাইলাম যে রোগীর শিরঃপীড়া ও জ্বর অনেক পরিমাণে কমিয়াছে। ৭ দিন পরে আর এক মাত্রা “নেট্রাম মিউর” দেওয়াতে শোধ ক্রমশঃ অন্তর্হিত হইয়া গেল। আর কোন ঔষধ প্রয়োগ করিতে হয় নাই। কয়েক দিন পরে অন্ন পথ্য দেওয়া হইয়াছিল। রোগী ক্রমশঃ সবল হইয়াছে এই কয়েক মাস যাবৎ রোগী ভাল আছে। আর কোন অনুখাদি হয় নাই।

যে কোন রোগই হউক না কেন ঔষধের লক্ষণ সমষ্টি ব্যাধির লক্ষণ সমষ্টির সমান হইলেই সেই ঔষধ প্রয়োগ করা কর্তব্য—কারণ লক্ষণ সমষ্টিই ব্যাধি।





মিজল্‌স্ হামজ্বর।

Measles

লেখক—ডাঃ শ্রীনরে স্রকুমার দাশ—M. D. M. (M H M. C.)

M. R. I. P. H. ( Eng )

( পূর্বপ্রকাশিত ৯ম সংখ্যা ( পৌষ ) ৪১৮ পৃষ্ঠার পর হইতে )

—:0:—

**আনুষঙ্গিক পীড়া**—তরুণ লেরিংসের প্রদাহ, ব্রংকো-নিউমোনিয়া, লোবার-নিউমোনিয়া, চক্ষুপীড়া, উদরাময়, কর্ণ প্রদাহ, অর্ধাঙ্গ-পক্ষাঘাত, মুখকৃত, রক্তামাশয় এবং এই হামের পরিণামে—হৃপিং কফ, ডিফথেরিয়া, এমন কি যক্ষ্মাকাশ পর্যন্তও হইতে পারে।

**চিকিৎসা**—বাইওকেমিক চিকিৎসায় এই রোগ প্রায় সমস্তগুলিই আরোগ্য লাভ ক'রে। প্রথমাবধি বিবেচনার সহিত চিকিৎসা করিলে, প্রায়ই কোনও অশুভ লক্ষণ প্রকাশ পায় না। আমি এবৎসর অনেকগুলি রোগীকে সুস্থ করিয়াছি।

এই পীড়ায় ফেরাম্ ফস, কেলি মিউর, কেলি সাল্ফ, নেট্রাম্ মিউর, এই ৪টাই প্রধান ঔষধ। নিম্নে যথাক্রমে ইহাদের প্রয়োগতত্ত্ব কথিত হইতেছে।

**ফেরাম্ ফস্**—পীড়ার প্রথমাবস্থায় প্রদাহ, জ্বর, চক্ষুরক্তবর্ণ ইত্যাদি লক্ষণে ব্যবহার্য। প্রথম হইতে শেষ পর্যন্ত ইহা ব্যবহার করিবে। সাধারণতঃ ইহাতেই জরীয় উত্তাপ ও প্রাদাহিক লক্ষণ সমূহ হ্রাস প্রাপ্ত হয়। ইহার ৬x চূর্ণ পুনঃ পুনঃ ব্যবহার্য। ফল না পাইলে ৩x বা ১x কিম্বা ১২x চূর্ণ ব্যবহার করিবে।

**কেলি মিউর**—ইহাই প্রধান ঔষধ। সাধারণতঃ পীড়ার ২য় অবস্থায় ইহা ব্যবহৃত হয়। ফেরাম্ ফসের সহিত একত্রে ব্যবহার করা উচিত। প্রথমাবধি ফেরাম্ ফস্ সহ কেলিমিউরব্যবহার করিলে পীড়ার আতিশয্য দমিত হয়। (এই আদি ক্ষীত, জিহ্বা খেতবর্ণ মলাবৃত, কাশি, শ্রবণ শক্তির হ্রাস হামের পর), তরল ক্যাকাশে দান্ত ইত্যাদিই ইহার প্রধান লক্ষণ। পীড়া বহুব্যাপকরূপে প্রকাশ পাইলে, এই ঔষধ ২ গ্রেণ মাত্রায় প্রত্যহ ৩ বার সেবনে পীড়া হইবার আশঙ্কা কম—হইলেও পীড়া সাংঘাতিক হয় না।

ইহা হামের একতী ফলপ্রদ উৎকৃষ্ট প্রতিষেধক। সাধারণতঃ ৬x শক্তির চূর্ণ ই ব্যবহার্য। কখনও কখনও ১২x আবশ্যিক হয়।

**কেলিস স্যালফ্**। হামের দানা সকল উঠিয়া সহসা বসিয়া গেলে অথবা দানা না বাহির হইলে ইহা সেবনে দানাগুলি উদ্ভূত হয়। খুস্কি উঠিয়া বাইবার পর ত্বক শুষ্ক ও ঝন্সে হইলে, ইহা সেবনে ঘর্ষোৎপাদিত হইয়া ত্বক মস্নন হয়। ইহা দ্বারা প্রচুর ঘর্ষোৎপাদিত হয়। অরকালীন ফেরাম্ ফস্ সহ একত্রে অথবা পর্যায়ক্রমে ব্যবহার করিলে ঘর্ষোৎপাদিত হইয়া জরীয় উত্তাপ সত্ত্বর হ্রাস প্রাপ্ত হয়।

**নেট্রাম-মিউর**। প্রথমাবস্থায় চক্ষু ও নাগিকা দিয়া জল পড়িতে থাকিলে এবং পুনঃ পুনঃ হাঁচি হইলে, জিহ্বা সরস থাকিলে, প্রবল তৃষ্ণা বর্তমানে এই ঔষধ ব্যবহারে উপকার হইয়া থাকে। জলপড়া ইহা দ্বারা মস্তকের ত্রায় বন্ধ হইয়া যায়।

**ক্যালেকেনিসা ফস্**। পীড়ার প্রথমাবধিই এই ঔষধ প্রত্যহ ২/১ মাত্রা দিলে ইহাতে অল্প ঔষধের ক্রিয়া বর্ধিত হয় এবং রোগীর জীবনীশক্তিকে অক্ষুণ্ণ রাখার সাহায্য করে। রোগান্তে এই ঔষধ দৈনিক ৩ বার সেবন করিতে দিলে শরীর বলবান্ হয়। রোগান্ত দৌর্বল্যে ইহা টনিকের ত্রায় কাণ্য করে। ৬x চূর্ণই সচরাচর ব্যবহৃত হয়।

**মস্তব্য—**পীড়ার প্রথমাবধি **ফেরাম্ ফস্**, **কেলিস মিউর** ও **কেলিস স্যালফ্**, এই তিনটি ঔষধ একত্রে মিশ্রিত করিয়া দিলে, ইহাতে প্রায় রোগীই আরোগ্য হইয়া যায়—অল্প কোন প্রকার মন্দ উপসর্গ উপস্থিত হইতে পারে না। রোগীর গাত্রে যাহাতে শীতল বায়ু না লাগে, তাহার চেষ্টা করা বিশেষ আবশ্যিক। পীড়া সাংঘাতিক আকার ধারণ করিলে—লক্ষণানুযায়ী চিকিৎসা করিবে।

আমাদের দেশে এই রোগে শৈত্য প্রয়োগ ব্যবস্থা আছে। ইহা অতি মন্দ প্রথা। তবে জরীয় উত্তাপ অত্যন্ত অধিক হইলে ঔষধ জলে গাত্র মার্জনা করিয়া দিলে, উত্তাপ হ্রাস প্রাপ্ত হয় এবং দানা সকল বাহির হইবার হইলে, সত্ত্বর বাহির হয়।

**পথ্যাদি—**শীতলজল, বালীওয়াটার ইত্যাদি তরল লঘুপাচ্য পথ্য ব্যবস্থেয়। কোনও উত্তেজক ঔষধ দিবে না। অর কমিবার সঙ্গে সঙ্গে ক্রমশঃ দুগ্ধপথ্য ও অবশেষে সাধারণ পথ্য দেওয়া যায়। রোগীকে শান্তভাবে শয্যায় শয়ন করাইয়া রাখিবে এবং রোগীর গৃহ অন্ধকার করিয়া দিবে, যাহাতে রোগীর চক্ষে আলোক না লাগে। কিন্তু রোগীর গৃহে যাহাতে প্রচুর হাওয়া চলাচল করিতে পারে, তাহার ব্যবস্থা করিবে। রোগীকে সর্বদা খানা কবল দ্বারা আবৃত করিয়া রাখিবে। রোগী স্নহ হইয়া উঠিলে গাত্রাদি উত্তমরূপে আবৃত করিয়া মুক্ত বায়ুতে লইয়া গিয়া কিছুক্ষণ রাখিবে। কিন্তু সাবধান, বাদলা দিনে গৃহের বাহির করিও না।

### চিকিৎসিত রোগীর বিবরণ।

(১) **রোগিনী**—শিশু, বয়স প্রায় ২ বৎসর। অর হইবার দ্বিতীয় দিবস সন্ধ্যায় ক্রতাক্রমে হওয়ার, আমি দেখিবার অল্প আহুত হই। বাইয়া দেখি যে, শিশুটির অর ১.১'এর অধিক নহে। চোয়াল শক্ত, দাঁত লালিয়া আছে। হাত পা শীতল।

গোঁ গোঁ শব্দ করিতেছে, চক্ষুতারকা স্থির, নাড়ী ক্ষীণ। দ্রুত আক্ষেপ হইতেছে। নিম্নলিখিত ব্যবস্থা করিলাম। যথা ;—

• হাত, পা ও বুকে ত্রাণ্ডীর মালিশ করিয়া, কঞ্চল দিয়া গাত্র ঢাকিয়া রাখিতে এবং মাথায় শীতল জলের ধারা দিতে বলিলাম। গ্লিসিরিন দিয়া অবিলম্বে দাস্ত করাইয়া সেবনার্থে নিম্নলিখিত ঔষধ ব্যবস্থা করিলাম—

১। Re.

ম্যাগ্‌ ফস্—২x	...	১/৪ গ্রেণ।
কেলি ফস্—২x	...	১/৪ গ্রেণ।
ফেরাম্‌ ফস্—২x	...	১/৪ গ্রেণ।
ক্যাল্‌কেরিয়া ফস্—২x	...	১/৪ গ্রেণ।

একত্রে মিশ্রিত করতঃ ১ মাত্রা। প্রতি ৫।৭ মিনিট অন্তর ১টা পূরিয়া জিহ্বা ও দস্ত মাড়ীতে ঘর্ষণ করিয়া দিতে বলিলাম। এই প্রক্রিয়ায় ও চিকিৎসায় শিশুটির সমুদয় উপসর্গ উপশমিত হইয়া, শিশুটি ১ ঘণ্টা পরে নিদ্রিত হইয়া পড়িল।

পরদিন প্রাতেঃ, ঈষদুষ্ণ জলে গাত্র মার্জনা করিয়া দিলাম। এইদিন সকালেই জ্বর মগ্ন এবং বেলা ১২ টার মধ্যেই শিশুর সর্কাসে হাম নির্গত হইল। এক্ষণে বুঝিতে পারিলাম যে, পূর্বদিনের দ্রুতাক্ষেপ এই হামের জন্মই হইয়াছিল। যাহা হউক অল্প নিম্নলিখিত ব্যবস্থা করিলাম :—

২। Re.

ফেরাম্‌ ফস্—৬x	...	১/৪ গ্রেণ।
কেলিমার - ৬x	...	১/৪ গ্রেণ।
কেলি সাল্‌ফ্—৬x	...	১/৪ গ্রেণ।

একত্রে ১ মাত্রা। ইহা দিবসে ৪ মাত্রা ও ক্যাল্‌ ফস ৬x—১/৪ গ্রেণ মাত্রায় প্রত্যহ ২ মাত্রা সেব্য।

শিশুকে উষ্ণবস্ত্রে আবৃত করিয়া গৃহের মধ্যে রাখা হইয়াছিল। পথ্যাদি হরলিক্‌স্ মন্টেড্‌ মিক্‌ (রোগীর অভিভাবকদের অনুরোধে) ব্যবস্থা করা হইল। এই চিকিৎসায় শিশুটি ১ সপ্তাহ মধ্যেই সুস্থ হইয়া উঠিল ; কিন্তু অতঃপর হপিং কাশির মত একটু কাশি আরম্ভ হওয়ায়, নিম্নলিখিত ঔষধ ব্যবস্থা করিলাম :—

Re.

ম্যাগ্‌ ফস্—৩x	...	১/৪ গ্রেণ।
কেলি মিউর—৬x	...	১/৪ গ্রেণ।
ক্যাল্‌ ফস্—৬x	..	১/৪ গ্রেণ।

একত্রে ১ মাত্রা। প্রত্যহ ৩ মাত্রা সেব্য। ইহাতে কয়েক দিবস মধ্যেই রোগী সম্পূর্ণ সুস্থ হইয়া উঠে।

(২) রোগিনী আমার জ্যেষ্ঠা কন্যা। বয়স ৭ বৎসর। গত ৪।৩।৭ তারিখে বৈকাল ৩ টায় হঠাৎ খুব জ্বর আসে। সর্দি ও হাঁচি এবং অসহ্য মাথার যন্ত্রণা বর্তমান ছিল। জ্বরীয় উত্তাপ ১০৩ পর্যন্ত উঠিয়া পরদিন সকালে ১০০ হয়—আবার দ্বিপ্রহরে ১০৩ পর্যন্ত হয়। ব্যবস্থা :—

Re.

ফেরাম ফস্—৬x	...	১/৩ গ্রেণ।
কেলি সাল্ফ—৬x	...	১/৩ গ্রেণ।
নেট্রাম্ ফস্—২x	...	১/৩ গ্রেণ।
কেলি মিউর—১২x	...	১/৩ গ্রেণ।
কেলি ফস্— ৬x	...	১/৩ গ্রেণ।

একত্রে ১ মাত্রা। প্রতি মাত্রা অর্ধ ঘণ্টাক্তর সেব্য।

পথ্যাদি—জলসাপ্ত।

এইরূপে ৪র্থ দিনে জ্বর বিচ্ছেদ, এবং ১বার দাস্ত হইল। এইদিন ১০।১১টার সময়ে মাথায় ও গায়ে হামের দানা নির্গত হয়। অণু নিম্নলিখিত ব্যবস্থা করিলাম—

Re.

ফেরাম ফস্—৬x	...	১/৩ গ্রেণ।
কেলি সাল্ফ—৬x	...	১/৩ গ্রেণ।
কেলি মিউর—৬x	...	১/৩ গ্রেণ।
ক্যাল্ঃ ফস্—৬x	...	১/৩ গ্রেণ।

একত্রে এক মাত্রা। প্রত্যহ ৪ মাত্রা।

ইহার পর আর জ্বর হয় নাই। পথ্যাদি তরল ও লঘুপাচ্য ব্যবস্থা করা হইয়াছিল। এই ব্যবস্থায় কয়েক দিন মধ্যেই রাগী সুস্থ হইয়া উঠে। আর কোনও অশুভ লক্ষণ দেখা যায় নাই। বলকরণ জন্ম ক্যাল্ ফস্ ৬x—১/২ গ্রেণ মাত্রায় দিবসে ২বার করিয়া কিছুদিন সেবন করিতে দিলাম।

অতঃপর বাসার অগ্ৰাণ্ড শিশুদিগকে প্রত্যহ ২ মাত্রা করিয়া 'কেলি মিউর' ৬x ১ মাস কাল সেবন করিতে দেওয়ায়—আর কাহারও হাম হইতে পারে নাই।

**উপসংহার**—বাইওকেমিক ঔষধ দ্বারা এইরূপে চিকিৎসা করিয়া এবৎসর আমি অনেকগুলি হাম-রোগীকে সহজেই আরাম করিয়াছি। প্রথমাবধি 'কেলি মিউর' দেওয়ায় কোনও রোগীর দানাই উঠিয়া বসিয়া যাইতে পারে নাই অথবা অণু কোনও মন্দ লক্ষণ প্রকাশ পায় নাই। পল্লী চিকিৎসকগণের পক্ষে ইহা কি কম সুবিধা? আমার মনে হয়—হাম ও বসন্ত চিকিৎসায় বাইওকেমিক ঔষধই সর্বশ্রেষ্ঠ।

সমব্যবসায়ী বন্ধুগণ স্ব স্ব রোগীতে এই ঔষধ ব্যবহার করিয়া তাঁহাদের অভিজ্ঞতা অত্র কাগজে প্রকাশ করিলে অনুগ্রহীত হইব।

PRINTED BY RASICK LAL PAN

At the Gobardhan Press, 12, Gour Mohan Mookherjee Street, Calcutta.  
And Published by Dharendra Nath Halder,



এলোপ্যাথিক ও হোমিওপ্যাথিক চিকিৎসা সম্বন্ধীয়  
 মাসিক পত্র ও সমালোচক ।

২০শ বর্ষ ।	১৯৩৪ সাল— ফাল্গুন ।	১১শ সংখ্যা ।
------------	---------------------	--------------

### বিবিধ

—:~:~:~:—

**কুষ্ঠরোগে নূতন ঔষধ** ঃ—ডা: R. Row টিউবার্কল ব্যাসিলাস হইতে এক প্রকার নূতন ভ্যাকসিন প্রস্তুত করিয়াছেন। এতদপ্রয়োগে কয়েকটা কুষ্ঠরোগীর চমৎকার ফল হইয়াছে। এই ঔষধ ইঞ্জেক্সনে নোডিউল (Nodule) সমূহ সত্ত্বর ধ্বংস প্রাপ্ত হয়; মুখের স্বাভাবিক ভাব অতি শীঘ্র ফিরিয়া আইসে এবং স্পর্শশক্তি পুনঃ সংস্থাপিত হইয়া থাকে। এই ঔষধ সাধারণতঃ রো সাহেবের ভ্যাকসিন (Dr Row's vaccine) নামে পরিচিত। (Clinical Medicine)

**অন্ত্রশূলে এপোমফাইন** ঃ—সুপ্রসিদ্ধ ডা: সিলেন অন্ত্রশূলে এপোমফাইন অধ:স্থায়িক প্রয়োগ করিতে উপদেশ দিয়াছেন। তাঁহার মতে এতদপ্রয়োগে পীড়া অতি সত্ত্বর উপশান্ত হয়। • মাত্রা ১/১০ ১/৪ গ্রেণ। তিনি এই ঔষধ ১/৪ গ্রেণ মাত্রায় পূর্ণ বয়স্কদিগকে সেবন করিতে দিয়াও উপকার প্রাপ্ত হইয়াছেন।

A. M. A. Journal 1927

**পর্নাক্ষিত দ্রব্যগুণ** ঃ—“পাবনা সংসদ” হইতে শ্রীমতী অন্নপূর্ণা দেবী পত্রান্তরে লিখিয়াছেন—“কিছুদিন হইল কয়েকটা বালক খেলায় রত ছিল। ঐ সময় তাহাদের একটিকে ২৩টা বোল্ড আসিয়া হুল বিদ্ধ করিয়া দেয়। বালকটা বেগুন বস্ত্রাঘ চিৎকার

করিতে থাকে। কিন্তু বোলতা-দংশিত স্থানে কতকগুলি লঙ্কার পাতা ডলিয়া রস বাহির করতঃ লাগাইয়া দেওয়া মাত্র যন্ত্রণার উপশম হয়। সে পুনরায় খেলায় যোগ দান করে। পরীক্ষা প্রার্থনীয়। (Dr. R. C. Roy.)

**হৃৎপিণ্ডের দৌর্বল্যঃ**—হৃৎপিণ্ডের দৌর্বল্যে নিম্নলিখিত মিশ্রণ অতীব উপকারীরূপে অনুমোদিত হইয়াছে।

Re.

টিংচার স্ট্রোফ্যান্থাস্	...	১/২ ড্রাম।
„ নক্সভমিকা	...	২ ড্রাম।
স্পিরিট ইথারিস্ কোঃ	...	২ ১/২ ড্রাম।

একত্র মিশ্রিত করতঃ, ১০ ফোঁটা মাত্রায় জল সহ ৫ ঘণ্টা অন্তর সেব্য।

(Medical Record.)

**মূত্রাশয়ের উত্তেজনাঃ**—মূত্রাশয়ের উত্তেজনা বশতঃ পুনঃ পুনঃ মূত্রত্যাগ, অনৈচ্ছিক প্রস্রাব প্রভৃতি উপসর্গে নিম্নলিখিত মিশ্রণ ফল প্রদরূপে অনুমোদিত হইয়াছে।

Re.

পটাশিয়াম্ সাইট্রেট	...	১০ গ্রেণ।
সোডি ব্রোমাইড্	...	১০ গ্রেণ।
টিংচার বেলেডোনা	...	১০ মিনিম।
„ হাইয়োসায়েমাস্	...	২০ মিনিম।
ইন্ফিউসন্ বকু	...	সমষ্টি ১ আউন্স।

একত্র মিশ্রিত করতঃ ১ মাত্রা। প্রতি মাত্রা ৩ ঘণ্টা অন্তর সেব্য।

(Critic and Guide.)

**পুরাতন সর্দিরোগে—“প্লাসেন্টা-অপ্টন”**।—ডাঃ হিয়ারম্যান লিখিয়াছেন—“পুরাতন সর্দিরোগে “প্লাসেন্টা অপ্টন” সেবন করাইলে আশাতীত উপকার পাওয়া যায়। সম্প্রতি একটা রোগীকে ইহা ব্যবহার করাইয়া আশ্চর্যজনক উপকার পাওয়া গিয়াছে। এই রোগী প্রতি বৎসরই বসন্তকালে প্রবল সর্দি দ্বারা আক্রান্ত হইত। এইরূপে ১৩ বৎসর কাল রোগীটা ভুগিতেছিল। অতঃপর ইহাকে “প্লাসেন্টা অপ্টন” এম্পুল ১টা মাত্রায় উপযুক্ত পরি ২দিন সেবন করিতে দেওয়া হয়। দুই দিন পর পর ঔষধ সেবনের পর ২ দিন ঔষধ সেবন বন্ধ রাখিয়া, প্রায় ১ মাস চিকিৎসা করার, রোগী



সম্পূর্ণরূপে আরোগ্য লাভ করিয়াছিল। ইহার পর আর পরবর্তী বসন্ত ঋতুতে তাহার সর্দির লক্ষণ উপস্থিত হয় নাই।”

“প্লাসেন্টা অপ্টন”—প্লাসেন্টা অর্থাৎ ‘ফুল’ হইতে প্রস্তুত। প্লাসেন্টার (‘ফুল’) উৎসেচিত্ত পদার্থ হইতে ইহা দ্রবাকারে প্রস্তুত হইয়াছে। এই দ্রব আবদ্ধ এম্পুল মধ্যে বন্ধিত হয়।

মাত্রা। একটি এম্পুলের মধ্যস্থ সমুদয় ঔষধ একবারে সেব্য। প্রত্যহ একবার সেবন করা যি শেষ এবং পর পর : দিন সেবন করিয়া, ২ দিন ঔষধ সেবন বন্ধ করিতে হয়।

( M. A. R. iii 1927. )

বহুমূত্র রোগে টেট্রিকিউলার এক্সট্রাক্ট। ডাঃ রথ্যান লিখিয়াছেন—“ছইটি বহুমূত্র (ডায়েবিটিস্, ইন্সিপিডাস্, অর্থাৎ শর্করাবিহীন বহুমূত্র) রোগীকে টেট্রিকিউলার এক্সট্রাক্ট্ (অণুকোষের নির্যাস) ইন্জেকশন দিয়া আশাতীত উপকার পাওয়া গিয়াছে। এই রোগীঘরের অত্যন্ত দৌর্ভল্য এবং অতিরিক্ত পিপাসা ব্যতীত, অত্যন্ত অবসন্নতা, সর্বক্ষণ স্থায়ী অসহ ক্রোধ, মাথার পশ্চাদিকে বেবনা ইত্যাদি লক্ষণসমূহ বর্তমান ছিল। এই ছইটি রোগীকে টেট্রিকোয়ালিন্” নামক টেট্রিকিউলার এক্সট্রাক্ট্ ঔষধটি প্রত্যহ ইন্জেকশন দেওয়া হইয়াছিল। ইহাতে অত্যন্ত সময় মধ্যেই রোগীঘর আরোগ্য লাভ করিয়াছিল।

ডায়েবিটিস্ ইন্সিপিডাস্ বা শর্করাবিহীন বহুমূত্র রোগের প্রধান কারণ—দায়বিক দৌর্ভল্য। অতিরিক্ত ইন্ড্রিয় চালনার পরিণামেও এই রোগ হইতে দেখা যায়। ইহা সাধারণতঃ যুবকদেরই হইয়া থাকে। সুতরাং টেট্রিকিউলার এক্সট্রাক্ট্ ইন্জেকশনে দায়বিক দৌর্ভল্য এবং ধাতুদৌর্ভল্য নিবারিত হইয়া, দুর্বল ইন্ড্রিয়ের শক্তি পুনরায় ফিরিয়া আসে। ইহার ফলে শর্করাবিহীন বহুমূত্রেরও অবসান হয়। সময়ে চিকিৎসা না হইলে ডায়েবিটিস্ ইন্সিপিডাস্ হইতে ডায়েবিটিস্-মেলিটাস্ (মধুমূত্র বা সশর্কর-বহুমূত্র) পীড়ার উৎপত্তি হইতে পারে।

টেট্রিকিউলার এক্সট্রাক্ট্—সাধারণতঃ গিনিপিগের অণু হইতে প্রাপ্ত এক প্রকার জলীয় নির্যাস হইতে প্রস্তুত হয়। “টেট্রিকোয়ালিন্” ইহাও এই প্রক্রিয়াতেই প্রস্তুত করা হইয়া থাকে। ইহা তুরলাকারে এম্পুল্ মধ্যে পাওয়া যায়। ইহা একটি উৎকৃষ্ট দায়বীর বলকারক, ধাতুদৌর্ভল্য নাশক, রতিশক্তি বর্ধক ও শুক্রবর্ধক ঔষধ। ইহা হাইপোডার্মিক ইন্জেকশনরূপে ব্যবহৃত। ( M, A, R, III, 1927, )

হুপিংকফে “প্যান্ডাকোডিন্”। ডাক্তার ব্র্যাট্‌কী লিখিয়াছেন— হুপিংকফের চিকিৎসার “প্যান্ডাকোডিন্ সিন্‌সাপ্” একটি উৎকৃষ্ট ঔষধ। হুপিংকফ,

বে, একটা ছদ্ম পীড়া, ইহা চিকিৎসক মাত্রেই জানেন। সকল বয়সের শিশু ও বালক বালিকাদের মধ্যেই এই পীড়ার প্রাবল্য দেখিতে পাওয়া যায়। ইহার জ্বর কষ্টদায়ক পীড়া—অতি অল্পই আছে। ইহার চিকিৎসাও এলোপ্যাথিক শাস্ত্রে বিশেষ আশাভঙ্গক নহে। একজন অবস্থায় ডাক্তার ব্র্যাটকীর, এই অভিমত বিশেষ আশাভঙ্গক নহে। ইহা বহুস্থলে পরীক্ষা করিয়া এই অভিমত প্রকাশ করিয়াছেন যে,—“প্যারাকোডিন-সিরাপ ব্যবহারে অতি সহজ কাশির আক্ষেপ দূরিত হয় এবং এই যন্ত্রনাদায়ক পীড়ার কবল হইতে রোগী শীঘ্রই মুক্ত হইয়া থাকে। এই সিরাপ, বালক বালিকাদের বয়স অনুযায়ী ১৫ মিনিম্ হইতে ৬০ মিনিম্ মাত্রায়—৩ বার সেব্য। ইহা খাইতে যিষ্টি স্তত্রাং বালক বালিকারা বেশ মানন্দে ইহা গ্রহণ করিয়া থাকে। এই সিরাপের প্রধান উপাদান—“প্যারাকোডিন” ব্যতীতও, ইহাতে কতিপয় উৎকৃষ্ট কফঃনিঃসারক ঔষধ আছে—এই অল্পই ইহা এক্ষণে সুফলপ্রদ।

প্যারাকোডিনের ট্যাবলেটও পাওয়া যায়—কিন্তু ইহা হুপিংকফে তত আদরের সহিত ব্যবহৃত হয় না। ডাঃ ব্র্যাটকী, এই ট্যাবলেট অতি শিশু ও বালক বালিকাদের উদরাময়ে বয়সানুসারে—১টা ট্যাবলেট মাত্রায় প্রত্যহ ২৩ বার সেবনের ব্যবস্থা করেন। উদরাময়ের সাংঘাতিক লক্ষণ সকল তিরোহিত হইবার পর, রোগীকে সবল রাখার উদ্দেশ্যে প্রচুর ও নিরবিচ্ছিন্ন পর্থাপি দেওয়ায়, যে স্থলে রোগীর মলজাগ বৃদ্ধি পায়—সেই স্থলে প্যারাকোডিন ট্যাবলেট প্রয়োগে আশ্চর্য্য ফল পাওয়া যায়। কিন্তু হুপিংকফে, ডাঃ ব্র্যাটকী, ইহা আদৌ ব্যবস্থা করেন না।

( M. A. R. III. 1927. )

অস্থি ও পেশীর বেদনায়—ফস্ফরাস্। ডাঃ লেরিশ্ লিখিয়াছেন—  
“অস্থি ও পেশীর বেদনা ( Pain in bones and muscles )—যাহার প্রকৃতি অনেকটা বায়ুর বেদনার অনুরূপ, সেইরূপ বেদনায় অল্প মাত্রায় ফস্ফরাস্ ব্যবহার করিলে অতি সুন্দর উপকার পাওয়া যায়। এতদর্থে দৈনিক ০.০০১ গ্রাম ( ৩/২০০ গ্রেণ ) ফস্ফরাস্ সেব্য। ইহা বহু রোগীতে ব্যবহার করিয়া সুফল পাওয়া গিয়াছে”।

( M. A. R. III. 1927 )

## এণ্ডোক্রিনোলজি—Endocrinology.

### থাইরয়েড গ্রন্থি—Thyroid gland.

লেখক—ডাঃ শ্রীসন্তোষকুমার মুখোপাধ্যায় M. B.

ইণ্ডিয়ান মেডিক্যাল রেকর্ডের সম্পাদক।

( পূর্বে প্রকাশিত ৯ম সংখ্যার ( পৌষ ) ৩৮৬ পৃষ্ঠার পর হইতে )

### মিক্সিডিমা—Myxædema.

থাইরয়েড গ্রন্থির অন্তঃরসের অত্যন্ত বা সম্পূর্ণ অভাব হইলে, অবস্থাভেদে, তাহার কল-  
বিবিধ আকারে প্রকাশ পায়। “মিক্সিডিমা” ইহাদের অগ্রতম। পূর্বেই প্রবন্ধে এ সর্বাঙ্গে  
আলোচনা করা হইয়াছে। অধিক বয়সে মিক্সিডিমা হইলে রোগীর শরীর ক্লিপ্ত অবস্থাপন্ন  
হয়, নিম্নস্থ প্রতিকৃতিটির প্রতি দৃষ্টিপাত করিলে তাহা সহজেই বুঝা যাইবে।

এম চিত্র—অধিক বয়সে মিক্সিডিমা।



উপরোক্ত চিত্র রোগিনীর বয়সক্রম ২০ বৎসর। ইহার কক্ষে ও উরুদেশে স্ফীতি  
এবং চক্ষুর ক্রান্তে লোমের অভাব লক্ষ্য করিবার বিষয়। এই রোগিনীর হৃৎপিণ্ড স্ফীত এবং

ইহার নাড়ীর গতি মিনিটে ৬০ বার মাত্র। রোগিনীর মানসিক বুদ্ধিবৃত্তি খুব কম। ত্রীলোকটা গৃহ হইতে মধ্যে মধ্যে চলিয়া যায়; কিন্তু কেন যায়, জিজ্ঞাসা করিলে তাহা বলিতে পারে না। রাত্তার ধারের দোকান হইতে কয়েকবার কয়েকটা দ্রব্য তুলিয়া লওয়ার, ত্রীলোকটা কয়েক বার পুলিশে চালান হইয়াছিল।

ধাইরয়েড চিকিৎসা করার পর উক্ত ত্রীলোকটার অবস্থা কথঞ্চিৎ ভাল হইয়াছে।

### মিন্দিভিমা রোগীর বিবরণ।

(১) রোগী—অনেক ভদ্রলোকের কন্যা। এই কন্যাটা কয়েক দিনের মধ্যেই অস্বাভাবিক রকম মোট হইয়া উঠে। কন্যার পিতা প্রথমে ভাবিয়াছিলেন যে, তাঁহার কন্যার গায়ে 'মাস' লাগিতেছে—কন্যা হুট পুট হইতেছে। কিন্তু কয়েক দিনের মধ্যে এরূপ মোটা হওয়ার, সকলের একটু সন্দেহ উপস্থিত হইল। মেয়েটার বয়স তখন সাত বৎসর মাত্র। পূর্বে তাহার কখনও কোন রোগ দেখা যায় নাই। ঐ সময় মেয়েটির শরীর কিরূপ অস্বাভাবিকত্ব প্রাপ্ত হইয়াছিল, নিম্নস্থ প্রতিকৃতি দৃষ্টে তাহা সহজেই বোধগম্য হইবে।

### ৩ষ্ঠ চিত্র—শৈশবীর মিন্দিভিমা



উক্ত ভদ্রলোকের বাটতে আমি চিকিৎসা করিতাম; সুতরাং ঐ মেয়েটাকে আমি পূর্বে দেখিয়াছিলাম। তাহার আকস্মিক 'মোটা' হওয়ার পর বখন আমার ডাক পড়িল, তখন

গিয়া দেখিলাম—মেয়েটিকে আর চেনা যায় না। তাহার মুখ এমন ফুলিয়াছে যে, মুখের স্বাভাবিক যে রেখাগুলি ছিল, তাহা আর বুঝা যায় না। মুখ ভাবহীন বোকার মত। মেয়েটির মানসিক বুদ্ধিবৃত্তিও যেন পূর্বাপেক্ষা একটু জড়তাপ্রাপ্ত হইয়াছে বলিয়া, মনে হইল। তাহার নাক চওড়া এবং ঠোঁট দুইখানি স্থূল হইয়াছিল।

তাহার শরীরের ক্ষীণ স্থানগুলি টিপিয়া দেখিলাম। যে, তাহা বসিয়া যায় না। কয়েকবার প্রস্রাব পরীক্ষা করিয়াও, প্রস্রাবে গ্যালভুমিন বা কাষ্ট পাওয়া গেল না। প্রস্রাব—বারে ও পরিমাণে স্বাভাবিকই ছিল।

**চিকিৎসা।**—এই বালিকাকে  $\frac{1}{2}$  গ্রেণ মাত্রায় থাইরয়েড খাইতে দিয়া, আশ্চর্যজনক ফল পাওয়া গিয়াছিল। এই চিকিৎসায় তাহার দেহের ক্ষীণতা যেন যাত্রমন্ত্রের জায় বিলুপ্ত হইয়া গেল এবং বালিকা পূর্বাবস্থা প্রাপ্ত হইল।

ইহার এক বৎসর পরে, আর একবার ঐ বালিকা ঐরূপ ফুলিয়া উঠিয়াছিল এবং সেবারও থাইরয়েড ব্যবহারে আরোগ্য লাভ করিয়াছিল। এবার আরোগ্যের পর কিছুদিন যাবৎ থাইরয়েড ব্যবহার করান হইয়াছিল। বালিকার বয়স এখন তের বৎসর; সে এখন বেশ সুস্থ আছে এবং তাহার বিবাহ হইয়াছে।

(২) **রোগী।**—আর একটা স্ত্রীলোকের সর্কাজ ঐরূপ কয়েক দিনের মধ্যে ফুলিয়া গিয়াছিল। এই স্ত্রীলোকটির বয়স ৩১ বৎসর। তাহাকেও  $\frac{1}{2}$  গ্রেণ করিয়া থাইরয়েড দিয়া, কয়েক দিনের মধ্যেই সুন্দর ফল হইতে দেখা গিয়াছিল।

**মিস্টিডিমা চিকিৎসা।**—দেহে থাইরয়েড অন্তঃরসের অভাব হইলে, সেই অভাব পূর্ণ করিতে চেষ্টা করা প্রয়োজন।

অন্য প্রাণীর (বিশেষতঃ বানরের) থাইরয়েড গ্রন্থি মানব দেহে কলম করিয়া (grafting) বসান হইয়াছিল; কিন্তু এই পরীক্ষা সফল হয় নাই। থাইরয়েড সেবনে ইহা অপেক্ষা অধিকতর উপকার হয়।

বয়স্ক রোগীর থাইরয়েড অন্তঃরসের অভাবের ফলে মিস্টিডিমা প্রভৃতি হইলে, প্রথমে খুব অল্প মাত্রায় থাইরয়েড খাইতে দেওয়া কর্তব্য। কারণ, রোগীর থাইরয়েড গ্রন্থি কতদূর অক্ষয় হইয়াছে ও কি পরিমাণে থাইরয়েড ঔষধরূপে প্রয়োগ করিলে, থাইরয়েড অন্তঃরসের অভাব মোচন হইবে, তাহা বুঝা বড় কঠিন। ষতটুকু দরকার, তদপেক্ষা অধিক পরিমাণে থাইরয়েড প্রয়োগ করিলে, বিপরীত ফল হইবার সম্ভাবনা; এজন্য সাবধানে এই ঔষধ ব্যবহার করিতে হইবে। আমরা সাধারণতঃ অর্ধ গ্রেণ শুষ্ক থাইরয়েড (desiccated thyroid  $\frac{1}{2}$  gr.) প্রথমে দিই; তাহার পর ধীরে ধীরে মাত্রা বৃদ্ধি করিয়া ০.২ গ্রেণ পর্যন্ত দিয়া থাকি।

**থাইরয়েড প্রয়োগকালীন সাবধানতা।** ঔষধরূপে থাইরয়েড প্রয়োগ কালে রোগীর উপর বিশেষ দৃষ্টি রাখা কর্তব্য। কারণ, অনেক সময় কিছুদিন

থাইরয়েড প্রয়োগের পর, হয়ত হঠাৎ একদিন বিপলক্ষণ (Cumulative action) উপস্থিত হইতে পারে। থাইরয়েড প্রয়োগকালে নিম্নলিখিত দুইটি বিষয়র প্রতি দৃষ্টি রাখা কর্তব্য। যথা—

- (১) দেহের উত্তাপের প্রতি।
- (২) নাড়ীর (Pulse) গতির প্রতি।

ঋতদিন রোগী চিকিৎসাধীন থাকিবে, ততদিন প্রত্যহ অন্ততঃ ৩ বার করিয়া রোগীর দৈহিক উত্তাপ গ্রহণ করা কর্তব্য। শরীরের উত্তাপ ৯৮.৫ ডিগ্রীর অধিক হইলে থাইরয়েড প্রয়োগ বন্ধ করা উচিত।

থাইরয়েড প্রয়োগকালে প্রত্যহ অন্ততঃ একবারও নাড়ীর গতি পরীক্ষা করা কর্তব্য। নাড়ীর স্বাভাবিক গতি মিনিটে ৭২ বার। কিন্তু থাইরয়েড প্রয়োগকালীন যদি নাড়ীর গতি ইহা অপেক্ষা মিনিটে ১৫ বার বা ততোধিক বৃদ্ধি পায়, তাহা হইলে কিছুদিনের জন্ত থাইরয়েড প্রয়োগ বন্ধ করা কর্তব্য।

যে সকল রোগীর নাড়ী (pulse) অনিয়মিত (irregular), রক্তের চাপ (Blood pressure) কম এবং মাথাঘোরা ও অনিদ্রা বর্তমান থাকে, সেই সকল রোগীকে থাইরয়েডের সহিত “সুপ্রারেনল” প্রয়োগ করিলে উপকার পাওয়া যায়। এতদর্থে—

Re

থাইরয়েড ডেসিকেটেড ( শুষ্ক চূর্ণ )	...	১ গ্রেণ।
সুপ্রারেনল	...	১/৪ গ্রেণ।

একত্র ১ মাত্রা। ক্যাপ্‌গুলের মধ্যে পুরিয়া সেব্য।

থাইরয়েড প্রয়োগকালে রোগীকে অহিফেন, মদ্য প্রভৃতি কোন মদক দ্রব্য সেবন করিতে নিষেধ করা কর্তব্য।

## জড়বামনত্ব ক্রেটিনিজম্ ( Cretinism )

যদি শিশু শৈশবাবস্থায় যথোচিত পরিমাণে থাইরয়েড-অন্তঃরস না পায়, কিম্বা কোন কারণে তাহার থাইরয়েড গ্রন্থি নষ্ট হইয়া যায় তাহা হইলে শিশুর মানসিক শক্তির বিকাশ ও দেহের স্বাভাবিক বৃদ্ধি স্থগিত হইয়া, শিশু জড়তাগ্রস্ত এবং বামনত্ব প্রাপ্ত হয়। এইরূপ অবস্থাকেই “জড়বামন বা ক্রেটিন” (cretin) বলে। সাধারণতঃ যে সকল “ঝালা, কেপা” বামন দেখা যায়, তাহাদের অধিকাংশই থাইরয়েড-অন্তঃরসের অভাবের ফল।

লক্ষণ।—উল্লিখিতরূপে শিশু বামনত্ব প্রাপ্ত হইলে যে সকল লক্ষণ প্রকাশ পায়, যথাক্রমে তাহা কথিত হইতেছে।

(ক) আকৃতি।—রোগী বামন (খর্ব) এবং বয়সে শিশু হইলেও, তাহার আকৃতি বৃদ্ধের জায় হয়। তাহার মুখ দেখিলে মনে হয় যে, তাহার বুদ্ধিও কিছুই নাই। সারা



দেহ ফুলামত দেখায় ; হাত পা ছোট ছোট, পেটটা প্রকাণ্ড, ঠোঁট দুখানি পুরু এবং জিহ্বা বৃহদাকার। গাএচর্ম—বিশেষতঃ কপালের চর্ম খাঁজযুক্ত লোল। মাথায় চুল কম এবং যেগুলি আছে সেগুলি পাতলা ও কর্কশ।

(খ) দস্তোদগমে বিলম্ব হয়।

(গ) দেহের উত্তাপ অপেক্ষাকৃত কম। গা ঠাণ্ডা ও নীলবর্ণ (cyanosed)।

(ঘ) নাড়ী ক্ষীণ ও রক্তের চাপ (blood pressure) কম।

(ঙ) শিশু শীঘ্র দাঁড়াইতে বা চলিতে পারে না অথবা অনেক বয়সে চলিতে শিখে।

(চ) বয়সের অনুপাতে মানসিক বুদ্ধিবৃত্তি খুব কম।

(ছ) কোষ্ঠ পরিষ্কার হয় না।

(জ) রোগ কয়েক বৎসরের পুরাতন হইলে, কণ্ঠার উপরে চর্কি (supraclavicular pad of fat) জমে।

### চিকিৎসিত রোগীর বিবরণ

(১) রোগী। পাঁচ বৎসর পূর্বে একটা দেড় বৎসরের শিশুকে দেখি। ছেলেটা তখনো বসিতে বা কথা কহিতে শিখে নাই এবং তাহার একটাও দাঁত উঠে নাই।

শিশুর আকৃতি দেখিয়া, তাহার আদৌ বুদ্ধিবৃত্তি আছে বলিয়া মনে হইল না। মুখখানি ক্ষীণভাবাপন্ন, নাক যেন বসিয়া গিয়াছে, কপালের চর্ম বৃদ্ধ ব্যক্তির স্থায় কোঁচকানো, চোখ অল্প টায়া। শিশুর মাথার আকৃতি লক্ষ্য করিয়া দেখিলাম—উহা স্বাভাবিক অপেক্ষা লম্বা (dolico-cephalic)। হাত দুইখানি ছোট ছোট ও মোটা; অঙ্গুলীগুলিও মোটা। মাথার চুল খুব কম। শিশুর জিহ্বা মোটা, চওড়া ও বড় এবং সদাসর্বদা অল্প বাহির হইয়া থাকে।

শিশুর গায়ের জামা খুলিয়া পরীক্ষা করিতে গিয়া দেখিলাম যে, তাহার নাভিকুণ্ডের হার্নিয়া (umbilical hernia) আছে।

শিশুর আকৃতি ও লক্ষণসমূহ দেখিয়া “ক্রেটিন” (cretin) বলিয়া রোগনির্ণয় করিলাম।

চিকিৎসার ফল।—শিশুকে থাইরয়েড ব্যবস্থা করা হইল। তিন বৎসরব্যাপী থাইরয়েড দ্বারা চিকিৎসার ফলে শিশু এক্ষণে স্বাভাবিক অবস্থা প্রাপ্ত হইয়াছে। এখন সে চলিতে ও কথা কহিতে পারে; দাঁত উঠিয়াছে, জিহ্বা বাহির হইয়া থাকে না এবং নাভিকুণ্ডের হার্নিয়াও ভাল হইয়া গিয়াছে। প্রথম বৎসর চিকিৎসায় বিশেষ কোন ফল পাওয়া যায় নাই; তাহার পর হইতে অত্যন্ত ধীরে ধীরে উন্নতি হইয়াছিল। সৌভাগ্যক্রমে ইহার রোগ শৈশবেই ধরা পড়িয়াছিল, অতীত ইহাকে আজীবন ‘শ্রীলাক্ষ্যাপী’ হইয়া সংসারের সকলের গলগ্রহ ও অশান্তির কারণ হইয়া থাকিতে হইত। এই সকল রোগী প্রথম অবস্থায় চিকিৎসা না করিলে দুরারোগ্য হইয়া থাকে।

স্ত্রীলোক বামনত্ব প্রাপ্ত হইলে, তাহার দৈহিক ও মানসিক অবস্থা কিরূপ হয়, নিম্নস্থ চিত্রে তাহা প্রদর্শিত হইল।

৭ম চিত্র—৩৩ বৎসর বয়স্কা জড়বামন (retin) স্ত্রীলোক।



এই স্ত্রীলোকটির বয়ঃক্রম ৩৩ বৎসর, কিন্তু বয়সানুসারে ইহার দেহের বৃদ্ধি আদৌ হয় নাই। বয়সে যুবতী হইলেও, আকার প্রাকারে স্ত্রীলোকটি শিশুর গায়।

(২) **রোগী।** একদিন কলিকাতার পথের ধারে এক জড়বামন (cretin) ভিখারীকে দেখিয়াছিলাম। সে জাতিতে উড়িয়া এবং তাহার বয়স ৩১ বৎসর। এই লোকটি মাত্র দুই হাত লম্বা; দাঁড়াইতে পারে না, পথের ধারে যেখানে তাহাকে বসাইয়া দিয়া যায়, সে সেইখানেই বসিয়া থাকে। তাহার মুখখানি ফুলা ও ভাবহীন। মাথার চুল কতকগুলি পাকিয়া গিয়াছে। দাড়ী ও গৌফ সামান্য আছে। কণ্ঠের উপরিভাগে চন্দ্রনিম্নে চর্কি জমিয়াছে। হাত দুটি মোটা ও ছোট। পা দুটি বাকা। পেট বড়। ইহারও মাথার আকৃতি লম্বা (dolico-cephalic)।

লোকটির সহিত কথা কহিতে চেষ্টা করিলাম। কিন্তু পয়সা ও খাবার চাহিতে পারা ব্যতীত, অল্প কিছু বৃষ্টিবার ক্ষমতা তাহার ছিল না।

(২) **শৈশবে থাইরয়েড-অন্তঃরসাত্মক ও ক্রেটিনিজমের চিকিৎসা**—শিশুদের মানসিক বুদ্ধিবৃত্তির বিকাশের অভাব নানা কারণে হইতে পারে থাইরয়েড-অন্তঃরসের অভাবজনিত জড়বুদ্ধি শিশুকে যথাসময়ে চিকিৎসা করিলে, যেরূপ সহজে আরোগ্য করা যায়, এরূপ অল্প কারণোদ্ভূত রোগে হয় না। অস্ত্রান্ত ক্রেটিনিজমের চিকিৎসা শৈশবে হওয়া প্রয়োজন; অন্তথা বয়স বৃদ্ধি হইয়া গেলে, মস্তিষ্ক ও দেহের গঠন এরূপ পরিবর্তিত হইয়া যায় যে, তখন আর চিকিৎসায় কোন ফললাভের আশা থাকে না।

থাইরয়েড-অন্তঃরসাত্মক রোগে থাইরয়েড প্রয়োগে যেরূপ উপকার পাওয়া যায়, তাহা সত্যই অসাধারণ। যত শীঘ্র থাইরয়েড প্রয়োগ করা যায়, ততই অধিক উপকার হইয়া থাকে।

**থাইরয়েডের প্রাথমিক মাত্রা।**—বয়সানুসারে শিশুদিগকে, প্রথম নিম্নলিখিত মাত্রায় থাইরয়েড প্রয়োগ করা কর্তব্য। যথা—

এক বৎসরের অনধিক শিশুর পক্ষে—দিনে ১/৪ গ্রেণ। •

এক বৎসর হইতে পাঁচ বৎসর পর্য্যন্ত—দিনে ১/২ গ্রেণ।

অধিক বয়স্ক বালক বালিকাদের পক্ষে—দিনে ১ গ্রেণ।

প্রথমে এইরূপ অল্প মাত্রা হইতে আরম্ভ করিয়া ধীরে ধীরে মাত্রা বৃদ্ধি করিবে। এইরূপে প্রত্যহ দেড় গ্রেণ ( ১½ ) পর্য্যন্ত দেওয়া চলে। অর্ধ গ্রে মাত্রায় প্রত্যহ সকালে, বৈকালে ও সন্ধ্যাকালে, এই তিনবারে খাইতে দিবে। চিকিৎসাকালে শিশুর দেহের তাপ ( temperature ) ও হৃৎপিণ্ডের গতির উপর দৃষ্টি রাখা কর্তব্য। উত্তাপবৃদ্ধি বা হৃৎপিণ্ডের গতি দ্রুত হইলে, কিছুদিনের জন্য থাইরয়েড প্রয়োগ বন্ধ রাখিতে হইবে।

শিশুর দৈহিক ক্ষীতি কমিবার পরও, কিছুদিন যাবৎ থাইরয়েড ব্যবহার করা উচিত।

থাইরয়েডের সহিত আমরা অল্প পরিমাণে ক্যালসিয়াম প্রয়োগ করিয়া অধিকাংশ স্থলে সর্বাধিক উপকার পাইয়াছি। নিম্নলিখিতরূপে প্রয়োগ করা হয়। যথা—

Re.

থাইরয়েড ( ডেসিকেটেড—গুঁড় চূর্ণ ) ... ১/৪ গ্রেণ।

ক্যালসিয়াম হাইপোফস্ফাইট ... ১/২ গ্রেণ।

একত্র একমাত্রা। একটী ক্যাপসুলে ভরিয়া অথবা মধুসহ মাড়িয়া খাইতে দিবে।

**থাইরয়েড চিকিৎসার ফল।** যথানিয়মে থাইরয়েড চিকিৎসা করিতে পারিলে, অনেক স্থলে বামনত্ব ( Cretinism ) অপনোদিত হইতে পারে। একটী ১০।০ বৎসর বয়স্ক বামন ( cretin ) বালকের উপর থাইরয়েড চিকিৎসা কিরূপ সফলপ্রদ হইয়াছিল, নিম্নস্থ চিত্রে তাহা প্রদর্শিত হইল।

**৮ম চিত্র—জড়বুদ্ধি বামনের (Cretin) উপর থাইরয়েড চিকিৎসার ফল।**



১ নং

২ নং

৩ নং

৪ নং

উল্লিখিত ১নং চিত্রে বালকটির বয়সক্রম ১০বৎসর ৬মাস, কিন্তু উহার দেহের উচ্চতা এই সময় মাত্র ৩৬ ½ ইঞ্চি ছিল। উহার এইরূপ আকৃতি দেখিয়াই

বুঝিতে পারা গিয়াছিল যে, বালকটির থাইরয়েড-অস্তঃরসের অভাব বশতঃই, সে এইরূপ বামনত্ব ( Cretinism ) প্রাপ্ত হইয়াছে। ইহার মুখের ভাব কিরূপ ভাববিহীন এবং ৬ ড়তাপূর্ণ, চিত্রস্থ মুখাকৃতির প্রতি দৃষ্টিপাত করিলেই তাহা বেশ বুঝা যাইবে।

এই সময় হইতে 'বালকটিকে থাইরয়েড দ্বারা চিকিৎসা আরম্ভ করা হয়। এক বৎসর এইরূপ 'চিকিৎসা করার পর, বালকটী যেরূপ অবস্থায় উপনীত হইয়াছিল, ২ নং চিত্রে তাহার অবিকল প্রতিকৃতি প্রদর্শিত হইয়াছে। এই সময় ইহার শরীরের উচ্চতা ৪২ঃ ইঞ্চি হইয়াছিল এবং বালকটির মুখের অস্বাভাবিক ভাবেরও কথঞ্চিৎ পরিবর্তন দেখা গিয়াছিল।

আরও ১বৎসর থাইরয়েড চিকিৎসার পর দেখা গেল যে, বালকটির দৈহিক উচ্চতা ৪৬ঃ ইঞ্চি অর্থাৎ পূর্বাপেক্ষা ৪ ইঞ্চি বর্দ্ধিত হইয়াছে। দুই বৎসর চিকিৎসার পর বালকটী যেরূপ অবস্থাপন্ন হইয়াছিল, ৩ নং চিত্রে তাহার অবিকল প্রতিকৃতি প্রদর্শিত হইয়াছে।

অতঃপর আরও ১ বৎসর অর্থাৎ ৩ বৎসর থাইরয়েড দ্বারা চিকিৎসা করার পর, ১৩ বৎসর ৬মাস বয়সে বালকটির দৈহিক উচ্চতা ৫০ ইঞ্চি হইতে দেখা গেল এবং ইহার দৈহিক ও মানসিক অবস্থা পরিবর্তিত হইয়া, এরূপ স্বাভাবিক অবস্থায় উপনীত হইল যে, এক্ষণে তাহাকে আর জড়বামন ( Cretin ) বলিয়া চেনা যায় না। এই সময়ে বালকটী যেরূপ অবস্থাপন্ন হইয়াছিল, ৪ নং চিত্রে তাহার অবিকল প্রতি তি প্রদর্শিত হইয়াছে।

(৩) থাইরয়েড-অস্তঃরসের অভাবজনিত উপসর্গ সমূহের চিকিৎসা :—থাইরয়েড-অস্তঃরসের অভাবজনিত কয়েকটা উপসর্গের চিকিৎসা যথাক্রমে কথিত হইতেছে।

(ক) আধকপালে মাথাধরা ( Migraine )—থাইরয়েড-অস্তঃরসের অভাব হইলে 'আধকপালে মাথাধরা' উপস্থিত হয়, এরূপস্থলে অল্প মাত্রায় থাইরয়েড প্রয়োগ করিয়া আমরা অনেকস্থলে সফল 'লাভ করিয়াছি। দেহের ভিতর যে সকল দূষিত পদার্থ সঞ্চিত হওয়ার ফলে আধকপালে হয় থাইরয়েড প্রয়োগে তাহা নষ্ট হইয়া যায়।

এই সকল রোগীর মাংস আহার নিষিদ্ধ এবং অধিক পূরিমাণে জলপান হিতকর।

(খ) গর্ভাবস্থায় বিষাক্ততা ( Eclampsia, Hyperimesis Gravidarum, Albuminuria etc. ) :—গর্ভাবস্থায় শরীরে যে দূষিত ত্যজ্য পদার্থের সৃষ্টি হয়, থাইরয়েড-অস্তঃরসের অভাব বা স্বল্পতা হইলে তাহা বিনষ্ট হইতে পারে না। এইরূপ অবস্থায় ঐ সকল দূষিত পদার্থ জনিত বিষাক্ততায় বিবিধ পীড়া উপস্থিত হইয়া থাকে।


দেহস্থ এই সকল দূষিত পদার্থ নষ্ট করিবার উদ্দেশে, এই সকল ক্ষেত্রে ১/২ গ্রে হইতে ১গ্রেণ মাত্রায় থাইরয়েড প্রয়োগ করিলে উপকার পাওয়া যায় ।

(গ) মেদোবৃদ্ধি (Obesity) :—যদি বুঝা যায় যে থাইরয়েড-অস্তঃরসের অভাব বশতঃ মেদোবৃদ্ধি হইয়াছে, তাহা হইলে থাইরয়েড ব্যবহার কর্তব্য ; অথথা নহে । প্রথমে খুব অল্প মাত্রায়, যথাদিনে ১/২ গ্রেণ থাইরয়েড • দিবে ; তৎপরে ধীরে ধীরে সাবধানতার সহিত মাত্রা বৃদ্ধি করিবে । মোটা লোকের হৃৎপিণ্ডেও চর্কি জন্মে এবং উহা দুর্বল হইয়া যায় । এক্ষণে থাইরয়েডের মাত্রা ২ গ্রেণের বেশী কখনও দিবে না । রোগী যদি দুর্বল হয়, তাহা হইলে থাইরয়েডের সহিত “সুপারেনল” প্রয়োগ করিলে ভাল হয় । রোগীর দেহের তাপ ও নাড়ীর গতির প্রতি বিশেষ দৃষ্টি রাখিবে । এইরূপ রোগীর চর্কিজাতীয় খাদ্য গ্রহণ এককালীন নিষিদ্ধ ।

(ঘ) উন্মাদরোগ :- যে সকল উন্মাদ রোগী ম্লানমুখে ‘গুম’ হইয়া থাকে ( stuporous melancholia ), তাহাদের থাইরয়েড চিকিৎসায় উপকার হইতে পারে ।

প্রসবাস্তিক উন্মাদে থাইরয়েড প্রয়োগে আমরা উপকার পাইয়াছি ।

(ঙ) চর্মরোগ :- পুরাতন একজিমা, ছেলেদের মাথার একজিমা, সোরায়েসিস্ ( Psoriasis ), ও ইকথিওসিস ( Ichthyosis ) রোগে থাইরয়েড প্রয়োগে অনেক সময় সুফল পাওয়া যায় । (ক্রমশঃ)



কলেরার প্রতিষেধক চিকিৎসা ।

Preventive Treatment of Cholera

লেখক—ডাঃ শ্রীসতীভূষণ মিত্র B. Sc. M. B.

—••••—

এবার বাঙ্গালার প্রায় প্রত্যেক নগর, উপনগর এবং পল্লার সর্বত্রই কলেরার প্রবল প্রাদুর্ভাব সংঘটিত হইয়াছে এবং এখনও হইতেছে । এই ভীষণ মহামারী-মৃত্যুদূত—তাহার বিজয় বৈজয়ন্তি অশানের “ব.মকে” প্রেরিত করিয়া দিয়া, সগর্বে যেন অপরাধের জয় ঘোষণা করিতে উদ্যত হইয়াছে । বহুজনপূর্ণ পুন্নী, এই ভীষণ রাক্ষসীর করার কবলে নিপাতিত হইয়া জনশূন্য প্রায় হইয়াছে ।



বর্তমানে কলেরা মহামারীর বহু প্রতিষেধক উপায় ও ফলপ্রদ চিকিৎসাদি আবিষ্কৃত হইয়া, যদিও পূর্বাপেক্ষা ইহার প্রকোপ এবং এই রোগে মৃত্যু সংখ্যা অনেকাংশে হ্রাসপ্রাপ্ত হইয়াছে, তথাপি সময়ে সময়ে ইহার আকস্মিক প্রবল আক্রমণ ও বিস্তৃতিবাহুল্য দৃষ্টে, অনেকেই হয়ত মনে করেন যে, এখনও এমন কোন প্রতিষেধক উপায় আবিষ্কৃত হয় নাই—যদ্বারা এই পীড়ার ভীষণ আক্রমণ প্রতিহত কর যাইতে পারে। কিন্তু প্রকৃতপক্ষে তাহা নহে—আমাদের ঔদাশীল্য এবং অনভিজ্ঞতাই এই ভীষণ মহামারীর বহুল বিস্তৃতির একমাত্র কারণ। সম্প্রতি পাশ্চাত্য চিকিৎসকগণ বহু গবেষণা ও পরীক্ষাদির পর কলেরার প্রতিষেধক উপায় আবিষ্কার করিতে সক্ষম হইয়াছেন। কলেরার আক্রমণ প্রতিরোধক এই নবাবিষ্কৃতি—‘ভ্যাক্সিনেশন’ (Vaccination) বা ‘টীকা’ নামে অভিহিত হইয়াছে। বসন্তরোগের ‘টীকা’ লইলে যেমন ‘বসন্ত’ হইবার আশঙ্কা দূরীভূত হয়, এই ‘কলেরার টীকা’ লইলেও, তদ্রূপ কলেরা-রোগাক্রান্ত হইবার সম্ভবনা বিদূরীত হইয়া থাকে। বর্তমান প্রবন্ধে আজ এই কলেরার প্রতিষেধক ‘টীকা’ সম্বন্ধে আলোচনা করিব।

এই বৎসর কলিকাতায় কলেরা প্রবলরূপে প্রকাশ পাইবামাত্র, সহরের প্রায় অধিকাংশ লোককেই এই ‘কলেরা ভ্যাকসিন্’—দেওয়া হইয়াছিল এবং তাহাতে কলেরার প্রাবল্য কমিতেই দেখা গিয়াছে। যাহারা এই ভ্যাকসিন্ লইয়াছিল—তাহাদের কাহারও কলেরা হইবার সংবাদ পাওয়া যায় নাই। কেবল কলিকাতা নহে—নারায়ণগঞ্জ, শাহেবগঞ্জ, পূর্ণিয়া ইত্যাদি স্থানেও কলেরা আরম্ভ হইবামাত্র, জেলাবোর্ড হইতে এই ‘কলেরা ভ্যাকসিন্’ দিবার ব্যবস্থা করা হইয়াছিল। যাহারা এই ভ্যাকসিন্ লইয়াছিল, তাহাদের কাহারও পীড়া হয় নাই। পল্লী চিকিৎসকগণ যদি এই ভ্যাকসিন্—এই সময়ে সংগ্রহ করিয়া রাখেন, তাহা হইলে বহু রোগীকে মৃত্যুর কবল হইতে রক্ষা করিতে পারেন। নিকটবর্তী গ্রামে কলেরা দেখা দিবামাত্র জনসাধারণকে এই ভ্যাকসিন্ ইঞ্জেকশন দিলে, তাহাদের এই পীড়ার বশবর্তীতা লোপ পায়।

এই প্রতিষেধক ভ্যাকসিন্ দুই প্রকারে পাওয়া যায়। যথা—

- (১) এন্টিকলেরা ভ্যাকসিন্ (প্রোফাইল্যাক্টিক)।
- (২) বিলি ভ্যাকসিন্

যথাক্রমে ইহাদের বিষয় কথিত হইতেছে।

(২). এন্টি-কলেরা ভ্যাকসিন্ (প্রোফাইল্যাক্টিক)। এই ভ্যাকসিন পার্কডেভিস কোং কর্তৃক প্রস্তুত। সাধারণ চিকিৎসকের গন্ধে ইহা ব্যবহারই সুবিধাজনক। ইহার প্রত্যেকটি বাল্বে ১নং ও ২নং এর ২টি বাল্বে থাকে। ১নং বাল্বে ১০০. মিলিয়ন ‘কলেরা জীবাণু’ এবং ২নং বাল্বে ২০০০ মিলিয়ন ‘কলেরাজীবাণু’



প্রথমতঃ ১নং বাল্বের মধ্যস্থ দ্রবটী এবং ইহার ১০ দিন পরে ২নং বাল্ব মধ্যস্থ দ্রবটী ইঞ্জেকসন দিবে । ইহাই পূর্ণ বয়স্কের মাত্রা ।

জার্মানির সুবিখ্যাত কেমিষ্ট Meistet Lucius & Brünningএর প্রস্তুত 'কলেরা ভ্যাক সিন্' এই উদ্দেশ্যে ব্যবহৃত হয় । এই ভ্যাকসিনের প্রতি সি, সি, তে ৫০০০ মিলিয়ান কলেরা-জীবাণু থাকে ।

বিলি ভ্যাকসিন্ ( BILI-VACCIN ) । এই ভ্যাকসিন্, ট্যাবলেট আকারে প্রস্তুত হইয়াছে । ইহা সেবন করিতে হয় ইঞ্জেকসন দিতে হয় না । ইহাই সর্কাপেক্ষা আধুনিক ভ্যাকসিন্ । ইহাকে "এন্টিকলেটিক বিলি-ভ্যাকসিন্ ট্যাবলেট্" ( Anticholeric Bili Vaccine Tablet ) বলে । ফরাসীদেশের বিখ্যাত ভ্যাকসিন্ প্রস্তুতকারক 'লা-বাইওথিরাপী' নামক ল্যাবরেটরী কর্তৃক ইহা প্রস্তুত হইয়াছে । মফঃস্বলের চিকিৎসকগণের পক্ষে ইহাই ব্যবহার করা সর্কাপেক্ষা সুবিধাজনক । ইহা কেবল খাইতে দিলেই, রোগীর কলেরার বশবর্তীতা ১ বৎসরকাল পর্যন্ত লোপ পায় । ইহা কলেরার একটা উৎকৃষ্ট প্রতিষেধক বলিয়া, সকলে স্বীকার করিয়া লইয়াছেন এবং বহু প্রমাণ ও পরীক্ষার দ্বারা ইহার উপকারিতা সম্বন্ধে সকলে নিঃসন্দেহ হইয়াছেন । ভ্যাকসিনের গ্রায় ইহাতে সমস্ত ক্রিয়াই বর্তমান আছে, অথচ ইহা ইঞ্জেকসন দিবার প্রয়োজন নাই—সেবন করিতে দিলেই, ইঞ্জেকসনের গ্রায় ফল পাওয়া যায় । শিশু ও বৃদ্ধকেও ইহা নিরাপদে প্রয়োগ করা যায় । ইহার প্রত্যেক শিশিতে ৩টা মাত্র ট্যাবলেট থাকে । এই ৩টা ট্যাবলেট ৩দিন সেবনেই, ১ বৎসরকাল কলেরার আক্রমণ হইতে পরিত্রাণ পাওয়া যায় । সে সকল স্থানে কলেরা আরম্ভ হইয়াছে—তথাকার সকলেরই এই "ট্যাবলেট ভ্যাকসিন্" ব্যবহার করা উচিত ।

নিম্নলিখিত স্থানের কর্তৃপক্ষগণ এই "এন্টিকলেটিক বিলি-ভ্যাকসিন্" ব্যবহার করিয়া আশাতীত উপকার পাইয়াছেন বলিয়া, মত প্রকাশ করিয়াছেন । যথা।—

- (১) বোম্বাই মিউনিসিপালিটি । (২) জব্বলপুর । (৩) নিজামের রেল কোম্পানী ।
- (৪) বেঙ্গল নাগপুর-রেলওয়ে । (৫) কাল্কা-শিমলা-রেলওয়ে । (৬) নিজামের মেডিক্যাল ডিপার্টমেন্ট । (৭) কুচবিহার ষ্টেটের সিভিল্ সার্জন । (৮) পেণ্ড জেলার সিভিল্ সার্জন । (৯) জব্বলপুরের সিভিল্ সার্জন । (১০) ইন্দোরের কিং এডওয়ার্ড হাঁসপাতাল । (১১) পাটনা জেনারেল হাঁসপাতাল । (১২) কলিকাতা পাবলিক হেল্থ ডিপার্টমেন্ট ইত্যাদি ।

বহুস্থানে এই ভ্যাকসিন্-ট্যাবলেট পরীক্ষিত হইয়াছে । সুতরাং নিঃসন্দেহে ইহা ব্যবহারের অমুমোদন করিতে পারা যায় । কলেরা-প্রসীড়িত স্থানের চিকিৎসকগণ ইহা ব্যবহার করিলে তাঁহারা বহু নীরোগ ব্যক্তিকে কলেরার কবল হইতে রক্ষা করিতে পারিবেন ।

স্মরণ রাখিবেন যে,—এই ‘‘এন্টিকলেরিক বিলি ভ্যাকসিন’’ কেবলমাত্র কলেরার প্রতিষেধকরূপে ব্যবহৃত হয়—পীড়াক্রান্ত রোগীকে ইহা প্রয়োগ করিলে কোনও ফল হয় না।

প্যারিসের প্যাষ্টুর ইনষ্টিটিউটের বিখ্যাত প্রোফেসর ডাক্তার বেসরেডকা মহোদয়ের বহুল গবেষণার ফলে এই ‘‘ভ্যাকসিন ট্যাবলেট’’ আবিষ্কৃত হইয়াছে।

মৃত কলেরা-জীবাণু ও ল্যাক্টোজ মিশ্রিত করতঃ, বিশেষ রাসায়নিক প্রক্রিয়ায় ইহা প্রস্তুত হইয়াছে। এই ট্যাবলেটগুলি এক প্রকার বিশেষ আবরণ দ্বারা আবৃত (coated) করা হইয়াছে। ইহা অল্পমধ্যে প্রবিষ্ট হইয়াই—দ্রব হইয়া যায়। প্রত্যেক ভ্যাকসিন ট্যাবলেটে ০.০৫ গ্রেণ অর্থাৎ ৭০-৮০ মিলিয়ন কলেরা-জীবাণু থাকে। এই ভ্যাকসিন ট্যাবলেটের আকার কুইনাইন ট্যাবলেটের স্থায়। সহজেই ইহা গলাধঃকরণ করা যায়।

ইহার প্রত্যেকটি বাস্কের মধ্যে ৩টি ভ্যাকসিন ট্যাবলেট এবং ৩টি বাইল ট্যাবলেট থাকে। ইহাই এক জনের পক্ষে নিরূপিত মাত্রা। ইহা পর পর ৩ দিন ব্যবহার্য। ইহাকে ‘‘এন্টিকলেরিক বিলি ভ্যাকসিন ফর এডল্ট’’ (Anticholeric Bili Vaccine for Adult) বলা হয়।

**সেবন-প্রণালী।** প্রথমতঃ ১টি ‘‘বাইল ট্যাবলেট’’ (Bile tablet) প্রাতঃকালে খালি পেটে (কোনও কিছু না খাইয়া)—জল দিয়া গলাধঃকরণ করিতে হইবে। তারপর ইহার ১৫ মিনিট পরেই ১টি ‘‘বিলিভ্যাকসিন ট্যাবলেট’’ জলসহ গলাধঃকরণ করিবে। ইহা সেবনের পর ১ ঘণ্টার মধ্যে কোনও কিছু খাওয়া নিষিদ্ধ।

এইরূপে পর পর আরও দুই দিন ২টি ‘‘বাইল ট্যাবলেট’’ ও ২টি ‘‘বিলি ভ্যাকসিন ট্যাবলেট’’ সেবন করিতে হইবে। অর্থাৎ ৩ দিনে ৩টি বাইল ট্যাবলেট ও ৩টি ভ্যাকসিন ট্যাবলেট সেব্য।

এই প্রণালীতে পূর্ণবয়স্ক ও ৭ বৎসরের অধিক বয়স্ক বালক বালিকাগণকে—ইহা সেবন করান যাইতে পারে।

৭ বৎসরের অনধিক বয়স্কদিগের জন্ম পৃথক শক্তির ট্যাবলেট পাওয়া যায়। ইহাকে **এন্টিকলেরিক বিলি ভ্যাকসিন ফর চিলড্রেন** (Anticholeric Bili Vaccine for children) বলা হয়। ইহার প্রত্যেক বাস্কে বিশেষভাবে প্রস্তুত ৪টি ‘‘বাইল পিল’’ ও ২টি ‘‘ভ্যাকসিন ট্যাবলেট’’ থাকে।

**অল্প বয়স্কদিগের জন্য সেবন বিধি।** ৭ বৎসরের অনধিক বয়স্কদিগের জন্ম বিশেষভাবে প্রস্তুত উক্ত বাইল পিল একত্রে ২টি জলসহ সেব্য। তারপর—ইহার ১৫ মিনিট পরেই ১টি ভ্যাকসিন ট্যাবলেট সেবন করাইবে এবং ১ ঘণ্টার মধ্যে কোনও খাদ্য দিবে না। পরদিন প্রাতে আবার ঐরূপে বাকী ২টি ‘‘বাইল পিল’’ ও ১টি ভ্যাকসিন ট্যাবলেট সেবন করিতে হইবে। স্মরণ রাখা কর্তব্য—ইহা খালিপেটেই ব্যবহার্য।

• শিশুদের জন্ম প্রস্তুত পিল ও ট্যাবলেট অপেক্ষাকৃত ছোট।

‘বিলি ভ্যাকসিন্—এন্টিকলেরিক’—ধাতুনির্মিত ছোট বাঁক্লের মধ্যে থাকে। এই বাঁক্লে ২টা ছোট ছোট কাঁচের টীউব থাকে। ইহারই ১টা টীউবে “বাইল পিল্” ও অন্য টীউবে—ভ্যাকসিন্ ট্যাব্লেট্, থাকে। ইহা বিশেষ ভাবে আবদ্ধ ও শিল করা অবস্থায় পাওয়া যায়। প্রত্যেক টীউবে লেবেল দেওয়া থাকে। ইহা এমন ভাবে প্রস্তুত এবং এরূপভাবে রক্ষিত যে, বহুদিন পর্যন্ত ইহা অবিকৃত থাকে দীর্ঘকাল রাখিয়া দিলেও ইহার শক্তি বিনষ্ট হয় না। এই ঔষধের অর্ডার দিবার সময়ে স্পষ্ট করিয়া “বিলি ভ্যাক সিন্ এন্টিকলেরিক্” উল্লেখ করা কর্তব্য। কারণ আজকাল “বিলি ভ্যাকসিন্ এন্টিডিসেন্ট্রী” এবং “বিলি ভ্যাকসিন এন্টিটাইফয়েড” ও, ট্যাব্লেট্ আকারে পাওয়া যাইতেছে। ইহাদের ব্যবহার বিধিও “বিলি ভ্যাকসিন্ এন্টিকলেরিকের” মতই। প্রত্যেক চিকিৎসকেরই কলেরা মহামারীর সময়ে ইহা ব্যবহার করা একান্ত কর্তব্য। “বিলি ভ্যাকসিন্ এন্টিকলেরিক” ট্যাব্লেট্ ব্যবহার করিয়া, চিকিৎসক যত্নস্বরূপে রোগী নাড়াচাড়া করিলেও, পীড়া সংক্রমণের কোনও ভয় থাকে না।

সকল প্রকার নর নারীকেই “বিলি ভ্যাকসিন্” ব্যবহার করিতে দেওয়া যাইতে পারে, তাহাতে কোনও মন্দ ফল হয় না। পীড়া সংক্রমিত হইবার আশঙ্কা করিবামাত্র, ইহা নিরাপদে ও নিশ্চিতমনে বাহাকে তাহাকেই সেবন করান যায়। পরীক্ষা দ্বারা দেখা গিয়াছে যে—স্বপীড়াক্রান্ত রোগী, স্বকৃতপীড়াক্রান্ত রোগী, ঔপদংশিক রোগী, টীউবার্কিলোসিস্ রোগী, স্কেফিউলাস রোগী ও দুর্বল ধাতুর রোগী এবং গর্ভবতী স্ত্রীলোক, স্তন্যদায়ী মাতা, ইত্যাদিকেও ‘বিলি ভ্যাকসিন্’ সেবন করাইয়া কোনও মন্দফল প্রকাশ পায় নাই। সুতরাং ইহা নিরাপদে ও নিঃসন্দেহে সকলকেই সেবন করান যায়, কিন্তু ভ্যাকসিন ইঞ্জেক্শন্ সকলকেই করিতে পারা যায় না।

**প্রতিক্রিয়া।** বিলি ভ্যাকসিন প্রয়োগের পর কোনও প্রতিক্রিয়া উপস্থিত হয় না। কদাচিৎ সামান্য প্রতিক্রিয়া—আঙ্গিক লক্ষণ দেখিতে পাওয়া যায়। তাহাও এত সামান্য যে, ইহাতে কোনও অসুবিধা হয় না। এইরূপ সামান্য প্রতিক্রিয়া শতকরা ৩৪টা ব্যক্তির মধ্যে দেখা যায়।

বিলি ভ্যাকসিন সেবনের পর খাদ্যাদি সম্বন্ধেও বিশেষ কোন বাধাধরা নিয়ম নাই। তবে কলেরা আক্রমণের সময় খাদ্যাদি সম্বন্ধে যেরূপ সাবধানতা অবলম্বন করা বিদ্যে, ইহা সেবনের পরও তদ্রূপ করা কর্তব্য। অধঃস্থচিক ইঞ্জেক্শন্রূপে প্রয়োজ্য—“এন্টিকলেরিক ভ্যাকসিন্” অপেক্ষাও, এই বিলি ভ্যাকসিন্ ট্যাব্লেট্ সেবনে অধিকতর মঙ্গল ফল পাওয়া যায়। ইহা সর্বদা দেহমধ্যে শোষিত হয় এবং শীঘ্রই রোগ প্রতিরোধক শক্তি প্রকাশ করিয়া থাকে।


## উপদংশ পীড়ার আধুনিক চিকিৎসা ।

### Modern Treatment of Syphilis.

লেখক—ডাঃ শ্রী নরেন্দ্রকুমার দাশ M. B, M. C. P. & S (C. P. S)

M. R. I. P. H. ( Eng. )

[ পূর্বপ্রকাশিত ৯ম সংখ্যার ( পৌষ ) ৩৯২ পৃষ্ঠার পর হইতে ]



যদি পীড়া নির্ণয় সম্বন্ধে কোনওরূপ সন্দেহ না থাকে, অর্থাৎ যদি নিঃসন্দেহে বুঝিতে পারা যে, উহা উপদংশ পীড়া ব্যতীত আর কিছুই নহে; তাহা হইলে অনতিবিলম্বেই “মার্কান্নী” (প্রোটো আইয়োডাইড অব মার্কান্নী) দ্বারা চিকিৎসা আরম্ভ করা কর্তব্য। আর যদি পীড়া নির্ণয় সম্বন্ধে সন্দেহ থাকে, তাহা হইলে—পীড়া নির্ণয়জ্ঞাপক নিঃসন্দেহ লক্ষণাবলী প্রকাশ না পাওয়া পর্যন্ত, অপেক্ষা করিতে হইবে। বলা বাহুল্য;—এই অপেক্ষার জন্ত কোনও বিশেষ অনিষ্ট হয় না। পীড়ার বিষ বহু পূর্বেই রোগীর দেহে প্রবিষ্ট হইয়াছে এবং তাহা দ্বারা যাহা ক্ষতি হইবার তাহা হইয়াছে, সুতরাং কয়েক সপ্তাহ রোগীকে বিনা চিকিৎসায় রাখিলে, তাহাতে অধিক কিছু ক্ষতি হইবে না।

এই পীড়ার উপযুক্ত চিকিৎসা, অন্ততঃপক্ষে পূর্ণ দুইটা বৎসর ধরিয়া করা কর্তব্য। চিকিৎসক ও রোগী উভয়েই যদি নিঃসন্দেহে বুঝিতে পারেন যে, পীড়া উপদংশ, তাহা হইলে ধৈর্য্য অবলম্বন করতঃ, এই চিকিৎসায় উভয়েই উভয়কে সাহায্য করিতে হইবে অর্থাৎ চিকিৎসক ধৈর্য্য সহকারে চিকিৎসা করিবেন আর রোগী ধৈর্য্য ধরিয়া চিকিৎসা গ্রহণ করিবেন। দীর্ঘকাল ধরিয়া ধৈর্য্য ধারণ করতঃ চিকিৎসা না করিলে, আশানুরূপ উপকার পাওয়া যায় না। পীড়ার প্রারম্ভেই চিকিৎসারম্ভ করিলে—প্রায়ই পীড়ার দ্বিতীয় অবস্থার লক্ষণ সমূহ প্রকাশ পাইতে পারে না—ফলে রোগী মনে করেন যে, পীড়া হয়তো উপদংশ নহে এবং সঙ্গে সঙ্গে চিকিৎসা বন্ধ করিয়া দেন। কাজেই কিছুদিন পরে উপদংশের ভাবী উপসর্গ সমূহ সমস্তই প্রকাশ পাইয়া থাকে। এই বিষয়গুলি চিকিৎসারম্ভের পূর্বেই রোগীকে স্পষ্ট করিয়া বুঝাইয়া দেওয়া চিকিৎসকের উচিত।

উপদংশ—অতি গুরুতর পীড়া। বিবাহ, বংশবৃদ্ধি, ও জীবনবীমার জন্ত রোগ নির্ণয় বিশেষ আবশ্যকীয়। সুতরাং রোগীর লিঙ্গমুণ্ডের ক্ষত সম্বন্ধে বিশেষভাবে জানা আবশ্যিক যে, উহা উপদংশিক ক্ষত কি না।

যখন রোগ নির্ণয় সম্বন্ধে কোনও সন্দেহ থাকিবে না, তখন অবিলম্বে ক্ষতের স্থানিক চিকিৎসা আরম্ভ করিবে।

• **আদ্যক্ষত বা ক্যান্সারের স্থানিক চিকিৎসা।**—উপদংশিক ক্ষত (লিঙ্গমুণ্ডের বা যোনির) নিয়মিতভাবে জীবাণুনাশক লোশন দ্বারা ধৌত করা কর্তব্য। এতদর্থে নিম্নলিখিত লোশনের যে কোনও একটা প্রয়োগ করা যায়। যথা—

- (১) বোরিক লোশন ( ১ : ৪ )
- (২) ব্ল্যাক্‌ওয়াশ্,
- (৩) ইয়েলো ওয়াশ্,
- (৪) হাইড্রার্জ পারক্লোর লোশন ( ১ : ২০০০ )
- (৫) জিক্‌সাল্‌ফ্‌ লোশন ( ১ অর্ডিনে—২ গ্রেণ )

উল্লিখিত লোশনের মধ্যে আমরা সাধারণতঃ ব্ল্যাক্‌ওয়াশ্ই সর্বদা ব্যবহৃত করিয়া থাকি। এই লোশন দ্বারা ক্ষতটা উত্তমরূপে ধৌত ও পরিস্কৃত করতঃ, পরিষ্কার শুষ্ক তুলা দ্বারা ক্ষতটা ধীরে ধীরে শুষ্ক করিয়া লইবে। অতঃপর নিম্নলিখিত যে কোনও একটা ঔষধ চূর্ণাকারে ক্ষতোপরি ছড়াইয়া দিয়া, পরিষ্কার বোরিক উল্ দ্বারা ক্ষত ঢাকিয়া ব্যাণ্ডেজ্ করিয়া দিবে।

- (১) আইডোফর্ম্,
- (২) আইডোফর্ম্ ও ক্যুমারিন্,
- (২) বোরিক এসিড ও ষ্টার্চ্,
- (৪) হাইড্রার্জ পারক্লোর উইথ লাইকোপোডিয়াম্,
- (৫) ইউরোফেন্,
- (৬) এরিষ্টোল্,
- (৭) ক্যালোমেল ইত্যাদি।

ইহাদের মধ্যে আমরা সাধারণতঃ আইডোফর্ম্, ক্যালোমেল এবং ইউরোফেন্ই অধিক ব্যবহার করিয় থাকি।

ক্ষত যদি পূঁজযুক্ত ও নরম দায়ের মত হইয়া থাকে, তাহা হইলে—উল্লিখিতরূপে ক্ষত ধৌত করতঃ, উপরিউক্ত কোন ঔষধ প্রয়োগ না করিয়া, ক্ষতোপরি নিম্নলিখিত লোশনের যে কোনওটা তুলি দ্বারা লাগাইয়া দিবে। যথা:—

- (১) সলিউশন্ অব মার্কিউরিক পারক্লোরাইড এবং টিং বেঞ্জোইন।
- (২) সলিউশন্ অব বিন আইওডাইড অব মার্ক্যারী ( ১ : ২০০০ )।

উপদংশিক ক্ষতে কোনওরূপ মলম ইত্যাদি ব্যবহার না করাই উচিত। তবে খুব আঠাল, ঘন, গাট্‌গাট্ পূঁজ নির্গত হইতে থাকিলে মলম ব্যবহার করিতে পারা যায়।

যদি ক্ষতোপরি মাম্‌ড়ি জন্মিয়া থাকে, তাহা হইলে নিম্নের মলমটা বেশ ফলপ্রসূ।  
যথা:—



Re.

আইডোফর্ম	২ ড্রাম।
বালসাম্ পেরু	১ ড্রাম।
আকুয়েটাম ল্যানোলিন্ ...	১ আউন্স

একত্র মিশ্রিত করতঃ মলম প্রস্তুত করিয়া ক্ষত স্থানে প্রয়োগ্য।

যদি টাফ্ মেম্ব্রেনের নীচে ক্ষত হইয়া থাকে, তাহা হইলে উহা যত্নের সহিত উন্মুক্ত ও পরিষ্কৃত করিয়া,—“নাইট্রেট অব মার্কারী” অথবা “নাইটিক এসিড্” দ্বারা পুড়াইয়া দিবে ( কটারাইজ্ )।

ক্ষতের মধ্যে ‘শ্লাফ’ বর্তমান থাকিলে, জর্নেনেড্রিয়ের ক্ষতযুক্ত অংশটি পুনঃ পুনঃ উষ্ণ পচননিবারক সলিউশন মধ্যে ( বোরিক লোশন ) নিমজ্জিত করিলে বিশেষ উপকার হয়। ডাঃ হাচিসনের মতে, এই প্রক্রিয়া ৪০ ঘণ্টাকাল ব্যাপিয়া পুনঃ পুনঃ করা উচিত। ১টা “বেড ইউরিগ্যাল” মধ্যে ( প্রস্রাব ত্যাগ করিবার বোতলে ) অত্যুষ্ণ পচন নিবারক সলিউশন ঢালিয়া, তন্মধ্যে রোগীর লিঙ্গ নিমজ্জিত করিয়া দিবে অথবা ১টা বড় টবে উষ্ণজল পূর্ণ করতঃ তন্মধ্যে রোগীকে কোমর পর্যন্ত ডুবাইয়া বসাইয়া দিবে। ইহাতে শীঘ্রই শ্লাফ সমূহ বিলুপিত হইতে দেখা যায়। ইহাতেও যদি “শ্লাফ” বর্তমান থাকে, তাহা হইলে কোনও উগ্র দাহক ঔষধ দ্বারা ঐ স্থান পুড়াইয়া দিবে। এতদর্থে ক্রুড ক্রোমিক এসিড ব্যবহার করাই শ্রেষ্ঠ। এইরূপে দগ্ধ করিতে হইলে, প্রথমতঃ স্থানিক স্পর্শহারক ঔষধ ব্যবহার করিবে, পরে ক্ষতটি শুষ্ক করিয়া ইহার উপর “ক্রোমিক এসিড” লাগাইয়া দিবে। চারকোল্ পল্টীশ্, আইডোফর্ম্, এসিড নাইট্রেট অব মার্কারী অথবা ট্রিং নাইটিক এসিড ব্যবহারেও ক্ষতের শ্লাফ, পৃথক হইতে পারে। বিশেষ অবস্থা প্রাপ্ত রোগীর ক্ষতের শ্লাফ পৃথক করার জন্ত কখন কখন ইলেক্ট্রিক্ কটারীর সাহায্যও লইতে হয়। কিন্তু এরূপ রোগী কদাচিৎ দেখা যায়।

ঔপদংশিক প্রাথমিক ক্ষতে প্রো প্লাষ্টার ব্যবহার করিয়া সুন্দর ফল পাওয়া গিয়াছে।

যদি আণ্ড ক্ষতোপরি ‘মুদা’ ( ফাইমোসিস্ ) হইয়া লিঙ্গমুণ্ডাবরক চর্মদ্বারা লিঙ্গমুণ্ডস্থ ক্ষত আবৃত থাকে, তাহা হইলে ‘মুদা’র চর্ম বিলুপ্ত করতঃ ক্ষত অলগা করা কর্তব্য। আবশ্যক হইলে অস্ত্রের সাহায্যে এই ফাইমোসিসের চিকিৎসা করিবে। লিঙ্গমুণ্ডের নিম্ন পর্যন্ত চর্ম সরাইয়া না দিলে, ক্ষতের চিকিৎসা করা কঠিন। আর যদি উন্টা-মুদা ( প্যারাফাইমোসিস্ ) বর্তমান থাকে, তাহা হইলে অস্ত্র সাহায্যে লম্বালম্বি ভাবে চিরিয়া দিয়া, উন্টামুদার চর্ম টানিয়া ঠিক করিয়া দিয়া, পরে আণ্ডক্ষতের চিকিৎসা করিবে।

স্ত্রী-রোগিণীর ষোনিদ্বারে আণ্ডক্ষত বর্তমান থাকিলে, তুলার প্যাড্ করিয়া তাহাতে অক্সুইমেন্ট হাইড্রোক্সিড্ লাগাইয়া, ষথাস্থানে প্যাড্ বসাইয়া দিবে ( ঋতুকালীন স্ত্রীলোকেরা ষেরূপভাবে প্যাড্ গ্রহণ করিয়া থাকেন )। গর্ভবতী স্ত্রীলোককে প্যাড্



ব্যবহার করিতে দেওয়া কর্তব্য নহে । গর্ভবতী স্ত্রীলোকের যোনির ক্ষতে কেবলমাত্র আঙ্গু: হাইড্রাজ্জ আঙ্গুল দিয়া লাগাইয়া দিবে । ইহার পর যোনির আত্মক্ষতে “ক্যালোমেলের সলিউশন ( ইথার মধ্যে )” লাগাইয়া দিবে অথবা ক্যাকোয়াবাটার এবং মার্কিউরিয়াল্ অয়েন্টমেন্টের সাপোজিটরী ব্যবহার করিতে দিবে ।

যোনির আত্মক্ষতে নিম্নলিখিত লোশন উপযোগিতার সহিত ব্যবহৃত হয় ।  
যথা—

১। Re.

হাইড্রাজ্জ পারক্লোর	৫/৪—৩ গ্রেণ, ।
স্পীট্ ভাইনাম্ } বা ঈথার সাল্ফ্ }	... ৫ ড্রাম ।

একত্রে মিশ্রিত করতঃ লোশন প্রস্তুত করিয়া, শৈথিলিক বিল্লীর ক্ষত অথবা কোমল ক্ষতে প্রয়োজ্য । অথবা

২। Re.

হাইড্রাজ্জ পারক্লোর ...	১/৪—৩ গ্রেণ ।
কলোডিয়াম ...	২ ১/২ ড্রাম ।
ঈথার সাল্ফ ...	২ ১/২ ড্রাম ।
অলিভ্ অয়েল ...	৩ মিনিম্ ।

একত্রে মিশ্রিত করতঃ লোশন । শৈথিলিক বিল্লী ও কোমল ক্ষতে প্রয়োজ্য ।

৩। Re.

আঙ্গু: হাইড্রাজ্জ ...	২ ১/২ ড্রাম ।
অয়েল্ থিয়োরোমা ...	৫ ড্রাম ।

একত্রে মিশ্রিত করতঃ ১০টি গ্লোবিউল প্রস্তুত করতঃ, জরায়ুগ্রীবায় গায়া প্রভৃতির জন্ত ১টি গ্লোবিউল যোনিমধ্যে প্রবেশ করাইয়া দিবে । এইরূপে দিবসে ২ বার ব্যবহার্য্য ।

যদি আত্মক্ষত জরায়ু-গ্রীবায় প্রকাশ পাইয়া থাকে এবং রোগিনী যদি গর্ভবতী হয়, তাহা হইলে নিম্নলিখিত ঔষধটী বিশেষ ফলপ্রদ । এই চিকিৎসায় বহু গর্ভিনী যথাসময়ে সন্তান প্রসব করিতে সক্ষম হইয়াছে । যথা :—


Re.

ল্যানোলিন্ } লর্ড }	... প্রত্যেকে সম পরিমাণ ।
প্রোটো আইয়োডাইড অব মার্কারী ...	১২— ৫ ভাগ ।

একত্রে মিশ্রিত করতঃ মলম ।

এই মলমের ৪৫ গ্রেণ আন্দাজ লইয়া, প্রত্যহ ১ বার করিয়া জরায়ুগ্রীবায় লাগাইয়া দিতে হইবে ।

( ক্রমশঃ ) •




উপদংশে—এসিটিলার্সান ।

Acetylarsan in Syphilis,

লেখক—ডাঃ শ্রীদাশরথি পাঠক L. M. F.

হাজরাপুর ( বর্ধমান ) ।



এসিটিলার্সান । Acetylarsan )—ইহা একটা আর্সেনিক ঘটিত প্রয়োগরূপ । উপদংশ পৌড়ায় স্যালভারসন, নিওস্যালভারসন, নভআর্সেনোবিলন প্রভৃতি আর্সেনোবেঞ্জলের যৌগিক প্রয়োগরূপ সমূহের ঞায় ইহা অতি উপযোগিতার সহিত ব্যবহৃত হইতেছে । পরন্তু ইহার প্রয়োগ-প্রণালী সহজসাধ্য হওয়ায়, সাধারণ চিকিৎসকগণের পক্ষে অতীব উপযোগী হইয়াছে ।

রাসায়নিক নাম—অক্সি-এসিটিল এমিনো-ফেনিলার্সিনেট্ অব ডাই এথিলামিন ( Oxy-acetyl amino-phenylarsinate of diethylamine )

প্রয়োগরূপ ।—ইহা জ্বাঝারে এম্পুল মধ্যে রক্ষিত হয় । দুই প্রকারের এম্পুল পাওয়া যায় । যথা—

বয়স্কদিগের জন্য (For adults) ;—২৩.৬% পার্সেন্ট সলিউশনের ৩ সি, সি, এম্পুল ।

শিশুদিগের জন্য (For Infantile) ।—৯.৪% পার্সেন্ট সলিউশনের ২ সি, সি, এম্পুল ।

ক্রিয়া । অগ্নাণ্ড আর্সেনোবেঞ্জলের ঞায় ইহা উৎকৃষ্ট উপদংশ-জীবাণুনাশক, বলকারক ও ম্যালেরিয়া নাশক এবং রক্তের উৎকর্ষ সাধক ।

প্রয়োগ-বিধি । ইহা ইন্ট্রামাস্কিউলার বা হাইপোডার্মিক, ইঞ্জেকশন এই দ্বিবিধ প্রকারেই প্রয়োগ করা যায় । পক্ষান্তরে, ইহা ইন্ট্রাভেনাস ইঞ্জেকশনরূপেও প্রয়োগ করা যাইতে পারে । কিন্তু ইহাতে ক্রিয়ার বিশেষ কোন তারতম্য হয় না । ইহা প্রয়োগকালে কোন আলা যন্ত্রণা হয় না বা ইঞ্জেকশন স্থানে কোনরূপ বেদনা বা ক্ষীতি দৃষ্ট হয় না । ইহার অত্যন্ত বিষক্রিয়া হেতু মত্তর উচ্চ মাত্রায় প্রয়োগ করা যায় ।

**মাত্রা.**—উপদংশ চিকিৎসার প্রারম্ভে ইহা অল্প মাত্রায় প্রয়োগ করা বিধেয়। প্রথমতঃ উক্ত দ্রবের ১ কিংবা ২ সি, সি, মাত্রায় প্রয়োগ করিতে হয়। তাহার পর ৩ সি, সি, মাত্রায় সপ্তাহে ১ বা ২ বার করিয়া ইণ্ট্রামাস্কিউলার বা সাব'কিউটেনিয়াস ইঞ্জেকসনরূপে প্রয়োজ্য।

(২) বলিষ্ঠ ব্যক্তিদিগের পক্ষে ৫ সি, সি, দ্রব এবং স্বল্প বলিষ্ঠ ব্যক্তিদিগের পক্ষে ৪ সি, সি, মাত্রায় সপ্তাহে একবার করিয়া প্রয়োগ করা কর্তব্য।

প্রত্যেক স্থলেই মোটের উপর ১০ গ্রাম পর্যন্ত প্রয়োগ করা কর্তব্য। অর্থাৎ যদি ৩ সি, সি, পরিমাণ দ্রব ইঞ্জেকসন করা যায়, তাহা হইলে ১৬টা ইঞ্জেকসন করিতে হইবে। ৪ সি, সি, পরিমাণ ইঞ্জেকসন করিলে ১২টা ইঞ্জেকসন ও ৫ সি, সি, পরিমাণ ইঞ্জেকসন করিলে ১০টা ইঞ্জেকসনে চিকিৎসা সমাপ্ত করিতে হইবে। অর্ধেকগুলি ইঞ্জেকসন করিবার পর একমাস ইঞ্জেকসন স্থগিত রাখা কর্তব্য। একমাস পরে পুনরায় বাকী অর্ধেকগুলি ইঞ্জেকসন দিতে হইবে। স্মরণ রাখা কর্তব্য—আসেনিক দেহ হইতে নিঃসৃত হইতে একটু সময় লাগে।

এসিটিলাস'ন এইরূপে প্রয়োগ করিলে, রক্ত হইতে উপদংশ-জীবাণু (স্পাইরেচিটা প্যালিডা, স্পাইরোনিমা প্যালিডা বা ট্রিপানোমা প্যালিডাম্) সম্পূর্ণরূপে অন্তর্হিত হয়। যদি ৫ সি, সি, পরিমাণ দ্রব ইঞ্জেকসন করিতে হয়, তাহা হইলে এক স্থানের মাংসপেশীতে ৩ সি, সি, এবং ২ সি, সি, পরিমাণ দ্রব অপর স্থানের মাংসপেশীতে প্রয়োগ করা কর্তব্য।

ইহা প্যারিসের সুবিখ্যাত ল্যাবরেটরী (Laboratoire Des Produits "Usines Du Rhone") কর্তৃক দ্রবাকারে প্রস্তুত হইয়াছে। বায়ুবিহীন আবদ্ধ এম্পুল মধ্যে রক্ষিত হয়। বয়স্ক এবং শিশুদের জন্য ইহার দ্বিবিধ শক্তিবিশিষ্ট দ্রবের এম্পুল পাওয়া যায়।

উক্ত ল্যাবরেটরী হইতে পরীক্ষার্থ এই ঔষধটি প্রাপ্ত হইয়া, আমি একটা রোগীকে পরীক্ষা করিয়া বেশ ফল পাইয়াছি। নিম্নে ইহার বিবরণ প্রদত্ত হইল।

**রোগী** জনৈক ২৫/২৬ বৎসর বয়স্ক স্ত্রীলোক। ইহার স্বামীর উপদংশ পীড়া বর্তমান থাকায়, ইনিও এই উৎকট রোগে বৎসরাধিকাল আক্রান্ত হইয়াছেন। তিনি সন্ন্যাসী প্রদত্ত কয়েকটা গাছ গাছড়া ঔষধ ব্যবহার করিয়াছিলেন, কিন্তু কোনও ফল হয় নাই।

**বর্তমান অধস্থা।** বিগত ২০শে মে তারিখে আমি ঐ রোগিনীর চিকিৎসার্থ আহূত হই। বর্তমানে কয়েক দিন হইতে রোগিনী অরাক্রান্ত হইয়াছেন। অল্প প্রাতে: দেখিলাম—জ্বর ১০.১ ডিগ্রি, জিহ্বা খেতময়লাবৃত। দাস্ত ভাল হয় না। বক্ষ পরীক্ষায় কোন অস্বাভাবিক কিছুই দৃষ্টি হইল না। দেখিলাম—রোগিনীর গাত্রে সিফিলিটিক ইরাপ্‌সন বাহির হইয়াছে। এতদ্ব্যতীত অমুসন্ধানে বৃষ্টিতে পারিলাম যে, রোগিনী তাঁহার স্বামী কর্তৃক উপদংশ পীড়ায় সংক্রমিত হইয়া ১ বৎসর বাবৎ রোগ ভোগ করিতেছেন। এখনও

কৃত বর্তমান আছে । রোগিণীর স্বামী তাঁহাকে কলিকাতায় লইয়া গিয়া চিকিৎসা করাইবার মনস্থ করিয়াছিলেন, সে কারণ আমার দ্বিজ্ঞাসা করিলেন যে, এখান হইতে এ রোগী ভাল হইবে কি না? আমি আশাস দেওয়াতে এবং কলিকাতায় গিয়া চিকিৎসা করান ব্যবস্থা বিবেচনায়, আমারই উপর চিকিৎসার ভার অর্পণ করিলেন ।

অন্য রোগিণীকে নিম্নলিখিত ব্যবস্থা করিলাম ।

( ১ ) Re.

হাইড্রার্ক সাল্ফার	..	৪ গ্রেণ ।
সোডি বাইকার্ব	...	১ গ্রেণ ।

একত্র ১ পুরিয়া । রাত্রে শয়নকালে সেব্য ।

( ২ ) Re.

পটাস আইয়োডাইড	..	৫ গ্রেণ ।
লাইকর হাইড্রার্ক পারক্লোর	...	১৫ মিনিম ।
একট্রাক্ট সারসা লিকুইড	...	১/২ ড্রাম ।
একোয়া	.	এড ১ আউন্স ।

একত্র ১ মাত্রা । প্রত্যহ ৩ মাত্রা সেব্য ।

( ৩ ) Re.

এসিটিলাস'ন ২ সি, সি এম্পুল	...	১টা ।
----------------------------	-----	-------

একটা এম্পুলের মধ্যস্থ সমুদয় ঔষধ একবারে পেশীমধ্যে ( ইন্ট্রামাস্কিউলার ) ইঞ্জেকশন দিলাম ।

২০।৫।২৭। অন্ত রোগিণীকে দেখিলাম । দেখিলাম বিশেষ কোন জরীয় উপসর্গই বর্তমান নাই, উত্তাপ ৯৯°৪ ডিগ্রী ।

অন্ত সেবনার্থ ২নং মিশ্র পূর্ববৎ সেবন করিতে বলিলাম এবং এসিটিলাস'ন ৩ সি, সি, মাত্রায় ইন্ট্রামাস্কিউলার ইঞ্জেকশন দিলাম ।

২৭।৫।২৭। অন্ত গিয়া শুনিলাম যে, কল্য হইতে রোগিণীর জ্বর হয় নাই । রোগিণী পূর্বাপেক্ষা অনেক সুস্থ বোধ করিতেছেন ।

অন্ত ৩ সি সি, মাত্রায় এসিটিলাস'ন ইন্ট্রামাস্কিউলার ইঞ্জেকশন দেওয়া হইল ।

২৯।৫।২৭। অন্ত রোগিণীকে অন্তপথ্য ব্যবস্থা করা হইল । গাত্রের ইর্যাপসন অনেক বিলুপ্ত হইয়াছে দেখা গেল । অন্ত ইঞ্জেকশন দেওয়া হয় নাই ।

৪।৬।২৭। রোগিণীর আর কোন উপসর্গ নাই, কেবল গাত্রের ইর্যাপসন এখনও সম্পূর্ণ বিলুপ্ত হয় নাই । শুনিলাম—কতও অনেকটা কম পড়িয়াছে । অন্ত ৩ সি, সি, মাত্রায় এসিটিলাস'ন ইন্ট্রামাস্কিউলার ইঞ্জেকশন দেওয়া হইল এবং সেবনার্থ পূর্বাঙ্ক ২নং মিশ্রের পরিবর্তে নিম্নলিখিত মিশ্রটি ব্যবস্থা করিলাম ।

( ৪ ) Re.


পটাস আইয়োডাইড	..	১ গ্রেণ ।
ডনোভাস সলিউশন	...	৭ মিনিম।
সিরাপ ট্রাইফোলিয়াম কো:	...	১/২ ড্রাম ।
ডিককসন সারসা কো:	...	এড, ১ আউন্স ।

একত্র মিশ্রিত করিয়া ১ মাত্রা । স্পত্যহ ৩ মাত্রা সেব্য ।

১২। ৩। ২৭। অথ পুনরায় ৩ সি, সি, এমিটিলাস'ন ইন্ট্রামাস্কিউলার ইঞ্জেকসন দেওয়া হইল ।

উল্লিখিত ৫টি ইঞ্জেকসন দেওয়ার পর; এক মাস আর ইঞ্জেকসন দেওয়া হয় নাই । এক মাস পরে পুনরায় সপ্তাহে ১বার করিয়া ৩ সি, সি, মাত্রায় আর ৫টি এমিটিলাস'ন ইন্ট্রামাস্কিউলার ইঞ্জেকসন দেওয়া হইয়াছিল । ৪নং মিশ্রণী বরাবর সেবন করান হইয়াছিল ।

এইরূপ চিকিৎসাতেই রোগিনীর উপদংশজ ক্রত, গাত্রের ইরাপ'সন প্রভৃতি সমুদয় আরোগ্য হইয়া, বর্তমানে রোগিনী সম্পূর্ণ সুস্থ হইয়াছেন এবং তাঁহার দেহ স্বষ্টপুষ্টি হইয়াছে ।



## চিকিৎসা-বিভাগ ।

লেখক—ডাঃ শ্রীনরেন্দ্র কুমার দাশ M. B. M. C. P. & S. (C. P. S.)  
M. R. I. P. H. ( Eng. )

— :::: —

আজকাল একটু কঠিন পীড়া হইলেই চিকিৎসা বিভাগে ঘটিয়া থাকে । “নানা মূনির নানা মতের” ফলে, অনেক সময়েই অনেক রোগী অকালেই কালগ্রাসে পতিত হয় । “অধিক সন্ন্যাসীতে গাজন নষ্ট” বলিয়া যে, একটা প্রবাদ আছে, সেটা আমরা আমাদের সাংসারিক জীবনে বেরূপ দেখিতে পাই ; “চিকিৎসা-বিভাগ” তাহাদের মধ্যে অন্ততম । সম্প্রতি এইরূপ একটা ঘটনায় রোগীর জীবন, কিরূপ বিপর হইয়াছিল, তাহাই এখানে উল্লেখ করিব ।

গত ৪ঠা নভেম্বর ( ১৯২৭ ) প্রাতঃকালে জর্নক ভদ্রলোকের স্ত্রীর চিকিৎসার্থ আমি আহুত হই।

রোগিণীর বয়স ৩০ বৎসর। ২টা সন্তানের মাতা। বর্তমানে তিনি অন্তঃসত্ত্বা এবং আসন্নপ্রসবা। ৪।৫ বৎসর পর পর তিনি অন্তঃসত্ত্বা হন এবং প্রত্যেকবার প্রসবকালেই অত্যন্ত কষ্ট পান। এই জন্ত তিনি এবারও অতিশয় ভীতা হইয়াছেন।

**পূর্ব ইতিহাস** ৪—প্রায় ১৫।২০ দিন হইল রোগিণীর জ্বর হইয়াছে। গুনিলাম— ৩।৪ দিন জ্বর একভাবে থাকিয়া একদিন জ্বর বিচ্ছেদ হয়। কিন্তু ২।৩ ঘণ্টা পরেই পুনরায় জ্বর আসে। জ্বর আসার পূর্বে হাত পা শীতল হয় ও রোগিণী শীত অনুভব করেন। জ্বরারম্ভে কম হয় না। রোগিণীর বহুদিন হইতে অম্বলের পীড়া আছে। জ্বরীয় উত্তাপ ১০৪ ডিগ্রী পর্য্যন্ত বর্দ্ধিত হইয়া পরে নামিয়া উহা ১০০ পর্য্যন্ত হয়। বক্ষঃপরীক্ষায় কিছুই অস্বাভাবিকত্ব পাইলাম না। আমি এই রোগিণীকে দেখিবার পূর্বে, ৪ জন চিকিৎসক ইহাকে চিকিৎসা করিয়া গিয়াছেন। ইহাদের মধ্যে—

(১) ১ম চিকিৎসক রোগিণীর পীড়া “কোলাইটিস” বলিয়া চিকিৎসা করিয়াছেন। কিন্তু কোনও ফল হয় নাই।

(২) ২য় চিকিৎসক “টাইফয়েড্ ফিবার” বলিয়া সন্দেহ করতঃ, রোগিণীর রক্ত, মল, মূত্র ইত্যাদি পরীক্ষার উপদেশ দিয়া গিয়াছেন।

(৩) ৩য় চিকিৎসকও টাইফয়েড্ সন্দেহ করিয়া ছন।

(৪) ৪র্থ চিকিৎসক ঠিক কিছুই বলেন নাই, তবে, ছৎপিণ্ডের পীড়া বলিয়া মত প্রকাশ করিয়াছেন।

যাহা হউক, ইহাদের প্রত্যেকের চিকিৎসাতেই রোগিণী কয়কদিন অতিবাহিত করিয়া, অবশেষে আমার চিকিৎসাধীন হইয়াছেন।

**বর্তমান অবস্থা।** রোগিণী অত্যন্ত দুর্বল ও রক্তহীন। জিহ্বা খেতবর্ণ ময়লাবৃত, প্লীহা ও যকৃত বর্দ্ধিত, যকৃতের স্থানে বেদনা ও কোষ্ঠকাঠিন্য বর্তমান আছে। ২।৩দিন অন্তর অতিকষ্টে সামান্য মলত্যাগ হয়। আহারে অত্যন্ত অরুচি—রোগিণী আদৌ কিছু খাইতে পারেন না। জ্বরফালীন পিত্তবমন হয়, সর্কাজে বেদনা আছে।

আমি যত্নের সহিত রোগিণীকে পরীক্ষা করিলাম এবং আমার পূর্বতন চিকিৎসকগণের ব্যবস্থাপত্র সমূহ পাঠ করিলাম। দেখিলাম, এই কয়দিনেই রোগিণীকে যথেষ্ট পরিমাণে বিবিধ প্রকার ঔষধ প্রয়োগ করা হইয়াছে। রোগিণীর জ্বরের গতি ও অন্যান্য অবস্থা দৃষ্টে আমার মনে হইল,—রোগিণী ম্যালেরিয়া জ্বরে ভুগিতেছেন। পীড়া যে খুব কঠিন বা জটিল, তাহা আমার আদৌ মনে হইল না। তবে, বিভিন্ন চিকিৎসকের বিভিন্নপ্রকার রোগনির্গম ও বিভিন্ন চিকিৎসা প্রণালী—রোগিণীর পীড়াকে জটিল ও জীবনকে বিপন্ন করিয়া তুলিয়াছে, সন্দেহ নাট। একে তিনি আসন্নপ্রসবা তাহার উপর জ্বর, তদুপরি বিবিধ প্রকার উগ্র মিশ্র, পাউডার, মালিশ, টিংচার ডিজিটেলিস, ট্রোফেসাস, ইত্যাদির সপিওক্ষরণ ব্যবস্থায়, রোগিণী বিশেষ বিপর্যস্ত ও বিপন্ন হইয়া পড়িয়াছেন।



১ ৫২০ দিন জ্বরে ভুগিয়া রোগিনী। এত দুর্বল হইয়া পড়িয়াছিলেন যে, তাঁহাকে বিছানাতেই মলমূত্র ত্যাগ করিতে হইত । যাহা হউক, ৫২০ দিনের মধ্যেই যখন এতগুলি চিকিৎসক চিকিৎসা করিয়া গিয়াছেন, তখন আমি যে এখানে বেসী দিন আমল পাইব, তাহা মনে হইল না। বুলিলাম - বেষ চিকিৎসা-বিভাগে আরম্ভ হইয় ছে । যে স্থানে বহু চিকিৎসকের বাস—যেখানে চিকিৎসক সহজ প্রাপ্য, সেইখানেই এক চিকিৎসা বিভাগ ঘটা নিতান্ত সম্ভব। এ স্থানেও তাহাই হইয়াছে। পূর্ববর্তী বিজ্ঞ চিকিৎসকগণের মধ্যে কেহই রোগিনীর অবস্থা দি সম্যক মনযোগ সহকারে পর্যালোচনা করিয়া দেখিয়াছেন বলিয়া, মনে হইল না। বলা বাহুল্য, সহরের নামজাদা ডাক্তার মহাশয়গণের ইহা একটা মজাগত দোষ। ইহাদের তুলনায় মফঃস্বলের চিকিৎসকগণকে আমি প্রকৃত চিকিৎসক আখ্যায় আখ্যাত করিতে পারি। কারণ, তাঁহারা যেরূপ মনযোগ সহকারে রোগীর অবস্থা দি পর্যালোচনা করেন— একায়েক যেরূপ দায়িত্ব লইয়া চিকিৎসা করেন, সহরের হমরো চুমরো ডাক্তারগণের অধিকাংশেরই মধ্যে তাহা বিরল বলিলেও, অতুক্তি হয় না। পক্ষান্তরে, কলিকাতা সহরে আজকাল ডাক্তারের ছড়াছড়ি। ডাক্তার সহজ প্রাপ্য কাজেই এবেলা ওবেলা চিকিৎসার পরিবর্তন করা, এখনকার একটা ফ্যাসানের মধ্যে দাঁড়াইয়াছে। কলিকাতায় বর্তমানে রোগীর চিকিৎসা করা খুবই কঠিন তা যিনি যত বড় ডাক্তারই হউন। সঙ্গে সঙ্গে পীড়ার উপশম না হইলে—২১১ দিনের বেসী কোনও চিকিৎসকের হাতেই রোগী রাখা হয় না। সুতরাং কলিকাতায় চিকিৎসা করা সর্বাপেক্ষা কঠিন। ইহা শুধু চিকিৎসকের পক্ষেই নহে—পরন্তু রোগীর পক্ষেও ইহা বিপজ্জনক। এই চিকিৎসা-বিভাগের ফলে বহু রোগীই সূচিকিৎসিত না হইয়া অচিকিৎসাতেই অকালে কালগ্রাসে পতিত হইয়া থাকে।

যাহা হউক, উপস্থিত আমি রোগিনীর আবশ্যকীয় পরীক্ষাদির পর নিম্নলিখিত ব্যবস্থা করিলাম :—

Re

সোডি বাইকার্ব	...	৫গ্রেণ।
সোডি সাইটাম্	...	৭গ্রেণ।
লাইকর এমন্ সাইটেটম্	..	১ ড্রাম।
হেক্সামিন	..	৩গ্রেণ।
সিরাপ লিমোনিস্	..	১/২ আউন্স।
একোয়া সিনামন	...	এড ১ আউন্স।

একত্রে ১মাত্রা। প্রত্যহ ৪ মাত্রা সেব্য।

পথ্যাদি। টাটকা দধির ঘোল, ছানার জল, সোডা ওয়াটার, বেদানার রস, আঙ্গুরের রস ইত্যাদি।

(২) মিসিরিন সাপোজিটারীর দ্বারা প্রত্যহ প্রাতঃকালে দান্ত করাইবার ব্যবস্থা করা হইল ।

(৩) সকালে উষ্ণ জলে গামছা ভিজাইয়া স্পঞ্জিং । জরীয় উত্তাপ ১০৩ ডিগ্রীর উপরে উঠিলেই মাথায় আইস্-ব্যাগ দিতে বলিলাম ।

৩।১।২৭ - অষ্ট বৈকালে সংবাদ পাইলাম—“রোগিনী ১টা মৃত শিশু প্রসব করিয়াছেন । প্রসবকালীন কোনও কষ্ট হয় নাই” । আমি তৎক্ষণাৎ রোগী দেখিতে গেলাম । দেখিলাম—অত্যন্ত লক্ষণ পূর্ববৎ জ্বর তখন ১০২ ডিগ্রী । রোগিনী অত্যন্ত অবসন্ন । তখনই ১ মাত্রা ব্রাণ্ডী ( ৪ ড্রাম ) সেবন করাইয়া, দিলাম এবং ১ গোটল “সেন্ট রাফল্‌স্ ওয়াইন্” আনাইয়া, উহা ১ আউন্স মাত্রায় প্রত্যহ ২ বার আহারান্তে সেবনের ব্যবস্থা করিলাম । রাত্রে আর অল্প কোনও ঔষধ দিলাম না ।

৩।১।২৮—অল্প পুনরায় রোগিনীকে দেখার জন্ত আহৃত হইলাম । দেখিলাম—রোগিনীর অবস্থা পূর্ববৎ । রোগিনীর স্বামী একটু ব্যস্ত হইয়া বলিলেন—“ভাঃ বাবু! রোগের উপশম তো হ’লনা, তবে কি এটা “কোলাইটিস” না “টাইফয়েড”? দেখিলাম, ইনি একটু বেশী রকম উদ্বিগ্ন হইয়া পড়িয়াছেন । আমি আশ্বাস দিয়া বলিলাম যে, ইহা ম্যালেরিয়া জ্বর ছাড়া আর কিছুই নহে । ২।১ দিনেই জ্বরের উপশম হইবে । অল্প নিয়মিত ব্যবস্থা করিলাম ।

৪) Re

কুইনাইন বাইহাইডোক্লোর	...	৩ গ্রেণ ।
এসিড এন্, এম, ডিল	...	৮ মিনিম ।
একটু আর্গট লিকুইড	...	২০ মিনিম !
স্পিরিট ভাইনাম্ গ্যালিসাই	...	২ ড্রাম ।
একোয়া	...	এ্যাড ১ আউন্স ।

একত্রে ১ মাত্রা । প্রত্যহ ৩ মাত্রা সেব্য ।

পথ্যাদি অত্যন্ত ব্যবস্থা পূর্ববৎ ।

অষ্ট বৈকালে ল্যাবোরেটারী হইতে রিপোর্ট পাইলাম যে, রক্ত পরীক্ষায় “ম্যালেরিয়া জীবাণু” পাওয়া গিয়াছে । “বি-কোলাই” কালচারের জন্ত প্রস্রাব পাঠান হইয়াছিল । উহার রিপোর্ট ৪৮ ঘণ্টার পূর্বে পাওয়া যাইবে না ।

অষ্ট সন্ধ্যায় সংবাদ পাইলাম যে, ঔষধ সেবনের পর জরীয় উত্তাপ হ্রাস হইয়া ১০০ ডিগ্রী পর্যন্ত নামিয়াছে এবং আর উত্তাপ বৃদ্ধি হয় নাই । অত্যন্ত অবস্থাও অল্পদিন অপেক্ষা ভাল । রক্ত পরীক্ষার রিপোর্ট দেখিয়া, আমার কথার উপর রোগিনীর স্বামীর বিশ্বাস হইয়াছে বুলিলাম । তাহার উপর রোগিনীর অবস্থার একটু হিতপরিবর্তন হওয়ায়, আমার চিকিৎসার উপর ইহাদের একটু আশ্বাস হইয়াছে বুলি বহা গেল । বহা হউক,

ঔষধাদির ব্যবস্থা পূর্ববৎই রাখিলাম। পথ্যাদি সঙ্কক্ষে—ঘোল বন্ধ করিয়া দিয়া দুগ্ধের ব্যবস্থা করিলাম।

৭।১১।২৭—অন্য প্রাতঃকালে রোগিণীকে দেখিতে গিয়া দেখিলাম যে, জ্বর ত্যাগ হইয়াছে। আর কালবিলম্ব না করিয়া ৬ গ্রেণ কুইনাইন্ বাইহাইড্রোক্লোর ডেন্টয়েড্ পেশীতে গভীরভাবে ইঞ্জেকশন দিলাম। অন্যত্র ব্যবস্থা পূর্ববৎই রাখিল, কেবল ৪নং মিশ্রটী ৩ বারের পরিবর্তে ২ বার সেবন করিতে বলিলাম। সেদিন আর রোগিণীর জ্বর হয় নাই।

৪৮ ঘণ্টা পরে মূত্র পরীক্ষার রিপোর্ট পাইলাম—প্রস্রাবে “বি-কোলাই” বা অন্য কোনওরূপ রোগাৎপাদক জীবাণু পাওয়া যায় নাই। এক্ষণে সকলেই বিশ্বাস করিলেন যে, পীড়া সত্য সত্যই “ম্যালেরিয়া জ্বর” এবং এতদিন রোগনির্ণয় না হওয়ার জগুই একরূপ চিকিৎসা-বিভ্রাট হইয়াছে। যাহা হউক, সৌভাগ্যক্রমে রোগিণীর আর জ্বর হয় নাই। কুইনাইন্ ইঞ্জেকশনও আর দিতে হয় নাই। ২ দিন পরে এক বেলা মাছের ঝোল ও ভাত এবং রাত্রে ২।১ খানি রুটী খাইবার ব্যবস্থা করা হইয়াছিল। ১ সপ্তাহ পরে ৪নং মিশ্র পরিবর্তন করিয়া নিম্নলিখিত ঔষধ ব্যবস্থা করিয়াছিলাম।

৫। Re.

কুইনাইন্ বাইহাইড্রোক্লোর	...	৩ গ্রেণ।
এসিড্ এন্, এম্, ডিল	...	৮ মিনিম।
টীং ক্যালাষা	...	১/২ ড্রাম।
একোয়া	...	এ্যাড্ ১ আউন্স।

একত্রে ১ মাত্রা। প্রত্যহ ২ বার সেব্য।

এতদ্বিন্ন সেণ্ট র্যাফল্স ওয়াইন্ ১২ আউন্স মাত্রায় আহারান্তে প্রত্যহ ২ বার সেবন করিতে বলিলাম।

৪।৫ দিন এই নিয়মে ঔষধ সেবন করার পর, ৫নং মিশ্রটী মাত্র প্রত্যহ ১ বার সেবনের উপদেশ দিলাম। কিছুদিন এইভাবে ঔষধাদি ব্যবহারের পর ক্রমশঃ ঔষধ সেবন বন্ধ করিয়া দেওয়া হইয়াছিল।

**অন্তব্য।**—আজকাল অধিকাংশ ক্ষেত্রেই—বিশেষতঃ, ধনী পরিবারে এইরূপ চিকিৎসা-বিভ্রাট প্রায়ই ঘটিয়া থাকে। চিকিৎসক যদি একটু যত্ন করিয়া রোগী পরীক্ষা করেন তাহা হইলে আমার মনে হয় যে, এইরূপ চিকিৎসা-বিভ্রাট ঘটিয়া রোগীর জীবন অনর্থক বিপন্ন হইতে পায় না। চিকিৎসকের বড় বড় রোগনির্ণয়-তত্ত্বের ফলে—অনেক সময় সামান্য পীড়াও দূরারোগ্য হইয়া উঠে।

কলিকাতায় বড় বড় চিকিৎসকেরা আজকাল কথায় কথায় ‘কোলাইটীস্’ বলিয়া থাকেন—তা’ উহা ম্যালেরিয়াই হউক, আর কালাজ্বরই হউক। আশা করি, পল্লী-চিকিৎসকগণের মধ্যে এ ছদ্মগ বা খেয়াল এখনও পস্থিত হয় নাই। ‘কোলাইটীস্’ রোগ নির্ণয়টা, কলিকাতা সহরে সংক্রামক ব্যাধির স্থায় সকল শ্রেণীর চিকিৎসকের মধ্যেই ব্যাপ্ত হইয়া পড়িয়াছে। পল্লী-চিকিৎসকেরা যেন এই সংক্রামক পীড়ায় সংক্রমিত না হন।

## পুরাতন রক্তমাশয়ে 'ইয়াট্রেন ( ১০৫ )

### Yatren. ( 105 ) in Chronic Dysentery

লেখক - ডাঃ শ্রীবিধুভূষণ তরফদার M. D. L. C. P. S.

— ::0:: —

অধুনা রক্তমাশয় পীড়ায় 'ইয়াট্রেন ( ১০৫ ) বিশেষ সফল প্রদরূপে ব্যবহৃত হইতেছে। অনেকেই ইহা ব্যবহার করিয়া উপকার প্রাপ্তির সংবাদ প্রকাশ করিয়াছেন। সম্প্রতি আমি ২টি পুরাতন রোগীতে ইহা প্রয়োগ করিয়া সন্তোষজনক উপকার পাইয়াছি। নিম্নে এই ২টি রোগীর বিবরণ উল্লিখিত হইল।

**১ম রোগী:**—একটি বালক, বয়ঃক্রম ১২ বৎসর। গত ১৯২৭ খৃঃ অব্দের জুলাই মাসে এই রোগী আমার চিকিৎসাধীন হয়। রোগী প্রায় ৬ বৎসর রক্তমাশয়ে ভুগিতেছে।

**পূর্ব ইতিহাস।** ১৯২২ সালে বালকটি টাইফয়েড ফিভারে আক্রান্ত হয়। ঐ সঙ্গে প্রবল উদরাময় ও আঙ্গিক রক্তস্রাব বর্তমান ছিল। সূচিকিৎসায় বালকটি আরোগ্য লাভ করে। কিন্তু ইহার পর প্রথম ২ বৎসর—শরৎ ও বসন্ত কালে, বৎসরে ২ বার করিয়া বালকটির রক্তমাশয় হইতে থাকে। প্রথম বৎসর তাহাকে নিম্নলিখিত চিকিৎসা দ্বারা আরোগ্য করান হয়।

(১) Re.

ষ্টার্চ	...	...	১ ড্রাম।
টীং ওপিয়াই	...	..	১০ মিনিম।
উষ্ণ জল	...	...	১ আউন্স।

একত্র মিশ্রিত করিয়া সরলান্ধে এনিমা দেওয়া হয়। এবং সেবনার্থ—

২। Re.

বেঞ্জোনিয়াফথোল	...	...	৫ গ্রেণ।
অরফল	...	...	৫ গ্রেণ।
ট্যানালবিন	...	...	৫ গ্রেণ।
পালভ ইপেকা কোঃ	...	...	৩ গ্রেণ।
শ্রাকঃ ল্যাকঃ	...	...	১২ গ্রেণ।

একত্র মিশ্রিত করিয়া ১ পুরিয়া। প্রত্যহ ৪ ঘণ্টান্তর এক একটি পুরিয়া সেব্য।

এইরূপ চিকিৎসায় সেবার ৮।১০ দিনেই রক্তমাশয় আরোগ্য হইয়াছিল।

ইহার পরবৎসরে বালকটি পুনরায় পীড়াক্রান্ত হইলে, উল্লিখিত চিকিৎসা অবলম্বন করা হয়, কিন্তু কোন উপকার হয় নাই। এবার ১/২ গ্রেণ মাত্রায় এমিটিন ৩টি ইঞ্জেকসনে

পীড়া আরোগ্য হইয়াছিল। ১৯২৫ সালে পুনরায় পীড়াক্রান্ত হওয়ায়, ১ গ্রেণ মাত্রায় ৬টি এমিটিন ইঞ্জেকসনে বালকটি আরোগ্য লাভ করিয়াছিল। তারপর ১৯২৭ সালের মার্চ মাসে এবং মে মাসে বালকটি পুনরায় রক্তামাশয়ে আক্রান্ত হয়। এবারও যথাক্রমে ১ গ্রেণ মাত্রায় ৩টি ও ৪টি এমিটিন ইঞ্জেকসনে বালকটি আরোগ্য লাভ করে। অতঃপর ১৯২৭ সালের জুলাই মাসে বালকটি পুনরায় রক্তামাশয় পীড়ায় আক্রান্ত হইয়া আমার চিকিৎসাধীন হয়।

**বর্তমান অবস্থা।**—পুরাতন রক্তামাশয়ের যাবতীয় লক্ষণই বর্তমান আছে। বালকটির শরীর খুব দুর্বল এবং পুনঃ পুনঃ পীড়াক্রান্ত হওয়ায় রক্তহীন হইয়াছে। পরিপাক শক্তি কম, কিন্তু আহারের বিষয়ে কোন নিয়মাদি প্রতিপালন করে না।

**চিকিৎসা।**—পীড়ার পুনঃ পুনঃ আক্রমণ এবং চিকিৎসার অস্থায়ী ফল দর্শনে, এবার অল্পবিধ চিকিৎসা করিতে ইচ্ছুক হইলাম। বর্তমানে “ইয়াট্রেন ( ১০৫ ) রক্তামাশয়ে ফলপ্রদরূপে ব্যবহৃত হইতেছে। ইহা এই রোগীতে কিরূপ সফল প্রদর্শন করে, তাহা দেখিবার জ্ঞান নিম্নলিখিতরূপে ইহাই ব্যবস্থা করিলাম। যথা ;—

১। Re

ইয়াট্রেন ( ১০৫ ) ট্যাবলেট ... ২টি।

এক মাত্রা। প্রত্যহ ৩ বার সেব্য।

**পথ্য।**—বার্লিওয়াটার ও ঘোলের সরবৎ।

**চিকিৎসার ফল।**—প্রথম দিন ৬টি ইয়াট্রেন ট্যাবলেট সেবনে দাস্তের সংখ্যা ও উহাতে রক্তের ভাগ এবং যন্ত্রণাদি অনেক কম হইয়াছিল। ৩য় দিনে মলে আদৌ রক্ত ছিল না।

৪র্থ দিন হইতে পীড়ার উপশম লক্ষিত হওয়ায়, ২টি ট্যাবলেট মাত্রায় প্রত্যহ ২বার সেবনের ব্যবস্থা করা হয়। অতঃপর রোগারোগ্যের পর একটা ট্যাবলেট মাত্রায় ১মাস কাল উহা সেবন করিতে উপদেশ দেওয়া হইয়াছিল।

বর্তমান সময় পর্যন্ত রোগী ভাল আছে, পরে রোগী পুনরায় পীড়াক্রান্ত হইবে কি না, যদিও তাহা এখনও বলা যায় না, তথাপি পূর্ক পূর্কবারে রোগী আরোগ্য লাভ করিলেও, তাহার স্বাস্থ্য উন্নত হইতে দেখা যাইত না, কিন্তু এবার এই চিকিৎসায় আরোগ্য লাভ করিয়া, রোগীর শরীর বেশ স্ফুটপুট ও স্বাস্থ্যসম্পন্ন হইয়াছে। সুতরাং এবার আশা করা যায়—বোধ হয় রোগী আর পুনরাক্রান্ত হইবে না।

**২য় রোগী।**—রাউৎ গ্রামের জমিদার মহাশয়ের মাতা, বয়ঃক্রম ৬০ বৎসর। গত আগষ্ট মাসে এই রোগিনীর পুরাতন রক্তামাশয়ের চিকিৎসার্থ আহৃত হই।

**পূর্ক ইতিহাস।**—এই রোগিনীর পুরাতন অবস্থার পীড়া আছে। প্রতি মাসেই মধ্য মধ্য উদরাময় ও রক্তামাশয় উপস্থিত হইয়া থাকে। মধ্য মধ্য বমন হয়, অধিকাংশ

ঔষধই সেবন করিলে বমন হইয়া উঠিয়া, যায়—রোগিনীও কদর্য ঔষধ সেবন করিতে পারেন না। সাধারণতঃ হোমিওপ্যাথিক ঔষধ দ্বারা তাঁহার চিকিৎসা করা হয়। কোন কোন সময় হোমিওপ্যাথিক ঔষধে আরোগ্য হইতে বিলম্ব হইলে, এমিটিন ইঞ্জেকসন করা হয়।

**বর্তমান অবস্থা।**—এবার এই আগষ্ট মাসে রোগিনী পুনরায় রক্তামাশয় পীড়ার আক্রান্ত হইলে, পূর্ববৎ সমুদয় লক্ষণই উপস্থিত হইয়াছিল। পুরাতন রক্তামাশয়ের যাবজ্জীয় লক্ষণসহ জ্বর বিদ্যমান ছিল। প্রত্যহ প্রায় ১৮।১৯ বার রক্ত ও শ্লেষ্মা মিশ্রিত দাস্ত হইত, রোগিনীর শরীর দুর্বল ও রক্তহীন হইয়াছিল।

**চিকিৎসা।**—এবার প্রথমে হোমিওপ্যাথিক ঔষধ দ্বারা চিকিৎসা করা হয়, কিন্তু তাহাতে ৩৪ দিনে বিশেষ সফল দৃষ্ট না হওয়ায়, ১/২ গ্রেণ মাত্রায় ১টা এমিটিন ইঞ্জেকসন দেওয়া হয় ইহাতে শীঘ্রই পীড়ার উপশম লক্ষিত হইল।

এই সময় প্রথমোক্ত রোগীর চিকিৎসায় “ইয়াটেন” (১০৫) প্রয়োগে সফল পাওয়ায়, এই রোগিনীকেও উহা প্রয়োগ করিতে ইচ্ছুক হইয়া, নিম্নলিখিতরূপে উহা প্রয়োগের ব্যবস্থা করিলাম। যথা;—

১। Re.

ইয়াটেন ( ১০৫ ) পালভ	...	৩ গ্রেণ।
এরিষ্টোচিন	...	৩ গ্রেণ।
শ্যালোল	...	৩ গ্রেণ।
পালভ ইপেকা কোঃ	...	১/২ গ্রেণ।
শ্রাকঃ ল্যাকঃ	...	১০ গ্রেণ।

একত্র ১ পুরিয়া। এইরূপ ৩ পুরিয়া প্রস্তুত করতঃ, ১টা পুরিয়া মাত্রায় প্রত্যহ ৩বার সেবন করিবার ব্যবস্থা করা হইল।

এই রোগিনীর জ্বর বিদ্যমান থাকায় ইয়াটেন ( ১০৫ ), ট্যাবলেট আকারে না দিয়া, ইয়াটেন ( ১০৫ ) চূর্ণ ( পালভ এবং তৎসহ অবস্থানুযায়ী অপর ঔষধগুলি ব্যবস্থা করিলাম।

**চিকিৎসার ফল।**—এমিটিন ইঞ্জেকসনের পর পীড়ার যতটা অবশিষ্ট ছিল, উপরিউক্ত ঔষধ তিন দিন সেবনেই তাহার উপশম হইয়া, রোগিনী সম্পূর্ণ আরোগ্য হইয়াছিলেন।

আরও এক সপ্তাহ উক্ত পুরিয়া সেবন করাইয়া উহা স্থগিত করা হয়। রোগিনী এখনও পর্যন্ত বেশ ভাল আছেন—পীড়ার আর পুনরাক্রমণ হয় নাই।

**সম্ভবতঃ।** ইয়াটেন ( ১০৫ ) সম্বন্ধে আমার অভিজ্ঞতা উল্লিখিত ২টা রোগীতে সীমাবদ্ধ থাকিলেও, এই ২টা বহুদিনের পীড়াক্রান্ত রোগীতে ইহা ব্যবহার করিয়া আমি



যে রূপ শীঘ্র ফল পাইয়াছি—তাহাতে নিঃসন্দেহে বলিতে পারি—ইয়াট্রেন (১০৫) রক্তমাশয়ের একটি শ্রেষ্ঠ ঔষধ, ইহা এমিটিনেরই সমকক্ষ। আশাকরি সমব্যবসায়ী ভ্রাতৃগণ এই ঔষধ ব্যবহার করিয়া, ফলাফল চিকিৎসা-প্রকাশে প্রকাশ করিলে বাধিত হইব।

## শিরঃপীড়া, না ম্যালেরিয়া ?

লেখক—ডাঃ শ্রীমুনীন্দ্রমোহন কবিরাজ L. C. P. S.

—:O:—

অনেক সময় চিকিৎসা-ক্ষেত্রে সেরিব্র্যাল ম্যালেরিয়্যাল ফিভারের সহিত প্রকৃত শিরঃপীড়ার ভ্রম হইতে পারে। বিশেষতঃ, যেস্থলে পূর্ক চিকিৎসক সেরিব্র্যাল ম্যালেরিয়্যাল ফিভারকে শিরঃপীড়া বলিয়া নির্ণয় করিয়াছেন, বিশেষরূপে রোগীর অবস্থাদি পর্যালোচনা না করিয়া, তদনুসরণে চিকিৎসা করিলে, সেই স্থলে এইরূপ ভ্রান্ত চিকিৎসায় রোগীর জীবন বিপন্ন হওয়া অবগুস্তাবী। প্রত্যেক চিকিৎসকেরই—পূর্ক চিকিৎসকের মতামতের উপর নির্ভর না করিয়া, নিজের বিবেক বুদ্ধির অনুসরণে রোগীর অবস্থাদি পরীক্ষা এবং পূর্ক চিকিৎসকের ব্যবস্থিত ঔষধের নিফলতার কারণ সন্ধক্ষে অনুসন্ধান করা কর্তব্য। এই কর্তব্য যথাযথভাবে সম্পাদিত হইলে, প্রকৃত রোগনির্ণয়ে অনেক স্থলেই সাফল্য লাভ ঘ। অসম্ভব হয় না। নিম্নে ২টা রোগীর বিবরণ উল্লিখিত হইল।

**১ম রোগী।** রোগীর নাম গঙ্গাধর ভট্টাচার্য। হিন্দু, ব্রাহ্মণ, পেশা দেবসেবাদি। বয়ঃক্রম ৪৭বৎসর, গত ২২শে শ্রাবণ এই রোগীর চিকিৎসার্থ আহুত হই।

**পূর্ক ইতিহাস।** আজ ১০।১২দিন হইতে রোগীর সামান্য সামান্য মাথা বেদনা হইতেছে। প্রাতঃকাল হইতে যত সূর্যের তাপ প্রবল হয়, মাথার বেদনাও তত প্রবলতর হইতে থাকে। গত ৪।৫ দিন হইতে শিরঃপীড়া অত্যন্ত প্রবলাকার ধারণ করিয়াছে। এজন্য রোগী অত্যন্ত যন্ত্রনাভোগ করিতেছেন। সর্বদা অস্থির, রাত্রে বা অল্প কোন সময়ে আদৌ নিদ্রা হয় না। রোগী ইতিপূর্বেও মাথার যন্ত্রনায় মধ্যে মধ্যে কষ্ট পাইতেন। রোগী প্রত্যহ তিনবার করিয়া স্নান করিয়া থাকেন।

ইতিপূর্বে মাথাধরা উপস্থিত হইলে, রোগী গ্রামস্থ জনৈক কবিরাজ মহাশয়ের ব্যবস্থিত মুষ্টিবোগ ব্যবহার করিতেন, তাহাতেই উহা উপশমিত হইত। এবার কিন্তু ঐ মুষ্টিবোগে কোন উপকার না হওয়ার, তদ্রূপে জনৈক সুবিজ্ঞ ডাক্তারকে দেখান। ২ দিন এই ডাক্তার বাবুর ঔষধ ব্যবহার করা হইয়াছিল।

**বর্তমান অবস্থা।** ২২শে শ্রাবণ বেলা ১টার সময় উক্ত রোগীকে দেখিবার জন্ত আমি আহুত হইলাম। বেলা ২টার সময় রোগীর নিকট উপস্থিত হইয়া, প্রথমতঃ রোগীকে কোন প্রশ্নাদি না করিয়া, তাঁহার হাবভাব ও বাহ্যিক লক্ষণাদি প্রত্যক্ষ করিলাম। দেখিলাম—“রোগীর মুখমণ্ডল শুষ্ক ও যন্ত্রণাব্যঞ্জক এবং হরিদ্রাভ রক্তবর্ণ। চক্ষুর শিরা স্পষ্ট প্রত্যক্ষীভূত। রোগীর মস্তক কেশশূন্য (টাকপড়া), মাথায় হাত দিয়া দেখিলাম—মাথা উষ্ণ নহে। রোগী অত্যন্ত অস্থির—সর্বদা ছুঁটফুঁট করিতেছেন, ৫ মিনিটকালও একভাবে স্থির থাকিতে পারিতেছেন না।” এই সকল দেখার পর রোগীকে পরীক্ষা করিতে প্রবৃত্ত হইলাম। দেখিলাম—“জিহ্বা শ্বেত ময়লাবৃত, নাড়ী (Pulse) ক্ষীণ ও দ্রুত, উত্তাপ ৯৯.০২ ডিগ্রী। পেটের ফাঁপ নাই। শুনিলাম, অণু একবার তরল ও আর একবার শক্ত দাস্ত হইয়াছে। পূর্ব চিকিৎসক মহাশয় পূর্বদিন বোধ হয় বিরেচক ঔষধ দিয়াছিলেন। রোগীর প্লীহার স্থানে “গুল” প্রয়োগের চিহ্ন দেখিলাম। বক্ষ আকর্ণনে—বক্ষের প্রায় সমস্ত স্থানেই “রালস” ও “রাংকাই” (Rales and Rhonchi) পাওয়া গেল। রোগীর আদৌ আহারে রুচি নাই। লেবুর রসসহ একটু একটু মিছরির সরবৎ পান করিতেছেন।”

সাহায্যে অবিলম্বে নিদ্রা হয়, তজ্জন্ত রোগী বিশেষভাবে আগ্রহ প্রকাশ করিতে লাগিলেন।

**রোগ নির্ণয়।** পূর্বোক্ত কবিরাজ মহাশয় রোগীর পীড়া “শিরঃপীড়া” বলিয়া নির্ণয় করিয়াছেন। ডাক্তার বাবুও তাহাই নির্ণয় করিয়াছেন। আমি রোগীর মূল পীড়া জ্বর এবং উক্ত শিরঃপীড়া জ্বরের আনুষঙ্গিক বলিয়া স্থির করিলাম। বলা বাহুল্য, এই রোগ নির্ণয়েও আমি একেবারে নিঃসন্দেহ হইতে পারিলাম না।

**চিকিৎসা।** উপস্থিত সঠিকভাবে রোগনির্ণয় করিতে না পারিলেও, অবিলম্বে লক্ষণিক চিকিৎসার বন্দোবস্ত করা বিষয় প্রয়োজন বিধায়, নিম্নলিখিতানুরূপ চিকিৎসার ব্যবস্থা করিলাম।

(১) রোগীর মাথায় অনবরতঃ জলের ধারানী দিতে বলা হইল। সঙ্গে সঙ্গে আর একজনকে মাথায় পাথার বাতাস দিতে বলিলাম। তৎক্ষণাৎ উপদেশ প্রতিপালিত হইল।

(২) সেবনার্থ নিম্নলিখিত ঔষধ ব্যবস্থা করিলাম। যথা—

(ক) Re

হাইড্রার্ক সারক্লোর ... ৪গ্রেণ।

সোডি বাইকার্ব ... ১৫গ্রেণ।

একত্র ১মাত্রা। বেলা ৫।০ টার সময়ে একেবারে সেবন করিতে বলিলাম। এবং

(খ) Re.

ক্লোরিটোন

৪গ্রেণ।

এক মাত্রা। এইরূপ ৪মাত্রা। ১ মাত্রা সেবনের ২ ঘণ্টা পরে দ্বিতীয় মাত্রা, ও দ্বিতীয় মাত্রা সেবনের ৩ঘণ্টা পরে তৃতীয় মাত্রা এবং তৃতীয় মাত্রা সেবনের ৪ঘণ্টা পরে ৪র্থ মাত্রা সেবন করিতে বলিলাম। এবং—

গ) Re.

প্যাস ব্রোমাইড	...	৭ গ্রেণ।
এমন ক্লোরাইড	...	৭ গ্রেণ।
টীং ব্রাইয়োনিয়া	...	৫ মিনিম।
টীং ডিজিটেলিস	...	৫ মিনিম।
ভাইনাম ইপেকা	...	৩ মিনিম।
একোয়া	...	এড ১ আউন্স।

একত্র ১ মাত্রা। এইরূপ ৬মাত্রা। প্রতিমাত্রা ৪ ঘণ্টাস্তর সেবা। রোগী নিদ্রিত হইলে, জাগাইয়া ঔষধ খাওয়াইতে নিষেধ করিলাম।

(৩) পথ্য। দুগ্ধ ও জলবালি। ২৩ঘণ্টার মধ্যে উহা অর্কসের পর্য্যন্ত দিতে বলিলাম।

(৪) প্রত্যহ প্রাতেঃ গরম জলে গাত্র মুছাইয়া দিতে এবং পেটের উপর গরম জল অল্প নল্প করিয়া ঢালিয়া দিতে বলিলাম। মাথায় ঠাণ্ডা জল ঢালিয়া দিবে। দিবারাত্রি মাথায় ঠাণ্ডা জলের পটি দেওয়ার উপদেশ প্রদত্ত হইল।

রোগীর মাথায় ঠাণ্ডা জল ঢালিয়া পাখার বাতাস করার ৩৪ মিনিট পরেই মাথায় অত্যন্ত উষ্ণতা অনুভূত হইয়াছিল।

যথানিয়মে ঔষধ সেবন ও অগ্নাশ্র ব্যবস্থাদি যথাযথভাবে প্রতিপালন করিতে উপদেশ দিয়া বিদায় হইলাম।

২৩শে শ্রাবণ। অণু জর্নৈক লোক আসিয়া সংবাদ দিল যে “গত রাত্রি ৮.৯টার পর রোগীর নিদ্রা হইয়াছিল। রাত্রি ৪টার পর হইতে মাত্র ২টা পুরিমা (“খ”নং) এবং ২ মাত্রা মিশ্র (“গ”নং) সেবন করান হইয়াছে। রোগীর অস্থিরতা এবং চোখ মুখের আরক্তিমতা কথঞ্চিৎ হ্রাস বলিয়া বোধ হইতেছে”।

ঔষধ ও অগ্নাশ্র ব্যবস্থাদি পূর্ববৎ।

২৪শে শ্রাবণ। অণু রোগীর লোক আসিয়া জানাইল—“রোগীর মাথার ষ্ণনা কথঞ্চিৎ কম হইলেও, এখনও উহা সম্পূর্ণ উপশমিত হয় নাই। রাত্রে নিদ্রা হইলেও, রোগীর অস্থিরতা এখনও বর্তমান আছে। গতকল্য বেলা ১২টার পর একটু শীত অনুভব করিয়া রোগীর শরীর একটু গরম বোধ হইয়াছিল, কিন্তু নাড়ীর গতি দেখিয়া কেহই উহা জর বলে নাই। কল্য ৫।৬ বার দুর্গন্ধযুক্ত পাতলা দাণ্ড হইয়াছিল। রোগীর কোন দ্রব্য খাইতে আদৌ স্পৃহ নাই।”

লোক প্রমুখ্যাত এবিধ অবস্থাদি শ্রবণে, রোগ নির্ণয়ে আমার পূর্ব ধারণা অত্রান্ত বলিয়া মনে হইল অর্থাৎ রোগীর এইরূপ মাথাধরা, অরৈরই আনুষঙ্গিক উপসর্গ বলিয়া স্থিরনিশ্চয় এবং এতদনুসারে নিম্নলিখিত ব্যবস্থা করিলাম ।

- ১। রাত্রে নিদ্রা না হইলে, রাত্রি ১১টার পর ১ম দিনের “খ” নং পুরিয় ১টা, সেব্য ।
- ২। ১ম দিনের “গ”নং মিশ্র ঔষধ। পূর্ববৎ সেব্য ।
- ৩। এতদ্বিন্ন অল্প নিম্নলিখিত ঔষধটী ব্যবস্থা করা হইল ।

(ঘ) Re.

কুইনাইন হাইড্রোব্রোমাইড ... ৭ গ্রেণ ।

একমাত্রা । এইরূপ দুই মাত্রা । অল্প রাত্রি ৯টার সময়ে ১মাত্রা এবং কলা প্রাতে একমাত্রা সেব্য ।

পথ্যাদি পূর্ববৎ ; অগ্ন্যাগ্ন ব্যবস্থা রহিত করিতে বলিলাম ।

২৬শে শ্রাবণ । অল্প বেলা ১১টার সময় রোগী দেখিলাম । দেখিলাম—অল্প রোগী বেশ প্রফুল্ল, অস্থিরতা নাই । শুনিলাম—“শিরঃপীড়া আদৌ নাই, মাথা একটু ভার আছে মাত্র । সন্ধ্যার পরই রোগী নিদ্রিত হইয়াছিল, সুতরাং “খ”নং পুরিয়া সেবনের প্রয়োজন হয় নাই” । উত্তাপ ও নাড়ীর অবস্থা স্বাভাবিক ।

অল্প নিম্নলিখিত ব্যবস্থা করিলাম । যথা,—

(ঙ) Re.

কুইনাইন হাইড্রোব্রোমাইড ... ৫ গ্রেণ ।

এসিড হাইড্রোব্রোমিক ডিল ... ১০ মিনিম ।

একোয়া ... এড ১আউন্স ।

একত্র একমাত্রা । এইরূপ ৪মাত্রা । প্রতিমাত্রা ২ঘণ্টাস্তর সেব্য ।

পথ্য । কাগজী লেবুর রসসহ মুস্তের দাইলের জুস পথ্যার্থ ব্যবস্থা করিলাম ।

ঘটনাক্রমে উক্ত গ্রামে বিকাল পর্যন্ত আমাকে থাকিতে হইয়াছিল । বিকাল বেলা পর্যন্তও রোগী ভাল আছে—আর জ্বর হয় নাই, দেখিয়া আসিয়াছিলাম ।

২৬শে শ্রাবণ । অল্প সংবাদ পাইলাম—“কলা রোগীর জ্বর হয় নাই, মাথার যন্ত্রণা, অস্থিরতা ও অনিদ্রা আদৌ নাই । সন্ধ্যার পরই রোগী নিদ্রিত হইয়াছিল । কলা দুইমাত্রা ঔষধ সেবন করা হইয়াছে ।”

পূর্বদিনের ব্যবস্থিত উক্ত “ঙ”নং মিশ্রের যে দুইমাত্রা অবশিষ্ট আছে, উহাই অল্প সেবন করিতে এবং পথ্যার্থ দুগ্ধ ও মুগের দাইলের জুস ব্যবস্থা করিলাম ।

২৭শে শ্রাবণ । অল্প সংবাদ পাইলাম—রোগী সম্পূর্ণ সুস্থ হইয়াছেন । অল্প অন্নপথ্য ও নিম্নলিখিত ঔষধের ব্যবস্থা করিলাম ।

(৫) Re

কুইনাইন হাইড্রোক্লোর	..	৩ গ্রেণ ।
এসিড এন, এম, ডিল	...	১০ মিনিম ।
টীং নক্সভমিকা	...	৪ মিনিম ।
ভাইনাম ইপেকা	...	৫ মিনিম ।
এমন ক্লোর	...	৭ গ্রেণ ।
টীং ইউনিমিন	...	৫ মিনিম ।
ম্যাগ্‌: সালফ	...	১/২ ড্রাম ।
একোয়া ক্লোরফরম	..	এড ১ আউন্স ।

একত্র ১মাত্রা । প্রত্যহ ৩বার সেব্য । ১সপ্তাহ ইহা সেবন করিতে বলিলাম ।

( আগামী সংখ্যায় অপর রোগীর বিবরণ ও মন্তব্যাদি প্রকাশিত হইবে । )

## কালাজ্বরে উৎকট হিকা ।

লেখক—ডাঃ শ্রীবিপদভঞ্জন চক্রবর্তী S. A. S.

সোনাপুর ( ফরিদপুর )



রোগী—জনৈক মুসলমান যুবক, বয়ঃক্রম ২৫।২৬ বৎসর । গত ৮ই নভেম্বর এই রোগীর চিকিৎসার্থ আহূত হই ।

পূর্ব ইতিহাস।—প্রায় ২মাস পূর্বে রোগীর একদিন সন্ধ্যার সময়ে ১৫সম্প্রদায় প্রবল কম্প দিয়া জ্বর আসে । অনিলাম—জ্বরের উত্তাপ ১০২ ডিগ্রি পর্যন্ত এবং উহা ১ঘণ্টা স্থায়ী হইয়াছিল । ৪।৫ দিন পর্যন্ত কোন ঔষধাদি সেবন করে নাই । প্রত্যহই কম্প দিয়া জ্বর আসিতেছে দেখিয়া, রোগীর অভিভাবক উহা ম্যালেরিয়া জ্বর মনে করিয়া, প্রথমে এক বোতল এডওয়ার্ড টনিক এবং পরে এক বোতল ডিঃ গুপ্ত সেবন করান । কিন্তু ইহাতে কোন উপকার তো হইলই না—উপরন্তু অত্যন্ত হিকা এবং হিকার সঙ্গে মধ্যে মধ্যে মুখ দিয়া রক্ত নির্গত হইতে আরম্ভ হইল । প্রায় ১:০।১৫ মিনিট ধরিয়া হিকা এবং তৎসহ রক্ত নির্গত হইত । এইরূপ অবস্থা দৃষ্টে রোগীকে খুলনা চেরিটেবল ডিস্পেন্সারীতে লইয়া বাইয়া, তত্রত্য ব্যবস্থানুসারে প্রায় ২ মাস ঔষধ সেবন করান হইয়াছিল । কিন্তু এই চিকিৎসাতে রোগীর কোন উপকার না হওয়ায়, গত ৮ই নভেম্বর রোগী আমার চিকিৎসাধীন হয় ।

**বর্তমান অবস্থা** :—রোগী অত্যন্ত দুর্বল, ক্ষুধাহীন। প্লীহা অত্যন্ত বর্ধিত, যকৃতের স্থানে টিপিলে বেদনা লাগে, কিন্তু উহা বর্ধিত নহে। নাড়ী দ্রুত ও ক্ষীণ, উত্তাপ ১০.১ ডিগ্রী। শুনিলাম—সর্বদা শরীর উষ্ণ থাকে, তবে দ্বিপ্রহরের পর এবং রাত্রে শরীরের গরম আরও বেশী হয়। রোগীর মাথার চুল অনেক উঠিয়া গিয়াছে এবং চুল শুষ্ক। মুখমণ্ডল পাণ্ডুবর্ণ কাশি আছে। এতদ্বিন্ন রোগীর পূর্ব হিকা এখনও বর্তমান আছে, বরং পূর্বাপেক্ষা উহার প্রবলতা বর্ধিত হইয়াছে, এই সঙ্গে মধ্যে মুখ দিয়া রক্তও নির্গত হয়। দেখিলাম—৫।৭ মিনিট অন্তর ১০।১৫ মিনিট কালব্যাপী হিকা হইতেছে।

**রোগ নির্ণয়**। রোগীর উল্লিখিত অবস্থা দৃষ্টে “কালাজ্বর” বলিয়া সন্দেহ করিলাম।

**চিকিৎসা**। কালাজ্বর সন্দেহে অল্প রোগীকে নিম্নলিখিত ব্যবস্থা করিলাম।

( ১ ) Re.

ইউরিয়া ষ্টিবামাইন	...	০.৫ ড্রাম।
রি-ডিষ্টিল্ড ওয়াটার	...	২ সি, সি,।

রি-ডিষ্টিল্ড ওয়াটারে ইউরিয়া ষ্টিবামাইন জ্বব করিয়া ইন্ট্রাভেনাস ইঞ্জেকসন দিলাম।

( ২ ) কাশির জন্ম একটা সাধারণ কফঃ মিশ্র ব্যবস্থা করিলাম।

**১২ই নভেম্বর**। জ্বর ও কাশি কক্ষিৎ কম, কিন্তু হিকা সমভাবেই আছে। অল্প ০.১০ গ্রাম ইউরিয়া ষ্টিবামাইন পূর্কোক্ত প্রকারে ইঞ্জেকসন করা হইল। সেবনার্থ কফঃ মিশ্র পূর্কবৎ।

**১৩ই নভেম্বর**। কাশি কম, হিকাও অনেকটা কম হইয়াছে দেখা গেল। অগ্নাশ্র অবস্থা পূর্কবৎ। অল্প ০.১৫ গ্রাম ইউরিয়া ষ্টিবামাইন পূর্কোক্ত প্রকারে ইঞ্জেকসন দেওয়া হইল এবং সিরাপ হিমোগ্লোবিন ১/২ ড্রাম মাত্রায় প্রত্যহ ২ বার করিয়া সেবন করিবার ব্যবস্থা করিলাম।

**১৯শে নভেম্বর**। কাশি আদৌ নাই, হিকা অনেকটা কম। জ্বরও পূর্কোক্ত হ্রাস হইয়াছে। ০.১৫ গ্রাম ইউরিয়া ষ্টিবামাইন পূর্কোক্ত প্রকারে ইঞ্জেকসন দেওয়া হইল। অগ্নাশ্র ব্যবস্থা পূর্কবৎ।

**২২শে নভেম্বর**। অল্প প্রাতে: রোগীর লোক আসিয়া বলিল—“এখনই রোগীকে দেখিতে যাইতে হইবে। রোগীর ডান্দিকে অসহ যন্ত্রণার জন্ম কল্য রাত্রে রোগী একটুও ঘুমাইতে পারে নাই”। লোকটির আগ্রহাতিশয়ো তখনই রোগীর বাটাতে উপস্থিত হইলাম। রোগীর নিকট উপস্থিত হইয়া দেখিলাম যে, যকৃতের স্থানেই এইরূপ অসহ বেদনা উপস্থিত হইয়াছে।

এরূপ অবস্থা দৃষ্টে তখনই ১ গ্রেণ এমিটিন ( এম্পুল ) রোগীর বাহতে হাইপোডার্মিক ইঞ্জেকসন দিলাম এবং সেবনার্থ সিরাপ কসিলেনা কোঃ ১/২ ড্রাম মাত্রায় জলের সঙ্গে প্রত্যহ দুইবার সেবন করিতে দিয়া, বিদায় হইলাম।



২৫শে নভেম্বর। কাশি খুব কম, যকুতে আর বেদনা নাই, প্লীহা অনেকটা ছোট হইয়াছে। জ্বর ও হিকা অনেক কম হইয়াছে। মোটের উপর, রোগীর অবস্থার অনেক হিতপরিবর্তন হইয়াছে দেখা গেল। অল্প নিম্নলিখিত ব্যবস্থা করা হইল।

১) এমিটিন ১ গ্রেণ (এম্পুল) একবার হাইপোডার্মিক ইঞ্জেকসন।

(২) সিরাপ কমিলেনা কোঃ ১/২ ড্রাম মাত্রায় জলসহ প্রত্যহ ২বার সেব্য।

২৮শে নভেম্বর। হিকা ও কাশি আদৌ নাই। প্লীহার বৃদ্ধিতায়তন অনেকাংশে হ্রাসপ্রাপ্ত হইয়াছে। রোগী সম্পূর্ণরূপে সুস্থতা অনুভব করিতেছে। কেবল কয়েক দিন হইতে ভাল দাস্ত হইতেছে না বলিল।

অল্প ০.২ গ্রাম ইউরিয়া টিভামাইন পূর্কোক্ত প্রকারে ইঞ্জেকসন দেওয়া হইল। অগ্রান্ত ব্যবস্থা পূর্ববৎ।

ইহার পর রোগীকে ২রা ডিসেম্বর ০.২ গ্রাম এবং ৭ই ডিসেম্বর ০.২ গ্রাম ও ১৫ই ডিসেম্বর ০.২ গ্রাম ইউরিয়া টিভামাইন ইঞ্জেকসন দেওয়া হয়।

উল্লিখিত চিকিৎসাতেই রোগী সম্পূর্ণরূপে আরোগ্য লাভ করিয়া, এখনও পর্যন্ত বেশ সুস্থ ও স্বাস্থ্যসম্পন্ন অবস্থায় আছে।

মন্তব্য। রোগীর জ্বর—“কালাজ্বর” ধারণা করিয়া, কেবল ইহারই চিকিৎসায় অবহিত হওয়ায়, রোগীর এতাদৃশ দুর্দম্য হিকা এবং তৎসহ রক্ত নির্গমন ইত্যাদি সমুদয় উপসর্গ উপশমিত হইয়াছিল। এই সকল উপসর্গের লক্ষণিক চিকিৎসা করিলে ফল যে, অগ্ররূপ হইত, তাহাতে কোনই সন্দেহ নাই। পক্ষান্তরে, এতদ্বারা প্রতিপন্ন হইল যে, ঐ সকল উপসর্গ, কালাজ্বরেরই আনুষঙ্গিক উপসর্গ। কালাজ্বরে কোন উৎকট উপসর্গের উপস্থিতি দৃষ্টে, উহার লক্ষণিক চিকিৎসা না করিয়া, মূল পীড়ার চিকিৎসা করাই সঙ্গত মনে করি।

## কাঁকড়াবিছার দংশনে—কালকাসিন্দা।

লেখক—ডাঃ শ্রী প্রমথনাথ চক্রবর্তী L. M. P.

বাউলপুর (খুলনা)

— ::o:: —

কাঁকড়াবিছার দংশনে যে কিরূপ যন্ত্রনাদায়ক, যাহাকে ইহা একবার দংশন করিয়াছে, তিনিই তাহা বিশেষরূপে অবগত আছেন। কাঁকড়াবিছার এই অসহ যন্ত্রনাদায়ক দংশনে “কালকাসিন্দা” যে কিরূপ আশু উপকার করে, সাধারণের বিদিতার্থ তাহাই প্রকাশ করিতেছি।

আমি একদিন আমাদের বাটীর নিকটবর্তী বাগানে, কৃষাণদের কার্য পরিদর্শন করিয়া লতাগুল্মাদি বেষ্টিত স্থানে বসিয়া, কৃষাণদের সহিত কথা বলিতেছি। ইতিমধ্যে আমার

পায়ে—হাটুর উপরে, একটু স্থান হঠাৎ খুব জ্বালা করিয়া উঠিল কেন জ্বালা করিল, অনুসন্ধান করায়, জ্বালাযুক্ত স্থানের কাছে—কাপড়ের উপর, একটু কাঁকড়াবিছা দেখা গেল এবং বুঝিলাম যে, উক্ত কাঁকড়াবিছার দংশনেই এইরূপ জ্বালা করিয়া উঠিয়াছে ও অসহ্য যন্ত্রণা হইতেছে । অসহ্য যন্ত্রণায় অস্থির হইয়া তখন কি করা উচিত, ভাবিয়া স্থির করিতে না পারায়; সম্মুখে যে কোনও লতা পাতা পাইতে লাগিলাম, তাহাই ছই হস্ত দ্বারা মর্দন করতঃ, জ্বালাযুক্ত দৃষ্টস্থানে প্রয়োগ করিতে লাগিলাম । কিন্তু জ্বালা ক্রমশঃই ছঃসহ এবং উহা অধিক দূর ব্যাপিয়া অনুভূত হইতে লাগিল । ইতিমধ্যে আমার সম্মুখস্থ একটা কালকাসিন্দা গাছের দিকে নজর পড়িল এবং উক্ত গাছ হইতে কিছু পাতা তুলিয়া উক্তরূপ মর্দন করতঃ, দৃষ্টস্থানে লাগাইবামাত্র হঠাৎ জ্বালার নিবৃত্তি হইল—এমন কি, তথায় ইতিপূর্বে কোনও উদ্বেগ ছিল বলিয়া বোধ হইল না ।

কালকাসিন্দার এতাদৃশী অভাবনীয় ক্রিয়া দৃষ্টে “যথাব্যাদি স্তপোধধিঃ” অর্থাৎ “যেখানে রোগ, সেইখানে ঔষধ” এই মহাজন বাক্য মনে পড়িল এবং শ্রীভগবানকে শত সহস্র ধন্যবাদ দিতে লাগিলাম ।

ইহার পর হইতে কাঁকড়াবিছা ও ইন্দুরাদি দৃষ্ট বহু রোগীকে, কালকাসিন্দার পাতা উক্তরূপে ব্যবহার করাইয়া আমি আশ্চর্য্য ফল পাইয়াছি, কালকাসিন্দা যে, বিষয় ঔষধের মধ্যে অগ্রতম, তাহাতে কোন সন্দেহ নাই ।

**কালকাসিন্দা গাছের পরিচয় ।** এই গাছ ৪।৫ ফিট উচ্চ ইহাতে হৃদয়ে রংয়ের ছোট ছোট ফুল হয়, ফলগুলি ৫।৬ ইঞ্চি লম্বা ও সরু । পাতাগুলি লম্বা ও ছইধার চাপা এবং তেতুল পাতার গায় ডাটার ছই পার্শ্বে ও মাথায় প্রায় ৭—১১টি পাতা দ্বারা সূসজ্জিত । গাছগুলি বৈশাখ মাসে জন্মে ও পৌষ, মাঘ মাস পর্য্যন্ত থাকিয়া শুকাইয়া যায় । ইহা সাধারণতঃ চটান্ জমিতেই জন্মে । ইহার কালকাসিন্দা ভিন্ন অল্প কোন নাম আছে কি না জানি না ।


## আঁচিল রোগে—আবির ও চুণ ।

লেখক—ডাঃ শ্রী প্রমথনাথ চক্রবর্তী ।

— : 0 : —

**স্বাগী**—আমাদের বাটার ৭।৮ বৎসর বয়স্ক একটা বালক । এই বালকটির হাত, পায়ে ও সমস্ত শরীরে আঁচিল জন্মিয়াছিল । হোমিওপ্যাথিক “পুজা” ইত্যাদি ঔষধ ব্যবহারে, মাঝে মাঝে একটু কমিয়া পুনরায় বৃদ্ধি হইত দেখিয়া, সকলেই বলিত যে, বয়োবৃদ্ধির সঙ্গে উহা কমিয়া যাইবে । সুতরাং ঔষধাদি বন্ধ করিয়া দেওয়া হইয়াছিল । উক্ত বালকটি একটু অস্থির প্রকৃতির ছিল । সর্বদাই খেলার ছলে মূর্তিকা দ্বারা কালমূর্তি নির্মাণ করতঃ পূজাদি করিত । একদিন উক্ত কালীমূর্তি নির্মাণ করতঃ, মূর্তিখানি রং

করিবার অভিপ্রায়ে রং প্রস্তুত করিতে গিয়া, কিছু আবির ও চূণ একত্র করিয়া তাহাতে কিছু জল ঢালিয়া, দক্ষিণ হস্ত দ্বারা গুলিয়া মিশ্রিত করিতেছিল। ইতিমধ্যে ঠাৎ তাহার হাতের দিকে নজর পড়ায়, আঁচিলগুলি উঠিয়া গিয়াছে দেখিয়া, বালকটির মনে কি ধারণা হইল জানি না, কিন্তু খুব ভীত ও ব্যস্তভাবে কাঁদিতে কাঁদিতে আমার নিকট দৌড়িয়া আসিল। তখন তাহাকে কান্না হইতে বিরত করতঃ, কিস্তারিত বিবরণ জানিয়া, উক্ত আবির ও চূণ বালকের সর্কাসের আঁচিলগুলিতে লাগাইয়া দেওয়ায়, বালকের ঐকান্তিক ভক্তির প্রভাবেই হউক, আর শ্রীশ্রী কালোমাতার অপার মহিমাতেই হউক; বালক রোগমুক্ত হইল। আশা করি—পাঠকগণ এই ঔষধটি আঁচিল রোগে ব্যবহার করিয়া ফলাফল প্রকাশ করিবেন।



ডাঃ শ্রীনির্মলকান্ত চট্টোপাধ্যায় এম, বি,  
কলিকাতা ।

পূর্বে প্রকাশিত ৫ম সংখ্যার ( ভাদ্র ) ২৩৫ পৃষ্ঠার পর হইতে)

—:o:—

(৯) কৈচোকুমি কর্তৃক কলেরার লক্ষণযুক্ত রোগা ।

**A case of Ascaris infection simulating cholera**

—:o:—

গত ফেব্রুয়ারী মাসের ইণ্ডিয়ান মেডিক্যাল গেজেটে ( ১৯২৭ ) Dr. Y. S. Row L. M. P. কৈচোকুমি কর্তৃক উৎপাদিত—কলেরার লক্ষণযুক্ত একটা রোগীর বিবরণ প্রকাশ করিয়াছেন। নিম্নে ইহার সার মর্ম উদ্ধৃত হইল।

Dr. Row. লিখিয়াছেন—

“গত ১৯২৬ সালের সেপ্টেম্বর মাসের প্রথমে আমি একটা ১২ বৎসর বয়স্ক বালককে দেখিবার জন্ত আহৃত হইয়াছিলাম। বালকটি উদরাময় এবং বমন দ্বারা আক্রান্ত হইয়াছিল। এই সময়ে নিকটবর্তী গ্রামসমূহে বিস্তৃত প্রকাশ পাইয়াছিল, কিন্তু যে গ্রামে রোগী বাস করে, সে গ্রামে তখনও কোন কলেরা রোগী দেখা যায় নাই।

পূর্বে ইতিহাস। রোগীর আত্মীয় স্বজনেরা বলিলেন যে, গত রাতে রোগী ১২ বার ড়রল মল ত্যাগ করিয়াছে এবং ৮ বার বমন করিয়াছে।

বর্তমান অবস্থা। আমি যখন রোগী দেখিলাম, তখন তাহার হিমাজ অবস্থা উপস্থিত হইয়াছে। দেহ শীতল ও চট্‌চটে ঘর্মে অভিষিক্ত, নাড়ী দ্রুত এবং ক্ষীণ। জিহ্বা শুষ্ক। এতৎসহ অত্যন্ত তৃষ্ণা ও পায়ে আক্ষেপ বর্তমান ছিল। মোটের উপর, রোগীর অবস্থা দেখিয়া তাহাকে কলরাক্রান্ত বলিয়াই মনে হইল।

চিকিৎসা।—যাহা হউক, তখন রোগনির্ণয়ের জন্ত অপেক্ষা না করিয়া, ২ পাইন্ট হাইপারটনিক সোলাইন সলিউশন, গ্লুকোজ এবং এড্রিনালিন্ সহ মিশ্রিত করতঃ শিরাপথে ইঞ্জেকশন দিলাম। এতদ্ব্যতীত লাইকর এড্রিনালিন্ ক্লোরাইড (১ : ১০০০) ১০ মিনিম করিয়া ১ ঘণ্টান্তর ৬ বার জিহ্বার উপর প্রয়োগ করিবার ব্যবস্থা করিলাম।

চিকিৎসার ফল।—৬ ঘণ্টা পরে যখন আমি পুনরায় রোগী দেখিলাম—তখন সম্পূর্ণ প্রতিক্রিয়া আরম্ভ হইয়াছে দেখা গেল। রোগীর অবস্থা অনেক ভাল মনে হইল; নাড়ীর গতি মধ্য প্রকৃতির হইয়াছে। শুনিলাম—আমি রোগী দেখিয়া ষাইবার পর, রোগীর ৪ বার জলবৎ তরল মলত্যাগ এবং ৩ বার বমন হইয়াছে। রোগী যখন শেষবার বমন করে—তখন বাস্তব পদার্থের সহিত ১টী কেঁচো কৃমি (রাউণ্ড, ওয়ার্ম) নির্গত হইয়াছে। কৃমি নির্গত হইয়াছে শুনিয়া আমার সন্দেহ হইল যে, হয়ত রোগীর এইরূপ কলেরার ঞ্চায় লক্ষণ প্রকাশ পাইবার কারণ—“কেঁচো কৃমির সংক্রমণ”। কারণ, কেঁচো কৃমির সংক্রমণ দ্বারা অতি সাংঘাতিক এবং বিবিধ প্রকৃতির লক্ষণাবলী প্রকাশিত হইতে পারে। আমি তৎক্ষণাৎ রোগীকে ৫ গ্রেণ মাত্রায় স্যাণ্টোনিন্ ব্যবস্থা করিলাম।

“পর দিন সকালে গিয়া শুনিলাম, বিরেচক ঔষধ না দেওয়া সত্ত্বেও, বালকটির মলদ্বার দিয়া ৪৩টী কেঁচো কৃমি নির্গত হইয়াছে। তারপর, ইহার পরের সপ্তাহ পর্যন্ত প্রত্যহই মুখপথে ও মলদ্বারপথে কেঁচো কৃমি নির্গত হইতে থাকে। সর্বসমেত বালকটির উদরাভ্যন্তর হইতে ১৬৪টী নির্গত হইয়াছিল”।

“কৃমি বংশ সমূলে ধ্বংশ করিবার উদ্দেশ্যে—প্রথম মাত্রা স্যাণ্টোনিন প্রয়োগের পর ৪র্থ দিবসে পুনরায় আরও একমাত্রা স্যাণ্টোনিন্ দেওয়া হইয়াছিল। ইহার পর আর কৃমি নির্গত হয় নাই”।

এই রোগীটির ইতিহাস হইতে আমরা ইহাই বুঝিতে পারি যে, কেঁচো কৃমির সংক্রমণ দ্বারা কিরূপ সাংঘাতিক লক্ষণ সকল প্রকাশ পাইতে পারে।

## (১০) নির্বিঘ্নে সত্ত্বর প্রসব ।

## Expediting Labor,

— ০:০:০ —

“প্র্যাক্টিশনার” নামক পুস্তক ডাঃ রেয়ান সাধারণ স্বাভাবিক প্রসব কার্য কি উপায়ে সত্ত্বর ও নির্বিঘ্নে সুসম্পন্ন হইতে পারে, তদসম্বন্ধে একটা বিশেষ জ্ঞানগর্ভ প্রবন্ধ লিখিয়াছেন। “চিকিৎসা-প্রকাশের” পাঠক পাঠিকাগণের বিদিতার্থ তাহার সারমর্ম নিয়ে প্রদত্ত হইল।

ডাঃ রেয়ান লিখিয়াছেন—

(১) প্রসববেদনা উপস্থিত হইলেই, পরীক্ষা করিয়া জানিয়া লইতে হইবে যে, প্রসবদ্বারা এমন কোনও বাধা নাই বাহাতে প্রসবে বিঘ্ন ঘটতে পারে।

(২) প্রসবপথে কোন বাধা বিঘ্ন না থাকিলে, গর্ভিনীকে ১ আউন্স ক্যাষ্টর অয়েল সেবন করাইয়া দিয়াই, খানিকটা উষ্ণ জল পান করিতে দিবে।


(৩) ইহার ২ ঘণ্টা পরে সরলান্ত্রে সাবানজলের এনিমা দিবে।

(৪) এনিমা দেওয়ার ১ ঘণ্টা পরে, কুইনাইন বাই-হাইড্রোক্লোরাইড ৫ গ্রেণ মাত্রায় ১বার সেবন করিতে দিবে। এইরূপ ২ ঘণ্টাস্তর আরও ২ মাত্রা ইহা খাওয়াইবে অর্থাৎ সর্বমুদ্য ১৫ গ্রেণ কুইনাইন দিতে হইবে। মুখপথে কুইনাইন সেবন না করাইয়া, ১ সি, সি, বিশোধিত জলে ৫ গ্রেণ কুইনাইন বাই-হাইড্রোক্লোর জ্বব করতঃ, গভীরভাবে পেশীমধ্যে ইঞ্জেকসন দেওয়া যাইতে পারে। ইহার পরেও প্রসববেদনা খুব জোরে না আসিলে, উদরোপরি উষ্ণ সঁক ( Hot fomen'tions ) দিবে।

(৫) জরায়ুর মুখ অন্ততঃ ১টা পয়সার পরিমাণ খুলিয়া থাকিলে অর্থাৎ যখন সহজেই তর্জনী ও মধ্যমা অঙ্গুলী জরায়ুমুখে প্রবেশ করান যায় ( তৎপূর্বে নহে ), তখন ১ সি, সি, পিটুইটিন্ গভীরভাবে পেশীমধ্যে ইঞ্জেকসন দিবে।

এই উপায় অবলম্বন করিলে সত্ত্বর নির্বিঘ্নে স্বাভাবিক প্রসব কার্য সুসম্পাদিত হয়।





## ত্রিবর্ণা—Tribarna,

লেখক—ডাঃ শ্রী মুনীন্দ্রমোহন করি রাজ L. C. P. S.

(পূর্বে প্রকাশিত ২০শ বর্ষের ১ম সংখ্যার (বৈশাখ) ৩৫ পৃষ্ঠার পর হইতে)

—•••—

চিকিৎসা-প্রকাশের ১ম সংখ্যায় 'ত্রিবর্ণা' সম্বন্ধে আমি যে প্রবন্ধ লিখিয়াছিলাম, তদসম্বন্ধে মাননীয় সম্পাদক মহাশয় এবং অনেক চিকিৎসক কয়েকটি বিষয় জানিতে ইচ্ছুক হওয়ায়, ঐ সকল বিষয় নিয়ে প্রকাশ করিতেছি।

**বটীকা প্রস্তুত-প্রণালী।**—এক তোলা ত্রিবর্ণা মূলের শাঁশ, (১৬৮ গ্রেণ) (অর্থাৎ শিকড়গুলির ছাল ছাড়াইলে ভিতরে যে শাঁশ পাওয়া যাইবে তাহা। ইহার মূল তিন প্রকার রংএর দেখিতে পাওয়া যায় এবং স্রাবের রক্তের রং অনুযায়ী বিভিন্ন রংএর মূল ব্যবহৃত হয় অর্থাৎ রক্তবর্ণ স্রাবে রক্তবর্ণ, পীতবর্ণ স্রাবে পীত এবং শ্বেতবর্ণ স্রাবে শ্বেত বর্ণের মূল ব্যবহৃত হয়) এবং অর্ধ তোলা গোলমরীচ উত্তমরূপে খলে মাড়িয়া ২১ একুশটি বটীকা প্রস্তুত করিতে হইবে। এই বটীকার প্রত্যেকটি পূর্ণমাত্রা জাতব্য।


**সেবনের নিয়ম।**—প্রত্যহ প্রাতে: একটা বটীকা মাত্রায় একবর্ণা গাভীর (গাভী ও বৎস একবর্ণের) দুগ্ধের সহিত সেব্য। প্রতি মাসে সাত দিবস অর্থাৎ ঋতুর পূর্বে তিন দিবস হইতে সেবন আরম্ভ করিয়া, একাধিক্রমে সাত দিবস সেবন করিতে হইবে। দীর্ঘকাল ধরিয়া সেবনের প্রয়োজন হইলে, ঋতুর কালাকাল বিচার করার প্রয়োজন হয় না।

**অন্যান্য নিয়ম।**—সাধারণ নিয়ম ব্যতীত কোন বিশেষ নিয়ম পালন করিতে হয় না। তবে স্ত্রী পুরুষ উভয়ে অন্ততঃ চারিমাস কাল সম্যক সংযমে থাকি কৰ্তব্য। তাহাতে শীঘ্র সুফল পাওয়া যায়।

**মন্তব্য।**—উল্লিখিত প্রকারে প্রস্তুত এক একটা বটীকা ওজনে প্রায় ১২ গ্রেণ হয়। ইহাতে মরীচ ৪ গ্রেণ এবং ত্রিবর্ণা ৮ গ্রেণ থাকে। দীর্ঘকাল সেবন করিবার প্রয়োজন হইলে সমপরিমাণ মরীচ সহ বটীকা প্রস্তুত করা হয়।

চিকিৎসা-প্রকাশের গ্রাহকগণ—যাঁহার উক্ত বটীকা এবং ত্রিবর্ণার মূল চাহিয়া পাঠাইয়াছেন, সম্বন্ধে তাহাদিগকে উহা পাঠাইয়া দেওয়া হইবে। অনুগ্রহপূর্বক ফলাফল চিকিৎসা-প্রকাশে প্রকাশ করিয়া বাধিত করিবেন।





## বাইওকেমিক অংশ।

### সন্দেহজনক টেবিজ - suspected Tebes,

লেখক— ডাঃ শ্রীমতেন্দ্রকুমার দাশ M. B., M. C. P. & S (C. P. S)  
M. R. I. P. H. ( Eng )



বোনা নী—৪ বৎসর বয়স্কা একটী বালিকা। গত ডিসেম্বর মাসে—বালিকার পিতা এই বালিকাটী লইয়া আমার বাসায় আসেন। শুনিলাম—‘বালিকাটী গত ৬।৭ মাস উদরাময়ে ভুগিতেছে। প্রত্যহ ৫—৮ বার জলবৎ তরল মলত্যাগ হয়। বালিকা সর্বদাই খাই খাই করে, কিন্তু কিছুই জীর্ণ করিতে পারে না। প্রায়, প্রত্যহ বৈকালে একটু করিয়া জ্বর হয়। বালিকার স্বাস্থ্য ক্রমশঃ নষ্ট হইয়া এক্ষণে অস্থিচর্মসার হইয়া দাঁড়াইয়াছে।

দেখিলাম—বালিকাটী অতি শীর্ণ এবং দুর্বল। প্লীহা ও যকৃৎ স্বাভাবিক। ফুসফুস ও হৃৎপিণ্ডও স্বাভাবিক। রোগীর ইতিহাস লইয়া এবং পরীক্ষা করিয়া আমার মনে হইল যে, বালিকাটী “টেবিজ মেসেন্‌টারিক” পীড়ায় ভুগিতেছে। যদিও মল পরীক্ষা না করিয়া এ রোগ নির্ণয় করা কঠিন, তথাপি উহা আমার “টেবিজ” বলিয়াই সন্দেহ হইল। রোগীর পিতার অবস্থাও সেরূপ ভাল নহে যে, মল পরীক্ষার ব্যয়ভার বহন করিতে পারে। যাহা হউক, আমি নিম্নলিখিত ব্যবস্থা করিলাম। যথা;—

Re

ক্যালকেরিয়া ফস ৩x	...	১/২ গ্রেণ।
ফেরাম ফস ৬x	...	১/২ গ্রেণ।
কেলি ফস ১২x	...	১/২ গ্রেণ।
নেট্রাম ফস ৬x	...	১/২ গ্রেণ।
কেলি মিউর ১২x	...	১/২ গ্রেণ।

একত্রে মিশ্রিত করতঃ ১ যাত্রা। এইরূপ প্রত্যহ ৪ যাত্রা সেব্য।

পথ্যাদি :—জীবিত মৎস্যের ঝোল দিয়া ১ গেলা পুরাতন তণ্ডুলের অন্ন, এবং আহারান্তে টাটকা দধির ঘোল এবং রাত্রে ছানার জল ঘোল ইত্যাদি তরল পথ্য ব্যবস্থা করিলাম।

৩ দিন পরে সংবাদ পাইলাম—“রোগী অনেক ভাল আছে”। পূর্ণ ঔষধই পূর্ববৎ ব্যবস্থা করিলাম। এই ব্যবস্থায় রোগী ১ মাসের মধ্যেই সম্পূর্ণরূপে আরোগ্যলাভ করিয়াছিল। এখন বালিকাটী মোটামুটি সকল খাওয়াই বেশ জীর্ণ করিতে পারে। জ্বর আর হয় না। দিবসে ১ বার সহজ দান্ত হয়। অস্ত্রান্ত অবস্থারও বিশেষ উন্নতি হইয়াছে। ১ মাস পরে উক্ত ঔষধ প্রত্যহ ১ বার সেবনের ব্যবস্থা করিয়া, উহা আরও ২ সপ্তাহ ব্যবহার করিতে বলিলাম। বালিকা এখন বেশ সুস্থ ও ছটপুট হইয়াছে।

## রক্তাশয় 'Dysentery

লেখক ডাঃ শ্রীভোলানাথ মিত্র মজুমদার H. L. M. S

—:o:o:—

চিকিৎসা-প্রকাশে বাইওকেমিক চিকিৎসা সম্বন্ধে আলোচনা সমূহ পাঠ করিয়া, আমি কতকগুলি রোগীতে এই চিকিৎসা-প্রণালী অবলম্বন করিয়া, অধিকাংশ রোগীই সত্ত্বর আরোগ্য করাইতে সমর্থ হইয়াছি। অল্প ১টি রোগীর বিবরণ প্রকাশিত হইল

**রোগী—**জৈনক ভদ্র মহিলা। বয়স্ক্রম প্রায় ৪৬ বৎসর গত ৪ঠা অগ্রহায়ণ এই রোগিনীর চিকিৎসার্থ আহূত হই।

**পূর্ব ইতিহাস।** প্রায় ১২।১৪ দিন পূর্ব হইতে রোগিনী রক্তাশয় পীড়ায় আক্রান্ত হইয়া, জৈনক এলোপ্যাথিক চিকিৎসকের চিকিৎসাধীন ছিলেন। শুনিলাম—প্রত্যহ প্রায় ২০.২৫ বার রক্ত ও শ্লেষ্মা মিশ্রিত দান্ত হইত। উক্ত চিকিৎসায় বিশেষ কোনই উপকার হয় নাই, বরং ক্রমশঃই পীড়া বৃদ্ধির দিকেই অগ্রসর হইয়াছে।

**বর্তমান অবস্থা।** বর্তমানে রোগিনীর প্রত্যহ প্রায় ৩০।৫ বার রক্ত ও আম (শ্লেষ্মা মিশ্রিত দান্ত হইতেছে, মলে রক্তের ভাগ বেশী নহে—শ্লেষ্মাই বেশী। পেটের অসহ্য বেদনা ও কুস্থনবেগে রোগিনী অত্যন্ত কাতর হইয়াছেন। রাত্রে আদৌ নিদ্রা হয় না। রোগিনীর শরীর অত্যন্ত দুর্বল ও রক্তহীন হইয়াছে। নাড়ী খুব ক্ষীণ ও সঞ্চাপ্য। জ্বর নাই। জিহ্বা আরক্তিম ও পল্লিপিলি সমূহ বর্ধিত। ক্ষুধা নাই।

**চিকিৎসা।** রোগিনীর এবিধ অবস্থা দৃষ্টে নিম্নলিখিত ব্যবস্থা করিলাম। যথা—

১। R.

ফেরাম ফস: ৬x ... . গ্রেণ!

ম্যাগ্নেসিয়া ফস: ৬x ... ১ গ্রেণ।

একত্র একমাত্রা। এইরূপ ৬ মাত্রা। প্রতিমাত্রা জলসহ অর্ধ ঘণ্টাস্তর সেব্য।

পথ্য। লেবুর রসসহ ঘোল ও বালি ওয়াটার।

**ওই অগ্রহায়ণ।** অল্প রোগিনীর অবস্থা দেখিয়া আশ্চর্য্যান্বিত হইলাম শুনিলাম—কল্যা ঔষধ সেবনের পর হইতেই ক্রমশঃ মলত্যাগ দীর্ঘ সময়ান্তরে হইয়াছিল, পেটের বেদনা ও কুস্থনবেগ ক্রমশঃ হ্রাস হইয়া, রাত্রি হইতে আর উহা প্রবল হয় নাই। রাত্রে নিদ্রা হইয়াছিল। কল্যা মোট ১০ বার দান্ত হইয়াছে, শেষ কয়েকবারে মলে রক্ত আদৌ নির্গত হয় নাই, শ্লেষ্মাও খুব সামান্য ছিল। মোটের উপর ১ দিনেই রোগিনীর অবস্থার অনেক হিতপরিবর্তন হইয়াছে, দেখা গেল।

অল্প নিম্নলিখিত ব্যবস্থা করিলাম। যথা—

২। Re.


ফেরাম ফস ৬x .. ১ গ্রেণ

কেলি মিউর ৬x ... ১ গ্রেণ

একত্র একমাত্রা। উক্ত জলসহ প্রত্যহ এইরূপ ৩ মাত্রা সেব্য।

পথ্য।—মল গাঢ় না হওয়া পর্যন্ত ঘোল, বালি ওয়াটার প্রভৃতি তরল খাদ্য পথ্যার্থ ব্যবস্থা করিলাম।

উল্লিখিত ২নং ঔষধটি ৪ ৫ দিন সেবনেই রোগিনীর মল স্বাভাবিক এবং সমুদয় উপসর্গ দূরীভূত হইয়া রোগিনী সম্পূর্ণ আরোগ্য হইয়াছিল। আরও ৪ দিন উক্ত ঔষধ সেবন করাইয়া, পথ্যার্থ পোড়ের ভাত ব্যবস্থা করিয়াছিলাম। রোগিনী এক্ষণে বেশ ভাল আছেন।



## হোমিওপ্যাথিক অংশ।

২০শ বর্ষ

১৩৩৪ সাল—ফাল্গুন।

১১শ সংখ্যা

### হোমিওপ্যাথিক ইঞ্জেকসন চিকিৎসা।

• লেখক—ডাঃ শ্রী সীতানাথ ভট্টাচার্য H. L. M. S.

শরচ্চন্দ্র দাতব্য ঔষধালয়। সাতগ্রাম, ঢাকা।

—:~:~:~:—

সুনির্বাচিত হইলে হোমিওপ্যাথিক ঔষধ সে, মনুশক্তিবৎ সফল প্রদান করে, তদ্ব্যতীত বাহুল্য মাত্র। যাহাতে এই শক্তি আরও অধিকতর দ্রুতগতিতে প্রকাশিত হয়, তজ্জন্য অধুনা সদৃশ-বিধানসারে হোমিওপ্যাথিক ঔষধ ইঞ্জেকসনরূপে প্রয়োগ করার প্রথা প্রবর্তিত হইয়াছে। বলা বাহুল্য, সদৃশ-বিধানমতে, সেবনার্থ ঔষধ নির্বাচন করিতে বেদন বিচক্ষণতার—বিচার বুদ্ধি, অনুধাবনের প্রয়োজন, ইঞ্জেকসনার্থ ঔষধ নির্বাচনেও ঠিক তাহাই প্রয়োজন হইয়া থাকে।

বর্তমানে ইঞ্জেকসনরূপে ঔষধ প্রয়োগ করার প্রথা ক্রমশঃ বিস্তৃতিলাভ করিতেছে। অধিকাংশ স্থলেই এতদ্বারা মহোপকার পাওয়া যাইতেছে। দুঃখের বিষয়, এক শ্রেণীর হোমিওপ্যাথিক চিকিৎসক, এইরূপ ইঞ্জেকসনের বিরুদ্ধে নিজেদের কল্পিত অভিমত প্রকাশ করিয়া, এই আশু উপকারী চিকিৎসা-প্রণালীর বিরুদ্ধাচরণ করিতে প্রবৃত্ত হইয়াছেন। এলোপ্যাথিক ইঞ্জেকসন চিকিৎসা সৰ্ব্বত্র প্রথমতঃ এইরূপ অনেক বিরুদ্ধমত প্রকাশিত হইয়াছিল। কিন্তু সত্যের জয় অবশ্যস্তাবী, এলোপ্যাথিক ইঞ্জেকসন চিকিৎসার অভাবনীয় কার্যকারিতা দর্শনে বিরুদ্ধবাদীগণের কণ্ঠ এখন নীরবপ্রায় হইয়াছে। হোমিওপ্যাথিক

ইঞ্জেকসন চিকিৎসা সম্বন্ধেও বিরুদ্ধবাদীগণের দশাও যে, অচিরে ঐরূপ হইবে, নিঃসন্দেহে তাহা বলা যাইতে পারে।

বিগত যে মাসে “হোমিওপ্যাথিক প্রচার” নামক পত্রের ২য় সংখ্যার ৯২ পৃষ্ঠায়” সোনামুখী হইতে সীমাবদ্ধ জ্ঞানবিশিষ্ট জনৈক ডাক্তারবাবু “বিসদৃশ ইঞ্জেকসন চিকিৎসায় সদৃশ বা হোমিও ঔষধের অবাস্তব প্রয়োগ” হইতেছে বলিয়া, হোমিওপ্যাথিক ইঞ্জেকসনকারী ডাক্তারগণকে অসম্মত ও অভ্যন্তোচিতভাবে গালিবর্ষণ করিয়া, এক দীর্ঘ প্রবন্ধে সদৃশবিধি সম্বন্ধে নিজের অভিজ্ঞতার পরিচয় প্রদান করিয়াছেন। উক্ত প্রবন্ধের সম্বন্ধে বা তাহার গালি বর্ষণের সম্বন্ধে বলিবার কিছু নাই, তবে এই ডাক্তার বাবুকে জিজ্ঞাসা করি, “যখন কোন মূর্খ রোগীর জীবনীশক্তি থাকা সত্ত্বেও, গলধঃকরণ শক্তি রহিত হয়, তখন সেই রোগগ্রস্ত ব্যক্তির সদৃশ বিধিমতে কি উপায়ে চিকিৎসার বিধান হইতে পারে, দয়া করিয়া যদি তাহা জানান, তাহা হইলে অনেকেরই বিশেষ উপকার হয়। এরূপ ক্ষেত্রে যদি হোমিওপ্যাথিক ঔষধ ইঞ্জেকসন করিলে ঐ উপকার হয়—মূর্খ ব্যক্তির জীবন রক্ষা হয়, তাহা হইলে কি ইঞ্জেকসনকারী দোষী হইবে ?

আবার “হানিম্যান” নামক আর একখানি হোমিওপ্যাথিক মাসিক পত্রে আর একজন ডাক্তার বাবু “হোমিও ঔষধের অবাস্তব প্রয়োগ” শীর্ষক একটা প্রবন্ধে হোমিওপ্যাথিক ইঞ্জেকসনের নিন্দা করিয়া লিখিয়াছেন যে, “সদৃশ বিধিমতে ঔষধ প্রয়োগ করিলে তাহার ক্রিয়া তাড়িতশক্তির স্থায় বায়ু কেন্দ্রে পরিবর্তিত হইয়া থাকে। এমতাবস্থায় ইঞ্জেকসন করিবার কোনই আবশ্যিকতা নাই, এবং তাহা সদৃশ বিধানানুমোদিতও নহে।”

কিন্তু জিজ্ঞাস্য এই যে -- সদৃশ বিধানানুসারে ঔষধের ক্রিয়া তাড়িত শক্তির স্থায় কেবল বায়ুকেন্দ্রেই ( Nervous centres ) প্রকাশ পাইয়া থাকে, একথা তিনি কেমন করিয়া লিখিলেন ? সদৃশ বিধানাচার্য মহাশয় হানিম্যান সুস্থ শরীরে, যখন যে ঔষধ প্রয়োগের পর, প্রথমতঃ যে যে স্থানে বা যন্ত্রাদিতে সেই সেই ঔষধের ক্রিয়া পরিলক্ষিত করিয়াছিলেন, তাহাই তিনি মেটেরিয়া মেডিকায় উল্লেখ করিয়া গিয়াছেন। সদৃশ বিধানানুযায়ী ঔষধগুলি কেবল বায়ুকেন্দ্রেই ক্রিয়া করে, এ অভিজ্ঞতা উক্ত ডাক্তার বাবু কিরূপে অর্জন করিলেন ? হোমিওপ্যাথিক ঔষধে তাড়িতশক্তির স্থায় দ্রুত কার্য করে বটে ; কিন্তু তাহা কোন্ সময়ে ? রক্তের সঙ্গে মিশ্রিত হওয়ার পর, না, গলধঃকরণ হওয়া মাত্রই ? যদি ঔষধ সেবনের পর রক্তের সঙ্গে মিশিয়া তাহার ক্রিয়া প্রকাশ পায়, তবে উক্ত সংমিশ্রণের ব্যবধান সময় কত অল্পমিত হইতে পারে ? এবং গৌণ থাকিলে, রোগের প্রধরতা অবস্থায় পথঃস্বাচিক প্রক্ষেপ ( Hypodermic Injection ) দ্বারা ঔষধ রক্তের সঙ্গে মিশাইয়া দিলে, তাহার ক্রিয়া বত দ্রুত লক্ষিত হইবে, ঔষধ সেবনে কি তত শীঘ্র তাহার ক্রিয়া পরিব্যাপ্ত হইতে পারে ? কখনই না।

উল্লিখিত ডাক্তার বাবুর কথা তাহাদের মতাবলম্বী চিকিৎসকণ বোধ হয় কখনও ইঞ্জেকসন করেন নাই। তাই তাহারা ইঞ্জেকসনের কথা শুনিলেই অস্থির হইয়া পড়েন।

রোগ ও রোগীবিশেষ হোমিওপ্যাথিক 'ইঞ্জেকসন' দ্বারা ঔষধ প্রয়োগের ফল, ইঞ্জেকসনকারী ও তাহা গ্রহণকারী ব্যতীত, অস্ত্রে জানিবার উপায় নাই। সদৃশবিধিতে উপযুক্ত ঔষধ নির্বাচন করিয়া তাহা ইঞ্জেকসন করিলে কিছুমাত্রই ভয়ের আশঙ্কা বা উত্তেজনার কারণ নাই। এমন কি, এক বিন্দু রক্তপাত কিম্বা ঐ স্থানে কোনরূপ প্রদাহও (Inflammation) উপস্থিত হয় না। অবশ্য এ বিষয় ইঞ্জেকসনকারীকর্তৃক বিশেষ সতর্কতা ও দক্ষতা থাকা প্রয়োজন। নিম্নে একটা রোগীর বিবরণ প্রদত্ত হইল—

রোগী—পাকুরতুরা নিবাসী কালীমোহন নমঃশুদ্ধ। বয়স ২৭।২৮ বৎসর। এই লোকটি জ্বরাক্রান্ত হওয়াতে, গত ৮।১।২৭ তারিখে অপরাহ্ন বেলা ৪টার সময় আমাকে আহ্বান করে।

বর্তমান অবস্থা। আমি গিয়া দেখিলাম—রোগীর গাত্রোত্তাপ ১০৫ ডিগ্রী, তৎসহ চক্ষু রক্তবর্ণ, অসহ্য গাত্র দাহ, ও মাথা ব্যথা। মাথার বেদনায় রোগী ভয়ঙ্কর অস্থির হইয়াছে। জিজ্ঞাসা করিয়া জানিলাম, জ্বর, হওয়া অবধি প্রত্যহই ২।১ বার দুর্গন্ধময় পাতলা দান্ত হইয়া থাকে। আমি তাহার ঐরূপ দান্ত, গাত্রোত্তাপ ও শিরোলক্ষণের প্রাথমিক লক্ষ্য করিয়া নিম্নলিখিত ঔষধ ব্যবস্থা করিলাম।

১। বেলডোনা ৩x ... ৪ মাত্রা।

২। ব্যাপটিসিয়া ১x ... ৪ মাত্রা।

মোট ৮ মাত্রা ঔষধ ২ ঘণ্টা অন্তর পর্যায়ক্রমে সেবনের ও শীতল জল দ্বারা মাথা ধোয়াইবার ব্যবস্থা করিয়া বাসায় ফিরিয়া আসিলাম।

৯।১১।২৭। অল্প প্রাতে, ৭টার সময় বাইরা দেখিলাম, গাত্রোত্তাপ ১০৩। মাথাব্যথা ও চক্ষুলাল কথঞ্চিৎ কমিয়াছে। দান্ত পূর্ববৎ। সেইদিনও পুনরায় উক্ত ঔষধই পূর্বোক্ত নিয়মে ব্যবস্থা করিলাম।

১০।১১।২৭। প্রাতে: ৭টার বাইরা দেখিলাম—জ্বর ১০২। চক্ষু লাল নাই। মাথাধরা সামান্য আছে। বাহে হয় নাই। গুলিলাম—প্রত্যহই দুই প্রহরের সময় ও রাত্রে জ্বর বৃদ্ধি হইয়া থাকে। অল্প নিম্নলিখিত ঔষধ ব্যবস্থা করিলাম।

৩। জেলসিমিনম ৩x, প্রতি মাত্রার ফোঁটা করিয়া ৮ মাত্রা ব্যবস্থা করা হইল।

১১।১১।২৭। অল্প প্রাতে: জ্বরীয় উত্তাপ ১০২। অপরাহ্নে ১০৩.৪ ডিগ্রী হইয়াছিল। ঔষধ পরিবর্তন না করিয়া, ঐ ঔষধই পূর্বোক্ত নিয়মে সেবনের ব্যবস্থা করা হইল।

৩ দিন এইরূপে, যথানিয়মে চিকিৎসা করিয়াও কিছুমাত্র উপকার না হওয়ার, ১২।১।২৭ প্রাতে: ৭টার সময় নিম্নলিখিত ঔষধ ইঞ্জেক্ট করিলাম।

৪। আর্সেনিক এমম ৩০ ক্রম, ৫ ফোঁটা ইন্ট্রাভেনাস ইঞ্জেকসন করা হইল। এতৎসহ জেলসিমিনম ৩x, ৬ মাত্রা, ৪ ঘণ্টা অন্তর সেবনের ব্যবস্থা করিলাম।

এই দিন অপরাহ্ন ৪½ ঘটিকার সময় বাইরা উত্তাপ ১০১ ডিগ্রী দেখা গেল।



১০।১১।২৭। প্রাতে: ৭টার উত্তাপ ৯৯। এ দিনও জেলসিমিনম ৩x, ৪ মাত্রা দেওয়া হইল।

১৪।১১।২৭।—অগ্ন প্রাতে: উত্তাপ ৯৭ ডিগ্রী। দুর্বলতা ব্যতীত অন্য কোন উপসর্গ নাই। এদিন চায়না ৬x, ৪ মাত্রা ব্যবস্থা করিলাম।

তারপর আরও ২ দিন পুণ্যস্থ উক্ত ঔষধ সেবন করাইবার পর রোগী সম্পূর্ণ আরোগ্য লাভ করিয়াছে।

বহুসংখ্যক রোগীকে ইঞ্জেকসন দিয়া কিরূপ সুফল পাইয়াছি ক্রমশ: তাহা পাঠকগণকে জ্ঞাত করাইব।

**সম্ভব্য:—**উক্ত রোগীর ইঞ্জেকসন সম্বন্ধে কাহারও কোন জিজ্ঞাসা থাকিলে, জানাইলে বাধিত হইবে।

## বিবিধ রোগের প্রত্যক্ষ ফলপ্রদ ঔষধ।

লেখক—ডাঃ শ্রী প্রভাসচন্দ্র বন্দ্যোপাধ্যায়।

হোমিওপ্যাথিক চিকিৎসক। মহানাদ—হুগলী।

( পূর্ব প্রকাশিত ৯ম সংখ্যার ( শৌৰ ) ৪১৬ পৃষ্ঠার পর হইতে )

( ২২ ) এজ্জামা—স্নাটা-ওরিন্টিসিস্।

এজ্জামা বা হাঁপানি রোগে রোগীর যে প্রকার শ্বাসকষ্ট হয়, তাহা বর্ণনাভীত। ইহার অপর নাম শ্বাসকাশ। চিকিৎসাশাস্ত্রে এই রোগোৎপত্তির সম্বন্ধে নানাবিধ কারণের উল্লেখ দেখিতে পাওয়া যায়। ছোট ছোট ব্রংকিয়েল টিউব সমূহের মাংসপেশীর আক্ষেপ উপস্থিত, হওয়ার শ্বাসপ্রশ্বাস কার্যে বাধা জন্মিয়া এই প্রকার শ্বাসকষ্ট উৎপন্ন হয়। রোগী প্রাণ ভরিয়া নিশ্বাস পাইবার জন্য অতি ব্যাকুল হইয়া পড়ে। সেই সময় যে চিকিৎসক তাহার শ্বাসকষ্ট নিবারণ করিতে পারেন, রোগী তাঁহার অত্যন্ত বশীভূত হয় ও নিয়ত সকলের নিকটে সেই চিকিৎসকের স্তুতি জ্ঞাপন করিতে থাকে।

হাঁপানি অতি দুঃস্বপ্ন রোগ। ইহার কারণও যেমন অনেক, ঔষধও তেমনই অসংখ্য। কিন্তু দুঃখের বিষয়, ইহা কোন চিকিৎসাতেই সম্পূর্ণ আরোগ্য হইতে দেখা যায় না। রোগীর শ্বাসকষ্ট নিবারণে সহায়তা করিতে পারিলেই চিকিৎসকের যেন কার্য সমাধা হয়—হয়ও তাহাই। এই রোগে বহু সংখ্যক হোমিওপ্যাথিক ঔষধ লক্ষণানুসারে ব্যবহৃত হইয়া থাকে, কিন্তু নূতন শিকারীর পক্ষে তদ্ব্যয় হইতে আশু উপকারী ঔষধ নির্বাচন করা সহজসাধ্য নহে। সেই সকল অসংখ্য ঔষধের মধ্যে আমরা দুইটা ঔষধের



অত্যাশ্চর্য্য ক্রিয়া দেখিতে পাই। ইহাদের একটি—আসেনিক ৩০শ ও অপর - ল্যাটা-ওরিনএন্টালিস মাদার ।

• বিগত ১৮ই কার্তিক একটি লোক সালুকগড় নিবাসী সিদ্ধেশ্বর ঘোষের হাঁপানির ঔষধ লইতে আসে এবং সে আমাকে বলে যে, “রোগী প্রায় একমাস ভুগিতেছে, দুই জন ডাক্তার দেখিয়াছেন। কোন উপকার হয় নাই। যদি আপনার ঔষধে আজ কিছু ভাল থাকে, তাহা হইলে আগামী কল্য তাহারা আপনাকে ডাক দিবে।” সেদিন তাহাকে এক মাত্রা নলভমিকা ২০০ এবং আসেনিক ৩০, দুই মাত্রা দিলাম। পরদিনে ডাক আসিল এবং রোগী দেখিতে গেলাম। • •

রোগীর বয়স ৭০ বৎসরের কম নহে। বাড়ীর সকলে ও গ্রামবাসীগণ রোগীর জীবনের আশা ছাড়িয়া দিয়াছে। রোগী বলিল—“আমি একমাস শুইতে পারি নাই, ঘুমাই নাই, আপনার ঔষধে কা’ল একটু শুইতে পারিয়াছিলাম ও সামান্য ঘুম হইয়াছিল।” বক্ষঃ পরীক্ষায় দেখিলাম—রোগী নিউমোনিয়ায় আক্রান্ত হইয়াছে। সামান্য জ্বর রহিয়াছে দেখিয়াই বক্ষঃপরীক্ষা করিয়াছিলাম, নচেৎ হাঁপানির রোগীর বুক দেখিবার আবশ্যক তত নাই। রোগী প্রত্যহ দুইবার সিকি ভরি আফিম খায়, আমি তাহা খাইতে দিতে বলিলাম এবং ৪ চারি মাত্রা আসেনিক ৩০ দিলাম। রোগীর বাড়ীতে অনেক লোক রোগীকে দেখিতে আসিয়াছে। ঐ গ্রামেরই একজন বিজ্ঞ লোক বলিলেন - “এলোপ্যাথিক মতে বড় ডাক্তারই দেখান হইয়াছে, এইবার আপনার হাতেই থাক। তবে আপনাকে ইহারা প্রত্যহ আনিতে পারিবে না, একদিন অন্তর দেখিবেন ও সেই হিসাবে দুই দিনের ঔষধ দিয়া যান।” তাহাই হইল।

পুনরায় ৩য় দিন ( ২১শে কার্তিক ) দেখিতে গেলাম। রোগী বলিল—“আপনার ঔষধে উপকার বোধ করিতেছি, গতকল্য হাঁপ কম ছিল, ঘুমও একটু বেশী হইয়াছে, কিন্তু রাত্রে হাঁপ বেশী হয়। আপনি কা’লও একবার দেখিয়া যাইবেন।” জ্বর নাই, কাশি ও শ্লেষ্মার অবস্থা অনেক ভাল দেখিলাম। কিন্তু রাত্রি ১২টার পর হাঁপ বেশী হয়, ইহা আসেনিকের লক্ষণ হইলেও, আর পুনঃ পুনঃ আসেনিক দেওয়া কর্তব্য বোধ করিলাম না। তখন ল্যাটা-ওরিনএন্টালিস মাদার দিতে ইচ্ছা হইল ও একটি শিশি সাজিমাটি দিয়া ডালরূপে পরিষ্কার করাইয়া তাহাতে জল সহ উহা দুই ফোঁটা মাত্রায় চারি দাগ ঔষধ প্রস্তুত করিয়া দিলাম। আর তিনটি অনৌষধি পুরিয়া ( ইহাকেই প্লাসিবো বা স্তাক্ ল্যাক বলে ) দিয়া বলিয়া দিলাম—এই পুরিয়া তিনটি সকালে বিকালে ও রাত্রে খাইবে এবং শিশির ঔষধ প্রাতে ও সন্ধ্যায় খাইবে। এতদ্ব্যতীত যে সময় হাঁপ বৃদ্ধি হইবে, সেই সময়ে শিশির ঔষধ একবার খাওয়াইয়া দিবে, আবশ্যক হইলে পুনরায় খাওয়াইতেও পার। রোগী বলিলেন—“কা’লও আপনি আসিবেন।”

## প্রতিবাদ।

চিকিৎসা-প্রকাশে প্রকাশিত কয়েকটা বিষয় সম্বন্ধে আমরা কয়েকটা প্রতিবাদ প্রাপ্ত হইয়াছি। প্রতিবাদক মহাশয়দিগের লিখিত সমুদয় বিষয় প্রকাশ করার স্থানাভাব—পরন্তু, অনাবশ্যকঃ বিধায়, মোটের উপর তাঁহাদের বক্তব্য ও জিজ্ঞাস্য বিষয়গুলি প্রকাশিত হইল। চিকিৎসা-প্রকাশে প্রকাশিত কোন প্রবন্ধ বা প্রবন্ধোক্ত মতামতাদির বন্ধে কেহ প্রতিবাদ করিলে, আমরা তাহা সাদরে পত্রস্থ করিব, তবে প্রতিবাদক মহোদয়গণের প্রতি আমাদের সনির্বন্ধ অনুরোধ—কোন অস্বাস্তর কথায় অবতারণা না করিয়া, সংযত ভাষায় বক্তব্য ও জিজ্ঞাস্য বিষয়গুলি উল্লেখ করিলেই একান্ত অনুগৃহীত হইব। ( নিঃ—সঃ )

(১) হোমিওপ্যাথিক ঔষধের পর্যায়ক্রমে ব্যবহার ও মিশ্রশক্তি সম্বন্ধে প্রতিবাদ।—রাজাইর (ফরিদপুর) হইতে মাননীয় ডাঃ শ্রীযুক্ত শচীন্দ্রমোহন কর H. M. B. মহাশয় ১৫ই পৌষ (১৩৩৪ তারিখে) এতদসম্বন্ধে যে প্রতিবাদ করিয়াছেন, তাহাজে তাঁহার প্রধান বক্তব্য ও জিজ্ঞাস্য এই যে—

(ক) আমেরিকার সুপ্রসিদ্ধ ডাঃ গ্রাসম্যান—“যাহারা পর্যায়ক্রমে হোমিওপ্যাথিক ঔষধ ব্যবহার করেন, তাঁহাদের ডিপ্লোমার অধিকারচ্যুত করা কর্তব্য”। সুতরাং এরূপ ব্যবহার অসঙ্গত।

(খ) রোগীর লক্ষণের সহিত যে ঔষধের প্রধান প্রধান লক্ষণ সমূহ মিলে, সেই ঔষধই উক্ত রোগীর উপযোগী। এই লক্ষণ সমূহ সংগ্রহ করিতে হইলে ঐধ্যসহকারে—ধীরচিত্তে রোগীর অবস্থা পরিবেক্ষণ করিতে হয়। হোমিওপ্যাথিক ঔষধ পর্যায়ক্রমে ব্যবহারের যাহারা পক্ষপাতী নহেন, তাহারা বলেন যে, অব্যবস্থিত চিত্তে যাহারা রোগীর লক্ষণ সমূহ সংগ্রহ করেন এবং সমুদয় লক্ষণ ধরিতে না পারেন, তাঁহারা একাধিক ঔষধ পর্যায়ক্রমে ব্যবস্থা করেন। কিন্তু ইহা ভুল। সদৃশ-বিধান মতে পর্যায়ক্রমে ঔষধ ব্যবহার করা বিধেয় নহে।

(গ) প্রত্যেক হোমিওপ্যাথিক ঔষধই পূর্ণস্বাস্থ্যবান ব্যক্তির উপর প্রয়োগ করিয়া (প্রভং), তাহার ফলই হোমিওপ্যাথিক মেটেরিয়া মেডিকায় সন্নিবেশিত হইয়াছে এবং পীড়িত অবস্থায় এইরূপ সমলক্ষণযুক্ত রোগীর জন্যই উক্ত ঔষধ নির্বাচন করাটী বিধি। কিন্তু একাধিক হোমিওপ্যাথিক ঔষধ একত্র মিশ্রিত করিয়া প্রয়োগ করিলে, ঐ মিশ্রিত ঔষধ বিরূপ গুণসম্পন্ন হয়, তাহা নির্ণয় করিবার উপায় কি?

(ঘ) হোমিওপ্যাথিক ঔষধের মিশ্রিত শক্তি সম্বন্ধীয় প্রবন্ধ লেখক মহাশয়, এইরূপ মিশ্রিত ঔষধ কোন স্বাস্থ্যবান ব্যক্তির উপর পরীক্ষা (প্রভিঃ) করিয়া কি উহার গুণ প্রত্যক্ষ করিয়াছেন? যদি না করিয়া থাকেন, তাহা হইলে কি হেতুবাণের উপর নির্ভর করিয়া এরূপ একাধিক ঔষধ একত্রে প্রয়োগ করিলেন?

( ঘ ) এ পর্য্যন্ত ডাল, মাছ, ছক্ক, মিষ্টান্ন প্রভৃতি ভিন্ন ভিন্ন খাদ্য পৃথক পৃথক ভাবেই খাওয়ার ব্যবস্থা আছে, এই সকল খাদ্য কেহ এপর্য্যন্ত একত্রে ভাতের সঙ্গে মিশাইয়া খান নাই। কারণ, ইহাদের একত্র সংযোগে রাসায়নিক পরিবর্তনে যে দ্রব্যের উৎপত্তি হয়, তাহা শরীরের পক্ষে অপকারী হইয়া থাকে। এইরূপ একাধিক হোমিওপ্যাথিক ঔষধ একত্রে মিশ্রিত করিলে, একটা রাসায়নিক পরিবর্তন এবং তাহার ফলে ভিন্ন গুণসম্পন্ন ঔষধের উদ্ভব হওয়া বিচিত্র নহে। উক্ত প্রবন্ধ লেখক মহাশয় হোমিওপ্যাথিক নিয়মানুসারে এইরূপ মিশ্রিত ঔষধ প্রভিঃ করিয়া উহার গুণ অবগত হইয়াছেন কি না? এবং তাহাতে মিশ্রিত ঔষধ কিরূপ গুণ সম্পন্ন হইয়াছে? •

( ঙ ) উক্ত প্রবন্ধ লেখক মহাশয় তাহার এই মিশ্রিত ঔষধের উপকারিতা প্রদর্শনার্থ কয়েকটি চিকিৎসিত রোগীর বিবরণ উল্লেখ করিয়াছেন। কিন্তু শতকরা ৮০ জন রোগী ত অনেক সময় কেবল স্বভাবের (from nature দ্বারাই আরোগ্য লাভ করে। তাহার ঐ রোগীগুলি যে, ঔষধ ব্যতিরেকে কেবল স্বভাবের দ্বারাই আরোগ্য হয় নাই, তাহা কি করিয়া বুঝিব। •

( অনেকই হোমিওপ্যাথিক ঔষধ পর্য্যাক্রমে ব্যবহার করেন, চিকিৎসা-প্রকাশেও এইরূপ অনেক প্রবন্ধ প্রকাশিত হইয়াছে। উল্লিখিত প্রতিবাদ সম্বন্ধে কাহারও কোন বক্তব্য থাকিলে, লিখিতে অনুরোধ করি। হোমিওপ্যাথিক ঔষধের মিশ্রিত শক্তি সম্বন্ধে মাননীয় ডাঃ শ্রীযুক্ত নরেন্দ্রকুমার দাস M. B. মহাশয় চিকিৎসা-প্রকাশে কয়েকটি প্রবন্ধ লিখিয়াছেন, উক্ত প্রতিবাদ এবং শচীন্দ্র বাবুর বিজ্ঞাত বিবরণ সম্বন্ধে মাননীয় নরেন্দ্র বাবু তাহার বক্তব্য জানাইলে, বাধিত হইব। নিঃ—সম্পাদক )

২। হোমিওপ্যাথিক ঔষধের সহিত এলোপ্যাথিক ঔষধ ইঞ্জেকসন সম্বন্ধে প্রতিবাদ। - গ্রাম হোগলা, পোঃ জোতপাড়া (নদীয়া) হইতে মাননীয় ডাঃ শ্রীযুক্ত মানিকচন্দ্র দত্ত M. S. P. S. মহাশয় এতদসম্বন্ধে যে প্রতিবাদ করিয়াছেন, তাহাতে তাহার প্রধান বক্তব্য ও বিজ্ঞাস্য এই যে—

( ক ) বর্তমান বর্ষের চিকিৎসা-প্রকাশের ৮ম, ৯ম ও ১০ম সংখ্যায় ডাঃ শ্রীপ্রমথনাথ চক্রবর্তী মহাশয়ের লিখিত "হোমিওপ্যাথিক ঔষধের সহিত ইঞ্জেকসন" শীর্ষক প্রবন্ধটি কি হোমিওপ্যাথিক বিজ্ঞান সম্বন্ধে? না তাহার স্বীয় অভিজ্ঞতা প্রসূত?

( খ ) যদি উহা তাহার নিজের অভিজ্ঞতারই ফল হয়, তাহা হইলে প্রযুক্ত ঔষধের কোনটি দ্বারা কিরূপ ক্রিয়া হইল, তাহা তিনি কি করিয়া বুঝিলেন? এবং আবারই বা কিরূপে তাহা বুঝিব?

( গ ) আমি যদি বলি যে, এলোপ্যাথিক ঔষধ ইঞ্জেকসন করাতেই রোগী আরোগ্য লাভ করিয়াছে এবং ঐ এলোপ্যাথিক ঔষধ দ্বারা হোমিওপ্যাথিক ঔষধের ক্রিয়া

নষ্ট হইয়াছে; তাহা হইলে তিনি কি উত্তর দিবেন? আশা করি—প্রবন্ধ লেখক মহাশয় ইহা বিশদরূপে বুঝাইয়া দিবেন।

(ঘ) উক্ত প্রবন্ধ লেখক দ্বিবিধ মতেই চিকিৎসা করেন, কিন্তু তাহার কোন মতেই বোধ হয় বিশ্বাস নাই। কারণ, তাহা হইলে তিনি হয় হোমিওপ্যাথিক, নচেৎ এলোপ্যাথিক মতেই রোগীর চিকিৎসা করিতেন, এরূপ “খেচুড়ি” চিকিৎসায় প্রবৃত্ত হইতেন না। এরূপ উভয় মতে রোগীর চিকিৎসা করার কারণ বিশদরূপে বুঝাইয়া দিতে উক্ত প্রবন্ধ লেখক মহাশয়কে অনুরোধ করিতেছি।

(আমরাও মাননীয় প্রথম বাবুকে এতদসম্বন্ধে তাহার বক্তব্য লিখিয়া পাঠাইতে অনুরোধ করি। নিঃ—সম্পাদক)

## ভ্রম সংশোধন।

বর্তমান বর্ষের ( ১৩৩৪ সাল ) ১ম সংখ্যার ২৬ পৃষ্ঠায় ডাঃ শ্রীযুক্ত ক্ষিতীশচন্দ্র সরকার মহাশয়ের লিখিত “নিউমোনিয়া পীড়ায়—কুইনাইন হাইড্রোফেরোসায়েনাইড” শীর্ষক একটা প্রবন্ধ প্রকাশিত হইয়াছে। উক্ত প্রবন্ধ ২৭ পৃষ্ঠায় ২নং যে ব্যবস্থাপত্রটি উল্লিখিত হইয়াছে, উহাতে ক্ষিতীশ বাবু আইয়োডাইড ও ব্রোমাইড সহ লাইকর ষ্ট্রিকনিয়া ব্যবহার করিয়াছেন। কিন্তু এইরূপ মিশ্রণ অযৌক্তিক ও মারাত্মক এবং উহা ফার্মাকোপিয়ার অনুমোদিত নহে। আইয়োডাইড ও ব্রোমাইড সহ ষ্ট্রিকনিয়ায় অসম্মিলন। অনবধানতা বশতঃ এ বিষয়ে আমাদের দৃষ্টি আকৃষ্ট হয় নাই, পাঠকগণ এই ভ্রমটি মার্জনা করিবেন। মহিরাযকোল ( ময়মনসিংহ ) চেব্রিটেবল ডিস্পেন্সারির মেডিক্যাল অফিসার মাননীয় ডাঃ শ্রীযুক্ত ব্রজেন্দ্র চন্দ্র ভট্টাচার্য্য L. M. F. মহাশয় উক্ত ভ্রমটি প্রদর্শন করিয়া অতীব অনুগৃহীত করিয়াছেন।

PRINTED BY RASICK LAL PAN

At the Gobardhan Press, 12, Gour Mohan Mookherjee Street, Calcutta.

And Published by Dharendra Nath Halder.





এলোপ্যাথিক ও হোমিওপ্যাথিক চিকিৎসা সম্বন্ধীয়  
 মাসিক পত্র ও সমালোচক ।

২০শ বর্ষ । } ১৯০৪ সাল-চৈত্র । } ১২শ সংখ্যা

### বর্ষান্তে —

বর্তমান সংখ্যায় চিকিৎসা-প্রকাশের ২০শ বর্ষের পরিসমাপ্তি হইল। আগামী ১৯০৫ সালের বৈশাখ মাস হইতে চিকিৎসা-প্রকাশ ২১শ বর্ষে পদার্পণ করিবে।

বঁহার মঙ্গলময়ী ইচ্ছার অপ্রতিহত প্রভাবে—সুধী লেখক ও সহায় গ্রাহকবৃন্দের আন্তরিক আশুকুল্যে, চিকিৎসা-প্রকাশের আর একটি বর্ষ নিরাপদে অতিক্রান্ত হইল, বর্ষান্তে আজ সেই সর্বমঙ্গলময় শ্রীভগবানের চরণাঙ্গুজে কোটি প্রণতি: পুর:সর পৃষ্ঠপোষক, গ্রাহক, অগ্রগ্রাহক ও লেখক মহোদয়গণকে বধ্যযোগ্য প্রণাম, নমস্কার, শ্রীতি ও আন্তরিক কৃতজ্ঞতা জ্ঞাপন পূর্বক, পুনরায় নবোত্তমে—আগামী নববর্ষের নব আয়োজনে ব্যাপ্ত হইতেছি। শ্রীভগবানের কৃপাশীর্ষাদ আর সহায় গ্রাহকবর্গের সাহায্য-সহানুভূতিই আমার একমাত্র অবলম্বন, আমি আশা করি—এই অবলম্বনেই আগামী নববর্ষের আমার এই অভিনব আয়োজন সফল্য মণ্ডিত হইবে।

বর্ষান্তে—বর্ষব্যাপী কার্যের সমালোচনার উদ্দেশ্যে হওয়া বাতাবিক। কিন্তু চিকিৎসা-প্রকাশের সমালোচনা আর নিঃস্রোজন বলিরাই মনে করি। যে উদ্দেশ্যের অসুখভী হইয়া চিকিৎসা-প্রকাশ প্রকাশিত হইয়াছিল, বিগত ২০ বৎসরে সেই উদ্দেশ্যে কতদূর সিদ্ধ হইয়াছে—সাত-কতির দিকে দৃষ্টিপাত না করিয়া, প্রাণপাত পরিপ্রবে—আন্তরিক বর্ষে,



চিকিৎসা-প্রকাশকে সেই উদ্দেশ্যপথে অগ্রসর করাইতে কিদৃশী পরিমাণে সক্ষম হইয়াছি—  
অতি দীন অবস্থা হইতে ক্রমশঃ চিকিৎসা-প্রকাশ কিরূপ উন্নত অবস্থায় উপনীত হইয়াছে,  
চিকিৎসা-প্রকাশের পাঠকবর্গই তাহার সমালোচনা করিবেন ।

বাগাড়াঘরে চিকিৎসা-প্রকাশের উপযোগিতা প্রতিপন্ন করিবার কাল উত্তীর্ণ হইয়াছে ।  
আজ প্রত্যেক চিকিৎসকই—চিকিৎসা বিষয়ক সাময়িক পত্রসমূহের মধ্যে  
চিকিৎসা-প্রকাশকেই সর্বোচ্চ আসন প্রদান করিয়া, এতদপ্রতি যথোচিত অনুকম্পা প্রদর্শন  
করিতেছেন । সর্ব শ্রেণীর চিকিৎসকগণের এই আন্তরিক অনুকম্পার বলেই, আজ  
চিকিৎসা-প্রকাশ এতাদৃশ উন্নতি লাভে সমর্থ হইয়াছে—আজ চিকিৎসা-প্রকাশ কেবল  
পল্লীচিকিৎসক নহে—সহরের খ্যাতনামা উচ্চশিক্ষিত চিকিৎসকগণেরও নিত্যপাঠ্যরূপে  
পরিণত হইয়াছে । চিকিৎসা-প্রকাশের এই গৌরবোন্নতি—আমাদের কৃতিত্বের পরিচায়ক  
বলিয়া উল্লেখ করিব না—ইহা শ্রীভগবানের কৃপাশীর্ষাদ, আর পৃষ্ঠপোষক গ্রাহকবর্গেরই  
সাহায্য-সহানুভূতিরই ফল ।

বর্তমান ২০শ বর্ষে চিকিৎসা-প্রকাশ কিরূপ উন্নতাকারে ও বর্দ্ধিত কলেবরে প্রকাশিত  
হইবে বর্ষান্তের পূর্বে তদসম্বন্ধে যে আভাস প্রদত্ত হইয়াছিল, বর্তমান বর্ষে  
তদনুরূপভাবে পরিচালিত হইয়াছে কি না, সুধী পাঠকবর্গেরই তাহা বিবেচ্য ।  
তবে যদিও আমি এ সম্বন্ধে যত্ন, চেষ্টা, পরিশ্রম ও অর্থব্যয়ের কিছুমাত্র ক্রটি করি নাই,  
তথাপি আমার মনে হয়,—চিকিৎসা-প্রকাশের সম্যক উন্নতি সাধনে এখনও অনেক ক্রটি  
আছে । বলা বাহুল্য, ক্রমশঃই আমি এই ক্রটি সংশোধন করিয়া, যাহাতে চিকিৎসা  
প্রকাশকে সর্বোচ্চশ্রেণীর সাময়িক পত্ররূপে পরিণত করাইতে পারি, তাহাই আমার  
একমাত্র উদ্দেশ্য । এই উদ্দেশ্যেই—বার্ষিকমূল্য কিছুমাত্র বৃদ্ধি না করিয়াও, প্রতিবৎসরই  
ইহার কিছু না কিছু উন্নতি সাধন করিয়া আসিতেছি । আগামী ১৩৩৫ সালেও  
চিকিৎসা-প্রকাশ যাহাতে সর্বপ্রকার ক্রটি পরিশূন্য হয়, আরও অধিকতর উন্নতাকারে  
প্রকাশিত হয়, তাহারই ব্যবস্থা করিয়াছি ।

আগামী ১৩৩৫ সালে ( ২১শ বর্ষে ) চিকিৎসা-প্রকাশ কিরূপ অধিকতর উন্নতাকারে,  
এবং খ্যাতনামা বহুদশী চিকিৎসকগণের লিখিত অবশ্য জ্ঞাতব্য তথ্যপূর্ণ প্রবন্ধাবলীতে  
ভূষিত হইয়া প্রকাশিত হইবে, আজ তদসম্বন্ধে বেশী কিছু উল্লেখ করিব না, ২১শ বর্ষের  
১ম সংখ্যা হইতেই তাহার নিদর্শন প্রদর্শিত হইবে । মোটের উপর আজ এইটুকু বলিব  
যে, প্রতিযোগিতায় যাহাতে চিকিৎসা-প্রকাশের গৌরবই সমধিক বর্দ্ধিত হয়—একমাত্র  
চিকিৎসা-প্রকাশ পাঠেই, পাঠকগণ যাহাতে চিকিৎসা জগতের যাবতীয় নূতন আবিষ্কার,  
সমুদয় অবশ্য জ্ঞাতব্য বিষয় বিদিত হইতে পারেন—এলোপ্যাথিক, হোমিওপ্যাথিক এবং



বাইওকেমিক চিকিৎসা-বিজ্ঞানে যথোচিত নূতন নূতন অভিজ্ঞতা লাভ করিতে পারেন, আগামী বর্ষে চিকিৎসা-প্রকাশ ঠিক তদনুরূপ ভাবেই প্রকাশিত হইবে।

আগামী ১৩৩৫ সালে (২১শ বর্ষে) চিকিৎসা প্রকাশকে আরও অধিকতর উন্নতাকায়ে প্রকাশ করিব। ইহাতে যে অবশ্যই ব্যয়বৃদ্ধি হইবে, সহজেই তাহা অনুমেয়। কিন্তু চিকিৎসা প্রকাশ বাহাতে সর্বশ্রেণীর চিকিৎসকগণেরই অনায়াসলভ্য হইয়া তাঁহাদের অভিজ্ঞতা লাভের পথ প্রশস্ত করিতে পারে, তদুদ্দেশ্যে বার্ষিক মূল্য কিছুমাত্রও বৃদ্ধি করিব না। ব্যয়ের পরিমাণ বৃদ্ধি করিয়া আয়ের পরিমাণ না বাড়াইলে, খরচ সঙ্কলন অসম্ভব, কিন্তু ইহা অসম্ভব হইলেও, বাহাদের রূপায় চিকিৎসা-প্রকাশ আজ ২০শ বৎসর জীবিত রহিয়াছে; আজ ২০ বৎসরকাল বার্ষিক মূল্য বৃদ্ধি না করিয়াও বাহাদের রূপা-সাহায্যে প্রত্যেক বৎসরই চিকিৎসা-প্রকাশের ক্রমোন্নতিসাধন সম্ভব হইয়াছে— প্রত্যেক বৎসর ব্যয়ের পরিমাণ বৃদ্ধি করিয়া, লাভবান না হইলেও, বাহাদের সাহায্যে আমি ক্ষতিগ্রস্ত হই নাই, আমার সম্পূর্ণ ভরসা—আমার সেই সকল চির পৃষ্ঠপোষক সহৃদয় গ্রাহকবর্গের রূপা-সাহায্যেই ২১শ বর্ষের এই ব্যয়বহুল আয়োজন সফল হইবে।

চিরাচরিত নিয়মানুসারে ২১শ বর্ষের বার্ষিক মূল্য গ্রহণার্থ, আগামী ১৩৩৫ সালের বৈশাখ মাসের ২য় সপ্তাহের মধ্যে, ২১শ বর্ষের বার্ষিক মূল্য ২১০ টাকা এবং রেজেষ্টারী ফি: ৮০ ছই আনা ও মনিঅর্ডার কমিশন ৮০ ছই আনা, মোট ২৯০ ছই টাকা বার আনা চার্জে ২১শ বর্ষের ১ম সংখ্যা চিকিৎসা-প্রকাশ ভি: পি: ডাকে পুরাতন গ্রাহক মহোদয়গণের নিকট প্রেরিত হইবে। ভি:, পি:, পাঠাইবার পূর্বে আর স্বতন্ত্র কার্ড লিখিয়া ব্যয়বাহুল্য করিব না। সান্ন্যয় প্রার্থনা—সহৃদয় গ্রাহকগণ পূর্ববৎ অনুগ্রহ প্রদর্শনে উক্ত ভি: পি: গ্রহণে চিকিৎসা-প্রকাশকে আশ্রয় দান করিয়া অনুগ্রহীত করিবেন।

আশা করিতে পারি না—তবুও যদি কেহ এই সামান্য বার্ষিক মূল্য ২১০ টাকার বিনিময়ে সর্ববৎসরকাল চিকিৎসা-প্রকাশ পাঠে প্রভূত জ্ঞান লাভ করা—নিত্য নূতন বিষয় বিদিত হওয়া অপ্রয়োজনীয় মনে করিয়া, ২১শ বর্ষে চিকিৎসা-প্রকাশ গ্রহণে অনিচ্ছুক হন, তাহা হইলে করজোড়ে সান্ন্যয় প্রার্থনা—ভি: পি: তে চিকিৎসা-প্রকাশ প্রেরণের পূর্বে, তাঁহারা অনুগ্রহ পূর্বক তৎসংবাদ জ্ঞাপন করিয়া চিরাচরিত করিতে ভুলিবেন না। চিকিৎসা-প্রকাশের গ্রাহকগণের জ্ঞায় সমাজমাগ্ন ভদ্র মহোদয়গণের নিকট হইতে কোন প্রকারে ক্ষতিগ্রস্ত হইব না, ইহাই আমাদের স্থির বিশ্বাস, আশা করি, কেহই অনর্থক ভি: পি: ফেরত দিয়া, অকারণ আবাদিগকে ক্ষতিগ্রস্ত করাইবেন না।

## বিশেষ দ্রষ্টব্য।

পূর্ব বৎসরের স্তায় এবারও—চিকিৎসা-প্রকাশের মুদ্রিত সংখ্যা অল্পসংখ্যে গ্রাহকসংখ্যা পূর্ণ হইয়া যাওয়ায়, এবারও অনেককে গ্রাহক শ্রেণীভুক্ত করিতে পারি নাই। বর্তমান বর্ষে যাহারা গ্রাহক শ্রেণীভুক্ত হইতে পারেন নাই এবং যাহারা বৎসরের শেষে এক সঙ্গে ১২ সংখ্যা একত্র গ্রহণার্থ অর্পণ করিয়া থাকেন—তাঁহাদের নিকট এবারও আমাদের সন্নিহিত অধুরোধ—অধুগ্রহ পূর্বক তাঁহারা আগামী বর্ষের ১ম সংখ্যা হইতেই চিকিৎসা-প্রকাশের গ্রাহক শ্রেণীভুক্ত হইবেন। কারণ, বার্ষিক মূল্য কিছুমাত্র বর্দ্ধিত না করিয়াও, আগামী ২১শ বর্ষে চিকিৎসা-প্রকাশ যেকোন উন্নতাকারে ও বর্দ্ধিত কলেবরে প্রকাশিত হইবে, তাহাতে খুব শীঘ্রই গত বর্ষের স্তায় নির্দিষ্ট গ্রাহক সংখ্যা পূর্ণ হইয়া যাইবে এবং মুদ্রিত সংখ্যাঅল্পসংখ্যে গ্রাহকসংখ্যা পূর্ণ হইয়া গেলে, এই বর্ষেও হতাশ হইতে হইবে।

অপ্রাপ্ত সংখ্যা সম্বন্ধে বক্তব্য। চিকিৎসা-প্রকাশের প্রত্যেক সংখ্যাই, প্রত্যেক গ্রাহকের নিকট বিশেষ যত্ন ও সাবধানতার সহিত পাঠান হয়, কিন্তু তথাপি নানা কারণে কেহ কেহ ২১ সংখ্যা পান না। সমুদয় চিকিৎসা-প্রকাশ এক সঙ্গে ডাকঘরে প্রেরিত হয়। ডাকঘরে বা রেলপথে ২৫ খানি চিকিৎসা-প্রকাশের লেবেল প্রায় ছিড়িয়া যায়। লেবেল বিহীন ঐ সকল সংখ্যা ডেড্ লেটার অফিস হইতে আমাদের নিকট ফেরৎ হইয়া আসে। যাহাদের নামীয় চিকিৎসা-প্রকাশের লেবেল এইরূপে ছিড়িয়া ফেরৎ হয়, তাঁহারা উহা পান না। পক্ষান্তরে, পুনরায় তাঁহাদের পত্র না পাওয়া পর্যন্ত, আমরাও এই অপ্রাপ্তির বিষয় জানিতে পারি না। তারপর, স্থানীয় ডাকঘর হইতেও অনেকের নামীয় চিকিৎসা-প্রকাশ যারা গিয়া থাকে, ইহাও আমরা বিশেষরূপে জানি এবং কয়েকবার কয়েকটা পিওনকে আমরা এজন্ত দণ্ড দেওরাইয়াছিলাম। যাহা হউক—এইরূপ নানা কারণে কেহ কোন সংখ্যা না পাইলেই, অনেকে মনে করেন যে, আমাদের পাঠাইবার ভুলেই বা কোন গোলযোগে তাঁহারা পান ধাই। বস্তুতঃ, আমরা প্রত্যেক গ্রাহকের নাম ঠিকানার সঙ্গে, চিকিৎসা-প্রকাশের মোড়কে লিখিত নাম ঠিকানা দুইবার করিয়া মিলাইয়া, যেকোন ভাবে প্রত্যেক সংখ্যা পাঠাইয়া থাকি, তাহাতে উল্লিখিত কারণে ২৫ সংখ্যা যারা না গেলে, কাহারই কোন সংখ্যা পাঠাইবার পক্ষে বিঘ্ন হইতে পারে না। কেহ কোন সংখ্যা পাইয়া, পুনরায় উহার দাবী করিবেন, ইহা আমরা একটুও মনে করি না। এই কারণে—কেহ কোন সংখ্যা পান নাই বলিয়া লিখিয়ামাত্র, আমরা তৎক্ষণাৎ তাহা পাঠাইয়া দিতে কিছুমাত্র কুণ্ঠিত হই না। ছুঃখের বিষয়—বর্তমান বর্ষে নিরুপায় হইয়া এই নিয়মের ব্যতিক্রম করিতে হইয়াছে। বর্তমান বর্ষে অপ্রত্যাশিতভাবে গ্রাহক সংখ্যা বৃদ্ধি হওয়ায়, বর্তমান বর্ষের ১ম সংখ্যা হইতে ১০ম সংখ্যা পর্যন্ত অল্প সময়ের মধ্যেই এককালীন কুলাইয়া

বাওয়ান ২১ সংখ্যা বাহার পান নাই, তাহাদিগকে এবার এই অপ্রাপ্ত সংখ্যার মধ্যে কোন কোন সংখ্যা কোন কোন গ্রাহককে পাঠাইতে পারি নাই । এজন্য আমি কমা প্রার্থনা করিতেছি । ঐ সকল সংখ্যা পুনরায় ছাপা হইতেছে, যে সংখ্যা যিনি পান তাই, ছাপা হইলেই তাহা তাঁহাকে পাঠাইয়া দিব । এজন্য আর কোন তাগিদ দেওয়ার প্রয়োজন হইবে না । ১১শ ও ১২শ সংখ্যা কেহ না পাইয়া থাকিলে, পুত্র লিখিলে এখনই তাহা পাঠাইয়া দেওয়া হইবে ।

২০শ বৎসরের উপহার সম্বন্ধে বক্তব্য ।—অতীত দুঃখের সহিত জানাইতেছি যে, বর্তমান বর্ষের উপহার—“মডার্ন ট্রিটমেন্ট অব ডিসেণ্টেরী” পুস্তকের গ্রহকার মহোদয় সহস্রা কঠিন পীড়ায় আক্রান্ত হওয়ার, নির্দিষ্ট সময়ের মধ্যে পুস্তকখানির মুদ্রাকন শেষ করিতে পারি নাই । আশা করি—সহৃদয় গ্রাহকগণ এই দৈবশ্রীপাক জনিত ক্রটি মার্জনা করিবেন । সৌভাগ্যক্রমে গ্রহকার মহোদয় আরোগ্য লাভ করিয়াছেন এবং পুস্তকের মুদ্রাকনও অতি দ্রুতগতিতে সম্পন্ন হইতেছে । খুব সম্ভব আষাঢ় মাসের মধ্যেই পুস্তকের মুদ্রাকন শেষ হইবে এবং ২০শ বর্ষের গ্রাহকগণের নিকট উপহারের নির্দিষ্ট মূল্যে ইহা তিঃ পিঃ ডাকে পাঠাইব । এই পুস্তকের প্রার্থীগণকে এজন্য আর স্বতন্ত্র তাগিদ পত্র দিতে হইবে না ।

২১শ বর্ষের গ্রাহকগণের, ২০শ বর্ষের উপহার গ্রহণ সম্বন্ধে বিশেষ সুবিধা—২১শ বর্ষে বাহার চিকিৎসা-প্রকাশের গ্রাহক শ্রেণী ভুক্ত হইয়া, ২০শ বর্ষের উপহার এই—“মডার্ন ট্রিটমেন্ট অব ডিসেণ্টেরী” পুস্তকখানি লইতে ইচ্ছা করিবেন, তাহাদিগকে ইহা ২০শ বর্ষের উপহারের নির্দিষ্ট মূল্য মূল্য ২।।০ ছই টাকা আট আনাতেই প্রদত্ত হইবে । অরণ রাখিবেন—পুস্তক প্রকাশের পূর্বেই বাহার ২১শ বর্ষের গ্রাহক শ্রেণীভুক্ত হইয়া, ইহার প্রার্থী হইবেন, তাহারাই কেবলমাত্র এইরূপ মূল্যে পাইবেন ।

বিনীত :—ডাঃ শ্রীধীরেন্দ্র নাথ হালদার,  
সম্পাদক ও স্বত্বাধিকারী ।

## বিবিধ ।

—:~:~:~:—

রক্তস্রাবে—সোডিয়াম সাইট্রেট ।—Dr. Petri ও Dr. Goia লিখিয়াছেন—“অনেকগুলি রোগীকে সোডিয়াম সাইট্রেটের দ্রব ইঞ্জেকশন করিয়া ইহার রক্তরোধক ক্রিয়া দেখিয়া মুগ্ধ হইয়াছি । সর্বপ্রকার রক্তস্রাবেই ইহা ব্যবহার করা যায় । বিশেষতঃ হিমাটেমিসিস, মেলিনা, রক্তোৎকাশ, অতিরিক্ত ঋতুস্রাব ইত্যাদিতে ইহার

ক্রিয়া আশ্চর্যরূপে প্রকাশ পায়। এতদর্থে সোডিয়াম সাইটেটের ৩০% সলিউশন ৩—৬ গ্রাম মাত্রায় ইন্ট্রাভেনাস ইঞ্জেকশন দেওয়া কর্তব্য। কেহ কেহ ইহার ৩০% সলিউশন ২—৩ সি, সি, মাত্রায় ইঞ্জেকশন দিতে বলেন। নাসিকা হইতে প্রবুল রক্তস্রাব হইতে থাকিলে, সোডিয়াম সাইটেটের সলিউশন শিরাপথে ইঞ্জেকশন দিয়া— আশ্চর্য উপকার হইতে দেখা গিয়াছে।

( Paris. Med. August 20, 19. P. 137 )

**এক্স্যাম্পিশিয়াস—ম্যাগঃ সাল্ফঃ**।—ডাঃ ওডোন বলেন—“প্রসবের পর অথবা প্রসবকালীন এক্স্যাম্পিশিয়া হইলে, নিদ্রাকারক ঔষধের পরিবর্তে ম্যাগ সাল্ফের ১০—৫০% সলিউশন ৩.৫ বা ৪ সি, সি, মাত্রায় পেশীমধ্যে ইঞ্জেকশন দিলে—আশাতীত উপকার পাওয়া যায়। আবশ্যক হইলে ১ ঘণ্টা পরে—পুনরায় ইঞ্জেকশন দেওয়া যাইতে পারে। পীড়ার আধিক্য অনুযায়ী ইঞ্জেকশনের সংখ্যার তারতম্য করা কর্তব্য। সাধারণতঃ ১টা ইঞ্জেকশন দিবার পরই, রোগীর আক্ষেপ হ্রাসপ্রাপ্ত হয়। জরায়ুর সঙ্কোচন ক্রিয়ার উপর ইহার কোনও ক্রিয়া প্রকাশিত হয় না। ইহার সু কারক ক্রিয়াও আছে। এক্স্যাম্পটিক কন্ডালশন সহ ইউরিনমিয়া বর্তমানে থাকিলে ম্যাগঃ সাল্ফ ইঞ্জেকশনে তেমন সুফল পাইবার আশা করা যায় না।

( Antiseptic — oct. 1927. )

**টাইফয়েড জ্বরে—ইউরোটোপিন**।—টাইফয়েড জ্বরের প্রাথমিক অবস্থায় শিরাপথে ইউরোটোপিন ইঞ্জেকশন দিলে, এই পীড়ার উৎপাদক জীবাণুসমূহে অধিক পরিমাণে বৃদ্ধি পায় না—এবং সহজেই উহারা ধ্বংসপ্রাপ্ত হয়। এই পীড়ায় মূত্রমার্গ দিয়া যে টাইফয়েড জীবাণুসমূহ নির্গত হয়, ইহা প্রয়োগের পর তাহাদের সংখ্যা হ্রাস পায়। রোগীর এন্টিউরিনিউরিয়া বর্তমানেও ইহা প্রয়োগ করা যায়। পীড়ার প্রথমাবস্থায় ইহা প্রয়োগ করিলে নেফ্রাইটিস এবং রোগীর অন্ত্র হইতে রক্তস্রাব হইবার আশঙ্কা প্রায়ই থাকে না।”

( Monde Medical. )

**ফারাংকিউলোসিস্—নুতন চিকিৎসা**।—ডাঃ ভনগজা এবং ডাঃ ব্র্যাডী লিখিয়াছেন—“ফারাংকিউলোসিস্ ( ফোটক ) পীড়ার প্রাদাহিক অবস্থার কারণ—টীও মধ্যস্থ অঙ্গের আধিক্য। এই কারণত্বের উপর নির্ভর করিয়া—নিম্ন লিখিতরূপে চিকিৎসা করায়—আশাতীত উপকার পাওয়া গিয়াছে। চিকিৎসা-প্রণালী ; বধা :— প্রথমতঃ একটা হাইপোডার্মিক সিরিঙ্গে মোটা নিডল্ লাগাইয়া—তদ্বারা ফারাংকিউল বা

ফোটকটী ছিদ্র করতঃ, তন্মধ্যে হইতে পূঁজ টানিয়া লইতে হইবে। অতঃপর নিম্নলিখিত সলিউশনটী তন্মধ্যে ইঞ্জেকসন দিবে।

২। Re.

ডাই-সোডিয়াম্ ফস্ফেট	...	১৫ ড্রাম।
সোডিয়াম্ ক্লোরাইড	...	১৫ ড্রাম।
জল	সমষ্টি ৩০ আউন্স।	

ফোটকের গভীরতা ও আয়তন অনুসারে এই সলিউশনের ১—২ ড্রাম ইঞ্জেকসন দেওয়া কর্তব্য। আবশ্যক বোধে ১২—২৪ ঘণ্টা পরে পুনরায় ইঞ্জেকসন দেওয়া উচিত।

( Klinische. Wochenschrift. Jan. 1927. )

**যক্ষ্মারোগের প্রতিষেধকার্থ—চর্কি।** ডাঃ ভেইল—সাত বৎসর গবেষণা ও পরীক্ষার দ্বারা স্থির করিয়াছেন যে, যাহারা আহারের সহিত প্রচুর পরিমাণে চর্কি বা চর্কিযুক্ত খাদ্যাদি আহার করে—তাহাদের যক্ষ্মা হইবার সম্ভবনা খুব কম। ইনি পরীক্ষা দ্বারা দেখাইয়াছেন যে, যে সকল পরিবারে চর্কিযুক্ত খাদ্যাদির প্রচলন অধিক, সেই সকল পরিবারে যক্ষ্মার আক্রমণও খুব কম। আর যাহাদের মধ্যে চর্কিযুক্ত খাদ্যের প্রচলন খুব কম, তাহারাই এই পীড়ায় অধিক কবলস্থ হয়। ইনি ২৪ টি পরিবারের ১৬২ জন লোককে স্বীয় পরীক্ষাধীনে রাখিয়া, তাহার ফলাফল প্রকাশ করিয়াছেন। তাহা এই :—

এই ১৬২ জনের মধ্যে ১০১ জন চর্কিযুক্ত আহাৰ্য্য প্রচুর পরিমাণে আহার করিত। ইহাদের মধ্যে এক্ষণে ৯৬ জন বেশ ভালই আছে। বাকী ৫ জন—যাহারা মারা গিয়াছেন, তাহাদের ৪ জনের স্পষ্ট যক্ষ্মা হইয়াছিল এবং ১ জনের পীড়া সম্বন্ধে সন্দেহ ছিল।

অবশিষ্ট ৬১ জন চর্কিযুক্ত আহারের পক্ষপাতী ছিল না এবং একেবারেই চর্কি আহার করিত না। ইহাদের মধ্যে এক্ষণে মাত্র ১১ জন জীবিত আছে এবং ভাল আছে। কিন্তু বাকী ৫০ জনের মধ্যে ৪৬ জনের স্পষ্ট যক্ষ্মা হইয়াছিল, ২ জনের সন্দেহজনক যক্ষ্মা এবং ২ জনের পীড়া সম্বন্ধে বিশেষ কিছু জানা যায় নাই।

( Lancet National Druggist )

**পডোফাইলিন্ সম্বন্ধে নূতন গবেষণা।** বিখ্যাত ডাঃ আর, ডি-নারো পডোফাইলিন্ সম্বন্ধে গবেষণা করিতেছিলেন। সম্প্রতি তাহার গবেষণার ফল প্রকাশিত হইয়াছে। ডাঃ নারে বলেন যে, “পডোফাইলিন্ এতদিন পিত্তনিঃসারক ঔষধরূপে পরিগণিত ছিল। কিন্তু এক্ষণে তাহা সম্পূর্ণরূপে ভ্রমাত্মক নির্ণীত হইয়াছে। পডোফাইলিনের পিত্তনিঃসারক ক্রিয়া আদৌ নাই, বরং ইহা দ্বারা পিত্তোৎপাদন ক্রমবিকাশিত হয়।”



হ্রাসপ্রাপ্ত হইয়া থাকে। পক্ষান্তরে; ইহার ক্রিয়া দ্বারা যে পিত্ত নিঃসৃত হয়, তাহাও সাধারণ বাহ্য বক্ষণশীল পিত্ত নহে। এই পিত্তের আপেক্ষিক গুরুত্ব, সাধারণ পিত্তের আপেক্ষিক গুরুত্ব অপেক্ষা অনেক অধিক এবং ইহার মধ্যে অধিক পরিমাণে নিউক্লিও-প্রোটীড থাকে। সুতরাং পিত্ত নিঃসরণার্থ পডোফাইলিন ব্যবহার করা অসুচিত।

প্রাচীনকালে যাহা আমরা শিক্ষা করিয়াছি, বিজ্ঞানের উন্নতির সঙ্গে সঙ্গে এবং নিত্য নূতন গবেষণার ফলে তাহা আজি 'আমাদিগকে ভুলিয়া গিয়া—আবার নূতন করিয়া সমস্ত শিথিতে হইতেছে। এমন একদিন ছিল যখন ডাঃ মেরে ১—৩ গ্রেণ মাত্রায় কুইনাইন ব্যবস্থা করিতেন এবং একদিনে ১০।১২ গ্রেণের অধিক কুইনাইন দিতে ভীত হইতেন। আর এখন কুইনাইনের মাত্রা = ৫—১৫ গ্রেণ। একদিনে ৮০ গ্রেণ পর্যন্তও কুইনাইন, অবলীলাক্রমে ব্যবস্থা করা যাইতেছে। পডোফাইলিন সম্বন্ধে ডাঃ নার্নোর এই নূতন গবেষণার সত্যতা পরীক্ষনীয়।

( Merck's Annual Report. 1927. )

মূত্রকারকরূপে পটাশিয়াম বাইটাট্রেট। অধুনা পটাশিয়াম এসিটেটের পরিবর্তে, মূত্রকারক ঔষধরূপে পটাশিয়াম বাই-টাট্রেট বহুল ব্যবহৃত হইতেছে। ইহার এই ক্রিয়া আবিষ্কৃত হইবার পর, পাশ্চাত্য চিকিৎসকগণ—মূত্রকারকরূপে আর পটাশিয়াম এসিটেট তত অধিক ব্যবস্থা করেন না।

ডাঃ ডন ডেহন লিখিয়াছেন—“ইহা একটা মৃদু মূত্রকারক ঔষধ, সুতরাং ইহা নিরাপদে ব্যবহার করা যায়। ইহা ব্যবহারে মূত্রধনের কোনওরূপ অনিষ্ট হইতে পারে না—এমন কি, ইহা তরুণ “হেমোরজিক নেফ্রাইটিস” পীড়াতেও নিরাপদে ব্যবহার করা চলে। পটাশিয়াম ষটিভ ঔষধ সমূহ হৃৎপিণ্ড ও স্নায়ুর উপর বিষক্রিয়া প্রকাশ করিতে পারে, সুতরাং এই ঔষধ ব্যবহারকালীন মধ্যে মধ্যে কিছুদিন ইহার প্রয়োগ স্থগিত রাখা কর্তব্য; ইহাতে দেহमध्ये ঔষধ সঞ্চিত হইয়া বিষক্রিয়া প্রকাশ পাইতে পারে না।

( M. A. R. III 1927 )

উপদংশনিক ক্ষতে—পাইরোগ্যালিক এসিড। ডাঃ বৃশ্কা এবং লিসনার সম্প্রতি ২টা দুর্দম উপদংশন-কৃত রোগীকে পাইরোগ্যালিক এসিডের মলম দ্বারা আরোগ্য করিয়াছেন, বলিয়া প্রকাশ করিয়াছেন। এই ২টা রোগীরই দুর্দম উপদংশন-কৃত বর্তমান ছিল এবং ইহাদিগকে—মার্কারী, আইয়োডিন, সাল্ফাসন্ ইত্যাদি দ্বারা বিবিধ প্রকারে চিকিৎসা করা হইয়াছিল; কিন্তু কোনও উপকারই হয় নাই। অতঃপর ভেসিলিনসহ পাইরোগ্যালিক এসিড—মলমরূপে কতোপরি ব্যবহার করিতে দেওয়ায়, মলম কৃত আরোগ্য হইয়াছিল। ২% বা ৫% শক্তির মলম হইতে আরম্ভ করতঃ, ৩০% শক্তির মলম পর্যন্ত ব্যবহার করা হইয়াছিল।

( M.A.R. III. 1927. )



# এণ্ডোক্রিনোলজি—Endocrinology.

## থাইরয়েড গ্রন্থি Thyroid gland.

লেখক—ডাঃ শ্রীসন্তোষকুমার মুখোপাধ্যায় M. B.

ইণ্ডিয়ান মেডিক্যাল রেকর্ডের সম্পাদক ।

( পূর্বে প্রকাশিত ১১শ সংখ্যার ( ফাল্গুন ) ৪৭৩ পৃষ্ঠারপর হইতে )

—:~::~:~::~:~:—

### থাইরয়েড গ্রন্থির অতিস্রাবিকতা—Hyperthyroidism

থাইরয়েড গ্রন্থির স্রাব হ্রাসপ্রাপ্ত বা উহার সম্পূর্ণ অভাব হইলে, শরীরের যে সকল পরিবর্তন উপস্থিত হয়, তাহা বলা হইয়াছে। থাইরয়েড-অস্তঃরসের অভাব বা অল্পতায় দেহের যেরূপ বিবিধ বিকৃত উপস্থিত হয়, উক্ত রসের অতিস্রাবেও তদ্রূপ নানা প্রকার বিকৃতি সংঘটিত এবং পীড়া উপস্থিত হইয়া থাকে। নিম্নে থাইরয়েড গ্রন্থির এই অতিস্রাবের বিষয় আলোচনা করা যাইতেছে।

থাইরয়েড হইতে অতিরিক্ত অস্তঃরস নিঃসরণের ফলে—  
দেহের কার্যের জন্ত যে পরিমাণে থাইরয়েড-অস্তঃরস ও “থাইরক্সিন” প্রয়োজন, থাইরয়েড স্বভাবতঃ তাহার বেশী উৎপাদন করে না। কিন্তু থাইরয়েড রুগ্ন হইয়া যদি অতিরিক্ত ক্রিয়াশীল হয়, তাহা হইলে উহা হইতে দেহের প্রয়োজনেরও অতিরিক্ত পরিমাণে অস্তঃরস নিঃসরণ হইতে থাকে। থাইরয়েড গ্রন্থির অস্তঃরসের দ্বারা দেহের দহনকার্য সম্পন্ন হয় একথা পূর্বেই বলিয়াছি। থাইরয়েড গ্রন্থির অস্তঃরসই দেহমধ্যে অনুক্ষণ রাবণের চিতা জ্বালাইয়া রাখিয়াছে। এই দহনক্রিয়ার জন্ত যতটুকু থাইরয়েড-অস্তঃরস প্রয়োজন, তাহা অপেক্ষা যদি বেশী রস নিঃসৃত হইতে আরম্ভ হয়, তাহা হইলে দহনক্রিয়াও সঙ্গে সঙ্গে সীমা অতিক্রম করে। এইরূপ অতিরিক্ত দহনক্রিয়ার ফলে, দেহের অপ্রয়োজনীয় পদার্থগুলিও যেমন দগ্ধ হইতে থাকে, তেমনি প্রয়োজনীয় পদার্থগুলিও দগ্ধ হইয়া থাকে। এইরূপে দেহের প্রয়োজনীয় প্রোটিন (ছানা জাতীয় পদার্থ), ফস্ফরাস ও অক্সিজেন অযথা কয় হইতে থাকে এবং রোগপ্রতিরোধের জন্ত দেহের যে সকল পদার্থ প্রয়োজন, তাহাও নষ্ট হইয়া যায়।

এইরূপে দেহের মধ্যে পোষণ (anabolism) অপেক্ষা দহনক্রিয়ার প্রাবল্য হয়। রেলের ইঞ্জিনের মধ্যে কয়লা যদি বেশী পোড়ে, তাহা হইলে ইঞ্জিন খুব বেশী গরম হইয়া উঠে এবং অধিক পরিমাণে বাষ্প (Steam) উৎপন্ন হওয়ার উহার রেল জোরে টানিবার ক্ষমতা বাড়ে। শরীরের তিতর দহনক্রিয়ার অতিবৃদ্ধির ফলে, দেহের উত্তাপ ও রক্তের চাপ বর্দ্ধিত এবং নাড়ীর গতি দ্রুত হয়। অতি দহনের ফলে দেহে ক্যালসিয়াম কমিয়া যায়।

যে সকল কোষের মধ্যে ফস্ফরাস আছে, থাইরয়েড-অস্তঃরসের ক্রিয়া তাহাদের উপরই অধিকতররূপে প্রকাশ পায়। মস্তিষ্ক ও হাযুগুলির মধ্যে ফস্ফরাসের পরিমাণ

অধিক ; এজন্য থাইরয়েডের অতিশ্রাব রোগে, ইহারই বৈশী অভিভূত হয় । মস্তিষ্ক ও শ্বায়র উপর এই প্রকার ক্রিয়ার ফলে, রোগীর অস্থিরতা ও হস্তপদের কম্পন উপস্থিত হইয়া থাকে ।

যদি কোন কারণে থাইরয়েড হইতে অত্যধিক পরিমাণে অস্তমুখী রস নিঃসৃত হয় তাহা হইলে রোগীর ভীতিবিহ্বল স্বাকৃতি, বিস্ফারিত চক্ষুদ্বয়, হৃৎপিণ্ড ও নাড়ীর দ্রুতগতি প্রভৃতি কতকগুলি লক্ষণ দেখা যায় । থাইরয়েড গ্রন্থির আকারও বর্ধিত হইয়া থাকে । এইরূপ লক্ষণ উপস্থিত হইলে, তাহাকে “বিস্ফারিত চক্ষুবিশিষ্ট গলগণ্ড” ( Exophthalmic Goitre ) অর্থাৎ “এক্সফ্‌থ্যালমিক গয়টার” বলে ।

এক্সফ্‌থ্যালমিক গয়টারে রোগীর মুখাকৃতি কিরূপ হয়, নিম্নস্থ চিত্রে তাহা স্পষ্ট প্রতীয়মান হইবে ।

৯ম চিত্র—এক্সফ্‌থ্যালমিক গয়টার ।



পূর্ববর্তী কারণ ( Predisposing Causes ) ।—নিম্নলিখিত কয়েকটা কারণে এক্সফ্‌থ্যালমিক গয়টার পীড়ার উৎপত্তি হয় । যথা ;—

( ১ ) বংশগত রোগ—যে বংশে হিষ্টিরিয়া, যুগী, হাঁপানি, আধকপালে প্রভৃতি রোগ থাকে, সেই বংশেই এই রোগ বেশী দেখা যায়।

( ২ ) অত্যধিক চিন্তা, ভয় বা আতঙ্ক।—ইহার ফলেও এই পীড়া হইতে দেখা গিয়াছে।

( ৩ ) সংক্রামক রোগ।—এই সকল রোগীর অনেক সময় বাত, উদরাময়, টন্সিলের রোগ, গলকত (sore throat) প্রভৃতির ইতিহাস পাওয়া যায়। আমার একটা রোগীর দস্তমাড়ীতে পুঁষ (pyorrhoea) পড়িত।

লক্ষণ।—থাইরয়েড গ্রন্থির অন্তঃরসের আবাধিক্য জনিত এক্সফ্যালমিক গয়টার রোগে সাধারণতঃ নিম্নলিখিত লক্ষণসমূহ উপস্থিত হইতে দেখা যায়। যথা—

( ১ ) হৃদপিণ্ড ও রক্ত সংকালন সম্পর্কীয় লক্ষণাবলী।—

ক) বুক ধড়ফড় করা বা হৃদস্পন্দনাধিক্য (Palpitation)। থাইরয়েড-

অন্তঃরসের অতিশ্রাবের ফলে স্নায়ুর যে উত্তেজনা উপস্থিত হয়, তাহা আমরা পূর্বে দেখাইয়াছি। হৃৎপিণ্ডে এক প্রকার সহানুভূতিক স্নায়ু (Sympathetic nerve) আছে—যাহা উত্তেজিত হইলে হৃৎপিণ্ডের ক্রিয়া বৃদ্ধি হয়। থাইরয়েডের অতিশ্রাব রোগে এই উত্তেজক স্নায়ু (Accelerator) উত্তেজিত হয় এবং তাহার ফলে হৃৎপিণ্ড অতি দ্রুতবেগে চলে। এইজন্যই এই রোগে রোগীর বুকের ভিতর ধড়ফড় করে।

( খ ) নাড়ী—রোগীর নাড়ীর গতি অত্যন্ত দ্রুত হয়।

( ২ ) আয়তনিক গোলছোপ (Nervous disturbances) —রোগীর মুখ দেখিলে মনে হয়—যেন সে ভয় পাইয়াছে। রোগীর মুখ স্নান ও স্বভাব রুদ্ধ হইয়া যায়। হাত পা কাঁপে।

( ৩ ) শ্বাসকষ্ট।—পীড়ার প্রকোপ বেশী হইলে, রোগীর ঘন ঘন হাঁপ লাগে এবং যেন দম বন্ধ হইবার মত হয়। ইহা ফু. ফুসের স্নায়ুর উত্তেজনার ফল।

( ৪ ) পাকশয়ের গোলছোপ।—বমন ও উদরাময় হইতে পারে।

( ৫ ) বিস্ফারিত চক্ষুদ্বয়।—কেহ ভয় পাইলে যেমন ভাবে চাহিয়া থাকে, থাইরয়েড রসের অতিশ্রাবে রোগীর চাহনিও সেইরূপ হয়। মনে হয়—যেন চক্ষুগোলক দুটা ঠিকরাইয়া বাহির হইয়া আসিতেছে। এইজন্য এই রোগের নামই হইয়াছে—“এক্সফ্যালমিক গয়টার” (Exophthalmic Goitre)।

( ৬ ) দৈহিক উত্তাপ।—রোগীর দেহের তাপ বৃদ্ধিপ্রাপ্ত হয়।

( ৭ ) সাধারণ স্নায়ু।—অতিরিক্ত দহনের ফলে রোগীর দেহ ক্ষয় হইতে থাকে। • দেহের ওজন কমিয়া যায়।

(৮) থাইরয়েড গ্রন্থির আকার। এই রোগে থাইরয়েড গ্রন্থির আকার বর্ধিত হয়। থাইরয়েড গ্রন্থির আকার বর্ধিত হইলে, রোগীর গলদেশের আকৃতি, ক্রমপ হয়, নিম্নস্থ চিত্রে তাহা প্রদর্শিত হইল।

১০ম চিত্র—সাধারণ গয়টার (Goitre)

( ইহার বিষয় পরে বিস্তৃতরূপে কথিত হইবে )



রোগ নির্ণায়ক লক্ষণ সমূহ।—নিম্নলিখিত লক্ষণসমূহ দ্বারা থাইরয়েডের অতিশ্রাব নির্ণয় করা যাইতে পারে। এই রোগনির্ণায়ক লক্ষণগুলি ক নিম্নলিখিত কয়েক ভাগে বিভক্ত করিয়া বলা যাইতেছে। যথা ;—

(১) শ্রুত লক্ষণাবলী।—এইরোগে রোগীর নিকট হইতে নিম্নলিখিত লক্ষণ কয়েকটি শ্রুত হওয়া যায়।

- (ক) বুক ধড়্ ফড়্ করে।
- (খ) হাত পা কাঁপে।
- (গ) জ্বর হয়।

(২) দৃশ্যমান ও পরীক্ষণীয় লক্ষণাবলী।—বাহ্যিক দৃষ্টি এবং পরীক্ষা দ্বারা নিম্নলিখিত লক্ষণ সমূহ দেখা যায়।

- (ক) রোগীর মুখাকৃতি ভীতিবাজক অর্থাৎ ভয় পাইলে মুখের ভাব বেরূপ হয়, রোগীর মুখের ভাব সেইরূপ হইতে দেখা যায়।
- (খ) নাড়ীর গতি দ্রুত হয়।
- (ঘ) রোগীর গলার সম্মুখ ভাগ পরীক্ষা করিলে বৃদ্ধিতে পারা যায় যে, থাইরয়েড গ্রন্থি বড় হইয়াছে। ইহা খুব বেশী বড় হইলে, পরীক্ষা না করিয়াও, বাহির হইতে দেখিয়াও বুঝা যায়।

(৩) চক্ষু সম্বন্ধীয় বিশিষ্ট লক্ষণাবলী।—এই রোগে চক্ষু সম্বন্ধীয় নিম্নলিখিত কয়েকটি বিশেষ লক্ষণ দেখা যায়। যথা :—

(ক) বিস্ফারিত বহিমুখী চক্ষু।—রোগীর চক্ষুগোলক যেন বাহির হইয়া আসিতেছে, দেখা যায় (২ম চিত্র দ্রষ্টব্য)।

(খ) চক্ষুপল্লব ও অক্ষিগোলকের মধ্যে, অসহযোগ (Graefe's sign) আমরা উপরদিকে কোন জিনিষ দেখিতে দেখিতে যদি হঠাৎ নীচের দিকে চাহি; তাহা হইলে চক্ষুগোলক নিম্নাভিমুখী হয় এবং সঙ্গে সঙ্গে চক্ষুর উপর পাতার নিম্নপ্রান্ত (lower margin of upper eyelid) নীচের দিকে নাথিয়া আসে। থাইরয়েড অন্তঃরসের পক্ষিণ বাহাদের বেশী হয়, তাহাদের কিন্তু এরূপ হয় না। এরূপ অবস্থায় রোগী যখন নীচের দিকে চাহে, তখন তাহার চক্ষুগোলক নিম্নাভিমুখী হয় বটে, কিন্তু চোখের পাতা নামে না। চোখের পাতার মাংসপেশী শক্ত হইয়া যাওয়ায় এইরূপ হয়।

(গ) চক্ষু মিট মিটির অভাব (Stellwag's Sign—ষ্টেল্‌বাগ সাহেবের লক্ষণ)। সাধারণ লোকের চক্ষুর পাতা মধ্য মধ্যে আপনা আপনি বন্ধ (blinking) হয়। থাইরয়েড-রসের অভিশ্রাব হইলে, রোগী কিন্তু সেরূপ চোখ মিটমিট করে না।

(ঘ) উভয় চক্ষুর মধ্যে অসহযোগ (Mœbius's Sign—মিবিয়াস সাহেবের লক্ষণ) চোখের সম্মুখে—ঠিক মধ্যভাগে, যদি কোন জিনিষ রাখিয়া দেখা যায়; তাহা হইলে দুইটি চক্ষুগোলক অন্তর্মুখী হইয়া, একযোগে সেই জিনিষটিকে দেখে। এইরূপে দুইটি চক্ষু মিলিয়া মিশিয়া কার্য করে। কিন্তু যে রোগীর থাইরয়েড হইতে অভিশ্রাব হয়, তাহার দুই চক্ষু এরূপ মিলিয়া মিশিয়া কার্য করিতে পারে না। ইহা নিম্নলিখিত পরীক্ষা দ্বারা সহজেই ধরা যায়।

রোগীকে প্রথমতঃ একটা ঘরের দেওয়ালের দিকে চাহিতে বলিয়া, তাহার পর হঠাৎ তাহাকে তাহার নিজের নাসিকার অগ্রভাগের দিকে চাহিতে আদেশ করিবে। রোগী আদেশমত স্বীয় নাসাগ্রভাগের দিকে চাহিতে চেষ্টা করিবে। এই সময় তাহার চক্ষের তার দুইটির প্রতি লক্ষ্য করিলে দেখিতে পাওয়া যাইবে যে, রোগীর একটা চক্ষুর দৃষ্ট নাসাগ্রভাগের দিকে নিবদ্ধ রহিয়াছে বটে, কিন্তু অন্য চোখটা তখনো দেওয়ালের দিকে চাহিয় রহিয়াছে।

(ঙ) চক্ষুপল্লবের স্পন্দন (Abadie's sign—এবাডি সাহেবের লক্ষণ)—রোগীর চোখে পাতা নাচিতে থাকে।

উল্লিখিত রোগ-নির্ণায়ক লক্ষণগুলির প্রতি লক্ষ্য রাখিলে, সহজেই এই পীড়া নির্ণয় করা যাইতে পারে। আশ্চর্যের বিষয়—রোগনির্ণায়ক সুস্পষ্ট লক্ষণ সমূহ বিস্তারিত থাকার সত্ত্বেও, অনেক বিজ্ঞ বহুদর্শী চিকিৎসককেও রোগনির্ণয়ে ভ্রান্তপথে পরিচালিত হইতে দেখা যায়। নিম্নে একটা রোগীর বিবরণ উল্লিখিত হইল। পাঠকগণ দেখিবেন—ভ্রান্ত রোগনির্ণয়ের ফলে রোগীর জীবন কিরূপ বিপন্ন হইয়াছিল।



## চিকিৎসিত রোগীর বিবরণ ।

একটা ভদ্রমহিলা প্রসবের পর হইতে জ্বর ভুগিতেছিলেন ; প্রথমে “স্বতিকা জ্বর” বলিয়া চিকিৎসা হইয়াছিল। কিন্তু প্রসবের পর ৪।৫ মাস চলিয়া গেলেও, জ্বর আর কমিল না—প্রত্যহ সন্ধ্যাকালে সামান্য জ্বর হইত এবং সকালে ছাড়িয়া যাইত ।


রোগিণীর প্রসবের পর কোনদিন তলপেটে বেদনা হয় নাই, যোনি হইতে কোনরূপ স্রাব নিঃসরণও বর্তমান ছিল না এবং জরায়ুও যথাসময়ে পূর্নাবস্থা প্রাপ্ত হইয়াছিল। সুতরাং প্রসবাস্তিক সংক্রমণ বলিয়া সন্দেহ করিবার কারণ ছিল না।

কলিকাতার সকল শ্রেষ্ঠ চিকিৎসকই রোগিণীকে দেখিয়াছিলেন, কিন্তু কেহই সঠিকরূপে রোগনির্ণয় করিতে পারেন নাই। সকলেই পীড়া “যক্ষ্মা” বলিয়া আশুমানক সিদ্ধান্ত করিয়াছিলেন। রোগিণীর “যখন জ্বর হইতেছে এবং দেহও যখন খুব শীর্ণ হইয়াছে, তখন “যক্ষ্মা” হওয়াই সম্ভব, বিবেচিত হইয়াছিল”। কিন্তু ফুস্ফুস বা অণু কোথাও ক্ষয়রোগের কোন চিহ্ন কেহ পান নাই। আশ্চর্যের বিষয়—এরূপ অবস্থাতেও “যক্ষ্মা” রোগ বলিয়াই তাঁহারা স্থিরসিদ্ধান্ত করিয়াছিলেন। চিকিৎসকগণের অভিমত—“যক্ষ্মারোগের প্রথম অবস্থায় অনেক সময় ফুস্ফুসে কিছু বুঝা যায় না”। যাহা হউক, তারপর সর্বসম্মতিক্রমে রোগিণীকে সোডিয়াম মর্ফয়েট ইঞ্জেকসন করা হইতে লাগিল এবং ২।৩টা টিউবারকিউলিনও ইঞ্জেকসন দেওয়া হইয়াছিল। কিন্তু রোগিণীর অবস্থার কোন হিতপরিবর্তন হইল না। তখন তাহাকে ডাক্তারী মতে গঙ্গাযাত্রা অর্থাৎ বায়ু পরিবর্তনের জন্ত পুরীতে পাঠান হইল। সেখানে তিন মাস থাকিয়াও জ্বর কমিল না। সেখানে রোগিণীর বুকের ভিতর সর্বদা ধড়ফড় করিত। এই অবস্থায় তাহাকে আবার কলিকাতায় ফিরাইয়া আনা হইল এবং পূর্ন চিকিৎসকগণকে দেখান হইতে লাগিল। কিন্তু তখনও রোগ “যক্ষ্মা” বলিয়াই স্থির রহিল এবং আরো কিছু বেশী দিন বাহিরে রাখিতে সকলেই উপদেশ দিলেন।

রোগিণীর পিত্রালয়ে আমি চিকিৎসা করিতাম। সেই সূত্রে একদিন রোগিণীকে আমায় দেখান হইল। রোগিণীর মুখের ভাব প্রথমেই আমার দৃষ্টি আকর্ষণ করিল ; হঠাৎ ভয় পাইলে লোকের মুখ চোখ যেমন হয়, রোগিণীর মুখের ভাবও ঠিক তদ্রূপ দৃষ্ট হইল। দেখিলাম—রোগিণীর চক্ষুহুটী যেন বাহির হইয়া আসিতেছে। গলার সম্মুখভাগ যেন একটু উচ্চ বলিয়া মনে হওয়ায়, হস্ত দ্বারা অনুভব করিয়া বুঝিলাম—থাইরয়েড্ বেস বড় হইয়াছে। জিজ্ঞাসা করিয়া জানিলাম যে, রোগিণীর বুকের ভিতর প্রায়ই ধড়ফড় করে এবং হাত পা কাঁপে। নাড়ী পরীক্ষা করিয়া দেখিলাম—উহার গতি অত্যন্ত দ্রুত।

(ক্রমশঃ)






## ইরিসিপেলাস—Erysipelas,

লেখক—ডাঃ এ, কে, এম, আব্দুল ওয়াহেদ B. Sc. M. B.

হাউস সার্জন, প্রেসিডেন্সি জেনারেল হস্পিট্যাল ;

কলিকাতা ।



**সংজ্ঞা।** স্ট্রেপ্টোককাস পায়োজিনিস (Streptococcus Pyogenes) নামক জীবাণুর বিষক্রিয়া জনিত (toxæmia) প্রবল জ্বর ও সার্কালিক বিকার সহ দেহের স্থান বিশেষের চর্মের প্রদাহযুক্ত পীড়াকে “ইরিসিপেলাস” বলা হয়।

**কারণ—**বাংলাদেশে এই ব্যাধির প্রাচুর্য্য অসাধারণ নহে। অস্বাস্থ্যের জনিত হৃদক বা অথ কোন কারণে উৎপন্ন ক্ষত—এমন কি, চর্মের উপরিভাগে অতি সূক্ষ্ম স্তর উঠিয়া গেলে (ঘেস লাগিয়া ছিঁড়িয়া গেলে) উপরোল্লিখিত জীবাণু অতি সহজে তন্মধ্য দিয়া দেহমধ্যে প্রবেশ করিয়া, এই রোগের সৃষ্টি করিতে পারে। সাধারণ ইঞ্জেকসন স্থানের ক্ষত, শালাইন ইঞ্জেকসনের ক্ষত, টীকা দিবার ক্ষত, কাঁটা ফুটিয়া ক্ষত, মুখের একনি (ত্রণ—acne) গলিয়া ক্ষত ও ক্ষৌর ক্রিয়াকালীন ক্ষত অবলম্বন করিয়া ও এই জীবাণু দেহে প্রবেশ করে। স্ত্রীলোকদিগের প্রসবের পর, প্রসবপথের ক্ষত স্থানের ভিতর দিয়া এই জীবাণু শরীরে প্রবেশলাভ করিতে পারে। •

দেহের সুস্থাবস্থার ব্যতিক্রম ঘটিলে, কিম্বা বহুমূত্র, ক্ষয়কাশ প্রভৃতি দেহ-ক্ষয়কারী কোন ব্যাধি দেহে বর্তমান থাকিলে, অধিক সুরা সেবনের অভ্যাস থাকিলে, অস্বাস্থ্যকর বন্ধ বাতাসে বসবাস করিলে, এই জীবাণু দেহে প্রবিষ্ট হইবার পর, সহজে উহার বর্ধিত হইয়া সত্ত্বর রোগ সৃষ্টি করিতে পারে।

**লক্ষণাবলী।—**উক্ত উৎপাদক জীবাণু দেহে প্রবিষ্ট হইবার দুই হইতে পাঁচ দিনের মধ্যে এই পীড়ার লক্ষণ বা চিহ্নসমূহ প্রকাশ পাইতে পারে। এই রোগের আক্রমণ হঠাৎ আরম্ভ হয়। অনেক সময় এই জীবাণু একরূপ সূক্ষ্ম পথ অবলম্বন করিয়া দেহে আবির্ভূত হয় যে, রোগী ঐ ক্ষতপথের বিষয়ে কিছুই জানিতে পারে না। হঠাৎ কম্প দিয়া প্রবল জ্বর আসে এবং দেহের উত্তাপ ১০২—১০৪ ডিগ্রি পর্য্যন্ত উঠে। রোগ একটু শঙ্ক হইলে, অনেক স্থলে সর্কালে বেদনা অনুভূত

এবং মাথায় প্রবল যন্ত্রণা বোধ হয়। রোগী ভুল বক্রিতেও পারে। অতিশয় মাথায় যন্ত্রণা, অধিক জ্বর ও অত্যন্ত ভুল বক্রা, এই কয়টা লক্ষণের একত্র সমাবেশ এবং তখনও পর্যাপ্ত চর্মে প্রদাহের কোন লক্ষণ উপস্থিত না হইলে, রোগীকে মেনিজাইটিস বা মল্লিকাভরক ঝিল্লীর প্রদাহ হইয়াছে, ঐরূপ ভুল ধারণা করা অসম্ভব নহে।

সাধারণতঃ রোগ আরম্ভ হইবার পরদিনই চর্মের প্রদাহ দেখা দেয়। রোগজীবাণুর প্রবেশ পথের অর্থাৎ ক্ষত স্থানের সন্নিকটস্থ চর্ম উত্তপ্ত, উহাতে রস সঞ্চারের নিমিত্ত উহা ক্ষীত ও রক্ত সঞ্চয় জনিত লোহিত বর্ণ ধারণ করে। উক্ত ক্ষীত ও লোহিত বর্ণ প্রদাহযুক্ত ক্ষেত্রের একটা নির্দিষ্ট প্রান্তভাগ বা কিনারা (margin) থাকে। গৌরবর্ণ ব্যক্তির দেহে, এই লোহিতবর্ণ ক্ষেত্র সহজেই দৃষ্টি গোচর হয়; কৃষ্ণ বা শ্যামবর্ণ ব্যক্তির দেহে প্রদাহিত স্থান তাম্রবর্ণ ধারণ করে। অনেক স্থলে প্রদাহযুক্ত চর্মের প্রান্ত রেখা সহজে নির্দেশ করা যায় না। প্রদাহিত স্থানের উপর হইতে—সুস্থ চর্মের দিকে হাত বুলাইয়া গেলে, প্রদাহস্থলের কর্কশ ক্ষীতি এবং সুস্থ চর্মের কেমল মসৃণতা, সহজেই উপলব্ধি করা যায়। তবুও অনেক স্থলে দৃষ্টি ও স্পর্শ দ্বারা প্রদাহিত স্থানের প্রান্ত ও সুস্থ চর্মের আরম্ভ, সহজে ঠিক করা যায় না। এই প্রদাহ অতি দ্রুত গতিতে সুস্থ চর্মকে আক্রমণ করিয়া অগ্রসর হইতে থাকে। প্রদাহস্থলের প্রান্তভাগে অতি ক্ষুদ্র ক্ষুদ্র রসযুক্ত দানা (vesicles) দেখা যায়। চর্মের প্রদাহ, যখন পূর্ণভাবে প্রকাশ পায়, তখন এই দানাগুলি বর্ধিতায়তন হইয়া ফোকার (blebs) আকার ধারণ করে। দেহের স্থানভেদে প্রদাহজনিত ক্ষীতি অত্যন্ত বৃদ্ধি পায়। মুখমণ্ডল, চক্ষুর পাতা, ঔষ্ঠ, অণ্ডকোষ প্রভৃতি স্থান আক্রান্ত হইলে অত্যন্ত ফুলিয়া উঠে। হস্ত বা পদ আক্রান্ত হইলে, প্রদাহিত স্থান হইতে লিম্ফ-রসবাহী নালী সমূহ (Lymph channels) প্রদাহযুক্ত হইয়া, বগল বা কুঁচকী পর্যাপ্ত স্থল লোহিত বর্ণ রেখার দ্বারা প্রকাশ পায়। বগল বা কুঁচকীর লিম্ফ গ্রন্থিগুলি (Lymph glands) বড় এবং বেদনায়ুক্ত হইয়া উঠে। রোগী যদি বাঁচিয়া উঠে, তবে তাহার আরোগ্য লাভ করিতে এক হইতে তিন সপ্তাহকাল সময় লাগে।

**উপসর্গ সমূহ (Complications)**—রোগের আক্রমণ সাংঘাতিক হইলে অর্থাৎ রোগ জীবাণুর তেজ (virulence of the microbes) অত্যধিক হইলে, ইহারা সহজে রক্তের শ্রোতে সঞ্চারিত হইয়া হৃৎপিণ্ডকে আক্রমণ করিয়া, উহান আভ্যন্তরিক ঝিল্লীর প্রদাহ (Endocarditis) সংঘটিত করিতে পারে।

এই পীড়ায় বৃদ্ধ ব্যক্তির বা মণ্ডপায়ীর নিউমোনিয়া হইবার সম্ভাবনা থাকে। জ্বর অবস্থায় মূত্রে এলবুমিন দেখা যায়; কোন কোন স্থলে কিডনীর প্রদাহ (Nephritis) হইতে পারে। মুখমণ্ডল হইতে চক্ষুর কোটর (Orbit) ও চক্ষুতে (Eyeball) প্রদাহ ব্যাপ্ত হইতে পারে এবং ক্রমে মল্লিকাভরক ঝিল্লী আক্রান্ত হয়।

মুখের অভ্যন্তরস্থ ঝিল্লীর ইরিসিপেলাস হইলে স্বরধ্বজে (Larynx) রস সঞ্চারণ হইতে পারে ।

**রোগ নির্ণয়**—চর্মের প্রদাহ প্রকাশ পাইবার পূর্বে অর্থাৎ সাধারণতঃ রোগের প্রথম দিন রোগ নির্দেশ করা কঠিন হয় । চর্মের প্রদাহ প্রকাশ পাইলে, প্রদাহিত স্থানের প্রান্তদেশে অবস্থিত রসযুক্ত দানার রস লইয়া অনুবীক্ষণ যন্ত্র সাহায্যে পরীক্ষা করা আবশ্যিক । পরীক্ষার্থে রস কালচার (Culture) করা বা রোগ জীবাণুকে কৃত্রিক উপায়ে জন্মাইবার চেষ্টা করা কর্তব্য । এইরূপ পরীক্ষার ফলে যদি ছেপ্টোককাস পাইয়োজিনিস (ইহা রোগ উৎপাদক জীবাণু বলিয়া সাব্যস্ত হইলে) পাওয়া যায়, তাহা হইলে রোগনির্ণয় সম্বন্ধে নিশ্চিত হওয়া যায় ।

**ভাবীফলে**—অতি ক্ষুদ্র শিশু এবং বৃদ্ধদিগের মৃত্যুমুখে পতিত হওয়া সম্ভব মণ্ডপায়ী বা কোন ক্ষয়রোগগ্রস্ত ব্যক্তির এই রোগে আক্রান্ত হইলে রোগ সাংঘাতিক হইবার সম্ভাবনা । নিউমোনিয়া ও কিডনীর প্রদাহ ও রক্তবিষাক্ততা (Septicæmia) হইলেও, রোগ শক্ত মনে করিতে হইবে । হৃৎপিণ্ডের আত্যন্তিক প্রদাহ ও মস্তিষ্কবরক ঝিল্লীর প্রদাহ হইলে, রোগীর বাঁচিবার সম্ভাবনা খুব কম হয় ।

**চিকিৎসা**—এই পীড়ার চিকিৎসা নিম্নলিখিত কয়েক ভাগে বিভক্ত করা যায় । যথা;—

- ( ১ ) প্রতিষেধক চিকিৎসা ( Prophylactic Treatment )
- ( ২ ) স্থানিক চিকিৎসা ( Local Treatment )
- ( ৩ ) আত্যন্তিক চিকিৎসা ( Internal Treatment )
- ( ৪ ) ইন্জেকসন চিকিৎসা ( Injection Treatment )
- ( ৫ ) বিশেষ চিকিৎসা ( Specific Treatment )

যথাক্রমে উল্লিখিত বিভিন্ন প্রকার চিকিৎসা-প্রণালীর বিষয় কথিত হইতেছে ।

( ১ ) **প্রতিষেধক চিকিৎসা**—সামান্য ক্ষত হইতেও, এই পীড়ার উৎপাদক জীবাণু দেহে প্রবিষ্ট হইয়া পীড়ার উৎপত্তি করিতে পারে । এই কারণে, এই পীড়ার প্রতিরোধকল্পে অতি সামান্য ক্ষতকেও তাজ্জিলা করা উচিত নহে । যে কোন ক্ষত চিকিৎসা, ইন্জেকসনকালীন এবং অস্ত্রোপচারে যথোচিত জীবাণুনাশক প্রক্রিয়া অবলম্বন সহকারে—বিগুহতা এবং পরিচ্ছন্নতার সহিত সম্পন্ন করা কর্তব্য ।

রোগীকে পৃথক করিয়া, বৃহৎ ও বিগুহ বায়ুপূর্ণ গৃহে রাখা উচিত । রোগীর শুক্রযাকারীগণ ও চিকিৎসক রোগীকে স্পর্শ করিবার পর, বিশেষ সাবধানতা সহকারে জীবাণুনাশক লোশন দ্বারা হস্ত শোধিত করিয়া লইবেন ।

( ২ ) **স্থানিক চিকিৎসা**—স্থানিক চিকিৎসার্থে বহুবিধ ঔষধ অনুমোদিত

হইলেও, নিম্নলিখিত ঔষধ কয়েকটাই সাধারণতঃ বিশেষ উপযোগিতার সহিত ব্যবহৃত হয় । যথা ;—

(ক) ইকথিওল ।—প্রদাহস্থলে ইহা নিম্নলিখিতরূপে প্রয়োগ করা যায়, ইকথিওল তুলিতে লইয়া প্রদাহ স্থলে লাগাইয়া দেওয়া ; ইকথিওল মলম ( ইকথিওল ২৫ ভাগ ; ভেসেলিন ৭৫ ভাগ ) প্রলেপ দেওয়া ;

এতদর্থে—

Re.

ইকথিওল	...	১ ড্রাম ।
এক্সট্রাক্ট বেলেডোনা সিকাম	...	১/২ ড্রাম ।
গ্লিসিরিন	...	১ আউন্স ।

একত্র মিশ্রিত করিয়া প্রদাহস্থলে প্রয়োগ ।

অনেকে ইকথিওলকে মহোপকারী ঔষধ বলিয়া মনে করেন। ইহা ব্যবহারের সুযোগ পাইলে এই কথা অনেকটা সত্য বলিয়া মনে হয়। প্রদাহস্থলে যত্ননা অধিক হইলে, গ্লিসিরিন, ইকথিওল এবং বেলেডোনা একত্র মিশ্রিত করিয়া প্রয়োগ করিলে অধিক উপকার হয় ; এই ঔষধ লাগাইয়া তত্পরি উষ্ণ কম্প্রেস দিলে অধিকতর সুফল পাওয়া যায়। ইকথিওল ব্যবহারের একটা অসুবিধা এই যে, ইহা প্রয়োগের পর, প্রদাহস্থলের অবস্থার পরিবর্তন সহজে দৃষ্টিগোচর হয় না।

(খ) আইয়োডিন ।—প্রদাহস্থলের প্রান্তদেশে টিংচার আইয়োডিন লাগাইয়া দেওয়ার প্রথা বহুদিন হইতে প্রচলিত আছে ; অনেকে বলেন—ইহা দ্বারা বিশেষ সুফল পাওয়া যায়। প্রদাহস্থলের সীমারেখার এক ইঞ্চি দূরে—সুস্থ চর্মের উপর টিংচার আইয়োডিনের প্রলেপ লাগান কর্তব্য। এই প্রকারে টিংচার আইয়োডিন প্রয়োগের উদ্দেশ্যে এই যে, ইহা দ্বারা প্রদাহের অগ্রগতি রুদ্ধ হয়।

(গ) হাইড্রার্জ পারক্লোর ।—৪০০০ ভাগে এক ভাগ হাইড্রার্জ পারক্লোর লোসনে এক খণ্ড বস্ত্র বা লিট ভিজাইয়া, তদ্বারা প্রদাহিত স্থান আবৃত করিয়া রাখিলে বিশেষ উপকার পাওয়া যায়। এই লোসন দ্বারা সর্বদা উষ্ণ বস্ত্র বা লিট আর্জ রাখা কর্তব্য।

(ঘ) টিং ফেরি পারক্লোর । কেহ কেহ বলেন—প্রদাহিত স্থানে টিং ফেরি পারক্লোর প্রয়োগ করিলে উপকার পাওয়া যায়।

(ঙ) ম্যাগঃ সালফঃ । ম্যাগঃ সালফের গাঢ় দ্রব ( স্ট্রাচুরেটেড সলিউশন ) প্রদাহিত স্থানে প্রয়োগ করিলে সত্বর সবিশেষ উপকার পাওয়া যায়।

খানিকটা জলে এরূপ পরিমাণে ম্যাগঃ সালফ দিতে হইবে যে, ঐ জলে যতটা ম্যাগঃ সালফ দ্রবীভূত হওয়া সম্ভব, তাহা গুলিয়া যাওয়ার পরেও যেন উহার খানিকটা, জলের নীচে পড়িয়া থাকে ; এইরূপ দ্রবকে ম্যাগঃ সালফের স্ট্রাচুরেটেড সলিউশন বলে।

( চ ) আইয়োডেক্স (Iodex)। ইহা এক প্রকার পেটেন্ট মলম। প্রদাহস্থলে ইহা প্রয়োগ করিলে বিশেষ সফল পাওয়া যায়। উক্ত মলমে কোলয়ডাল (colloidal) বা অতি সূক্ষ্ম কণার আকারে আইয়োডিন বর্তমান থাকে। সাধারণ আইয়োডিন অপেক্ষা উহা সহজে দেহের মধ্যে প্রবেশ করিতে পারে। উহার রোগ-জীবাণুনাশক শক্তিও আইয়োডিন অপেক্ষা অধিক। আইয়োডেক্স দিনে পাঁচ ছয় বার করিয়া প্রয়োগ করা কর্তব্য।

( ৩ ) আভ্যন্তরিক চিকিৎসা।—এই পীড়ায় রোগীর হজম শক্তির দিকে লক্ষ্য রাখিয়া, রোগীকে তাঁহার পূর্ণপথ্য দেওয়া যাইতে পারে। আমাদের দেশে রোগীমাত্রকেই উপবাস করিবার ব্যবস্থা দেওয়া হইয়া থাকে। কিন্তু এই ব্যাধিতে যদি রোগীর হজম করিবার সামর্থ্য অবিকৃত থাকে, তবে তাঁহাকে অন্ন, মৎস্য, মাংস, দুগ্ধ, ডিম, যত দিতে কোন আপত্তি নাই।

প্রথমে রোগীর কোষ্ঠ পরিস্কারার্থ ক্যালমেল বা ম্যাগঃ সালফ কিম্বা ক্যাষ্টর অয়েল প্রয়োগ করা কর্তব্য।

রোগীকে প্রচুর পরিমাণে পানীয় ব্যবস্থা করা কর্তব্য। এতদর্থে জল, ডাবের জল, মুকোজ সলিউশন, পাতলা বালির জল দেওয়া যাইতে পারে। রোগ কঠিন হইলে এবং হৃৎপিণ্ডের অবস্থা খারাপ হইবার সম্ভাবনা থাকিলে, জল বা দুধের সহিত দৈনিক এক আউন্স পর্যন্ত ব্রাণ্ডি সেবন করান কর্তব্য।

অরের নিমিত্ত জরনাশক ঔষধ, যথা—ফিনাসেটিন, এন্টিপাইরীন ইত্যাদি ব্যবহার করা উচিত নহে। দেহের উত্তাপ বৃদ্ধি হইলে সর্কাস স্পঞ্জ করা কর্তব্য। সাধারণতঃ নিম্নলিখিত ঔষধটী এই অবস্থায় রোগীকে সেবন করাইলে উপকার হয়।

Re.

কুইনাইন হাইড্রোক্লোর	...	৪ গ্রেণ।
টিংচার ফেরি পারক্লোর	...	২০ মিনিম।
এসিড হাইড্রোক্লোর ডিল	• ...	৭ মিনিম।
জল	...	১ আউন্স।

একত্র মিশ্রিত করিয়া ১ মাত্রা। প্রত্যহ চারি মাত্রা সেব্য।

( ৪ ) ইঞ্জেক্সন চিকিৎসা।—রোগ-জীবাণুনাশক ও প্রদাহনিবারকরূপে এই পীড়ায় ইলেক্টারগল প্রতিদিন ১০ সি, সি, মাত্রায় শিরাপথে প্রয়োগ কিম্বা কোলয়ডাল ম্যাগন্যানিজ ১ সি, সি, মাত্রায় একদিন অন্তর মাংসপেশীর মধ্যে ইঞ্জেক্সন দিলে উপকার পাওয়া যায়।

( ৫ ) বিশিষ্ট চিকিৎসা ( specific treatment )। পীড়ার আরম্ভেই রোগের অবস্থা অনুসারে এন্টিট্রোপটোককাস পলিভ্যালেন্ট সিরাম ২০ হইতে ১০০ সি, সি, বা তদ্রূপ



মাত্রায় ইঞ্জেকসন দেওয়া কর্তব্য। যদি ক্ষতস্থলে ট্রেপ্টোকক্কাস পাইয়োজিনিস জীবাণু বর্তমান আছে বলিয়া প্রমাণ পাওয়া যায়, তাহা হইলে এন্টিট্রেপ্টোকক্কাস পাইয়োজিনিস সিরাম ইঞ্জেকসন দিতে হইবে। প্রস্তুতিগণকে এন্টিট্রেপ্টোকক্কাস পিউরপেরালিস সিরাম ইঞ্জেকসন দেওয়া উচিত। ইহা আবশ্যিক যত পুনরায় ইঞ্জেকসন দিতে পারা যায়। যে জীবাণু হইতে রোগের সৃষ্টি হইয়াছে, ঠিক সেই জীবাণু সাহায্যে প্রস্তুত এন্টিটক্সিক সিরাম ইঞ্জেকসন করিলে অতি সত্ত্বর বিশেষ সুফল পাওয়া যায়; ইহাতে রোগের অগ্রগতি রুদ্ধ, শ্রদ্ধাহ হ্রাস, জীবাণুর বিষক্রিয়া নিবারিত এবং রোগীর অবস্থা উন্নতির দিকে অগ্রসর হয়।

সিরাম ব্যবহারের ফলে স্থলে কোন কোন স্থলে, (serum sickness), গ্রন্থিতে বেদনা (Arthralgia), আমবাত (Serum rash) প্রভৃতি দেখা যায়। ইহাতে চিন্তিত হইবার কোন কারণ নাই। ক্যালসিয়াম ল্যাক্টেট ১০ গ্রেণ মাত্রায় দিবসে তিনবার সেবন করিতে দিলেই এই সকল উপসর্গ দূরীভূত হইয়া থাকে। সিরাম ব্যবহারে কখন কখনও “এনাফাইল্যাক্সিস” নামক মারাত্মক অবস্থার সৃষ্টি হয়; ঐরূপ স্থলে কি করা কর্তব্য, সিরাম প্রয়োগের পূর্বেই ইহা সকলেরই জানিয়া রাখা কর্তব্য। ঐ বিষয় আগামী বারে আলোচিত হইবে।

## উপদংশ পীড়ার আধুনিক চিকিৎসা।

### Modern Treatment of Syphilis.

লেখক—ডাঃ শ্রীনিবাসকুমার দাশ M. B., M. C. P. & S. (C. P. S.)

M. R. I. P. H. (Eng.)

[ পূর্বপ্রকাশিত ১১শ সংখ্যার (ফাল্গুন) ৪৮১ পৃষ্ঠার পর হইতে ]

১০:

মুত্রদ্বারে এবং মলদ্বারের ক্যানসার বা ক্ষত। মলদ্বারের ক্ষতে, ক্ষতস্থান করোসিভ সাল্‌লিমেট সলিউসন দ্বারা (১ : ৫০০০) উত্তমরূপে ধৌত করতঃ, ৫ গ্রেণ আইডোফর্মের সপোজিটারি সরলান্ধে প্রবেশ করাইয়া দিবে। মুহূর্তনলীমধ্যে ফাঁপ ত্রিভুজাকাররূপে “গ্রে প্লাষ্টার” প্রবেশ করাইয়া দিলেও উপকার পাওয়া যায়।

যদি মুখগহ্বরে ক্ষত প্রকাশ পায়, তাহা হইলে করোসিভ সাল্‌লিমেটের ঐথিরিয়াল সলিউসন অথবা উহার জলীয় সলিউসন (১ : ৬০০০) কুল্লরূপে (গর্গরারূপে) ব্যবহার করা কর্তব্য।

‘খাদ্য ক্ষত অবস্থায় কখন কখনও ‘ভিনিরিয়াল প্যাপিলোমা’ উৎপন্ন হইতে দেখা



যায় । ইহাতে শীতল জল অথবা লাইকর ফেরি সেস্কুই ক্লোরাইড এলকোহলিস প্রয়োগ  
কিছা উহা ফ্রেপ করিয়া দিবে । কাঠের সরু কাঠি দ্বারা অথবা তুলা দ্বারা ১% সলিউসন  
অবু আসেনিক এলকোহলিস্ অথবা রেসরসিন কিছা ল্যাক্টিক এসিড লাগাইয়া  
দিলেও উপকার হয় । প্যাপিলোমা যদি বড় হয়, তাহা হইলে উহা সার্জিক্যাল কাঁচি বা  
ছুরি দ্বারা অস্ত্র করিয়া তুলিয়া ফেলিবে । নিম্নলিখিত ঔষধগুলি প্যাপিলোমায় বিশেষ  
ফলপ্রদরূপে ব্যবহৃত হয় ।

১। Re.

ফেরি সেস্কুই ক্লোরাইড ( ফেরি পারক্লোরাইড ) ২½ ড্রাম ।

স্পিরিট ভাইনাম গ্যালিসাই ... ২½ ড্রাম ।

একত্রে মিশ্রিত করতঃ আক্রান্ত স্থানে প্রয়োজ্য ।

২। **প্লাস্মাম কষ্টিকাম্**—ইহা নিম্নলিখিতরূপে প্রয়োজ্য ।

Re.

লাইকার পটঃ কষ্টিক ( ৩০% ) ... ২ ড্রাম ।

লিথার্জিরাই ... ৪ গ্রেণ ।

একত্রে মিশ্রিত করতঃ, বড় প্যাপিলোমায় সাবধানের সহিত লাগাইবে ।

৩। **এস্‌মার্কস্ পাউডার** :—নিম্নলিখিত মিশ্রকে “এস্‌মার্কস্ পাউডার”  
বলে ।

Re.

এসিড আসেনিয়াস ... ৪ গ্রেণ ।

মফাইন মিউরেট ... ৪ গ্রেণ ।

ক্যালোমেল ... ১/২ ড্রাম ।

পাল্ভ গাম্ এরোবিক ... ৩ ড্রাম ।

একত্রে মিশ্রিত করিয়া আক্রান্ত স্থানে উহা প্রক্ষেপ করিলে বিশেষ উপকার হয় ।

৪। **রেসসিন** ।—ইহা নিম্নলিখিতরূপে প্রয়োগ করা যায় ।

Re.

রেসসিন ... ২ ড্রাম ।

শুক্যারাম্ অ্যাল্বাম্ ... ১৫ গ্রেণ ।

একত্রে মিশ্রিত করিয়া আক্রান্ত স্থানে প্রয়োজ্য । অথবা—

Re.

রেসসিন ... ১/২ ড্রাম ।

একোয়া ... ৩ ড্রাম ।

একত্রে মিশ্রিত করতঃ লোসন প্রস্তুত করিয়া, আক্রান্ত স্থানে প্রয়োজ্য ।

### উপদংশের আভ্যন্তরিক চিকিৎসা।

উপদংশ পীড়ার আভ্যন্তরিক চিকিৎসার্থ নানা শ্রেণীর ঔষধ অনুমোদিত হইয়াছে। ইহাদের মধ্যে 'মার্কারি' অর্থাৎ 'পারদ' প্রয়োগই সর্বাধিক অধিকতর ফলপ্রসূ। এতদসম্বন্ধে অনেক জ্ঞানিবার বিষয় আছে। এই সকল বিষয় বলিবার পূর্বে, পারদ চিকিৎসা সম্বন্ধে কতিপয় সাধারণ অবশ্য জ্ঞাতব্য বিষয় উল্লেখ করা যাইতেছে। উপদংশ পীড়ার বিশেষজ্ঞ চিকিৎসকগণের বহুদর্শিতালব্ধ অভিজ্ঞতা ও গবেষণাপূর্ণ প্রবন্ধ সমূহ হইতে এই সকল অভিমত সংগৃহীত হইয়া এস্থলে উদ্ধৃত হইল।

অধিকাংশ চিকিৎসকেরই অভিমত এই যে;—

(১) কালাজরের জীবাণু ধ্বংস করিতে এন্টিবিনি যেরূপ অব্যর্থ, উপদংশ জীবাণু ধ্বংস করিতে মার্কারিও (পারদ) তদ্রূপ অব্যর্থ।

(খ) উপদংশ পীড়ার চিকিৎসায় মার্কারির প্রয়োগরূপ সমূহ বিশেষ উপকারী। কারণ, এতদ্ব্যতীত পারদ থাকে।

(গ) নির্দিষ্ট মাত্রায় পারদ প্রয়োগ করিলে, উপদংশ পীড়া আরোগ্য করিতে ইহা অধিতীয় বলিলেও, অত্যাঙ্গি হয় না। কিন্তু স্মরণ রাখা কর্তব্য—নির্দিষ্ট মাত্রা অতিক্রম করিলে ইহা অতীব বিপজ্জনক হইয়া থাকে। কারণ, অধিক মাত্রায় এতদ্বারা শৈল্পিক বিস্তার উপর ক্ষত উৎপন্ন হইতে পারে। দৈহিক যন্ত্রসমূহের উপর মার্কারির যতটুকু ক্ষতি প্রকাশ হওয়া আবশ্যিক, ঠিক ততটুকু মাত্রাতেই ইহা প্রয়োজ্য।

(ঘ) অধিক মাত্রায় মার্কারী দ্বারা চিকিৎসা করাও যেরূপ অনিষ্টকারী, অল্প মাত্রায় মার্কারী দ্বারা চিকিৎসা করাও সেইরূপ অপকারী। ঠিক উপযুক্ত মাত্রায় মার্কারী প্রযুক্ত হওয়া এবং মার্কারী দ্বারা দীর্ঘকাল ধরিয়া সবিরাম চিকিৎসা করা প্রয়োজন। মার্কারী চিকিৎসা কিছুকাল করিবার পর কিছুদিন বন্ধ রাখিয়া—আবার কিছুদিন পরে চিকিৎসারম্ভ করা কর্তব্য। এইরূপে দীর্ঘকাল ধরিয়া চিকিৎসা না করিলে, আশাহীন ফল পাইবার আশা করা যায় না।

(ঙ) মার্কারী চিকিৎসায় রোগী একবার আরোগ্য লাভ করিলে, ভবিষ্যতে আর তাহার কোনও উপদংশজ উপসর্গ প্রকাশ পাইতে দেখা যায় না এবং এই পীড়ার বিষ আর সম্ভান সম্ভতিদের মধ্যেও বর্তায় না। মার্কারী চিকিৎসায় রোগীর আরোগ্য হইতে কিছু দীর্ঘ সময় লাগে সত্য; কিন্তু ইহাতে আরোগ্য হইলে রোগীর আর পুনরাক্রমের কোনও আশঙ্কা থাকে না—প্রকৃতই সে সম্পূর্ণরূপে আরোগ্য লাভ করে।

(চ) প্রত্যেক রোগীকেই বিশেষভাবে পরীক্ষা করতঃ, সঠিকভাবে রোগ নির্ণয় করা কর্তব্য। এ সম্বন্ধে বিশেষ কোনও বাধা ধরা নিয়ম নাই। ইহা চিকিৎসকের বিচক্ষণতা, অভিজ্ঞতা ইত্যাদির উপর নির্ভর করিয়া থাকে।

(ছ) মার্কারীর একই প্রয়োগরূপ যে, সকল রোগীতেই সমান ফলপ্রসূ হয়, তাহা নহে; একটা প্রয়োগরূপ কতকগুলি রোগীতে বেশ সফলদায়ক হয়, আবার সেই

প্রয়োগরূপই অল্প রোগীতে আঁদৌ, ফলপ্রদ হয় না। এরূপ স্থলে আবশ্যিক অমুখ্যায়ী প্রয়োগরূপ পরিবর্তন করিয়া লওয়া কর্তব্য। ঔষধ প্রয়োগ সম্বন্ধেও এইরূপ ফলের তারতম্য দেখা যায়—ইহাও অবস্থা বিশেষে পরিবর্তন করিয়া লওয়া কর্তব্য।

( জ ) প্রত্যেক সপ্তাহের ১টা নির্দিষ্ট দিনে রোগীর দৈহিক ওজন গ্রহণ করা কর্তব্য। সম্ভব হইলে একই যন্ত্রে ওজন লওয়া উচিত। অর্থাৎ, প্রথম যে যন্ত্রের সাহায্যে ওজন লওয়া হইয়াছে—পরবর্তী সময়েও ঠিক ঐ যন্ত্রের সাহায্যেই ওজন লইতে পারিলে, সর্বাপেক্ষা ভাল হয়। সপ্তাহে ১ বার করিয়া নিয়মিতভাবে ওজন লইয়া একখানি খাতায় তারিখ দিয়া এই ওজন লিখিয়া রাখিবে। ইহাতে রোগীর উন্নতি বা অবনতি সহজেই বুঝিতে পারা যায়। যদি দেখা যায় যে, রোগীর ওজন ক্রমশঃ হ্রাস পাইতেছে—তাহা হইলে খুব সাবধানতার সহিত মার্কারী প্রয়োগ করিতে হইবে।

**কোন সময়ে পারদ চিকিৎসা আরম্ভ করা কর্তব্য?—**  
মার্কারী—উপদংশের অব্যর্থ ঔষধ বলিয়া স্বীকৃত হইলেও, এক্ষণে প্রশ্ন হইতে পারে যে—  
কখন হইতে মার্কারী চিকিৎসা আরম্ভ করা যাইতে পারে? এসম্বন্ধে ভিন্ন ভিন্ন গ্রন্থাকারের বিভিন্ন মত দেখিতে পাওয়া যায়।

জার্মান চিকিৎসকগণ এবং অনেক সিভিল ও মিলিটারী সার্জেন বলেন যে, “উপদংশ পীড়ার নির্দিষ্ট লক্ষণাবলী প্রকাশ না পাওয়া পর্যন্ত অর্থাৎ বতদিন না, এমন কোন লক্ষণ প্রকাশ পায়—যাহাতে রোগীকে নিঃসন্দেহে উপদংশাক্রান্ত বলিয়া নির্ণয় করা যায়, ততদিন পর্যন্ত মার্কারী দ্বারা চিকিৎসা করা কর্তব্য নহে—রোগনির্ণায়ক লক্ষণের উপস্থিতির জন্য অপেক্ষা করা নিতান্ত আবশ্যিক। যখনই রোগীকে নিঃসন্দেহে উপদংশাক্রান্ত বলিয়া বুঝা যাইবে, তখনই নিশ্চিত মনে মার্কারী প্রয়োগ করিতে পারা যায়। ইহার পূর্বে মার্কারী প্রয়োগ নিষিদ্ধ। চিকিৎসক যদি উপদংশ সম্বন্ধে স্থিরনিশ্চয় হন, তাহা হইলেই মার্কারী ব্যবস্থা করিবেন—নতুবা উপদংশের নিশ্চয়তা জ্ঞাপক লক্ষণাবলীর জন্য অপেক্ষা করিতে হইবে। এই অপেক্ষাকালীন—রোগীর যাহাতে সাধারণ স্বাস্থ্যের উন্নতি হয়, তদ্ব্যতীত উপযুক্ত খাদ্যাদির ব্যবস্থা করিবেন এবং রোগীর যাহাতে দস্ত ও মুখগহ্বর—অতি পরিষ্কার পরিচ্ছন্ন থাকে, তৎপ্রতি লক্ষ্য রাখিবেন”।

**মার্কারী প্রয়োগ সম্বন্ধে রোগ-নির্ণায়ক লক্ষণাবলীর প্রয়োজনীয়তা।—**ইহার প্রয়োজনীয়তা এই যে—


( ১ ) মার্কারী প্রয়োগ করিলেই, ইহা দ্বারা পীড়ার দ্বিতীয় অবস্থার ( সেকেন্ডারী ) লক্ষণাবলী উপস্থিত হওয়া স্থগিত হয় বা প্রকাশ পাইলেও, উহারা বিলম্বে প্রকাশ পাইয়া থাকে। এরূপস্থলে চিকিৎসককে রোগ নির্ণয় করিতে বিষম সমস্যায় পড়িতে হয় এবং রোগীর আত্মকৃত সম্বন্ধেও সন্দেহযুক্ত হইতে হয়।

( ২ ) ইহাতে নিয়মামুখ্যায়ী পারদ চিকিৎসা না হওয়ার, রোগী ও চিকিৎসক উভয়কেই

রোগ সম্বন্ধে সন্দিহান হইতে হয় । ইহার ফলে, চিকিৎসক রোগীর রোগ বর্ণনায় এবং রোগী চিকিৎসকের চিকিৎসায় আস্থা স্থাপন করিতে পারেন না ।

(৩) পীড়া যদি সত্য সত্যই উপদংশ রোগ হয় এবং রোগ নির্ণয় করা অসুখ্য ও বিনা চিকিৎসায় রোগীকে রাখা হয়—তাহা হইলে ভবিষ্যতে সাংঘাতিক লক্ষণ সমূহ প্রকাশ পাইতে পারে—যাহার চিকিৎসার সময় তখন আর থাকে না ।

যদি উপদংশের প্রথম অবস্থায় জননেত্রিয় এবং কঙ্কাকটাইভা, ঔষ্ঠ প্রভৃতি স্থানে সন্দেহজনক ঔপদংশিক ক্ষতাদি দেখা যায়, তাহা হইলে আর অনর্থক সময় নষ্ট না করিয়া, অনতিবিলম্বে মার্কারী চিকিৎসারস্ত করা একান্ত কর্তব্য । (ক্রমশঃ)



## লাইকর অনন্তমূল ঐ সারসা কম্পাউণ্ড । Liq. Anantamul et Sarsa Compound.

লেখক—ডাঃ শ্রীপ্রিয়নাথ গুপ্ত M. D.

কলিকাতা ।

—:—

**উপাদান**।—নিম্নলিখিত কয়েকটি দেশীয় ও বিলাতি ঔষধের সংমিশ্রণে এই ঔষধটি প্রস্তুত হইয়াছে । ইহার প্রতি আউন্সে ;

একট্রাঙ্কি ড্যামেকা সার্সাপ্যাৰিলা	...	২ ড্রাম ।
„ ট্রাইফোলিয়াম	...	১ ড্রাম ।
„ অশ্বগন্ধা লিকুইড্	..	২৪ ফেঁটা ।
„ শতমূলী লিকুইড্	...	২৪ „
ইন্ফিউসন্ বার্কেরিস	...	২৪ „
একট্রাঙ্কি শ্যামলতা লিকুইড্	...	১২ „
„ শরপুন্ডা লিকুইড্	...	১২ „
„ গোকুর লিকুইড্	...	১২ „
„ সালেম মিছরি	...	৪ „
একট্রাঙ্কি অনন্তমূল লিকুইড্	..	মোট ১ আউন্স ।

আজকাল বাজারে সার্সার অভাব নাই । দেশী ও বিলাতী নানারূপ সার্সা আছে । বিলাতী সার্সা অনেক সময় আমাদের এই গ্রীষ্মপ্রধান দেশের লোকের ধাতুর অমূল

হয় না। দেশীয় সালসালি পেটেন্ট ঔষধ মাত্র—তাহাদের মধ্যে ছাইভয় কি আছে, জানিবার উপায় নাই এবং এজ্ঞ কোন চিকিৎসকই নিশ্চিত মনে রোগীদের ব্যবস্থা করিতে পারেন না। **সাইকান্স অনন্তমূল এন্ড সার্সা কম্পাউণ্ড** এরূপ পেটেন্ট নহে। যে সকল বিলাতি, আয়ুর্বেদীয় এবং হাকিমী ঔষধের সংমিশ্রণে এই ঔষধটি প্রস্তুত হইয়াছে, সেই সকল ঔষধের ক্রিয়া আলোচনা করিলেই, ইহার বিশিষ্ট উপকারিতা সহজেই হৃদয়ঙ্গম হইবে। নিম্নে ইহার প্রত্যেক উপদানের ক্রিয়াদি উল্লিখিত হইতেছে।

(১) **অনন্তমূল** ( হেমিডেসমিস ইণ্ডিকাস—*Hemidesmis Indicus radix* ) । অনন্তমূলের অপর নাম—‘দেশী সালসা’। আয়ুর্বেদে উল্লিখিত হইয়াছে—ইহা বলকারক (টনিক)—“বল্যং পরং বৃষ্টিং রসায়নম্”। এতদ্ব্যতীত ইহা “উপদংশিক রোগয়ং সর্বচর্মবিকারনুৎ”—অর্থাৎ উপদংশঘটিত বিবিধ বিকার ও সকল প্রকার চর্মরোগ বিনষ্ট করে”। ইহা ঘর্ম ও মূত্রকারক (“স্বেদনং মূত্রকৃৎ”); এবং এইরূপে ইহা দেহ হইতে দূষিত পদার্থ বাহির করিয়া দেয়। ব্যুতরোগেও ইহা উপকারী।

(২) **জ্যামেকা সার্সা প্যারিল্লা** (*Jamaica Sarsa pareilla*) ।—আমেরিকার জ্যামেকা দ্বীপ হইতে আনীত উৎকৃষ্ট সার্সা এই ঔষধে ব্যবহৃত হয়। ইহার ঞায় রক্ত পরিষ্কারক ও বলকারক ঔষধ এলোপ্যাথিক ঔষধের মধ্যে খুবই কম।

(৩) **ট্রাইফোলিয়াম** (*Trifolium*) ।—ইহা উপদংশ ও চর্মরোগে রক্ত পরিষ্কার করে। বিদেশীয় সিরাপ ট্রাইফোলিয়ামের ইহা একটা প্রধান উপকরণ।

(৪) **অশ্বগন্ধা** (বিথানিয়া সন্নিফেরা—*Aswagandha—Withania Somnifera*) ইহা একটা উৎকৃষ্ট স্নায়ুপোষক, বলকারক, রসায়ন এবং উপদংশনাশক। চর্মরোগ বা কোন অল্প কারণে শরীর দুর্বল হইলে, ইহা দেহে নবশক্তি সঞ্চার করে।

(৫) **শতমূলী** (এস্পারেগাস রেসিমুসা—*Satamuli—Asparagus Recemosa*) ইহাও একটা উৎকৃষ্ট রসায়ন; পুষ্টি, বল, মেধা এবং শুক্রবর্ধক; বাত ও উপদংশনাশক।

(৬) **দারুহরিদ্রা** (বার্কেরিস—*Berberis*) ।—উপদংশ প্রভৃতি যে কোন কারণে রক্তদুষ্টি হইলে ইহা সেবনে উপকার হয়।

(৭) **শ্যামলতা** (*Shamlata*) । ইহাও অনন্তমূলের ঞায় বলকারক রক্তপরিষ্কারক, পরিবর্তক ও শুক্রজনক।

(৮) **সন্নপুখা** (টেকোসিয়া পাপুরা—*Tephrosia Purpura*) ।—ইহা উৎকৃষ্ট রক্তপরিষ্কারক, টনিক ও মূত্রকারক।

(৯) **গোক্ষুর** (ট্রিবুলাস টেরিসট্রিস—*Tribulus Terristris*) ।—বৃক্ক ও ইউভিয়ার্গির ঞায় মূত্রকারক।

(১০) **সালসাম মিছুরী** (ইউলোফিয়া কমপেসট্রিস—*Eulophia compestris*) ।—ইহা উৎকৃষ্ট স্নায়ুপোষক টনিক।

শ্রিষ্টি। উল্লিখিত উপাদানগুলির ক্রিয়া হইতেই আমরা “লাইকর অনস্তমূল এট সারসা কম্পাউণ্ডের” ক্রিয়া জ্ঞাত হইতে পারি। সাধারণতঃ ইহা সেবনে নিম্নলিখিত কয়েকটি ক্রিয়া সর্কশ্রেষ্ঠরূপে প্রকাশ পাইতে দেখা যায়। যথা—

(১) **রক্তপরিষ্কারক**। ইহা রক্তের সকল প্রকার দূষিতাবস্থা দূর করিয়া রক্তকে পরিষ্কার করে।

(২) **রক্তবর্ধক**। ইহা, নব রক্তকণিকা উৎপাদনে সাহায্য করে এবং তাহার ফলে দেহে বিশুদ্ধ রক্ত বৃদ্ধি হয়।

(৩) **পাচক**। ইহা ক্ষুধা ও খাদ্য পরিপাক শক্তি বৃদ্ধি করে।

এই ঔষধটির আর একটি সুবিধা এই যে, ইহা সকল অবস্থায় সেবন করা যায়। এমন কি, সুস্থ শরীরে—রীতিমত স্নানাহার করিয়াও, ইহা ব্যবহার করিতে পারা যায়।

**আমলিক প্রয়োগ।** নিম্নলিখিত কয়েকটি পীড়ায় ইহা প্রয়োগে বিশেষ সফল পাওয়া যায়।

(১) **সিফিলিস বা উপদংশ রোগে**।—উপদংশের বিষ সারা দেহেই ব্যাপ্ত হইয়া পড়ে ; ইহাতে প্রথম হইতেই রক্ত দূষিত হয় এবং শেষে স্নায়ুগুলী পর্যন্ত আক্রান্ত হইয়া থাকে। লাইকর অনস্তমূল এট সারসা কম্পাউণ্ড রক্ত হইতে উপদংশের বিষ (toxins) দূর করিয়া দেয়। নিঃশ্রান্ততারসন ইঞ্জেকশনের সঙ্গে সঙ্গে এই ঔষধটি সেবন করিতে দিলে অধিকতর ফল পাওয়া যায়। উপদংশজনিত ক্ষত, বাঘী, নালী বা প্রভৃতি ইহাতে আরোগ্য হয়। বহুদিনের পুরাতন উপদংশে ইহার সহিত পটাশিয়াম আয়োডাইড্ যোগ করিয়া প্রয়োগ করিলে, সত্তর অধিকতর উপকার পাওয়া যায়। এতদর্থে—

Re.

লাইকর হাইড্রাজ্জ পারক্লোর	...	১ ড্রাম।
পটাস্ আইয়োডাইড্	...	৫ গ্রেণ।
লাইকর অনস্তমূল এট সারসা কোঃ	...	২ ড্রাম।
একোয়া ক্লোরোকর্ম	...	মোট ১ আউন্স।

একত্র মিশ্রিত করিয়া ১ মাত্রা। প্রত্যহ ৩ মাত্রা সেব্য। অথবা—

Re.

ডনোভ্যান্ সলিউসন	...	৭ ফেঁটা।
পটাস্ আইয়োডাইড্	...	৫ গ্রেণ।
লাইকর অনস্তমূল এট সারসা কোঃ	...	১ ড্রাম।
স্পিরিট এমন এরোম্যাট	...	১৫ ফেঁটা।
একোয়া ক্লোরোকর্ম	...	মোট ১ আউন্স।

একত্র মিশ্রিত করিয়া ১ মাত্রা। প্রত্যহ ৩ মাত্রা সেব্য।



মাতাপিতার উপদংশ দোষের জন্ত যে সকল শিশুর গাত্রে ঘা বাহির হয়, তাহাদেরও এই ঔষধ সেবন করাইলে উপকার হইয়া থাকে ।

(২) চর্মরোগে ।—এই ঔষধ সেবনে রক্ত হইতে যাবতীয় দূষিত পদার্থ দূর হইয়া যাওয়ায়, রক্ত পরিষ্কার হয় এবং তাহার ফলে চর্মরোগ আরোগ্য হইয়া থাকে ।

এতদর্থে নিম্নলিখিত ব্যবস্থাটি বিশেষ ফলপ্রদরূপে ব্যবহৃত হয় ।

Re.

লাইকর আর্সেনিকেলিস্	...	৪ ফোঁটা ।
টিঞ্চার নক্লভমিকা	...	৩ ফোঁটা ।
লাইকর অনস্তুমূল এট সারসা কোঃ	...	২ ড্রাম ।
ইন্ফিউসন জেনসিয়ান্	...	মোট ১ আউন্স ।

একত্র মিশ্রিত করিয়া ১ মাত্রা । আহারের পর প্রত্যহ ৩ মাত্রা সেব্য ।

(৩) পুরাতন বাতরোগে ।—প্রমেহ বা উপদংশজনিত বাতরোগে ইহা উপকারী । যে বিষের জন্ত বাত হইয়াছে, তাহা শরীর হইতে বাহির করিয়া দিয়া, ইহা রোগীকে নিরাময় করে । তৈল বা মালিসে রোগ চাপা থাকে ; এই ঔষধ বাতের জড় বিনষ্ট করে ।

(৪) শারীরিক দৌর্বল্যে ।—ইহা রক্ত শোধন করিয়া নূতন রক্তকণিকা উৎপাদনে সাহায্য করে । এজন্ত রোগান্তর্জ্বলতায় ব্যবহার করিলে ইহা টনিকের স্থায় উপকার করে ।


মাত্রা ।—পূর্ণবয়স্ক লোকের পক্ষে ১ হইতে ৪ ড্রাম । অল্প জল বা গরম দুগ্ধের সহিত দিনে ২ বা ৩ বার আহারের পর সেবনীয় ।

পথ্যাপথ্য ।—ঔষধ সেবনকালে ভাত, ডাল, রুটি, পাউরুটি, শাকসব্জি, মাছ ও মাংস, ডিম; দুধ, ঘি, ছানা ও মাখন, ফল ( আঙ্গুর, বেদনা, আম, লেবু প্রভৃতি ) প্রভৃতি পথ্যার্থ ব্যবহৃত্যেয় ।

নিষিদ্ধ পথ্য ।—অধিক মসলাযুক্ত বা বাসি খাবার ; কাঁকড়া ; পেঁয়াজ ও রসুন, রক্ষিত ফল, মাদক দ্রব্য নিষিদ্ধ ।

সাধারণ উপদেশ ।—যাহাতে রোগীর কোষ্ঠ পরিষ্কার থাকে তৎপ্রতি লক্ষ্য রাখা কর্তব্য ।

এই ঔষধটি কলিকাতার বিখ্যাত ইণ্ডিয়ান মেডিক্যাল লেবরেটরির প্রস্তুত ।



## চিকিৎসা-বিবরণ।

### কালাজ্বরে - কুইনাইন।

লেখক—ডাঃ শ্রীসতীভূষণ মিত্র B. Sc. M. B.

মেডিক্যাল অফিসার—সিমুলবাড়ী টি-একেট, ( দার্জিলিং )

— :::: —

**রোগিনী**—এই বাগানের ভূতপূর্ব এসিষ্ট্যান্ট ম্যানেজারের কন্যা।  
বয়সক্রম ১৫, ১৬ বৎসর। গর্ভবতী।

**পূর্ব ইতিহাস**। গত ১৬ই নভেম্বর ( ১৯২৭ ) রাত্রি ৮ টার সময় কন্যাটির প্রসব বেদনা আরম্ভ হয়। সেই সময় তাকে এবং তাহার অভিভাবকদিগকে বিশেষভাবে পরামর্শ দেওয়া হয়—যেন, গর্ভিনী শরীয়ত অবস্থায় না থাকে। নচেৎ পানিমুচী ভাঙ্গার বিলম্ব হইয়া প্রসূতি বেশী কষ্ট পাইবে। পরদিন সকালে জানিলাম যে, মেয়েটা রাত্রে উপদেশ মত কার্য্য করে নাই—নিদ্রা গিয়াছিল। পানিমুচী ভাঙ্গিতে খুবই বিলম্ব হইয়াছিল।

**পরদিনস বৈকাল তিনটায়**—পানিমুচী ভাঙ্গে। এই সময়ে আকর্ষণ দ্বারা ফিট্যাল হার্ট সাউণ্ড ( Foetal heart sound ) অর্থাৎ গর্ভস্থ সন্তানের হৃদস্পন্দন শব্দ শুনিতে না পাওয়ায় বুঝা গেল যে, সন্তানটি জীবিত নাই। ঐ দিবস রাত্রি ৯ টার সময়েও সন্তান প্রসূত না হওয়ায়, পরীক্ষা করিয়া দেখিলাম, সন্তানের অবস্থান স্বাভাবিকই আছে। কিন্তু মেয়েটা খুবই দুর্বল হইয়া পড়ায়, জরায়ুর সঙ্কোচন ক্রিয়া হ্রাসপ্রাপ্ত হইয়াছিল। প্রসূতির দান্ত ও প্রস্রাব পরীক্ষার ছিল। আমি নিম্নলিখিত ঔষধ ব্যবস্থা করিলাম।

১। Re.

কুইনাইন হাইড্রোক্লোর	...	১০ গ্রেণ।
এসিড হাইড্রোক্লোর ডিল	...	২০ মিনিম।
এক্সট্রাক্ট আর্গট লিকুইড	...	১/২ ড্রাম।
স্পিরিট ভাইনাই গ্যালিসাই	...	১ ড্রাম।
ম্যাকোয়া ক্লোরোফর্ম	...	এড্ ১ আউন্স।

একত্র মিশ্রিত করিয়া এক মাত্রা। একবারে সেব্য। তখনই ইহা খাওয়াইয়া দিলাম।

এই ঔষধটি সেবনের পর এক ঘণ্টা অপেক্ষা করা সুস্থেও সস্তান প্রসূত না হওয়ায়, নিম্নলিখিত ঔষধ প্রয়োগ করা যুক্তিস্কৃত মনে করিলাম।

২। Re.

পিটুইট্রিন এম্পুল ... ১ সি, সি,।

একবারে হাইপোডার্মিক ইন্জেকসন দিলাম। ইন্জেকসনের পর ৩০ মিনিট ঘণ্টা মধ্যেই একটি মৃত সস্তান প্রসূত হইল।

২০শে নভেম্বর। শুনিলাম—গতকাল (২০শে নভেম্বর) রাত্ৰিকালে প্রসূতির সামান্য শীত করিয়া জ্বর হইয়াছে। অল্প রোগিণীকে পরীক্ষা করিলাম। প্লোহা নাভীদেশ পর্যন্ত বিস্তৃত। বকৃত হস্তস্পর্শে অনুভূত হইল না, তবে বকৃতির স্থানে সামান্য বেদনা আছে। উত্তাপ এখন (বেলা আটটার সময়) ১০২° ডিগ্রি। নাড়ীর স্পন্দন দ্রুত এবং সঞ্চাপ্য। জিহ্বা পাতলা সাদা প্রলেপযুক্ত। গাত্রদাহ আছে। দাস্ত প্রত্যহ সকালে একবার করিয়া হয় লোকিয়া শ্রাব সামান্য দুর্গন্ধযুক্ত, কিন্তু স্বাভাবিক। তলপেটে খুঁই যজ্ঞণা এবং কাশি আছে। বক্ষ পরীক্ষায় রাল্‌স এবং রক্তাই শ্রুত হইল। জল পিপাসা প্রবল।

নিম্নলিখিত ঔষধ ব্যবস্থা করিলাম—

৩। Re.

গ্যামন্ কার্ব	...	২০ গ্রেণ।
সোডি বাইকার্ব	...	৬ গ্রেণ।
টিংচার সিলি	...	৫ মিনিম।
সিরাপ টলু	...	২০ মিনিম।
গ্যাকোয়া এনিসি	...	এড ১ আউন্স।

একত্র মিশ্রিত করিয়া এক মাত্রা। এইরূপ, ৪ মাত্রা। প্রতি মাত্রা দুই ঘণ্টা অন্তর সেব্য। এবং—

৪। Re.

একট্রাষ্ট আর্গট লিকুইড	...	১/২ ড্রাম।
কুইনাইন বাই-হাইড্রোক্লোর	...	৩ গ্রেণ।
টিংচার হাইয়োসাইয়েমাস	..	২০ মিনিম।
ভাইনাম ইপিকাক	...	৪ মিনিম।
গ্যাকোয়া ক্লোরোফর্ম	...	এড ১ আউন্স।

একত্র মিশ্রিত করিয়া এক মাত্রা। এইরূপ ৪ মাত্রা। প্রতি মাত্রা ৩নং মিকচারের সহিত পর্যায়ক্রমে দুই ঘণ্টা অন্তর সেব্য। এবং—

৫। Re.

লিনিমেন্ট ক্যান্ডার কো:	২ ড্রাম।
অয়েল টেরিবিছ	... ২ ড্রাম।
মাষ্টার্ড অয়েল	... ৪ আউন্স।

একত্র মিশ্রিত এবং উষ্ণ করতঃ, বুকে মালিস করিতে বলা হইল। ইহা মালিশ করিবার পর এবসর্বেণ্ট কটন (absorbent cotton) বহু প্রদেশে দিয়া ব্যাণ্ডেজ বাধিয়া রাখার ব্যবস্থা করিলাম।

৬। তলপেটে তাপিন তৈলের ফোমেন্ট করিবার উপদেশ দেওয়া হইল।

পথ্য।—জলবার্লি, কমলালেবু ও বেদানার রস।

এই দিন বৈকালে—রোগিনীর শরীরের উত্তাপ ১০৪° ডিগ্রি পর্যন্ত উঠিয়াছিল।

২১শে নভেম্বর। অগ্ন প্রাতে: ৮টার সময় উত্তাপ ১০১° ডিগ্রি দেখা গেল। ঔষধাদি পূর্কদিনের স্থায় ব্যবস্থা করা হইল। এতদ্ব্যতীত অগ্ন নিম্নলিখিত ঔষধটি ইঞ্জেকসন করা হইল।

৭। Re.

সোয়ামিন	..	২ গ্রেণ।
ডিষ্টিল্ড ওয়াটার	...	১ সি, সি।

পরিশ্রুত জলে সোয়ামিন দ্রব করিয়া অধঃস্থাতিক ইঞ্জেকসন দিলাম।

২২শে নভেম্বর। অগ্ন প্রাতে: উত্তাপ ১০০°৮ ডিগ্রী। অগ্নাগ্ন অবস্থা পূর্কবৎ। তবে বুকের শ্লেষ্মা অনেক কম।

অগ্ন নিম্নলিখিত ব্যবস্থা করা হইল।

- (ক) ৩ ও ৪ নং মিশ্র পূর্কবৎ সেব্য।
- (খ) ৭ নং ঔষধ পূর্কবৎ, ইঞ্জেকসন।
- (গ) উষ্ণ জলের ( Tepid water sponging ) স্পঞ্জিং।

২৩শে নভেম্বর। অগ্ন সিলিগুড়ির সরকারী হাসপাতালের জনৈক এসিষ্ট্যান্ট সার্জন রোগিনীকে দেখিয়া বলিলেন—“রোগিনীর কালাজ্বর হইয়াছে”। তাঁহার এই সিদ্ধান্ত স্থিরতর করণার্থ, তিনি রোগিনীর রক্ত পরীক্ষা করিবার ব্যবস্থা করিলেন।

আমি কালাজ্বর সম্বন্ধে সন্দিহান ছিলাম। এই হেতু রক্ত পরীক্ষার রিপোর্টের অপেক্ষা না করিয়া, অগ্ন আমি নিম্নলিখিত ব্যবস্থা করিলাম।

৮। Re

কুইনাইন বাইহাইডোক্লোর	..	৮ গ্রেণ।
-----------------------	----	----------

গু টিয়াল পেশীতে ইঞ্জেকসন দিলাম। অগ্নাগ্ন সেবনীয় ঔষধ ( ৩ নং ও ৪ নং ব্যবস্থা ) ও বাহ্যিক প্রয়োগের ঔষধ পূর্কবৎ ব্যবস্থা করা হইল। পথ্যাদিও পূর্কবৎ।

২২শে নভেম্বর। অগ্ন প্রাতে: উত্তাপ ১০১ ডিগ্রী। রোগিণীর অবস্থা অনেক ভাল। ফুস্ফুস প্রায় পরিষ্কার হইয়াছে, কাশি প্রায় নাই।

অগ্ন পূর্ক দিনের ব্যবস্থিত সমুদয় ঔষধ ( ৩ নং ও ৪ নং মিশ্র এবং ৮নং ইঞ্জেকসন ) এবং বাহ্যিক প্রয়োগের ব্যবস্থা ও পথ্যাদি পূর্কবৎ ব্যবস্থা করিলাম।

অগ্ন বৈকালে উত্তাপ ১০০ ডিগ্রী হইয়াছিল। বলা ষাটলা, অগ্নাদন বিকালে উত্তাপ বর্দ্ধিত হইয়া ১০২—১০৩ ডিগ্রী হইত।

২৩শে নভেম্বর! অগ্ন প্রাতে: উত্তাপ ৯৯ ডিগ্রী। অগ্ন কোন উপসর্গ নাই। রোগিণী সম্পূর্ণ সুস্থতা অনুভব করিতেছে। অগ্ন নিম্নলিখিত ব্যবস্থা করিলাম।

(ক) পূর্কোক্ত ৪নং মিশ্র পূর্কবৎ সেব্য।

(খ) তলপেটে তাপিন তৈলের ফেমেণ্টেসন পূর্কবৎ।

(গ) সেবনার্থ নিম্নলিখিত ঔষধ—

৯। Re.

কুইনাইন হাইড্রোক্লোর	...	২ গ্রোণ।
এসিড হাইড্রোব্রোমিক ডিল	...	৪ মিনিম।
লাইকর আসেনিকেলিস হাইড্রো:	...	১ মিনিম।
টাং নক্সভমিকা	...	৪ মিনিম।
স্পিরিট ভাইনাম গ্যালিসাই	...	২০ মিনিম।
একোয়া ক্লোরফরম	...	এড ১ আউন্স।

একত্র ১ মাত্রা। এইরূপ ছয় মাত্রা। প্রত্যহ ৩ মাত্রা সেব্য।

অগ্ন শিলিগুড়ি হইতে রক্ত পরীক্ষার রিপোর্ট পাওয়া গেল। এই রিপোর্ট দৃষ্টে জানিতে পারিলাম যে রক্তে কালাজ্বরের জীবাণু পাওয়া গিয়াছে এবং রক্তের অগ্নাণু পরিবর্তনও কালাজ্বরের স্বাপক্ষে দৃষ্ট হইয়াছে। কিন্তু আশ্চর্যের বিষয়—রোগিণীকে কুইনাইন ইঞ্জেকসন দেওয়ায় জ্বরের গতি হাস্ ভিন্ন, বর্দ্ধিত হয় নাই। সুতরাং রোগিণীর জ্বর যে, ম্যালেরিয়াসমূহ, তাহাতে কোনই সন্দেহ নাই। যাহা হউক, রক্ত পরীক্ষার রিপোর্টের প্রতি লক্ষ্য না রাখিয়া, আমি আমার সিদ্ধান্ত স্থিরতর রাখিয়া, পূর্কদিনের ঔষধ ও পথ্যাদিই ব্যবস্থা করিলাম।

অগ্ন বৈকালে উত্তাপ ৯৯ ডিগ্রী হইয়াছিল। অগ্ন কোন উপসর্গ ছিল না।

২৬শে নভেম্বর। উত্তাপ ৯৭ ডিগ্রী। কোন উপসর্গ নাই। ঔষধ পথ্যাদি পূর্কবৎ।

২৭শে, ২৮শে ও ২৯শে নভেম্বর। এই কয়েকদিন কেবলমাত্র ৯নং মিশ্র সেবন করান হইয়াছিল। জ্বর বা অগ্ন কোন উপসর্গ ছিল না।

৩০শে নভেম্বর। অগ্ন অন্নপথ্য দেওয়া হইল।

রোগান্তদৌৰ্ৰ্গ্য নিবারণ ও প্লীহার বৃদ্ধি হ্রাস করণার্থ ইসেনোফিল ট্যাবলেট ( Esanofele Tablet ) এবং রবার্টসন পোট খাইবার ব্যবস্থা দিলাম ।

মন্তব্য । অনেক স্থলেই দেখা যায় যে রক্ত পরীক্ষায় কালজ্বর বলিয়া সিদ্ধান্ত হইলেও, কুইনাইন প্রয়োগে রোগী আরোগ্য লাভ করে । উল্লিখিত রোগিনীও ইহার একটা প্রকৃষ্ট দৃষ্টান্ত ।

## চিত্তাকর্ষক রোগী ।

### An interesting case.

লেখক—ডাঃ শ্রীমরেন্দ্রকুমার দাশ M. B. M. C. P. & S. (C. P. S.)

M. R. I. P. H. ( Eng )

—•••—

আমি তখন চাকুরী করি । সেই সময়ে একদিন আমাদের হাঁসপাতালে ( I. O. R. H. Hospital ) একটা ৫৬ বৎসর বয়স্ক বালককে ভর্তি করা হয় । পীড়ার দ্বাবিংশ দিবসে—গত ৫ সেপ্টেম্বর ( ১৯২৬ ) বালকটাকে হাঁসপাতালে ভর্তি করিয়া লওয়া হইয়াছিল ।

পূর্ব ইতিহাস । হঠাৎ একদিন শীত করিয়া বালকটির জ্বর হয় । তাহার পর আর জ্বর বিচ্ছেদ হয় নাই । জ্বরের উত্তাপের হ্রাস বৃদ্ধিরও কোনও বান্ধাধরা নিয়ম ছিল না—অনিয়মিতভাবে উত্তাপ বৃদ্ধি ও হ্রাস হইত । তবে উত্তাপ ১০৩ ডিগ্রীর অধিক প্রায়ই বৃদ্ধি এবং ১০০ ডিগ্রির কম প্রায়ই হ্রাস হইত না ।

বর্তমান অবস্থা । রোগীর পেটফাঁপা, কোষ্ঠকাঠিন্য বর্তমান ছিল । জিহ্বা মলাবৃত কিন্তু অগ্রভাগ লোহিতবর্ণ । জ্বরীয় উত্তাপ বৃদ্ধির সঙ্গে সঙ্গে রোগীর অস্থিরতা বৃদ্ধি পাইত, কখন কখন ভুলও বকিত । নাড়ী দ্রুত ও দুর্বল । ফুস্ফুস্ স্বাভাবিক । হৃৎপিণ্ড দুর্বল । পীড়া একটু জটিল বলিয়া, তৎক্ষণাৎ রোগীর রক্ত ও মল ( মিসিরিন এনিমা. দ্বারা দাস্ত করাইয়া ) পরীক্ষার জন্ত ল্যাবোরেটারীতে পাঠাইয়া দিলাম । কয়েক ঘণ্টা পরেই রিপোর্ট পাওয়া গেল । রক্ত ও মল পরীক্ষার রিপোর্ট দেখিয়া আমরা নিম্নলিখিত সিদ্ধান্তে উপনীত হইলাম যে, রোগী টাইফয়েড, কালজ্বর এবং স্ট্রেপ্টোকক্কাস্ জীবাণু দ্বারা সংক্রমিত হইয়াছে । অর্থাৎ রোগীর দেহ এক্ষণে ত্রিবেণী ক্ষেত্র । রক্ত ও মল পরীক্ষায় উক্ত ত্রিবিধ পীড়ারই পোষক প্রমাণ পাওয়া গেল ।

চিকিৎসা । নিম্নলিখিত চিকিৎসার ব্যবস্থা করা হইল ।



১। Re.

পটাস সাইট্রাস	...	২০ গ্রেণ।
লাইকর এমন সাইট্রোটস্	...	২ ড্রাম।
টাং ডিজিটেলিস্	...	১০ মিনিম।
টাং সিলি	...	১০ মিনিম।
স্পিরিট ক্লোরোফর্ম	...	১০ মিনিম।
একোয়া	...	এ্যাড্ ১ আউন্স।

একত্র মিশ্রিত করিয়া ১ মাত্রা। প্রত্যি মাত্রা ৩ ঘণ্টান্তর সেব্য।

২। Re.

এক্টিভেপ্টোককাস্ সিরাম্ ( পলিভেলেন্ট ) ... ৫ সি, সি.

সপ্তাহে ২টা করিয়া ইঞ্জেকসন দেওয়ার ব্যবস্থা করা হইল।

৩। Re.

ইউরিয়া স্ট্রিভামাইন্ .. ০.০২৫ গ্রাম।

সপ্তাহে ১টা করিয়া ইঞ্জেকসন দেওয়ার ব্যবস্থা করা হইল।

পথ্যাদি ৪—রোগীকে আলো ও বাতাসপূর্ণ একটা কক্ষে রাখিয়া নিয়মিত শুশ্রূষার বিশেষ বন্দোবস্ত করা হইল। জরীর উত্তাপ ১০২° ডিগ্রীর উপরে উঠিলেই মাথায় বরফ দিবার ব্যবস্থা করিলাম। প্রত্যহ নিয়মিতভাবে প্রাতঃকালে উষ্ণ জল দ্বারা সর্কাজ স্পঞ্জ করিয়া দেওয়ার ব্যবস্থা করা হইল। জল ফুটাইয়া শীতল করতঃ, উহা ইচ্ছানুযায়ী প্রচুর পরিমাণে পান করিতে দেওয়ার কথা বলিয়া দেওয়া হইল। ছানার জল ( লেবুর দ্বারা ছানা কাটিয়া ), টাটকা দধির ঘোল, বেদানার রস, হরলিক্‌স্ মলটেড্ মিক্ ইত্যাদি পথ্যার্থ ব্যবস্থা করা হইল।

সকাল ও বৈকালে রোগীকে গ্রাইকো-থাইমোলিন্ দ্বারা কুল্য করিবার এবং প্রত্যহ প্রাতেঃ গ্লিসেরিন্ এনিমা দ্বারা দান্ত করাইবার ব্যবস্থা করিলাম।

২টা এক্টিভেপ্টোককাস্ সিরাম্ এবং ১টা ইউরিয়া স্ট্রিভামাইন্ ইঞ্জেকসন দিবার পরই, রোগীর অনেক হিতপরিবর্তন দৃষ্ট হইল। অতঃপর ১নং মিশ্র বন্ধ করিয়া দিয়া—নিম্নলিখিত মিশ্রটা ব্যবস্থা করা হইল। যথা :—

৪। Re.

টাং ফেরি পারক্লোর	...	১০ মিনিম।
এসিড্ ফসফরিক্ ডিল	...	১০ মিনিম।
লাইকর ট্রীকনাইন্ হাইড্রোঃ	...	৩ মিনিম।
টাং ডিজিটেলিস্	...	৫ মিনিম।
একোয়া এ্যাড্	...	১ আউন্স।

একত্র মিশ্রিত করিয়া ১ মাত্রা। প্রত্যহ ৩ মাত্রা সেব্য।

চৈত্র—৫

এই চিকিৎসাতেই রোগী সম্পূর্ণরূপে আরোগ্য লাভ করিয়া ১০ই অক্টোবর হাসপাতাল হইতে বিদায় গ্রহণ করিয়াছিল।

এই রোগীকে ২টা এন্টিপ্লেটোককাস্ সিরাম ইঞ্জেকসন দিবার পর, আর উক্ত জীবাণু পাওয়া না যাওয়ায়, আর উহা ইঞ্জেকসন দিবার আবশ্যক হয় নাই। ইউরিয়া টিবামাইন্ ৫টা ইঞ্জেকসন দেওয়া পর, রক্ত পরীক্ষায় আর কালাজরের জীবাণু পাওয়া যায় নাই; কিন্তু তবুও আরও ২টা ইঞ্জেকসন দেওয়া হইয়াছিল। ৪নং মিশ্রটি সেবনে টাইফয়েডের লক্ষণ সমূহ অন্তর্হিত হইয়াছিল। যখন রোগীকে বাড়ী পাঠান হইল—তখন তাহাকে সিরাপ হিমোগ্লোবিন—১ ড্রাম মাত্রায় কিঞ্চিৎ জলসহ দিনে ২ বার আহারের পূর্বে সেবন করিবার ব্যবস্থা করা হইয়াছিল।

**অন্তব্য ঃ**—এই রোগীর রক্ত, মল ইত্যাদি পরীক্ষা করিবার সুবিধা পাইয়াছিলাম বলিয়াই, এত দূর রোগ নির্ণয় করা গিয়াছিল—এবং সূচিকিৎসা হইয়াছিল। পল্লীগ্রামেও এইরূপ রোগীর সংখ্যা নিতান্ত বিরল নহে। পীড়ার জটিলতা, জরীয় উত্তাপের অনিয়মতা, প্লীহার বিবৃদ্ধি ইত্যাদির প্রতি বিশেষ লক্ষ্য রাখিয়া রোগনির্ণয় করা ভিন্ন, মফঃস্বলে অনেক স্থলে অত্রোপায় থাকে না।

## দুর্দম্য পুরাতন রক্তামাশয়।

### Obstinate chronic Dysentery

লেখক—ডাঃ শ্রীনির্মলকান্ত চট্টোপাধ্যায় এম, বি,  
কলিকাতা।

**রোগী**—জনৈক হিন্দু যুবক। বয়ঃক্রম ৩২।৩৩ বৎসর। বিগত সেপ্টেম্বর মাসে (১৯২৬ খঃ অঃ) এই রোগী খুলনা হইতে চিকিৎসার্থ এখানে উপস্থিত হইয়া, আশার চিকিৎসাধীন হইয়াছিল।

**পূর্ব ইতিহাস**।—প্রায় বৎসরাধিক কাল হইতে রোগী পুরাতন রক্তামাশয় রোগে ভুগিতেছে। পীড়ার প্রথমাবস্থায় ২৫।৩০ বার করিয়া আম ও রক্তযুক্ত মলত্যাগ হইত। কখন কখনও কেবলমাত্র আম ও রক্তই দাস্ত হইত। নাভীর চতুর্দিকে কর্তনবৎ বেদনা ইত্যাদি এখনও বর্তমান আছে। এখনও দৈনিক ৭।৮ বার করিয়া আম ও রক্ত মিশ্রিত দাস্ত হইতেছে। নাভীর চতুর্দিকে এবং মলদ্বার—অসহ যন্ত্রণাও বর্তমান আছে।

ইতিপূর্বে রোগী প্রায় ৫০।৬০টা এমিটান্ ইঞ্জেকসন লইয়াছে বলিল। কিন্তু তাহাতে সামান্য অস্থায়ী ফল হইলেও, স্থায়ী উপকার কিছুই হয় নাই।

আমি রোগীর ‘মল’ পরীক্ষার জন্ত উহা ল্যাবোরেটরীতে পাঠাইয়া দিলাম। মল-পরীক্ষার

রিপোর্ট আসিলে দেখিলাম যে—তাহাতে কোনই জীবাণু পাওয়া যায় নাই। রোগীকেও পরীক্ষা করিয়া বিশেষ কিছু বৃদ্ধিতে পারিলাম না। রোগীর দুর্বলতা ব্যতীত, অল্প কোনও অস্বাভাবিক লক্ষণ পাইলাম না। রোগীর ওজন ক্রমশঃ হ্রাস পাইতেছে। যাহা হউক, আমি রোগীকে নিম্নলিখিত ব্যবস্থা করিলাম। যথা :—

১। Re.

কেলোসোল্ আইয়োডিন্ এম্পুল ... ৫ সি, সি, ।

সপ্তাহে ১ বার করিয়া, শিরাপথে ইঞ্জেকসন দেওয়ার ব্যবস্থা করা হইল। এবং

২। Re.

এমিটিন হাইড্রোক্লোর . ... ১ গ্রেণ, ।

১০ দিন অন্তর ইঞ্জেকসন দেওয়ার ব্যবস্থা করিলাম।

পথ্যাদি ঃ—একবেলা পুরাতন চাউলের স্নান, জীবিত মৎস্যের ঝোল ইত্যাদি। আহাৰাস্তে টাটকা দধি এবং রাত্রে ছানার জল। সামান্য পরিশ্রম করিতেও উপদেশ দিলাম। উত্তমরূপে সরিষার তৈল অঙ্গে মর্দন করতঃ, ঈষৎ জলে প্রত্যহ স্নানের ব্যবস্থা করিলাম।

এই চিকিৎসায় এক মাস মধ্যেই রোগী সম্পূর্ণরূপে সুস্থ হইয়াছিল। কিন্তু ৬ মাস পরেই পুনরায় পূৰ্ব লক্ষণ সকল প্রকাশ পাওয়ায়, রোগী পুনরায় উপস্থিত হইয়া “আরোগ্যের আশা নাই” বলিয়া রোদন করিতে লাগিল। কে একজন স্থানীয় ডাক্তার তাহাকে বলিয়াছেন যে, তাহার অস্ত্র ক্ষত হইয়াছে।

যাহা হউক, রোগীকে সাব্বনা দিবার পর উত্তমরূপে পরীক্ষা করিয়া, পূৰ্বোক্ত লক্ষণগুলি ব্যতীত, আর কিছুই পাইলাম নাই। তবে এবার আর তাহার দাস্তে মল নাই—কেবল আম ও রক্ত, উহা দেখিতে অনেকটা রক্তমিশ্রিত পুঁজের গায় এবং তাহাতে অত্যন্ত দুর্গন্ধ বর্তমান ছিল। প্রত্যহ ১৭ বার দাস্ত হইতেছিল। অত্যাশ্র উপসর্গ পূৰ্ববৎ।

এবারও তাহাকে পুঁজের গায়ই সমুদয় ব্যবস্থা করিলাম। ১৫ দিন পরে সংবাদ পাইলাম যে, তাহার কোনও উপশম তো হয় নাইই—পরন্তু পীড়ায় বৃদ্ধি হইয়াছে। এক্ষণে একটু চিন্তা করিয়া রোগীকে নিম্নলিখিত ঔষধ ব্যবস্থা করিলাম। যথা:—

৩। Re.

ইয়াটেন (১০৫) ... ২টি পিল।

একমাত্র। কিছু আহাৰ করিয়া দিনে ৩বার সেব্য।

১ শিশি ইয়াটেন পিল সেবনের পরই দেখা গেল—রোগীর সমুদয় উপসর্গসহ পীড়া আরোগ্য হইয়াছে। তাহাকে পুনরায় ১ শিশি ইয়াটেন ২টি বটিকা মাত্রায় দিনে ২বার করিয়া সেবন করিতে উপদেশ দিলাম। প্রায় ১৫ দিন পরে রোগী আমার সহিত সাক্ষাত করিলে দেখিলাম যে, তাহার স্বাস্থ্যের বিশেষ উন্নতি হইয়াছে। রোগীকে একটু সাবধানে থাকিতে উপদেশ দিয়া, প্রত্যহ আহাৰের পর ১ চা চামচ মাত্রায় রোবেলিন্ (Robolliene) দিনে ২ বার খাইতে উপদেশ দিয়া বিদায় দিলাম। সংবাদ পাইয়াছি—এখনও রোগী বেশ সুস্থ আছে।

## সাংঘাতিক নিউমোনিয়া ।

### A severe type of Pneumonia

লেখক—ডাঃ শ্রীবিষ্ণুভূষণ তরফদার M. D., L. C., P. S.

— :: —

রোগীর নাম—কার্তিক বসু, বয়স ২৫ বৎসর । গত অক্টোবর মাসের প্রথমে পীড়াক্রান্ত হইয়া পর পর ২টা ডাক্তারের দ্বারা চিকিৎসিত হয় । প্রথমে একজন হাতুড়ে ডাক্তার চিকিৎসা করিলেও, শেষে একজন সূচিকিৎসকই চিকিৎসা করেন । ২০ দিন গতে ঐ রোগী দেখিতে আমি আহুত হই । বাহ্যিক ভয়ে আমি পূর্ববৃত্তান্ত না লিখিয়া, আমি যে রূপ অবস্থায় ঐ রোগী পাইয়াছিলাম ও যে প্রণালীতে চিকিৎসা করিয়াছিলাম, তাহাই এস্থলে উদ্ধৃত হইল ।

২৪শে অক্টোবর । বেলা ৯টা—এই সময় রোগীর জ্বর ১০৪ ডিগ্রি, নাড়ী সঞ্চাপ্য, কোমল, পূর্ণ, দ্রুত ও মিনিটে ১৫০ বার স্পন্দিত হইতেছে । শ্বাসপ্রশ্বাস ৫৬, শ্বাসপ্রশ্বাসের সঙ্গে শ্লেষ্মা ঘড়ঘড় করিতেছে, অথচ কাশি নাই বা সামান্য শ্লেষ্মাও উঠিতেছে না । রোগী সম্পূর্ণ অজ্ঞানাবস্থায় অনবরত বিড়বিড় করিয়া বকিতেছে— তিলমাত্র বিরাম নাই । শুনিলাম—১১ দিন এই অবস্থায় আছে । দুর্গন্ধ উদরাময় আছে । সম্পূর্ণ অজ্ঞাতসারে বিছানায় বাহে প্রস্রাব করিতেছে । পেটের ফাঁপ, শয্যাবস্ত্র হাতড়ান, শূণ্ডে হস্তচালনা, প্রভৃতি গুরুতর স্নায়বীয় লক্ষণ বর্তমান আছে । উভয় হৃৎকম্পে ফাইন ক্রিপিশন পাওয়া গেল । এই শোচনীয় অবস্থা দর্শনে রোগীর ভাবীফল সম্বন্ধে নিতান্ত আশাশূন্য হইয়াই, একদিন চিকিৎসা করিতে স্বীকার করিয়া, নিম্নলিখিত ব্যবস্থা করিলাম । যথা ;—

(১) সমস্ত মস্তক যুগুন করিয়া মাথায় অডিকোলন মিশ্রিত জলপটা ।

(২) পুরাতন ঘূতে সমপরিমাণ রসুনের রস মিশাইয়া জ্বাল দিয়া, বৃকে ঐ ঘূত মালিস করিবে এবং মালিস করার পর পানের স্বেদ দিয়া বৃকে বোরিক কটন স্থাপন করতঃ, ব্যাণ্ডেজ বান্ধিয়া দেওয়ার ব্যবস্থা করিলাম ।

(৩) ১ আউন্স ত্রাণ্ডি ৮ মাত্রায় বিভক্ত করিয়া পথ্যের সহিত সেবন করিবার ব্যবস্থা করা হইল ।

(৪) পথ্যার্থ লেমন হোয়ে, জল বালি বেদনা ও কমলা লেবুর রস, ব্যবস্থা করা হইল ।

৫ । বেঙ্গল কেমিক্যালের মকরধ্বজ এক পুরিয়া, আদা, মধু ও তুলসী পাতার রসের সহিত মাড়িয়া, সন্ধ্যাকালে সেবন করিতে বল হইল ।

৬। Re.

নোডি আইয়োডাইড	...	৫ গ্রেণ ।
সোডি ব্রোমাইড	...	৫ গ্রেণ ।
এমন বেঞ্জোয়াস	...	১০ গ্রেণ ।
স্পিরিট ক্লোরোফর্ম	...	১০ মিনিম ।
লিকুইড গ্যোয়েকল	...	১ মিনিম ।
চিং নক্সভমিকা	...	৩ মিনিম ।
ডিজিফোটস (P D & Co.)	...	৫ মিনিম ।
সিরাপ ফ্রনাই ভার্জিনিয়া	...	১ ড্রাম ।
একোয়া ক্যান্ফর	...	১ আউন্স ।

একত্রে এক মাত্রা । এইরূপ ৬ মাত্রা । প্রতি মাত্রা ৪ ঘণ্টাস্তর সেব্য ।

(৭) ফুস্তু জলে স্পিরিট টার্পেন্টাইন দিয়া উহার বাষ্প গ্রহণের ব্যবস্থা করিলাম ।

২৫শে অক্টোবর । প্রাতে: উত্তাপ ১০২ ডিগ্রী । শ্বাসপ্রশ্বাস ৫০, নাড়ী ১৩০, এক একবার কাশি হইতেছে, কিন্তু শ্লেষ্মা উঠিতেছে না । দাস্ত ও প্রস্রাব পূর্ববৎ হইতেছে, অগ্নাশ্র অবস্থার কিছুমাত্র উপশম হয় নাই ।

অণু ১ নং হইতে ৬ নং ব্যবস্থা সমস্তই পূর্ববৎ ব্যবস্থিত রহিল । এই সঙ্গে—

৮। Re.

বিসমাথ ম্যালিসিলেট	...	১০ গ্রেণ ।
বেঞ্জোয়াকফথল	...	৩ গ্রেণ ।
পালভ ক্রিটা এরোম্যাট	...	৩ গ্রেণ ।
প্যাংক্রিয়েটিন	...	৫ গ্রেণ ।

একত্রে এক পুরিয়া । এইরূপ ৩টা পুরিয়া দিবা রাত্রে সেব্য ।

২৬শে অক্টোবর । উত্তাপ ১০২'৪ ডিগ্রী । ২৩ বার কাশিলে সামান্য শ্লেষ্মা উঠিতেছে, রোগীর চৈতন্য হইয়াছে, ভুল বকা, বিছানা হাতড়ান, শূণ্ডে হস্তচালনা আদৌ নাই । ৩ বার বাহ্যে ও কয়েক বার অসাড়ে প্রস্রাব হইয়াছে শ্বাসপ্রশ্বাস ৪০, নাড়ী ১১৮, ফুসফুস পরীক্ষায় রিডাক্টি ক্রিপিটেসন ও রাল্‌স পাওয়া গেল । এইদিন রোগী দক্ষিণ ফুসফুসের ইনফ্রাম্যারী স্পেসে, বেদনা আছে বলিল । পূর্বে রোগী সম্পূর্ণ অজ্ঞান থাকায়, পিপাসা আছে কি না, বুঝা যায় নাই । আজ বারে বারে জল খাইতে চাহিতেছে । জিহ্বা বরাবরই শুষ্ক ও শূকায়িত ছিল, আজ একটু আর্দ্র বোধ হইল । পেটে চাপ দিলে বেদনা অনুভূত হইতেছে । পেট ফাঁপা সামান্যই আছে । আজ রোগীর অবস্থার হিতপরিবর্তনে অনেকটা আশাবিত হইলাম ।

ঔষধ ও পথ্যাদি সমস্তই পূর্ববৎ ।

২৭শে অক্টোবর । উত্তাপ ১০১°৮, নাড়ী অনেকটা সরল ও ১১২ বার, শ্বাসপ্রশ্বাস ৩৪, সহজভাবে শ্বাস উঠিতেছে, উহার রং ঈষৎ লালবর্ণ ও দুর্গন্ধযুক্ত । ফুসফুস পরীক্ষায় উহার উপরের অংশ অনেকটা পরিষ্কার ও ময়েষ্ট মিউকাস্ রাস্ এবং ক্রিপিশন পাওয়া গেল । দান্ত হয় নাই । ভুলবকা নাই । পিপাসা কম । জিহ্বা পরিষ্কার ও আর্দ্র, ক্ষুধা নাই, পেটফাঁপা, নাই । প্রস্রাবে জালা করে এবং অসাড়ে নির্গত হয় ।

অণু ১নং ব্যবস্থা স্থগিত করিয়া ২, ৩, ৪ ও ৫ নং ব্যবস্থা পূর্ববৎ । পথ্যাদিও পূর্ববৎ । এতদ্ব্যতীত নিম্নলিখিত মিশ্রটিও ঐ সঙ্গে ব্যবস্থা করিলাম ।

৯। Re.

সোডি বেঞ্জোয়াস	...	১০ গ্রেণ ।
সোডি বাইকার্ব	...	০ গ্রেণ ।
ইউরোট্রোপিন	...	১০ গ্রেণ ।
ক্রিয়োজোটাল	...	৭ মিনিম ।
মিউসিলেজ একেশিয়া	...	১ ড্রাম ।
ডিজিফোটাস (P. D. & C a.)...	...	৪ মিনিম ।
সিরাপ ফ্রনাই ভার্জিনিয়া	...	১ ড্রাম ।
একোয়া ক্লোরোফর্ম	...	১ আউন্স ।

একত্রে একমাত্রা । এইরূপ ৪ মাত্রা । প্রতিমাত্রা ৬ ঘণ্টান্তর সেব্য ।

২৮শে ও ২৯শে অক্টোবর । এই দুইদিন রোগী দেখি নাই । অবস্থা শুনিয়া পূর্ব ব্যবস্থা মত ঔষধ দিয়াছিলাম ।

৩০শে অক্টোবর । প্রাতে: উত্তাপ ৯৯°৬ । বৈকালে ১০০°৬ । উভয় ফুসফুস অনেকটা পরিষ্কার হইয়াছে । বেদনা নাই । এ কয়েক দিন দান্ত হয় নাই । প্রস্রাবে জালা নাই । রোগী এখন উঠিয়া প্রস্রাব করে । পিপাসা নাই । জিহ্বা স্বাভাবিক । ক্ষুধার উদ্রেক হইয়াছে । দেখিলাম—রোগীর চক্ষু দুটা লালবর্ণ হইয়া জল পড়িতেছে এবং চোখের কোণে পিচুটি রহিয়াছে । জিজ্ঞাসায় জানিলাম ২।৩ বৎসর পূর্বে উহার গনোরিয়া হইয়াছিল ।

অণু পূর্ব ব্যবস্থা স্থগিত করিয়া, কেবল ৯নং মিশ্র পূর্ববৎ ৪ মাত্রা ব্যবস্থা করিলাম । এবং—

১০। Re.

ম্যাগ সালফ:	...	১০ গ্রেণ ।
গোলাপ জল	...	১ আউন্স ।

একত্র লোশন প্রস্তুত করিয়া, আইড্রপার দ্বারা চক্ষুতে ফোঁটা এবং প্রত্যহ ২।৩ বার বোদিক কম্প্রেস দিতে বলিলাম ।

পথ্য ।—পূর্ববৎ ।



৩১শে অক্টোবর :—অণু কোন উপসর্গ নাই । কেবল চক্ষুতে প্রদাহ বর্তমান আছে । অণু রোগী ক্ষুধায় অস্থির হইয়া কিছু কঠিন খাদ্য প্রার্থনা করিল ।

• ফুসফুস পরীক্ষায় বৃহৎ মিউকাস্ রালস্ পাওয়া গেল । প্রচুর পরিমাণে চাপ চাপ পুরু দুর্গন্ধযুক্ত শ্লেষ্মা উঠিতেছে । রোগীর দেহ অতিশয় শীর্ণ হইয়াছে । গাত্রচর্ম মেদশূন্য হইয়া এতাদৃশ রুক্ষ হইয়াছে যে, সাংঘাত্য চুলকানীতেই উপঃস্বক উঠিয়া গিয়া ক্ষতে পরিণত হইতেছে । অণু উত্তাপ স্বাভাবিক হইয়াছে ।

অণুও ১নং মিশ্র ৪ মাত্রা ব্যবস্থা করা হইল এবং ২ আউন্স অলিভ অয়েল গরম করিয়া সর্বোঙ্গে মর্দন করতঃ, গরম জলে গাম্‌ছা ভিজাইয়া গা মুছাইয়া দিতে বলিলাম । অণু নিম্নলিখিত ঔষধটীও ব্যবস্থা করিলাম—

১১। Re.

ক্যালসিয়াম ল্যাক্টেট

১০ গ্রেণ ।

এক মাত্রা । এইরূপ ২ মাত্রা । প্রাতেঃ ও সন্ধ্যায় ২ বার সেব্য ।

১১শে নভেম্বর ।—সমুদয় অবস্থা ভাল । গতকল্য চিড়ার মণ্ড খুব তৃপ্তিপূর্বক ভক্ষণ করিয়াছিল । অণুও ঐ পথ্যই এবং ১নং মিশ্র ৩ মাত্রা এবং ১১নং পুরিয়া ২ মাত্রা পূর্ববৎ সেবনের ব্যবস্থা করিলাম । এতদ্ব্যতীত—

১২। Re.

থিয়োকোল ( রোচি ) ...

৭।।০ গ্রেণ ।

১ মাত্রা । এইরূপ ২ মাত্রা । প্রতিমাত্রা ৪ ঘণ্টাস্তর সেব্য ।

২২শে নভেম্বর হইতে ৬ই পর্যন্ত রোগী দেখি নাই, অবস্থা শুনিয়া পূর্বোক্ত ব্যবস্থা মতে ঔষধ দিয়াছিলাম ।

পথ্যার্থ ।—এ কয়দিন দুধ সূজি, সূজির কুটি, দুগ্ধ দেওয়া হইয়াছিল ।

৭ই নভেম্বর ।—অণু রোগী দেখিয়া সন্তুষ্ট হইলাম । ফুসফুস সম্পূর্ণ পরিষ্কার এবং জ্বর বন্ধ হইয়াছে । অণু কোন উপসর্গ নাই । রোগী ক্ষুধায় অস্থির হইয়া অন্ন ব্যতীত অন্য কোন খাদ্যে সন্তুষ্ট হইবে না, বলিল ।

অণু পূর্বোক্ত সমুদয় ঔষধ বন্ধ করিয়া নিম্নলিখিত মিশ্র ব্যবস্থা করিলাম ।

১৩। Re.

কুইনাইন হাইড্রোক্লোর ...

৬ গ্রেণ ।

এসিড্ হাইড্রোক্লোর ডিল ...

১ ড্রাম ।

ভাইনাম পেপ্‌সিন ...

১ ড্রাম ।

লাইকর ইউনিমিন এট্‌ ইরিডিন ..

১ ড্রাম ।

টিং জেনসিয়ান কোঃ ...

১ ড্রাম ।

টিং কলম্বা ...

১ ড্রাম ।

একোয়া ক্লোরোফর্ম ...

এড ৬ আউন্স ।

একত্রে ছয় মাত্রা । প্রত্যহ ৩ মাত্রা সেব্য । এবং এক্সাস ইমালসন আহারান্তে দুগ্ধসহ ১ ড্রাম মাত্রায় প্রত্যহ ২বার সেব্য ।

অণু অন্ন পথ্য ব্যবস্থা করিলাম । রোগী সম্পূর্ণ আরোগ্য হইয়া স্বাস্থ্যলাভ করিয়াছে ।

## মেনিঞ্জাইটিস, না ম্যালেরিয়া ?

### Meningitis or Cerebral Malaria.

লেখক—ডাঃ শ্রীসুধীরচন্দ্র রায় L. M. F. (Bengal)

ভূতপূর্ব হাউস ফিজিসিয়ান—ক্যাথোলিক হস্পিট্যাল, কলিকাতা

মেডিকেল অফিসার—কাশিমবাজার রাজস্টেট ।

∴

গত ১৯২৪ খ্রীঃ অব্দে—যখন আমি ক্যাথোলিক হস্পিট্যাতে হাউস ফিজিসিয়ানের পদে নিযুক্ত ছিলাম, সেই সময় একটা রোগী হস্পিট্যাতে ভর্তি হয়। বাহ্যিক দৃশ্যে রোগীকে সেরিব্রাল টাইপের ম্যালিগ্‌ন্যান্ট ম্যালেরিয়া বলিয়াই বোধ হয়, কিন্তু আউটডোর হইতে “মেনিঞ্জাইটিস” নির্ণীত হইয়া, রোগীর টিকিটে উহাই লিখিয়া দেওয়া হইয়াছিল। রোগীটি একটু বিশেষত্ব বিধায়—ভর্তি করার পরই, রোগীকে আমি বিশেষ যত্ন ও আগ্রহ সহকারে পরীক্ষা করিলাম।

রোগীর বয়ঃক্রম ৩০।৩২ বৎসর, হিন্দুস্থানী কুলীশ্রেণী, শরীর বেশ বলিষ্ঠ।

**পূর্ব ইতিহাস।**—রোগীর পূর্ব ইতিহাস কিছুই জানিতে পারিলাম না—জানিবারও কোন উপায় ছিল না। কারণ, রোগীটি কুলীশ্রেণীর এবং পীড়িতাবস্থায় তাহাকে রাস্তার ধায়ে অজ্ঞানবস্থায় পড়িয়া থাকিতে দেখিয়া, হস্পিট্যাতে আনীত হইয়াছিল। সঙ্গে এমন কোন লোক আসে নাই—যাহার নিকট হইতে রোগীর পূর্ব ইতিহাস কিছু জানা যাইতে পারে।

**বর্তমান অবস্থা (Present condition)।**—রোগী সম্পূর্ণ অচেতন, বাহ্যজ্ঞান রহিত। চক্ষুর তারা সামান্য সংকুচিত (pupil contracted) এবং চক্ষুর তারার প্রতিফলিত ক্রিয়া (corneal reflex) সামান্য হ্রাস হইয়াছে, দৃষ্ট হইল।

রোগীর হাত দুইটা মুষ্টিবদ্ধ এবং আড়ষ্টভাবে বুকের মধ্যভাগে সংলগ্ন। ষাড় শক্তভাবে (Rigidly) বালিসের উপর ন্যস্ত, একটা পা আড়ষ্ট এবং অন্য পা অলসভাবে শয্যায় সংলগ্ন। আড়ষ্ট পদে কার্নিগ লক্ষণ (Kernigh's sign) বর্তমান। কিন্তু নিজাক (Kneejark) স্বাভাবিক ছিল। অল্প পদে কার্নিগ চিহ্ন (Kernigh's sign) ছিল না, কিন্তু আশ্চর্যের বিষয়—নিজাক (Kneejark) অত্যন্ত বৃদ্ধি পাইয়াছিল। উত্তাপ ১০০°৬। নাড়ীর গতি প্রতি মিনিটে ১০২ বার। শ্বাসপ্রশ্বাস স্বাভাবিক অপেক্ষা একটু দ্রুত হইয়া গঠিত। জিহ্বা সাদা লেপযুক্ত ও প্রায় শুষ্ক। পেট সামান্য ফাঁপা ছিল। স্নীহা সামান্য একটু বর্ধিত, যকৃৎ স্বাভাবিক।

রোগীর অবস্থা দৃষ্টে উহার পীড়া সম্বন্ধে আমার সন্দেহ হওয়ায়, আমি তখনই আমাদের ওয়ার্ডের (ward) ফিজিসিয়ানকে (Dr. Ganguli) রোগীর অবস্থা ও পীড়া সম্বন্ধে সমুদয় বিষয় জ্ঞাত করাইলাম। তিনি রোগী না দেখিয়াই, “ম্যালেরিয়াল প্যারাসাইট” (M. P.) ও “শ্বেত রক্তকণিকার” সমষ্টি ও পৃথক সংখ্যা গণনা করিবার জন্য (total and differential count of W. B. C.), রোগীর রক্ত লেবোরেটরীতে পাঠাইবার জন্য আমাকে বলিয়া গেলেন। আমি তখন ছথানা স্লাইডে (slide) রক্ত লইয়া (একটি ম্যালেরিয়াল প্যারাসাইট (M. P.) ও অপরটি শ্বেত রক্তকণিকার সমষ্টি ও পৃথক সংখ্যা নিরূপণার্থ) লেবোরেটরীতে পাঠাইয়া দিলাম এবং ইত্যবসরে রোগীর নিম্নলিখিত চিকিৎসার ব্যবস্থা করিলাম।

১। Re.

হাইড্রোক্স সাবক্লোর	৫ গ্রেণ।
সোডি বাইকার্ব	১০ গ্রেণ।

একত্রে এক পুরিয়া, তৎক্ষণাৎ জলসহ সেব্য।

২। Re.

ইউরোট্রপিন	৩০ গ্রেণ।
বিশোধিত নর্ম্যাল স্যালাইন সলিউশন	১০ সি,সি।

একত্র মিশ্রিত করিয়া তৎক্ষণাৎ ইন্ট্রাভেনাস ইঞ্জেকশন দিলাম।

(৩) রোগীর মাথার চুল কামাইয়া দিয়া, মাথায় বরফ দিবার (Ice bag) বন্দোবস্ত করিলাম।

পথ্য।—রোগী সম্পূর্ণ অজ্ঞান। গলধঃকরণ শক্তি না থাকায়, ফানেল ও রবার টিউবের সাহায্যে নাশিকাপথ দিয়া প্রত্যেক ৪ ঘণ্টা অন্তর—প্রতিবারে আট আউন্স পরিমাণ ঈষৎ গরম দুধ খাওয়াইবার বন্দোবস্ত করিলাম। নামের প্রতি এই সকল ব্যবস্থার ভার দিয়া বাসায় ফিরিলাম।

ত্রি দিন বৈকাল ওটার সময়—প্রথমেই লেবোরেটরীতে গিয়া রোগীর রক্ত পরীক্ষার ফল দেখিয়া আমি আশ্চর্যান্বিত হইলাম। রক্তপরীক্ষায় কয়েকটি ক্রিসেন্ট বডি (Crescent body) ও ম্যালেরিয়াল প্যারাসাইটের রিং (Ring) পাওয়া গিয়াছিল এবং বৃহৎ মনোনিউক্লিয়ার (large mono-nuclear) ৪.৫% বৃদ্ধি পাইয়াছিল। রিপোর্ট হইতে বেশ বুঝতে পারিলাম যে, রোগীর পীড়া—“সেরিব্রাল টাইপ অব ম্যালিগন্যান্ট ম্যালেরিয়া” ভিন্ন আর কিছুই নহে। আমি তখনই ওয়ার্ডে গিয়া পূর্বব্যবস্থা পরিবর্তন করিয়া, নিম্নলিখিত ব্যবস্থা করিলাম।

৪। Re

কুইনাইন বাই-হাইড্রোক্লোর	১০ গ্রেণ।
বিশোধিত নর্ম্যাল স্যালাইন ড্রব	১০ সি,সি।

একত্র মিশ্রিত করিয়া ইন্ট্রাভেনাস ইঞ্জেকশন দিলাম এবং মুখপথে সেবনার্থ নিম্নলিখিত মিশ্র ব্যবস্থা করিলাম।

৫। Re.

কুইনাইন সালফ্.	...	৭½ গ্রেণ।
এসিড্ এন, এম, ডিল	...	১৫ মিনিম।
এমন ক্লোরাইড	...	৫ গ্রেণ।
সৌডি সালফ্.	...	১/২ ড্রাম।
একোয়া ক্লোরফরম	...	এড ১ আউন্স।

একত্র মিশ্রিত করতঃ ১ মাত্রা। এইরূপ ৪ মাত্রা। প্রতিমাত্রা ৩ ঘণ্টাস্তর সেব্য।

পথ্য।—ছুধ ও সাণ্ড।

**পূর্বদিন প্রাতেঃ**—হাঁসপাতালে বাইয়াই দেখিলাম—রোগী বিছানায় বসিয়া আছে। দেখিয়া বাস্তবিকই আশ্চর্যান্বিত হইলাম—এই রোগীই যে, কল্যকার সেই সম্পূর্ণ অজ্ঞান, অসাড় নিম্পন্দ অবস্থাপন্ন রোগী, প্রথমতঃ নিজেই তাহা বিশ্বাস করিতে পারিতেছিলাম না। নাসের নিকট হইতে জ্ঞানিলাম—কল্য রাত্রি প্রায় ২টার সময় রোগীর জ্ঞান সঞ্চার হইয়া, ক্রমশঃ এইরূপ স্বাভাবিক অবস্থায় পরিণত হইয়াছে।

অল্প রোগীর অবস্থা প্রায় স্বাভাবিক। জিহ্বা পরিষ্কার হইয়াছে, অজ্ঞানতাব ও হস্ত পদের আড়ষ্ট ভাব আদৌ নাই, মুখ চোখের অবস্থা ও উত্তাপ এবং নাড়ী (Pulre) স্বাভাবিক।

অল্প নিয়মিত ব্যবস্থা করিলাম।

৬। Re

কুইনাইন বাইহাইড্রোক্লোর.	...	১০ গ্রেণ।
বিশোধিত নর্ম্যাল স্ট্রালাইন ড্রব	...	৫ সি, সি,।

একত্র মিশ্রিত করতঃ ইন্ট্রামাস্কিউলার ইঞ্জেকসন দেওয়া হইল এবং মুখপথে সেবনার্থ পূর্বদিনের ৫নং মিশ্রের প্রতিমাত্রার সহিত লাইকর আসেনিক হাইড্রোক্লোর ছই ফোঁটা যোগ করিয়া, দিবসে তিনবার সেবন করাইতে বলিলাম।

পথ্য। সাণ্ড ও জীবিত মৎসের ঝোল এবং রাত্রে ছুধ ও রুটি।

ইহার পরের দিনও রোগীকে পূর্বদিনের স্তায় ৬নং ইঞ্জেকসন ও সেবনার্থ ৫নং মিশ্র ব্যবস্থা এবং অন্ন আন্ন না হওয়ায় অন্ন পথ্য দেওয়া হইয়াছিল। ৩৪ দিনেই উপরিউক্ত চিকিৎসায় রোগী সম্পূর্ণ সুস্থ হইয়া হাঁসপাতাল হইতে বিদায় গ্রহণ করিয়াছিল।

**সম্ভব্য।** এই রোগীর লক্ষণাদি দেখিয়া 'সেরিব্রো-স্পাইন্যাল ফিভার' বলিয়া ভ্রম হওয়া আশ্চর্যের বিষয় নহে। রক্তের আন্তরীক্ষণিক পরীক্ষা দ্বারা কেবলমাত্র পীড়া নির্ণয় সম্বন্ধে নিঃসন্দেহ হওয়া গিয়াছিল এবং এই সাংঘাতিক লক্ষণাবলী কেবলমাত্র কুইনাইন ইন্ট্রাভেনাস ইঞ্জেকসন দেওয়াতেই সম্বরণ দ্রুত হইয়াছিল পীড়ার মূল কারণ নির্ণয়

না করিয়া, কেবল অনুমানের উপর নির্ভর করতঃ চিকিৎসা করিলে, চিকিৎসার কল কখনও সফলপ্রসূ হইতে পারে না, এরূপ চিকিৎসায় কেবল রোগীর মৃত্যুর পথ পরিষ্কার করিয়া দেওয়া হয় মাত্র। চোখের বিষয়—যক্ষ্মে একরূপ অনুবীক্ষণ যন্ত্র সাহায্যে রোগীর রক্তাদি পরীক্ষা করিয়া, রোগ নির্ণয়ের সুবিধা অনেক স্থলেই সম্ভব হয় না। আমার বিবেচনায় সূচিকিৎসায় স্থূষণঃ অর্জন করণার্থ, সাধাপক্ষে প্রত্যেক চিকিৎসকেরই একটা অনুবীক্ষণ যন্ত্র রাখা কর্তব্য। তাহাদের সে সুবিধা না হয়, তাহাদের পক্ষে বিশেষ সতর্কতা ও অনুধাবন সহকারে রোগীকে পরীক্ষা করিয়া হিরসিকাঙ্গে উপনীত হওয়া এবং সন্দেহ স্থল প্রবীণ বহুদর্শী চিকিৎসকের সাহায্য গ্রহণ করা কর্তব্য। অনেকে এরূপ পরামর্শ গ্রহণে সঙ্কোচ বোধ করেন, কিন্তু তাহাদের ইহা একটা মস্ত ভুল। প্রবীণ বহুদর্শী চিকিৎসকের সাহায্য গ্রহণে কিছু দিন প্র্যাক্টিস করিলে সম্পূর্ণ অভিনব চিকিৎসকও, স্বল্পদিনে বহুদর্শীতা এবং রোগনির্ণয়ে অভিজ্ঞতা লাভ করিতে পারেন।

## জন্ডিস—Jaundice.

লেখক—ডাঃ শ্রীবিনোদ বিহারি নিয়োগী L. M. D.

মেডিক্যাল অফিসার—কালাজুর ক্যাম্প, নাগরকান্দি।

চিকিৎসাগ্রহে বা চিকিৎসা বিষয়ক সাময়িক পত্রে, জন্ডিস পীড়ার অনেক প্রকার ঔষধ ও চিকিৎসা-প্রণালী উল্লিখিত হইয়াছে। কিন্তু এই সকল ঔষধাদি সকল স্থলেই সফলপ্রদ হইতে দেখা যায় না। আমি একটা সামান্ত টোটকা ঔষধে সব স্থলেই যে অসামান্ত উপকার পাইয়াছি, তত্বলনায় ঐ সকল ঔষধ নগণ্য বলিলেও, অত্যাক্তি হইবে না। এই সামান্ত ঔষধটির বিষয়ই অল্প পাঠকগণের গোচর করি।

(১) স্নোগী—আমাদের ক্যাম্পের জনৈক পিওন। বয়সক্রম ৩২।৩৩ বৎসর।

গত ফেব্রুয়ারী মাসে এই ব্যক্তির অত্যন্ত জন্ডিস উপস্থিত হয়। জন্ডিসের সমুদয় লক্ষণই উপস্থিত হইয়াছিল।

প্রথমে আমি তাহাকে লাবণিক বিরেচক, বিবিধ পিত্তনিঃসারক ঔষধ দিই, পরে ক্রিমি সন্দেহে স্ট্রাণ্টোনাইনও ব্যবহা করি। কিন্তু কিছুতেই উপকার হয় নাই। অবশেষে স্থানীয় একজন বিজ্ঞ কবিরাজের ঔষধ ব্যবহার করান হয় এবং এই সঙ্গে আমি এসেটিন ইঞ্জেকসন করি। কিন্তু ইহাতেও কোন উপকার পাওয়া গেল না। ক্রমশঃ রোগীর চোখের হরিদ্রাবর্ণ, গাঢ় হইতে গাঢ়তর এবং চোখের দৃষ্টিশক্তি হ্রাস হইতে লাগিল, রোগীও অত্যন্ত শীর্ণ ও দুর্বল হইতে পড়িল। অতঃপর নিম্নলিখিত ঔষধের রোগীকে ব্যবহা করিলাম। ইতিপূর্বে জনৈক কবিরাজের নিরুপস্থিত হইতে এই ঔষধটির ক্রিয়া জ্ঞাত হইয়াছিল।

Re.

নিমের ছাল

... কিছু পরিমাণ\*

প্রতিরোধে নিমের ছালগুলিকে ভাল করিয়া ধোত করতঃ, একটা পাথরের বাটাতে আধ পোয়া আনাজ জলে ভিজাইয়া রাখিতে হইবে। তারপর প্রাতে ঐ জল হইতে ছালগুলি ছাঁকিয়া ফেলিয়া। উক্ত জলে একট চিনি মিশাইয়া সমস্তটা একবারে সেবন করিবে।

৭ দিন ঐ প্রকারে উক্ত নিমছাল ভিজান জল খাইয়া, রোগীর জন্ডিসের লক্ষণ সম্পূর্ণরূপে দূরীভূত হইয়াছে, দেখা গেল। চোখের রং স্বাভাবিক এবং দৃষ্টিশক্তির ব্যতিক্রম দূরীভূত হইল। রোগী এক্ষণে সম্পূর্ণ সুস্থ হইয়াছে। পিণ্ডনটী এখনও উহা মধ্যে মধ্যে সেবন করে।

(২) রোগী—খুলনা ডিষ্ট্রিক্ট বোর্ডের ক্লার্ক বাবু \* বসু। ইনি একদিন আমাদের ক্যাম্পে আসিয়া বলিলেন—“কয়েক মাস আমার পেটের অস্থখ হইয়াছে, প্রস্রাব হরিদ্রাবর্ণ, রাত্রে চোখে দেখিতে পাওয়া যায় না, মল কখন পাতলা, কখন কঠিন আকার, কখন বা শ্লেষা মিশ্রিত।” দেখিলাম—রোগীর চোখ হরিদ্রাবর্ণ বিশিষ্ট। বুঝিলাম—তাহার জন্ডিস হইয়াছে। এলোপ্যাথিক, হোমিওপ্যাথিক ও কবিরাজী অনেক ঔষধ খাইয়াছেন, কিন্তু কোন স্থায়ী ফল পান নাই।


আমি তাহাকে পূর্বোক্ত নিমছাল ভিজান জল উল্লিখিত প্রকারে সেবন করিবার উপদেশ দিলাম। রোগীর বিশ্বাস স্থাপনার্থ সুগার অব মিক্সের কয়েকটা পুরিয়া দিয়া, ইহার একটা পুরিয়া উক্ত জলের সঙ্গে মিশাইয়া খাইতে বলিলাম। তিনি শিক্ষিত ভদ্রলোক, অনেক ভাল ভাল ঔষধ ব্যবহার করিয়া উপকার পান নাই, সামান্য নিমের ছালের প্রতি তাহার বিশ্বাস হওয়া অসম্ভব, সুতরাং বাধ্য হইয়াই এইরূপ ব্যবস্থা করিতে হইল।

১ মাস পরে উক্ত ক্লার্কবাবুর সঙ্গে দেখা হইলে, তিনি বলিলেন যে,—“১ দিন আপনার ঔষধ ব্যবহারের পরই আমার পেটের গোলযোগ দূর হইয়াছিল। ইতিপূর্বে সর্বদা পেট ভুট ভাট করিত, ১ দিন ঔষধ খাওয়ার পরেই আর ঐরূপ করিতে দেখ গেল না। ৫৬ দিন পরে প্রস্রাব সাদা এবং ৮১০ দিনের মধ্যে রাত্রিতে চোখে দেখিতে পাইলাম। বর্তমানে আমার আর কোনই উপসর্গ নাই। দাস্ত স্বাভাবিক হইতেছে। এখনও আমি ঐ ঔষধ খাইতেছি এবং কিছুদিন খাইব।”

এইরূপ আরও কতিপয় জন্ডিস রোগীতে উক্ত ঔষধটী প্রয়োগ করিয়া আমি অল্প সময়ের মধ্যেই উপকার পাইয়াছি। পাঠকগণ এই ঔষধটী যথাস্থানে প্রয়োগ করিয়া ফলাফল চিকিৎসা-প্রকাশে প্রকাশ করিলে বাধিত হইব। প্রত্যেক কালাজরের রোগীকেই আমি এই ঔষধটী খাইতে দিই এবং তাহাতে বেশ উপকার পাইয়া থাকি।

\* উল্লিখিত প্রবন্ধে নিমের ছালের বৈকল্পিক উপকারিতা প্রদর্শিত হইয়াছে, তাহাতে অনেকেই উহা পরীক্ষা করিতে ইচ্ছুক হইবেন, সন্দেহ নাই। কিন্তু উক্ত প্রবন্ধে নিম ছালের পরিমাণ উল্লেখ না করায়, ইহা ব্যবহারের বিশেষ অহবিধা হইবে। এজন্য মাননীয় বিনোদ বাবুকে বিশেষভাবে অনুরোধ করিতেছি যে, কি পরিমাণ নিমের ছাল আধাপায়া জলে ভিজাইতে হইবে, তাহা জানাইয়া বাধিত করিবেন। নিঃ—চিঃ এঃ স্বঃ।





ডাঃ শ্রীনির্মলকান্ত চট্টোপাধ্যায়, এম, বি,  
কলিকাতা।

(পূর্বপ্রকাশিত ১১শ সংখ্যার (ফাল্গুন) ১৯৩৩ পৃষ্ঠার পর হইতে)

—:~::~:—

### (১১) অজ্ঞাত কারণ জনিত জ্বর।

বরোদা হইতে Dr. V. N. Modi M. B. B. S. এটিসেপ্টিক পত্রে ২টি অজ্ঞাত কারণ জনিত জ্বর রোগীর চিকিৎসা বিবরণ প্রকাশ করিয়াছেন। নিম্নে এই রোগী দুইটির বিবরণ উদ্ধৃত হইল।

ডাঃ মোডি লিখিয়াছেন—

১ম রোগী।—“প্রায় এক বৎসর পূর্বে আমি ১টি যুবতী স্ত্রীলোকের চিকিৎসার্থ আহৃত হই। শুনলাম—স্ত্রীলোকটি ৩য় সন্তান প্রসব করিবার পরে ৬ষ্ঠ দিবসে অরাক্রান্ত হইয়া, ২ মাস ঐ জরে ভুগিতেছে। ৩ জন ডাক্তার চিকিৎসা করিয়াছেন, মুখপথে ও ইঞ্জেকসনরূপে কুইনাইন এবং অগ্নাণ্ড আরও অনেক ঔষধ ব্যবহার করান হইয়াছে, অতঃপর যক্ষ্মারোগ সন্দেহে ২ সপ্তাহ যাবৎ থাইসিসের চিকিৎসা করানও হইয়াছে। কিন্তু কোন চিকিৎসাতেই কিছু মাত্র উপকার হয় নাই। উত্তাপ ৯৮ ডিগ্রি হইতে বর্দ্ধিত হইয়া প্রত্যাহই ১০২ ডিগ্রি পর্যন্ত হয়। রোগিনীর অণ্ড কোন বিশেষ উপসর্গ, শ্বাবনিঃসরণ, কাশি কিম্বা আন্ত্রিক কোন উপসর্গ ( Intestinal trouble ) বর্তমান নাই।

জ্বর বন্ধ না হইবার বা জ্বরের কোন কারণ নির্ণয় করিতে না পারিয়া, রোগিনীকে কয়েক দিন কেবলমাত্র সাধারণ ক্ষারাক্ত ও ঘর্মকারক ঔষধ প্রয়োগ করিয়া, তদপরে প্রাতঃকালে সোডি ক্যাকোডাইলেট ও গ্রেণ, ইঞ্জেকসন দিলাম। এই দিন সন্ধ্যাকালে উত্তাপ ৯৭.৫ ডিগ্রি হইতে দেখা গেল। তৎপরদিন সামান্য উত্তাপ বৃদ্ধি হইয়াছিল। ১ দিন অন্তর আরও ৩ দিন সোডি ক্যাকোডাইলেট ও গ্রেণ মাত্রায় ইঞ্জেকসন-দেওয়ান, রোগিনীর জ্বর বন্ধ হইয়া রোগিনী সম্পূর্ণ আরোগ্য হইয়াছিলেন। অতঃপর ১টি বলকারক ঔষধ ব্যবস্থা করা হইয়াছিল।

২য় রোগী।—জনৈক স্ত্রীলোক। ইহার অবস্থাও অবিকল পূর্বোক্ত রোগিনীর প্রায়—অধিকত, ইহার উদরাময় বর্তমান ছিল এবং রোগিনী অত্যন্ত দুর্বল ও রক্তহীন হইয়াছিলেন। রোগিনী এক মাস জরে ভুগিতেছিলেন, কোন চিকিৎসাতেই জ্বর বন্ধ হইয়া নাই। প্রত্যাহ জ্বরীয় উত্তাপ ৯৯ ডিগ্রি হইতে ১০১ ডিগ্রি পর্যন্ত বর্দ্ধিত হইত।

আমি তাহাকে প্রথমতঃ বিসমাথ মিশ্র সেবন এবং পথ্যার্থ হোয়ে ও ফলের রস ব্যবস্থা করিলাম। ইহাতে ২ সপ্তাহের মধ্যেই উদরাময় উপশমিত হইল। অতঃপর তাহাকে ১ দিন অন্তর ৩ গ্রেণ মাত্রায় সোডি ক্যাকোডাইলেট ইঞ্জেকসম দেওয়ার ব্যবস্থা করিলাম। ৩টা ইঞ্জেকসনের পরই অর বন্ধ হইল। আর তাহাকে ইঞ্জেকসন করিবার প্রয়োজন হয় নাই, উহাতেই রোগিনীর অর বন্ধ হইয়া রোগিনী সম্পূর্ণ সুস্থ হইয়াছেন”।

ডাঃ মোডি বলেন—উক্ত উত্তম রোগিনীর অব্যাপ্তির কারণ নির্ণয় করা দুঃসাধ্য। কোন রোগিনীরই উপদংশের বা অন্য কোন পীড়ার ইতিহাস পাওয়া যায় নাই। কিন্তু সোডি ক্যাকোডাইলেট দ্বারা যে, অর বন্ধ হইয়াছিল, তাহাতে কোনই সন্দেহ নাই”।

( Antiseptic Nov. 1927 )

## প্রেরিত পত্র।

### দেশীয় ঔষধ-তত্ত্ব।

ত্রিপুরা, জাহাপুর হইতে সাহিত্যপাধ্যায় বৈষ্ণবরাজ শ্রীযুক্ত হরেন্দ্র চন্দ্র আচার্য্য বৈষ্ণবশাস্ত্রী ভিষ্ণবরত্ন L. A. M. S. মহোদয় লিখিয়াছেন—“পাঁচড়া রোগে ও নালীকতে নিম্নলিখিত ঔষধটী প্রয়োগ করিলে অতি সহজ উহা আরোগ্য হয়। বহুসংখ্যক রোগীকে ইহা প্রয়োগ করিয়া ইহার ক্রিয়া বিশেষরূপে পরীক্ষিত হইয়াছে। ঔষধটির প্রস্তুত প্রণালী নিম্নে উল্লিখিত হইল।

Re.

নিমের ছাল বা পাতা (বাটিয়া বা ছেঁচিয়া)	...	১ ছটাক।
সজিনার ছাল ( বাটিয়া বা ছেঁচিয়া )	...	”
লাল করবীর পাতা ( বাটিয়া বা ছেঁচিয়া )	...	”
চূণ	...	”
রসুন	...	”
হরিতাল	...	আধ তোলা।
মনছাল ( বেনের দোকানে পাওয়া যায় )	...	”
গাঁজা	...	১৮ তোলা।

একটি মাটির পাত্রে আধ সের খাঁটি সরিসার তৈল লইয়া, তাহাতে উপরিউক্ত দ্রব্যগুলি দিয়া, উহা অগ্নির উত্তাপে আল দিতে হইবে। উক্ত দ্রব্যগুলি তৈলে উত্তমরূপে ভাঙ্গা হইলে, পাত্রটী নামাইয়া এবং দ্রব্যগুলি ছাঁকিয়া, উক্ত তৈল একটা পাত্রে রাখিবে।

ব্যবহার-প্রণালী।—পাঁচড়ারোগে আক্রান্তস্থান সমূহ উত্তমরূপে গৌড় করিয়া

শুক করতঃ, উক্ত তৈল বেশ করিয়া মর্দন করিয়া দিতে হইবে । ইহাতে এক দিনেই উপকার লক্ষিত এবং ৩৪ দিনেই নির্দোষভাবে পাচড়া আরোগ্য হইবে ।

নালী কতে এক টুকরা ন্যাকড়া, এই তৈলে ভিজাইয়া নালীর মধ্যে বা নালীর মুখে প্রয়োগ করিতে হয় । ইহাতে ২ দিনেই নালী পুরিয়া ৪।৫ দিনেই কতে আরোগ্য হইতে দেখা গিয়াছে ।

দূষিত কতেও এই তৈল বিশেষ উপকারী ; কয়েকটা ছন্দমা দূষিত কতে অগ্নাত চিকিৎসা নিঃফল হওয়ায় পরে, এই তৈল উক্ত প্রকারে কতে প্রয়োগ করায়, শীঘ্রই কত আরোগ্য হইয়াছিল । যে কোন কতেরই ইহা একটা সুফলপ্রদ পরীক্ষিত ঔষধ ।



## তরুণ-ব্রঙ্কাইটিস্ - Acute Bronchitis.

লেখক—ডাঃ শ্রীমন্মোহনকুমার দাশ M. B. M. C. P. & S. (C. P. S.)  
M. R. I. P. H. ( Eng. )

—:o:—

গত ৩,১১।২৭ তারিখে আমি একটা রোগী দেখিবার জন্ত তালতলায় ( কলিকাতা ) আহৃত হই ।

রোগী—একটা ছইমাসের শিশু । কয়েকদিন হইল সর্দি, কাশী ও জরে ভুগিতেছে । এলোপ্যাথিক চিকিৎসায় কোনও ফল না হওয়ায়, আমাকে ডাকা হয় ।

আমি গিয়া দেখিলাম—শিশুটা ব্রঙ্কাইটিসে ভুগিতেছে । অরীয় উত্তাপ ১০৩.১০৪ ডিগ্রি পর্যন্ত হইয় থাকে ।

চিকিৎসা ।—শিশুর মাতাকে বান করিতে নিষেধ করিয়া তাহাকে লঘু ও তরল পথ্য গ্রহণের ব্যবস্থা করিলাম । অতঃপর—শিশুটির বৃকে ও পিঠে এন্টিক্লোজেনিন লাগাইয়া, ইহা প্রতি ২৪ ঘণ্টান্তর পরিবর্তন করিতে উপদেশ দিলাম । সেবমার্গ নিম্নলিখিত ঔষধ ব্যবস্থা করিলাম । বধা:—

১। Re.

কোল সাল্ফ্ ৬x	...	১/২ গ্রেণ ।
কেলি মিউর ৬x	...	১/২ গ্রেণ ।
নেটাম্ সাল্ফ্ ৬x	...	১/২ গ্রেণ ।
ক্যালকেরিয়া সাল্ফ্ ৬x	...	১/২ গ্রেণ ।

একত্রে ১ মাত্রা । নিম্নলিখিত ২নং ঔষধের সহিত পর্যায়ক্রমে ১ ঘণ্টাস্তর সেব্য ।

• ২। Re.

ফেরাম্ ফস্ ৬x	...	১/২ গ্রেণ ।
কেলি ফস্ ৩x	...	১/২ গ্রেণ ।
ক্যালকেরিয়া ফস্ ৬x	...	১/২ গ্রেণ ।

একত্রে ১ মাত্রা । ১ নং ঔষধের সহিত পর্যায়ক্রমে ১ ঘণ্টাস্তর সেব্য ।

২।১১।২৭।—অণু রোগী দেখিলাম । নিলাম—৩।৪ বার ঔষধ সেবনের পর রোগীর বেশ একবার সহজ দান্ত হইয়াছে । ইতিপূর্বে শিশুকে এনিমা দিয়া দান্ত করাইতে হইত । অণু অবস্থারও কথঞ্চিৎ হিতপরিবর্তন হইয়াছে । অণু নিম্নলিখিত ব্যবস্থা করিলাম । যথা:—

৩। Re.

ফেরাম্ ফস্ ৬x	...	১/২ গ্রেণ ।
কেলি সাল্ফ্ ৬x	...	১/২ গ্রেণ ।
ক্যালকেরিয়া সাল্ফ্ ৬x	...	১/২ গ্রেণ ।
কেলি ফস্ ৩x	...	১/২ গ্রেণ ।
ক্যালকেরিয়া ফস্ ৬x	...	১/২ গ্রেণ ।

একত্রে ১ মাত্রা প্রত্যহ ৪ মাত্রা সেব্য । এবং—

৪। Fe.

নেটাম্ সাল্ফ্ ১x	...	১০ গ্রেণ ।
------------------	-----	------------

মাতৃস্তনের সহিত মিশ্রিত করতঃ, কিছুকৈ করিয়া দিনে ১ বার সেব্য । ইহাতে বেশ সরল দান্ত হইবে ।

এই ব্যবস্থায় ৪।৫ দিনেই শিশুটির অর বিচ্ছেদ এবং ক্রমশঃ অণু উপসর্গ দূরীভূত হইয়া, ১০ দিনের মধ্যেই শিশুটি সম্পূর্ণ আরোগ্য হইয়াছিল । অতঃপর প্রত্যহ ১।২ গ্রেণ মাত্রায় ক্যালকেরিয়া ফস্ ৬x, প্রত্যহ ১ বার করিয়া কিছুদিন নিয়মিতভাবে সেবন করিতে উপদেশ দিয়াছিলাম ।

## বাইওকেমিক মতে কলেরা-চিকিৎসা।

লেখক—ডাঃ শ্রী কেশবচন্দ্র কুণ্ডু এম, বি, (Bio.)

\*\*\*

আজ কয়েক বৎসর হইতে বাইওকেমিক মতে কলেরা পীড়ার চিকিৎসা করিয়া, সর্বশ্বলেই যেরূপ অত্যাশ্চর্য ফললাভ করিয়াছি, তাহারই কথঞ্চিৎ পরিচয় প্রদান পূর্বক, এই সহজ ও সুফলপ্রদ চিকিৎসা-প্রণালীর প্রতি সমব্যবসায়ী ভ্রাতৃগণের অমুরাগ আকর্ষণার্থেই বর্তমান প্রবন্ধটির অবতারণা। নিম্নে কয়েকটি বিশেষত্বপূর্ণ কঠিনাকারের কলেরাক্রান্ত রোগীর চিকিৎসা বিবরণ উল্লিখিত হইল।

১ম রোগী—জনৈক স্ত্রীলোক, বয়ঃক্রম ২৪।২৫ বৎসর। ৬ মাস গর্ভবতী। গত রাতে স্ত্রীলোকটি কলেরাক্রান্ত হইয়াছিল। তৎপরদিন প্রাতে আমি আহূত হই।

বর্তমান অবস্থা।—নাড়ী Pulse সম্পূর্ণরূপে বিলুপ্ত, শরীর হিমাক্ত ও ঘর্ষে অভিষিক্ত। হৃদস্পন্দন অতীব ক্ষীণ, প্রবল পিপাসা, হস্তপদের অঙ্গুলী চূপ্‌সান। সর্বশরীরে খাল ধরিতেছে এবং অসাড়ে তরল মল নির্গত হইতেছে। শুনিতাম--২।৩ বার তরল ভেদ ও বমনের পরই, প্রস্রাব বন্ধ এবং ক্রমশঃ রোগিনী এইরূপ কোল্যাপ্স অবস্থাপন্ন হইয়াছে।

চিকিৎসা।—রোগিনীর এবিধ অবস্থা দর্শনে নিম্নলিখিত ব্যবস্থা করিলাম।

(১) বোতলে গরম জল পুরিয়া ও আগুনে নেকড়ে গরম করিয়া, তদারা সর্বদা সেক দেওয়ার ব্যবস্থা করিলাম।

(২) সেবনার্থ নিম্নলিখিত ঔষধ ব্যবস্থা করিলাম। যথা;—

১। Re.

নেটাম সাল্ফ ৩x	...	১০ গ্রেণ।
উষ্ণ জল	..	৪ আউন্স।

একত্র মিশ্রিত কর।

২। Re.

ফেরাম ফস ৩x	...	৮ গ্রেণ।
ক্যালি ফস ৩x	...	১২ গ্রেণ।
ম্যাগঃ ফস ৩x	...	১০ গ্রেণ।
উষ্ণ জল	...	৪ আউন্স।

একত্র মিশ্রিত কর।

৩। Re.

ফেরাম ফস ৬x	...	৪ গ্রেণ।
ক্যালি ফস ৩x	...	৬ গ্রেণ।
ক্যালকেরিয়া ফস ৩x	...	৮ গ্রেণ।
বার্লি ওয়াটার	...	আধপোয়া।

একত্র মিশ্রিত কর।

উপরিউক্ত ১ নং ৩ ২ নং মিশ্র ২টি ২ ফোঁটা মাত্রায়, আধ মিনিট অন্তর, তারপর এক ঘণ্টা পরে ৫ ফোঁটা মাত্রায় ১ মিনিট অন্তর পর্যায়ক্রমে সেবন করাইতে লাগিলাম। এতদিন পিপাসাকালীন জলের পরিবর্তে ৩ নং ঔষধ খাওয়াইবার ব্যবস্থা করা হইল।

৩ ঘণ্টা পরে।—উল্লিখিত চিকিৎসার ৩ ঘণ্টা পরে দেখিলাম—হৃদপিণ্ডের ক্রিয়া কথঞ্চিৎ সবল হইয়াছে, কিন্তু মগিবন্ধে তখনও নাড়ীর স্পন্দন অল্পত্ব হইতেছে না। হাত পায়ের খাল ধরা ও অঙ্গুলীর চূপ্‌সান তাব অনেকটা কমিয়াছে। বমি আদৌ হয় নাই। বলত্যাগ দীর্ঘ সময়ান্তরে হইতেছে। সর্বদেহের শীতলতা ও ঘর্ষ নিঃসরণ অনেকটা হ্রাস হইয়াছে।

এই সময় হইতে ১নং ও ২নং মিশ্র ১০ ফোঁটা মাত্রায়, ৩ মিনিট অন্তর পর্যায়ক্রমে সেবন করিতে দিলাম। বালি মিশ্রিত ৩নং ঔষধ পূর্ববৎ সেব্য।

**বেলা ৩টার সময়—**মনিবন্ধে নাড়ীর স্পন্দন স্পষ্ট অনুভূত হইল এবং অগ্নাশ্র উপসর্গও অনেকটা হ্রাস হইয়াছে, দেখা গেল। ঔষধাদি পূর্ববৎ সেবন করান হইতেছিল।

**সন্ধ্যার পর—**রোগিণীর অবস্থা অনেক ভাল, কোল্যাপ্স অবস্থা ও অগ্নাশ্র সমুদয় উপসর্গ প্রায় অন্তর্হিত হইয়াছে। এই সময় হইতে ১নং ও ২নং ঔষধ আধ ঝিনুক মাত্রায়, ১৫ মিনিট অন্তর পর্যায়ক্রমে সেবনের ব্যবস্থা দিলাম। পিপাসা প্রবল না থাকায়, ৩নং ঔষধের পরিবর্তে পাতলা বালি ওয়াটার এক এক ঝিনুক করিয়া খাইতে বলিলাম।

**পরদিন প্রাতেঃ—**রোগিণী অনেকাংশে সুস্থ। শুনিলাম—শেষ রাত্রে প্রস্রাব হইয়াছে। এক্ষণে আর কোন উপসর্গ নাই, উত্তাপ স্বাভাবিক ও নাড়ীও স্বাভাবিক প্রায় হইয়াছে, তবে স্পন্দন খুব ক্ষীণ। ১নং ও ২নং ঔষধ এক এক ঝিনুক মাত্রায় পর্যায়ক্রমে ১ ঘণ্টাস্তর সেবনের এবং পথ্যার্থ জলবালি ব্যবস্থা করিলাম।

**বেলা ৩টার সময়—**রোগিণী সম্পূর্ণ সুস্থ, অথ কোন উদ্বেগ নাই, সকাল হইতে দুপুর পর্যন্ত ৩ বার প্রস্রাব ও ১ বার হৃদে বর্ণের দান্ত হইয়াছে। উক্ত ১নং ও ২নং ঔষধ ১৫ ফোঁটা মাত্রায় ২ ঘণ্টাস্তর সেবনের ব্যবস্থা দিলাম।

এই রোগিণীকে পরদিনও, উক্ত ঔষধ উক্ত প্রকারে ৩ ঘণ্টাস্তর দেওয়া হইয়াছিল, কিন্তু তৎপরদিন হইতে আর ঔষধ দেওয়ার প্রয়োজন হয় নাই, রোগিণী সম্পূর্ণ আরোগ্যলাভ করিয়াছিলেন।


**মন্তব্য।** কলেরা পীড়ায় অবস্থা বুঝিয়া উল্লিখিত মিশ্র ২টা পর্যায়ক্রমে ব্যবস্থা করিলে প্রায়ই নিষ্ফল হইতে হয় না। গরম জলে ঔষধ প্রস্তুত করা কর্তব্য, ইহাতে ঔষধের ক্রিয়া সত্তর উপস্থিত হয়।

উল্লিখিত ঔষধ দ্বারা মূত্রগ্রন্থির ক্রিয়াবিকার শীঘ্র বিদূরিত হইয়া প্রস্রাব হইয়া থাকে, কিন্তু সত্তর প্রস্রাব করান নিতান্ত আবশ্যিক হইলে, ২নং মিশ্রের সঙ্গে **নেট্রাম ফস্ ৩x, ৮—১০** গ্রেণ মিশাইয়া দেওয়া কর্তব্য।

আর একটা বিষয় স্মরণ রাখা কর্তব্য—যদি গুরুপাক দ্রব্য ভক্ষণের পর কলেরা উপস্থিত হয়, তাহা হইলে ১নং মিশ্র সেবন না করাইয়া, ২নং মিশ্রের সঙ্গে পর্যায়ক্রমে **ক্যালসিঃ মিউর ৩x, ২** গ্রেণ মাত্রায় খাওয়ান কর্তব্য। যদি রোগীর অম্মাধিক্য, জিহ্বা বর্ণিত হরিদ্রাবর্ণের লেপযুক্ত এবং মলে কৃমি বর্তমান থাকে, তাহা হইলে ১নং মিশ্র না দিয়া, ২নং মিশ্রের সঙ্গে পর্যায়ক্রমে **নেট্রাম ফস্ ৩x, ২** গ্রেণ মাত্রায় ব্যবস্থা করা কর্তব্য। আর ১টা বিষয়—বাইওকেমিক মতে কলেরা চিকিৎসায় রোগীকে সর্বাবস্থায়ই তরল পথ্য ব্যবস্থা করা কর্তব্য। এতদর্থে গরম জল, তরল জলবালী, ছদ্মবালি, ইত্যাদি দিতে পারা যায়। রোগীর অবস্থা বুঝিয়া ক্রমশঃ বালী একটু ঘন করিয়া দেওয়া কর্তব্য। অতঃপর এসেন্স অব মুসুরী, গন্ধভাঙ্গলের খোল দিয়া পোড়ের ভাত ব্যবস্থায়।

থাগামী বারে বিভিন্ন প্রকৃতিবিশিষ্ট অগ্নাশ্র কলেরা রোগীর চিকিৎসা-বিবরণ উল্লিখিত হইবে।





## হোমিওপ্যাথিক অংশ।

২০শ বর্ষ।

১০৩৪ সাল—চৈত্র।

১২শ সংখ্যা।

### ফুস্ফুসীয় পীড়ায় ব্যবহার্য ঔষধ সমূহের প্রভেদ নির্ণয় ও প্রয়োগ-বিচার।

লেখক—ডাঃ শ্রীসীতানাথ ভট্টাচার্য H. L. M. S.

সাতগ্রাম শরচ্চন্দ্র দাতব্য চিকিৎসালয় ঢাকা।

(পূর্বে প্রকাশিত ৯ম সংখ্যার ৪১০ পৃষ্ঠার পর হইতে)

#### ৪। স্পঞ্জিয়া (Spongia)

স্পঞ্জিয়ার (Spongia) বিষক্রিয়ায় স্বরধ্বজের প্রদাহ ও উহা ক্ষীণ হইয়া, উহার শুষ্কতা নিবন্ধন গলা কণ্ঠন ও আলা সহযোগে শ্বাসক্রিয়ার প্রতিবন্ধকতা, স্বরভঙ্গ; শুষ্ক কঠিন, কুকুর রববৎ কাশির উদ্বেক হইয়া থাকে। এই কাশি রাত্রিতে বৃদ্ধি হয়। এইরূপ স্থলে স্পঞ্জিয়া প্রয়োগে যে কিরূপ সফল হয়, নিম্নস্থ রোগীর বিবরণে তাহা প্রদর্শিত হইল।

রোগী—জনৈক স্ত্রীলোক। বয়স ২২।২৩ বৎসর। এই স্ত্রীলোকটির হৃদয়া কাশি হওয়ায় আমার চিকিৎসাধীন হয়। গুণিলাম—সময় সময় তাহার গলা কণ্ঠনসহ কঠিন শুষ্ক কাশির উদ্বেক হইয়া, অত্যন্ত কষ্ট হইয়া থাকে। কাশির শব্দ—ঠিক যেন স্বরভঙ্গ বিশিষ্ট কুকুর রববৎ। রোগিনী বলিল—তাহার গলার ভিতরে যেন ফুলিয়াছে এবং আলা অধুভূত হইতেছে। রোগিনীর এবিধ লক্ষণ স্পঞ্জিয়ার (Spongia) চরিত্রগত (Characteristic Symptoms) প্রধান লক্ষণ বলিয়া, আমি স্পঞ্জিয়া ৬x ক্রম, ১ ফোঁটা মাত্রায় ৪ ঘণ্টা অন্তর ১ বার সেবনের ব্যবস্থা দিলাম। ইহাতে তৎপর দিন হইতে ক্রমশঃই কাশির বেগ হ্রাস হইয়া, অল্পদিনের মধ্যেই রোগিনী সুস্থ হইয়াছিল।

#### ৫। নক্সভমিকা (Noxvomica)

নক্সভমিকার (Noxvomica) বিষক্রিয়ায় শ্বাসধ্বজে প্রদাহ, এবং নিঃশ্বাস ক্রিয়া পরিবর্তিত হওয়াতে, শুষ্ক প্রতিশ্রায়ের ঞায় এক প্রকার অবস্থা জন্মে। তদরূপ স্বরভঙ্গ ও তাহা কর্কশ হয়। এতদ্ব্যতীত গলার ভিতর টাচিয়া ফেলার মত বোধ, মধ্য রাত্রি হইতে প্রাতঃকাল পর্যন্ত ক্লাস্তিজনক শুষ্ক কাশি—কাশিতে কাশিতে মাথা ব্যথা, যেন মাথা কাঁটিয়া যাইবে এরূপ অস্বস্তি হয়। কিছু খাইলে কাশির বৃদ্ধি এবং কাশিতে যে গয়ের (Cough) উঠে, তাহা নিষ্ঠান্বাদযুক্ত। কোন কোন রোগীতে এতৎসহ কোষ্ঠবদ্ধ

( Constipation ) অথবা অঙ্গীর্ণতা ( Dyspepsia ) থাকে। এরূপস্থলে নক্সভমিকা দ্বারা বিশেষ উপকার পাওয়া যায়। একটা রোগীর বিবরণ এস্থলে উদ্ধৃত হইল।

• রোগী—ইছবপুর নিবাসী কৈলাস রাম মিত্র। বয়স ২৫।২৬ বৎসর। ইনি প্রায় এক মাস যাবত দুর্দমা কাশিতে আক্রান্ত হইয়া, জনৈক এলোপ্যাথিক ডাক্তার দ্বারা ১৫।১৬ দিন চিকিৎসিত হইন, কিন্তু তাহাতে কিছুমাত্র উপকার না পাওয়ায়, আমার চিকিৎসায় আসেন। শুনিলাম—মুর্দ্ধ রাত্রির পর হইতে প্রাতঃকাল পর্যন্ত ভয়ঙ্কর শ্রান্তিক্রমক শুষ্ক কাশি আরম্ভ হইয়া, কাশির সঙ্গে সঙ্গে মাথা ব্যথা এত প্রবল হইতে থাকে, যেন মাথা ফাটিয়া যাইবে বলিয়া বোধ হয়। তা ছাড়া যখন যাহা কিছু আহাৰ করে, তখনই কাশির বৃদ্ধি হইয়া থাকে এবং কাশিতে যে গয়ের (cough) নিঃসৃত হয়, তাহার স্বাদ মিষ্ট। ক্ষুধা কম। রোগের আক্রমণ অবধি কোষ্ঠ পরিষ্কার হয় না। রোগীর উল্লিখিত অবস্থা শুনিয়া নক্সভমিকা ৬x ( *Noxvomica 6x* ) ১ ফোঁটা মাত্রায়, ৩ ঘণ্টা অন্তর প্রতিমাত্রা সেবনের ব্যবস্থা করিয়া ৮ মাত্রা ঔষধ দিলাম। এরূপ ২দিন ঔষধ দেওয়ার পর ক্রমশঃই রোগের হ্রাস হইতে দেখিয়া, তদনুসারে ঔষধ সেবনের সময় দীর্ঘকাল করিয়া দিয়াছিল। এই চিকিৎসাতে রোগী ১০।১২ দিবসের মধ্যেই সম্পূর্ণ আরাম হইয়াছিলেন।

### ৬। কোনিয়াম ম্যাকুলেটম ( *Conium maculetum* )

কোনিয়ামের বিষক্রিয়ায় গতিশক্তি উৎপাদক স্নায়ুর প্রান্তদেশে পক্ষাঘাতের গ্ৰাণ অবস্থা এবং তদরূপ স্বরযন্ত্র ( Larynx ) ও শ্বাসযন্ত্রের স্নায়ুর পক্ষাঘাত ( Paralysis ) হইয়া শুষ্ক কাশি, কাশির পূর্বে গলাকণ্ঠন—যেন স্বরযন্ত্রের কোন এক স্থান শুষ্ক হইয়া গিয়াছে বোধ হয়। এই কাশি শয়ন, উপবেশন ও হাস্ত করিলে বৃদ্ধি হইয়া থাকে। এইরূপ অবস্থাপন্ন রোগীকে কোনিয়াম প্রয়োগে যথেষ্ট উপকার পাওয়া যায়। নিম্নে একটা রোগীর বিবরণ উল্লিখিত হইল।

• রোগী—দুর্গানগর নিবাসী শ্রীহরিরাম পাল। বয়স ৩৫।৩৬ বৎসর। জনৈক হস্পিট্যাল এসিষ্ট্যান্ট বাবু ৮।১০ দিন যাবৎ ইহাকে চিকিৎসা করিতেছেন। তাঁহার চিকিৎসায় রোগীর পীড়ার কিছুমাত্র উপশম হইতেছে না দেখিয়া, আমি আহূত হই। দেখিলাম—রোগী পুনঃ পুনঃ কাশিতেছে, অথচ কিছুমাত্র গয়ের (cough) উঠিতেছে না। বক্ষ (Chest) পরীক্ষায়, বকের ভিতর যথেষ্ট গয়ের সঞ্চিত আছে, এরূপ অনুমিত হইল না। রোগীকে জিজ্ঞাসা করিয়া জানিলাম যে, বকের ভিতর—অনেক নোচে, যেন অবশের গ্ৰাণ কেমন একটা অনুভূতি হইতেছে। এতৎসহ গলার ভিতর কণ্ঠন উপস্থিত হইয়া, শুষ্ক কাশি হইতে থাকে। অথচ তাহাতে কফ নিঃসৃত হয় না। শুইলে কিম্বা বসিলে কাশির বৃদ্ধি হয়। কেন এরূপ হইতেছে, তাহার কারণ বুঝিতে না পারিয়া, বিশেষ চিন্তায় নিপতিত হইলাম। হঠাৎ মনে হইল, ইহা “কোনিয়ামে”র ( *Conium* )। চরিত্রগত প্রধান লক্ষণ ( *Characteristic Symptom* )। সুতরাং ইহাই রোগীর পক্ষে উপযোগী বিবেচনায়, কোনিয়াম ৬x ক্রম, ১ ফোঁটা মাত্রায়, ৬ মাত্রা ঔষধ দিয়া, উহার প্রতি মাত্রা ৪ ঘণ্টান্তর সেবনের ব্যবস্থা দিলাম।

পরদিন প্রাতেঃ—সংবাদ পাইলাম যে, তৎপূর্ব দিন অপেক্ষা কল্য কাশি কিছু কম হইয়াছে। এদিনও পূর্বোক্ত ঔষধই আরও ৬ মাত্রা দেওয়া হইল। পরদিন প্রাতেঃ শুনিলাম—কল্য কাশি আরও কম এবং বকের ভিতরে যে অবশের গ্ৰাণ একটা অনুভূতি ভাব ছিল, তাহাও আর অনুভূত হয় নাই। পূর্ব ঔষধই নির্দিষ্ট রাখিয়া, রোগের হ্রাস অনুসারে ঔষধ সেবনের সময় দীর্ঘ করিয়া দিলাম। ৮।১০ দিবসে রোগী আরোগ্য হইয়াছিল। (ক্রমশঃ)

## আভ্যন্তরিক পদার্থ বহিস্করণে—সাইলিশিয়া ।

• লেখক—ডাঃ শ্রীরমণীমোহন তালুকদার M D. (Homœo)

( বলরামপুর রামনাথ ফার্মেসী, ময়মনসিংহ )

—:~:~:~:—

শরীরের অভ্যন্তরে কোন স্থানে মাছের কাঁটা, সূঁচ, হাড়ের কণা ইত্যাদি বিধিয়া বা আটকাইয়া থাকিলে, উহাদিগকে নির্গত করাইতে সাইলিশিয়া বিশেষ সাহায্য করিয়া থাকে। একথা এলোপ্যাথিক চিকিৎসকগণ বিশ্বাস না করিলেও, হোমিওপ্যাথিক চিকিৎসকগণের বোধ হয় ইহা অবিদিত নাই। নিম্নে একটা রোগীর বিবরণ প্রদত্ত হইল।

রোগী—জনৈক দোকানদার। ১ দিন এই ব্যক্তি একটা থলে (sac) সেলাই করিতেছিল, হঠাৎ সূঁচটা ভাঙ্গিয়া তাহার হাতের তালুতে উহা বিদ্ধ হয়। সূঁচটি ভাঙ্গিয়া যাওয়ার পরই হাতে ভয়ানক যন্ত্রণা অনুভূত হইতে লাগিল। তৎক্ষণাৎ অভ্যন্তর অস্থিরতা এবং ব্যাকুলতার সহিত লোকটি আমার কাছে দৌড়িয়া আসিল। দেখিলাম— তাহার সমস্ত হাতটা ফুলিয়া উঠিতেছে এবং সোজা করিতে পারিতেছে না। সূঁচটি দৈর্ঘ্যে প্রায় তিন ইঞ্চি লম্বা ছিল। বুঝিলাম—প্রায় এক ইঞ্চি পরিমাণ সূঁচ হাতের তলায় ভাঙ্গিয়া রহিয়াছে। যাহা হউক, আমি তৎক্ষণাৎ তাহার হাতের তলে, যে স্থানে সূঁচটি ভাঙ্গিয়াছে, সেই স্থানে একটা ইন্সিসন (Incision) দিয়া বিশেষ অনুসন্ধান করিলাম, কিন্তু কিছুতেই ভাঙ্গা সূঁচ দেখিতে পাইলাম না। দোকানদারটি বিশেষ নৈরাশ্রের সহিত আমাকে ইহার প্রতিকারের জন্য পরামর্শ প্রিজ্ঞাসা করিল।

আমি তাকে সাব্বনা করিয়া বলিলাম যে, আমি আপনাকে ঔষধ খাওয়াইয়া, সূঁচটা বাহির করিয়া দিব। তখনই সূঁচবিদ্ধ স্থানে টিং আইয়োডিন পেণ্ট (Tinct Iodin paint) করিয়া ‘সিডাম’ ৩০ এবং ‘সাইলিশিয়া’ ৩০, টি শিশিতে এই দুইটা ঔষধ ৩ মাত্রা করিয়া দিয়া, প্রতি মাত্রা তিন ঘণ্টা অন্তর পর্যায়ক্রমে সেবন করিতে বলিয়া দিলাম। আশ্চর্যের বিষয়—২৪ ঘণ্টার ভিতরই হাতের তীর যাতনার উপশম হইল এবং এক সপ্তাহের ভিতরই ভঙ্গ সূঁচ আপনা হইতেই বাহির হইয়া গেল।

অস্ত্রব্যঃ—পদে কিম্বা হস্তে প্রেক্, সূঁচ ইত্যাদি সূঁচিয়া যাওয়া, মশক, বোলতা, ভিমরুল, বৃশ্চিক ও কাঁটাদি এবং ইন্দুর দংশনজনিত সর্বপ্রকার ক্ষতে এবং তক্ষনিত বেদনায় লিডাম অতি উৎকৃষ্ট ঔষধ।

## আর্ন্তবস্ত্রাবের ব্যতিক্রমজনিত দুর্দম্য

### বেদনায়—আর্সেনিক ।

লেখক—ডাঃ শ্রীসুশীল চন্দ্র সরকার L. M. P. (Homœo)

—:~:~:~:—

হোমিওপ্যাথিক ঔষধ্য-তবে এমন অনেক ঔষধ আছে—বাহাদের চরিত্রগত লক্ষণ প্রায় এক প্রকার। কেবল মাত্র ২১১টা লক্ষণ ব্যতিরেকে, উহাদের পার্থক্য নির্ণয় করা সুকঠিন। এইরূপ স্থলে, হোমিওপ্যাথিক চিকিৎসকগণের ঔষধ নির্বাচনকালে পদে পদে ক্রমে পতিত হওয়া বিচিত্র নহে। কলে রোগীও আরোগ্যলাভে বঞ্চিত এবং চিকিৎসকও লোকসমাজে লজ্জিতও অপ্রতিভ হন। হোমিওপ্যাথিক বিজ্ঞানের এইরূপ জটিলতাই

বে, অনেকস্থলে ইহাকে সাধারণের নিকট অবিশ্বাস্ত এবং সহানুভূতিলাভে বঞ্চিত করিয়া তুলিয়াছে, তাহাতে সন্দেহ নাই। নিম্নে আমার একটি চিকিৎসিত রোগীর বিবরণ প্রদত্ত হইল। হোমিওপ্যাথিক ঔষধের পার্থক্য নির্ণয় করিয়া ঔষধ নির্বাচন করিতে কিরূপ ভ্রম হওয়ার সম্ভাবনা, ইহাতে সহজেই তাহা হৃদয়ঙ্গম হইবে।

**রোগী—**অনেক জীলোক। ইহার নিয়মিতরূপে খুতশ্রাব হইত না। ৪:৫ মাস ঋতু বন্ধ থাকিয়া, সামান্য পরিমাণে স্রবি এবং এই সঙ্গে তলপেটে অসহ্য ব্যতনা উপস্থিত হইত।

**বর্তমান অবস্থা।** গত কাঠিক মাসে রোগিনীর উক্ত প্রকারের সামান্য রক্তস্রাবসহ অসহ্য বেদনা আরম্ভ হয়। তলপেটে এরূপ দুঃসহ বেদনা হইতেছিল যে, রোগিনী অনবরত চিৎকার করিয়া ক্রন্দন করিতেছিলেন। এতদসঙ্গে অল্প বর্তমান ছিল। জরীয় উত্তাপ ১০১ ডিগ্রি। রোগিনীর তলপেটে ঞাকড়া গরম করিয়া সেক দেওয়া হইতেছিল, তাহাতে রোগিনী কথঞ্চিৎ উপশম বোধ করিতেছিলেন।

রোগিনীর স্বামী নিকটবর্তী অনেক খ্যাতনামা হোমিওপ্যাথিক চিকিৎসকে চিকিৎসার্থ আনয়ন করেন। চিকিৎসক মহাশয় রোগিনীর উল্লিখিত লক্ষণাবলী দৃষ্টে ম্যাগ ফস ৬x, পরে উহা ১২x, ঔষধ জ্বলিত সহিত ১৫।২০ মিনিট অন্তর সেবনার্থ ব্যবস্থা করিয়া যান। কিন্তু দুভাগ্য বশতঃ, উক্ত চিকিৎসায় কোনই ফল না হইয়া, বেদনা উত্তরোত্তর বৃদ্ধি পাইতে থাকে। পর দিবস রোগিনীর চিকিৎসার্থ আমি আহৃত হই।

**আমি** রোগিনীর লক্ষণসমূহ বিশেষরূপে পর্যালোচনা করিয়া জানিলাম যে, রোগিনীর তলপেটে অত্যন্ত জ্বালা ও বেদনা বর্তমান আছে। তলপেটের উক্তরূপ বেদনা দৃষ্টে আমি **আসেনিক ৩০**, প্রত্যহ ২ মাত্রা করিয়া এবং এতদসহ অনৌষধি পুরিয়া ৪টা দিয়া, উহা প্রত্যহ ২টা করিয়া সেবনের ব্যবস্থা করতঃ, দুই দিনের ঔষধ দিলাম।

আশ্চর্যের বিষয়, উক্ত ঔষধ ২ মাত্রা সেবনের পরই রোগিনী তন্দ্রাভিত্ত হইয়া পড়েন পরে আর ২ মাত্রা ঔষধ সেবনের পর অরত্যাগ হয়। তদবধি রোগিনী ভালই আছেন— আর উক্তরূপ বেদনার পুনরাবির্ভাব হয় নাই। তবে ঋতুশ্রাব নিয়মিত হইতেছে কি না, কোন সংবাদ লইতে পারি নাই।

**অন্তব্য।** রোগিনীর পূর্বে চিকিৎসক মহাশয় ঔষধের পার্থক্য নির্ণয় করিয়া, প্রকৃত ঔষধ নির্বাচন করিতে ভুল করিয়া, অথবা রোগিনীর কি প্রকৃতির বেদনা, পরীক্ষা পরীক্ষা করিতে বিম্বৃত হইয়াই যে, অকৃতকার্য হইয়াছিলেন, তাহাতে অমুমাত্র সন্দেহ নাই।

“উষ্ণতা প্রয়োগে বেদনার উপশম” ম্যাগ্‌ ফস্ ৩ আসেনিক, উভয়েরই চরিত্রগত লক্ষণ, সন্দেহ নাই। কিন্তু উভয়ের মধ্যে প্রভেদ এই যে, আসেনিকের ঞায় ম্যাগ ফসে জ্বালা দেখিতে পাওয়া যায় না। যেখানে জ্বালায়ুক্ত বেদনা, উষ্ণতা প্রয়োগে উপশম হয় সেখানে আসেনিক এবং যেখানে জ্বালা না থাকে, সেখানে ম্যাগ ফস প্রয়োগ করা বিধেয়।

প্রত্যেক চিকিৎসককেই ঔষধের চরিত্রগত লক্ষণের উপর বিশেষ দৃষ্টি রাখিয়া, ঔষধের পার্থক্য নির্ণয় করতঃ, ঔষধ নির্বাচন এবং রোগী পরীক্ষাকালে রোগীর প্রত্যক্ষ ও অমুবোধ্য, এই উভয় প্রকার লক্ষণের উপরই বিশেষ দৃষ্টি রাখা কর্তব্য। কারণ, এইরূপে ঔষধ নির্বাচনের উপরেই, চিকিৎসকের কৃতকার্যতা নির্ভর করে।







